

# **Yusugât Pat Âlep Den**

**The New Testament in the Timbe  
language of Papua New Guinea**

**Nupela Testamen long tokples  
Timbe long Niugini**



# Yusugât Pat Âlep Den

The New Testament in the Timbe language of Papua New Guinea  
[tim]

Translation by Wycliffe Bible Translators

© 1987 Wycliffe Bible Translators, Inc.

Print publication, 1987 Bible League International

Web version

© 2015, Wycliffe Bible Translators, Inc.

<http://www.Wycliffe.org>

<http://pngscriptures.org>

<http://www.ScriptureEarth.org>



Creative Commons license (Attribution-Noncommercial-No Derivative Works)

<http://creativecommons.org/licenses/by-nc-nd/3.0>

**Your are free to share** — to copy, distribute and transmit the text under the following conditions:

- **Attribution.** You must attribute the work to *Wycliffe Bible Translators* (but not in any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long as you don't change any of the text or punctuation of the Bible.

**Notice** — For any reuse or distribution, you must make clear to others the license terms of this work.

## Tok Orait

Dispela Buk Baibel i kam wantaim tok orait na lo bilong Creative Commons Attribution-Noncommercial-No Derivative Works license. Em i tok olsem **yu ken givim kopi long narepela manmeri.** Yu ken wokim kopi na givim long husat i laikim. Tasol, yu mas tok kliã dispela samting i kam long <http://tokplesbaibel.org>. Yu no ken kisim mani na salim dispela. **Yu mas givim nating.** Na tu, **yu no ken senisim Tok.**

Ol piksa i kam wantim ol Baibel na narapela buk i stap long dispela sait i gat tok orait long usim wantaim dispela samting tasol. Sapos yu laik narapela tok orait, yu mas askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela.**

Olgeta tok orait na lo long tok ples English i stap long

<http://creativecommons.org/licenses/by-nc-nd/3.0>

Sapos yu gat askim long dispela, **plis askim mipela.**

# Esenje ire eknet

*esenje*

Mataio . . . . .	.Mat . . . . .	5
Mareko. . . . .	.Mar . . . . .	78
Luka . . . . .	.Luk . . . . .	120
Yohane. . . . .	.Yoh . . . . .	194
Aposolo . . . . .	.Apo . . . . .	246
Roma. . . . .	.Rom. . . . .	320
1 Korinti . . . . .	.1 Kor . . . . .	350
2 Korinti . . . . .	.2 Kor . . . . .	383
Galatia . . . . .	.Gal . . . . .	405
Epeso. . . . .	.Ep. . . . .	416
Pilipi . . . . .	.Pil. . . . .	427
Kolosai . . . . .	.Kol . . . . .	435
1 Tesalonike . . . . .	.1 Tes . . . . .	444
2 Tesalonike . . . . .	.2 Tes . . . . .	451
1 Timoteo . . . . .	.1 Tim . . . . .	455
2 Timoteo . . . . .	.2 Tim . . . . .	464
Tito . . . . .	.Tit. . . . .	470
Pilemoņ . . . . .	.Plm . . . . .	474
Hebraio . . . . .	.Heb . . . . .	476
Yakobo. . . . .	.Yak . . . . .	501
1 Petoro . . . . .	.1 Pet . . . . .	510
2 Petoro . . . . .	.2 Pet . . . . .	520
1 Yohane. . . . .	.1 Yoh . . . . .	526
2 Yohane. . . . .	.2 yoh . . . . .	534
3 Yohane. . . . .	.3 Yoh . . . . .	536
Yuda . . . . .	.Yud . . . . .	538
Den hulaņ agep . . . . .	.Den . . . . .	541



# Mataio

---

## Yesugât hakulupŋe yâk yengât kot.

**1** <sup>1</sup>Yuda luâk âmbâle areyengât hakuyeŋe kotŋe Abraham yâkgât bâgiŋe siâ kotŋe Dawidi aregât bâgiŋe siâ kotŋe Yesu Anutuŋe huŋgunanŋo giep amâ yâkgât hakulupŋe are kotyeŋe hin. <sup>2</sup>Ulik ulik luâk kotŋe Abrahamŋe nanŋe kotŋe Isaka miep. Isakaŋe humo akmâ âmbâle mendo nanŋe kotŋe Yakobo miep. Yakoboŋe humo akmâ âmbâle mendo nanŋe kotŋe Yuda miep. Akto nananŋupŋe siânba meyegep. <sup>3</sup>Akto Yudaŋe humo akmâ âmbâle kotŋe Tama erânŋe mendo nanlogâtŋe lâuwâ meyeleget, kotyetŋe Perese akto Sera. Akto Pereseŋe humo akmâ âmbâle mendo nanŋe kotŋe Hesoroŋ miep. Hesoroŋŋe humo akmâ âmbâle mendo nanŋe kotŋe Ram miep. <sup>4</sup>Ramŋe humo akmâ âmbâle mendo nanŋe kotŋe Aminadaba miep. Aminadabaŋe humo akmâ âmbâle mendo nanŋe kotŋe Nasonŋe miep. Nasonŋe humo akmâ âmbâle mendo nanŋe kotŋe Salamoŋ miep. <sup>5</sup>Salamoŋŋe humo akmâ âmbâle kotŋe Rahaba mendo nanŋe kotŋe Boasi miep. Boasiŋe humo akmâ âmbâle kotŋe Ruti mendo nanŋe kotŋe Obede miep. Obedeŋe humo akmâ âmbâle mendo nanŋe kotŋe Yese miep.

<sup>6</sup>Yeseŋe humo akmâ âmbâle mendo nanŋe kotŋe Dawidi miep. Dawidiŋe luâk koldâ akmâ malep. Sop ain Dawidiŋe Urigât âmbâle kambut mendo nanŋe kotŋe Salomo miep. <sup>7</sup>Salomoŋe humo akmâ âmbâle mendo nanŋe kotŋe Rehabeam miep. Rehabeamŋe humo akmâ âmbâle mendo nanŋe kotŋe Abia miep. Abiaŋe humo akmâ âmbâle mendo nanŋe kotŋe Asa miep. <sup>8</sup>Asaŋe humo akmâ âmbâle mendo nanŋe kotŋe Yosapata miep. Yosapataŋe humo akmâ âmbâle mendo nanŋe kotŋe Yoram miep. Yoramŋe humo akmâ âmbâle mendo nanŋe kotŋe Usia miep. <sup>9</sup>Usiaŋe humo akmâ âmbâle mendo nanŋe kotŋe Yotam miep. Yotamŋe humo akmâ âmbâle mendo nanŋe kotŋe Ahasi miep. Ahasiŋe humo akmâ âmbâle mendo nanŋe kotŋe Hisikia miep. <sup>10</sup>Hisikiaŋe humo akmâ âmbâle mendo nanŋe kotŋe Manase miep. Manaseŋe humo akmâ âmbâle mendo nanŋe kotŋe Amoŋ miep. Amoŋŋe humo akmâ âmbâle mendo nanŋe kotŋe Yosia miep. <sup>11</sup>Yosiaŋe humo akmâ âmbâle mendo

nanje kotje Yekonia miep. Akto emilupje meyegep. Akto sop ain kepia humo kotje Babilonj aregât ambolupjande togom Yuda luâk hikom meyegi. Akto luâk âmbâle meyekmâ purik katmâ kewuguyekbiâ Babilonj kepiar arim hoj bawa akyengim mali.

<sup>12</sup>Babilonj hânân mali aregât kakjân Yekoniaje âmbâle mendo nanaj kotje Salatje miep. Salatjeje humo akmâ âmbâle mendo nanaj kotje Serubabe miep. <sup>13</sup>Serubabeje humo akmâ âmbâle mendo nanaj kotje Abiudu miep. Abiuduje humo akmâ âmbâle mendo nanaj kotje Eliakim miep. Eliakimje humo akmâ âmbâle mendo nanaj kotje Aso miep. <sup>14</sup>Asoje humo akmâ âmbâle mendo nanaj kotje Sadoko miep. Sadokoje humo akmâ âmbâle mendo nanaj kotje Akim miep. Akimje humo akmâ âmbâle mendo nanaj kotje Eliudu miep. <sup>15</sup>Eliuduje humo akmâ âmbâle mendo nanaj kotje Eleasa miep. Eleasaje humo akmâ âmbâle mendo nanaj kotje Mataj miep. Matajeje humo akmâ âmbâle mendo nanaj kotje Yakobo miep. <sup>16</sup>Yakoboje humo akmâ âmbâle mendo nanaj kotje Yosepe miep. Are humo akmâ Mariagât dâtâje dâmbiâ malep. Akto Mariaje Yesu miep yâk âmâ, “Anutuje huŋgun aŋdo giep.” hain dâmaen. <sup>17</sup>Akto hain miawakmâ gayi, are Abraham yâkgâlânba miawakmâ gam Dawidi miawagep are luâk kâmotje kâmotje miawakmâ gambiâ gambiâ luâk kâmotje 14 agep. Akto luâk kotje Dawidi ainba gam Babilonj hânân mali are âmâ luâk kâmotje kâmotje miawakmâ gambiâ gambiâ akai hainâk 14 agep. Akto ainba gam Anutuje nanje Kristo huŋgun aŋdo gem hânân miawagep are âmâ kâmotje kâmotje miawakmâ gambiâ gambiâ akai hainâk 14 agep.

### Yesu miawagep.

<sup>18</sup>Akto Anutuje Yesu Kristo huŋgun aŋdo gem Mariagât tepjân meawakto Mariaje miep aregât keje amâ hin tatâp. Memeje Maria amâ Yosepegât dâtâje malep. Ikijeâk ikijeâk manbela âmâ Anutugât Wâtjande memeje agaŋdo luâkje olop bo peniangim maliat. Yân potalakmâ manbela âmâ tepje agep. <sup>19</sup>Tepje agep aregât Yosepeje Anutugât den lokom malepgât biwiŋande hin nâŋgâep, “Nâŋgât dâtâje luâk siâje miep gârâmâ luâk unduwâk dewunyeŋân watere aŋun aŋgiwop dâm aregât yoŋâk watbe.” hain nâŋgâep. <sup>20</sup>Hain akmâ benje aregât nâŋgâm mando asiŋân Humogât aŋelo siâje hin dâm maganej, “Yosepe gâ Dawidigât hakuje hin makgindere nâŋgâ. Anutugât Wâtjande meme agaŋdo Maria tepje aktâp aregât memberâm hanâk han lâuwâ bo akben. Hanâk oloŋmâ emetgân katmâ siân memben. <sup>21</sup>Dâ hinje âmâ bo mendâlân Anutugât Wâtjande meme agaŋdo nanje membiap amâ yâkgât kotje Yesu dâm konben. Akto kot aregât keje hin. Yâkgât kâmot bâleje akmai aregât dosa pulimbo aregât Anutuje yekto huraguwiap.” Aŋeloje hain dâm maganejmâ hepulep. <sup>22-25</sup>Hain dâm

magaŋmâ hepundo Yosepeŋe agatmâ den are lokom Maria gala agaŋmâ malep. Hain mando nanŋe mendo Yosepeŋe kotŋe Yesu dâm kolep. Akto ainba peniaŋgim maliat. Akto Anutuŋe aregât keiŋe miawagâk dâm ulikŋân makto Propete siâŋe hin kulengoep, “Âmbâle sigan siâŋe nanŋe siâ membiap aregât kotŋe Imanue dâm konbai.” dâm kulengoep. Kot aregât keiŋe amâ hin, Anutuŋe nen olop manmap.

**Luâk nâŋgâ nâŋgârâŋe Yesu nanaŋ togom egi.**

**2** <sup>1</sup>Luâk kotdâ siâ kotŋe Herote are malep sop ain Maria akto Yosepe Betelehem kepia Yudaia hânân talewân ain manbela Mariaŋe Yesu miep. Mendo manbiâ luâk nâŋgâ nâŋgâyeŋe olop diâgât keiŋe nâŋgâyiŋe dewutâ gagaŋâŋenba togom Yerusalem kepia Yesu miawagep aregen togom ambolupŋe aiyengum hin dâyi, <sup>2</sup>“Nanaŋ siâ Yuda yeŋgât kembu miawagep aregât diâ kâmŋe dewutâ gagaŋâŋen ain miawakto ekten. Ekmâ kotŋe mem agatne dâm diâ watmâ hân kâlêwâŋenba togoen aregât emet yâten miawaktâp?” hain dâyi. <sup>3</sup>Hain dâmbiâ luâk kotdâ Herote arekŋe hamep akto kepia ambolupŋande nâŋgâm sân sân meyi. <sup>4</sup>Akto Heroteŋe sumbe kat kat luâk areyeŋgât humomolupyeŋe akto Mosegât den kârikŋe makmâ kepigi are mem mendugu yekmâ hin dâm aiyenguep, “Yeŋe Anutuŋe huŋgun aŋdo gewiap arekŋe kepia wânâŋen miawakbiap dâmai?” hain dâm aiyenguep. <sup>5-6</sup>Hain dâm aiyengumbo hin dâyi,

“Anutuŋe makto propete siâŋe hin kulengoep, “Luâk kembu siâ Betelehem kepia bâlensiâ Yudaia hânân talewân ain miawakbiap. Miawakmâ manmâ nâŋgât kâmot Israe luâk âmbâle yeŋgât kautyeŋe manmâ damunyeŋe akbiap aregât Betelehem kepia bâlensiâ aregât nâŋgâmbiâ agatbiap.” den hain kulengoep aregât Anutuŋe huŋgun aŋdo gewiap yâkgât hin nâŋgâen Betelehem kepien Yudaia hânân miawakbiap.” dâyi.

<sup>7</sup>Den hain dâmbiâ Heroteŋe nanaŋ are hombaŋ amon agep aregât nâŋgâwerâm luâk nâŋgâ nâŋgâyeŋe olop diâ keiŋe nâŋgâyi are yoŋâk mem oloŋyegep. Oloŋyekmâ diâ miawagep aregât sopgât aiyenguep. Aiyengumbo sop magaŋbiâ hin makyengiep, <sup>8</sup>“Betelehem kepia ain ariŋet. Ain arim yeŋe kârikŋe akmâ nanaŋ are undâgât mâ mem miawakmâ âmâ togom kepia yâgâten miawagep are makniŋbiâ nâkâ hainâk arim âmâ kotŋe mem agatbian.” dâm heyengiep.

<sup>9</sup>Hain dâm heyengimbo ariyi. Dâwân arim dewutâ gagaŋâŋen hân yeŋâŋen diâ kâmŋe are miawakto egi are siâkâ miawakmâ pagaleŋe yeŋgimbo watmâ arimbiâ nanaŋ talep aregât emet kakŋân kârigem talep. <sup>10</sup>Tato ekmâ aregât kambiamyeŋe herone humo nâŋgâyi. <sup>11</sup>Akto emelan âgâm Mariaŋe nanŋe tambogo akmâ tato yelekmâ nanŋe okot âlep agaŋmâ pâwutyeyeŋe ligim kotŋe mem agali. Mem agatmâ

ito lândem katmâ tâwât dewunŋe siâ me siâyene mem togoyi are akto goli akto lâwin hâkŋe âlepŋe are akto lâwin hâkŋe siâ siâ are waŋi. <sup>12</sup> Waŋmâ tatmâ asiŋ yem hin egi. Anutuŋe Herotegâlân bo purik katŋet dâm asiŋân miawakyenŋimbo agatmâ dâp siângenba purik katmâ kepiayenŋangen ariyi.

<sup>13</sup> Purik katmâ arimbiâ Yosepeŋe asiŋ yendo Kembangât aŋelo siâŋe miawagaŋmâ hin dâm magaŋep, “Nâŋgât. Heroteŋe Mariagât nanŋe moâk dâm komberâm aregât undâgâtmandâp aregât agatmâ nanaŋ meŋâi meyelekmâ Aigita hânân arim nâŋgât dengât lâmgom manben.” dâep. <sup>14</sup> Hain dâmbo Yosepeŋe agatmâ nanaŋ meŋâi meyeleкто hândâkŋânâk Aigita hânângen agatmâ ariyi. <sup>15</sup> Akto ulikŋân Humoŋe den siâ propete siâgât biwiŋân kato kulemgoep are hin, “Nâŋe nanne konmâ oloŋdere Aigita hân hepunmâ purik katmâ togowiap.” den are bunŋe agep aregât Yosepeŋe Herote mombiawân âmâ purikatbian dâm Aigita hânân lâmgom malep.

### Heroteŋe makto nanaŋ gurukŋe yenguyi.

<sup>16</sup> Akto luâk diâgât keiŋe nâŋgâyiŋe Herote are bo miawagaŋmâ arimbiâ nâŋgâm biwiŋe bâlimbo kuk agep. Akto luâk diâ keiŋe nâŋgâyiŋe Kotdâ Nanŋe miawagep aregât sop dâm miawakmâ magaŋi aregât nâŋgâm tembe luâklupŋe are huŋgun yengimbo Betelehem kepia ain ariyi. Arim are ewumâk ewumâk kepia bâleŋ maleŋ tali ain nanaŋ miawagi are hombaŋ lâuwâ bo akyenŋiep are hârogâk yengumbiâ moyi. <sup>17</sup> Akto emelâk propete Yeremiaŋe den hin kulemgoep are bunŋe agep,

<sup>18</sup> “Siân âmbâle siâ kotŋe Rahe yâkgât hakulupŋe Rama kepiân manbai are siânbaŋe nanaŋlupyeŋe yengumbiâ mombai aregât nâŋgâm inde humo indewai. Aregât luâk âmbâle bikŋande kambiamyeŋe sândugeâk dâm okot âlep akyenŋimbiâ kambiamyeŋe bo sândugewiap.” hain dâm kulemgoep.

Den are bunŋe akto Heroteŋe makto nanlupyeŋe yengumbiâ memelupyeŋe Rama kepiân Betelehem ginŋân talep ain indeyi.

### Herote mondo purik katmâ togoyi.

<sup>19</sup> Akto Herote mondo, Yosepe Aigita hânân manmâ giwet ekto Humogât aŋelo siâŋe miawakmâ den hin magaŋep, <sup>20</sup> “Emelâk gasa akyenŋim Mariagât nanŋe kone dâm agi are hârok moyigât agatmâ nanaŋ meŋâi meyelekmân Yudaia hânân purik katmâ ariŋet.” dâep. <sup>21</sup> Hain dâm hepundo Yosepeŋe nanaŋ meŋâi are meyeleкто Yudaia hânân purik katmâ togoyi. <sup>22</sup> Purik katmâ togombiâ den hin dâmbiâ Yosepeŋe nâŋgâep, “Herote are mondo nanŋe kotŋe Akelao are eweŋaet gewâkŋân kinmâ Yudaia yengât luâk kotdâ mandâp.” dâmbiâ nâŋgâep. Den are nâŋgâm hamewakmâ Yudaia hân ain manberâm han lâuwâ agep.



Hain akto giwelân Anutuŕe miawagaŕmâ maganŕo Yudaia hân hepunmâ Galilaia hânân ariyi. <sup>23</sup>Galilaia hânân arim kepia siâ kotŕe Nasarete ain arim mali. Ain arim manbiâ aregât umbuŕân Anutugât propetelupŕande den kulemgoyi aregât bikŕe hin tatâp, “Yâk âmâ Nasarete kepia ain gâtŕe.” hain tatâp. Den are bunŕe akto Yesuŕe Nasarete kepiân malep.

**Yohaneŕe âi keiŕe katmâ den dâm makyenŕiep.**

**3** <sup>1</sup>Aregât hamiŕân Yohane tu puli puli luâk yâkŕe âi keiŕe katmâ Yudaia hân kamitŕânŕen arim mando luâk âmbâle ekberâm arimbiâ hin dâm makyenŕiep, <sup>2</sup>“Anutuŕe damunyeŕe akberâm aktâp aregât agak memeyeŕe bâleŕe makmâ miawakmâ panmâ han biwiyeŕe purik katŕet.” hain dâm makyenŕiep. <sup>3</sup>Akto ain manmâ den dâm makyenŕimbo aregât emelâk propete kotŕe Yesaiaŕe hin kulemgœp den are bunŕe agep.

Hân kamitŕânŕen luâk siâ hin dâm tatbiap, “Ye kotdâgât dâp are megatŕet. Akto gimbâŕe ukuleŕe me kundet kokoŕe hâgâm kigilikmâ ârândân ketugumbiâ dâp huraguâk.”

Den magep are bunŕe miawakto Yohane miawagep.

<sup>4</sup>Akto Yohaneŕe âmâ hâk pekeŕe siâ soŕgo kamele aregât dumutŕande mendugum paruli are mem luguakmâ malep. Akto himbân tâkŕe siâ lalep. Akto sotŕe âmâ mumak koaŕe akto duki kotŕe kendemuŕ are nem malep. <sup>5</sup>Hân kamitŕânŕen are mando Yudaia hân ambolupŕe akto Yerusalem aregât ambolupŕe akto Yodaŕ tu biken biken tatmâ ariyi aregât ambolupŕande kepia ainba denŕe nânŕâne dâm yâkgâlân togom menduguyi. <sup>6</sup>Mendugu akmâ tatmâ yeŕaet agak memeyeŕe bâleŕe are makmâ miawakmâ panbiâ meyekmâ Yodaŕ tuân meyekmâ gem tu puliyekminep.

<sup>7</sup>Akto Parisaio akto Sadukaio are yeŕgât kâmolân gâtŕe luâk âmbâle dondâŕe tu pulinenegâk dâm yâkgâlân togombiâ yekmâ hin dâm makyenŕiep, “Ye âmâ niambigât kâmot. Bundâk biwiyeŕe purikato togoâi me? <sup>8</sup>Agak memeyeŕe bâleŕe are panbiâ âmâ han biwiyeŕe Anutugâlânâk kindo aregât bunŕe hainare âlepŕeâk akmâ biwiyeŕe irakŕeâk manŕet. <sup>9</sup>Akto biwiyeŕande hin bo nânŕgâŕet, “Nen Abrahamgât kâmot manden.” hain bo nânŕgâŕet. Aregât maktere nânŕgâŕet. Anutuŕe dâwiap, “Kât irekŕe Abrahamgât kâmot miawakŕet.” dâmbô âmâ âlepŕe miawakbai. <sup>10</sup>Akto hâuŕe ye yeŕgiwiap, aregât den ginŕe siâ maktere nânŕgâŕet. Luâk siâŕe unam are emelâk dâtŕe hâwim lâwin keiŕân kalep are lâwin siâ bunŕe bo yendo kârâm pando gembo kâlâwân ombiâ ombiap.

<sup>11</sup>Akto agak memeyeŕe bâleŕe makmâ miawakmâ hepunbiâ âmâ biwiyeŕe Anutu ikiŕaelân ari kindo aregât nâŕe tuân katyekberân. Hain katyekmâ mandân are âmâ luâk siâ haminânŕen togom mandâp aregât kâririkŕe humo talaŕdâp. Yâk âmâ luâk Kotdâ. Dâ nâmâ luâk yânŕe aregât

nâñe yâkgât ito are mem gâunmâ goliañbeangât dopñe bo. Yâkñe âmâ Anutugât Heak akto kâlâp puliyekbiap. <sup>12</sup>Yâk gagap urutbiapgât mem togom sot koko welamñe ain gagap urutmâ hengemgom âmâ sot bunñeâk kepilâm emelan kato tatbiap. Dâ gagapñe âmâ urutmâ ondo kâlâwân ombiap.” hain dâep.

### Yohaneñe Yesu tu puliep.

<sup>13</sup>Sop ain Yesuñe Galilaia hân hepunmâ arim Yodañ tuângen ariep. Arim Yohaneñe tu puli negâk dâm ariep. <sup>14</sup>Arim Yohane magañdo Yohaneñe nâñgâmbô umatñe akto Yesugât den are mem ge katbe dâm hin dâep, “Gâñe nâ tu pulinekberâm nâñgâlân togoât are ârândân bo aktâp. Gâñe âmâ nâ tu pulinekmenâ dâine ârândân akbop.” <sup>15</sup>Hain dâmbo dâep, “Uñak Anutuñe nâñgâp aregât nâñgâmenâ umatñe bo agâk. Akto netñe Anutugât den lokoetñe aregât Anutuñe nâñgâmbô ârândân akberâp.” hain dâep. Hain dâmbo Yohaneñe nâñganep. <sup>16</sup>Nâñganmâ tu pulimbo agatmâ âgâmbô ainâk himbim dâpñe pâronñ âgâmbô Anutugât Heak arekñe lâut kotñe kembâ hain are akmâ Yesugât kakñân gembo egep. <sup>17</sup>Gembo ainâk himbimânba Anutuñe den siâ hin dâep, “Ekñet. Imâ nâñgât nanne. Kambiamne are yâkgâlâk nâñgâm manman aregât ekmâ ukenñe nâñgân.” dâep.

### Hiañgi Amboñande Yesu dop kombo âmâ Yesuñe kârikñe agep.

**4** <sup>1</sup>Akto sinduk baniara bâleñe yengât humoyeñe Hiañgi Amboñe arekñe Yesu biwiñe dop kowerâm agep aregât Anutugât Heakñe Yesu oloñdo hân kamitñângen ariep. <sup>2</sup>Ain arim sot bâlâk mando hilâm hândâk 40 bo akto mopñe dondâ aguep. <sup>3</sup>Mopñe agumbo âmâ Hiañgi Amboñe arekñe yâkgâlân arim hin magañep, “Gâ bunñe Anutugât nanñe mandât akto mopge aguâpgât makmenâ kât irekñe sot akto ne.” hain dâm magañep. <sup>4</sup>Magañdo Yesuñe hin dâep, “Bo. Anutuñe den hin makto kulemgoyi are yendâp, “Luâkñe sotgâlâk dâm mando âmâ manmanñe bo miawakbiap. Anutugât denñe mem lokomâk mando manmanñe ârândân akbiap.” hain kulemgoyi.” dâep. <sup>5</sup>Hain dâmbo Yesu mem Yerusalem kepia humoân sumbe kat kat emetñe talep aregât bokñân oloñdo âgâep. <sup>6</sup>Âgâ kato kindo hin dâm magañep, “Anutuñe makto siâ hin kulemgoyi tatâp, “Anutuñe kâlân gugum keige hârewopgât añelolupñe huñgun yengimbo mengekbiâ bo guguwerâp.” den hain tatâp aregât gâ Anutugât nanñe mandân dâmat amâ inba sopanmenâ añeloñe mengekñet.” dâep. <sup>7</sup>Dâmbo Yesuñe dâep, “Bâe. Hain bo. Anutuñe makto siâñe hin kulengoep, “Anutu Humoge bo dopkowen.” Den hain tatâp aregât lauge bo lokowerân.” dâep. <sup>8</sup>Hain dâmbo mem gimbâñe kâlep siân oloñdo âgâep. Âgâm kindo ain hânñe hânñe luâk kâmotñe kâmotñe kotdâlupyene manmâ ariyi are yengât kotñe egâliah siâ siâ keñe keñe are hekalanmâ hin dâep, <sup>9</sup>“Nâñe

ire hârok damunyeŋe akman. Aregât gâ ga okotnân kinmâ ulit niŋmâ nânġât nânġâmenâ agato damunyeŋe kat gektere damunyeŋe akbiat.” dâep. <sup>10</sup>Hain dâm magaŋdo Yesuŋe hin dâep, “Bâe. Hain bo. Anutuŋe den siâ hin dâep are tatâp, Anutu Humoge konok gala agaŋmâ hoŋ agaŋmâ akto ikiye den lokoanmâ kotŋe mem agatben. Den hain tatâp aregât ya maktât are bo lokowerân. Hiaŋgi Amboŋe, gâmâ hepun nekmâ ari.” dâep. <sup>11</sup>Dâmbo hepunmâ ariep. Arimbo Yesu hân kamitŋangen tato aŋelolupŋe togom hoŋ agaŋmâ tângoyi.

**Yesuŋe Galilaia hânân ari manmâ Anutugât  
den dâm makyenġim malep.**

<sup>12</sup>Akto aregât kakŋân hân aregât luâk kotdâ Heroteŋe dâmbo Yohane mem lope kâlegen katbiâ talep aregât pat Yesuŋe nânġâm Galilaia hânânġen ariep. <sup>13</sup>Ain arim âmâ Nasarete kepia are hepunmâ Kapanaum kepien ain arim tatmâ malep. Akto Kapanaum kepien ain denġân humo siâ kotŋe Galilaia denġân aregât dâtŋân tatmap. Akto denġân are hân lâuwâ kotyetŋe Sebuloŋ akto Naptali are yetgât ginŋân tatmandat. <sup>14</sup>Akto Yesuŋe kepia ain ariep aregât emelâk Anutuŋe dâmbo propete Yesaiaŋe den hin kulemgoep are bunŋe agep,

<sup>15</sup>“Sebuloŋ akto Naptali hân are Galilaia luâk âmbâleŋe Anutu bo nânġanmai yâk yeŋġâlai denġân akto Yodaŋ tu biken tatmandat.

<sup>16</sup>Areyetgât ambolupŋande Anutugât bonânġâm manmai. Hain manbiâ biwiyenġe gisap agum hândâġân yendo pagalenġande siliŋ siliŋ dâm ewuyekto biwiyenġe pâroŋ âġâwiap. Akto ain hilip aguwai aregât pat katyenġiep yâk yeŋġâlân pagaleŋe humo miawakto biwiyenġe pâroŋ âġâwiap.”

den are hain tatâp. Den are bunŋe miawakto Yesuŋe ain malep.

<sup>17</sup>Ain manmâ keiŋe katmâ hin dâm makyenġiep, “Anutuŋe damunyeŋe akberâm aktâpġât agak memeyeŋe bâleŋe makmâ miawakmâ hepunŋet.” hain dâm makyenġiep.

<sup>18</sup>Akto sop ain arim Galilaia bâtgum ginŋân arim luâk lâuwâ emi teu iŋan oloŋmâ manbela yelegep. Siâ âmâ kotŋe Simoŋ kotŋe siâ Petoro akto emiŋe âmâ Anderea yâkŋe waŋgan kinmâ ŋalu ŋalu are bâtgumân iŋangât panmâ kiliat. <sup>19</sup>Akto Yesuŋe yelemâ hin dâm makyetkiep, “Yetŋe nânġâlân gambela arine. Hinŋe âmâ iŋangât âi mendat. Dâ nânġe âmâ tânyetkure luâk nânġât kâmot akbaigât âi membiandat.” dâep. <sup>20</sup>Hain dâmbo ainâk dowâk wan me wan hârok hepunmâ Yesu olop arimbela mali. <sup>21</sup>Akto arim âmâ emiteu lâuwâ mem miawakyelegep kotyetŋe Yakobo akto Yohane yâk Yebedaioġât nanlogâtŋe. Eweyetŋe olowâk waŋgan tatmâ ŋalu ŋalu iŋangât are mem parutmâ heŋgemgom kili. <sup>22</sup>Kinbiâ Yesuŋe yetkondo dowâk waŋganba gem eweyetŋe hepunbela Yesu olop ariyi.

<sup>23</sup> Akto Yesu Galilaia hân are hâlânâmâ kepia bâlenj bâlenj den emetnje talewân ain âgâm Anutuŋe damunyaŋe akberâm agep den pat âlepŋe aregât keiŋe dâm makyenŋiep. Akto luâk âmbâle kundat keiŋe keiŋe agi are hârok henŋem yenŋuep. <sup>24</sup> Hain akto den pat arekŋe Siria hânângen sambelem arimbo nânŋâm âmâ luâk kundat agi akto hâk hilâlâm olop mali are kâmotŋe kâmotŋe mem yâkgâlân oloŋ yekmâ togoyi. Akto sinduk baniaranŋe mem bâliyegi are akto dewun biri akmâ mali akto luâk kei bâtyeŋe bâli bâliŋe are meyekmâ yâkgâlân togombiâ hârok henŋem yenŋuep. <sup>25</sup> Akto Galilaia hân akto kepia bât bip bip hârok ain tali kotyeŋe humo siâ Dekapoli dâm koli are akto Yerusalem akto Yudaia hân akto Yodaŋ tu biken ain luâk âmbâle kâmotŋe kâmotŋe mindugu akmâ Yesugâlân togoyi.

### Yesuŋe gimbânân miti makyenŋiep.

**5** <sup>1</sup> Akto Yesuŋe luâk âmbâle kâmot humo are yekmâ âmâ gimbânŋe siân âgâep. Âgâ tato âmâ âi luâklupŋe ginŋân gambiâ <sup>2</sup> den hin dâm makyenŋiep, <sup>3</sup> “Biwiyenande yenjaet nânŋâmbiâ gembo nen luâk yânŋe manden hain nânŋâmai amâ Anutuŋe are yenŋât nânŋâm himbimŋât pat emelâk yenŋiepgât aregât biwiyenŋe heronŋe agâk. <sup>4</sup> Akto bâlenjaet nânŋâmbiâ biwiyenŋe bâlimbo indem manmai are Anutuŋe hâmbâi mem sândukŋân katyekbiap aregât kambiamyenŋe heronŋe akto manbei. <sup>5</sup> Luâk lumbeŋe manmai yâk yenŋât nânŋâre âlepŋe akmap. Yâkŋe hân hârokgât ambo akbai aregât biwiyenŋe hinŋe heronŋe agâk. <sup>6</sup> Akto bikŋande sotgât tugât umburuk akmâ âmâ tu sot aregâlâk nânŋâmbiâ humo akmap dop hainâk âlepŋe aknegât nânŋâmbiâ humo akmap yâk âmâ tepyeŋe pikto sândugewiap aregât biwiyenŋe hinŋe heronŋe agâk. <sup>7</sup> Akto luâk âmbâleŋe yenŋumbiâ hâuŋe bo memai amâ akbiâ âlepŋe akmap amâ Anutuŋe hainâk âlepŋe akyenŋiwiap aregât biwiyenŋe heronŋe agâk. <sup>8</sup> Akto biwiyenŋe Anutu gâlânâk kinnâ kau kau akto ikinŋe denŋe lokom biwi lâuwâ bo akmâ manmai are âmâ Anutu dewunyaenande ekbai aregât biwiyenŋe heronŋe agâk. <sup>9</sup> Akto biwiyenande gala konok manne dâmai are Anutuŋe meyekmâ, “Nune nanne baratne.” dâmap aregât biwiyenŋe heronŋe agâk. <sup>10</sup> Akto Anutugât den lokom manbaen dâmbiâ gasalupyenande kuk akyenŋimai aregât hanâk denŋe lokom manmai are yenŋât Anutuŋe damun nenŋe akmap aregât biwiyenŋe heronŋe agâk. <sup>11</sup> Akto nânŋât akmâ manmai are hâk hilâlâm yenŋim den bâleŋe makyenŋim hâkyeŋe tunmai. <sup>12</sup> Hain akyenŋimbiâ âmâ ainâk hin nânŋâwai, “Ulikŋân Anutugât propetelupŋe are siânbaŋe hanâk bâleŋe akyenŋiyi dop hainâk hinŋe hainâk bâleŋe aknengimai aregât siân hâuŋe âlepŋe manmâ himbimân membaen.” dâmai aregât biwiyenŋe heronŋe agâk.

### Kâtembe aregât dop.

<sup>13</sup> Akto aregât den ginŋe makyenŋire nânŋâŋet. Nen âmâ kâtembe mem sot kakŋân katenŋe ukenŋe akmap aregât dopŋe hainâk akmâ yeâmâ

luâk âmbâle hut yeŋân manmai. Akto kêtembe are ukenŋe. Gârâmâ bo damunŋe akbiâ âmâ pâlamŋe akto âmâ gain gain lâuwâŋe ketugumbiâ ukenŋe lâuwâŋe akbiap? Are bo agakŋe. Arekŋe hin me hain agakŋe bo tatâp amâ yân kâim panmâ keinennande tâlimaen.

#### **Kemdâ pagaleŋe aregât dop.**

<sup>14</sup>Akto ye luâk âmbâle hânŋe hânŋe manmai are yeŋgât ululunŋe mandâi. Kepia humo siâ gimbâŋe tek tekŋân tatmap are heambukbiapgât dop bo tatâp. <sup>15</sup>Akto kemdâ are gauŋmâ katmâ âmâ bo mem heambukmaen are tek tekŋân katenŋe om pagalemba emet ambolupŋande pagaleŋe yeŋgimbo tatmâ manmai. <sup>16</sup>Aregât kemdâ pagaleŋe omap dop hainâk yeŋe Anutugât den lokom agak memeyeŋe âlepŋeâk akmâ manbiâ luâk âmbâle yânŋande yekbiâ ârândâŋ akto Eweyeŋe himbimân manmap aregât kotŋe nânŋgâmbiâ humo akbiap.

#### **Yesuŋe Mosegât akto propete yâk yeŋgât den bo komberâm giep.**

<sup>17</sup>Akto siâ makbe. Yeŋe âmâ nânŋgâ yâkgât hin dâmai me bo? “Moseŋe den kêrikŋe kulemgoep are akto propete yâkŋe den kulemgoyi are komberâm aktâp.” Nânŋgât hain nânŋgâmai me? Nânŋe âmâ propete yeŋgât den are komberâm bo geân. Bo kêrikŋe. Nânŋe are yeŋgât den lokore bunŋe agâkgât geân. <sup>18</sup>Nâ bundâk makyenŋiwe. Hân himbim yembiandat dopŋânâk den kêrikŋe yem âgâwiap. Ulikŋe siâ yem tik panbiapgât dopŋe bo. Are hârok bunŋe olowâk miawakmâ metewiap. <sup>19</sup>Aregât luâk siâŋe den kêrikŋe konok pânŋe siâ are loŋgaim âmâ bikŋande hainâk akŋet dâm yâk yeŋgâlân arim hain dâm hâwât yekbiap yâkŋe âmâ himbimgât kâmolân dewatim luâk gegeŋe manbiap dâwaen. Hain gârâmâ luâk siâŋe den kêrikŋe are lokom manmâ bikŋande hainâk akŋet dâm yâk yeŋgâlân arim hain dâm hâwât yekbiap yâkŋe âmâ himbimgât kâmolân dewatim âmâ luâk humo manbiap dâwaen. <sup>20</sup>Aregât makyenŋire nânŋgâŋet. Yeŋe âmâ Anutugât den lokom manmâ Mosegât den kêrikŋe makmâ kepikmai are akto Parisaioŋe wan me wan âlepŋe akmai are bo ewangim âmâ himbimgât kâmot bo akbai.

#### **Kuk bo akbaen.**

<sup>21</sup>Bâgilupnennande den hin dâm kali, “Gânŋe luâk siâ bo komenâ mombiap. Dâ hain akbiat âmâ Anutuŋe denân katgekto dosa membiat.” hain dâm kali. <sup>22</sup>Hain gârâmâ nânŋe âmâ maktere nânŋgâŋet. Luâk me âmbâle siâŋe galaŋaet kuk nânŋgaŋbiap are Anutuŋe denân katbiap. Akto luâk siâŋe galaŋaet nânŋgâmba gemap are humomolupyeŋande menduguyekmâ dâm makmâ hâreyenŋiwai. Akto luâk me âmbâle siâŋe galaŋaet nânŋgâmba gembo biwi bâle akmâ heŋgân nânŋgaŋmap are âmâ kâlâpŋat pat akmâ dosa umatŋe membiap. <sup>23</sup>Aregât hin dâre nânŋgâŋet.

Yengâlân gâtje siâ me siâne Anutugât sumbe omberâm akmâ âmâ biwiņe kepik akto hin nânġawiap. Nâņe galane umatņe agañân aregât kuk akniņdâp. <sup>24</sup>Hain dâm sumbe are hepundo tato galaņaelân ariwiap. Arim den yetņe are makmâ ârândâņ ketugumbela bo akto ainâk purik katmâ arim sumbe are Anutugât pat ketugum onmenâ âlepņe ombiap. <sup>25</sup>Akto gasagande meņgekâm kiapġâlân arim denân kat gekmâ dâm hâregiņdo tembe lokolupņande meņgekâm kala busiân katgekbâi aregât dâwân arim galage makmâ miawagaņmenâ yetņeak nânġâm gala agañgiwiandat. <sup>26</sup>Borâm hâre aņġiwiandat akto âmâ kala busiân katgekbâi tatmâ âmâ yân bo gewiat. Hâu hârok puligom kutigitbialân âlepņe ain gewiat.

### **Gala siâgât âmbâle ekmâ bo egâliañbaen.**

<sup>27</sup>Akto siâ makbe. Moseņe den kârikņe kulengoep are hin dâmbiâ nânġâmai. Yengâlân gâtje siâne galaņaet âmbenņe ekmâ kakņe kom bo membiap. Hain dâmai. <sup>28</sup>Aregât nâņe âmâ hin dâre nânġâņet. Yengâlân gâtje siâne âmbâle siâ ekmâ memberâm nânġâm âmâ ikiņe biwiņande emelâk miep aregât dosa talaņdâp. Aregât den memeņe hin dâwe. <sup>29</sup>Gâ hememgât pat akbâtġât dewunge bungenņe bâleņe membom dâm nânġâm âmâ dewunge are ewum limbâpkowen. Hain akmâ dewunge bikņe siâ are âlepņe akto manmenâ ârândâņ akbiap. <sup>30</sup>Akto hememgât pat akbâtġât hainâk bātge bungenņe bâleņe akberâm akto âmâ hârem panben. Hain akmenâ bātge bikņe are âlepņe akto manmenâ ârândâņ akbiap.

### **Âmbenlupnenņe hanâk hepun yekbaengât dop bo tatâp.**

<sup>31</sup>Bikņande amâ hin dâmai, “Luâk siâne âmbenņaet hâkâņ akmâ hepunbe dâm aregât kulem esenņe siâ mem âmbâi hepun hepungât kulemgom waņmâ huņgun aņdo yân ariwiap.” hain dâmai. <sup>32</sup>Aregât nâņe âmâ hin dâm makyenġiwe. Luâk siâne âmbenņe kondarâ bo akbiap are yân hâkâņ akmâ hepundo âmâ âmbâle arekņe luâk siâ mendo âmâ luâk âmbâle lâuwâ lâuwâ dosa membiandat. Akto luâk aņġâņe âmbâle hepun hepunņe mem âmâ yâkâ hainâk dosa membiap.” hain dâep.

<sup>33</sup>Akto Yesuņe den siâ hin dâm dewatiep, “Bâġi hakulupyenande hin dâm makyenġiyi, “Anutugât metenân hin me hain dâm makbai amâ hainâk akbei.” hain dâyi. <sup>34</sup>Dâ nâmâ hin makyenġire nânġâņet. Hinņe âmâ Anutugât metenân dâm bo makbei. Akto areâk bo. Himbimân âmâ Anutuņe ain tatmap aregât himbimân bo horatmâ makbei. <sup>35</sup>Akto hângâlân horatmâ bo makbei. Amâ wangât? Hingât. Anutuņe keiņande tâlim tatmap aregât. Akto Yerusalemġât metenân bo makmâ horatbei. Amâ wangât? Hingât. Yerusalem amâ Anutu Humoyeņe yâkġât kepia kautņe aregât. <sup>36</sup>Aregât ire maktere nânġâņet. Dumutyenņe bândup are makbiâ heleņ bo akbiap. Akto heleņ are makbiâ bândup bo akbiap.

Aregât kautyenjân horatmâ bo makbei. <sup>37</sup>Akto siân me siân bo ewum makbai. Are bo agakņe. Aregât denyeņe are bunņe akto âmâ are dâmbiâ bunņe akbiap. Akto bo dâmbiâ bo hainâk akbiap. Aregât kakņân makmâ dewatiwai amâ Hianġi Amboņande hâwâtyekto miawakbai.

<sup>38</sup>Akto den siâ hin kulemgoyi are makbiâ nânġâmai, “Gasagande dewunġe ewum hogombo bokto âmâ gâkâ hainâk dewunġe ewum hogomenâ bokbiap. Akto gasagande dâtġe kom bererek kombo âmâ gâkâ hainâk dâtġe are kom bererek kowen.” hain dâyi. <sup>39</sup>Aregât âmâ hin dâre nânġâņet. Luâk bâleņe gala aġaņben. Ondopġe biken hogombo âmâ ondopġe bikņe waņben. <sup>40</sup>Akto luâk siâņe gâ olop ewangiak ewangiak bâleņe dâm kiapġâlân meņġekmâ ari denân katġekmâ ġânġât hâk pekeġe timoņân oloņmâ meņġiņdo âmâ kakņân olowâk are hainâk mem waņmenâ lâuwâ lâuwâ membiap. <sup>41</sup>Akto luâk siâņe, “Nânġât wan me wan dewunġe siâ siâ lokom kepia indâġen ari.” dâm makġiņdo âmâ ġâņe kepia magep ain lokom tângom ewanġim indâņân ari katben. <sup>42</sup>Akto luâk siâņe wan me wan siâ siâġât ulit ġiņdo âmâ are waņben. Akto wan me wan are yân yogan mem manbe dâm makġiņdo âmâ âlepņe nânġaņben. Ye hârok hain akmâ manbei.

#### **Gasa me gala are gala konok aġaņgiwaen.**

<sup>43</sup>Akto ye bikņande den siâ hin dâmbiâ are nânġâmai, “Ġâņe galage âlepņe biwi heroņe aġaņben. Dâ gasage are âmâ gasa aġaņben.” Hain dâmai. <sup>44</sup>Dâ nâmâ areġât hin dâre nânġâņet. Yeņe gasalupyeņe yekmâ âmâ gala akyeņġiwai. Akto ye yeņġum watyekmâ manmai yâk yeņġât tânyeņġum Anutu ulilaņmâ heroņe nânġâ yeņġiwai. <sup>45</sup>Hain akmâ himbim Eweyeņæet nanņe baratņe bunņe akmâ manbai. Yâkņe âmâ makto yanep pagaleņande luâk âlepņe me bâleņe hârok pagaleyekmap. Akto tânâġġât makto luâk âlepņe me bâleņe hanâk hologoyeņġimap. <sup>46</sup>Akto luâk siâņe ye olop gala konok manne dâm areġât akyeņġimai yâk konok yeņe gala akyeņġimbiâ âmâ Anutuņe wan hâuņe yeņġiwiap? Luâk bikņande gawamangât puli meyeņġimainġe hain akmai areġât yeņe luâk bikņe gasa akyeņġim are gala bo akyeņġimbiâ âmâ areġât hâuņe hâmbâi Anutuņe ye yeņġiwiap. <sup>47</sup>Akto galalupyeņe yâk konok yekmâ gala katyekmai arekņe ârândâņ bo akmap. Luâk âmbâle Anutu bo nânġaņmaiņe hain akmai. Aregât yâkâ hainâk akbai areġât hâuņe âlepņe Anutuņe bo yeņġiwiap. <sup>48</sup>Aregât himbimân Eweyeņande wan me wan akmâ mendo huragumap yekâ hainâk akmâ manbei.” dâep.

#### **Anutugât âiân manmâ kotnenņe bo mem agatbaen.**

**6** <sup>1</sup>Akto Yesuņe den siâ hin makyeņġiep, “Ġâņe Anutu heroņe aġaņdere ârândâņ akbiapġât mene dâm âmâ luâk âmbâleņe nekbiâ huraguâġġât bo nânġâm manben. Hâk mem agat agat akmenâ âmâ



himbimân Ewegande gekmâ aregât ukenje bo nângâ giŋmâ hâuŋe âlep bo giŋbiap. <sup>2</sup>Aregât gâŋe luâk umburuk manmai are han kalem akyeŋgim âmâ luâk âmbâleŋe nekbiâ huraguâk dâm aregât bo nângâm manben. Wangât? Hingât. Luâk bikŋande nen bâleŋe bo akmaen dâmai arekŋeak dewunyeŋânâk den emetŋân akto kâmot kepian ain hâkyeŋe mem agatmai. Luâk hain arekŋe kâmot humoân kinmâ kalem akyeŋgimai. Aregât maktere nângâŋet. Hain dâmat are Anutuŋe hâuŋe âlepŋe bo giŋbiap. Emelâk hâuyeŋe yendâp. <sup>3</sup>Aregât luâk umburuk manmai yâk han kalem akyeŋgiwe dâm bâtge bungenŋe wan akbiat aregât kanegenŋe bo nângâwiap. <sup>4</sup>Yonâk akmenâ âmâ galalupgande bo gekmâ aregât keiŋe bo nângâmbiâ âmâ Ewege Anutuŋe yonâk yekmâ nângâmapŋe ikiŋak gekmâ nângâmbo ârândâŋ akbiap. Akto kalem akyeŋimatgât hâuŋe giŋbiap.

### **Anutu ulilaŋbaengât keiŋe.**

<sup>5</sup>Gâŋe âmâ heambukmâ kinmâ Anutu âlepŋe dâm ulilaŋben. Dâ luâk bikŋe âmâ hianŋi luâk manmaiŋe hain bo akmai. Yâkŋe âmâ Yuda luâk mendugum tatmaiân me kâmolân ari kinmâ âmâ luâk âmbâleŋe nenekmâ egâliaŋŋet aregât nângâm hâkyeŋe mem agatmâ Anutu ulilaŋmai. Aregât âmâ hin dâre nângâŋet. Yeŋe hain akbiâ âmâ aregât hâuŋe emelâk membiâ bo aktâp. Anutuŋe hain dâm hâuŋe siâ bo dewatim yeŋgiwiap. <sup>6</sup>Gâ âmâ Anutu âlepŋe dâm ulilaŋberâm âmâ emetgân âgâm heambukmâ hânŋi gugum Ewege tikŋân manbiap yâk ulilaŋben. Akto Ewege tikŋân siâ me siâ ekmâ nângâmapŋe bunŋe mem peniaŋmâ giŋbiap.

### **Anutu hin ulilaŋmâ manbaen.**

<sup>7</sup>Akto aregât hin dâre nângâŋet. Luâk bikŋande Anutugât keiŋe bo nângâmaiŋe âmâ hin nângâm hilipkomai, “Nengât den kâlep hanâk hanâk ulilaŋdenŋe dowâk nângâm bunŋe nengiwerâp.” hain dâm hilipkomai. Aregât gâŋe luâk hain are bo akmâ âmâ den kâlep bo makmâ ulilaŋben. <sup>8</sup>Akto gâ amâ Ewege Anutu irawot bo ulilaŋmenân yâkŋe soŋ nângâ giŋmap. Aregât hanâk hanâk bo makmâ ulilaŋben. <sup>9</sup>Aregât gâŋe hin dâm âlepŋe dâm ulilaŋben, “Himbimân Ewenenŋe gâŋgât kotge âlepŋe akto kotge are kârikŋe tato nângâenŋe bunŋe akto manbaen. <sup>10</sup>Akto hân ârândâŋ Kambu aknengi. Himbimân gâtŋande lauge lokomai hainâgâk hânân gâtŋe nenŋe lauge lokoenŋe ârândâŋ agâk. <sup>11</sup>Akto uŋak ire gâŋe sotnenŋe are dopnenŋânâk nengimenâ nene. <sup>12</sup>Akto luâk âmbâle bikŋande bâleŋe siâ siâ aknengimbiâ âmâ are yeŋgât dosayeŋe hanâk hepun yeŋgim manmaen dop hainâk gâŋe dosanenŋe are hepun nengiwen. <sup>13</sup>Nen bo dop nenguwen. Akto bâleŋânba kotgâm menenekben. A bundâk.” Yeŋe hain dâm Anutu ulilaŋbei. <sup>14</sup>Aregât



luâk âmbâle bikɲande bâleɲe siâ siâ akyeɲgimai are yeɲgât dosa hepun yeɲgimbiâ âmâ âlepɲe. Aregât himbimân Eweyeɲande yeɲgât dosa hainâk hepun yeɲgiwiap. <sup>15</sup>Are âmâ luâk âmbâle bikɲande bâleɲe siâ siâ akyeɲgimai are yâk yeɲgât nâɲgâm âmâ benɲe himbimân Eweyeɲande yeɲgât dosa hainâk bo hepun yeɲgiwiap. Dâ hepun yeɲgimbiâ âmâ benɲe dosayeɲe hepunyeɲgiwiap.

<sup>16</sup>Akto hianɲi luâkɲe hin dâmai, “Luâk âmbâle bikɲande nen hâk hilâlâm nâɲgâm Anutu ulilaɲmaen are nâɲgâm nen nenekmâ egâlianɲet.” dâm aregât sot hepunmâ hâmeyeɲe oloɲbiâ gembo hewugewai are Anutuɲe yekmâ hâuɲe âlepɲe bo yeɲgiwiap. <sup>17</sup>Aregât ye hain bo akbei. Yeɲe âmâ sot hepunmâ âmâ tu puliakmâ dumutyeyeɲe kelu ketugu akmâ manbei. <sup>18</sup>Hain akbiâ yekmâ âmâ sot hepunmâ mandâigât keiyeyeɲe bo nâɲgâwai. Eweyeɲe Anutuɲe bo egekɲe ekmapɲe keiyeyeɲe yoɲâk memai are nâɲgâm aregât hâuɲe âlepɲe yeɲgiwiap.

#### **Puli siâ siâ tat nengiâp aregâlâk bo nâɲgâm manbaen.**

<sup>19</sup>Hângât tâwât dewunɲe siâ siâ tiɲe nemai akto dek saɲ saɲɲe hâreyeɲgimai akto motmot akmap akto kâmbu meyeɲgimai aregât yeɲe dondâ tat nengiâkgât bo undâgâtbei. <sup>20</sup>Are âmâ himbimân tiɲe bo neyeɲgimap akto dek saɲ saɲɲe bo igim hâreyeɲgimap akto motmot bo akmap akto kâmbu bo meyeɲgiwai aregât wan me wan bunɲe kârikɲe tat yeɲgiwiap. Aregât Anutuɲe pat katyeɲgiep are himbimân tatâp ain dewatimbiâ bo gulip akyeɲgiwiap. <sup>21</sup>Tâwât dewunɲe siâ siâyeyeɲe katbiâ tat yeɲgimap ainâk biwiyeyeɲe kinmap aregât himbingât nâɲgâmbiâ âgâwiap.

#### **Biwinenɲande pâlâmɲe akbopgât biwi golâk manbaen.**

<sup>22</sup>Akto dewunyeɲe âmâ pagaleɲe dop hainare aktâp. Dewunyeɲe âlepɲe tato ain âmâ âlepɲe ekmâ bam gutbai. <sup>23</sup>Dâ dewunyeɲe bâlimbo âmâ biwiyeyeɲe hândâk humo dâgâwiap aregât biwiyenân pagaleɲe tatâp are bokbiap âmâ biwi nâɲgâ nâɲgâyeɲe pâlâmɲe akbiap.

#### **Anutu konok hoɲ agaɲbaen.**

<sup>24</sup>Nanaɲ konokɲe luâk kotdâ lâuwâ yâk yetgât den lokom âmâ âlepɲe hoɲ bo manyetkiwiap. Siâ gala agaɲmâ siâ âmâ hâkâɲ agaɲbiap. Akto siâgâlângen dewatim siâ âmâ hamiaɲbiap. Puli siâ siâgât ukenɲe nâɲgâmai yâkɲe âmâ gain gain Anutugât den lokom manbai?

#### **Anutuɲe damun nenɲe akmapgât bo nelâm nengiwiap.**

<sup>25</sup>Ye manman yeɲaet nâɲgâmâk akmâ hin bo dâwei, “Wan arekɲaet mem nem manbaen? Akto hâknennɲaet nâɲgâm wan mem manmâ luguakbaen.” dâm nâɲgâmâk bo akbei. Amâ hingât. Bâin dâɲet.

Manmanyenande bunje me sotje bunje? Akto hâkgande bunje me hâk pekegande bunje? <sup>26</sup>Aregât siâ maktere nângânet. Lâut are ekjet. Arekje âmâ âi bo ketugumai. Akto kalamnânba sot wan bo mem katmai. Akto sot hapatet bo ketugum âmâ alekje bo mem katmai. Hain bo akmai amâ himbimân Eweyenande hanâk sot mem miawak yengimap. Ye lâut bo. Ye luâk aregât Anutuje dowâk tânyengumap. <sup>27</sup>Akto yengâlân gâtje siâne nângâm hanoko akmâ âmâ manman sopjaet âlepje kâlep mem dewatim manbiapgât dopje bo tatâp. <sup>28</sup>Akto sângum lâuwâ lâuwâ aregât nângâm han lâuwâ akbiâ bâliwiap. Aregât hin dâre nângânet. Lâwin buluje are ekjet. Arekje âmâ sângum lâuwâ lâuwâgât âi bo ketugumap. <sup>29</sup>Buluje are âlep âlep aregât luâk siâ kotje Salomo ulikjân malep yâkje sângum lâuwâ lâuwâne kulem melem âlep âlep hain are mem malep arekje buluje are bo ewangiep. <sup>30</sup>Pâlôngangen siâ me siâ buluje unjak miawakmap akto hole bererek âgâm gembo ombiâ bo akmap aregât Anutuje dâmba hanâk kulemje âlepje miawakmap aregât Anutu bo nânganmâ ketelañmâ manmaiñe yâk yejaet gai hainâk dâmba wan me wan miawakyengiwiap. <sup>31</sup>Are nângâm hejengowei. Are ekmâ nângâm âmâ bo hanokoakmâ âmâ hin bo dâwei, “Wan nemberen me wan lalakberen?” <sup>32</sup>Are âmâ luâk bikje Anutu bo nânganmai arekje âmâ puli me sângum me siâ siâ aregât nângâmbiâ humo akmap. Hain akbiâ bâlimap aregât hain bo akmâ manbei. Are âmâ benje himbimân Eweyenande nângâ yengimap aregât hâk peke bâlâk bo manmai. <sup>33</sup>Yeje âmâ Anutuje damun nenje akbiapgât akto yâkgât agak meme ârândânj dâp ain han nângâ nângâyene ulikjân katbiâ yembiâp. Akto aregât kakjân Anutuje siâ me siâ bikje are hârok yengiwiap. <sup>34</sup>Aregât yeje agatmâ umatje gain hin arekje miawak nengiwiap hain dâm aregât nângâmbiâ humo bo akbiap. Agatmâ miawakbiap are âmâ agatmâgât pat. Unjak iregât hain are miawak nengiâp are ârândânj agâk dâm aregât kakjân han lâuwâ bo akjet.” Yesuje hain dâep.

### Gala siâgât den bo makmâ hâreanbaen.

**7** <sup>1</sup>Yesuje den siâ hin dewatim makyengiep, “Anutuje den âiân katyekbopgât yeje luâk bikje den âiân bo katyekbei. <sup>2</sup>Dâ yeje yâk yengât den dâm hâre yengiwei dop hainâk Anutuje ye dâm hâre yengiwiap. Akto yeje siâ siâ akyengiwei dop hainâk Anutuje mem purik katmâ akyengiwiap aregât siâgât bo dâm hâreyengiwei. <sup>3</sup>Aregât den dopje hin dâre nângânet. Gâñe galagaet dewunñan gagap bâlensiâ tatâp are ekmâ âmâ guge dewungân gagap humo dondâ tatâp are bo ektât are ârândânj bo aktâp. <sup>4</sup>Gagap humo guge dewungân tatâp are bo ekmâ galagaet dewunñan tatâp aregât hin dâmenâ ârândânj bo akbiap, “Galane kin. Gagap mem pan giñbe.” dâwiat. <sup>5</sup>Hiañgi luâk gâ. Guge dewungân gagap humo tatâp a soñ mem panakmâ âmâ ekmâ dewunge hulañ akto

âmâ ekmâ heŋgemgom âmâ galagaet dewunŋân gagap bâlensiâ tatâp are memenâ ârândâŋ akbiap.

<sup>6</sup>Yeŋe Anutugât sot are dua bo yeŋgiwai. Hain akbiâ âmâ yeŋgiwai. Akto puli umatŋe are mem bau kâit bo yeŋgiwai. Hain yeŋgimbiâ âmâ igim hârem purik dâm âmâ yeŋgiwai.” Yesuŋe hain dâep.

### **Anutu ulilaŋmâ âmâ bunŋe membaen.**

<sup>7</sup>Akto Yesuŋe den siâ hin dâm makyenŋiep, “Yeŋe hin aregât undâgâtâmâ Anutu maganbiâ âmâ tân yeŋgiwai. Akto emet ginŋân kinmâ woa dâmbiâ hânŋi amboŋande meyeŋgimap. <sup>8</sup>Aregât Anutu aikomapŋe den hâuŋe nânŋâmap. Undâgâtmapŋe mem miawakmap. Woa dâmap are âmâ hânŋi mem kalaŋmap. <sup>9</sup>Aregât hin dâwe. Yeŋgâlân gâtŋe siâŋe nanŋande sotgât ulilaŋdo âmâ kât bo waŋmap. <sup>10</sup>Akto iŋangât ulilaŋdo âmâ gipmaŋ bo waŋmap. Bo. <sup>11</sup>Akto ye luâk bâleŋande nanaŋ lepatlupyenŋe damun akyenŋim hin are yeŋgimai aregât dopŋe are ewangim Anutu himbimân manmapŋe luâk siânbaŋe ulilaŋmai are yeŋgât okot nânŋâm dowâk wan ulilaŋmai are yeŋgimap. <sup>12</sup>Akto den dâm makyenŋiân aregât keiŋe hin. Yeŋe bikŋande âlepŋe aknenŋetdâm hârok âlepŋe tân yeŋgum manmâ âgâwei. Aregât âmâ Moseŋe akto propete luâkŋe Anutugât den kârikŋe kulemgoyi aregât keiŋe hainâk tatâp.

### **Himbimŋât dâp aregât den.**

<sup>13</sup>Hilip agu hilip agugât kepia aregât dâp are humo akto pempemâk aregât dâp humo ain âlepŋe ari ari aregât luâk dondâŋe arimai. Yeŋe âmâ ain bo ariwei. Ye dâp gâwikŋânba ariwei. <sup>14</sup>Are âmâ manman kârikŋe aregât dâp amâ gâwik gâwikŋe, heambuk heambukŋe akto yoŋâk yemap. Dâp are watmâ luâk âmbâle undup akmâ bo arimai. Dâ konok konokŋe ain arimai. Ye âmâ dâp are watmâ ariwei.

### **Hiangi luâk yâk yeŋgât keiyeŋe.**

<sup>15</sup>Propete luâk hianŋi arekŋe âmâ hâkyenŋe lama hâk yeukŋe hainare dâ hanyenŋe âmâ dua metŋe han hainare aregât yâk yeŋgât damun agaŋgim manbei. <sup>16</sup>Siâ siâ Bunŋe bo aregât nânŋâm kepilâyekbei. Giat ain kewu bunŋe memaen mon? Me kândenân ham bunŋe miawakto memaen mon? <sup>17</sup>Lâwin âlepŋân bunŋe âlepŋe miawakmap. Lâwin bâleŋân bunŋe bâleŋeâk. <sup>18</sup>Aregât lâwin âlepŋânba bunŋe bâleŋe bo miawakmap akto lâwin bâleŋânba bunŋe âlepŋe bo miawakmap. <sup>19</sup>Aregât ire maktere nânŋâŋet. Lâwin siâ bunŋe âlepŋe bo kindo âmâ kârâm ondenŋe ombiap hain. <sup>20</sup>Yeŋe luâk keiyeŋe ekmâ gain gain akmâ iare akmai aregât nânŋâwai.

<sup>21</sup>Akto aregât hin makbe. Luâk âmbâle nogonmâ âmâ kotdâ nenŋe kotdâ nenŋe hain dâm nogonmai yâk hârokŋe himbim kepien bo ariwai.

Himbimân Ewenaet denje lokom manmainje âmâ ariwai. <sup>22</sup>Luâk dondâne sop humoân hin dâm makniñbai, “Kotdâ ire nânġâ. Nenje ġânġât kotġaet akmâ denge makmâ miawakmâ makyenġiyion. Akto ġânġât kolân konmâ sinduk baniara bâleje watyenġienje luâk hepun yekmâ ariyi. Akto ġâ gogonmâ kulem keiġe keiġe are ketuguyion.” <sup>23</sup>hain dâmbiâ âmâ nâje hin dâm makyenġiwan, “Nâ ye bo nânġâ yenġiân. Nânġâlân bunje bo dewatyiġât hepun nekmâ ariġet. Ye amâ bâleje meme luâk.” hain dâwian.

**Luâk lâuwâ emetyetje ketuguyiat areġât den.**

<sup>24</sup>Areġât den ġinje ire maktere nânġâġet. Luâk siâje denne ire nânġâm lokomape ġâmâ dop hinare aktâp. Luâk nânġâ nânġâje olop yâkġe emet are ġimbâje kârikġân ketugumbo kilep. <sup>25</sup>Emet kât kakġân mânġiepe areġât tu tânâk humo ġembo âmâ ugurup humo ġam lokowerâmbo âmâ kârikġe akmâ nânġâk kilep. Dop hain. <sup>26</sup>Dâ luâk siâje denne ire nânġâm laune bo lokomape ġâmâ dop hin are aktâp. Luâk nânġâ nânġâje bo siâje emet nupiânâk ketuguep dop hain are. <sup>27</sup>Ketugumbo kindo tu seru humo pando ugurup humoġe togombo emet are ġagai akmâ kom bâliep.” Yesuġe hain dâm makyenġiepe.

<sup>28-29</sup>Yesuġe Anutuġât den keiġânbak nânġâm makyenġiepe. Akto biwiyeġân kalepġât denje nânġâmbiâ dâtġe akto hin dâyi, “Moseġât den kepiġmâ maknengimai are hârok ewangi yektâp.” hain dâm yâkġât nânġâmbiâ humo agep.

**Luâk siâ diwi kârikġe akmâ malep are Yesuġe mem howaimbo âlepġe agep.**

**8** <sup>1</sup>Akto Yesuġe den makmâ metem ġimbânġanba ġembo luâk âmbâle biwirâje watbiâ olop ariyi. <sup>2</sup>Akto luâk siâ diwi kârikġe akmâ malep areġe Yesu ekmâ enemġân togom pâwutġe ligim hin dâm maganġep, “Humo, kârikġege tatġindâpġât makmenâ diwine bo akniġâk mon?” dâep. <sup>3</sup>Hain dâmbo Yesuġe hâkġe mem howaim kinmâ hin dâep, “Âlepġe, nânġâ ġindâġât diwige are pandak ġiġâk.” dâmbo ainâk diwi bo aġânġo hâkġe âlepġe agep. <sup>4</sup>Âlepġe akto ainâk Yesuġe maganġmâ hin dâep, “ġâ ireġât den pat luâk bo makyenġim âmâ yânâk arim sumbe kat kat luâk damun yâkġâlân konok ari. Arimenâ keige ġekmâ nânġâmbo âmâ benje Moseġe wan me wan ireġât den kârikġe kulemgoep are lokom Anutuġât sumbe omben. Sumbe omenâ are ekmâ nânġâm ġenġemġewei.” dâm ġunġun aġep.

**Yesuġe hoġ bawa siâ mem ġenġemġoep.**

<sup>5</sup>Akto arewa arim kepia siâ kotġe Kapanauim ain arim âġâmbo Roma yenġât tembe loko are yenġât humoġe siâje yâkġâlân arim den hin

dâm ulilaŋep, <sup>6</sup>“Humo, nâŋgât hoŋ bawane siâ kundat akmâ hâk hilâlâm bâleŋe umatŋe miawagaŋdo kei bātŋe kâregembo yem tatâp.” dâmbō 7dâep, “Âlepŋe, arim mem heŋgemgowerân.” dâep. Hain dâm magaŋdo <sup>8</sup>hin dâep, “Humo, nâ luâk âlepŋe bo mandân aregât nâŋgât emelan bo âgâwerât. Inâk kinmâ denâk makmenâ âmâ nâŋgât hoŋ bawane are âlepŋe agâk. <sup>9</sup>Akto nâ gai luâk koldâ yâk yeŋgât den lokom manman akto nâ luâk humonande nâŋgâ niŋmâ damunyeŋeak dâm katnegep. Aregât nâŋe tembe lokolupne den makyenŋire lokomai akto yâk yeŋgâlân siâgât, “Gâŋe siâ ari.” hain dâm magaŋdere âmâ âlepŋe arimap. Akto siâgât, “Gâ ga.” dâre âlepŋe gamap. Akto hoŋ bawane siâ ekmâ, “Âi ire me.” dâre âmâ âi are hainâk memap. Aregât gâ Humo inâk kinmâ denâk makmenâ âlepŋe agâk.” hain dâep. <sup>10</sup>Hain dâmbō Yesuŋe den are nâŋgâmbō dâtŋe akto purik dâm hamiŋân togom mali are hin dâm makyenŋiep, “Den bunŋe maktere nâŋgâŋet. Israe kâmot ire yeŋgât hutyeŋân luâk siâŋe nâŋgât keine nâŋgâm heŋgemgoep hainare siâ bo ekman. Roma luâk irekŋe hârok ewangi yektâp. <sup>11</sup>Hâmbâi hân tuŋguŋâŋen biken biken ainba luâk biwirâŋe togom âmâ Abraham, Isaka, Yakopo yâk olop manmâ Anutuŋât kepian âgâm menduguakmâ ain sot keiŋe keiŋe nem heronŋe akbai. <sup>12</sup>Dâ emelâk Anutuŋe Yuda luâk damunyeŋe akminep are panyekto yâk âmâ kepia giŋŋâŋen hândâgân gem manmâ indem kamboŋmâ manbai.” <sup>13</sup>Hain dâm makyenŋim purik dâm tembe loko humoyeŋe are ekmâ hin dâm magaŋep, “Gâŋe biwige nâŋgâlân katmâ hain nâŋgât aregât bunŋe miawakgiŋdâp. Gârâmâ bam ari.” hain dâmbō bam arimbo sop ainâk hoŋ bawane are âlepŋe akto egep.

#### **Yesuŋe makto Petorogât hewonŋe âlepŋe agep.**

<sup>14</sup>Akto arewa arim Petorogât emelan âgâmbō Petorogât hewonŋe kundat akmâ hâk kâlâp akmâ yem tato egep. <sup>15</sup>Bam ekmâ bātŋân mendo ainâk kundat are bo agaŋep. Bo agaŋdo agatmâ sot om waŋep. <sup>16</sup>Waŋdo nem tato emet dâgâwerâm akto âmâ sinduk baniara bâleŋande luâk âmbâle bikŋe kautyeŋân meyegi are meyekmâ yâkgâlân togoyi. Meyekmâ togombiâ Yesuŋe lauŋande makmâ watyekto sinduk baniara bâleŋe arekŋe hepun yekmâ ariyi. Akto kundat agi arekâ hainâk lokoyekmâ togombiâ yekmâ mem heŋgem yeŋguep. <sup>17</sup>Hain agep aregât emelâk propete Yesaiaŋe den siâ hin kulemgoep are bunŋe agep amâ hin, “Nen kundat umatŋe miawak nengimbo me wan me wan pâpkom nâŋgâm hilipkomaen aregât yâkŋe bâleŋe are mendo bo agep.” dâm kulemgoep den are bunŋe akto Yesuŋe kundatdâ dondâ heŋgem yeŋguep.

#### **Luâk hin arekŋe âmâ Yesugâlân dewatiwai.**

<sup>18</sup>Yesuŋe hain akmâ tân yeŋgumbo ainâk luâk âmbâle biwirâŋe yâkgâlân togom ândeaŋmâ kinbiâ Yesuŋe are yekmâ, “Bâin, waŋga

mem indâgen bam arine.” dâm aposololupnje makyengiep. Hain dâmbo waŋga mem bāt gum humo are hātikom ariwerâm agi. <sup>19</sup>Ariwerâm akbiâ Mosegât den makmâ miawagi are yeŋgâlân gâtŋe siâŋe bam hin dâm magaŋep, “Apo, gâ iregen me aregen ariwerâm âmâ makniŋmenâ olop ariwaet.” dâep. <sup>20</sup>Hain dâmbo Yesuŋe hin dâm magaŋep, “Yo âmâ lâwin timopŋân yemap. Dâ lâut âmâ lâwin bāt bātŋân kelom tatmai. Dâ nâmâ luâk akmâ geân aregât nânŋât emet âmâ bo tatniŋdâp.” dâep. <sup>21</sup>Akto luâklupnje yeŋgâlân gâtŋe siâ arekŋe yâkgâlân togom hin dâm magaŋep, “Humo, nânŋâ niŋmenâ arim ewene soŋ hangom âmâ benŋe purik katmâ togore âmâ olowâk ariwaen.” dâep. <sup>22</sup>Hain dâmbo Yesuŋe hin dâm magaŋep, “Hain bo. Luâk âmbâle momoŋandeak momoŋelupyeŋe hangoyekŋet, Dâ gâmâ hinŋe nâ wat nekmenâ olowâk arine.” dâep.

### Yesuŋe makto seru nânŋâgâep.

<sup>23</sup>Hain dâm waŋgan âgâambo aposololupnje olop ariyi. <sup>24</sup>Arim manbiâ seru humo sân sânak pando haru are bâliep. Akto haruŋe waŋga kâlegen gewerâm agep ain Yesu asiŋ yiep. <sup>25</sup>Akto aposololupŋande goaŋmâ hin dâm magaŋi, “Humo, haruŋe kawut nenekberâm aktâp aregât agatmâ tân nengu.” dâyi. <sup>26</sup>Hain dâm biâ hin dâm makyengiep, “Bo nânŋâniŋmâ kepilânekmâ. Ye wangât hamewaktâi?” dâm agatmâ seru pando haru bâliep are den makyetkimbo ainâk nânŋâgâiyat. <sup>27</sup>Nânŋâgâmbela ekbiâ dâtŋe akto hin dâyi, “Ae, yâkŋe seru akto haru makyetkimbo yâkgât den lokom nânŋat aregât luâk ire gain hinare?” dâyi.

### Yesuŋe sinduk baniara bâleŋe watyekto bau biwiŋân geyi.

<sup>28</sup>Akto bāt gum are hātikom indâŋân bam Gadara hânângen ariyi. Arim manbiâ luâk lâuwâ siâ sumângenba togom manbela yelegi. Yâk yetgât keiyetŋe hin. Sinduk baniara bâleŋande kaut yetŋân mendo metŋe akmâ luâk âmbâle hârok mem bâli yekte dâm manminiat. Akto dâwân togombela âmâ luâk âmbâle hârokŋe hamewakmâ ain bo arimini. Keiyetŋe hain. <sup>29</sup>Lâuwâ arekŋe togom Yesu peniaŋmâ den hin dâm magaŋiat, “Gâ Anutugât nanŋe, gâ gain gain aknetkiwerâm togoât? Gânŋât sop bo tâlâgumbo hâk hilâlâm netkiwerâm togoât me?” dâiyat. <sup>30</sup>Akto indâgen bau kâmot humo siâ tâmut nem mali. <sup>31</sup>Akto sinduk baniara bâleŋe arekŋe Yesu magaŋmâ hin dâyi, “Gânŋe wat nenekberâm âmâ huŋgun nengimenâ bau biwiyeŋân gene.” dâyi. <sup>32</sup>Hain dâm biâ Yesuŋe, “Âlepŋe geŋet.” dâep. Hain dâmbo luâk lâuwâ are hepun yelemâ bau hârok biwiyeŋân geyi. Gembiâ bau arekŋe pârigim arim indâgen bāt gum siân sopanbiâ tuŋe lauyeŋân pikto moyi. <sup>33</sup>Mombiâ bau damunlupyeŋande arim kepia yeŋângen âgâm Yesuŋe sinduk baniara bâleŋe watyekto bau biwiyeŋân gembiâ moyi aregât den pat are kepia ambolupnje makyengi. <sup>34</sup>Makyengimbiâ ainâk luâk âmbâle hârokŋe

Yesu are ekne dâm kepiayenânba geyi. Gem kepia yeŋe hepunmâ ariâkgât wârakmâ magañi.

**Yesuŋe luâk parâŋe siâ mem âlepŋe ketuguep.**

**9** <sup>1</sup> Magañbiâ Yesuŋe hepun yekmâ ariwerâm waŋgan âgâm bât gum biken hâtikom arim ikiye kepia ain ariep. <sup>2</sup> Arim kindo luâk bikŋande galayeŋe siâ bâteŋe keiŋe mom kârikŋe akminep are temân katmâ yâkgâlân lokom togombiâ Yesuŋe are biwiyeye ekmâ nâŋgâm luâk kundatdâ are hin dâm magañep, “Bâleŋe akmâ manmâ gaen aregât dosa puli giŋdân.” dâep. <sup>3</sup> Hain dâmbo Mosegât den kârikŋe makmâ kepikmâ makmini are yeŋgâlân gâteŋe bikŋande biwiyenân hin nâŋgâyi, “Anutu ikinjak âmâ dosayeŋe puli yeŋgimap ina luâk yânŋe irekŋe Anutu ewangiwerâm aktâp imâ bâliâp.” hain dâm nâŋgâmbiâ bâliep. <sup>4</sup> Biwiyenânâk hain nâŋgâmbiâ Yesuŋe biwiyeye ekmâ nâŋgâm hin dâm makyenŋiep, “Hanyenande wangât den bâleŋaet nâŋgâi? <sup>5</sup> Gain gain arekŋe owâiŋe luâk bâteŋe keiŋe mom kârikŋe akmap ire hin dâm magañberân. Anutuŋe dosage hepun giŋdâp hain dâm magañberân me hin dâm magañberân. Agatmâ temge are lokoakmâ ari? <sup>6</sup> Aregât maktere nâŋgâŋet. Nâ luâk akmâ geângât dosayeŋe hepun yeŋgiwerâmgât Anutuŋe makmâ niŋep aregât keiŋe ekmâ nâŋgâŋet.” dâm makyenŋiep. Luâk kundatdâ are hin dâm magañep, “Agatmâ temge loko akmâ emetgângen bam ari.” dâep. <sup>7</sup> Hain dâmbo agatmâ temŋe lokoakmâ emetgângen bam ariep. <sup>8</sup> Arimbo luâk âmbâleŋe are ekmâ otneyeŋe arimbo hin dâyi, “Yesuŋe Anutugât kârikŋân kinmâ agak meme bo agakŋe aktâp.” dâm Anutu kotŋe mem agatmâ kinmâ maŋganli.

**Yesuŋe luâk kotŋe Mataio gawamangât puli meme are miep.**

<sup>9</sup> Akto Yesu ainba arim gawamangât puli meme luâk kotŋe Mataio puli emetjân tato ekmâ hin dâm magañep, “Nâŋgâlân dewatimenâ nâ olop mande.” dâep. Hain dâmbo agato olop ariyat.

<sup>10</sup> Arim sot nemberâm âmâ hoŋ bawa olop emetjân âgâmbiâ Romagât puli meme akto bâleŋe meme luâk biwirâŋe yâk yeŋgâlân arimbiâ Yesu akto luâklupŋe olowâk sot neyi. <sup>11</sup> Nem tatbiâ Parisaio luâk bikŋande yekmâ Yesugât hoŋ bawalupŋe hin dâm aiyenŋuyi, “Wangât eweyenande Romagât puli meme akto bâleŋe meme luâk olop tatmâ sot nendâp?” dâyi. <sup>12</sup> Hain dâm aiyenŋumbiâ Yesuŋe den are nâŋgâm hin dâm makyenŋiep, “Hin nâŋgâm heŋgemgowe. Âlepŋe mandâi yeŋgâlân are doktaŋe âi mene hain bo dâm arimai. Kundat aktâi are yeŋgâlân âi mene hain dâm arimai. <sup>13</sup> Ulikŋân Anutuŋe makto luâk siâŋe kulempgoep are hin, “Yeŋe dosayeŋaet akmâ âmâ soŋgo wan gâim om nâŋgâlân katmai aregât bo nâŋgâm egâlianŋman. Gala konok akmâ manŋetgât nâŋgâm egâlianŋman.” den hain tatâp aregât keiŋe yeŋe nâŋgâmbiâ huraguâkgât



mendugum den âi mem magaŋgi goaŋgi akmâ manŋet. Aregât maktere nâŋgâŋet. Luâk bikŋande, “Nen luâk âlepŋe akmâ yân târârâgâk manmaen.” hain dâmai luâk hain are mem oloŋyekbe dâm bo geân. Bo kârikŋe. Nâmâ luâk bâleŋe meme oloŋ yekbiangât togoân.” dâep.

**Yesu Anutugât pat sot hepunmâ maligât aikoyi.**

<sup>14</sup>Hain dâmbo Yohane tu puli keiŋe kalep are olop mali arekŋe Yesugâlân togom hin dâm aikoyi, “Nen Anutugâlân okot âlep agakgât akto Parisaio luâk nenŋe âmâ sot hepunmâ manmaen. Dâ luâklupge âmâ wangât sot sapa bo akmai?” dâyi. <sup>15</sup>Hain dâmbiâ hin dâep, “Aregât den ginŋe siâ makbe. Luâk kotdâŋe âmbâle siâ mendo âmâ kâmotlupŋe olop manmâ okot bâle akmâ sapa bo akmai. Hâmbâi bikŋande menekbiâ bo aktere sop ain nâŋgâm indem tatmâ sot sapa akmâ manbai. <sup>16</sup>Niŋande sâŋgum tâmbâŋân irakŋande katmâ parutbop? Bo. Irakŋande tâmbâŋe are oloŋdo dondâ torokbopgât hain bo akmaen. <sup>17</sup>Me niŋande waiŋ irakŋande hâpu tâmbâŋân kâimbo gewop? Bo. Waiŋ irakŋande hâpuŋe tâmbâŋe tâlim hogombo waiŋ akto hâpu bâliwopgât hain bo akmaen. Waiŋ irakŋande hâpu irakŋân gembo âlepŋe akmap.” dâep.

**Yesuŋe makto Yairo baratŋe momoŋânba agalep.**

<sup>18</sup>Yesuŋe den hain dâm makyenŋim kindo luâk damun siâŋe togom kâŋgom hânân gem âmâ hin dâm ulilaŋep, “Baratne hinŋe mondâp aregât nâ olop arim momoŋânba goaŋmenâ agalâk.” dâep. <sup>19</sup>Hain dâmbo Yesuŋe agatmâ arimbo luâklupŋe olop ariyi. <sup>20</sup>Arim âmbâle siâ hutyeŋân kilep aregât keiŋe hin. Âmbâi are dewutâyeŋe gam yeŋgumap dop hain bo geminep. Sop kâlep gembo mando hombaŋ bât bip bip hârok keiân lâuwâ bo agep. <sup>21</sup>Yâkŋe Yesugât hamiŋân arim hin nâŋgâep, “Nâ sâŋgumŋeâk howaim âlepŋe akberân.” nâŋgâep. <sup>22</sup>Hain nâŋgâm yoŋâk watmâ sâŋgum kâlep are mem howaimbo Yesuŋe purik dâm ekmâ hin dâep, “Woe, meŋ, gâŋe biwige nâŋgâlân katâtgât Anutuŋe nâŋgâ giŋdo kundat are uŋak bo akgiŋdâp.” dâmbo ainâk âmbâle are âlepŋe agep. <sup>23</sup>Akto Yesuŋe arim luâk damun yâkgât emetŋân âgâm âmâ uruwaku waitbiâ nâŋgâep. Uruwaku waitmâ den magaŋgi goaŋgi akbiâ ekmâ nâŋgâm hin dâm makyenŋiep, <sup>24</sup>“Âmbâi sisik ire bo mondâp. Yân asiŋ yendâp aregât gem ariŋet.” dâep. Hain dâmbo nâŋgâm giriŋaŋi. <sup>25</sup>Giriŋaŋbiâ den makyenŋimbo gem sopali. Gem arimbiâ âmâ baratŋe yiep ain bam bâtŋân mem agato âlepŋe akmâ agatmâ kilep. <sup>26</sup>Akto kulem miep aregât den pat magaŋgi goaŋgi akbiâ kepiaŋe kepiaŋe arimbo hân humo are ambolupŋande nâŋgâyi.

**Yesuŋe luâk lâuwâ dewunyetŋe bokbokŋe heŋgemyetkuep.**

<sup>27</sup>Akto Yesuŋe kepia are hepunmâ arimbo luâk lâuwâ dewunyetŋe bokbokŋe arekŋe hamiŋân arim den hin dâm magaŋiat, “Woe Dawidigât



kâmolân gâtne gâ den makgiñdetne netgât okot nângâ netki.” dâyat.  
<sup>28</sup>Hain dâm watmâ arimbela emetjân âgâmba watmâ âgâm enemjân kinbela aiyetkum hin dâep, “Biwiyetjande gain gain nângat? Maktere âlepne dewunyetne hulañ akberâp me bo?” dâmba dâyat, “Humo, âo, kârikjege tat giñdâpgât nângâgiñdet.” dâyat. <sup>29</sup>Hain dâmbela dewunyetne mem howaim hin dâep, “Han biwiyetne nângâlân katat aregât dopjân bunne miawak yetkiâk.” dâep. <sup>30</sup>Hain dâmba dewunyetne hulañ akto emet egiat. Akto Yesune hin dâm makmâ hâre yetkiep, “Yet bât kulem iregât den pat luâk siâ me siâ bo makyengiwiandat.” dâep. <sup>31</sup>Hain dâm makyetkimbo hepunmâ arim den koanjmâ aregât den pat are makyengimbela sambelem arimbo luâk âmbâle biwirâne nângâyi.

### **Yesune luâk kopa siâgât sinduk baniara bâleñe walañep.**

<sup>32</sup>Akto arimbiâ ainâk luâk siâ Yesugâlân kewugum togoyi aregât keiñe hin. Are sinduk baniara bâleñande mângimbo kopa akmâ den bo makmâ yân manmâ gaep. <sup>33</sup>Akto luâk are kewugum togombiâ sinduk baniara bâleñe are wato hepunmâ arimbo nângâ nângâne miawakto den agep. Hain akto aregât kâmot humo ain kili arekne hin dâyi, “Israe nengât hutnenjân kulem hinare ulikjân siâ miawakto bo ekmâ malion.” hain dâm ekmâ nângâm bâtyeñe dâtyeñân igim kili. <sup>34</sup>Dâ Parisaio yâkne âmâ Yesugât nângâm bâlianjmâ hin dâyi, “Sinduk baniara bâleñe are yengât humoyeñande memene agañdo aregât sinduk baniara bâleñe are watyekmap.” hain dâyi.

### **Yesune luâk âmbâle damunlupyene bo mali are yekmâ okotne nângâ yengiep.**

<sup>35</sup>Akto Yesune kepiañe are hepunmâ arim den emetne ârândâñ âgâm Anutune damunyeñe akberâm agep aregât pat âlep den makyengim malep. Manmâ kundat keiñe keiñe agi are mem hengem yenguep. Hain akmâ malep. <sup>36</sup>Akto lama damunlupyene siâ bo manmai dop hainâk akmâ luâk âmbâle arekne biwi gulip akmâ wâtyeñe gembo mali Yesune are yekmâ okot nângâ yengiep. <sup>37</sup>Okot nângâ yengim aregât luâklupne den ginje siâ hin dâm makyengiep, “Kalamân sot bunne dondâ tatâp aregât âi luâk amon siâ manmai yâkgât âi kalam are mem metewaigât dop bo tatâp <sup>38</sup>aregât kalamgât Amboñe Humo are ulilañbiâ âmâ âi luâk siâkâ huñgunyengiâk.” dâm makyengiep.

### **Yesugât hoñ bawalupne yâk yengât kotyene.**

**10** <sup>1</sup>Akto Yesune luâklupne keiân lâuwâ yengonmâ meyekto togoyi are hin dâm makyengiep, “Yeñe sinduk baniara bâleñe are luâk

âmbâle mângiyekbiâ bâliyi are watyekjet. Akto kundat keiŋe keiŋe aktâi are mem heŋgem yengujet.” dâep. Hain dâm aregât memenŋe akyengiep. <sup>2</sup>Akto Aposololupŋe yâk yengât kotyeŋe hin. Luâk siâ kotŋe Simoŋ kotŋe siâ Petoro akto emiŋe Anderea. Akto Yebedaioġât nanlogâtŋe kotyetŋe Yakopo akto Yohane. <sup>3</sup>Akto siâ Pilipo, siâ Batolomaio, siâ Toma. Akto siâ kotŋe Mataio gawamangât puli meme luâk manminep akto Yakopo amâ Alipaioġât nanŋe are, akto Tadaio <sup>4</sup>akto Simoŋ siâ Roma damunlupyeŋe yengât hâkân agi are yengâlân gâtŋe. Akto siâ amâ Yudasi Karioto kepian gâtŋe yâkŋe halop hogom luâk oloŋ yekto Yesu meyi are.

<sup>5</sup>Akto Yesuŋe aposololupŋe are hin dâm huŋgunyengiep, “Yeŋe amâ Yuda luâk âmbâle bo yâk yengâlân me Samaria gâtŋe kepia siâ me siâ yâk yengâlân bo ariwei. <sup>6</sup>Dâ Lama are damunyeŋe bo manmâ ari hilip agumai dop hainâk Israe luâk âmbâle yâkŋe hilip agune dâm aktâigât yâk yengâlânâk tâŋ tâŋâk ariwei. <sup>7</sup>Israe yâk yengâlân areâk arim hin dâm makyengiwei, “Anutu himbimân manmapŋe damunnenŋe akberâm aktâp.” <sup>8</sup>Hain dâm amâ kundat aktâi yâk mem heŋgem yenguwe. Akto luâk âmbâle momoŋe areyengât dâmbiâ momoŋânba agatbai. Akto hâk bâle aktâi are mem heŋgem yenguwe. Akto sinduk baniaranŋe meyegi are watyekbiâ ariwei. Nâmâ yân kârikŋe yengim huŋgunyengîân aregât ye gai hainâk wan me wan yân yengiwei. <sup>9</sup>Akto hin akmâ ariwai. Tâwât dewunŋe amâ bo mem ariwei. <sup>10</sup>Akto ito siâ siâyeŋe bo lugum goliakmâ ito bâlâk ariwei. Akto hâk pekeŋe konogâk lugu akmâ ariwei. Akto kei pekeŋe hainâk konogâk katmâ ariwei. Akto huwan hepunbiâ talâk. Yân arimbiâ amâ kepia ambolupŋande yekmâ luâk âirâ dâm tânyengumbiâ ârândân akbiap. <sup>11</sup>Akto huŋgun yengire arim ulik gulik kepia ambolupŋe yengât keiyeŋaet makmâ aikowei. Akto siâgât nâŋgâmbiâ ârândân akto yâkgât emetŋân âgâm ainâk tatmâ manbei. <sup>12</sup>Emetŋân âgâm Anutuŋe damunyeŋe agâkgât makmâ heronŋe akyengiwei. <sup>13</sup>Heronŋe akyengimbiâ emet amboŋande ye gala akyengim denyenŋe nâŋgâmbiâ ârândân akto aregât bunŋe miawakyengiwiap. Gârâmâ denyenŋe nâŋgâm hâkân akmâ gala bo akyengimbiâ amâ hamiyengimbiâ aregât bunŋe bo miawak yengiwiap. <sup>14</sup>Akto yeŋe kepia siân arim makyengimbiâ hâkân akbiâ aregât kepia are hepunmâ Anutuŋe hâuŋe yengiwiap aregât dop akmâ keiyeŋân hamaŋ siâ tatbiap are paŋ paŋgom tâlim pulimbiâ gewiap. <sup>15</sup>Aregât maktere nâŋgâŋet. Sop humoân Anutuŋe Sodom akto Gomora kepia ambolupŋande bâleŋe agi aregât hâuŋe yengimbo meyi. Gârâmâ ye kepia yeŋân arimbiâ gala bo akyengiwei amâ dosa yeŋaet hâuŋe umatŋe membai.

### **Biwiyeŋande Anutugât nâŋgâm manbaiŋe Anutugât pat akbai.**

<sup>16</sup>Lama pâlâmŋe are pugaiya yengât hutyeŋân arimbiâ hilip yengune dâm kinmai dop hain are akmâ huŋgun yengire luâk bâleŋe hutyeŋân

ari manmâ aregât bo hamep akbei. Akto songo kotje hewam are nângâ nângâje olop manmâ damun aganġimap dop hainâk ye biwi golâk manbei. Akto lâut kotje kembâ arekje bo kârâ nenekmap kopakom tatmap dop hainâk yeje arim yeuknân manmâ bo mem bâli yekbai. <sup>17</sup>Ye luâk bikje yengât nângâmâk manbei. Yâkje yâk yengât den emetjân katyekmâ luâk kembulupyene yâk yengât dewunyenân bugâje yenguwai. <sup>18</sup>Akto areâk bo. Ye nângât akmâ mandâigât kiap me luâk kembu yâk yengâlân meyekmâ arimbiâ den âi membai. Aregât ye yâk yengât meteyenân akto Anutu bonanġanmai yâk yengât meteyenân kârikjeâk kinmâ den bunje makmâ hulanbei. <sup>19</sup>Den âiân katyekbiâ âmâ den gain gain hinare maktenje ârândân akbiap aregât nângâm han lâuwâ bo akmâ hanoko bo akbei. Anutuje biwiyenân Heakje kato yâkje makmâ miawakyeŋgimbo areâk makbei. <sup>20</sup>Sop ain âmâ den makbai are Eweyejaet Heakjande biwiyenân den kato nângât keine makyenġiwai. Are âmâ yejeâk bo makbai. Amâ Heakjande makmâ miawakyeŋgiwiap. <sup>21</sup>Akto sop ain teulupyenande emilupyene mojet dâm oloj yekmâ togo kiap maganġbiâ yengumbo mombai. Akto ewelupyenande nanlupyene yengum gasa akyenġim kewugu yekmâ humomolupyenaelân arimbiâ âmâ yengumbiâ mombai. Akto nanaŋ lepatlupyenande ewe memelupyene gasa akyenġim kiapgâlân arimbiâ tembe lokolupyenande togom meyekmâ arim yenguwai. <sup>22</sup>Akto ye kot patnaet akmâ luâk hârok yâkje yengât nângâmbiâ bâliwiap. Aregât yengâlân gâtje siâ me siâje nângât akmâ bo hâkân akbiap âmâ sop humoân himbim kepia membiap. <sup>23</sup>Akto ye meyekmâ den âi mem bugâje yengune dâm akbiâ ain hepun yekmâ kepia siân arim manbei. Aregât siâ hin maktere nângânet. Yeje âmâ Israe kepia ârândân tatmâ ariâp ain bo purik katmâ arim âiyeje ketugum metembiâ âmâ nâ luâk akmâ geân aregât sopje ewumâk akbiap. <sup>24</sup>Nanaŋje humoyeje ewangiwaigât dop bo tatâp. Akto hainâk luâk humomolupyene akto hoj bawalupyene yâk dop konogâk membai. <sup>25</sup>Akto nâje âmâ yengât kautje mandân. Akto yeje âmâ nângât den lokom hoj akniġmâ mandâi. Akto luâk bâleje arekje âmâ hin dâm nogondâi, “Sinduk baniara bâleje yâk yengât amboyeje kotje Besebulu.” dâm nogondâi hainâk hâmbâi ye hoj bawalupne manmâ denne lokom manbiâ âmâ makmâ mem ge katyekmâ mem bâliyekbai.

<sup>26</sup>Aregât yâk yengât bo hamewakbei. Amâ wan me wan siâ yoŋâk kinmâ akmai are hainâk bo yembiap. Are hâmbâi miawakto ekbai. Akto wan me wan siâ akmâ heambukmai are hainâk bo yembiap. Are hainâk hâmbâi tek tekjân miawakto ekbaen. <sup>27</sup>Aregât âmâ nâje ye olop yoŋâk yoŋâk tatmâ den makyenġim mandân ire luâk âmbâle hârokje nângânetgât makyenġiwei. Akto nâje den hilop halowân makyenġim mandân ire hâmbâi kâmot humoân kinmâ makyenġiwei. <sup>28</sup>Akto luâk bâleŋande yengât wâtyene bo akyenġiâkgât dâm bugâje yenguwai. Gârâmâ

yengât otne biwiyeye hilipkowiagât dopne bo tatyengiâp are yengât bo hamewakbei amâ Anutu yâk konokne ye yengum aregât kaknân otne biwiyeye hilipkowiapgât kârikne talaŋdâp yâkgât konok hamewakbei. <sup>29</sup>Lâut sâmbâlilik are gagap amâ bunne bo. Are amâ tâwât dewunŋande puligowaengât dopne bo tatâp. Hain gârâmâ sâmbâlilik siâ mombiap momo aregât himbimân Eweyende bo ewum pâpkowiap. <sup>30</sup>Yâkne dumutyeye aregât yalaŋe nâŋgâm metemap. Aregât ye manbiâ bo nelâm yengiwia. <sup>31</sup>Dâ ye amâ sâmbâlilik bo. Ye luâk, aregât Anutuŋe damunyeŋe akmap. Akto yâkne keiyeye hârok nâŋgâmap. Aregât luâk yengât bo hamewakbei. <sup>32</sup>Akto yengâlân gâtne siâne luâk âmbâle yengât bo hamewakmâ yâk yengât dewunyeŋân kinmâ, “Nâ biwine Yesugâlân katere kinbiap.” dâm makyengiwiap amâ nâŋe hainâk hâmbâi himbimân Ewenaet dewunŋân kinmâ, “Luâk ire amâ nâŋgât kâmolân gâtne.” dâre Anutuŋe luâk hainare manman âlepŋân katbiap. <sup>33</sup>Aregât luâk aŋgâŋe amâ luâk âmbâle yengât hamewakmâ dewunyeŋân kinmâ, “Nâ Yesu are bo nâŋganman.” dâwia. <sup>34</sup>amâ nâkai hainâk Ewenaet dewunŋân kinmâ, “Bo nâŋgâ giŋdân.” dâwian.

<sup>34</sup>Akto yeŋe nâŋgâ yâkgât hin bo dâwei, “Yesu amâ nen gala konok manbaengât giep.” hain bo dâwei. Aregât maktere nâŋgâŋet. Nâŋe miawakmâ geân aregât bugâ miawakbiap. <sup>35</sup>Nâŋe geân aregât eweŋe nanŋe potalakmâ gasa agaŋgiwiandat. Akto memeŋe baratne potalakmâ gasa agaŋgiwiandat. Akto erânŋe erânŋe potalakmâ ikiŋeâk ikiŋeâk gasa agaŋgim manbiandat. <sup>36</sup>Me yengât ginbailupyeŋande gasa agaŋgiwai. <sup>37</sup>Akto siâ ewe meme han kalem humo akyetkim nâ bâlensiâ akniŋbiap amâ yâk nâŋgât pat bo akbiap. Akto siâ nanŋe baratne han kalem humo akyeŋim nâ bâlensiâ akniŋbiap amâ yâk hain âgâk nâŋgât pat bo akmâ manbiap. <sup>38</sup>Akto luâk siâne gasalupnande mem hilip nuguwai dâm aregât hamep akmâ ikiŋe hâkŋaet hanokoak akmâ manbiap amâ nâŋgât pat bo akbiap. <sup>39</sup>Me luâk siâne manmanŋe are ikiŋaelâk mem hanokoak akmâ manbiap arekne hâmbâi hilip aguwiap. Dâ luâk siâne nâŋgât akmâ nâŋgâ niŋmâ manmanŋaet bo hanokoak akmâ manmâ denne lokom manmâ manbiap arekne amâ manman kârikŋân manmâ âgâwia.

<sup>40</sup>Ye huŋgun yeŋgire arimbiâ gala konok akyeŋimai yâkne nâ gala konok akniŋmai aregât dop aktâp hainâk nâ gala konok akniŋmai yâkne amâ Ewenaet huŋgun niŋep yâk gala konok agaŋmai aregât dopne aktâp. <sup>41</sup>Akto Anutuŋe propete siâ mandâp aregât luâk siâne nâŋgâm gala konok agaŋdo ain gâtŋande hâmbâi Anutuŋe ikiŋe propetegât hâuŋe waŋbiap. Akto luâk siâ agak meme âlepne mem manmap aregât luâk siâne yâkgât keiŋe ekmâ nâŋgâm heŋgemgoep aregât gala konok agaŋmap yâk Anutuŋe luâk âlepne yâkgât hâuŋe waŋbiap. <sup>42</sup>Me luâk âmbâle siâne biwiyeye nâŋgât katbai yâk yengâlân gâtne gegeŋe are luâk siâne ekmâ nâŋgâm amâ tu hâgâm waŋbiap yâkne aregât hâuŋe âlepne hâmbâi membiap.” dâep. Yesuŋe den hain dâm aposololupne makyengiŋep.

### Yesuje Yohanegât magep.

**11** <sup>1</sup>Yesuje hoj bawalupje keiân lâuwâ are hain dâm makyengiep. Hain makyengim metem kepia are hepunmâ kepiaje kepiaje arim Anutugât den akto ikiye keije are makmâ miawakmâ makyengim malep.

<sup>2</sup>Sop ain âmâ Yohane are kala busi kâlegen katbiâ talep. Kala busi kâlegen katbiâ tatmâ Kristoje kulem keije keije mem malep aregât pat nângâep. Nângâm tatmâ galalogâtje lâuwâ huᅅgun yetkimbo arim <sup>3</sup>hin dâm aikoyiat, “Damun netje Yohane are ulikjân yâk togom damun nenje akbiapgât dâyi are gâ me niᅅaet lâmgom manbaen? dâm maknetkimbo gutet.” dâyi. <sup>4</sup>Hain dâmbela Yesuje hin dâm makyetkiep, “Yet arim âmâ wan me wan ekmâ nângat iregât den pat are Yohane hin dâm maganᅅbiandat. <sup>5</sup>Dewunyeje bok bokje yâk yeᅅgât makto dewunyeje hulaᅅ akto emet ektâi. Akto luâk kei bâtyeje bâli bâlije yâk yeᅅgât makto âlepje akmâ bam gutâi. Akto diwi kârikje akmâ manmai yâk yeᅅgât makto pandak yeᅅgiâp akto ondopyeje bok bokje yâk yeᅅgât makto ondopyeje kepik akto den nângâi akto makto momoᅅânba agatmâ golâk mandâi. Akto umburuk mamburuk mandâiᅅe den pat âlepje makyengimbo nângâi. <sup>6</sup>Akto luâk siâᅅe hâkâᅅe bo akbiap âmâ yâkgât nângâre âlepje aktâp.” hain dâm huᅅgun yetkimbo purik katmâ ariyiat.

<sup>7</sup>Huᅅgun yetkimbo purik katmâ arimbela Yesuje Yohanegât hin dâm luâk âmbâle kili are makyengiep, “Ye Yohane hân kamitᅅâᅅgen malep yâk wan ekne dâm yâkgâlân ariyi? Seruje dakerâ waito bam gutmap are ekne dâm yâkgâlân ariyi me? <sup>8</sup>Me luâk siâᅅe hâk peke kulem melem are mem luguagep. Luâk hainare ekne dâm yâkgâlân ariyi me? Luâk hain arekᅅe hâk pekeᅅe kulem melem luguakmâ heᅅgemgom luâk kotdâ yeᅅgât emelan tatmâ manmai. <sup>9</sup>Ye wan ekne dâm hân kamitᅅâᅅgen ariyi? Âmâ propete siâ ekberâm ariyi mon? Ye Yohane Anutugât den makmâ miawagep are ekne dâm ariyi aregât Yohane egi arekᅅe âmâ luâkᅅe luâkᅅe Anutugât den makmâ miawakmâ manmâ gayi yâk yeᅅgât dop bo. Yâk âmâ siâ. Yâkᅅe âmâ propete hârok ewangi yekmâ kautje mandâp. <sup>10</sup>Yâkgât âmâ ulikjân Anutuje den hin dâep are tatâp, “Nune hoj bawane huᅅgun aᅅdere laune lokom gâᅅgât ulikjân akᅅiᅅmâ dâp heᅅgemgo ᅅiᅅbiap.” den are âmâ bunje akto Yohane miawagep. <sup>11</sup>Akto Yohane yâkgât den siâ maktere nângâᅅet. Luâk yâᅅᅅande âmâ Yohane bo ewangimap. Dâ Anutu himbimân manmapje damunyeje akto yeᅅgâlân gâtje hârokᅅe âmâ Yohane ewangimai. <sup>12</sup>Akto Yohaneᅅe âi keije katmâ den makyengim malep sop arewa luâk âmbâle biwirâᅅe Anutuje damunnenje akberâm aktâp aregât den pat âlepje nângâm biwiyeje heroje maroje akto aregât bunje mene dâm aktâi. Akto luâk âmbâle

kârikŋe akmai yâkŋe himbimgât pat akbai. <sup>13</sup>Propete luâk akto Mosegât den kârikŋe yâk hârokŋe Anutugât keiŋe kulemgom manmâ gayi. Akto Yohanene aregât den bâiŋe makmâ miawagep. <sup>14</sup>Propete luâk siâ kotŋe Elia are malep luâk hainare hutnenŋân miawakbiap, den are nâŋgâmbiâ ârândân agâkgât tatyenŋiâp mon? <sup>15</sup>Ire nâŋgâm biwiyenŋe kepigâkgât den ire mem biwiyenŋân katmâ nâŋgâmâk manbei.

<sup>16</sup>Hinŋe mandâi yengât den gain gain maktere ârândân akberâp? Dop hinare. Nanaŋ lepat hain are kâmot lâuwâ kepia sombeimân tatbai. Tatmâ kâmot siâŋe kâmot siâ are hin dâm makyenŋiwai, <sup>17</sup>“Nenŋe han nenŋeâk kep kondan hain koŋet dâen. Hain dâm makyenŋienŋe ye bo kondâi. Umbi mem indienŋât yekâ han mem indenŋet dâen. Hain dâm makyenŋienŋe yekâ hainâk bo indeâi.” dâwai. Akto hainâk nâŋe bo indem okot bâle akmâ sot bâlâk manman aregât nâŋgât hainâk hâkân aktâi. Akto aregât maktere nâŋgâŋet. <sup>18</sup>Yohanene sot waiŋ tu bo nem âmâ yân manmâ gambo aregât ye hin dâyi, “Âi luâk ire âmâ sinduk baniara bâleŋande kautŋe mem gulip ketuguâp.” dâyi. <sup>19</sup>Akto nâ luâk akmâ gem sot soŋgo nendere hin dâm magaŋgi niŋmai, “Luâk irekŋe sot humo nem mandâp amâ Roma yengât pat akmâ puli meme akto luâk bâleŋe yâk yengât gala.” dâm magaŋgi goaŋgi akmai. Gârâmâ Anutugât nâŋgâ nâŋgâŋe nâŋgâm watmâ manbai âmâ siâ me siâ bunŋeâk akto keiŋe yâk yengâlân bunŋe miawakbiap.” dâep.

### **Yesuŋe kepiaŋe kepiaŋe hârok makmâ sârek yenguep.**

<sup>20</sup>Akto emelâk Yesuŋe kepiaŋe kepiaŋe manmâ kulem keiŋe keiŋe mendo ekmâ kinmâ agak memeyeŋe bâleŋe yeŋe bo makmâ miawakmâ han purikali aregât nâŋgâm bâli yengim sârek yenguep. <sup>21</sup>“Bâe, Korasiŋ kepia ambolupŋe, bâe, Besaida kepia ambolupŋe yengâlân kulem hamepŋe olowâk mem manmâ gan hainare Tiro akto Sidoŋ kepiân ketugure dâine yâk emelâk agak memeyeŋe bâleŋe hepunmâ kâŋgom kinmâ okot bâle nâŋgâ aŋgim kinmâ Anutugât den nâŋgâwâi. <sup>22</sup>Dâ ye âmâ hain bo agi aregât hâmbâi sop humoân Tiro akto Sidoŋ kepia ambolupŋande aregât umatŋe membai. Hain gârâmâ ye âmâ agak memeyeŋe bâleŋe bo hepuli aregât hâuŋe umatŋe bâleŋe membai. <sup>23</sup>Akto Kapanaum kepia ambolupŋe ye âmâ Anutuŋe meyekto himbimân âgâwai mon? Hain bo. Anutuŋe âmâ ye hepun yekto hememân gewai. Yengâlân kulem keiŋe keiŋe ketuguân are Sodom kepiân ketugure dâine kepia aregât ambolupŋe hanyenŋe purik katbiâ Anutuŋe bo yenguwop. <sup>24</sup>Aregât hin makyenŋiwe. Sop umbuŋân Sodom kepia ambolupŋande bâleŋe agi aregât umatŋe meyi. Dâ ye âmâ sop humoân umatŋe bâleŋe membai.” dâep.

### **Yesuŋe biwi sânduk ketugu nenekto wâtnenŋe kârikŋe akmap.**

<sup>25</sup>Sop ain Yesuŋe Eweŋe manŋanmâ hin dâep, “Apo, hân himbim amboŋe gâŋgât okot âlep akŋiŋdân. Ewene gâ luâk bikŋande gâŋgât

keige nânġâne dâm nânġâ nânġâ emetġân âġâyi yâk yeġġât wan me wan ire nânġâwâi dâm dâp tigi yeġġimat. Are nânġâre ârândân aktâp. Dâ nanaġ hinare yânġande âmâ areġât nânġâġet dâm hekat yeġġimenâ nânġâmai areġât ġâ mepaige mendân. <sup>26</sup>Apo ġâ hain miawakmâ ariâġġât nânġâmenâ âlepġe agep.” dâm magaġep. <sup>27</sup>Akto den siâ hin dâm makyenġiep, “Ewene yâkġe nâ memenġe akniġdo areġât kotġe siâ siâ akbiangât dopġe aktâp. Akto Ewenaet keiġe nânġâġât luâk âmbâle potat yekmâ biken biken makyenġire arekġe âmâ hainâk keiġe nânġâwai. <sup>28-30</sup>Akto nânġe nunak yeukġân manmâ damunyeġe akberâm aktâġġât ye hâk hilâlâm kakġân manmai me umatġe miawak yeġġimbo wâtyeġe sândugewerâm aktâp ye hârok nânġâlân togombiâ âmâ nânġe welam yeukġe âlepġe are mem katyeġġire âmâ nânġât keine nânġâm heġġemġombiâ mem hâk sânduk ketugu yektere wâtyeġe kârikġe akbiap. Akto biwiyeġe sândugembo sân sân bo membai.” hain dâm makyenġiep.

### Âi bo meme sopġaet den.

**12** <sup>1</sup>Âi bo meme sopġe Sarere ain Yesu akto hoġ bawalupġe âi kalam kâlegenba bam ariyi. Arim hoġ bawalupġe mopyeġe agumbo sot mem hâkġe gagaim neyi. <sup>2</sup>Akto Parisaio luâkġe yekmâ Yesu hin magaġi, “Hoġ bawalupġande âi meme sopġe bo ain ina sot hâkġe gagaim nendâi are yektenġe ârândânġ bo aktâp.” dâyi. <sup>3</sup>Hain dâmbiâ Yesuġe hin makyenġiep, “Ye Dawidiġe agep areġât den pat oyaġmai are bo oyaġmâ nânġâmai mon? Yâk akto tembe lokolupġe mop humo miawak yeġġimbo mali. <sup>4</sup>Hain akmâ Anutugât sumbe kat kat emetġân âġâyi. Âġâm âmâ Anutugât sumbe dâm sot kâmbokġe dâtânġe are om kali are neyi. Are âmâ sumbe kat kat luâkġeak ne. <sup>5</sup>Moseġe den kulemgoep are oyaġmai dâ amâ bo nânġâmai. Sumbe kat katġât âi luâkġe âi mem Sarere âi bo meme sopġân sumbegât âi memai amâ dosa bo akmai. <sup>6</sup>Nânġe âmâ sumbe kat kat emetġe are ewangiân. <sup>7</sup>Akto ye den ire Anutuġe makto kulemgoep, “Sumbe oġogât âmâ hâkânġ aktân. Dâ okot âlep agakġât âmâ egâliandân.” den are nânġâmai dâine agak memeyeġe bâleġe bo akmai yâk yeġġân den âiân umatġe bo katyebâi. <sup>8</sup>Nâ luâk akmâ ġeân âmâ âi bo meme sopġe Sarere areġât damunġe akman.” dâep.

### Yesuġe luâk siâ mem âlepġe ketuguep.

<sup>9</sup>Akto Yesuġe arewa arim yâk yeġġât den emetġân âġâep. <sup>10</sup>Âġâm ain luâk bânġe bâleġe siâ tato eġep. Akto Parisaio luâk arekġe, “ġain ġain akmâ Yesu denân katbaen.” dâm areġât hin dâm magaġi, “Sarere âi bo meme sopġân âlepġe luâk kundatdâ heġġem yeġġuwerât me bo?” dâyi. <sup>11</sup>Dâmbiâ hin makyenġiep, “Hut yeġġân ġâtġe siânġe lama siâ kinaġbiap. Akto lama arekġe Sarere âi bo meme sopġân lâmân ġewiap. Akto luâk arekġe lâmânba bo hikom oloġbiap me? <sup>12</sup>Hanâk hikom oloġbiap akto



luâkne âmâ lama ewangimap. Aregât nen âlepne âi bo meme sopne Sarere ain luâk heŋgem yeŋguenne ârândân akmap.” dâep. <sup>13</sup>Hain dâm kinmâ luâk bâteŋe bâleŋe are hin dâm maganeŋe, “Bâteŋe panmenâ agalâk.” dâmbo bâteŋe pando âlepne akmâ bâteŋe biken aregât dopne agep. <sup>14</sup>Akto Parisaio luâkne agatmâ arim mendugum Yesu kombiâ mombiapgât magaŋgi goaŋgi agi.

### Yesu miawakbiapgât magi a kârigieŋe.

<sup>15</sup>Hain akbiâ Yesuŋe den are nâŋgâm keŋia are hepunmâ agatmâ arieŋe. Akto luâk âmbâle dondâne olop arimbâ luâk kundatdâ dondâ heŋgem yeŋgueŋe. <sup>16</sup>Hain akmâ aregât den pat bo makyenŋiwei dâm den kârikne makyenŋieŋe. <sup>17</sup>Makyenŋieŋepgât Anutuŋe ikeŋe hoŋ bawagât den siâ Yesaia magaŋdo hin kulemgoeŋe,

<sup>18</sup>“Hâmbâi nâŋgât hoŋ bawane nâŋe emelâk makmâ hâreanân. Nâ yâkgât ukenne humo nâŋgân akto yâkgât okot âlep nâŋgân. Akto nâŋe nune Heakne are yâkgâlân katbian akto yâkne agak meme âlepne aregât den pat are hânne hânne manmai are makyenŋiweiŋe. <sup>19</sup>Akto yâkne kuk heŋgân denne bo makbiap. Akto dâp humo watmâ bo kambonŋo nâŋgâwai. <sup>20</sup>Akto hâlâm pelâkne kokone are bo hârem kâlâwân panbiap. Akto kâlâp ululunne are bo limbâpkombo bokbiap. Nâŋgât hoŋ bawa hain akmâ âi humo mem ârândân den mem hulaŋ golaŋ mâŋgimbo nâŋgâmbiâ âlepne miawakbiap. <sup>21</sup>Akto hânne hânne manmai arekne yâkgât kotne nâŋgâmbiâ humo akto biwiyenŋe sândugembo yâkgât lâmgom tatmâ mâruŋe akmâ konmâ manbai.” Yesaiaŋe hain kulemgoeŋe.

### Yesuŋe sinduk baniara siâ walaŋeŋe.

<sup>22</sup>Akto sop ain luâk siâ yâkgâlân kewugum togoyi. Akto luâk are âmâ sinduk baniara bâleŋande kautjân mieŋe. Dewunne akto launne hârok gisap agueŋe. Akto Yesuŋe luâk are mem âlepne ketugumbo denne bo arekne den hogom emet ekmâ agep. <sup>23</sup>Akto luâk âmbâle kâmot humo arekne ekmâ otneyenŋe arimbo hin dâm magaŋgi goaŋgi agi, “Luâk ire Dawidigât hakunne me aŋgâ?” dâm han lâuwâ agi. <sup>24</sup>Akto Parisaio luâkne den are nâŋgâm hin dâyi, “Yâkgât keŋe hingât akmâ kinmâ sinduk baniara bâleŋe watyekmâ kindâp. Sinduk baniara bâleŋe yeŋgât humoyenŋe kotne Besebulu yâkgât kârikjân kinmâ watyekmâ kindâp.” dâyi. <sup>25</sup>Hain dâmbiâ Yesuŋe biwiyenân ekmâ hin dâm makyenŋieŋe, “Luâk kâmot siânne potalakmâ yeŋeak agumbiâ dâine bo akbop. Me emet me keŋia humo siânne potalakmâ agumbiâ dâine emet keŋia are bo yembop. <sup>26</sup>Dâ hainâk Hiaŋgi Amboŋande ikinjak walakto dâine kâmotlupne emelâk potalakmâ bo akbâi. <sup>27</sup>Hiaŋgi Amboŋaet kârikjân kinmâ âi mem manman dâine



bunje bo miawakbop. Dâ Anutugât kârikjân kinman aregât Hiangi Ambojaet âi luâk watyekman. Akto aregât lâuwânje makbe. Ye nângâ yâkgât Besebulugât kârikjân kinmâ Besebulugât kâmot watyekmap dâi aregât hin dâm makyenjiwe. Yengât luâklupyenjande hainâk Besebulugât kârikjân kinmâ sinduk baniara bâleje watyekmai. Yâkne âmâ hâkyenje tunmâ keiyenje mem miawakmai. <sup>28</sup> Akto nâ Anutugât Heakjande wâtje nijdo sinduk baniara watyekman aregât Anutuje wan me wan hârok damunyenje akbiapgât sopje tâlâwâk aktâp. <sup>29</sup> Akto nângât keine aregât den dopje siâ makyengire nângâjet. Luâk kârikje siâje mâron goliakmâ tembe bisârâj mem âgâm emet kepiane damungom hejgemgowiap âmâ yâkgât ito me wan me wan âlepje talañbiap. Dâ gasa kârikje dondâje togom emet damunje akmap are tâkne hikombo yeukje akto âlepje ito me bau me wan me wan are meakbiap.

### Heak bo hâkânje akbaen.

<sup>30</sup> Akto aregât siâ maktere nângâjet. Luâk âmbâle siâje gala bo akniñmapje âmâ gasa akniñmap. Akto siâje âi mendere bo tân nugumapje nugum pan nekbiapgât dop aktâp. <sup>31</sup> Akto luâk âmbâle bikjande nugum bâleje maleje hârok mânginekmai dosa are Anutuje ikinjak kutigit yengiwipgât dopje aktâp. Dâ luâk siâje Anutugât Heakje are pilâkom mem ge katmâ âmâ dosa membiap are Anutuje hepunbiapgât dopje bo tatâp. <sup>32</sup> Akto nâ luâk akmâ geân nângât siâje makmâ bâleniñbiap âmâ dosa are Anutuje ikinjak kutigilañbiapgât dopje aktâp. Dâ Heak âlepje yâkgât makmâ bâlianiñbiap yâkgât dosa âmâ Anutuje bo kutigilañbiap. Borondâ. Luâk are dosa olop manmâ âgâwip.

<sup>33</sup> Lâwingât keije bunjande mem miapanmap. Aregât ye lâwin siâgât nângâm kepilâm imâ âlepje dâm benje bunjejaet hainâgâk âlepje dâmai. Akto lâwin siâgât nângâm kepilâm imâ bâleje dâm âmâ benje bunjejaet hainâgâk bâleje dâmai. <sup>34</sup> Wei, mulum nanañlupje, ye bâleje akmai aregât gain gain den âlepje siâ makbai. Âmâ hanyenân wan me wan siâ yendâp hain âgâk lauyenânba gamap. <sup>35</sup> Luâk âlepjande han nângâ nângâje âlepjânba siâ me siâ âlepje lândemap. Dâ luâk bâlejande âmâ han nângâ nângâje bâlejanba siâ me siâ bâlejeâk lândemap. <sup>36</sup> Aregât hin makyengire nângâjet. Siân sop humoân luâk âmbâle hârokje den keije bo makmai are makmâ miawakbiâ Anutuje den âiân katyekbiap. <sup>37</sup> Âmâ hingât. Den makmat arekje keige âlepje mem miap pando Anutuje hâuje âlepje akgiñbiap. Me den makmat arekje keige bâleje mem miap pando Anutuje hâuje umatje giñdo umatjân manmâ âgâwiat.” dâep.

### Yesuje kulem mendo eknegât maganji.

<sup>38</sup> Yesuje hain dâmbo sop ain Mosegât den kârikje makmâ kepigi akto Parisaio luâk arekje Yesu maganjmâ hin dâyi, “Apo, gâje kulem

siâ memenâ ekne.” dâyi. <sup>39</sup>Hain dâmbiâ hin makyengiep, “Hain bo. Luâk âmbâle bâleŋe yeŋe Anutugât kotŋe mem bâlimai arekŋe kulem miawakto ekne dâmai. Dâ nâŋe âmâ kulem bo hekat yeŋgiwian. Konok amâ hin. Yonagât kulem are nâŋgâm heŋgemgowe. <sup>40</sup>Ulikŋân propete kotŋe Yona iŋan humo siâgât tepŋe kâlegen hilâm âlâwu yiep hainâk luâk akmâ geân nâ hilâm âlâwu hân kâlegen yembian. <sup>41</sup>Dâ Yona arekŋe kepia bâleŋe dondâ kotŋe Niniwe aregât ambolupŋe den makyengimbo hanyeŋe purik kali. Dâ nâ Yonagât Humoŋe nâŋe makyengire hanyeŋe kârikŋe akmai aregât Niniwe ambolupŋande yeŋgât dosa mem miawakyeqmâ makbiâ agak memeyeŋe bâleŋe are mem miawakbiap. <sup>42</sup>Aregât den siâkâ makbe. Ulikŋân hakunenŋe Dawidi yâkgât nanŋe Salomoŋe den nâŋgâ nâŋgâŋe makmâ miawagep. Den are sambelem arimbo âmbâle kembu siâ hân bânŋâŋen Salomogât den are nâŋgâwerâm togombo maganŋo nâŋgâmbo dâtŋe agep. Dâ nâŋe âmâ Salomogât Humoŋe aregât yu kindâi ire makyengire nâŋgâmbiâ dâtŋe bo akto aregât âmbâle kembu arekŋe yeŋgât dosa mem miawakmâ hâkyeŋe tun akto agak memeyeŋe bâleŋe are miawakbiap.

**Niambiŋe luâk hepunmâ arim manmâ purikamâ gewâkŋânâk togoep.**

<sup>43</sup>Ye hain akmaigât hin makyengire nâŋgâm heŋgemgoŋet. Sinduk baniara helenj bâleŋe siâŋe luâk siâ hepunmâ hân kamitŋâŋen luâk memberâm undâgâto bo akbiap. <sup>44</sup>Undâgâto bo akto hin dâwiap, “Emelâk nâŋgât luâk are agaŋmâ hepulân aregâlân purik katmâ arim manbian.” hain dâm purik katmâ arim luâk aregât biwiŋân siâ siâ bo kindo ekmâ ârândânj aktâpŋât <sup>45</sup>âmâ arim galalupŋe bân biken lâuwâ bâleŋe dondâ akmai are âmâ mem miawakyeqmâ kewuguyekto togom manbiâ umatŋe bâleŋe dondân manmâ âgâwiap. Akto agak meme hain arekŋe luâk âmbâle bâleŋe hinŋe mandâi are yeŋgâlân miawakbiap.” dâep.

**Yesugât memene emilupŋe.**

<sup>46</sup>Den hain dâm makyengimbo ainâk memene emilupŋe togom betgen kinmâ, “Teunenŋe gemenâ makgiŋe.” dâm koli. <sup>47</sup>Hain dâm konbiâ luâk siâŋe hin dâm maganŋep, “Memege emilupge betgen kinmâ gogonmâ kindâigât gemenâ makgiŋberâi.” dâep. <sup>48</sup>Hain dâmbo Yesuŋe luâklupŋe are yekmâ hin dâm maganŋep, “Memene niŋe? Akto emilupne niŋema? <sup>49</sup>Memene me emilupne amâ ire. <sup>50</sup>Ewene himbimân manmap yâkgât lauŋe lokomai yâkŋe amâ nâŋgât memene akto emilupne garilupne aktâi.” dâep.

**Luâkŋe sot koaŋe kâmelep.**

**13** <sup>1</sup>Akto sop ain Yesuŋe emet are hepunmâ sopanmâ arim bâtgum giŋŋân talep. <sup>2</sup>Ain tato luâk âmbâle dondâŋe yâkgâlân togom

gam ândeaji. Hain agi aregât wanja siân âgâep. Akto luâk âmbâle togoyi are bāt gum dātjân kinbiâ makyenġiep. <sup>3</sup> Wanja kâlegen kinmâ den ginje dondâ makyenġiep are hutjân den ginje siâ ikinjaet pat hin dâm makyenġiep, “Luâk siânje seŋgo alekne mem âi pâinjanġen ariep. <sup>4</sup> Hain akmâ arim mem biken biken pando giep. Dâ seŋgo alekne bikne âmâ dâwân ge yiep. Are lâutne dowâk togo nem meteyi. <sup>5</sup> Dâ bikne âmâ hân kât kâlegen hân dondâ bo ain ge yiep aregât dowâk pāt kombo kâmne dowâk gambo <sup>6</sup> dewutâ kârikne pando kândârânje tâlâwâk aregât dipkom moep. <sup>7</sup> Dâ bikne âmâ hele kândârânje kâlegen ain ge yiep arekne sopjân pāt kom kâmne gambo hewukne âkâ hainâk gam kârikne akmâ sot tigimbo bunje bo agep. <sup>8</sup> Akto seŋgo alekne bikne âmâ hân kelurâ ambojanġe mem bandikoep ain ge yiep are bikjanġe pāt kom agatmâ bunje âlepne agep. Dâ bikjanġe amâ pāt kom agatmâ bunje âlepne dondâ agep. <sup>9</sup> Gârâmâ ye den ire nânġâm biwiyenân katmâ heŋgemgom manbiâ bunje yenġâlân miawakbiap.” dâep.

<sup>10</sup> Hain dâambo luâk âmbâle dondâ arimbiâ luâklupjanġe Yesu hindâm aikoyi, “Amâ wangât den ginjeâk makyenġiât?” dâmbiâ hin makyenġiep, <sup>11</sup> “Ye Anutuġe damunyeġe akmap aregât keiġe yoġâk malep are miapjanġ makyenġiman. Dâ luâk âmbâle bikne Anutuġe bo damunyeġe akmap are Anutuġât den patġât keiġe miawâk bo makyenġiman. <sup>12</sup> Aregât luâk âmbâle bikjanġe siâ me siâ are damun akmâ mem manmai are siâ me siâ siâkâ yenġire sambe miawaganġbiap. Dâ bikjanġe âmâ siâ me siâ bâlensiâ are mem manmai are mendere yân manbai. <sup>13</sup> Aregât den ginjeâk makyenġiman. Amâ yâkne âmâ ekmâ âmâ bo ekmâ nânġâwai. Akto nânġâwerâm hâumgowai arekne keiġe bo nânġâwai. <sup>14</sup> Aregât den siâ Yesaiaġe ulikjanġ kulemgoep bikne bunje aktâp. Amâ hin,

Anutuġe hin dâep, “Luâk âmbâle yu mandâi amâ ondopyenġande nânġâwai. Dâ hanyenġande âmâ bo nânġâm kotġâwai. Akto dewunyeġande ekbai. Dâ ekmâ âmâ bo heŋgemgowai. <sup>15</sup> Luâk kâmot irekne hanyenġe kârikne akto ondopyenġe bokbokne akto dewunyeġe âmâ bogep. Amâ dewunyeġande siâ me siâ ekmâ ondopyenġande nânġâm heŋgemgom âmâ han biwiyenġe purikatmâ heŋgemgombiâ nânġe mem heŋgemgomyekbomġât wan me wan bo ekmâ nânġâm heŋgemgowai.” Anutuġe hain dâep.

Yesaiaġe den yu kulemgoep are bunje aktâp.

<sup>16-17</sup> Den bunje makyenġiwe. Ulikjanġ Anutuġât propete akto luâk âmbâle bikne Anutuġât dewunjanġe agak meme âlepneâk akmâ mali arekne wan me wan uġak yeġe ekmâ mandâi hainâk ekberâm ukenġe humo nânġâm mali. Dâ amâ bo egi. Akto den pat âlepne makyenġire nânġâi ire gai nânġâwerâm ukenġe humo nânġâm mali. Dâ amâ bo nânġâyi. Aregât ye âmâ wan me wan ekmai aregât nânġâm heronġe humo akmai. Akto den pat âlepne makyenġire nânġâmai aregât heronġe humo nânġâm manmai.

### Sot kâmelep aregât keiņe.

<sup>18</sup>Akto nâņe luâk siâņe seņgo palepgât den ginņe maktân aregât keiņe amâ hin. <sup>19</sup>Seņgo palep amâ Anutuņe damuņeņe akbiapgât den dopņe makyeņgiman. Akto dâwân mesokto ge yiep are amâ den maktere bo nâņgâmbiâ ainâk Bâleņe Amboņande dowâk togom den âlepņe biwiyeņân gewop dâm den pat are kondo bo akmap. Hain are. <sup>20</sup>Dâ seņgo bikņe hân kât kâlegen ge yiepgât maktân are amâ luâkņe hin akmai. Den pat âlepņe maktere âlepņe nâņgâm manmai. Akto ire amâ âlepņe dâm heroņe akmâ getek mem manmai. <sup>21</sup>Dâ den biwiyeņân bo gem heņgemgoep aregât getek manmâ umatņe siâņe me nâņgât dengât Anutugât gasa togombiân hamep akmâ den are hepunbai. <sup>22</sup>Dâ koaņe hele hewukņe kândârâņân yiep ain palep hân aregât dopņe amâ luâk âmbâle hin akmai. Luâk âmbâle den makyeņgire are nâņgâm kinmâ hin dâmai, “Den ire lokowaen.” dâmai âmâ benņe sikumgât me puligât me hâkgât ukenņe aregât nâņgâm han lâuwâ akbiâ sikumņe kambiamyeņe oloņdo den âlepņe hepunmâ sikum aregâlâk nâņgâmai. Hain nâņgâm agak meme âlepņe bo akmâ bunņe bo akmai. <sup>23</sup>Dâ hân âlepņân palep hân aregât dop amâ luâkņe hin akmai. Yâk âmâ den pat âlepņe nâņgâm kotgâm heņgemgom mem manmâ agak meme âlepņe bunņe akmai. Dâ bikņande âmâ hain akmâ agak meme âlepņe dondâ akmai. Den dopņe maktân aregât keiņe amâ hain.” dâep.

### Sot âlepņe aregât hutņân hele pâtkomap aregât den.

<sup>24</sup>Akto Yesuņe den dopņe siâ hin makyeņgiep, “Himbimân manmap yâkņe damuņeņe akbiap aregât den dopņe hin. Luâk siâņe seņgo alekņe mem âiâņgen arim kâmelep. <sup>25</sup>Hain kâmeto bo akto emetņân âgâmbō emet dâgâep. Emet dâgâmbō ainâk hârok asiņ yembiâ âmâ gasaņe togom seņgo kâit aregât alekņe mem togom seņgo hutņân kâmelep. <sup>26</sup>Hain akmâ arimbo hilâm siân amâ seņgo kâmņe gambo bunņe miawakto seņgo kâit bunņe bo are âkâ pâtkoep. <sup>27</sup>Pâtkombo luâk aregât hoņ bawalupņe arekņe humoyeņe hin magaņi, “Apo, seņgo alekņe kâmelēn aregât gain gain seņgo kâit dondâ hutņân pâtkoâp?” dâyi. <sup>28</sup>Hain dâmbiâ kalam amboņe arekņe hin makyeņgiep, “Maktâi amâ nâņgât gasa siâņe togom seņgo kâit kalep.” dâep. Hain dâmbō âi luâklupņande hin magaņi, “Akto gain gain nâņgât? Nenņe ari seņgo kâit are hindâne me?” dâyi. <sup>29</sup>Hain dâmbiâ hin makyeņgiep, “Hain bo. Hepunņet. Ageine mesokmâ koaņe âlepņe hindâ yekbâi. <sup>30</sup>Gârâmâ hepunbiâ hain yendo titnan bunņe miawakto âlepņe ainâk ire seņgo, ire bo dâm nâņgâm kepilâwai. Aregât hâre hâre luâklupne hin makyeņgiwian, Arim hele wan bunņe bo are hindâm dâgâm mendugum kâlâwânâk panbiâ oâk. Dâ seņgo bunņe olop are orem nâņgât sot emetņân menduguwei. Hain dâwian.” dâm makyeņgiep.”

**Lâwin koaŋe akto kâtembe aregât den.**

<sup>31</sup>Yesuŋe den dopŋe siâ hin dâm makyenŋiep, “Himbimân manmap yâkŋe damunyaŋe akbiap aregât den dopŋe hin. Lâwin koaŋe siâ kotŋe wesem are âi luâk siâŋe koaŋe are mem arim ikiŋe kalamŋân kâmelep. <sup>32</sup>Koaŋe amâ bâlensiâ dondâ. Dâ pâtkom amâ humo akmâ lâwin siânba are hârok ewangiyekmap. Hain akmâ lâwin humo akto lâutŋe togom bāt bātŋân panmai.” dâep.

<sup>33</sup>Hain makyenŋim benŋe den dopŋe siâ hin dâm makyenŋiep, “Anutuŋe damunyaŋe akberâm aktâp amâ kâtembe dop hinare. Âmbâle siâŋe kâtembe bâlensiâ mem hamân golaŋgoep. Akto kâtembe bâlensiâ arekŋe ham hârok mânŋimbo ukenŋe agep.” dâep.

**Yesuŋe den dopŋeâk magep.**

<sup>34</sup>Yesuŋe hain dâm den dopŋânâk luâk âmbâle togoyi are makyenŋiep. Dâ den miapŋân amâ bo makyenŋiep. <sup>35</sup>Akto den dopŋe siâ makyenŋiep amâ ulikŋân propete siâŋe kulemgœp are bunŋe miawagep hin kulemgœp,

“Nâŋe den ginŋeâk hârok makyenŋiwian. Akto wan me wan Anutuŋe ulikŋânâk heambukto yem âgâep den are makmâ miawakyaŋgire nânŋâwai.”

Hain kulemgœp den are bunŋe akto Yesuŋe den ginŋeâk makyenŋim malep.

<sup>36</sup>Akto Yesuŋe luâk âmbâle kâmot humo are hepun yekmâ emelan âgâep. Akto hoŋ bawalupŋande âgâm maganmâ hin dâyi, “Seŋgo kâitŋe kalam kâlegen pâtkoepgât maktât are nenâkâ keiŋe maknengimenâ nânŋâne.” dâyi. <sup>37</sup>Hain dâmbiâ Yesuŋe den ginŋe aregât keiŋe hin makyenŋiep, “Luâk seŋgo alekŋe kâmelep amâ luâk akmâ geân nâ. <sup>38</sup>Dâ kalam amâ kepia hârok. Dâ seŋgo koaŋe âlepŋe amâ luâk âmbâle Anutuŋe damunyaŋe akberâm aktâp are. Dâ hele bâleŋe amâ Bâleŋe Amboŋaet luâk âmbâle. <sup>39</sup>Dâ gasaŋe togom kalam kâlegen hele bâleŋe koaŋe kâmelepgât maktân amâ Hiaŋgi Amboŋe yâk. Dâ kalamân sot bunŋe memegât maktân amâ hâmbâi sop humoân miawakbiap aregât maktân. Dâ are amâ aŋeloŋe mendugum kâlâwân ombaigât maktân amâ hâmbâi dop hainâk hân himbim bo akbiandat sop ain miawakbiap. <sup>40</sup>Dâ hele bâleŋe hindâm kâlâwân ombaigât maktân amâ dop hainâk hâmbâi miawakbiap. <sup>41</sup>Amâ luâk akmâ geân nâŋe aŋelolupne huŋgun yenŋire wan me wanŋe luâk biwiyenŋe mem bâlimap are akto luâk agak meme bâleŋe akmai are oloŋyekmâ kâlâwân panyekbiâ gewai. <sup>42</sup>Gem indem hâk hilâlâm humo nânŋâm elewetyenŋe igim kinmâ manbai. <sup>43</sup>Akto sop ain luâk âmbâle agak meme âlepŋeâk akmâ manmai are amâ Eweyŋaet dewunŋân dewutâ dewunŋe hinare akmâ pagalem kinbai. Gârâmâ ye den ire biwiyenŋân katmâ nânŋâm manbei.

<sup>44</sup>Akto Anutuŋe damunyaŋe akberâm aktâp are âmâ luâk siâŋe tâwât dewunŋe kalam kâlegen heambukto yiep hainare. Akto luâk siâŋe tâwât dewunŋe are ekmâ benŋe yâkâ hainâk lâuwâŋe heambugep. Hain akmâ aregât mârũŋe dondâ akmâ wan me wan mem arimbo luâk bikŋande puligoyekbiâ puli are mem arim tâwât dewunŋe egep are memberâm kalam are puligoep.

<sup>45</sup>Anutuŋe damunyaŋe akberâm aktâp are âmâ sikum luâk siâŋe kune âlep âlepgât undâgâtmap hainare. <sup>46</sup>Luâk arekŋe kune siâ âlep âlepŋe dondâ ekmâ âmâ ikiŋandeân siâ siâ mem arim yeŋgimbo puli wanjbiâ puli arekŋe kune delem are puligoep.

<sup>47</sup>Akto siâ gai hainâk Anutuŋe damunyaŋe akberâm aktâp amâ hin. Âi luâk bikŋande ŋalu ŋalu panbiâ haru kâlegen gembo iŋan bâleŋe âlepŋe hârok oloŋyegi. <sup>48</sup>Oloŋyekbiâ pikbiâ ginŋângen oloŋbiâ giep. Hain akmâ iŋan âlepŋe âmâ kepilâmbiâ kondo siân giep. Dâ iŋan bâleŋe amâ pali. <sup>49</sup>Hainâgâk hâmbâi himbim hân ire bo akbiap sop ain âkâ hainâk akbai. Aŋeloŋe gem luâk bâleŋe luâk âlepŋe yeŋgât hutyeŋe tete manmai are mem kepilâ yekbai. <sup>50</sup>Hain akmâ kâlâp humo om yemap ain panyekbai. Akto sop ain âmâ hâk hilâlâm nâŋgâm elewetyeŋe igim indem kamboŋmâ yembai.” dâep. <sup>51</sup>Akto Yesuŋe aiyenŋum hin dâep, “Den keiŋe hârok makyenŋiân are âlepŋe nâŋgâi me bo?” dâmbô, “Âlepŋe nâŋgâen.” dâyi. <sup>52</sup>Akto hin makyenŋiep, “Mosegât den tâmbâŋe makmâ hulaŋmai areyeŋgâlân gâtŋe siâ himbimân manmap yâkŋe damunyaŋe akbiapgât keiŋe makyenŋire nâŋgâmap âmâ hin akmap. Itoânba sikum tâwât irakŋe akto wan tâmbâŋe lândem katmap.”

### Nasarete kepian gâtŋande Yesu hâkâŋe agi.

<sup>53</sup>Yesuŋe den ginŋe are hârok makmâ metem hân are hepulep. <sup>54</sup>Hepunmâ ikiŋe kepianân arim den emetŋe âgâm den pat âlepŋe makyenŋiep. Hain akto luâk âmbâle arekŋe otneyeŋe arimbo sân sân mem hin dâyi, “Luâk ire amâ niŋande hekalanŋo nâŋgâ nâŋgâŋe miawagaŋmap akto kulem keiŋe keiŋe mendo miawakmap? <sup>55</sup>Imâ nengâlân gâtŋe, eweŋe Yosepe emet ketugu ketugu âi meminep akto memene amâ ingâtŋe Maria are akto emilupŋe amâ Yakobo siâ akto Yosepe akto Simoŋ siâ akto Yudasi <sup>56</sup>akto garilupŋe amâ in mandâi aregât yâk siâ me siâ hârok are yâgâtenba mem miap palep?” <sup>57</sup>dâm nâŋgâmbiâ bâliep. Hain akbiâ Yesuŋe hin makyenŋiep, “Anutugât Propete siâŋe hân siân siân arim makyenŋimbo denŋe nâŋgâm heŋgemgomai. Dâ ikiŋe kepianân âgâm makyenŋimbo âmâ hâkâŋ akmâ hamianŋmai.” dâep. <sup>58</sup>Hain dâm kepia ambolupŋande biwiyeŋe yâkgâlân bo katmâ âmâ hâkâŋ agi aregât yâk yeŋgâlân gâtŋe konok konok mem heŋgem yeŋguep.

### Heroteŋe Yohane kondo moep.

**14** <sup>1</sup>Akto sop ain luâk kembu kotŋe Herote arekŋe Yesuŋe âi mem kotŋe siâ siâ akmâ malep aregât den nâŋgâep. <sup>2</sup>Nâŋgâm hoŋ

bawalupņe makyengim hin dâep, “Luâk kotņe Yohane tu puli keiņe kalep are emelâk moep arekņe sumânba agatmâ mandâp. Aregât kulem keiņe keiņe siâ siâ memap.” dâep. <sup>3</sup>Dâ Heroteņe Yohane kondo moep aregât keiņe hin. Ulikņân Herote are akto luâk siâ kotņe Pilipo emi teu tatminiat. Akto Pilipo arekņe âmbenņe kotņe Herodia miep. Mendo âmbâle arekņe luâkņe Pilipo are hepunmâ Herote miep. <sup>4</sup>Hain manbela Yohane tu puli keiņe kalep arekņe Herote hin magañep, “Den kârikņe kom kandâge memenâ bâliâp.” dâep. <sup>5</sup>Hain dâambo kondere moâk dâm kala busi kâlegen kato talep. Hain akto âmâ luâk âmbâleņe Yohane âmâ Anutugât Propete dâmini aregât Heroteņe hamewakmâ hepulep. <sup>6</sup>Akto tatmâ hilâm siân Herote miawagepgât hombaņ sopņe akto galalupņe mendugu yekmâ sot om yeņgiep. Sot om yeņgimbo mendugum nem tatbiâ âmbenņaet baratņe âmbâi sigan arekņe hutyeņân kinmâ keņgu kom ândiep. Hain akto âmâ kambiamyeņe âlepņe akto <sup>7</sup>Heroteņe hin dâep, “Anutugât dewunņân makbe. Wan me wan ekmâ ulit niņmenâ âmâ are âmâ âlepņe giņbian.” dâep. <sup>8</sup>Hain dâambo arim memeņe aikombo memeņande Yohane kombiâ moâk dâm magañdo baratņande bam Herote hin magañep, “Yohane tu puli keiņe kalep aregât kautņe hârem kondoân katmâ niņ.” dâep. <sup>9</sup>Hain dâambo Heroteņe nâņgâambo umatņe agep. Gârâmâ magep aregât den koko bo agep. Akto luâk tali are yeņgât dewun yeņân denņe gewopgât magep. <sup>10</sup>Akto hoņ bawaņe siâ tâwât amboņe are huņgun aņdo tâwât mem arim kala busi kâlegen âgâep. <sup>11</sup>Âgâm Yohanegât hanņe hârem kautņe kondoân katmâ mem gutmâ âmbâi sigan are waņep. Waņdo memeņaelân lokom ariep. Lokom arim memeņe waņep. <sup>12</sup>Akto Yohanegât hoņ bawalupņande pat are nâņgâm ari hâkņe mem hangoyi. Hangom âmâ aregât arim Yesu magañi.

### Yesuņe luâk 5,000 sot yeņgimbo neyi.

<sup>13</sup>Yesuņe den are nâņgâm kepia are hepunmâ luâk âmbâle dondâ are hepun yekmâ waņga mem hân pumângen ariep. Arimbo luâk âmbâleņe nâņgâm kepia humo hepunmâ kei hân watmâ togoyi. <sup>14</sup>Akto waņganba sopanbiâ Yesuņe luâk âmbâle dondâ yekmâ okot nâņgâyeņgim kundatdâ mem heņgem yeņguep. <sup>15</sup>Hain akmâ mando hoņ bawalupņande togom hin magañi, “Emet eņgaiņe aktâp. Akto hân iren kepia me emet bo tatâi aregât luâk âmbâle ire huņgun yeņgimenâ mopyeņe aguwpogât kepia enemânâk ain arim sot puligom neņet.” dâyi. <sup>16</sup>Hain dâmbiâ hin makyeņgiep, “Wangât ariņetgât maktâi? Ye sot om yeņgiņet.” dâep. <sup>17</sup>Hain dâambo hin dâyi, “Nen âmâ sot bo menden. Sot koaņe momerâk akto iņan lâuwâ kindâp.” dâmbiâ hin dâep, <sup>18</sup>“Sot are niņnet.” dâambo mem ga waņbiâ <sup>19</sup>luâk âmbâle makyeņgimbo umiliņ kakņe tete tatmâ ariyi. Hain tatbiâ sot are mem kinmâ himbimân ekmâ Anutu mepaiņe miep. Mepaiņe mem sot yeņgimbo luâk âmbâle are yeņgiyi. <sup>20</sup>Yeņgimbiâ



nem tepyeje pikto sot pipiye ge yiep are pitim mendugum haka bât bip bip hârok keiân lâuwâ lugumbiâ pigep. <sup>21</sup> Akto luâk sot neyi are yengât yalayeje âmâ 5,000. Dâ âmbâle nanañ âmâ bo oyanjegei.

### Yesu je bāt gum kakñan ariep.

<sup>22</sup> Ainâk Yesu je hoñ bawalupye huñgun yengim hin dâep, “Yeje son wañgan âgâm haru biken arimbiâ âmâ nâmâ titnan luâk âmbâle ire huñgun yengire arimbiâ âmâ togowerân.” dâep. <sup>23</sup> Hain dâmbo arimbiâ yâk luâk âmbâle are huñgun yengimbo hârok arim metembiâ ikiyeâk Anutu ulilañberâm gimbâne siân âgâep. Âgâ eweje ulilañmâ kindo emet engaije agep. <sup>24</sup> Engaije akto luâklupye wañga mem arim emelâk haru tânâmñângen ariyi. Arimbiâ wañga hâmeñângenba seru gambo wañga are âgâm gem malep. <sup>25</sup> Gem mando emet hauñberâm akto hândâk pipiye tatoâk Yesu je haru kakñan tâlim tâlim yâk yengât enemyeñan togoep. <sup>26</sup> Togombo ekmâ sân sân mem ongâyeje hogombo hin dâyi, “Niambi siâ togoâp.” dâm hamewakmâ kamboji. <sup>27</sup> Kamboñbiâ âmâ dowâk makyengim hin dâep, “Bo hamewakñet. Biwiyeje sândugeâk. Naje togoân.” dâep. <sup>28</sup> Hain dâmbo Petoroñe hin magañep, “Gâne togoât aregât nogonmenâ nâkâ haru kakñan tâlim tâlim gâñgâlân gutbe.” <sup>29</sup> Hain dâmbo Yesu je, “Âlepje gut.” dâmbo Petoroñe wañga hepunmâ gem haru kakje tâlim tâlim Yesugâlân baep. <sup>30</sup> Bam haru are ekto seruje waito agatmâ gem agatmâ gem akto ekmâ hamewagep. Hamewakmâ haruân gewerâm agep. Hain akmâ konmâ hin dâep, “Humo tân nugu.” dâmbo <sup>31</sup> Yesu je dowâk bātje panmâ Petoro mem hin magañep, “Gâ nâñgât biwige bo katmâ heñgemgomat. Gâ wangât han lâuwâ aktât?” dâep. <sup>32</sup> Hain magañdo wañgan bam âgâmbela ainâk seru nâñgâgâep. <sup>33</sup> Akto luâk wañgan tali yâkje enemñan kâñgom hin dâyi, “Gâ Anutugât Nanje bunje.” dâyi.

<sup>34</sup> Haru are hâtikom kepia siâ kotje Genesaret ain ariyi. <sup>35</sup> Arimbiâ patje nâñgâm togom ekmâ nâñgañi. Akto luâk arekje den katbiâ kepia ewumâk ewumâk ariep. Akto luâk âmbâleje kundatdâ meyekmâ yâkgâlân togoyi. <sup>36</sup> Togom Yesu konmâ magañmâ hin dâyi, “Apo nengâlân gâtje kundatdâ irekje sâñgumge howaim âmâ âlepje akñet.” dâmbiâ âlepje dâmbo bikñande howaimbiâ Yesu je heñgem yenguep.

### Sotje biwinenñe bo hilipkomap.

**15** <sup>1</sup> Sop ainâk Parisaio luâk akto Yuda luâk yâk hârokje bâgilupyeje yengât den lokom sot nemberâm akmâ bâteyeje pulimâk sot nemini. Luâk arekje Yerusalem kepiamba togom Yesugâlân mendugum hin dâm aikoyi, <sup>2</sup> “Hoñ bawalupgande wangât bâgilupnenñe yengât den bo lokom bâteyeje tuân bo pulim yân sot mem nendâi?” dâyi. <sup>3</sup> Aregât hin makyengiep, “Dâ ye amâ wangât yeñet agak memeyeje



bâliwopgât Anutugât den kârikņe kalep are loņgaimai? <sup>4</sup>Aregât keiņe hin. Anutuņe den kârikņe makto Moseņe kulemgoep bikņe hin tatâp, “Gâ eweņe memeņe amukyetņân manben.” akto bikņe hin tatâp, “Luâk âmbâle siâņe eweņe memeņe den bâleņe makyetņiwiap âmâ humomolupņande kombiâ mombiap.” hain tatâp. <sup>5</sup>Aregât ye den hamiaņmai. Hamiaņmâ hin dâmai, “Luâk âmbâle siâņe eweņe memeņe hin dâm makyetkiwiap, “Meņ, apo, sot me puli me wan me wan yetkiwiangât are Anutugât sumbe emetņân katere tatbiap.” <sup>6</sup>dâm puli me wan me wan are ain kato tato ârândâņ akbiap.” dâmai. Aregât eweņe memeņe tânyetņiwiapgât nâņgâmbiâ gemap. Akto nengât den bunņe agâk dâm Anutugât den kombiâ gemap. <sup>7</sup>Ye hiaņgi luâk. Ulikņân propete Yesaiaņe ye dop yetņum hin kulemgoep, <sup>8</sup>Anutuņe hin dâep, “Luâk âmbâle kâmot irekņe lauyeņandeak nâņgât kotne mem agatmai. Dâ han biwi olowâk amâ bo. <sup>9</sup>Akto luâk yetņgât den are nâņgâmbiâ bunņe akmap. Hain akmâ hâkņeak nâņgât kotne mem agatmai.” hain kulemgoep are bunņe akto ye Anutugât den kombiâ nâņgâre dondâ bâliâp.” dâep.

<sup>10</sup> Akto Yesuņe luâk âmbâle yetņgondo togombiâ hin makyetņiep, “Ye den ire nâņgâm heņgemgom mem biwiyetņân katņet. <sup>11</sup>Wan me wan luâkņe lauyeņân nembâi gemap arekņe âmâ luâk mem heleņ bo ketugu yekmap. Dâ wan me wan luâk biwiyetņe kâlegen yem lauyeņânba gamap arekņe âmâ luâk mem heleņ ketugu yekmap.” dâep. <sup>12</sup>Hain dâmbo hoņ bawalupņande togom maganmâ aikom hin dâyi, “Parisaio luâk makyetņimenâ nâņgâm bâligiņdâi are nâņgât me bo?” dâyi. <sup>13</sup>Hain dâmbiâ hin dâm makyetņiep, “Ewenande bo kâmetyegep are hâmbâi hârok hindâm panyekbiap. <sup>14</sup>Aregât yetņe hepun yekbei. Luâk dewunyetņe bok bokņe arekņe oloņakmâ gain gain dâp hekalatņiwiandat? Gârâmâ Parisaio luâk âmâ dewunyetņe bok bokņe hainâk luâk âmbâle Anutugât dâp hekat yetņiweren dâm dâp bâleņâņgen oloņyekmâ arimai.” dâep. <sup>15</sup>Hain dâmbo Petoroņe maganmâ hin dâep, “Apo, den dopņe maktât aregât keiņe maknengimenâ nâņgâne.” dâep. <sup>16</sup>Hain dâmbo hin dâep, “Woe, yekai hainâk nâņgâ nâņgâyeņe bo me? <sup>17</sup>Ye den iregât keiņe nâņgâņet. Ye sot nembâi lauyeņânba gem tepyeņân tatmap. Akto tepyeņânba âmâ gem lâmân arimap. <sup>18</sup>Dâ luâk âmbâle bâleņe yetņgât biwiyetņân wan me wan yemap are makbiâ den arekņe luâk âmbâle mem heleņ ketugu yekmap. <sup>19</sup>Aregât keiņe hin. Luâk âmbâle bâleņe are yetņgât biwiyetņân hin yemap. Nâņgâ nâņgâ bâleņe siâ yetņgumbiâ moņetgât, luâkdâ âmbendâ mem hepunak hepunak, egâliaņ bâleņe, kâmbu, hiaņgi den akto den hembalik galagât hogo hogo bâleņe olowâk. <sup>20</sup>Arekņe luâk âmbâle biwiyetņân gemap. Hain gem miawakto bâleņe akmai. Dâ luâk âmbâle bâtyeņe bo pulim sot mem nemai are amâ bâleņe bo akmap.” dâep.

### Âmbâle siâŋe Yesu ulilaŋep.

<sup>21</sup>Yesu kepia are hepunmâ kepia lâuwâ kotyetŋe Tiro akto Sidonj aregen ariep. <sup>22</sup>Ain arimbo âmbâle siâ Kanaŋ gâtŋe Yuda gâtŋe bo arekŋe togom Yesu hin ulilaŋep, “Humo, Dawidigât hakuŋe nâŋgât akmâ han kalem akniŋ. Sinduk baniara bâleŋe siâŋe baratne mem bâlimbo umatŋânâk manmap.” dâep. <sup>23</sup>Hain dâambo Yesuŋe den hâuŋe bo magaŋep. Hain akto âmbâle arekŋe hoŋ bawalupŋe hâwât yekto Yesu hin magaŋi, “Apo, âmbâle irekŋe hâwât nenekto hâkân akten aregât watmenâ ariâk.” dâyi. <sup>24</sup>Hain dâmbiâ Yesuŋe aregât hin magep, “Israegât kâmotŋe gulip manmai are heŋgem yeŋguwen dâm Anutuŋe huŋgun niŋdo geân. Dâ kâmot siâ siâ are yeŋgât bo geân.” dâep. <sup>25</sup>Hain dâambo âmbâle are gutmâ enemŋân kâŋgom kinmâ hin dâep, “Humo, gâŋe nâ tân nugu.” dâep. <sup>26</sup>Hain dâambo hin dâep, “Nanaŋ yeŋgât sot are mem dua yeŋgienŋe bo ârândâŋ akmap.” dâep. <sup>27</sup>Hain dâambo hin magaŋep, “Kembu, bundâk maktât are nâŋgâre ârândâŋ aktâp gârâmâ nanaŋŋe soŋ sot nem tatbiâ pipiŋe gembo âmâ duaŋe hanâk nemai.” dâep. <sup>28</sup>Hain dâambo hin magaŋep, “Meŋ, den hain maktât aregât han biwigande nâŋgâ niŋmâ kepilâm kinmâ maktât aregât nâŋgâ giŋdân.” dâep. Hain dâambo emetŋân arim sinduk baniara arekŋe Yesuŋe magep sop ainâk baratŋe are hepulep.

### Yesuŋe luâk biwirâ mem âlepŋe ketuguyegep.

<sup>29</sup>Akto Yesu kepia are hepunmâ Galilaia bâtgum ginŋân ariep. Arim gimbâŋe siân âgâ talep. <sup>30</sup>Akto luâk âmbâle dondâŋe yâkgâlân mendugum luâk âmbâle keiyenŋe bâleŋe me dewunyenŋe bok bokŋe akto hagityenŋe goŋ goŋ agu aguŋe me den bo makmâ mali akto kundat keiŋe keiŋande meyegep are loko yekmâ togo Yesugât keiŋân menduguyegi. Hain akbiâ Yesuŋe mem heŋgem yeŋguep. <sup>31</sup>Heŋgem yeŋgumbo denyenŋe bo arekŋe den hogoyi akto hagityenŋe kâm kâmŋe are ârândâŋ akyenŋiep akto keiyenŋe bâleŋe arekŋe bam guli akto dewunyenŋe bok bokŋe arekŋe emet egi. Hain akbiâ luâk âmbâle ain kili arekŋe are yekmâ nâŋgâmbiâ dâtŋe agep. Hain akmâ Israegât Humoyenŋe Anutu aregât kotŋe mem agali.

### Yesuŋe luâk 4,000 sot yeŋgimbo neyi.

<sup>32</sup>Yesuŋe hoŋ bawalupŋe yeŋgondo togoyi. Togombiâ hin makyenŋiep, “Nâ luâk âmbâle ire yekmâ okotne nâŋgân. Nâ olop tatmâ manbiâ hilâm âlâwu bo akto sot bâlâk tatmâ mandâi. Gârâmâ sot bâlâk âmâ bo huŋgun yeŋgire ariwerâi. Ageine yân huŋgun yeŋgire arim dâwân sotgât dewun biri yeŋguwop.” dâep. <sup>33</sup>Akto hoŋ bawalupŋande hin dâyi, “Hân iren âmâ aŋgim nene bo tatâp aregât yâgâtenba sot unduwâk mem luâk âmbâle

kâmot humo ire yengiweren?” dâyi. <sup>34</sup>Dâmbiâ Yesuŋe hin makyengiep, “Yengâlân sot wan kindâp?” dâmbiâ hin dâyi, “Sot koaŋe nâmbulân lâuwâ akto iŋan bâleŋ maleŋ konok konok kinnengiâp.” dâyi. <sup>35</sup>Hain dâmbiâ Yesuŋe luâk âmbâle are makyengimbo hân tete tatmâ ariyi. <sup>36</sup>Akto Yesuŋe sot koaŋe nâmbulân lâuwâ are akto iŋan amon siâ are mem Anutu mepaiŋe mem munditmâ yengiep. Yengimbo potatmâ luâk âmbâle are yengiyi. <sup>37</sup>Yengimbiâ nem tepyeŋe pikto hoŋ bawalupŋande sot pipiŋe are pitim mendugum haka nâmbulân lâuwâ lugumbiâ pipeg. <sup>38</sup>Akto luâk sot neyi are âmâ 4,000. Dâ âmbâle nanaŋ âmâ bo oyaŋyegi. <sup>39</sup>Akto Yesuŋe luâk âmbâle are huŋgun yengimbo arim meteyi. Arim metembiâ âmâ luâklupŋe olop waŋgan âgâm kepia siâ kotŋe Magadaŋ aregen ariyi.

#### Yesuŋe kulem mendo eknegât makbiâ bo dâep.

**16** <sup>1</sup>Akto Parisaio luâk bikŋe akto Sadukaio luâk bikŋe arekŋe Yesu dop kom hiaŋberâm togom hin magaŋi, “Himbimgât kulem siâ memenâ ekne.” dâyi. <sup>2</sup>Hain dâmbiâ hin dâep, “Ye amâ hin akmai. Eŋgaiŋe akto himbim gilâm aktâp are ekmâ hin dâmai, “Woe, hamandat gilâm aktâp aregât emet huraguwerâp.” dâmai. <sup>3</sup>Dâ hândâgân hamandatŋe tigimbo hin dâmai, “Woe, hamandat hândâk aktâpgât uŋak amâ tânâk seru akberâp.” hain dâmai. Aregât emet kulem keiŋe ekmâ nâŋgâm henggomai. Dâ sop humo aregât keiŋe amâ bo nâŋgâmai. <sup>4</sup>Aregât siâkâ makbe. Luâk âmbâle bâleŋe akmâ dâp gulip manmai arekŋe kulem miawakto ekne dâmai. Uliŋân luâk kotŋe Yona wan miep aregât kulem konok areâk miawakto ekbai.” dâep. Hain dâm Yesuŋe hepun yekmâ luâklupŋe olop waŋgan âgâm ariyi.

#### Parisaio akto Sadukaio luâk minao makyengiep.

<sup>5</sup>Waŋga mem bâtgum hâtikowerâm akbiâ luâklupŋe nelâm yengimbo sot bo mem bâtgum hâtikoyi. <sup>6</sup>Akto Yesuŋe makyengim hin dâep, “Parisaio akto Sadukaio yengât kâtembe aregât biwiyenâet damunŋe golâk manbei.” dâep. <sup>7</sup>Hain dâmbiâ magaŋi goaŋi akmâ hin dâyi, “Sot bo mem togoen aregât maktâp.” dâmbiâ <sup>8</sup>nâŋgâm hin makyengiep, “Ye sotgât nâŋgâmbiâ humo aktâp aregât nâŋgâlân biwiyenŋe getek katmai. <sup>9</sup>Nâ siâ me siâ agân aregât nelâmyengiep mon? Luâk 5 tausen akmâ sot koaŋe momerâk nemiâ pipiŋe gembo haka dondâ lugumbiâ pipeg. <sup>10</sup>Akto luâk 4 tausen akmâ sot nâmbulân lâuwâ nemiâ tepyeŋe pipeg. Pikto pipiŋe gembo haka dondâ lugumbiâ pipeg. <sup>11</sup>Aregât sotgât bo nâŋgâmbiâ humo akbiap akto kâtembe gât maktân are âmâ sotgât bo maktân. Maktân are lâuwâŋe maktere nâŋgâŋet. Parisaio akto Sadukaio yengât kâtembe hâkŋe hâkŋe arekŋe yengâlân hâtikombo bâliwâi.” dâep. <sup>12</sup>Hain dâm makyengimbo hin magaŋi goaŋi agi, “Sotgât hanokoak bo akŋet dâm maknengiâp. Parisaio akto Sadukaio yâk yengât den nâŋgâwâi dâm maknengiâp.” dâyi.

**Petoroŋe Yesugât keiŋe makmâ hulaŋep.**

<sup>13</sup>Akto ainba arim hân kotŋe Kaisarea kotŋe siâ Pilipi aregen ariyi. Ain arimbiâ Yesuŋe hin aiyenŋuep, “Luâk âmbâleŋe nâ luâk akmâ geân nânŋât gain gain dâmai?” dâmbō <sup>14</sup>hin dâyi, “Bikŋande âmâ Yohane tu puli luâk arekŋe mandât dâmai. Dâ bikŋande âmâ Eliaŋe gem mandât dâmai. Dâ bikŋande âmâ propete siâ kotŋe Yeremia me propete siâ me siâŋe mandât dâmai.” dâyi. <sup>15</sup>Hain dâmbiâ hin aiyenŋuep, “Dâ yeŋe âmâ nânŋât gain gain dâm nânŋâ niŋmai?” dâmbō Petoro kotŋe siâ Simoŋ arekŋe hin maganep, <sup>16</sup>“Anutuŋe huŋgunanŋo miawakbiapgât dâtâŋe Anutu manman kârikŋe yâkgât nanŋe gem mandât.” dâep. <sup>17</sup>Hain dâmbō hin dâep, “Simoŋ Yonagât nanŋe luâk âmbâle siâŋe den ire makŋiŋdo bo maktât. Ewene himbimân mandâp arekŋe den ire makŋiŋdâp aregât heroŋe ak. <sup>18</sup>Gânŋât kotŋe Petoro den aregât keiŋe amâ kât aregât dopŋe hainâk yu maktât den arekŋe nune emet ketuguwian ain Hememgât ambolupŋande nânŋât kâmot are mem ge katyekberâm âi humo mem kinmâ pâpkowai. <sup>19</sup>Akto nâ himbim kâleŋaet hânŋigât tâkŋe ŋiŋbian aregât gâ hânân wan hikowiatgât âi memenâ himbimân gai hikowiapgât miawakbiat. Dâ hânân hulaŋbiatgât âi memenâ himbimân gai hulaŋbiapgât miawakbiap.” dâm maganep. <sup>20</sup>Akto Yesuŋe hoŋ bawalupŋe makyenŋim hin dâep, “Nâ Anutuŋe huŋgun niŋdo geân iregât den siâ me siâ bo makyenŋiwei.” dâep.

**Yesuŋe mom agatbiapgât makyenŋiep.**

<sup>21</sup>Akto sop ain Yesuŋe keiŋe katmâ Yerusalem kepiân âgâmbō Israe yenŋât humomolupyenŋe akto Mosegât den kârikŋe makmâ kepigi akto sumbe kat kat luâk arekŋe mem siâ siâ mânŋim hâk hilâlâm wanmâ kombiâ mom benŋe hilâm âlâwu bo akto momoŋânba agatbiap aregât den hoŋ bawalupŋe makyenŋiep. <sup>22</sup>Akto Petoroŋe Yesu kewugum ŋinŋânŋen bam den kugâk kugâk mânŋim hin maganep, “Humo, gâ hain bo akbiat. Wan me wan akŋiŋbaigât maktât are gânŋâlân bo miawakbiap.” dâep. <sup>23</sup>Hain dâmbō Yesuŋe purik dâm Petoro maganmâ hin dâep, “Gâ Hiaŋi Amboŋe aregât hepunnek. Gâmâ nâ peŋ panmâ nuguâkgât dâp tigiŋiŋdât. Gâ Anutugât nânŋâ nânŋâ are bo nânŋât. Gâ luâk yenŋât nânŋâ nânŋâ are nânŋâm maktât aregât heniŋdât.” dâep.

**Yesu olop manbaengât den.**

<sup>24</sup>Hain dâm hârok hin dâm makyenŋiep, “Luâk âmbâle bikŋande biwiyeŋe nânŋâlân katmâ nâ olop ariwerâm âmâ wan me wanŋe hilipyenŋuwiap aregât bo hamewakmâ hanâk watnekmâ manbei. <sup>25</sup>Dâ siâŋe ikiŋe hâkŋe gangerâwiap are âmâ yâk manman âlepŋe bo peniaŋbiap. Akto siâŋe nânŋât den âi aregâlâk nânŋâm mando kombiâ

âmâ momoŋân ba agatbiap. <sup>26</sup>Luâk siâ hângât wan me wan hârok mem mando manmanŋe gulip akto gain gain manmanŋe miawaganŋbiap? Akto manmanŋaet den dâtânŋe are gain mendo ârândân akbiap? <sup>27</sup>Aregât keiŋe hin. Sop humoân Ewenaet pagaleŋe olop akto aŋelolupŋe âkâ olowâk Ewenande luâk akmâ geân nâ lâuwânŋe huŋgun niŋdo gewian, sop ain âmâ luâk âmbâle agak meme akmai aregât hâuŋe hainâk yeŋgiwian. <sup>28</sup>Akto aregât makyenŋgire nânŋânŋet. Luâk bikŋe yu kindâi ire hâmbâi boâk mombiân nâ emelâk luâk akmâ geângât togom damunyeŋe aktere nekbai.” dâep.

**Yesuŋe gimbânŋan himbim towat agep.**

**17** <sup>1</sup>Akto hilâm nâmbulân konok bo akto Yesuŋe Petoro Yakobo akto emiŋe Yohane kewugu yekto gimbânŋe siâ ain âgâyi. Âgâm ain yeŋeâk kili. <sup>2</sup>Ekmâ kinbiâ Yesugât hâkŋe purik âgâmbo aŋgâ agep. Hain akto enem dewunŋe arekŋe dewutâ dewunŋe hinare akmâ pakpak dâep. Pakpak dâmbo sâŋgumŋe wan arekŋe kau kau dondâ agep. <sup>3</sup>Akto ainâk Mose akto Elia miawakbela Yesu olop den maganŋi goanŋi akbiâ yegi. <sup>4</sup>Akto Petoroŋe yekmâ Yesu maganmâ hin dâep, “Humo wan siâ hekat nengimenâ ekten aregât ukenŋe nânŋâen. Gârâmâ gâŋe âlepŋe dâmenâ âmâ nânŋe uligi âlâwu in ketuguwerân. Gânŋât siâ akto Mosegât siâ akto Eliagât siâ.” <sup>5</sup>Hain dâm makmâ kindo are olowâk hamandat kau kau arekŋe tigiyegep. Akto hamandat are kâlegenbak den siâ hin miawagep, “Ire âmâ nânŋât nanne akto biwinande mem heŋgemgoman. Akto yâkgât agak meme aregât ukenŋe akman gârâmâ ye yâkgât den nânŋâwei.” dâep. <sup>6</sup>Akto hoŋ bawalupŋande den are nânŋâm hamewakmâ enem dewunyeŋe hânânŋen gembo kânŋom tali. <sup>7</sup>Akto Yesuŋe enemyeŋân gutmâ mem goaŋ yekmâ hin makyenŋiep, “Agatŋet. Ye hamep bo akŋet.” dâmbo <sup>8</sup>agatmâ luâk lâuwâ are bo yelegi. Yesuŋe konok ikiŋak kindo egi. <sup>9</sup>Akto gimbânŋe are hepunmâ pelepŋe gem gem Yesuŋe den kârikŋe makyenŋim hin dâep, “Wan me wan âuren ye ektâi aregât den luâk siâ me siâ bo maganbei. Titnan luâk akmâ geân nâ momoŋânba agatbian ain âmâ âlepŋe makyenŋiwei.” dâep. <sup>10</sup>Akto hoŋ bawalupŋe olop kili arekŋe aikom hin dâyi, “Mosegât den kârikŋe makmâ kepikmai arekŋe hin dâmai, “Eliane lâuwânŋe togombo âmâ hamiŋân Anutugât hoŋ bawa togowiap.” dâmai. Amâ gain gain?” dâyi. <sup>11</sup>Hain dâmbiâ hin makyenŋiep, “Amâ bundâk, Eliane âmâ togom wan me wan are hârok heŋgemgowiap. <sup>12</sup>Gârâmâ aregât hin makyenŋiwe. Elia âmâ lâuwânŋe emelâk togoep gârâmâ luâk bikŋande bo ekmâ nânŋâm heŋgemgom ukenyeŋe watmâ agak meme keiŋe keiŋe aganŋbiâ moep. Aregât hainâk akmâ luâk akmâ geân nâ hâk hilâlâm niŋbiâ mombian.” dâep. <sup>13</sup>Yesuŋe hain dâmbo hoŋ bawalupŋande hin nânŋâyi, “Eliagât maktâp amâ Yohane tu puli keiŋe kalep aregât maktâp.” dâyi.

**Aposoloŋe nanaŋ siâ heŋgemgone dâm hâumgoyi.**

<sup>14</sup>Akto arewa gembiâ luâk âmbâle dondâ yâkgâlân togoyi. Akto luâk siâŋe Yesugât enemŋân togom pâwutŋe ligim hânân tatmâ kâŋgom hin magaŋep, <sup>15</sup>“Humo, gâ hanâk nannaet okotge nâŋgâ. Nâ nune nanne biwi gulip akmâ manmap. Akto kâlâwân me tuân gembo sop unduwâk aktâp. <sup>16</sup>Akto gâŋgât hoŋ bawalupgande mem heŋgemgoŋet dâm mem togore heŋgemgowerâm âsimbiâ bo agep.” dâep. <sup>17</sup>Hain dâmbo Yesuŋe hin dâep, “Ye wangât nâŋgâlân biwiyenŋe bo katmâ âmâ yenŋaelâk nâŋgâm kautyenŋe oremai. Nâ ye olop sop kâlep bo manbaen aregât arire âmâ ye gain gain akmâ manbai? Akto sokom katyektere sop kâlep akbiap mon? Bâin, nanaŋ are kewugum nâŋgâlân gaŋet.” dâep. <sup>18</sup>Hain dâmbo kewugum yâkgâlân âgâmbiâ sinduk baniara bâleŋe are den kugâk kugâk mâŋgimbo luâk sigan are hepunmâ ariep. Akto ainâk kundat are bo agaŋep. <sup>19</sup>Akto hoŋ bawalupŋande ikiŋeâk yoŋâk tatoân Yesugâlân togom magaŋmâ hin dâyi, “Keiŋe gain gaingât nenŋe sinduk baniara bâleŋe are watberâm mem âsienŋe bo aktâp?” dâyi. <sup>20-21</sup>Hain dâmbiâ yâkŋe hin makyenŋiep, “Ye nâŋgâlân biwiyenŋe kârikŋe bo katmâ heŋgemgomai aregât walaŋberâm âsiâi. Dâ yeŋe biwiyenŋe nâŋgâlân getek katmâ âmâ âlepŋe borâŋe ire magaŋmâ hin dâwai, “Gâ agatmâ indâgen ari.” dâmbiâ ariwerâp. Akto wan me wan miawagâk dâmbiâ âlepŋe miawakbiap.” dâep.

**Yesuŋe mom agatbiapgât makyenŋimbo sop lâuwâ agep.**

<sup>22</sup>Akto Yesu Aposololupŋe olop Galilaia hânân ariyi. Arim Yesuŋe hin makyenŋiep, “Nâ luâk akmâ geân nâ luâk bikŋande nugumbiâ mombian. <sup>23</sup>Akto nugumbiâ mom benŋe hilâm âlâwuŋân momoŋânba agatbian.” Hain dâmbo biwiyenŋe umatŋe agep.

**Petoroŋe iŋan lauŋânba puli miep.**

<sup>24</sup>Akto arewa Kapanaum kepiyan ariyi. Akto sumbe kat kat emetŋaet puli dâtâŋe memini arekŋe Petorogâlân togom aikom hin dâyi, “Yenŋât tiksayenŋande sumbe kat kat emetŋaet puli siâ katmap me bo?” dâm magaŋi. <sup>25</sup>Hain dâmbiâ Petoroŋe, “Âo.” dâep. Hain dâm ikiŋak emet kâlegen âgâmbiâ Yesuŋe soŋ magaŋmâ hin dâep, “Simonŋ gâ gain gain nâŋgât? Hâŋgât luâk kembuŋe yeŋe nanlupyenŋe yenŋâlânba puli dâtâŋe memai me luâk aŋgâ yenŋâlânba memai?” dâep. <sup>26</sup>Hain dâmbo Petoroŋe magaŋmâ dâep, “Luâk aŋgâ yenŋâlânba memai.” dâmbo Yesuŋe hin magaŋep, “Bundâk maktât. Gârâmâ nanlupyenŋande puli dâtâŋe kat katgât âi bo memai. <sup>27</sup>Gârâmâ bo katenŋe nâŋgâmbiâ bâliwopgât hanâk netgât puli dâtâŋe kat. Gâŋe haruângen arim tâk panmâ iŋan ulik gulik oloŋberât are tepŋe gâimenâ puli koaŋe siâ miawakto mem netgât katberât.” dâep.

**Nanaŋ gurukŋe yeŋgât towat manbaen.**

**18** <sup>1</sup>Akto sop ain hoŋ bawalupŋande Yesugâlân togom hin magarŋi, “Anutuŋe damun nenŋe akmap nengâlân gâtŋe niŋande bikŋe ewangi nenekmâ damun nenŋe akbiap?” dâyi. <sup>2</sup>Hain dâmbiâ nanaŋ siâ kondo gambo hutyeŋân kato kindo <sup>3</sup>hin dâm makyenŋiep, “Den ai nuguâi aregât makyenŋire nânŋâŋet. Nanaŋlupyenŋande akmai are yeŋe hain akbiâ âmâ Anutuŋe meyekbiap. Dâ hain bo akbai amâ Anutugât kâmolân bo dewati nenekbai. <sup>4</sup>Akto nanaŋ ire hainare akmâ amâ ikiŋaet nânŋâmbo gewiap aregât yeŋgâlân gâtŋe siâŋe hainâk akmâ ikiŋaet nânŋâmbo gembo âmâ Anutugât kâmot damunyeŋe akbiap. <sup>5</sup>Akto luâk âmbâle siâŋe âmâ nanaŋ ire hinare tângomap arekŋe amâ nâ tân nugumap aregât dop akmap. <sup>6</sup>Dâ luâk siâŋe nanaŋ biwiyeŋe nânŋâlân katmai are yeŋgâlânba konok bâliwerâm hâkŋe hâkŋe hain akto âmâ gâuk, siâŋe kât humo dondâ hanŋân imbogoanmâ haru bätgumân hâkokombo dâine arekŋe âmâ siâ me siâ owâiŋe miawaganŋdâp akbop.

<sup>7</sup>Akto dop yeŋgumapŋe ye hârok dop yeŋguwerâm biwiyeŋân gewiapgât dop tatâp aregât hân hârokgât okotne nânŋân. Gârâmâ luâk âmbâle siâŋe bikŋe bâleŋe akŋet dâm hilip yeŋgumbo Anutuŋe hâuŋe humo waŋbiap. <sup>8</sup>Akto hememgât pat akbâigât bâtyeŋe me keiyeŋe bikŋande bâleŋe akbâigât hârem panbei. Hain akmâ keiyeŋe me bâtyeŋe bikŋe are âlepŋe akto manbiâ ârandân akbiâp. Dâ bâtyeŋe keiyeŋe biken biken âlepŋe tatbiap âmâ arekŋe oloŋyekto kâlâwânâk manmâ âgâwâi. <sup>9</sup>Akto dewunyeŋande bâleŋe akŋet dâm oloŋ yekto dosa akbâen dâm dewunyeŋe are kâwutmâ panbei. Akto dewunyeŋe konogâk tatyenŋiwiap amâ âlepŋeâk manbai. Dâ dewunyeŋe lâuwâ lâuwâ tatbiap amâ arekŋe oloŋ yekto hememgât kâlâp humo yemap ain gewâi.

<sup>10</sup>Akto himbimân aŋeloŋe nanaŋ damunyeŋe akmai arekŋe âmâ hokboâk hokboâk Ewene ekmai. Aregât nanaŋ sisik ire hut nenŋân hinare yeŋgât nânŋâmbiâ gewop. <sup>11</sup>Akto luâk âmbâle hilip aguwâigât nâ luâk akmâ geân nâ heŋgemgo yekbian aregât hin makbe. <sup>12</sup>Luâk siâ lama 100 kinaŋbiap. Akto hutyeŋânba konokŋe heambukto amboŋande lama bikŋe are gimbânân hepun yekmâ siâ heambugep aregât undâgâtbiap. <sup>13</sup>Undâgâtmâ mem miawakmâ okot âlep akbiap. Dâ lama bo heambukmâ âlepŋeâk kinbai aregât amâ heroŋe hain bo akbiap. <sup>14</sup>Hainâk Ewene himbimân mandâp arekŋe nanaŋ itik matik bâliwâi dâm damunyeŋe akmap.

**Galagaet dosa hepunben.**

<sup>15</sup>Akto den siâ hin makbe. Galage siâŋe gâŋgâlân dosa akto âmâ bâleŋe aregât keiŋe pumân magarŋben. Hain akmenâ yâkŋe gâŋgât den nânŋâmbo âmâ gala konok manbiandat. <sup>16</sup>Dâ yâkŋe gâŋgât den



bo nângâmbo âmâ luâk âmbâle amon siâ yeŋgonmenâ gutmâ den yetŋe ârândân ketugune dâwai. <sup>17</sup>Dâ yâk yeŋgât den are bo nângâmbo nângât kâmolân gâtŋe arim makyenŋiwen. Akto are âkâ hainâk yâk yeŋgât den are bo nângâmbo âmâ gâŋe yâk hin maganben, “Gâmâ luâk bâleŋe akmai are yeŋgât dop aktât.” dâwen. <sup>18</sup>Akto aregât bunŋe maktere nângâŋet. Ye hânân wan hikowaigât âi membriâ himbimân gai hikowiapgât miawakbiap. Dâ hânân hulânbaigât âi membriâ himbimân gai hulânbiapgât miawakbiap. <sup>19-20</sup>Gârâmâ siân nângât kâmolân gâtŋe lâuwâ me âlâwu Anutu ulilanberâm mendugum kinbiâ ainâk nâ hutyeŋân manbian aregât wan me wan ulilanberâm han konok katmâ Anutu ulilanbai amâ ainâk Ewene himbimân manmap arekŋe wan me wan âlepŋe yeŋgiwiap.” dâep.

### Hoŋ luâk hâkŋe hâkŋaet den.

<sup>21</sup>Akto sop ain Petoroŋe Yesugâlân togom maganmâ hin dâep, “Humo, galanande sop amon nângâlân dosa akto âmâ nâŋe dosa are hepun anbian? Nâmbulân lâuwâ akto hepun anbian me kakŋân siâkâ aktoân hepun anbian?” dâep. <sup>22</sup>Hain dâmbo Yesuŋe maganmâ hin dâep, “Hain bo. Hanâk luâk are dosaŋe hepunaŋmâ âgâwiat. <sup>23</sup>Aregât den dopŋe siâ hin makbe. Anutuŋe damunyeŋe akbiap amâ luâk kembu hinare yâkŋe ikiŋe luâklupŋe hâuyeŋaet akmâ heŋgem yeŋguwerâm agep. <sup>24</sup>Yâkŋe hâu are heŋgemgowerâm âi miep. Akto yâkŋe luâk siâ yâkgâlân mem ari âi luâk aregât hâu âmâ 13 milion kina hainare. <sup>25</sup>Akto luâk arekŋe hâu are kutigitbiapgât puli dop hainare bo talaŋep. Aregât akmâ luâk kembu arekŋe makyenŋimbo luâk are ikiŋe akto âmbenŋe nanaŋlupŋe meyekmâ yeŋgâlân kotŋe siâ siâŋe are hârok puligom benŋe puli are mem luâk aregât hâu kutigitberâm agi. <sup>26</sup>Hain akto âi luâk arekŋe luâk kembu aregât enemŋân kâŋgom hin maganep, “Gâmâ hanâk nângât okot nângâm lâmnugu. Hâmbâi âlepŋe hâu are gâŋgâlân kutigitbian.” dâep. <sup>27</sup>Akto âi luâk aregât humoŋande luâk aregât okotŋe akmâ dosaŋe hepunaŋep. <sup>28</sup>Akto âi luâk arekŋe hâkŋâŋen gem benŋe ikiŋe âi luâk siâ hanŋân mem metawolep. Amâ luâk aregât hâu amâ 100 kina. Akto âi luâk are mem hin maganep, “Gâŋe hâu are hârok kutigitmâ meteniŋ.” dâep. <sup>29</sup>Hain dâmbo ikiŋe âi luâk arekŋe enemŋân kâŋgom ulilanmâ hin dâep, “Gâ nângât okotge nângâm lâmnugu. Hâu are âlepŋe gâŋgâlân kutigitbian.” dâep. <sup>30</sup>Hain dâmbo yâkŋe yâkgât den are bo nângâm lope kâlegen katmâ hin dâm maganep, “Inâk tatmenâ hâu are ârândân akto âlepŋe ariwiat.” dâep. <sup>31</sup>Akto hoŋ bawa aregât galalupŋande den are nângâm bâliaŋi. Hain akmâ arim den are humoyeŋe maganŋi. <sup>32</sup>Akto humoyeŋe arekŋe damun are kondo guto hin maganep, “Gâ luâk bâleŋe. Gâŋe ulit niŋmenâ aregât hâuge yiep ina hanâk yân hepun gektân. <sup>33</sup>Nâŋe gâŋgât okot nângâ giŋdân ina gâkâ âi luâkge aregât okot bo



nânganjât are nângâre umatje dondâ aktâp.” dâep. <sup>34</sup>Humoje hain dâm biwiñe kâlâp akto tembe loko yengâlân kato membiâ hin makyenggiep, “Âi luâk bâleje ire hâk hilâlâm aganjbiâ hâu are ârândân akbiap.” dâm makyenggiep. <sup>35</sup>Aregât keñje hin. Yeñje galalupyene yengât dosa are biwiyenân makmâ manbiâ âmâ Ewene himbimân mandâp yâkñe yengât dosa bo kutigitbiap.” dâep.

### Âmbâle mem bo hepunyekbaengât den.

**19** <sup>1</sup>Yesuñe den are hârok makmâ metem Galilaia kepia are hepunnâ hân humo kotje Yudaia tu kotje Yodañ biken ain ariep. <sup>2</sup>Arimbo luâk âmbâle dondâne olop ariyi. Akto ain luâk âmbâle kundatdâ dondâ mem heñgem yenguep.

<sup>3</sup>Akto Parisaio luâkñe yâkgâlân togom dop komberâm hianjim hin dâyi, “Gain gain luâkñe âmbenlupyene watyekbaigât dâp tatâp me bo?” dâmbiâ <sup>4</sup>yâkñe hin makyenggiep, “Ye den ire oyanmâ nângâmai, “Anutuñe hân himbim ketuguyelelep sop ain âmâ luâk âmbâle ketugu yelegep. <sup>5</sup>Ketugu yelemâ hin dâep, “Luâkñe eweñe memeñe hepun yelekto âmbenñe olop dewati akbiandat. Hain akmâ yâk hâkyetje konok hainare akto manbiandat.” dâep.” den hain tatâp. <sup>6</sup>Hain gârâmâ yâk siâkâ ikiñeâk ikiñeâk bo akbiandat. Yâk hâkyetje konok hainare akbiandat. Hain gârâmâ Anutuñe mem mendugu yelegep are luâk siâñe luâk âmbâi lâuwâ are potatyelekbiapgât dop bo tatâp.” dâep. <sup>7</sup>Yesuñe hain dâmbi Parisaio luâkñe maganjmâ hin dâyi, “Maktât are gain gain maktât? Wangât Moseñe den kârikñe katnengim hin dâep, “Luâk siâñe âmbenñe watberâm âmâ âmbâle hepun hepungât kulem esenñe kulemgom âmbenñe wañmâ wato ârândân akbiap.” dâep?” dâyi. <sup>8</sup>Akto Yesuñe hin makyenggiep, “Moseñe amâ yeñaet agak meme bâleñe akbiâ biwiyeñe kârikñe akmap aregât akmâ kulemgoep amâ yeñe agat agatñe akbiâ dâp katyenggiep. Dâ ulikñân âmâ agak meme ire hain bo yiep. <sup>9</sup>Aregât ye hin makyengiwe. Luâk siâgât âmbenñande dâp gulip bo mando âmâ yân luâk arekñe watmâ âmbâle siâ membiap âmâ luâk arekñe luâkdâ âmbendâ yengât dâp are mem bâlimbo dosa miawaganbiap.” dâep.

<sup>10</sup>Yesuñe hain dâmbi hoñ bawalupñande hin maganji, “Luâk yengât agak meme hain tato âmâ luâkñe hanâk âmbâle bo membiâ ârândân aktâp.” dâyi. <sup>11</sup>Hain dâmbiâ hin makyenggiep, “Luâk hârokñe den ire membaigât dop bo. Anutuñe luâk bikñeâk kârikñe yenggiep. Luâk arekñeak âmâ den ire âlepñe membai. <sup>12</sup>Hin. Luâk bikñe memelupyenande meyejiân âmbâle bo meyekbaigât dop tatâp. Dâ luâk bikñe âmâ gasalupyenande gâiyengimbiâ âmbâle meyekbaigât dâp bo tatâp. Hainâk luâk bikñande amâ himbimgât akmâ âi humo mem manmai yâk âmbâle bo menegât nângâmai are ârândân akbiap. Gârâmâ den ire amâ Anutuñe memeñe akyengimbo aregât kârikñe manmai.” dâep.

**Yesuŋe nanaŋ yeŋgât Anutu ulilaŋep.**

<sup>13</sup>Akto sop ain luâk âmbâle bikŋande Yesuŋe nanaŋlupyene bânŋande kautyeŋân mem Anutu ulilaŋâkŋât yâkŋâlân meyekmâ togoyi. Hain akbiâ hoŋ bawalupŋande den kugâk kugâk akyeŋgiyi. <sup>14</sup>Hain akyeŋgimbiâ Yesuŋe hin makyeŋgiep, “Ye hepunbiâ nanaŋ are nânŋâlân togoŋet. Ye bo mem ganyeŋe dâŋet. Anutuŋe damunyeŋe akbiap amâ nanaŋ hainare yeŋgât.” dâep. <sup>15</sup>Hain dâm bânŋande kautyeŋân kalep. Katmâ âmâ kepia are hepunmâ ariep.

**Luâk sikumdâŋe Yesu aikoep.**

<sup>16</sup>Akto luâk siâŋe Yesugâlân togom hin maganeŋep, “Tiksa. Nâ agak meme gain hinare akmâ âlepŋe akmâ âmâ manman kârikŋeâk manmâ âgâwian?” dâmbo <sup>17</sup>hin maganeŋep, “Gâ wan me wan âlepŋeâk makniŋdât keiŋe âmâ âlepŋe Anutu konok. Gârâmâ gâ manman âlepŋe manberâm âmâ Mosegât den kârikŋe kat katŋe are hârok watben.” dâmbo <sup>18</sup>luâk arekŋe hin dâep, “Wan den kârikŋe?” dâmbo hin maganeŋep, “Den kârikŋe amâ hin. Gâ luâk bo yeŋgumenâ mombai. Gâ luâkdâ âmbendâ yeŋgât dâp are bo mem hilipkowen. Kâmbu bo akben. Gâ luâk siâgât den bo hianŋiwen. <sup>19</sup>Gâ ewege memege yetgât amukyetenân manben. Akto gugaet akmat hainâk galalupge are akyeŋgiwen.” dâm maganeŋep. <sup>20</sup>Hain maganŋo hin maganeŋep, “Den kârikŋe kat katŋe ire hârok emelâk akmâ meteân. Gârâmâ wan bânŋe mendere âmâ manman kârikŋe miawakniŋbiap?” dâmbo <sup>21</sup>Yesuŋe hin maganeŋep, “Gâ âlepŋe dondâ akberâm nânŋâm âmâ ari kotŋe siâ siâŋe are hârok yeŋgimenâ puligombiâ puli are mem ari luâk umburuk yeŋgiwen. Hain akmenâ âmâ Anutuŋe gânŋât wan me wan âlepŋe are himbimân kat giŋbiap. Gârâmâ gâ nâ watnekmâ gamenâ arire.” dâep. <sup>22</sup>Hain dâmbo luâk sigan arekŋe nânŋâm kotŋe siâ siâ dondâ talaŋep aregât nânŋâmbo humo akto aregât Yesuŋe tâwât dewunge panben dâm maganeŋep aregât biwiŋe umatŋe akto gem yân ariep.

**Luâk pulirâ sikumdâŋe Anutugât kâmolân dewatiwerâm âmâ âi humo membai.**

<sup>23</sup>Akto Yesuŋe hoŋ bawalupŋe hin makyeŋgiep, “Makyeŋgire nânŋaŋet. Luâk pulirâ sikumdâŋe Anutugât kâmolân dewatiwerâm amâ âi humo membai. <sup>24</sup>Soŋgo pike dâpŋânba gawerâm âmâ âi humo membai. Dop hainâk luâk pulirâ sikumdâŋe Anutuŋe damunyeŋe akbiap ain ariwerâm âi humo membai.” dâep. <sup>25</sup>Hain dâmbo den are nânŋâm sân sân mem hin magi, “Bâe, niŋande manman âlepŋân ariwiap?” dâyi. <sup>26</sup>Dâmbiâ Yesuŋe tâŋ tâŋâk yekmâ kinmâ hin makyeŋgiep, “Anutugât manman âlepŋân ariwaigât nânŋâ nânŋâyeŋe watbiâ bo akmap. Dâ

Anutuŋe konok âmâ wan me wan miawakbiapgât bo pâpkomap.” dâep. 27 Hain dâambo Petoroŋe maganmâ hin dâep, “Woe, nen âmâ kotŋe siâ siâ hârok hepunmâ gâ olop malion aregât hâuŋe nen wan membaen?” dâep. 28 Akto Yesuŋe hin makyenŋiep, “Hâmbâi kotŋe siâ siâ ire hârok irakŋe akmâ metewiap. Sop ain âmâ luâk akmâ geân nâ lâuwâŋe gem âmâ luâk kembu yenŋât tat talân tatbïan. Akto nâ watnekmâ manmai yekâ hainâk tat tat keiân lâuwâ ain tatbai. Tatmâ Israe luâk âmbâle kâmot keiân lâuwâ are mem potat yekbai. 29 Akto luâk âmbâle nânŋât nânŋâm emetyeŋe me emi teulupyene me meme ewelupyene me nanan me âi kalam me wan me wan nânŋât akmâ hepunmai amâ hâmbâi aregât hâuŋe kotŋe siâ siâ dondâ membai. Hain akmâ manman kârikŋân manmâ âgâwai. 30 Aregât siâkâ makbe. Luâk âmbâle bikŋe hinŋe hâkyeŋe mem agatbai are âmâ hâmbâi Anutuŋe hamiŋâŋen katyekbiap. Dâ bikŋe âmâ hinŋe hâkyeŋe mem gewai are âmâ Anutuŋe hâmbâi tânyenŋumbo ulik gulik akbai.” dâep.

#### Waiŋ âi meyi yenŋât den ginŋe.

**20** 1 Akto Yesuŋe hin dâm makyenŋiep, “Anutuŋe damunyeŋe akbiap amâ luâk siâgât hân humo yeapmap dop hainare akto hândâktâk dondâ agatmâ âiâŋen âi meanetgât âi luâk bikŋe meyekberâm ariep. 2 Akto âi luâk bikŋe olop den akmâ hilâm konokgât hâu dâtâŋe aregât puliŋe membaigât makyenŋimbo âlepŋe dâmbiâ huŋgun yenŋimbo âi memberâm ariyi. 3 Arimbiâ âmâ 9 kilok wan hainare kepian arim luâk bikŋe yekto kepia tete yân tali. 4 Yân taligât luâk arekŋe makyenŋim hin dâep, “Ye arim nânŋât waiŋ âiâŋen âi membiâ aregât puliŋe âi aregât dopŋânâk yenŋiwêrân.” dâep. 5 Hain dâambo arimbiâ benŋe 12 kilok akto 3 kilok ain âkâ hainâk agep. 6 Hain akmâ âmâ enŋaŋe 5 kilok wan hainare arim yekto luâk bikŋe yân tatmâ manbiâ yekmâ hin makyenŋiep, “Ye gain gain akmâ hilâm humo ire yân tatmâ mandâi?” dâambo 7 yâkŋe hin maganŋi, “Luâk siâ me siâŋe âi siâ bo nengimbo aregât yân tatmâ manden.” dâmbiâ yâkŋe hin makyenŋiep, “Ye arim nânŋât waiŋ âiâŋen âi meŋet.” dâep. 8 Akto emet dâgâambo âmâ luâk arekŋe âi luâklupŋe yenŋât damun are maganmâ hin dâep, “Âi luâk yenŋonmenâ togombiâ hilâm konokgât hâu dâtâŋe yenŋi. Akto âi luâk hami togoâi are yenŋâlânba keiŋe katmâ yenŋim maleine âi luâk ulik gulik togoâi are âmâ bâiŋe yenŋiwen.” dâep. 9 Hain dâambo âi luâk 5 kilok âi meyi are âmâ hilâm konokgât hâu dâtâŋe konok yenŋiep. 10 Akto luâk ulik gulik togom âi keiŋe katmâ meyi are togom, “Nenŋe âmâ hilâm konokgât puli aregât kakŋân memberen.” dâm nânŋâyî. Dâ ina yâkâ hainâk hilâm konokgât hâu dâtâŋe yenŋiep. 11 Yenŋimbo mem kalam amboŋe aregât dondâ nânŋâm bâliari. 12 Hain akmâ maganmâ hin dâyi, “Luâk ire âmâ hinŋeâk togom âi getegâk mendâi ina gâŋe hilâm

konokgât yengiat. Akto nenje âmâ dewutâ kârikjân âi humo menden akto dewutâne dondâ nenektâp ina hainâk nengiat are ârândân bo aktâp.” dâyi. <sup>13</sup>Hain dâmbiâ yâkne luâk hutyejân kilep siâ maganjmâ hin dâep, “Gala, nâ bâleje bo akgiñdân. Nâje hilâm konokgât hâu datâne memberât dâm makgiñdere gâje âlepne dâm nângâmenâ ârândân aktâp aregât <sup>14</sup>gâ pulige are meakmâ ari. Puli ya giñdân hainâk luâk hami dondâ togom âi getek mendâi are nunaet ukennaet akmâ yengian. <sup>15</sup>Nâje nune puli ire mem siâ me siâ akbiangât amâ nunaet pat. Gâje damunne akmat me? Nâje agak meme âlepne akgiñdere aregât gâje wangât nângâm bâli niñdât? Nângâm bâli niñmenâ ârândân bo aktâp.” <sup>16</sup>Luâk âmbâle bikjande hinje hâkyeje mem agatbai are amâ hâmbâi Anutuje hamiñangen katyekbiap. Dâ bikje hâkyeje mem gewai are âmâ Anutuje hâmbâi mem ulik gulik katyekbiap.” dâep.

### Yesuje mom agatbiaggât sop âlâwu makyengiep.

<sup>17</sup>Yesuje Yerusalem kepia âgâwerâm akmâ hoj bawalupje keiân lâuwâ are meyekto ariyi. Arim manmâ Yesuje dâwân makyengim hin dâep, <sup>18</sup>“Ye nângânet. Bâin. Nen Yerusalem kepian âgâne. Akto ain sumbe kat kat luâk akto Mosegât den kârikje makmâ kepikmai ain tatmai yâk yengâlân gâtjande luâk akmâ geân nâ bâleje akniñmâ sumbe kat kat luâk akto Mosegât den kârikje makmai yâk yengâlân makyengimbiâ menekbai. Akto den âiân katnekmâ nugumbiâ mombian aregât den maganji goanji akbai. <sup>19</sup>Akto den hembalik mângi nekmâ lâwinân nugumbiâ mombiangât Roma luâk are yengâlân oloj nekbâi bâleje mângi nekmâ lâwinân nugumbiâ mombian. Mondere han nugumbiâ hilâm âlâwu akto momoñanba agatbian.” dâep.

### Yakobo akto Yohane yâkne galalupyetje damunyeje akbiandatgât aikoyiat.

<sup>20</sup>Akto sop ain Yebedaiogât âmbenjande nanlogâtje Yakobo akto Yohane are kewugu yelekmâ Yesugâlân togom kângom ulilanej. <sup>21</sup>Ulilando hin maganej, “Gâ wangât nângât?” dâmbi hin dâep, “Sop siân gâje togom luâk âmbâle hârok damunyeje akbialân sop ain nanlogâtjande gasomge bikje bikje atmâ kumbu akbiandat.” dâep. <sup>22</sup>Hain dâm ulilando Yakobo akto Yohane hin dâm makyetkiep, “Yet aregât keije pâpkom maktat. Nâ wan me wan umatje miawak niñbiap are hârok yet âlepne miawakyetkiwiap me?” dâep. Hain dâmbi hin dâyi, “Maktât are miawak netkiwiap aregât nângâetje ârândân akbiap.” dâyi. <sup>23</sup>Hain dâmbela hin dâep, “Wan me wan umatje miawak niñbiap arekne âlepne hainâgâk miawak yetkiwiap. Dâ Anutu Ewene yâkne konok nângât amuknân manmâ damunyeje akbai aregât emelâk kotyeje dâm hâriep. Amâ nângât âi bo.” dâep. <sup>24</sup>Hain dâm makyetkimbo

hoj bawaņe bāt bip bip hârok yâkņe den are nâņgâmbiâ umatņe akto Yohane akto Yakobo peiyelegi. <sup>25</sup>Peiyelekbiâ Yesuņe yeņgondo bambiâ hin dâm makyeņgiep, “Hângât luâk kembuņe luâk damunyeņe akmâ âmâ hoj bawalupyne meyekbiâ manmai are âmâ nâņgâmai. <sup>26</sup>Dâ yeņe âmâ hângât luâk kembu are yeņgât agak meme are hain bo akbei. Yeņgâlânba siâņe Anutuņe nekto ârândân agâk dâwiap âmâ benņe galalupņe yâk yeņgât hoj bawa akmâ manbiâp. <sup>27</sup>Akto yeņgâlânba siâņe Anutuņe nekmâ, “Woe, damunyeņe akbiapgât dop tatâp dâwiap.” dâm aregât galalupņe yeņgât âi luâk manbiâp. <sup>28</sup>Nâ hainâk hoj bawalupnande tân nugunet dâm aregât bo geân. Âi humo mem hâk hilâlâm nâņgâm luâk âmbâle dondâ are yeņgât dosa bo akyeņgiwiapgât mombian aregât luâk akmâ geân.” dâep.

### Yesuņe dewunyetņe bokbokņe lâuwâ mem heņgemyetkuep.

<sup>29</sup>Yesu akto hoj bawalupņe Yeriko kepia hepunmâ ariyi. Arimbiâ hami yeņân luâk âmbâle dondâ ariyi. <sup>30</sup>Akto dâp ginņân luâk dewunyetņe bok bokņe lâuwâ taliat. Yesu togoep aregât den nâņgâm kârikņeâk konmâ hin dâyi, “Humo, gâ Dawidigât hakuņe gâ hanâk netgât okotge nâņgâ.” <sup>31</sup>Hain dâm konbela luâk âmbâle ain kili arekņe nâņgâm hin dâyi, “Woe, den hepulet.” dâyi. Hain dâmbiâ denyeņe bo nâņgâm âmâ lâuwâņe koliat, “Humo, gâ Dawidigât hakuņe gâ hanâk netgât okotge nâņgâ.” <sup>32</sup>konbela nâņgâm dâwân kinmâ yetkondo gutbela hin aiyetkuep, “Gain gain akyetkiwegât nâņgat?” dâmbo hin dâyi, <sup>33</sup>“Humo âlepņe eget dâmenâ dewunnetņe hulaņagâkgât ulit giņdet.” dâyi. <sup>34</sup>Hain dâmbela okotņe nâņgâm dewunyetņe howaimbo hulaņ akto Yesu olop ariyi.

### Yesuņe doņgi kakņân Yerusalem âgâep.

**21** <sup>1</sup>Akto arewa arim Yerusalem kepia ewumâk Betepage kepia akto gimbâņe kotņe Oliwa ain togoyi. Togo Yesuņe hoj bawalogâtņe lâuwâ huņgun yetkiep. <sup>2</sup>Huņgun yetkim hin makyetkiep, “Yet kepia bâlensiâ tato ektat âuren âgâet. Âgâm âmâ doņgi siâ hikombiâ kindâp nanņe olowâk are dowâk mem miawak yeleget. Meyelekmâ mem âmâ nâņgâlân togoet. <sup>3</sup>Dâ luâk siâ me siâņe den wan siâ makyetkimbo âmâ hin maganberat, “Iregât âi miawakto Humonetņande maknetkiâp gârâmâ mem arietņe âi bo akto âmâ dowâk mem purik katberâp.” dâm maganberat.” dâep. <sup>4</sup>Wan me wan ya miawagep are amâ Propete siâņe den kulengoep aregât bikņe bunņe miawagep den are hin tatâp,

<sup>5</sup>“Sioņ gimbâņe ambolupņe nâņgâņet. Yeņgât kembuyeņe amâ hâkņe mem gemap. Hain akmâ yoņâk ariwerâm âmâ doņgigât kakņân tatmâ togowiap. Doņgi aregât nanņe are olop togowiap.”

<sup>6</sup>Yesuņe hain dâm huņgunyetkimbo arim hain agiat. <sup>7</sup>Doņgi akto nanņe lâuwâ mem oloņyelekmâ togombela sâņgum kakņân luguakmini

are oloŋmâ donŋi kakŋân katbiâ yâkŋe âgâ talep. <sup>8</sup>Âgâ tato luâk âmbâle dondâne Humonenŋe togoâp aregât dâp heŋgemgone dâm sâŋgum kakŋân luguakmini are oloŋmâ dâwân leŋgaim ariyi. Dâ bikŋande âmâ esenŋe siâ siâ ligim dâwân katmâ ariyi. <sup>9</sup>Akto luâk âmbâle dondâ enemŋân akto hamiŋân olop ariyi arekŋe âmâ hin koli, “Woe, hakunenŋe Dawidi yâkgât kâmolân gâtŋe gâŋe damun nenŋe ak. Anutu Humoŋe wâtŋe giŋmâ huŋgun giŋdo togoât aregât heroŋe akgiŋne. Akto kembunenŋe yu togoât iregât Anutu himbimân manmap yâk nâŋganŋenŋe kotŋe humo agâk.” dâyi. <sup>10</sup>Akto Yesuŋe Yerusalem kepian âgâmbo kepia humo ain luâk âmbâle tali arekŋe sân sân mem hin dâyi, “Luâk ire niŋe?” dâyi. <sup>11</sup>Hain dâmbiâ luâk âmbâle yâk olop ariyi arekŋe makyenŋiyi, “Imâ Anutugât Propete siâ kotŋe Yesu, Galilaia hân aregât kepia Nasarete ain gâtŋe.” dâyi.

#### Yesuŋe sumbe opmânânba watyegep.

<sup>12</sup>Hain dâmbiâ Yesu Yerusalem kepian âgâm sumbe kat kat opmânŋân âgâm luâk âmbâleŋe siâ me siâ katmâ aŋgim kili are wat yekmâ siâ me siâ yeŋe me kembâ welamŋe me puli tat tat welamŋe mem kâwulep. <sup>13</sup>Kâwutmâ watyekmâ hin makyenŋiep, “Anutuŋe makto kulemgoyi bikŋe hin tatâp, “Nâŋgât emet âmâ luâk âmbâle hârokŋe ulitniŋbaigât emet kindâp.” Den kulem hainâk yendâp are hâkâŋ akmâ mâŋgimbiâ luâk kâmburâ yeŋgât emet hainare aktâp.” dâep.

<sup>14</sup>Hain dâm sumbe kat kat opmânŋân luâk dewunyeŋe bok bokŋe akto keiyeŋe pâwutyenŋe bâleŋe are togombiâ mem heŋgem yeŋguep. <sup>15</sup>Akto nanaŋ lepat ain âgâm Yesugât hin dâyi, “Dawidigât hakuŋe kotŋe mem agatne.” dâyi. Hain dâmbiâ sumbe kat kat luâk akto Mosegât den kârikŋe makmâ kepigi arekŋe Yesuŋe kulem keiŋe keiŋe miep are ekmâ akto nanaŋ lepat are yeŋgât den nâŋgâmbiâ bâlimbo kuk bâleŋe agi. <sup>16</sup>Hain akmâ Yesu hin magaŋi, “Nanaŋ lepat irekŋe kotge konmâ mem agatbiâ nâŋgât mon?” dâm magaŋi. Hain dâmbiâ hin makyenŋiep, “O nâŋgân gârâmâ aregât Anutuŋe makto kulemgoyi bikŋe aregât hin tatâp, “Anutuŋe nanaŋ lepat memeŋe akyenŋimbo kotŋe mem agatbai.” den are oyaŋmâ nâŋgâm meteyi mon?” dâep. <sup>17</sup>Akto ainba hepun yekmâ kepia humo are ginŋanŋen gem hândâk ain Betania kepian yiep.

#### Yesuŋe makto lâwin siâ ululun dâep.

<sup>18</sup>Yem kindo hauŋdo hândâktâk purik katmâ kepia humoân âgâm sotgât mopŋe aguep. <sup>19</sup>Akto dâwân lowot hainare siâ kindo ekmâ bunŋe yendâp dâm keiŋân baep. Bam ekto bunŋe siâ bo yendo esenŋandeâk kilep. Akto lowot are magaŋmâ hin dâep, “Lâwin iregât koaŋe siâkâ bo yembiâp. Boâk tiŋ.” dâmbiâ ainâk lowot arekŋe ululun kârâep. <sup>20</sup>Hain akto hoŋ bawalupŋande are ekmâ otneyeŋe arimbo sân sân mem hin

dâyi, “Gain gain akmâ lowot ire dowâk ululun kêrâp?” dâyi. <sup>21</sup>Hain dâmbiâ Yesuŋe makyenŋim hin dâep, “Nâ iregât keiŋe makyenŋire nânŋânjet. Ye nânŋâlân biwiyeŋe katmâ heŋgemgom han lâuwâ âlâwu bo akbai âmâ nânŋe lowotgâlân aktere ektâi hainâk âlepŋe akbai. Akto are konok bo akbai. Gimbânŋe ire maganmâ hin dâwai, “Gâ kâwulakmâ haruân umbure ge.” dâmbiâ âlepŋe hain akbiap. <sup>22</sup>Akto yeŋe nânŋâlân biwiyeŋe katmâ heŋgemgom kinmâ wan me wan memberâm ulilanŋbai amâ wan me wan are âlepŋe membai.” dâep.

### Yesugât keiŋe nânŋânegât aikoyi.

<sup>23</sup>Akto Yesuŋe sumbe kat katgât opmânŋân âgâm luâk âmbâle den pat âlepŋe are makyenŋiep. Akto sumbe kat kat luâk akto Israe yenŋât kembu yâkgâlân togom maganmâ hin dâyi, “Gâ wan me wan akmat are niŋaet lau lokom akmat? Akto niŋande memeŋe akŋiŋdo mema?” dâyi. <sup>24</sup>Hain dâmbiâ Yesuŋe hin makyenŋiep, “Nâkai hainâk wan siâgât ai yenŋuwerân. Gârâmâ yeŋe den hâuŋe makniŋbiâ âmâ benŋe nâkâ wan kêrikŋe tatniŋdo âi meman iregât keiŋe makyenŋiwerân. <sup>25</sup>Yohanenŋe tu puli keiŋe kalep are niŋande meme aŋanŋo âi are meminep? Anutuŋe me luâk yânŋande?” dâep. Hain dâmbiâ den are nânŋâm are yeŋeâk maganŋi goanŋi akmâ hin dâyi, “Nenŋe Anutuŋe meme aŋanŋep dâweren âmâ yâkŋe hin maknengiwêrâp, “Ye wangât yâkgât den bo nânŋâm heŋgemgoyi?” dâwerâp. <sup>26</sup>Dâ nenŋe are luâk yânŋande memeŋe aŋanŋini dâweren âmâ luâk âmbâle yu kindâi irekŋe Yohane âmâ Propete dâm kuk aknengiwêi aregât gain gain maganŋeren?” dâyi. <sup>27</sup>Hain dâm kinmâ Yesu hin maganŋi, “Yohane niŋande memeŋe aŋanŋo akminep are bo nânŋâen.” dâyi. Hain dâmbiâ Yesuŋe hin makyenŋiep, “Nâkai hainâk niŋaet laugât kinmâ âi meman aregât bo makyenŋiwerân.

### Nananŋ lâuwâ yetgât den ginŋe.

<sup>28</sup>Aregât den ginŋe makyenŋiwe. Luâk siâgât nanlogâtŋe lâuwâ maliat. Akto teuŋe aregâlân arim hin maganŋep, “Nan, gâ uŋak arim waiŋ âiânŋen âi me.” dâep. <sup>29</sup>Hain dâmbiâ nanŋe arekŋe maganmâ dâep, “Nâ borân.” dâep. Hain dâm tatmâ benŋe beiranŋânŋen hanŋe siâ akto arim âi miep. <sup>30</sup>Akto eweyetŋande emiŋe aregâlân arim arekâ hainâk maganŋep. Akto nanŋe arekŋe maganmâ dâep, “Apo, âlepŋe ariwerân.” dâm hianŋim bo ariep. <sup>31</sup>Gârâmâ nanlogâtŋe lâuwâ arekŋe niŋande âmâ eweŋaet den lokoep?” dâmbiâ dâyi, “Teuŋe arekŋe.” dâyi. Hain dâmbiâ Yesuŋe makyenŋim hin dâep, “Aregât den bunŋe hin makyenŋire nânŋânjet. Puli dâtânŋe meme luâk akto âmbâle dâp gulip manmai yâkŋe ye ewangiyekmâ Anutugât kâmolân dewatiyi. <sup>32</sup>Amâ yeŋe Yohanenŋe agak meme âlepŋe hekat yenŋimbo hâkânŋe akmâ denŋe bo lokoyi. Dâ gawamangât puli meme luâk akto âmbâle dâp gulip manmaiŋe âmâ



denje nângâm hanyenande nânganji. Dâ ye âmâ are ekmâ hanyenje bo purik kato denje bo nângâyi.

### Waij damunje bâlenjaet den.

<sup>33</sup>Akto den dopnje siâkâ makyengire nângâjjet. Luâk siânje hân siân tâk kotnje waij are kâmetmâ metem lope dâgâep. Akto waij tunje pipikowaengât dâm kondo ketugum hengegom damun yējaet emet mem âi kalam hârok ketugum metem hoj bawalupnje hin makyengiep, “Kalam ire damunje akmâ sot bunje akto mem niŋbai.” dâm hân siângen ariep. <sup>34</sup>Arim manmâ manmâ mando sot bunje akto âi luâk siâ sot bunje biknje meyekjjet dâm huŋgun yeŋgimbo ariyi. <sup>35</sup>Arimbiâ damun luâklupnje areknje hoj luâk are kât mem pitim panmâ yeŋgumbiâ biknje arimbiâ biknje moyi. <sup>36</sup>Hain akto amboŋe areknje âi luâk dondâ huŋgun yeŋgimbo arimbiâ a hainâk kalam damunlupnje areknje hoj luâk are hainâk yeŋgum watyegi. <sup>37</sup>Amboŋande pat are nângâm hin dâep, “Nune nanne huŋgun aŋdere arimbo yâkgât amukjân manbai.” dâep. <sup>38</sup>Hain dâm huŋgun aŋdo arimbo âi damunlupjande nanaŋ are ekmâ magaŋgi goaŋgi akmâ hin dâyi, “Woe, humonenjaet nanje togoâp. Eweŋe mondo yâkje hârok membopgât kondenje moâk. Hain aktenje bāt bânje hârok nengât akbiap.” dâyi. <sup>39</sup>Hain dâm mem oloŋmâ hâknjângen kombiâ moep. <sup>40</sup>Hain akbiâ âi amboŋe are gain gain akbiap?” dâep. <sup>41</sup>Hain dâmbo hin dâyi, “Âi amboŋe areknje togom hoj bawa are yeŋgumbo mombiâ âmâ benje dumyeŋân hoj bawa siânbaŋe sot yendoân niŋbai dâm katyekbiap.” dâyi. <sup>42</sup>Hain dâmbiâ Yesuŋe hin dâep, “Anutuŋe makto luâk siânje hin kulengoep, “Emetnje ketuguwerân âmâ luâkne kât siâ ekmâ hâkne hâkne dâm panbiâ yendo Anutuŋe kât are mendo emetgât kun kun kârikne agep. Are ekmâ, “Imâ Humoŋe mem miawaktâp.” dâm ektenje humo aktâp.” Siânje ulikjân hain kulengoep.

Aregât ye âmâ nanaŋyeŋânbaŋk oyaŋmâ nângâyi amâ wangât hilipkoyi?

<sup>43</sup>Aregât makyengire nângâjjet. Anutuŋe damunyeŋe akberâm aktâp yâkje yekto ârândân bo akto luâk âmbâle aŋgâ damunyeŋe akbiap are yâk Anutuŋe damunyeŋe akbiap aregât bunje membai. <sup>44</sup>Dâ luâk siânje kât tetembeŋe kârikne are ekto ârândân bo akto âmâ hâkne hilipkowiap. Akto kât arekne amâ luâk siâ kakjân ge kom hambumbo hogoakbiap.” <sup>45</sup>Hain dâmbo Parisaio luâk akto sumbe kat kat luâk areyeŋgât humomolupyeŋande den are nângâm hin dâyi, “Imâ nengât dop maktâp.” dâm nângâmbiâ bâliep. <sup>46</sup>Hain akto aregât Yesu mem kala busi kâlegen katberâm agi. Hain akmâ memberâmbiâ luâk âmbâle dondâŋe ain kili arekne Yesu amâ Propete luâk dâm nângâyi aregât, “Mendenje nenguwâi.” dâm hamewakmâ yânâk hepuli.

### Luâk hâk katip bâlâk yâkgât den ginje.

**22** <sup>1</sup>Akto Yesuŋe den ginje siâ hin makyengiep, <sup>2</sup>“Anutuŋe damunyeŋe akbiap amâ hângât luâk kembu siâgât agak meme



hainare. Luâk kembu aregât nanjande âmbâle memberâm akto luâk kembu arekne sot soŋgo dondâ om hâwuruep. <sup>3</sup>Akto uliknân luâk bikne nanjande âmbâle mendoân togombiâ sot om yeŋgiwiapgât makyenġiep. Akto nanjande âmbâle memberâm akto ain âi luâklupne bikne huŋgun yeŋgim, “Ari luâk are kewugu yekmâ togoŋet.” dâep. Akto âi luâklupjande ari makyenġimbiâ yâkne borâm bo togoyi. <sup>4</sup>Akto lâuwâne âi luâklupne bikne huŋgun yeŋgim hin makyenġiep, “Ye arim nâne uliknân luâk makyenġiân are hin makyenġiwei. Ye nânġâŋet. Sot akto bau akto soŋgo humomo emelâk kom om katân akto kotne siâ siâ hârok emelâk mem ârândân ketuguân. Gârâmâ ye togom nannande âmbâle memberâp iregât sot neŋet.” dâm âi luâklupne are makyenġim huŋgun yeŋgiep. <sup>5</sup>Akto âi luâklupjande arim den are luâk âmbâle makyenġiyi. Makyenġimbiâ den a bonânġâm hansumbu akmâ ariyi. Siânbaŋe gem kalam yeŋânġen ariyi. Dâ bikjande âmâ puli âi memberâm gem ariyi. <sup>6</sup>Dâ bikjande âmâ luâk kembugât âi luâk are hilip yeŋgumbiâ mom meteyi. <sup>7</sup>Hain akbiâ luâk kembu are biwiŋe kâlâp akto tembe lokolupne huŋgun yeŋgimbo arim luâk koko yeŋgumbiâ mom meteyi. Mom metembiâ kepiayeŋe arekâ ombiâ om bo akyeġep. <sup>8</sup>Akto luâk kembu arekne âi luâklupne makyenġim hin dâep, “Nannande âmbâle mendâp iregât sot soŋgo emelâk mem ârândân ketugure yendâp. Dâ nâne luâk togoweigât makyenġiân are yeŋgât agak memeyeŋe ârândân bo. <sup>9</sup>Gârâmâ ye arim dâp kautne ârândân kinmâ âmâ luâk âmbâle arim togombiâ yekmâ âmâ makyenġimbiâ togom sot ire neŋet.” dâep. <sup>10</sup>Hain dâm huŋgun yeŋgimbo âi luâklupne arekne dâp kautne ârândân kinmâ arimbiâ luâk âmbâle âlepne me bâleŋe togombiâ hârok mendugu yegi. Akto luâk âmbâle arekne togom luâk âmbâi lâuwâ meagiât are yetgât emet are pikmâ teŋ teŋ dâm tali.

<sup>11</sup>Akto luâk kembu arekne luâk âmbâle are yekberâm emet are kâlegen bam âġâep. Âġâm luâk siâ hombaŋ tat tatgât sâŋgum are bo lalakmâ togoep. <sup>12</sup>Togom ekmâ luâk kembu arekne maganmâ hin dâep, “Gala, ġâ ġain ġain akmâ luâk âmbâle meak meak aregât sâŋgum bo latmâ in togoât?” dâep. Luâk kembu arekne hain dâmbo yâkne denne nânġâk kinmâ aŋun aŋġiep. <sup>13</sup>Aŋun aŋġimbo luâk kembu arekne âi luâklupne makyenġim hin dâep, “Ye luâk are mem keiŋe bâtne mem mendugum dâġâm ge hândâkŋânġen ain panbiâ yeâk. Yem âmâ hâk hilâlâm dondâne nânġâm indem kamboŋmâ yem âġâwiâp.” dâm makyenġiep. <sup>14</sup>Aregât den ġinŋe purikne hin makbe. Anutuŋe luâk âmbâle dondâ makmâ yeŋgonmap. Dâ luâk âmbâle konok konok potatmâ yeŋgondo Anutuġât kâmolân dewatimai.” dâep.

### Yesu puligât aikoyi.

<sup>15</sup>Akto Parisaio luâk arim hin dâyi, “Hianġenŋe Yesuŋe den siâ makmâ hilipkombo mene.” dâm maganġi goanġi aġi. <sup>16</sup>Hain akmâ hon

bawalupyene akto Herotegât âi luâklupne hungun yengimbiâ Yesugâlân togom lau tu aganmâ hin dâyi, “Humo, gângât keige nângâen. Gâ hiangi den bo makmat. Bunjeâk makmat. Gâ luâk hârok Anutugât dâp âlepne makmâ makyengimat. Akto luâk yengât nângâ nângâyenjaet bo watmat. Akto luâk âgâ âgâne me gegeje areyengât hamep bâlâk akmâ ârândânâk makmâ hekatnengimat aregât ire makmenâ nângâne. <sup>17</sup>Nen Roma luâk siâ damun nenje kotje Sisa are gawamangât puli waŋmaen are âlepne me bo? Aregât gain nângâmat? Puli waŋbaen me bo?” dâyi. <sup>18</sup>Hain dâmbiâ biwiyenjaet keje ekmâ nângâm hin makyengiep, “Ye hianŋindâi. Denje hami kom katniŋdâi. <sup>19</sup>Romagât puli koaje siâ mem niŋbiâ ekbe.” dâep. Hain dâmbiâ mem waŋbiâ mem agatmâ hekat yengim hin dâep, <sup>20</sup>“Puli ire ekŋet. Iregât otneje akto kot ire niŋaet?” dâep. <sup>21</sup>Hain dâmbiâ hin dâyi, “Damun nenje Roma luâk kotje Sisa yâkgât otneje.” dâyi. Hain dâmbiâ hin dâep, “Wan me wan Roma luâk humogât dâtâne amâ yâk waŋbei. Dâ wan me wan Anutugât dâtâne are amâ Anutu waŋbei.” dâep. <sup>22</sup>Hain dâmbiâ nângâmbiâ humo akto yân hepunmâ ariyi.

#### **Momoŋânba agatbaengât aikoyi.**

<sup>23</sup>Akto hilâm ainâk Sadukaio luâk are togoyi. Luâk arekne momoŋânba luâk bo agatbai dâmini. Yâkâ hainâk togom lau tu aganmâ hin dâyi, <sup>24</sup>“Tiksa, Moseje ulikŋân hin dâm kulemgoep, “Luâk siâne âmbâle mendo nanaŋ bo miawakto mondo emiŋande kambut mem teujaet kâmot bo akbopgât membiap.” Moseje hain kulemgoep aregât hin makgiŋne. <sup>25</sup>Emi teu nâmbulân lâuwâ nen hutnenŋân mali. Hain manmâ ulikŋân teuyeŋande âmbâle mem nanaŋ bâlâk manmâ moep. <sup>26</sup>Mondo emiŋande kambut are mem hainâk nanaŋ bâlâk manmâ mondo emiŋe siâne âmbâle kambut are miep. Hain akmâ mondo emi teu nâmbulân lâuwâ arekne âmbâle konok are mem nanaŋ bâlâk manmâ mom meteyi. <sup>27</sup>Bâiŋe kambutyene are hainâk moep. <sup>28</sup>Akto luâk nâmbulân lâuwâ are hârogâk âmbâle konok areâk mem mom meteyi. Aregât sop bâiŋân agatmâ metembiâ âmâ âmbâle are niŋaet âmbenje akbiap?” dâm hiangiyi. <sup>29</sup>Hain dâmbiâ Yesuje hin makyengiep, “Ye Anutuŋe makto kulemgoyi are akto Anutugât kârikneje bonângâmai are nângâm hilipkom hain dâm maktâi. <sup>30</sup>Luâk me âmbâle momoŋânba agatmai yâk himbimân aŋelo mandâi hainare akmâ luâk âmbâle meak meak are hepunmâ yân manbai. <sup>31</sup>Dâ momoŋânba agat agatgât keje hin maktere nângâŋet. Anutugât den aregât keje makyengire nângâm heŋgemgoŋet. <sup>32</sup>Anutuŋe hin magep, “Nâ Abraham akto Isaka akto Yakobo yâk yengât damunyeje akman.” dâep aregât yâk âmâ momoŋe yâk yengât Anutu bo. Golâ manmanje yâk yengât Anutu akmap.” dâep. <sup>33</sup>Hain dâm Sadukaio gâtje makyengimbo luâk âmbâle yânne ain kili arekne den are nângâmbiâ umatje agep. <sup>34</sup>Akto Yesuje den magep are Sadukaio gâtŋande nângâm

den hâuŋe gain gain magaŋne dâm pâpkoyi aregât aŋun aŋgim hepuli, parisaioŋe aregât nâŋgâm âmâ Yesugâlân menduguyi. <sup>35</sup>Mendugumbiâ hutyeŋân Mosegât den kârikŋe makmâ kepigi ain gâtŋe konok Yesu hianberâm aikom hin dop koep, <sup>36</sup>“Tiksa, Anutuŋe den kârikŋe kalep ain gâtŋe wan soŋ lokowaen.” dâmbo <sup>37</sup>hin dâep, “Anutuŋe makto Moseŋe kulengoep are bikŋe hin tatâp, “Gâŋe Humoge Anutu yâkgâlân biwi kambiamge me nâŋgâ nâŋgâge katmâ manben. Yâkgât âi akto den lau aregâlâk nâŋgâm kârikŋe akmâ hange konogâk manben.” <sup>38</sup>Den are soŋ lokombiâ huraguwiâp. <sup>39</sup>Akto hamiŋân den ire lokombiâ huraguwiâp, “Gâ gugaet agakmat hainâk luâk siâ agaŋben.” <sup>40</sup>Anutugât den kârikŋe lâuwâ irekŋe amâ den kârikŋe are hârokgât keiŋe aktâp. Akto Anutugât Propete luâk den ire nâŋgâm aregât keiŋe kulemgoyi.” dâep.

### Yesuŋe ikiŋaet keiŋaet aiyenŋuep.

<sup>41</sup>Hain dâm Parisaio luâk menduguyi aregât Yesuŋe aiyenŋum hin dâep, <sup>42</sup>“Ye Anutuŋe huŋgun aŋdo gewiap aregât gain gain nâŋgâi? Yâk âmâ niŋaet nanŋe nâŋgâi?” dâmbo Parisaio luâk bikŋe arekŋe hin dâyi, “Dawidigât hakuŋe.” dâyi. <sup>43</sup>Hain dâmbiâ hin dâep, “Bâin, Anutugât Heakŋande Dawidigât biwiŋe mem agato hin dâep,

<sup>44</sup>Anutu Humoŋe nâŋgât Humone hin magaŋep, “Gâ enemnân togom bâte bungen tatmenâ gasalupge keigaet amukŋân kâmot katere tâliyekbiat.”

<sup>45</sup>Aregât keiŋe hin. Dawidiŋe Anutuŋe huŋgun aŋdo gewiap are amâ nâŋgât Humone dâm konminep. Aregât gain gain yâk âmâ Dawidigât nanŋe dâmai?” dâep. <sup>46</sup>Hain dâmbo luâk ain kili arekŋe Yesuŋe den magep are hâuŋe bo magaŋi. Hain akmâ are hamiŋâŋgen den siâ me siâgât lâuwâŋe bo aikoyi.

### Yesuŋe Parisaio minao makyenŋiep.

**23** <sup>1</sup>Yesuŋe luâk âmbâle dondâ akto ikiŋe hoŋ bawalupŋe hin makyenŋiep, <sup>2</sup>“Luâk Mosegât den kârikŋe makmâ kepikmai akto Parisaio luâk yâk âmâ Mosegât welamŋân tatmai. <sup>3</sup>Aregât den makmâ hekatyeŋgimbiâ nâŋgâm lokowei. Dâ yâkŋe yâk yeŋgât den bo lokomai aregât agak memeyeŋe bo watbei. <sup>4</sup>Yâk yeŋgât agak meme are hin. Luâk âmbâle den kârikŋe wârakmâ hin makyenŋimai, “Âi humo mem hâk hilâlâm nâŋgâm manmâ âgâŋet.” dâm makyenŋimai âmâ bo tân yeŋgumai. Denâk akmai. <sup>5</sup>Akto wan me wan hârok akmai are âmâ luâkŋe nenekŋet dâm aregât akmai. Akto nenekŋet dâm manmâ âmâ mitigât siâ me siâ wan me wan mem manmâ kâlêwâk mâŋgim manmai. <sup>6</sup>Akto luâk âmbâle mendugum kinmaiân me den opmânŋân âgâmaiân âmâ yâkŋe nenŋe soŋ dâm tat tatŋe egon tatmai. <sup>7</sup>Akto yâkŋe luâk âmbâle kepien tiksa humonenŋe dâm nengonŋet dâm aregât ukenŋe

nângâmai. <sup>8</sup>Dâ ye amâ tiksayeŋe konok akto ye hârok gala konogâk akmai aregât tiksa humonenŋe dâm nengonŋet aregât bo nângâwei. <sup>9</sup>Akto Eweyeŋe konok mandâp amâ Anutu himbimân manmap yâk aregât iren hânân gâtŋe siâgât ewenenŋe bo dâwei. <sup>10</sup>Akto humoyeŋe konok mandâp amâ Anutuŋe huŋgun niŋdo geân aregât humonenŋe dâm nengonŋetgât ukenŋe bo nângâwei. <sup>11</sup>Akto yeŋgâlân gâtŋe bikŋe tân yeŋgum âi yeŋgât mem manmap are amâ Anutuŋe ekto huragumap. <sup>12</sup>Aregât yeŋgâlân gâtŋe siâŋe ikiŋe kotŋe mem agato amâ Anutuŋe mem gewiap. Dâ kotŋe mem gembo amâ Anutuŋe mem agatbiap.

<sup>13</sup>Gâuk Mosegât den makmâ kepikmai akto Parisaio ye hârok hianŋi luâk. Luâk âmbâle himbingât kâmolân ariwerân akbiâ amâ yeŋe dâp gisapko yeŋgimai. Yeŋe amâ ain bo ariwaen dâm amâ ariwaen dâmai yâk yeŋgât dâp gisapko yeŋgimai. <sup>14</sup>Gâuk Mosegât den makmâ kepikmai akto Parisaio hianŋi luâk yeŋe mându kambut yeŋgât emet me wan me wan kâmbu memai. Dâ nenekbiâ huraguâk dâm Anutu sop kâlep ulilaŋmai. Aregât Anutuŋe hâuŋe umatŋe bâleŋe akyeŋgiwiap. <sup>15</sup>Gâuk Mosegât den makmâ kepikmai akto Parisaio ye luâk konok yeŋgât pat agâkgât âi humo mem haru akto hân hâtikom arimai. Arim hâwâtiekbiâ dewatiyekmâ amâ benŋe hemem kâlâpgât pat akmâ ewangiyekbiap. <sup>16</sup>Gâuk Mosegât den makmâ kepikmai akto Parisaio yeŋe luâk âmbâle manman âlepŋân kewuguyektenŋe ariwai dâmai gârâmâ ye amâ dewunyeŋe bokbokŋe. Aregât hin dâmai, “Luâk âmbâle siâŋe sumbe aregât metenân dâm makbiâ amâ yânŋe akbiap. Dâ sumbe kat kat opmângât goli aregât metenân dâm makbiâ amâ âlepŋe akbiap.” dâmai. <sup>17</sup>Hain dâmai amâ dewunyeŋe nângâ nângâ yeŋe hândâk akmap. Anutuŋe wan ekto humo akmap? Goli me sumbe emetŋe? Sumbe kat katŋaet emetŋande goli are ewangimap. Sumbe emetŋe bo tatâp dâine puli are yânŋe akbop. <sup>18</sup>Akto ye hin dâmai, “Luâk âmbâle siâŋe sumbe kat katgât alata kotŋe konmâ den kârikŋe makbiâ yânŋe akbiap. Dâ yâkŋe sumbe om alata kakŋân katmai are konmâ den kârikŋe makbiâ amâ kârikŋe akto areâk membei.” dâmai. <sup>19</sup>Hain dâmaigât amâ dewunyeŋe hândâkŋe akmap. Wan me wan Anutu waŋmai arekŋe alata bo ewangimap. Alata bo tatâp dâine sumbe yânŋe akbop. <sup>20</sup>Aregât luâk âmbâle alata aregât kotŋe konmâ den kârikŋe makbai arekŋe alatagât kotŋe areâk bo konbai. Alata akto sumbe me wan kakŋân katmai are olop konmâ makbai. <sup>21</sup>Akto luâk âmbâle sumbe kat kat opmân aregât kotŋe konmâ den kârikŋe makbai arekŋe opmân aregât kotŋe areâk bo konbai. Opmân akto aregât Amboŋe Anutu yâkgât kotŋe konbai. <sup>22</sup>Akto himbim kotŋe konmâ den kârikŋe makbai arekŋe Anutu tat tat akto tat tat Amboŋe lâuwâ lâuwâ yetkonbai.

<sup>23</sup>Gâuk Mosegât den makmâ kepikmai akto Parisaio ye hianŋi luâk. Ye metâ akto lombo akto sot siâ siâ are dopŋân potatmâ Kembugât pat dâm bikŋe katmai. Dâ Moseŋe kulempoep den bikŋe umatŋe are

hepunbiâ bâlimap. Aregât den amâ hin. Wan me wan âlepŋe membiâ ârândânâk akto okot nânġâ nengim gala akmai akto Humogâlân biwi kat kat aregât agak meme are âkâ hamiaŋmai aregât siân hâuŋe humo bunewâk yeŋgiwiap. Ye Mosegât den owâiŋe akto umatŋe are lâuwâ lâuwâ lokomai dâine ârândân akbop. <sup>24</sup>Ye, “Nen kewuguyekmaen.” dâm amâ luâk dewunyeŋe bok bokŋe are yeŋgât dop hainâk akmai. Wan me wan bâlensiâ aregâlâk nânġâmai. Dâ wan me wan umatŋe Anutuŋe egâliahmap are amâ yânŋe dâm hepunmai.

<sup>25</sup>Gâuk Mosegât den makmâ kepikmai akto Parisaio ye hiaŋgi luâk. Ye hâk akto hângât aregâlâk nânġâmai. Âmbâle siânŋe kondo akto umbâ hâkŋeâk pulim kâlegen bo pulim akmap aregât dop hainâk yâk hâkyeŋe âlepŋe akmai. Dâ biwiyeŋân amâ kâmbugât akto hâkgâlâk egâliah aregâlâk nânġâmai. <sup>26</sup>Woe, Parisaio luâk, ye amâ dewunyeŋe bokbokŋe hainare akmai. Kâlegen biwiyeŋe soŋ heŋgemgombiâ amâ huraguwiap benŋe hâkyeŋe gai hainâk salek salek akiap.

<sup>27</sup>Gâuk Mosegât den makmâ kepikmai akto Parisaio ye hiaŋgi luâk. Lâmân luâk âmbâle han yeŋgumai are buluŋe me wan me wan âlepŋe agâk dâm kâmetmai. Dâ kâlegen amâ hagitŋe akto hâkŋe hambuŋe are yemap aregât dop hainâk <sup>28</sup>luâk âmbâle bikŋande hâkyeŋe yekbiâ ârândân akmap. Dâ biwiyeŋân amâ den hiaŋgim agak meme bâleŋe akto Anutuġât den kârikŋe hamiaŋmâ nânġâmai.

<sup>29</sup>Gâuk Mosegât den makmâ kepikmai akto Parisaio ye hiaŋgi luâk. Ye hin nânġâm hilipkoma. Hokboâk hokboâk propete luâk akto luâk agak meme âlepŋe akmâ manmini are yeŋgât sum are buluŋande hâk meanmâ kotyeŋe lauyeŋande mem agatmai. Are nânġâre bâliâp. <sup>30</sup>Buluŋande meanmâ hin dâmai, “Woe, nen ulikŋân bâgilupnenŋe mali dop hainâk malion dâine yâk tân yeŋguenŋe Propete luâk bo yeŋguwâen.” dâm lauyeŋande makmai. <sup>31</sup>Hain akmâ keiyeŋe mem miawakmai. Ulikŋân akmini areyeŋgât dop ye hainâk akmai. Aregât ye ain manmini dâine Propete luâk are yeŋgumbiâ mombâi. <sup>32</sup>Akto humomolupyenŋe dosa kakŋân manmâ gayi, ye gai hainâk dosa kakŋân manbiâ dosayenŋe pikmâ yembiap. <sup>33</sup>Ye niambigât kâmot, ye Anutuŋe dosa yeŋaet hâuŋe yeŋgimboân amâ gain gain akmâ âlepŋân ariwai? <sup>34</sup>Aregât hoŋ bawalupne propete luâk akto nânġâ nânġâ luâk akto den makmâ kepikmai luâk are huŋgun yeŋgire yeŋgâlân togom makyenġimbiâ bikŋe yeŋgum siâ siâ ketugu yekbiâ bikŋe mombai. Dâ bikŋe amâ lâwinân yeŋgumbiâ mombai. Dâ bikŋe amâ yeŋe den opmânân bugânŋe yeŋgumbiâ hâk hilâlâm akbai. Hain akmâ bikŋe kepia siânba watyekbiâ kepia siân ariwai. <sup>35</sup>Aregât ulikŋân Anutuŋe keiŋe katmâ luâk âmbâle ketuguyekto mali sop ain Anutuġât hoŋ bawalupŋe hilip yeŋgum gayi are yeŋgât nânġâmbiâ âlepŋe akmap aregât yeŋe hainâk akmâ dosa hainâk membai. Akto hakulupnenŋande bugânŋe Abe kom ainba keiŋe katmâ yeŋgum gam gam bâiŋe Berekia nanŋe Sakaria sumbe emetŋaet hânġi akto

alatagât keiņe aregât hutņân gam ariwerâm akto ain kombiâ moep. Akto hakulupnennande Anutugât Propete hârok yeņgumbiâ moyi. <sup>36</sup>Aregât hin makyenġire nânġaņet. Yu mandâi irekņe Anutugât luâk âi membriâ ârandân aġep are hilipyenġumbiâ moyi aregât hâuņe amâ yeņġâlân miawakbiap.

### Yesuņe Yerusalem ambolupņe yeņġât okotņe nânġaep.

<sup>37</sup>Bâe, Yerusalem kepia ambolupņe areyeņġât keiyeņe hin. Yâkņe Anutuņe hoņlupņe akto propetelupņe huņgun yeņġimbo yeņġâlân togombiâ kâtņe mem panbiâ yeņġumbo momai. Puiņe nanaņlupņe damunyeņe akmâ mem mendugu yekmâ korat yeņġumap aregât dop hainâk mendugu yekmâ okotnân katyekmâ damunyeņe akberâre hâkâņe akmâ arimai. <sup>38</sup>Aregât Anutuņe damunyeņe bo akmap kepiayeņe hepundo bugâ miawak yeņġiwiap. <sup>39</sup>Aregât nâ bo nekmâ âġambiâ hilâm siân miawaktere nekmâ hin dâm makniņbai, “Wei, Ġaņe Anutugât laugât togonengiât aregât âlepņe akġiņe.” hain dâwai.” Yesuņe hain dâep.

### Yesuņe lâuwâņe togowiapġât magep.

**24** <sup>1</sup>Yesuņe sumbe kat kat emetņânba sopando luâklupņe emet are ekbiâ humo akto hin dâyi, “Humo, sumbe kat kat emetņe ire ek.” dâmbiâ <sup>2</sup>hin makyenġiep, “Emet humo ire ektâi are hâmbâi gasalupyenġande kârikņe akmâ kât me wan me wan ire gagaim itij gulam mem patakowai.” dâep.

<sup>3</sup>Hain dâm makyenġimbo gimbâņe kotņe Oliwa ain âġâyi. Ain tatmâ luâklupņe yâkņeak yoņâk Yesu hin aikoyi, “Ġâ maknengiât are amuten miawakbiap? Akto sop humo miawakbiap akto ġaņe purik katmâ lâuwâņe in manmenâ hân hârok bo akbiap aregât dâp gain gain nânġâwaen?” dâyi. <sup>4-5</sup>Hain dâmbiâ hin makyenġiep, “Luâk dondâ miawakmâ nânġât kolân hâk tunanġim hin dâwai, “Nâmâ Anutuņe huņgun niņdo geân.” hain dâmbiâ luâk âmbâle dondâņe han gulip akbai. Ġârâmâ ye han gulip akbâigât den yu maktân ire nânġâm biwiyeņe damunņe kârikņe aġanġim manbei. <sup>6</sup>Akto bugâġât warapņe me bugâġât denņe nânġâm ainâk hin nânġâwei, “Anutuņe are miawakbiapġât nânġâmbo miawaktâp.” dâm aregât bo hamep akbei. Dâ sop bânņe âmâ irawot miawakbiap. <sup>7</sup>Bugâ akto kuk me wan me wan umatņe are miawakbiap dâm Anutuņe den makmâ kalep. Are miawakto hân bikņande gasa aġanġim ariwai. Akto mop humo miawakbiap. Akto wâriņ humo mem wan me wan hârok mendo duwuņ humo akbiap. <sup>8</sup>Hinņe maktere nânġâi are amâ umatņe. Aregât keiņeâk miawakto hamiņân umatņe dondâ miawakbiap.

### Tembe bugâ miawakbiapġât magep.

<sup>9</sup>Yeņġât gasalupyenġande den âiân katyekmâ den opmânņân bugâņe yeņġuwai. Akto yeņġâlân ġâtņe bikņande mombai. Dâ bikņe âmâ

nângât den lokowai aregât hân hârok aregât ambolupņande kuk bâleņe akyeņgiwai. <sup>10</sup>Aregât, “Nen Yesugâlân gâtņe.” dâmai are yeņgâlân gâtņe dondâņe hepun nekmâ ikiņeâk ikiņeâk akmâ gasa agaņgiwai. Akto yeņgâlân gâtņe bikņande bikņe kewugu yekmâ kiapgâlân arim makyeņgimbiâ yeņguwai. <sup>11</sup>Akto sop ain luâk dondâ agatmâ, “Nen Anutugât Propetelupņe.” dâm heyeņgimbiâ luâk âmbâle dondâ han undup akbai. <sup>12</sup>Akto agak meme bâleņe are miawakmâ humo akbiap aregât luâk âmbâle dondâņe nângât akto galagât okot nângâ nângâ aregât agak meme are âmâ hepunbai. <sup>13</sup>Dâ bikņande âmâ kârikņe akmâ tatmâ âgâmbiâ sop humoân âmâ Anutuņe meyekbiap. <sup>14</sup>Akto Anutuņe damunyeņe akbiap aregât den pat are luâk âmbâle hânņe hânņe hârok nângâmbiâ Anutugât keiņe humo agâk dâm hân hârok manmâ makyeņgim manbai. Hain akbiâ hamiņân sop humo miawakbiap.

### **Siâ me siâ hâkņe hâkņe dondâ miawagep.**

<sup>15</sup>Aregât propete Daniel arekņe kulengoep are yaiwâk oyaņmâ nângâm heņgemgowe. Den are kârigembo siâ me siâ bâleņe hilip agu aguņe olowâk âgâm kinmâ sumbe kat katņân ain bo kin kinņân kinbiap amâ ye nângâm heņgemgowe. <sup>16</sup>Hain akmâ nenguwâi dâm Yudaia hânângenba pârigim gimbâņe siân âgâwai. <sup>17</sup>Akto kepia ewumâk manbiap arekņe emetņe kâlegen purik katmâ âgâ ito sikumņe bo membiap. <sup>18</sup>Akto âiângenba manbiapņe kepian âgâm sâņgum dâgâmņe bo membiap. <sup>19</sup>Akto sop ain âmbâi tepdâņe me namân gâtņe olowâkņe âmâ gain gain akbai? Umatņe olowâk akbai sop ain âmâ umatņe humo dondâ miawakbiap. <sup>20-21</sup>Amâ Anutuņe luâk mem miawak yegewânbak hainâk bo miawagep. Akto hân himbim liunyelegewânbak umatņe hainâk bo miawagep. Akto hamiņân umatņe hainâk bo miawakbiap aregât Anutu hin ulilanbei, “Humonenņe umatņe are tânâk kâlegen me âi bo meme sopņân bo miawak nengiwiap.” dâwei. <sup>22</sup>Aregât Kemuņe sop are bo dâm hârembo dâine luâk me âmbâle siâ me siâ bo manmâ kârikņe manbop. Dâ Anutuņe ikiņe kâmotlupņe yâk yeņgât akmâ âmâ sop aregât makto tâlâwâk akbiap.

### **Miti luâk hiaņgi miawakbai.**

<sup>23</sup>Akto Anutuņe huņgunanņo iregen miawaktâp akto Anutuņe huņgunanņo indâgen miawaktâp den hain makmâ bam gamâk akbiâ bo nângâyeņgiwei. <sup>24</sup>Amâ hingât. Sop ain hiaņgi luâk akto Propete yânņe togom nângât kâmot potatmâ kepilâyegân are han biwiyeņe mem gâlikowaigât kulem siâ siâ akto tirip keiņe keiņe mem âi humo membai. Gârâmâ hanyeņe mem gâlikowaigât dâp bo tatâp aregât ewum hâumgowai. <sup>25</sup>Akto ye gulip akbâi dâm irawotņân yu makyeņgiân. <sup>26</sup>Akto ain hiaņgi luâkņe hin makyeņgiwai, “Wei, Anutuņe huņgunanņo



gewiap dâmai âmâ hân kamitnângen ain miawaktâp.” dâmbiâ yâk yengât den bo nângâm ekberâm ariwei. Akto hiangi luâkne hin makyengiwai, “Woe, hoj bawa arekne purik katmâ gem emet kâlegen miawaktâp.” dâmbiâ arekâ hainâk bo nângâwei. <sup>27</sup>Aregât lâuwâne makbe. Himbim belek akmâ dowâk sop konok miawakmap dop are hainâk luâk akmâ geân nâ hân siângen miawakbianân âmâ hân hârok mem belekne memap dop hainâk nâje hânân gem miawakbian. <sup>28</sup>Siâ siâ mom yembiâ liplipne nemberâm mendugumai.

### Luâk akmâ gewiap aregât keiŋe.

<sup>29</sup>Akto areâk bo. Umatne humo are bo akto sop ain âmâ dewutâ lâuwâ lâuwâk pagaleŋe bo akbiandat. Akto diâ himbimânba bererek kârâm hânân gewai. Akto wan me wan himbimân yendâp are hârok duwuŋ akbai. <sup>30</sup>Akto sop ain luâk akmâ geân nângât kulem are himbimân miawakbiap, aregât luâk âmbâle hânne hânne manmai are hârok indem tâgâiak akbai. Ainâk nâ hamandat kaknân tatmâ pagaleŋe humo olop agat agatne akmâ gere ekbai. <sup>31</sup>Gârâmâ lâmun kârikne kondere munŋe humo miawakto aŋelolupne mendugumbiâ huŋgun yengire nângât kâmot nune dâtâŋe dâman are hân hârok ainba mem kewuguyekmâ ariwai.

### Sop humogât den.

<sup>32</sup>Akto den ginŋe siâkâ makbe. Ye lâwin kotŋe solom are esenŋe bererek dâmbo hin dâmai, “Wei, emelâk sot kâmetberengât sopne aktâp.” dâmai. <sup>33</sup>Aregât dop hainâk hâmbâi wan me wan maktân are hârok miawakto ye hin nângâwai, “Emelâk togowiapgât sop ewumâk aktâp.” dâwai. <sup>34</sup>Luâk âmbâle yu mandâi arekne ire hârok miawakto ekbai. <sup>35</sup>Aregât hin makbe. Wan me wan yu maktân ire âmâ bunewâk miawakbiap. Hân akto himbim âmâ bo akbiandat. Dâ nângât den âmâ bo boakbiap. Amâ yem âgâwip.

<sup>36</sup>Akto sop aregât hin makbe. Luâk me âmbâle aregât sop bo nângâmai. Dâ aŋelo himbimân manmai arekne âkâ bo nângâmai. Akto nâkâ hainâk bo nângân. Dâ Ewene konokne aregât sopne nângâmap. <sup>37-39</sup>Amâ hin akbiap. Uliknân Noa malep ain ugurup miawagewân sop ain luâk âmbâle hanâk hanâk manmâ, “Nen âlepne manbaen.” dâm sot tu nem luâk âmbâle meagi. Hain akmâ manmâ âgâmbiâ Noaŋe waŋga kâlegen âgâep. Âgâambo âlepne manden dâmbiâ umatne miawak yengiep. Are bo nângâm hanâk hanâk manbiâ tânâk humo momoŋe gembo ugurupne humo togom luâk âmbâle hârok mem kawut yekto mom meteyi. Aregât dop hainâk siân âmâ luâk âmbâle aregât sop bonângâmbiâ luâk akmâ geân nâ gere umatne humo miawak yengiwip. <sup>40</sup>Sop ain âmâ luâk lâuwâ âiângen manbela ainâk Anutuŋe luâk konok mem konok âmâ hepunbiap. <sup>41</sup>Akto sop ain âmbâle lâuwâ âi membela ainâk Anutuŋe



âmbâle konok mem konok hepunbiap. <sup>42</sup>Akto Humoyeņe nâ togowiangât sop bo nâņgâmai aregât ye damun kârikņe akmâ manbei. <sup>43</sup>Aregât den ginņe siâ makbe. Kepia amboņande gasa hândâgân togowiap aregât sop nâņgâm âmâ ain biwi golâk tatmâ emet kepiaņe damungombo âmâ bo bâliañbiap. <sup>44</sup>Dop hainâk luâk akmâ geân nâ lâuwâņe gewian aregât sopņe bo nâņgâmai aregât yeâmâ biwi pâlâmņe akmâ bo nâņgâ niņbâigât nâņgâmâk biwi golâk damun nugum manbei.

#### **Biwi asiņ bâlâk manbaen.**

<sup>45</sup>Aregât den ginņe siâkâ maktere nâņgâņet. Luâk koldâ siâņe hoņ bawalupņe yeņgât damun siâ katmâ hin dâm magañbiap, “Arim mandere gâņe damunyeņe akmâ sopņânâk sot me soņgo are dop yeņânâk yeņgim manben.” <sup>46</sup>Hain dâm hepun yekmâ arimbo damunyeņe arekņe âi aregât biwiņande mem heņgemgom humoņande purik katmâ togom ekmâ okot âlep nâņgâ añbiap. <sup>47</sup>Hain akbiap aregât hângât sikum siâ siâ are hârok damungoâk dâm magañbiap. <sup>48</sup>Dâ humoyeņande damunyeņe akmâ manben dâm arimbo âmâ damunyeņande biwiņande hin nâņgâwiap, “Kotdânande hepun nekmâ arim sop kâlep mandâp imâ dowâk bo togowiap.” <sup>49</sup>Hain nâņgâm âmâ luâklupņe are bugâ yeņgum âmâ tu kârikņe nem biwi gulip akmai yâk olop hain akmâ manbiap. <sup>50</sup>Hain akmâ hilipkom biwi pâlâmņe akmâ mando humoņande ainâk togowiap. Are bo nâņgâm mando humoņande dowâk sân sânâk togom <sup>51</sup>ekmâ yeņgum bâleņe akyeņgiep aregât mem kom gâimbo itik matik akto hiaņgi luâk âmbâle yâk olowâk hemem kâlâpgât pat akbai. Akmâ indem kamboņmâ hâk hilâlâm nâņgâwai.” dâep.

#### **Âmbâle bāt biken hârok yeņgât den ginņe.**

**25** <sup>1</sup>Akto Yesuņe den ginņe siâ hin magep, “Sop humoân Anutuņe damunyeņe akbiap amâ âmbâi kâmņe bāt bip bip hârok yâkņe agi dop hain akbai. Amâ luâk siâņe âmbâle siâ miep arekņe yâk yeņgâlân togowerâm agep. <sup>2-4</sup>Akto âmbâle momerâk âmâ biwi golâk damun agangim manmini aregât manmâ pagaleņe akto pagaleņe tuņe kâlegen kâim âmâ tu bikņe hâpuņân kâimbiâ gembo mem ariyi. Akto âmbâle bikņe momerâk are âmâ hanâk hanâk manmini aregât pagaleņe akto pagaleņe tuņe kâlegen mem âmâ tu hâpuņân bo kâimbiâ gembo mem ariyi. <sup>5</sup>Hain manmâ tatbiâ luâk âmbâle miep arekņe titnan togombo etemņe tatmâ asiņ yem mali. <sup>6</sup>Hain akbiâ hândâk timoņân luâk siâņe hin dâep, “Luâk âmbâle mendâp ina togoâp gârâmâ ari dâwân peniaņmâ kewugumbiâ togoņet.” dâep. <sup>7</sup>Akto âmbâi kâmņe arekņe agatmâ pagaleņeyeņe are membiâ ululunņe humo oep. <sup>8</sup>Hain akto âmbâle hanâk hanâk manmai arekņe âmbâle nâņgâ nâņgâyeņe âlepņe are hin makyeņgiyi, “Pagaleņenenņe bokberâm aktâp gârâmâ yeņe tu siâ

potatmâ kâim nenginet.” dâyi. <sup>9</sup>Hain dâmbiâ âmbâle nângâ nângâyeyê âleppe arekpe hin makyengiyi, “Bo. Tu irekpe nengât dop bo. Gârâmâ bo akbopgât ye arim anjim nene emetjângen arim yeyek puligonjet.” dâyi. <sup>10</sup>Hain dâmbiâ yâk tu are puligowerâm anjim nene emetjângen arim manbiâ luâk âmbâle miep are togoep. Akto âmbâle wan me wan mem dunjân ketugum tali yâk luâk are olop sot songo nemberâm emet kâlegen âgâm hângi gisapkom tali. <sup>11</sup>Akto âmbâle bikpe are hami togom hin magi, “Humonenpe gâ hângi mem katnengi.” dâyi. <sup>12</sup>Hain dâmbiâ luâk arekpe hin makyengiep, “Nâ ye bo nângâyengiân.” dâep. <sup>13</sup>Aregât keipe hin. Nâ sop humoân togowian aregât bo nângâi aregât biwiyenjaet damun kârikpe akmâ manbei.

### Luâk puli geârâk yengât den.

<sup>14</sup>Akto aregât den ginpe siâkâ makbe. Luâk siâpe kâlewângen ariwerâm hin agep. Luâk arekpe âi luâkluppe yengondo togombiâ hin makyengiep, “Wan me wan tatniŋdâp iregât damun kârikpe akbei.” dâep. <sup>15</sup>Akto âi luâkluppe are yengât agak memeyeppe akto âi memeyeppe aregât keipe nângâm kinmâ âi luâk siâ ikiŋeâk ikiŋeâk âi dopyeŋan puli hin yengiep. Siâ ito momerâk akto siâ ito lâuwâ akto siâ ito konok puli lugumbo giep. Hain yengim ikiŋe gem ariep. <sup>16</sup>Akto luâk ito momerâk miep arekpe anji goanji âi mendo puli arekpe puli oloŋdo ito momerâk siâkâ miawakto 10 agep. <sup>17</sup>Akto luâk ito lâuwâ miep arekâ hainâk anji goanji âi mem ito lâuwâkâ oloŋdo ito imbât miawagep. <sup>18</sup>Dâ luâk puli ito konok miep arekpe âmâ humoŋaet puli are mem ari lâm kendâm ain heambukto yiep.

<sup>19</sup>Akto manmâ manmâ sop kâlewâk akto âi luâk yengât humoyeppe are purik katmâ togoep. Togom âi luâkluppe puli meyi are olop den heŋgemgowerâm agi. <sup>20</sup>Akto luâk ito momerâk miep arekpe puli siâkâ mem togo humoŋe are hin magaŋep, “Luâk humo ulikjân gâŋe ito momerâk niŋen arekpe âiŋe mem ito momerâk siâkâ yu meân.” dâep. <sup>21</sup>Hain dâambo humoŋe arekpe hin magaŋep, “Gâ âi luâk âleppe. Gâŋe âleppe dondâ agen. Gâŋe âi mem heŋgemgom wan me wan bâlensiâ ire damunpe akmâ heŋgemgoen aregât nâŋe wan me wan ire hârokgât damunpe kat gektere kambiamne âleppe aktâp aregât heroŋe ak.” dâep. <sup>22</sup>Akto luâk ito lâuwâ miep arekpe togom humoŋe are hin magaŋep, “Ulikjân gâŋe puli niŋen arekpe âiŋe mem ito lâuwâ siâkâ meân.” dâep. <sup>23</sup>Hain dâambo humoŋe arekpe hin magaŋep, “Gâ âi luâk âleppe. Gâŋe âleppe dondâ agen. Gâŋe âi mem heŋgemgom wan me wan bâlensiâ ire damunpe akmâ heŋgemgoen. Aregât nâŋe gâ wan me wan dondâ iregât damunpe kat gektere kambiamne âleppe aktâp aregât gâ hainâk kambiamge heroŋe agâk.” dâep. <sup>24</sup>Akto luâk ito konok miep arekpe togom humoŋe hin magaŋep, “Luâk humo nâ gâŋgât keige nângân. Gâ

luâk kêrikje. Luâk siâje âi kêmetmap are gâje hindâm om nemat. Akto hân siâ luâk siâje sot koaje panmap ain gâje seŋgo orem om nemat. <sup>25</sup>Hain akmat aregât gâŋgât hamewakmâ puli niŋen ire mem arim lâm kendâm ain heambuktere yemap. Wan me wan ire gâŋgât aregât meak.” dâep. <sup>26</sup>Hain dâmbo humoje arekje hin magaŋep, “Gâ âi luâk bâleje. Gâ luâk konam. Akto luâk siâje kalam kêmelep ainba sot mem om nemat dât. Akto luâk siâje sot koaje panmap ainba seŋgo orem om nemat dât. <sup>27</sup>Aregât puli ire siâ waŋmenâ âi mendo puli siâkâ mendât dâine togomân âmâ are mendere ârândâŋ akbop.” dâep. <sup>28-29</sup>Akto damunyeŋande tembe lokolupje hin makyenġiep, “Luâk bikŋande wan me wan dondâ memai amâ nâje dondâ siâkâ yeŋgiwian. Dâ luâk siâje wan me wan getek memai amâ wan me wan bâlensiâ kinaŋbiap are meman aregât ito konok are mem luâk ito momerâk miep are waŋŋet. <sup>30</sup>Akto âi luâk konam are âmâ watbiâ ginŋâŋen hândâkŋân are geâk. Ain gembo luâk âmbâle bâleje indem kamboŋmâ manbai are olop manbai.” Luâk kembu arekje hain dâep.

#### Yesuje mem potat nenekbiap.

<sup>31</sup>Aregât lâuwâje makbe. Luâk akmâ geân nâ purik katbian sop ain pagalenân aŋelolupne olop togom luâk âmbâle damunyeŋe akbian. <sup>32</sup>Akto lama damunŋande lama potatmâ biken katyekmâ nâniŋ biken katyekmâ akmap. Hain akmâ luâk âmbâle hârok enemnân mendugumbiâ mem potatmâ kâmot lâuwâ katyekbian. <sup>33</sup>Lama are âmâ bâte biken bungen katyekbian. Dâ nâniŋ are âmâ kanegen katyekbian. <sup>34</sup>Hain akmâ damunyeŋe nâje luâk âmbâle bâte bungen kinbai are hin dâm makyenġiwian, “Ewene damun akmap arekje ulikŋân hân himbim liunyelegewân bâte bâte manman âlepje katyenġiep are yeŋgimbo mem manmâ âgâm heroje akbai. <sup>35</sup>Nâje sotgât mop agu agu mandere yeje sot om niŋi. Akto tugât nâŋgâm mandere yeje tu niŋbiâ neân. Akto nâ kepia siân gâtje ina yeje kewugu nekmâ emetyenân katnegi. <sup>36</sup>Akto sâŋgum bâlâk mandere yeje sâŋgum niŋi. Akto kundat akmâ mandere togom nekmâ tân nuguyi. Akto humomolupnande kala busi kâlegen katnekiâ tatero togom okotyene nâŋgâm tân nuguyi.” <sup>37</sup>Hain dâre luâk âmbâle agak meme âlepjeâk akmâ manmai arekje den hâuje hin makniŋbai, “Humo, gâ maktât amâ bo nâŋgâen. Amuten gâje sotgât me tugât nâŋgâmenâ giŋion? <sup>38</sup>Akto amuten gâ luâk kepia siân gâtje me sâŋgum bâlâk manmenâ <sup>39</sup>me kala busi kâlegen tatmenâ me kundat akmâ manmenâ tân guguyion? Nen amâ hain siâ bo akgiŋion.” dâwai. <sup>40</sup>Hain dâmbiâ damunyeŋe nâje hin makyenġiwian, “Nâŋgât kâmolân gâtje siâ yâkgât kotje bo tatâp are yeje tângoyi are amâ nâ tân nuguyi dop aktâp.” dâwian. <sup>41</sup>Hain dâm makyenġim benje luâk âmbâle bâte kanegen tatbai are âmâ hin makyenġiwian, “Ye luâk bâleje. Ekeŋet.

Anutuŋe Niambi akto yâkgât aŋelolupŋe kâlâwân katyekbian dâm kâlâp kalep ain manŋet. <sup>42</sup>Nâŋe sotgât mop agu agu mandere yeŋe siâ bo om niŋi. Akto tugât nânŋâm mandere tu siâ bo hâgâm gutmâ niŋi. <sup>43</sup>Akto nâ kepia siân gâtŋe ina yeŋe kewugu nekmâ emetyeŋân bo âgâ katnegi. Akto sâŋgum bâlâk mandere yeŋe sâŋgum siâ bo niŋi. Akto nâ kundat agân me kala busi kâlegen katnekbiâ talân sop ain bo togom negi.” <sup>44</sup>Hain dâre hin makniŋbai, “Woe, amuten gâŋe sotgât me tugât nânŋâen me luâk kepia siân gâtŋe me sâŋgum bâlâk manmenâ me kala busi kâlegen tatmenâ me kundat akmâ manmenâ âmâ bo tân guguyion?” dâwai. <sup>45</sup>Hain dâmbiâ hin dâwian, “Yeŋe nânŋât kâmolân gâtŋe gegeŋe are bo tânyeŋguyi âmâ yeŋe nâ hainâk bo tân nuguyi dop aktâp.” dâwian. <sup>46</sup>Hain dâm watyektere kâlâwân arim hâk hilâlâm dondâŋe nânŋâm âgâwai. Dâ luâk âmbâle âlepŋe amâ kewugu yektere manman âlepŋân manmâ âgâwai.” dâep.

### Yesuŋe mombiapgât makyeŋgiep.

**26** <sup>1</sup>Yesuŋe den are hârok makmâ metem sop ain hoŋ bawalupŋe hin makyeŋgiep, <sup>2</sup>“Nânŋâi. Hombaŋ kotŋe Pasowa aregât sop amâ hilâm lâuwâ akto miawakbiap. Ain luâk akmâ geân nâ lâwinân nuguwaigât mem miawak nekbai.” dâep.

<sup>3</sup>Akto sop ain sumbe kat kat luâk akto Israe yeŋgât humomolupyeye arekŋe sumbe kat kat yeŋgât humoyeŋe siâ kotŋe Kaipa aregât emelan mendugum <sup>4</sup>Yesu hianŋim mem kondeneŋe moâk dâm aregât yoŋâk magaŋgi goaŋgi agi. <sup>5</sup>Hain akmâ benŋe hin magaŋgiyi, “Hombaŋ kâmbokŋân ire hain bo akberen. Ageine luâk âmbâle dondâ kuk akbiâ bugâ humo miawakbopgât.” dâyi.

### Âmbâi siâŋe Yesu tu higenŋe âlepŋe puliaŋep.

<sup>6</sup>Yesuŋe Betania kepiân luâk siâ diwi bâleŋe agep kotŋe Simoŋ aregât emelan talep. <sup>7</sup>Emelan tato âmbâle siâŋe tu higenŋe ukenŋe hâpurâ puliŋe âgâ âgâŋe are mem yâkgâlân togoep. Togom tu higenŋe ukenŋe are Yesu sot nem tato ain yâkgât kautŋân kâiep. <sup>8</sup>Akto Yesugât hoŋ bawalupŋande are ekmâ nânŋâmbiâ ârândâŋ bo akto hin magaŋgi goaŋgi agi, “Wangât tu higenŋe ukenŋe ire yân kâiâp? <sup>9</sup>Nenŋe ire mem arim yeŋgienŋe dâine luâk bikŋande puli humoŋe puligombiâ puli are mem arim luâk umburuk yeŋgiwâen ina.” dâyi. <sup>10</sup>Hain dâmbiâ Yesuŋe den are nânŋâm hin makyeŋgiep, “Wangât ye âmbâle iregât kakŋân umatŋe katâi? Hepunŋet. Agak meme âlepŋe dondâ akniŋdâp are nânŋaŋdere âlepŋe aktâp. <sup>11</sup>Luâk umburuk âmâ ye olop sop kâlep manbai. Dâ nâmâ ye olop sop kâlep bo manbian. <sup>12</sup>Âmbâle irekŋe tu higenŋe hâknân kâiâp ire âmâ sumân katnekbai aregât dopŋe aktâp. <sup>13</sup>Nâ den bunŋe makyeŋgire nânŋâŋet. Hânŋe hânŋe âmâ den pat âlepŋe ire makyeŋgiwai

akto âmbâle irekŋe wan me wan akniŋdâp irekŋe âkâ olowâk makbiâ yâkgât nânġawai.” dâep.

### Yudasije Yesu hâkŋe tunmâ puli miep.

<sup>14</sup>Akto sop ain hoŋ bawalupŋe keiân lâuwâ are yeŋġât hut yeŋân gâtŋe siâ kotŋe Yudasi Karioto gâtŋe yâkŋe sumbe kat kat luâk yeŋġât humomolupŋe yeŋġâlân ariep. <sup>15</sup>Arim hin makyenġiep, “Yeŋe wan niŋbiâ âmâ nâŋe Yesu yâgâten tatberâp ain kewugu yekmâ arim ire dâm hekat yeŋġire membai?” dâep. Hain dâmbo puli koaŋe 30 waŋi. <sup>16</sup>Akto sop ain âmâ yâkŋe keiŋe katmâ gain gain aktere Yesu meŋet dâm areġât âi mem malep.

### Yesuŋe luâklupŋe olop sot neyi.

<sup>17</sup>Akto Pasowa hombaŋ areġât sop are miawakto hoŋ bawalupŋande Yesu hin magaŋi, “Emet wanân sot om katenŋe memberen?” dâyi. <sup>18</sup>Hain dâmbiâ yâkŋe hin makyenġiep, “Ye Yerusalem âġâm âmâ ain luâk siâ ekmâ âmâ hin magaŋbei, “Tiksaŋe hin maktâp, “Emelâk nânġât sop ewumâk aktâp ġârâmâ nâ hoŋ bawalupne olop ġânġât emelan sot memberen.” tiksâ hain dâp.” dâwei.” Yesuŋe hain dâm makyenġim huŋgunyengimbo ariyi. <sup>19</sup>Arim Yesuŋe magep hain akmâ sot soŋgo are mem dumŋân dumŋân ketuguyi.

<sup>20</sup>Akto emet enġaiŋe akto Yesu akto hoŋ bawalupŋe keiân lâuwâ olop sot nem tatmâ <sup>21</sup>yâkŋe hin makyenġiep, “Nâ makyenġire nânġâŋet. Yeŋġât hutyeŋân gâtŋe siâŋe nânġât gasa kewugu yekto menekberâi.” dâep. <sup>22</sup>Hain dâmbo nânġâm biwiyenġe umatŋe akto siâkâ ikiyeâk ikiyeâk hin magaŋi, “Amâ nâ mon?” dâyi. <sup>23</sup>Dâmbiâ hin makyenġiep, “Luâk yu kondo konogân sot olop memberet irekŋe nâ mem miawak nekberâp. <sup>24</sup>Anutuŋe makto kulemgoyi areġât den bunŋe akberâpġât âlepŋe luâk akmâ geân nâ momberân. ġârâmâ luâk nâ mem miawak nekberâp are memenande bo miep dâine owâiŋe agaŋbop. Amâ umatŋe humo miawagaŋbiap.” dâep. <sup>25</sup>Hain dâmbo luâk kotŋe Yudasi Yesu mem miawagep arekŋe hin magaŋep, “Apo, nâmâ bo me?” dâmbo Yesuŋe hin magaŋep, “Amâ ya gugak maktât are.” dâep.

<sup>26</sup>Akto sot nem tatmâ Yesuŋe sot siâ mem Anutu mepaiŋe mem âmâ munditmâ hoŋ bawalupŋe yeŋġim hin makyenġiep, “Ire mem neŋet. Ire âmâ nânġât sunumne areġât dop.” dâep. <sup>27</sup>Akto waiŋ hâpurâ siâ mem Anutu mepaiŋe mem âlepŋe dâm magaŋmâ kâim yeŋġim hin makyenġiep, “Ye hârok tu ire mem neŋet. <sup>28</sup>Ire amâ Anutu olop irakŋe dewatiakbaigât hepne amâ luâk âmbâle dondâ yâk yeŋġât dosa bo agâkgât kâiwerân. <sup>29</sup>Nâ hinŋe waiŋ koaŋe bunŋe bo memberân ġârâmâ yân manmâ hâmbâi Anutuŋe lâuwâŋe damunyeŋe akberâm keiŋe kato ain ye olop nem agak meme irakŋe akmâ heronŋe akbian.” dâep.

**Yesuma Gesemane kalamân ariyi.**

<sup>30</sup>Hain dâm makyengimbo Anutugât kot mem agatmâ kep siâ membiâ bo akto arewa sopanmâ Oliwa gimbânân âgâyi. <sup>31</sup>Âgâm ain hon bawalupne hin makyengiep, “Anutuje makyengimbo kulemgoyi bikje hin tatâp.

Anutuje hin dâep, “Nâje lama damunyeje kondere mondo lama are awam akmâ kâit akmâ metewai.”

Den pat bunje miawakto menekberâm togombiâ ye hamep akmâ hârok gem awam akmâ hanâk hanâk ariwerâi. <sup>32</sup>Akto nugumbiâ mondere han nugumbiâ momoñânba agatmâ arim Galilaia hânân lâmyengure Galilaia hânângen menduguwai.” dâep. <sup>33</sup>Hain dâmbo Petoroje hin magañep, “Gângât gasa togombiâ hamewakmâ ariwerâi me bo. Bo nânğân. Dâ nâmâ bo hepun gekberân.” dâep. <sup>34</sup>Hain dâmbo Yesuje hin magañep, “Makğindere nânğâ. Hândâk uñak gâje nânğâ yâkgât kotje bo nânğâman dâm makyengimenâ âlâwu akto ainâk gokorok indewerâp.” dâep. <sup>35</sup>Hain dâmbo Petoroje kârikje akmâ hin dâep, “Bo. Nâ gâ olowâk mombaet aregât hamep bo aktân. Akto nâ gângât kotje bo mem heambukberân.” dâep. Akto luâklupne hârok hain dâyi.

<sup>36</sup>Akto arewa arim kalam siâ kotje Gesemane ain ariyi. Ain arim Yesuje hin makyengiep, “Ye in tatbiâ indâgen kinmâ Apo olop den magañiweret.” dâmbo ain tali. <sup>37</sup>Hain tatbiâ hutyeñânba Petoro akto Sebedaiogât nanlogâtje meyekto bayi. Ba kinmâ biwiñe umatje akto hin dâm makyengiep, <sup>38</sup>“Ye âmâ iren damun tatñet. Biwine umatje dondâ akto gain gain akberân aregât tân nugum tatñet.” dâm makyengiep. <sup>39</sup>Makyengim hepun yekmâ getek indânñânba hânân ge tatmâ Anutu hin magañep, “Ewene uñak umatje miawak niñberâm aktâp aregât bo niñ dâm ulit ġindân. Gârâmâ gâje âmâ nânğât han nânğâ nânğâne bo watben. Guge hange nânğâ nânğâge watben.” dâm magañep. <sup>40</sup>Hain dâm gutmâ yem tatbiâ yekmâ Petoro goañmâ hin magañep, “Ye wangât asiñ yendâi? Hinñe hepun yektân ina pâlâmñe yendâi. <sup>41</sup>Biwiyeñande âmâ laune lokowerâm aktâp. Dâ hâkyeñe âmâ konam aktâp aregât agak meme bâleñe arekñe togom dop yeñguwerâm akbopgât damun kinmâ Anutu ulilaññet.” dâep. <sup>42</sup>Hain dâm makyengim purik katmâ bam lâuwâñe hainâk Anutu magañep, “Ewene, gain gain nânğât? Uñak âi niñ aregât makmenâ umatje miawak niñâkgât nânğât me? Hain nânğâmenâ âlepñe agâk.” dâm magañep. <sup>43</sup>Magañmâ purik katmâ hon bawa âlâwu asiñgât dondâ nânğâyi aregât asiñ yembiâ yegep. <sup>44</sup>Akto hepun yekmâ bam âlâwuñe Anutu hainâk magañep. <sup>45</sup>Magañmâ metem purik katmâ yâk yeñgâlân gutmâ hin makyengiep, “Woe, wangât asiñ yendâi? Bâin. Emelâk Anutuñe ire miawak niñbiapgât huñgun niñdo luâk akmâ geân aregât galanande heniñmâ gasalupne kewuguyekmâ togombo

menekberâigât sop ewumâk aktâp. <sup>46</sup>Gârâmâ bâin agatmâ indâre yekñet. Nânġât halop hogoâi ina togoâi. Agatbiâ arim penâyengġine.” dâep.

#### Gasape Yesu meyi.

<sup>47</sup>Hain dâambo kinbiâ ainâk indâgenba Yudasije luâk dondâ sumbe kat kat luâk are yeġġât humomolupyene yeġġât kâmiti arekne hungun yeġġimbiâ bugâ soġ soġ membiâ Yudasije kewugu yekto togoyi. <sup>48</sup>Akto luâk gasa kewugu yekto togoyi are âmâ Yudasi Karioto gâtje luâk arekne gasa tirip katyeġġim hin makyenġiep, “Yesu are âmâ lokom maġandere ekmâ âmâ hikom mem ariġet.” dâm makyenġim kewugu yekto tâwât bugâ me soġ soġ mem togoyi. <sup>49</sup>Togom gasa are iġgon kinbiâ Yudasije Yesugât enemnân âġâm Humone dâm lokom maġanlep. <sup>50</sup>Maġando Yesuġe hin magaġep, “Gala, ġâ wan me wan akniġberâm togoât are akniġmenâ miawagâk.” dâambo gasa Yudasi olowâk togoyi arekne âġâ Yesu mem hikoyi. <sup>51</sup>Mem hikombiâ luâklupne yeġġâlân gâtje siġne tâwât mem oloġmâ sumbe kat kat yeġġât humoyeġaet hoġ bawane siâ ondopġeâk kârâm hârembo ġiep. <sup>52</sup>Hain akto Yesuġe hin magaġep, “Luâk siġne tâwâtne kuk akberâm mandâp amâ siġne tâwâtneak kârâmbo mombiap. <sup>53</sup>ġâ bo nânġât. Nânġe âlepne Ewene magaġdere dâine âlepne yâkne aġelolupne dondâ niġdo tân nuguwâi. <sup>54</sup>Gârâmâ nânġe hain aktân dâine Anutuġe nune mombian dâm makyenġimbo kulemgoyi denġe are bunġe bo akbop.” dâep. <sup>55</sup>Akto sop ainâk Yesuġe luâk kâmot togoyi are hin makyenġiep, “Ye tâwât bugâ lokom togoâi ire nâ me luâk kâmburâ siâ agaġberâm togoâi? Nâ hilâmne hilâmne sumbe kat kat emetnân kinmâ den pat makyenġiman. Sop ain menekbâi ġâten. <sup>56</sup>Anutuġe hârok nânġâm makyenġimbo kulemgoyi are yendâp are bunġe miawagâkġât hinġe menekñet.” dâambo hoġ bawalupġande hamep akmâ hepunmâ gem awam aġi.

#### Yesu den âiân kali.

<sup>57</sup>Akto Yesu mem sumbe kat kat are yeġġât humoyeġe kotje Kaipa yâġġâlân ariyi. Ain arimbiâ Moseġât den kepikmâ hekatyeġġimini are akto Yuda yeġġât kâmiti hainâk ain mendugum kili. <sup>58</sup>Luâklupne hamewakmâ arimbiâ Petoroġe konok purik katmâ yoġâk hamiġânġen yoġâk watyekmâ togom emet kili areġât ġinġânba ba sombeimân kilep. Bam âmâ luâk humo areġât tembe lokolupne yeġġât hutyeġân tatmâ wan me wan agaġberâi are ekberâm talep. <sup>59</sup>Tato sumbe kat kat luâk yâk yeġġât humoyeġe akto Yudagât humomolupyene arekne luâk niġande Yesugât agak meme are nânġâp are makto kone dâm lâmgom kili. <sup>60</sup>Hain akmâ luâk dondâne hianġim den aġġâ hogom togo hâkġân hâkġân aġi. Akto denyene areġât keiġe nânġâmbiâ Yesu kombiâ mombiapġât dop bo agep. <sup>61</sup>Akto bâiġe luâk lâuwâ siâ togom hin dâm hianġiat, “Luâk



irekne hin makto nângâiyot, “Nâne Anutugât sumbe kat kat emetje ire gagaim patakore awam akmâ yendo hilâm âlâwu kâlegen nunak mem metewom.” dâep.” dâiyat. <sup>62</sup>Akto sumbe kat katyengât kautjande hutyenânba agatmâ kinmâ Yesu hin maganep, “Gâ wangât den hâuje siâ bo maknengiât? Den anjâ anjâ hogom togo hâkgân hâkgân aktâi iregât nângâmênâ ârândân aktâp me bo? Gain gain maknengimenâ nângâne?” dâep. <sup>63</sup>Hain dâm maganjo Yesuje den hâuje bo maganjmâ denje nânjâk kilep. Akto humoyenje arekne totokomâk hin maganep, “Bâin, Anutu manman kârikne amboje yâkgât metenân kinden aregât makjindere maknengi. Gâ Anutuje nanje hunjun anjo gewiap dâmaen are me siâ?” dâep. <sup>64</sup>Hain dâmbo Yesuje hin dâep, “Amâ gâne ya maktât are. Aregât ye hârok hin makyenjiwe. Ewenaet enemjan manman aregât luâk akmâ geân nâ himbimânba hamandat kakjan gem âmâ hârok damunyeje akbian. Ain âmâ nekbai.” dâep. <sup>65</sup>Hain dâmbo humoyenje arekne den are nângâm biwiñe kâlâp akto aregât ikinje sângumne mem duwatmâ galalupne hin makyenjiep, “Bâin, siâne siâ siârâm akbiâ den âi humo membâen. <sup>66</sup>Luâk ire âmâ Anutugât kotje mem bâlimbo nângâen aregât ye gain gain nângâi?” dâep. Hain dâmbo luâk âmbâle mendugum kili arekne Yesugât hin dâyi, “Emelâk bugâgât pat aktâp aregât moâk.” dâyi. <sup>67</sup>Hain dâm enemjan tâwutkoyi. Akto bikjande ondopne kom hogom hin magaji, <sup>68</sup>“Anutuje hunjun niñdo geân dâmat aregât bunje akto amâ aregât kârikjan konmâ ondopge hogoâp aregât kotje kon.” dâyi.

### Petoroje Yesugât munep agep.

<sup>69</sup>Akto Petoro injon emet aregât ginjan tato ainâk hoñ âmbâle siâne ekmâ hin dâm maganep, “Gâ Yesu olop Galilaia hânân maliat are me?” dâep. <sup>70</sup>Hain dâmbo luâk hârok dewunyenân are bo nângân dâm hin magep, “Nâ luâk kondât are bo nângandân. Akto den maktât aregât keñe bo nângân.” dâep. <sup>71</sup>Hain dâm arim âmâ sombeim ginjan kindo âmbâle siâne ekmâ luâk âmbâle ain kili are hin makyenjiep, “Woe, luâk ire amâ Yesu Nasarete gâtne yâk olop manmandat are.” dâep. <sup>72</sup>Hain dâmbo hin magep, “Nâ Anutugât metenân den bunje makjindere nângâ. Nâ luâk are bo nângân.” dâep. <sup>73</sup>Hain dâm getek ba kindo luâk enemjan kili arekne Petoro hin magaji, “Yesu âmâ Galilaia hânân gâtne. Gâ den maktât are âmâ Galilaije makmai han hainângen maktât aregât gâmâ Yesu olop mali areyengâlân gâtne.” dâm magaji. <sup>74</sup>Hain dâmbiâ Petoroje kârikne akmâ hin dâep, “Woe, hinje heyenjiwerân âmâ benje Anutuje nugumbo momberân aregât makyengire nângânet. Nâ yeje luâk kotje kondâi are bo ekman.” dâep. Hain dâmbo arekneak gokorok indiep. <sup>75</sup>Indembo nângâm Yesuje den hin maganep are hanjan ga miawagep, “Gâ gokorok bo indemboâk nângâ yâk bo nângâ anman dâmenâ âlâwu akbiap.” dâep are hanjan ga togombo nângâm dondâ indiep.



### Yudasije hip meagep.

**27** <sup>1</sup>Akto emet haundo sumbe kat kat yengât humoyeje akto Israe yengât kâmiti arekne Yesu kombiâ mombiapgât den maganji goanji agi. <sup>2</sup>Hain akmâ tâkne hikom mem kiap kotne Pilatogâlân ariyi. Ain arim waŋbiâ tembe lokolupjande kala busi kâlegen kali.

<sup>3</sup>Akto luâk kotne Yudasi Yesugât gasa kewugu yekto meyi arekne Yesu kondenje moâk dâm kili are yekmâ hanje purik kato puli koaje 30 waŋi are mem purik katmâ arim sumbe kat kat yengât humomo akto kâmiti hin makyengiep, <sup>4</sup>“Nâne Yesu dosaje bo ina bâlene agandere mem kombiâ momberâp aregât dosa humo aktân.” dâmbo hin maganji, “Maktât are amâ gângât dosa aregât guge hengem guguwiap.” dâyi. <sup>5</sup>Hain dâmbiâ biwiŋe bâlimbo puli koaje are sumbe kat kat emetjân ain pando hânân gembo sopanmâ ari ikiye hikoagep. <sup>6</sup>Akto sumbe kat kat luâk yengât humomolupyenande puli koaje are pitim mem hin dâyi, <sup>7</sup>“Puli ire amâ luâk moâkgât puli kat katne ina emet iregât katenje bo ârândân akberâp. Aregât gain gain akberen?” dâm maganji goanji akmâ puli arekne luâk siâ umbâ ketugumap yâkgât kalam siâ puligoyi. Hân are puligom hin dâyi, “Hân ire amâ hin akbiap. Luâk kâlewângenba togom manmâ mombai are in hanyenjuwaen.” dâmbiâ hain arekne bunje agep. <sup>8</sup>Hain akmâ hân aregât kotne Hepgât hân koli. Akto kot are hinje hainâk yendâp. <sup>9</sup>Hain aregât benje Anutuŋe ulikjân makto Propete siâ kotne Yeremiaŋe hin kulengoep, “Israe luâk siâ moâkgât puli koaje 30 gasaje waŋbai. <sup>10</sup>Hain katbiâ puli are purik kato mem luâk siâ umbâ ketugumap yâkgât kalam puligowai. Are âmâ Humoŋe makniŋep.” dâm kulengoep. Den are bunje miawakto sumbe kat kat luâk akto kâmiti arekne kalam are puligoyi.

### Kiapne Yesu moâkgât makmâ hâriep.

<sup>11</sup>Akto sop ain Yesuŋe kiap kotne Pilato yâkgât enemjân kindo hin aikoep, “Yuda yengât luâk humoyeje are gâ me?” dâmbo hin dâep, “Amâ gâne ya maktât are.” dâep. <sup>12</sup>Akto luâkne Yesu meyi arekne den aŋgâ aŋgâ hogom hâkŋân hâkŋân agi. Hain akbiâ den hâuŋe siâ bo makmâ yânâk kilep. <sup>13</sup>Hain akto Pilatoŋe Yesu hin maganep, “Nângâ. Den aŋgâ aŋgâ hogom togo hâkgân hâkgân aktâi aregât gâ den hâuŋe siâ wangât bo makmâ kindât?” dâep. <sup>14</sup>Hain dâmbo Yesuŋe den hâuŋe bo makmâ yânâk kilep. Kindo Pilatoŋe den hâuŋe bo magep aregât nângâmbo bimbiâk agep.

<sup>15</sup>Akto sop ain Pasowa hombaŋ aregât kala busi kâlegen gâtne aregât ukenyenjaet akmâ kotne konbiâ are watmâ akminep. <sup>16</sup>Aregât Pilatoŋe nângâm Yesu me bâlene luâk siâ kotne Baraba are watere yânŋângen ariâk dâm malep. <sup>17-18</sup>Akto Pilatoŋe hingât nângâm, “Sumbe kat kat

are yengât humomolupyeŋande, “Luâk âmbâle hârokŋe Yesugât kotŋe mem agatbiâ nengât kotnenŋe gewop.” dâm nâŋgâmbiâ bâlimbo aregât mem nâŋgâlân togoâi.” dâm nâŋgâm aregât hin makyenŋiep, “Niŋe Baraba me Yesu Anutuŋe huŋgun aŋdo giep dâmai are watere yengâlân geâkgât nâŋgâi?” dâep. <sup>19</sup>Akto Pilatoŋe ainâk tatmâ den siâ siâ nâŋgâm heŋgemgom kilep ainâk âmbenŋande yâkgât den katmâ hin magep, “Nâ asiŋân giwet siâ Yesu ekmâ heŋgemgom hanoko aktân aregât Yesu dosaŋe bo are bâleŋe bo agaŋben.” dâep. <sup>20</sup>A hârok nâŋgâm heŋgemgom tato âmâ sumbe kat kat are yengât humomolupyeŋe kâmiti luâk âmbâle are hanyenân gem wârâgi. Akto hin makyenŋiyi, “Konmâ wârakbiâkâ Pilatoŋe Baraba hepundo gembo âkâ tembe lokolupŋande Yesu kombiâ moâk.” dâyi. <sup>21</sup>Hain dâmbiâ Pilatoŋe lâuwâŋe hin makyenŋiep, “Ye luâk lâuwâ ire yâk hutyetŋân niŋe hepundere geâkgât nâŋgâi?” dâmbo hin dâyi, “Baraba.” dâmbiâ hin makyenŋiep, <sup>22</sup>“Dâ Yesu Anutuŋe huŋgun aŋdo giep dâmai ire amâ gain agaŋberângât nâŋgâi?” dâmbo hârokŋe hin dâyi, “Lâwinân kombiâ moâk.” dâyi. <sup>23</sup>Hain dâmbiâ hin makyenŋiep, “Woe, keiŋe wangât akto bâleŋe wan agep aregât kombiâ moâk dâi.” dâep. Hain dâmbo hin dâyi, “Hanâk lâwinân kombiâ moâk.” dâm wârâgi. <sup>24</sup>Pilatoŋe mem mulunyekto den gulip milip dondâ akbiâ ekmâ nâŋgâm dâmbo tu hâgâm waŋbiâ yâk yengât dewunyeŋân bâteŋe pulim hin magep, “Luâk dosa bâlâk manmap iregât dosaŋe nâŋgâlân bo hâtikowiap. Yeŋeak heŋgemgoŋet.” <sup>25</sup>Hain dâmbo dâyi, “Kombiâ momberâp aregât dosa amâ nengâlân akto nengât nan baratlupnenŋe yengâlân miawakmâ âgâwiap.” dâyi. <sup>26</sup>Hain dâmbiâ Pilatoŋe Baraba hepundo yâk yengâlân giep. Dâ tembe loko makyenŋimbo Yesu âmâ bugâŋe kombiâ hâk hilâlâm nâŋgâmbiâ lâwinân kondenŋe moâk dâm mem ariyi.

### **Tembe lokoŋe Yesu kom hâk hilâlâm waŋi.**

<sup>27</sup>Akto tembe lokoŋe Yesu mem kiap humogât kala busi kâlegen mem âgâyi. Mem âgâm tembe loko hârogâk yeŋgonbiâ togoyi. <sup>28</sup>Togombiâ den hembalik mâŋgim hin dâyi, “Woe, luâk humo.” dâm giriŋaŋmâ sâŋgum gilâm siâ luâk kembuŋe lalakmai hain are lalaŋmâ <sup>29</sup>tâk dâtâ dâtâ siâŋe irimut ketugum kautŋân kauŋaŋi. Akto kâro siâ bâteŋe bungen katbiâ miep. Hain mendo togo enemŋân pâwutyenŋe ligim katmâ hin dâyi, “Woe, Yuda yengât luâk kembuŋe.” dâm hiaŋgim giriŋaŋi. <sup>30</sup>Hain dâm tâwutkom kâro arekŋe kautŋân oreyi. <sup>31</sup>Hain akmâ sâŋgum gilâm are hiloŋmâ ikiŋe sâŋgum lalaŋmâ lâwinân komberâm mem ariyi.

### **Yesu lâwin parâŋân koyi.**

<sup>32</sup>Mem arim dâwân luâk siâ egi are kotŋe Simoŋ Kirene hânân gâtŋe wârakmâ tatbiâ Yesugât lâwin are lokombo ariyi. <sup>33</sup>Arim hân siâ kotŋe Goligata aregât den purikŋe âmâ kaut hagitŋe ain ariyi. <sup>34</sup>Arim âmâ

waiŋ akto biwi gulip tu kâim mendugum waŋbiâ getek nem nâŋgâm borâep. <sup>35</sup>Akto lâwinân kom mem anuŋbiâ kindo sâŋgumŋe memberâm kotyeŋe kulemgom kotyeŋe umbân panbiâ gembo bâtyeŋe panbiâ gembo kot siâ mem oloŋbiâ luâk kotŋe miawagep arekŋe Yesugât sâŋgum are meyi. <sup>36</sup>Akto ain tatmâ Yesugât damun kili. <sup>37</sup>Akto kom kautjân lâwin ulikŋân kulem kulemgoyi aregât keiŋe hin, “Ire âmâ Yuda yengât luâk kembu.” <sup>38</sup>Akto bugâ koko kâmburâ lâuwâ siâ Yesugât gasomŋe biken biken lâwinân yetkuyi. <sup>39</sup>Akto luâk âmbâle gam ariyi arekŋe Yesugât den hilit balit agaŋmâ hin dâyi, <sup>40</sup>“Woe, gâŋe hin dâmat, “Sumbe emetŋe gagaim hilâm âlâwu kâlegen lâuwâŋe ketuguwian.” dâmat aregât kârikŋe akmâ lâwinânba ge. Gemenâ benŋe gâ bunŋe Anutugât nanŋe dâweren.” dâyi. <sup>41</sup>Akto sumbe kat kat are yengât humomolupyenŋe akto Mosegât den kârikŋe makyenŋimini arekŋe hainâk den hilit balit agaŋmâ hin dâyi, <sup>42</sup>“Luâk aŋgâ âmâ tân yengumap. Dâ ikiŋe âmâ wangât bo tânaguâp? Akto Israe nengât kembu dâmap inarekŋe lâwinânba gembo ekmâ amâ den are bunŋe dâm nâŋgâweren. <sup>43</sup>Akto, “Nâmâ Anutugât nanŋe aregât tân nuguwiap nâŋgân.” dâmap aregât Anutuŋe tângombo lâwinânba gembo bunŋe dâweren.” dâyi. <sup>44</sup>Hain dâmbiâ luâk bâleŋe lâuwâ biken biken lâwinân yetkum hikoyelegi areâkâ hainâk den bâleŋe magaŋiat.

#### Yesu moep.

<sup>45</sup>Akto hilâm tânâmŋân ainâk hândâk humo dâgâm yendo enŋaiŋe agep. <sup>46</sup>Enŋaiŋe akto Yesuŋe ikiŋaet denân kot hin kolep, “Eli Eli lama sabaktani?” dâep. Aregât purikŋe amâ, Humone wangât hepun nektât? <sup>47</sup>Akto luâk kili bikŋande den are nâŋgâm hilip koyi aregât hin dâyi, “Âure nâŋgâŋet. Elia kondâp.” dâyi. <sup>48</sup>Hain dâmbiâ siâŋe pârigim arim sâŋgum papaŋe siâ kâroân bigeim bigeim waiŋ ŋasukŋân panmâ mem neâk dâm Yesugât lauŋân katmâ kilep. <sup>49</sup>Hain akto galalupŋande hin magaŋi, “Hepun. Eliaŋe bunŋe himbimânba gem tângombo lâwinânba gewerâp me bo aregât ekmâ kinne.” dâyi. <sup>50</sup>Hain dâmbiâ Yesuŋe lâuwâŋe kârikŋeâk kamboŋmâ ainâk moep.

<sup>51</sup>Mondo ainâk sâŋgum sumbe kat kat emetŋân kinminep ina tânâmŋânba duwalakmâ hâreagep. Hain akto wâriŋ humo mendo kât humomo hogo agep. <sup>52</sup>Akto sum bikŋe kepik akto Anutugât luâk âmbâle ulikŋân moyi are yengâlânba dondâŋe agatmâ bam guli. <sup>53</sup>Sum hepunmâ agatmâ âmâ benŋe Yesu agalep sop ain Yerusalem kepiân arimbiâ luâk âmbâle dondâŋe yegi. <sup>54</sup>Akto Yesu moep sop ain tembe loko humoyenŋe siâ akto Yesu damunŋe akmâ kili arekŋe wâriŋ humo are nâŋgâm akto wan me wan miawagep are ekmâ hamep keirâk akmâ hin magi, “Woe, luâk ire amâ Anutugât nanŋe bundâk.” dâyi.

<sup>55</sup>Akto âmbâle bikŋe ain kili arekŋe getek kâlewânâk kinmâ egi arekŋe Galilaia hânânba Yesugât hoŋ bawa akbiâ olop mali. <sup>56</sup>Areyenŋât

hutyeñân gâtje amâ kotyeje hin, Maria Madala kepijan gâtje akto Maria siâ amâ Yakobo siâ akto Yose yâk yetgât memeyetje akto ambâle siâ Sebedaiogât nanlogâtje yetgât memeyetje.

#### Yesu hangoyi.

<sup>57</sup>Akto emet dâgâwerâm akto puli sikumdâ luâk siâ Yesu nânğanmai yeñgâlân gâtje Arimataia kepijan gâtje kotje Yosepe are togoep. <sup>58</sup>Arekje togom Pilato hin aikoepe, “Gain nânğât? Yesugât hâkje mem arim hangowerân. Âlepje me?” dâmbô Pilatoje âlepje dâm tembe loko makyengimbo bam Yesugât hâkje lâwinân ba mem gutmâ Yosepe wañi. <sup>59</sup>Wañbiâ mem bam sâñgumje kau kau siâ mem Yesugât hâkje are katipkoep. <sup>60</sup>Hain akmâ mem ari kât dâpje parâ parâ siân Yosepeje mondere in han nuguwai dâm kendâep ain katmâ kât humo siâje hâkokombo tigiepe. Hain hâkokombo tigimbo Yosepe Arimataia gâtje ariep. <sup>61</sup>Akto Maria Madala gâtje akto Maria siâ are olop Yosepeje Yesu kât dâpñân kato talep ain taliat.

<sup>62</sup>Akto emet haunjo Sarere akto sumbe kat kat are yeñgât humomolupyenje akto Parisaio luâk arekje Pilatogâlân ariyi. <sup>63</sup>Arim hin magañi, “Humonenne, Yesugât ulit giñdenje gain nânğât? Yesu hiangi luâk arekje malep sop ain den siâ hin magep, “Nugumbiâ mondere han nugumbiâ hilâm âlâwu akto ain amâ momoñânba golâ akmâ agatbian.” dâep. <sup>64</sup>Hain gârâmâ gâje tembe lokolupge bikje makyengimenâ sum dâpje are gisapkom heñgemgombiâ kindo hilâm âlâwu bo akbiap. Ageine hoj bawalupñande togo hâkje are lokom ari siângen hangom luâk ambâle makyengim, “Emelâk sumânba agalep.” dâmbiâ sum pum are ekmâ bunje dâmbiâ hiangi den arekje sambelem arim amâ ulik gulik ewangiwope.” dâyi. <sup>65</sup>Hain dâmbiâ Pilatoje hin makyengiepe, “Yeje nânğât tembe lokolupne bikje meyekbiâ arim yejeak maktâi hain akmâ sum dâpje are tigim golâk tatmâ damunje akmâ kinbei.” dâep. <sup>66</sup>Akto arim sum dâpje are tigim heñgemgombiâ tembe loko bikje kât aregât damun kili.

#### Yesu agalep.

**28** <sup>1</sup>Akto Sarere bo akto emet haunjo Sonda hândâktâk Maria Madala gâtje akto Maria siâ arekje sumângen ariyat. <sup>2</sup>Akto ainâk wariñ humo miep. Akto Humogât ajele siâje himbimânba gem kât humo are hâkokombo arimbo âgâ kakñân talep. <sup>3</sup>Akto ajele aregât enem dewunje pagaleje akto sâñgumje kau kau hainare agep. <sup>4</sup>Hain akto tembe loko ain kili arekje yâkgât hamewakmâ ongâyeje hogombo sân sân mem ge hân tete luâk momoñande yemai hain yeyi. <sup>5</sup>Akto ajele arekje ambâle lâuwâ are hin makyetkiep, “Yet amâ bo hamep aget. Yet Yesu lâwinân koyi are ekberâm togoatgât nânğân. <sup>6</sup>Yâk in bo yendâp.

Yâk ulikņân magep hain akmâ emelâk agatâp. Yet gutmâ gewâkņe ire eget. <sup>7</sup>Ire ekmâ nânġâm heņgemgom âmâ benņe dowâk arim hoņ bawalupņe ireġât makyenġiet. Akto siâ hin makyetkire nânġâet. Yâk emelâk Galilaia hânân yâkņe soņ ariwerâm ariâp ġârâmâ ye aregen arim ekbei.” dâep. <sup>8</sup>Hain dâmbo âmbâle lâuwâ arekņe hamep agiat. Dâ biwiyetņande heroņe humo agiat. Hain akmâ sum are hepunmâ hoņ bawalupņe makyenġiwerâm pârġim kepiangen ariyat. <sup>9</sup>Akto Yesuņe dâwân yelek mâ hin makyetkiep, “Âmbâi lâuwâ.” dâep. Akto âmbâi lâuwâ arekņe enemņân bam ge hânân tatmâ keiņân mem heroņe agiat. <sup>10</sup>Hain akbela Yesuņe hin makyetkiep, “Yet bo hamewakmâ âmâ arim nânġât galalupne are makyenġimbela Galilaia hânân ariwei. Arimbiâ nâmâ ain arire nekbai.” dâep.

<sup>11</sup>Akto âmbâi lâuwâ are dâwân arim manbela tembe loko sum damunņe kili arekņe kepia humoân ariyi. Arim wan me wan miawagep areġât den pat are sumbe kat kat luâk yeņġât humomolupyenņe are makyenġiyi. <sup>12</sup>Akto sumbe kat kat yeņġât luâk humomolupyenņe akto kâmiti luâk arekņe yeņeâk mendugum den magaņgi goaņgi akmâ tembe loko are puli dondâ yeņġiyi. <sup>13</sup>Hain akmâ hin makyenġiyi, “Ye âmâ hin makbei, “Nen asiņ pâlâmņe yem mandenņe Yesuġât hoņ bawalupņande hândâġân togom hâkņe are petâm lokom ari siângen hangoyi.” dâwei. <sup>14</sup>Dâ kiap Pilato arekņe den ire nânġâmbo âmâ nenņe den siâ magaņdenņe ye hin me hain bo akyenġiwiap.” dâyi. <sup>15</sup>Hain dâmbiâ tembe loko arekņe puli mem yâkņe den makyenġiyi are watmâ hain agi. Akto den pat hiaņgi arekņe Yuda luâk yeņġâlân sambelem metiep. Areġât Yuda luâkņe den are hinņe hainâk makmâ manmai.

### Yesuņe aposolo miti âi yeņġiep.

<sup>16</sup>Akto hoņ bawalupņe keiân konok yeņeâk Galilaia hânân ariyi. Arim gimbâņe siâ ain togowei dâm Yesuņe tirip katyeņġiep gimbâņe ain togoyi. <sup>17</sup>Togom Yesu ekmâ heroņe agi. Bikņande nânġaņmâ âmâ kotņe konmâ nânġâmbiâ humo agep. Dâ yâk yeņġât bikņande âmâ nânġâ nânġâyenņe lâuwâ âlâwu agep. <sup>18</sup>Akto Yesu enem yeņân gutmâ kinmâ hin makyenġiep, “Anutu Ewenande meme akniņdo hân himbim me wan me wan hârok damunyeņe akmâ manmâ âġâwian. <sup>19</sup>Areġât ye arim luâk âmbâle hârok hânņe hânņe manbai are makyenġimbiâ bikņande biwiyenņe nânġâlân katbai are mem tuân katyekbei. Ewene akto nâ akto Heak nen konokġât akten areġât kotnenņe konok are konmâ tuân katyekbei. <sup>20</sup>Hain akmâ benņe wan me wan den kârikņe makyenġiân are hârok makmâ miawakmâ metewei. Dâ âi ire âlepņe agâġât nâņe hokboâk hokboâk tânyenġuwian. Hain akmâ tân yeņġum manmâ âġâre sop bo akbiap.” dâep.

# Yesugât den pat Marekoŋe kulemgoep

---

Yohaneŋe âi keiŋe kalep.

**1** <sup>1</sup> Yesu Kristo Anutugât nanŋe yâkgât den pat âlepŋe aregât keiŋe amâ hin. <sup>2</sup> Propete siâ kotŋe Yesaia, yâkŋe den hinâk kulemgoep, Nune hoŋ bawane magaŋmâ huŋgun aŋdere laune lokom gâŋgât ulikŋân akgiŋmâ dâp heŋgemgo giŋbiap. <sup>3</sup> Hân pumâŋgen manmâ luâk hin makyengim manbiap, “Kembu Humo togowiapgât dâp megatbei. Gimbâŋe ukuleŋe me kundet kokoŋe hâgâm kigilikmâ ârândâŋ ketugumbiâ dâp huraguâk.”

Yesaiaŋe hain kulemgoep aregât bunŋe akto Yohane togoep. <sup>4</sup> Togom tuân katyekberâm keiŋe katmâ hân pumâŋgen arimbo luâk âmbâle togombiâ hin makyengiep, “Bâleŋeyeŋe makmâ miawakbiâ âmâ Humoŋe are ekmâ dosayeŋe bo akyengiâk dâmbô bo akyengimbo tu puli yeŋgiwe.” dâep. <sup>5</sup> Hain dâmbô hân humo siâ kotŋe Yudaia aregât ambolupŋe dondâ akto kepia siâ kotŋe Yerusalem are ambolupŋe dondâ arekŋe yâkgâlân togom bâleŋeyeŋe makmâ miawakbiâ Yohaneŋe Yodaŋ tuân katyegep. <sup>6</sup> Yohane hâk pekeŋe yo hâkŋe akto tâkŋe pânân lalagep akto sotŋe kendemuŋ akto mumak koaŋe neminep. <sup>7</sup> Hain akmâ hin dâminep, “Hâmbâi luâk siâ togom penâniŋdo nâ yânŋe akmâ yâkgât ito goliandere ârândâŋ bo akbop. <sup>8</sup> Akto nâŋe âmâ tu yânŋe puli yektân. Dâ yâkŋe âmâ Heakŋe magaŋdo kaut yeŋân meyekbiap.” Yohaneŋe Humogât hain dâep.

<sup>9</sup> Sop ainâk Yesu Nasarete kepiamba Galilaia hânân togombo Yohaneŋe Yodaŋ tuân mem puliep. <sup>10</sup> Hain akto Yesuŋe tu hepunmâ gambo âmâ ainâk himbim dâpŋe pâroŋ âgâmbô Anutugât Heakŋe arekŋe kembâ akmâ gem gem Yesugât kautŋân mendo egep. <sup>11</sup> Akto himbimânba Anutuŋe hin magaŋep, “Gâ nâŋgât nanne, nâŋe gekmâ ukenŋe aktân. Akto biwine heroŋe aktâp.” dâep. <sup>12</sup> Himbimânba den hain dâmbô ainâk Anutugât Heakŋande Yesu kewugumbo hân kamitŋâŋgen ariep. <sup>13</sup> Arimbo ain hândâk hilâm 40 mando sinduk baniara bâleŋe areyengât

humo yeŋe arekŋe bâliâk dâm magaŋmâ biwiŋe dop kom hiangŋiep. Hiangŋim mando Yesuŋe kârikŋe akmâ malep. Kârikŋe akmâ halângen yo yeŋgât hânân mando aŋelo arekŋe tângoyi.

### Yesuŋe luâklupŋe imbât yeŋgonlep.

<sup>14</sup>Akto Yohane kala busi katbiâ mando âmâ Yesuŋe Galilaia hânân togom Anutugât den pat âlepŋe are makyenŋiep, <sup>15</sup>“Anutuŋe damunyeŋe akbiapgât sop tâlâguâp aregât bâleŋeyeŋe makmâ miawakmâ hamiaŋmâ den pat âlepŋe ire nâŋgâŋet.” hain dâm makyenŋiep.

<sup>16</sup>Den heronŋe are makmâ bam arim Galilaia bātŋum giŋŋân arim luâk emi teu lâuwâ Anderea akto Simoŋ yelegep. Yâk iŋan âi meme luâk aregât bātŋumân ŋalu ŋalu yetŋe panmâ kiliat. <sup>17</sup>Âi are mem kinbela Yesuŋe hin dâm makyetkiep, “Gaet. Gambela nâ olop manne. Iŋangât âi mem mandat are hepunbela nâŋe luâk yeŋgâlân âi membiandatgât âi hekat yetkiwe.” dâmbō <sup>18</sup>ainâk âi are hepunbela Yesu olop ariyi. <sup>19</sup>Akto Yesuŋe baine luâk kotŋe Yeweri aregât nanlogâtŋe Yakobo akto Yohane kinbela yelegep. Yelektō yâk waŋŋan tatmâ iŋangât ito yetŋe hâreagep are parutmâ heŋgemgom tatbela yelek mâ yetkolep. <sup>20</sup>Yetkondo nâŋgâm eweyetŋe Sebedaiō are akto âi luâklupŋe waŋŋan tatbiâ hepun yekmâ Yesu olop manbaet dâmbela Yesu olop ariyi.

### Yesuŋe Niambi walep.

<sup>21</sup>Akto yâkŋe Kapanaum kepiān arimbiâ hilâm âi bo meme sopŋe Sarere akto Yesuŋe kepiān aregât den opmânŋân âgâmbō hoŋ bawalupŋe akto kepiān ambolupŋe âgâmbiâ den pat âlepŋe are makyenŋiep. <sup>22</sup>Makyenŋimbo luâk âmbâle arekŋe nâŋgâm bātŋeŋe dātŋeŋân igim kinmâ hin dâyi, “Nengâlân gâtŋe den kârikŋe hekat nengi nengi luâkŋe maknengimbiâ âmâ nâŋgâenŋe porap porap akmap. Dâ den amboŋe irekŋe âmâ maknengimbo nâŋgâenŋe ârândâŋ aktâp.” dâyi. <sup>23</sup>Hain dâm kinbiâ den opmânân are luâk siâ sinduk baniara bâleŋande mângiep siâŋe kamboŋmâ hin dâep, <sup>24</sup>“Yesu Nasarete kepiān gâtŋe gâŋgât patŋe nâŋgân. Gâ Anutugât luâk âlepŋe manmat. Anutuŋe huŋgun giŋdo togoen gârâmâ hilip nenguwerâm togoen mon?” dâep. <sup>25</sup>Hain dâmbō Yesuŋe sinduk baniara bâleŋe are hin magaŋep, “Den bo ak. Luâk ire hepunmâ ari.” dâmbō <sup>26</sup>sinduk baniara arekŋe kamboŋmâ luâk are hâkŋe humoâk mem duwuŋ ketugum panmâ hepunmâ ariep. <sup>27</sup>Arimbo luâk âmbâle den opmânŋân tali arekŋe ongâyeŋe hogombo magaŋgi goaŋgi akmâ hin dâyi, “Yei, imâ wan arekŋaet siâ? Imâ pat âlep den keiŋe aŋgâ. Luâk irekŋe kârikŋeŋe olop sinduk baniara bâleŋe makyenŋimbo arekŋe gai lauŋe lokomai.” dâyi. <sup>28</sup>Hain dâm aregât luâk âmbâle hârokŋe magaŋgim arimbiâ Yesugât pat arekŋe sambelem Galilaia hân hârok ârândâŋ aŋep.

**Yesuŋe dâmbô Petoro hewonŋe âlepŋe agep.**

<sup>29</sup>Akto den opmânŋânba gem Yakobo akto Yohane olop arim âmâ ainâk Simoŋ akto Anderea yetgât emelan âgâyi. <sup>30</sup>Akto Simoŋgât hewonŋe hâkŋe kâlâp akto kundat humo akmâ yiep. Hain akmâ yendo ainâk Yesu aregât maganji. <sup>31</sup>Maganjbiâ Yesuŋe ba bâtŋân mem agalep. Hain akto ainâk hâkŋe sândugembo kundat hepundo sot om yeŋgiep.

**Yesuŋe dâmbô luâk âmbâle dondâ âlepŋe agi.**

<sup>32</sup>Emet dâgâmbô kepia ambolupŋande kundatdâ me sinduk baniara bâleŋande meyegi are meyekmâ arim <sup>33</sup>Yesuŋe emet talep aregât hânŋi ginŋân mendugu yekmâ kili. <sup>34</sup>Akto Yesuŋe kundatdâ keiŋe keiŋe mem âlepŋe ketuguyegep. Akto luâk sinduk baniara bâleŋande meyekmai are sinduk yeŋe watyekto ariyi. Sinduk baniaranŋe yâkgât keiŋe nânŋâyigât makbâi aregât makmâ hâreyeŋgiep.

**Yesuŋe Galilaia hân humo aregât kepia hârok manmâ makyenŋim malep.**

<sup>35</sup>Akto emet boâk hauŋdo hândâkŋân Yesu agatmâ kepia are hepunmâ hân pumângen arim Anutu maganŋep. <sup>36</sup>Maganŋdo Simoŋ galarânŋe agatmâ ekbiâ bo akto yâgâten ariâp dâm undâgâlanŋmâ ariyi. <sup>37</sup>Arim ekmâ, “Luâk âmbâle biwirânŋe undâgât giŋdâi.” dâyi. <sup>38</sup>Hain dâmbiâ hin makyenŋiep, “Nânŋe den âlepŋe makyenŋiwerâm aktere kepia siâ siâ ewumâk ewumâk ariwaen. Nâ âi ire memberâm togoân aregât kepia ewumâk ewumâk ariwaen.” dâep. <sup>39</sup>Akto Galilaia hân humo aregât kepia hârok manmâ den opmânŋe ârândânŋe âgâm den pat âlepŋe are mem makyenŋim malep. Hain manmâ sinduk baniara bâleŋe watyekmâ malep.

**Yesuŋe dâmbô hâk bâle bo agep.**

<sup>40</sup>Luâk diwi kârikŋe miawaganŋdo malep siânŋe Yesugâlân arim pâwutŋe ligim katmâ ulilanŋmâ hin dâep, “Yesu gânŋe kundatdâ yekmâ âlepŋe akŋet dâmenâ âlepŋe akmai. Aregât nânŋât gain gain nânŋât?” dâep. <sup>41</sup>Hain dâmbô Yesuŋe han kalem bâtgumŋaet akmâ okotŋe nânŋâm bâtŋe hâkŋân katmâ hin maganŋep, “Nânŋâ giŋdân aregât diwige pandagâk.” dâmbô <sup>42</sup>ainâk diwiŋe pandakto hâkŋe âlepŋe agep. <sup>43</sup>Akto ainâk luâk are huŋgunanŋmâ hin maganŋep, “Nânŋât? Gânŋe iregât pat bo makyenŋiwen. <sup>44</sup>Dâ Moseŋe hin dâep, “Gânŋât kundat bo akto sumbe kat kat luâk gâlân arimenâ gekmâ diwige emelâk pandak giŋdâp aregât sumbe o dâm makŋiŋdo soŋgo waŋmenâ ombiap. Akto ainba luâk âmbâle hârok sumbe kat kat luâk arekŋe makyenŋimbo nânŋâmbiâ âmâ hutyeŋân âlepŋe manben.” Moseŋe hain dâep aregât den are lokowen. Akto diwi bo akŋiŋdâp aregât pat bo makyenŋiwen.” dâep.



<sup>45</sup>Hain dêp are bonângâm arim makyengim malep. Makyengimbo den arekne sambelem ariep. Ariepgât Yesu kepia humoân arimbo luâk âmbâle dondâ gam turuŋ aŋbiâ, “Gain gain akbian.” dâm aregât kepia tuŋguŋângen malep. Akto ain luâk âmbâle bikenba bikenba Yesugâlân togoyi.

### Yesu luâk bâte keŋe kârigem malep are heŋgemgoep.

**2** <sup>1</sup>Yesu hilâm siân purik katmâ Kapanaum kepien arim emetjân âgâep. Akto yâkgât den pat arekne sambelem arimbo kepia aregât ambolupŋande nâŋgâm yâkgâlân togoyi. <sup>2</sup>Togom luâk âmbâle dondâŋe emet kâlegen tatmâ hânŋi gisapkoyi. Hain akbiâ den pat âlepŋe are makyengiep. <sup>3</sup>Akto luâk imbât akmâ luâk siâ kei bâte kârigem agep are lokom luâk bikne olop togoyi. <sup>4</sup>Lokom togo luâk âmbâle dondâŋe enemjân kinbiâ yekmâ lokom tirekŋânba emet bokŋân gam âgâyi. Âgâm Yesu emet talep are bokne gagaimbiâ dâpŋe miawakto arewa temdâk katbiâ giep. <sup>5</sup>Enemjân gembo biwiyenŋe yâkgâlân kali aregât nâŋgâm hin maganep, “Gala gâŋgât dosa bo aktâp.” dêp. <sup>6</sup>Hain dâmbô luâk Mosegât den kârikne makmâ kepigi arekne maganŋi goanŋi akmâ hin dâyi, <sup>7</sup>“Luâk ire wangât hain maktâp? Anutuŋe konok âmâ dosa pulimap. Anutugât kot bâliwopgât den are hepulâk.” dâyi. <sup>8</sup>Hain dâmbiâ den are nâŋgâm âmâ hin makyengiep, “Wangât biwiyenjân hain nâŋgâi? <sup>9</sup>Gain gain arekne owâiŋe? Luâk bâlenŋe hin dâm maganberân, “Dosage puliginŋere Anutuŋe hâuŋe bo giŋbiap.” hain dâm me hin dâm maganberân, “Agatmâ tem tâkge are hulaŋmâ loko akmâ ari.” <sup>10</sup>Aregât maktere nâŋgâŋet. Nâ luâk akmâ geângât dosayenŋe hepunyenŋiwangât Anutuŋe dâm niŋep aregât keŋe ekmâ nâŋgâŋet.” dêp. Hain dâm benŋe luâk miwindik akmâ yiep are hin maganep, <sup>11</sup>“Nâ makginŋere nâŋgâ. Gâ agatmâ tem tâkge are hulaŋmâ loko akmâ emetgân ari.” dêp. <sup>12</sup>Hain dâmbô tem tâk are lokoakmâ emetjân ariep. Akto luâk âmbâle ain kili arekne ekmâ bâtyenŋe dâtyenjân igim hin dâyi, “Wei, Anutu konok âlep âlepŋe dondâ akmap. Nen ire bo ekmaen ina uŋak konok pup pup ekten.” dâyi.

### Yesu Lewi âigât konlep

<sup>13</sup>Yesu bâtegum humo ginjân giep. Gembo luâk âmbâle hârok Yesu ekberâm gembiâ Anutugât den pat âlepŋe are makyengiep. <sup>14</sup>Benŋe ainba arim luâk siâ kotŋe Lewi Alipaiogât nanŋe arekne gawaman yengât puli emetjân tato Yesu maganmâ hin dêp, “Nâ olop manbaetgât gamenâ arire.” dêp. Akto Lewiŋe puligât âi hepunmâ puli emetjânba gembo Yesu olop ariyat. <sup>15</sup>Yesu kewuguyekto arim Lewigât emelan tatmâ Yesu akto hoŋ bawalupŋe sot neyi. Akto sop ain puli meme luâk bikne akto luâk bâlenŋe meme siâ hainâk olop Yesu olop tatmâ sot neyi.

Amâ luâk âmbâle biwirâ watmâ maligât. <sup>16</sup>Akto Anutugât den hekat yengi yengi luâk bikŋe kotyeŋe Parisaio bikŋande Yesuŋe puli meme luâk akto luâk bâleŋe hutyeŋân tatmâ sot nendo ekmâ Yesugât hoŋ bawalupŋe hin dâm makyenŋiyi, “Wangât humoyenande dosa luâk akto puli meme luâk are yengât hutyeŋân tatmâ sot nendâp?” dâyi. <sup>17</sup>Hain dâmbiâ Yesuŋe den are nânŋâm Parisaio luâk are hin makyenŋiep, “Luâk âlepŋande dokta yengâlân bo arimai. Luâk kundatdâŋe amâ dokta yengâlân arimbiâ heŋgem yengumbiâ âlepŋe akmai. Akto nâ hainâk luâk nen dosanenŋe bo dâm mandâi are âmâ hepunyekman. Dâ luâk bâleŋe meme akto dosayeŋe olop are âmâ heŋgem yenguerâm geân.” dâep.

### Sotgât hanoko agi aregât den.

<sup>18</sup>Akto sop ain Yohanegât hoŋ bawalupŋe akto Parisaio luâk yâkŋe Anutu manŋanminigât sot bâlâk yân mali. Akto luâk bikŋande Yesugâlân togom hin dâm magaŋi, “Yohanegât hoŋ bawalupŋe akto Parisaio luâk yâkŋe Anutu kambiamŋe âlepŋe agâkgât sot bâlâk manmai. Dâ gâŋgât hoŋ bawalupŋe amâ hilâm ârândânŋak sot nemâk manmai.” dâyi. <sup>19</sup>Hain dâmbiâ Yesuŋe hin makyenŋiep, “Luâk siâ âmbâle membiapŋe galalupŋe olop hero âlepŋe manmai aregât galalupŋe okot âlep akyenŋim sot ondo nemai. <sup>20</sup>Sot om nem heroŋe akmâ manbiâ gasalupŋe galayeŋe are membiâ kulâgâlânŋiâ bo akto amâ galalupŋe biwi bâle akmâ sot bâlâk manmai. <sup>21</sup>Nen sâŋgum tâmbâŋe tokto dâpŋe humo akbop dâm sâŋgum irakŋe bo puli puliŋe are katmâ bo parutmaen. Hain akmâ dâine tuân pulienŋe irakŋe gâwigem tâmbâŋe are oloŋdo tokto dâpŋe humo dondâ miawakbop. <sup>22</sup>Akto nen amâ waiŋ tu irakŋe yo hâkŋe tâmbânŋan bo kâienŋe gemap. Hain akmaen dâine waiŋ tuŋe arekŋe yo hâkŋe tâmbâŋe are mendo bim âgâm hogoakbop. Akto waiŋ akto soŋgo hâkŋe lâuwâ lâuwâ bâliwat. Aregât waiŋ irakŋe yo hâkŋe irakŋan gembo âlepŋe akmap.” dâep.

### Sarere âi bo meme sop aregât den.

<sup>23</sup>Âi bo meme sopŋe Sarere siân Yesu akto hoŋ bawalupŋe âi kalam hutŋânba ariyi. Arim hoŋ bawalupŋe sengo konok konok mem nem arim manbiâ <sup>24</sup>Parisaio luâkŋe yekmâ Yesu hin magaŋi, “Ek, hoŋ bawalupŋe âi bo meme sopŋan siâ me siâ bo agakgât âi are akbiâ ârândânŋ bo aktâp.” dâyi. <sup>25</sup>Hain dâm hâwâtbiâ Yesuŋe hin makyenŋiep, “Anutuŋe makto kulemgoyi yendâp are siâ oyaŋmâ nânŋâmai me bo? Ulikŋân sumbe kat kat luâk areyengât humoyeŋe kotŋe Ambiata malep, <sup>26</sup>sop ain Dawidiŋe Anutugât sumbe kat kat emetŋân âgâm sotgât momberâm akto Abiatanŋe sot kâmbokŋe waŋdo niep. Akto bikŋe hoŋ bawalupŋe yengimbo neyi. Akto sot are amâ sumbe kat kat luâk arekŋeak nemini. Dâ luâk yânŋe me Anutugât opmânân bo âgâmini

arekne âmâ sot are bo nemini. <sup>27</sup>Aregât hin nângânet. Anutuŋe hilâm iregât luâk ketugum hilâm ire tângoŋet bo dâep. Anutuŋe luâk heronje akŋet dâm aregât hilâm ire makmâ kalep. <sup>28</sup>Akto luâk akmâ geân nâŋe Sarere âi bo meme sopŋe aregât kautje akmâ mandân.” dâep.

### Sarere siân Yesuŋe luâk siâ heŋgemgoep.

**3** <sup>1</sup>Yesuŋe Sarereân den opmânŋân âgâm luâk bâteŋe bâleŋe siâ ain tato egep. <sup>2</sup>Âgâmbo luâk kotyeŋe Parisaio arekne ekmâ magaŋgi goaŋgi akmâ hin dâyi, “Yesu denân katbaengât gain gain akmâ keiŋe ekne. Dâ luâk bâteŋe bâleŋe indâre magaŋdo âlepŋe akto ekmâ âmâ Sarereân âi mendâpŋât dâm denân katbaen.” dâyi. <sup>3</sup>Dâmbiâ âmâ Yesuŋe luâk bâteŋe bâleŋe are hin dâm magaŋep, “Agatmâ dewunyeŋân kin.” dâmbo agatmâ kindo <sup>4</sup>Parisaio are hin makyenŋiep, “Moseŋe den kulemgoep are gain gain tatâp? Hombaŋ sopŋân âlepŋe akbei dâep me bâleŋe akbei dâep? Me luâk mem heŋgem yeŋguwaen dâep me hilip yeŋguwaen dâep?” dâm makyenŋimbo denyeŋe nâŋâk kili. <sup>5</sup>Kinbiâ hanyeŋe kârikŋe agep aregât biwiŋe umatje akto purik gurik akmâ luâk are yekmâ peiyekmâ luâk bâteŋe bâleŋe are hin magaŋep, “Bâtge panmenâ agalâk.” dâmbo pando âlepŋe akmâ agalep. <sup>6</sup>Agato Parisaio luâkŋe arim humoyeŋe kotje Herote yâkgât tembe lokolupŋe olop mendugum hin magaŋgiyi, “Nen gain gain akmâ Yesu kondeneŋe mombiap.” dâyi.

### Yesuŋe luâk âmbâle dondâ makyenŋiep.

<sup>7</sup>Yesuŋe hoŋ bawalupŋe meyekto Galilaia bâteŋum dâtŋânŋen ariyi. Arimbiâ Galilaia hânâŋenba luâk dondâ Yesugât den nângâyigât eknerâm togoyi. <sup>8</sup>Togom luâk dondâ siâ siâ Yudaia hânâŋenba akto Yerusalem kepiansa akto Idumaia hânâŋenba akto Yodaŋ tu bikenba akto kepia lâuwâ kotyetje Tiro akto Sidoŋ areŋenba luâk âmbâle dondâ yâkgâlân togoyi. <sup>9-10</sup>Hârok togom mendugum kinbiâ Yesuŋe emelâk luâk âmbâle dondâ heŋgem yeŋguel aregât luâk âmbâle dondâŋe howaim âlepŋe akberâm togoyi. Togom papalakmâ kombâigât waŋga are membiâ gutmâ enemŋânâk kilâkgât hoŋ bawalupŋe makyenŋiep. <sup>11</sup>Makyenŋimbo sop ain sinduk baniara arekne togo ekmâ hânân gem kârikŋeâk konmâ hin dâyi, “Gâ Anutugât nanŋe.” dâmbiâ <sup>12</sup>ainâk kârikŋeâk konmâ den yeŋguel. Den yeŋgum hin makyenŋiep, “Ya maktâi are lâuwâŋe bo makbei. Patnande sambelewopgât bo makyenŋiwei.” dâep.

### Yesuŋe aposololupŋe meyegep.

<sup>13</sup>Akto Yesuŋe gimbanŋân âgâwerâm akto luâk âmbâle dondâ olop âgâyi. Akto Yesuŋe hoŋ bawalupŋe bikŋe nunaet dâtâŋe dâm yeŋgonlep. Yeŋgondo enemŋân ba tali. <sup>14</sup>Ba tatbiâ âmâ ikiŋe olop manbaigât akto huŋgunyeŋimbo

den patnje makyengimbiâ nângâwaigât yengonlep. <sup>15</sup> Akto sinduk baniara bâleje watyengiwerâm manbaigât luâk keiân lâuwâ meyegep. <sup>16</sup> Amâ kotyenge hin. Simonj kotge iraknje gogonbe dâm Petoro dâm kolep. <sup>17</sup> Akto Sebediao nanlogâtne kotyetne Yakobo akto Yohane, kâriknje akmandatgât kotyetne Boanerges yetkolep aregât puriknje amâ himbim kururudâp. <sup>18</sup> Anderea, Pilipo, Batolomaio, Mataio, Toma, akto Alipaioigât nanje kotje Yakobo, Tandio, akto luâk siâ Roma yengât hâkânj agi areyengâlân gâtne siâ kotje Simonj <sup>19</sup> akto kepia siâ kotje Karioto ain gâtne siâ aregât kotje âmâ Yudasi arekne manmâ beirânjângen Yesu gasa aganjep.

### Yesuje Anutugât wâtjân kinmâ sinduk baniara bâleje watyegep.

<sup>20</sup> Gimbânjâmba gem Yesu olop emelan âgâmbiâ luâk âmbâle dondâ arekne togo turunyekbiâ Yesugât hoj bawalupjânde hin dâyi, “Luâk âmbâle dondâ irekne emet pikbiâ âmâ gain gain sot nemberen?” dâyi. <sup>21</sup> Hain dâmbiâ Yesugât ginbailupjânde den are nângâm hin dâyi, “Yesu nângâ nângâje gulip akto aregât arim mene.” dâyi. <sup>22</sup> Akto Mosegât den kepikmâ makyengimini are Yerusalem kepianba togoyi arekne hin dâyi, “Sinduk baniara bâleje yengât humoyenje kotje Besebulu arekne Yesu kautjân mendo yâkgât kârikjân kinmâ sinduk baniara bâleje watyekmap. Akto sinduk humoyenjânde tângombo sinduk baniara bâleje watyekmap.” dâmbiâ nângâep. <sup>23</sup> Aregât yengondo togombiâ den ginje ginje siâ siâ makyengiep, “Sinduk baniara humoyenje Niambi arekne ikije kâmotlupje watyekmap dâine yâk akto ikije kâmotlupje bo akbâi. <sup>24</sup> Akto luâk kepia konokje potalakmâ hanâk hanâk agumbiâ kepia are pum yembop. <sup>25</sup> Me kâmot siâ aregât luâkne potalakmâ gasa hanâk aganjimbiâ âmâ kâmot are bo akbiap. <sup>26</sup> Me Niambigât sinduk banialupjânde potalakmâ agumbiâ dâine Niambi kâriknje bo miawaganjop. Akto Niambi akto kâmotlupje bo akbâi. <sup>27</sup> Me luâk siâje luâk kâriknje siâgât emelan âgâm wan me wan kâmbu meanberâm akbiap. Hain akmâ gain gain memberâm yonâk âgâmbo amboje asiŋ yendo tâkne keije båtje hikom pando yendo âmâ âlepne wan me wan ekmâ pitiwiap.

<sup>28</sup> Aregât den bunje hin makyengire nângâjet. Luâk siâ bâleje mem manmai bâleje me Anutugât kot mem bâlianjmâ sârek konmai aregât dosa Anutuŋe kutigitbiapgât dop tatâp. <sup>29</sup> Gârâmâ luâk siâje Anutugât Heakne amâ bâleje dâm makmâ bâlianjmâ sârek konbiap âmâ luâk aregât dosa Anutuŋe pulianbiapgât dop bo yendâp. Anutugât Heakne amâ bâleje dondâ dâmbiâ âmâ dosa are ekmâ hainâk yeŋâk.” dâep. <sup>30</sup> Yesuje Anutugât Heakne aregât kârikjân kinmâ âi mendo ekmâ yâkne nângâm hilip koyi aregât den hain makyengiep.

### Yesugât memene emilupje.

<sup>31</sup> Den hain dâm makyengimbo memene emilupje togom betgen kinmâ, “Teunenje ge.” dâm siâ huŋgunaji. <sup>32</sup> Huŋgunajiâ gambo luâk

âmbâle Yesu ketokmâ emelan tali arekne Yesu hin magani, “Memege emilupge betgen kinmâ kulâgât giŋdâi.” dâyi. <sup>33</sup>Hain dâmbiâ Yesuŋe hin makyenŋiep, “Niŋema memene me emilupne aktâi?” <sup>34</sup>Hain dâm turuŋaŋmâ tali are yekmâ hin dâep, “Nâŋgât memene akto emilupne garilupne amâ ire. <sup>35</sup>Akto Anutugât lau lokomai yeŋe âmâ nâŋgât memene akto emilupne akto garilupne aktâi.” dâm makyenŋiep.

#### Anutugât den aregât dâp.

**4** <sup>1</sup>Yesuŋe hilâm siân bâtgum ginŋân gem den pat âlepne makyenŋiep. Makyenŋim âmâ luâk âmbâle dondâ togo mendugumbiâ âmâ waŋgan âgâep. Luâk âmbâle togoyi are bâtgum dâtŋân kinbiâ makyenŋiwerâm waŋga siân âgâm getek baep. <sup>2</sup>Bam bâtgum ginŋân kinmâ den ginŋe dondâ makyenŋiep. Are hutŋân den ginŋe siâ hin makyenŋiep, <sup>3</sup>“Luâk siâŋe seŋgo alekne are hânân urutmâ âiângen ariep. <sup>4</sup>Hain akmâ arim uruto alekne bikne âmâ dâwân ge yiep are âmâ lâutne dowâk togo nem meteyi. <sup>5</sup>Dâ bikne âmâ hân bawalawân ain ge yiep arekne pâtkombo kâmŋe dowâk gambo <sup>6</sup>dewutâ kârikne pando kândârâŋe tâlâwâkgât dipkom moep. <sup>7</sup>Dâ bikne âmâ hele hewukne humo yiep are hutŋân ge yiep arekne sopŋân pâtkom kâmŋe gambo hewukne âkâ hainâk gam kârikne akmâ sot tigimbo bunŋe bo agep. <sup>8</sup>Akto seŋgo alekne bikne âmâ hân kelurâ ain ge yiep are bikŋande pâtkom agatmâ bunŋe âlepne agep. Dâ bikŋande âmâ pâtkom agatmâ bunŋe âlepne dondâ agep. Akto bikŋande âmâ pâtkom agatmâ bunŋe humomo âlepne dondâ akmâ bikne hârok ewangiyegep. <sup>9</sup>Gârâmâ ye den ire nâŋgâm biwiyeŋân katmâ heŋgemgom manbei.” dâep.

#### Sot kâmelep aregât keiŋe.

<sup>10</sup>Akto luâk âmbâle hârok arim metembiâ bikne konok konok kili are akto hoŋ bawalupne keiân lâuwâ arekne Yesu hin aikoyi, “Den ginŋe maknengiât are keiŋe gain gain?” dâyi. Hain dâmbiâ hin makyenŋiep, <sup>11</sup>“Anutuŋe damunyene akmap aregât keiŋe makyenŋiân. Gârâmâ luâk bikne Anutuŋe damunyene akmap aregât keiŋe bo nâŋgâm heŋgemgomai aregât den ginŋe ire makyenŋiân. <sup>12</sup>Anutuŋe makto siâŋe kulemgöep are bikne hin tatâp,

“Luâk bikne ondopyeŋe mem gisapkom âmâ bo nâŋgâmai.

Akto dewunyene mem tigim âmâ bo ekmai. Amâ hingât.

Biwiyeŋe nâŋgâlân katbiâ dosayeŋe puliyenŋiwomgât den bo heŋgemgomai.” Anutuŋe hain dâep

are bunŋe agâk dâm luâk hainare yâk den ginŋeâk makyenŋiman.

<sup>13</sup>Akto yeŋe âmâ den ginŋe nâŋgâm heŋgemgomai dâre bo nâŋgâm heŋgemgomai aregât gain gain maktere âmâ âlepne nâŋgâwai? Den ginŋe maktân aregât keiŋe hin makyenŋire nâŋgâŋet. <sup>14</sup>Luâk sot koaŋe

urutmâ manmap arekŋe âmâ Anutugât den pat are makyenġimap. <sup>15</sup>Dâ koaŋe dâwân ġiep are âmâ wan? Hân are âmâ luâk manmai ire. Gârâmâ luâk siâ den âlepŋe areġât nânġâmbo amâ ainâk sinduk baniara yeŋġât humoyeŋe kotŋe Niambi arekŋe dowâk togo den âlepŋe biwiŋân kinmap are kondo momap hainare. Akto hanyeŋe purik katbop dâm den âlepŋe are mem heambukmâ gem arimap. <sup>16</sup>Dâ koaŋe kât kakŋân palepġât maktân are âmâ luâkŋe hin akmai. Luâk are âmâ hân areġât dop hainare yâkŋe âmâ Anutugât den âlepŋe nânġâm manmâ heroeŋe akmai. <sup>17</sup>Akto hanyeŋân kândârâŋe bo yeyeŋimapgât sop pân konok mem manbai gârâmâ Anutugât dengât gasa akto bugâ miawakto ainâk hamep akmâ den are hepunmai. <sup>18</sup>Dâ koaŋe hele hewukŋe yiep are hutŋân palep. Hân areġât dopŋe âmâ luâkŋe akmai. Luâkŋe den nânġâm kinmâ manmâ âmâ <sup>19</sup>benŋe manman ireġât hanokoakmâ âmâ hânġât siâ me siâ areġât egâlianġ gogâleaŋ akmâ puli sikumġât ukenŋe akmâ areġât egâlianġmai. Arekŋe gem biwiyeŋân den areġât hanyeŋân tigimbo bunŋe bo miawakmap. <sup>20</sup>Dâ hân âlepŋân urulep hân areġât dop âmâ luâkŋe aktâi. Yâk âmâ luâk âmbâleŋe Anutugât den pat âlepŋe mem manmâ agak meme âlepŋe akmâ manbiâ Anutuŋe yekto ârândânġ akmap. Dâ bikŋande nânġât den lokomai are âmâ agak meme âlepŋe akmai. Dâ bikŋande hain akmâ agak meme âlepŋe dondâ akmai. Dâ bikŋande âmâ agak meme âlepŋe hârok penâyeŋimap.” Yesuŋe hain dâep.

#### Pagaleŋaet dop.

<sup>21</sup>Yesuŋe luâklupŋe den ġinŋe siâ hin makyenġiep, “Kâlâp ululunŋe emet kâlegen mem âġâm kau kakŋân katmaen. Amâ emet kâleŋe pagaleâk dâm âmâ kau kakŋân katmaen. Akto hândâk akbop dâm âmâ umbâ kâlegen bo katmaen. Me dâġâmŋe bo tigimaen. <sup>22</sup>Siâ me siâ tiwâk yemap are yem bo yembiap. Are Anutuŋe mem miap panbiap. Dâ siâ me siâ akmâ totokom heambukmai are gai hainâk yem bo yembiap. Are mem hulaŋmâ metewiap. <sup>23</sup>Gârâmâ ye den ire nânġâm biwiyeŋân katmâ heŋgemgom manbei. <sup>24</sup>Amâ den siâ me siâ hokboâk hokboâk nânġâm potatmâ manbei. Yeŋeak siâ me siâ akmâ mem yeŋġiwai âmâ dop hainâk Anutuŋe gai hainagâk purikatyeŋġiwai. Akto areâk bo. Umatdâk yeŋġiwai. <sup>25</sup>Akto luâk siâ wan me wan lokomap me nânġâmap are damun akmâ mando âmâ hâmbâi Anutuŋe humoâk waŋbiap. Dâ luâk siâŋe wan me wan bâlensiâ mem manmap are Anutuŋe bâtŋânba keŋgoŋmâ membiap.” dâep.

#### Sot pâtkomap areġât den ġinŋe.

<sup>26</sup>Hain dâm kinmâ siâ hin makyenġiep, “Anutuŋe damunyeŋe akberâm akmap areġât dopŋe hin. Luâk siâŋe arim wan me wan koaŋe kâmetmap. <sup>27</sup>Akto golâ manmâ me yem mando koaŋe arekŋe hogoakmâ kâmŋe

gamap. Akto luâkŋe aregât keiŋe bo ekmap. <sup>28</sup>Hân arekŋeak tângombo hogoakmâ ulik gulik kâmŋe gamap. Haminân esenŋe katmap. Haminân bunŋe miawakmap. Akto bâiŋe âmâ bunŋe humo miawakmâ âlim yemap. <sup>29</sup>Âlim yendo âmâ ainâk luâk arekŋe, “Emelâk bunŋe akmâ âlim yendâp.” dâm âmâ tâwât mem arim oremap.” dâep.

#### Lâwin koaŋe aregât den.

<sup>30</sup>Hain dâm siâ hin makyenŋiep, “Anutuŋe damunyeŋe akmapgât dâpŋe gain gain makyenŋire nânŋâwerâi? Anutuŋe damunyeŋe akmap aregât keiŋe âmâ hin. <sup>31</sup>Lâwin koaŋe bâlensiâ lâwin bikŋe koaŋyeŋe aregât bikŋân gegeŋe akmap. <sup>32</sup>Gârâmâ koaŋe ire âmâ kâmetenŋe humo akmâ siânba ewangiyekmâ lâwin humomo akmap. Akto aregât bât bâtŋân lâutuŋe togo tatmai.” dâep. <sup>33</sup>Yâkŋe den keiŋe keiŋe hârok makmâ den âlepŋe are luâk âmbâle hârok togombiâ den ginŋân makyenŋim malep. Akto luâk âmbâle bikŋe nânŋâ nânŋâyeŋe dopŋân makyenŋim malep. <sup>34</sup>Dâ den miawâk âmâ bo makyenŋiep. Gârâmâ hoŋ bawalupŋe olop yeŋeâk manmâ âmâ Anutugât den aregât keiŋe are makmâ miawak yeŋiep.

#### Yesuŋe seru magaŋdo sândugiep.

<sup>35</sup>Sop ainâk emet dâgâambo hoŋ bawalupŋe hin makyenŋiep, “Nen bâtgum biken arine.” dâambo <sup>36</sup>luâk âmbâle dondâ are hepun yekmâ waŋgan âgâm ariyi. Waŋgan arimbiâ waŋga siânba watyekbiâ olop ariyi. <sup>37</sup>Bâtgum biken ariwerâm akbiâ âmâ seru humo togombo bâtgumŋe kaulem waŋga kâlegen gembo pikberâm agep. <sup>38</sup>Akto Yesu âmâ waŋga haminânŋen dâgâmŋe kautŋe korânŋe katmâ asiŋ yem tato hoŋ bawalupŋande goaŋbiâ agato hin dâyi, “Haruân gewerâm akten aregât nengât okotge nânŋât me bo?” dâyi. <sup>39</sup>Hain dâmbiâ agatmâ kinmâ seru hin magaŋep, “Nânŋâgâ.” dâambo nânŋâgâep, “Seru nânŋâgâ.” dâambo nânŋâgâambo harugât magep, “Bâin nânŋâgâm yeâk.” dâambo haru nânŋâgâm yiep. <sup>40</sup>Seru akto haru nânŋâgâm yembela hoŋ bawalupŋe hin makyenŋiep, “Wangât hamep aktâi? Bo nânŋâniŋmâ kepilâm manmâ gayi mon?” hain dâm makyenŋiep. <sup>41</sup>Hain dâambo hamep dondâ akmâ onŋâyeŋe hogombo magaŋgi goaŋgi akmâ hin dâyi, “Ire luâk me wano? Seru akto bâtgum yetgât makto laupe lokoat ire gain gain aktâp?” dâyi.

#### Yesuŋe sinduk baniara watyekto bau yeŋgât biwi yeŋân geysi.

**5** <sup>1</sup>Yesu akto hoŋ bawalupŋe waŋgan arim bâtgum hâtikom kepia siâ kotŋe Gerasene ain togoyi. <sup>2</sup>Togom waŋganba sopanmâ âgâmbiâ luâk siâ sinduk baniara bâleŋande kautŋân miep arekŋe Yesu egep. <sup>3</sup>Luâk are sum kâlegen manminep. Akto hân dâpŋân manminep. Hain akmâ manmâ metŋe akto kepia aregât ambolupŋande tâkŋe keiŋe bâtŋe



hikom mendugumini. Hain akbiâ bo akminep. <sup>4</sup>Luâkne hilâmne hilâmne keiņe båtne dâgâm mendugumbiâ tâk hâreminep. Akto tâk kârikne kotne sein arekne dâgâmbiâ oloņ akmâ âi humo mem hâreminep. Akto siânbaņe gala katberâm togombiâ kârikne akto hepunmini. <sup>5</sup>Luâk sinduk baniara bâleņande kautņân miep arekne hilâm hândâk ârândân sumân me tâumņân yem agatmâ kamboņmâ manminep. Akto kât pitim ikiņe aguminep. <sup>6</sup>Akto Yesu togombo luâk arekne Yesu kâlewângen togom mando ekmâ yâkgâlân pârigin togom enemņân kâņgoep. <sup>7-8</sup>Kâņgom kindo Yesuņe sinduk baniara bâleņe aregât hin dâep, “Gâ luâk iregât biwiņânba hepunmâ ari.” dâmbô luâk arekne kamboņmâ indem hin dâep, “Yesu, gâmâ Anutu Humogât nanņe. Anutuņe nâņgâmbô ârândân agâkgât nâņgât den loko. Gâ hâk hilâlâm âi bo niņ.” dâep. <sup>9</sup>Hain dâmbô hin magañep, “Kotge niņe.” dâm aikombo, “Nâ kotne dondâ. Nen dondâ manden aregât kotne dondâ.” dâep. Hain dâm kârikne akmâ hin ulilaņep, <sup>10</sup>“Sinduk baniara bâleņe are watyekmenâ kâlewângen bo ariwerâi.” dâep. <sup>11</sup>Akto hân are peleņņân bau dondâ siâ hemem kautne tete tâmut nem mali. <sup>12</sup>Akto sinduk baniara dondâ arekne hin magañi, “Maknengimenâ nen bau yeņgât biwiyeņân gene.” dâyi. <sup>13</sup>Hain dâmbiâ nâņgâ yeņgim, “Hepunņet.” dâmbô luâk aregât kautņânba hepunmâ âgâm bau yeņgât biwiyeņân geyi. Gemiâ bau arekne sân sân mem hemem kautņânba tu båt gum humoân gem tu nem metem moyi. Akto bau are getek bo. Dondâ 2,000 hain are geyi. <sup>14</sup>Gemiâ yekmâ damunlupyeņande arim kepia ewumâk ewumâk talep aregât ambolupne makyeņgiyi. Makyeņgimbiâ ekberâm togoyi. <sup>15</sup>Yesugâlân togo ekberâmbiâ luâk sinduk baniara bâleņe dondâne kautņân memini are nâņgâ nâņgâne hulaņ akto hâk peke lalakmâ âleņne tato togom egi. Hain akmâ tato luâk âmbâle togoyi arekne ekmâ hamep akmâ bâtyeņe dâtyeņân igim kili. <sup>16</sup>Ulik gulik egi arekne Yesuņe luâk are wan agañep akto baugât pat are makyeņgimbiâ nâņgâm Yesu hin magañi, <sup>17</sup>“Arimân in nengât hânân ire bo manben.” dâm wârakmâ hâwâtbiâ ariep. <sup>18</sup>Arim waņgan âgâmbô luâk sinduk baniaņe mem hepuli arekne hin dâep, “Nâ gâ olop arire.” dâep. <sup>19</sup>Hain dâm magañdo Yesuņe hin magañep, “Bo. Kepiagângen arim ginbailupge olop manmâ Anutuņe okot nâņgâ giņdâp iregât makyeņgiwen. Akto Anutuņe gâņgâlân kulem humo mem heņgem guguâp iregât pat luâklupge makyeņgiwen.” dâm dengoep. <sup>20</sup>Hain dâmbô purik katmâ arim Yesuņe wan agañep aregât denņe kepia bāt biken hârok ain makyeņgim malep. Makyeņgimbo nâņgâmbiâ dâtne akto bâtyeņe dâtyeņân igim kili.

**Yesuņe dâmbô den emetnaet damun luâk siâ  
yâkgât baratne siâ momoņânba agalep.**

<sup>21</sup>Yesu akto hoņ bawalupne purik katmâ togom waņganba sopanmâ gem nupiân kinbiâ luâk âmbâle dondâne ekberâm togo menduguyi. <sup>22</sup>Hain



akmâ kinbiâ den opmânjaet damun siâ kotje Yairo, arekje togom ekmâ enemjan tatmâ kângeop. <sup>23</sup>Hain akmâ kârikje akmâ hin maganep, “Baratne momberâm aktâp. Gâje gutmâ bätgande howaimenâ âlepje agâk.” dâep. <sup>24</sup>Hain dâm maganjo nânġâm olop ariyat. Arimbela luâk âmbâle biwirâ Yesu ekberâm togo ewumâk kinmâ olop ariyi. <sup>25</sup>Yesu watmâ arimbiâ are yengât hutyejan âmbâle siâ ariep. Yâkgât keije hin. Âmbâle yengât dewutâ gambo kundat akmai dop hain bo akminep. Hilâm ârândânġ gembo mando hombanġ keiân lâuwâ bo agep. <sup>26</sup>Hain akmâ manmâ dokta yengâlân arimbo kundatje bo agâkgât âi membiâ bo akto kundat humo akto malep. Akto kundatje bo agâkgât puli are dokta yengimbo puli bo akto kundat hainâgâk yendo hombanġ keiân lâuwâ akto humo akmâ hainâk yiep. <sup>27</sup>Hainâk manmâ Yesugât patje nânġâm luâk âmbâle arimbiâ are hutyejan arim Yesu howaiwerâm agep. <sup>28</sup>Arim hin nânġâep, “Nâ sâġgumneâk howaim âlepje akberân.” dâep. <sup>29</sup>Hain nânġâm howaim ainâk âlepje akto nânġâep. <sup>30</sup>Âlepje akto Yesuje hin nânġâep, “Siâje togom nânġât kârikjene mem âlepje aktâp.” dâm nânġâm purik katmâ hin aiyenġuep, “Nânġât sâġgum niġande howaiâp?” dâep. <sup>31</sup>Hain dâmbo hoġ bawalupġande hin maganġi, “Luâk âmbâle dondâ howai gekbiâ nânġât are konokje bo howai gektâp. Wangât hain maktât?” dâyi. <sup>32</sup>Hain dâm maganġiâ yâkje purikatmâ âmbâle are ekberâm wâragep. <sup>33</sup>Akto âmbâle kundat bo agep arekje nânġâm hamewakmâ hâkje sân sân mendo togom enemjan kânġgom ikiye keije hârok maganep. <sup>34</sup>Hain akmâ maganjo nânġâm hin maganep, “Meġ, nânġâniġdâtġât nâ hin makġiġbe. Kambiamge sândugembo arim hâk hilâlâm bo nânġâm manben.” dâep. <sup>35</sup>Hain dâm maganġmâ kindo luâk bikġande Yairo areġât emelanba togom hin dâyi, “Baratge mondâp areġât Humonenje bo hâwâtmenâ inâk talâk.” <sup>36</sup>Hain dâmbiâ nânġâm Yesuje den opmânjaet damun are hin maganep, “Biwige nânġâlân katmâ âmâ bo hamewak.” dâep. <sup>37</sup>Hain dâm siânba hepun yekmâ Petoro, Yakobo, akto Yakobogât emiġe Yohane, areâk meyekto ariyi. <sup>38</sup>Arim den opmânjaet damun areġât emelan peniaġi. Emelan togombiâ luâk âmbâi gulip tatmâ umbi mem âġâ indem tali. <sup>39</sup>Hain akmâ tatbiâ emet kâlegen âġâm yekmâ hin makyenġiep, “Ye wangât togo indem tatâi? Âmbâi sitnan ire bo mondâp âmâ yân asiġ yendâp.” <sup>40</sup>Hain dâmbo nânġâm giriġaġi. Giriġbiâ âmâ Yesuje, “Ekeġet.” dâm watyekto betgen ge kili. Kinbiâ âmbâi sitnan areġât memeġe eweġe akto hoġ bawalupġe âlâwu oloġyekto âmbâi sitnan areġât ġinġân guli. <sup>41</sup>Gutmâ âmbâi sitnan areġât enemjan kinbiâ bätġân mem ikiye denân hin dâep, “Talita kumi.” dâep. Amâ den purikje hin, “Âmbâi sitnan makġiġdere agat.” dâep. <sup>42</sup>Hain dâmbo ainâk agatmâ bam gulep. Âmbâi sisik are âmâ hombanġe keiân lâuwâ. Akto luâk âmbâle arekje ekmâ bätyeġe dätyejan igiyi. Akto âmbâi sisik arekje âlepje akmâ bam guto areġât hin dâep, <sup>43</sup>“Iregât bo makyenġiwei.” dâm kârikje makmâ hâreyenġiep. Hain akmâ âmbâi sitnan areġât hin dâep, “Sot om waġbiâ neâk.” dâm makyenġiep.

**Nasarete kepian gâtjande Yesu hâkânje agi.**

**6** <sup>1</sup>Ainba Yesuje ikinjaet kepian ariwerâmba hoj bawalupje olop ariyi. <sup>2-3</sup>Arim manbiâ âmâ âi bo mem sopje miawakto den opmânjân âgâm den makyengjiep. Makyengimbo âmâ luâk âmbâle dondâje nângâmbiâ dâtje akto hin dâyi, “Luâk ire amâ in gâtje. Ulikjân emet ketugum manminep akto memenje âmâ Maria, akto emilupje âmâ kotyerje Yakobo, Yose, Yudasi, akto Simon, akto garilupje nen olop in manmaen aregât yâkgât keije nângâmaen ina nijande kulem keije ire hekalajep. Nângâ nângâje humo akmap ire yâgâtenba mem togoep. Kulem mendo nen ekmâ kambiamnenje agatâp.” dâm bâtyenje igim kili. Hain dâm nângâmbiâ kambiamyerje bâliep. Hain akmâ Yesu ingâtje dâmbiâ <sup>4</sup>aregât hin makyengjiep, “Luâk siâje kepia biken biken arim Anutugât keije makyengimbo nângâmbiâ humo akmap. Dâ ikinjaet kepia me emetjân arim ginbailupje makyengimbo nângâmbiâ gemap.” dâep. <sup>5</sup>Hain dâm âmâ kundatdâ konok konok meyekto âlepje agi. <sup>6</sup>Akto Yesugât nângâmbiâ giep aregât Yesuje nângâmbo dâtje agep. Hain akmâ ikinjaet kepia hepunmâ kepia siân siân arim kepia are ambolupje den pat âlepje makyengjiep.

**Yesuje aposololupje hungunyengimbo âi keije kali.**

<sup>7</sup>Kepia siân siân arim hoj bawalupje keiân lâuwâ are lâuwâk lâuwâk hungunyengim hin makyengjiep, “Makyengire nângâjet. Kepia siân siân arim nâje meme akyengire nângât kâriknân kinbai. Aregât hungun yengire lâuwâk lâuwâk akmâ kepia siân siân arim âmâ sinduk baniara bâleje watyengijet. <sup>8</sup>Akto ariwaiân âmâ sot me ito me puli sângum dondâ bo mem ariwei. <sup>9</sup>Akto kei peke luguakbai are akto sângum luguakbai arekne konok hâkyenân tatbiap akto tânagum ariwaigât huwan konokneâk panmâ tânagum sângum konogâk lugu akmâ ariwei. <sup>10</sup>Akto ariwaiân kepian arim âmâ emet konogân asiñ yembei. Akto emet hanâk hanâgân bo âgâm manbei. <sup>11</sup>Dâ kepia siân arimbiâ wan me wan denje makyengimbiâ âmâ nângâmâk bo akmâ gasa akyengimbiâ âmâ ariwerâmân Anutuje hâuje yengiwiap aregât dop akmâ keiyenân hamañ siâ tatbiap are tâlim pulimbiâ gewiap.” dâm lâuwâk lâuwâk hungunyengjiep. <sup>12</sup>Hain dâm hungun yengimbo lâuwâk lâuwâk akmâ arim luâk âmbâle hin makyengiyi, “Bâleyenje makmâ miawakmâ âmâ hepunjet.” dâm makyengiyi. <sup>13</sup>Akto sinduk baniara bâleje watyengim mali. Arim hain akmâ manmâ makyengimbiâ luâk kundatdâ togombiâ lâwin hâjemje puliyekmâ âlepje akjet dâmbiâ âlepje agi.

**Heroteje makto Yohane kombiâ moep.**

<sup>14</sup>Yesugât hoj bawalupjande hain akbiâ pat arekne sambelembo luâk dondâje nângâyi. Nângâm âmâ bikjande Yesugât hin dâyi, “Yohane tu puli yengjiep are luâk kembu nenje Herote, yâkne kondo moep

arekŋe sumâmba agatmâ mandâp. Luâk ire Yohane moep arekŋe golâ akmâ agatmâ yu mandâp ire.” dâyi. <sup>15</sup>Hain dâmbiâ bikŋande Yesugât patŋe nâŋgâm hin dâyi, “Propete luâk kotŋe Elia arekŋe purik katmâ gem mandâp.” dâyi. Dâ bikŋande âmâ hin dâyi, “Propete luâk ulikŋân moyi are yeŋgâlân gâtŋande mandâp.” dâyi. <sup>16</sup>Akto Heroteŋe hin dâep, “Yohane hanŋe hâreân arekŋe momoŋânba agatmâ mandâp.” dâep.

<sup>17-18</sup>Aregât keiŋe hin. Herote are akto luâk siâ Pilipo, emiteu are tatminiat. Akto ulikŋân Pilipo arekŋe âmbenŋe kotŋe Herodia miep. Mendo âmâ âmbâle arekŋe luâkŋe Pilipo hepundo kandâŋe Herote, are olop meakbela aregât Yohaneŋe nâŋgâm hin dâep, “Den kârikŋe kom kandâge memenâ bâliâp.” dâep. <sup>19</sup>Hain dâmba aregât âmbâle Herodia arekŋe âmâ Yohanegât nâŋgâm bâlim gain gain akmâ kombe dâm âsim manminep. Komberâm nâŋgâm kinmâ luâkŋe hâwâto kala busi kâlegen kato talep. <sup>20</sup>Dâ luâkŋe Herote arekŋe âmâ Yohanegât den are nâŋgâm han lâuwâ akmâ hin nâŋgâep, “Luâk ire âmâ Anutugât lauŋe lokom agak meme âlepŋeâk mem manmap.” dâm denŋe nâŋgâm herote akmâ benŋe han lâuwâ agep. Hain akmâ luâk âlepŋe dâm damunŋe agep. <sup>21</sup>Hain akmâ Herote miawagepŋe sopŋe akto luâk kembu akto tembe lokolupŋe yeŋgât humomolupyeŋe akto luâk kautŋe kautŋe me Galilaia yeŋgât humoyeŋe mendugu yekmâ sot om yeŋgiep. <sup>22</sup>Sot om yeŋgimbo mendugum nem tatbiâ âmbenŋaet baratŋe âmbâi sigan arekŋe hutyeŋân kinmâ kep keŋgu koep. Hain akto âmâ kambiam yeŋe âlepŋe akto aregât Heroteŋe hin dâep, “Barat, wan me wangât nâŋgâm makniŋmenâ nâ âlepŋe giŋbian. <sup>23</sup>Anutugât dewunŋân makŋiŋdere nâŋgâ. Wan me wan ekmâ ulitniŋmenâ are âlepŋe giŋbian. Amâ nâŋgâ yâkŋe hân niŋâk dâm ulit niŋmenâ are âkâ bikŋe potatmâ giŋbian.” <sup>24</sup>Hain dâm magaŋdo âmbâle arekŋe arim memeŋe hin magaŋep, “Luâkgande wan me wan hârok niŋberâm aktâp aregât wangât ulilaŋbe?” dâmba memeŋande hin dâep, “Luâk tu puli keiŋe kalep kotŋe Yohane, aregât kautŋe hârem niŋ dâmenâ hârem giŋâk.” dâep. <sup>25</sup>Hain dâm magaŋdo âmbâle sigan arekŋe pârigim luâk kembugâlae arim ulilaŋmâ hin dâep, “Gâ Yohane hanŋe hârem kautŋe kondoân katmâ niŋ.” dâep. <sup>26</sup>Dâmba âmâ luâk kembu are biwiŋe dondâ bâliep. Dâ magep are Anutŋe nâŋgâep aregât nâŋgâm den koko bo agep. Akto luâk tali are yeŋgât dewunyeŋân denŋe gewopgât magep hain agep. <sup>27</sup>Hoŋ bawaŋe siâ tâwât amboŋe are huŋganaŋdo tâwât mem arim kala busi kâlegen âgâep. <sup>28</sup>Âgâm Yohanegât hanŋe hârembo mondo kautŋe kondoân katmâ mem gutmâ âmbâi sigan are waŋep. Waŋdo mem memeŋalae lokom ariep. Lokom arim memeŋe waŋdo miep. <sup>29</sup>Mendo âmâ Yohanegât hoŋ bawalupŋande pat are nâŋgâm ari hâkŋe mem hangoyi.

### Yesuŋe luâk 5,000 sot yeŋgimbo neyi.

<sup>30</sup>Yesugât hoŋ bawalupŋe kepiaŋe kepiaŋe arim den pat âlepŋe are makyenŋim manmâ purik katmâ Yesugâlân togoyi. Yâkgâlân mendugum

kinmâ wan me wan agi me den makyenjiyi aregât pat hârok mem magani. <sup>31</sup>Akto sop ain luâk âmbâle dondâŋe Yesu ekberâm togom ekmâ purik katmâ ariyi. Hain akbiâ aregât hoŋ bawalupŋande hin maganŋi goanŋi agi, “Gulip nengumbiâ gain gain sot nemberen.” dâyi. Hain dâmbiâ Yesuŋe hin dâep, “Bâin pumângen arine. Luâk dondâŋe togombiâ aregât pumângen nenŋeâk ari manmâ hâk mem biwiyenŋe sândugeâk.” dâep. <sup>32</sup>Hain dâmbo yenŋeâk waŋgan âgâm pumângen ariwerâm akmâ ariyi. <sup>33</sup>Arimbiâ luâk âmbâle kepia siânba siânba togoyi arekŋe yekmâ nânŋâm yâkŋe soŋ dowâk pârigim bâtŋum ginŋân togoyi. <sup>34</sup>Togom kinbiâ waŋganba sopanmâ gem yekmâ hin dâep, “Luâk âmbâi dondâ ire yenŋât damun bo mandâi.” dâm okotŋe nânŋâep. Hain akmâ den pat âlepŋe are makyenŋiep. <sup>35</sup>Makyenŋim kindo emet dâgâwerâm akto hoŋ bawalupŋande hin dâm magani, “Ire âmâ pumângen mandenŋe dewutâ gewerâm aktâp <sup>36</sup>aregât huŋgun yenŋimenâ ariŋet. Hân iren aŋŋim nene emetŋe bo kindâp aregât huŋgun yenŋimenâ kepia siân siân arim ain sot puligom nenŋet.” dâyi. <sup>37</sup>Hain dâmbiâ Yesuŋe hin makyenŋiep, “Yenŋeak sot yenŋiŋet.” dâmbo hin dâyi, “Nen gain gain lauge lokoweren? Luâk âmbâle kâmot ire yenŋât sot âmâ 2,000 kina hainŋe puligoenŋe ârândâŋ bo akyenŋiwerâp aregât gain gain lauge lokoweren?” dâyi. <sup>38</sup>Hain dâmbiâ hin makyenŋiep, “Yenŋât sot amon tatyenŋiâp? Ba ekmâ gutmâ makniŋet.” dâmbo bam oyaŋmâ ekmâ gutmâ hin magani, “Nenŋât sot momerâk akto iŋan lâuwâ tatâp.” dâyi. <sup>39</sup>Hain dâmbiâ, “Hârok kâmot ikiŋeâk ikiŋeâk umiliŋ kakŋân ain ge tatŋet.” dâep. <sup>40</sup>Hain dâmbo hainâk kâmot 50 âk hârok ain ain tatmâ ariyi. <sup>41</sup>Hain akbiâ sot are mem himbimân dewunŋe panmâ Anutu mepaiŋe miep. Hain makmâ sot are munditmâ hoŋ bawalupŋe yenŋimbo potatmâ lokom bam luâk âmbâle tali are yenŋiyi. Akto iŋan hainâk yenŋiep. <sup>42</sup>Yenŋimbo nem tepyeŋe pigep. <sup>43</sup>Nem tepyeŋe pikto hoŋ bawalupŋande pipiŋe haka keiân lâuwâ lugumbiâ pigep. <sup>44</sup>Akto luâk 5,000 hain arekŋe sot neyi.

### Yesuŋe bâtŋum kakŋân ariep.

<sup>45</sup>Akto Yesuŋe hoŋ bawalupŋe hin makyenŋiep, “Yenŋe soŋ waŋgan âgâm Besaida kepian arimbiâ âkâ nânŋe luâk âmbâle ire huŋgun yenŋire ariŋet.” dâep. Hain dâmbo hoŋ bawalupŋe waŋgan âgâm bâtŋum biken kepia kotŋe Besaida ain ariwerâm akbiâ Yesuŋe luâk âmbâle ain kili are hin makyenŋiep, <sup>46</sup>“Bâin ariŋet.” dâmbo arimbiâ gimbanŋân âgâm ikiŋak Anutu maganmâ talep. <sup>47</sup>Hain akmâ tato emet dâgâambo hoŋ bawalupŋe emelâk haru tânâmŋânŋen arim manbiâ Yesu ikiŋak gimbanŋânba gem bâtŋum ginŋân kinmâ yegep. <sup>48</sup>Yekto seru humoŋe meyekto gain gain akmâ arine dâm âi humo mem tatbiâ emet hauŋberâm agep. Hain akto hândâk pipiŋe tatoâk bâtŋum kakŋân tâlim tâlim ari ewanŋiyekberâm agep. <sup>49</sup>Hain akto hoŋ bawalupŋande ekmâ, “Hat sinduk togoâp.” dâm

hamewakmâ dâtyeje igim ongâyeje hogombo kamboji. <sup>50</sup>Hain akbiâ nânġâm ainâk hin dâep, “Nâje togoân. Bo hamewaknet. Kambiamyeje sândugeâk.” dâep. <sup>51</sup>Hain dâm waŋgan âġâmbo ainâk seru nânġâmbo ekbiâ bimbiâk agep. <sup>52</sup>Akto sot munditmâ yeŋgiep areġât keije nânġâm heŋgemgoyi dâine wan me wan areġât nânġâmbiâ dâtje bo akbop.

<sup>53</sup>Bâtġum hâtikom metem Genesaret hânân togom waŋga hikombiâ kilep. <sup>54</sup>Kindo luâk âmbâle togom ainâk Yesu ekmâ nânġâyi. <sup>55</sup>Ekmâ nânġâyi areġât kepia ewumâk ewumâk ain purik katmâ pârigim arim kundatdâ temân katmâ lokoyekmâ togoyi. Hain akmâ kundatdâ yâġâten tatâi dâm undâġât yeŋgim arewa temân katmâ lokoyekmâ Yesugâlân togoyi. <sup>56</sup>Togom âmâ Yesuje kepia humo me bâlensiâ me pâloŋângen ain togom kilep aregen kundatdâ kâmotdâk katbiâ yembiâ Yesu ulilaŋmâ hin dâyi, “Ġânġât sâŋgumge howaim âmâ âlepje aknet.” dâmbiâ, “Âlepje.” dâep. Hain dâm kindo bikŋande howaimbiâ heŋgem yeŋguez.

### Sotje biwinenje bo hilip komap.

**7** <sup>1</sup>Akto Parisaio akto Moseġât den kârikje makmâ miawagi are bikje Yerusalem kepiansa togo Yesugâlân menduguyi. <sup>2</sup>Mendugum tatbiâ Yesugât hoŋ bawalupŋande bâtyeje bo pulim sot nembiâ yekbiâ ârândân bo agep. <sup>3</sup>Amâ Parisaio luâk akto Yuda luâk yâk hârokje bâġilupyeje yeŋġât den lokom sot nemberâm akmâ bâtyeje pulimâk sot nemini. <sup>4</sup>Akto aŋgim nene emetjânba purik katmâ togom hainâk tu puliak puliak bâlâk sot bo nem manmini. Akto areâk bo. Bâġilupyeje yeŋġât den lokom umbâ akto kondo me sot kat katġât are tu pulimini. <sup>5</sup>Akto Yesugât hoŋ bawalupje yekbiâ ârândân bo ageġât Parisaio akto Moseġât den kârikje makmâ miawagi arekje Yesu hin magaŋi, “Wei, hoŋ bawalupgande wangât bâġilupnenje yeŋġât den bo lokom bâtyeje tuân bo pulim yân sot mem nendâi?” dâm magaŋi. <sup>6</sup>Hain magaŋbiâ Yesuje hin makyenġiep, “Ulikjân Yesaia arekje yeŋġât keiyeje nânġâm hin kulemgoep are tatâp.

Anutje hin dâep, “Luâk kâmot irekje lauyeŋandeak gangerânekmâ maŋganekmai. Dâ han biwiyenande âmâ hepun nekmâ sârekonekmai. <sup>7</sup>Nânġât den kârikje panmâ areġât dumjân luâġât den yânje are bunjerâm makmâ kepikmai are nânġâm hâkneak nânġât kotne mem agatbiâ ektere yânje akmap.” dâep.

<sup>8</sup>Yesaije hiaŋgi luâk yeŋġât hain kulemgoep areġât dopje akmâ ye Anutugât den are panmâ luâk yeŋġât den are lokom manmai. <sup>9</sup>Yeje yeŋġât dengât nânġâmbiâ humo aktâp. Dâ Anutugât den nânġâmbiâ geâp. <sup>10</sup>Areġât Moseje hin dâep, “Ġâ memege ewege amukyetjân manmâ den bâleje makyetkimenâ âmâ humomolupgande gugumbiâ mombiat.” dâep. <sup>11</sup>Ġârâmâ yeje âmâ areġât den panmâ hin makmai, “Luâk siâje eweje memenje amukyetjân tatmâ manmâ eweje memenje hin makyetkiwiap,

Emelâk tânyetkuân gârâmâ hepun yelekâmâ wan me wan yu yetkiwerân ire âmâ Anutugât pat katberân. <sup>12</sup>dâmbo nengât denŋe are mem kârikŋe ketugumbo memenŋe eweŋe bo tânyetkumbo ârândân akbiap.” ye hain dâmai. <sup>13</sup>Ye hain dâm Anutugât den kombiâ gembo yeŋaet den makyenŋimbiâ sambelem arimap are ârândân bo akmap. Akto areâk bo. Siâ siâgât hainâk Anutugât den kom âmâ yeŋe den mem manmai.” Yesuŋe Parisaio akto Mosegât den kârikŋe makmâ miawakmini are hain makyenŋiep.

**Wan me wan bâleŋaet nânŋâm makmaen arekŋe  
âmâ heleŋ bâleŋe aknengimap.**

<sup>14</sup>Yesuŋe hain dâm luâk âmbâle yekmâ siâkâ togoŋet dâmbo togombiâ hinâk makyenŋiep, “Nâ makyenŋire luâk âmbâle ye hârok nânŋâŋet. <sup>15</sup>Wan me wan tepyeŋân gemap are âmâ kâmbokŋe bo akto bâleŋe bo akmap. Dâ den bâleŋe makmai arekŋe âmâ luâk mem bâliyekmap. <sup>16</sup>Gârâmâ ye den ire nânŋâm biwiyenân katmâ heŋgemgom manbei.” Yesuŋe hain dâep. <sup>17</sup>Hain dâm luâk âmbâle hepunyaekmâ emelan âgâmbo hoŋ bawalupŋande den ginŋe magep aregât aikoyi, “Hinŋe maktât are keiŋe gain gaingât maktât?” dâyi. Hain dâmbiâ hin makyenŋiep, <sup>18</sup>“Woe, ye nânŋâ nânŋâyeŋe bâlâk mandâi hainare me? Wan me wan nembîâ tepyeŋân gemap arekŋe bâleŋe bo akmap. A bonânŋâi mon? <sup>19</sup>Akto wan me wan nembîâ arekŋe nânŋâ nânŋâyeŋe bo tângomap, are yân tepyeŋân gem potalakto panmai.” dâep. Akto magep aregât keiŋe âmâ hin. Sot hârok âlepŋe akto nendenŋe bâleŋe bo akmap. <sup>20</sup>Akto Yesuŋe lâuwâŋe hin dâep, “Wan me wan bâleŋaet nânŋâm makmai arekŋe âmâ heleŋ bâleŋe akyenŋimap. <sup>21</sup>Luâkgât kambiamŋânba me hanŋânba hinâk gamap. Nânŋâ nânŋâ bâleŋe me egâliariŋ keiŋe keiŋe me âiân kâmbu, me kuk heŋgân me âmbâle mem hepun hepun akmai. <sup>22</sup>Akto ukenŋe kotŋe siâ siâ bâleŋe hianŋi, âgâ âgâŋe bâleŋe me galagât hogo hogo me hâk mem agat agat me kopa agak meme. <sup>23</sup>Are hârok yu maktân irekŋe âmâ nânŋâ nânŋâyeŋânba heleŋ bâleŋe akmâ luâk âmbâle hilip yeŋgumap.” dâep.

**Âmbâle siâŋe Yesu ulilaŋep.**

<sup>24</sup>Hain dâm kepia are hepunmâ Tiro akto Sidonŋ ginŋân are yeŋgât hânân togoep. Togom siânbaŋe nânŋgât pat nânŋâwâi dâm yoŋâk emet siân âgâep. Âgâmbo patŋande sambelem arieŋ. <sup>25-26</sup>Akto ainâk âmbâle siâ Girik âmbâle Siria hân aregât amboŋe arekŋe patŋe nânŋâm togoep. Âmbâle aregât baratŋe sinduk baniara bâleŋe siâŋe kautŋân mendo tato aregât togoep. Âmbâle kepia siân gâtŋe arekŋe togom enemŋân kânŋgom ulilaŋmâ hin dâep, “Sinduk baniara bâleŋe watmenâ baratnaet kautŋânba hepunmâ ariâk.” dâep. <sup>27</sup>Hain dâmbo hin magaŋep, “Nenŋe

âmâ nanan soj sot om yengimaen. Nanan sot bâlâk tatbâi dâm dua soj bo yengimaen.” dâep. <sup>28</sup>Hain dâmbo âmbâle arekne hin magep, “Kembu, bundâk maktât are nângân amâ nananjupnenjande soj sot nem tatbiâ sot pipiñe gembo âmâ duane hanâk nemai.” <sup>29</sup>dâmbo Yesuñe hin maganej, “Den hain maktât aregât nângâ giñdân. Gârâmâ gâ emetgân ari. Sinduk baniara bâlene arekne baratge emelâk hepundâp.” dâep. <sup>30</sup>Hain dâmbo emetñân arim sinduk baniara arekne baratñe emelâk hepundo welamñân yendo egep.

### Yesuñe makto luâk kopa den bo makminep siâ den magep.

<sup>31</sup>Yesuñe Tiro kepiamba purik katmâ Sidonj kepia ewangim togo Galilaia bätgum hâlânñmâ kepia bät bip bip hârok tali are yengâlân togoep. <sup>32</sup>Ain togombo luâk ondopñe bokbokñe kopa den bo makminep siâ tatminep are mem yâkgâlân kewugum arim bätgande mem howai dâm ulilañi. <sup>33</sup>Hain dâm ulilañbiâ nângâm kâmot humo hepun yekmâ kewugumbo ariyat. Arimbela bätñande ondopñân katmâ benñe bätñân tâwutkom elewetñân miep. <sup>34</sup>Hain akmâ âmâ himbimân ekmâ herâm, “Epata.” dâep amâ den purikñe ondopge pâronj âgâk hain dâep. <sup>35</sup>Hain dâmbo ondopñe pâronj âgâm elewetñe purik âgâmbo den agep. <sup>36</sup>Den akto bikñande nângâyî aregât, “Iregât pat bo makyenjiwei.” dâep. Hain dâm makyenjiñe yâkñe kârikñe akmâ makbiâ sambelembo luâk âmbâle hârokñe nângâyî. <sup>37</sup>Akto ekbiâ dâtñe akto maganji goanji akmâ hin dâyi, “Wan me wan mendo ârândâñâk hârok akmap. Ondopyenñe bok bokñe pâronj âgâk dâmbo pâronj âgâmap. Akto luâk denyenñe bo yengât makto den âlepñe akmai. Akto kotñe siâ siâ hârokgât makto âlepñeâk hârok akmai.” dâyi.

### Yesuñe luâk 4,000 sot yengimbo neyi.

**8** <sup>1</sup>Sop ain luâk kâmot humo arekne lâuwânñe Yesugâlân mendugum sot bâlâk tatbiâ hoj bawalupñe hin makyenjiñe, <sup>2</sup>“Gutñet. Nâ luâk âmbâle ire yekmâ okot nângân. Yâkñe nâ olop mandenñe hilâm âlâwu akto sot bâlâk mandâi. <sup>3</sup>Siânbañe hân kâlewângenba togoyi aregât hunjun yengire arim sotgât dâwân dewun biri yenguwop.” dâep. <sup>4</sup>Hain dâmbo hoj bawalupñande hin maganji, “Hân pumân ire angim nene emetñe bo tatâp aregât sot humo wanânba mem miawakmâ yengiweren?” dâyi. <sup>5</sup>Hain dâmbiâ Yesuñe hin makyenjiñe, “Yengâlân sot koañe amon kindâp?” dâmbo, “Nâmbulân lâuwâ.” dâyi. <sup>6</sup>Akto “Luâk âmbâle hârok hânân tatñet.” dâmbo tatbiâ sot nâmbulân lâuwâ are mem Anutu mepainñe miep. Mepainñe mem sot are munditmâ hoj bawalupñe yengimbo kalem katmâ luâk âmbâle yengiyi. <sup>7</sup>Akto iñan amonsiâ talep arekâ mem hainâk Anutu maganñmâ gâim potatmâ hoj bawalupñe hin makyenjiñe, “Ire yengijet.” dâmbo hain agi. <sup>8</sup>Luâk âmbâle arekne nem tepyenñe pikto sot pipiñe hânân giep are pitim haka



nâmbulân lâuwâ lugumbiâ pigepe. <sup>9</sup>Luâk 4,000 hain are sot are neyi. Akto hunḡun yengimbo purik kali.

**Yesuḡe kulem mendo ekneḡât makbiâ bo dâep.**

<sup>10</sup>Luâk âmbâle arekḡe arimbiâ ainâk hoḡ bawalupḡe olop waḡḡan âḡâm arim Dalimantuta kepiantogoyi. <sup>11</sup>Ain togom waḡḡanba sopanmâ gembiâ Parisaio luâkḡe togom hin dâyi, “Makmenâ himbimânba kulem siâ miawakto ekne.” dâm maganmâ dop koyi. <sup>12</sup>Hain dâm hianḡbiâ biwi umatḡe akto nânḡâm herâm hin makyenḡiepe, “Kulem miawagâkḡât egâliantmai amâ nânḡâre ârândân bo aktâp. Luâk âmbâle hârokḡe kulem gâlâk nânḡâmai gârâmâ kulem siâ bo hekat yengiwian.” dâep. <sup>13</sup>Hain dâm hepun yekto waḡḡan âḡâm bātḡum biken arim mali.

<sup>14</sup>Waḡḡan âḡâm arim sotḡât nelâm yengimbo sot koaḡe konok waḡḡan yiepe. <sup>15</sup>Yendo hin makyenḡiepe, “Ye Parisaio akto Herote yâkḡe yengât matuk pipikom nema are nânḡâm hanokoak akbei.” dâep. <sup>16</sup>Hain dâmbō yâkḡe den areḡât keiḡaet pâpkom maganḡi goanḡi akmâ hin dâyi, “Ire âmâ sotḡât nelâm nengimbo togoen areḡât maknengiaḡ me gain?” dâyi. <sup>17</sup>Hain dâmbiâ nânḡâm hin makyenḡiepe, “Ye wangât hain dâi? Ye ireḡât keiḡe bo nânḡâm heḡḡemgoâi me? Hanyenḡe kârikḡe aktâp mon?” <sup>18</sup>Ye âmâ ekmai amâ bo ekmâ nânḡâmai. Akto nânḡâmai amâ bo nânḡâm heḡḡemgomai. Ye wan me wan ekmâ nânḡâm âmâ benḡe wangât dowâk nelâm yengimbo manmai? <sup>19</sup>Nânḡe sot momerâk potatmâ luâk 5,000 yengire nembia pipiḡe yendo membiâ haka amon ge pigepe?” dâep. Hain dâm aiyenḡumbo, “Keiân lâuwâ.” dâyi. <sup>20</sup>“Dâ sot nâmbulân lâuwâ kalem katmâ luâk 4,000 yengire nembia pipiḡe yendo membiâ haka amon ge pigepe?” dâmbō, “Nâmbulân lâuwâ.” dâyi. <sup>21</sup>Hain dâmbiâ hin makyenḡiepe, “Areḡât keiḡe boâk nânḡâm heḡḡemgoâi mon?” dâep. <sup>22</sup>Hain dâmbō Besaida kepiantogoyi.

**Yesuḡe dâmbō luâk dewunḡe bokbokḡe siâḡe hârok ekmâ metiepe.**

Togombiâ kepia ambolupḡande luâk dewunḡe bokbokḡe siâ mem Yesugâlân togom bātḡande howaiâkḡât ulilani. <sup>23</sup>Ulilanḡbiâ luâk dewunḡe bokbokḡe are bātḡân mem kepia ginḡâḡen ge kinmâ dewunḡân tâwutkom pulianmâ bātḡe katmâ hin aikoep, “Wan me wan siâ ektât me bo?” dâep. <sup>24</sup>Hain dâmbō dewunḡe panmâ ekmâ hin dâep, “Nâ luâk yektere lâwin hinare akmâ arim togom tatâi.” dâep. <sup>25</sup>Hain dâmbō bātḡande dewunḡân lâuwânḡe howaimbo luâk arekḡe âlepḡe akmâ dewunḡe pagalembo tâlâwâḡân me kâlêwân siâ siâ hârok ekmâ metiepe. Hain akto Yesuḡe hin maganḡe, <sup>26</sup>“Gâ arim âmâ kepia humoân bo âḡâm yoḡâk emetḡân ariwen.” dâm maganmâ hunḡun aḡdo ariep.

**Petoroḡe Yesugât keiḡe makmâ miawagepe.**

<sup>27</sup>Arimbo yâk hoḡ bawalupḡe olop Kaisarea Pilipo hân areḡât kepia siâ siâ ewanḡiyekmâ ariyi. Arim manmâ hoḡ bawalupḡe aiyenḡum hin dâep,



“Luâkne nângât keine gain gain dâm magan̄gi goan̄gi akbiâ nângâmai?” dâmbo hin dâyi, <sup>28</sup> “Siânbaŋe âmâ Yohane tu puli luâk are dâmai. Dâ siânbaŋe âmâ Elia dâmai. Dâ bikŋande âmâ propete siâ dâmai.” dâyi. Hain dâmbiâ hin dâm makyen̄giep, <sup>29</sup> “Dâ yeŋeak âmâ nângât niŋe dâmai?” dâmbo Petoroŋe hin magan̄ep, “Anutuŋe hoŋ bawane huŋgun aŋdo gewiap dâmai are amâ gâ.” dâep. <sup>30</sup> Hain dâmbo den kârikne hin makyen̄giep, “Luâk bikŋe ire bo makmâ miawak yeŋgiwai.” dâep.

### Yesuŋe mom agatbiapgât makyen̄giep.

<sup>31</sup> Akto hilâm ain keiŋe katmâ den hinâk makyen̄giep, “Luâk humomolupyene akto sumbe kat kat luâk akto Mosegât den makmâ kepigi yâkne mendugum luâk akmâ geân nâ haminiŋmâ mem hâk hilâlâm niŋbiâ mondere hilâm âlâwu akto momoŋânba agatbian.” dâep. <sup>32</sup> Den are makmâ miawak yeŋgimbo nângâm Petoroŋe kuk akmâ Yesu giŋŋângen kewugum gem den kârikne kugâk kugâk magan̄ep. <sup>33</sup> Hain magan̄do purik katmâ hoŋ bawalupŋe yeŋgâlân dewunŋe panmâ Petoro den kârikne agan̄mâ hin dâep, “Gâ Niambi aregât eke. Akto maktât are âmâ luâk nângâ nângâ hainare aktâp. Anutugât den bo.” dâep.

<sup>34</sup> Hain magan̄mâ Yesuŋe luâk dondâ mali are akto hoŋ bawalupŋe yekmâ, yeŋgondo togom mendugumbiâ hin makyen̄giep, “Luâk siâŋe nâ watnekberâm âmâ han hâkŋaet siâ me siâ are hamian̄mâ lâwin parâŋe lokom watnekbiâp. <sup>35</sup> Luâk siâŋe manmanŋe gangerâmbo âmâ gulip agan̄biap. Dâ luâk siâŋe nângât akmâ pat âlep dengât hâk biwiŋe kondo âmâ miawagan̄biap. <sup>36</sup> Dâ luâk siâŋe hângât egâlianj delem me ito mem manmâ âmâ manmanŋe mesokto gulip koan̄biap. Amâ wan âlepŋe miawagan̄biap? <sup>37</sup> Akto luâk siâ Anutu hamian̄mâ manmap aregât hâmbâi Anutu manmawân ariwiapgât dop bo tatâp. <sup>38</sup> Akto kâmot agak meme bâleŋe akmai are yeŋgât hutyeŋân siâŋe manmâ hin dâwiap, “Yesu akto ikiŋe dengât hâkâŋ akmâ mandân.” dâm haminiŋdo âmâ benŋe hainâk luâk akmâ geân nâ lâuwâŋe gem ewenaet himbim pagaleŋe olop aŋelo olop togom luâk aregât hin dâwian, “Nâkâ hainâk bo nângâ giŋdân.” dâm hamian̄bian.” dâep.

### Mose akto Elia Yesu olop den magan̄gi goan̄gi agi.

**9** <sup>1</sup> Yesuŋe hin makyen̄giep, “Makyen̄gire nângân̄et. Anutuŋe damunyeŋe akbiap aregât sop tâlâguâp gârâmâ yu kindâi ire yeŋgât hutyeŋân gâtŋe bikŋande bo mom âmâ golâ manbaiân kulem pagaleŋe are olop miawakto ekbai.” dâep.

<sup>2</sup> Akto arewa hilâm nâmbulân konok bo akto ain Yesuŋe Petoro Yakobo akto Yohane areâk kewuguyekto gimbâŋe siân âgâyi. Âgâm Yesuŋe hâk siâ mendo egi. <sup>3</sup> Yâkgât sâŋgumŋânba pagalem kau kau akto egi. <sup>4</sup> Hain akto Mose akto Elia ulikŋân maliat are ainâk miawakmâ kinbela yelekbiâ

Yesu olop den maganji goanji agi. <sup>5-6</sup>Hain akbiâ hoŋ bawalupŋande hamewakmâ aregât Petoro nânġâ nânġânġe guliwakto gain dâm hin maganġep, “Humonenġe wan siâ hekat nengimenâ ekten aregât ukenġe nânġâen. Gârâmâ iren uligi âlâwu meyenġine. Gânġât siâ Mosegât siâ akto Eliagât siâ.” dâep. <sup>7</sup>Hain dâmbo ainâk hamandat humo siânġe gem tigiyeġep. Tigiyekto âmâ are kâlegenba den siâ hin miawagep, “Yâk âmâ nânġât nanne âlepġe yâkgât okot âlep nânġân. Yeŋe âmâ yâkgât denġe nânġâwei.” dâep. <sup>8</sup>Hain dâmbo den are nânġâm ainâk purik gurik akmâ ekbiâ Yesuġe konok kindo egi.

<sup>9</sup>Akto ainba gimbânġe hepunmâ gem gem Yesuġe hin makyenġieġep, “Âuren kulem ektâi aregât luâk bo makyenġim manbei. Nâmâ luâk akmâ geân nâ momoŋânba agatbian ain âmâ âlepġe makyenġiwei.” dâep. <sup>10</sup>Hain dâmbo den are nânġâm kinmâ maganji goanji akmâ hin dâyi, “Wangât golâ akmâ momoŋânba agatbian dâp.” dâm <sup>11</sup>Yesu hin aikoyi, “Mosegât den kârikġe makmâ miawakmai arekġe hin dâmai, “Elia togowiap.” dâmai are wangât hainâk dâmai?” dâmbiâ <sup>12</sup>hin makyenġieġep, “Elia bundâk togom siâ me siâ mem hulaŋ gulaŋ akbiap. Aregât Anutuġe makto kulemgoep hin tatâp, nâ luâk akmâ geân nânġât akmâ bikŋande hâkânġ nekbiâ hâk hilâlâm manbian kulemgoep. <sup>13</sup>Ulikŋân Anutuġe propete makyenġimbo kulem kulemgoyi tatâp are den bunġe. Elia emelâk lâuwânġe togoep gârâmâ luâk in manmai irekġe ukenyenġaet akmâ bâleġe agaŋi. Anutuġe makto kulemgoyi are hain agaŋi.” dâep.

### Yesuġe sinduk baniara bâleġe walep.

<sup>14</sup>Gimbânġânba gem metem hoŋ bawalupġe bikġe yeŋġâlân togom yegi. Akto luâk âmbâle dondânġe turuŋyekmâ kinbiâ Mosegât den kârikġe makmâ miawagi arekġe Yesugât hoŋ bawalupġe olop den bao guto maganġim peiyekmâ kinbiâ Yesu akto hoŋ bawalupġe bikġe yâkġe gem yegi. <sup>15</sup>Gem yekbiâ luâk âmbâle dondâ turuŋyekmâ kili arekġe Yesu ge kindo ekmâ sân sân mem pârigim togom Yesu maŋganli. <sup>16</sup>Maŋganbiâ Yesuġe hin dâep, “Ye wan den maganji goanji aktâi?” dâep. <sup>17</sup>Hain dâmbo yâk yeŋġâlânba siânġe hin dâep, “Kembu, nânġât nanne sinduk baniara bâleŋande lauġe mem gisapkombo tatmap. <sup>18</sup>Hain akmâ tatmâ hilâm ârândânġe sinduk baniara bâleġe arekġe mem kârikġe ketugumbo yendo lauŋânba tâwut gambo nekamġe kândiŋ akmâ keiġe bânġe kârikġe akto yemap. Nânġât nanaŋ hain akmap aregât kewugum togom hoŋ bawalupġe ulityenġiân, “Sinduk baniara bâleġe ire walaŋġet.” dâre walaŋberâm âsimbiâ bo aktâp.” dâep. <sup>19</sup>Hain dâmbo Yesuġe hin makyenġieġep, “Ye wangât hanyenġande bo nânġânġimâ kepilâmai? Nâ ye olop sopġe sopġe manmâ sokom katyebian mon? Bâin. Nanaŋ are mem nânġâlân ga.” dâep. <sup>20</sup>Hain dâmbo luâk sigan are Yesugâlân mem âġâmbiâ sinduk baniara bâleġe arekġe Yesu ekmâ dowâk luâk sigan

are mem hâkokombo hânân ge purik gurik akmâ yendo lauñânba tâwut gem yiep. <sup>21</sup>Hain akmâ yendo Yesuñe eweñe hin aikoep, “Sop amuten miawagañep.” dâmbô hin dâep, “Nanañânbak miawagañdo hinâk akmâ gaep. <sup>22</sup>Akto sinduk baniara bâleñe irekñe nanne hilip aguâk dâm kâlâwân me tuân hâkokombo gewerâm akmap aregât Yesu gâ kârikge tatgiñdâp me bo? Tatgiñdâp akto netgât okot nâñgâm tânnetku.” dâep. <sup>23</sup>Hain dâmbô hin magañep, “Wangât kârikñe tatgiñdâp me bo dâm han lâuwâ akmâ ainuguât? Aregât makgiñdere nâñgâ. Luâk siâ nâñgâniñmâ kepilâmap are tângore bunñe miawagañmap.” dâep. <sup>24</sup>Hain dâmbô ainâk luâk sigan aregât eweñande humoâk konmâ hin dâep, “Biwine getek gânğâlân katân gârâmâ tânnugumenâ gânğâlân bunewâk kârikñe katberân.” dâep. <sup>25</sup>Hain dâmbô luâk âmbâle dondâ togom mendugumbiâ yekmâ aregât dowâk sinduk baniara bâleñe walañberâm hin magañep, “Sinduk baniara bâleñe gânge luâk ondopyeñe akto elewetyeñe mem bâlimat aregât makgiñdere nâñgâ. Agatmâ ari. Siâkâ purik katmâ lâuwâñe luâk iregât kautñe bo mem gulipkowen.” dâep. <sup>26</sup>Hain dâmbô sinduk baniara bâleñe arekñe kârikñeâk kamboñmâ luâk sigan are tâlim pando mom hin pâlâmñe yendo ariep. Hain akmâ arimbo luâk âmbâleñe are ekmâ hin dâyi, “Bunñe mondâp.” dâmbiâ <sup>27</sup>Yesuñe luâk sigan are bâtñân mem oloñdo agatmâ kilep. <sup>28</sup>Nanañ are agatmâ kindo arewa emelan âgâmbô hoñ bawalupñande pumân aikom hin dâyi, “Nen wangât watberâm âsienñe bo aktâp?” dâyi. <sup>29</sup>Hain dâmbiâ hin makyenñep, “Walañberâm âmâ kinmâ ain Anutu ulilañmâ âmâ âlepñe walañbai.” dâep.

### **Mombiap aregât makmâ miawagep.**

<sup>30</sup>Akto arewa arim Galilaia hân ewangim ain âmâ hoñ bawalupñe ikiñaet pat makyenñiwerâmbo aregât yoñâk ariyi. <sup>31</sup>Arim manmâ dâwân makyenñim hin dâep, “Siân âmâ luâk siânge gasalupne kewuguyekto luâk akmâ geân nâ mem nugumbiâ mombian. Akto hilâm âi meme âlâwu akto ain momoñânba agatbian.” dâep. <sup>32</sup>Hain dâmbô den keiñaet pâpkom aikowerâm hamewagi.

### **Luâk gain hin arekñe humo akmâ ewangiyekbiap.**

<sup>33-34</sup>Hain akmâ Kapanaum arim arim hutñe siân hoñ bawalupñande yeñeâk magañgi goañgi akmâ hin dâyi, “Nengât humonenñe âmâ niñande akbiap?” hain dâm yeñeâk papalagi. Hain akbiâ âmâ emetñân tatmâ hin aiyenñuep, “Dâwân wangât dâm magañgiâi?” dâmbô añun añgim yân kamilem tali. <sup>35</sup>Hain akmâ tatbiâ ge tatmâ hoñ bawalupñe mendugu yekmâ hin makyenñep, “Siânge Anutugât dewunñân luâk kautñe manberân dâm âmâ hârok yeñgât amukyeñân manmâ hâkñe mendo gembo hoñ bawayeñe akto Anutuñe ekto ârândân akbiap.” dâep.

<sup>36</sup>Hain dâm nanaŋ bâlensiâ siâ hutyeŋân katmâ bātŋande mem kinmâ hin makyenŋiep, <sup>37</sup>“Luâk siâŋe nanaŋ ire hinare ekmâ tângowiap âmâ nâ tânnuguwiap aktâp. Dâ areâk bo. Yâkŋe nâ akto huŋgun niŋep net tân netkumap.” dâep.

<sup>38</sup>Akto Yohanenŋe Yesu hin maganŋep, “Humo, nen luâk siâŋe gâŋgât kotge konmâ sinduk baniara bâleŋe watyekto ekmâ nen olop bo manmapgât makmâ hâreyion.” dâep. <sup>39</sup>Hain dâmbo Yesuŋe hin dâep, “Hain bo akbei. Siâŋe nâŋgât kotne konmâ kulem membiap hain arekŋe gain gain akmâ nâŋgât owâiŋeâk makmâ bâliwiap? <sup>40</sup>Akto âinenŋe bo mem bâliwiap arekŋe gala tân nenguwiap. <sup>41</sup>Amâ luâk siâŋe Anutuŋe huŋgun niŋep nâŋgât hoŋ bawa mandâi ye tân yenŋuwerân dâm tu hâgâm yenŋiwiap amâ lau loko loko ya akbiap aregât Anutuŋe hâuŋe waŋbiap.

### Hemem kâlâp aregât den.

<sup>42</sup>Akto luâk siâŋe nanaŋ biwiyenŋe nâŋgâlân katmai are yenŋâlânba konokŋe bâliwerâm hâkŋe hâkŋe hain akto gâuk, siâŋe kât humo dondâ hanŋân imbogoanmâ haru bātŋumân hâkokombo dâine arekŋe âmâ siâ me siâ owâiŋe miawaganŋop. <sup>43</sup>Dâ bātge arekŋe kambiamge oloŋdo bâleŋe akbiat âmâ bātge hârem panben. Dâ wan âlepŋe? Bātge konok umatŋân manmâ manman âlepŋân ariwai me bātge lâuwâ âlepŋeâk manmâ mom âmâ kâlâwân manbiat? <sup>44</sup>Amâ hemem kâlâp bo bokmâ âgâwiap ain naneyenŋe bo mombiap. Dâ kâlâp bo bokbiap. <sup>45</sup>Akto keigande kambiamge oloŋdo bâleŋe akbian dâwiat gârâmâ aregât keige hârem panben. Wan âlepŋe? Keige konogâk manmâ manman âlepŋân ariwai me keige lâuwâ lâuwâ âlepŋe manmâ mom âmâ kâlâwân manbiat? <sup>46</sup>Amâ hemem kâlâwân naneyenŋe bo mombiap. Dâ kâlâp amâ bo bokbiap. <sup>47</sup>Dâ dewungande bâleŋaet paŋgoŋân kat gekberâmbo âmâ mem hârem panben. Gâ dewunge konok manbiat âmâ Anutugât amukŋân ariwen amâ âlepŋe. Dâ dewunge lâuwâ lâuwâ âlepŋe manmâ mom âmâ kâlâwân manbiat amâ bâleŋe. <sup>48</sup>Amâ hemem kâlâwân naneyenŋe bo mombiap. Dâ kâlâp bo bokbiap. <sup>49</sup>Luâk hârok kâlâp kâtembe olowâk miawakyeŋgiwiap. <sup>50</sup>Akto kâtembe are ukenŋe gârâmâ bâlimbo âmâ gain gain aktenŋe kârikŋeŋe lâuwâŋe miawakbiap? Amâ bo. Aregât ye kâtembe ukenŋe hinare akmâ manmâ galagât agaŋgi goaŋgi akbiâ biwiyenŋe sândugewiap.” dâep.

### Âmbâle mem bo hepunyekbaengât den.

**10** <sup>1</sup>Yesu arewa togom Yudaia hânân Yodaŋ tu biken togoep. Togom ain mando luâk âmbâle dondâ yâkgâlân togombiâ akmâ malep hainâgâk den totokom makyenŋiep.

<sup>2</sup>Hain akto Parisaio luâkŋe dop koaŋberâm aregât hin maganŋi, “Luâk siâŋe âmbenŋe hepundo nengât den bâliwiap me bo?” dâyi. <sup>3</sup>Hain

dâmbiâ den hâuŋe hin makyenŋiep, “Moseŋe ulikŋân aregât den gain gain makmâ miawak yenŋiep?” dâmbô <sup>4</sup>hin dâyi, “Siâŋe âmbenŋe hepunberâm âmâ kulem esenŋe kulemgom waŋmâ watbiap. Moseŋe aregât nânŋâ nengiep.” dâyi. <sup>5</sup>Hain dâmbiâ Yesuŋe hin dâep, “Moseŋe ye hanyenŋe kârikŋaet akmâ den kârikŋe ire kulemgoep. <sup>6</sup>Dâ Anutuŋe ulikŋân hân me himbim me wan me wan kotŋe hârok ketugum luâk âmbâle katyelegep <sup>7</sup>aregât luâk siâŋe memenŋe ewenŋe hepun yelekâm âmbenŋe olop manbiandat. <sup>8</sup>Hain akmâ hâk me biwiyetŋe konogâk akmâ manbiandat. Den hain yendâpŋât yâk lâuwâ bo konogâk akmâ mandat. <sup>9</sup>Anutuŋe mem mendugu yelegepŋât luâkŋe bo mem potat yelekbai.” dâep.

<sup>10</sup>Hain dâmbô arim metembiâ purik katmâ togom emelan âgâmbô hoŋ bawalupŋande hin maganŋi, “Hinŋe makyenŋiât are den keiŋe gain gaingât?” dâmbiâ hin dâep, <sup>11</sup>“Luâk siâŋe âmbenŋe hepunmâ siâ membiap âmâ yâk âmbâle aregât hâkâŋ aŋanmâ mem bâlim dosa humo akbiap. <sup>12</sup>Dâ âmbâle siâŋe luâkŋe hepunmâ siâ membiap âmâ yâkŋe dewati dewatietŋe hârewiap aregât dosa humo membiap.” dâep.

#### **Yesuŋe nanaŋlupyenŋe Anutugât pat makyenŋiep.**

<sup>13</sup>Akto luâk âmbâle bikŋande Yesugâlân nanaŋlupyenŋe meyekmâ arimbiâ bâtŋande mem howaiyegâk gât lokoyekmâ ariyi. Hain akbiâ hoŋ bawalupŋande watyekberâm akbiâ Yesuŋe nânŋâmbo bâlimbo hin dâep, <sup>14</sup>“Ye hepunbiâ nanaŋ are nânŋâlân togoŋet. Ye bo gangerâ yekŋet dâŋet. Nanaŋ hain arekŋe âmâ Anutugât amukŋân manmai. <sup>15</sup>Aregât makyenŋire nânŋâŋet. Nanaŋ hin arekŋe akmai âmâ luâk siâŋe areyengât dop hainare akmâ Anutugât welam bo gangerâwip âmâ Anutuŋe damunŋe bo akbiap.” dâep. <sup>16</sup>Hain dâm nanaŋ are mem menduguyekmâ yâk yenŋât Anutu ulilaŋep.

#### **Luâk kotdâ siâŋe sikumŋe mem gangerâm biwiŋe Yesugâlân bo kalep aregât den pat.**

<sup>17</sup>Akto arewa arim mando dâwân luâk siâŋe pârigin togom kânŋom tatmâ hin aikoep, “Humone, gâmâ âlepŋe amboŋe. Nâ agak meme gain hinare akmâ âlepŋe aktere Anutuŋe makto âmâ kârikŋe manmâ âgâwian?” dâmbô <sup>18</sup>hin maganŋep, “Âlepŋe amboŋe âmâ Anutu konok. Gârâmâ gâŋe âlepŋe amboŋe dâm makniŋdât aregât den makmakgaet damun akben. <sup>19</sup>Akto gâŋe den ainuguât aregât hâuŋe hin makŋindere nânŋâ. Gâ Anutuŋe den kârikŋe kalep are nânŋâmat me bo? Gâ kuk bo akben. Âmbenŋe bo hepunben. Kâmbu bo akben. Gâ siâgât hianŋi den bo makben. Siâŋe wan me wan giŋdo dop hainâk waŋmenâ ârândâŋ akbiap. Akto memege ewege yetgât lau lokowen.” dâep. <sup>20</sup>Hain dâmbô luâk arekŋe hin dâep, “Humo, nâ are nanaŋânbak akmâ gaman.” dâep. <sup>21</sup>Hain

dâmbô Yesuŋe ekmâ yâkgât okotŋe nângâ aŋmâ hin magaŋep, “Konok tatâp are akben. Amâ hin. Gâ arim âmâ ito sikum tatgindâp are potatmâ luâk umburuk yeŋgimenâ nâ olop ariwaet. Gârâmâ aregât hâuŋe hâmbâi Anutuŋe giŋbiap.” dâep. <sup>22</sup>Hain dâmbô den are nângâm siâ siâ dondâ yeŋep aregât nângâm biwiŋe umatŋe akto gem ariep.

<sup>23</sup>Arimbo purik katmâ hoŋ bawalupŋe yekmâ hin makyenŋiep, “Luâk sikumdâŋe Anutugâlân arienŋe damun nenŋe agâk dâm ariwerâm âi humo membai.” dâep. <sup>24</sup>Hain dâmbô nângâm sân sân membiâ totokom hin makyenŋiep, “Luâklupne makyenŋire nângâŋet. Luâk siâŋe Anutuŋe damunne agâk dâm âmâ biwiŋe Anutugâlân katberâm akmâ âi humo membiap. <sup>25</sup>Bau siâŋe piŋgi dâpŋânba gewopgât âmâ dâp bo yendâp. Hainâk luâk ito sikumyeŋe humo olopŋe Anutugât pat nângâwerâm akbai amâ dâp bo miawakyeŋiwiap.” dâep. <sup>26</sup>Hain dâmbô nângâm sân sân mem hin magaŋgi goaŋgi akmâ dâyi, “Ya maktâp aregât niŋande âmâ âlepŋe Anutugât manman âlepŋân ariwiap?” dâyi. <sup>27</sup>Hain dâmbiâ yekmâ hin makyenŋiep, “Anutugât manman âlepŋân ariwaigât luâk nângâ nângâyeŋe watbiâ bo meawakmap. Anutu konokŋe wan me wan mem miawakbiapgât bo pâpkomap.” dâep. <sup>28</sup>Hain dâmbô Petoroŋe den are nângâm hin dâep, “Nângât? Nen âmâ siâ siâ nenŋe hârok hepunmâ metem âmâ gâ olop manmaen.” <sup>29</sup>Hain dâmbô hin magaŋep, “Nâ bundâk makbe. Siâŋe emet me emiteu me mama gari me meme ewe nanaŋ me âi kalam me wan me wan are nângât dennaet aregât akmâ hepun yekbiap aregât hâuŋe hâmbâi Anutuŋe waŋbiap. <sup>30</sup>Waŋdo sambe humo dondâŋe membiap. In hânân emet opmân emi teu akto mama gari meme ewe nan barat me âi kalam siâ me siâ are hâk hilâlâm kakŋân miawagaŋbiap. Dâ beirâ maleine âmâ manman kârikŋe mem manbiap. <sup>31</sup>Dâ siâŋe hinŋe hâkŋe mem agatbiap are âmâ hâmbâi Anutuŋe mem hamiŋângen katbiap. Dâ siâŋe hinŋe hâkŋe mem gewiap are âmâ Anutuŋe hâmbâi tângombo ulik gulik akbiap.” dâep.

### **Kombiâ mombiap aregât den.**

<sup>32</sup>Yesuŋe Yerusalem kepiân âgâwerâm akmâ yâkŋe soŋ akmâ arimbo hoŋ bawalupŋande are ekbiâ dâtŋe agep. Dâ hamiŋângenba luâk âmbâlê watmâ togoyi arekŋe âkâ hamewagi. Hain akmâ arimbiâ Yesuŋe hoŋ bawalupŋe keiân lâuwâ are yoŋâk mendugu yekmâ wan me wan miawak aŋbiap aregât den hekat yeŋgim hin dâep, <sup>33</sup>“Nen Yerusalem kepiân âgâenŋe ain mandenŋe âmâ luâk akmâ geân nâ siâŋe sumbe kat kat luâk areyeŋgât humomolupyenŋe akto Mosegât den kârikŋe makmâ miawakmai are kewuguyekto arekŋe togom menekmâ kondenŋe moâk dâm Roma yeŋgâlân katnekbai. <sup>34</sup>Hain akmâ den hembalik akniŋmâ tâwut nugum lâwinân nugumbiâ hâk hilâlâm nângâm mombian. Hain akniŋbiâ mondere hannugumbiâ hilâm âlâwu akto golâ akmâ agatbian.” dâep.

### Yakopo akto Yohane yâkŋe Yesu ulilaŋjat.

<sup>35</sup> Akto sop ain Sebedαιο nanlogâtŋe Yakopo akto Yohane, yâkŋe Yesugâlân arim hin dâyiati, “Humonetŋe, net wan siâgât ulit giŋberâm aktet are netkiwerât me bo?” dâmbela hin makyetkiep, <sup>36</sup> “Aregât keiŋe makniŋbela nâŋgâwe.” dâmba hin dâm maganiat, <sup>37</sup> “Sop siân pagaleŋe olop togom luâk âmbâle hârok damunyeŋe akbialân net menelekmenâ netŋe luâk âmbâle hârok damunyeŋe aktetŋe gâŋe âmâ nen hârok damunnenŋe akbiati.” dâyiati. <sup>38</sup> Hain dâm ulilaŋbela hin makyetkiep, “Yet aregât keiŋe pâpkom hain maktat. Nâ tu nembian are yet âlepŋe nemiandat mon? Me tu utunŋande puliakbian are yet âlepŋe puliakbiandat mon?” dâmba <sup>39</sup> hin maganiat, “Âlepŋe aktetŋe miawaknetkiwiap.” dâmbela hin makyetkiep, “Nâ tu nembian are yet bundâk nemiandat. Akto tu puli puli are miawakniŋbiap arekŋe yet gai miawakyetkiwiap. <sup>40</sup> Gârâmâ biken biken ginnân tatbiandatgât amâ nâŋgât pat bo. Anutunŋe nâŋgâm kepilâm yetkiep. Irawot Humoŋe damunyeŋe akbiap sop ain Anutunŋe luâk lâuwâ nâŋgâm kârikŋe yetkimbo nâŋgât amuknân kinmâ wan me wangât damun akbiandat.” dâep. <sup>41</sup> Hain dâm makyetkimbo hoŋ bawalupŋe bikŋande yâk yetgât den are nâŋgâmbiâ ârândâŋ bo agep. <sup>42</sup> Akto Yesuŋe hoŋ bawalupŋe mendugu yekmâ hin makyenŋiep, “Hângât luâk kembuŋe luâk damunyeŋe akmâ âmâ hoŋ bawalupŋe meyekbiâ manmai are âmâ nâŋgâmai. <sup>43</sup> Dâ yeŋgâlân âmâ hain bo miawakbiâp. Yeŋgâlânba siâŋe luâk kotdâ akberân dâm galalupŋe yâk yeŋgât hoŋ bawa manbiâp. <sup>44</sup> Gârâmâ yeŋgâlânba siâŋe Anutunŋe nekto ârândâŋ agâk dâwiap âmâ galalupŋe yeŋgât hoŋ bawa akmâ manbiâp. <sup>45</sup> Hoŋ bawalupnande tân nuguŋet dâm aregât bo geân. Hoŋ bawa âi mem luâk âmbâle dondâ are yeŋgât dosa bo akyenŋiwiapgât mombian aregât Ewenande huŋgun niŋdo geân.” dâep.

### Yesuŋe dâmba luâk siâ dewunŋe hulaŋ akto emet egep.

<sup>46</sup> Yesu akto hoŋ bawalupŋe Yeriko kepiân âgâyi. Âgâm arewa arimbiâ hami yeŋângenba luâk âmbâle dondâ ariyi. Arimbiâ dâp giŋŋân luâk dewunŋe bokbokŋe puligât ulityenŋim talep. Luâk are kotŋe Batimaio yâkgât eweŋe kotŋe Timai, yâkŋe dâp giŋŋân tatmâ ulityenŋiep. <sup>47</sup> Akto Yesu Nasarete gâtŋe arekŋe togoepgât den are nâŋgâm konmâ hin dâep, “Yesu, gâ Dawidigât hakuŋe nâŋgât okotge agâk.” dâep. <sup>48</sup> Hain dâm kondo luâk âmbâle togoyi arekŋe nâŋgâm hâkân akmâ den yoŋâk dâyi. Hain dâmbiâ yâkŋe denyeŋe bo nâŋgâm hainâk kolep, “Dawidigât hakuŋe nâŋgât okotge agâk.” <sup>49</sup> dâmba nâŋgâm dâwân kinmâ hin dâep, “Maganbiâ gulâk.” dâmba dewunŋe bokbokŋe are konmâ hin dâyi, “Gogondâp gârâmâ kambiamge sândugembo agatmâ ari.” <sup>50</sup> Hain dâmbiâ nâŋgâm ainâk sâŋgum kakŋân gâtŋe are hulaŋmâ katmâ agatmâ yâkgâlân gulep.



<sup>51</sup> Guto hin dâm aikoep, “Gain gain akɣinbegât nângât?” dâmbo dewunne bok bokne arekne hin dâep, “Humo, âlepne ek dâmenâ dewunne hulaɣ akniɣdo âlepne ekbe dâm aregât ulitɣiɣdân.” dâep. <sup>52</sup> Hain dâmbo hin magaɣep, “Gâne biwige nângâlân katât aregât heɣgem guguwerân.” dâep. Hain dâmbo ainâk dewunne hulaɣ akto Yesu olop ariyi.

### Yesuɣe Yerusalem kepiân âgâm ariep.

**11** <sup>1</sup> Arim kepia kotne Betepage akto Betania ewangi yelemâ arewa arim Yerusalem ewumâk akto Oliwa gimbanân togoyi. Ain togom Yesuɣe hoɣ bawalogâtne lâuwâ huɣgun yetkim hin dâep, <sup>2</sup> “Kepia ewumâk tatâp âuren âgâm arim ain doɣgi nanne hikombiâ kindâp are ekberat. Amâ doɣgi nanne are luâkne kakɣân bo tatmai irakne are ekmâ hulaɣmâ mem togoet. <sup>3</sup> Hulaɣbela âmâ luâk siâne, “Wangât hulaɣdat?” dâmbo hin dâm magaɣet, “Humonetɣande iregât dâm huɣgun netkiâp. Gârâmâ mem arietne âi bo akto benne mem purikatbaet.” yet hain dâwerat.” <sup>4</sup> Yesuɣe hain dâm huɣgun yetkimbo hoɣ bawalogâtne lâuwâ arekne arim doɣgi nanne emet siâgât hânɣiân hikombiâ kindo ekmâ hulaɣiat. <sup>5</sup> Tâk hulaɣbela âmâ luâk kili arekne yelemâ hin dâyi, “Woe, niɣande dâmbo hulaɣdat?” dâmbiâ <sup>6</sup> Yesuɣe den makyetkiep a makbela nângâm âlepne mem ariet dâmbiâ mem ariyat. <sup>7</sup> Hain akto Yesugâlân mem arim sâɣgum kakɣân luguakmini are kakɣân katbiâ yâkne âgâ talep. <sup>8</sup> Âgâ tato luâk dondâne sâɣgum kakɣân luguakmini are dâwân leɣgaim ariyi. Dâ bikɣande âmâ kalamânba siâ siâ esenne ligim katmâ ariyi. <sup>9</sup> Luâk âmbâle dondâ olop ariyi arekne âmâ hin koli, “Woe, heɣgemnengumapne kembugât laugât togonengiât aregât dâm âlepne akɣiɣne. <sup>10</sup> Hakunenne Dawidi yâkne âmâ hân humo akto luâk âmbâle dondâ damunyeɣe agep are hainâk gâne damunnenne akbiat. Gâne damunnenne akbiatgât mârune akten. Anutu kotne mem agatne.” dâyi.

<sup>11</sup> Hain agaɣbiâ Yerusalem kepiân togom sumbe kat kat emetɣân âgâep. Âgâm siâ siâ hârok yekmâ metem emet eɣgainne akto gem hoɣ bawalupne keiân lâuwâ meyekto Betania kepiân âgâyi.

### Yesuɣe makto lâwin siâ ululun âgâep.

<sup>12</sup> Betania kepiân âgâm yem kinbiâ hauɣdo yâk olop gem Yesuɣe sotgât mopne agumbo <sup>13</sup> lâwin siâ lowot hainare esenne olop kâlêwângen ekmâ koaɣe yendâp me bo dâm ari ekto bo agep. Bunne sopne boâk akto esenneâk kilep. <sup>14</sup> Hain ekmâ lâwin aregât hin dâep, “Lâwin iregât koaɣe lâuwâne bo yembiap.” dâmbo hoɣ bawalupɣande nângâyi.

### Yesuɣe sumbe opmânâba watyegep.

<sup>15</sup> Akto Yesu olop Yerusalem kepiân âgâyi. Âgâmbiâ Yesuɣe sumbe kat kat opmânɣân âgâm luâk âmbâleɣe kotne siâ siâ katmâ aɣɣim kili are



watyekmâ siâ siâyene me kembâ welamne me puli kat kat welamne mem kâwulep. <sup>16</sup>Opmânân siâ me siâ agaŋgiyi are watyekmâ hin makyengiep, “Sumbe kat kat opmânân inba wan me wan bo mem aŋgi goaŋgi akmâ bam gutŋet. Ye ariŋet.” dâep. <sup>17</sup>Hain dâm âmâ wan me wan hekat yengiwêrâm hin dâep, “Anutuŋe makyengimbo kulemgoyi are hin tatâp, “Nâŋgât emet amâ wangât kindâp? Luâk âmbâle hân hârok nâ olop tatmâ magaŋgi goaŋgi akbaengât kindâp.”

Miti kulem hainâk yendâp are hâkân akmâ hepunbiâ bâlene akmai are yengât emet hainare aktâp.” dâep. <sup>18</sup>Hain dâmbo sumbe kat kat luâk akto Mosegât den makmâ miawagi luâk arekne ekmâ, “Gain gain akmâ kondene mombiap.” dâm magaŋgiyi. Luâk âmbâle hârok Yesugât den âlepne aregât nâŋgâmbiâ dâtne akto aregât sumbe kat kat luâk me Mosegât den kârikne makmini are luâk âmbâle dondâ Yesugât den âlepne nâŋgâm hamewakmai. Aregât, “Gain gain akmâ kondene mombiap.” dâyi. <sup>19</sup>Emet dâgâmbo Yesu kepia humo hepunmâ ariep.

#### Lâwin ululun dâep aregât keŋe.

<sup>20</sup>Yem kinbiâ haunjo âmâ dâwân ariyi. Akto arim arim lâwin magep are momberâm kândârânân bak âgâm ululun kârân kindo egi. <sup>21</sup>Hain kindo ekmâ Petoroŋe Yesuŋe magep are nâŋgâm Yesu hin magaŋep, “Wei, Apo ek. Lâwin den umatne kakŋân kalen ina ululun dâm kindâp.” dâmbo <sup>22</sup>hoŋ bawalupne hin makyengiep, “Ye den bunne hin makyengire nâŋgâŋet. Ye biwiyeŋe Anutugâlân katŋet. <sup>23</sup>Luâk siâŋe hân gimbâŋe ekmâ hin dâwiap, “Gimbâŋe are hogoakmâ haruân geâk.” dâm âmâ biwiŋe Anutugâlân katmâ han lâuwâ bo akmâ nâŋgâm heŋgemgom makto âmâ are bunne miawakto gimbâŋe are hogoakmâ gewiap. <sup>24</sup>Aregât hin makyengiwe. Yeŋe siâ me siâgât nâŋgâm Anutu ulilaŋmâ are emelâk miawaknengiâp dâm han lâuwâ bo akbiâ âmâ are âmâ Anutuŋe yengiwip. <sup>25</sup>Dâ yeŋe ulilaŋberâm kinmâ, luâk siâŋe bâlene akŋep aregât dosa kutigitân dâmbiâ âmâ Eweyeŋande hainâk yengât dosa hepunbiap. <sup>26</sup>Dâ yeŋe luâk yengât dosa mem gangerâwai âmâ hainâk yengât dosa mem gangerâwip.” dâep.

#### Parisaioŋe aikombiâ Yesuŋe ikiye keŋe bo makyengiep.

<sup>27</sup>Hain dâm arewa Yesu akto hoŋ bawalupne arim Yerusalem kepia togom sumbe opmânŋân âgâmbiâ sumbe kat kat luâk areyengât humomolupyeŋe akto Mosegât den kârikne magi luâk are akto Yuda yengât damun yâkne yâkgâlân togom hin dâyi, <sup>28</sup>“Gâ wan me wan akmat are niŋaet lau lokom kinmâ akmat? Niŋande hain akdâm makŋindo akmat?” dâmbiâ <sup>29</sup>hin dâm makyengiep, “Nâ den konok aiyengure makniŋbiâ âmâ nâkâ hainâk niŋaet laugât wan me wan akman aregât hâuŋe makyengiwêrân. <sup>30</sup>Yohanene tu puli âi miep a niŋaet

laugât hain akminep. Anutugât laugât me luâk yengât laugât akminep aregât makbiâ nângâwe.” dâep. <sup>31</sup>Hain makyengimbo yâkne hin dâm maganji goanji agi, “Nen Anutugât lau lokominep dâenje âmâ yâkne hin maknengiwêrâp, “Woe, aregât wangât denje bo nângâm lokoyi.” dâmbo anun anjiwâen. <sup>32</sup>Dâ, “Luâk yengât lau lokominep.” dâenje luâk yu kindâi irekne Yohane propete dâm kuk nengiwâi. Aregât gain gain maganberen?” dâyi. <sup>33</sup>Hain nângâm kinmâ Yesu hin maganji, “Yohane niŋaet laugât hain akminep nen bo nângâen.” dâm biâ yâkâ hainâk dâep, “Nâkâ hainâk niŋaet laugât iren wan me wan agân aregât hâuŋe bo makyengiwêrân.” dâep.

**Luâk bâleŋande kalam damunje akmâ tali aregât den umatje.**

**12** <sup>1</sup>Yesuŋe den ginŋe siâ hin makyengiep, “Luâk siâŋe hân siân tâk kotŋe waiŋ are kâmetmâ metem lope dâgâep. Akto waiŋ tuŋe pipikowaengât dâm kondo ketugum heŋgemgom damun yengât emet mem âi kalam hârok ketugum metem hoŋ bawalupŋe hin makyengiep, “Kalam ire damunje akŋet.” dâm hân siâŋen ariep. <sup>2</sup>Arim manmâ sop kâlep mando sot bunŋe akto âi luâk siâ sot bunŋe bikŋe meâkgât huŋgun anŋo ariep. <sup>3</sup>Arimbo damun luâkŋe mem kom watbiâ yân purik kalep. <sup>4</sup>Purik kato benŋe amboŋande âi luâk siâ huŋgun anŋo arimbo kautŋe kom hioŋmâ mem bâliyi. <sup>5</sup>Benŋe amboŋande totokom hoŋ bawa siâ huŋgun anŋo yâk yengâlân arimbo kombiâ moep. Kombiâ mondo amboŋande luâk dondâ huŋgun yengimbo arimbiâ âi damunŋande kuk akmâ bikŋe sâwâ yengum bikŋe momoŋe yenguyi. <sup>6</sup>Akto kalam amboŋe aregât nanŋe konok malep. Akto amboŋande hin dâep, “Nune nanne okotne nânganman aregât huŋgun anŋerân. Huŋgun anŋere arimbo yâkgât amukŋân manbai.” dâep. <sup>7</sup>Hain dâm amboŋande nanŋe huŋgun anŋo arimbo âi damunŋe nanŋe are ekmâ maganji goanji akmâ dâyi, “Humo nenŋaet nanŋe togoâp. Eweŋe mondo âi hân ire yâkne membopgât kondenŋe moâk. Hain aktenŋe âi ire nengât akbiap.” dâyi. <sup>8</sup>Hain dâm mem kombiâ mondo kalam ginŋanŋen panbiâ yiep. <sup>9</sup>Hain akbiâ âi amboŋe are gain gain akbiap? Yâk togom damun are momoŋe yengum damun âlepeŋe siânba katyekbiap. Aregât keiŋe makyengire nângâŋet. <sup>10</sup>Anutuŋe propete makyengimbo kulemgoyi yendâp are oyanmâ nângâmai me bo? Den are hin tatâp.

Emet ketugu ketuguân luâkŋe lâwin siâ ekmâ hâkŋe hâkŋe dâm panbiâ yendo Anutuŋe lâwin are mendo emetgât kunkun kârikŋe agep. <sup>11</sup>Are dewunnennande ekmâ ire âmâ Humoŋe mem miawaktâp dâm kambiamnenŋe agatmap.”

<sup>12</sup>Yesuŋe Anutugât den tâmbâŋe dâmbo Yuda yengât humomolupyeŋande maganji goanji akmâ hin dâyi, “Den ire nen dop nenguwerâm maktâp.” dâm kambiamyeŋe bâlimbo aregât mem kala busi

kâlegen ain katberâm agi. Hain agi arekŋe luâk âmbâle dondâ yengât hamewakmâ hâumgom yân hepunmâ ariyi.

### Yesu puligât aikoyi.

<sup>13</sup>Hepunmâ arim Parisaio luâk bikŋe akto Herotegât hoŋ bawalupŋe bikŋe Yesugât denŋe hami kom mânŋi agaŋŋetgât huŋgun yengiyi. <sup>14</sup>Huŋgun yengimbiâ togom hin maganŋi, “Humo, gâŋgât keige nâŋgâen. Gâ hiaŋgi den bo makmat. Bunŋeâk makmat. Akto horat gorat bo akmat. Gâ luâk hârok Anutugât dâp âlepŋe makmâ hekat yengimat aregât makmenâ nâŋgâne. Nen Roma luâk siâ damun nenŋe kotŋe Sisa are puli waŋmaen are âlepŋe me bo? <sup>15</sup>Puli waŋbaen me bo?” dâyi. Hain dop kombiâ biwiyenŋe keiŋe ekmâ nâŋgâm hin makyenŋiep, “Ye nâ denne hami kom katmâ dop nuguâi me? Puli koaŋe siâ mem niŋbiâ ekbe.” dâep. <sup>16</sup>Hain dâmbô waŋbiâ mem agatmâ hekatyenŋim hin dâep, “Puli ire ekŋet. Iregât otneŋe akto kot ire niŋaet?” dâmbô yâkŋe dâyi, “Romagât damun nenŋe kotŋe Sisa yâkgât otneŋe.” dâmbiâ <sup>17</sup>hin makyenŋiep, “Wan me wan Sisagât are âmâ humo purik katmâ Sisa waŋbei. Dâ wan me wan Anutugât are âmâ purik katmâ Anutu waŋbei.” dâep. Hain dâm makyenŋimbo den are nâŋgâmbiâ dâtŋe akto bâtyenŋe dâtyenân igim kinbiâ hanyenŋe undup agep.

### Momoŋân agatbaengât aikoyi.

<sup>18</sup>Akto den makmak luâk siânba kotyenŋe Sadukaio luâk are togoyi. Luâk arekŋe momoŋânba luâk bo agatmai dâmini. Yâkŋe togom hin dâyi, <sup>19</sup>“Humo, Moseŋe ulikŋân hin dâm kulemgœp are oyaŋmaen, “Luâk siânŋe âmbâle mendo nanaŋ bo miawakto mondo emiŋande kambut mem teuŋaet pat nanaŋ mem miawakbiap.” Moseŋe hain kulemgœp aregât hin dâne. <sup>20</sup>Emi teu nâmbulân lâuwâ mali. Hain manmâ ulikŋân teuyenŋande âmbâle mem nanaŋ bâlâk manmâ moep. <sup>21</sup>Mondo emiŋande kambut are mem hainâgâk nanaŋ bâlâk manmâ manmâ mondo emiŋe siânŋe âmbâle kambut areâk miep. <sup>22</sup>Emiteu nâmbulân lâuwâ arekŋe âmbâle konok are mem nanaŋ bâlâk manmâ mom meteyi. Bâiŋe kambutyenŋe are hainâgâk moep. Akto luâk nâmbulân lâuwâ are hârogâk âmbâle konok areâk mem mom meteyi. <sup>23</sup>Gârâmâ sop bânŋân agatbaiân âmbâle are niŋaet âmbenŋe akbiap?” dâyi. <sup>24</sup>Hain aikombiâ yâkŋe hin makyenŋiep, “Ye Anutuŋe makyenŋimbo kulemgoyi are akto Anutugât kârikŋeŋaet pâpkomai aregât nâŋgâm hilipkom hain dâmai. <sup>25</sup>Luâk me âmbâle momoŋânba agatmâ yâk himbimân aŋelo mandâi hainare akmâ luâk âmbâle meak meak are hepunmâ yân manbai. <sup>26</sup>Gârâmâ Anutugât denân momoŋânba agat agat aregât keiŋe makyenŋire nâŋgâm heŋgemgoŋet. Den ire Moseŋe hin kulemgœp. Mose yâk lâwinân kâlâp ululunŋe miawakto ekmâ arimbo Anutuŋe hin maganŋep, “Nâ Abraham akto Isaka

akto Yakopo yâk yengât damunyeŋe akman.” dâep. <sup>27</sup>Anutuŋe hain dâep aregât ye wangât, “Luâk mom âmâ hâkŋe akto otneŋe hârok momo yânŋe akmap.” dâmai? A bo. Luâk âmbâle ulikŋân manmâ biwiyenŋe Anutugâlân katmâ manmâ moyi. Dâ otneyenŋe âmâ golâk mandâi.” dâm makyenŋiep.

**Anutuŋe den kârikŋe kalep ain gâtŋe wan soŋ lokowaengât aikoep.**

<sup>28</sup>Akto den nâŋgâ nâŋgâ luâk siânŋe togom yekmâ kindo Sadukaio luâkŋe aikombiâ Yesuŋe den hâuŋe âlepŋe makyenŋimbo ekmâ Yesu hin aikoep, “Anutuŋe den kârikŋe kalep ain gâtŋe wan soŋ lokowaen.” dâmbo <sup>29</sup>hin dâep, “Anutuŋe makto kulemgoyi are bikŋe hin tatâp. Israe yengât hakulupyenŋe ye makyenŋire nâŋgâŋet. Kembu Anutunenŋe kembu bunŋe yâk konok mandâp. <sup>30</sup>Yeŋe yâkgâlân biwi kambiamyenŋe me nâŋgâ nâŋgâyenŋe katbei. Yâkgât âi akto den me lau aregâlâk nâŋgâm kârikŋe akmâ hanyenŋe konogâk manbei. <sup>31</sup>Akto den siâ hin yendâp. Ye yeŋaet aganŋimai hainâk luâk siâ aganŋbei. Anutugât den kârikŋe ire kakŋân siâ bo tatâp.” dâep. <sup>32</sup>Hain dâmbo Mosegât den kârikŋe makyenŋimini areyengâlân gâtŋande hin dâep, “Humo, gâŋe den dâmenâ nâŋgâre ârândân aktâp. Anutu yâk bundâk kembu bunŋe. Yâk konok. Yâk hainare siâ bo mandâp. <sup>33</sup>Gârâmâ nâ han nâŋgâ nâŋgâ kârikŋe yâkgâlân katbian. Akto nenŋe aganŋimaen are hainâk siânba akyenŋienŋe ârândân akbiap. Akto Anutugât sumbe me wan me wan siâ aganŋdenŋe den lâuwâ are bo ewangimap.” dâep. <sup>34</sup>Hain dâmbo Yesuŋe nâŋgâmbô ârândân akto hin maganŋep, “Gâ Anutugât amukŋân manberâm ewumâk aktât.” dâep. Sop ain luâkŋe Yesu aikowerâm akmâ Yesuŋe den hâuŋe âlepŋe makyenŋiep are nâŋgâmbiâ umatŋe akto hamewakmâ hepuli.

**Yesuŋe ikiŋaet keiŋaet aiyenŋuep.**

<sup>35</sup>Yesuŋe sumbe opmânŋân kinmâ hin dâm aikoep, “Mosegât den kârikŋe makmai are wangât hin dâmai, “Anutuŋe huŋgun anŋdo gewiap are âmâ Dawidigât kâmot are yengât hutyenŋân miawakbiap.” dâmai? Amâ hianŋimai. <sup>36</sup>Akto ulikŋân Anutugât Heakŋande Dawidi kautŋân mendo hin dâep,

Anutu Humoŋe nâŋgât Humone hin maganŋep, “Gâ enemnân togom bâte bungen tatmenâ gasalupge keigaet amukŋân kâmot katere tâliyekbiat.” dâep.

<sup>37</sup>Aregât den keiŋe hin. Dawidiŋe ikiŋe Humo dâm kolep. Aregât âmâ gain gain akmâ yâk âmâ Dawidigât kâmolân gâtŋe miawakbiap dâwai?” dâep. Hain dâmbo kâmot humo arekŋe denŋe nâŋgâmbiâ dâtŋe akto heronŋe agi. <sup>38</sup>Sop ain Yesuŋe den dewatim hin makyenŋiep, “Ye Mosegât den kârikŋe maknengimai are hepun yekbei. Yâkŋe hâkyenŋe mem agat agat akmai. Hain akmâ luâkŋe dâwân nenekmâ, “Woe nâŋgâ

nângâ luâk yengât agak meme âlepŋe akmai.” dânet dâm aregât sângum kâlep lalakmai. <sup>39</sup>Akto areâk bo. Hâkyeŋe mem agatmâ hin akmai. Den opmânŋân me mendugu mendugu opmânŋân luâk âmbâle arekŋe tatmâ nenekmâ egâliar nenekŋet dâm aregât enemyeŋân tatmâ yeŋaet nângâmbiâ âgâmap. <sup>40</sup>Hain akmâ âmbâi kambut yengât emet akto kotŋe siâ siâ kâmbu memai. Hain akmâ luâk âmbâle bikŋe yengât dewunyeŋân kinmâ den kâkâlep Anutugâlân makmai aregât Anutuŋe hâuŋe bâleŋe yengimbo dowâk hamep akbai.” dâep.

### Âmbâle kambut umburuk siâŋe Anutugât pat dâm puli kalep.

<sup>41</sup>Yesuŋe sumbe emetŋân âgâambo luâk âmbâle dondâ togom puli kat kat kondoân puli katbiâ gembo yegep. <sup>42</sup>Hain akbiâ yekmâ tato sikum luâkŋe puli katbiâ giep. Hain akbiâ âmâ âmbâi kambut siâŋe âmâ togom puli gutŋe gilâmŋe lâuwâk kalep. <sup>43</sup>Akto Yesuŋe are ekmâ hoŋ bawalupŋe yengondo gutbiâ hin makyengiep, “Imâ bunŋe makbe. Âmbâi kambut umburuk irekŋe âmâ yeandâp are hârogâk katmâ meteâp aregât bikŋe yengât dop ewangiâp. <sup>44</sup>Bikŋande âmâ humo yeyengimbo bikŋeâk katâi. Dâ âmbâi kambut umburuk ire âmâ talaŋdâp dopŋân hârok katmâ meteâp. Siâ bo talaŋdâp.” dâep.

### Sumbe emetŋe patakome hilipkowai aregât magep.

**13** <sup>1</sup>Hain dâm sumbe emetŋânba gem ariwerâambo hoŋ bawaŋe siâŋe hin dâep, “Humo ek. Sumbe emetŋe âlepŋe dondâ kât hamepŋe olowâkŋe ketugum heŋgemgoyi.” dâambo <sup>2</sup>hin magaŋep, “Sumbe emetŋe yu ektâi ire hâmbâi gasalupyenande togom hârem gagaim itinj gulam ketuguwai.” dâep.

<sup>3</sup>Yesu akto hoŋ bawalupŋe gimbâŋe kotŋe Oliwa ain âgâyi. Âgâm âmâ sumbe emetŋe humo are gimbâŋe biken tato egi. Ain tatmâ Petoro, Yakopo, Yohane akto Anderea yâkŋe Yesu ikiŋaet aikom hin dâyi, <sup>4</sup>“Maktât are amuten miawakbiap? Akto den are bunŋe miawakberâm akto ain kulem gain gain hinare miawakbiap?” dâyi. <sup>5</sup>Hain dâmbiâ hin makyengiep, “Siâŋe nângâ nângâyene hilip kowopgât nângâm manbei. <sup>6</sup>Luâk dondâ miawakmâ nângât kolân hâk tunangim hin dâwai, “Nâmâ Anutuŋe huŋgun niŋdo geân.” hain dâmbiâ luâk dondâŋe han gulip akbai. <sup>7</sup>Akto den o hilo kot kamboŋ miawakto kugât pat nângâm hanyeŋe bo bâlim yeugewiap. Hain are miawagâkgât mak makŋe miawakto sop humo dowâk bo miawakbiap. <sup>8</sup>Akto hânŋe hânŋe kâmot humo bâleŋe akmâ arekŋe gasa akmâ agum walakmâ ariwai. Akto hainâk wariŋ mendo duwuŋ humo akbiap. Hain akmâ mop humo miawakmâ yembiap amâ hâk hilâlâm nângâwai. Hinŋe maktere nângâi are âmâ umatŋe aregât keiŋeâk miawakto hamiŋân umatŋe dondâ miawakbiap. <sup>9</sup>Ye heŋgem agum manbei. Yengât gasalupyenande denân

katyekmâ den opmânñan bugâñe yeŋguwai. Akto areâk bo. Nânġât akmâ luâk humomo yâk yeŋġâlân meyekmâ arimbiâ yâk yeŋġât dewunyeŋân kinmâ nânġât den makyenġiwai. <sup>10</sup>Akto denne hânġe hânġe sambelem arim metembo hârok nânġâwaiân âmâ sop humo miawakbiap. <sup>11</sup>Akto gasalupyenġande hâkyeŋe tunmâ damunlupyenġe yâk yeŋġâlân me kiap yeŋġâlân meyekmâ ariwaiân âmâ luâk yeŋaet den gain gain den hânġe dâwaen dâm nânġâmâk bo akbei. Sop ain âmâ den makbai are Anutuġât Heakġande dâm miawakmâ makyenġimbo âlepġe dâwai. <sup>12</sup>Sop ain âmâ luâk âmbâleġe hin akbai. Teuġande emiġe kiapġâlân katmâ hianġo kombiâ mombiap. Akto eweġande nanġe kiapġâlân katmâ hianġo kombiâ mombiap. Luâk âmbâi sisikġe ewe memelupyenġe kiapġâlân katmâ hianġbiâ nânġâmbo yeŋgumbiâ mombai. <sup>13</sup>Akto patne lokom manmai areġât luâk hârokġe yekmâ nânġâmbiâ âmâ kukġe olowâk umatġe olop manbai. Gârâmâ bikġande nânġât pat mem manbai âmâ Anutuġe tânyenġumbo biwiyeġe agato ârândâġâk manmâ âġâwai are âmâ Anutuġe meyekbiap.

**Siâ me siâ hâkġe hâkġe dondâ miawakbiap.**

<sup>14</sup>Ye kulem ire oyaŋmâ nânġâm heŋgemġewei. Ye manmâ hâkġe hâkġe kautġe bâli bâliġe olop are bo kin kinġân kinbiap âmâ ye den ire nânġâmbiâ hain miawakto ekmâ nenguwâirâm Yudaia hânângenba pârġim gimbâñe siân âġâwai. <sup>15</sup>Akto kepia ginġân manbiapġe emetġe kâlegen purik katmâ âġâm ito sikumġe bo membiap. <sup>16</sup>Akto âiângenba manbiapġe kepian arim sâŋgum dâġâmġe bo membiap. Nuguwâirâm pârġim dowâk gimbâñe siân ariwiap. <sup>17</sup>Akto sop ain âmbâi tepdâñe me namân ġâtġe olowâkġe âmâ gain gain akbai? Umatġe olowâk akbai. <sup>18</sup>Areġât Anutu hin ulilaġbei, “Humo umatġe are tânâk kâlegen bo miawakbiap.” dâwai. <sup>19</sup>Akto sop ain siâ me siâ hârok wilâgem poyagem metewiap, dop hainare Anutuġe luâk liunmâ mânġiewân bak bo miawagep. Dâ manmâ gai bo miawakbiap. <sup>20</sup>Areġât kembuġe sop are bo dâm hârembo dâine luâk me âmbâle siâ me siâ bo manmâ kârġikġe kinbop. Dâ Anutuġe ikiġe kâmotlupġe yâk yeŋġât akmâ âmâ sop areġât makto tâlâwâk akbiap. <sup>21</sup>Anutuġe hain dâwiap areġât nânġâm siânġe Anutuġât hoġ bawa ġewiap are, “Iren nengâlân miawaktâp me yâk indâgen yeŋġâlân miawaktâp.” dâmbiâ âmâ bo nânġâwei. <sup>22</sup>Sop ain hianġi propete siâ me luâk siâ miawakmâ âmâ, “Anutuġe huŋgun nengimbo damunyeġe akberâm gešion.” dâm nânġât kâmotlupġe heyenġim yeŋġâlân dewatiwaigât âi humo membai. Akto siânġe miawakmâ nânġât kolân hâk tunanġim nânġât kâmotlupne hilipyenġuwaigât kulem humo memberâm areġât âi humo membai gârâmâ Anutuġe ye yekmâ nânġât dâtânġe dâm tânyenġumbo areġât hanyenġe hilipyenġuwaigât dop bo tatbiap. <sup>23</sup>Are boâk miawakto hinġe makyenġiân are nânġâm heŋgemġom manbei.

### Yesuŋe lâuwâŋe togowiapgât magep.

<sup>24</sup>Umatŋe humo are bo akto sop ain âmâ hândâk humo arekŋe dewutâ hilâm gâtŋe dâgâm yembiap. Akto dewutâ hândâkŋân gâtŋe bo pagalewiap. <sup>25</sup>Akto diâ hânân pekmâ gewai. Wan me wan kârikŋe himbimân yendâi are duwuŋ akbai. <sup>26</sup>Sop ain nâ luâk akmâ geân aregât lâuwâŋe hamandat kakŋân gem pagaleŋe olop kârikŋe akmâ gere nekbai. <sup>27</sup>Nâŋe aŋelolupne huŋgunyengim hin dâwian, “Hân himbim bâiŋângen arim luâk âmbâlelupne nune dâtâŋe dâman are meyekŋet.” dâm huŋgunyengire ariwai. <sup>28</sup>Ye lâut kotŋe kâli kak kak are nâŋgâi. Indembo âmâ, “Woe, dewutâ âlepŋe komberâm aktâp.” dâmai. <sup>29</sup>Hainâk hâmbâi wan siâ miawakbiap are ekmâ nâŋgâwai, are emelâk ewumâk akmâ Kristo togowerâm aktâp dâwai. <sup>30</sup>Nâ makyengire nâŋgâŋet. Luâk âmbâle yu mandâi ire manbiâk den maktân ire bikŋande ekbai. <sup>31</sup>Akto hân himbim âmâ bo akbiandat. Dâ denne irekŋe âmâ yem âgâwiap. <sup>32</sup>Akto maktân iregât sopŋe luâk siâŋe bo nâŋgâp. Akto aŋelo himbimân mandâi arekŋe bo nâŋgâi. Akto Anutugât nanŋe nâ bo nâŋgân. Ewene konok yâkŋe nâŋgâp. <sup>33</sup>Sop amuten wan me wan siâ miawakbiap dâm aregât nâŋgâm heŋgemgom manbei. Ye purik katbian sopŋe bo nâŋgâi. <sup>34</sup>Luâk siâŋe emetŋe hepunmâ kâlewângen ariwerâm akbiap. Hain akmâ âi luâklupŋe hin makyengiwiap, “Siâ siâ ire lâmgoŋet.” dâm âi are potatmâ ikiŋeâk ikiŋeâk yeŋgiwiap. Yeŋgim âi luâk siâ maganmâ hin dâwiap, “Gâ hâŋgiân ire damun kinben.” dâm ariwiap. <sup>35</sup>Aregât biwi golâk manbei. Gârâmâ emet damunŋande âi are mem âmâ purik katbiap aregât sopŋe bo nâŋgâmai aregât damun kârikŋe kinmâ manbei. “Eŋgaiŋe me hândâktâk, me gokorok indemboân me emet hauŋdo me <sup>36</sup>asiŋ yendere togom nekmâ watnekbop.” dâm hilâm ârândâŋ damun kârikŋe kinbei. <sup>37</sup>Den ire yeâk bo makyengiân. Luâk âmbâle hârok yeŋgât maktân. Amâ biwi golâk manbei.” dâep.

### Yesu konegât maganŋi goanŋi agi.

**14** <sup>1</sup>Akto hombaŋ siâ aregât kotŋe Pasowa are âi meme sopŋe lâuwâ bo akto miawakbiapgât ain sumbe kat kat luâk aregât humomolupyeŋe akto Mosegât den kârikŋe makmâ kepigi arekŋe âmâ hin dâyi, “Gain gain akmâ Yesu hianŋenŋe den bâleŋe makto aregât kondenŋe moâk. <sup>2</sup>Akto hinŋe Yesu mendenŋe luâk âmbâle dondâ hombaŋgât togoyi irekŋe nâŋgâmbiâ kuk miawakbopgât hinŋe bo memberen.” dâyi.

### Âmbâi siâŋe Yesu tu higenŋe âlepŋe puliaŋep.

<sup>3</sup>Akto Yesu Betania kepiân âgâep. Âgâm luâk hâk bâle siâ agep kotŋe Simon aregât emelan âgâ tatmâ sot niep. Akto ain âmbâle siâ togoep.



Arekne tu higenje ukenje siâ umbâ bâlensiân mem togoep. Tu are akto umbâ are puliŋe âgâ âgâŋe dondâ are hogom Yesugât kautŋân kâiep. <sup>4</sup>Kâimbo luâk bikŋe ain kili are biwiyenje bâlimbo hin dâyi, “Wangât tu ire yân kâiâp? <sup>5</sup>Nenŋe ire luâk yengâlân mem arim dâine âlepŋe puli dondâ mem âmâ luâk umburuk yengiwâen.” dâyi. Hain dâm âmbâle are peiyi. <sup>6</sup>Peimbiâ Yesuŋe hin dâm makyenŋiep, “Ye âmbâle ire bo peiŋet. Wangât umatŋe waŋdâi? Âmbâle irekne okot âlep akniŋdâp. <sup>7</sup>Sop kâlep luâk umburuk ye olop tatmâ manbai are tânyenŋuwerâm aregât aktâi. A âlepŋe hain akŋet. Dâ nâmâ ye olop sop kâlep bo manbaen. <sup>8</sup>Dâ âmbâle irekne aktâp ire âmâ âlepŋe akniŋdâp. Tu hâknân kâiâp ire âmâ mombian aregât nânŋâm akniŋdâp. <sup>9</sup>Gârâmâ bunŋe makyenŋire nânŋâŋet. Hânŋe hânŋe nânŋât pat ire makyenŋim manbai ain âmbâle ire aktâp yâkŋât pat nelâmyenŋiwopgât gai makyenŋimbiâ nânŋâwai.” dâep.

### Yudasi Yesu hâkŋe tunmâ puli miep.

<sup>10</sup>Yesugât aposololupŋe keiân lâuwâ mali are yengât hutyenân gâtŋe siâ kotŋe Yudasi arekne sumbe kat kat luâk areyengât humomolupyeŋe are yengâlân arim hin makyenŋiep, “Nânŋe Yesu yâgâten me yâgâten mando ain hekatyenŋire meañbai.” dâm makyenŋimbo <sup>11</sup>nânŋâm biwiyenŋe heronŋe akto puli waŋbaigât magañi. Akto aregât den dâpŋe gain gain makyenŋire Yesu mem miawakŋet dâm dâpŋât undâgâlep.

### Yesuŋe luâklupŋe olop sot neyi.

<sup>12</sup>Akto hombaŋ kotŋe Pasowa are keiŋe katmâ sot bo kauliep are nemini. Akto sop ain lama gâim om nemini. Aregât hoŋ bawalupŋande Yesu magañmâ hin dâyi, “Sot soŋgo emet wanân ondenŋe nemberen?” dâmbiâ <sup>13</sup>Yesuŋe aposolologâtŋe lâuwâ huŋgun yetkim hin dâep, “Yet âmâ Yerusalem kepiân ariet. Arim luâk siâ ain umbâ heleŋ helenân tu hâgâm lokom manmâ yelektu aikombela kewugu yelekmâ emet are hekat yetkiwerâp. <sup>14</sup>Hekatyetkimbo emet ambonŋe hin dâm magañberat, “Humo netŋande hin dâp, “Nânŋât emet kom hâre hâreŋe are yâgâten hoŋ bawalupne olop sot nemberen?” hain dâp.” dâmbela <sup>15</sup>kom hâre hâreŋe humoâk egon kakŋângen are hekatyetkiwerâp. Emet kâlegen are âmâ dâgâm me kondo bunewâk heŋgemgoyi, ain arim sot wan kalet.” Hain dâm huŋgunyetkimbo ariyat. <sup>16</sup>Arim Yesuŋe makyetkiep are mem miawakmâ sot are mem hombaŋgât wan me wan heŋgemgoyiat.

<sup>17</sup>Hain akbela enŋaiŋe akto Yesu togom aposololupŋe keiân lâuwâ olop sot soŋgo are neyi. <sup>18</sup>Nem tatmâ hin dâep, “Makyenŋire nânŋâŋet. Yu tatâi yengât hutyenânba siânŋe nânŋât gasa akmai are yengâlân arim nâ mem nuguwerâi aregât keiŋe hekatyenŋiwerâp are nâ olop tatmâ sot nenden ire.” dâep. <sup>19</sup>Hain dâmba aposololupŋande biwiyenŋe umatŋe akto

siâkâ ikiñeâk ikiñeâk hin magarji, “Maktât amâ nâ mon?” dâyi. <sup>20</sup>Hain dâmbiâ Yesuñe hin makyengiep, “Amâ luâk keiân lâuwâ tatâi yeñgâlân gâtñe konok luâk are âmâ yu nâ olop sot nemberen kondo kâlegen bâtnetñe pandetñe geâp yâkgât den umatñe makyengire nânğâñet. <sup>21</sup>Anutugât den bunñe miawakto luâk akmâ geân nâ mombian gârâmâ nânğât gasa yeñgâlân katnekberâp arekñe umatñe humo mem manbiap. Luâk are memenñande bo miep dâine owâiñe agañbop.” dâep.

<sup>22</sup>Akto aposololupñe sot nem tali akto Yesuñe sot siâ mem munditmâ Anutu mepaiñe mem hin makyengiep, “Ire âmâ nânğât sunumne aregât dop.” hain dâm yeñgimbo neyi. <sup>23</sup>Akto waiñ hâpu siâ mem kinmâ âkâ hainâk Anutu mepaiñe mem yeñgimbo neyi. <sup>24</sup>Nembiâ den hin makyengiep, “Tu ire âmâ nânğât gilâmne aregât dop. Tu yu kâim yeñgire nendâi gârâmâ hâmbâi Anutuñe den pat kârikñe kalep are miawakto nugumbiâ gilâmne gembo luâk âmbâle dondâ areyeñgât dosa bo akbiap. <sup>25</sup>Nâ hinñe waiñ koañe tuñe bo nembian arekñe maleine bunewâk Anutuñe damunyeñe akberâm keiñe kato ain tu irakñe nembian.” hain dâm makyengiep.

<sup>26</sup>Hain dâm makyengimbo Anutugât kotñe mem agatmâ kep siâ membiâ bo akto arewa sopenmâ Oliwa gimbanñan âgâyi.

#### Yesuñe Petoro magañep.

<sup>27</sup>Âgâm ain aposololupñe hin makyengiep, “Anutuñe makyengimbo kulemgoyi aregât bikñe hin tatâp,

“Nâñe bau damunyeñe kondere mondo bau are awam akmâ kâit akmâ metewai.”

Den pat are bunñe miawakto menekberâm togombiâ ye hârok gem awam akmâ hanâk hanâk ariwerâi. <sup>28</sup>Gârâmâ nugumbiâ mondere han nugumbiâ momoñânba agatmâ arim Galilâia hânân lâm yeñguwian.” dâep. <sup>29</sup>Hain dâmbo Petoroñe hin magañep, “Gânğât gasa togombiâ hamewakmâ ariwerâi me bo. Bo nânğân. Dâ nâmâ bo hepun gekberân. Gâ olop tatmâ tân gugum âgâwian.” dâep. <sup>30</sup>Hain dâmbo Yesuñe hin magañep, “Makğindere nânğâ. Hândâk uñak gâñe nânğâ yâkgât kotñe bo nânğâman dâm makyengimenâ sop âlâwu akto ainâk gokorok lâuwâñe indewerâp.” dâmbo <sup>31</sup>kârikñe akmâ hin dâep, “Bo. Nâ gâ olowâk mombaet aregât hamep bo aktân. Akto nâ gânğât kotge bo mem heambukberân.” hain dâep. Dâmbo galalupñe hârok hainâk dâyi.

#### Yesuñe Eweñe ulilañep.

<sup>32</sup>Arewa ari kalam siâ kotñe Gesemane ain ariyi. Ain arim Yesuñe aposololupñe makyengim hin dâep, “Ye ge tatbiâ indâgen ba kinmâ Apo mañganmâ ulilañberân.” dâmbo ge tali. <sup>33</sup>Hain akmâ arewa Petoro, Yakopo akto Yohane meyekto bayi. Ba kinmâ biwiñe umatñe

akto hin dâm makyengiep, <sup>34</sup>“Ye âmâ iren damun tatjet. Biwine umatje dondâ akto gain gain manberân aregât tân nugum iren damun tatjet.” dâm makyengiep. <sup>35</sup>Makyengim hepun yekmâ getek indânân ba hânân ge tatmâ Anutuje umatje ire hepunniâk dâm hin ulilanej, <sup>36</sup>“O Apo, gugak âmâ siâ me siâ hârok miawakbiapgât bo pâpkomat aregât ujak umatje miawak niñberâm aktâp iregât bo niñ dâm ulit giñdân. Gârâmâ gâñe âmâ nâñgât nâñgâ nâñgâne bo watben. Guge nâñgâ nâñgâge watben.” dâm ulilanej. <sup>37</sup>Hain akmâ purik katmâ bam yekto aposololupje âlâwu are asiñ yeyi. Yembiâ yekmâ Petoro goañmâ hin maganej, “Simonj gâ asiñ yendât me? Hinñe hepun yektân ina pâlâmñe yendât.” dâm <sup>38</sup>aposololupje âlâwu are hin dâm makyengiep, “Biyenjeande âmâ laune lokowerâm aktâp. Dâ hâkyenje âmâ konam aktâp aregât hâkñe hâkñe arekñe togom dop yenguerâm akbopgât damun kinmâ Anutu ulilanej.” dâep. <sup>39</sup>Hain dâm makyengim purik katmâ bam lâuwâne hainâk Anutu ulilanej. <sup>40</sup>Ulilanjmâ metem purik katmâ gutmâ yekto asiñgât dondâ nâñgâyigât asiñâk yem tali. Hain akbiâ hainâk aiyengumbo dengât pâpkom añun añgim tali. <sup>41</sup>Hain akmâ kinbiâ hepunyekmâ bam hainâk âlâwuñe akmâ guto asiñ yembiâ hin dâm makyengiep, “Ye asiñ yem mandâi mon? Bâin. Ujak âmâ nâ luâk akmâ geân aregât dosa luâk yengâlân katnekto menekmâ hilip nuguwerâigât sop ewumâk aktâp. <sup>42</sup>Gârâmâ bâin agatmâ indâre yekñet. Nâñgât halop hogoâp ina togoâp. Ye agatbiâ arim peniañne.” dâep.

### Yesu meyi.

<sup>43</sup>Den are hain dâm makyengimbo kinbiâ ainâk indâgenba Yudasine luâk dondâ sumbe kat kat luâk areyengât humomolupyeñe akto Mosegât den kârikñe makyengimini akto Yuda yengât damunlupyeñande huñgun yengimbiâ Yudasine kewugu yekto togoyi. <sup>44</sup>Akto luâk gasa kewugu yekto togoyi are âmâ Yudasi Karioto gâtñe luâk are Yesu ikiñe hoñ bawa inarekñe ari gasa tirip katyengim hin makyengiep, “Yesu are âmâ lokom mañgandere ekmâ âmâ hikom mem ariwei.” dâm makyengim kewugu yekto tâwât bugâ me soñ soñ lokom togoyi. <sup>45</sup>Togom gasa are iñgon kinbiâ Yudasine Yesugât enemñân âgâm, “Humone.” dâm lokom mañgando <sup>46</sup>olowâk togoyi arekñe âgâ Yesu mem hikoyi. <sup>47</sup>Akto luâk kili are hutyeñânba siâñe tâwât mem oloñmâ sumbe kat kat humo yeñaet hoñ bawa siâ kârâmbo oloñ akto ondopñeâk kârâm hâriep. <sup>48</sup>Hain akto Yesuñe hin makyengiep, “Ye nâñgât nâñgâm âmâ bugâ luâk dondâ hanyenân ge mandere teñgâ soñ soñ lokoakbiâ bugâ humo miawakbopgât togoâi mon? <sup>49</sup>Nâ hilâmñe hilâmñe sumbe emetñân Anutugât den pat makyengiman sop ain menekbâi gâten. Anutuñe hârok nâñgâm makyengimbo kulemgoyi are yendâp are bunñe miawagâkgât hinñe menekñet.” dâmbo <sup>50</sup>aposololupñande hepunmâ gem awam agi.

<sup>51</sup>Akto Yesu hamiñân togombiâ yâkgât kâmolân gâtñe luâk sigan siâ sângum kau kau konok lalakmâ togoep. <sup>52</sup>Togombo memberâm akbiâ pârigimbo sângum kau kau areâk mem hulañbiâ sângum bâlâk pârigim ariep.

### Yesu den âiân kali.

<sup>53</sup>Akto Yesu mem sumbe kat kat areyengât humogâlân ariyi. Yâkgât emelan âgâmbiâ sumbe kat kat luâk areyengât humomolupyene akto Mosegât den kârikñe makyengiyi are akto Yuda luâk areyengât humomolupyene arekñe âgâmbiâ mendugum kili. <sup>54</sup>Akto Peto purik katmâ yoñâk hamiyenângen yoñâk watyekmâ togom emet kili aregât ginñân ba sombeimân kilep. Bam ain luâk humo aregât tembe lokolupñe yengât hutyeñân tatmâ kâlâp nângâm talep. <sup>55</sup>Tato emet ain âgâyi arekñe luâk niñande Yesugât agak meme are nângâp are makto kone dâm ai aguyi. Ai pei agum keiñe undâgâli. <sup>56</sup>Hain akmâ luâk dondâñe den aᅅgâ aᅅgâ hogom togo hâkgân hâkgân agi. Akto den are dopñe konogâk bo magi. <sup>57</sup>Siânbañe siâ dâmbiâ dâmbiâ agi. Akto luâk siânbañe Yesugât hiañgi den hin magi, <sup>58</sup>“Den siâ hin makto nângâyion, “Sumbe emetñe humo meyi ire gagaim patakore awam akmâ yendo hilâm âlâwu kâlegen nunak bâtnandeak mem metewian.” dâep.” dâyi. <sup>59</sup>Hain dâmbiâ den yu dâyi ire gai den ulik gulik magi are olop dop konok bo agep. <sup>60</sup>Akto sumbe kat kat yengât kautñande hutyeñânba agatmâ kinmâ Yesu hin magañep, “Gâ wangât den hâuñe siâ bo maknengîât. Den aᅅgâ aᅅgâ hogom togo hâkgân hâkgân aktâi iregât nângâmenâ ârândâñ aktâp me bo? Gain gain maknengimenâ nângâne.” dâep. <sup>61</sup>Hain dâm magañdo Yesuñe den hâuñe bo magañmâ denñe nâñâk kilep. Akto sumbe emetñaet luâk humo arekñe totokomâk hin magañep, “Gâ Anutuñe huñgun giñdo gien are me siâ? Humo kotñe mem agatmaen aregât nanñe gâ me?” dâep. <sup>62</sup>Hain dâm magañdo Yesuñe hin dâep, “Gâñe ya maktât are amâ nâ. Nâ luâk akmâ geân aregât nâmâ kârikñe amboñe Anutuñe enemñân manman aregât Anutuñe kârikñe niñmâ huñgun niñdo himbimânba hamandat olop gem amâ hârok damunyeñe akbian ain amâ nekbai.” dâep. <sup>63</sup>Hain dâmbiâ sumbe kat kat luâk humo arekñe den are nângâm biwiñe kâlâp akto aregât ikiñe sângumñe mem duwatmâ galalupñe hin makyengiep, “Siâñe siârâm siârâm akbiâ amâ den âi humo membâen. <sup>64</sup>Luâk ire amâ Anutuñe kotñe mem bâlimbo nângân aregât ye gain gain nângâi?” dâmbiâ luâk âmbâle mendugum kili arekñe Yesugât hin dâyi, “Moâkgât dâp miawaktâp.” dâyi. <sup>65</sup>Hain dâm arewa keiñe katmâ tâwutkoyi. Akto bikñande sângumñe dewunñe dâgâm tigim koyi. Kom kinmâ hin dâm magañi, “Ondopge hogoâp aregât kotñe kon.” dâmbiâ tembe lokoñe ondopñe hogoyi.

**Peto hamewakmâ, “Nâ Yesugât kâmolân gâtñe bo.” dâep.**

<sup>66</sup>Akto Peto inñon emet aregât ginñân tatmâ kâlâp nângâm talep. Tato ainâk emet aregât amboñe luâk humo aregât sumbe kat kat yengât

kautņe yâkgât horj bawa âmbâle siâ togoep. <sup>67</sup>Togom ekto Petoro kâlâp nânġâm tato âmbâle arekņe ekmâ totokomâk totokomâk egep. Ekmâ hin magañep, “Gâ Yesu Nasarete kepijan gâtņe are olop manmandat.” dâep. <sup>68</sup>Hain magañdo Petoroņe munenġ akmâ magañep, “Nâ luâk are bo nânġanġdân akto den maktât areġât keiņe bo nânġân.” dâep. Dâm âmâ dâwângen ariwerâm gembo gokorok indiep. <sup>69</sup>Gokorok indembo âmbâle arekņe Petoro yonġâk egep. Ekmâ kinmâ arekņeâk hin dâep, “Luâk ire âmâ Yesugâlân gâtņe.” dâm makyenġiep. <sup>70</sup>Makyenġimbo Petoroņe lâuwâņe hainâk magep, “Bunņe dondâ nâ luâk are bo nânġanġdân.” dâep. Akto getek kinmâ luâk enemņân kili arekņe Petoro hin magañi, “Gâ maktât areġât den amâ Galilaijanje makmai han hainângen maktât areġât ġâmâ Galilaija areyenġâlân gâtņe.” dâm magañi. <sup>71</sup>Hain magañbiâ makmâ bâleņeâk magep, “Anutugât meteņân makmâ kârigem makberân. Nâ yeņe luâk kotņe kondâi are bo ekmâ heņġemġoman.” dâep. <sup>72</sup>Hain dâmbo ainâk gokorok lâuwâņe indiep. Indembo nânġâm Yesuņe den hin magañep are hanņân ga togoep, “Gâ gokorok lâuwâņe bo indemboâk nânġâ yâkgât bo nânġâ aņman dâmenâ âlâwu akbiap.” dâep are hanņân ga togombo nânġâm okotņe akto indiep.

#### Pilatoņe Yesu aikoeþ.

**15** <sup>1</sup>Akto emet haunġo ain sumbe kat kat areyenġât humomolupyenġe akto Moseġât den kârikņe makyenġimini akto damun hârok menduguyi. Mendugum Yesu hikom mem kiap kotņe Pilato ġâlân arine dâm den âi meyi. <sup>2</sup>Hain akmâ mem Pilato ġâlân arimbiâ hin magañep, “Yuda yenġât luâk humoyenġe are ġâ me?” dâmbo Yesuņe hin dâep, “Amâ ġâņe ya maktât are.” dâep. <sup>3</sup>Akto sumbe kat kat yenġât humomolupyenġe arekņe den aņġâ aņġâ hogom togo hâkņân hâkņân aġi. <sup>4</sup>Hain akbiâ Pilatoņe Yesu hin magañep, “Gâ den hâuņe siâ wangât bo makmâ kindât? Nânġâ. Den aņġâ aņġâ hogom togo hâkġân hâkġân aktâi.” dâm magañep. <sup>5</sup>Hain dâmbo Yesuņe den hâuņe bo makberâm areġât yânâk kilep. Kindo Pilatoņe nânġâm han lâuwâ agep.

<sup>6</sup>Akto Pasowa hombaņ sop ain âmâ kala busiânba luâk ikiņak siâ bo watyekminep. Luâk âmbâleņe togo luâk siâ konbiâ watmâ watmâ akminep areġât nânġaep. <sup>7</sup>Sop ain âmâ luâk siâ kala busiân talep kotņe Baraba arekņe ulikņân kugġât dâtņe mendo agum luâk siâ kombiâ moep areġât akmâ kala busiân katbiâ talep. <sup>8</sup>Akto luâk âmbâle mendugum kili arekņe ulikņân akminen hainâk ak dâm Pilato konmâ tali. <sup>9-10</sup>Akto Pilatoņe hingât nânġâm, “Sumbe kat kat areyenġât humomolupyenġande, “Luâk âmbâle hârokņe Yesuġât kotņe mem agatbiâ nengât gewop.” dâm nânġâmbiâ bâlimbo areġât Yesu mem nânġâlân togoâi.” dâm nânġâm hin makyenġiep, “Ye Yuda yenġât luâk kembuyeņe ire hepundere yenġâlân gulâkġât nânġâi me wan?” dâm makyenġiep. <sup>11</sup>Hain dâm

makyenjimbo sumbe kat kat luâk arekne luâk âmbâle hin makyengi, “Ye konmâ wârakbiâkâ Baraba konok hepundo geâk.” dâm makyengi. <sup>12</sup>Hain dâm makyenjimbiâ hainâk konmâ wârakbiâ Pilatoje lâuwâne hin makyengiep, “Ye nânġâi. Yuda yengât luâk kembuyeje dâmai ire gain mânġiwegât nânġâi?” dâep. <sup>13</sup>Hain dâm makyenjimbo luâk âmbâle arekne konmâ hin dâyi, “Lâwinân kombiâ moâk.” dâyi. <sup>14</sup>Hain dâmbiâ Pilatoje hin makyengiep, “Wan akmâ hilipkoâp?” dâmbi luâk âmbâle arekne konmâ wârakmâ, “Lâwinân kombiâ moâk.” dâm wâragi. <sup>15</sup>Akto Pilatoje luâk âmbâle dondâ wâragi aregât okotyene âlepne agâk dâm tembe lokolupne hin dâm makyengiep, “Baraba kala busiânba hungun anġbiâ ariâk.” dâmbi arim hungun anġbiâ ariep. Akto tembe lokolupnande Yesu handomne orem lâwinân kondenne moâkgât mem ariyi.

<sup>16</sup>Akto tembe lokeje Yesu mem kiap humogât emetne ain mem âġâyi. Mem âġâm tembe loko hârogâk yengonbiâ togoyi. <sup>17</sup>Togom âmâ sângum gilâm siâ lalaġmâ tâk dâtâ dâtâ siâne irimut ketugum kautġân kauġanġi. <sup>18</sup>Hain akmâ siânbaġe lau elek agaġmâ hin magaġi, “Wei, Yuda yengât luâk kembuyeje.” dâyi. <sup>19</sup>Hain dâm kâroje mem kom tâwutkom togo enemġân pâwutyene ligiaġmâ giriġanġi. <sup>20</sup>Hain akmâ sângum gilâm are higoġmâ iġiġe sângum lalaġmâ lâwinân komberâm mem ariyi.

#### Yesu lâwin parâġân koyi.

<sup>21</sup>Mem arim dâwân luâk siâ egi are kotne Simoġ Kirene hânân ġâtne Alesande akto Rupu eweyetne are halângenba togom mando dâwân egi. Ekmâ wârakmâ tatbiâ Yesugât lâwin are lokombo ariyi. <sup>22</sup>Arim hân siâ kotne Goligata den purikne amâ kaut hagitne ain ariyi. <sup>23</sup>Akto hâk hilâlâm humo nânġâwop dâm waiġ akto biwi gulip tu kâim mendugum waġbiâ borâep. <sup>24-25</sup>Akto dewutâ gambo lâwinân koyi. Kom mem anuġbiâ kindo sângum memberâm kotyene kulemgom are umbâ kâlegen panbiâ gembo luâk kotyene miawakto arekne sângum are meyi. <sup>26</sup>Akto kom kautġân lâwin ulikġân kulem kulemgoyi aregât keiġe hin, “Ire Yuda yengât luâk kembu.” <sup>27</sup>Akto bugâ koko kâmburâ lâuwâ siâ Yesugât gasomne biken biken lâwinân yetkuyi. <sup>28</sup>Akto Anutne makyenjimbo kulemgoyi âmâ hin yendâp are bunġe miawagep, “Nânġât hoġ bawane yâk luâk bâlene hâkne hâkne yengât hutyeġân katbai.” dâep. Are bunġe miawakto aregât luâk kâmburâ lâuwâ olop yetkuyi. <sup>29</sup>Akto luâk âmbâle gam ariyi arekne Yesu den hembalik mânġim hin dâyi, “Sumbe kat kat emetne gagaim hilâm âlâwu kâlegen ketuguwian dâmat aregât <sup>30</sup>bâin kârikne akmâ lâwinânba ge.” dâyi. <sup>31</sup>Akto sumbe kat kat luâk areyengât humomolupyeġe akto Moseġât den kârikne makyenjimini arekne hainâk den hembalik mânġim magaġi goaġi akmâ hin dâyi, “Luâk anġâ âmâ tân yengumap. Dâ iġiġe âmâ wangât bo tânaguâp? <sup>32</sup>Anutne hungun anġo togom Yuda luâk nengât luâk kembu mandâp dâmai inarekne

lâwinânba gembo ekmâ âmâ den are bunje dâm nângâweren.” dâyi. Hain dâmbiâ Yesugât enemje bip bip yetkuyi lâuwâ arekâ hainâk den bâleje magarjat.

#### Yesu moep.

<sup>33</sup> Akto hilâm tânâmjân ain hândâk humo dâgâm yendo engaije agep. <sup>34</sup> Engaije akto ain are Yesuje kot hin kolep, “Eli Eli lama sabaktani?” dâep. Den purikje âmâ, “Anutuje, Anutuje wangât hepun nektât.” dâep. <sup>35</sup> Akto luâk ain kili ainba siânbaje nângâm hin dâyi, “Âure nângâjet, Elia kondâp.” dâyi. <sup>36</sup> Akto luâk siâje pârigim arim sângum papaje siâ kâroân bigeim waij nasukjân panmâ mem agatmâ Yesugât laujân katmâ kinmâ galalupje hin makyengiep, “Elije bunje gem tângombo lâwinânba gewerâp me bo aregât ekmâ kinne.” dâep. <sup>37</sup> Hain akto Yesu kârikjeâk kambojmân ainâk panagep. <sup>38</sup> Akto sângum humo sumbe emetjân kilep are tânâmjânba duwalakmâ giep. <sup>39</sup> Akto tembe loko humoyeje siâ Yesugât enemjân kilepgât ekmâ kindo mondo hin dâep, “Ire amâ Anutugât nanje bunje.” dâep.

<sup>40</sup> Akto âmbâle bikje ain kili arekâ getek kâlewânâk kinmâ ekmâ kili are hutyejân kilep siâ kotje Maria Madala kepijan gâtje akto Maria siâ Yakopo bâlensiâ akto Yose areyetgât memeyetje, akto Solome. <sup>41</sup> Are âmâ Galilaia hânân Yesugât hoj bawa akbiâ olop mali. Akto yâk konok bo. Âmbâle bikje Yesu olop Yerusalem kepijanba togoyi are olowâk kili.

#### Yesu hangoyi.

<sup>42</sup> Âi bo meme sopje irawot akto emet dâgâwerâm akto ain Arimataia kepijan gâtje luâk siâ kotje Yosepe are togoep. <sup>43</sup> Luâk are âmâ damun akto kaunsoli yengât hutyejân mando ekmâ luâk âlepje dâmini. Are Anutuje hoj bawa je hungun aņdo gem damun agâk dâm ulilaje. Hain akmâ yâkje hamep bo akmâ Pilatogât emet kâlegen âgâm ba enemjân kilep. Kinmâ, “Yesugât hâkje mem arim hangowerân.” dâep. <sup>44</sup> Dâmbiâ Pilatoje hanje undup akto tembe lokoje siâ hin magaje, “Emelâk mondâp me? Bam ek.” dâmbiâ bam ekmâ gutmâ emelâk mondâp dâep. <sup>45</sup> Hain dâmbiâ Pilatoje Yosepe magarjâ, “Âlepje Yesugât hâkje mem ari hango.” dâep. <sup>46</sup> Akto Yosepeje bam sângum kau kau siâ puligom mem ari Yesugât hâkje are mem ge sângumân are katmâ katipkoep. Hain akmâ mem ari kât dâpje siân ulikjân parâ parâ kendâyi ain katmâ kât humo siâ hâkokombo tigiep. <sup>47</sup> Akto Maria Madala gâtje akto Yose memeje are Yosepeje Yesu kât dâpjan kalep sum are ekmâ kiliat.

#### Yesu momojânba agalep.

**16** <sup>1</sup> Âi bo meme sopje are bo akto hândâk pipije tatoâk Maria Madala gâtje akto Maria siâ Yakopo memeje akto Solome



Yesugât hâkŋe hambuwopgât dâm tu higenŋe ukenŋe puligom mem togoi. <sup>2</sup>Sonda hândâktâk dewutâ gambo ain sumângen arim dâwân yeŋeâk maganŋim hin dâyi, <sup>3</sup>“Niŋande tân nengumbo kât humo are hâkokoweren.” dâyi. <sup>4</sup>Hain dâm togom kinmâ ekbiâ kât humo sum dâpŋe tigiep are bo yiep. <sup>5</sup>Are ekmâ kât kâlegen âgâyi. Âgâm ekbiâ luâk sigan siâ sâŋgum kau kau humo luguakmâ bânŋe bungen kindo ekmâ sân sân mem hamewagi. <sup>6</sup>Akto luâk arekŋe hin dâm makyenŋiep, “Bo hamewakŋet. Ye Yesu Nasarete gâtŋe lâwinân koyi are ekberâm togoâi amâ emelâk agatmâ ariâp. In bo yendâp. Gutmâ in kali aregât gewâkŋe ekŋet. <sup>7</sup>Yeâmâ arim Petoro akto hoŋ bawalupŋe aposololupŋe bikŋe are makyenŋiŋet amâ Yesu âmâ ulikŋân makyenŋiep hain aktâp. Emelâk Galilaia hânân ariâp. Gârâmâ ye ari makyenŋimbiâ Galilaiaŋen ari ekŋet.” dâep. <sup>8</sup>Akto âmbâle are kât kâlegenba gam hamewakmâ biwiyenŋe gulip agepgât luâk siâ aregât den pat bo makyenŋiyi.

<sup>9</sup>Akto Sondan emet hauŋdo hândâktâk Yesu momoŋânba agatmâ arim Maria Madala kepiân gâtŋe ulikŋân ikinŋak sinduk baniara bâleŋe nâmbulân lâuwâ watyenŋiep yâkgâlân arim miawagaŋep. <sup>10</sup>Miawagaŋdo arim Yesu hamiŋânŋen olop manmâ indeanmâ mali are arim makyenŋiep. <sup>11</sup>Makyenŋim hin dâep, “Yesu âmâ togo miawakniŋdo ekmâ yu togoân.” dâmbo den are bo nânŋanŋi. <sup>12</sup>Akto arewa luâk lâuwâ siâ kepia are hepunmâ arim manbela dâwân Yesuŋe enem dewunŋe siâ akto miawak yetkiep. <sup>13</sup>Akto luâk lâuwâ arekŋe Yesu egiat aregât purik katmâ arim galalupyetŋe makyenŋiyiat. Akto yâkŋe, “Den are hianŋiat.” dâm nânŋâyi. <sup>14</sup>Akto sop siân aposololupŋe keiân konok arekŋe sot nem tatbiâ Yesuŋe hutyenân togo kilep. Kinmâ hin makyenŋiep, “Wangât biwiyenŋe nânŋâlân bo kali? Akto momoŋânba agatere âmbâleŋe nekmâ togom makyenŋimbiâ, “Hianŋiâi.” dâyi are wangât hain agi.” dâm kugâk kugâk akyenŋiep. <sup>15</sup>Akto hin dâm makyenŋiep, “Yeâmâ arim hânŋe hânŋe nânŋât den pat âlepŋe ire makyenŋiwei. <sup>16</sup>Luâk siâ bunŋe maktâi dâm biwiŋe nânŋâlân kato tu puli aŋbai are âmâ sop humoân dosa bâlâk kinbiap. Dâ siâ nânŋâm hianŋiâi dâm nânŋâlân biwiŋe bo katbiap akto bo nânŋâniŋmâ kepiânŋiŋbiap are âmâ dosa mem manmâ kâlâpgât pat akbiap. <sup>17</sup>Nânŋâlân biwiyenŋe katmâ manbai arekŋe âmâ kulem keiŋe keiŋe membiâ yekmâ, “Ire Yesugât kârikŋân kindâi.” dâwai. Kulem are âmâ hin. Nânŋât kolân sinduk baniara bâleŋe watyekbai. Akto denyenŋe irakŋe membai. <sup>18</sup>Akto hâme hewuk niambi sâmbâ bo ekmâ tâlimbiâ yenŋimbo bo mombai. Akto wan me wan sait kâmbokŋe nem âmâ bo mombai. Akto luâk kundatdâ areyenŋât hâkyenân bâtyenŋe katbiâ âlepŋe akbai.” Yesuŋe hain makyenŋiep. <sup>19</sup>Makyenŋimbo Anutuŋe oloŋdo hepunyekmâ himbimân purik katmâ âgâep. Âgâm Anutugât bânŋe bungen ain talep. <sup>20</sup>Akto aposololupŋe arim kepianŋe kepianŋe Yesugât den pat makyenŋim mali. Manbiâ ain ikinŋak kârikŋe yenŋimbo kulem keiŋe keiŋe membiâ luâk hârokŋe are ekmâ, “Luâk ire âmâ den bunŋe makmâ manmai.” dâyi.

# Luka Kulemgoep

---

## Lukaŋe Yesugât den pat âleppe kulemgoep.

**1** <sup>1</sup>Apo Teopilo, Luâk âmbâle bikŋande Yesu olowâk maliŋe wan me wan bunŋe nengât tânâmnennân miawagep are ekmâ keiŋânbak dâm luâk hârok maknengiyi. <sup>2</sup>Dâm maknengimbiâ luâk unduwâkŋe den pat are heŋgemgowerâm kulemgoyi. <sup>3-4</sup>Akto gâŋe keiŋânbak den pat are nâŋgâen gârâmâ kulem esenŋe ire oyaŋmâ keiŋe nâŋgâm heŋgemgowiatgât den pat are hârogâk heŋgemgom tâŋ tâŋâk kulemgom katgiŋdân. Den pat are hin.

## Aŋeloŋe Sakaria miawagep.

<sup>5</sup>Uŋguŋân Heroteŋe Yudaia yeŋgât luâk humo malep. Mando âmâ yâk yeŋgât sumbe kat kat luâk siâ malep kotŋe Sakaria, yâk Abia yâkgât kâmolân gâtŋe akto yâkŋe âmbâle siâ kotŋe Elisabete are âmâ Aroŋ yâkgât kâmolân gâtŋe are miep. <sup>6</sup>Akto Anutugât dewunŋân manmâ bâleŋe bo akminiat. Âleppe manmâ Anutugât den are lokom manmâ gayiat. <sup>7</sup>Akto luâk âmbâi lâuwâ are gupin akmâ manmâ gam sâmbâ agiat.

<sup>8</sup>Akto sumbe kat kat luâk yâkŋe amboŋân amboŋân akmâ Anutugât sumbe omini. <sup>9</sup>Akto omini aregât sop tâlâgumbo âmâ humomolupŋande hin dâyi, “Sakaria Anutugât biwiŋe geâkgât wan me wan omenâ higenŋe agalâk.” dâmbiâ, sumbe kat kat emetŋe ain âgâep. Âgâm sumbe ondo âmâ <sup>10</sup>luâk âmbâle bikŋande sumbe kat kat emetŋe aregât kâlegen gam Anutu ulilaŋmâ kili. <sup>11</sup>Ulilaŋmâ kinbiâ âmâ Anutugât aŋelo siâŋe Sakaria miawagaŋmâ ombiâ higenŋe agep aregât alata bungen kilep. <sup>12</sup>Miawagaŋmâ kindo luâk sâmbâ arekŋe ekmâ sân sân mem hamep akmâ kilep. <sup>13</sup>Hamewakmâ kindo aŋeloŋe hin dâm magaŋep, “Sakaria bo hamewak. Âmbengande nanaŋ luâk membiapgât Anutu ulilaŋmâ gamat aregât bunŋe Anutuŋe nâŋgâ aŋdo âmbengande nanaŋ siâ membiap aregât kotŋe Yohane dâm konbiat. <sup>14</sup>Akto miawakbiawân kambiamge heronŋe akbiap. Akto miawakto ainâk luâk unduwâkŋe aregât heronŋe nâŋgâwai. <sup>15</sup>Akto nanaŋânbak Anutugât Heakŋande memeŋe

aganbiap. Akto yâk âmâ Anutugât dewunñan luâk humo akmâ manbiap. Akto tu kârikne bo nem manbiap. <sup>16</sup> Akto miawakmâ manmâ âgâm Israe luâk mem hâwât yekto âmâ biwiyene Kotdâ Anutugâlân katmâ manbai. <sup>17</sup> Akto emelâk Eliane Anutugât bâtnân manmâ kârikne mem malep hainâk nangande manmâ âgâm Anutune hoŋ bawaŋe huŋgun aŋdo gewiap yâkgâlân luâk âmbâleŋe biwiyene katŋetdâm aregât arim den pat makyenŋiwiap. Akto hain dâm arim nanaŋ akto ewelupyeŋande kuk akyenŋiwai are makyenŋimbo gala akyenŋiwai. Dâ den koko yâk makyenŋimbo ârândân manmai yâk yenŋât nânŋâ nânŋâgât dâp watbai. Akto Kembuŋe ikiye kâmot oloŋyegep yâk yenŋât biwiyene agalâkgât nangande makyenŋim âgâwip.” dâep. <sup>18</sup> Anutugât aŋeloŋe hain dâmbo Sakariaŋe hin aikoep, “Net luâk âmbâi sâmbâ agiotgât gâŋe nanaŋgât dâmenâ nânŋâre bunŋe bo aktâp hain dâm aktân. Gain gain nânŋâre bunŋe akbiap?” dâep. <sup>19</sup> Hain dâmbo aŋeloŋe hin dâm magaŋep, “Agon aktere nânŋâ. Nâ Gabirie, nâ Anutugât hoŋ bawa manman. Ire nek. Huŋgun niŋdo gem den bunŋe makŋiŋdân. <sup>20</sup> Gârâmâ heniŋdât dât aregât dosa amâ hin akbiat. Gâŋe kopa akmâ den bâlâk manmâ âgâmenâ den yu makŋiŋdân ire bunŋe akbiap sop ain âmâ âlepŋe akbiat.” Hain dâm ainâk heambukto Sakaria ikiyeâk kilep. <sup>21</sup> Sakariaŋe sumbe emetŋân âgâm sop kâlep mando luâk âmbâleŋe gain gain akmâ sop kâlep mandâp dâm aregât han lâuwâ agi. <sup>22</sup> Hain akbiâ emelâk yâk yenŋâlân gem âmâ den makyenŋiwerâm akto âmâ lauŋe tigiakto kopa agep. Kopa akto aregât hin dâyi, “Yâk âmâ sumbe emetŋân âgâmbo biwiŋe purik kato kulem siâ miawaktâp are ektâp.” Hain dâmbiâ yâkne bâtnandeak kulem akmâ den makberâm hâumgoep. <sup>23</sup> Hain akmâ tato âmâ âi sopŋe bo agep. Âi sopŋe bo akto kepijan purik katmâ ariep. <sup>24</sup> Purik katmâ arimbo manbela emelâk âmbenŋande tepŋe agep. <sup>25</sup> Tepŋe akmâ âmâ hin dâep, “Anutu Kotdâŋe nânŋâ niŋdo tepne aktân aregât luâk âmbâle dewunyeŋan aŋun hulaŋ akniŋdâp.” dâep. Hain dâm emetŋânâk tato dewutâ momerâk bo agep.

### Aŋeloŋe Mariagâlân miawagep.

<sup>26</sup> Dewutâ momerâk bo akto âmâ Anutune aŋelo kotŋe Gabirie are lâuwâŋe huŋgun aŋep. Huŋgun aŋdo Nasarete kepia are Galilaia hânân talep ain âmbâle sigan siâ malep yâkgâlân giep. <sup>27</sup> Akto âmbâle sigan are kotŋe Maria are Dawidigât kâmolân gâtŋe luâk siâ kotŋe Yosepe yâkgât dâtâŋe malep. <sup>28</sup> Akto aŋelo arekŋe magaŋmâ kinmâ hin dâep, “Anutune gekmâ âmbâle âlepŋe aktât nânŋâm memeŋe akŋiŋdâp aregât herone ak.” dâep. <sup>29</sup> Aŋeloŋe hain dâmbo nânŋâmbo biwiŋe umatŋe akto biwiŋande hin nânŋâep, “Den makniŋdât aregât keiŋe gain gain?” dâep. <sup>30</sup> Hain dâmbo aŋeloŋe hin magaŋep, “Maria, gâ bo hamewak. Anutune gekmâ âlepŋe manmat nânŋâp. <sup>31</sup> Aregât gâŋe nanaŋ mem kotŋe Yesu

dâm konbiat. <sup>32</sup>Yâkŋe âmâ luâk humo tâmbâ mando âmâ Anutu Humo dondâ yâkgât nanŋe dâwai. Akto Humo Anutuŋe bâginenŋe Dawidi yâkgât gewâkŋân kato <sup>33</sup>Yakobogât kâmot nengât luâk kotdâ manbiap. Akto luâk damunyeŋe akmâ âi mem kârikŋe manmâ âgâwiap.” dâep. <sup>34</sup>Hain dâmbo Mariaŋe hin dâm magaŋep, “Nâ luâk bâlâk mandângât den are âmâ gain gain akmâ kârikŋe akbiap?” dâmbo <sup>35</sup>aŋeloŋe hin magaŋep, “Anutugât Heakŋande tigi gekto Anutu Humo yâkgât bâtŋân kinmenâ meme akŋiŋdo ain gâtŋe nanaŋ membiat aregât kotŋe siâ kau salek salek are Anutugât nanŋe konbai. <sup>36-37</sup>Akto den siâ makŋiŋdere nâŋgâ. Anutuŋe hain akberâm aregât bo ewum pâpkomap. Lâuge Elisabete are gupinâk manmâ âmbâi sâmbâ aktâp yâk Anutuŋe meme agaŋdo tepŋe akmâ nanaŋ luâk membiap. Akto dewutâ nâmbulân konok bo akto aregât kakŋân âmbâi gupin dâmai are hain miawagaŋbiap.” <sup>38</sup>Aŋeloŋe hain dâmbo Mariaŋe hin dâm magaŋep, “Nâ Humogât hoŋ bawa âmbâle aregât den maktât are hanâgâk akniŋbiap. Hanâgâk akniŋdo âmâ âlepŋe dâwian.” dâmbo aŋelo are purik katmâ ariep.

#### **Mariaŋe Elisabetegâlân ariep.**

<sup>39</sup>Akto Maria manmâ âgâambo kâlep bo akto âgâm arim Yudaia hân gimbâŋân kepia siâ talep ain ariep. <sup>40</sup>Ain arim Sakariagât emelan âgâm Elisabete ekmâ magaŋmâ heronŋe agaŋep. <sup>41</sup>Heronŋe agaŋdo nâŋgâambo ainâk tepŋe kâlegen nanaŋ arekŋe piriŋ piriŋ kalep. Hain akto Anutugât Heakŋe Elisabete kautŋân mendo hin dâm magaŋep, <sup>42</sup>“Lâune Anutuŋe meme akŋiŋdo gâŋgât heronŋe maronŋe arekŋe âmbâle hârok yeŋgât ewangiyekbiap. Akto Anutuŋe nanaŋ membiat aregât tângowiapgât heronŋe akbiap. <sup>43</sup>Gâŋe Kembunenŋe membiat are nâŋgâm hin nâŋgân. Nâmâ âmbâle yânŋe mandân aregât nâŋgâlân togomenâ ârândâŋ bo aktâp. <sup>44</sup>Togom nogonmenâ ainâk nanaŋ tepnân heronŋe akmâ bam guto nâŋgân. <sup>45</sup>Akto den siâ makbe. Emelâk Anutuŋe makŋiŋep are bunŋe akbiap aregât biwige heronŋe aktâp.” dâep.

#### **Mariaŋe Anutu magaŋmâ heronŋe agep.**

<sup>46</sup>Hain dâmbo Mariaŋe hin magep, “Nâŋe Anutugât kotŋe mem agatmâ hin dâwe. <sup>47-48</sup>Nâ Anutugât hoŋ bawa manmâ âmbâle yânŋe mandân. Aregât Anutu Humonŋe nâŋgât okot nâŋgâ niŋmâ mem agat nektâp. Mem agat nekto luâk kâmotŋe kâmotŋe nâŋgât nâŋgâm Anutuŋe tângombo heronŋe akmap dâmai. <sup>49</sup>Anutu Humo dondâ arekŋe damunne akmap arekŋe wan me wan âlepŋe akniŋep aregât kotŋe mem agatmâ âmâ Anutugât biwine heronŋe aktâp. <sup>50</sup>Akto luâk âmbâle bikŋe nenŋe Anutugât hamewakmâ denŋe lokoenŋe nengât biwinenŋe nâŋgâm yaiwâk aknengim âmâ bâgilupnenŋe miawakbai are hainâk hainâk akyeŋgiwiap. <sup>51</sup>Anutuŋe wan me wan mem miawak yeŋgiwerâm akto aregât niŋande

luâk âmbâle hâkyeje mem bâliwiap? Akto agatmâ, “Nenjeak humo akten.” dâmbiâ are mem biwiyenje gulip yeŋgumbo awam akmai. <sup>52</sup> Akto bikŋande luâk humo akmâ mem damunyeje akberâmbiâ hain are mem gulip yeŋgumap. Hain akbiâ âmâ luâk yânje me luâk gegeje are mem agat yekmap. <sup>53</sup> Akto mop yeŋgimap yâk yeŋgât damunyeje akmâ sot yeŋgimap. Akto luâk sikum olop manbiâ yâk mem gulip akyeŋgimbo yân manmai. <sup>54</sup> Akto ulikŋân âmâ den dâm bâgilupnenje yeŋgât pat dâtâje makyenjiep aregâlâk nânŋâm manmap, aregât Israe luâk âmbâle nengât han kalem akmâ damun akmap. <sup>55</sup> Akto bâgilupnenje Abrahamgât kâmot okotje nânŋâ nengimbo nen Abrahamgât kâmot akmâ manmâ âgâwaen nengât dâtâje aregât bunje miawaktâp. Aregât kotje mem agatbe.” dâep. <sup>56</sup> Mariane hain dâm Elisabete olop malep. Akto yâk olop manmâ dewutâ âlâwu bo akto kepiân purik katmâ ariep.

#### Yohane miawagep.

<sup>57</sup> Purik katmâ arimbo Elisabete sopje miawakto manmâ nanaŋ miep. <sup>58</sup> Mendo âmâ lâulupje kepia ambolupŋande Anutu Humoje Elisabete okotje nânŋâepgât nânŋâm yâk olowâk kambiamyeje heroje agep. <sup>59</sup> Hain akbiâ hilâm nâmbulân âlâwu bo akto âmâ mendugum nanaŋ aregât hâkŋe gâiwerâm âmâ ewejaet kot nambe Sakaria are konberâm agi. <sup>60</sup> Hain akbiâ memenande hin makyenjiep, “Bo. Kotje Yohane konberen.” dâep. <sup>61</sup> Hain dâambo hin magaŋi, “Are âmâ tâulupge yâk yeŋgâlân gâtje siâ kot nambe hain are siâ bo tatâp.” dâm magaŋi goaŋgi akmâ hin dâyi, <sup>62</sup> “Eweje luâk kopa are gain gain nânŋâp?” dâm bâtyenandeak kulem akbiâ <sup>63</sup> tapegât ulityeŋgimbo tape papaŋe siâ mem waŋi. Waŋbiâ gâwu mem hin kulemgoep, “Kotje Yohane konberen.” hain kulemgoep. <sup>64</sup> Kulemgombo oyaŋmâ nânŋâmbiâ ainâk den miawagaŋep aregât Anutugât kotje mem agalep. Kulem are miawakto <sup>65</sup> kepia ambolupŋande nânŋâmbiâ dâtje akto kulem aregât hanyenje lâuwâ akto den arekŋe heroje akmâ sambelem kepia ewumâk ewumâk hârok ariep. <sup>66</sup> Luâk âmbâle Yuda gimbâje tete kepiaje kepiaje malije den are nânŋâm hin dâyi, “Nanaŋ hain arekŋe humo akmâ gain gain akbiap?” hain dâm hanyenjeâk akmâ nânŋâyi. Akto Humoje tângombo malep.

#### Sakariaje Yesugât keije dâm miawagep.

<sup>67</sup> Akto Anutugât Wâtgât memenande nanaŋ aregât eweje Sakaria kautŋân mendo den kârikŋe hin dâep, <sup>68</sup> “Israe luâk nen Kembunenje Anutu mepaije mene. Yâkŋe âmâ luâklupje mete katnengim gannenje dâmap. <sup>69</sup> Hain akmâ âmâ Dawidi yâkgât tepŋân gâtje konok miawagaŋmâ heŋgemgo nengiwiapgât hambo kunkun akbiapgât anuŋep. <sup>70</sup> Amâ tâmbâje dondâ hân miawagewânba ain propetelupje makyenjiep den makmâ mali dopŋân hainâgâk miawaktâp. <sup>71</sup> Akto

siâne gasa aknengiwiap. Aknengim âmâ hilipnenguwerâm akbiâ âmâ tân nengumbo âlepne manbaen. <sup>72</sup>Akto ulikñân Anutuŋe bâgilupnenne yengât okotne nângâm den kârikne katyengiep are kambiamyenân kato tato bo nelâm aŋep. <sup>73</sup>Akto tân nengumbo ainâk gasalupnenŋande bo hilip nenguwai aregât pat Abraham are makmâ hâreaŋep. <sup>74</sup>Aregât Israe nen hârogâkne Humonenne Anutugât âlepne dâm ikinje den lokom bo hamep akmâ <sup>75</sup>wan me wan bâleŋe bo akmâ gala konok akmâ biwi irakneâk manbaen. <sup>76</sup>Nanne gâ irekne sigan akmâ Humonenne ulik gulik aganbiat. Gâne soŋ akmâ aregât hin dâm makyengiwiat, “Humonenne irawot togom heŋgem nenguwiap aregât nângâ nângâyeŋe bâleŋe hepunbiâ biwiyeŋe Anutugâlân ari kindo Anutuŋe kambiamne nângâm dosayeŋe hepun yengiwîap.” dâm makyengimenâ nângâwai. <sup>77</sup>Gâ hain akmâ kembu luâklupne âlepnaet den potatmâ yengimenâ nângâm heŋgemgombiâ dosayeŋe bo akbiâp. <sup>78</sup>Anutunenŋe han kalemne humo yendâpġât dâmbo egonba hândâktâk pagalem arekne <sup>79</sup>hândâkñân akto momo bâlâpñân talion nen mem hauŋ nenekmap. Akto oloŋnenekmâ dâp sândukñân katnenekmap.” Sakaria hain dâep.

<sup>80</sup>Akto nanaŋ are hagitŋe tiŋ tiŋ dâmbo hâk biwi olowâk humo agep. Humo akmâ manmâ eweŋe memeŋe hepun yelemekmâ hân kamitŋângen luâk bo manmaiângen arim malep. Manmâ manmâ makyengiwiaġgât sop tâlâgumbo âmâ purik katmâ Israe luâk âmbâle hutyeŋân arim miawakmâ malep.

### Yesu nanaŋ miawagep.

**2** <sup>1-2</sup>Akto ulikñân kiap humo siâ kotne Kuirinio yâk Siria yengât kiap humo malep sop ain âmâ Roma luâk kotdâ siâ malep kotne Augusto yâkne den kârikne hin dâep, “Luâk hânne hânne areyengât kotyeŋe oyaŋyekbiâ yekbian.” dâep. Are âmâ agak meme hain are umbuñân bo agi. Irakne keiŋe katmâ kulemgoyi. <sup>3</sup>Keiŋe katmâ hârogâk oyaŋ yekberâm akto aregât kepia yeŋângenba hârogâk purik katmâ arim meteyi. <sup>4</sup>Arimbiâ Nasarete kepia are Galilaia hânân talep ain gâtŋe luâk siâ kotne Yosepe, are Dawidigât kâlegen gâtŋe are hainâk Yudaia hânân Dawidigât kepia kotŋe Betelehem ain ariwerâm âmbâle ikinje dâtâŋe are kewugumbo olop ariyat. <sup>5</sup>Yosepe akto âmbâi patŋe dâtâŋe kotŋe Maria tepdâk malep are kewugumbo kotyetŋe kulemgowerâm ariyat. <sup>6</sup>Arim luâk yâkne menduguak menduguak emetŋe are pikbiâ aregât makao emetŋân âgâ taliat. <sup>7</sup>Tatbela Mariaŋe nanaŋ memberâm hâk hilâlâm nângâmbo nanaŋ ulik gulikne miawagep. Miawakto sâŋgumŋe mem katipkom makaoŋe sot nemai ain kondoân katbela ge talep.

<sup>8</sup>Akto kepia ewumâk ain luâk bikŋande hândâgân umiliñân lamalupyene damunyeŋe akmâ kili. <sup>9</sup>Kinbiâ âmâ Anutugât aŋelo siâne yâk yengâlân miawakto Anutugât pagaleŋande erâmbo ekmâ ongâyeŋe

hogoep. <sup>10</sup> Akto aŋelo arekŋe hin dâm makyengiep, “Bo hamep akŋet. Nânġâi. Nâŋe den pat âlepŋe siâ mem togoân ire makyengire nânġâŋet. <sup>11</sup> Uŋak ire âmâ heŋgemgo yekbiapġât luâk arekŋe âmâ Dawidigât kepia kautŋân ain miawaktâp. Yâkŋe âmâ damunyeŋe akbiap. Aregât den ire sambelem arimbo luâk âmbâle hârokŋe nânġâm heronje akbai. <sup>12</sup> Akto nanaŋ are sâŋgumŋeak katipkom makaonje sot nemai kondo are kâlegen katbela tatâp gârâmâ arim âmâ mem miawakbi. Akto nânġât den bunje nânġâŋetġât arim mem miawakmâ nânġâm heŋgemgoŋet.” dâep. <sup>13</sup> Aŋelone den hain dâm makyengimbo ainâk aŋelo kâmot humo togom galayeŋe peniaŋbiâ menduguakmâ kinmâ Anutugât kotŋe mem agatmâ hin dâyi, <sup>14</sup> “Anutuŋe luâk âmbâle bikŋe nânġât dâtâŋe dâm potatyegep are yeŋġât heronje akyengimbo yeŋġâlân gala konok miawak yeŋġiâp. Aregât nen hârogâk heronje akmâ himbimân egon Anutugât kotŋe mem agaten.” dâyi.

<sup>15</sup> Hain dâm himbimân purik katmâ âġâmbiâ lama damunyeŋe yâkŋe hin dâm maganġi goanġi agi, “Nen Betelehem kepien arim Anutuŋe aŋelone huŋgun aŋdo gem den maknengiâp are bunje mem miawakne.” dâyi. <sup>16</sup> Hain dâm dowâk pârigim arim Maria akto Yosepe yâk yetġâlân arim mem miawakyelekmâ âmâ nanaŋ makaogât kondoân katbela ge talep are egi. <sup>17</sup> Ekmâ nanaŋ aregât den pat are luâk âmbâle makyengim mali. <sup>18</sup> Makmâ miawakbiâ nânġâm hin dâyi, “Yae, nanaŋ arekŋe hâmbâi gain gain akbiap?” dâmbiâ biwiyenje agalep. <sup>19</sup> Akto Mariaŋe den are biwiŋân kato kindo malep. <sup>20</sup> Akto lama damunyeŋe are purik katmâ arim wan me wan egi aregât den pat are nânġâm aŋelone makyengiep are miawagepġât Anutu mepaiŋe mem kotŋe mem agatmâ kinmâ heronje agi.

### Simeonj akto Hana yetġât den pat.

<sup>21</sup> Akto ainba hilâm nâmbulân âlâwu bo akto hâkŋe ġâim kotŋe Yesu koli. Nanaŋ are bo miawaktoân aŋelone Mariagâlân miawakmâ, “Kotŋe Yesu konbiat.” dâepġât aregât launje lokom kotŋe Yesu dâm koli.

<sup>22</sup> Akto ulikŋân Moseŋe hin kulemgoep are tatâp, “Âmbenlupyeŋande nanaŋ membriâ âlepŋe akto âmâ Anutugât den pat lokombiâ yekto ârândân akbiâp.” dâm den kârîkŋe kulemgoep den are lokom kinmâ âmâ Maria akto Yosepenje Yesu mem Yerusalem kepien mem âġâyiat. <sup>23</sup> Âġâm âmâ ulikŋân Anutuŋe den hin dâep are lokoyiat, “Nanaŋ luâk ulik gulik miawakto are âmâ Humogât pat konbai.” Den are lokom kinmâ agiat. <sup>24</sup> Akto Humogât den kârîkŋe siâ talep are hin, “Eweŋe memeŋe kembâ lâuwâ me ġâmut lâuwâ mem huit oyelekmâ Anutu waŋbiandat.” Den are lokom kinmâ ariyiat.

<sup>25</sup> Akto sop ain Yerusalem kepien luâk siâ malep kotŋe Simeonj, yâkŋe âmâ Anutugât den lokom luâk âlepŋe manmâ Anutuŋe heŋgemgo



nenekbiapgât hungun anjo miawakbiap aregât lâmgom malep. Akto Anutugât Heakņande biwiņan hutgombo malep. <sup>26</sup> Akto emelâk Anutugât Heakņande den siâ hin magañep, “Gâ boâk mombialân Anutu Humoyeņande damunyene agâkgât hungun anjo gewiap are miawakto ekbiat.” dâep. <sup>27</sup> Akto Anutugât Heakņande memeņe agañdo owâiņe akmâ Israe yeņgât sumbe kat kat emetņân âgâep. Âgâambo âmâ Maria akto Yosepe Anutugât den lokowerâm nanyetņe mem âgâmbela <sup>28</sup> Simeoņe nanaņ are lokom hin dâm Anutu magañep, <sup>29</sup> “O Humo dondâ, hinņe Israe damun nenņe akbiap yâk miawakto ektângât biwine heroņe aktâp. Den are emelâk magen ina are bunņe aktâp. Hain gârâmâ mombiangât sop miawaktâp. <sup>30</sup> Akto nanaņ ire guge hungunañmenâ humo akmâ luâk âmbâle heņgem nenguwiap ina ektân. <sup>31</sup> Amâ gâ hân ârândâņ luâk âmbâle hârokņe ekņetgât mem miawaktât. <sup>32</sup> Arekņe Anutu bo nânğanmai yâk yeņgât han ewum pagalewiap. Akto luâklupge Israe nengât egâlian pagaleņe aknengiwiap.” <sup>33</sup> Nanaņ aregât hain dâmbo eweņe memeņande nânğâmbela biwiyetņe agatmâ hogoep. <sup>34</sup> Akto Simeoņe Anutuņe tân yetkuâk dâm Anutu ulilaņmâ nanaņ aregât memeņe are hin dâm magañep, “Nânğât. Israe potalakmâ bikņe biwinenņe yâkgâlân katenņe kindo manbaen. Dâ bikņe âmâ yâkgât hâkâņ akbiâ biwiyene pâlâmņe akto bâliwai. <sup>35</sup> Akto siân kambiamge dondâ bâliwiap. Hain are miawakto ain luâk dondâņe agak memenenņe ekmâ keinenņe mem miawakbai.” dâep.

<sup>36</sup> Akto âmbâle siâ Anutugât den makmâ miawakmâ malep are kotņe Hana are Panuegât baratņe Asa kâmolân gâtņe akto âmbâle arekņe ulikņân luâk mendo manbela hombaņ nâmbulân lâuwâ bo akto luâkņe moep. <sup>37</sup> Mondo aregât kakņân ikiņak kambut manmâ âgâambo hombaņ 84 are bo akto âmbâi kambut akmâ malep. Akto âmbâle arekņe hilâmņe ârândâņ sumbe kat kat emetņân âgâm Anutu ulilaņminep. Akto sopņe sopņe sot bâlâk manmâ ulilaņep. <sup>38</sup> Akto yâkņe sop ain sumbe kat kat emetņân âgâm nanaņ are egep. Ekmâ âmâ Anutu heroņe agañmâ magañep. Magañmâ Yerusalem kepia ambolupņande Anutuņe damunyene are hungun anbiap aregât lâmgom mali yâk Yesugât keiņe makyengiep.

<sup>39</sup> Akto Maria akto Yosepe den kârikņe lokowerâm nanyetņe sot dâtâņe are Anutu waņmâ metem kepia yetņângen Nasarete are Galilaia hânân talewân ain purik katmâ ariyat. <sup>40</sup> Arim manbela nanyetņe hagitņe kârigembo nânğâ nânğâņe humo akto Anutuņe memeņe agañep are nânğâm kinmâ agak meme âlepņeâk akminep.

### **Maria akto Yosepeņe Yesu kewugum Yerusalem kepiân âgâyat.**

<sup>41</sup> Akto ulikņân aņelo siâņe Israe luâk damunyene akmâ Aigita are yeņgât nanaņ ulik gulik miawagi are yeņguep aregât nânğâm hombaņ kotņe Pasowa ain serâ omini. Serâ omberâmbiâ sop miawakto aregât

Yosepe akto Mariaŋe kepiayetŋe hepunmâ Yerusalem kepiã âgâyat. 42 Akto Yesu nanã are hombaŋŋe 12 akto luãk sisik akto serã are omberãm kewugumbela olowãk âgâyi. 43 Âgãm manbiã hombaŋ are bo akto luãk âmbãle awam akbiã âmã Maria akto Yosepe yãkŋe nanyetŋe bo ekbela tato Yerusalem kepiã are hepunmã yetŋeãk purik kaliãt. 44 Purik katmã arim hin nãŋgâyat, “Nannetŋe kãmot humo yãk olop emelãk ariãp mon?” dãyat. Hain dãm dãwãn arim galalupyetŋe yengãt hutyeŋãn undãgãtbela bo akto manbela hãndãk agep. 45 Akto galalupyetŋe aiyengum undãgãtbela bo akto purik dãm Yerusalem kepiã purik katmã arim undãgãlaŋiat. 46 Undãgãlaŋbela hilãm âlãwu bo akto âmã sumbe emetŋe ain âgâyat. Âgãmbela âmã Yuda luãk den makyengimini are yengãt hutyeŋãn tatmã amã denyeŋe nãŋgãm aregãt keiŋaet aiyengumbo tali. 47 Hain tatmã yãk hãrogãkŋe nãŋgã nãŋgãŋaet akto denŋaet nãŋgãm ekbiã biwiyetŋe agatmã hogoep. 48 Akto yãk yengãt hutyeŋãn tato mem miawakmã âmã han undup akmã kiliat. Akto memetŋe hin dãm magaŋep, “Ewege olop net gãŋgãt undãgãt giŋdetŋe bo akto kuknetkimbo togoet. Aregãt gã wangãt hain aktãt?” 49 Hain dãmbo hin makyetkiep, “Gain gain akmã kulãgãtŋimã mandat? Nã Ewenaet âiãn memberãm akman are bo nãŋgãt me?” dãep. 50 Hain dãmbo denŋe are nãŋgãmbela hãungoep. 51 Are âmã memetŋe denŋe are biwiŋãn katmã nãŋgãm gaep. Hain akto yãk olop Nasarete kepiã purik katmã arim yãk yetgãt den lokom malep. 52 Akto nãŋgã nãŋgãŋe humo akto manmã gambo Anutu akto luãk âmbãle hãrokŋe ekbiã ârãndãŋ agep.

### Yohaneŋe âi keiŋe kalep.

**3** 1 Roma luãk siã kotŋe Tiberio Sisa are Roma yengãt luãk humo manmã gambo hombaŋ 15 bo agep. Bo akto âmã Yohaneŋe âi keiŋe katmã miep. Sop ain luãk siã kotŋe Pontio Pilato yãk Yudaia yengãt kiãp humo malep. Akto luãk siã kotŋe Herote yãk âmã Galilaia luãk âmbãle yengãt damunyeŋe akmã malep. Akto emiŋe kotŋe Pilipo yãkŋe âmã Ituraia akto Trakoniti yãk yengãt luãk humo malep. Akto luãk siã kotŋe Lisania, yãkŋe Abilene yengãt luãk humo malep. 2 Akto sumbe kat kat luãk are yengãt kautŋe lãuwã maliãt kotyetŋe Anasi akto Kaipa luãk lãuwã are luãk humo akmã manmã gayiat. Sop ain Sakariãgãt nanŋe kotŋe Yohane are hãn kamitŋãŋen mando âmã Anutuŋe den dãm waŋep. 3 Den dãm waŋdo Yodaŋ tu biken biken manmã hin dãm makyengiep, “Agak memeyeŋe bãleŋe are makmã miawakmã biwiyetŋe Anutugãlãn katbiã kindo togombiã tuãn katyektere dosayeŋe bo agãk.” dãep. 4 Akto ulikŋãn Anutuŋe dãmbo propeteŋe Yesaia yãkŋe den hin kulemgoep aregãt bikŋe hin tatãp, “Luãk siãŋe hãn kamitŋãŋen manmã hin dãm tatãp, Humogãt dãp megatŋet. 5 Mem gimbaŋe mambaŋe are kãrãmbiã dãp konogãk

agâk. Akto hân hutaguâk akto huruŋ dâmbo âmâ totokombiâ dâp ârândânâk agâk. Akto dâp goŋgoŋ meŋgoŋ are tâŋ tâŋâk heŋgemgowai. Akto dâp bâleŋe are mem âlepŋe ketugueŋet. <sup>6</sup>Akto luâk âmâbâle hârok Anutuŋe heŋgem nenguwerâm aktâp aregât keiŋe nâŋgâwai.”

Yesaiare hain kulemgoeŋ are bunŋe akto Yohane miawageŋe.

### **Yohaneŋe den ginŋe makyenŋieŋe.**

<sup>7</sup>Akto luâk dondâ yâkŋe Yohanegâlân togom tuân kat nenegâk dâmbiâ aregât hin dâm makyenŋieŋe, “Niambigât kâmot ye bâleŋaet hâuŋe togowerâm aktâp are hamewakmâ awam akmâ ariŋetgât niŋande makyenŋieŋe? <sup>8</sup>Ye hanyeŋe purikatmâ manbaigât dopŋe bunŋe peniaŋmâ ariwai. Dâ hin bo makŋet, “Nen Abrahamgât kâmot manden.” Nâ makyenŋieŋe nâŋgâŋet. Anutuŋe kât ire makto luâk akmâ Abrahamgât kâmotlupŋe irakŋe yeŋgât dumyeŋân miawakbai. <sup>9</sup>Akto den ginŋe siâ makyenŋieŋe. Unam are emelâk dâtŋe hâwim lâwin keiŋân kato tatâp. Arekŋe lâwin siâ bunŋe bo kindâp are kârâm kâlâwân ombiap.” dâep. <sup>10</sup>Hain dâm makyenŋimbo âmâ hin dâm aikoyi, “Wei, aregât gain gain akbaen?” dâmbiâ hin makyenŋieŋe, <sup>11</sup>“Luâk siâŋe hâk pekeŋe lâuwâ talaŋdo galaŋe umburuk mandâp are ekmâ âmâ âlepŋe waŋbiâp. Akto sot potatmâ waŋbiâp.” dâep.

<sup>12</sup>Akto gawaman puli meme luâk yâkŋe hainâk tuân katnenegâk dâm togoyi. Togom aikom hin dâyi, “Ewenenŋe, nen gain gain akbaengât nâŋgât?” dâyi. <sup>13</sup>Hain dâmbiâ hin makyenŋieŋe, “Damunlupyenŋande gawaman puli dop hainâk meŋet dâm makyenŋimbiâ aregât yeŋe siâ bo dewatim membai.” dâep. <sup>14</sup>Akto tembe loko yâkŋe hainâk yâkgâlân togom dâyi, “Nenŋe âmâ gain gain akbaengât nâŋgât?” dâmbiâ hin dâm makyenŋieŋe, “Siâgât wan me wan ekmâ kuyenŋimbiâ yeukŋe akbiâ are bo membai. Akto wan me wan memberâm akmâ âmâ bo hiaŋgim ire nengât dâwai are borondâ membai. Agak meme ire akbai âmâ âigât puliŋe yeŋgimai are ârândân akto areâk membai.” dâep.

### **Yohaneŋe Yesugât keiŋe makmâ miawakyenŋieŋe.**

<sup>15</sup>Akto luâk arekŋe Yohanegât nâŋgâm biwiyenŋe hikom hin dâyi, “Anutuŋe huŋgun aŋdo togom damun nenŋe akbiap aregât biwinenŋân katmâ manmaen are ire me aŋgâ?” dâm nâŋgâyi. <sup>16</sup>Nâŋgâm aikombiâ hin dâm makyenŋieŋe, “Nâ tu yân puliyektân. Dâ siâ haminâŋen togom mandâp yâk âmâ kârikŋeŋe dop siâ yeandâp. Yâk nâ hin arekŋe sikumgât ito goliaŋdere ârândân bo akbop. Yâkŋe âmâ Heakgât kâlâp are puliyekbiap. <sup>17</sup>Akto yâkgât den ginŋe siâ makyenŋieŋe. Sot pipiŋe urutmâ kâlâwân panmaen dop hainâk yâkŋe gagap mem urutmâ kâlâwân katbiap. Dâ sot neneŋe kitalân katmaen dop hainâk sot âlepŋe potatmâ katbiap.” <sup>18</sup>Yohaneŋe hainâk dâm pat âlepŋe are kârikŋeâk makyenŋieŋe.

### Heroteŋe akmâ hilipkoep.

<sup>19</sup>Akto sop ain luâk humo Herote yâkŋe âmâ kandâŋe kotŋe Herodia are emiŋaet âmbâle are kâmbu miep. Mem âmâ aregât kakŋân agak meme bâleŋe dondâ mendo dosaŋe humo miawagep. Hain akto Yohaneŋe, “Bo agakŋe aktât.” dâm den kârikŋe maganeŋe. <sup>20</sup>Magaŋdo nâŋgâmbô bâlimbo aregât Yohane mem lope kâlegen kato talep, aregât Heroteŋe dosa siâ miep.

### Yohaneŋe Yesu tu puliep.

<sup>21</sup>Ulikŋân luâk dondâŋe Yohanegâlân arim tuân katyegâkgât magaŋi. Magaŋbiâ tuân katyegep. Katyekto âmâ Yesu yâkâ hainâk arim magaŋeŋe. Magaŋdo tuân kato sopanmâ Anutu ulilaŋdo ainâk himbim pâroŋ âgâmbô <sup>22</sup>Anutugât Wâtgât memene Heakŋande himbimânba lâut kotŋe kembâ hainare akmâ Yesugât kakŋân giep. Gembo himbimânba Anutuŋe den siâ hin dâm Yesu magaŋeŋe, “Gâ nanne kambiamnân gâtŋe aregât gekmâ ukenŋe nâŋgân.” Anutuŋe den hain dâep.

### Yesugât bâgilupŋaet kotyeŋe.

<sup>23-38</sup>Yesu bâgilupŋaet kotyeŋe âmâ hin. Keiŋe katmâ Anutuŋe Adam akto Ewa kat yelegep. Akto Adamŋe Ewa mendo Sete miep. Seteŋe humo akmâ âmbâle mendo nanŋe kotŋe Enosi miep. Enosiŋe humo akmâ âmbâle mendo nanŋe kotŋe Kenaŋ miep. Kenaŋŋe humo akmâ âmbâle mendo nanŋe kotŋe Mahalale miep. Mahalaleŋe humo akmâ âmbâle mendo nanŋe kotŋe Yarede miep. Yaredeŋe humo akmâ âmbâle mendo Enoko miep. Enokoŋe humo akmâ âmbâle mendo Metusala miep. Metusalaŋe humo akmâ âmbâle mendo Lamek miep. Lamekŋe humo akmâ âmbâle mendo Noa miep. Noaŋe humo akmâ âmbâle mendo Sem miep. Semŋe humo akmâ âmbâle mendo Arpasada miep. Arpasadaŋe humo akmâ âmbâle mendo Kenaŋ miep. Kenaŋŋe humo akmâ âmbâle mendo Sela miep. Selaŋe humo akmâ âmbâle mendo Ebe miep. Ebeŋe humo akmâ âmbâle mendo Pelege miep. Pelegeŋe humo akmâ âmbâle mendo Ragau miep. Ragauŋe humo akmâ âmbâle mendo Serugu miep. Seruguŋe humo akmâ âmbâle mendo Naho miep. Nahoŋe humo akmâ âmbâle mendo Tara miep. Taraŋe humo akmâ âmbâle mendo Abraham miep. Abrahamŋe humo akmâ âmbâle mendo Isaka miep. Isakaŋe humo akmâ âmbâle mendo Yakobo miep. Yakoboŋe humo akmâ âmbâle mendo Yuda miep. Yudaŋe humo akmâ âmbâle mendo Perese miep. Pereseŋe humo akmâ âmbâle mendo Hesoroŋ miep. Hesoroŋŋe humo akmâ âmbâle mendo Arani miep. Araniŋe humo akmâ âmbâle mendo Adamin miep. Adaminŋe humo akmâ âmbâle mendo Aminadaba miep. Aminadabaŋe humo akmâ âmbâle mendo Nasoŋ miep. Nasoŋŋe humo

akmâ âmbâle mendo Sala miep. Salaŋe humo akmâ âmbâle mendo Boasi miep. Boasiŋe humo akmâ âmbâle mendo Obede miep. Obedeŋe humo akmâ âmbâle mendo Isai miep. Isaiŋe humo akmâ âmbâle mendo Dawidi miep. Dawidiŋe humo akmâ âmbâle mendo Nataŋ miep. Nataŋŋe humo akmâ âmbâle mendo Matata miep. Matataŋe humo akmâ âmbâle mendo Mena miep. Menaŋe humo akmâ âmbâle mendo Melea miep. Meleaŋe humo akmâ âmbâle mendo Eliakim miep. Eliakimŋe humo akmâ âmbâle mendo Yonam miep. Yonamŋe humo akmâ âmbâle mendo Yosepe miep. Yosepeŋe humo akmâ âmbâle mendo Yuda miep. Yudaŋe humo akmâ âmbâle mendo Simeoŋ miep. Simeoŋŋe humo akmâ âmbâle mendo Lewi miep. Lewiŋe humo akmâ âmbâle mendo Matata miep. Matataŋe humo akmâ âmbâle mendo Yorim miep. Yorimŋe humo akmâ âmbâle mendo Eliese miep. Elieseŋe humo akmâ âmbâle mendo Yosua miep. Yosuaŋe humo akmâ âmbâle mendo Ere miep. Ereŋe humo akmâ âmbâle mendo Elimadam miep. Elimadamŋe humo akmâ âmbâle mendo Kosam miep. Kosamŋe humo akmâ âmbâle mendo Adi miep. Adiŋe humo akmâ âmbâle mendo Meliki miep. Melikiŋe humo akmâ âmbâle mendo Neri miep. Neriŋe humo akmâ âmbâle mendo Sealitie miep. Sealitieŋe humo akmâ âmbâle mendo Serubabe miep. Serubabeŋe humo akmâ âmbâle mendo Resa miep. Resaŋe humo akmâ âmbâle mendo Yoanan miep. Yoananŋe humo akmâ âmbâle mendo Yoda miep. Yodaŋe humo akmâ âmbâle mendo Yosek miep. Yosekŋe humo akmâ âmbâle mendo Semeiŋ miep. Semeiŋŋe humo akmâ âmbâle mendo Matatia miep. Matatiaŋe humo akmâ âmbâle mendo Mata miep. Mataŋe humo akmâ âmbâle mendo Nagai miep. Nagaiŋe humo akmâ âmbâle mendo Esili miep. Esiliŋe humo akmâ âmbâle mendo Nahum miep. Nahumŋe humo akmâ âmbâle mendo Amosi miep. Amosiŋe humo akmâ âmbâle mendo Matatia miep. Matatiaŋe humo akmâ âmbâle mendo Yosepe miep. Yosepeŋe humo akmâ âmbâle mendo Yanai miep. Yanaiŋe humo akmâ âmbâle mendo Meliki miep. Melikiŋe humo akmâ âmbâle mendo Lewi miep. Lewiŋe humo akmâ âmbâle mendo Matata miep. Matataŋe humo akmâ âmbâle mendo Eli miep. Eliŋe humo akmâ âmbâle mendo Yosepe miep. Akto Yosepegât hin nâŋgâm hilipkoyi, “Yosepeŋe âmâ Yesugât eweŋe.” hain dâyi. Dâ Yesu âmâ Anutugât nanŋe are himbimân gâtŋe. Akto Yesuŋe mando hombaŋ 30 are bo akto âmâ âi keiŋe kalep.

#### Niambiŋe Yesu dop koep.

**4** <sup>1</sup> Anutugât Heakŋande Yesu huŋgun aŋdo Yodaŋ tu are hepunmâ hân kamitŋe siân ariep. <sup>2</sup> Arim âmâ sot bâlâk manmâ gambo hândâk hilâm 40 bo agep. Sop ain mopŋe dondâ aguep. Hain akto Niambiŋe yâk dop komberâm hin dâm magaŋep, <sup>3</sup> “Mopge aguâpŋât gâ Anutugât nanŋe akto âmâ kât ire makmenâ sot akto ne.” dâep. <sup>4</sup> Dâmbo hin magaŋep,

“Bo, Anutuŋe den hin dâmbô kulemgoyi are hin tatâp, Anutuŋe damunneŋe akmap aregât nenŋe sotgâlâk nâŋgâm mandenŋe ârândân bo akbiap.” dâep. <sup>5</sup>Hain dâmbô Niambiŋe hân gimbâŋe siân oloŋmâ âgâm âmâ luâk hânŋe hânŋe manmâ ariyi are yeŋgât sikum me ito siâ siâ hekalaŋep. <sup>6</sup>Hekalaŋmâ hin maganep, “Nâŋe ire hârok damunyeŋe aktân. Akto ire hârok niŋande damunyeŋe agâk dâm nunagâk damunyeŋe akman. Akto niŋande nâŋgât okotnân malâk dâm nunak hain akman. <sup>7</sup>Aregât kotne mem agatmenâ âmâ sikum me wan me wan ire hârok damunyeŋe katgekmâ giŋbian.” dâep. <sup>8</sup>Hain dâmbô den hâuŋe hin maganep, “Anutuŋe den hin dâmbô kulemgoyi are tatâp. Kembu Anutu konok hoŋ bawa agaŋmâ kotŋe mem agatben.” dâep. <sup>9-11</sup>Hain dâmbô âmâ Niambiŋe Yesu mem sumbe kat kat emetŋe Yerusalem kepian talep aregât bokŋân oloŋmâ âgâm katmâ hin dâm maganep, “Anutuŋe den siâ hin dâmbô kulemgoyi are tatâp,

“Nâŋe aŋelolupne huŋgun yeŋgire meŋgekmâ tân gugum damunge akŋet. Kâlân gugum keige hârewopgât aŋelolupnande bâtgân meŋgekŋet.”

aregât gâ Anutugât nanŋe mandât aregât gâ inba sopanmenâ aŋeloŋe damunge akbiâ kâlân me wan me wanân bo guguwerâp âlepŋe sopanberât.” dâep. <sup>12</sup>Hain dâmbô hin maganep, “Anutugât den siâ hin tatâp, Anutuŋe damunge aktâpgât keiŋe ekberâm dop komenâ ârândân bo aktâp.” dâep. <sup>13</sup>Hain dâmbô Niambiŋe hepunmâ sop siângât lâmgom malep.

### **Yesuŋe Nasarete kepian arim den kepikmâ makyenŋim malep.**

<sup>14</sup>Anutugât Heakŋande Yesu memenŋe agaŋdo Galilaia hânân purik katmâ ariep. Purik kato aregât den patŋe sambelem arimbo kepia ambolupŋe hârogâk nâŋgâyi. <sup>15</sup>Akto ain den emetŋe ârândân arim den potatmâ yeŋgimbo kâŋgoaŋmâ kotŋe makmâ egâlianŋi.

<sup>16</sup>Hain akmâ arim nanaŋânbak manmâ gaep ikiŋaet kepia Nasarete ain arim âi bo meme sopŋân Sarere ârândânâk den emetŋân âgâminep. Hainâk âgâm malep. Âgâm manmâ Anutugât den emelâk kulemgoyi are oyaŋberâm âgâmbô <sup>17</sup>propete luâk Yesiaŋe kulem kulemgoep are waŋi. Waŋbiâ mem kelalakom ekmâ den hin kulemgoep talep are oyaŋmâ makyenŋiep,

<sup>18</sup>“Humogât Heakŋande meme akniŋdo kinmâ den hin dâm makniŋep, “Luâk biwiyenŋe umat bâlenŋân mandâi are yeŋgâlân arim den pat âlepŋe makyenŋiwen. Akto hikoyekto mandâi amâ hulaŋyekben. Akto luâk dewunyeŋe bok bokŋe yâk yeŋgâlân arim makyenŋimenâ dewunyeŋe hulaŋ akto âlepŋe ekbai.

<sup>19</sup>Akto Anutuŋe tân yeŋguwiapgât sop tâlâguâp aregât den pat makyenŋiwen.” hain dâm makniŋep.” dâep.

<sup>20</sup>Den hain dâm oyaŋmâ kulem esenje are mem bigeim hoŋ bawa siâ waŋmâ âmâ ge talep. Ge tato den emetŋân tali yâkŋe hâroġâk hewugem ekmâ tali. <sup>21</sup>Ekbiâ den hin dâm makyenġiep, “Den ya oyaŋdere nâŋġâi are uŋak yu dewunyeŋân bunŋe miawaktâp.” <sup>22</sup>Hain dâmbô nâŋġâmbiâ den are ukenŋe akto hin dâyi, “O, ire Yosepegât nanŋe arekŋe gain gain uŋak den bunŋe akto âlepŋe miawaktâp dâp.” <sup>23</sup>Hain dâmbiâ areġât hin dâm makyenġiep, “Yeŋe hin dâm makniŋmai, “Ġâŋe siâ heŋgemgoen areġât hinŋe guge heŋgemgoak. Akto Kapanaum kepian âi ketugumenâ den patge nâŋġâmaen hainâk kepia iren ketugumenâ ekne.” hain dâm makniŋmai. <sup>24</sup>Areġât den bunŋe makyenġire nâŋġâŋet. Anutuŋe propetelupŋe makyenġimbo are makmâ miawakbiâ areyeŋġât ginbailupyeŋande denyeŋe bo nâŋġâmai. <sup>25</sup>Ulikŋân Israe luâk siâ kotŋe Elia malep sop ain dewutâ kârikŋe kondo hombaŋ âlâwu dewutâ nâmbulân konok hain bo akto âmâ mop humo miawakto luâk âmbâle hârok sot bâlâk mali. <sup>26</sup>Akto sop ain Israe yeŋġât âmbâle kambut dondâ manmâ gambiâ âmâ Anutuŋe Elia huŋgun aŋdo ikiŋe kepia hepunmâ Yuda luâk bo manmaiân Sareta kepia are Sidonŋ hânân talep, ain âmbâle kambut siâ yâkġâlân arimbo Anutuŋe tângombo sot waŋdo niep. <sup>27</sup>Israe luâk siâ kotŋe Elisa malep sop ain Israe kepia ambolupŋe dondâŋe hâk bâle agi. Akto yâk yeŋġâlân ġâtŋe siâ bo âlepŋe akbiâ luâk siâ kotŋe Naemaŋ are Yuda luâk bo manmaiân Siria hânân ġâtŋe konokŋe âlepŋe agep.” dâep. <sup>28</sup>Hain dâm makyenġimbo den emetŋân taliŋe den are nâŋġâmbiâ bâliepġât kuk dondâ akmâ <sup>29</sup>agatmâ kepia hamiŋâŋen mem bam borâŋe siân âġâm katmâ ainba hemem dâtŋân mem, “Pandeneŋe geâk.” <sup>30</sup>dâmbiâ bo menekŋet dâm hut yeŋânba hepun yekmâ gem ariep.

<sup>31</sup>Akto arim kepia siâ kotŋe Kapanaum are Galilaila hânân talewân ain arimbo âi bo meme sopŋân Sarere akto den makyenġiep. <sup>32</sup>Makyenġimbo are nâŋġâm hin dâyi, “Oe, luâk irekŋe den maknengim tatâp are nâŋġâeneŋe dâtŋe kârikŋe aktâp.” hain dâyi. <sup>33</sup>Hain dâmbiâ den emetŋân ain luâk siâ kinmâ sinduk baniara bâleŋande kautŋân mendo den humo akmâ hin dâep, <sup>34</sup>“Woe, Yesu Nasarete kepia amboŋe ġâ wangât nengâlân toġoât? Keige nâŋġân. Ġâ Anutugât nanŋe bunŋe mandâtġât hilip nenguwerâm toġoât.” dâmbô <sup>35</sup>Yesuŋe magaŋmâ hin dâep, “Den bo ak. Luâk ire hepunmâ ari.” dâep. Hain dâmbô sinduk baniaraŋe hepunmâ pando ge hutyeŋân yem âlepŋe akto ariep. <sup>36</sup>Hain manmâ arimbo ekbiâ hanyeŋe undup akto hin magaŋgi goaŋgi agi, “Wâe, ire âmâ gain gain? Sinduk baniara bâleŋe magaŋdo hepunmâ ariâp.” dâyi. <sup>37</sup>Hain dâmbiâ areġât den pat sambelem arim kepia biken biken ârândâŋ akmâ arimbo yâkġât magaŋgi goaŋgi agi.

### **Yesuŋe dâmbô Petoroġât hewonŋe âlepŋe agep.**

<sup>38</sup>Akto Yesuŋe agatmâ den emetŋânba gem ariep. Arim luâk siâ malep kotŋe Simoŋ Petoro yâkġât emelan âġâep. Âġâmbô âmâ



Simongât hewonŋe kundat akmâ hâkŋe kâlâp akto yem kilep. Aregât ginbailupŋande Yesu ulilaŋi. <sup>39</sup>Ulilaŋbiâ yâkgât enemŋân ba kinmâ kundatgât makto âlepŋe agep. Âlepŋe akmâ agatmâ sot om yengimbo neyi.

<sup>40</sup>Akto dewutâ kulukberâmbô âmâ galalupyenŋande kundat agi are meyekmâ Yesugâlân togombiâ bâtnandeak meyekto kundat ainâk bo akyenŋiep. <sup>41</sup>Akto sinduk baniara bâleŋe are watyenŋimbo âmâ hepunyekmâ bam arim hin dâyi, “Gâ Anutugât nanŋe huŋgun giŋdo togoen.” dâmbiâ Yesuŋe mem iratyenŋum hin dâm makyenŋiep, “Den bo ak.” dâm makyenŋiep.

<sup>42</sup>Akto yem kinbiâ hauŋdo emelanba gem hân siâ luâk bo manmaiâŋgen ariep. Pumâŋgen arim mando luâk dondâ undâgâtâmâ manmâ mem miawakmâ hin dâm magaŋi, “Gâ nen olop in manbaengât nâŋgâen.” dâmbiâ hin dâm makyenŋiep, <sup>43</sup>“Bo, kepia ârândâŋ arim Anutugât den âlepŋe makyenŋire lokom manbai aregât huŋgun niŋdo geân.” <sup>44</sup>Hain dâm Yuda yengât den emetŋe ârândâŋ arim manmâ den makyenŋim malep.

#### Yesuŋe dâmbô iŋan dondâ meyi.

**5** <sup>1</sup>Hilâm siân Yesuŋe Genesaret bâtgum dâtnân kindo Anutugât den are nâŋgâwerâm gam ândeanmâ kinbiâ <sup>2</sup>waŋga lâuwâ yelegep. Aregât ambolupŋande waŋganba sopanmâ iŋan ito pulim kili. Akto iŋangât ito pulim kinbiâ <sup>3</sup>Yesuŋe Simongât waŋgan âgâm hin magaŋep, “Den makyenŋiwerân aregât waŋga ire memenâ getek bam indâŋân kilâk.” dâmbô mendo indâŋâŋgen ariyi. Arim tatbiâ Yesuŋe kâmot nupiân kili are den makyenŋim malep. <sup>4</sup>Makyenŋimbo bo akto Simoŋ hin dâm magaŋep, “Bâtgum tânâmŋân arim âmâ iŋan ito panmâ iŋan oloŋ.” dâep. <sup>5</sup>Hain dâmbô Simoŋŋe hin dâm magaŋep, “Apo, hândâkŋân sop kâlep manmâ iŋan itoŋe are pandenŋe gembo iŋan siâ bo menden. Bo dondâ. Gârâmâ gâŋgât den are lokom arim iŋan ito panmâ ekberen.” dâep. <sup>6</sup>Hain dâmbô âmâ iŋan ito are panbiâ gembo iŋan dondâ kâlegen kulukbiâ aregât umatŋân tâk hâre akberâm agep. <sup>7</sup>Hain akto hâk hilâlâm nâŋgâm âmâ galalupyenŋe waŋga siân mali are yengonbiâ gam tân yenguyi. Tân yengum iŋan are bikŋe membiâ waŋga lâuwâ lâuwâ pikto âmâ kumbuŋe kawut yekberâm agep. <sup>8-10</sup>Hain akto Petorogât galalupŋe akto emi teulogâtŋe lâuwâ kotyetŋe Yakobo akto Yohane are Sebedaiio nanlogâtŋe yâkŋe iŋan dondâ are ekmâ sân sân meyi. Sân sân membiâ Simoŋ Petoroŋe Yesugât keiŋân kâŋgom gem hin dâep, “Woe, Humo, dosane humo mem luâk bâleŋe manman aregât hepun nekmâ ari.” dâep. Hain dâmbô Yesuŋe hin dâep, “Gâ bo hamewak. Iŋangât âi memmat dop hainâk hâmbâi luâk mem oloŋ yekmenâ nâŋgât kâmot akbai.” dâep. <sup>11</sup>Hain dâmbô waŋga are membiâ nupiân âgâmbô âmâ wan me wan are hepunmâ Yesu olop arim mali.

**Yesuŋe dâmbô hâk bâle bo agep.**

<sup>12</sup> Yesuŋe manmâ kepia are hepunmâ siângen ariep. Arimbo luâk siâ hâk bâle kârikŋe malep arekŋe Yesu ekmâ âmâ enemŋan gam hin dâm ulilaŋep, “Kotdâ, gâŋe diwi bâle aktân ire mem howai nekmenâ âlepŋe akberân aregât kârikŋe tatgiŋdâp aregât gugak mem howai nekmenâ âlepŋe akberân me bo?” dâep. <sup>13</sup> Hain dâmbô Yesuŋe hâkŋe mem howaiep. Howaim hin dâm magaŋep, “Nâŋgâ giŋdângât pandagâk.” dâmbô ainâk hâk bâle are pandakto ârândâŋ agep. <sup>14</sup> Akto Yesuŋe den hin magaŋep, “Gâŋe iregât pat luâk bo makyenŋim yânâk arim âmâ sumbe kat kat luâk are yengâlân arimenâ gekbi. Akto diwi pandak giŋdâp iregât Moseŋe den kulemgoep are lokom Anutugât pat songo huit omenâ are ekmâ hin dâwai, “Âo, luâk iregât diwi bâle emelâk pandakto ârândâŋ aktâp.” dâwai.” dâep. Yesuŋe hain dâm magaŋdo ariep. <sup>15</sup> Hain magaŋdo luâk âlepŋe agep aregât den pat arekŋe sambelem kepia ârândâŋ arimbo hin dâm magaŋgi goaŋgi akmini, “Yesuŋe den makto nâŋgâenŋe bunŋe akbiap, are âmâ kundatnenŋe bo aknengiwiapgât yâkgâlân arine.” Hain dâm hârogâkŋe yâkgâlân arimini. <sup>16</sup> Arim mendugum kinbiâ hepun yekmâ hân pumâŋen arimbo Anutu olop den akminiat.

**Yesuŋe luâk bātŋe keiŋe kârigem malep siâ heŋgemgoep.**

<sup>17</sup> Akto hilâm siân Yesuŋe den makmâ hulaŋmâ potatmâ yenŋim malep. Mando âmâ Parisaio luâk akto Mosegât den kârikŋe oyaŋmâ makyenŋiyi are Galilaia hânân gâtŋe akto Yudaia hânân gâtŋe akto Yerusalem kepiân gâtŋe arekŋe togom tali. Tatbiâ Anutuŋe Yesu memenŋe agaŋdo âmâ luâk heŋgem yenguep. <sup>18</sup> Heŋgem yengumbo ainâk luâk bātŋe keiŋe kârigiep siâ galalupŋande temân katmâ lokom togoyi. Togom âmâ emelan mem âgâm Yesugât enemŋan katberâm <sup>19</sup> âmâ luâk gam turuŋ panmâ kili. Aregât gain gain akmâ katne dâm tirekŋânba âgâm emet bokŋân kinmâ ainba bok gagaimbiâ dâpŋe miawakto ainba luâk are temdâk tâgân panbiâ gem gem luâk âmbâle hutyenŋan Yesugât enemŋan giep. <sup>20</sup> Gembo Yesuŋe biwiyenŋe ekmâ nâŋgâm âmâ luâk kundatdâ are hin dâm magaŋep, “Dosage puligiŋdângât Anutuŋe hâuŋe bo giŋbiap.” <sup>21</sup> Hain dâmbô Mosegât den makyenŋiyi akto Parisaio luâk yâkŋe den are nâŋgâm âmâ biwiyenŋan hin nâŋgâyi, “Anutuŋe ikinak âmâ dosayenŋe hepun yengimap ina luâk irekŋe yâkgât dop akberâmbo bâliâp.” dâyi. <sup>22</sup> Hain nâŋgâm kinbiâ Yesuŋe yekmâ nâŋgâm âmâ hin dâm makyenŋiep, “Biwiyenŋan hain nâŋgâi are âmâ ârândâŋ bo aktâp. <sup>23</sup> Gain gain arekŋe owâiŋe luâk bâleŋe ire hin dâm magaŋberân, “Anutuŋe dosage hepundâp.” hain dâm magaŋberân me hin dâm magaŋberân, “Agatmâ ari.” <sup>24</sup> Aregât maktere nâŋgâŋet. Nâ Anutuŋe dosayenŋe puliwiangât huŋgun niŋdo geân aregât Anutuŋe nâ kârikŋe niŋep aregât keiŋe ekmâ

nângânet.” dâep. Hain dâm makyenġim areġât luâk bātne keiġe kâriġiep are hin dâm maganġep, “Agatmâ tem tâkge meakmâ emetġân ari.” dâep. <sup>25</sup>Hain dâm maganġdo ainâk tem tâkne meakmâ Anutu kotne mem agatmâ kepiaġângen ariep. <sup>26</sup>Arimbo ekmâ nângâm bâtyeġe dâtyenân igim kinmâ Anutu kotne mem agatmâ hin dâyi, “Uġak iren agak meme irakne pup pup ekten.” dâyi.

### Yesuġe Lewi kolep.

<sup>27</sup>Akto Yesuġe emelanba gem ariep. Arimbo puli meme luâk siâ kotne Lewi yâkne gawamangât puli emetġân tato ekmâ hin dâm maganġep, “Gâ nâ penâniġmenâ olowâk manbaet.” dâmba <sup>28</sup>Lewiġe wan me wan are hârok hepunmâ agato Yesu olop ariyat.

<sup>29</sup>Akto Lewiġe Yesu ikiye emelan talâk dâm kewugum âġâm Yesuġât heroġe nângâm sot oep. Om puli meme luâk akto luâk bikne meyekto gambiâ olop sot neyi. <sup>30</sup>Nem tatbiâ Parisaio luâk akto Moseġât den makyenġiyi yâkne yekmâ nângâmbiâ bâlimbo Yesu olop mali are hin dâm makyenġiyi, “Yeġe Roma yeġġât gawaman puli meme luâk akto luâk bâleġe yâk olop tatmâ sot nembâi ârândân bo aktâp.” <sup>31</sup>Hain dâmbiâ Yesuġe nângâm hin dâm makyenġiep, “Âlepne manmai are yeġġâlân doktaġe âi bo ketugumai. Kundatdâ areyeġġâlân âi ketugumai. <sup>32</sup>Areġât keiġe hin. Nâġe luâk âlepneâk bo meyekman. Luâk bâleġe olowâk mem oloġ yektere areġât bâleġe yeġe makmâ miawakbiâ biwiyeġe Anutugâlân ari kilâġġât dâm yeġġât geân.” dâep.

### Sotġât hanoko aġi areġât den.

<sup>33</sup>Yesuġe hain dâmba Parisaio akto Moseġât den makyenġiyi are yeġġâlân ġâtne bikġande hin dâm magaġi, “Yohane olop manmai arekne âmâ hilâm ârândân sot hepunmâ manmâ Anutu ulilaġmai. Akto nengâlân ġâtne hainâk akmâ manmai. Gârâmâ ġâ olop mandâiġe sot hanâk nem manmai are nâġġaenġe ârândân bo aktâp.” dâyi. <sup>34</sup>Hain dâmbiâ Yesuġe hin makyenġiep, “Luâk humo siâġe âmbâle mendo âmâ sot ombiâ kâmotlupne yâk olop heroġe akmai sop ain âmâ bikġande sot bo nem yân tatberen dâmbiâ areġât ârândân bo akmap. <sup>35</sup>Bo kârikne. Hâmbâi luâk humo nâ menekmâ kewugunekbiâ bo aktere âmâ undâġât niġmâ okotyġe nângâm sop ain âmâ sot bâlâk manbai.” Yesuġe hain dâep. <sup>36</sup>Hain dâm âmâ ikiye den ġiġe siâ hin dâm makyenġiep, “Luâk siâġe sâġgum irakne hârem arekne mem hâk katipne duwalak duwalakne tâmbâġe are bo parutmap. Sâġgum irakne tâmbâġe hut bit parutmap dâine sâġgum irakne are bâliwop akto sâġgum lâuwâ are dopne konok bo akbop. <sup>37</sup>Akto nen âmâ waiġ tu irakne yo hâkne tâmbânġân bo kâienġe gemap. Hain akmaen dâine waiġ tuġe arekne yo hâkne are mendo âmâ bim âġâm hogoakbop. Akto waiġ akto yo hâkne

lâuwâ lâuwâ bâlewat. <sup>38</sup>Aregât waij irakjande yo hâkne irakjân gembô âlepne akmap. <sup>39</sup>Dâ siâ waij tâmbâne nem hanje agepne waij irakje aregât hâkân akmâ hin dâwiap, “Tâmbâne are nendere ukenje aktâp.” dâwiap.” dâep.

#### Sarere âi bo meme sop aregât den.

**6** <sup>1</sup>Akto Sarere âi bo meme sop siân Yesu olop malije kalam ginjângen ariyi. Arim olop mali yâkne kalamânba sot bâikne konok konok are mem hâkne digim neyi. <sup>2</sup>Hain akbiâ Parisaio luâk arekne yekmâ hin dâyi, “Ye wangât hain aktâi? Ujak âi meme sopne bo aregât âi membriâ ârândân bo aktâp.” <sup>3</sup>Hain dâmbiâ Yesune hin dâm makyengiep, “Ye bo nângâi me? Dawidi akto luâklupne mop miawak yengimbo agi are nângâi me bo? <sup>4</sup>Yâkne hin agi. Dawidiye Anutugât sumbe kat kat emetjân âgâm sot Anutugât pat dâm kali are mem nem bikne luâklupne yengimbo olowâk neyi. Sot are luâk anjâ yengât pat borâm sumbe kat kat luâk are yengâlâk dâm magi. Ainba yâkne hanâk mem neyi. <sup>5</sup>Aregât keije makmâ miawaktere nângânet. Nâ Anutuje huŋgun niŋdo luâk akmâ geân Sarereân âi bo meme aregât kautje akmâ mandân.” dâep.

#### Sarere siân Yesune luâk siâ heŋgemgoep.

<sup>6</sup>Akto Sarere siân den emetjân âgâm den makyengiep. Makyengimbo luâk siâ talep aregât bâte bungen âmâ kamunje agep. <sup>7</sup>Hain akto Mosegât den kârikne makyengimini akto Parisaio luâk arekne, “Yesune luâk ire mem heŋgemgowerâp me bo?” dâm aregât ekmâ âmâ denân katbaen dâm aregât damungom tali. <sup>8</sup>Akto Yesune yekmâ nângâm âmâ luâk bâte kamunje are hin maganep, “Agatmâ kin.” dâmbo agatmâ kilep. <sup>9</sup>Kindo damungom kili are hin makyengiep, “Sarere âi bo meme sopjân wan me wan âlepne me bâleje akbaen are luâk heŋgem yengumaen me hilip yengumaen aregât makniŋbiâ nângâwe.” dâep. <sup>10</sup>Hain dâm tânjâk yekto den hâuje bo magaji. Yân kinbiâ bâte kamunje are ekmâ hin maganep, “Bâtge mem agat.” dâmbo bâte mem agato âlepne agep. <sup>11</sup>Akto are ekmâ hin magangi goangi agi, “Sarere âi meme sopne boân ina âi ire mendo ârândân bo aktâp. Aregât gain gain akne.” dâm Yesugât kuk bâleje akmâ kili.

#### Yesune Aposololupne meyegep.

<sup>12</sup>Akto sop siân emet dâgâwerâm akto Yesune gimbâne siân Anutu maganberâm âgâep. Âgâmbo Anutu olop den akbela emet hauŋdo <sup>13</sup>luâk olop mali hutyejânba keiân lâuwâ are mem oloŋ yegep. Oloŋyekmâ âmâ Aposolo yengonlep. <sup>14</sup>Dâ kotyeje ikiyeâk ikiyeâk âmâ hin. Simoŋ kotje siâ Petoro emije Anderea, Yakobo, Yohane, Pilipo, Batolomaio, <sup>15</sup>Mataio, Toma, Yakobo siâ are Alipaioġât nanje akto Simoŋ siâ Roma

yengât hâkân agi are yengâlân gâtje akto <sup>16</sup>Yudasi are Yakobogât nanje akto Yudasi siâ Karioto kepijan gâtje arekje âmâ beirâ Yesugât gasalupje makyengimbo kombiâ moep.

<sup>17</sup>Yâk meyekmâ gimbânje kautjângenba gem hân ukulejân arim luâk âmbâle dondâ penâyengiyi. Penâyengimbiâ luâk dondâ yâk yengâlân togom menduguyi. Akto Yudaia hânângenba akto Yerusalem kepijanba akto Tiro akto Sidon kepia are haru dâtjân talewângenba togom mendugu akbiâ den potatmâ yengiep. Akto kundat agi are yengât makto âlepje agi. <sup>18</sup>Akto sinduk baniara bâlejannde kautyenân miep are watyekto arimbiâ âlepje agi. <sup>19</sup>Hain akmâ Yesugât kârikjenande hejgemnengumbo howaim âlepje akne dâm kili.

### Yesuje den dâtje makyengiep.

<sup>20</sup>Akto Yesuje ikinje hamiân gâtje yekmâ hin dâep, “Ye puligât umburuk akmâ manmai aregât Anutuje damunyeje akberâm aktâp. Aregât yengât nângâre âlepje aktâp. <sup>21</sup>Sop hinjeâk iregât âmâ mop mandâi. Dâ hâmbâi âmâ Anutuje wan me wangât egâlijan akmai are yengimbo ârândân akbiap. Aregât yengât nângâre âlepje aktâp. Sop hinje âmâ okotyene nângâm indem mandâi yeje âmâ hâmbâi biwiyene herone akbiap aregât yengât nângâre âlepje aktâp. <sup>22</sup>Luâk âmbâle bikjande luâk akmâ geân nângât hâkân akmai aregât ye yekbiâ gembâi hogom nângâyengim watyekmai <sup>23</sup>aregât yengât hâu âlepje hâmbâi Humone himbimân wan katyengiep are tatâp aregât biwiyene herone humo nângâm manbi. Amâ bâgilupyejannde yeje aktâi dop hainâk akmâ Anutugât hoj bawa aganjmâ mali.

<sup>24</sup>Woe, nijemane puli siâ siâ tat yengiâp aregât emelâk âlepje yejaet hâu meyi. Ye hâmbâi âmâ bâlejan arim âi girâp akbai. <sup>25</sup>Woe, unjak âmâ sot humo nem unsambe manmâ herone aktâi. Dâ hâmbâi âmâ bâlejan arim mop manmâ âi girâp akbai. Akto unjak âmâ giriñmâ herone marone kakjân mandâi. Dâ hâmbâi âmâ indem umatjan manbai. <sup>26</sup>Woe, ulikjan luâk bikjande agatmâ den mem hin hianjim dâyi, “Nen Anutuje den dâm maknengiâp are makmâ miawaktenje nângâm lokojet.” dâmbiâ âmâ bâgilupyejannde herone akyengiyi. Herone akyengimbiâ Anutuje bo huñgun yengiep, yânâk agatmâ hianji den dâyi aregât dosayene yengiep. Aregât unjak iregât âmâ luâk âmbâle kâmot humo arekje yengât nângâm herone akyengimbiâ âmâ hanoko akbi.

### Gasa are gala akyengiwei.

<sup>27</sup>Gârâmâ nâ hin maktere nângânet. Yeje gasalupyeje yengât nângâm gala akyengiwi. Akto yengât hâkân akmai are mem gala katyekbi. <sup>28</sup>Akto ye bâleje akyengimai are herone akyengiwi. Akto makmâ hâkân yekmai yâk yengât akmâ Anutu ulilanjbi. <sup>29</sup>Luâk siâje ondopge hogombo are

ondopge bikŋe waŋben. Luâk siâŋe gâŋgât ito meŋŋiŋberâm kârikŋe akto âmâ iripâŋge biken are waŋben. <sup>30</sup>Luâk siâŋe puli siâ siâgât ulit giŋdo are waŋbiat. Akto luâk siâŋe puli siâ siâ are meŋŋiŋdo aregât purik katmâ niŋ bo dâwiat. <sup>31</sup>Yeŋe wan me wan siâ siâ aknengŋet dâm aregât ukenŋe akmai dop hainâk akyeŋgiwai.

<sup>32</sup>Luâk âmâbâle bikŋande ye han kalem akyeŋgimai yâk han kalem purikatmâ akyeŋgiwai amâ hâu gain gain miawakyeŋgiwai? Amâ luâk bâleŋande galalupyene han kalem akyeŋgimai gai. <sup>33</sup>Akto bikŋande gala akyeŋgimai yâk gala akyeŋgiwai amâ hâu gain gain miawakyeŋgiwai? Amâ luâk bâleŋande hain akmai aten. <sup>34</sup>Akto hâuŋe purikatmâ nengŋetdâm wan me wan yeŋgiwai amâ Anutuŋe hâu wan hinan purikatmâ yeŋgiwai? Amâ Anutugât den bâlâk manmai yâkŋe galalupŋe hin dâm siâ me siâ yeŋgimai, “Maleine yekâ hainâgâk hâuŋe nengwi.” dâmai. <sup>35</sup>Bo. Ye hain bo akbi. Ye gasalupyene gala akyeŋgiwi. Hâuŋe bo yeŋgiwai yâk hanâk heŋgemyeŋgum siâ me siâ yeŋgiwi. Hain akmâ maleine hâuŋe umatŋe membai. Hain akmâ Humo yâkgât nan barat akmâ manbai. Yâkŋe âmâ luâk gulip akto metŋe yâk hanâk han kalem akyeŋgimap. <sup>36</sup>Eweyeŋande han kalem manmapgât yeŋe hainâk han kalem olop manbi.

<sup>37</sup>Akto yeŋe yâk yeŋgât den borâm hâre yeŋgimbiâ âmâ hainâk Anutuŋe dosayeŋe bo kat yeŋgiwai. Dâ dosayeŋe hepun yeŋgimbiâ âmâ hainâk Anutuŋe dosayeŋe hepun yeŋgiwai. <sup>38</sup>Puli me wan me wan akyeŋgimbiâ âmâ Anutuŋe hainâk akyeŋgiwai. Gârâmâ Anutuŋe lugum totokombo humo akto yeŋgiwai. Are âmâ yeŋe yeŋgimai dop hainâk Anutuŋe yeŋgiwai.” dâep.

### Yesuŋe den umatŋe dâm makyeŋgiep.

<sup>39</sup>Yesuŋe den hain dâm makyeŋgim den ginŋe hin dâm makyeŋgiep, “Dewunyetŋe bok bokŋe lâuwâ siâŋe yetŋeâk oloŋ akmâ dâp mesokmâ siâŋen arim hememân hâkoko akbiandat. <sup>40</sup>Akto den siâ makbe. Nanaŋ âmâ tiksane bo ewangimap. Nanaŋ are wan me wan nâŋgâm heŋgemgom âmâ tiksa aregât dop akmap. <sup>41</sup>Akto den siâ makbe. Gâŋe galagaet dewunŋân lâwin uneŋe tatâp are ekmâ guge dewunŋân lâwin papaŋe tatâp aregât bo nâŋgaŋgim galagaet dewunŋân tatâp aregâlâk hin dâmenâ ârândânŋ bo akbiap, <sup>42</sup>“Gala, dewunŋân gagap tatâp are meŋŋiŋbe.” Gâ hianŋi luâk. Guge dewunŋân lâwin papaŋe tatâp are soŋ meakmenâ âlepŋe akto âmâ galagaet dewunŋân lâwin uneŋe tatâp are memenâ ârândânŋ akbiâp.

### Lâwin keiŋe keiŋe.

<sup>43</sup>Akto den siâ makbe. Lâwin keiŋe keiŋe aregât koaŋe ikiŋeâk ikiŋeâk kinmap. Lâwin koaŋe âlepŋande lâwin bâleŋân bo kinmap. Akto hainâk

lâwin koaŋe bâleŋande lâwin âlepŋân bo kinmap. <sup>44</sup>Giat bunŋande kewu bo akmap. Akto kânden bunŋande ham bo akmap. Bunŋaet keiŋe ya ekmâ nâŋgâmai are. <sup>45</sup>Luâk siâgât biwiŋân wan me wan bâleŋe me âlepŋe pikmâ yendâp aregât launŋânba âlepŋe me bâleŋe miawakmap. Aregât luâk âlepŋe siâ biwi irakŋe manmapgât bunŋe biwiŋânba agak meme âlepŋeâk miawakmap. Dâ luâk bâleŋe siâ biwi helenŋ manmapgât bunŋe biwiŋânba agak meme bâleŋeâk makmap.

### Emet kârikŋe akto yeukŋe aregât keiŋe.

<sup>46</sup>Yeŋe lau yeŋandeâk, “Humonenŋe, Humonenŋe.” dâm nagonmâ âmâ nâŋe den makyenŋiman are bo lokomai are amâ ârândânŋ bo akmap. <sup>47</sup>Siâŋe nâŋgât denne nâŋgâm lokom manmap are âmâ dop hin dâre nâŋgâŋet. <sup>48</sup>Luâk siâŋe emetŋe ketugum tetembeŋe kâlep anuŋdo gombo totokombo kârikŋe agep. Kârikŋe akto âmâ emetŋe are ketugumbo ârândânŋ akmâ tato âmâ wâriŋ humo mendo tu seru kârikŋe akto emet are kârikŋe akmâ bo kâwulakmâ kilep. Luâk hain arekŋe dop hain aktâp. <sup>49</sup>Dâ siâŋe denne ire nâŋgâm âmâ hepulep aregât dop âmâ luâk siâ emet ketugum âmâ tetembeŋe yân hanâk yogan yogan kakŋân anuŋdo kilep. Ain âmâ tu seru humo pando âmâ yogan yogan akmâ kâwulakmap.” dâep.

### Yesuŋe dâambo hoŋ bawa siâ âlepŋe agep.

**7** <sup>1</sup>Yesuŋe den bunŋe are makyenŋim metem âmâ Kapanauim kepian ariep. <sup>2</sup>Arimbo Roma tembe loko yeŋgât kautŋe siâŋe ikiŋe hoŋ bawa nâŋgâ aŋdo humo agep are momberâm agep. <sup>3</sup>Hain akto luâk kotdâ arekŋe Yesugât pat nâŋgâm âmâ Yuda damunyeŋe mali are arim Yesu kewugumbiâ togom hoŋ bawa magaŋdo kundat hepulâkgât makyenŋiep. <sup>4</sup>Makmâ huŋgunyeŋimbo arim hin dâm ulilaŋi, “Roma tembe loko yeŋgât kautŋe siâ hutnennân mando luâk âlepŋe dâmaen. <sup>5</sup>Akto nengât den emetŋaet puli kato ketugu nengiŋi aregât denŋe nâŋgâmenâ ârândânŋ agâk.” dâm magaŋi. <sup>6</sup>Hain magaŋbiâ nâŋgâm yâk olop ariŋi. Arim emetŋe are ewumâk akbiâ galalupŋe den hin dâm makyenŋim huŋgun yeŋimbo Yesugâlân arim magaŋi, “O Humo, damun nenŋande hin dâp, “Nâ luâk yânŋe mandân aregât nâŋgâlân bo togowen. Akto nunaet nâŋgâre ârândânŋ bo aktâp. <sup>7</sup>Akto nâ gâŋgâlân bo togoman. Aregât gâ yân denâk makmenâ hoŋ bawane ire âlepŋe agâk. <sup>8</sup>Akto nâ luâk humomo yeŋgât den lokoman. Dâ tembe lokolupnande âmâ nâŋgât den lokomai. Hain akbiâ hutyeŋân gâtŋe siâ magaŋmâ, “Gâ ari” dâre âlepŋe arimap. Akto siâgât, “Gâ ga” dâre âlepŋe gamap. Akto siâgât, “Âi me” dâre âi memap.” hain dâp.” dâyi. <sup>9</sup>Hain dâmbiâ Yesuŋe tembe loko yeŋgât den are nâŋgâmbo dâtŋe akto aregât purik katmâ hamiŋân dondâ kili are hin dâm makyenŋiep, “Makyenŋire nâŋgâŋet. Israe luâk yeŋgât



hut yejânba luâk siâne nânġâniġmap âlepne hinare bo mem miawagân.”  
dâep. <sup>10</sup>Hain dâmbo tembe loko galalupņande purik katmâ arim emelan  
âġâm hoġ bawa âlepne agep are egi.

### Yesuġe dâmbo luâk momoġe siâ agatmâ âlepne agep.

<sup>11</sup>Akto Yesu Aposololupne olowâk kepia siâ kotġe Naiġ ain arimbiâ  
luâk kâmot humoġe hamiyeġân kinbiâ olowâk ariyi. <sup>12</sup>Akto kepia are  
tâlâgumbo luâk âmbâle kâmot humo siâne âmbâle kambut siâġât nanġe  
konok moep are lokom hangowerâm togoyi. <sup>13</sup>Togombiâ Humoġe âmbâi  
kambut are ekmâ okot nânġâm hin dâep, “Bo inde.” dâep. <sup>14</sup>Hain dâm  
temân dâġâm lokom togoyi are mendo yân kinbiâ hin dâep, “Luâk  
sigan agat.” <sup>15</sup>dâm maganġo luâk momoġe are agatmâ den agep. Den  
akto Yesuġe maganġmâ, “Memege olop malet.” dâep. <sup>16</sup>Hain dâmbo  
luâk âmbâle arekġe ekmâ ongâyeġe hogombo bâtyeġe dâtyeġân igim  
kinmâ Anutu maganġmâ hin dâyi, “Anutu ġaġe hoġ bawage humo siâ  
huġgunanġen are hutnenġân mandâp.” dâyi. Dâm âmâ hin dewatim dâyi,  
“Anutuġe luâk âmbâle damun nenġe akberâm huġgun anġo togoep.”  
dâyi. <sup>17</sup>Akto Yesuġe agep areġât pat are sambelem arim Yudaia hân akto  
hân biken biken arimbo hârokġe nânġâyi.

### Yesuġe Yohanegât dâep.

<sup>18</sup>Yohane tu puliyenġiep yâġġât galalupņande Yesuġe wan me wan  
miep areġât den pat maganġi. <sup>19</sup>Maganġbiâ galalogâtġe lâuwâ siâ yetkondo  
togombela den hin makyetkim huġgun yetkiep, “Humogâlân arim den  
hin dâm maganġlet, Luâk togowiapgât dâyi are ġa me? Nen niġande  
togoâk dâm lâmgom manden?” hain dâm maganġlet.” <sup>20</sup>Hain dâm  
huġgun yetkimbo Yesugâlân togom hin dâm maganġiat, “Yohane tuân  
katyeġep arekġe hin dâm huġgun netkiâp. Luâk togowiapgât dâyi are ġa  
me? Me siâġât lâmgom manbaen?” dâyiat. <sup>21</sup>Akto sop ain Yesuġe luâk  
kundatyene olop are makyenġimbo bo akyenġiep. Akto sinduk baniara  
bâleġande kautyeġân meyeġi are watyeġep. Akto dewunyeġe bok bokġe  
makyenġimbo dewunyeġe hâreakto egi. <sup>22</sup>Areġât Yesuġe Yohanegât  
galalogâtġe hin dâm makyetkiep, “Yet arim âmâ wan me wan yetġe  
dewunyetņande ektat akto ondopyetņande nânġat nânġâ yâġġât den pat  
Yohane hin dâm maganġlet, “Dewunyeġe bok bokġe yâk yeġġât dâmbo  
dewunyeġe hâreakto ektâi. Keiyeġe goġgoġe yâk yeġġât dâmbo âlepne  
akmâ bam gutâi. Hâk bâle miawak yeġġimbo manmai yâk yeġġât dâmbo  
âlepne aktâi. Ondopyeġe bok bokġe yâk yeġġât dâmbo ondopyeġe pâroġ  
âġambo den âlepne nânġâi. Momoġe yeġġât makto golâ akmâ mandâi.  
Akto umburuk mandâi are den pat âlepne makyenġimbo nânġâi.”  
<sup>23</sup>Akto luâk siâ nânġât akmâ bo bâleniġmâ hâkân akniġbiap amâ yâġġât  
nânġâre âlepne humo akbiap.” Hain dâm huġgun yetkiep.

<sup>24</sup>Hunġun yetkimbo purik katmâ arimbela Yesuġe luâk âmbâle kili are Yohanegât hin makyenġiep, “Ye hân kamitġânġen wan ekberâm ariyi? Seruġe kâro waito duwuġ akto are ekberâm ariyi me? <sup>25</sup>Yohane âmâ haingât dopġe bo. Me luâk siâġe hâk pekeġe kulem melem agakġe luguakmâ kei pekeġe âlepġe dondâ kalep are ekberâm ariyi me? Amâ bo. Luâk hain arekġande luâk humomo yeġġât emelan tatmâ sot âlepġe nemiâ tepyeġe pikto gemai. <sup>26</sup>Yohane âmâ hainare yeġġât dopġe bo. Aregât ye wan ekberâm ariyi? Ye Anutugât den dâm miawagep siâ ekberâm ariyi. Aregât makyenġire nânġânġet. Yohane egi are âmâ Anutugât den makmâ miawakmâ gayi yâk hainare bo. <sup>27</sup>Yâk âmâ siâ. Yâkġe âmâ hârok ewangiyektâp. Hain ġârâmâ Anutuġe yâkġât den hin dâep are tatâp,

“Nune hoġ bawane maganmâ huġunandere laune lokom ġânġât ulikġân aġġimâ dâp heġgemgo ġiġbiap.”

Akto den kulemgoep are bunġe akto Yohane togoep. <sup>28</sup>Akto luâk siâġe Yohane ewangiwiapġât dop bo tatâp. Are âmâ Yohaneġe ulik gulik akmâ âinaet keiġe bo ekmâ nânġâwip areġât luâk yânġe biwiyenġe Anutugâlân katbiâ arim kinbiap yâk hârokġe Yohane ewangiwai.” <sup>29</sup>Hain dâm makyenġimbo luâk âmbâle dondânġe gawamangât puli meme luâk olowâk yâkġe emelâk Anutugât den lokom manbiâ Yohaneġe tuân mem katyeġep yâkġe Anutugât den are tângombiâ bunġe agep. <sup>30</sup>Dâ Parisaio luâk akto Moseġât den makyenġimini yâkġe âmâ Anutugât dâp are hâkânġ akmâ Yohaneġe tuân bo kat nenegâk dâm manmâ gayi. Hain agigât yâkġe âmâ nânġâmbiâ bunġe bo agep.

<sup>31</sup>Akto den siâ hin dâm lâuwânġe makyenġiep, “Luâk kâmot ire yâk yeġġât wanân dop katmâ makbe? Yâk wan hinare? <sup>32</sup>Nanaġ kâmot lâuwâ kepia sombeimân tatbai. Akto kâmot siâġe kâmot siâ are hin dâm makyenġiwai, “Nenġe heronġe akmâ bâtâ kondenġe yeġe kep bo kondâi. Akto nenġe âi ġirâp akmâ indien hain indeġet dâm makyenġienġe bo indeâi.” dâwai. <sup>33</sup>Akto areġât maktere nânġânġet. Yohaneġe tuân katyeġep yâkġe âi keiġe katmâ tu sot bo nem manmâ âmâ yân âi mem manmâ gambo hin dâyi, “O, luâk ire sinduk baniara bâleġande meme aġandâp.” <sup>34</sup>Akto nâ luâk akmâ ġeân nânġe sot sonġo nendere nekmâ hin dâmai, “Luâk ire âmâ sot humo nem mandâp are gawamangât puli meme luâk akto luâk bâleġe yeġġât gala.” dâmai. <sup>35</sup>Anutugât nânġâ nânġâ kâmot are âmâ ġinbailupġe yâkġe yâkġât keiġe mem golâ katbiâ bunġe kârikġe agep.” dâep.

### Âmbâle siâġe Yesugât keiġe puliep.

<sup>36</sup>Parisaio luâk siâġe Yesu kewugumbo emetġân âġâmbo mendugu akmâ sot neyi. <sup>37</sup>Sot nem tatbiâ ain ġâtġe âmbâle dâp gulip malep siâġe Yesu Parisaio luâk yâkġât emetġân âġâm talep are nânġâm tu higenġe

are mem âgâep. <sup>38</sup>Mem âgâm hamiñân kinmâ indembo dewunje tuje târân dâm keiñân giep. Gembo dumutje yeukje arekje keije pulim metiep. Pulim metem âmâ keije mem mañganmâ tu higenje are keiñân kâim puliep. <sup>39</sup>Hain akto Parisaio Yesu kewugumbo âgâyat arekje ekmâ biwiñânâk hin nânġâep, “Dâp gulip manmap irekje aktâp ire bo agakje. Gârâmâ bundâk Yesu Anutugât hoñ bawa manmap dâine âmbâle iregât keije nânġâwop.” dâm nânġâep. <sup>40</sup>Hain nânġâmbo Yesuje ekmâ nânġâm âmâ hin magaņep, “Simon, den siâ maktere nânġâ.” dâmbo hin magaņep, “Tiksa, makniñmenâ nânġâwe.” dâmbo <sup>41</sup>hin magaņep, “Luâk siâne luâk lâuwâ puli yetkiep siâ 50 kina siâ 5 kina. <sup>42</sup>Akto siân aregât hâuñe niñlet dâmbo puli are panbela bo agep. Bo akto bo mem miawagiat aregât yâkgâlân arim kinmâ hin dâyat, “Puli bo tat netkiâp.” dâmbela hin makyetkiep, “Hanâk, misiget, âlepñe ariet.” dâmbo ariyat. Hain akto âmâ niñande dosa hepunañep aregât nânġâmbo huraguep? 50 kina miep arekje me 5 kina miep? Aregât makniñmenâ nânġâwe.” dâep. <sup>43</sup>Hain dâmbo hin dâep, “Puli dondâ miep arekje ukenje nânġâep.” dâep. Hain dâmbo Yesuje hin dâm magaņep, “Gâ âlepñe maktât.” <sup>44</sup>Hain dâm âmbâle are ekmâ hin dâm Simon magaņep, “Âmbâle ire ek. Nâ ġânġât emelan gare tu bo kâim niñmenâ puliaktân. Akto âmbâle irekje âmâ indembo dewunje tuje keinân gembo dumutñande puli nektâp. <sup>45</sup>Ġâñe âmâ bo mañgan nektât. Dâ âmbâle irekje âmâ keine mem mañgan nekmâ heronje akniñdâp. <sup>46</sup>Akto gare ġâñe âmâ tu higen suk suk siâ kautnân bo kâiât aregât âmbâle irekje âmâ tu higenje olop kâimbo keinân gembo puli nektâp. <sup>47</sup>Âmbâle irekje âmâ gala konok akniñdâpġât nâ yâkgât patñe hin maktere nânġâ. Luâk siâne galañet dosa umatñe puliañdo aregât heronje humo nânġâ aņbiap. Dâ luâk siâne galañet dosa bikñeâk puliañdo aregât heronje kakñeâk nânġâ aņbiap. Aregât keije hin dâre nânġâ. Anutuñe âmbâle iregât dosañe umatñe are emelâk hepun aņdo heronje humo nânġâ niñdâp hain.” <sup>48</sup>Hain dâm âmbâle are hin dâm magaņep, “Dosage emelâk hepun ġiñdân.” dâep. <sup>49</sup>Hain dâmbo olowâk tatmâ sot neyi arekje biwi yeñân hin nânġâyi, “Luâk iregât keije gain gain hinare? Gain gain akmâ dosage emelâk hepun ġiñdân dâp?” <sup>50</sup>Biwiyeñande hain nânġâmbiâ Yesuje âmbâle are hin dâm magaņep, “Biwige Anutugâlân arim kindâp aregât kambiamge sândugembo manbiat.” dâm magaņep.

### Yesu olop ariyi yeñġât keiyeñe.

**8** <sup>1</sup>Sop aregât kakñân Yesuje kepia hârogâk ândeanmâ arim Anutuñe damunyeñe akberâm aktâp aregât den pat âlepñe makyenġim malep. Akto Aposololupñe keiân lâuwâ are oloñ yekto olowâk ariyi. <sup>2</sup>Akto âmbâle bikñe olop ariyi are yeñġât keiyeñe hin. Bikñe âmâ sinduk baniara bâleñande meyekbiâ are watyeñġimbo âlepñe agi are. Akto bikñe

âmâ heŋgem yeŋguep yâk olop ariyi. Akto yâk yeŋgâlân gâtŋe siâ kotŋe Maria Madala kepiân gâtŋe, yâkgât âmâ sinduk baniara bâleŋe nâmbulân lâuwâ walaŋep. <sup>3</sup>Akto siâ kotŋe Yohana are Herotegât hoŋ bawa luâk kotŋe Kusa yâkgât âmbenŋe. Akto siâ kotŋe Susana. Akto âmbâle bikŋe puli oyaŋmâ Yesu akto aposololupŋe yeŋgiyi are olowâk ariyi.

#### **Anutugât den aregât dâp.**

<sup>4</sup>Luâk âmbâle dondâŋe kepiayeŋe hepunmâ Yesugâlân togom mendugumbiâ yekmâ âmâ den ginŋe hin dâm makyenŋiep, <sup>5</sup>“Luâk siâŋe seŋgo alekŋe are panberâm âiâŋen mem ariep. Akto alekŋe bikŋe dâwân gembo luâkŋe tâlim hogombiâ lâutŋe togom nem meteyi. <sup>6</sup>Dâ seŋgo alekŋe bikŋe âmâ hân yam yamân gembo kâmŋe gam âmâ tu bogât ainâk moep. <sup>7</sup>Akto alekŋe bikŋe hele kâlegen giep. Gem kâmŋe gambo are âmâ hele humoŋe gam âgâm lokom gunduŋaŋdo moep. <sup>8</sup>Akto alekŋe bikŋe âmâ hân keluŋe olowân gembo miawakmâ kâmŋe bususuk dâm gam bunŋe dondâ miawagep.” Hain are makmâ âmâ benŋe kârikŋeâk makmâ hin magep, “Luâk ondopdâŋe den ire nâŋgâwi.” dâep.

<sup>9</sup>Akto hoŋ bawalupŋande den memene aregât keiŋe gain gaingât maktât dâm aikoyi. <sup>10</sup>Aikombiâ hin dâm makyenŋiep, “Anutuŋe ye emelâk nâŋgâ nâŋgâyeŋe mem pâroŋ kalep. Kato Anutuŋe damunyeŋe akmapgât keiŋe nâŋgâi. Dâ bikŋe amâ ekmâ âmâ bo ekmâ nâŋgâm heŋgemgomi. Amâ Anutuŋe makto dewunyeŋande âmâ ekmai. Dâ biwiyenân bo gemap. Akto ondop yeŋande nâŋgâmai. Dâ nâŋgâ nâŋgâ yeŋân bo gemap. Aregât den dopŋân maktere keiŋe bo nâŋgâmai. <sup>11</sup>Hain. Akto den ginŋe makyenŋiân aregât keiŋe hin. Anutugât denŋe seŋgo alekŋe aktâp. <sup>12</sup>Seŋgo alekŋande dâwân giep. Hân dop are âmâ hinare manbai arekŋe Anutugât den nâŋgâmbiâ biwiyenân ewuwiap. Ewumbo Niambiŋe ekmâ den are nâŋgâm biwiyenŋe nâŋgâlân katbiâ Anutuŋe damunyeŋe akbopgât hâreyenŋim ariwiap. <sup>13</sup>Dâ seŋgo koaŋe kât heregân giep dop hainare manbai yâkŋe den pat âlepŋe nâŋgâm arekŋeak ukenŋe akbai. Dâ hanyenân kândârâŋe bo giepgât sop pân konok dondâ mem âmâ dopko dopko miawakto den pat âlepŋe hamianmai. <sup>14</sup>Akto seŋgo alekŋe bikŋe hele kâlegen giep dop hinare manbaiŋe amâ Anutugât den nâŋgâwai. Nâŋgâm âmâ hâkgât siâ me siâgât nâŋgâm heŋgemgom puli me sâŋgum lâuwâ lâuwâ me ito sikum aregât ukenŋe nâŋgâm hanokoakmâ âmâ den are hepunbiâ âmâ bunŋe bo akmap. <sup>15</sup>Dâ koaŋe hân kelurâ ain giep dop hainare manbai yâkŋe den pat âlepŋe nâŋgâm han yeŋe heŋgemgom yeukŋân mem manmai. Hain akmâ kârikŋe akmâ bunŋe penianmai.

#### **Pagaleŋegât dop.**

<sup>16</sup>Luâk siâŋe pagaleŋe sagom âmâ umbâ kâlegen me yeye amukŋân kato bo tatmap. Tek tekŋân kato emet kâleŋe pagalembi ekmâ gem

âgâmai. <sup>17</sup>Aregât keiŋe âmâ hin. Wan me wan tip yemap are mem miapanbai. Dâ siâ me siâ ekbiâ bo akto are pagalenjân miawakto hârokŋe ekbai. <sup>18</sup>Siâ siâ me siâ talaŋdo âmâ Anutuŋe siâ waŋdo sambeleanbiap. Dâ siâ siâ me siâ bo talaŋmap are bâtnân tatniŋdâp dâm nâŋgâm hilipkombo are Anutuŋe bâtŋânba oloŋmâ pando yân tatbiap. Aregât den makmâ tatân ire nâŋgâm gangerâm manbi.” hain dâep.

#### **Yesugât memeŋe emilupŋe.**

<sup>19</sup>Sop ain luâk kâmot humoŋe Yesu ândeaŋmâ kinbiâ memeŋe emilupŋe togom imbianmâ ekberâm ewum hâumgom kâlewânâk kili. <sup>20</sup>Kâlewânâk kinbiâ luâk siâŋe hin dâm magaŋep, “Memege emilupgande gekberâm togo iŋgon betgen kinmâ gemenâ gekne dâm gogondâi.” dâep. <sup>21</sup>Hain dâambo Yesuŋe hin dâm magaŋep, “Anutugât den nâŋgâm lokomai ire âmâ nâŋgât memene emilupne are yengât dop aktâi.” dâep.

#### **Yesuŋe seru magaŋdo sândugiep.**

<sup>22</sup>Hilâm siân Yesuŋe hin dâm makyenŋiep, “Bâtgum ire hâtikom biken arine.” dâambo olop waŋgan âgâm ariyi. <sup>23</sup>Arimbiâ Yesu asiŋ yiep. Yem tato seru humo pando âmâ haru are bâliep. Bâlimbo âmâ waŋga are kâi akberâm agep. <sup>24</sup>Kâi akberâm akto Humo are goaŋmâ hin dâyi, “Wâe, luâk Humo, nen ire haruân bâliweren.” dâmbiâ agatmâ makto seru akto haru nâŋgâm nâŋgâyiat. <sup>25</sup>Nâŋgâmbela hin dâm makyenŋiep, “Nâŋgâm kepilâniŋmai are yâgâte?” dâambo yâkŋe âmâ wan me wan akmâ miep are ekmâ otneyeŋe ariep. Arimbo kinmâ hin dâm magaŋgi goaŋgi agi, “Ae, luâk irekŋe âmâ seru akto haru ina den makto nâŋgaŋdat aregât keiŋe gain?” dâyi.

#### **Yesuŋe sinduk baniara watyekto bauyengât biwiyenân geyi.**

<sup>26</sup>Akto bâtgum are hâtikom Galilaia hân bikŋâŋen Gerasene are yengâlân ariyi. <sup>27</sup>Ain arim waŋgaŋe haru dâtŋân kindo sopanmâ ge kindo âmâ luâk siâ kepiangenba togom peniaŋep. Aregât keiŋe hin. Sinduk baniara bâleŋe kugâkŋe memeŋe agaŋbiâ malep. Agaŋbiâ hâk pekeŋe bâlâk manmâ aŋun bo aŋgim sop kâlep hainâk malep. Manmâ emetŋân bo manmâ âmâ sumâŋen hilâm ârândâŋ arim togominep. <sup>28-29</sup>Hain akto tembe lokoŋe bātŋe bikŋe bikŋe dâgâmbiâ âmâ piriŋ piriŋ kato hâreakto sinduk baniara arekŋe hâwâlaŋdo hân kamitŋâŋen ariminep. Keiŋe hain. Akto luâk are togom Yesu ekto sinduk baniara bâleŋe are wat yekberâm akto aregât enemŋân ge yiep. Yem âmâ hin magaŋep, “Yesu gâ Anutu Humo dondâ yâkgât nanŋe wangât nâŋgâlân togoât? Nâ hâk hilâlâm bo niŋ.” dâambo <sup>30</sup>ekmâ magaŋep, “Kotge niŋe?” dâm aikombo sinduk baniara dondâŋe memeŋe agaŋbiâ malep aregât agonakmâ hin dâep, “Kotne kâmot humo.” dâep. <sup>31</sup>Hain dâambo sinduk

baniara dondâ arekŋe Yesu hin dâm ulilaŋi, “Âlepŋe huŋgun nengimenâ hememân bo gienŋe nenguwerâp.” dâm ulilaŋi. <sup>32</sup>Akto hân ain bau dondâ tâmut nem mali aregât sinduk baniara bâleŋe arekŋe magaŋi, “Nâŋgâ nengimenâ luâk ire hepunmâ bau yeŋgât biwiyenân gene.” <sup>33</sup>dâmbiâ, “Âlepŋe.” dâmbô arekŋeak luâk are hepunmâ bauyeŋgât biwiyenân geyi. Gemiâ bauŋe gem tu denŋânân gemiâ lauyeŋân pikto moyi.

<sup>34</sup>Akto bau damuŋe arekŋe are ekmâ pârigim arim luâk âmbâle dondâŋe kalam yeŋânŋen me kepia yeŋânŋen ari den pat are makyenŋiyi. <sup>35</sup>Makyenŋimbiâ luâk âmbâle hameŋe olowâk wan me wan agep are ekberâm Yesugâlân togoyi. Togombiâ sinduk baniaranŋe memeŋe agaŋi yâkŋe âmâ nâŋgâ nâŋgâŋe hulaŋ akto hâk pekeŋe lugu akmâ Yesugât keiŋân talep. Are ekmâ hamep akmâ kili. <sup>36</sup>Kinbiâ âmâ wan me wan are ekmâ nâŋgâŋe sinduk baniara watyekto âlepŋe agep yâkgât den pat makyenŋiyi. <sup>37</sup>Makyenŋimbiâ Gerasene hân ambolupŋande hamep akmâ Yesuŋe hân are hepunmâ siânŋen ariâk dâm aregât magaŋi. Magaŋbiâ ariwerâm waŋgan âgâmbô <sup>38</sup>luâk sinduk baniara walaŋep arekŋe olop arire dâm magaŋep. Magaŋdo Yesuŋe hin magaŋep, “Gâ tat. <sup>39</sup>Anutuŋe heŋgem guguâp aregât den pat ewege memege akto ginbailupge makyenŋiwen.” dâm magaŋep. Hain dâmbô purik katmâ arim Yesuŋe heŋgemgoep aregât den pat hârogâk makyenŋiep.

**Yesuŋe dâmbô den emetŋe damun luâk aregât  
baratŋe siâ momoŋânba agalep.**

<sup>40</sup>Akto Yesuŋe kepia are hepunmâ bâtŋum biken ariep. Arimbo lâmgom tali arekŋe dondâŋe heronŋe agi. <sup>41</sup>Heronŋe agaŋbiâ den emetŋe damunŋe siâ kotŋe Yairo arekŋe keiŋân kâŋgom âmâ togom hin dâm magaŋep, <sup>42</sup>“Baratne konok dondâ hombanŋe 12 are momberâm aktâpŋgât gâ kewugu gekmâ emetnân ariwerâm aktân.” Hain dâm magaŋdo olowâk ariyat. Arimbela luâk âmbâle dondâŋe watmâ arim ândeŋ gondeŋ agi.

<sup>43</sup>Akto hutyeŋân âmbâle siâ kilep yâkgât keiŋe hin. Âmbâle yeŋgât dewutâ gambo akmai dop hain bo akminep. Hokboâk hokboâk gambo mando hombanŋ 12 bo agep. Hain akmâ manmâ gambo doktaŋe tângowerâm ewum hâumgom hepunmini. <sup>44</sup>Akto âmbâle arekŋe Yesugât hamiŋân arim luguak luguakŋe mem walip koaŋep. Walip kom arekŋeak âlepŋe agep. <sup>45</sup>Âlepŋe akto ainâk Yesuŋe hin dâm aiyenŋuep, “Niŋande mem walip nuguâp?” dâep. Hain dâmbô hârogâkŋe ândeŋ gondeŋ agi arekŋe nen bonâŋgâen dâmbiâ aregât Petoronŋe hin dâep, “Apo, luâk dondâ ândeŋ gondeŋ ketugu gektâi.” dâmbô <sup>46</sup>hin dâep, “Wâtne gembo aregât maktân. Siânŋe walip nuguâpŋgât nâŋgân.” dâmbô <sup>47</sup>âmbâle arekŋe bundâk howaire nâŋgâp dâm ongâŋe hogombo Yesugât enemŋân bam âmâ walip kom âlepŋe

agep aregât keiŋe hârogâk ain kili yengât dewunyenân makmâ miawakmâ magañep. <sup>48</sup>Magaŋdo nâŋgâm hin magañep, “Meŋ, biwige nâŋgâlân katât aregât Anutuŋe nâŋgâ giŋdo âlepŋe aktât. Yeukŋân bam ari.” dâep.

<sup>49</sup>Hain dâm kindo ainâk Yairogât hoŋ bawa siâŋe emelanba gam hin dâm magañep, “Baratge emelâk mondâp aregât luâk Humo ire inâk talâk. Umatŋe siâkâ bo agaŋ. Bo hâwâlaŋ.” dâmbô <sup>50</sup>Yesuŋe nâŋgâm Yairo hin dâm magañep, “Nâŋgâmâk bo ak. Biwige nâŋgâlân katmenâ baratge âlepŋe akberâp.” dâep. <sup>51</sup>Hain dâm oloŋmâ arim Yairogât emet ewumâk kinmâ bikŋe yengât dâmbô kili. Kinbiâ Petoŋo, Yohane, Yakobo akto âmbâi sisik aregât eweŋe memeŋe meyekto emelan olowâk âgâyi. <sup>52</sup>Akto luâk âmbâleŋe indem kambiam bâle agi are hin dâm makyengiep, “Baratyetŋe ire bo mondâp. Yân asiŋ yendâp aregât ye bo indenet.” dâmbô nâŋgâm giriŋ aŋi. <sup>53</sup>Giriŋ aŋmâ hin dâyi, “Wangât hain dât? Are bunŋe mondâp.” <sup>54</sup>dâmbiâ baratyetŋe mem magañep, “Barat agatmâ kin.” <sup>55</sup>dâmbô tepŋân tuk tuk dâmbô ainâk agalep. Agato sot om waŋbiâ neâk dâm makyengiep. <sup>56</sup>Hain akto aregât eweŋe memeŋande ekbela dâtŋe agep. Akto Yesuŋe hin dâm makyetkiep, “Iregât den pat bo makyengiwiadat.” dâm makmâ hâre yetkiep.

### Yesuŋe Aposololupŋe huŋgunyengimbo âi keiŋe kali.

**9** <sup>1</sup>Yesuŋe Aposolo 12 mem oloŋyekto togombiâ sinduk baniara bâleŋande meme akyengimini are watyengywaigât akto kundatdâ mem âlepŋe ketugu yekbaigât aregât makmâ kârikŋe yengiep. <sup>2</sup>Akto Anutuŋe damunyeŋe akto den pat makyengim kundatdâ mem âlepŋe ketugu yekbai aregât huŋgun yengim hin dâm makyengiep, <sup>3</sup>“Ariwerâm âmâ huwan, ito, sot, puli akto hâk pekeŋe dondâ bo mem ariwai. <sup>4</sup>Kepia siân arimbiâ emelan oloŋ yekmâ âgâmbiâ ainâk tatmâ gem ariwai. <sup>5</sup>Akto siân arimbiâ âmâ gala bo akyengimbiâ âmâ kepia are hepunmâ keiyeŋân nukum tatbiap are paŋ paŋgom panmâ den kârikŋe makyengim arimbiâ âmâ yengât keiyeŋe nâŋgâwai.” dâep. <sup>6</sup>Hain dâm makyengim huŋgun yengimbo kepiaŋe kepiaŋe arim manmâ Anutu damunyeŋe akbiap aregât den pat makyengiŋi. Akto kundatdâ mem âlepŋe ketugu yegi.

### Heroteŋe Yesugât den pat nâŋgâep.

<sup>7-9</sup>Akto Yesuŋe ya agep aregât bikŋande hin magañgi goaŋgi agi, “Yohaneŋe momoŋânba agatmâ mandâp mon?” dâyi. Dâ bikŋande âmâ hin dâyi, “Eliane lâuwâŋe miawakmâ mandâp mon?” dâyi. Dâ bikŋande âmâ hin dâyi, “Anutugât hoŋ bawa emelâk gâtŋe siâŋe momoŋânba agatmâ mandâp mon?” hain dâyi. Hain dâmbiâ Heroteŋe nâŋgâmbô ârândâŋ bo akto han lâuwâ akmâ hin dâep, “Emelâk maktere Yohane hanŋe hâreyi. Dâ ire âmâ niŋande hainare akmâ mandâp aregât den pat ire nâŋgân?” hain dâm Yesu ekberâm agep.



**Yesuŋe luâk 5,000 sot yengimbo neyi.**

<sup>10</sup>Akto aposololupŋande âi ketugum mali. Manmâ purik katmâ aregât den pat Yesu magañi. Den pat dâm magañbiâ Yesuŋe meyekmâ, “Nenŋeak ari manmâ biwiyenŋe sândugeâk.” dâmbo Besaida kepiangen ariyi. <sup>11</sup>Arimbiâ luâk bikŋande yekmâ âmâ hamiyenân ariyi. Akto Yesugâlân togombiâ gala akyengimbo mali. Manmâ Anutuŋe damunyenŋe akberâm agep aregât den pat makyenŋiep. Akto kundat agi are mem henŋem yenŋuep. <sup>12</sup>Hain akmâ kindo emet dâgâ yenŋiwop dâm aposololupŋe bāt biken lâuwâ arekŋe togom hin magañi, “Iren hân kamitŋângen manden aregât luâk âmbâle huŋgun yenŋimenâ kepiyenŋângen arim sot mem neŋet.” dâm magañi. <sup>13</sup>Hain dâmbiâ hin dâm makyenŋiep, “Yenŋe sot siâ yenŋiŋet.” dâmbo hin dâm magañi, “Nen sot momerâk akto iŋan lâuwâ areâk tat nengiâp. Aregât gain gain akberen? Kepiangen arim luâk kâmot humo ire yenŋât sot puligonegât maktât me?” dâyi. <sup>14</sup>Amâ luâk 5,000 maligât. Dâ Yesuŋe hin dâm makyenŋiep, “Makyenŋimbiâ kâmot 50 âk hârok ain ain tatmâ ariŋet.” dâep. <sup>15</sup>Hain dâmbo makyenŋimbiâ hainâk tatbiâ <sup>16</sup>sot akto iŋan are mem himbimân dewunŋe panmâ Anutugât mepaiŋe mem agatmâ iŋan are munditmâ ligiep. Ligim sot are mem munditmâ hoŋ bawalupŋe ârândânŋ yenŋimbo luâk âmbâle kâmot tali are oyaŋ yekmâ yenŋimbiâ neyi. <sup>17</sup>Nembiâ tepyenŋe pikto bikŋe talep are âmâ hakan lugumbiâ haka 12 pigep.

**Petoroŋe Yesugât keiŋe makmâ miawagep.**

<sup>18</sup>Akto hilâm siân Yesu ikiŋeâk manmâ Anutu olop den magañgiyat. Hain akbela Aposoloŋe yâkgâlân arimbiâ aiyenŋum hin dâep, “Luâk âmbâleŋe nânŋât niŋe dâmai?” dâep. <sup>19</sup>Hain dâmbo yâkŋe hin dâm magañi, “Bikŋande âmâ Yohane tuân katyegep are hain dâmai. Dâ bikŋande âmâ Elia hain dâmai. Akto bikŋande âmâ Anutugât hoŋ bawa propete siâ emelâk moep arekŋe momoŋânba agatmâ mandâp hain dâmai.” dâyi. <sup>20</sup>Hain dâmbiâ hin aiyenŋuep, “Dâ yenŋe âmâ nânŋât niŋe dâmai?” dâmbo Petoroŋe hin magañep, “Gâmâ Anutuŋe huŋgun giŋdo damun nenŋe akberâm gien are bunŋe.” dâep. <sup>21</sup>Hain dâmbo aregât bo makmâ miawakmâ makyenŋiwi dâm makmâ hâreyenŋiep. <sup>22</sup>Akto lâuwânŋe hin dâm makyenŋiep, “Nâ luâk akmâ geângât nâ wan me wan akniŋbiâ nâ hâk hilâlâm nânŋâwian. Ain âmâ sumbe kat kat luâk akto Mosegât den kârikŋe makmâ miawakmai akto kepia ambolupŋe yenŋât damunlupyenŋande gasa akniŋmâ nugumbiâ mondere hilâm âlâwu bo akto momoŋânba agatmâ manbian.” dâep.

**Yesugât den lokom manmai aregât keiŋe.**

<sup>23</sup>Yesuŋe luâk âmbâle hin dâm makyenŋiep, “Luâk bikŋande biwiyenŋe nânŋâlân katmâ nâ olop ariwerâm âmâ wan me wan akmâ hilipkowai

aregât bo hamep akmâ manbai. Akto yeje hâkyenjaet bo nângâm hilâmne hilâmne nângât den lokom manbai. <sup>24</sup>Dâ siâne ikiye manmanje gangerâwiap are âmâ hilip aguwiap. Akto siâne nângât den âi aregâlâk nângâm mando kombiâ âmâ momoŋânba agatbiap. <sup>25</sup>Dâ siâne manmâ siâ siâ mem lokom aregât ukenje âlepne akbiapne mombiap sop ain wan me wangât ya ukenje akbiap arekne bo tângombo momo kârikŋânba bo agatbiap. <sup>26</sup>Akto siâne nângât hâkân akmâ nângât den bo lokom manbiap aregât keije hin. Nâ luâk akmâ geân akto ewene netgât pagaleje netjande panmâ ŋirik ŋirik dâmbo âmâ himbimân aŋelolupnetjande nâ olop gienje luâk ya akmai are nâkâ hainâk hami yeŋgiwian. <sup>27</sup>Maktere nângânjet. Yu kindâi ire bikne bo mom golâ manbaiân Anutuŋe damunyeje akbiapgât are ekbai.” Hain dâm makyenjiep.

### Mose akto Elia Yesu olop den maganŋi goanŋi agi.

<sup>28</sup>Yesuŋe den hain dâm makyenjimbo hilâm 8 mon bo akto Anutu olop den akberâm Petoro, Yohane, Yakobo, meyekto gimbâne siân âgâyi. <sup>29</sup>Âgâmbiâ Anutu olop den akbela Petoro akto galalogâtne yâk asingât akmâ tali. Hain akbiâ Yesugât enem dewunje siâ akto hâk pekeje lugu agep are kau timan timan agep. <sup>30</sup>Hain akto himbim pagaleje belek belek dâm yendo luâk lâuwâ Mose akto Elia ainâk miawagiat. <sup>31</sup>Yâk miawakmâ Yesu Yerusalem kepiân arim Anutuŋe yâkgât makmâ hâreaŋep are watmâ mombiap aregât yâk olop den maganŋi goanŋi agi. <sup>32</sup>Den aregât maganŋim kâlâkom agatbiâ Petoro akto galalogâtne asingât dondâ akyetkimbo dewunyeje panmâ Yesu pagaleje kulemne akto luâk lâuwâ yâk olop kinbela yelegi. <sup>33</sup>Akto Mose akto Elia ariwerâm akbela Petoroŋe tirip aregât keije bo nângâm Yesu hin dâm magaŋep, “Luâk Humo, âlepne dondâ nen in manden aregât gâ nângâmenâ uligi gângât siâ Mosegât siâ Eliagât siâ hain ketugune.” dâep. <sup>34</sup>Hain dâmbo ainâk hamandat akmâ dâgâm bup panmâ tigi yekto Petoro, Yohane akto Yakobo yâkne ongâyeje hogombo kili. <sup>35</sup>Hain akbiâ hamandat kâlegenba Anutuŋe hin dâm makyenjiep, “Are ekjet. Luâk ire nângât nanne okotne nângâ aŋdere nângât lau lokom manmap yâkgât denje nângâm lokom manbai.” <sup>36</sup>Anutuŋe den hain dâm kondo Yesuŋe ikiyeâk kindo egi. Akto wan me wan egi are sop ain luâk siânba bo makyenjim yân biwiyenânâk katmâ nângâm mali.

### Yesuŋe sinduk baniara bâleje walep.

<sup>37</sup>Emet haunŋo gimbânânba gembâ luâk kâmot humoŋe togom Yesu penianŋi. <sup>38</sup>Togom penianŋi yâk yeŋgât hutyenânba siâne Yesu hin dâm magaŋep, “Luâk Humo, iregât yu ulitŋibe. Nanne konok ire gam ek. <sup>39</sup>Keije hin. Sinduk baniara bâleje siâne hilâm ârândân kautŋân mendo dewunje gâwânŋ gâwânŋ dâmbo ge yendo launŋan barak pâtkombo den

kârikŋe makmap. Akto sinduk baniara bâleŋe arekŋe hilâm ârândân hainâk hilipkom hâk hilâlâm waŋmap. <sup>40</sup>Haingât aposololupgande watŋet dâm ulit yeŋgire ewum hâumgom hepuli.” dâep. <sup>41</sup>Hain dâmbo Yesuŋe hin dâm magaŋep, “Yei, luâk kâmot bo nânġânirŋmai ye hanyeŋe kârikŋe. Nâ ye olop sopŋe sopŋe manmâ sokom katyekbian mon? Nange are mem ga.” dâep. <sup>42</sup>Hain dâmbo Yesugâlân mem âġâmbo sinduk baniaraŋe bâleŋe agaŋdo dewunŋe gâwânġ gâwânġ dâmbo ge yiep. Hain akto Yesuŋe sinduk baniara bâleŋe are watmâ pando arimbo âlepŋe akmâ eweŋaelân ariep. <sup>43</sup>Arimbo luâk âmbâleŋe Anutuŋe memeŋe agaŋdo kulem miep are ekmâ nânġâm bâtyeŋe dâtyeŋân igim kinmâ han lâuwâ agi.

### **Mombiap aregât makmâ miawagep.**

<sup>44</sup>Hain akmâ dât yeŋân igim kinbiâ Yesuŋe hoŋ bawalupŋe oloŋ yekmâ makyenġim hin dâep, “Den ire makyenġire nânġâm mem biwiyeŋân katmâ manbi. Nâ luâk akmâ geân nâ hilip nuguwerâm luâkŋe menekbai aregât sop tâlâġuâp.” dâep. <sup>45</sup>Hain dâm makyenġimbo nânġâmbiâ den keiŋe yeŋaelân Anutuŋe bo kalep aregât akmâ aikowerâm agi are nânġâm hamep akmâ hepuli.

### **Luâk gain hin arekŋe humo akmâ ewanġiyekbiap.**

<sup>46</sup>Akto hoŋ bawalupŋe, “Nengâlân gâtŋe niŋande humonenŋe akmâ manbiap?” dâm magaŋgi goaŋgi akmâ papalagi. <sup>47</sup>Hain akbiâ Yesuŋe biwiyeŋaet keiŋe ekmâ nânġâm âmâ nanaŋ bâlensiâ siâ mem hutyeŋân kato kindo hin dâm makyenġiep, <sup>48</sup>“Siâŋe nanaŋ bâlensiâ ire hinare tângomap are âmâ nâ tân nugumap aregât dop akmap. Akto siâŋe nâ tân nuguâp aregât dop akmap arekŋe Anutuŋe huŋgun niŋep nâ tân nugumap. Akto yeŋġâlân gâtŋe siâŋe, “Nâ luâk yânŋe mandân.” dâm biwiŋande ikiŋaet nânġâmbo gemapŋe emelâk ewanġi yektâp.” dâep. <sup>49</sup>Hain dâmbo Yohaneŋe Yesu hin dâm magaŋep, “Luâk humo anġâ yeŋġâlân gâtŋe siâŋe gâ gogonmâ sinduk baniara bâleŋe watyekto are ekmâ, “Gâ nengâlân gâtŋe bo. Hain bo ak.” dâm koaŋion.” dâep. <sup>50</sup>Hain dâmbo Yesuŋe hin dâm magaŋep, “Luâk siâŋe gasa bo akyenġimapŋe amâ ye tân yeŋgum gala akyenġiwiap. Gârâmâ siâŋe hain akto âmâ bo koaŋbi.” dâm magaŋep.

### **Samaria kepia ambolupŋande Yesugât hamep agi.**

<sup>51</sup>Yesuŋe himbimân purik katmâ âġâwiap aregât sop tâlâġumbo Yerusalem kepian ariwerâm aregât biwiŋe humo kalep. <sup>52</sup>Hain akmâ hoŋ bawalupŋe huŋgun yeŋġimbo den mem ariyi. Arim Samaria yeŋġât kepia siân arim Yesu ain ariwiap aregât, “Emet siâ yogan nengimbiâ heŋgemgone.” dâm aregât kepia ambolupŋe makyenġiyi.

<sup>53</sup>Makyengimbiâ Yesu Yerusalem kepiari wiap aregât kautņe oriepgât nânġâm bo dâyi. <sup>54</sup>Hain dâm emet gangerâmbiâ Aposolo lâuwâ Yohane akto Yakobo yâkņe nânġâmbela ârândâņ bo akto peiyekmâ Yesu aikom hin dâyi, “Humo gâ nânġâmenâ netņe dâetņe himbimânba kâlâp siâ gem oyegâk.” dâyi. <sup>55</sup>Hain dâmbela purik dâm yelekâm, “Hepulet.” dâm den are koyetkiep. <sup>56</sup>Koyetkimbo kepia siânġe ariyi.

### Luâk hain arekņe Yesugât hamiņân ariyi.

<sup>57</sup>Arimbiâ luâk siânġe mem miawakyekmâ Yesu hin dâm magañep, “Gâ iregen me aregen ariwerâm akmenâ nâ watgekâm manbian.” dâep. <sup>58</sup>Hain dâmbo Yesuņe hin dâm magañep, “Soņġo âmâ emetyeņe âlepņân yemai akto lâut âmâ kelomyeņe âlepņân tatmai. Dâ nâmâ luâk akmâ geân nâmâ emetne bo tatniņdâp.” dâep.

<sup>59</sup>Akto sop siân Yesuņe luâk siâ mem miawakmâ hin dâm magañep, “Gâ nâ wat nekmenâ olop mande.” dâmbo hin dâep, “Humo, nânġâmenâ nânġe soņ arim apone hangom âkâ purik katmâ togore gâ olop ariwaet.” dâep. <sup>60</sup>Hain dâmbo hin dâep, “Momoņe manmai arekņe momolupyeņe hangoyekņet. Dâ gâmâ arim Anutuņe luâk âmbâle damunyeņe akbiap aregât den pat makyengiwen.” dâep. <sup>61</sup>Hain dâmbo luâk siânġe Yesu hin dâm magañep, “Humo gâ olop ariwaetgât nânġân. Gârâmâ nânġâmenâ nâ purik katmâ arim ginbailupne yekmâ indem katyekmâ purikatmâ togore âmâ gâ olop ariwaet.” dâep. <sup>62</sup>Hain dâmbo Yesuņe hin dâep, “Maktât aregât hin maktere nânġâ. Luâk siânġe âiân ariwerâm âmâ pânġân hepunbiapņe amâ Anutugât kepiari wiap gât dop bo talaņbiap.” dâep.

### Yesuņe Anutugât den makyengijet dâm luâk 70 huņġun yeņġiep.

**10** <sup>1</sup>Manmâ Yesuņe luâk 70 siâ mem oloņ yekmâ âi den dâm yeņġiep. Akto ikiņak kepiaņe kepiaņe ariwerâm nânġâep ain âmâ luâk lâuwâk lâuwâk mem katyekmâ, “Yeņe soņ ariņet.” dâm huņġun yeņġiep. <sup>2</sup>Huņġun yeņġiwerâm kinmâ den hin dâm makyengijet, “Kalamân sot bunņe dondâ miawaktâp aregât âi amâ humo. Dâ âi luâk amâ amon siâ. Aregât sotgât Amboņe magañbiâ Amboņande ikiņe kalamânġen luâk siâkâ lâuwâņe katyegâk. <sup>3</sup>Akto siâ makbe. Lama pâlâmņe are dua metņe hut yeņân arimbiâ hilip yeņġumai dop hainare akmâ luâk metņe tânâmyeņân huņġun yeņġire arim manbai. <sup>4</sup>Huņġun yeņġire ariwerâm âmâ delem me puli me kei pekeņe himbân lâuwâ bo meakmâ ariwai. Akto kepiangen ariwerâm dâwânġen luâk olop den kâlep bo akbai. <sup>5</sup>Yânâk tâņ tâņâk kepiari wiwai. Akto emet siân âġâwerâm âmâ emet aregât ambolupņe heroņe akyeņġiwai. <sup>6</sup>Heroņe akyeņġimbiâ emet ambolupņe bikņande heroņe akmâ, “Gambiâ biwi konok akne.” dâmbiâ âmâ gala akyeņġiwai. Dâ emet ambolupņande gala bo akyeņġimbiâ âmâ hepun yekmâ ariwi. <sup>7</sup>Âi luâk âi meyeņġimai

are âlepņe puli yeņgimbiâ ârândâņ akmap. Aregât nâņgât âi ketuguwai aregât <sup>8</sup>kepia siâ me siân âgâmbiâ sot om yeņgimbiâ âmâ nem ain tatbi. Tatmâ emet ain ba bam emet aņgân hanâk hanâk bo âgâwi. <sup>9</sup>Gala hain akyeņgimbiâ ainâk tatmâ kundat akbai are heņgem yeņguwai. Heņgem yeņgum âmâ hin dâm makyeņgiwi, “Anutuņe damuņeņe akberâm aktâp aregât ire akyeņgien.” <sup>10</sup>Hain dâm makyeņgim arewa kepia siân arimbiâ hâkâņyeņe akbai âmâ sombeimân kinmâ hin dâm makyeņgiwi, <sup>11</sup>“Kepia in gâtņe gagap pipiņe siâ bo membaen aregât keinennân nukum me gagap tatâp ire paņ paņgom pandeņe amâ hin ekmâ nâņgâņet. Anutuņe damuņeņe akberâm aktâp aregât miawakbiapgât sop tâlâguâk.” Hain dâm makyeņgim hepun yekmâ ariwi. <sup>12</sup>Akto aregât keiņe maktere nâņgâņet. Sop humoân Sodom kepia ambolupņe agak meme bâleņe agi aregât hâu membai. Dâ kepia ambolupņande yeņgât hâkâņ akbai aregât hâu bâleņe humo membai.” dâep.

<sup>13</sup>Yesuņe hain dâm kepia bikņe yeņgâlân katmâ hin magep, “Woe, Korasiņ kepia ambolupņe, woe, Besaida kepia ambolupņe, nâņe yeņgâlân kulem hamepņe olowâk ketugum manmâ gan hain are Tiro Sidoņ kepiân ketuguân dâine yâkņe emelâk agak memeyeņe bâleņe are hepunmâ kâņgom kinmâ yeņaet okot bâle nâņgâ aņgim manmâ Anutuġât den nâņgâwâi. <sup>14</sup>Ye hain akbai aregât siân sop humoân Tiro Sidoņ kepia ambolupņande dosa membai. Hain membiâ yeâmâ dosa umatņe bâleņe membai. <sup>15</sup>Akto Kapanaum ambolupņe ye hilâm ârândâņ kotyeņe mem agatmâ hin dâmai, “Nen emelâk himbimġât pat akmâ manden.” Hain dâm mandâi. Aregât ye âmâ hememân gewai.

<sup>16</sup>Yeņe den ire luâk âmbâle bikņe makmâ miawakyeņgimbiâ âmâ Anutuġât den tâņâk nâņgâwai. Akto den ire makyeņgim miawakyeņgimbiâ hâkâņ akmâ bo lokowai are âmâ ye bo hâkâņyeņgiwai. Are âmâ nâ hâkâņniņmâ akbai. Akto huņgun niņep yâk gai hâkâņ aġaņbai.” dâep. Hain dâm huņgun yeņgimbo ariyi.

#### Luâk 70 purik kali.

<sup>17</sup>Luâk 70 arekņe manmâ purik katmâ togom biwiyeņe heroņe humo akto aregât Yesu magaņmâ hin dâyi, “Humo ġâ gogonmâ kepia ain ain sinduk baniara watyeņgienņe dennenņe lokoyi.” dâmbiâ <sup>18</sup>yâkņe hin dâep, “Ye arim sinduk baniara bâleņe watyekbiâ âmâ Niambiņe âmâ mem belek katmap dop hainâk akmâ himbimân ba ge kondo egân. <sup>19</sup>Nâņġâi. Niambi sâmbâ metņe me dek kakņân tâlimbiâ hilip yeņguwop akto sinduk bâleņande mem siâ me siâ yeņgiwop dâm aregât kârikņe yeņġiân. ġârâmâ wâtnân kinbiâ memeņe akyeņgire manbai. <sup>20</sup>ġârâmâ sinduk baniara bâleņande denyeņe lokombiâ aregât heroņe bo akņet. Himbimân manbaigât Anutuņe kotyeņe kulemgoep aregât nâņġâm heroņe akņet.” dâep.

### Yesuŋe biwi heronje nãngãep.

<sup>21</sup>Akto sop ain Anutugât Heakŋande memenje aganjo Yesuŋe biwiŋe heronje humo nãngâm Anutu hin dãm maganep, “Apone, himbim haru hân ambonje gãŋe luâk bikŋe nãngã nãngãyeŋaet nãngãmbiã humo akmap are âmã gãŋgât denge are mem heambukyengimat. Dã nanan âmã makmã miawakyengimat. Aregât nã mepaige mendân. Gã hain miawagãkgât makmã kãrigien. <sup>22</sup>Ewene yãkŋe nã meme akniŋdo aregât kotŋe siã siã akman. Akto Ewenaet keiŋe nãngãngãt luâk âmbãle potatyekmã biken biken makyengire arekŋe âmã hainãk keine nãngãwai.

<sup>23-24</sup>Hain dãm hoŋ bawalupŋe yonãk hin dãm makyengiep, “Den bunŋe makyengiwe. Ulikŋân Anutugât propete akto luâk kotdã dondãŋe wan me wan uŋak yeŋe ekmã mandãi hainãk ekberãm ukenŋe humo nãngãm mali. Dã amã bo egi. Akto den pat âlepŋe makyengire nãngãi ire gai nãngãwerãm ukenŋe humo nãngãm mali. Dã amã bo nãngãyi. Aregât ye âmã wan me wan ekmai aregât nãngãm heronje humo akmai. Akto den pat âlepŋe makyengire nãngãmai aregât heronje humo nãngãm manmai.” dãep.

### Luâk siãŋe gasaŋe ekmã benŋe gala aganep.

<sup>25</sup>Akto Mosegât den makmã kepigi siãŋe Yesu dop komberãm den hin dãm aikoep, “Luâk humo, gain gain akmã âmã manman kãrikŋaet pat aktere ârãndãŋ akbiap?” dãep. <sup>26</sup>Hain dãmbo hin dãep, “Mosenje den gain gain kulengoep? Akto wan oyanmat?” dãmbo <sup>27</sup>hin magep, “Den kulengoep are hin tatãp, “Anutugãlãk nãngãm denŋe lokom biwige yãkgãlãn katmã yãkgãt wãtŋân kinmã manben.” Akto siã hin tatãp, “Gã gugaet akmat hainãk galagaet aganben.” hain tatãp.” dãep. <sup>28</sup>Dãmbo hin dãm maganep, “Ãlepŋe den are lokom kinmã manman kãrikŋaet pat akbiat.” dãep. <sup>29</sup>Hain dãmbo luâk arekŋe ikiŋe agak memenje are mem agatberãm akmã kãrikŋaet kulãgãtmã hin dãm maganep, “Gã niŋaet nãngãmenã gala aktãp?” dãmbo <sup>30</sup>Yesuŋe den ginŋe siã hin dãm maganep, “Yuda luâk siãŋe Yerusalem kepia hepunmã Yeriko kepiangen arimbo gasalupŋande teŋgã kinmã kombiã gilãmŋe gem yiep. Ge yendo hãk pekeŋe me puli me wan me wan meanmã ariyi. Arimbiã âmã momberãm akmã yiep. <sup>31</sup>Hain akmã yendo Yuda gãtŋe sumbe kat kat luâk siãŋe dãp hainãk togom yendo egep. Dã egep amã hãkãŋ akmã yã hanãk ewangiep. <sup>32</sup>Akto sumbe emetŋe aregât hoŋ bawa siã Lewigãt kãmolãn gãtŋe siãŋe âkã hainãk togom yendo ekmã enemŋãnãk bam tãŋãk egep arekŋe benŋe biwiŋe pãlãmŋe akto yãnãk ewangim ariep. <sup>33</sup>Hain akto benŋe gasaŋe siã Samaria hãnãn gãtŋe arekŋe togom âmã egep. <sup>34</sup>Ekmã okotŋe nãngãm enemŋãnãk bam ekmã âmã gilãmŋe pulianmã keluŋe mem pulim diwiŋe are katip koanep. Hain akmã

donjiņe kakņān mem kato āgāmbō mem kepia siān arim luāk lombo togo yemai are yengāt emet yeņān kato tato gala agarjā mā damunje agep. <sup>35</sup>Hain akto emet hauņdo ariwerām āmā emet aregāt amboņe puli waņmā hin magañep, “Damunje akmā manmenā puli giņdān ire bo akto āmā siān lāuwāņe giņbian.” dām ariep. <sup>36</sup>Hain agep aregāt aigugure makniņ. Gāņe nāņgāmenā luāk ālāwu are yengālān gātņe niņaet āmā nāņgāmenā ālepņe aktāp?” dāep. <sup>37</sup>Hain aikombo hin dāep, “Han kalem agañep luāk arekņe keiņe nāņgām damunje agep are.” dāep. Aregāt Yesuņe hin magañep, “Gāņe dop haināk akyeņgiwen.” dām magañep.

#### Mata akto Maria.

<sup>38</sup>Akto Yesu Aposololupņe kepia siāngen arimbiā āmbāle siā kotņe Mata yākņe Yesu kewugumbo emetņān āgāyiat. <sup>39</sup>Āgāmbela gariņe kotņe Maria, yākņe āmā Humogāt enemņān bam tato magañdo nāņgām talep. <sup>40</sup>Den nāņgām tato Mataņe ikiņak sot om āi miep aregāt, “Garinande siā bo tātān nuguāp.” dām nāņgām bāliāņmā hin dāep, “Humo, garinande yān tato nunagāk sot om tatān aregāt nāņgāre bāliāp. Magañmenā tātān nuguāk.” dāmbo <sup>41</sup>Yesuņe hin dām magañep, “Mata, gā wan me wan yāņe aregāt hanoko akmā hāk hilālām kakņān kindāt. <sup>42</sup>Garige āmā nāņgāt den nāņgāwerām akto ārāndāņ aktāp aregāt siāņe bo gulipkowiap.” dāep.

#### Anutu olop den akbaen aregāt keiņe hin tatāp.

**11** <sup>1</sup>Yesuņe siāngen arimbo Anutu olop den agiat. Akmā metembela āmā hoņ bawa siāņe hin dāep, “Humo, Yohanēņe galalupņe Anutu olop den agi aregāt keiņe makyēņgiep aregāt haināk maknengimenā nāņgāne.” dāyi. <sup>2</sup>Hain dāmbiā hin dām makyēņgiep, “Anutu magañberām āmā hin dām magañbi. Ewenenņe kotge agat agatņe are haināk ālepņe tatmā āgāwiāp. Damun nenņe akmenā wātgān kinmā mandenņe hānān humo aknengiwēn. <sup>3</sup>Akto hilāmņe hilāmņe sot dop nenņānāk ārāndāņ nengiwēn. <sup>4</sup>Akto luāk siānbaņe bāleņe aknengim aregāt dosa memai are hepun yeņgim malion dop haināk dosanenņe kutigit nengiwēn. Akto gāņe bo dop nenguwen.”

<sup>5</sup>Yesuņe hain dām den ginņe siā hin dām makyēņgiep, “Yeņgālān gātņe siāņe hāndāk tātānāņān arim galaņe siā hin dām magañbiap, <sup>6</sup>“O galane, makgiņdere nāņgā. Galane siā dāp manmā nāņgālān togombo sot bo akto wan waņberām aregāt sot siā niņmenā waņdere neāk dām aregāt gāņgālān togoān.” dāmbo <sup>7</sup>galaņe arekņe emelanāk tatmā hin dāwiap, “Galane, gain akmā hāndāk timoņān togom nogondāt? Emelāk emet hāņgiņe gugure nan baratlupne asiņ yendāi aregāt agatmā giņberāngāt dop ālepņe bo.” <sup>8</sup>Aregāt hin makyēņgire nāņgāņet. Galaņande hain dām emelanāk tatmā gala bo agarņbiap. Dā kārīkņe akmā hāwātāp



ulilaŋdo aregât hanâk waŋbiap. <sup>9</sup>Aregât maktere nâŋgâŋet. Yeŋe hain are aregât undâgâtâmâ manmaen dâm Anutu maganbiâ tân yeŋgumap. Akto kulâgâtâmâ manmaiŋe mem miawakbai. Akto emet hânġiân “Woa” dâmbiâ wan me wan maganmai dop hainâk Anutuŋe wan me wangât makbiâ hainâk yeŋgimap. <sup>10</sup>Aregât Anutu aikomapŋe den hâuŋe nâŋgâmap. Akto undâgâtmapŋe mem miawakmap. Emet hânġiân konmai yâkŋe wan me wan ulilaŋbiâ hainâk miawak yeŋgimap. <sup>11</sup>Akto yeŋgâlân gâtŋe siâgât nanŋande sotgât ulilaŋdo kât waŋbiap mon? Akto yeŋgâlân gâtŋe siâgât nanŋande iŋangât ulilaŋdo niambi sâmbâ bo waŋbiap. <sup>12</sup>Akto pui koaŋaet ulilaŋdo kendemuŋ are bo waŋbiap. <sup>13</sup>Akto ye luâk bâleŋande nan baratlupyene damunyeŋe akmâ wan me wan âlepeŋeâk akyeŋgimai hainâgâk Eweyeŋe Anutu himbimân mandâp arekŋe dopŋe are ewangim luâk siâŋe aikombo yâkgât nâŋgâm ikiye Heakŋe dowâk huŋgun aŋdo gewiap.” dâep.

#### **Yesuŋe Anutugât wâtŋân kinmâ sinduk baniara bâleŋe watyegep.**

<sup>14</sup>Akto sop siân sinduk baniara bâleŋande luâk siâ oloŋmâ hanŋe dâpŋe tigimbo den bo makmâ malep. Den bo makmâ mando Yesuŋe sinduk baniara are wato arimbo hanŋe pâroŋ âgâmbô den agep. Den makto luâk âmbâleŋe ekmâ bâtyeŋe dâtyeŋân igim kili. <sup>15</sup>Akto Parisaio luâk bikŋande hin dâyi, “Niambi kotŋe Besebulu sinduk baniara bâleŋe are yeŋgât humoyeŋe arekŋe meme agaŋdo sinduk baniara watâp.” dâyi. <sup>16</sup>Dâ luâk bikŋande âmâ hiaŋmâ hin dâm ulilaŋi, “Makmenâ kulem siâ himbimânba miawakto ekmâ keige nâŋgâwaengât dopŋe agâk.” dâyi. <sup>17</sup>Hain dâmbiâ yekmâ nâŋgâm den ginŋe hin dâm makyeŋgiep, “Hân siâgât ambolupŋande potalakmâ agumbiâ âmâ kotyeŋe humo bo akbiap. Bo kârikŋe. Are hilip aguwai. Akto hainâk luâk âmbâleŋe hain akmâ nanaŋ lepatlupyene hilip yeŋgumbiâ dâine kâmot are gulip akbop. <sup>18</sup>Dop hainâk Niambigât kâmotŋe potalakmâ galalupyene watyekmai dâine Niambi âi kârikŋe bo ketuguwop. Aregât yeŋe âmâ nâŋgât hin dâi, “Besebuluŋe memeŋe agaŋdo sinduk baniara are watâp.” dâmbiâ ârândân bo aktâp. <sup>19</sup>Hain dâmbiâ aregât yeŋgât hoŋ bawalupyeneŋe sinduk baniara bâleŋe watyektâiân niŋaet wâtŋân kinmâ watyektâi? Yâkŋe âmâ keiyeŋe makmâ miawakbiâ âmâ yeŋgât den are nâŋgâm heŋgemgowi. <sup>20</sup>Nâŋe âmâ Anutugât wâtŋân kinmâ sinduk baniara bâleŋe are watyektângât Anutuŋe damunyeŋe akmap aregât keiŋe uŋak yu ektâi. <sup>21</sup>Aregât den ginŋe siâ maktere nâŋgâŋet. Luâk kârikŋe siâŋe mâron goliakmâ tembe bisârân me nandup me kândâm meakmâ ikiye kârikŋeŋaet nâŋgâmbô humo agep are mem âgâm emet kepiaŋe damungom heŋgemgowiap âmâ yâkgât ito me wan me wan âlepeŋe talaŋbiap. <sup>22</sup>Hain akto gasa kârikŋe dondâŋe togom bugâ mâron aregâlâk nâŋgâwiap are kom watmâ gulip kom aregât tembe bugâ kemuŋ

puli me wan me wan dua baulupŋe are meanmâ arim galalupŋe oyanmâ yenggiwiap. <sup>23</sup>Aregât luâk siâŋe gala bo akniŋmapŋe âmâ gasa akniŋmap. Akto siâŋe âine ekmâ bo tân nugumapŋe nugum pan nekbiapgât dop aktâp.

**Sinduk baniara bâleŋande galalupŋe mem  
kewuguyekto lâuwâŋe purik katmai.**

<sup>24</sup>Sinduk baniara siâ walaŋdo âmâ hân pumâŋgen are luâk niŋaet undâgâtmâ manbiap. Undâgâtmâ mando bo akto hin dâwiap, “Emelâk nâŋgât luâk are aganmâ hepulân aregâlân purik katmâ arim manbian.”

<sup>25</sup>Hain dâm purik katmâ arim emetnenŋe pulim mem âlepŋe ketugumaen dop hainâk luâk arekŋe ekmâ hin dâwiap, <sup>26</sup>“Sinduk baniara galalupne dondâ bâleŋe are meyekmâ togom luâk are mem manmâ nâŋgâwian.” dâm arim galalupŋe nâmbulân lâuwâ bâleŋe dondâ akmai are mem miawakyekto togom membiâ emelâk bâleŋe aganŋe are ewangim umatŋe aganbai.”

<sup>27</sup>Yesuŋe hain dâm makyenŋimbo kinbiâ hutyeŋânba âmbâle siâŋe hin dâm maganŋe, “Memegande menŋekmâ nam giŋep yâkgât nâŋgâre âlepŋe aktâp.” dâep. <sup>28</sup>Hain dâmbo Yesuŋe nâŋgâm hin dâep, “Âlepŋe maktât gârâmâ nâŋe Anutugât den nâŋgâm lokom manmai are yengât nâŋgâre âlepŋe humo aktâp.” dâep.

**Kulem siâ miawakto ekberâm nâŋgâyi aregât makyenŋiep.**

<sup>29</sup>Luâk dondâŋe Yesugâlân togom mem ândeap gondeap ketugum kinbiâ hin dâm makyenŋiep, “Kâmotyene bâleŋe, yeŋe kulem siâ miawakto ekberâm makniŋmâ manmâ gai are ektere bâliâp. Hain aktâi aregât hinŋeâk âmâ kulem siâ bo mem miawaktere ekbai. Aregât ulikŋân âmâ Anutuŋe luâk kotŋe Yona aregâlân kulemgoep are uŋak kulem dop hainâk mendere ekmâ nâŋgâwai. <sup>30</sup>Ulikŋân âmâ Yonaŋe kulem siâ agep are Niniwe kepia ambolupŋande egi kulem hain are hâmbâi luâk akmâ gewiap dâmai are nâ yu ge mandân hâmbâi siâ bo nekbai. <sup>31</sup>Akto âmbâle kotdâ siâŋe ulikŋân Salomo yâkgât nâŋgâ nâŋgâŋe ekberâm kepia kâlewâŋenba togoep. Nâŋgât nâŋgâ nâŋgâŋe irekŋe Salomogât nâŋgâ nâŋgâŋe are ewangiâp ina yeŋe nâŋgât den bo lokomai aregât sop humoân keiyeŋe makmâ miawakbiâ ekbianân âmbâle kotdâ arekŋe hutyeŋân agatmâ kinmâ biwiyeŋaet den dopyeŋân dâm keiyeŋe makmâ miawakto dosa membai. <sup>32</sup>Akto Yonaŋe Niniwe kepien arim kepian ambolupŋe den kârikŋe makyenŋimbo hamep akmâ agak memeyeŋe bâleŋe makmâ miawakmâ mali. Aregât hin maktere nâŋgâŋet. Nâŋe âmâ Yona ewangiân ina yeŋe nâŋgât den bo nâŋgâm lokomai. Aregât sop humoân Niniwe kepian ambolupŋande agatmâ kinmâ yeŋe nekamyenŋân tângom kinbiâ hârokŋe hâuŋe membai.” hain dâep.

### Pagaleŋaet dop.

<sup>33</sup> Akto Yesuŋe den ginŋe siâ hin dâm makyenŋiep, “Luâk siâŋe pagaleŋe sagom gauŋmâ umbâ kâlegen katmap dâine pagaleŋe bo miawakbop. Gârâmâ tek tekŋân kato âmâ emet kâlegen ululunŋe arekŋe pagalembo ekâm gem âgâmai. <sup>34</sup> Hâkgaet pagaleŋe amâ dewunge. Dewunge âleŋe tato âmâ hâkge mem pagalewiap. Dâ dewunge bâlimbo hâkgande hândâk akbiap. <sup>35</sup> Akto biwiyenân pagaleŋe tatâp are bo akbopgât nânŋâm kinmâ biwi golâ manmâ âgâwi. <sup>36</sup> Akto biwiyenande agak memeyeŋe irakŋeâk akâm pagaleŋe olowâk tatbiawân hainâk wan me wan âleŋe are tek tekŋân ekbai. Pagaleŋe mem tek tekŋân katmai aregât dop hain tatâp.” dâep.

### Hianŋi bo akâm manbi.

<sup>37</sup> Den are makyenŋim mando Parisaio luâk siâŋe Yesu sot neâk dâm mem oloŋep. Mem oloŋdo emetŋân âgâm bâteŋe bo pulim yânâk sot mem nemângen ge talep. <sup>38</sup> Hain akto bâteŋe puliâkgât soŋ bo maganŋepgât Parisaioŋe nânŋâmbo bo ârândânŋe agep. <sup>39</sup> Hain akto Humoŋe hin dâm maganŋep, “Bâe, Parisaio ye hin aktâi. Yeŋe âmâ kondo, umbâ tuân pulim hâkgâlâk nânŋâm manmai aregât biwiyenŋe âmâ helenŋe akâm ŋasukŋe agep aregât bo nânŋâmâi. <sup>40</sup> Ye âmâ luâk ulikŋân Anutuŋe Adam ketugum hâk biwi nânŋâ nânŋaŋe olop kalep aregât Anutuŋe hâkgât akto biwigât lâuwâ lâuwâ nânŋâm manmap. Gârâmâ ye âmâ hâkgâlâk nânŋâm manmai. <sup>41</sup> Akto aregât hin makyenŋiwe. Biwiyenŋe damunŋe akâm Anutugât den nânŋâm henŋemgom lokowai âmâ ârândânŋe akto Anutuŋe yekmâ âleŋe dâwiap.

<sup>42</sup> Bâe, Parisaio ye wan me wan usak lombo me hemi me kârik hainare amâ Humogât pat dâm katmai. Hain akâm siâ me siâ Anutuŋe ekto ârândânŋe akmap me Anutugât han kalemŋe are bo lokomai. Gârâmâ wan me wan umatŋe me owâiŋe lâuwâ lâuwâ akâm manbiâ âmâ ârândânŋe akbiap. Hain akâm manmai dâine ârândânŋe akbop. <sup>43</sup> Bâe, Parisaio yeâmâ den emetŋân âgâm luâk kembu yenŋât tat talân tatberâm aregâlâk nânŋâmâi. Akto dâwân luâk âmbâleŋe yekmâ nânŋâ yenŋimbiâ humo agâkgât bam gane dâm aregâlâk biwiyenŋe humo yemap. <sup>44</sup> Bâe, Parisaio yenŋât dop siâ hin. Luâk siâ mondo yoŋâk lokom hangombiâ hambuep dop hain. Akto luâk âmbâleŋe kakŋân bam gutmâ aregât bo nânŋâmâi. Ye dop hain akâm manmai.” dâep.

### Yesuŋe den hain makmâ Mosegât den kârikŋe makmâ kepiŋep siâ sârekoep.

<sup>45</sup> Yesuŋe hain dâmbo Mosegât den kârikŋe makmâ kepiŋe areyenŋât hutyenân gâteŋe siâŋe hin dâm maganŋep, “Luâk humo, hain dâm makyenŋim nen olowâk

hâkâŋ nenekmenâ nânġâenġe bâliâp.” dâmbô <sup>46</sup>hin dâm maganġep, “Bâe, Moseġât den kârikġe makmâ makyenġimai yeŋe den siâ siâ umatġe are luâk kakyenân katbiâ lokombiâ yeŋe âmâ bo tânyenġum âmâ owâiŋân manmai areġât aŋun bo aŋgimai. <sup>47</sup>Bâe, ulikġân bâġilupnenġande Anutugât den makmâ miawagi are yeŋum mem siâ siâ ketugu yekbiâ mombiâ are yeŋġât sum kakġân siâ siâ buluġe mem togom katmâ mem âlepġe ketugu yekbiâ kepia sombeim hain are miawagep. <sup>48</sup>Hain akmâ âmâ bâġilupnenġande yeŋġâlân lâuwâŋe bugâ yeŋaet nânġâmbiâ âlepġe agep. <sup>49</sup>Areġât Anutugât nânġâ nânġâŋe humo areġe den hin dâep, “Hoŋ bawalupne propetelupne akto aposololupne âi makmâ yeŋim huŋgun yeŋġire yeŋġâlân togom makmâ miawakbiâ yeŋum hâk hilâlâm siâ siâ ketugu yekbiâ bikġe mombai.” Anutuġe hain dâep. <sup>50</sup>Akto areġât ulikġân Anutuġe keiġe katmâ luâk âmbâle ketugu yekto mali sop ain Anutugât hoŋ bawalupġe hilip yeŋum gayi are yeŋġât nânġâmbiâ âlepġe akmap areġât yeŋe hainâk akmâ dosa hainâk membriâ Anutuġe yekâ hainâk akyenġiep. <sup>51</sup>Ulikġân hakulupnenġande bugâŋe luâk kotġe Abe kom ainba keiġe katmâ yeŋum gam gam bâiŋe Sakaria sumbe emetġaet hânġi akto alatagât keiġe areġât hutġânba gam ariwerâm akto ain kombiâ moep. Areġât hin makyenġire nânġâŋet. Yu mandâi ireġe Anutugât luâk âi membriâ ârândân agep are hilipyenġumbiâ moyi areġât hâuġe amâ yeŋġâlân miawakbiap. <sup>52</sup>Bâe, Moseġât den kârikġe makyenġimai yeŋe luâk âmbâle areġe Anutugât keiġe nânġâm denġe lokoyi areġât dâp tigi yeŋim gamai. Tigi yeŋġimbiâ bikġande ariwerâmbiâ dâp katyenġim âmâ yeŋeak âmâ hâkâŋ akmâ dâp ainba bo arimai.” Hain dâm makyenġiep.

<sup>53</sup>Akto kepia are hepunmâ siângen ariwerâmbo Moseġât den kârikġe makmâ kepigi areġe akto Parisaio yeŋġât biwiyeŋe kâlâp akto den kakġân hogo aŋberâm agi. <sup>54</sup>Hain akmâ Yesuġe den hilipkom dosa meâk areġât lâmgom kinmâ mali.

### Tik tikġân tatâp siân tek tekġân miawakbiap.

**12** <sup>1</sup>Akto luâk âmbâle dondâŋe togom pikmâ kondan agum kinmâ keiyeŋande tâliagi. Hain akmâ kinbiâ hoŋ bawalupġe are hin dâm makyenġiep, “Ye Parisaio yeŋġât kalak areġe yeŋġâlân hâtikowopġât ekmâk manbi. Nâ Parisaioŋe biwi hianġi akmâ manmâ keiyeŋe bo nânġâmai areġât maktân. <sup>2</sup>Wan me wan munġ akmai are hainâk bo tatbiap are siân tek tekġân miawakbiap. Akto wan me wan siâ tik tikġân tatmap are hainâk bo tatbiap, are siân mem miawakbai. <sup>3</sup>Ye hândâkġân heambukmâ kinmâ den dâmai are siân dewutâ humoân âmâ ekmâ nânġâm hârogâk ekmâ mem miawakbai. Akto den yoŋâk makmai are siân sombeimân kinmâ makmâ miawakbiâ nânġâm metewai.” dâep.

### Anutuġe oyaŋ nenektâp.

<sup>4</sup>Akto Yesuġe den siâ hin dâm makyenġiep, “Galalupne ire maktere nânġâŋet. Luâk siâŋe hâkyeŋe yeŋum benġe areġât kakġân lâuwâŋe

bâleŋe siâ akyeŋgiwaigât kârikŋe bo tatyeŋgiâp aregât hamep bo akbi. <sup>5</sup>Akto hamep akŋetgât makyeŋgire nâŋgâŋet. Yeŋgum metem âmâ hamiŋân kâlâp kârikŋân panyekto manbai yâkgât hamep akŋet. Gârâmâ yâkgât konok âmâ nâŋgâm hamep akŋet dâm aregât makyeŋgiân. <sup>6</sup>Lâut siâ kotŋe sâmbâlilik are âmâ lâut yânŋe dâm aregât puli gegeŋande puligomaen. Hain gârâmâ Anutuŋe sâmbâlilik are yeŋgât hârogâk nâŋgâmbo tatâp. <sup>7</sup>Dâ Anutuŋe yeŋgât kautyenŋe dumutuŋe oyaŋmâ metemap. Aregât hamep bâlâk manbi. Ye sâmbâlilik bo. Ye luâk.

### **Yesugât nâŋgâm aŋun aŋgiwaengât dop bo tatâp.**

<sup>8</sup>Akto siâ maktere nâŋgâŋet. Luâk siâŋe biwiŋe nâŋgâlân katmâ luâk âmbâle hutyeŋân agatmâ, “Biwine Yesugâlân katere kindâp.” hain dâm makyeŋgiwiap yâkgât akmâ luâk akmâ geân nâ hainâk Anutuŋe huŋgun niŋdo gewianân âmâ Anutuŋe aŋelolupŋe makyeŋgire bunŋe membai. <sup>9</sup>Dâ luâk siâŋe, “Yesu are bo nâŋgaŋdân.” dâm makyeŋgiwiap yâk hainâk nâ Anutuŋe huŋgun niŋdo geân aregât Anutuŋe aŋelolupŋe yeŋgât dewunyeŋân kinmâ, “Luâk are bo nâŋgaŋdân.” dâwian. <sup>10</sup>Akto luâk siâŋe nâ luâk akmâ geân bâleŋe akniŋmâ mem ge katnekmâ âmâ dosa membriap are Anutuŋe dosa hepun aŋbiapgât dopŋe tatâp. Dâ luâk siâŋe Anutuŋe Heakŋe are mem ge katmâ âmâ dosa membriap are Anutuŋe hepun aŋbiapgât dopŋe bo tatâp. Borondâ. <sup>11</sup>Akto siâ maktere nâŋgâŋet. Denân kat yekberâm meyekmâ den emetŋaet damunŋe yeŋgâlân me kiap yeŋgâlân meyekmâ ariwaiân âmâ, “Den hâuŋe gain gain dâwaen.” dâm nâŋgâmâk bo akbi. <sup>12</sup>Sop ain den akbai are Anutuŋe Heakŋe den dâpŋe meyeŋgim makyeŋgimbo âlepŋe dâwai.” hain dâep.

### **Hângât wan me wan aregât egâliŋ bo akbaen.**

<sup>13</sup>Akto kinbiâ hutyeŋânba luâk siâŋe agatmâ hin dâm Yesu maganŋep, “Luâk Humo, maktere nâŋgâ. Ewenetŋe mondo teunande ito sikum ikiŋeâk mem mandâp. Mem mandâp aregât maganŋemâ bikŋe potatmâ niŋâk.” dâmbo <sup>14</sup>hin dâm maganŋep, “Luâk kotdâ siâŋe nâ yeŋgât damunyeŋe dâm bo kat negep aregât gâ wangât nâŋgâlân aregât maktât?” dâep. <sup>15</sup>Hain maganŋmâ purik katmâ kâmot kili are yekmâ hin dâm makyeŋgiep, “Sikum me kalam humo are biwiyeŋaet bo. Are âmâ hâk yeŋaelâk. Haingât galalupyeŋande hainare mem manmai are yekmâ aregât ukenŋe nâŋgâmbiâ biwiyeŋe bâlimap are bo agakŋe.” <sup>16</sup>Hain dâm den ginŋe hin dâm makyeŋgiep, “Luâk kotdâ siâŋe sot kâmeto bunŋe dondâ miawakmâ unsambe agep. <sup>17</sup>Akto biwiŋande hin nâŋgâep, “Gain gain akbe? Sot dondâ ire mem emet gain hinan katbe? <sup>18</sup>Nâ hin akbe. Nâŋe sot emetŋe bâlensiâ are patakôm humoâk ketugum âmâ katere tatbiâp. <sup>19</sup>Tato unsambe humo yeniŋdâpŋe tatmâ nâŋgâm sop kâlep aregât sot tu nem ukenŋe nâŋgâm heronŋe maronŋe manmâ âgâwian.”

hain nângâmbo <sup>20</sup> Anutuŋe hin dâm maganep, “Gâ kopa. Emet dâgâmbo momberât. Momenâ âmâ wan me wan siâ siâ are katmâ mem konok ketuguen are luâk niŋande membiap?” dâep. <sup>21</sup> Den ginŋe are keiŋe hin dâm makyenŋire nângânjet. Siâ yâk Anutugâlân han unsambe bo yeandjo âmâ ikiŋaet pat dâtânje sot sikum mem oloŋmâ mem manbiap dopŋe hainâk hâmbâi miawaganbiap.” dâep.

**Anutuŋe damun nenŋe akmap aregât ongânenŋe bo hogowiap.**

<sup>22</sup> Akto Yesuŋe aposololupŋe hin dâm makyenŋiep, “Aregât maktere nângânjet. Manmanyenjaet hanokoak bo akbi. Akto hin bo dâwi, “Wan nem manbaen?” Akto hâkyenjaet nângâmâk bo akmâ hin bo dâwi, “Wan mem luguakmâ manbaen?” <sup>23</sup> Sotŋe amâ bunŋe bo. Manmanyenjaende amâ bunŋe. Akto sâŋgumŋe amâ bunŋe bo. Hâkyenjaende amâ bunŋe. <sup>24</sup> Ye lâut are yekŋet. Are âmâ âi bo ketugumai, akto kalam yeŋânba sot wan bo mem mendugumai. Akto kâmbum bo ketugum alekŋe katmai. Hain bo akmai aregât Anutuŋe irawotŋân sot mem miawak yeŋieŋe. Ye lâut hainare bo. Lâut amâ geŋeŋe. Dâ ye amâ âgâ âgânje aregât nângâm heŋgemgom âmâ bo hanokoakmâ manbi. <sup>25</sup> Akto yeŋgâlân gâtŋe siânje ikiŋe nângâ nângâ watmâ manman kâlep manbiapgât dop bo tatâp. <sup>26</sup> Arekŋe wan me wan yânŋe hain are akmâ ewum pâpkomai aregât wan me wan umatŋe aregât nângâm hanokoakbiâ ârândân bo akmap. <sup>27</sup> Akto aregât siâ makbe. Dem dem surandem are ekŋet. Sâŋgum lâuwâ lâuwâ yeŋaet âi bo ketugumai. Akto Salomo yâkŋe sâŋgum kulem melem âlepŋe dondâ mem malep arekŋe tâk buluŋe are bo ewangiâp. <sup>28</sup> Akto pâloŋânŋen siâ me siâ buluŋe yeukŋe uŋak hainare miawaktâp dâ hole hainare bererek âgâm gembo ombiâ omap amâ Anutuŋe hanâk makto kulemŋe âlepŋe miawakmap. Aregât yeŋgât sâŋgum wan me wan mem miawakmâ yeŋgiwiap aregât nângâ nângâ yeukŋe bo nângâm heŋgemgowi. <sup>29</sup> Akto wan me wan nembraen me tugât gain gain membaen dâm aregât bo hanokoakbi. <sup>30</sup> Are âmâ luâk âmbâle hânŋe hânŋe manmâ Anutu bo nânganŋmai yâkŋe hanoko akmâ kulâgâtmâ manmai. Dâ ye siâ me siâ are bâlâk âlepŋe bo manbai are Eweyeŋande nângâm. <sup>31</sup> Dâ ye âmâ, “Anutuŋe damun nenŋe akberâm aktâp.” hain nângâm denŋe lokombiâ âmâ damunyeŋe akmâ wan me wan are yeŋgiwiap. <sup>32</sup> Aregât nângâm biwiyenân katmâ hamep bo akmâ manbi. Eweyeŋe Anutuŋe yeŋgât nângâmbo heroŋe akto, “Nângâlân gambiâ olowâk manbaen.” dâm makyenŋiwiap. <sup>33</sup> Aregât kotŋe siâ siâ tat yeŋgiâp are mem arim yeŋgimbiâ yâkŋe puli yeŋgimbiâ mem arim luâk umburuk manmai are yeŋgiwai. Hain akbiâ himbimân katyeŋieŋe are bo gulip akyenŋiwiap. Akto himbimân are luâk kâmburânje bo meyeŋgiwai me saŋ saŋ siânje bo nem hilipko yeŋgiwiap. Hain akbiâ are kârikŋeâk tat yeŋgiwiâp. <sup>34</sup> Egâlân yeŋe yembiap hainâgâk hanyenŋe yembiâp.

### Biwi golâk manbaen.

<sup>35-36</sup> Hoŋ bawalupyenande luâk humoyeŋe siâŋe âmbâi mendo aregât sot om taliânba purik katmâ togom emet kâlegen gambo, “Woa” dâm den hogo aŋberâm hânŋiân lâmgom tatmai dop hainare akmâ biwi golâk tatmâ manbi. Tatmâ manmâ, “Humonenŋe amuten purik katmâ togowiap.” dâm biwiyeŋaet damun kârikŋe akbi. <sup>37</sup>Luâk kotdâŋe hoŋ bawalupŋe biwiyeŋe golâ akto tatbiâ âmâ purik katmâ togom mem miawak yekmâ âmâ nânŋâ yeŋgimbo âlepŋe akbiap. Hain akmâ biwi hero nânŋâm itoŋe lândem katmâ sot om oyaŋmâ yeŋgim neŋet dâm yeŋgiwiap. <sup>38</sup>Akto hândâk timoŋân yendo hoŋ bawalupŋe biwi golâ tatmâ damungombiâ purik katmâ gam mem miawakyekmâ biwi hero humo nânŋâ yeŋgiwiap. Hain nânŋâm heroŋe akŋet dâm nânŋâ yeŋgiwiap. <sup>39</sup>Akto siâ maktere nânŋâŋet. Kepia ambolupŋande gasalupyenande hândâkŋân togowai sop are nânŋâm dâine âmâ biwi golâ tatmâ kepiayeŋe damungombiâ âmâ bo bâliyewop. <sup>40</sup>Aregât nâ luâk akmâ geân nâmâ hâmbâi lâuwâŋe purik katmâ gewian aregât sopŋe bonânŋâmai. Aregât yeâmâ biwi golâk damun nugum manbi.” dâep.

### Hoŋ bawa âlepŋe bâleŋe yeŋgât keiyeŋe.

<sup>41</sup> Yesuŋe den ginŋe hain dâambo Petoroŋe aikom hin maganep, “Humo, den ginŋe are Aposolo nengâlâk maktât me luâk hârok nengât maktât?” dâambo <sup>42</sup>hin makyenŋiep, “Den umatŋe siâ maktere nânŋâŋet. Luâk kotdâ siâŋe hoŋ bawalupŋe yeŋgât damun siâ katmâ hin dâm maganbiap, “Arim mandere gâŋe damunyeŋe akmâ sowânâk sot me soŋo are dop yeŋânâk yeŋgim manben.” <sup>43</sup>Hain dâm hepunyekmâ arimbo damunyeŋe arekŋe âi aregât biwiŋande mem heŋgemgom mando humoŋande purik katmâ togom ekmâ okot âlep nânŋâ aŋbiap. <sup>44</sup>Aregât den bunŋe hin makyenŋiwe. Hânŋât sikum siâ siâ are hârok damungowen dâm maganbiap. <sup>45</sup>Dâ humoyenande damunyeŋe akmâ manben dâm arimbo âmâ damunyeŋande biwiŋande hin nânŋâwiap, “Kotdânande hepun nekmâ arim sop kâlep mandâp imâ dowâk bo togowiap.” nânŋâm âmâ damunyeŋe akmâ âmâ gala bo akyenŋim tu kârikŋe nem biwi gulip akto <sup>46</sup>humoŋande dowâk sâŋ sâŋâk bo nânŋâwiap ain togom ekmâ aregât hâuŋe waŋmâ mem kom gâimbo itik matik akto den bo lokomai ain hâkokombo hememgât pat akbiap. <sup>47</sup>Akto aregât siâ makbe. Hoŋ bawa arekŋe den are nânŋâm heŋgemgom âmâ bo lokomaiŋe aregât hâuŋe umatŋe membai. <sup>48</sup>Dâ hoŋ bawa siâŋe âmâ humoŋaet den pâpkom âmâ âi mem hilipkomap amâ bugâŋe owâiŋe igiwiap. Hain aregât den dâtŋe âmâ hin. Luâk siâŋe umatŋe are waŋdere memapŋe âi ketugum manmâ bunŋe umatŋeâk mem miawakto âmâ ârândânŋ akbiap. Dâ luâk siâ âi humo makmâ waŋdere memapŋe aregât hâuŋe bunŋe umatŋe dondâ bo mem miawakto âmâ are ârândânŋ bo akbiap.



**Yesuḡe gembo potalakmâ manden aregât den.**

<sup>49</sup>Kâlâp punduḡ panmâ longaim siângen arim om metemap dop hainâk agak meme bâleḡe akbiâ aregât hâuḡe yeḡḡiwian aregâlâk nânḡân. Are emelâk miawakto dâine heronḡe akbom. <sup>50</sup>Akto hâk hilâlâm nânḡâre aregât kakḡân nânḡât den pat âlepḡande miawakmâ ariwiap. Aregât hâk hilâlâm are miawakto bo akbiap aregât biwine umatḡe aktâp. <sup>51</sup>Akto maktere nânḡâḡet. Nânḡât âmâ hin bo dâwi, “Gala konok manḡet dâm aregât maktâp.” Hain bo. Nâ geân aregât hionakmâ me potalakmâ kâmot lâuwâ akmâ mandâi. Akto hainâk akmâ manbai. <sup>52</sup>Emet siâ aregât kâlegen luâk âmbâle nan baratlupyetḡe momerâk manmaiḡe potalakmâ kâmot lâuwâ akbai. Biken lâuwâ biken âlâwu hain potalakbai. <sup>53</sup>Akto eweḡe nanḡâi arekḡe potalakmâ yetḡe gasa agaḡḡiwian dat. Akto memeḡe baratḡâi âkâ hainâk potalakmâ yetḡe gasa agaḡḡiwian dat. Akto erânḡe erânḡe arekâ hainâk potalakmâ gasa agaḡḡiwian dat. Amâ hainâk nâ geân aregât gasa agaḡḡiwai.” dâep.

**Sop humoân Yesu gewiap aregât keiḡe.**

<sup>54</sup>Yesuḡe luâk âmbâle kâmot humo are hin dâm makyenḡiep, “Hamandat dâḡambo âmâ ye hin dâmai, “Woe, tânâk hologowerâm aktâp.” hain dâmbiâ hainâk akmap. <sup>55</sup>Akto hamandat tokberâmbo âmâ ye hin dâmai, “Emelâk dewutâ komberâp.” dâmbiâ hainâk akmap. <sup>56</sup>Ye hianḡi luâk. Yeḡe hamandat kulewoḡwoḡ aregât keiḡe nânḡâmai. Dâ sop iregât keiḡe wangât bo nânḡâm heḡḡemgomai? <sup>57</sup>Aregât gain gainḡât âmâ hanyeḡeâk akmâ dâp âlepḡe bâleḡe are bo ekmâ nânḡâmai? <sup>58</sup>Gasagande meḡḡekmâ kiapḡâlân arim denân kat gekmâ dâm hâre ḡiḡdo tembe lokolupḡande meḡḡekmâ kala busiân kat gekbâi aregât dâwân arim galage makmâ miawagaḡmenâ yetḡeâk dâm gala agaḡḡiwian dat. <sup>59</sup>Borâm hâre anḡiwian dat akto âmâ kala busiân kat gekbiâ tatmâ âmâ yân bo gewiat. Hâu hârok puligom kutigitbâlân âlepḡe ain gewiat.” dâep.

**Agak memenenḡe bâleḡe are hepunmâ Anutugât den lokom mandenḡe damun nenḡe akbiap.**

**13** <sup>1</sup>Sop ain luâk bikḡande Yesuḡâlân togom den pat hin maganḡi, “Pilatoḡe dâmbô tembe lokolupḡande Galilaia hânân ḡâḡḡande lama akto makao kom ḡâim Anutugât sumbe higenḡe oyi yâk yeḡḡumbiâ ḡilâmyeḡe gembo makao ḡilâmyeḡe olop mendugum katmâ oyi.” dâyi. <sup>2</sup>Hain dâm maganḡbiâ hin dâm makyenḡiep, “Pilatoḡe dâmbô yeḡḡuyi areyeḡât gain dâmai? Moyi yeḡḡât dosa bâleḡe arekḡe âmâ Galilaia siânba yeḡḡât dosa are ewanḡiâp dâmai me? <sup>3</sup>Hain bo. Akto yeḡḡât dosa keiḡe aregât agak memeyeḡe bâleḡe dondâ bo hepunmâ âmâ Anutugât

den bo nângâ aŋmai are hâuŋe yeŋgiwiap ain hainâk ye yeŋgiwiap. Akto aregâlâk siâ makbe. <sup>4</sup>Yerusalem luâk 18 kinbiâ Siloam kepiagât emet kâkâlep arekŋe kâwulakmâ tigiyegep are yeŋgât hin bo dâwi, “Dosayeŋe bâleŋe âmâ Yerusalem kepia ambolupŋande aŋgâ yeŋgât dosa ewangiâp aregât moyi.” <sup>5</sup>Hain bo dâwi. Aregât maktere nângâŋet. Yeŋgât dosa tatâp aregât agak memeyeŋe bâleŋe are bo hepunmai, biwiyeŋe Anutugâlân bo katmai akto âmâ yekâ hainâk hilip aguwai.” dâep.

<sup>6</sup>Den aregât dop siâ makyenŋiwerâm aregât hin makyenŋiep, “Luâk siâŋe lowot siâ kâmeto humo agep. Akto amboŋande koaŋe hârewerâm akmâ arim ekto koaŋe siâ bo yiep. <sup>7</sup>Hain akto aregât kalam damunŋe hin magaŋep, “Nâ lâwin iregât bunŋaet kulâgâtâmâ lâmgom mandere hombaŋ âlâwu aktâp lâwin ire wangât yân kinbiap? Kârâmenâ geâk.” dâep. <sup>8</sup>Hain dâambo yâkŋe hin dâep, “Luâk humo, hanâk hepunmenâ hombaŋ irekâ kilâk. Hâmbâi nâŋe keiŋân ire une lokom togo katere hambumbo âmâ bunŋe siâ yembiap me bo are ekbaet. <sup>9</sup>Sop siân bunŋe miawakbiap amâ âlepŋe. Dâ arekâ hainâk bo akto âmâ makmenâ kârâm panbaen.” hain dâep.”

### **Sarereân Yesuŋe dâambo âmbâle hamiŋe hagitŋe goŋgoŋ aguep arekŋe tâŋâk kilep.**

<sup>10</sup>Yesu Sarere âi bo meme sopŋe siân den emetŋân âgâm den potatmâ makyenŋiep. <sup>11</sup>Den makyenŋimbo âmbâle siâ ain talep. Are âmâ sinduk baniara bâleŋande memeŋe agaŋmâ hamiŋe hagitŋe mem goŋ goŋgombo kâŋgomâk manmâ gambo hombaŋ 18 bo agep. <sup>12</sup>Akto Yesuŋe âmbâle are ekmâ hin dâm magaŋep, “Meŋ, hinŋe âmâ kundat bo akŋiŋdo âlepŋe ak.” dâep. <sup>13</sup>Hain dâm bâtŋande mendo hamiŋe miwindik akto tâŋâk kinmâ Anutuŋe okot âlep akniŋdâp dâm heronŋe agep. <sup>14</sup>Hain akto Yesuŋe âi meme sopŋe boân heŋgemgoep aregât den emetŋaet damunŋe nâŋgâambo bâlimbo luâk âmbâle hin dâm makyenŋiep, “Âi ketugu ketugu sopŋe tatâp ain togombiâ âmâ heŋgem yeŋguwiap. Dâ uŋak Sarereân heŋgem yeŋguâp ire amâ bo agakŋe.” dâep. <sup>15</sup>Hain dâambo Yesuŋe aregât den hâuŋe hin magep, “Bâe, hianŋi luâk. Ye Sarere âi meme sopŋe boân yeŋe doŋgi me bulimakao pekeyeŋe hindâm meyekmâ arim tu yeŋgimaigât dâp tatâp. <sup>16</sup>Dâ âmbâle hamiŋe tâŋâk bo ire âmâ Abrahamgât hakuŋe siâ Niambi arekŋe memeŋe agaŋdo kopa akmâ manmâ gambo hombaŋ 18 bo agep. Haingât Sarereân mem heŋgemgore ârândân aktâp.” dâep. <sup>17</sup>Hain dâambo gasa agaŋi arekŋe aŋun aŋgiyi. Akto luâk âmbâle kâmot humo arekŋe kulem âlepŋe miep are egi aregât heronŋe agi.

### **Anutugât den lokomaen nengât keinenneŋe.**

<sup>18</sup>Yesuŋe den siâ lâuwâŋe hin dâep, “Anutugât kâmot manmai are yeŋgât dop wanân katmâ maktere ârândân akberâp? <sup>19</sup>Aregât hin dâwe.

Kapok koaŋe âmâ bâleŋ siâ gârâmâ luâk siâŋe mem arim âi kâlegen kâmeto kâmŋe gam miawakmâ lâwin humo akmâ kinmap. Akto lâutŋe togom aregât bât bâtŋan panmâ tatmai.

<sup>20</sup> Akto siâ makbe. Anutugât kâmot manmai areyengât wanân dop katbe? <sup>21</sup> Are âmâ matuk keluŋe hain are âmbâle siâŋe matuk keluŋe are mem pipikom ondo sot hârok ukenŋe akmap dop hain are.” dâep.

### Himbimgât dâp are gâwikŋe.

<sup>22</sup> Akto Yesuŋe Yerusalem kepian purik katberâm arim kepiŋe kepiŋe den potatmâ yengim malep. <sup>23</sup> Hain akto luâk siâŋe aikoep, “Anutuŋe luâk amon bâleŋânba mem oloŋyekto âlepŋân gamai? Amon siâ mon?” dâep. <sup>24</sup> Hain dâambo hin dâep, “Himbimân âgâwerâm âmâ dâp gâwikŋân hâk hilâlâm nâŋgâm ariwai. Akto luâk âmbâle dondâ ain ariwerâm âmâ hâk hilâlâm humo nâŋgâm ewum hâumgowai. <sup>25</sup> Emet amboŋe akmâ manmâ dawalaŋe tigimbo luâk âmbâle dondâŋe âgâwerâm ewum hâumgom betgen kinmâ hin dâwai, “Humo, hânŋi mem katnengi.” dâmbiâ hin dâwiap, “Ye wânân gâtŋe?” <sup>26</sup> Hain dâm aiyengumbo aregât hin dâm magaŋbai, “Nen âmâ gâ olop kondo konogân sot neyion. Akto kepia nenŋân manmâ den potatmâ nengimenâ nâŋgâyion aregât hânŋi mem katnengi.” <sup>27</sup> Hain dâmbiâ hin dâm makyengiwiap, “Ye wânân gâtŋe? Nâ bo nâŋgâ yengîân. Ye bâleŋe meme aregât ariŋet.” hain dâm wat yekbiap. <sup>28</sup> Hâmbâi ye Anutuŋe wat yekto purik katberâm kinmâ hamiyenŋangen Abraham akto Isaka akto Yakobo akto Anutugât den makmâ miawakmâ gayi are hârogâk Anutugât kâmolân purik katmâ mandâi are yekmâ biwiyeŋe bâlimbo kuk nâŋgâm han kalak akmâ manbai hain. <sup>29</sup> Sop ain dewutâ gagaŋŋangenba akto gegeŋŋangenba akto bikenba bikenba areâk gam menduguakmâ sot nem heroŋe akbiâ Anutuŋe damunyeŋe akbiap. <sup>30</sup> Nâŋgâi. Yeŋgâlân gâtŋe siâŋe, “Nâ luâk humo.” dâm ikiŋe kotŋe mem agatbiap are âmâ hami togowiap. Dâ siâŋe, “Nâ luâk gegeŋe.” dâm manbiap are âmâ Anutuŋe mem âgâm ulik gulik katbiap.” dâep.

### Herotegât den.

<sup>31</sup> Sop ainâk Parisaio luâk bikŋande togom hin dâm magaŋi, “Heroteŋe guguwerâm aktâp aregât hân ire hepunmâ siângen ari.” dâmbiâ <sup>32</sup> hin dâep, “Nâŋgâi. Sinduk baniara bâleŋe watyekmâ mandân. Akto luâk kundatdâ areyengât maktere bo akyengiâp. Âine ketugum mandere hilâm âlâwu bo akto ârândâŋ akbiap. Aregât ye arim dua metŋe Herote are nâŋe wan me wan aktân mendân iregât den pat magaŋbi. <sup>33</sup> Akto ire maktere nâŋgâŋet. Yerusalem kepia ambolupŋande Anutugât den makmâ miawagi are Yerusalem kepian yeŋgumbiâ moyi aregât nâkâ kepia siân mombomgât Yerusalem kepian arire hilâm âlâwu akto ewangiwan.

<sup>34</sup>Yerusalem kepia ambolupŋe, yeŋe Anutugât den makmâ miawagi are bugâŋe yeŋgumai. Akto Anutuŋe hoŋ bawalupŋe huŋgun yeŋgimbo yeŋgâlân togombiâ kâtŋe mem yeŋgumai. Puiŋe nanaŋlupŋe damunyaŋe akmâ mem mendugu yekmâ korat yeŋgumap dop hainâk mendugu yekmâ okotnân katyekomâ damunyaŋe akberâre hâkâŋe akmâ arimai.

<sup>35</sup>Aregât Anutuŋe damunyaŋe bo akmap aregât kepiayeŋe hepundo bugâ yembiap. Hain gârâmâ siâ hin maktere nâŋgâŋet. Hâmene bo nekmâ âgâwai aregât hilâm siân miawaktere nekmâ âmâ hin dâwai, “Anutu Humoŋe wâtŋe giŋmâ huŋgun giŋdo togoât aregât heroŋe akgiŋe” hain dâwai.” dâep.

### Sarereân Yesuŋe dâmbu luâk keiŋe diwirâ siâ âlepŋe agep.

**14** <sup>1</sup>Sarere siân Parisaio are yeŋgât damun kautŋande sot nemberâm Yesu kewugumbo emetŋân âgâyat. Âgâmbela luâk bikŋande yelekâm Yesuŋe akmâ hilipkombo eknerâm aregât damun kili. <sup>2</sup>Damun kinbiâ luâk siâŋe hâkŋânba diwi metŋe humo miawagaŋep arekŋe Yesu ekberâm âgâep. <sup>3</sup>Âgâmbu Yesuŋe ekmâ Mosegât den kârikŋe makmâ kepigi are akto Parisaio hin dâm makyenŋiep, “Mosegât den kârikŋe are gain gain tatâp? Âi bo meme sopŋân luâk âmbâle heŋgem yeŋguwangât dopŋe tatâp me bo? Makniŋbiâ nâŋgâwe.” dâep. <sup>4</sup>Hain dâmbu den hâuŋe bo magaŋi. Hain akmâ aŋun aŋgim kinbiâ makto diwi metŋe are bo agaŋdo huŋgunaŋdo ariep. <sup>5</sup>Arimbo emelan tali are hin makyenŋiep, “Lamayenŋe me bulimakao yeŋe siâ âi bo meme sopŋân lâmân gembo âmâ aregât undâgâtmâ mem miawakmâ hikom oloŋmâ gamai me bo?” dâep. <sup>6</sup>Hain dâm makyenŋimbo hâuŋe bo magaŋmâ hanyenŋeâk aŋun aŋgim tali.

### Hâknenŋe bo mem agatbaen.

<sup>7</sup>Akto sop ain luâk bikŋe togom emet ain gam âgâyi arekŋe yeŋe hanyenŋân âgâ kau dewunŋân tatberâm akbiâ yekmâ aregât hin dâm makyenŋiep, <sup>8</sup>“Luâk siâŋe âmbâle membiapgât sot humo omberâm oloŋ gekto arim âmâ gâŋe hangeâk âgâ kau dewunŋân bo tatben. <sup>9</sup>Dâ gâŋe hain akbiat âmâ luâk oloŋ gekbiap arekŋe hin dâm makgiŋbiap, “Ire gâŋgât welam bo. Ekemenâ âkâ luâk irekŋe talâk.” Hain dâm makgiŋdo aŋun aŋgim hami hami gem arim tuŋguŋâŋen tatbiat. <sup>10</sup>Hain gârâmâ gâ hin akben. Luâk tatbiâ ain âmâ gugaet nâŋgâmenâ gembo tatmenâ emet amboŋande gekmâ hin dâm makgiŋbiap, “Galane tuŋguŋâŋen tatât uŋgure gam âgâ dakegen tat.” dâm makgiŋdo âmâ ain tatbai arekŋe gekmâ okot âlep akbai. <sup>11</sup>Aregât keiŋe hin. Luâk siâŋe ikiŋe kotŋe mem agatbiap are âmâ hâmbâi Anutuŋe mem ge katbiap. Dâ luâk siâŋe ikiŋe kotŋe bo mem agatbiap are âmâ hâmbâi Anutuŋe mem agatbiap.” dâep.

<sup>12</sup>Hain dâm makyenŋim benŋe luâk oloŋep are hin dâm magaŋep, “Sot omberâm âmâ emi teulupge me nan baratlupge me ginbailupge me luâk

puli me ito sikumyeŋe olowâk mandâi are bo oloŋ yekben. Dâ hain akbiat âmâ hâmbâi yâkâ aregât hainâk hâuŋe mem oloŋ gekbiâ aregât dosa bo akbiap. <sup>13</sup>Aregât hain bo akben. Sot omberâm âmâ kopa me umburuk me dewunyeŋe bok bokŋe me keiŋe bâleŋe hain are oloŋ yekben. <sup>14</sup>Hain are oloŋ yekmâ hâu bo giŋbaigât herone marone kakjân sot om yeŋgimenâ nembai. Gârâmâ hâmbâi sop humoân agatbaiân Anutu ikiŋak hâuŋe giŋbiap aregât nâŋgâm biwige herone agâk.” dâep.

### Sot humo oyi aregât den umatŋe.

<sup>15</sup>Hain dâmba sot nem tali are hut yeŋânba siâŋe den are nâŋgâm hin dâep, “Anutuġât kâmot manden aregât sop humoân Anutu olowâk sot nembraen aregât nâŋgare herone aktâp.” dâep. <sup>16</sup>Hain dâmba Yesuŋe den ginŋe siâ hin dâm magaŋep, “Luâk humo siâŋe sot ombian dâmba aregât sot mem mendugumbiâ kindo luâk dondâ yeŋgât sop kalep. <sup>17</sup>Akto arim arim emelâk sop are miawakto sot om katbiâ ekto ârândânŋ akto hoŋ bawa siâ huŋgun aŋdo arim âmâ hin dâm makyenŋiep, “Sot hârok om katmâ lâm yeŋguengât togoŋet.” dâm makyenŋimbo hâkânŋ agi. <sup>18</sup>Hâkânŋ akmâ luâkŋe luâkŋe hârok hin dâyi, “Hân puligoân arekŋe oloŋ nektâpgât are ekberâm ariwerân aregât luâk humoge are magaŋmenâ nâŋgâmbo bo bâliwiâp.” <sup>19</sup>Akto siâŋe hin dâep, “Bulimakaolupne 10 puligoân are meyekmâ togowerângât luâk humoge are magaŋmenâ nâŋgât nâŋgâmbo bo bâliwiâp.” <sup>20</sup>Siâŋe hin dâep, “Hinŋeâk âmbâle meângât bo togowerân. Gain gain akmâ togowerân?” hain dâep. <sup>21</sup>Akto hoŋ bawa arekŋe purik katmâ arim luâk humoŋe den dâyi are magaŋdo nâŋgâmbo bâliep. Nâŋgâmbo bâlimbo hoŋ bawa are hin dâm magaŋep, “Gâŋe dowâk arim emetŋe emetŋe luâk umburuk mandâi are akto luâk kopa akto ondopyeŋe bok bokŋe me dewunyeŋe bok bokŋe luâk hainare meyekmenâ togoŋet” dâmba hin dâm magaŋep, <sup>22</sup>“Luâk humo. Den maktât are akmâ meteân. Gârâmâ emetge ire boâk piktâi.” dâep. <sup>23</sup>Hain dâmba hin magaŋep, “Hanâk siâkâ arim kepia ginŋâŋen akto halâŋen yoŋâk yoŋâk mandâi are undâgât yeŋgim mem miawak yekmenâ togoŋet. Togom emetne pikŋet. <sup>24</sup>Dâ emelâk mem oloŋyekberâm aktere bo dâyi are âmâ yânâk tatbai.” dâep.” Yesuŋe den ginŋe hain dâep.

### Yesu olop manbaiŋe hâkyeŋe bo mem agatbai.

<sup>25</sup>Akto luâk dondâŋe Yesu hamiŋâŋen watmâ arimbiâ purik dâm hin makyenŋiep, <sup>26</sup>“Luâk siâŋe nâŋgâlân dewatiwerâm akmâ âmâ ewe memelupŋe me âmben nanaŋlupŋe me emiŋe gariŋe hepun yekbiâp. Akto ikiŋe manman aregât ukenŋe bo nâŋgâm gangerâwiâp. Dâ luâk siâŋe hain akbiap are âmâ nâŋgât hoŋ bawa akmâ manbiap. <sup>27</sup>Luâk siâ gasalupŋande wan me wan siâ akmâ hilipkowai aregât hamep akmâ ikiŋe hâkŋe gangerâm manbiap arekŋe nâŋgâlân bo dewatiwiap. <sup>28</sup>Yeŋgâlân

gâtŋe siâŋe emet ketuguwerâm âmâ ulik gulik puli soŋ oyaŋmâ ekto ârândân akto âmâ emet are ketugumap. <sup>29</sup>Dâ hain bo akmâ yân emetŋe are ketugumbo puli bo akto pânân hepundo emet are yân kindo ekmâ aregât den pat magaŋgi goaŋgi akmâ dewunŋân gem giriŋ aŋmâ hin dâwai, <sup>30</sup>“Luâk irekŋe luâk hanŋeâk nânŋâm tetembeŋe anuŋdo giep ina gain gain akmâ benŋe yân hepundo kindâp.” hain dâmai. <sup>31</sup>Akto siâ hin. Luâk humo siâŋe luâk humo siâgât gasa agaŋmâ ligim ainâk agatmâ bo arimap. Tatmâ nânŋâ nânŋâ hin soŋ nânŋâwiap, “Nen ire amâ amon siâ manden dâ indâgen âmâ yâk biwirâ hain mandâi. Aregât nenŋe âlepŋe yeŋguwaengât dop bo.” <sup>32</sup>Hain dâm ikiŋaet nânŋâmbo gembo gasalupŋe kâlêwângen manbai ainâk hoŋ bawa siâ huŋgun aŋdo arim hin dâm makyenŋiwiap, “Ye olop gala konok manberâm huŋgun niŋdâp” hain dâwiap. <sup>33</sup>Akto aregât keiŋe hin. Yeŋgâlân gâtŋe siâŋe hainâk kotŋe siâ siâ mem gangerâm hârogâk bo hepunmâ nânŋâlân dewatiwiap are âmâ maktere nâ olop âlepŋe bo manbaet. <sup>34</sup>Kâtembe siâ ukenŋe bo heŋgemgom kotŋe gulip katbiat âmâ dowâk pâlâmŋe akbiap. Hain akbiap aregât siân gain gain akmâ âmâ lâuwâŋe ukenŋe akbiap? Are bo agakŋe. <sup>35</sup>Hain akmap aregât yân kâienŋe gemap. Gârâmâ ye den ire nânŋâm biwiyeŋân katmâ heŋgemgom manbi.” dâep.

#### Lama siâ gulip agaŋdo bo hepunbiap.

**15** <sup>1</sup>Akto luâk bikŋande gawaman yeŋgât puli meme luâk akto luâk agak meme bâleŋe akmini arekŋe sop siân Yesugâlân den nânŋâwerâm togoyi. <sup>2</sup>Togombiâ Mosegât den kârikŋe makmâ kepigi akto Parisaio luâk arekŋe nânŋâmbiâ bâlimbo Yesugât hin dâyi, “Yesuŋe puli meme luâk akto luâk agak meme bâleŋe akmai are meyekto yâk olop sot nendâi imâ bâliâp.” <sup>3</sup>Hain dâmbiâ aregât Yesuŋe den ginŋe hin dâm makyenŋiep, <sup>4</sup>“Yeŋgâlân gâtŋe siâgât lama 100 kinaŋbiap. Akto hutyeŋânba konokŋe heambukto amboŋande hepunbiap me bo hepunbiap? Amâ bo hepunbiap. Bikŋe are hân haŋaŋân katyekto kinbiâ siâ heambukbiap aregât undâgâtbiap. <sup>5</sup>Undâgâtâm mem miawakmâ okot âlep akmâ oloŋmâ kepiân togowiap. <sup>6</sup>Kepiân togom galalupŋe yeŋgonmâ hin makyenŋiwiap, “Lama siâ heambugep ina mem miawaktân aregât heroŋe akne.” dâwiap. <sup>7</sup>Aregât maktere nânŋâŋet. Luâk 99 yâkŋe âmâ dosa nenŋe bo dâmai are yeŋgât Anutuŋe okot âlep humo bo akyenŋimap. Gârâmâ bâleŋe meme luâk konokŋe agak memeŋe akto dosaŋe are nânŋâmbo bâlimbo hanŋe purikato Anutuŋe ekto ârândân akto dosaŋe hepun aŋbiap. Hain akmâ hulaŋdo himbimân manmai arekŋe heroŋe humo akbai.

<sup>8</sup>Akto den siâ hin. Âmbâle siâŋe puli koaŋe 10 membiap. Akto puli koaŋe siâ heambukto hepunbiap me undâgâtbiap? Bo hepunbiap. Are kemdâ sagom gauŋmâ gagap urutmâ undâgâtâm manbiap. <sup>9</sup>Undâgâtâm

manmâ mem miawakmâ aregât emi tâlupņe akto ginbailupņe yeņgonmâ hin makyenģiwiap, “Puli koaņe heambugep are ina mem miawaktân aregât heroņe akne.” dâwiap. <sup>10</sup> Aregât maktere nâņgâņet. Himbimân Anutugât aņelolupņande hainâk bâleņe meme luâk siâņe agak meme bâleņe makmâ miawakmâ, “Anutu dosane hepun niņ.” dâwiap aregât okot âlep nâņgâ aņbai.” dâep.

### Nanņe bâiņande sikum mem arim gulipkoep.

<sup>11</sup> Akto Yesuņe den ginņe siâ hin dâm makyenģiep, “Luâk siâgât nanlogâtņe lâuwâ maliat. <sup>12</sup> Manmâ nanņe bâiņande eweņe hin dâm maganņep, “Tâk puli are teune olop potatmâ netki.” dâep. Hain dâmbo tâk puli are ewe yetņande potatmâ teuņe olop yetkiep. <sup>13</sup> Akto emiņe are âi ketugum getek manmâ tâk puliņe are meakmâ dâp kâlewângen ariep. Arim manmâ sot soņgoân puligom kotņe gulip gulip akmâ puli are hârok panmâ metiep. <sup>14</sup> Panmâ metembo hân ain mop humo miawagep. Miawakto nanaņ are tâwât dewunņe siâ siâgât umburuk akmâ <sup>15</sup> hân amboņe siâgâlân arim mando yâkņe yâkgât bau damunņe akmâ manben dâm huņgunanņep. Huņgunanņo arim bau damungom mando mopņe dondâ agumbo siâ me siâ sot bo waņdo âmâ <sup>16</sup> bau yeņgât goka hâkņe nemberâm agep. <sup>17</sup> Hain akmâ nâņgâ nâņgâņe miawakto hin dâep, “Apogât âi luâklupņande âmâ sot dondâ nemai. Dâ nâ âmâ sotgât akmâ hilip aguwerâm aktân. <sup>18</sup> Aregât agatmâ kepian purik katmâ apogâlân arim hin dâm maganņbian. Apo, bâleņe aktere dosanande Anutugâlân akto gâņgâlân umatņe agep. <sup>19</sup> Akmâ hilipkoân aregât nange bo nogonben. Yân hoņ bawage akbiangât menekmenâ manbe.” <sup>20</sup> Hain nâņgâm agatmâ arim aņgângen togombo eweņande dewunņe panmâ egep. Ekmâ okotņe nâņgâm pârigim arim nanņe lokom maņganlep. <sup>21</sup> Akto nanņande hin dâm maganņep, “Apo, bâleņe aktere dosanande gâņgâlân akto Anutugâlân umatņe miawagep aregât nekmâ nanne bo dâwen.” dâep. <sup>22</sup> Hain dâmbo eweņande âmâ âi luâklupņe hin dâm makyenģiep, “Dowâk sâņgum kâlep are mem ga lugaņbiâ geâk. Akto donet siâ baraganņân katņet. Akto kei pekeņe lugaņet. <sup>23</sup> Akto bulimakao nanņe keluņe olowâk are gâim ombiâ ondo nem heroņe akne. <sup>24</sup> Nanne emelâk moep dân ina togoâp. Emelâk gulip aguep dân ina miawakmâ togoâp.” dâmbo heroņe agi.

<sup>25</sup> Hain akmâ tatbiâ nanņe ulik gulik arekņe âiângen malepgât purik katmâ togom kepia ginņân kinmâ heroņe maroņe giriņ gegek kep keņgu akbiâ nâņgâm <sup>26</sup> âi luâk siâ kondo gembo hin dâm aikoe, “Heroņe maroņe âure wangât akmâ tatâi?” <sup>27</sup> dâm aikombo hin dâep, “Emige gulip aguep dâyion ina togombo aregât eweyetņande dâmbo bulimakao nanņe kelurâk are kom ondenņe om kindo heroņe aktâi.” dâep. <sup>28</sup> Hain dâm maganņo nanņe ulik gulik arekņe kuk akmâ kepia ain âgâwerâm hâkâņ agep. Akto eweņande



kepia ginjângen gem, “Gâ ga.” dâm magañep. <sup>29</sup>Magañdo nângâm hansumbu akmâ hin magep, “Nâñe âi luâkgande hin hombañ dondâ âi ketugu ginjmâ den bo koñginjmâ gan. Akto nâniñ nanñe siâ bo niñmenâ galalupne olop nem heronje agion. <sup>30</sup>Akto nangande gâñgât tâk puli aregât ukenñe nângâm mem arim âmbâle kondarâ olop manmâ panmâ metiep ina togoâp yâkgât makmenâ makao nanñe kelurâ are kom gâim ombiâ nângâre bâliâp.” dâep. <sup>31</sup>Hain dâmbo eweñande hin dâm magañep, “Nanne, gâmâ nâ olop sop kâlep manmâ gamat aregât nâñeân kotñe siâ siâ tatâp are hârok gâñgât pat aktâp. <sup>32</sup>Dâ emiçe emelâk moep dâman ina togoâp. Akto emelâk gulip aguep dâman ina togoâp. Aregât heronje akmâ okot âlep agañdenñe ârândân aktâp.” dâep.”

**Damunñe puli siâ siâ mem hanâk hanâk ketuguep aregât den umatñe.**

**16** <sup>1</sup>Yesuñe Aposololupñe den ginñe siâ hin dâm makyenñep, “Luâk humo sikumdâ siâ malep yâkgât tâwât dewunñe akto sâñgum me kotñe siâ siâ aregât damunñe malep. Aregât den hâkñe tunmâ hin dâm magañi, “Gâñgât hoñ bawa âiçe damunñe akmap arekñe tâwât dewunñe siâ siâ mem hanâk hanâk ketugumap.” <sup>2</sup>Hain dâmbiâ mem oloñmâ dâep, “Gâñgât hâkge tunbiâ nângân. Hainâk damun lâuwâñe bo mengektere hepunbiat aregât puligo puligo kulem esenñe are mem gamenâ tâwât dewunñe siâ siâ yengât keiñe mem miawakbe.” dâep. <sup>3</sup>Hain dâmbo arim damunñe biwiñân hin nângâep, “O luâk humonande wat nekbiap aregât gain akbe? Âi ketugum kâmetbiangât hâkân aktân. Akto hokboâk hokboâk ulilañdere nekbiâ añun añgiman. <sup>4</sup>Hinñe nângân. Galalupne mem gala katyekmâ mem heronje maronje katyektere luâk humonande watnekto âmâ emetyenñân oloñnekbiâ olowâk manbaen.” dâep. <sup>5</sup>Hain nângâm luâk humoñæt tâwât dewunñe siâ siâ dosa agañmâ mem mali aregât ikiñeâk ikiñeâk mem oloñyegep. Hain akto togombiâ aiyenñum dâep, <sup>6</sup>“Gâñgât dosa humogâlân amon tatâp?” dâmbo lâwin keluñæt dop 100 dâep. Hain dâmbo hin dâep, “Âlepñe 50 âk niñben.” dâep. <sup>7</sup>Hain dâm siâkâ aikoe, “Luâk humogâlân dosa amon tatâp?” dâmbo, “Sañ sañ koañe are ito 100.” dâmbo dâep, “Âlepñe 80 âk niñben.” dâep. <sup>8</sup>Hain dâmbo luâk humoñande nângâm damunñe are hin magañep, “Gâñgât nângâ nângâge humo aregât nângâre biwine âlepñe aktâp.” humoñe hain dâep. Wangât? Hingât. Anutugât den bo lokomai bikñande tâk puliyenñe damungom galalupyenñe heyenñimai aregât nângâ nângâyenñe humo tatâp yenje âmâ Anutugât den lokomai ewangi yektâi. <sup>9</sup>Haingât ire maktere nângânjet. Yenñe hainâk tâk puli me wan me wan mem manmâ are gala akyenñim âmâ hâmbâi umatñe miawak yengwiap sop ain yâk yengâlân arim kepia tatmâ âgâwiap ain manbai.

**Wan umatñe me owâiñe aregât den.**

<sup>10</sup>Luâk siâñe wan me wan owâiñe damungom biwiñande lokom manmapñe âmâ tâwât dewunñe wan me wan bunñe are hainâk

biwiñande lokom damungomap. Gârâmâ luák siñe wan me wan hanâk damungom hilipkomapñe âmâ tâwât dewunñe wan me wan bunñe are hainâk hanâk damungom hilipkowiap. <sup>11</sup> Haingât yeñe tâwât dewunñe me wan me wan hângât egâlianñe are biwiyeñande bo lokom manbiâ âmâ wan me wan bunñe hâmbâi bo yeñgiwiap. <sup>12</sup> Akto humo yeñaet puli me wan me wan bo damun akmâ heñgemgombiâ aregât âigât hâuñe bo yeñgim heñgemgowiap. <sup>13</sup> Akto aregât siâ makbe. Nanañ konokñe luák kembu lâuwâ yetgât hoñ âlepñe bo akyetkiwiap. Wangât? Hingât. Siâgât lau lokoanmâ benñe siâgât lau bo lokoanbiap. Akto siâgâlân purik katmâ siâgâlân hâkân akmâ hamianbiap. Aregât Anutugât lau lokowerâm âmâ puligât nângâmbiâ humo bo akbiap.” dâep.

### **Yesuñe Parisaio den kârikñe dâm makyengiep.**

<sup>14</sup> Yesuñe hain dâmbo Parisaioñe tâwât dewunñe aregât ukenñe nângâmbiâ âgâep aregât Yesuñe den magep are nângâm âmâ hâkân akmâ dewunñân geyi. <sup>15</sup> Dewunñân gembâ makyengiep, “Yeñe âmâ tek tekñân manmâ luák âmbâlêñe nenekmâ egâlianñet dâmai. Dâ Anutuñe âmâ biwiyeñaet keñe nângâp. Wan me wan siâ siâ ekbiâ âlepñe akmap are âmâ Anutuñe ekto bâlimap. <sup>16</sup> Akto siâ maktere nângâñet. Mosegât den kârikñe akto Anutugât den kulemgom gayi den are kârikñe tatmâ gam gam Yohanegâlân bunñe miawagep. Miawakto aregât kakñân Anutuñe damun nenñe akberâm aktâp aregât den pat âlepñe hauñmâ arimbo nângâmbiâ biwiyeñe pagalembo aregât bunñe memberâm akmâ âi humo mem wârakmâ âgâwai. <sup>17</sup> Himbim hân haru are âmâ gulip akbiandatgât dopñe tatâp. Gârâmâ Mosegât den kârikñe are dowâk gulip akbiapgât dopñe bo tatâp. <sup>18</sup> Akto siâ maktere nângâñet. Luák siñe âmbenñe hepunmâ anğâ membiapñe âmâ dosa umatñe membiap. Akto luák siñe âmbenñe wato bam mando siñe mem âmâ dosa olowâk manbiap.” dâep.

### **Luák sikumyeñe olop akto luák umburuk are yeñgât den umatñe.**

<sup>19</sup> Akto Yesuñe den siâ hin makyengiep, “Luák humo siâ malepñe tâwât dewunñe humo mem hâk pekeñe âlep âlep puligom mem malep. Manmâ hilâmñe hilâmñe sot keñe keñe om nem unsambe malep. <sup>20</sup> Hain manmâ luák siâ umburuk malep kotñe Lasaro mando diwi kârikñe miawaganjo hâkñe diwiâk hârok agep. Hain akmâ betgen yem manminep. <sup>21</sup> Hain akmâ luák humoñe emelanba manmâ sot nendo gagapñe gembo are nemberâm akminep. Hain akto duañe togom diwiñe elewelañmâ mali. <sup>22</sup> Akto manmâ umburuk are mondo aneloñe oloñmâ âgâm Abrahamgât okotñân katbiâ malep. Akto kakñân luák kotdâ are mondo hangoyi. <sup>23</sup> Hangombiâ mom kâlâwân gem âmâ hâk hilâlâm humo nângâm manmâ hâkñangen Abraham akto Lasaro yelegep. <sup>24</sup> Yelekmâ hin dâm Abraham magañep, “Apo, kâlâp bâleñân tatmâ hâk hilâlâm bâleñe nângâm mandân

aregât okot nângâm Lasaro maganmenâ båtje pikjân tu katmâ gutmâ elewetnân howaimbo getek sândugeâk.” Hain dâmbô <sup>25</sup> Abrahamje dâep, “Gala, gâ nângât. Hânân ukenje akto heronje humo kakjân malen aregât sop bo agep. Lasaro yâgâmâ okot bâle kakjân malep are hainâk bo aganep. Aregât biwiñe heronje mandâp. Dâ gâmâ hâk hilâlâm humo nângâmâk mandât. <sup>26</sup> Akto hut nenjân hemem humo kindâp aregât in gâtñande yeñgâlân gewaigât dopje bo. Akto yeñgâlân gâtñande nengâlân gawerâm hainâk ewum pâpkowiap.” <sup>27</sup> Hain dâmbô luâk kâlâwân talep arekñe hin dâep, “Apo, siâ maktere nângâ. <sup>28</sup> Lasaro huñgunanmenâ ewenaet emelan ariâk. Kepianân emilupne momerâk mandâñe hâk hilâlâm iren togowâigât Lasaro hungun anmenâ aregât den kârikñe makyenjimbo nângâ nângâyene pâroñ dâk.” dâep. <sup>29</sup> Hain dâm makto Abrahamje hin maganep, “Bo, Moseñe den kârikñe kulemgöep are tatâp. Akto Anutuñe den makyenjimbo propetelupñande kulemgoyi are tatâp are oyanmâ nângâñet.” <sup>30</sup> dâmbô dâep, “Apo, hain bo. Moyi yâk yeñgâlân gâtñe siñe arim makyenjimbo âmâ agak memeyene bâlene Anutugâlân makmâ âmâ han biwiñe purik katmâ manbai.” dâep. <sup>31</sup> Hain dâmbô hin dâep, “Mosegât akto propete yeñgât den are oyanmâ nângâm hâkân akmai aregât moyi yâk yeñgâlân gâtñande arim makyenjimbo hainâk den are hâkân akbai.” dâep.” Yesuñe hain dâep.

### Dosa aregât keñe.

**17** <sup>1</sup> Yesuñe hoñ bawalupñe den siâ hin dâm makyenjiep, “Niambiñe ye hârok dop yeñguwerâm biwiñen gemap aregât dop tatâp. Gârâmâ luâk siñe Niambi gala aganmâ luâk siâ ekmâ bâlene ak dâmap are Anutuñe hâuñe humo wañbiap. <sup>2</sup> Gârâmâ luâk siñe nanañ siâ ekmâ bâlene ak dâmbô are siñe kât humo dondâ hanjân imbogoanmâ haru båt gumân hâkokombo dâine arekñe âmâ siâ me siâ owâñe miawaganbop. <sup>3</sup> Aregât biwiñe pâlâmñe bo agâk. Akto siâ makbe. Galage siñe bâlene akto âmâ sami maganbiat, “Bâlene akniñdât aregât dâm makniñmenâ dosage are bo akberâp.” dâmenâ hain akto gala konok akbiandat. <sup>4</sup> Akto hilâm konok aregât kâlegen bâlene akgiñmâ dosa are makmâ miawakmâ arim nâmbulân lâuwâñe hain dâm miawakmâ âmâ hin dâm makgiñbiap, “Gala hain akgiñdângât biwine bâliâp.” Hain makgiñdo gâkâ hainâk, “Âlepñe, are bo aktâp.” dâm gala aganbiat.” dâep. <sup>5</sup> Hain dâmbô aposololupñande hin dâm ulilañi, “Humo, gâ nângâ nângânenñe mem sambelem nengiwen.” dâyi. <sup>6</sup> Hain dâmbiâ Kembuñe hin dâm makyenjiep, “Nângâ nângâyene bunje bâlensiâ dondâ dâwok koañe hinare yeyenjimbo dâine âmâ lâwin indâre petakmâ haruân gem kilâkgât maganbiâ âmâ lauyeñe lokom hain akbop.

<sup>7</sup> Yeñgâlân gâtñe siñe hoñ bawa âi ketugum bulimakao damunñe mando emet dâgâmbô guto âmâ ain hin dâm maganbiat me? “Emetgân

âgâ tatmenâ sot om ginbe.”<sup>8</sup> Hain bo dâwiat. Hin dâm maganbiat, “Letge konok areâk latmâ tatmâ sot om niñmenâ nendere hâmbâi âmâ guge om nembiat.” dâwiat.<sup>9</sup> Haingât keiñe hin. Gâñe hoñ bawa âi dâm wanjen are ketugumbo gâñe bo mepaiñe membiat. Yân nânğanmenâ ârândân akbiap. Akto aregât hin maktere nânğanet.<sup>10</sup> Yengât keiyenñe âkâ hainâk tatâp. Âi makmâ yengire are ketugum metem âmâ hin dâwi, “Nen hoñ bawa yânñe akmâ manden. Âi makmâ nengiep are konok mem metien.” dâmbiâ ârândân akbiâp.” dâep.

### Luâk 10 hâk bâle miawak yengiep.

<sup>11</sup> Yesuñe Yerusalem kipian ariwerâm âmâ Galilaila hân ewangim Samaria hân hâlânâmâ kipia bâiñangenba ariep.<sup>12</sup> Arim kipia ginñân âgâmbô luâk 10 hâk bâle miawak yengiep arekñe ekmâ âmâ kâlewângen kinmâ hin dâm konmâ maganji,<sup>13</sup> “Woa, luâk humo Yesu, gâ nengât okot nânğâ.”<sup>14</sup> dâm konmâ maganbiâ yekmâ âmâ hin makyengiep, “Sumbe kat kat luâk are yengât damunñande yekbaigât yâk yengâlân ariñet.” dâm makyengimbo arim manbiâ hâkyenñe are dâwân âlepñe akmâ metiep.<sup>15</sup> Hain akto yâk yengâlân gâtñe konokñe egakto hâkñe âlepñe akto aregât purik katmâ togoep. Togom kârikñe akmâ Anutu manjanlep.<sup>16</sup> Manjanmâ Yesugât enemñân togo keiñân ge yem âmâ heronñe akmâ manjanlep.<sup>17</sup> Akto luâk are Samaria hânân gâtñe aregât Yesuñe hin dâep, “Luâk 10 âlepñe aktâi are 9 âmâ yâgâten?”<sup>18</sup> Yâkñe âmâ arim nânğâm ondop kârik akmâ yân manbiâ luâk lombo konokñe togom Anutugât mepaiñe mendâp.”<sup>19</sup> Hain dâm luâk are hin dâm maganep, “Biwige nânğâlân katâp aregât Anutuñe nânğâ ginjo âlepñe aktât aregât arim biwige sândugeâk.” dâep.

### Anutuñe damun nenñe akbiapgât sop.

<sup>20</sup> Sop hain Parisaio luâk bikñande Yesu aikom hin dâyi, “Sop amuten Anutuñe miawakmâ damun nenñe akbiap?” dâyi. Hain dâmbiâ hin makyengiep, “Anutuñe damunyenñe akbiap ain kulem keiñe keiñe bo miawakto ekbai.<sup>21</sup> Aregât hin bo dâñet, “In miawaktâp, me indâgen miawaktâp.” hain bo dâñet. Nânğâi. Anutuñe damunyenñe emelâk akberâm aktâpñe pat âmâ hutyenñân mandâp ire.” dâep.

<sup>22</sup> Hain dâm kinmâ Aposololupñe hin dâm makyengiep, “Hâmbâi sop siân umatñe miawak yengimbo ain ye hin dâwai, “Wei, luâk akmâ giep yâkgât sop siâ ekne.” dâm nânğâmbiâ humo akbiap. Ain bo miawakto ekbai.<sup>23</sup> Akto sop ain luâk bikñande nânğâ yâkgât hin dâm makyengiwai, “Aregen miawaktâp me iregen nengâlân miawaktâp.” dâmbiâ aregen bo ariwi. Akto are nânğâmbiâ bunñe bo akbiâp.<sup>24-25</sup> Akto hâk hilâlâm humo nânğare âmâ luâk dondânñe haminiñmâ hâk hilâlâm niñbai. Hain akbiâ aregât hamiñân mem belek akmâ himbim bikñe belek dâmbô âmâ

bikŋe bikŋe arimap, aregât dop akmâ luâk akmâ geân lâuwâŋe gem miawaktere luâk âmbâle hârokŋe nekbai. <sup>26</sup> Akto ire maktere nânġâŋet. Ulikŋân luâk siâ kotŋe Noa, yâk malep sop ain âmâ hin areâk akmâ mali hainâk nânġât sop humo tâlâgumbo ain hainâk akbai. <sup>27</sup> Emelâk âmâ sot soŋgo neyi. Akto âmbâle mem luâk mem agi. Hain akmâ manbiâ aregât purikŋe Noaŋe yekmâ waŋgan âġâmbo tânâk humo giep. Tânâk humo gembo ugurupŋe humo togom âmâ luâk âmbâle hânân mali are hârok kawut yekmâ metiep. <sup>28</sup> Akto aregât hamiŋân luâk siâ kotŋe Loti, yâk malep sop ain âkâ hainâk agi. Sot soŋgo akto tu neyi. Akto kotŋe siâ siâ are mem aŋġi goaŋgi agi. Akto âi kalam kâmetmâ siâ siâ agi. Akto emet opmân ketuguyi. <sup>29</sup> Hain akmâ manbiâ sop ain Lotiŋe Sodom kipia hepundo himbimânba kâlâp humo gem kipia ambolupŋe hârogâk om meteyegep. <sup>30</sup> Gârâmâ nâ luâk akmâ geân purik katbian sop ain âkâ dop hainâk miawakbiap. <sup>31</sup> Akto sop humoân luâk siâ kipia sombeimân kinbiap arekŋe emetŋân âġâm kotŋe siâ siâ bo meakbiap. Akto siâ âiânġen manbiap arekŋe kipian bo purik katbiap. Hain bo akbi. Dowâk pârigim ariwi. <sup>32</sup> Lotigât âmbenŋaet pat nânġâm heŋgemgowi. <sup>33</sup> Aregât keiŋe hin. Luâk siâŋe manmanŋe gangerâwiap arekŋe âmâ hilip aguwiap. Dâ siâ manmanŋe hepunbiap arekŋe âmâ âlepŋe tatbiap. <sup>34</sup> Maktere nânġâŋet. Sop ain luâk lâuwâ akmâ opmân konogân yembiandat. Yembela are siâ mem siâ âmâ hepunbiap. <sup>35</sup> Akto âmbâle lâuwâŋe sot gâim tatbiandat. Tatbela siâ mem siâ âmâ bo membiap. <sup>36</sup> Akto luâk lâuwâ âiân kinbela âmâ siâ mem siâ âmâ hepunbiap.” Yesuŋe den hain dâmba aposololupŋande aikom hin dâyi, <sup>37</sup> “Humo, yâġâten miawakbiap?” dâmbiâ hin makyenġiep, “Siâ siâ momoŋe yembiâ ain lipliŋe neyekberâm togomai.” dâep.

### Âmbâle kambut siâŋe kiap ulilaŋmâ malep.

**18** <sup>1</sup> Yesuŋe konam bo akmâ âmâ hilâm ârândâŋ Anutu olop den akmâ manŋet dâm aregât den ginŋe siâ hin dâm makyenġiep, <sup>2</sup> “Kiap siâŋe den âiân katyekmâ malep. Hain akmâ manmâ Anutugât den bo lokom âmâ bo hamewagep arekŋe luâk âmbâle yekmâ yâk yenġât nânġâmbo gegeŋe akto malep. <sup>3</sup> Hain akmâ mando kipia ain âmbâle kambut siâ malep. Manmâ hilâmŋe hilâmŋe kiap areġâlân arim hin dâm magaŋmâ malep, “Gasanande hilip nuguwerâm aktâp areġât gala akniŋmâ tân nugu.” dâep. <sup>4</sup> Hain dâmba kiap arekŋe âmbâle kambut areġât den are hâkâŋ akmâ nânġâm pâlâmŋe akmâ malep. Mando sop kâlep akto biwiŋande hin nânġâep, “Nâŋe Anutugât den bo lokom bo hamewaktân luâk âmbâle are yenġât nânġâre gemap are bunŋe. <sup>5</sup> Gârâmâ âmbâle kambut arekŋe hilâm ârândâŋ den makniŋmap areġât biwinande hâkâŋ akmap. Dâ uŋak âmâ hanâk tângowe.” dâep.” <sup>6</sup> Aregât Yesu Humoŋe den dewatim hin dâep, “Kiap den kokoŋe hain dâepġât

nângâm henggemgowi. <sup>7</sup>Gârâmâ Anutuŋe âmâ luâk bikŋe oloŋyekto hilâm ârândân ulilaŋbiâ dowâk tân yeŋgum gasalupyene den âiân katyekbiap. Hâkân akmâ bo tân yeŋguwiapgât dopŋe bo tatâp. Bo kârikŋe. <sup>8</sup>Manmâ kâlep bo akto dowâk tân yeŋgum gasalupyene den âiân katyekbiap. Hain gârâmâ Anutuŋe huŋgun niŋdo geân nâŋe hâmbâi lâuwâŋe gem luâk âmbâle siâŋe biwiyeŋe nâŋgâlân katmâ manmai are mem miawakyeŋbian mon?” dâep.

**Parisaio akto Roma gawaman yeŋgât puli meme luâk.**

<sup>9</sup>Luâk bikŋande yeŋaet nâŋgâmbiâ âlepŋe akto galalupyene yeŋgât nâŋgâmbiâ gemap are yeŋgât nâŋgâm Yesuŋe den ginŋe siâ hin makyenŋieŋ, <sup>10</sup>“Luâk lâuwâ siâ sumbe emetŋân âgâm Anutu den dâm maganŋiat siâ âmâ Parisaio, dâ siâ âmâ puli meme luâk. <sup>11</sup>Akto Parisaio luâk arekŋe âmâ iŋiŋaet nâŋgâmbiâ agato bin binâk kinmâ hin dâep, “O Anutu, âlepŋân kat nekmenâ ârândân agep. Akto luâk bikŋande kâmbu akmâ bâleŋe siâ siâ akmai. Dâ nâmâ hainare bo. Akto nâ puli meme luâk iŋgon yu kindâp arekŋe bâleŋe akmap hainare bo akman. Nâ mandere nekmenâ ârândân akmap aregât gâŋe âlepŋe akniŋdât dâm mepaige mendân. <sup>12</sup>Akto hilâm lâuwâ kâlegen gâŋgât kambiamge âlepŋe agâk dâm sot bâlâk manman. Akto tâk puli kotŋe siâ siâ are hutŋânba konok âmâ gâŋgât pat dâm katman.” dâep. <sup>13</sup>Hain dâmbiâ puli meme luâk are iŋgon aŋgâŋen kinmâ aŋun aŋgim kâŋgom hin dâep, “O Anutu, nâ luâk bâleŋe mandân gârâmâ hanâk bo hepun nekben.” hain dâep. <sup>14</sup>Aregât keiŋe hin makyenŋire nâŋgâŋet. Anutuŋe puli meme aregât âmâ dosaŋe puliŋdo purik katmâ arieŋ. Dâ Parisaio are âmâ dosaŋe hainâk talaŋep. Akto aregât hin nâŋgâŋet. Luâk siâŋe iŋiŋe kotŋe mem agato Anutuŋe mem ge katbiap. Dâ luâk siâŋe iŋiŋe kotŋe mem gembo âmâ Anutuŋe mem agatbiap.” dâep.

**Yesuŋe nanaŋlupyene nâŋgâm Anutuŋe pat makyenŋieŋ.**

<sup>15</sup>Luâk âmbâle bikŋande nanaŋlupyene kewuguyekmâ Yesugâlân togom meyeŋgâk dâmbiâ hoŋ bawalupŋande sârek yeŋguyi. <sup>16</sup>Sârek yeŋgumbiâ Yesuŋe mem oloŋyekmâ hin dâep, “Hepunbiâ nanaŋlupyene are nâŋgâlân gaŋet. Hain arekŋe Anutuŋe kâmolân gâtŋe aregât bo mem gangerâ yekŋet. <sup>17</sup>Aregât bunŋe maktere nâŋgâŋet. Nanaŋlupyene dowâk Anutuŋe den lokom biwiyeŋe yâkâlân katmai. Gârâmâ siâŋe hain bo akbiap âmâ Anutuŋe bo meyekbiap.” dâep.

**Luâk koldâ siâŋe sikumŋe mem gangerâm biwiŋe  
Yesugâlân bo kalep aregât den pat.**

<sup>18</sup>Akto damun siâŋe Yesu aikom hin dâep, “Luâk humo âlepŋe amboŋe aktât. Aregât maktere nâŋgâ. Kârikŋe manmâ âgâwianŋat gain gain akbian

nângât?” dâmbô <sup>19</sup>hin magañep, “Âlepñe amboñe âmâ Anutu konok. Gârâmâ âlepñe amboñe dâm makniñdât aregât nângâm mak makgaet damun akmâ manben. <sup>20</sup>Akto ainuguât aregât keñje makgiñbe. Den kârikñe nângâmât amâ hin. Âmbâle siâ ekmâ egâlian bo akben. Akto luâk siâ moâk dâm bo komben. Kâmbu bo memben. Den bo hianñiwen. Ewege memegande den makbela loko yetkiwen.” <sup>21</sup>Hain dâmbô hin magañep, “Ya maktât are âmâ nananjânbak den kârikñe âlepñeâk lokom gam yu mandân.” dâmbô <sup>22</sup>Yesuñe den are nângâepgât hin magañep, “Konok tatâp are âmâ hin akben. Arim âmâ puli me ito sikum me wan me wan are oyañmâ luâk umburuk mandâi are yeñgiwen. Hain akmâ âmâ nângâlân lâuwâñe togomenâ nâ olop âi ketugum manbaet. Hain akbiat âmâ himbimân aregât hâuñe miawak giñbiap.” dâep. <sup>23</sup>Hain dâmbô puli me ito sikum siâ siâñe dondâ talañep aregât den are dâmbô nângâmbo umatñe agep. <sup>24</sup>Hain akmâ kambiamñe bâlimbo Yesuñe ekmâ hin dâm magep, “Luâk âmbâle puli me ito sikum me wan me wan olowâkñe Anutugât den lokom manberâm akbiâ âmâ umatñe miawak yeñgiwiap. <sup>25</sup>Akto aregât hin makbe. Soñgo piki dâpñânba ariwiapgât dop bo tatâp. Are âmâ luâk kotñe siâ siâ talañdâp arekñe Anutuñe damunñe akbiawân ain ariwerâm akmâ hainâk hâumgowiawap.” dâep. <sup>26</sup>Hain dâmbô âmâ nângâm kilinje hin dâyi, “Niñe himbimân âgâwiawap?” dâyi. <sup>27</sup>Hain dâmbiâ hin makyenñiep, “Are âmâ han yeñeâk âgâwerâm aregât ewum hâumgomai. Anutuñe âmâ dâp hainare mem miawakberâm aregât bo pâpkomap.” dâep. <sup>28</sup>Hain dâmbô Petoroñe agatmâ hin magañep, “Nângât, kotñe siâ siâ hârok hepunmâ metem nen gâñgâlân purik katmâ malion akto manmâ gaen.” dâep. <sup>29</sup>Hain dâmbô Yesuñe hin makyenñiep, “Luâk siâñe Anutugât âi ketuguwerâm akmâ âmâ emetñe me âmbenñe me emiñe garinje me eweñe memeñe, me ginbailupñe hanâk hepun yekbiap <sup>30</sup>are âmâ sop uñak ire gala agañmâ tângowerân. Tângore âmâ hinñe wan me wan dondâ miawakberâp. Akto titnan sop humoân âmâ tângore dondâ sambelem âgâwiawap akto manman kârikñân manmâ âgâwiawap.” dâep.

#### **Kombiâ mombiap aregât den makyenñiep.**

<sup>31</sup>Yesuñe Aposololupñe mem oloñyekmâ hin dâm makyenñiep, “Maktere nângâñet. Yerusalem kipian âgâwerâm akten. Gârâmâ âgâenñe âmâ luâk akmâ geân nângât den makmâ miawakto kulemgoyi are bunñe akberâp. <sup>32</sup>Roma luâkñe menekmâ nugum mem ge katnekmâ siâ siâ akniñmâ âmâ tâwut nuguwai. <sup>33</sup>Akto tâk metñe arekñe mem orenekmâ nugumbiâ mombian. Mondere hilâm âlâwu bo akto âmâ momoñânba agatbian.” dâep. <sup>34</sup>Hain dâmbô nângâmbiâ ârândâñ bo akto keñje nângâwerâm akbiâ dâp bo akto âmâ bo nângâm heñgemgoyi.

#### **Yesuñe dâmbô luâk siâ dewunñe hâreakto emet egep.**

<sup>35</sup>Yesu arimbo Yeriko kipia are tâlâguep. Hain akmâ dâp ginñân luâk siâ dewunñe bokbokñe siâ puligât ulit yeñgim talep. <sup>36</sup>Hain akmâ tato



luâk kâmot humoŋe dâp hainâk arimbiâ keiyene munje nânġâm areġât aiyenġumbo hin dâyi, <sup>37</sup>“Yesu Nasarete kipian ġâtŋe toġoâp.” <sup>38</sup>dâmbiâ nânġâm kârikŋeâk konmâ hin dâep, “Woa, Yesu, ġâ Dawidigât kâmolân ġâtŋe, areġât okot nânġâ niŋ.” dâep. <sup>39</sup>Hain dâmbiâ luâk ulik gulik ariyi arekŋe den are nânġâm den hepun dâm maganġi. Hain maganġbiâ den are koyenġim kârikŋeâk dondâ konmâ hin dâep, “Dawidigât kâmolân ġâtŋe, areġât okot nânġâ niŋ.” dâm kolep. <sup>40</sup>Hain dâmbiâ Yesuŋe nânġâm âmâ dâwân kinmâ hin dâep, “Kewugum nânġâlân ġanġet.” dâep. Hain dâmbiâ dewunŋe bok bokŋe arekŋe yâkġâlân ġambo <sup>41</sup>aikom hin dâep, “Gain gain akġinġbegât nânġâm areġât nogondât?” dâmbiâ hin dâep, “O humo, dewunne hulaġ akto emet ekbegât nânġân.” dâep. <sup>42</sup>Hain dâmbiâ Yesuŋe hin maganġep, “Biwiġe nânġâlân katât areġât âlepŋe ek.” dâmbiâ <sup>43</sup>ainâk dewunŋe hulaġ akto emet eġep. Ekmâ âmâ Yesuġât hamiġân arim Anutu maġanlep. Akto luâk bikŋe are eġi areġât hainâk Anutuġât kotŋe mem aġali.

#### Sakaioŋe aġep areġât den pat.

**19** <sup>1</sup>Yesu Yeriko kipian arim ewanġiwerâm aġep. <sup>2</sup>Hain akto kipia ain luâk tâlâwâk siâ malep kotŋe Sakaio. Arekŋe puli meme yenġât luâk humo aġep areġât yâkġât puli me ito sikum dondâ talaŋep. <sup>3</sup>Akto Sakaioŋe Yesu ekberâm aġep. Ekberâm akmâ âmâ luâk tâlâwâkġât luâk hutyeŋân kinmâ gain gain akmâ ekbe dâm kâleleim aġato bo aġep. <sup>4</sup>Hain akmâ pâriġim ewanġiyekmâ arim lâwin siâ lokom lokom âġâm kinmâ hin nânġeâp, “Yesu in ġutmâ arimbo ekberân.” <sup>5</sup>Hain nânġâm kindo Yesuŋe ain toġom dewunŋe panmâ egon ekmâ hin dâm maganġep, “Sakaio, nâ ġânġât emelan âġâ tatberâm nânġân areġât dowâk sopanmâ ġe.” dâep. <sup>6</sup>Hain dâmbiâ ainâk sopanmâ ġem biwiŋe heroŋe aġep. Hain akmâ emetŋân oloŋmâ âġeâp. <sup>7</sup>Oloŋmâ âġambo luâk hârokŋe ekmâ nânġâm biâ bâlimbo hin dâyi, “Gain ġainġât luâk bâleŋaet emelan âġeâp?” dâyi. <sup>8</sup>Akto Sakaioŋe Yesuġât enemŋân ba kinmâ hin dâep, “Humo, nânġât puli me kotŋe siâ siâ are dopŋe konogâk mem potatmâ luâk umburuk mandâi are yenġiwian. Akto luâk âmbâle yenġât puli are heyenġim meyenġiân hainâk mem aġatmâ emelâk konok yenġiân areġât hâuŋe imbât yenġim metewian.” dâep. <sup>9</sup>Hain dâmbiâ Yesuŋe hin maganġep, “ġâ Abrahamġât kâmolân ġâtŋe bunŋe. Anutuŋe ġala akġinġmâ damunġe aktâp are nânġâm ektân. <sup>10</sup>Akto nâ luâk akmâ ġem miawakmâ luâk bâleŋande hilip yenġuwâiġât meyekmâ himbimġât pat katyeġberâm areġât ġeân.” dâep.

**Luâk kotdâne puli ġeârâk konok konok yenġim ariep areġât den ġinŋe.**

<sup>11</sup>Yesu olowâk arimbiâ Yerusalem kipia are tâlâġumbo âmâ denġe nânġeâyiŋe hin dâyi, “Anutuŋe damun nenŋe akbiap areġât sopŋe

tâlâguâp.” dâyi. <sup>12</sup>Hain dâmbiâ aregât Yesuŋe den ginŋe siâ hin dâm makyenŋiep, “Luâk kotdâ siâŋe luâk kotdâ siâgâlân ariwerâm âmâ ikinâet hin nânŋâep, “Damunyeŋe katnekbiap aregât arim benŋe togowian.” hain nânŋâep. <sup>13</sup>Akto ariwerâm âmâ hoŋ bawalupŋe bât bip bip hârok yeŋgondo togombiâ puli koaŋe humo konok konok yeŋgim hin dâm makyenŋiep, “Puli irekŋe âi ketugum puli mem sambe ketugumbiâ hâmbâi purik katmâ togom ekbian.” dâep. <sup>14</sup>Hain dâm kâlêwângen arimbo luâk âmbâle bikŋande hâkâŋ akmâ âmâ luâk hoŋ bawa siâ huŋgun aŋbiâ luâk kotdâ aregâlân arim hin magaŋep, “Gâŋe damun nenŋe bo manbiat dâmbiâ aregât togoân.” <sup>15</sup>Hain dâmbiâ yâkgât luâk kotdâ arekŋe hân damunŋe malâkgât kato purik katmâ togoep. Togom âmâ hoŋ bawalupŋe puli yeŋgiep are yeŋgondo gembâi hin dâm makyenŋiep, “Puli yeŋgiân arekŋe âi ketugumbiâ amon miawagep?” dâep. <sup>16</sup>Hain dâmbiâ hoŋ bawa siâŋe hin dâep, “Luâk kotdâ, gâŋe puli konok niŋen arekŋe âi ketugure puli koaŋe 10 hain miawagep.” <sup>17</sup>dâmbiâ hin dâep, “Âlepŋe hoŋ bawane kotŋe siâ siâ âiŋe âlepŋeâk ketuguengât nâŋe kipia bât bip bip hârok are yeŋgât damun kat gektere manbiat.” <sup>18</sup>Hain dâmbiâ benŋe hoŋ bawa siâŋe gam hin dâep, “Luâk kotdâ, gâŋe puli koaŋe konok niŋen arekŋe âi ketugure koaŋe momerâk miawagep.” dâmbiâ <sup>19</sup>hin dâep, “Âlepŋe arim âmâ kipia momerâk are yeŋgât damun manben.” <sup>20</sup>Hain dâmbiâ benŋe hoŋ bawa siâŋe âmâ gam hin dâep, “Gâŋe puli koaŋe konok ire niŋen a ainâk sâŋgumnande katipkom katere tatmap. <sup>21</sup>Gâ luâk heŋgân gugak kotŋe siâ siâ bo mem oloŋmenâ âmâ bikŋande mem miawakmai are yeŋgât memberâm aregât ukenŋe akmat. Akto gugak âi bo kâmetmat. Bikŋande âi kalam ketugumbiâ bunŋe miawakto nemberâm aregâlâk mârur tatmat. Hain akmat aregât puli niŋen ire heambukbop dâm sâŋgumnande katipkom katere tatmap.” dâep. <sup>22</sup>Hain dâmbiâ hin dâep, “Gâmâ hoŋ bawa bâleŋe dondâ. Gugak den maktât aregât keige mem miawakbe. Nunak kotŋe siâ siâ bo mem oloŋdere âmâ bikŋande mem miawakbiâ are membe dâman. Akto nunak are bo kâmetmâ bikŋande kâmetbiâ bunŋe miawakto âmâ nembe dâman a nânŋât. <sup>23</sup>Keine hain nânŋâm puli giŋân are luâk yeŋgâlân kalen dâine âi ketugumbiâ sambelembiâ membom ina gâŋe are bo agen.” dâep. <sup>24</sup>Hain dâm magaŋmâ luâk âmbâle kili are hin makyenŋiep, “Puli waŋân are bâtŋânba mem âgâ luâk 10 mendâp are waŋŋet.” dâmbiâ <sup>25</sup>hin dâyi, “Hain bo. Yâk emelâk 10 mendâp aten.” dâyi. <sup>26</sup>Aregât hin makyenŋire nânŋâŋet. Luâk siâ kotŋe siâ siâ talaŋdâp are mem humo ketugumbo are âmâ purik katmâ waŋbian. Akto luâk siâ kotŋe siâ siâ talaŋbiap are biwiŋande bo lokom manbiap are âmâ keŋgoŋmâ membian. Mendere yân manbiap. <sup>27</sup>Akto gasalupnande nânŋâ yâkgât luâk kotdânenŋe bo malâk dâm magi yâk meyekmâ nânŋâlân gambiâ yektere yeŋgumbiâ moŋet.” dâep.

**Yesuŋe Yerusalem kipian âgâm ariep.**

<sup>28</sup> Yesuŋe den are makmâ metem luâk âmbâle kâmot humo are hepun yekmâ Yerusalem kipian âgâwerâm ariep. <sup>29</sup> Arim Oliwa gimbânân âgâm âmâ Betepage akto Betania kipia lâuwâ are talewân ariep. Arim Aposolo lâuwâ hin dâm huŋgun yetkiep, <sup>30</sup> “Kipia indâre tatâp ain ariet. Arim âmâ donŋi kâmŋe siâ luâkŋe kakŋân bo tatmai are tâkŋe hikombiâ kindâp are mem miawakberat. Mem miawakmâ hulaŋmâ mem oloŋmâ togoet. <sup>31</sup> Hulaŋbela âmâ luâk siâŋe, “Wangât hulaŋdat?” dâm aiyetkumbo âmâ hin dâm maganberat, Humoŋe iregât maktâp. dâwerat.” dâm huŋgun yetkiep. <sup>32</sup> Hain dâm makmâ metembo Aposolologâtŋe lâuwâ arekŋe arim gain dâm makyetkiep hainâk mem miawagiat. <sup>33</sup> Mem miawakmâ donŋi kâmŋe are hulaŋbela amboŋande dâyi, “Niŋande makto hulaŋdat.” dâmbiâ <sup>34</sup> hin dâyi, “Humoŋe iregât dâmbiâ togoet.” dâyi. <sup>35</sup> Hain dâm Yesugâlân mem togombela bâlâpŋaet hâk pekeŋe kâlep are oloŋmâ donŋi kakŋân kali. Katbiâ Yesuŋe âgâ talep. <sup>36</sup> Katbiâ âgâmbiâ luâk âmbâle dondâŋe hâk pekeyeŋe oloŋmâ dâwân mem melalakom dâp watmâ lengaim arimbiâ hamiyenân donŋi kakŋân watyekmâ ariep. <sup>37</sup> Arim Oliwa gimbâŋe ewangim gembo âmâ luâk âmbâle kâmot humo Yesu olop manmini arekŋe Yesuŋe kulem siâ siâ ketugumbo ekmâ gayi aregât nânŋâm âmâ heroŋe akmâ Anutugât kotŋe mem agatmâ âmâ Yesugât hin dâyi, <sup>38</sup> “Luâk kembunenŋe Kembangât laugât togoâp yâk mepaiŋe mene. Egon himbimân biwi sânduk humo miawaktâp. Dâ egon egâlîaŋ gogâlêaŋ miawaktâp.” dâyi. <sup>39</sup> Hain dâmbiâ Parisaio konok konok hutyeŋân kili arekŋe hin dâm magani, “Tiksa, gâŋgât maktâi are sami den makyenŋimenâ den yoŋâk kinmâ den hepunŋet.” dâyi. <sup>40</sup> Hain dâmbiâ hin makyenŋiep, “Makyenŋire nânŋaŋet. Den hepunbiâ âmâ kât irekŋe yâk yeŋgât dumyeŋân kinmâ heroŋe maroŋe akbai.” dâep.

**Yesuŋe Yerusalem kipia ekmâ okotŋe nânŋâm indiep.**

<sup>41</sup> Akto Yesuŋe Yerusalem kipia ginŋân arim tatmâ âmâ ekmâ biwiŋe umatŋe akto indem hin dâep, <sup>42</sup> “Yae, kipia ambolupŋe, âlepŋân manberâm aregât dâpŋe emelâk miawagep are egi. Are hinŋe miawaktâp ina dewunyeŋe boktâpŋat bo ekmâ nânŋai. <sup>43</sup> Sop siân ain gasalupyenande kipiayeŋe awam mewam ketugum dâp tigi yeŋgiwai. Tigi yeŋgim âmâ watyekbiâ bo akbai. <sup>44</sup> Bo akbiâ âmâ âmben nananlupyenŋe akto âiâŋen me kipiangen hârogâk hilip yeŋgum itiŋ gulam ketugu yekmâ yeŋgum om meteyekbiâ kawum yeŋeâk kinbiap. Amâ Anutueŋe togom meyekbiap aregât sopŋe hâkân agigât.” hain dâep.

<sup>45</sup> Den are makmâ metem sumbe emetŋân âgâep. Âgâm âmâ kotŋe siâ siâ anŋi goanŋi akmâ tatbiâ yekmâ kuk akmâ watyekmâ hin dâm makyenŋiep, <sup>46</sup> “Anutugât denŋande hin dâep, “Anutugât emet amâ Anutu

olop den makbaigât opmân.” Den hain tatâp ina yeŋe akbiâ âmâ luâk kâmburâ yeŋgât emet hainare aktâp.” dâep.

<sup>47</sup>Akto hilâmŋe hilâmŋe sumbe emetŋân âgâm den potatmâ yeŋgim malep. Hain akmâ mando sumbe kat kat luâk aregât damun akto Mosegât den kârikŋe makmâ kepigi akto humomolupyeye hârokŋe Yesu kondeneŋe bo agâk dâm aregât den magaŋgi goaŋgi agi. <sup>48</sup>Hain akbiâ luâk âmbâle yânŋe bikŋande âmâ denŋe nânŋâmbiâ âlepŋe dondâ akmap aregât nânŋâmbi umatŋe akto hepuli.

### Parisaioŋe aikombiâ Yesuŋe ikiŋaet keiŋe bo makyenŋiep.

**20** <sup>1</sup>Hilâm siân Yesuŋe sumbe emetŋân kinmâ ikiŋe den pat âlepŋe dâm potatmâ yeŋgimbo âmâ sumbe kat kat luâk kautŋe Mosegât den kârikŋe makmâ kepigi akto humomolupyenande yâkgâlân togom hin dâm aikoyi, <sup>2</sup>“Makmenâ nânŋâne. Kulem hinare akmat are niŋaet kârikŋân kinmâ akmat? Niŋande hain akben dâm kârikŋe giŋepgât akmat?” dâmbiâ <sup>3</sup>hin makyenŋiep, “Akto nâkâ aiyeŋguwe. <sup>4</sup>Yohanene meyekmâ tuân katyegep aregât keiŋe gain gain? Anutuŋe dâmbo agep me luâk yânŋande makbiâ agep aregât makbiâ nânŋâwe.” dâep. <sup>5</sup>Hain dâmbo yeŋeak hin dâm magaŋgi goaŋgi agi, “Anutuŋe dâep hain dâenneŋe âmâ dâwerâp, “Dâ wangât denŋe bo nânŋâm lokoyi?” <sup>6</sup>Gârâmâ nenŋe, “Luâk yânŋande tângoyi.” dâenneŋe luâk âmbâle Yohanene Anutuŋe den maknengiminep dâm aregât kâtŋe mem nenguwâi.” <sup>7</sup>Hain dâm magaŋgi goaŋgi akmâ benŋe Yesu hin dâm magaŋgi, “O Yohanegât keiŋe bo nânŋâen.” dâyi. <sup>8</sup>Hain dâmbiâ hin makyenŋiep, “Akto nâkâi hainâk niŋaet kârikŋân kinmâ kulem hin are akman aregât keiŋe bo makyenŋiwerân.” dâep.

### Luâk bâleŋande kalam damunŋe akmâ tali aregât den umatŋe.

<sup>9</sup>Yesuŋe den ginŋe siâ hin makyenŋiep, “Luâk siânŋe tâk waiŋ aregât âi kâmelep. Kâmetmâ damun katyekmâ hân siânŋen arim sop kâlep malep. <sup>10</sup>Akto bunŋe miawaktâp me bo aregât sop tâlâgumbo hoŋ bawane siâ bunŋe bikŋe meâk dâm aregât huŋgun aŋdo damun yeŋgâlân togombo kom watbiâ yânâk purik kalep. <sup>11</sup>Purik kato amboŋande kârikŋe akmâ hoŋ bawane siâ huŋgun aŋdo hainâk arim damun yeŋgâlân togombo kom watbiâ âmâ yânâk purik kalep. <sup>12</sup>Purik kato amboŋande hoŋ bawa âlâwuŋe are huŋgun aŋdo yâk yeŋgâlân togombo hâk hilâlâm waŋmâ kom watbiâ purik kalep. <sup>13</sup>Purik kato amboŋande, “Gain gain akbe?” dâm hin nânŋâm dâep, “Nune nanne okotne nânŋaŋman are huŋgun aŋdere arimbo yâkgât den lokom sot âlem yendâp are bikŋe waŋbiâ mem togowiap mon?” dâep. <sup>14</sup>Hain dâm huŋgun aŋdo yâk yeŋgâlân togombo âmâ damunlupŋande magaŋgi goaŋgi akmâ hin dâyi, “O, yâkŋe âmâ âi ire amboŋe akbiap haingât kondeneŋe âi ire nengât akbiap.”

dâyi. <sup>15</sup>Hain dâm watmâ hewukñângen panbiâ gembo aregen kombiâ moep. Mondo arekñeak âi amboñande gain gain akyeñgiwiap? <sup>16</sup>Aregât maktere nâñgâñet. Amboñande togom âi damunlupñe hainâk yeñgum damun añgâ katyekbiap.” dâmbô hin dâyi, “Bo. Hain akto ârândâñ bo aktâp.” dâyi. <sup>17</sup>Hain dâmbiâ Yesuñe tãñjâk yekmâ hin dâep, “Ye pâpkoâi. Anutuñe hain akmap aregât makyeñgimbo kulemgoyi are hin, “Emet ketuguwerâm âmâ tetembeñe ekmâ bâleñe dâm hepuli are tetembeñe kârikñe aregât dopñe aktâp.” <sup>18</sup>Den are bunñe akto luâk siãñe tetembeñe are kâwutmâ hilipkowiap. Akto tetembeñe arekñe kâwulakmâ ge kondo mombiap.” dâep.

<sup>19</sup>Akto Yesuñe Mosegât den kârikñe makmâ kepigi akto yâk yeñgât keiyeñe nãñgâm den ginñe are dop yeñgum makyeñgimbo nãñgâm biwiyeñe bâlimbo ainâk kala busiân katne dâm agi. Hain akberâm agi arekñe luâk âmbâle kâmot humo are yeñgât hamep akmâ hepuli. <sup>20</sup>Hepunmâ hin dâyi, “Hâmbâi Yesuñe den makmâ hilip kombo âmâ kiapgâlân mem ariwaen.” dâm aregât damun agañi. Hain akmâ luâk konok konok meyekmâ hin dâm makyeñgiyi, “Yesu yoñjâk hiañgim aikombiâ den makmâ hilip kombo aregât kiapgâlân mem arim kombaen.” hain dâm huñgun yeñgiyi. <sup>21</sup>Huñgun yeñgimbiâ Yesugâlân togom lau tu hin dâm magañi, “Luâk humo, keige nãñgâen. Den makmat are bunñe âlepñe. Akto luâk kotdâ are yeñgât bo hamep akmâ kinmâ Anutuğât dâp bunñânâk maknengimat. <sup>22</sup>Aregât makmenâ nãñgâne. Roma luâk kotdâ yeñgât puli katenñe ârândâñ akmap me bo?” dâyi. <sup>23</sup>Hain dâmbiâ hiañgigât keiñe biwiyeñân ekmâ nãñgâm hin dâep, <sup>24</sup>“Puli koañe mem hekat niñbiâ ekbe.” dâmbô mem hekalanñbiâ hin dâep, “Ire ekñet. Niñaet otneñe katbiâ tatâp?” <sup>25</sup>dâmbô dâyi, “Roma luâk kotdâgât otneñe tatâp.” dâmbiâ hin makyeñgiep, “Roma luâk kotdâ yeñgât pat are âmâ luâk kotdâ wañbi. Dâ Anutuğât pat are âmâ Anutu wañbi.” dâep. <sup>26</sup>Hain dâmbô denñe are nãñgãmbiâ humo akto luâk âmbâle dondâ kiligât gain gain aknerâm ewum pâpkoyi.

### **Momoñânba agatmâ âmâ añelo yeñgât dop akbaen.**

<sup>27</sup>Akto Sadukaio luâk bikñande Yesugâlân togoyi. Sadukaio yâkñe âmâ momoñânba agatbaengât dopñe bo tatâp dâm mali. Bo kârikñe hain nãñgâm mali. Akto Yesugâlân togom hin dâm magañi, <sup>28</sup>“Luâk humo, Moseñe den kârikñe siã hin dâm kulemgœp are tatâp. Luâk siãñe âmbâle siã mendo manmâ luâk are mondo âmâ emiñande kambut mendo nanañ membiap are âmâ teuñet pat akbiap. Den kârikñe hain tatâp aregât den pat siã maktenñe nãñgâ. <sup>29</sup>Emelâk emi teu nâmbulân lâuwâ manmâ teuyeñande âmbâle mem nanañ bâlâk manmâ moep. <sup>30</sup>Mondo emiñande kambut areâk mem yâkâ hainâk nanañ bâlâk manmâ moep. <sup>31</sup>Mondo benñe emiñe siãñe kambut areâk mem yâkâ hainâk nanañ bâlâk manmâ

moep. Hainâk akmâ manmâ gam âmâ emi teu nâmbulân lâuwâ arekņe âmbâle konok areâk mem nanaj bâlâk manmâ mom meteyi. <sup>32</sup>Hain akmâ mom metemiâ âmbâle kambut are bânġangen moep. <sup>33</sup>Akto luâk nâmbulân lâuwâ arekņe âmbâle konok areâk meyi aregât hâmbâi momoņânba agatbaiân âmbâle are niġaet pat akbiap?” dâyi. <sup>34</sup>Hain dâmbiâ Yesuņe hin dâep, “Uņak âmâ âmbâle aņgi goaņgi akmâ mandâi. <sup>35-36</sup>Dâ titnan sop humoân âmâ Anutuņe nâņgâmbô âmâ dop konogâk manmâ âgâwai. Anutuņe makyenġimbo momoņânba agatbai. Agatmâ aņelo yenġât dop hainare akbai. Haingât luâk âmbâle aņgi goaņgi akbaigât dopņe bo tatâp. Bo kârikņe. Akto ain âmâ Anutuņe dâmbô lâuwâņe bo mombai. <sup>37</sup>Akto momoņânba agatbai aregât Moseņe den kulengoep are hin tatâp. Lâwin keiņân kâlâp punduņ katmâ oep aregât kulem âmâ luâk âmbâle hârokņe moyi aregât Anutuņe den siâ hin kalep, “Nâmâ Abraham Isaka akto Yakobo yâk yenġât damun.” Den hain dâm kulengoep tatâp aregât keiņe hin. <sup>38</sup>Anutu hâk heambuk are damunyeņe akmap, akto luâk golâ manmai are yenġât damunyeņe akmap aregât Abraham, Isaka, akto Yakobo, âmâ golâ mandâi.” <sup>39</sup>Yesuņe hain dâm makyenġimbo Moseġât den kârikņe makmâ kepigi bikņande hin dâyi, “Luâk humo âlepņe maktât.” dâyi. <sup>40</sup>Hain dâm siâkâ aikowerâm akmâ nâņgâmbiâ umatņe akto hepuli.

<sup>41-43</sup>Hain gârâmâ Yesuņe den hin dâm makyenġiep, “Dawidiņe kep keņgugât kulem hin kulengoep,

Anutuņe nâņgât Humone are hin magaņep, “Gâ bâte bungen tatmenâ gasalupge keigaet amukņân kâmot katere tâliyekbiat.” dâep.

Hain gârâmâ Anutuņe huņgun aņdo gem damun nenņe akbiap are Dawidigât hakuņe dâmai hain bo. <sup>44</sup>Dawidiņe humoņaet nâņgâm nâņgât Humone, hain dâm kolep aregât yeņe âmâ gain gain akmâ Dawidigât teņņan gâtņe dâmai?” dâep.

<sup>45</sup>Den are makmâ metem purik dâm luâklupņe makyenġimbo luâk âmbâle kili arekņe hin nâņgâyi, <sup>46</sup>“Moseġât den kârikņe makmâ kepikmâ manmai dop hain bo manbi. Yâkņe âmâ hâk pekeņe kâlep are kulem melem are luguakmâ dâp arim luâk âmbâle yekmâ heroņe aknenginġet dâm areġâlâk nâņgâmai. Akto den emetņân âġâm luâk hutyeņân tatmâ âmâ luâk humomo yenġât welam pat dâm yeņgiyi ainâk nenņe soņ tatne dâm aregât akmai. <sup>47</sup>Akto âmbâle kambut yâk yenġât kotņe siâ siâ meyeņgimai. Akto luâk âmbâleņe nenekbiâ humo agâk dâm aregât miapņân kinmâ Anutu magaņberâm kinmai. Luâk hain arekņe aregât dosa dondâ memai. Aregât ye yâk yenġât dop bo akmâ manbi.” dâep.

**Âmbâle kambut umburuk siâņe Anutuġât pat dâm puli kalep.**

**21** <sup>1</sup>Hain dâm sumbe kat kat emetņân tatmâ Yesuņe dewunņe panmâ yekto puli siâ siâ humo tatyenġiep arekņe Anutuġât

pat dâm puli katbiâ gembo yegep. <sup>2</sup>Katmâ arimbiâ âmbâle kambut siâne ikiye puli gilâm lâuwâk kato giep. <sup>3</sup>Kato gembo Yesuŋe ekmâ Aposololupŋe hin dâm makyenŋiep, “Bundâk makyenŋiwe. Âmbâle kambut ire umburuk mamburuk manmap irekŋe puli gilâmŋe lâuwâk katâp irekŋe âmâ puli humo katâi are hârok ewangi yektâp. <sup>4</sup>Puli humo tatyenŋiâp arekŋe âmâ oyaŋmâ bikŋeâk mem ga katâi. Dâ âmbâle kambut ire âmâ hain bo. Yâk âmâ puli gilâmŋe lâuwâk talaŋdâp are hârok katmâ âmâ yân manberâp.” dâep.

### Sumbe emetŋe patakom hilipkowai aregât magep.

<sup>5</sup>Hain dâmbo Yesugât kâmot bikŋande sumbe emetŋaet hin dâyi, “Emet iregât ambolupŋande Anutugât opmân aregât dâm kotŋe siâ siâ katbiâ humomoŋe are mem sumbe emetŋe ketuguyi.” dâyi. <sup>6</sup>Hain dâmbiâ Yesuŋe hin dâm makyenŋiep, “Opmân yu ektâi ire hâmbâi togom hârem gagaim itiy gulam ketuguwai.” dâmbo <sup>7</sup>hin dâyi, “Luâk Humo, den yu maktât ire âmâ sop amuten miawakbiap? Akto sop are tâlâgumbo âmâ kulem gain gain hinare miawakbiap?” dâyi. <sup>8</sup>Hain dâmbiâ hin magep, “Bikŋande oloŋyekbiâ han gulip akbâigât keiŋe makmâ miawaktere biwiyenân katmâ manbi. Keiŋe hin. Luâk dondâŋe togom nâŋgât kolân agonakmâ, “Nâ Anutuŋe huŋgun niŋdo geân.” hain dâwai. Akto bikŋande âmâ, “Sop tâlâguâp.” hain dâwai. Gârâmâ ye luâk hainare yenŋâlân bo dewatiwi. <sup>9</sup>Akto bugâ hanâk hanâk miawakto aguwai aregât den pat akbai are âmâ nâŋgâm ain bo hamewakbi. Are soŋ miawakbiapgât Anutuŋe magep. Dâ dowâk bo miawakbiap.” dâep. <sup>10</sup>Hain dâm den dewatim hin dâep, “Hângât luâk kotdâŋe makbiâ tembe lokolupyeŋande hân siâgât amboŋe yeŋguwai. <sup>11</sup>Akto mop humo miawakbiap. Akto wan me wan bâleŋe miawak yeŋgiwiap. Akto wâriŋ humo ain membiap. Akto wan me wan hamepŋe olowâkŋe miawakyenŋiwiap. Akto sop ain kulem bâleŋe aregât emelâk bo egion dâwai, hain arekŋe himbimân miawakto ekbai.

### Biwiyenande Yesugâlân hokatmâ manbai arekŋe âmâ Anutugât pat akbai.

<sup>12</sup>Hainare bo miawakto âmâ âi keiŋe katmâ meyekmâ yeŋgum wat yekmâ mem siâ siâ ketugu yekbai. Akto ye nâŋgât kotne mem manmai aregât yâkŋe denân kat yekmâ kala busi kâlegen kat yekbai. Luâk humo akto kiap are yeŋgâlân meyekmâ ariwai. <sup>13</sup>Hain akyenŋimbiâ âmâ nâŋgât den pat âlepŋe aregât keiŋe makmâ miawakbiâ nâŋgâwai. <sup>14</sup>Akto are yeŋgâlân kinmâ âmâ den gain gain maktere ârândân akbiap aregât nâŋgâm bo hanokoakmâ umale akbi. <sup>15</sup>Nâŋe nunak memeŋe akyenŋire lauyeŋe owâiŋe akto den makbai amâ gasalupyeŋande denyenŋe are mem ge katberâm ewum hâumgowai. <sup>16</sup>Akto sop ain ewe memelupyeŋe me



emi teulupyenje tâulupyenje akto galalupyenje yâkneak gasa akyengim meyekmâ yengumbiâ yengâlân gâtne biknande mombai. <sup>17</sup>Akto sop ain âmâ ye nângât kotnaet akmâ manmai aregât yengât nângâm bâli yengim luâk kâmot humone gasa akyengim manmâ âgâwai. <sup>18</sup>Siâ me siâ hain akyengimbiâ nâne tânyengure kautyenje dumutne siâ bo gulip akbiap. <sup>19</sup>Aregât kârikne kinmâ âmâ bo hâkân akbiâ manmanyenje bunje miawakyengiwiâp.

**Yerusalem kipia mem bâliwai aregât Yesuŋe magep.**

<sup>20</sup>Akto gasalupyenje yengât tembe loko kâmotne kâmotne togom Yerusalem kipia ire awam ketugumbiâ âmâ yekmâ hin dâwai, “Hilip nengumbiâ kipia kawum akberâm aktâp.” hain dâwai. <sup>21</sup>Akto sop ain âmâ Yudaia hân ambolupne kipiayenje hepunmâ hewuknângen pârigin heambukmâ ariwai. Akto Yerusalem kipia kâlegen manbai yâkâ hainâk pârigin ariwai. Akto kipia ginjângen manbai arekne wan me wan memberâm purik katmâ kipian bo gawai. <sup>22</sup>Sop ain dosa membai aregât emelâk kulemgoyi are Anutuŋe bunje agâk dâm dosa aregât hâuŋe yengiwiap. <sup>23</sup>Yai, âmbâle tepdâ me nanaŋ nam yengim tatbai arekne gain gain akbai? Yâk ariwerâm hâk hilâlâm nângâm umatne akmâ ewum hâumgowai. Hain akbai aregât hâuŋe âmâ Anutuŋe purikne yengimbo hân ambolupnande yae dâm agatmâ sopanmâ hâk hilâlâm nângâm manbai. <sup>24</sup>Are tembe lokoŋe bikne oloŋ yekmâ hânne hânne meyekmâ arimbiâ hoŋ bawalupyenje akmâ manbai. Ain âmâ Anutu bo nânganmai arekne gasa akyengim Yerusalem kipia itiŋ gulam ketuguwai. Ketugumbiâ kawum akto âmâ manmâ âgâmbiâ âmâ Anutuŋe hin dâwiap, “Nângât bo nângâ niŋmai are yengât sop bo aktâp.” dâwiawân ain hilip aguwai.

<sup>25</sup>Akto siân âmâ dewutâ hilâmngât akto hândâkgât me pituŋ me hân akto haru bâliwiapgât kulem keŋe keŋe miawakto ekbai. Ekmâ âmâ luâk âmbâle hârokne biwiyenje agatbiap. <sup>26</sup>Akto dewutâ me pituŋ arekne duwuŋ akmâ kotne hanâk hanâk bam gutbai. Hain akbiâ kulem are ekmâ hamewakmâ hin dâwai, “Gain gain akne? Yâgâten arim heambukne?” dâmbiâ okotyenân tuk tuk erâmbo âmâ biwiyenje gulip akbiap. <sup>27</sup>Hain akbiâ pagalenje pakpak dâmbo âmâ luâk akmâ geân nâ kârikne akmâ hamandat kulewoŋwoŋ kaknâmba gere âmâ nekbai. <sup>28</sup>Kulem hain miawakto ekmâ dewunyenje egon panmâ ekmâ hin dâwai, “O nen bâleŋânba mem oloŋ nenekberâm geâp.” dâwai.” dâep.

<sup>29</sup>Yesuŋe hain dâm den ginne siâ hin dâm makyengiep, “Ye hâpugât keŋe ya nângâmai are. <sup>30</sup>Hâpu tatangaiŋe gagai akto aregât hin dâmai, “O imâ dewutâ komberâm aktâp.” dâmai. <sup>31</sup>Hainâk kulem hainare miawakto ekmâ âmâ hin dâwi, “Emelâk humo miawakmâ nen olop mando Anutuŋe damun nenje akbiap aregât sop tâlâguâp.” hain dâwi.

<sup>32</sup>Den ire maktere nângâm biwiyenân katnet. Luâk kâmot yu tatâi irekne bo mom golâ manbiâk hainare miawakto ekbai. <sup>33</sup>Himbim hân haru kârikne yembiap dâmai are hârok gulip aguwiap. Dâ nângât den yu maktân ire âmâ kârikne akmâ yem âgâwiap. Gulip akbiapgât dop bo tatâp.” dâep.

**Yesuŋe Aposololupne makyenŋim, “Biwi golâ manbi.” dâep.**

<sup>34-35</sup>Akto Yesuŋe hin dâm makyenŋiep, “Iren hânân kotne siâ siâ keiŋe keiŋe mem aregâlâk nângâwâigât biwi golâ mannet. Akto tu kârikne nemiâ wâtyeŋe bo akto nângât nelâm yeŋgiwopgât aregât âkâ hainâk biwi golâ mannet. Wangât? Hingât. Nâŋe dowâk miawakmâ togowian ain âmâ luâk hârokne dosayeŋaet hâuŋe membai. Bo nângâm pâlâmne manbiâ hami komne sân sânâk meyekmap dop hainâk togowian.

<sup>36</sup>Anutugât den konok lokom manmâ biwiyenŋe yâkgâlân kârikne tatbiâp aregât nângâm hokboâk hokboâk Anutu ulilaŋmâ biwi golâ manmâ âgâmbiâ kulem hainare miawakbiap. Hain akmâ manbiâ nâ miawakmâ kinbian ain bo aŋun aŋgiwai.” Yesuŋe hain dâm makyenŋiep.

<sup>37</sup>Akto hilâm ârândân sumbe emetjân âgâm kinmâ den potatmâ makyenŋim malep. Hain akmâ manmâ âmâ emet dâgâmbô âmâ Oliwa gimbiân âgâm ain tatminep. <sup>38</sup>Hain akminepgât emet hauŋdo luâk âmbâle hamepne olowâkne denne nângâwerâm sumbe emetjân âgâm mendugum lâmgoyi.

**Yudasiŋe Yesu membian dâm makyenŋiep.**

**22** <sup>1</sup>Akto hombaŋ siâ aregât kotne Pasowa dâmini ain sot bo kaulemap omini are tâlâguep. <sup>2</sup>Akto sop ain sumbe kat kat luâk akto Mosegât den kârikne makmâ kepigi yâkne luâk âmbâle dondâ are yeŋgât nângâm hamep akmâ aregât Yesu gain gain agaŋdenne moâk dâm magaŋgi goaŋgi agi. Hain akmâ dâpgât undâgâtmâ mali.

<sup>3</sup>Hain akmâ manbiâ Niambiŋe Aposolo siâ Karioto kipian gâtne kotne Yudasi are kautjân mendo <sup>4</sup>sumbe kat kat luâk are yeŋgât damunlupyeŋe akto tembe loko kautne arekne magaŋgi goaŋgi akmâ, “Yesu gain gain aktenne koŋet.” dâmbiâ Yudasiŋe arim aregât keiŋe makyenŋiep. <sup>5</sup>Den makyenŋimbo biwiyenŋe âlepne akto puli waŋberâm agi. <sup>6</sup>Hain akbiâ denyenŋe are lokom luâk âmbâleŋe aregât keiŋe nângâwâi dâm aregât yonâgângen mem miawakmâ âmâ kombai aregât ekmâ watmâ malep.

<sup>7</sup>Akto hombaŋ are miawakto hilâm siân lama gâim om nemberâm agi ain <sup>8</sup>âmâ Yesuŋe Petoro akto Yohane hin dâm makyetkim huŋgun yetkiep, “Yet arim âmâ hombaŋ Pasowa aregât lama gâim âmâ om lâm nengum tatbela togoenŋe nemberen.” dâep. <sup>9</sup>Hain dâmbô hin dâm aikoyiat, “Emet wanân gâim om lâm yeŋguweret?” dâmbela <sup>10</sup>hin dâep, “Kipian âgâm âmâ luâk siâŋe asap lokoakmâ arimbo ekmâ

âmâ are hamiñân wاتمâ arimbela emelan kewugu yelemâ âgâmbô âgâwerat. <sup>11</sup>Âgâm emet amboņe mem miawakmâ hin dâm magañberat, “Luâk humonetņande gângât hin dâm maktâp. Emet kâleņe gain hinan luâklupne olop Pasowagât pat om nemberen? <sup>12</sup>Hain dâm maknetkiâp.” dâm magañbela emet kâleņe humo siâ mem âlepņe dondâ ketuguyi are hekat yetkimbo âmâ âgâm sot wan om lâm nenguwerat.” dâep. <sup>13</sup>Hain dâm huņgun yetkimbo ariyat. Arim magep hainâk mem miawakmâ magañbela emet are hekat yetkimbo siâ siâgât magep hainâk hainâk mem heņgemgoyat.

### Yesuņe Aposololupņe olop sot neyi.

<sup>14</sup>Mem heņgemgombela kindo sop akto âmâ aposololupņe olop penâyetkimbiâ sot neyi. <sup>15</sup>Nem tatbiâ âmâ hin dâm makyengiep, “Nugumbiâ hâk hilâlâm nâņgâwerângât sop tâlâguâpgât ye olop sot ire nemberengât ukenņe nâņgân. <sup>16</sup>Akto maktere nâņgâņet. Nâ hinņe ye olop sot yu nenden hainâk lâuwâņe bo nembian arekņe maleine bunewâk Anutuņe damunyeņe akberâm keņe katbiap âmâ lâuwâņe nembian.” dâep. <sup>17</sup>Hain dâm waiņ are nemberâm hâpurâ mem Anutu maņganmâ mepaiņe mem hin makyengiep, “Ire mem potatmâ neņet. <sup>18</sup>Akto ire maktere nâņgâņet. Nâ hinņe waiņ tu ire bo nem mandere Anutuņe bân dâm damunyeņe akberâm keņe kato âmâ tu irakņe nembian.” dâep. <sup>19</sup>Hain dâm sot siâ mem Anutu maņganmâ mepaiņe mem munditmâ Aposololupņe yeņgiep. Yeņgim hin dâm makyengiep, “Imâ nâņgât sunumnaet dop. Nâņgât pat nelâm yeņgiwopgât sot ire nem manmâ âgâwi.” dâep. <sup>20</sup>Hain dâmbo nembia bo akto waiņ hâpurâ siâ mem hin makyengiep, “Waiņ irekņe Anutugât dâp irakņe miawakto dosayeņe hepun yeņgiwiap aregât nugumbiâ gilâmne gewiap aregât dopņe aktâp. Are yeņgât pat dâm makmâ hâreân aregât mem neņet. <sup>21</sup>Akto den siâ ire maktere nâņgâņet. Yeņgâlân gâtņe siâņe nâņgât nâņgâm bâli niņmâ moâk dâm gasalupne makyengimbo menekmâ nuguwai. <sup>22</sup>Aregât Anutuņe hin dâm makniņep, “Dâp hainâk arim manbiat.” hain dâm huņgun niņdo aregât dâp hainâk arim mombian. Are âmâ nugumbiâ mombiangât luâk siâņe heninmâ dâp hainâk oloņnekâm ariwiap aregât dosa umatņe bâleņe membiap.” dâep. <sup>23</sup>Hain dâmbo hin dâyi, “Nengâlân gâtņe niņande akbiap?” dâm magañgi goañgi agi.

### Aposololupņande papalakmâ den magañji.

<sup>24</sup>Akto Aposololupņande magañgi goañgi akmâ papalakmâ hin dâyi, “Nengâlân gâtņe niņande humonenņe mandâp?” dâmbiâ <sup>25</sup>hin dâm makyengiep, “Hân siâ siâ yâk yeņgât luâk humo yâkņe âmâ hoņ bawalupņe meyekto hoņ bawa agañmai akto hoņ bawa arekņe luâk aņgâņe luâk humo yeņgonmâ kotyeņe mem agatmai. <sup>26</sup>Dâ yeņe âmâ

hângât luâk kembu are yengât agak meme hain bo akbi. Gârâmâ yengâlân gâtŋe siâŋe humo akbian dâm âmâ gegeŋe manbiâp. Akto Anutuŋe nekmâ luâk humo dâwîap dâm manmâ âmâ ye hârok yengât hoŋ bawa akyeŋgiwiâp. <sup>27</sup>Akto luâk siâŋe sot om katyeŋgim tân yengumap are âmâ luâk yânŋe dâmai. Dâ luâk siâ âi bo mem yân tato hoŋ bawaŋande sot om kalaŋdo nemap aregât âmâ luâk humo dâmai. Gârâmâ ye hain bo akbi. Aregât nâkai hain nânŋâm hoŋ bawa akyeŋgim tân yengum malân. <sup>28</sup>Akto nâ hâk hilâlâm kakŋân manmâ gan amâ yeŋe bo hepun nekbiâ biwiyeye nânŋâlânâk kindo olowâk manmâ gayion. <sup>29</sup>Hain akbiâ aregât Ewenande damunyeŋe kat negep hainâk nânŋe âmâ damunyeŋe dâm katyekbian. <sup>30</sup>Hâmbâi lâuwâŋe miawakmâ gere âmâ olowâk manmâ nembraen aregât pat kat yeŋgiân. Akto ain âmâ luâk kotdâ yengât tat talân tatmâ Israe luâk kâmot keiân lâuwâ tatbai are yengât den makmâ hâre yeŋgiwai aregât pat katyeŋgiân.” hain dâep.

#### Yesuŋe Petoro maganeŋep.

<sup>31</sup>Yesuŋe hain dâm Petoro hin dâm maganeŋep, “Simon, Simon, matuk helekŋe are mem pipikoenŋe tuŋe iŋgoen gembo helekŋe are mem pandenŋe arimap dop hainâk Niambiŋe keige ekberâm aregât aktâp. <sup>32</sup>Niambiŋe hain dâmbo nânŋe âmâ biwige bâliwop dâm gâŋgât Ewene ulilaŋdân. Ulilaŋdere aregât ulik gulik nânŋât hâkân akmâ hamiŋân biwigande nânŋâ niŋmâ âmâ galalupge are tân yeŋguwiat.” dâep. <sup>33</sup>Hain dâmbo Petoroŋe hin dâep, “Humo, gâ kala busi kâlegen kat gekbiâ tatbiat me bugâ mem mombiat âmâ nâ gâ bo hepun gekbian. Nâkâ hainâk akbian.” dâmbo <sup>34</sup>hin dâm maganeŋep, “Petoro maktere nânŋâ. Gokorok bo indemboân gâŋe nânŋâ yâkŋât bo nânŋaŋman dâm muneŋ akmenâ sop âlâwu akbiap.” dâep.

<sup>35</sup>Hain dâm benŋe luâklupŋe hinâk makyenŋiep, “Emelâk puli bo ito bo kei pekeŋe bo, hain huŋgun yeŋgire arim umburuk akmâ mali me bo?” dâmbo hin dâyi, “Nen umburuk bo malion.” dâmbiâ <sup>36-37</sup>hin makyenŋiep, “Nânŋât den kulemgoyi are hârogâk bunŋe akbiapgât sopŋe tâlâguâp. Akto Anutuŋe nânŋât den siâ dâmbo kulemgoyi are hin, “Bâleŋe meme yâk yengât kâmolân katbai.” den are nânŋâlân bunŋe akberâp aregât ito me iripân me wan me wan tatyenŋiâp are mem ariwerâi. Dâ yengâlân gâtŋe bikŋande puli me wan me wan bo tat yeŋgiâp yeŋe âmâ yeŋandeân hâk pekeŋe mem yâk yeŋgimbiâ puli yeŋgimbiâ puli are mem arim bugâ puligowai.” dâep. <sup>38</sup>Hain dâmbo hin dâm maganeŋep, “Humo ire ek. Nengâlân tâwât lâuwâ tatâp.” dâmbiâ hin dâep, “Bâin. Hain talâk.” dâep.

#### Oliwa gimbanŋan âgâm Anutu ulilaŋep

<sup>39</sup>Hain dâm Yesuŋe hândâk ârândânŋak kipia are hepunmâ Oliwa gimbanŋan âgâm manmineŋep hainâk kipia hepunmâ Oliwa gimbanŋan

âgâwerâm hoŋ bawalupŋe kewugu yekto âgâyi. <sup>40</sup>Âgâm malewân arim hin dâm makyenŋiep, “Bâleŋande mem katyebopgât in tatmâ Anutu ulilaŋŋet.” <sup>41</sup>Hain dâm kat yekmâ getek bam ge tatmâ hin dâm ulilaŋep, <sup>42</sup>“Apo, gâ nânŋâmenâ ârândâŋ akto makmenâ âmâ hâk hilâlâm irekŋe gam ewanginegâk gârâmâ nânŋât den bo. Gânŋât den kârikŋe agâk.” dâm ulilaŋep. <sup>43</sup>Hain dâmbo aŋelo siâŋe himbimânba gem memeŋe agaŋep. <sup>44</sup>Hain akto biwiŋe umatŋe akto nânŋâm kârikŋe akmâ lâuwâŋe hainâk dâm ulilaŋep. Ulilaŋdo âmâ ogowak biririk dâm gem gilâm tirin târâŋ gemap dop hainâk akmâ tirin târâŋ dâm hânân giep. <sup>45</sup>Hain akto ulilaŋmâ metem Aposololupŋe bam yegep. Akto okot yeŋe nânŋâm wâtyeŋe hutuk âgâmbô asiŋ yeyi. <sup>46</sup>Asiŋ yembiâ yekmâ hin dâep, “Gain akmâ asiŋ yendâi? Agatmâ kinŋet. Hâwâtyekto bâleŋe akbâigât Anutu ulilaŋŋet.” dâep.

### Yesu meyi.

<sup>47</sup>Hain dâm kindo ainâk dondâ togoyi. Togombiâ âmâ Aposolo siâ kotŋe Yudasi yâkŋe sumbe kat kat luâk are yeŋgât humomolupyene akto areyeŋgât tembe loko akto Yuda yeŋgât kaunsoli are olop halop hogoanmâ den hikoyi are watmâ gasa makyenŋim kewugu yekmâ togo katyekto kinbiâ ba Yesu lokom maŋganlep. <sup>48</sup>Maŋgando Yesuŋe hin dâep, “Yudasi, luâk akmâ gewiap dâmai are âmâ nâ menekŋetgât wangât maŋgan nektât?” hain dâep. <sup>49</sup>Hain dâmbo Aposololupŋande siâ siâ akyenŋiwai aregât nânŋâm hin dâyi, “O humo nânŋâmenâ tâwâtŋe kârâ yekne.” dâyi. <sup>50</sup>Dâmbiâ are hutyeŋân gâtŋe siâŋe tâwât mem sumbe kat kat luâk humoyeŋe siâ yâkgât hoŋ bawa siâgât ondopŋe bikŋe tâwâtŋe kârâm hârieŋ. <sup>51</sup>Kârâm hârembo Yesuŋe ekmâ hin dâep, “Hepunŋet.” dâm luâk aregât ondopŋe are mendo âlepŋe agep. <sup>52</sup>Hain akmâ sumbe kat kat humomolupyene akto yâk yeŋgât tembe lokolupyene hin dâm makyenŋiep, “Yeŋe âmâ nânŋât nânŋâmbiâ bugâ koko luâk akman aregât bugâyeŋe loko akmâ menekberâm togoâi mon? <sup>53</sup>Nâ sop ârândâŋ sumbe kat kat emetŋân ye olop manmâ gayion sop ain wangât bo menegi? Dâ uŋak ire âmâ Hândâk Amboŋe arekŋe memeŋe akyenŋiâp aregât togoâi.” hain dâep.

### Petoro hamewakmâ, “Nâ Yesugât kâmolân gâtŋe bo.” dâep.

<sup>54</sup>Hain dâmbo mem arim sumbe kat kat luâk yeŋgât humoyeŋe aregât emelangen mem ariyi. Mem arimbiâ Aposolo awam akmâ arim meteyi. Akto Petoroŋe purik katmâ yoŋâk yoŋâk hamiyeŋâŋen watyekmâ togoep. <sup>55</sup>Akto emelan mem âgâmbiâ tembe loko bikŋe âmâ sombeimân kâlâp om nânŋâm tatbiâ Petoro âkâ hainâk kâlâp nânŋâwerâm yâk yeŋgât hut yeŋân ge talep. <sup>56</sup>Hain tatbiâ hoŋ bawa âmbâle siâŋe ekmâ nânŋâm hin dâep, “O luâk ire âmâ Yesugât kâmolân gâtŋe.” dâmbo

<sup>57</sup>munej akmâ hin dâep, “Nâ luâk are bo nângân. Akto bo ekman.” dâep. <sup>58</sup>Hain dâambo sop kâlewâk bo aktoâk luâk siâņe ekmâ hainâk dâep, “Âo gâ yâk yeņgâlân gâtņe.” dâambo hin dâep, “Nâ yâk yeņgât kâmolân gâtņe bo.” dâep. <sup>59</sup>Hain dâm getek sop kâlewâk hin tato luâk siâņe ekmâ wârakmâ hin dâep, “Bundâk gâ yâk olop manmai. Akto gâ Galilaia denân makmenâ nângân.” dâep. <sup>60</sup>Hain dâambo hin dâep, “Nâ gâņgât den are pâpkoân.” dâambo ainâk gokorok indiep. <sup>61</sup>Indembo âmâ Yesu Humoņe purik dâm Petoro tâņâk egep. Ekto âmâ Humoņe den hin dâm magañep are nâņgâep, “Gokorok bo indemboâk gâņe nâņgât keine tigimenâ sop âlâwu akbiap.” dâep. <sup>62</sup>Den are nâņgâm biwiņe umatņe akto arim indiep.

### Yesu mem keiņe hârok mâņgiyi.

<sup>63</sup>Akto Yesu damungom kili arekņe dewunņân gem den magañmâ sâņgumņe dewunņe hikom tigim ondopņe hogoyi. <sup>64</sup>Ondopņe hogom hin dâyi, “Ondopņe hogoâp aregât kotņe kon.” dâyi. <sup>65</sup>Hain dâm den are magañmâ den bâleņe magañmâ kili.

<sup>66</sup>Hain akmâ kinbiâ emet haunđo sumbe kat kat luâk akto Mosegât den kârikņe makmâ kepigi, akto Israe yeņgât damunlupyene donđâ mendugu akmâ Yesu kâmot yeņân mem âgâ katmâ hin dâm magañi, <sup>67</sup>“Gâņe Anutuņe huņgunņiņđo geân maktât aregât âmâ keige makmâ miawak.” dâmbiâ hin dâep, “Den ire hâkâņ akberâigât nâņgân aregât hepunbe. <sup>68</sup>Akto den siâ aiyengure bo makniņberâi. <sup>69</sup>Gârâmâ sop iregât luâk akmâ geân nâ Anutu kârikņe amboņe yâkgât bātņe bungen tatere nekbai.” dâep. <sup>70</sup>Hain dâambo hârokņe nâņgâm hin dâm magañi, “Gâņe hin dâmat, “Nâ Anutugât nanņe mandân.” dâmat are bunņe me bo?” dâmbiâ, “Âo, ya maktâi are.” dâambo hin dâyi, <sup>71</sup>“Siâņe siârâm siârâm akbiâ âmâ den âi humo membâen. Emelâk maktâp areâk bugâ neâk.” dâyi.

### Yesu mem Pilato akto Herote yetgâlân arim denņe dâm hâreyi.

**23** <sup>1</sup>Akto Yesu meyi arekņe hârogâk agatmâ Yesu mem Pilatogâlân ariyi. <sup>2</sup>Yâkgâlân arim kinmâ hin dâm yâkgât den dâm hiangiyi, “Luâk iregât keiņe hin. Luâk hârok yeņgât biwiyeņân nâņgâ nâņgâ bâleņe lugumap are hin. Roma luâk kotdâgât puli bo katņet dâm aregât makmâ nâ Anutuņe huņgunņiņđo geângât damunyeņe akman dâmap.” dâyi. <sup>3</sup>Hain dâmbiâ Pilatoņe aikom hin dâep, “Gâ Yuda yeņgât luâk humo me?” dâambo hin dâep, “Gâņe maktât are bunņe.” dâep. <sup>4</sup>Hain dâambo Pilatoņe sumbe kat kat luâk are yeņgât humomolupyene akto luâk donđâ ain kili are hin dâm makyengiep, “Luâk iregât dosa siâ bo tatâp nângân.” dâep. <sup>5</sup>Hain dâambo kârikņeâk konmâ hin dâyi, “Bunņe luâk mem hanâk hanâk ketugu yekmâ biwiyeņân gem denne hânņe hânņe ariâk dâm aregât makmap. Akto Galilaia hânân bam keiņe makmâ ainba Yudaia hânân

togom hainâk akmap.” dâyi. <sup>6</sup>Hain dâmbiâ Pilatoŋe hin aiyenŋuep, “Luâk ire Galilaia hânân gâtŋe me?” dâmbi <sup>7</sup>hin dâyi, “Âo ain gâtŋe.” dâmbiâ Pilatoŋe hin nânŋâep, “Galilaia hân are Heroteŋe damunŋe akmap ain gâtŋe.” are nânŋâm yâkgâlân mem ariŋet dâm huŋgun yenŋiep. Akto sop ain Heroteŋe Galilaia hân hepunmâ Yerusalem kipian malep aregât huŋgun yenŋimbo Heroteŋâlân mem ariyi.

<sup>8</sup>Yâkgâlân mem arimbiâ Heroteŋe Yesugât den pat are nânŋâm ekbeâk nânŋâm malepŋat Yesu ekmâ âmâ biwiŋe heroŋe agep. Hain akmâ kulem siâ ketugumbo ekberâm aregât ukenŋe nânŋâm malep. <sup>9</sup>Akto Heroteŋe den keiŋe keiŋe aregât aikombo hâuŋe bo maganep. <sup>10</sup>Hain akto sumbe kat kat luâk akto Mosegât den kârikŋe makmâ kepigi arekŋe hâkŋe tunmâ den umatŋe siâ siâ magi. <sup>11</sup>Hain akbiâ Herote akto tembe lokolupŋe yâkŋe Yesu dewunŋân gem betorok panaŋi. Betorok panaŋmâ den hembalik mânŋiyi. Hain akmâ Heroteŋe dâmbi hâk pekeŋe kulemŋe âlepŋe dondâ siâ mem lugu aŋbiâ gembo Pilatogâlân mem purik katmâ ariyi. <sup>12</sup>Dâ ulikŋân Pilato akto Herote gasaŋe gasaŋe maliat. Akto mem arimbiân âmâ ainâk gala agiat.

<sup>13</sup>Akto Pilatoŋe sumbe kat kat luâk akto Israe yenŋât damunlupyeŋe akto luâk âmbâle yânŋe are yenŋondo togom menduguyi.

<sup>14</sup>Mendugumbiâ hin dâep, “Yeŋe luâk ire nânŋâlân mem togom yâkgât hin dâm makniŋdâi, “Luâk irekŋe luâk mem kotŋe hanâk hanâk ketuguyekmâ biwiyeŋân gemap.” dâi aregât nânŋe yenŋât dewunyeŋân keiŋe mem miawaktere dosaŋe bo aktâp. <sup>15</sup>Emelâk Heroteŋe makmâ hâreaŋâk dâm huŋgun yenŋire bo akto nânŋâlân lâuwâŋe mem togoâi. Nânŋâi. Luâk ire mombiapŋât dosaŋe siâ bo ektân aregât hin aktere ârândâŋ akberâp. <sup>16</sup>Tembe lokolupne makyenŋire tâkŋeak orem hâk hilâlâm waŋmâ huŋgun aŋbiâ yân gem ariâk.” dâep. <sup>17</sup>Hain dâm kinmâ sop ain Pasowa hombaŋ ârândâŋ nânŋâ yenŋim kala busi kâlegen kat yekbiâ tatmini are yenŋâlân gâtŋe konok wato ariminep. <sup>18</sup>Hain akminep aregât luâk âmbâle arekŋe moâkgât konmâ kârikŋe akmâ hin magaŋi, “Are âmâ moâk. Dâ yâkgât dumŋân Baraba are watmenâ geâk.” dâyi. <sup>19</sup>Akto Barabagât keiŋe hin. Yâkŋe luâk dondâ mem mendugu yekmâ hin dâm makyenŋiep, “Kiap tembe loko hârok yenŋum wat yektenŋe ariŋet.” dâm bugâ mem luâk siâ kondo mondo aregât kala busi kâlegen katbiâ talep. Keiŋe hain. <sup>20</sup>Akto Pilatoŋe lâuwâŋe hin dâep, “Nâmâ Yesu watere gewerâpŋât nânŋân.” dâep. <sup>21</sup>Hain dâmbi den kârikŋe konmâ magaŋi, “Yesu lâwinân kombiâ moâk. Lâwinân kombiâ moâk.” dâyi. <sup>22</sup>Hain dâmbiâ Pilatoŋe den koyenŋim âlâwuŋe hin makyenŋiep, “Bâleŋe bo agepŋât nânŋâre dosaŋe bo tatâp aregât maktere bugâŋe yânâk kom mem hulaŋbiâ yân arim manbiâp.” dâep. <sup>23</sup>Hain dâmbi kautyenŋe orem kârikŋe akmâ den dâyi hainâk dâyi, “Lâwinân kombiâ moâk” dâmbiâ arim denyenŋande gewe âgâwe akmâ yendo âmâ Pilatogât den are mem ge



kali. <sup>24</sup>Mem ge katbiâ Pilatoŋe den dâyi aregât bunŋe miawagâkgât dâm aregât makmâ hâre yeŋgiep. <sup>25</sup>Hain akmâ denyeŋe lokom Baraba luâk koko akto den koko luâk are hulaŋmâ yâkgât dumŋân Yesu moâk dâm makmâ hâreanŋep.

**Yesu lâwinân kombiâ moep.**

<sup>26</sup>Hain dâmbô arim luâk siâ dâwân gembo egi kotŋe Simoŋ, Kirene kipian gâtŋe yâk âiângenba togombo lâwin ire loko dâm maganŋi. Maganŋmâ Yesugât lâwin are kamberŋân katbiâ lokom hamiŋân arimbo luâk kâmot humo hamiyeŋân ariyi. <sup>27</sup>Arimbiâ hutyeŋân âmbâle bikŋande okot dondâ nâŋgâ aŋmâ indem ariyi. <sup>28</sup>Akto Yesuŋe purik katmâ yekmâ hin dâep, “Yerusalem âmbâle nâŋgât bo indeŋet. Yeŋaet akto nanaŋlupyene yeŋgât indeŋet. Maktene nâŋgâŋet. <sup>29</sup>Hâmbâi yeŋe hin dâwai, “Bâe, âmbâle gupin, âmbâle sigan yânâk nanaŋ bo meyigât nâŋgâeneŋe âlepŋe aktâp.” <sup>30</sup>Hain dâm ain gimbâŋe iregât hin dâwai, “Hogoakmâ gem tigi nenegâk.” dâwai. Akto hemem keiŋân kinmâ, “Gem nenguâk.” dâwai. <sup>31</sup>Aregât hin dâre nâŋgâŋet. Lâwin golâ ombiâ âmâ bo omap. Dâ lâwin momoŋe âmâ ombiâ dondâ omap. Aregât gain gain akbai.” dâm makyenŋiep.

<sup>32</sup>Akto bâleŋe meme luâk lâuwâ biken biken yâk olowâk yeŋguwerâm meyelekmâ ariyi. <sup>33</sup>Arim hân siâ kotŋe kaut hagit ain arim lâwinân koyi. Kom âmâ bâleŋe meme luâk lâuwâ are biken biken kat yelekmâ yetkuyi. <sup>34</sup>Olowâk yeŋgumbiâ Yesuŋe hin dâm Anutu maganŋep, “Apo yu akniŋdâi ire âmâ keine bo nâŋgâm kinmâ akniŋdâi aregât dosayeŋe hepun yeŋgiwen.” dâep. Hain dâmbô tembe loko arekŋe Yesugât hâk pekeŋe memberâm aregât kulem esenŋe bâleŋ maleŋ oyaŋmâ puli memai dop hain akmâ aŋgiyi. <sup>35</sup>Akto luâk âmbâle kâmot humo kinmâ tâŋâk ekbiâ Israe yeŋgât damunlupyene arekŋe dewunŋân gem den hin dâm maganŋi, “Emelâk luâk dondâ tân yeŋgumbo âlepŋe agi. Akto ikiŋaet hin dâmap, “Nâ Anutugât nanŋande ewenande huŋgunniŋdo gem damunyeŋe akmâ mandân.” dâmap aregât lâwinânba sopanmâ geâk.” dâyi. <sup>36</sup>Hain dâmbiâ tembe loko yâkŋe hainâk dewunŋân gem waiŋ tu ŋasukŋe bâleŋe are mem waŋmâ hin dâyi, <sup>37</sup>“Gâ Yuda yeŋgât luâk humo mandât akto âmâ pekmâ sopanmâ ge.” dâyi. <sup>38</sup>Hain dâm Yesugât lâwin ulikŋân hin dâm kulemgom kali, “Ire Yuda yeŋgât luâk kembu.”

<sup>39</sup>Akto bâleŋe meme siâ Yesugât enemŋe biken lâwinân kombiâ kilep arekŋe hainâk Yesu dewunŋân gem hin dâep, “Bundâk, gâ Anutuŋe huŋgun giŋdo damun nenŋe akberâm gien akto âmâ tân netkumenâ nen hârok sopanmâ gene.” dâep. <sup>40</sup>Hain dâmbô galaŋe siâ Yesugât enemŋe biken kombiâ kilep arekŋe hin dâm galaŋe are maganŋep, “Gâ bugâgât pat aktât arekŋe gain gain akmâ Anutugât hamep bo akmâ hain dât? Amâ bo agakŋe aktât. <sup>41</sup>Net âmâ dosanetŋe tat netkiâp aregât wan me wan

aknetkimbiâ âmâ ârândâŋ aktâp. Dâ luâk ire âmâ dosaŋe bo ina hanâk aganjâi.” dâep. <sup>42</sup>Hain dâm maganjmâ benŋe Yesu hin maganjep, “Yesu, lâuwâŋe damun nenŋe akberâm miawakmâ gewiat sop ain nânŋât nânŋâ niŋben.” dâep. <sup>43</sup>Hain dâmbo Yesuŋe hin maganjep, “Bunŋe makŋiŋdere nânŋâ. Hinŋe emet boâk dâgâmbô mom Anutuŋe tatmawân arim tatberet.” dâep.

#### Yesu moep.

<sup>44</sup>Hain dâmbo hilâm tânâmŋe akto ain dewutâ are heambukto hândâk agep. Hândâk akmâ yendo enŋaiŋe agep. <sup>45</sup>Akto hândâk agep ain sumbe kat kat emetjaet dawalaŋe aregât sâŋgum kâlep humo tigiŋi arekŋe tânâmŋânba hionakmâ bikŋe bikŋe agep. <sup>46</sup>Hain akto Yesuŋe hin dâep, “Apo, otnene gâŋgâlân purik kalâkgât nânŋân.” hain bâin dâm manmanŋe palep. <sup>47</sup>Panakto tembe loko yengât humoŋe ekmâ nânŋâm âmâ Anutu manŋanmâ hin dâep, “Bundâk, luâk iregât dosaŋe bo.” dâep. <sup>48</sup>Hain dâmbo luâk kâmot humo are ekberâm togo kili arekŋe kulem miawagep are ekmâ biwiyenŋe bâlimbo nânŋâm bâlim ariŋi. <sup>49</sup>Akto Yesugât nânŋâm âmbâle bikŋande Galilaia hân hepunmâ Yesu watmâ togoyi yâk olowâk kâlewâŋen kinmâ kulem miawagep are ekmâ nânŋâŋi.

<sup>50</sup>Akto luâk siâ malep kotŋe Yosepe, are Arimataia kipia Yudaia hânân talep ain gâtŋe. Akto yâk Yuda yengât kaunsoli mali yâk yengâlân gâtŋe. Akto luâk are âmâ âlepŋe gala konok malep. <sup>51</sup>Hain gârâmâ galalupŋande Yesugât den makmâ hâreaŋmâ kombiâ moâk dâmbiâ âmâ biwiŋande nânŋâmbo ârândâŋ bo agep. Hain akmâ Anutuŋe damun nenŋe akbiap aregât ukenŋe nânŋâm lâmgom malep. <sup>52</sup>Luâk arekŋe Pilatogâlân arim Yesugât hâkŋe mem arim hangowerâm aregât maganjep. <sup>53</sup>Maganjô âlepŋe dâmbo arim lâwinânba mem gem sâŋgum kau kau siâŋe katipkom lokom arim kât dâpŋe siâ sumgât dâm kepikmâ hepunbiâ yân kilep ain kalep. <sup>54</sup>Ain âmâ hole amâ âi meme sopŋe bo dâm aregât Yesugât hâkŋe ain kalep. <sup>55</sup>Akto emet dâgâmbô âmâ âmbâle bikŋe Galilaia hân hepunmâ Yesu watmâ togoyi arekŋe Yosepe olop arim Yesu sumân kalep are egi. <sup>56</sup>Ekmâ tu higenŋe âlepŋe are puligowerâm aregât kipiangen purik katmâ ariŋi. Akto Moseŋe den kârikŋe siâ kulemgoep are hin, “Sarere akto ain âi bo ketugum yân tatmâ nânŋâwi.” den are lokom kipian yân tatmâ nânŋâŋi.

#### Yesu momoŋânba agalep.

**24** <sup>1</sup>Akto sonda hândâk pipiŋe tatoâk âmbâle arekŋe tu higenŋe pindindiŋ dâm yendo are mem sumâŋen ariŋi. <sup>2</sup>Arim ekbiâ kât humo siâŋe lâm dâpŋe tigiŋi are hindakmâ siâŋen arimbo laŋe miawâk kilep. <sup>3</sup>Hain akmâ kindo gem Yesugât undâgâli. <sup>4</sup>Undâgâtbiâ

bo akto kinbiâ ainâk anjelo lâuwâ hâk pekeyetnje kau kau dondâ arekne miawakmâ kiliat. <sup>5</sup>Kinbela yelemâ hamep akmâ kângom kinbiâ hin dâm makyenjiyat, “Ye wangât golâ mandâp aregât undâgâtâmâ sumân togo kindâi? <sup>6</sup>Yâk iren bo yendâp. Emelâk agatmâ ariâp. Akto ulikjân Galilaia hânân manmâ den makyenjiyat are nelâm yengiep mon? Emelâk hin dâm makyenjiyat, <sup>7</sup>“Luâk akmâ geân nâ menekmâ makbiâ luâk bâlenande nugumbiâ mombian. Mondere hilâm âlâwu bo akto sumânba agatbian.” <sup>8</sup>hain dâm makyenjiminep.” dâyat. Hain dâm makyenjimibela biwiyenje pâroŋ dâmbo den are nângâm heŋgemgoyi. <sup>9</sup>Nângâm heŋgemgom sum are hepunmâ purik katmâ arim Aposololupnje bât bip bip hârok keiân konok are akto olowâk mali yâk den pat are makyenjiyi. <sup>10</sup>Akto âmbâle are kotyene âmâ hin. Maria Madala kipian gâtje akto siâ Yohana, akto siâ Maria Yakobogât memeŋe. <sup>11</sup>Yâkne âmâ lâulupyene bikne olop arim Aposolo den pat are makyenjiyi. Makyenjimbiâ nângâmbiâ bunne bo agep. <sup>12</sup>Hain akmâ Petoroŋe agatmâ sumângen pârigim arim sâŋgum lâuwâ arekne konok talep are ekmâ nângâ nângâje gulip akto emetjân purik kalep.

### Yesuŋe galalogâtje olop ariep.

<sup>13</sup>Akto hilâm ainâk Yesugât kâmot are yengâlân gâtje lâuwâ siâje Emausi kipia Yerusalem kipia okotjângen talep ain ariwerâm ariyat. <sup>14</sup>Arim dâwân wan me wan miawagep aregât magaŋgi goaŋgi akmâ ariyat. <sup>15</sup>Arim magaŋgim ai agum bao guto manbela dâwân Yesuŋe penâyetkimbo olowâk ariyi. <sup>16</sup>Arimbiâ Anutuŋe nângâ nângâyetje mem gisapkombo yâk bo ekmâ nângâyat. <sup>17</sup>Hain akbela aiyetkum hin dâep, “Gain gain? Niŋaet magaŋgi goaŋgi aktat?” dâmbo hâme yetje bâlimbo kiliat. <sup>18</sup>Hain akmâ kinmâ luâk siâ kotje Keleopa arekne aikom hin dâep, “Yerusalem kipiangenba Sarereân togoyi arekne den pat ire makbiâ luâk âmbâle hârokne nângâm mandâi. Dâ gâmâ gain gain akmâ bo nângâm mandât?” dâep. <sup>19</sup>Hain dâmbela aiyetkum hin dâep, “Wan denje?” dâmbo dâyat, “Yesu Nasarete kipian gâtjande hin agep aregât den pat. Yâkne âmâ Anutugât hoŋ bawa humo malep. Manmâ Anutugât dewunjân akto luâk âmbâle yengât dewunyenjân den âlepne magep akto âi kârikne ketugum malep. <sup>20</sup>Hain akmâ mando sumbe kat kat luâk humomolupyene akto humomolupnenjande moâk dâm makmâ hâreaŋmâ kiapgâlân katbiâ makto lâwinân kombiâ moep aregât den pat magaŋgi goaŋgi akmâ mandet. <sup>21</sup>Akto nengât gasalupnenje yengum watyekto ariwai hain nângâyion ina kombiâ mondo mandenje emelâk hilâm âlâwu bo aktâp. <sup>22</sup>Akto uŋak nengâlân gâtje âmbâle bikjande den siâ maknetkimbiâ nângâm han lâuwâ aktet. Amâ hândâktâk âmbâle arekne Yesu hâkne ekberâm sumângen arim <sup>23</sup>undâgâtbiâ bo akto purik katmâ togom hin dâi, “Anjelo lâuwâ siâje miawak nengim Yesu momoŋânba

agatâp.” dâm maknengiâi. Hain maknengimbiâ nângâenne dâtje aktâp. <sup>24</sup>Aregât nengâlân gâtjande den maktâi hainâk arim mem miawaktâi. Akto ikiye âmâ bo ektâi.” dâyat. <sup>25</sup>Hain dâm maganjbela hin dâep, “Han biwiyetje pâlâmje akto nângâ nângâyetje umatje. Emelâk Anutuje den dâmbo kulemgoyi are nângâm ewum hâumgombela ârândân bo aktâp. Haingât hin maktere nângâet. <sup>26</sup>Bundâk Anutuje hungun aŋdo giep are hâk hilâlâm kakjân manmâ mom agatmâ himbimân âgâwiap.” dâep. <sup>27</sup>Hain dâm ulik gulik Mose akto propete bikjande Anutuje hungun aŋdo gewiap aregât den kulemgoyi aregât keije makyetkim ikiye pat makmâ miawakmâ metiep.

<sup>28</sup>Hain akto arimbiâ Emausi kipia are tâlâguep. Tâlâgumbo hepun yelemâ ariwerâm agep. <sup>29</sup>Hain akto âmâ hin dâyat, “Emet dâgâwerâm aktâp aregât olowâk tatne.” dâmbela emelan olowâk âgâyi. <sup>30</sup>Âgâm sot nemberâm akmâ ge tatmâ sot ogoje siâ mem munditmâ Anutu mepainje mem sot yetkiep. <sup>31</sup>Yetkimbo ainâk biwiyetje pâron âgâambo ekmâ nângâyat. Ekmâ nângâmbela benje ainâk heambugep. <sup>32</sup>Heambukto makmâ maganji goanji akmâ hin dâyat, “Âo, dâwân togoetje Anutuje makto kulemgoyi aregât keije siâ siâ dâm maknetkimbo biwinetje agatâp.” dâyat. <sup>33</sup>Hain dâm dowâk agatmâ kipia are hepunmâ Yerusalem kipian ariyat. Arimbela hoj bawa bât biken konok are akto luâk âmbâle bikje olop mali arekje yelemâ hin dâm makyetkiyi, <sup>34</sup>“Humo are bunje agatmâ Simoj miawaganep.” dâmbiâ <sup>35</sup>Humoje dâwân penâyetkim sot ogoje siâ mem munditmâ yetkimbo âmâ ekmâ nângâyat aregât den pat are makyengiyat.

### Aposololupjande Yesu egi.

<sup>36</sup>Den hain makyengimbela tatbiâ Yesu ikiye hutyejân miawakmâ kilep. <sup>37</sup>Miawakmâ kindo ekmâ sân sân mem hamep akmâ hin dâyi, “Otnje siâ togoâp.” dâyi. <sup>38</sup>Hain dâmbiâ hin makyengiep, “Wangât biwiyenje agatmâ hogoâp? Nâ nunak togoân. <sup>39</sup>Keine bâte ire ekjet. Howai nekmâ nângâm hejgemgojet. Nâ otnje bo.” dâep. <sup>40</sup>Den hain makyengim bâte keije koyi are hekat yengimbo <sup>41</sup>benje biwiyenje heroje nângâm han lâuwâ agi. Hain akmâ, “Ire bo agakje” dâyi. Hain dâmbiâ aregât hin dâep, “Sot siâ tatâp me bo?” dâmbo <sup>42</sup>injan siâ oyi are waŋi. <sup>43</sup>Waŋbiâ nendo egi. <sup>44</sup>Nem metem hin makyengiep, “Emelâk ye olowâk manmâ âmâ den makyengiân Mose akto propete luâk bikje akto Dawidi yâkje nângât nângâm den kulemgoyi are hârogâk bunje akberâm aktâp.” dâm makyengiep. <sup>45</sup>Hain dâm makyengim Anutugât den ulikjân kulemgoyi aregât nângâjet dâm nângâ nângâyeje mem hulaŋdo den are nângâm hejgemgoyi. <sup>46</sup>Akto hin dâm makyengiep, “Propeteje nângât hin kulemgoyi, “Anutuje hungunaŋdo gewiap are hâk hilâlâm nângâm mondo hilâm âlâwu bo akto ain momoŋânba

agatbiap.” <sup>47</sup>Akto aregât den pat âlepŋe arekŋe sambelem hân hârok arimbo âmâ agak meme bâleŋe yâkgâlânâk panbiâ arim kindo bâleyeŋe makmâ miawakbiâ dosayeŋe hepun yeŋgiwiap. Akto maktere nânŋâŋet. Ulikŋân nânŋât den pat arekŋe Yerusalem kipia ainba <sup>48</sup>arim hânŋe hânŋe ariwiap. Akto âi mendere miawakto egi are makyeŋgiwi. <sup>49</sup>Akto Ewenande ikiŋe Heakŋe âlepŋe are yeŋgât huŋgun aŋbiap aregât pat kat yeŋgiep are huŋgun aŋdere gewiap. Aregât kipia ire bo hepunmâ yân lâmgom manbiâ indâgen miawakmâ gem memeŋe akyeŋgimbo wâtŋân kinbai.” dâep. <sup>50</sup>Hain dâm oloŋ yekmâ Betania kipia ewumâk arim âmâ bâteŋe panmâ mem kârikŋe ketugu yegep. <sup>51</sup>Mem kârikŋe ketugu yekmâ hepunyekmâ himbimân âgâep. <sup>52</sup>Âgâmbo biwiyeŋe herone humo akto nânŋâm purik katmâ Yerusalem kipian ariyi. <sup>53</sup>Purik katmâ arim sumbe emetŋân âgâm Anutugât kotŋe mem agali.

# Yohane ketuguep

---

## Yesu amâ Anutugât den.

**1** <sup>1</sup> Anutugât den âmâ hân himbim bo yiewân Anutu olop manmâ gaep. Akto Anutugât den âmâ Anutu dâp hainare manmâ gaep. <sup>2-3</sup> Akto Anutugât den arekne hân himbim kârikne mângiep. Akto siâ siâ miawagep are âmâ denje olowâk miawagep. Dâ den arekne wan me wan bo mângiep dâine hân himbim bo miawakbop. Akto luâk nen bo miawakbâen. <sup>4</sup> Akto yâk âmâ manman ambojaet akmâ kârikne manmâ gaep, aregât yâkne luâk âmbâle manman are kârikne yengimbo âmâ manmâ gambiân gam gam nen yu manden. <sup>5</sup> Akto den arekne pagalem hândâgân kinmâ hândâk kondo pagaleje miawagep. Dâ hândâkne arekne pagaleje mem bokberâmbo pagaleje arekne kârikne akto hândâkne bo agep.

## Luâkne Yesu gala bo agaŋi.

<sup>6</sup> Akto Anutuŋe huŋgun aŋdo gewiapgât pagalejaet keiŋe nâŋgânetgât luâk siâ kotŋe Yohane, tu puli keiŋe kalep, yâkne miawakmâ Anutugât den makyengiep. <sup>7</sup> Akto Anutu pagaleje amboje luâk hârokne nâŋgaŋmâ heŋgemgojetgât Yohane yâkne âi keiŋe katmâ makyengiep. <sup>8</sup> Yohane ikiŋe amâ Pagaleje Amboje bo. Yâkne âmâ Pagaleje Ambojaet pat magep.

<sup>9</sup> Pagaleje Amboje yâkne hânŋe hânŋe pagaleje yengiweraŋ hânân miawakmâ malep. <sup>10</sup> Akto yâkne hân mem miawagep. Dâ hânân miawakmâ mando luâk âmbâle hânân manmai arekne hanyenande bo nâŋgaŋi. <sup>11</sup> Akto yâkne ikiŋe kepiaŋân togombo kâmotlupŋande gala bo agaŋi. <sup>12</sup> Dâ luâk âmbâle bikne nâŋgaŋmâ han biwiyenŋe yâkgâlân kali amâ yâkne Anutugât nan baratlupŋe akjetgât memene akyengimbo hain manmâ gayi. <sup>13</sup> Akto ire amâ Anutugât kârikjaet nen âlepŋe agion. Dâ memelupnenŋande menenegiân ainâk amâ nen âmâ Anutugât nan baratlupŋe miawakbaengât kârikne bo miawaknengimap. Are gam gam kaulem âgâenŋe hainâk bo miawaknengimap. Akto uken nenjaet akmâ agak meme âlepŋe mem âi humo mendenŋe hainâk bo miawaknengimap.

Akto luâkgât kârikne bo. Bo dondâ. Amâ emelâk Anutuņe ikiņe hanņæet akmâ potat nenekto yâkgât nan baratluņe akmâ manden.

<sup>14</sup>Akto areâk bo. Den arekne gem luâk akmâ kinmâ hutnenņan miawagep. Miawakmâ mando ekmâ nâņgâm heņgemgoyion. Akto yâkne bâleņe agion aregât bo oyaņmâ luâk lumbe akmâ damun nenņe akmâ okot âlep aknengiep. Akto den bunņe kato nâņgâyion. Akto keiņe ekmâ hin nâņgâyion, “Kulem ire amâ Anutuņeâk mâņgimap aregât yâk amâ Anutugât nanņe konok.” hain nâņgâyion. <sup>15</sup>Akto Yohane hainâk yâkgât keiņe makmâ miawakmâ hin dâep, “Haminân togowiap arekne amâ nâ boâk miawagân ainbak manmâ gaep aregât ewanginekmap.” dâep. <sup>16</sup>Yohaneņe yâkgât dâep yâkne lumbe akmap aregât tân nengum damun nenņe akmap. Hain akmâ gam gam bo hepun nenekmap. <sup>17</sup>Akto ulikņân Moseņe den kârikne kulemgombo miawagep. Dâ Yesu Kristoņe âmâ kârikne nengim damun nenņe akmâ okot âlep aknengim tân nengumap. Akto Anutugât keiņe bunņe maknengimbo mem nâņgâm manden. <sup>18</sup>Akto Anutu amâ luâk hârokne bo egion. Anutu konok Eweņæet okotņân tatmapņe konok Eweņæet keiņe nâņgâm makmâ hekat nengiep.

#### Yohaneņe Yesugât keiņe makyenņiep.

<sup>19</sup>Akto ire amâ Yohane tu puli keiņe kalep yâkgât den pat. Yerusalem ambolupņande sumbe kat kat luâk akto sumbe emetgât hoņ bawa huņgun yenņimbiâ Yohane Yodaņ biken Betania kepiان kinmâ tuân katyegep ain arim hin aikoyi, “Niņande makgiņdo âi ire mendât?” dâm aikoyi. <sup>20</sup>Aikombiâ ikiņe keiņe bo heambukmâ makmâ miawakmâ hin makyenņiep, “Anutuņe huņgun aņdo giep are nâ bo.” dâep. <sup>21</sup>Hain dâmbo hin aikoyi, “Agonak. Gâ Elia me?” dâmbiâ hin makyenņiep, “Nâ Elia bo.” dâmbo hin magañi, “Hain aregât Anutuņe propete siâ huņgun aņdo gewiap aregât arekne amâ enem nenņan gutmâ maknengiwiap. Gâ yâk me aņgâ?” dâmbiâ, “Nâ yâk bo.” dâep. <sup>22</sup>Hain dâmbo hin dâyi, “Humomolupnenņande huņgun nengimbiâ togoen. Dâ keige bo maknengimenâ âmâ arim gain gain dâm makyenņiweren? Aregât gâ gugaet keige niņe are maknengi.” dâyi. <sup>23</sup>Hain dâm aikombiâ hin dâep, “Propete Yesaiņe ulikņân hin kulengoep, “Luâk siâ hân kamitņângen manmâ hin dâwiap, “Humonenņe togowiap aregât dâp megatņet dâwiap.” hain dâm kulengoep.” den are bunņe miawakto nâ yu miawaktân.” dâep. <sup>24</sup>Parisaioņe huņgunyenņiyigât hin aikoyi, <sup>25</sup>“Woe, gâmâ Kristo bo, akto Elia bo, akto propete siâ bo. Aregât wangât tuân kat yekmat?” dâyi. <sup>26</sup>Hain dâmbiâ hin dâep, “Nâņe amâ luâk tu yânņe puliyekman. Dâ haminân siâ titnan togom mandâp are amâ bo nâņgâi. <sup>27</sup>Are amâ haminângen togom mandâp yâk humo hainare nâ hin arekņande hoņ bawa agaņdere bo huraguwiap.” dâm makyenņimbo hepunmâ ariyi. <sup>28</sup>Imâ Yodaņ tu biken Betania kepiان kinmâ tu puli yekmâ kilep ain togom aikoyi.



<sup>29</sup>Akto emet hauŋdo Yesuŋe Yohanegâlân togombo Yohaneŋe akjângen ekmâ hin makyenŋiep, “Ekŋet. Indâre hân luâk âmbâle nengât dosanenŋe bo agâkgât Anutugât lama togoâp. <sup>30</sup>Akto nâ emelâk hin makyenŋiân, haminân togowiap amâ nâ boâk miawaktere ulikŋân manmâ gaep. Aregât nâ ewangi nekmap ulikŋân hain makyenŋiân. <sup>31</sup>Akto Israe luâk âmbâle arekŋe yâkgât keiŋe nânŋânŋetgât tuân katyekman. Nunak yâk bo ekmâ nânŋâm gare Anutuŋe nâ tuân kat yekbiangât huŋgun niŋep arekŋe hin makniŋep, <sup>32-33</sup>“Gâ luâk âmbâle tuân katyekmenâ are yenŋât hutyenân gâtŋe siâ Heaknande gem kautŋân tatmâ membriap yâkŋe amâ luâk âmbâle bikŋe nânŋât Heakne yenŋiwiap.” dâm makniŋep. Hain dâm makniŋdo lauŋe lokom luâk âmbâle tuân katyektere luâk iregât kautŋân Anutugât Heakŋande himbimânba gem kembâ hainare akmâ tâliep. Tâlombo ya miawagep. <sup>34</sup>Nâ are egângât keiŋe hin makmâ gan. Yâk Anutugât nanŋe dâm makman.” dâep. Yohaneŋe Yesu togombo ekmâ hain dâep.

#### **Luâk bikŋande Yesu ekmâ watbiâ olop mali.**

<sup>35</sup>Akto emet hauŋdo Yohane hoŋ bawalogâtŋe olop kili. <sup>36</sup>Kinbiâ ainâk Yesuŋe togombo ekmâ Yohaneŋe hin makyetkiep, “Eget, Anutugât lama togoâp.” dâep. <sup>37</sup>Hain dâambo den are nânŋâm amâ Yesu waliat. Watbela yâk olop ariyi. <sup>38</sup>Yesuŋe purik katmâ yelekmâ hin makyetkiep, “Yet wangât watnektat?” dâambo hin maganŋiat, “Tiksa, yâgâten ariwerât?” dâambela <sup>39</sup>hin dâm makyetkiep, “Gambela olowâk arine.” dâambo âgâmbela ariyi. Arim emet dewunŋe ge kulukberâm akto yâk olop tali. <sup>40</sup>Akto gala bikŋe Yohanegât den nânŋâm tali amâ Anderea Simonŋât emiŋe. <sup>41</sup>Yâkŋe dowâk arim teuŋe Simoŋ mem miawakmâ hin maganŋep, “Netŋe Mesaia ektet.” dâep. Akto Mesaia kot aregât purikŋe amâ Anutuŋe huŋgunanŋo giep. <sup>42</sup>Hain dâm Yesugâlân kewugum arimbo Yesuŋe Simoŋ ekmâ hin maganŋep, “Gâ Yohane siâ yâkgât nanŋe hinŋe kotge siâ Petoro gogondân.” dâep. Kot aregât purikŋe amâ kât.

<sup>43</sup>Akto agatmânŋan Yesuŋe Galilaia hânân ariwerâm kinmâ Pilipo miawaganŋmâ kinmâ hin maganŋep, “Gâ gutmenâ nâ olop mande.” dâep. <sup>44</sup>Pilipo akto Anderea akto teuŋe Petoro akto yâk hârok kepia yeŋe konok kotŋe Besaida ain manmini. <sup>45</sup>Akto Pilipoŋe hepun yekmâ Natanae miawaganŋmâ hin maganŋep, “Moseŋe den kârikŋe kulemgop akto Propete gai kulemgoyi. Luâk are emelâk miawakto ekten. Yâk amâ Yosepegât nanŋe dâmaen Nasarete kepian gâtŋe.” dâep. <sup>46</sup>Hain dâambo hin dâep, “Nasarete kepian kembu humo âlepŋe siâ miawakbiap me?” dâep. Hain dâambo Pilipoŋe hin maganŋep, “Maktât are bâin togom ek.” dâep. <sup>47</sup>Hain dâambo Natanaeŋe Yesugâlân togombo Yesuŋe yâkgât hin makyenŋiep, “Imâ Israe luâk bunŋe biwiŋân den hianŋi siâ bo tatâp.” dâep. <sup>48</sup>Hain dâm makto Natanaeŋe aikom hin dâep, “Gâ wânângen

mandere nektât-gât maktât?” dâmbô Yesu je hin magañep, “Pilipone bo gogondoân lâwin keijân tatmenâ gektân.” <sup>49</sup>dâmbô Natanaeje hin magañep, “Apo, gâ bundâk Anutugât nanje Israe nengât luâk Humo.” dâep. <sup>50</sup>Hain dâmbô Yesu je hin magañep, “Lâwin keijân tatât-gât makmâ miawak giñdân are amâ ekmâ nângât imâ keijeâk. Dâ bunjaet keije hâmbâi ekmâ nângâm manbiat. <sup>51</sup>Nâ den bunje makyengire nângâjet. Yeje himbim pâronj âgâmbô Anutugât ajejolupjande nâ luâk akmâ mandân nângât kautnân âgâm gembia yekbai.” dâep.

### Yesu je makto tuje waij agep.

**2** <sup>1</sup>Akto âi meme lâuwâ bo akto Kana ke pian Galilaia hânân luâk siâ âmbenjaî bät yetje mem menduguwerâm aregât sot om memberâm agi. <sup>2</sup>Akto sot ambojande makto Yesu memeje akto ikiye hoj bawalupje olojyekto ariyi. <sup>3</sup>Akto mendugum waij nemiâ bo akto Yesu memejande magañmâ hin dâep. <sup>4</sup>“Waij bo aknengiâp.” dâmbô hin magañep, “Mej, nâmâ âi keije katmâ membiangât sop irawot miawakbiap. Aregât wangât hain maktât?” dâmbô <sup>5</sup>memejande emet ambojaet hoj bawa are hin makyengiep, “Nannande wan me wangât makyengimbo amâ hain akjet.” dâep. Akto emet ain umbâ bät biken konok tali. <sup>6</sup>Yuda luâk âmbâle bät yetje me hâkyeje hokboâk pulim maligât emet ain umbâ 6 hainâk tatyengiep. Umbâ amâ bâlensiâ bo. Humomo tatyengiep. <sup>7</sup>Akto Yesu je emet aregât hoj luâk hin makyengiep, “Ye tu hâgâm kâimbiâ umbâ pigâk.” dâm makyengimbo hâgâm kâimbiâ pigep. <sup>8</sup>Hain akbiâ hin makyengiep, “Ye tu bikje hâgâm sot damunje yâkgâlae mem arim wañjet.” dâep. Hain dâmbô hâgâm mem ariyi. <sup>9</sup>Akto sot ambojande nem ekmâ pâpkoep. Dâ hoj luâk hâgâm kâimbiâ giep arekje amâ waijgât keije nângâyi. Akto sot amboje arekje âmâ luâkje âmbâle memberâm agep are olojmâ hin magañep, <sup>10</sup>“Nen hin akmaen. Ulik gulik waij ukenje yengienje nem tepyeje pikto hamiñân waij pâlâmje yengimaen. Dâp nenje hain yendâp. Dâ gâje âmâ mem purikmâ ukenje are heambukmenâ tato tu yânje bo akto waij âlepje dondâ mem miawaktât.” dâep. <sup>11</sup>Imâ Yesu Kana ke pian Galilaia hânân kulem memeje are keije katmâ ikiyejet kulem mem miawagep. Akto hoj bawalupjande are ekmâ Yesu nângaji.

<sup>12</sup>Akto Yesu Kana ke pianba Kapanaum ke pian ariep. Ain emilupje akto hojlupje olop ariyi. Akto ain hilâm amon siâ mali.

### Yesu je sumbe emetje samut dâep.

<sup>13</sup>Akto sop ain Yuda luâk âmbâle hârok hombañ kotje Pasowa are tâlâgumbo âmâ Yesu Yerusalem ke pian âgâm ariep. <sup>14</sup>Akto sumbe kat kat emetje ain sumbegât lama bulimakao akto lâut mem kinmâ aŋgimini. Akto puli mem aŋgi goaŋgi akmâ tali. <sup>15</sup>Hain akmâ kinbiâ

Yesuŋe tāk kârikŋe siâ mem bigeim arekŋe luâk me lama me bulimakao are hârok orem watyekto ariyi. Akto puli kat katgât are mem agatmâ pando kâwulagep. <sup>16</sup>Akto lâut kembâ mem kili are hin makyenŋiep, “Ye Ewenaet emelan kotŋe hârok siâ siâ akbiâ anŋim nene emetŋe aktâp. Ye hain bo akbei.” <sup>17</sup>Yesuŋe hain akto âmâ Anutugât denŋande magepgât hin nânŋgâyi, “O Anutu luâk âmâle bikŋande gânŋgât emelan akbiâ bâlimbo kambiamne kâlâp dondâ aktâp. Akto hilâlâm niŋmap.” <sup>18</sup>Akto Yuda humomolupyenŋande Yesuŋe den magep are nânŋgâm aikom dâyi, “Gâ wan me wan ire memat aregât kulem memeŋe wan memenâ keige ekne?” dâmbiâ <sup>19</sup>hin dâep, “Yeŋe sumbe kat kat emetŋe ire patakombiâ nânŋe âlepŋe hilâm âlâwu kâlegen ketuguwom.” dâep. <sup>20</sup>Hain dâm makyenŋimbo hin dâyi, “Bâe, humomolupnenŋande sumbe emetŋe ire hombaŋ 46 kâlegen mem meteyi. Dâ gâŋe amâ hilâm âlâwu kâlegen metewâtŋât maktât amâ nânŋgâenŋe bâliâp.” dâyi. <sup>21</sup>Yesuŋe amâ ikiŋe hâkŋaet magep. <sup>22</sup>Manmâ siân kombiâ mom golâ akmâ agatbiap aregât magep. Aregât sop ain hoŋ bawalupŋande den magep aregât nânŋgâyi. Akto areâk bo. Anutuŋe makto kulemgoyi a hainâkgât hârok nânŋgâmbiâ bunŋe agep.

<sup>23</sup>Akto Yesu hombaŋ kotŋe Pasowa tatalân Yerusalem kepiân manmâ kulem keiŋe keiŋe memeŋe siâ mendo luâk âmâle undupŋe ekmâ kotŋe makmâ nânŋgâyi. <sup>24</sup>Dâ Yesu ikiŋak âmâ luâk biwiyenŋe ekmâ nânŋgâm metiepgât yâk yengât den bo nânŋgâep. <sup>25</sup>Akto luâk hain biwiyenŋe yekmâ nânŋgânlep aregât akmâ âmâ luâk siâgât keiŋe nânŋgâwerâm gât bo makmâ aiyenŋuep.

### Nikodemo yâkgât den.

**3** <sup>1</sup>Akto Parisaio yâk yengâlân gâtŋe siâ malep kotŋe Nikodemo yâk Yuda yengât luâk kembuyenŋe yengât humo malep. <sup>2</sup>Luâk arekŋe Yesugâlân hândâgân togom hin magaŋep, “Apo, nen gânŋgât keige nânŋgâen. Gâŋe âi memat are luâk siânŋe Anutuŋe bo tângombo âmâ âi hainare bo memap. Aregât gâ Anutuŋe kârikŋe giŋdo âi memâk kindât nânŋgâen.” dâep. <sup>3</sup>Hain dâambo hin magaŋep, “Nâ hin makgiŋdere nânŋgâ. Nanaŋ gurukŋe akmai dop hainâk lâuwâŋe bo miawakbai âmâ Anutuŋe bo damunyenŋe akbiap.” dâep. <sup>4</sup>Hain dâambo hin dâep, “Yae, nen emelâk kaulem meteyion aregât gain gain nanaŋ hinare akmâ lâuwâŋe miawakbaen? Gain gain akmâ memelupnenŋaet tepyenân lâuwâŋe yendenŋe menenekbai?” dâep. <sup>5</sup>Hain dâambo hin dâm magaŋep, “Hin makgiŋdere nânŋgâ. Memelupyenŋande meyekbiâ manmanyenŋe miawagep. Dâ Anutugât Heakŋande meyekto âmâ irakŋe akmâ nanŋe baratŋe irakŋe miawakbiâ Anutuŋe damunyenŋe akbiap. Dâ benŋe siânŋe hain bo nânŋgâwiap âmâ bo miawagaŋbiap. <sup>6</sup>Aregât hin makbe. Memelupyenŋande luâk hâgâk meyekmai. Dâ Anutugât Heakŋande memeŋe akyenŋimbo

âmâ Anutugât pat akbai. <sup>7</sup>Luâk âmbâle irakŋe miawakŋetgât makŋindere nânŋâmenâ bo hâumgoâk. <sup>8</sup>Akto seru amâ hanâk hanâk waitmap. Akto gâ munŋeâk amâ nânŋâmat. Dâ keiŋe wanânba miawakmâ togomap me wanân ari bo akmap amâ bo nânŋâmat. Dop hainâk Anutugât Heakŋande han kalem akmâ luâk âmbâle bikŋe potat yekmâ kaut yeŋân mendo Anutugât pat akbai. Aregât keiŋe hainâk bo nânŋâmat.” dâep. <sup>9</sup>Hain dâambo hin maganŋep, “Woe, hain maktât are amâ gain gain hain akbiap?” dâep. <sup>10</sup>Hain dâm aikombo hin dâm maganŋep, “Gâŋe amâ Israe luâk âmbâle Anutugât keiŋe makyenŋimat. Akto maktân aregât keiŋe bo nânŋât aregât amâ gain gain den makyenŋiwiat? <sup>11</sup>Aregât hin makŋindere nânŋâ. Nenŋe wan me wan nânŋâm ekmaen areâk makmâ makŋinden gârâmâ dengât hâkân akbai. <sup>12</sup>Akto nâ hânŋât wan me wan owâiŋe aregât makŋindere are hanâk bo nânŋâm heŋgemgoât. Aregât wan me wan umatŋe himbimânba miawakmap aregât makŋindere amâ nânŋâmenâ umatŋe humo akto gain gain nânŋâm heŋgemgowerât? <sup>13</sup>Anutuŋe huŋgun niŋdo himbimânba hânân gem luâk akmâ manmâ gan nune konok himbimân âgân. <sup>14</sup>Akto Mosenŋe ulikŋân hân yânŋangen niambi sâmbâ otneŋe lâwinân hikom mem agalep. Dop hainâk amâ luâk akmâ mandân nâ lâwinân hikonekmâ mem agat nekbai. <sup>15</sup>Aregât niŋemaŋe nâ nânŋâ niŋmâ biwiyeŋe nânŋâlân katbiâ manman kârikŋân manmâ âgâwai.” dâep. <sup>16</sup>Anutuŋe luâk âmbâle hânân manmai okot dondâ nânŋâ yeŋgimap. Aregât nanŋe konok are bo gangerâm hanâk luâk âmbâle bikŋe are nânŋanŋbai arekŋe siâ bo hilip agum amâ manman kârikŋe penianŋmâ manbai aregât huŋgun aŋdo hânân ge manmâ dumyeŋân kilep. <sup>17</sup>Anutuŋe nanŋe huŋgun aŋep amâ luâk âmbâle den âiân bo kat yekbiapgât huŋgun aŋep. Amâ luâk âmbâle dosayeŋe bo akto heŋgem yeŋguâkgât huŋgunanŋdo giep. <sup>18</sup>Akto yeŋe yâkgât nânŋanŋmâ hanyenŋande hikom biwiyeŋe yâkgâlân katbiâ amâ sop bâiŋân den âiân bo katyekmâ den sami bo makyenŋiwiap. Dâ bikŋande Anutugât nanŋe konok aregât kotŋe nânŋâm biwiyeŋân bo katmai aregât emelâk den âiân manmâ gambiâ dosayeŋaet hâuŋe miawakbiap aregât pat aktâp. <sup>19</sup>Akto hâuŋaet keiŋe hin yendâp. Yesuŋe Anutugât pagaleŋe yâkŋe hânân miawakto luâk âmbâle bikŋe, “Agak memenenŋe ekbâi.” dâm hândâk kâlegen nânŋâmbiâ humo agep aregât heambukmâ pagaleŋaet hâkân akmai. <sup>20</sup>Aregât bâleŋe memaŋe pagaleŋe hamianŋmap. Akto bikŋande agak memenenŋe ekbâi dâm pagaleŋân bo kinmai. <sup>21</sup>Dâ den bunŋe lokomaŋe amâ Anutuŋe ikiŋe âi keiŋe hutyeŋân ketugumap are luâk âmbâle ekŋet dâm pagaleŋân manmap.

### Yohaneŋe Yesugât keiŋe makmâ miawagep.

<sup>22</sup>Yesu akto hoŋ bawalupŋe Yerusalem kepia hepunmâ Yudaia hânân arim mali. Ain manbiâ Yesuŋe makto luâk âmbâle bikŋe tuân mem

katyegi. <sup>23-24</sup> Akto sop ain amâ Heroteŕe bo makto amâ Yohane kala busi kâlegen boâk katbiâ malep. Aregât Yohaneŕe hân kotŕe Ainon ain ariep. Ainon amâ Salim ginŕân. Akto tu dondâ ain yiepgât ain arim luâk âmbâle yâkgâlân arimbiâ tu puliyegep.

<sup>25</sup> Akto Yohane tu puli luâk hoŕ bawalupŕande Yuda luâk siâ Anutugât dewunŕân dosayeŕe bo miawakbiapgât aikoyi. Aikombiâ maganŕi goanŕi agi. <sup>26</sup> Hain akmâ aregât Yohane gâlân togom Yesugât magi, “Apo, gâ Yodaŕ tu biken manmenâ luâk siâ gâŕgâlân togombo keiŕe makmâ miawak nengien yâkŕe hinŕe luâk âmbâle dondâ tu puliyektâp.” dâyi. <sup>27</sup> Hain dâmbiâ hin dâm makyenŕiep, “Anutuŕe bo hekat nengimbo dâine amâ gain gain akmâ nânŕgâwâen? Bo. <sup>28</sup> Akto nâ Anutuŕe huŕgun aŕdo gewiap dâmai are bo. Dâ yâkgât enemŕân amâ emelâk togoân dâre emelâk nânŕgâyi. <sup>29</sup> Aregât den ginŕe hin makyenŕire nânŕgâŕet. Âmbâle yâkgât dâtâŕe arekŕe âmbâle mendo galaŕande galagât den are nânŕgâm heronŕe humo nânŕgâmap. Dop hainâk Anutuŕe nanŕe huŕgun aŕdo giep yâkgât pat nânŕgâm heronŕe humo nânŕgân. <sup>30</sup> Yâkŕe miawakmâ humo akmâ âgâwiap. Dâ nânŕe amâ yâkgât amukŕân manbian.

<sup>31</sup> Luâk âmbâle hânân manmai arekŕe hânŕgât pat areâk makmai. Dâ yâk amâ himbimŕgât patŕe aregât hârok ewanŕi nenekmap. <sup>32</sup> Yâkŕe siâ siâ ekmâ nânŕgâep aregât den patŕe makmap. Dâ luâk âmbâle hârokŕe yâkgât denŕe bo nânŕgâmai. <sup>33</sup> Luâk siâ Anutugât nanŕaet den nânŕgâmbo dâtŕe akto hin dâmap, “Anutu bunŕe ambonŕe.” dâmap. <sup>34</sup> Aregât keiŕe hin. Anutuŕe nanŕe huŕgun aŕdo giep arekŕe amâ Anutugât denâk makmap are Anutuŕe ikiŕe Heakŕe bo gangerâm amâ hârok waŕŕmap. Dâ getek bo. <sup>35</sup> Akto areâk bo. Anutuŕe ikiŕe nanŕe ekmâ hennemgom okot âlep aŕanŕmâ wan me wan hârok waŕŕep. <sup>36</sup> Aregât Anutugât nânŕgâ aŕbiâ âgâwiap. Dâ luâk âmbâle bikŕe Yesugât den bo nânŕgâm manmaiŕe manman kârikŕe âlepŕe bo membai. Akto Anutugât kambiam bâle arekŕe yâk yennŕgâlân emelâk miawaktâp. Akto miawakmâ âgâwiap.”

#### Yesuŕe Samaria âmbâle olop den agiat.

**4** <sup>1</sup> Akto sop ain parisaio luâk amâ hin nânŕgâyi, “Yesuŕe luâk âmbâle dondâ mem tuân katyegep. Hainŕgât Yesugât kâmotŕande amâ Yohane tu puli luâk yâkgât kâmot ewanŕiyegep.” nânŕgâyi. <sup>2</sup> Den are yân magi. Yesu ikiŕak amâ tu bo puliyegep, hoŕ bawalupŕe yâk yennŕgât makto yâkŕe puliyege. Yesuŕe Parisaionŕe magi are nânŕgâm amâ <sup>3</sup> hân kotŕe Yudaia hepunmâ Galilaia hân ain ariwerâm agep. <sup>4</sup> Ain ariwerâm akmâ benŕe Samaria hânân hâtikowerâm kârikŕe akmâ ariep. <sup>5</sup> Arim arim hilâm siân kepia siâ kotŕe Sika ain togoep. Akto ulikŕân dondâ Yuda yennŕgât hakuyenŕe Yakobo arekŕe nanŕe Yosepe hân are waŕŕep. <sup>6</sup> Akto ain amâ Yakoboŕe tu lâmŕe kendâep ain togombiâ Yesu hilâm tânâmŕân hâkŕe kâlâp akto dâp togoyigât ongâ aŕdo tu lâmŕe aregât ginŕân talep. <sup>7-8</sup> Ain tato luâklupŕe hepunmâ sot puligowerâm kepiangen âgâyi.

Âgâmbiâ Samaria gâtje âmbâle siâ tu hâgâwerâm togoep. Togombo Yesuŋe hin maganeŋep, “Tu siâ hâgâm niŋmenâ nembe.” dâep. <sup>9</sup>Akto Yuda luâk âmbâle arekŋe Samaria gâtje hâkân yekmâ hami yeŋgimai aregât âmbâle arekŋe hin dâep, “Yae, gâ Yuda luâk arekŋe wangât nâ Samaria âmbâle tugât makniŋdât?” dâep. <sup>10</sup>Hain dâmbo hin maganeŋep, “Nâmâ tugât makŋiŋdân. Nâŋgât keine bo nâŋgât. Nâmâ Anutu wan me wan yeŋgiwiapgât keiŋe amâ nâ aregât bo nâŋgâniŋdât. Nâŋgâniŋdât dâine ulit niŋmenâ manmangât tu bunŋe giŋbom.” dâep. <sup>11</sup>Hain dâmbo âmbâle arekŋe hin maganeŋep, “Apo, tu lâmŋe ire amâ kâlep akto gâ tu hâgâ hâgâge bo mendât aregât tu bunŋe wanânba hâgâwerât? <sup>12</sup>Akto bâŋinenŋe Yakobo yâkŋe lâm ire kendâm ikiŋe akto nanluŋŋe akto lama bulimakao akto soŋgo bauluŋŋe ireâk nem manmini. Akto hakuluŋŋenŋe tu iren hâgâm nem gambiâ gambiâ lâm ire hainâk kindo hâgâmaen. Aregât gâŋe Jakobogât dâp gain gain ewangiŋwât?” dâep. <sup>13</sup>Hain dâmbo Yesuŋe hin dâep, “Tu iren nembai âmâ tugât lâuwâŋe nâŋgâwai aregât hokboâk hokboâk nem nem manbai. <sup>14</sup>Dâ tu yeŋgire are nembîâ âmâ biwiyeŋân tu dewunŋe hainare miawakmâ manman kârikŋe aregât dâp miawakbiap. Aregât tugât lâuwâŋe bo nâŋgâwai.” dâep. <sup>15</sup>Hain dâmbo hin dâep, “Apo, hokboâk hokboâk togo hâgâm kinbomgât gâŋe tu are niŋmenâ tugât lâuwâŋe bo nâŋgâwian.” dâep. <sup>16</sup>Hain dâmbo Yesuŋe hin maganeŋep, “Bâin, arim luâkge oloŋmenâ togoet.” dâmbo <sup>17</sup>âmbâle are hin dâep, “Nâ luâkne bo.” dâmbo maganeŋep, “Gâ luâkne bo maktât amâ bundâk maktât. <sup>18</sup>Gâ luâk momerâk mem hepun yekmâ gaen. Dâ hinŋe mem mandât amâ gâŋgât luâkge bo aregât gâ den bunŋe maktât.” dâep. <sup>19</sup>Hain dâmbo hin maganeŋep, “Yae, apo, gâmâ propete are yeŋgâlân gâtje nâŋgân. <sup>20</sup>Humomolupnenŋande borâŋe iren Anutugât kotje mem agali. Dâ Yuda luâk yeŋe amâ Yerusalem keŋian Anutugât kotje mem agatne dâmai.” dâm maganeŋep. <sup>21</sup>Hain dâmbo hin maganeŋep, “Barat, nâ makŋiŋdere nâŋgâ. Sop siâ tâlâguâp are miawakto yeŋe Apogât kotje mem agatbai amâ borâŋe iren bo. Akto Yerusalem keŋian hainâk bo akbai. <sup>22</sup>Dâ hinŋe ye Samaria gâtje âmâ Anutugât kotje pâpkomai. Gârâmâ Yuda nengâlânba heŋgemgo heŋgemgogât dâp miawakbiap dâmaen aregât nen âmâ Anutugât kotje mem agatbaengât dâp nâŋgâm heŋgemgomaen. <sup>23</sup>Hinŋe Apoŋe kotje mem agatŋetgât dâm egâlîaŋ yekmap yâkŋe han biwiyeŋân den bunŋaet makmâ kotne mem agatŋet dâwiapgât sop emelâk miawaktâp. <sup>24</sup>Anutu amâ luâk hinare bo. Yâk amâ Heakŋe hainâk miawakmap. Aregât Heakŋe huŋgunanŋdo owâiŋe ketuguyekto Anutugât den nâŋgâmbiâ humo akto âlepŋe kotje mem agatbai.” dâep. <sup>25</sup>Hain dâmbo hin maganeŋep, “Hain gârâmâ Anutuŋe huŋgunanŋdo gewiap Kristo arekŋe miawakmâ wan me wan akmaen are âlepŋe makmâ miawak nengiwiap.” dâep. <sup>26</sup>Hain dâmbo Yesuŋe hin dâep, “Hain dâm maktât amâ nâ iregâten, yu makŋiŋdân.” dâep.

<sup>27</sup>Akto luâklupnje sot hâukom togom Yesuje âmbâle den maganep aregât ekbiâ hâumgoep. Aregât Yesu, “Gâ wan aktât.” hain dâm bo aikom maganji. Akto, “Wangât den maganđât?” hain dâm maganberâm nânġambiâ umatje akto bo aikom maganji. <sup>28</sup>Akto âmbâle are tu asap are hepunmâ kepiangen pârîgim ariep. Arim kepia ambolupnje yeġondo togombiâ hin dâm makyenġiep, <sup>29</sup>“Yae, luâk siâ nâne ulikġân wan me wan akmâ manmâ gan aregât keiġe hârok nânġâm makniġdâp. Yâk amâ Anutuje huġgun aġdo gewiap dâmai are me aġġâ aregât pârîgim ari hekat yeġgire ekġet.” dâep. <sup>30</sup>Hain dâm makyenġimbo ekberâm togoyi.

<sup>31</sup>Dâwân togom manbiâ ain luâklupġande Yesu hin maganji, “Apo, sot ne.” dâmbiâ <sup>32</sup>hin dâep, “Nâ bo nemberân. Sot siâġaet yeniġdâp are yeġe bo nânġâmai.” dâep. <sup>33</sup>Hain dâmbo aregât yâkġe maganġi goanġi akmâ hin dâyi, “Siânbaġe sot mem togo waġdâi me?” hain nânġâyi. <sup>34</sup>Hain dâmbiâ, Yesuje hin dâep, “Apo huġgun niġep yâkġât lauġe lokom âiġe mem metewian aregât ukenġe nânġân. Lauġe lokom âi emelâk mendân aregât tepne pâlâmġe aktâp. <sup>35</sup>Akto dewutâ imbât akto sot bunġe miawaktâp are dâmai. Ye âmâ miwindik akmâ dewunyeġe panmâ âiyeġe ekġet. Manman kârîkġân ariwaġât âiyeġe emelâk bunġe aktâp. <sup>36</sup>Luâk sot bunġe akto orem mem mendugum katmapġe âmâ âiġât hâu memap. Akto bunġande âmâ manman kârîkġaet pat akbiap. Hain akmâ âmâ luâk siâġe alekġe kâmelep are olop heroġe maroġe akbiandatġât. <sup>37</sup>Aregât keiġe den ire bunġe miawakmâ kârîgemap, “Siâġe alekġe kâmetmap. Dâ siâġe sot bunġe memap.” <sup>38</sup>Akto nâne ye alekġe bo kâmeligât sot bunġe orem mem mendugum katġet dâm huġgunyeġiân. Aregât âi amâ yeġe luâk bikġande âi mem maligât bunġe miawakto membai.” dâep.

<sup>39</sup>Akto Samaria âmbâle arekġe kepia aregât ambolupġe hin makyenġiep, “Wan me wan meân amâ hârok makmâ metem makniġdâp.” dâep. Amâ luâk âmbâle dondâġe den are magepġât Yesu nânġanji. <sup>40</sup>Bâin, togom âmâ Yesu hin wârakmâ maganji, “Gâ nen olop man.” dâm maganji. Maganġbiâ Yesuje den nânġâ yeġim yâk yeġġalai âi meme hilâm lâuwâ malep. <sup>41</sup>Akto Yesuje ikiġe keiġe makyenġimbo dondâġe nânġâm biwiyeġe Yesuġâlân katmâ nânġanji. <sup>42</sup>Aregât âmbâle are hin maganji, “Ulik gulik ġânġât dengât akmâ Yesu nânġâ aġion. Dâ hinġe amâ nenġeak lauġânba den nânġâm hin nânġâen. Luâk imâ bundâk hân hârok nen heġgemgo nenekbiapġât kârîkġe talaġdâp.” dâm maganji.

### **Yesuje nanan siâ kundatdâ mem âlepġe ketuguep.**

<sup>43</sup>Akto Yesuje âi meme hilâm lâuwâ bo akto Samaria hân hepunmâ Galilaia hân ariep. <sup>44</sup>Akto Yesuje ikiġaet ulik gulik hin magep, “Propete siâ ikiġaet kepiânân mando kepia ambolupġande denġe bo nânġâ aġbai.” hain dâep. Aregât ain ariep. <sup>45</sup>Akto Galilaia luâkġe hombaġ tatalân Yerusalem kepiân manbiâ Yesuje kulem siâ siâ miep are egigât Yesuje togombo gala aġanji.



<sup>46</sup>Akto Kana Galilaia hânân emelâk tu makto waiņ agep ain lâuwâņe ariep. Ain arim Kapanaum ain kiap siâ talep aregât nanņe kundat humo dondâ agep. <sup>47</sup>Aregât Yesuņe Yudaia hân hepunmâ Galilaia hân togoep dâmbiâ nânġâm kiap are Kapanaum kepia hepunmâ gem togoep. Togom Yesu hin magañep, “Nanne momberâm aktâp aregât nâ olop arim heņgemgowen.” dâm wâragep. <sup>48</sup>Akto Yesuņe hin magañep, “Woe, yeņe kulem me wan me wan ekbiâ dâtņe akmap aregât ukenņe nânġâmai. Dâ ekmâ âmâ biwiyenņe nânġâlân bo katmai.” dâep. <sup>49</sup>Hain dâmbo hin dâep, “Apo, nanne mombopgât dowâk arim heņgemgowen.” dâep. <sup>50</sup>Hain dâmbo hin magañep, “Bâin, ari. Nange âlepņe aktâp.” dâmbo Yesugât den are biwiņân katmâ yânâk pârigim ariep. <sup>51</sup>Dâwân arimbo hoņ bawalupņande togom peniaņmâ hin dâm magañi, “Nange âlepņe agep.” dâyi. <sup>52</sup>Hain dâmbiâ hin aiyenņuep, “Amuten âlepņe agep?” dâmbo, “Uran hilâm tânâmņe akto kundatņe hepulep.” dâyi. <sup>53</sup>Hain dâmbiâ kiap arekņe hin nânġâep, “Woe, Yesuņe sop magep ainâk nanne âlepņe agep.” are nânġâep. Aregât biwiņe Yesugâlân kalep. Akto ikiņe kâmotlupņe ainâk biwiyenņe Yesugâlân kali. <sup>54</sup>Akto Yesu emelâk Yuda hânânba Galilaia hânân togom tatmâ kulem keiņe mendo lâuwâņe are agep.

#### Yesuņe luâk siâ mem âlepņe ketuguep.

**5** <sup>1</sup>Aregât hamiņân Yuda yeņġât hombaņ humo miawakto Yesu Yerusalem kepiân âġâep. Sop ain amâ âi meme sopņe bo. <sup>2</sup>Akto Yerusalem kepia aregât hânġi siâ kotņe amâ Lama hânġi aregât ġiņân amâ tu bâtġum siâ talep kotņe Betesida. Akto bâtġum aregât dâtņe amâ momerâk talep. <sup>3</sup>Akto dâp ain amâ luâk kundatdâ akto dewunyenņe bok bokņe akto keiyeņe bâleņe hainare dondâ yem tali. <sup>4</sup>Akto Humogât aņelo siâņe tu bâtġumņân aren sopanmâ lawagumbo munņe akminep. Akto tu munņe nânġâm kundatdâ siâņe soņ geminep arekņe soņ âlepņe akminep aregât kundatdâ dondâ are tu duwuņ agâk dâm lâmgom kinmini. <sup>5</sup>Akto kundatdâ are yeņġât hutyeņân gâtņe siâ amâ tato hombaņ 38 bo agep. <sup>6</sup>Yâk âmâ tu bâtġum aregât ġiņġân tatmâ tu duwuņ agâk dâm lângoep. Akto Yesuņe luâk sop kâlep yeminep are ekmâ hin dâm aikoe, “Gâ âlepņe akberâtġât nânġât me?” dâep. <sup>7</sup>Hain dâmbo hin dâep, “Apo, âlepņe akberâm nânġân amâ siâņe bo tân nugumbo tu duwuņ akto bâtġumân kat nekto âlepņe akbom. Aregât nunak gewerâre âmâ siâņe soņ ulikġân akmâ gemap arekņe soņ âlepņe akmap.” dâep. <sup>8</sup>Hain dâmbo hin magañep, “Gâ agatmâ âkâ tem tâkġe lokoakmâ ari.” dâep. <sup>9</sup>Hain dâmbo ainâk hâkņe âlepņe akto agatmâ tem tâkņe are lokoakmâ ariep. Akto Yesu amâ luâk âmbâle dondâ kili are yeņġât hut yeņân ainâk tik palep.

Akto sop ain amâ âi meme sopņe bo. <sup>10</sup>Aregât Yuda humomolupyeņande luâk âlepņe agep are ekmâ hin dâyi, “Uņak amâ âi

meme sopņe boân tem tâkge lokom âmâ den kârikņe tatmap are wangât ewangiât? Âi memenâ gektenņe bo ârândâņ aktâp.” dâyi. <sup>11</sup>Hain dâmbiâ hin makyenņiep, “Nâ sop kâlep kundat akmâ yem gan. Ina uņak âmâ luâk siâņe makto yu âlepņe aktân. Akto metip nuguâp arekņe hin dâm makniņdâp, “Tem tâkge lokoakmâ ari.” dâm makniņdâp. Aregât âlepņe aktân.” dâep. <sup>12</sup>Hain dâmbo hin dâyi, “Wei, luâk are kotņe konmenâ nânġâne.” dâyi. <sup>13</sup>Hain dâmbiâ luâk âlepņe agep arekņe Yesu luâk âmbâle dondâ kili are yeņġât hutyeņân dowâk tik palep areġât Yesuġât kotņe bo nânġaepġât. Akto kotņe bo konmâ makyenņiep.

<sup>14</sup>Manmâ Yesuņe luâk areġât âsim kinmâ sumbe emetņân ekmâ hin magaņep, “Gâ emelâk âlepņe aktât. Gârâmâ benņe wansiâ umatņe miawak ġiņbopġât bâleņe lâuwâņe bo akben.” dâep. <sup>15</sup>Hain dâmbo luâk arekņe Yesu ekmâ nânġaep. Ekmâ nânġâm âmâ arim Yuda humomolupyenņe hin makyenņiep, “Luâk metip nuguâp amâ kotņe Yesu.” dâm makyenņiep. <sup>16</sup>Yesuņe âi sopņe boân âi are miepġât Yuda luâk humomolupyenņande Yesu gasa agaņi. <sup>17</sup>Hain akbiâ Yesuņe togom hin makyenņiep, “Ewene amâ âi hilâmņe hilâmņe memap areġât nâkai hainâk meman.” dâep. <sup>18</sup>Yesuņe âi meme sopņe boân âi miep areġât gasa agaņi. Dâ hamiņân Anutu Ewene dâm âmâ Anutu olop dop konok agep areġât nânġâmbiâ umatņe dondâ akto gasa humo nânġaņi.

#### **Anutuġât Nanņe âmâ âi hârokġât kârikņe talaņdâp.**

<sup>19</sup>Hain akbiâ Yesuņe hin makyenņiep, “Nâ bunņe dondâņe makyenņire nânġaņet. Nanņande ikiņe hanņe watmâ âlepņe âi bo memap. Ewenande âi memap are ekmâ hainâk memap. Yâkņe memap hainâġâk Nanņande gai akmap. <sup>20</sup>Akto areâk bo. Ewenande okot dondâ nânġâ niņmap areġât âi memap are hârok hekat niņmâ metiep. Akto âi emelâk mendere ektâi are konok bo. Anutuņe ye âi humo tâmbâ ekbiâ dâtņe humo akto han undup akņetġât âi siâ humo tâmbâ hekat niņdo membian. <sup>21</sup>Amâ âi humo tâmbâ areġât keiņe hin. Ewenande amâ momoņe yeņġonmâ goaņ yekmap hainâk nâkai nânġâ nânġânaet watmâ luâk âmbâle bikņe potatmâ manman âlepņe yeņġiman. <sup>22</sup>Akto Ewene ikiņe konok amâ luâk âmbâle bâleņe akbai areġât hâuņe den bo makmâ mete yeņġiwiap âi are amâ nâ niņdo dosayeņe miawagâġġât den âiân katyebian. <sup>23</sup>Akto hinņe luâk âmbâle bikņande Ewene konmâ nânġaņmai hainâk nâ nogonmâ nânġâ niņbaġât âi are amâ niņdo luâk âmbâle den âiân kat yektere nekmâ nânġâ niņbai. Aregât luâk âmbâle siâņe bo nogonmâ kotne mem agatmâ âmâ Ewene huņgun niņep are hainâk bo nânġaņmai. <sup>24</sup>Aregât hin makyenņire nânġaņet. Luâk bikņande nânġât den nânġâm biwiyeņân katmâ Anutuņe huņgun niņep areġât den bunņe dâmai are amâ manman kârikņe yeņġiwian. Akto momoġât dâp hepunmâ manmangât dâwân manbai areġât den âiân hâk tun aktere momoġât dâp lâuwâņe bo ekbai.

<sup>25</sup> Akto siâkâ makyengire nângâm hejngemgombiâ âmâ humo akberâp. Sop siâ miawakbiap akto hinje miawaktâp amâ luâk âmbâle momoŋe sumân yemai arekŋe Anutugât nanŋe nâŋe yeŋgondere den are nângâm agatmâ manbai. <sup>26</sup> Aregât keiŋe hin. Ewene amâ Manmangât Amboŋe dâm makniŋmâ memerje akniŋdo <sup>27</sup> gem luâk akmâ manmâ gan aregât kembu akmâ luâk âmbâle hâuyeŋaet makmâ miawakyengiwian. <sup>28</sup> Maktere nângâmbiâ hâungoâp me? Woe, siâ hin maktere nângâmbiâ humo hâumgowerâp amâ hin. Sop siâ miawakto luâk âmbâle mom sumân yemai are yeŋgondere nângât den nângâm agatbai. <sup>29</sup> Akto âlepŋe mali amâ manman kârikgât agatbai. Dâ manman bâleŋe akmâ mali hârok agatmâ dosa yeŋaet hâuŋe membai.

### Anutuŋe Nanjaet keiŋe mem miawakmap.

<sup>30</sup> Nune nângâ nângânaet âi memegât bo yeniŋdâp. Akto Anutuŋe wan me wan makniŋmap den are lokom luâk âmbâle den âiân kat yekbian aregât nune nângâ nângâne bo watman. Ewene huŋgun niŋep yâkgât nângâ nângâne watmâ gan aregât den âiân katyekbiangât kârikŋe tatniŋdâp. <sup>31</sup> Nâ nune keine makman dâine bunŋe bo dâwâi. <sup>32</sup> Siâŋe bunŋe mandâp aregât keine makmâ miawakto ârândâŋ akmap. <sup>33</sup> Dâ ye âgâlân Yohane tu puli luâk are makmâ aikombiâ den bunŋe dondâ makyengiep. <sup>34</sup> Amâ luâk nângât keine makyengimap yâkgât den nângâre yânŋe aktâp. Gârâmâ yeŋe nângât keine nângâm hejngemgombiâ hejngem yeŋgure manman kârikgât pat miawak yeŋgiâkgât maktân. <sup>35</sup> Yohanegât keiŋe makyengire nângâŋet. Yohane amâ bundâk pagaleŋe humo akmâ pagaleŋe yeŋgiep aregât ye amâ yâkgât den nângâm heroŋe agi. <sup>36</sup> Dâ Yohaneŋe nângât keine makmâ miawagep den are amâ agak memenande ewangimap. Ewenande âi makmâ niŋep are hârok yu mendere nekbiâ Ewenande huŋgun niŋdo geân aregât keiŋe miawaktâp aregât den patŋe arekŋe Yohaneŋe magep are ewangiâp. <sup>37</sup> Dâ areâk bo. Ewenande huŋgun niŋep arekŋe keine makmâ miawagep. Dâ yeŋe amâ yâkgât lauŋânba den bo nângâyi akto hâkŋe bo egi. <sup>38</sup> Akto yâkgât den biwiyeŋân bo katbiâ tatâp. Denŋe biwiyeŋân katbiâ tatâp dâine Ewenande huŋgun niŋdo geân nângât den nângâm biwiyeŋe nângâlân katbiâ âlepŋe akbop. <sup>39</sup> Ye hin nângâmai, “Anutuŋe makto kulemgoyi are oyaŋmâ manman kârikŋe aregât keiŋe nângâne.” dâmai aregât sopŋe sopŋe oyaŋmâ manmai. Dâ Anutuŋe makto kulemgoyi arekŋe nângât keiŋe mem miawakmap. <sup>40</sup> Gârâmâ nângâlân bo togom nângâ niŋbiâ âmâ manman kârikŋe bo yeŋgiwian. <sup>41</sup> Akto luâkŋe kotne mem agatŋetgât bo maktân. <sup>42</sup> Gârâmâ yeŋgât keiyeŋe âmâ nâ bundâk nângân. Han biwiyeŋande ain Anutugât han kalamŋaet bo kinmap. <sup>43</sup> Nâ Ewenaet laugât yeŋgâlân geân. Akto ye hanâk gala bo akniŋmai. Dâ luâk siâ ikiŋe hanŋe watmâ togombo âmâ gala aganbai. <sup>44</sup> Akto areâk bo. Keiyeŋe amâ hin nângân. Yeŋaelâk heroŋe aganŋimai. Akto yeŋaelâk kotyeŋe mem agalanŋimai. Dâ Anutuŋe

yekto huraguâkgât dâp bo heŋgemgomai. Aregât Anutu bo nângâ aŋmai. <sup>45-47</sup>Akto yeŋe, “Moseŋe den kârikŋe kulemgœp are lokoenŋe huraguâk.” dâm nângâmai amâ benŋe pâpkomai. Moseŋe nângât keine ulikŋân ekmâ nângâm heŋgemgom kulemgœp are lokomai dâine biwiyeŋe nângâlân katbâi. Dâ Moseŋe kulemgœp aregât hâkâŋ akmai aregât nângât den bo nângâm heŋgemgomai. Aregât keine hin. Moseŋe kulemgœp arekŋe agak memeyeŋe mem miawakmâ den âiân kat yekbiap aregât nâmâ Ewenaelân makmâ den âiân katyekbiangât âi bo tatniŋdâp. Emelâk Moseŋe makyenŋiep aregât wangât lâuwâŋe nâŋe makyenŋiwian?” dâep. Amâ Yesuŋe Yuda luâk humomolupyenŋande kuk aŋaŋbiâ den hâuŋe hain dâm makyenŋiep.

### Yesuŋe luâk 5,000 sot yeŋgimbo neyi.

**6** <sup>1-4</sup>Akto aregât hamiŋân Yuda luâk âmbâle yeŋgât hombaŋ kotŋe Pasowa tâlâgumbo ain Yesuŋe Galilaia bâtgum kotŋe siâ Tiweria bâtgum are biken hâtikom ariep. Arimbiâ luâk âmbâle diwirâ kundatdâ dondâ heŋgem yeŋgumbo egigât hamiyenŋân togoyi. Akto Yesuŋe luâklupŋe kewuguyekto borâŋân âgâ tali. <sup>5</sup>Akto Yesuŋe luâk âmbâle dondâ togombiâ yekmâ Pilipo biwiŋe dop komberâm hin maganŋep, “Pilipo wanâmba sot mem puligom ire yeŋgienŋe nembîâ tepyeŋe pikberâp?” dâep. <sup>6</sup>Dâ yâk amâ wan me wan akberâp aregât nângâep. Amâ biwiŋe dop koep. <sup>7</sup>Akto Pilipone hin dâm maganŋep, “Woe, puli dondâ panmâ sot puligom mem yeŋgienŋe amâ bikŋandeâk sot mem nembîâ bikŋande yân tatberâi aten.” dâep. <sup>8</sup>Hain dâmbo yeŋgâlân gâtŋe siâ Petorogât emiŋe Anderea yâkŋe hin maganŋep, <sup>9</sup>“Nanaŋ bâlensiâ yu kindâp yâkŋe sot momerâk akto iŋan lâuwâ mem kindâp. Dâ luâk kâmot dondâgât sot ire mem yeŋgienŋe bo ârândâŋ akyenŋiwierâp.” dâep. <sup>10</sup>Hain dâmbo Yesuŋe makyenŋiep, “Ye luâk âmbâle makyenŋimbiâ mendugum ge tatŋet.” dâep. Akto hân ain umiliŋ yiep ain luâk 5,000 are hârok ge tali. <sup>11</sup>Akto Yesuŋe sot mem Anutu mepaim aŋmâ luâk tatmâ ariyi yâk dopyenŋânâk yeŋgiep. Akto soŋgo hainâgâk makmâ dopyenŋân yeŋgiep. <sup>12</sup>Yeŋgimbo nem tepyeŋe pikto hoŋ bawalupŋe hin makyenŋiep, “Sot pipiŋe yem bâliwopgât are pitim mendugunet.” dâep. <sup>13</sup>Hain dâmbo arim sot bikŋe bo neyi are mem haka kâlegen pitim lugumbiâ haka 12 pigep. <sup>14</sup>Akto luâk âmbâle arekŋe kulem keine are ekmâ nângâm hin maganŋi goanŋi agi, “Propete humo hânân miawakbiap yâk lâmgomaen amâ ire emelâk miawaktâp.” dâyi. <sup>15</sup>Hain akmâ, “Hâwâtenŋe damun nenŋe akbiapgât akne.” dâm maganŋi goanŋi akbiâ yekmâ hepun yekmâ ikiŋeâk gimbâŋe siân âgâep.

### Yesu bâtgum kakŋân ariep.

<sup>16-17</sup>Akto emet dâgâmbo Yesu boâk togo penâyeŋgiepgât Kapanaum kepiangen purik katberâm bâtgum ginŋâŋen geyi. Ge kinmâ wanŋan

âgâyi. <sup>18</sup> Waŋgan âgâm hâtikombiâ seru kârikŋe panmâ kondo ariyi. <sup>19</sup> Yâkŋe dopŋe 4 me 5 kilomita aregât dopŋe bātŋum tânâmŋan arimbiâ Yesu haru kakŋan togom ewumâk akto ekmâ hamep akmâ sân sân meyi. <sup>20</sup> Hain akbiâ yekmâ hin makyenŋiep, “Nuneâk togoân aregât bo hamep akŋet.” dâep. <sup>21</sup> Hain dâm waŋgan gawerâambo âlepŋe dâmbiâ âgâep. Âgâambo heronŋe akbiâ ainâk kepia ariwerâm agi are ewumâk akto ainâk waŋga are hânân hikoep. Hikombo hânân sopanmâ tali.

### Luâk âmbâle Yesu ekberâm togoyi.

<sup>22</sup> Tatmâ yem kinbiâ emet haunŋo luâk âmbâle bātŋum biken tali are Yesugât undâgâtâm hin dâyi, “Uran waŋga konok kindo egion ain hon bawalupŋe yeŋeak Yesu hepunmâ âgâm ariyi.” hain nânŋâyi. <sup>23</sup> Hain nânŋâm tatbiâ Tiweria kepiamba waŋga siâ Humonŋe sot mem Anutu mepainŋe miep ain togo kilep.

### Yesu himbimgât sot.

<sup>24</sup> Akto kâmot humo arekŋe Yesu akto luâklupŋe kulâgât yeŋgim waŋgan âgâm Kapanaum kepiam purik katmâ arim Yesugât kulâgât aŋi. <sup>25</sup> Hain manmâ bātŋum iregen kulâgâtâm ekmâ hin dâyi, “Apo, amuten togoen?” dâyi. <sup>26</sup> Hain dâmbiâ hin makyenŋiep, “Nâ bundâk makyenŋire nânŋânet. Nâ kulem keiŋe keiŋe mendere nekmâ agi aregât bo kulâgât niŋdâi. Akto keine ekmâ bo heŋgemgoâi. Sot yeŋgire nem tepeŋe pigep aregât kulâgât niŋdâi. <sup>27</sup> Aregât hin makbe. Sot yoganŋe mem nembai aregât bo kulâgâtâm âi mem manbei. Manman kârikŋe are miawak yeŋgiâkgât âi kârikŋe mem manbei. Akto Anutu Ewene arekŋe meme akniŋdo âi mendere negi aregât luâk akmâ geân nâ ulit niŋbiâ manman kârikŋaet sot âlepŋe yeŋgiwian.” dâep. <sup>28</sup> Hain dâambo hin magaŋi, “Anutugât âi mem kulâgâtbei dât ina gain gain akmâ mem manbaen?” dâyi. <sup>29</sup> Hain dâmbiâ hin dâep, “Anutuŋe huŋgun niŋdo geân aregât biwiyenŋe nânŋâlân katmâ âi are membiâ Anutuŋe yekto ârândân akbiâp.” dâep. <sup>30</sup> Hain dâambo hin magaŋi, “Hain aregât benŋe kulem keiŋe keiŋe siâ memenâ âmâ ekmâ nânŋâ giŋne. Akto gain gain memenâ ekmâ heŋgemgogiŋne? <sup>31</sup> Akto Anutuŋe makto kulemgoyi aregât bikŋe hin yendâp, “Anutuŋe himbimânba sot yeŋgimbo nem mali.” hain yendâp aregât bâgilupnenŋande hân pumân manbiâ Moseŋe sot yeŋgimbo nemini.” dâyi. <sup>32</sup> Hain dâmbiâ hin dâep, “Anutuŋe sot bunŋe yeŋgiep aregât keiŋe makyenŋire nânŋânet. Moseŋe himbimânba sot bo mem miawakmâ yeŋgiep. Bo. Himbimgât sot bunŋe amâ hinŋe Ewenande ye yeŋgimap. <sup>33</sup> Sot bunŋe are Anutuŋe himbimânba hânân pando gem luâk âmbâle hânân manmai manman kârikŋe mem miawak yeŋgimap.” dâep. <sup>34</sup> Hain dâambo hin dâyi, “Woe, apo, gâ sotgât maktât are hokboâk nengiwen.” dâyi. <sup>35</sup> Hain dâmbiâ hin makyenŋiep, “Manmangât sot nâ

ire yu miawaktân aregât ye nângâlân gutmâ nângâ niñmâ biwiyenje nângâlân katbiâ âmâ meme wâtje akyengire himbimgât sot me tu aregât lâuwânje bo mopyenje aguwiap. <sup>36</sup>Nâ emelâk makyengiân. Yeje nâ nekmâ hengemgom âmâ hanâk bo nângâniñdâi. <sup>37</sup>Apoje nijep yâkje hârok nângâlân togom metewai. Akto nângâlân togowiap yâk bo watmâ hâkokowian. <sup>38</sup>Himbimânba geân amâ nâ nune ukenne watberâm bo geân. Huñgun nijep yâkgât ukenjaet akmâ metewiangât geân. <sup>39</sup>Ewenande luâk âmbâle bikje nângâlân katyekmap luâk are hilip aguwaigât yekmâ menduguyekmâ sop humoân ârândâñ goanjyektere agatbai. Are âmâ huñgun nijepgât han. Lau hain tatâp. <sup>40</sup>Luâk âmbâleñe nanje nâ nekmâ nângâm kârigeniñmâ nângâniñbai dopñân manman kârikje ambo akbai. Are amâ Ewenet den lau hainare tatâp. Akto nâje sop humoân golâ katyekbian.” <sup>41</sup>Hain dâmbô Yuda luâk âmbâle ain kili arekje Yesu himbimgât sot nâ ire dâepgât nângâm bâlianmâ den agi. <sup>42</sup>Akto hin maganji goanji agi, “Yâk, “Nâ himbimânba geân.” dâp are nângâenje bâliâp. Yâk amâ Yesu mon? Nenje amâ eweje Yosepe akto memeje yelekmaen aregât himbimânba bo giep nângâmaen aregât himbimânba geân dâmbô bo ârândâñ aktâp.” dâyi. <sup>43</sup>Hain dâmbiâ Yesuje are nângâm hin makyengiep, “Ye bo nângâmbiâ bâliâk. <sup>44</sup>Ewene huñgun nijep arekje luâk âmbâle siâ oloñdo hanjeâk nângâlân togowiap. Togombo âmâ sop humoân goandere agatmâ manmâ âgâwiap. <sup>45</sup>Akto Propete luâk den kulemgoyi are yengâlân gâtje siâje hin kulengoep, “Anutuje luâk âmbâle bikje ikinjaet pat hekat yengwiap.” dâm kulengoep aregât luâk âmbâle bikje Ewenande makyengimbo âmâ benje nângâm nângâlân togowai. <sup>46</sup>Dâ luâk âmbâle hânân manmai yeje Ewene bo egi. Akto bo ekmai gârâmâ nâ konok Anutugât enem dewunñânba geân nâje egân. <sup>47-48</sup>Aregât bunje makyengiwe. Luâk âmbâle bikñande nângâ niñbai amâ nâ amâ manman kârikjaet sot aregât manman kârikje yengire manmâ âgâwai. <sup>49</sup>Manmangât sot aregât lâuwânje makbe. Bâgilupyenande hân pumân manbiâ Anutuje himbimânba sot pando gembo mem neyi. Akto manmâ âmâ mom meteyi. <sup>50</sup>Dâ sot himbimânba gemap amâ nâ ire. Aregât sot ire luâk âmbâleñe nem âmâ bo mom metewai. <sup>51</sup>Aregât nâ manmangât sot himbimânba geângât luâk âmbâle bikje nângâlânba sot nembai amâ dondâñe manmâ âgâwai. Akto luâk âmbâle hânje hânje manmai are manman mem miawakñetgât sunumnde sot aktâp.” dâep.

<sup>52</sup>Hain dâmbô Yuda luâk âmbâle ain kili arekje maganji goanji akmâ hin dâyi, “Yâk gain gain akmâ sunumje nengimbo nembangât maktâp?” dâyi. <sup>53</sup>Hain dâmbiâ Yesuje hin makyengiep, “Aregât hin makyengire nângâñet. Nângât gilâm akto sunumne bo nembai amâ biwiyenân manman bo miawak yengwiap. <sup>54-55</sup>Dâ yengâlân gâtje bikñande sunumne akto gilâmne nembia âmâ nângât sunumne arekje sot bunje akto nângât

gilâmne are tu bunje akmap aregât manman kârikje yengire manbai. Manmâ âgâmbiâ sop humoân goaj yektere manmâ âgâwai. <sup>56</sup> Akto gilâmne sunumne nembaije amâ nângâ niŋmâ nâ olop manbai. Akto nâkai yâkgâlân manbian. <sup>57</sup> Akto Ewene manman ambojande huŋgun niŋdo geângât Apogât akmâ manman. Aregât yengâlân gâtje sunumne akto gilâmne nembai amâ hainâk nângât pat akmâ manbai. <sup>58</sup> Akto bâgilupyenande sot nem manmâ âmâ moyi. Dâ nângât sot ire himbimân gâtje sot bunje nembai amâ dondâje manmâ âgâwai.” dâep. <sup>59</sup> Yesuje Kapanaum kepijan manmâ den emetjân kinmâ den ire makmâ ligim yengiep.

#### Luâk bikjande Yesu hamiaŋi.

<sup>60</sup> Akto Yesuje hain makto hoŋ bawalupje bikjande maganŋi goanŋi akmâ hin dâyi, “Wei, imâ nângâenne hâumgoâp aregât niŋande nângâm metewerâp?” dâyi. <sup>61</sup> Hain makmâ hâkân agi are Yesuje biwiyenân ekmâ hin dâep, “Den are nângâmbiâ bâliâp me? <sup>62</sup> Gârâmâ ina benje nâ luâk akmâ geân ainâk purik katmâ âgâre nekbai amâ gain gain akbai? <sup>63</sup> Akto nângâ nângâyeje akto han biwiyenande den nângâm lokowaigât kârikje bo tatyengimap. Akto Anutugât Heak yâkne konok manman mem miawakyengimap aregât yâk den makyengimap ina denne biwiyenân totokombo manman âlepje miawak yengiwip. Dennande tânyengumbo Heakje akto manman kârikje miawakyengiwiat. <sup>64</sup> Dâ yengâlân bikje amâ nângâm biwiyenân bo katâi.” dâep. Amâ Yesuje yâkgât hâkân aganmai are emelâk yekmâ nângâep. Akto gasalupje kewugu yekbiap are gai emelâk nângâep. <sup>65</sup> Akto den siâ hin dewatim makyengiep, “Nâ aregât hin makyengiân. Ewene bo oloŋ yekto amâ nângâlân bo togowai.” dâep.

#### Petoroŋe Yesugât keiŋe makmâ miawagep.

<sup>66</sup> Yâkne hain dâep aregât luâklupje bikjande den are nângâm âmâ hâkân akmâ hepunmâ ariyi. <sup>67</sup> Arimbiâ Yesuje hoŋ bawalupje ulikjân oloŋ yegep 12 are hin aiyenguep, “Ye hainâk hepun nekberâi me?” dâambo <sup>68</sup> Petoroŋe hin dâm maganep, “Humo, gâ hepun gekmâ âmâ niŋaelân arim manman âlepje me den kârikje nângâwaen? Gâ guge konok manmangât den bunje maknengimat. <sup>69</sup> Siâgâlânba bo aregât nen gângâlân hokatmâ gâ Anutugât nanje bunje aregât nângâ giŋmaen.” dâep. <sup>70</sup> Hain dâambo hin dâm makyengiep, “Aregât hin makbe. Nâje konok oloŋ yegân. Dâ yengâlân gâtje konok amâ Hianŋi Ambojande biwiŋân gemap.” dâep. <sup>71</sup> Amâ Yesuje ikiye luâklupje 12 are yengâlân gâtje Yudasi Simoŋ siâgât nanje Karioto kepijan gâtje yâkne gasalupje hekat yengimbo membai aregât nângâm magep.

#### Yesuje Yerusalem âgâep.

**7** <sup>1</sup> Akto Yuda gâtje bikjande Yesu komberâm akbiâ aregât Yerusalem kepia hepunmâ Galilaia hânân togo malep. <sup>2</sup> Ain mando Yuda



mâron emetjaet hombanj ewumâk agep. <sup>3</sup>Ewumâk akto emilupjande Yesu bo nânğanmâ hin maganji, “Luâk siânje keine mem miawakbian dâm yoŋâk bo manmâ âi memap. <sup>4</sup>Amâ tekteknân âi memap. Aregât kâmot bikjande gâ kulem memap are ekbaigât gâ purik katmâ Yudaia hânân arim kulem memben. Akto âi in memap gârâmâ gâ ari luâk kâmot humoân miawakmâ tek tekjân kinmâ âi memenâ gekmâ keige nânğâm heŋgemgoweï.” dâyi. <sup>5</sup>Emilupjande amâ bo nânğanmâ hain dâyi. <sup>6</sup>Hain dâmbiâ Yesuje hin makyenjiep, “Ye hanâk wan me wan akberâm âmâ âlepje akbei. Dâ nâmâ hain bo akman. Sopjânâk wan me wan meman. Miawakmâ tek tekjân kinbiangât sop boâk miawaktâp. <sup>7</sup>Haingât luâk âmbâle ye dopyeje konok. Akto gala katyekmai aregât kuk bo akyenjiwai. Dâ nâmâ luâk âmbâle agak memeyeje bâleje are makmâ miawakmâ yengire nânğâmai aregât kuk bâleje akniŋmai. <sup>8</sup>Akto nâ tek tekjân miawakbiangât sop boâk miawaktâp aregât nâ hinjeâk bo ariwerân. Dâ yeje amâ hombanjât arijet.” dâep. <sup>9-10</sup>Hain dâmbiâ emilupjande ulik gulik yâkje soŋ arimbiâ Galilaia hânân malep. Akto hilâm siân heambukmâ yoŋâk ariep.

<sup>11</sup>Akto hombanj miawakto Yuda luâk humomolupyenande Yesugât kulâgâtâmâ aikom magi, “Yâk yâgâten mandâp?” dâyi. <sup>12</sup>Dâ luâk dondâ arekje amâ yoŋâk yâkgât den dondâ maganji goanji agi. Akto bikjande hin dâyi, “Yâk âmâ luâk âlepje.” dâyi. Dâ bikjande âmâ den kom hin dâyi, “Bo, yâkje âmâ nen biwi gulip akjet dâm den maknengimap.” dâyi. <sup>13</sup>Akto Yuda luâk kembu are yengât hamep akmâ den yoŋâk maganji goanji agi.

### **Yesuje Anutu gâlânba giep aregât magep.**

<sup>14</sup>Akto hombanj hutjân Yesuje Sumbe emetjân âgâm den makyenjiep. <sup>15</sup>Makto Yuda luâk humomolupyenande arekje Yesu ekmâ hin dâyi, “Yâk âmâ nengât nânğâ nânğâ emetjân bo malep. Ina ire gain gain akmâ nânğâmap?” dâyi. <sup>16</sup>Hain dâmbiâ Yesuje hin makyenjiep, “Nâ makyenjiân imâ nunaet den bo. Huŋgun niŋep arekje makniŋdo makyenjiân. <sup>17</sup>Akto luâk âmbâle Anutugât lau lokowerâm âmâ nânğât akto Anutugât den makmangât nânğâm heŋgemgomai. Dâ luâk âmbâle Anutugât lau bo lokomaije âmâ nânğâ yâkgât hin nânğâmai, “Ikiŋaelânba den maknengimap.” dâmai. Amâ nânğâm hilip komai. <sup>18</sup>Siâ ikiŋaelânba nânğâm makmap amâ ikiŋaet nânğâmbo humo akmap akto hâkje mem agatberâm akmap. Dâ nâmâ hain bo akman. Anutuŋe huŋgun niŋep yâkgât kotje mem agatman. Aregât âmâ kotne bo mem agatman. Akto bo hianjiman. <sup>19</sup>Akto Anutuŋe makto Moseje den kârikje kulemgoep. Ye den are bo lokomai aregât nuguwerâm aktâi.” dâep. <sup>20</sup>Hain dâmbiâ, “Woe, nen âmâ bo guguwerâm akten. Gâŋe are maktât amâ sinduk bâleŋande mem gulip guguâp.” <sup>21</sup>Hain dâmbiâ hin makyenjiep, “Nâmâ âi mendere luâk

âlepne agep are nângâmbiâ humo aktâp. <sup>22</sup> Aregât hin makyengire nângâm hejgemgojet. Moseje nanlupyene hâkyenân kulem menjetgât makyengiep. Dâ are amâ Mose ikinak keje bo kalep. Hakulupyene yâkne keje kali. Akto ai are menegât ai bo meme sopjân gai memai. <sup>23</sup> Yene amâ Mosegât den bâliwop dâm nanaŋlupyene ai bo meme sopjân hâkyene gâimai aregât ai meme sopje boân ai memai. Dâ nâmâ luâk kundatdâ ai bo meme sopjân hejgemgoân aregât nângâm bâli niŋi. Ye amâ hiangi luâk. <sup>24</sup> Ye amâ den hanâk hâkne tunmâ makmai. Hain bo akbei. Den bunje nângâm makbei.” dâep.

<sup>25</sup> Hain dâmba Yerusalem ambolupje arekne hin dâyi, “Luâk kombaen dâyi amâ ire. <sup>26</sup> Dâ amâ wangât den miawagân makto humomolupnenjande den bo koanmâ amâ bo mem kondâi? Yâkne keje nângâm hejgemgom hin dâi me? “Yâk Anutuje huŋgun aŋdo giep.” hain dâi aregât bo mem kondâi me gain? <sup>27</sup> Akto luâk ire amâ miawagep aregât kepiane nângâen. Dâ Anutuje huŋgun aŋdo gewiap aregât keje amâ pâpkom metewaen.” dâyi. <sup>28</sup> Hain dâmbiâ Yesuje sumbe emetjân kinmâ den hin dâm makyengiep, “Ye amâ hin dâi, “Yesugât kepiane miawagep aregât keje nângâen.” dâi. Dâ bunje amboje konok mandâp yâkne huŋgun niŋdo yâkgât enemjânba geân. Dâ ye amâ yâkgât keje bo nângâmai. <sup>29</sup> Nâmâ ikinâelânba huŋgun niŋdo geân gârâmâ nângâm hejgemgoân.” dâep. <sup>30</sup> Aregât mem kala busi kâlegen katberâm agi. Dâ amâ sop boâk miawakto aregât akmâ hepuli. <sup>31</sup> Akto luâk âmbâle bikjande hin dâyi, “Anutuje huŋgun aŋdo gewiap arekne kulem keje keje membiap nângâmaen ina togom kulem keje keje mem miawaktâp, aregât amâ Yesu amâ yâk me?” dâm nângani.

### Tembe lokoje Yesu memberâm togoyi.

<sup>32</sup> Akto luâk âmbâle bikjande yâkgât hain magaŋgi goaŋgi akbiâ Parisaioje a nângâmbiâ bâlimbo amâ aregât sumbe kat kat humomolupyene olop tembe lokolupyene Yesu kala busi kâlegen katjetgât huŋgun yengimbiâ togoyi. <sup>33</sup> Togombiâ Yesuje hin makyengiep, “Nâ ye olop bâlensiâ manmâ huŋgun niŋep yâkgâlae purik katbian. <sup>34</sup> Purik katere yene nângât kulâgât niŋmâ bo nekbai. Amâ nâ arim manbian ain bo ariwai. Akto ariwaigât dâp bo tatyengiâp.” dâep. <sup>35</sup> Hain dâmba hin dâm magaŋgi goaŋgi agi, “Yâk yâgâten ari mando kulâgâlanjbaengât maktâp? Nen bikjande hepun nenekmâ Girik yâk yengâlân ari manmai ain arim makyengiwiapgât maktâp me? <sup>36</sup> Yâk hin maktâp. Kulâgât niŋmâ bo nekbai. Akto nâ arim manbian ain bo ariwai, dâm maktâp amâ gain gain maktâp?” dâyi.

### Yesuje Heakgât keje magep.

<sup>37-38</sup> Akto manmâ hombaŋ are bo akberâm akto Yesuje agatmâ kinmâ kâmot humo kili are den hin kârikjeâk kamboŋmâ makyengiep, “Siâ

tugât nângâm âmâ âlepŋe nângâlân togom nembîap. Nângâlân togom âmâ nângâ niŋmâ biwiŋânba tu dewunŋe hainare gam togomâk yembiap. Are amâ Anutugât denŋande hain magep.” dâep. <sup>39</sup>Yesuŋe amâ tugât bo magep. Amâ Anutugât Heakŋe aregât magep. Akto Yesu amâ himbimân boâk purik katmâ âgâepgât Anutugâlânba Heak kârikŋe boâk giep. Aregât biwiyeŋe Yesugâlân kali amâ sop ain Heakŋande boâk meyegep aregât magep.

<sup>40</sup>Akto yâkŋe hain dâambo aregât kâmot ain kili arekŋe potalakmâ bikŋande hin dâyi, “Imâ Propete togowiap dâmaen in amâ ire.” dâyi. <sup>41</sup>Dâ bikŋande hin dâyi, “Imâ Anutuŋe huŋgunanŋo gewiap yâk.” dâyi. Dâ bikŋande hârem hin dâyi, “Woe, bo. Kristo amâ Galilaia hânân bo miawakbiap me? <sup>42</sup>Dâ Anutuŋe makto kulemgoyi keiŋe hin yendâp, “Anutuŋe huŋgun anŋo gewiap amâ Dawidigât kâmolân gâtŋe miawakbiap. Akto Dawidigât kepia kautŋe Betelehem ain gâtŋe miawakbiap.” Aregât Yesu Galilaia hânân miawakbiapgât amâ Anutuŋe huŋgun anŋo gewiapgât bo.” dâyi. <sup>43</sup>Akto kâmot arekŋe Yesugât hain makmâ potalagi. <sup>44</sup>Akto bikŋande kala busi kâlegen katne dâmbiâ dâp bo miawakto hepuli.

#### Yesu memegât dâp bo akto hepuli.

<sup>45</sup>Akto tembe loko arekŋe sumbe kat kat humomolupyŋe akto Parisaio yeŋgâlân purik katbiâ ai yeŋgum hin dâyi, “Ye wangât Yesu bo mem togoâi?” dâmbiâ <sup>46</sup>hin dâyi, “Yâkŋe makmap amâ luâk bikŋande hain are bo makbâi.” dâmbiâ <sup>47</sup>Parisaio luâkŋe hin dâyi, “Woe, yâkŋe hâwâtyekmâ biwi gulip akyeŋgiâp mon? <sup>48</sup>Damun humomolupyŋe me Parisaio nengâlân gâtŋe bikŋande bo nânganmaen. <sup>49</sup>Amâ luâk âmbâle yânŋe den kârikŋe bo nângâmaiŋe nângâ aŋbiâ Anutuŋe hememângen panyekto hememângen gem manbai.” dâyi. <sup>50</sup>Akto galayeŋe siâ kotŋe Nikodemo emelâk hândâkŋân Yesu togom egep yâkŋe hin dâep, <sup>51</sup>“Nengât den kârikŋe hin bo yendâp, “Luâk siâ ikiŋe keiŋe bo makto nângâwai me dosanŋe bo ekmâ yân hâuŋaet den âiân katbai.” hain bo yendâp. Akto yâk hanâk konbaen aregât dopŋe bo tatâp.” dâep. <sup>52</sup>Hain dâambo galalupŋande kuk aganmâ hin dâm maganŋi, “Woe, gâŋe âmâ biwige Galilaia gâtŋe yâkgâlân kalen me? Gâ ari Anutuŋe makto kulemgoyi are hârok oyanmâ nângâm hin nângâwiat. Propete siâ amâ Galilaia hânân bo miawakbiap.” dâyi. <sup>53</sup>Hain dâm awam akmâ gem emetyeŋân ariyi.

#### Âmbâle bâleŋe meme siâ Yesugâlân mem togoyi.

**8** <sup>1</sup>Akto Yesu Oliwa gimbanŋân âgâep. <sup>2</sup>Emet hauŋdo arewa Sumbe kat kat emetŋân âgâmbo luâk âmbâle dondâŋe ain togombiâ tatmâ den makyenŋiep. <sup>3</sup>Makyenŋimbo Parisaio akto Mosegât den makmâ

kepikmai aren gâtjande âmbâle siâ dâp gulip akmâ mando egi are kewugum Yesugâlân togom hutyeñan katbiâ kilep. <sup>4</sup>Katbiâ kindo hin dâyi, “Apo, âmbâle ire âmâ dâp gulip akmâ mando ekten. <sup>5</sup>Akto Mose amâ den kârikje hin kulengoep, “Âmbâle bâleje akmâ manbiâ âmâ kâtje yengumbiâ mombai.” dâm den kârikje kulengoep. Dâ gugak amâ gain gain nângâmat?” dâyi. <sup>6</sup>Amâ yân hiarjbiâ den hin me hain makto ekmâ âkâ den âiân katnerâm hiangim dop koyi. Hain makbiâ Yesuje kângom hânân bânjande kulengoep. <sup>7</sup>Kulengombo aikom aikom akbiâ bin bin kinmâ hin makyengiep, “Yengâlân gâtje siâ dosa bâlâk manmap arekje soj keje katmâ kâtje kondo âmâ kombei.” dâep. <sup>8</sup>Hain dâm lâuwâje hânân kângom kulengoep. <sup>9</sup>Akto ain kili arekje den are nângâm ulikjân gâtjande hami kinmâ ainba ainba gem arim meteyi. Akto âmbâle are Yesugât enemñan ikiyeâk kilep. <sup>10</sup>Kindo Yesuje agatmâ kinmâ âmbâle are ñâjâk ekmâ aikom hin magañep, “Barat, den amâ yân hâkge tunberâm aktâi. Siâ me siâje den hâuje bo makgindâi me?” dâmbo, <sup>11</sup>“Humone, siâje bo makniñdâp.” dâmbo hin magañep, “Nâje hainâk hâujaet den bo makgijberân. Gâ yân arim bâleje lâuwâje bo akben.” dâep.

#### Yesu hângât pagaleje.

<sup>12</sup>Akto Yesu sumbe emetje kom hâre hâreje siân ain kinmâ hin makyengiep, “Nâ hân hârok yengât pagaleje. Aregât siâje nâ wat nekbiap amâ hândâkñân bo arim manbiap. Bo. Yâk amâ manmangât pagalenjan manbiap.” dâep. <sup>13</sup>Hain dâmbo Parisaio luâkje hin magañi, “Gâ ire gugaet keje maktât amâ nângâenje bunje bo aktâp.” dâyi. <sup>14</sup>Hain dâmbiâ hin dâep, “Nâmâ yâgâtenba togoân akto yâgâten ariwian aregât hârok nângâman aregât nune keine maktere bunje akmap. Dâ ye amâ wânânba togoân akto wânân ariwiangât bo nângâmai aregât maktere bunje bo dâmai. <sup>15</sup>Ye hângât nângâ nângâ watmai. Dâ nâmâ hinje den âiân bo katyektân. <sup>16</sup>Akto siân dosaje miawagâkgât âi membian amâ Ewenande huñgun niñep arekje tân nugumbo olop âi membaetgât âine bunje mendere miawakbiap. <sup>17</sup>Akto den kârikje bikje hin yendâp, “Luâk konokgât den bo nângâwei. Luâk lâuwâ akmâ siâgât keje bâleje makbela bunje dâwei.” <sup>18</sup>Aregât nâ nune konok keine bo makmâ miawakman. Ewene huñgun niñep arekje hainâk makmâ miawakmap amâ net lâuwâ. Aregât imâ den bunje dâm nângânet.” dâep. <sup>19</sup>Hain dâmbo hin dâm magañi, “Ewege yâgâten? Hekat nengimenâ ekne.” dâmbiâ hin makyengiep, “Ye Ewene bo nângâ añmai. Akto hainâk nâ bo nângâ niñdâi. Nâ nângâ niñmâ dâine Ewene hainâk nângañbâi.” dâep. <sup>20</sup>Yesuje sumbe kat kat puli katmini aregât kom hâre hâreje ain den ire magep. Hain dâmbo mem kombaigât sopje boâk miawagepgât kala busi kâlegen katbaigât dâp bo miawakyengiep.

**Yesu amâ himbimân gâtje.**

<sup>21</sup>Akto Yesu je lâuwâje hin makyengiep, “Nâ hepun yekmâ arire kulâgât niqmâ bo nekbai. Manmâ mom âmâ dosayenjaet hâu bâlâk bo âgâwai. Akto nâ ari manbian ain ariwaigât dâp bo tatyengiwiap.” dâep. <sup>22</sup>Hain dâambo hin maganji goanji agi, “Nâ arim manbian ain bo ariwai dâp amâ gain gaingât maktâp. Iki je hanje hâreakmâ mombiapgât me gain gain maktâp?” dâyi. <sup>23</sup>Dâmbiâ hin dâep, “Ye amâ injon gâtje. Dâ nâmâ egon gâtje. Ye amâ hân iren gâtje. Dâ nâmâ hânân gâtje bo. <sup>24</sup>Aregât emelâk hin makyengiân. Ye manmâ mom âmâ dosa akmai aregât hâu je bâlâk bo âgâwai. Akto aregât keije hin. Nâ mandân ire keine hain dâre nângâmai amâ bâlejejeje yeyengimbo mombai aten.” dâep. <sup>25</sup>Hain dâambo hin dâyi, “Keige maknengimenâ nângâne.” dâmbiâ hin makyengiep, “Ulikjânbak makyengim gan are. <sup>26</sup>Nâ yengât keijeje makmâ miawakmâ den âiân kat yekbiangât âi humo tatniqdâp. Dâ hinje amâ Bunje Amboje arekje hungun niqdo yâkgât den ire hânân makyengiman.” dâep. <sup>27</sup>Ewenjaet hain makyengimbo yâk je bo nângâm kotgâyi. <sup>28</sup>Aregât Yesu je den siâ hin makyengiep, “Yeje nâ mem agat nekbai ain nâ manmâ gan aregât nângâwai. Akto nunaet nângâ nângânaet wan me wan bo akman. Ewende den maknijep areâk makyengiman. <sup>29</sup>Hungun nijep yâkgât lauje lokom âije hokboâk hokboâk mendere nekto huragumap aregât yâk nâ olop mandâp. Akto bo hepun nekmap.” dâep. <sup>30</sup>Hain dâambo luâk âmbâle dondâje nânganji.

**Anutuje Ambonenje akmap aregât den.**

<sup>31</sup>Akto Yesu nânganji Yuda luâk are hin makyengiep, “Ye nângât denân manmâ âmâ nanlupne bunje tiptij akbai. <sup>32</sup>Akto nângât den bunje nângâm kotgâmbiâ arek je mem kotgâ yekto tâk bâlâk âlepjeâk manbai.” dâep. <sup>33</sup>Hain dâambo den hin purikalani, “Nen amâ Abrahamgât hakulupje aregât luâk siâ bo hoj aganmaen. Dâ nen tâk bâlâk âlepje manbaengât maktât amâ gain gain?” dâyi. <sup>34</sup>Hain dâmbiâ hin makyengiep, “Nâ keijeje hin makyengire nângânet. Luâk me âmbâle siâje bâleje akbiap amâ bâleje arek je damunje akto hoj bawa agando ari arigât dop bo tatbiap. <sup>35</sup>Hoj bawa je humojaet emelan hokboâk hokboâk bo manmâ âgâwiap. Dâ Nanjande Eweje olop hokboâk hokboâk manmâ âgâwiap. <sup>36</sup>Dâ aregât nanjande oloj yekbiap âmâ siâgât hoj bawa bo manbai. <sup>37</sup>Akto ye âmâ Abrahamgât bâgilupje amâ bunje. Dâ den laune bo lokomai aregât nugumbiâ mombiangât nângâmai. <sup>38</sup>Nâ ewenaelân wan me wan ekmâ malân areâk makman. Dâ yeje âmâ ambo yenaelân wan me wan egi areâk memai.” dâep. <sup>39</sup>Hain dâambo hin maganji, “Nen ambonenje amâ Abraham.” dâmbiâ Yesu je hin makyengiep, “Ye Abrahamgât bâgilupje manmai dâine âmâ yâkgât dop akbâi. <sup>40</sup>Anutugâlânba den bunje nângân

are makyengiân aregât ye âmâ nuguwerâm maktâi siâ siâ hainare Abrahamje bo agep. <sup>41</sup>Ye âmâ amboyerjaet lau lokom manmai.” dâep. Hain dâmbo hin maganji, “Nengât memelupnenjande dâp gulip bo manbiâ miawagion. Ambonenje amâ Anutu konok.” dâmbiâ <sup>42</sup>hin makyengiep, “Anutuje amboyerje akmap dâine nâ gala aknijbâi. Nâ Anutugâlânba geân. Nune ukennaet bo geân. Yâkne hungun niŋdo geân <sup>43</sup>aregât gain akmâ manbiâ nângât denne biwiyenân bo yendâp? Nâ den makyengire ondopyeje katmâ bo nângâi aregât denne hâkân akmai. <sup>44</sup>Ye eweyeje Hiangi Amboje akto yâkgât nângâ nângâje akto egâlian bâleŋande makto siâ me siâ akmai. Akto Bâleŋe Ambojande amâ hângeije luâk hilip yengum gaep akto hinje hainâk manmâ gap. Yâk den bunje hepulepgât nângâ nângân den bunje siâ bo yendâp. Yâk amâ Hiangi Amboje akmapgât heyengimap. <sup>45</sup>Yâkne amboyerje akmap aregât nâmâ den bunje makyengire bo nângâ niŋdâi. <sup>46</sup>Yengâlânba siâje âlepeje nângât dosa siâ makbop. Akto nâ dop hain arekne den bunje makyengire wangât bo nângâm hejgemgomi? <sup>47</sup>Siâ Anutugât pat manmapje denje nângâmap. Ye amâ Anutugât pat bo manmaigât denje hâkân akmai.” dâep. <sup>48</sup>Hain dâmbo hin maganji, “Woe, gâmâ Samaria luâk. Sinduk baniara bâleŋande hut gugumbo aregât wan me wan akmâ memaet mon?” dâyi. <sup>49</sup>Hain dâmbiâ hin makyengiep, “Sinduk baniara bâleŋande bo hut naguep. Nâmâ Ewenaet lau lokoman. Dâ yeje âmâ nângât hâkân akmai denne mem ge katmai. <sup>50</sup>Nâ kotne bo mem agatân. Humoje konok kotne mem agatmap. Yâkne amâ dosayeje miawagâkgât âi membiap. <sup>51</sup>Bunje makyengire nângâm hejgemgowe. Niŋemaŋe nângât den mem manbai amâ momo kârikne bo mem âgâwai.” hain dâep. <sup>52</sup>Hain dâmbo hin dâm maganji, “Woe, sinduk aktât. Abraham hângeije moep. Akto Propete hârok mom meteyi. Dâ gâje amâ hin dât, “Nângât den mem manbai amâ manman kârikne manmâ âgâwai.” dât amâ gâ sinduk aktât nângâen. <sup>53</sup>Akto gâ Abraham moep yâkgât dop ewangim maktât mon? Akto propete hainâk moyi are ewangi yekmâ hâkge mem agatmenâ bo ârândân aktâp aregât gâ gain gain nângâ aŋgiât.” dâyi. <sup>54</sup>Hain dâmbiâ Yesuje hin makyengiep, “Nunak konok hâkne mem akman dâine bo ârândân akbop. Dâ Ewene are amâ ye damun nenje dâmai yâkne amâ denne nângâm hâkne mem agatmap. <sup>55</sup>Dâ yeje Anutu amâ damun nenje dâmai amâ hianjimai. Ye amâ yâk bo nânganmâ metemai. Dâ nâje âmâ nânganmâ meteân aregât nâ bo nânganman dâ dâine hianjim ye hainare akbom. Dâ nâmâ nânganmâ metem denje lokom manman. <sup>56</sup>Ye bâginenje Abraham ulikjân moep dâi aregât hin makbe. Abrahamje nângât âi miawakto ekberâm ukenje humo nângâm malep. Akto manmâ nângât âi miawakto ekmâ herone humo agep.” dâep. <sup>57</sup>Hain dâmbo hin dâm maganji, “Woe, Abraham âmâ ulikjân malep. Dâ gâmâ sigan aregât gâje gain gain Abraham egen?” dâyi. <sup>58</sup>Hain dâmbiâ hin makyengiep, “Nâ den bunje hin makbe. Abraham boâk miawakto

nâ ulikṅânbak malânṅeak manmâ gan.” dâep. <sup>59</sup>Hain dâmbô Yesugât nânṅambiâ bâliep aregât kât mem komberâmbiâ yonâk sumbe emetṅânba sopanmâ gem ariep.

**Yesuṅe makto luâk dewunṅe bokbokṅe siâ âlepṅe agep.**

**9** <sup>1</sup>Akto âi bo meme sopṅe siân Yesu dâwân ari luâk siâ dewunṅe bok bokṅe memeṅande hainâk miep are egep. <sup>2</sup>Akto hoṅ bawalupṅande aikom hin dâyi, “Humo, niṅaet dosagât dewunṅe bok bokṅe miawagep ikiṅaet me memeṅe eweṅe yetgât?” <sup>3</sup>hain makbiâ hin dâm makyenṅiep, “Amâ ikiṅaet dosagât bo, akto memeṅe eweṅe yetgât dosagât bo. Anutugât kârikṅe ain miawagâkgât hainâk miawagep. <sup>4</sup>Nâ huṅgun niṅep yâkgât âi dewutân mem manbian. Akto hâmbâi hândâk miawakto ain mendenṅe bo akbop. <sup>5</sup>Nâ hânân manbian amâ pagaleṅe dewutâ hainare aktere pagaleṅande erâm pagale yekbiap.” <sup>6</sup>Hain dâm hânân tâwutkom hân olop golaṅgom luâk aregât dewunṅân puliep. <sup>7</sup>Pulim hin dâm huṅgun aṅep, “Gâ ari Siloam bâtgumân dewunṅe puli.” dâep. Siloam amâ den purikṅe âmâ huṅgun aṅep. Akto luâk are arim dewunṅe pulim emet egep. Emekmâ âmâ emetṅân ariep. <sup>8</sup>Hain akmâ purik katmâ emetṅân âgâmbô galalupṅe sotgât ulit yenṅim malep are ekmâ luâk arekṅe hin maganṅi goanṅi akmâ hin dâyi, “Ulit nengim tatmâ manmap amâ ire me gain?” dâyi. <sup>9</sup>Hain dâmbiâ bikṅande hin dâyi, “Amâ ire.” dâyi. Dâ bikṅande amâ, “Bo hinare siâ.” dâyi. Hain dâmbiâ ikiṅak magep, “Maktâi amâ nâ ire.” dâep. <sup>10</sup>Hain dâmbô hin aikom dâyi, “Gâ gain gain akmâ dewunṅe hulaṅ aktâp?” dâyi. <sup>11</sup>Hain dâmbiâ makyenṅiep, “Luâk siâ kotṅe Yesu arekṅe hân golaṅgom dewunne pulim hin dâm makniṅdâp, “Gâ arim Siloam bâtgumân hâkge puli.” dâp. Akto nâ arim hâkne pulim arekṅeak emet ektân.” dâm makyenṅiep. <sup>12</sup>Hain makyenṅimbo aikom hin dâyi, “Luâk are yâgâten mandâp?” dâmbiâ, “Bo nânṅân.” dâep.

**Parisaioṅe luâk âlepṅe agep are hâkokoyi.**

<sup>13</sup>Akto luâk dewunṅe bok bokṅe are âlepṅe agep are Parisaio yenṅâlân oloṅmâ ariyi. <sup>14</sup>Akto Yesuṅe luâk dewunṅe bok bokṅe hân golaṅgom arekṅe henṅemgoep amâ âi bo meme sopṅân agep. <sup>15</sup>Akto Parisaio luâkṅe hinâk aikom dâyi, “Gâ gain gain akmâ dewunṅe miawaktâp?” dâmbiâ hin makyenṅiep, “Yesuṅe hân golaṅgom dewunne pulimbo nâ arim Siloam bâtgumân hâkne pulim dewunne hulaṅnektâp.” dâep. <sup>16</sup>Akto Parisaio yenṅâlân gâtṅe bikṅande magi, “Luâk are amâ Anutugâlân gâtṅe bo. Yâk âi meme sopṅe boân âi mem hilipkoâp.” dâyi. Dâ bikṅande amâ hin dâyi, “Yâk bâleṅe luâk manmâ dâine âi hainare gain gain membop?” hain dâm potalagi. <sup>17</sup>Akto luâk dewunṅe bok bokṅe agep are lâuwâṅe maganṅmâ, “Dewunṅe mem hulaṅdâp aregât amâ gugak gain gain nânṅanṅdât?” dâm maganṅbiâ dâep, “Yâk amâ propete siâ.” dâep.



18 Akto Yuda luâkŋe bundâk luâk are amâ dewunŋe bok bokŋe manmâ dewunŋe hulaŋagep hain dâm aregât han lâuwâ akmâ memenŋe ewenŋe oloŋ yelekbiâ togombela 19 hin ai yetkuyi, “Nan yetŋe ire dewunŋe bok bokŋe miawagep dâyi at are amâ gain gain akmâ dewunŋe âlepŋe miawaktâp?” dâyi. 20-23 Hain dâmbiâ humomolupyenŋe emelâk hin dâyi, “Siânŋe me siânŋe Yesu amâ Anutuŋe huŋgun aŋdo giep dâwai amâ den emetŋânba akto kâmolânba watyektenŋe yânŋânŋen manbai.” dâyi aregât yân manbâet dâm hin dâyi at, “Imâ nan netŋe. Akto dewunŋe bok bokŋe miawagep are nânŋâet. Dâ gain gain akmâ dewunŋe hulaŋ aktâp akto niŋande dewunŋe hulaŋdâp amâ bo nânŋâet. Dâ emelâk handâ agep aregât ikinŋe aikombiâ keiŋe makyenŋiâk.” dâyi at. Ewenŋe memenŋe hamewakmâ hain dâyi at. 24 Akto luâk dewunŋe bok bokŋe âlepŋe agep are lâuwânŋe oloŋmâ hin aikoyi, “Nen luâk aregât amâ luâk bâlenŋe dâmaen aregât yâkgât kotŋe amâ bo mem agat. Anutu konok yâkgât kotŋe mem agat.” dâyi. 25 Hain dâmbiâ hin dâep, “Woe, luâk bâlenŋe dâi amâ bo nânŋân. Hingât nânŋân. Ulikŋânba dewunne bok bokŋe manmâ gan. Dâ uŋak wan me wan ektân are amâ nânŋân.” dâep. 26 Hain dâmbiâ hâwât mâ hin dâyi, “Gain gain akgiŋdo dewunŋe hulaŋ akto ektât?” dâyi. 27 Hain dâmbiâ hin makyenŋiep, “Nâmâ emelâk makyenŋiân are bo nânŋâi. Wangât hâwât mâ makniŋdâi? Ye hoŋ bawa agaŋberâm maktâi me?” dâep. 28 Hain dâmbiâ nânŋâm bâlim hin dâyi, “Gâmâ yâkgât hoŋ bawa agaŋmat. Dâ nen amâ Mosegât hoŋ bawa agaŋmaen. 29 Anutuŋe Mose maganŋep a nânŋâen. Dâ luâk are niŋaet wâtŋân kinmâ kulem memap amâ bo nânŋâen.” dâyi. 30 Hain dâmbiâ nânŋâmbo umatŋe akto hin dâep, “Woe, luâk dewunne hulaŋdâp aregât kârikŋe wanânba memapgât pâpkom bo nânŋâen dâi? Imâ nânŋâm hanokoak akyenŋiân. 31 Nen hârok amâ hin nânŋâmaen. Anutuŋe amâ luâk bâlenŋe memai yâk yenŋât den bo nânŋâmap. Dâ luâk âmbâle lauŋe lokom kotŋe mem agatmai amâ Anutuŋe nânŋâyenŋimap. 32 Dâ luâk siâ dewunŋe bok bokŋe mem hulaŋep pat hainare hân miawagewânba siâ bo nânŋâm gambiâ gambiâ uŋak yu miawaktâp. 33 Aregât luâk ire amâ Anutugât wâtŋân kinmâ kulem memap. Dâ Anutuŋe bo huŋgun aŋdo giep dâine hinare bo membop.” dâep. 34 Hain dâmbiâ hin maganŋi, “Woe, gâmâ bâlenŋe higenŋe miawakmâ gaen amâ gain gain maknengiwêrât amâ bo.” dâm hâkokombiâ giep.

### Yesu bonânŋanŋmai amâ dewunŋe bok bokŋe.

35 Akto Yesuŋe luâk hâkokom panbiâ giep aregât pat nânŋâm mem miawakmâ hin maganŋep, “Gâ luâk akmâ gewiap dâyi yâk nânŋanŋdât me?” dâep. 36 Hain dâmbiâ hin dâep, “Apo, gâ maktât amâ niŋe? Hekat niŋmenâ ekmâ nânŋâm heŋgemgoanŋbe.” dâep. 37 Hain dâmbiâ hin maganŋep, “Makgiŋdere nektât nâ amâ ire.” dâmbiâ 38 hin maganŋep,

“Humone, nâ nângâ giŋdân.” dâm keiŋân kângom kotŋe mem agalep. <sup>39</sup>Akto Yesuŋe hin maganeŋep, “Nâ luâk âmbâle dosayeŋe mem miawakbiangât keiyeŋe mem makyenŋiwerâm hânân geân aregât dewunyeŋe bok bokŋe hinare heŋgem yeŋgure ekbai. Dâ dewunyeŋe âlepŋe are hainare amâ makyenŋire dewunyeŋe bokbiap.” dâep. <sup>40</sup>Akto Parisaio luâk olowâk kili arekŋe nângâm hin aikoyi, “Maktât amâ nen dewun nenŋe bok bokŋe hainare me?” dâyi. <sup>41</sup>Hain dâmbiâ hin dâep, “Ye dewunyeŋe bok bokŋe hainare manmai dâine dosayeŋe bo tatyenŋiwop. Dâ ye, “Nen âlepŋe ekmaen.” dâi aregât dosayeŋe tatyenŋiâp.” dâep.

### Yesu amâ lama yeŋgât lope.

**10** <sup>1</sup>Yesuŋe Yuda luâk âmbâle kili are hin makyenŋieŋep, “Nâ den bunŋe yu makyenŋiwe. Luâk siâ lama yeŋgât hânŋiân bo âgâm amâ lope loŋgaim aŋgânba âgâmai are amâ luâk kâmburâ dâmai. <sup>2</sup>Dâ luâk siâŋe hânŋiânba âgâmap are amâ lama amboyeŋe dâmai. <sup>3</sup>Yâkŋe togombo amâ hânŋi damunŋe arekŋe ekmâ hânŋi mem kalaŋdo âgâm lama yeŋgondo denŋe nângâm agatbiâ kewugu yekmâ arimap. <sup>4</sup>Akto lama damunyeŋaet den nângâm agatmai aregât luâk are ikiŋaet lama yeŋgondo sopanmai. Sopanmâ amboyeŋe watmâ arimai. <sup>5</sup>Dâ luâk aŋgâŋe âgâm yeŋgondo bo nânŋaŋmâ amâ bo watmai. Den aŋgâ nângâm hamep akmâ bo watmâ siâŋen arimai.” dâep. <sup>6</sup>Yesuŋe den dopŋe are makto amâ bo nânŋâyi.

### Yesu lama yeŋgât hânŋi.

<sup>7</sup>Akto Yesuŋe den ginŋe siâ hin dâep, “Nâ bundâk makyenŋiwe. Nâmâ lama yeŋgât hânŋi damunŋe hainare. <sup>8</sup>Nâ ulikŋân hânân boâk geân amâ luâk bikŋe Anutugât keiŋe makyenŋine dâm makmâ hianŋiyi. Luâk hain arekŋe amâ luâk kâmburâ hainare agi. Aregât nânŋât lama arekŋe denyeŋe bo nânŋâyi. <sup>9</sup>Nâmâ hânŋi hinare. Siâ nânŋâlân togombo amâ Anutuŋe heŋgemgowiap. Amâ âlepŋe gam gem gem akmâ sot me wan me wan sambe mem manbiap. <sup>10</sup>Dâ kâmburâ amâ lama hilip yeŋgum kâmbu mem ariwerâm togomai. Dâ nâmâ lamalupne heronŋe maronŋe manbaigât hânân geân. Heronŋe maronŋe getek bo. Heronŋe maronŋe humo nânŋâm manbaigât geân.

### Yesu damun âlepŋe.

<sup>11</sup>Nâmâ lama damunyeŋe âlepŋe aregât lamalupne dâm nugunŋet dâm kindere nugumbiâ mombian aregât hamep bo akman. <sup>12</sup>Dâ damun yânŋe âigât hâuŋâlâk nânŋâm amâ lama amboyeŋe bo manmapŋe dua metŋe togombo ekmâ hamewakmâ lama hepunyekmâ arimap. Arimbo amâ dua metŋe arekŋe lama yinŋim itiŋ gulam akyenŋimbo awam akmâ arimai. <sup>13</sup>Amâ damun yânŋe puligâlâkgât âi memap aregât lama damunyeŋe

bo manmap aregât lama hepuyekmâ pirâm arimap. <sup>14-15</sup> Akto Anutuŋe nânġâ niŋdo nâkâ nânġâ aŋman dop hainâk lamalupne nânġâ yeŋgire nânġâ niŋmâ metemai. Aregât lamalupne âlepŋân manbai dâm nuguyet dâm kindere nugumbiâ mombian. Hain akbiangât nâŋe konok lama damunyeŋe mandân. <sup>16</sup> Akto nânġât lamalupne amâ kâmot siâ mandâi akto siân manbai are gai nâ kewuguyekmâ nune konokŋe damunyeŋe akbiangât nânġân. Aregât yeŋgondere denne nânġâm togom kâmot konok akbai. <sup>17</sup> Akto nâ lamalupne yeŋġât akmâ manmanne hepunmâ mom âmâ lâuwâŋe manbian. Aregât Apone konok nânġâ niŋmap. <sup>18</sup> Ewenande mombiangât nânġâ niŋmâ lamagât âi niŋep aregât siâŋe ikiŋaet ukenŋe watmâ nuguwiapġât dâp bo talaŋmap. Bo dondâ. Siân nugumbiâ mombian amâ nunaet hanne watmâ maktere hain akbai. Akto lâuwâŋe membiangât hainâk nunaet hanne watmâ membiangât kârikŋe yeniŋdâp. Hain akbiangât Ewenande nânġâ niŋep.” dâep.

<sup>19</sup> Yesuŋe den hain dâmbo ain kili arekŋe lâuwâŋe makmâ potalagi. <sup>20</sup> Potalakmâ bikŋe hin dâyi, “Sinduk baniara bâleŋande hutgombo biwi gulip akmap aregât bo nânġaŋne.” dâyi. <sup>21</sup> Dâ bikŋande amâ hin dâm makyenġiyi, “Sinduk baniara bâleŋe arekŋe luâk dewunyeŋe bok bokŋe heŋgem yeŋguwiapġât kârikŋe bo tatyenġiâp. Aregât Yesu amâ sinduk baniara bâleŋande bo tângombo kulem keiŋe keiŋe mem amâ den âlepŋe maknengimap.” dâyi.

### Yuda luâkŋe Yesugât hâkânġ agi.

<sup>22</sup> Akto hamiŋân âmâ Yuda yeŋġât sumbe emetŋe meyi aregât hombaŋ miawagep. <sup>23</sup> Akto bâlâpŋe sopŋe miawagep ain Yesu Sumbe emetŋe aregât hânġi siâ kotŋe Salomo ain âġâep. <sup>24</sup> Ain âġâmbo Yuda yeŋġât humomolupyenŋe arekŋe ândeapmâ kinmâ hin aikoyi, “Gâ wangât keige heambukmenâ han lâuwâ akten? Gâmâ Anutuŋe huŋgun aŋdo gewiap dâmaen amâ gâ me? Keige maknengimenâ nânġâm heŋgemgone.” dâyi. <sup>25</sup> Dâmbiâ hin dâm makyenġiep, “Nâ emelâk dondâ makyenġire bo nânġâm heŋgemgomai. Apogât laugât âi meman arekŋe makmâ miawak nekmap. <sup>26</sup> Dâ ye amâ lamalupne bo akmâ manmaigât denŋe bo nânġâm heŋgemgomai. <sup>27</sup> Akto nâŋe lamalupne nânġâm meteyekman are yeŋgondere denne nânġâm watnekmai. <sup>28</sup> Watnekmai are âmâ wâtŋe akyenġire manman kepien manmâ âġâwai. Akto bo hilip agum dondâŋe manmâ âġâwai. Akto siâŋe nânġât kârikŋenânba mem hâre yekbiapġât kârikŋe bo talaŋdâp. <sup>29</sup> Akto Ewenande lamalupne are niŋdo meyekmâ mandân. Ewene âmâ siâ me siâ hârok ewanġiyekmap aregât siâŋe Ewenaet kârikŋânba mem bâli yekbiapġât dop bo tatâp. <sup>30</sup> Akto nâ Ewene net amâ dop konok.” dâep. <sup>31</sup> Yesuŋe hain dâmbo Yuda luâk kili arekŋe nânġâmbiâ bâliep aregât kât pitim komberâm agi. <sup>32</sup> Hain akbiâ Yesuŋe hin dâm makyenġiep, “Apone âigât kârikŋe niŋdo âi âlepŋe

keiŋe keiŋe mendere egi aregât wan bâleŋe aktere ekbiâ bâliepgât kâtŋe nuguwerâm aktâi?” dâep. <sup>33</sup>Hain dâambo hin dâyi, “Âi âlepŋe mema aregât bo guguweren. Dâ gâ luâk manmatŋe Anutu ewangiwerâm sârekomat are nâŋgâm Anutugât kotŋe bâliwopgât guguweren.” dâyi. <sup>34</sup>Hain maganbiâ hin dâep, “Woe, Anutuŋe makto Dawidiŋe luâk kembu yeŋgât hin kulemgoep, “Ye amâ hângât kembulupyene.” dâm kulemgoep. <sup>35</sup>Anutugât den kulemŋe amâ hilip agu agugât dop bo. Aregât Anutuŋe den makmâ miawakyeŋgim malep yâk âmâ kembulupyene dâep. <sup>36</sup>Aregât nâ Ewenande den dâtânerâm makmâ huŋgun niŋdo geân nâŋe nâ Anutugât nanŋe mandân dâre yeŋe wangât gâŋe Anutu ewangiwerâm sârekom maktât dâm makniŋdâi? Amâ makbiâ bâliâp. <sup>37</sup>Âi meman are ekbiâ Ewenaet dop bo manman dâine denne hâkân akbiâ ârândân akbop. <sup>38</sup>Gârâmâ âi meman are ekmâ imâ Anutugât âi hainare dâmai âmâ âlepŋe nâŋgâniŋbei. Nâŋgâniŋbiâ âmâ benŋe Anutuŋe biwiŋân kat nekmap akto nâŋe biwinân katman are gai nâŋgâm metewai.” dâep. <sup>39</sup>Hain dâambo nâŋgâmbiâ bâlimbo hikowerâm akmâ mem mesokbiâ hut yeŋânba yoŋâk gem ariep.

<sup>40</sup>Akto arewa Yesuŋe Yodaŋ tu hâtikoep. Hâtikom hângeiŋe Yohaneŋe keiŋe katmâ tu puli yekmâ malewân ain ari malep. <sup>41</sup>Ain mando luâk âmbâle dondâŋe yâkgâlân togom hin maganŋi goanŋi agi, “Yohaneŋe âmâ kulem meme imâ bo miep. Dâ Yohaneŋe Yesugât den magep amâ bunŋe akmâ metiep.” dâyi. <sup>42</sup>Hain dâm are yeŋgâlân gâtŋe dondâŋe Yesu nâŋganmâ biwiyeŋe Yesugâlân kali.

### Lasaro moep.

**11** <sup>1</sup>Betania kepian luâk siâ kotŋe Lasaro are kundat dondâ yiep. Akto Mata gariŋâi Maria lâuwâ amâ kepia ain gâtŋeâk. <sup>2</sup>Maria arekŋe Yesu tu higenŋe âlepŋe pulianmâ dumutŋande keiŋe pulianŋdo kamiliep yâkgât emiŋe Lasaro are kundat dondâ yiep. <sup>3</sup>Akto mamaŋâi Yesugât den makmâ katbela ariep, “Humo gâ nâŋgâ. Galage kundat dondâ akmâ yendâp.” dâmbela <sup>4</sup>Yesuŋe pat are nâŋgâm hin dâep, “Lasaro âmâ kundat akmâ yem âmâ momo kârikŋe bo mombiap. Nâ Anutugât nanŋe nâ kulem mendere kotne akto Anutugât kotŋe mem agatbaigât kundat are miawaktâp.” dâep.

<sup>5</sup>Akto Yesuŋe Mata akto gariŋe Maria akto Lasaro are yeŋgât okotŋe dondâ nâŋgâep. <sup>6</sup>Yesuŋe kundat aregât pat nâŋgâm hilâm lâuwâ bo akto <sup>7</sup>hoŋ bawalupŋe hin makyenŋiep, “Gambiâ Yudaia hânân purik katmâ arine.” dâambo <sup>8</sup>hoŋ bawalupŋe hin dâm maganŋi, “Humo, nengât humomolupnenŋande âgâlânâk kâtŋe guguwerâm agi aregât wangât ariwerât?” dâmbiâ <sup>9</sup>hin makyenŋiep, “Âi meme sop amâ 12 awa yendâp aregât âi meme sopŋân siâ yâk hân iregât pagalenân arimbo wanŋe me wanŋe bo ewuwiap. <sup>10</sup>Dâ hândâkŋân siâ pagaleŋe kulâgâtâm arimbo

âmâ wan me wan arekŋe ewum hionbiap.” dâep <sup>11</sup>Hain dâm âmâ den hin dâm dewatiep, “Dâ galanenŋe Lasaro asiŋ yendâp. Nâ arim goanberân.” dâep. <sup>12-13</sup>Hain dâm Yesuŋe Lasaro moepgât den ginŋeâk makyenŋimbo âmâ yân asiŋgât maktâp dâm bo nâŋgâm heŋgemgoyi aregât hin dâm magaŋi, “Humonenŋe, asiŋ yem amâ âlepŋe akbiap.” dâyi. <sup>14</sup>Hain dâmbiâ Yesuŋe makmâ miawakmâ hin makyenŋiep, “Lasaro moep. <sup>15</sup>Nâ ain manmâ galane heŋgemgoân dâine gain gain kulem humo ekmâ biwiyenŋe nâŋgâlânâk katmâ manbâi? Dâ yeŋe kulem humo ekmâ keine nâŋgâm heŋgemgowaigât bo ari heŋgemgoân aregât kambiamne heronŋe aktâp. Gârâmâ moepgât arine.” dâep. <sup>16</sup>Hain dâmbo Toma kotŋe siâ Didimo yâkŋe hin dâm makyenŋiep, “Nen mombaengât bo hamep akmaen aregât nen yâk olop arine.” dâep.

### Yesu yâk amâ kârikŋe akto manmangât Amboŋe.

<sup>17</sup>Lasaro sumân hilâm imbât yendo Yesuŋe arim miawagep. <sup>18</sup>Betania amâ Yerusalem kepia ginŋân ewumâk talep. <sup>19</sup>Arewa Yuda luâk dondâŋe arim Maria akto Mata emiyetŋe moepgât âi girâp akberâm ariyi. <sup>20</sup>Akto Mata Yesu dâwân togom mandâp dâmbiâ nâŋgâm garinŋe emelan tato are hepunmâ dâwân arim peniaŋep. <sup>21</sup>Peniaŋmâ hin magaŋep, “Humo gâ in malen dâine emine bo mombop. <sup>22</sup>Akto hinŋeâk gâŋgât gai nâŋgâm wan me wangât Anutu ulilaŋmenâ dowâk nâŋgâ giŋberâp.” dâep. <sup>23</sup>Akto Yesuŋe hin magaŋep, “Emige golâ akmâ agatberâp.” dâmbo <sup>24</sup>Matanŋe hin magaŋep, “Manmâ hâmbâi sop humoân golâ akmâ agatbiap amâ nâŋgân.” dâep. <sup>25</sup>Hain dâmbo hin magaŋep, “Golâ akmâ manbaigât Amboŋe amâ nâ. Aregât niŋemaŋe nâ nâŋgâ niŋbai âmâ manmâ mom amâ âlepŋe lâuwânŋe golâ akmâ manmâ âgâwai. <sup>26</sup>Dâ luâk siâ golâ manmâ nâŋgâniŋbiapŋe amâ momo bâlâk manmâ kârikŋe manmâ âgâwapi. Gâ den are nâŋgâm heŋgemgoât me?” dâm aikoep. <sup>27</sup>Aikombo hin magaŋep, “Humone maktât are amâ nâŋgâm heŋgemgoân. Akto areâk bo. Anutuŋe nanŋe huŋgunaŋdo gewiap dâm lâmgom gamaen amâ gâ.” dâep. <sup>28</sup>Hain dâm âmâ pârigim ari garinŋe Maria are konmâ yoŋâk hin magaŋep, “Ewenenŋe dâwân togom gâ gogondâp.” dâep. <sup>29</sup>Akto Mariaŋe nâŋgâm areâk agatmâ Yesugâlai ariep. <sup>30</sup>Ariwerâmbo âmâ Yesu indâgen kepia ginŋân Mata den magaŋep ainâk kilep. <sup>31</sup>Gârâmâ Maria dowâk agatmâ arimbo Yuda luâk âmbâle Maria biwiŋe sândugeâkgât âi mem emelan tali arekŋe sumângen indewerâm ariâp dâm hamiŋân ariyi. <sup>32</sup>Dâ Mariaŋe arim peniaŋmâ ekmâ Yesugât keiŋân kâŋgom yem hin magaŋep, “Humo, gâ in malen dâine amâ emine bo mombop.” dâep. <sup>33</sup>Hain dâm indembo Yuda luâk âmbâle olop togoyi are olowâk indeyi. Indembiâ yekmâ Yesu kambiamŋe bâliep. <sup>34</sup>Hain akmâ aiyenŋuep, “Yâgâten hangoyi.” dâmbo hin dâyi, “Humo, togom ek.” dâyi. <sup>35</sup>Hain dâmbiâ Yesuŋe indiep. <sup>36</sup>Akto kili arekŋe ekmâ hin dâyi, “Ekŋet. Nâŋgâ

nângâne amâ yâkgât dondâ nângâmap.” dâyi. <sup>37</sup>Dâ bikñande hin dâyi, “Dewunñe bok bokñe siâ makto dewunñe hulañ agep aregât âlepñe Lasaro heñgemgombo dâine golâ akbop.” dâyi.

### Yesuñe Lasaro kondo golâ agep.

<sup>38</sup>Akto Yesuñe kambiamñe bâlimbo sumângen ariep. Lasaro hâkñe amâ kât dâpñângen yiep. Dâ hânñi amâ kât humo siâñe hâkokombiâ ge tigiep. <sup>39</sup>Aregât Yesuñe hin dâep, “Kât hâkokoñet.” dâmbô Lasarogât mamañe Matañe hin dâep, “Humo, hilâm imbât yiepgât higenñe aktâp.” dâep. <sup>40</sup>Hain dâmbô hin magañep, “Den makñidere a bo nângât. Hin. Gâ nângâniñmenâ Anutu kârikñaet kulem miawakto ekberât.” dâep. <sup>41</sup>Akto kât hâkokombiâ Yesuñe dewunñe egon panmâ hin ulilañep, “Apo, gâ ulit ñidere nângât aregât mepaige akñidân. <sup>42</sup>Akto ulit ñidere ainâk dowâk nângâmat aregât nângâre âlepñe aktâp. Dâ nâ luâk âmbâle yân yu kinmâ ariâi irekñe gâñe huñgun niñmenâ geân aregât biwiyeñande nângâm heñgemgoñetgât hain makñidân.” dâep. <sup>43</sup>Hain dâm kârikñeâk konmâ, “Lasaro agatmâ gut.” dâmbô <sup>44</sup>momoñe arekñe agatmâ gulep. Keñe båtñe sâñgum duwatmâ dâgâm menduguyi akto enem dewunñe sâñgumñe katipkoyi aregât Yesuñe hin makyenñiep, “Sâñgum gagaim panbiâ ariâk.” dâep.

### Yesu kone dâm den hikoyi.

<sup>45</sup>Akto Yuda luâk dondâ Mariagâlân togoyi are yengâlân gâtñe dondâñe Yesuñe kulem mendo keñe ekmâ nângâyi. <sup>46</sup>Dâ bikñande âmâ Yesuñe kulem mendo egi aregât Parisaio yengâlân arim wan me wan agep aregât den pat makyenñiyi. <sup>47</sup>Akto sumbe kat kat yengât luâk humomolupyeñe akto Parisaio luâk arekñe nângâm humomo oloñ yekmâ hin makyenñiyi, “Luâk are kulem dondâ memapgât wanân gain gain agañbaen? <sup>48</sup>Nen ekmâ hansumbu akmâ mandenñe âmâ luâk âmbâle dondâñe yâkgâlân dewati metembiâ âmâ Roma luâkñe gasa aknengim hân me sumbe emetñe me wan me wan hârok hilipkom nengim watnenekbâi.” dâyi. <sup>49</sup>Akto yâk yengât galayeñe siâ kotñe Kaipa hombañ ain sumbe kat kat yengât humo malep arekñe hin dâep, “Ye han nângâ nângâyeyene bâlâk mandâi. <sup>50</sup>Aregât hin makyenñire nângâm akberâi. Nen hârok bâlim metewâengât luâk konok arekñe dumnennân kinmâ moâkgât nângâm heñgemgone.” dâep. <sup>51</sup>Den are ikiñe nângâ nângâñaet bo magep. Yâk âmâ hombañ sop ain sumbe kat katgât humo malep aregât den are bunñe miawakbiapgât magep. Yesu amâ bunñe dondâ luâk yengât akmâ moâkgât makmâ hâreañi. Dâ keñe âmâ bo nângâep hain. <sup>52</sup>Hain akto Yuda luâk âmbâle yâkgâlâk bo. Anutuñe ikiñe dâtâñe hânñe hânñe hârok manmâ arimai hârok mendugu yekmâ kâmot konok akmâ manñet dâm agañdo sumbe kat kat luâk Kaipa are hain makmâ hâreañep. <sup>53</sup>Akto

Kaipanje hain dâep ainba Yesu komberâm den âi keiŋe kali. <sup>54</sup>Aregât Yesuŋe Yuda luâk yeŋgâlân lâuwâŋe bo miawakmâ malep. Gârâmâ kepia siâ hân kamitŋe aregât ginŋân talep kotŋe Epraim ain hoŋ bawalupŋe meyekto ari mali.

<sup>55</sup>Akto aregât hamiŋân hombaŋ kotŋe Pasowa are tâlâgumbo kepia ginŋe ginŋe ainba luâk âmbâle dondâŋe Yerusalem kepia ain hombaŋ miawakbiapgât aregât Anutugât emetŋân kinbiâ huraguâkgât âgâyi. <sup>56</sup>Âgâm sumbe emetŋân kinmâ Yesugât kulâgâtmâ hin dâm magaŋgi goaŋgi agi, “Ye gain gain nâŋgâi? Yesu hombaŋgât in togowerâp me bo?” dâyi. <sup>57</sup>Akto Sumbe kat kat humomolupyenŋe akto Parisaio luâkŋe âmâ den kârikŋe hin dâyi, “Yesu togom mando âmâ siâŋe ekmâ togom maknengimbo kala busi kâlegen katbaen.” dâyi.

### Mariaŋe Yesu keiŋe puliep.

**12** <sup>1</sup>Akto hombaŋ kotŋe Pasowa akto hilâm 6 irawot akberâmbo ainâk Yesuŋe Betania kepian togoep. Akto Betania kepia amâ Lasaro moep ain Yesuŋe magaŋdo agatmâ golâ malep yâkgât kepia. <sup>2</sup>Yesuŋe ain togombo ainâk Lasaroma Yesu togoâp aregât heronŋe maronŋe aknerâm sot oyi. Yesu akto Lasaro olop tatbiâ Mata Lasarogât mamaŋe yâkŋe sot mem gutmâ yeŋgimbo neyi. <sup>3</sup>Nembiâ ainâk Maria Lasarogât mamaŋe siâŋe umbâ konok tu higenŋe siâ âlepŋe puliŋe humo arekŋe Yesugât keiŋân kâiep. Akto dumutŋande pulimbo kamiliep akto higenŋe arekŋe emet kâleŋe ârândân akto hârok nâŋgâyi. <sup>4</sup>Akto yâkgâlân gâtŋe siâ Yudasi Karioto kepian gâtŋe luâk arekŋe hâmbâi Yesugât gasa kewugu yekto Yesu meyi yâkŋe hin magep, <sup>5</sup>“Woe, âmbâle ire wangât hain aktâp nâŋgâre bo huraguâp. Dâ tu higenŋe ire luâk yeŋgienŋe hâukombiâ dâine nenŋe puli dondâ mem luâk âmbâle umburuk yeŋgiwâen ina.” dâep. <sup>6</sup>Akto yâk amâ luâk umburuk yeŋgât nâŋgâm bo magep. Yâk âmâ puli damunŋe akmâ puli bikŋe kâmbu meminep aregât puligât dondâ nâŋgâm magep. <sup>7-8</sup>Hain dâmbo Yesuŋe hin dâm magaŋep, “Âmbâle iregât nâŋgâmbiâ bo bâliâk. Luâk âmbâle umburuk ire âmâ ye olop sop kâlep tatmâ âgâwai are tân yeŋguwerâm akbai amâ âlepŋe tân yeŋguwaigât sop tatbiap. Dâ nâmâ ye olop sop kâlep bo manbian aregât luâk âmbâle bikŋande tân nuguwerâm akberâi are âmâ sop bo akbopgât hinŋe dowâk tân nuguâkgât nâŋgân. Aregât âmbâle ire han nuguwaigât tu ire puli niŋdâp.” dâep. <sup>9</sup>Akto Yuda kâmolân gâtŋe dondâ Yesu ain talep are nâŋgâm ekberâm yâkgâlân togoyi. Akto emelâk Yesuŋe makto Lasaro moep arekŋe sumânba agatmâ golâ malep akai ekberâm togoyi. <sup>10-11</sup>Lasaro golâk agep are togom ekmâ nâŋgâmbiâ humo akto biwiyenŋe Yesugâlân kali. Hain akbâigât sumbe kat kat humomolupyenŋe luâk âmbâle hârok hepun nenektâi dâm aregât Yesu akto Lasaro lâuwâ lâuwâ bugâŋe yetkuenŋe moet dâm aregât den âi meyi.



**Yesuŋe Yerusalem kepia âgâm ariep.**

<sup>12</sup> Akto agatmânân luâk âmbâle dondâ hombaŋ aregât Yerusalem kepiân togoyi arekŋe Yesu Yerusalem togom âgâwerâm agep pat are nânġâyî. <sup>13</sup> Akto Yesu dâwân peniaŋberâm matuk esenŋe mem dâwân arim hin dâm koli, “Luâk ire Humonenŋande huŋgun aŋdo giep. Akto nen Israe gâtŋe damun nenŋe togoâpgât aregât heronŋe akne.” dâm koli. <sup>14</sup> Akto Yesuŋe doŋgi nanŋe siâ mem miawakmâ kakŋân tatmâ mem mânġimbo Yerusalem dâwân togoep. Amâ Anutugât Propete siânŋe hin kulemgöep,

<sup>15</sup> “Sioŋ ambolupŋe hin makyenġire nânġânŋet. Yenġât Humoyenŋe togowiap yâkŋe doŋgi nanŋe kakŋân togombo ekbai aregât hamep bo akŋet.” dâm kulemgöep.

Den are bunŋe akto Yesuŋe doŋgi nanŋe siâ kakŋân tato Yerusalem âgâep. <sup>16</sup> Akto sop ain hoŋ bawalupŋe âmâ Yesuŋe siâ siâ miep aregât keiŋe bo nânġâm heŋgemgoyi. Dâ hamiŋân Yesu himbimân âgâmbo ainâk nânġâ nânġayeŋe hulaŋ akto kulem esenŋe tâmbânân Yesuŋe wan me wan akbiapgât kulemgoyi are hârok nânġâm meteyi. Akto ainâk luâk âmbâleŋe wan agaŋbaigât kulem esenŋân tatâp are bunŋe akto sop ain âmâ aregât keiŋe boâk nânġâm heŋgemgoyi. <sup>17</sup> Akto luâk âmbâle undup Yesu olop togoyi arekŋe Yesuŋe Lasaro konmâ goaŋdo momoŋânba agalep are egi aregât pat ain kili are makyenġiyi. <sup>18</sup> Hain dâm makyenġimbiâ ainâk kâmot humo arekŋe Yesuŋe kulem miep are dâwân peniaŋne dâm ariyi. <sup>19</sup> Ari peniaŋbiâ aregât Parisaio ain kili arekŋe hin magaŋgi goaŋgi akmâ dâyi, “Woe, luâk âmbâle dondâ Yesugâlân dewatiwerâm aktâi aregât gain gain aktenŋe Yesu hepunŋet aregât dâp bo tatâp.” dâyi.

**Girik luâkŋe Yesu ekberâm togoyi.**

<sup>20</sup> Akto sop ain luâk âmbâle dondâ hombaŋ kotŋe Pasowa are tatmâ Anutugât kotŋe mem agatne dâm aregât Yerusalem togom mali. Are yenġâlân gâtŋe bikŋe amâ Girik luâk âmbâle. <sup>21</sup> Akto Girik luâk irekŋe âmâ Pilipo Besaida kepia Galilaia hânân talep aregen gâtŋe yâkgâlân togom aikom hin dâm magaŋi, “Gala, nen Yesu ekberâm togoen.” dâyi. <sup>22</sup> Akto Pilipoŋe gain gain aknerâm galaŋe Anderea magaŋep. Magaŋdo nânġâmbo lâuwâ lâuwâ Yesugâlân arim magaŋiat. <sup>23</sup> Magaŋbela nânġâm den hâuŋe hin magep, “Bâin. Luâk akmâ geân nâ luâk âmbâle dondânŋe nekmâ kotne mem agatbai aregât sopŋe ewumâk aktâp. <sup>24</sup> Den umatŋe ire makyenġire nânġânŋet. Senġo koaŋe hânân bo gem âmâ yân yembiap. Dâ hânân gewiap amâ hambum pâtkom bunŋe dondâ yembiap. <sup>25</sup> Akto luâk âmbâle bikŋe are manmanyenŋe aregâlâk nânġâwai âmâ wan me wan arekŋe bâliyenġiwiap. Dâ luâk âmbâle bikŋe hâkyenŋe me wan

me wan yeŋaet bo nânġâmai arekŋe âmâ hâmbâi manman kârikŋân manmâ âġâwai. <sup>26</sup>Yeŋġâlân ġâtŋande nâ tân nuguwerâm akmâ âmâ âlepŋe nânġâlân togombiâ nâ olop manbaen. Akto nânġe manbian ain hoŋ bawalupne arekai ain manbai. Akto niŋemaŋe tân nuguwai amâ Ewene Anutu arekŋe memene akyeŋgimbo manman âlepŋân manbai.” dâep.

<sup>27</sup>Akto Yesuŋe Anutu hin dâm magaŋep, “Woe, kambiamne umatŋe dondâ akto areġât gain gain akbe? Apo, uŋak siâ siâ nânġâlân togowerâp areġât makmenâ bo agâk ġârâmâ hain bo ak. Nâ ireġât sop miawagâk dâm togom manmâ gan. <sup>28</sup>Areġât Apo ġâ makmenâ kot patġaet kulem agat agatŋe miawakto luâk âmbâle dondâ ekmâ kotġe mem agatbai.” dâep. Hain dâmbo ainâk den siâ himbimânba hin ġiep, “Nâ emelâk kot patnaet maktere miawaktâp. Akmâ kulem agat agatne areâk maktere miawakmâ âġâwiap.” dâep. <sup>29</sup>Akto kâmot kili arekŋe nânġâm bikŋande hin dâyi, “Himbim kururundâp.” dâyi. Dâ bikŋande âmâ hin dâyi, “Aŋelo siâŋe den magaŋdâp.” dâyi. <sup>30</sup>Hain dâmbiâ Yesuŋe hin dâep, “Den amâ nâ nune tân nuguwerâpġât bo miawaktâp. Yeŋġât akmâ miawaktâp. <sup>31</sup>Uŋak âmâ Anutuŋe hân ireġât luâk âmbâle potat yekberâp. Akto Anutuŋe hân ireġât Ambone hâkokombo yeukŋe akbiapġât sop irawot akbiap. <sup>32</sup>Luâk bikŋande nâ lâwinân hokat nekmâ mem agatbiâ âmâ ainâk luâk âmbâle hânċe hânċe manmai are bikŋe oloŋyektere nânġâlân togowai.” dâep. <sup>33</sup>Yesuŋe hain magep amâ ikinċe mombiapġât dopŋe katmâ makmâ makyeŋġiep. <sup>34</sup>Hain makto areġât luâk âmbâle ain kili arekŋe den are nânġâmbiâ bâlimbo hin dâm magaŋi, “Woe, hain bo. Nen Moseġât denân oyaŋmâ hin nânġâmaen. Anutuŋe huŋgun aŋdo ġewiap yâkŋe âmâ bo mombiap. Akto manman kârikŋân manmâ âġâwiap. Akto ġâ hin dâmat, “Luâk akmâ ġeân.” dâmat areġât gain gain, “Lâwinân hokat nekbiâ mombian.” dât? Areġât niŋande luâk akmâ ġiep?” dâyi. <sup>35</sup>Hain dâmbiâ Yesuŋe hin dâm makyeŋġiep, “Sop tâlâwâk Anutuġât pagaleŋe erâm âġâwerâp. Hâmbâi yâk hân ireġât pagaleŋe hinare yeŋġâlânba agatmâ ariwiap areġât hândâkŋe katip yeŋġuwopġât ye pagaleŋânâk bam ġutŋet. Akto siâŋe hândâkŋân bam ġutmap arekŋe yâġâten ariwiap amâ bo nânġâp. <sup>36</sup>Areġât uŋak âmâ ye pagaleŋânâk tataiânâk hainâġâk pagaleŋaet nânġaŋbei. Yâk pagaleŋe hinare areġât pagaleŋân manberâmbiâ âmâ âlepŋe manman kârikŋân kat yekto pagaleŋân manmâ âġâwai.” dâep. Yesuŋe den ire makmâ metem âmâ hepun yekmâ ġem heambugep.

### Yuda luâkŋe Yesuġât nânġâmbiâ ġiep.

<sup>37</sup>Akto emelâk Yesuŋe kulem hârok mendo egi amâ yâġġât keiŋe bo nânġaŋi. <sup>38</sup>Haingât Propete Yesaiŋe hin kulemġoep,  
 “Humo, Propetelupge nenċe âmâ arim ġânġât den pat are  
 arim makyeŋġienċe luâk hârokŋe nânġâm hianġim dâm bo

nângânengimai. Akto Kembugât bât are niŋaelân miawakmap?”  
dâm kulengoep.

<sup>39</sup>Den are bunŋe akto luâk âmbâle dondâŋe Yesugât hâkâŋ akmâ  
yâkgât keiŋe bo nâŋgâm heŋgemgoyi. Akto Yesaiŋe den siâ hin  
kulengoep,

<sup>40</sup>“Anutuŋe dewunyeŋe mem bukum hanyeŋe gisapkoep. Amâ  
luâk âmbâle dewunyeŋande siâ me siâ ekmâ nâŋgâwâigât,  
akto hanyeŋân nâŋgâm kotgâwâigât, akto hanyeŋe purikatbiâ  
heŋgemyeŋguwomgât Anutuŋe hain dâm akyeŋgiep.”

<sup>41</sup>Akto Yesaiŋe Yesugât keiŋe pagaleŋe hârok nâŋgâm metem âmâ  
aregât hain kulengoep. <sup>42</sup>Dâ luâk âmbâle kotdâ bikŋe akto luâk âmbâle  
yânŋe bikŋe Yesugât keiŋe nâŋgâyi. Amâ Parisaio luâkŋe hin dâyi, “Luâk  
âmbâle bikŋande Yesu amâ Humonenŋe dâwai are den emetŋânba akto  
kepia yeŋânba wat yektenŋe hâkŋâŋgen manbai.” dâyi. Aregât Parisaioŋe  
wat nenekbâi dâm aregât Yesugât keiŋe bo makmâ miawagi. <sup>43</sup>Akto  
luâk âmbâle arekŋe Anutuŋe kotnenŋe mem agalâk dâm aregât ukeneŋe  
bo nâŋgâmai. Dâ luâkŋeak kotnenŋe mem agatŋet dâm aregât ukeneŋe  
nâŋgâmai. Hain akmâ Yesugât keiŋe bo makmâ miawagi.

#### Yesugât denŋande luâk âmbâle potatyekmap.

<sup>44</sup>Akto Yesuŋe konmâ hin dâep, “Luâk âmbâle bikŋe nâŋgât nâŋgâi  
amâ nâŋgâlâk bo nâŋgâmai amâ Ewene huŋgun niŋdo togoân yâk hainâk  
nâŋganđâi. <sup>45</sup>Akto nâ nekmapiŋe huŋgunniŋep yâk olowâk ekbiap.  
<sup>46</sup>Nâmâ hân iren pagaleŋe hainare togoân amâ luâk âmbâle biwiyeŋe  
nâŋgâlân katbai âmâ hândâkŋân bo manbai. <sup>47</sup>Dâ luâk âmbâle bikŋe  
nâŋgât den nâŋgâm bo lokowai âmâ nâ hinŋe den âiân bo katyekberân.  
Nâmâ hânân luâk âmbâle ire potatyekbiangât bo togoân. Bo. Nâ luâk  
âmbâle heŋgem yeŋgum meyekberâm geân. <sup>48</sup>Akto luâk âmbâleŋe  
haminiŋmâ nâŋgât den bo nâŋgâwai are amâ nâŋgât den arekŋe sop  
bâiŋân potatyekbiap. <sup>49</sup>Nâmâ den ire âmâ nune nâŋgâ nâŋgânân bo  
makmâ gan. Apo huŋgun niŋdo geân arekŋe nâ wan makman aregât  
âmâ makmâ hekat niŋep. <sup>50</sup>Aregât keiŋe amâ hin. Ewenande manman  
kârikŋaet keiŋe hekat yeŋgiwen dâm makniŋep areâk lokom Aponande  
makniŋewâk makman.” Yesuŋe hain dâep.

#### Yesuŋe hoŋ bawalupŋe yeŋgât keiyeŋe puliep.

**13** <sup>1</sup>Akto hombaŋ kotŋe Pasowa are boâk miawakto Yesu hân ire  
hepunmâ Eweŋalae ariwiapgât sop miawakto nâŋgâep. Hain  
nâŋgâm âmâ ikiŋaet kâmot yeŋgât okotŋe dondâ nâŋgâep. Akto hainâk  
hainâk okotŋe dondâ nâŋgâm âgâwiap. <sup>2</sup>Akto eŋgaiŋe sot nem tatbiâ  
emelâk Hiaŋgi Amboŋande Yudasi Karioto gâtŋe luâk siâ Simoŋgât nanŋe  
yâk Yesugât gasa hekat yeŋgiâkgât hâwâlep. <sup>3</sup>Hâwâto lauŋe lokowerâmbo

ainâk Yesuŋe Eweŋande siâ me siâ emelâk waŋep are nâŋgâep. Akto Anutuŋe huŋgun aŋdo gem manmâ benŋe purik katmâ Anutugâlai âgâwiap are gai nâŋgâep. <sup>4</sup>Haingât sot hepunmâ agatmâ sâŋgum kakŋân luguagep are oloŋmâ pando gembo puliak puliak pânân dâgâep. <sup>5</sup>Hain akmâ kondo humoân tu kâim keiŋe katmâ Aposololupŋe yengât keiyeŋe tu pulim âmâ pânân dâgâep arekŋe keiyeŋe pulimbo kamiliep. <sup>6</sup>Hain akmâ bam bam Petoro gâlân togoep. Akto Petoroŋe Yesuŋe wan akyengiep aregât nâŋgâmbo umatŋe akto hin maganep, “Humo, nâŋgât keine bo puli. Hepun.” dâep. <sup>7</sup>Akto Yesuŋe hin dâep, “Siâ siâ nâŋe uŋak aktân amâ gâŋe bo nâŋgât. Gârâmâ hâmbâi âmâ aregât keiŋe nâŋgâwiat.” dâep. <sup>8</sup>Dâmbo maganep, “Gâ keine bo puliwerât. Bo dondâ.” dâmbo hin maganep, “Dâ nâŋe bo puli gekberân âmâ gâ nâŋgâlân gâtŋe bo akberât.” dâep. <sup>9</sup>Dâmbo maganep, “Humo, aregât nâŋgât hâkne hârok kautne bâte me wan me wan puliniŋ.” dâep. <sup>10</sup>Dâmbo dâep, “Luâk siâŋe hâkŋe hârok puliep yâk âmâ lâuwâŋe bo puliakbiap yâk âmâ keiŋeâk puliwiap aregât ye emelâk ye puliyeckere biwiyeŋe salek aktâp. Dâ ye hârok bo.” dâep. <sup>11</sup>Amâ Yesuŋe Yudasieŋe gasalupne makyengimbo menekberâi nâŋgâm ye hârok bo dâep.

<sup>12</sup>Emelâk keiyeŋe pulim metem âmâ benŋe sâŋgum kâlep are lâuwâŋe mem luguakmâ tatmâ hin makyengiep, “Nâ siâ siâ yu akyengiân aregât keiŋe a nâŋgâi mon? <sup>13</sup>Yeŋe hin nogonmai, “Humonenŋe akto Tiksa.” dâmai amâ âlepŋe makmai. Nâmâ Humoyeŋe akto tiksayeŋe akman. <sup>14</sup>Akto nâ Humoyeŋe akto tiksayeŋe nâŋe keiyeŋe puliân aregât hainâk galalupyene keiyeŋe puliwei. <sup>15</sup>Nâŋe agak meme âlepŋe hekat yeŋgiân gârâmâ yekâ hainâk agak meme âlepŋe hekat yeŋgim hainâk akbei. <sup>16</sup>Nâ den bundâk makyengire nâŋgâŋet. Âi luâk amâ damunŋe bo ewangimap. Akto luâk siâŋe luâk huŋgun aŋmap are bo ewangimap. <sup>17</sup>Akto ye aregât nâŋgâi amâ siâ me siâ ire akbei. Akto hain akbai âmâ Anutuŋe meme akyengimbo herone humo akbai. <sup>18</sup>Nâmâ ye hârok yeŋgât bo maktân. Nâŋe nâŋgât kâmot hârok oloŋ yektere nâŋgâlân togoyi ye nâŋgâyekman. Dâ yeŋgâlân gâtŋe konok âmâ herone bo akbiap. Amâ Anutuŋe makto siâŋe hin kulengoep, “Nâŋgât gala nâ olop sot nendâp ire âmâ gasane akmâ bâleŋe akniŋbiap.” kulengoep den are bunŋe akto yeŋgâlân gâtŋe siâ nâŋgât kâmolân gâtŋe bo akbiap. <sup>19</sup>Nâ ya maktân amâ boâk miawaktâp. Haingât hâmbâi ire miawakberâp âmâ âlepŋe yeŋe nâŋgât hin nâŋgâwai, nâmâ yâk, hain nâŋgâwai. <sup>20</sup>Den bunŋe hin makyengire nâŋgâŋet. Luâk siâ nâŋgât âi meâkgât huŋgun aŋdere arimbo âmâ benŋe siâŋe tângowiap nâkai dop hainâk tân nuguwiap. Akto tân nuguwiapŋe Ewene huŋgun niŋep are dop hainâk tângowiap.” dâep.

### Yesuŋe gasa yeŋgât keiŋe magep.

<sup>21</sup>Akto Yesuŋe hain dâm biwiŋe umatŋe agep aregât den hin dâep, “Woe, yeŋgât hutyeŋân gâtŋe siâŋe nâŋgât gasalupne hekat yeŋgimbo menekberâi.”

dâep. <sup>22</sup>Hain dâmbô yejeak âmâ konok konok niŋe me niŋe dâm luâk yejeak ai aguyi. Niŋaet magep amâ bo nânġâyi. <sup>23</sup>Akto Yesuŋe okotŋe dondâ nânġaŋmap are Yesugât ginŋânâk talep. <sup>24</sup>Haingât Petoroŋe yoŋâk bâtŋandeak konmâ hin dâm magaŋep, “Gâŋe aikomenâ nânġâne.” dâep. <sup>25</sup>Hain dâm magaŋdo Yesugât ginŋânâk talepġât are hin magaŋep, “Humo niŋaet maktât.” dâep. <sup>26</sup>Akto Yesuŋe den hâuŋe hin magaŋep, “Sot bikŋe ire tuân panmâ waŋdere ekberâi amâ luâk are konok.” dâep. Hain dâm sot tuân pando gembo mem oloŋmâ Simoŋ Karioto kepien gâtŋe malep yâġġât nanŋe kotŋe Yudasi are waŋep. <sup>27</sup>Yudasiŋe sot are mem nendo ainâk Hianġi Amboŋande biwiŋân ġiep. Hain akto Yesuŋe magaŋep, “Wan me wan akberâm dowâk akben.” dâep. <sup>28</sup>Hain dâm magaŋep areġât keiŋe ain tali arekŋe bo nânġâyi. <sup>29</sup>Siânbaŋe amâ hin nânġâyi. Amâ Yudasiŋe puli itoŋe memap areġât Yesuŋe hombaŋ ireġât siâ siâ hâukoâġġât magaŋdâp me siâ siâ luâk umburuk yeŋġiwiapġât magaŋdâp hain nânġâyi.

### Yesuŋe den kârikŋe aŋġâ makyenġiep.

<sup>30</sup>Akto Yudasiŋe sot are mem nem âmâ dowâk gem hâkŋânġen sopando emelâk emet dâġâep. <sup>31</sup>Yudasi arimbo âmâ ainâk Yesuŋe hin makyenġiep, “Hinŋe Anutuŋe huŋgun niŋdo ġeân areġât keiŋe luâk âmbâle dondâŋe nânġâm kotne mem agatbai areġât dâp miawaktâp. Akto wan membian areġât akai Anutuġât kotŋe mem agatbai. <sup>32</sup>Akto nâ wan akberân areġât Anutuġât keiŋe miawakto ekmâ kotŋe mem agatbai amâ benŋe uŋak Anutu nânġât keiŋe mem miawagân katberâp. <sup>33</sup>Hoŋ bawalupne, nâ ye olop sop pân konok tatberen. Hâmbâi arire undâġât nekbiâ bo akberâp. Akto nâ ulikŋân Yuda humomolupyenŋe akto sumbe kat kat luâk akto Parisaio luâk hin makyenġiân. Nâ ariwian ain yeŋe bo ariwai. Akto benŋe hainâk hinŋe ye makyenġiân yâġâten ariwerân aregen ye bo ariwerâi. <sup>34</sup>Akto nâ den kârikŋe aŋġâ makyenġiân hin. Ye hanâk gala okot akmâ tân aguwei. Nâŋe ye okot âlep akmâ gala akyenġiân hainâk gala aġaŋġiwei. <sup>35</sup>Hain aġaŋġiwei âmâ luâk âmbâleŋe yekmâ hin dâwai, “Âo imâ Yesugât hoŋ bawalupŋe.” dâwai.” dâep. <sup>36</sup>Yesuŋe hain dâmbô Petoroŋe aikoeŋ, “Humo ġâ yâġâten ariwerât?” dâmbô Yesuŋe den hâuŋe hin magaŋep, “Nâŋe kepiâ uŋak ariwerân aregen amâ watnekmâ bo ariwerât. Dâ hâmbâi âmâ watnekmâ togom nekbiat.” dâep. <sup>37</sup>Hain dâmbô hin aikoeŋ, “Humo, wangât ġâ olop bo ariweretġât maktât. Amâ nânġâre bo huraguâp. Gasalupġande gugumbiâ âmâ tân gugure nugumbiâ mombian areġât ukenŋe nânġân.” dâep. <sup>38</sup>Hain dâmbô hin dâep, “Hain akberât me? Galane areġât den bunŋe hin makġiŋdere nânġâ. ġâŋe nânġâ yâk bo nânġâ aŋman dâm munenġ akmenâ âmâ sop âlâwu akto gokorok ainâk indewerâp.” dâep.

**Yesu amâ dâp bunġaet akto den bunġaet keiŋe akto manmangât keiŋe.**

**14** <sup>1</sup>Yesuŋe hin dâm makyenġiep, “Kambiamyeŋe bo umatŋe aġâk. Ye Anutuġât nânġaŋmai areġât hainâk nânġât nânġâ

niñbei. <sup>2</sup>Ewenaet emet kepia amâ kom hâre hâreñe dondâ. Dâ hain bo dâine aregât emelâk makyenjiwom. Nâ ariwerân imâ yengât gewâk heñgemgowian. <sup>3</sup>Akto gewâkyeñe heñgemgom metem amâ benje purik katmâ togom kewugu yektere arim nâ olop ain manbaen. <sup>4</sup>Akto nâñe kepia ain ariwerân aregât ye nâñgâi. Akto ye ariwaigât dâp nâñgâi.” dâep. <sup>5</sup>Hain dâambo Tomañe hin aikoep, “Humo, gâ yâgâten ariwerât? Nen bo nâñgâen aregât nen gain gain akmâ dâp aregât keiñe nâñgâweren?” dâambo <sup>6</sup>Yesuñe hin magañep, “Nâ nunak konok dâp bunje akto nâ nunak konok den bunjaet keiñe akto nâñeak manmangât keiñe. Aregât luâk âmbâle bikñande Anutu nâñganberâm amâ nâ nâñgâ niñmâ amâ âlepñe Anutu nâñganbai. Dâ haminijmâ amâ Anutu bo nâñganbai. <sup>7</sup>Akto yeñe ulikñân nâ nekmâ nâñgâniñmai dâine Ewene hainâk ekmâ nâñganbâi. Uñak nâ wan memberân aregât akmâ amâ Anutugât keiñe ekmâ nâñgâm heñgemgoâi.” dâep.

<sup>8</sup>Hain dâambo Pilipoñe hin magañep, “Humo, Ewege are hekatnengimenâ ekmâ biwinenñe sândugeâk.” dâep. <sup>9</sup>Dâambo hin magañep, “Pilipo, nâ ye olop tatmâ mandenñe sop kâlep bo agep aregât wangât boâk nâñgât? Nâñgâ niñmat maine Apogât nâñgâwât. Luâk siâ nâ nekmap amâ Apo ekmap aregât gain gain akmâ, “Ewege hekatnengi.” dât? <sup>10</sup>Akto nâmâ Apogâlân tatân akto Apo yâkñe nâñgâlân tatâp aregât net dop konok aktet aregât keiñe bo nâñgâm amâ hain maktât. Akto den makyenjimam amâ nune nâñgâ nâñgânân gâtñe bo. Apo nâñgâlân tatmap arekñe âiñe ketugumbo yâkgât den makyenjimam. <sup>11</sup>Ye den ire nâñgâm heñgemgowei. Nâñe Apogâlân tatân akto Apo yâkñe nâñgâlân tatâp. Dâ den are nâñgâmbiâ umatñe akto amâ âlepñe nâñe âi meman are ekmâ nâñgât akto Apogât keinetñe nâñgâm heñgemgowei.

<sup>12</sup>Galalupne, bunje makyenjiñe nâñgâñet. Luâk âmbâle bikñe nâñgât nâñgâniñbai amâ nâñe âi meman hainâk yekâ âi membai. Akto nâ Apogâlân ariwerângât wan me wan meman are ewangim membai. <sup>13</sup>Akto siâ siâ hârokgât yeñe kotne mem manmâ ulilañbiâ amâ dowâk Ewene kotñe mem agatbaigât maktere miawakyenjiwiap. Miawakyenjiwombo nâñgât akto Apogât kotñe agatbiap. <sup>14</sup>Dâ yeñe wan me wangât nâñgât kotne konmâ Apo ulilañbai amâ nâñe âlepñe yengiwiian.

### **Tângo tângo siâ gewiapgât magep.**

<sup>15</sup>Dâ yeñe biwiyeñân menekmâ amâ âlepñe nâñgât den kârikñe denyenjuân are mem manbai. <sup>16</sup>Akto nâñe Apogâlân ulilañdere tângo tângo siâ nâ hinare yengiwiap. Yengimbo gem ye olop dondâñe tatmâ tân yengum âgâwiap. <sup>17</sup>Amâ hingât maktân. Anutugât den bunje kautñaet Heakñe âlepñe aregât maktân. Akto hângât luâk âmbâle arekñe yâk bo membai. Akto bo ekmâ nâñgâwai aregât bo nâñganbai. Dâ Anutugât Wâtñe âlepñe are emelâk ye olop tatâp gârâmâ hâmbâi kautyeñân membiap.

<sup>18</sup>Akto nâñe hinje ye hepun yektere âmâ nananj mându hinare tatbâigât nâ yengâlân purikatmâ togowian. <sup>19</sup>Akto sop bâlensiâ âmâ hân luâk âmbâlêñe lâuwâñe bo nekbai. Dâ yeñe âmâ hâmbâi nekbai. Nâ mandân aregât yekâ hainâk manbai. <sup>20</sup>Akto sop ain âmâ ye olop mandere ye hin nâñgâwai. Nâ Ewenaelân tatân akto yeñe âmâ nâñgâlân tatâi. Akto nâkâ yengâlân tatmâ âgâwian are nâñgâwai. <sup>21</sup>Luâk âmbâlê bikñande nâñgât lau lokomai âmâ âlepñe okot âlep nâñgâ niñbei. Akto okot âlep nâñgâ niñbai amâ Ewenande okot nâñgâ yenggiwiap akto nâkâ hainâk okot nâñgâ yengim âgâwian. Akto yengâlân miawaktere nekbai.” dâep. <sup>22</sup>Hain dâambo Yudasi siâ amâ Karioto gâtñe bo arekñe hin magañep, “Humo, gain gain dewun nenñân miawakbiat amâ hân luâk âmbâlê yengât dewun yeñân gain gain bo miawakbiat?” dâep. <sup>23</sup>Dâambo magañep, “Dâ luâk âmbâlê bikñe biwiyeye nâñgâlân katbiâ âmâ âlepñe nâñgât laune lokowai. Hain lokombiâ âmâ âlepñe Ewenande âmâ are yengât okotñe akmâ nâñgâ yengim meme akyengimbo herone akbai. Akto nâ Ewene netñe âmâ hilâmñe hilâmñe hokboâk togoetñe olop tatmâ âgâwaen. <sup>24</sup>Dâ luâk âmbâlê bikñe âmâ biwiyeye nâñgâlân bo katbai amâ yâk nâñgât laune bo lokowai. Akto den ire maktere nâñgâi amâ nunandeân bo. Amâ Apogât den emelâk yâkñe huñgun niñdo geân yâkgât den.

### **Yesuje kambiamnenje sândugeâk dâm meme aknengimap.**

<sup>25</sup>Nâ hinje ye olowâk tatân aregât nâñe wan me wan iregât hâroğâk makyengian. <sup>26</sup>Dâ Apone ikinandeân Heak âlepñe arekñe yengim tân yenguiwipgât nâñgât kotnaet akmâ huñgun aņdo gewiap arekñe âmâ siâ siâgât âlepñe hârok hekat yenguiwip. Akto arekñe âmâ nâñgâ nâñgâyeye goañbiap. Hain akto âmâ nâñe ulikñân den makyengian are hârok nâñgâwai. <sup>27</sup>Akto nâñe kambiamyeye sândugeâkgât meme akyengiwian. Akto hângât wan me wan yengimai hain are bo yengiman. Aregât nunak wâtne yengire kambiamyeye bo sân sân mendo bo hamep akbai. <sup>28</sup>Akto den imâ ye emelâk nâñgâi, nâ hepun yekmâ ariwerân. Akto purik katmâ togowian. Aregât emelâk yeñe kambiam âlep akniñmai dâine nâñe âlepñe Apogâlân ariwian dâre nâñgâmbiâ âlepñe akbop. Akto Apo âmâ Humo nâ ewangi nektâp yâkgâlân ariwian dâre nâñgâmbiâ âlepñe akbop. <sup>29</sup>Ire boâk miawaktoân nâñe aregât makyengian. Haingât hâmbâi wan me wan maktân ire miawakto amâ âlepñe ye are ekmâ nâñgâm nâñgât keine nâñgâm heñgemgom kambiam âlep akbai. <sup>30</sup>Akto hân iregât damunje uñak togowerâp aregât nâ âmâ den dondâ siâ amâ bo makyengiwerân. Dâ yâkñe togom bâleñe siâ siâ akniñbiapgât kârikñe bo talañmap. <sup>31</sup>Gârâmâ Apogât okot âlep agañman aregât pat hârokñe nâñgâñetgât Aponje wan makmâ hâre niñep den are lokowerân. Bâin sopanmâ arine.” dâep.



## Waiŋgât den ginje.

**15** <sup>1</sup>Akto Yesuŋe hoŋ bawalupŋe hin dâm makyenŋiep, “Nâmâ waiŋ tâk dopŋe hainare. Dâ Ewene amâ waiŋ kalam amboŋe hainare. <sup>2</sup>Nânŋgât bât bâtne bikŋe âmâ bunŋe bo memai amâ Eweneŋde liŋgâtâmâ panyekbiap. Dâ nânŋgât bât bâtne bikŋe bunŋe membai are âmâ bunŋe dondâ yeâkgât Eweneŋde hârem heŋgemgowiap. <sup>3</sup>Akto ye âmâ nânŋgât den makyenŋiman are nânŋgâmbiâ biwiyenân gembo biwiyenŋe salek salek agep aregât nânŋgâlân tatbei. <sup>4</sup>Ye nânŋgâlân tatbei. Akto nâ gai yenŋgâlân tatbian. Akto waiŋ bât bâtŋe arekŋe konŋân bo dewatimbo amâ bunŋe bo yembiap. Dop hainâk ye nânŋgâlân bo dewatim âmâ agak meme âlepŋe bo memai. <sup>5</sup>Nâmâ waiŋ tâkŋe dâ ye amâ bât bâtne. Ye nânŋgâlân tatbiâ nâ yenŋgâlân tatbian amâ bunŋe dondâ yembiap. Aregât ye nâ bâlâk manbai âmâ yeŋe wan me wan siâ âlepŋe bo akbai. <sup>6</sup>Akto waiŋ bât bâtŋe siâ bunŋe bo yendo âmâ hârem panbiâ mondo ombai dop hainâk luâk âmbâle siâŋe nânŋgâlân tatmâ agak meme âlepŋe bo membai âmâ Eweneŋde hârem pan yekto momo kâlâwân ariwai. <sup>7</sup>Dâ yeŋe nânŋgâlân tatmâ nânŋgât den lokom manmâ âgâwai âmâ âlepŋe yeŋe ukenyeŋaet ulit niŋbiâ are hainâk yeŋgiwian. <sup>8</sup>Yeŋe bunŋe dondâ mem manbiâ âmâ nânŋgât hoŋ bawa bunŋe dâm yeŋgonbian. Hain yeŋgondere Ewenaet kotŋe humo sambelem ariwiap. Akto ye hain akbiâ âmâ luâk âmbâleŋe yekmâ, “Ire amâ Yesugât kâmot.” dâwai. <sup>9</sup>Akto Eweneŋde nâ okot âlep akniŋmap dop hainâk nâkâ ye emelâk okot âlep akyenŋiman aregât hilâmŋe hilâmŋe amâ nânŋe okot nânŋgâ yeŋgiman aregâlâk nânŋgâm manmâ âgâwei. <sup>10</sup>Akto nânŋe Ewenaet lauŋe lokom yâkŋe han kalemŋaet okot nânŋgâ niŋmap aregât nânŋgâm gan. Ye dop hainâk nânŋgât laune lokom manbei. Hain manbiâ âmâ okot nânŋgâ yeŋgiman are nânŋgâŋet dâm meme akyenŋire aregâlâk nânŋgâm manbai. <sup>11</sup>Akto nâmâ yeŋgât heronŋe humo akman aregât nânŋgâm yekâ hainâk heronŋe humo akŋetgât akto biwiyenŋe sândugewiapgât yu makyenŋiân.

<sup>12</sup>Nânŋgât den kârikŋe hin. Nânŋe okot âlep akyenŋiân dop hainâk yekâ gala okot âlep aganŋi goanŋi akyenŋiwei. <sup>13</sup>Dâ luâk siâŋe galaŋe tângowerâm âi humo mem mombiap amâ okot âlep tângo tângo irekŋe agak meme siânba hârok ewanŋiyekmap. <sup>14</sup>Aregât hin makbe. Ye âmâ nânŋgât den lokowai âmâ âlepŋe nânŋgât galalupne akbai. <sup>15</sup>Akto luâk humo âmâ ikiŋe hoŋ bawalupŋe are ikiŋe nânŋgâ nânŋgânŋe bo hekat yeŋgimap. Yân âi yeŋgimbo memai. Haingât nâ âi luâk lâuwânŋe bo yeŋgonberân. Den hârok Apo gâlânba nânŋgâman amâ emelâk ye makyenŋiminiân. Haingât galalupne dâm yeŋgonberân. <sup>16</sup>Dâ yeŋe hanyenŋaet akmâ nâ bo nânŋgâ niŋi. Bo. Nânŋe ye bo nânŋgâ niŋiân han kalemnaet akmâ oloŋyektere nânŋgât kâmot agi. Akto nânŋe âi yeŋgiân amâ yeŋe arim bunŋe mem lokoŋet dâm akto yeŋgât bunŋe are âlepŋe

tatbiapgât olonyegân. Haingât âmâ yeŕe nângât kolân Apogât ulit akbiâ âlepŕe yâkŕe wan me wan siâ yeŕgiwiap. <sup>17</sup>Akto nâŕe den umatŕe are lâuwâŕe yu makberân. Ye gala okot âlep aganŕiwei.

### Hân luâkŕe Yesugât kâmotlupŕe gasa akyeŕgimaigât magep.

<sup>18</sup>Dâ hân luâk âmbâleŕe gasa akyeŕgimbiâ âmâ hin nângâwei. Yâkŕe ulik gulik nângât gasa akniŕi. <sup>19</sup>Dâ ye hân iregât kâmolân gâtŕe dâine hân luâk âmbâleŕe, “Woe, ire âmâ nengât kâmolân gâtŕe.” dâm tân yeŕguwâi. Dâ ye âmâ hân iregât kâmolân gâtŕe bo. Emelâk nâŕe han kalemnaet akmâ hân iregât agak meme hepunŕet dâm oloŕ yegân aregât pat hekat yeŕgiân amâ haingât hân luâk âmbâleŕe ye gasa akyeŕgiwai. <sup>20</sup>Nâŕe hin makyeŕgiân are bo nelâm yeŕgiâk. Âi luâk amâ humoŕe bo ewangimap aregât hin nângâwei. Hân iregât ambolupŕande kuk akniŕmai âmâ benŕe hainâk kuk akyeŕgiwai. Dâ gala akniŕmâ denne lokoyi dâine gala akyeŕgim den yeŕe lokowâi. <sup>21</sup>Dâ amâ Ewene hũŕgun niŕdo geân yâk hân iren gâtŕande bo nângâ aŕmai. Haingât yekmâ ire amâ Yesugât kâmolân gâtŕe dâm yekmâ kuk bâleŕe akyeŕgiwai. <sup>22</sup>Akto nâŕe bo gem hân iregât ambolupŕe makyeŕgiân dâine dosayeŕe bo miawakbop. Dâ amâ gem makyeŕgiân gârâmâ dosayeŕe akto bâleŕe yeŕe heambukbaigât dop bo tatyeŕgiâp. <sup>23</sup>Akto areâk bo. Luâk âmbâle hain arekŕe nângât gasa akniŕbai amâ Ewene gai hainâk gasa aganŕbai. <sup>24</sup>Are lâuwâŕe makbe. Nâŕe gem âi keiŕe keiŕe ulikŕân luâk siânbaŕe hain bo meyi are yeŕgât hut yeŕân bo meman dâine dosayeŕe bo miawakbop. Dâ emelâk kulem hârok mendere ekmâ âmâ nâ akto Ewene gasa aknetkimai. <sup>25</sup>Akto Anutuŕe makto siâŕe hin kulemgoep are kârikŕe aktâp, “Luâk dondâŕe yân gasa akniŕdâi.” are bunŕe miawakto nângât gasa undup miawakmâ gasa akniŕdâi. <sup>26</sup>Akto hâmbâi Ewene ulilandere ikiŕe Heak kârikŕe tân yeŕgumap are hũŕgun aŕdo wan me wan bunŕe hekat yeŕgim nângât keine hekat yeŕgiwiap. <sup>27</sup>Hain hekat yeŕgimbo nâŕe âi keiŕe kalân ainba nâ olop manmâ nekmâ gayigât nângât keine makmâ miawakbiâ sambelem ariwiâp.” dâep.

### Heakgât keiŕe.

**16** <sup>1</sup>Yesuŕe hin dâm makyeŕgiep, “Nâmâ yeŕe wan me wan miawak yeŕgimbo nângâm gulip akbâi dâm yu makyeŕgiân. <sup>2</sup>Nângât gasalupnande amâ den emetŕânba watyekbiâ yânŕângen manbai. Akto areâk bo. Hâmbâi amâ yâkŕe hin dâwai, “Yesugâlân gâtŕe yeŕguenŕe mombai amâ Anutuŕe nenekto âlepŕe akbiap.” hain nângâm yeŕgumbiâ mombai amâ akmâ hilipkowai. <sup>3</sup>Yâkŕe âmâ Apo akto nâ bo nângâ netkimai. Haingât yeŕguwaigât ukenŕe nângâwai. <sup>4</sup>Dâ hâmbâi siâ siâ ire miawakbiap arekŕe yeŕgumbo nângâ nângâyeŕe hulaŕ akbiapgât den siâ siâ ire emelâk makyeŕgiân. Dâ ulikŕân bak âmâ nâ ye olop talân

aregât ire bo makyenjiân. <sup>5</sup>Dâ ujak amâ hunḡun niṅdo geân aregâlân ariwerân. Akto yenḡât hutyenânba siâṅe bo ainuguwerâp, “Gâ yâgâten ariwerât?” <sup>6</sup>Nâ yu makyenjiânḡât nânḡâmbiâ biwiyenḡe umatṅe dondâ aktâp. <sup>7</sup>Galalupne, nâ bundâk makyenḡire nânḡâṅet. Nâ hepun yekmâ ariwerân amâ ye tânyenḡuwianḡât. Dâ bo arire maine Anutuṅe Heak âlepṅe bo hunḡunaṅdo âmâ bo gem tânyenḡuwop. Dâ ariwian amâ nânḡe âlepṅe hunḡun aṅdere togowiap. <sup>8</sup>Gem luâk âmbâle hârok areyenḡât keiyenḡe mem miawakbiap. Mem miawakmâ heṅgemgombo hin nânḡâwai. Yenḡât agak meme bâlenḡe akbai aregât keiṅe nânḡâmbiâ dosayenḡe miawakbiap. Akto Ewene agak meme ârândân akmapṅe dosayenḡaet hâu membriap aregât amâ hâmbâi den âiân kat yekbiap are hârok nânḡâiwei. <sup>9</sup>Aregât keiṅe lâuwânḡe makbe. Bâlenḡaet keiṅe amâ hin hekat yenḡiwiap. Yâk nânḡât hâkân akmâ biwiyenḡe nânḡâlân bo katbai. <sup>10</sup>Akto Ewenaet agak meme ârândân are hekat yenḡiwiap amâ hin. Apogâlân ariwian. Arire ye hinṅe yu kindânḡe hinṅe nâ bo nekberâi. <sup>11</sup>Dâ Anutuṅe luâk âmbâle ire den âigât keiṅe hin hekat yenḡiwiap. Hân iregât Amboṅe amâ emelâk Anutuṅe den âiân kato yâḡgât bâlenḡeṅe keiṅe miawaktâp.

<sup>12</sup>Nânḡe den siâ siâ dondâ makyenḡiwerâm aktân. Dâ yeṅe amâ ujak memberâigât dopṅe bo. <sup>13</sup>Gârâmâ hâmbâi Anutuṅe ikiṅe Heak âlepṅe hunḡunaṅdo gem den bunḡaelâk hârok biwiyenḡân totokowiap. Arekṅe amâ ikiṅaet hanḡaet den bo makyenḡiwiap. Anutuṅe wan me wan miawakbiap aregât keiṅe hekalanḡmâ hunḡun aṅdo makyenḡiwiap. <sup>14</sup>Akto nânḡât keine nânḡâmap aregât makyenḡimbo nânḡâmbiâ nânḡât kot humo miawakbiap. <sup>15</sup>Akto Apoṅe ikiṅaet nânḡâ nânḡânḡe are niṅdo aregât hin maktân. Anutugât Heakṅe arekṅe nânḡât keine hekat yenḡiwiap.

### Yesu purikatbiapḡât den.

<sup>16</sup>Akto sop bâlensiâ aktoân amâ heambuktere bo nekberâi. Akto hâmbâi sop bâlensiâ siâ aktoân amâ miawaktere nekbai.” dâep. <sup>17</sup>Yesuṅe hain dâambo hoṅ bawalupṅe bikṅande den are nânḡâm pâpkoyi aregât nânḡâm hin ai aguyi, “Amâ wangât maktâp? Apogâlân ariwerân aregât sop bâlensiâ heambuktere bo nekberâi akto hâmbâi nekbai dâm maktâp. <sup>18</sup>Akto hin maktâp. Sop bâlensiâ ain nekbai dâm maktâp den are keiṅe gain gaingât maktâp?” dâyi. <sup>19</sup>Hain dâm amâ bo aikoyi. Akto Yesu aikowerâm agi aregât nânḡâm hin makyenḡieṅ, “Yeṅe nâ sogât maktân aregât ainuguwerâi me? Sop bâlensiâ bo nekberâi. Dâ hâmbâi nekbai dâm maktân aregât keiṅe ainuguwerâm aktâi aregât hin makyenḡire nânḡâṅet. <sup>20</sup>Den bunḡe makyenḡiwe. Hâmbâi inde humo indem okot nânḡâ niṅbai. Akto sop ainâk hân iregât ambolupṅe heronḡe humo nânḡâwai. Akto ye kambiamyēṅe umatṅe akbiap amâ benḡe siân purik âḡâm okot âlep humo nânḡâwai. <sup>21</sup>Aregât den dopṅe siâ hin makbe.

Âmbâle siâne nanan meakberâm hâk hilâlâm humo nângâmap. Gârâmâ benje nanan miawakto sop ain amâ benje hâk hilâlâm lâuwâne bo nângâmap. Bo. Amâ emelâk nanan gurukne miawakto aregât okot âlep humo nângâmbo hâk hilâlâm are emelâk nelâm anmap. <sup>22</sup>Dop hainâk amâ ye nâ ariwerân aregât okot bâle nângâi. Gârâmâ nâne lâuwâne yektere nekmâ kambiamyene herone akbiap. Hain akbiâ luâk siâne kambiamyene umatne agâkgât heyengimbo dâp bo miawakbiap. <sup>23</sup>Akto hâmbâi amâ benje ai nuguwai aregât ai bo tatbiap. Akto den bunje hin makyengire nângânet. Yene Apo siâ me siâgât ulilanbiâ kotnaet akmâ yenggiwiap aten. <sup>24</sup>Akto keiân bak amâ siâ siâ memberâm nângâm amâ nângât kolân bo ulilani. Akto hinje nângât kolân Apo ulilanbiâ amâ yengât kambiamyene herone agâkgât dowâk Apone yenggiwiap. Aregât kotne konmâ ulilanbei. <sup>25</sup>Akto nâne wan me wan emelâk makyengiân amâ den dopjânâk makyengiân. Hâmbâi amâ Apogât keije miapjânâk makyengiwan. Dâ den ginje amâ bo. <sup>26</sup>Sop ain amâ yeje nângât kolân konmâ ulilanbai. Gârâmâ nângât Ewenande okot âlep akyengimap aregât kambiamne purik agâkgât bo ulilanbian. <sup>27</sup>Bo. Ewene ikinjak emelâk yengât okot âlep akyengimap. Akto yeje nângât okot nângâ niñmâ Anutuñe nanñe huñgun anjo luâk akmâ giep amâ Yesu dâm nângâ niñbai aregât Ewenande ikinjak yengât okot âlep akyengimap. <sup>28</sup>Akto nâ keiânâk Apo olop tatminiân. Akto sop akto hepunmâ hânân geân. Akto uñak amâ hân hepunmâ Apogâlân ariwerân.” dâep. <sup>29</sup>Yesuñe hain dâmbo hin magañi, “Woe, âlepne maknengiât. Den ginje bo maknengiâtgât dowâk âlepne nângâen. <sup>30</sup>Akto luâk bikñande ai pei bo akñiñbiâ hinje wan me wangât keije hârok nângâmat aregât nângâen. Akto Anutugâlânba gien are gai nângâen.” dâyi. <sup>31</sup>Hain dâmbiâ hin makyengiep, “Âlepne nângât keine hârok nângâi me? Gârâmâ bunewâk bo nângâniñmai. <sup>32</sup>Aregât sop tâlâgumbo hepun nekmâ siâkâ emetjân emetjân arimbiâ amâ nuneak tatberân. Dâ amâ nuneak bo tatberân. Amâ Apo olop tatberet. <sup>33</sup>Nâmâ nângâ nângâyene nângâlân tato biwiyene sândugeâkgât nângân haingât nâne den hain makyengiân. Hânân ire amâ umatne siâ siâ tatyengim agâwiap. Dâ nâne hângât dâtne metne ligiân aregât keije nângâm herone akbai.” dâep.

### Yesuñe Eweñe ulilanep.

**17** <sup>1</sup>Yesuñe hain makyengim metem amâ dewunje egon panmâ Eweñe hin magañep, “Apo, emelâk sop tâlâguâp aregât tek tekñân katnekmâ nângât kotne mem agat. Akto nâ lauge lokom ai ire mendere kotge humo akmâ sambelem ariwiap. <sup>2</sup>Akto aregât hin makbe. Gâñe emelâk hânân manbai areyengât damunyeñe akbiangât kârikne niñen. Akto nângât kâmot niñen are manman kârikne yenggiwangât makmâ hâreniñen. <sup>3</sup>Akto manman kârikne aregât keije hin. Gâ

konok amâ Anutu Humoyeŋe bunŋe amboŋe gâ. Akto gâŋe huŋgun niŋmenâ geân Yesu Kristo nâ akto gâ net lâuwâ nâŋgâ netkimbiâ âmâ tânyeŋuetŋe manman kârikŋe miawak yeŋgiwiap. <sup>4</sup>Nâŋe gâŋgât kotge sambelem ariâkgât âi niŋen are emelâk mem metere hânân kotge humo akmâ sambelem ariep. <sup>5</sup>O Apo, hân bo miawagewân gâ olop himbim pagaleŋe olop malân. Areâk ire gaetŋe manmâ purikatmâ niŋmenâ mem manbiâm.

<sup>6</sup>Apo, ulikŋân nâŋgât kâmot yeŋgât kotyeŋe katmâ nâŋgâm nâŋgât dâtâŋe dâen. Akto hân miawakto nâŋgât kâmot kinbiâ luâk âmbâle bâleŋe akmai are yeŋgâlânba oloŋyekmâ nâ niŋmenâ nâŋgât dâtâŋe agi. Hain akmâ lauge hârok lokom meteyi. <sup>7-8</sup>Gâŋe den makniŋen amâ hârok makyenŋiân. Hain makyenŋire nâŋgâm ire âmâ Anutugât den bunŋe dâm nâŋgâmai. Akto areâk bo. Gâŋe huŋgun niŋmenâ geân a hainâk nâŋgâm heŋgemgom âmâ nâŋgâniŋmai. Aregât hinŋe wâtgân kinmâ manman are hainâk nâŋgâm hârokgât keiŋe siâ siâ akai hainâk nâŋgâmai. <sup>9</sup>Nâ tân yeŋguwerâm ulit giŋdân. Dâ luâk âmbâle hânân manmai areyeŋgât hârok bo ulit giŋdân. Gâ guge dâtâŋe are niŋen areyeŋgât ulit giŋdân. Dâ luâk âmbâle bikŋe bo. <sup>10</sup>Akto gâŋgât patge amâ nâŋgât patne. Dop konok akmâ kotne mem agatmai. <sup>11</sup>Dâ uŋak âmâ hân ire hepunmâ gâŋgâlân togowerân. Akto nâŋgât kâmot âmâ hânân tatbai aregât gâŋe damunyeŋe akben. Akto Apo Humo, guge kotge wâtge emelâk niŋen arekŋe kârikŋe tân yeŋgumbo hânân manbaiân âmâ gulip bo akbai. Akto net han netŋe konok akmaet dop hainâk nâŋgât kâmot amâ hanyeŋe konok akŋetgât wâtge akyenŋiwen. Akyenŋimenâ hanyeŋe konok akbai. <sup>12</sup>Akto nâŋgât kâmot ire olop gaen aregât gâŋgât kotge wâtgân kinmâ damunyeŋe aktere siâ me siâŋe bo hilip yeŋguep. Gârâmâ gâŋe makmenâ kulemgoyi are bunŋe agâkgât hinŋe makmenâ luâk bâleŋaet amboŋe are konok bâliâp. <sup>13</sup>Bâin. Nâ gâŋgâlâi togowerâm aktân aregât nâŋgât kâmot yu kindâi ire nâŋgât okot âlep arekŋe yâk yeŋgâlân kilâkgât yu maktân. <sup>14</sup>Denge emelâk makyenŋiân. Akto hâŋgât agak meme bo watman aregât ye hainâk hâŋgât agak meme bo watmai. Hain akmai aregât hâŋgât luâk âmbâleŋe gasa akyenŋiwai. <sup>15</sup>Haingât hin ulit giŋbe. Gâŋe damunyeŋe akmenâ Bâleŋe Amboŋe arekŋe bo hilip yeŋguwiâp. Nâmâ hânânba ire meyekmenâ himbimânâk hinŋe âgâwerâi aregât bo ulit giŋdân. Bo. Hânân manbaiân sop ain damunyeŋe akmenâ bo hilip aguwai aregât ulitgiŋdân. <sup>16</sup>Akto nâ hân iregât agak meme bo watman aregât ye amâ hainâk hân iregât ambolupŋe bo. <sup>17</sup>Gâŋe den bunŋande hanyeŋe mendugumenâ agak meme âlepŋe aregâlâk nâŋgâm watbai. Gâŋgât pat âlep den arekŋe amâ den bunŋe. <sup>18</sup>Gâŋe ulikŋân huŋgun niŋmenâ hânân luâk âmbâle hut yeŋân talân. Hainâk amâ nâŋe huŋgun yeŋgire arim hân luâk âmbâle hut yeŋân manbai. <sup>19</sup>Akto nâŋgât kâmot ire den bunŋande hanyeŋe mem mendugumbo agak meme âlepŋe mem manŋetgât nâ gai

yâk yengât akmâ han hâkņe mem mendugum âmâ den lauge lokom mandân.

**Yesuņe ikiņe den nâņgâm heņgemgowai yâk yengât Eweņe ulilaņep.**

<sup>20</sup> Apo, nâmâ gâņe ire konok tân yenguwengât konok bo ulit giņdân. Hâmbâi luâk âmbâle dondâ hânņe hânņe manbai arekņe nâņgât kâmot ire yengât den nâņgâm biwiyenę nâņgâlân katbai are yengât ulit giņdân. <sup>21</sup> Yâk hârok han biwi konok tatbaigât nâņgân. Apo, gâņe nâņgâlân tatât akto nâņe gâņgâlân tatân aregât han netņe konok dop hainâk yâk netgâlân tatmâ manbiâ luâk âmbâle hârok tatmâ manbai arekņe gâņe huņgun niņmenâ geân aregât keine nâņgâwai. Are miawakbiapgât ulit giņdân. <sup>22</sup> Akto gâņe keige hârok hekatniņmenâ nâņgân aregât emelâk hekatyenęim meteân. Akto netņe gala konok tatmaet dop hainâk akņet dâm hekatyenęiân. <sup>23</sup> Akto areâk bo. Gâņe nâņgâlân tatmâ keige hekatniņen are akto nâņe yâk yengâlân tatmâ keine hekatyenęiân a hârok nâņgâm yâk gala konok dondâ akbaigât nâņgân. Hain gârâmâ luâk âmbâle hânņe hânņe manmaiņe gâņe huņgun niņen are akto okot nâņgâ niņmat hainâk nâņgât kâmot okot nâņgâ yengimat are nâņgâwaigât ulit giņdân. <sup>24</sup> Apo, gâņe luâk âmbâle emelâk niņen are nâ olop tatbaengât nâņgân. Nâ olop tatmâ âmâ gâņe hân bo talewân okot nâņgâ niņmâ pagaleņe niņen are ekmâ nâņgâwai aregât nâņgân. <sup>25</sup> O Apo, wan me wan memenâ ârândâņjak akmap gâ hân luâk âmbâle arekņe gâņgât keige bo nâņgâgiņdâi. Dâ nâņe âmâ nâņgân. Akto nâņgât kâmot yu kindâi irekņe gâņe huņgun niņen aregât keine nâņgâi. <sup>26</sup> Nâņe gâņgât kotge denęe hekat yenęiân. Akto nâ hâmbâi kotge hârok dondâ hekat yenęiwian. Âmâ gâņe han kalem okot âlep dondâ akniņmâ tân nugumat han kalem arekņe biwi yenân gembo nâņgât keine nâņgâwai, aregât ulit giņdân.” dâep.

**Yesu meyi.**

**18** <sup>1</sup> Yesuņe den are makmâ metem âmâ hoņ bawalupņe olop kepiamba tu kotņe Kindoroņ hâtikoyi. Hâtikom kalam siâ lâwin oliwa kinbiâ ain ariyi. <sup>2</sup> Akto Yudasi Yesugât gasa arekņe Yesu akto hoņ bawalupņe ain âgâmini aregât kalam are nâņgâep. <sup>3</sup> Haingât Yudasinę Parisaio akto sumbe kat kat luâk are yengât tembe lokolupyeņe kewugu yekto aregen togom kemdâ akto tembe akto bugâ mem togoyi. <sup>4</sup> Kalam ain togom penâyenęimbiâ Yesu amâ wan me wan ikiņaelân miawakberâp aregât âmâ bunewâk nâņgâep aregât bam enem yenân kinmâ hin makyenęiep, “Ye niņaet kulâgâtâi?” dâep. <sup>5</sup> Hain dâmbo hin dâyi, “Nen âmâ Yesu Nasarete gâtņe yâkgât kulâgâten.” dâyi. Hain dâmbiâ hin makyenęiep, “Âmâ nâ ire.” dâep. Akto Yudasi halop hogogo luâk hutyenân kilep. <sup>6</sup> Yesuņe “Âmâ nâ ire.” dâmbo ainâk kuņ kâruņ ge hânân ge yeyi. <sup>7</sup> Hânân ge yembiâ lâuwâņe

ai yenguep, “Ye niŋaet kulâgâtâi?” dâmbô, “Yesu Nasarete gâtŋe.” dâmbiâ<sup>8</sup> hin makyenŋiep, “Nâ emelâk makyenŋiân. Nâ amâ ire. Akto ye nânŋât kulâgât niŋdâi aregât âlepŋe luâk ire hepun yekbiâ ariŋet.” dâep. <sup>9</sup>Hain dâep amâ den emelâk Yesuŋe Anutu hin maganep, “Luâk ire hârok imâ gâŋe emelâk niŋen amâ damunyeŋe akmâ gan aregât siâ bo hilip aguyi.” dâep. Den are bunŋe agâkgât, “Luâk ire hepun yekbiâ ariŋet.” dâep. <sup>10</sup>Akto Petoro amâ tâwât kâlep meagep arekŋe Sumbe kat katyenŋât humoyeŋe yâkgât hoŋ bawa siâ kotŋe Maiko orem ondopŋe bungen hâriep. <sup>11</sup>Petoroŋe hain akto âmâ Yesuŋe hin dâm maganep, “Tâwât are katmenâ itonânâk geâk. Aponŋe hâk hilâlâmŋât makmâ hâreniŋep are miawak niŋâkgât nânŋân are bo miawakniŋâkgât aktât mon?” dâep.

<sup>12</sup>Yesuŋe hain dâmbô damunyeŋande makto Yuda luâk yenŋât tembe lokolupyenŋande Yesu mem hikoyi. <sup>13</sup>Hain akmâ Anasiŋât emelan soŋ mem ariyi. Akto Anasi amâ luâk siâ kotŋe Kaipa yâkgât laumatŋe. Akto Kaipa amâ hombaŋ aregât Sumbe kat kat luâk are yenŋât humoyeŋe. <sup>14</sup>Akto Kaipasiŋe âmâ emelâk Yuda luâk humomolupyenŋe hin makyenŋiep, “Nen hârok bo akbâengât âlepŋe luâk konok kondenŋe moâk.” dâep. <sup>15</sup>Akto bugâ luâkŋe Yesu mem Anasiŋât emelan arimbiâ Petoro akto Yesugât galaŋe siâ yâk yetŋeâk watyegiat. Akto Anasiŋe Yesugât gala nânŋanmap aregât Yesu ain âgâmbô hainâk Yesu olop arim Anasiŋât hetagân âgâep. <sup>16</sup>Âgâmbô Petoro amâ iŋgon hâkŋânŋen kilep. Hain akto luâk are Anasiŋât nânŋâep aregât sopanmâ hoŋ bawa âmbâle hânŋi damunŋe are magaŋdo hânŋi mem kato Petoro hetagân âgâep. <sup>17</sup>Âgâmbô hoŋ bawa âmbâle arekŋe Petoro hin aikoep, “Dâ gâ amâ Yesugât hoŋ bawa siâ me gain?” dâmbô hin dâep, “Nâmâ bo.” dâep. <sup>18</sup>Akto sop ain seru agep aregât bugâ luâk akto hoŋ bawa luâk kâlâp oyi. Kâlâp om nânŋâm kinbiâ Petoro gai yâk olop kâlâp nânŋâm kilep.

### Sumbe kat kat humoyeŋe Anasiŋe Yesu aikoep.

<sup>19</sup>Akto Sumbe kat kat humoyeŋe Anasi arekŋe Yesu ikiŋaet den akto hoŋ bawalupŋe yenŋât keiyeŋe nânŋâwerâm aikoep. <sup>20</sup>Aikombo hin maganep, “Wangât ainuguât? Nâmâ emelâk luâk âmbâle tek tekŋân den makyenŋiman. Akto sumbe kat kat emetŋân me den emetŋân âgâm tek tekŋân makyenŋiman. Me yâgâten me yâgâten Yuda luâk mendugum kinmai ain âgâm makyenŋiman. <sup>21</sup>Nâmâ den yoŋâk siâ bo makyenŋiman aregât wangât ainuguât? Luâk âmbâle den are nânŋâmai are aiyenŋu.” dâep. <sup>22</sup>Hain dâm magaŋdo bugâ luâk siâ ain kilep arekŋe Yesu ondopŋe hogom maganep, “Gâŋe amâ Sumbe kat kat luâk humoyeŋe hain bo magaŋ.” dâep. <sup>23</sup>Dâmbô hin maganep, “Gâ nânŋe den bâleŋe maktân aregât keiŋe mak. Akto nânŋe den âlepŋe maktân aregât wangât nuguât?” dâep. <sup>24</sup>Hain dâmbô Anasiŋe makto tâkŋe bâtŋe dâgâm mendugum sumbe kat kat humoyeŋe siâ kotŋe Kaipa yâkgâlân kewugum ariyi.



### Petoro hamewakmâ muney agep.

<sup>25</sup>Akto Petoro âmâ ain kinmâ kâlâp nângâmâk kilep. Ain kindo olowâk kili arekņe hin magañi, “Gâ gai yâkgât hoņ bawa me gain?” dâmbiâ muney akmâ hin magep, “Nâ bo.” dâep. <sup>26</sup>Hain dâmbô âmâ Sumbe kat katgât hoņ bawa siâ emelâk Pectoroņe ondopņe kom hâriep aregât kâmolân gâtņe arekņe Petoro hin magañep, “Bundâk, gâ yâk olop kalamân kinbiâ yektân mon?” dâep. <sup>27</sup>Akto Pectoroņe hainâk muney akmâ, “Nâ bo.” dâmbô âmâ ainâk gokorok indiep.

### Pilatoņe Yesu aikoe.

<sup>28</sup>Akto emet hauņ haungât tembe loko arekņe Kaipagât emelanba kewugum Roma gawaman humo aregât emelan âgâyi. Âgâm âmâ hin nângâyi, “Nen hâmbâi hombaņ Pasowa aregât sot nemberen. Aregât Anutuņe nenekto huraguâkgât Yuda luâk bo manmai areyengât emelan bo âgâweren.” nângâyi. <sup>29</sup>Haingât hâkņângen kili. Kinbiâ Pilato Roma gâtņe arekņe yâk yengâlân gem makyengiep, “Luâk ire keiņe wangât den âiân katberâm aktâi?” dâep. <sup>30</sup>Hain dâmbô hin dâm magañi, “Dâ luâk ire agak meme bâleņe bo akmap dâine amâ gângâlân bo mem togowâen.” dâyi. <sup>31</sup>Dâmbiâ hin makyengiep, “Yeņe agak meme dop yeņân agañjet.” dâep. Hain dâmbô Yuda humomolupyenande hin dâm magañi, “Roma luâk yeņe luâk siâ kondenņe moâkgât hain bo akņet dâm makmâ hâre nengimai. <sup>32</sup>Yuda luâk hain akbiâ amâ Yesu ikiņe mombiapgât den magep dâp are miawagep. <sup>33</sup>Haingât Pilato gawaman emelan âgâ tatmâ Yesu kondo âgâep. Âgâmbô aikom magañep, “Gâ Yuda yengât humo me?” dâep. <sup>34</sup>Hain dâmbô hin dâep, “Gugak den are nângâmat me gangât maktât me luâk siâņe nângât hain dâm makņep me?” dâep. <sup>35</sup>Dâmbô hin magañep, “Nâmâ Yuda gâtņe bo aregât yengât keiyeņe bo nângâ yengiman. Guge kâmot akto bugâ lokolupgande meņgekâm nângâlân togoâi ire gain gain agengât?” dâep. <sup>36</sup>Dâmbô hin magañep, “Nâmâ hân iregât luâk kembu bo. Dâ nâ hângât luâk kembu dâine âlepņe âi luâklupnande bugâ mem kuk akbâi. Akto hoņ bawalupnande Yuda gâtņande menekbâigât bugâ mem kuk akyengiwâi. Gârâmâ nâmâ hângât luâk kembu bo.” dâep. <sup>37</sup>Hain dâmbô hin magañep, “Hain gârâmâ gâ luâk kembu me?” dâmbô hin magañep, “Gugak ya maktât are. Nâmâ den bunņe mak makgât keiņe miawagâkgât himbimânba luâk akmâ hânân geân. Aregât luâk âmbâle bikņe den bunņe aregât ukenņe nângâne dâmbiâ makyengire den bunņe dondâ nângâmai.” dâep. <sup>38</sup>Hain dâmbô hin magañep, “Den bunņe amâ wan?” dâep.

Hain dâm hâkņângen Yuda luâk yengâlâk gem hin makyengiep, “Yâkgâlân bâleņe siâ bo ektân. <sup>39</sup>Dâ amâ yengât agak meme are watmâ hombaņ iregât nâņe luâk siâ hepundere yengâlâi geâk. Nâņe Yuda yengât

kembu ire hepundere geâk me luâk siâgât nângâi?” dâep. <sup>40</sup>Dâmbu yâkne kârikne konmâ hin dâyi, “Amâ bo. Gâmâ Baraba kala busi kâlegenba hepunmenâ betgen geâk.” dâyi. Amâ Barabaņe âmâ luâk yengum siâ siâ kâmbu meyenjiminep aregât.

**Sumbe kat kat humomolupyenande Yesu moâkgât dâyi.**

**19** <sup>1</sup>Akto Pilatoņe makto tembe lokolupņande Yesu mem tâk metņande orem metem âmâ <sup>2</sup>benņe tâk dâtâ dâtâņe irimut ketugum kauņaji. Hain akmâ sângum luguak luguak gilâm are luguaji. <sup>3</sup>Akto enemņân togom kâņgom hiangim hin dâyi, “Woe, Yuda yengât kembu.” dâm enem dewunņân bâtyenande hogoyi. <sup>4</sup>Akto Pilatoņe hâkņângen gem Yuda luâk humomolupyenē hin dâm makyenģiep, “Woe, luâk ire kewugum geân. Amâ yâkgâlân bâleņe siâ bo ektân aregât hepundere ariâkgât nângân.” dâep. <sup>5</sup>Hain dâmbu Yesu tembe lokoņe irimut dâtâ dâtâ akto sângum gilâm luguaji akto kautņân kauņaji are olop ge kindo Pilatoņe hin makyenģiep, “Luâk ire ekņet.” dâmbu <sup>6</sup>sumbe kat kat humoyenē akto bugâ luâk humomolupyenande konmâ hin dâyi, “Lâwinân koņet. Lâwinân koņet.” dâmbiâ makyenģiep, “Nâmâ yâkgâlân bâleņe siâ bo ektân aregât yeņeak mem ari lâwinân koņet.” dâep. <sup>7</sup>Hain dâmbu hin dâyi, “Nengât den kârikne siâ hin tatâp. Luâk irekne, “Nâ Anutugât nanņe.” dâep aregât kombiâ moâkgât nângâen.” dâyi. <sup>8</sup>Dâmbiâ Pilatoņe den are nângâm hamep dondâ agep. <sup>9</sup>Nângâm hamep dondâ akmâ âmâ purik katmâ Yesu kewugum Gawaman emelan âgâep. Âgâm Yesu maganep, “Gâ wânân gâtņe?” dâmbu den hâuņe bo maganep. <sup>10</sup>Bo maganđo Pilatoņe hin maganep, “Gain gain? Gâ nângâlân den bo maktât. Nâņe maktere âlepņe hepun gekbai akto maktere guguwai aregât kârikne tatniņđâp. Dâ iregât keiņe bo nângât me gain?” dâep. <sup>11</sup>Hain dâmbu hin maganep, “Gâ Anutu Humo âurekne kârikne bo giņdo dâine gâņe mem ge katnekbâtgât dopņe bo. Hain gârâmâ emelâk luâkne gasalupne kewugu yekto menektâi yâkgât dosa arekne gângât dosa ewangiâp.” dâep. <sup>12</sup>Hain dâmbu Pilatoņe hepundo âlepņe ariâkgât nângâm den dâpņæet kulâgâlep. Dâ benņe Yuda luâk âmbâleņe konmâ hin dâyi, “Dâ gâņe Yesu hepunmenâ ariwerâp âmâ gâ Sisa humonenņe aregât galaņe bo. Siâņe nâmâ luâk kembu dâm âmâ Sisa dumņân kinbiap aregât gâņe guge nângâ nângâge watberâm luâk ire yân hepunmenâ gewerâp âmâ Sisaņe nângâm âmâ gâ gasa akgiņbiapgât nângâwiap.” dâyi. <sup>13</sup>Pilatoņe den are nângâm Yesu mem hâkņângen ģiep. Mem gembo kindo Pilato purik katmâ âgâm kembu tat talân talep. Akto tat tat ain hin konmini “Kât dâpņe.” Aregât kotņe Yuda yengât denân amâ Gabata dâm konmini. <sup>14</sup>Sop ain amâ Pasowagât heņgemgo heņgemgo hilâmņe. Akto Pilato ain tato hilâm tânâmņe akto Yuda luâk hin makyenģiep, “Ekņet. Luâk ire âmâ yengât kembuyenē.” dâmbu konmâ hin dâyi, <sup>15</sup>“Moâkgât nângâen aregât lâwinân ko.” dâyi. Hain dâmbiâ makyenģiep, “Nâņe kembuyenē ire lâwinân

kombegât nângâi me?” dâmbô sumbe kat kat humomoŋe hin dâyi, “Nengât kembu siâ bo tatâp. Sisa a konok.” dâyi. <sup>16</sup>Hain dâmbiâ Pilatoŋe Yesu lâwinân koŋet dâm wato yâk yengâlân giep.

### Yesu lâwinân koyi.

<sup>17</sup>Haingât Yesu ikiŋe membiâ ikiŋak lâwinŋe lokoagep. Akto kepia humo hepunmâ hân siâ hin konmai, “Hân hagitjaet kautŋe.” Amâ Yuda denân Goligata ain mem ariyi. <sup>18</sup>Hân aregen Yesu akto luâk lâuwâ olop lâwinân yenguyi. Akto luâk lâuwâ are biken biken yetkuyi. <sup>19</sup>Yetkumbiâ Pilatoŋe den siâ hin kulemgöep, “Yesu Nasarete gâtŋe amâ Yuda yengât luâk kembu.” hain kulemgom lâwinân kondo talep. <sup>20</sup>Akto kulem are amâ Yuda yengât denân akto Roma yengât denân akto Girik yengât denân hain kulemgöep are akto Yesu lâwinân koyi amâ kepia humo Yerusalem ginŋân aregât Yuda luâk âmbâle dondâŋe den are oyaŋmini. <sup>21</sup>Oyaŋmâ amâ Yuda yengât Sumbe kat kat humomolupyenande Pilato hin magaŋi, “Yuda yengât kembu hain bo kulemgo. Bo. Gâ hanâk den hin kulemgo. Luâk irekŋe hin dâmap, “Nâ Yuda yengât kembu.” dâmap hain kulemgo.” dâm hâwâli. <sup>22</sup>Hain dâm hâwâtbiâ hin makyengiep, “Den kulemgoân amâ emelâk kulemgoân are hainâk talâk.” dâep.

<sup>23</sup>Akto tembe lokoŋe emelâk Yesu lâwinân kombiâ kindo himbân siâ siâŋe meani. Akto kâmot katmâ potatbiâ kâmot imbât agep. Akto sâŋgum luguak luguak gai meyi. Dâ amâ sâŋgum are bo parut parutŋe hin ketuguyi. Egonba iŋgon amâ bunewâk paruli. <sup>24</sup>Haingât tembe lokoŋe magaŋi goaŋi akmâ hin dâyi, “Ire amâ bo duwatberen. Sâŋgum iregât kotnenŋe esenŋân ikiŋeâk ikiŋeâk kulemgom umbân pandenŋe gembo are mendenŋe ikiŋe kotŋe miawakberâp luâk arekŋe meakberâp.” dâyi. Hain akbiâ amâ benŋe Anutuŋe magep arekŋe bunŋe miawagep amâ hin, “Yâkŋe sâŋgum siâ siâŋe potatmâ membai akto kotyeŋe katbiâ kotŋe konok miawakto yâkŋe nângât sâŋgum membiap.”

Den are bunŋe akto tembe lokoŋe hain agi.

<sup>25</sup>Akto Yesugât lâwin ginŋân amâ Yesu memeŋe akto Yesu memeŋaet garinŋe are akto Maria siâ Kelopa âmbenŋe akto Maria Madala gâtŋe are hârok kili. <sup>26</sup>Akto âmbâle are hârok Yesugât lâwin ginŋân kili. Yesu memeŋe akto okotŋe dondâ nângâ aŋep are olop enemŋân kinbela Yesuŋe memeŋe magaŋep, “Meŋ, imâ gâŋgât nange hinare akmâ damunge akbiap.” dâep. <sup>27</sup>Akto luâk are hin magaŋep, “Gala, imâ memege akmâ mando damunŋe akben.” dâep. Akto sop ain luâk arekŋe Maria are emetŋân ari katmâ damunŋe akmâ talep.

### Yesu moep.

<sup>28</sup>Are bo akto Yesu hin nângâep, “Âi siâ siâ uŋak bo aktâp. Bâin. Anutuŋât kulem esenŋe are âlepŋe bunŋe miawagâk.” dâm kârikŋe

hin kolep, “Nâ tugât nângân.” dâep. <sup>29</sup>Hain dâmbô umbâ siâ talep ain waij ŋasukŋe pikmâ yiep. Akto ain kili arekŋe sâŋgum siâ mem umbân waij higenŋe pikmâ yiep ain katbiâ giep. Gembo are mem oloŋmâ kâro kâlêwân katmâ dâgâm Yesugât lauŋân kali. <sup>30</sup>Katbiâ Yesuŋe are nem hin dâep, “Nângât âi hârok bo aktâp.” dâm makmâ kâŋgom moep.

<sup>31</sup>Akto sop ain âmâ hombaŋ agatmâŋân miawakbiap aregât siâ siâ heŋgemgoyi. Akto Yuda gâtŋe are nângâm hombaŋ bâliwop dâm aregât hâkyeŋe lâwinân sop kâlep tatbâi dâm Pilato hin magaŋi, “Luâk bâleŋe are yengât keiyeŋe ligimbiâ dowâk mombiâ hâkyeŋe pandenŋe agatmâ hombaŋ are âlepŋe akbiap. Hombaŋ bâliwopgât makmenâ tembe lokolupgande keiyeŋe kom liginet.” dâyi. <sup>32</sup>Hain dâmbiâ âlepŋe dâmbô tembe lokolupgande gutmâ luâk lâuwâ Yesu olop yetkuyi are yetgât keiyetŋe kom ligimbiâ dowâk moyiat. <sup>33</sup>Akto Yesu âmâ ekbiâ emelâk moep aregât keiŋe bo kom ligiyi. <sup>34</sup>Dâ tembe loko siâŋe soŋ soŋŋe gasomŋân ewumbo dowâk arewa gilâm akto tu sopalep. <sup>35</sup>Siâ me siâ are dewunŋe bunŋande egep yâkŋe makmâ miawakto bundâk miawaktâp. Akto ye den ire oyaŋbai âmâ den amâ bunŋe dâm biwiyeŋe Yesugâlân katbaigât magep. <sup>36</sup>Amâ Anutuŋe makto luâk siâ kulemgœp amâ hin, “Nângât hoŋ bawa aregât hagitŋe siâ bo kom ligiwai.” dâm kulemgœp den are bunŋe akto keiŋe bo kom ligiyi. <sup>37</sup>Amâ Anutuŋe makto luâk siâŋe hin kulemgœp, “Nângât hoŋ bawa ewumbiâ mombiap yâkgât hâkŋe tâŋâk ekbai.” are kulemgœp.

#### Yesu hangoyi.

<sup>38</sup>Are bo akto Yosepe Arimataia gâtŋe Yesugât hoŋ bawa are yengât hutyeŋân gâtŋe arekŋe yoŋâk togoep. Amâ Yuda luâk yengât hamep akmâ han biwiyeŋe Yesugâlân kalep aregât keiŋe heambugep yâkŋe Yesugât hâkŋe memberâm Pilato magaŋdo, “Âlepŋe mem lokom ari.” dâep. <sup>39</sup>Dâmbô Nikodemo ulikŋân hândâgân Yesugâlân togoep arekŋe Yesugât hâkŋe hambuwopgât dâm siâ siâ mem togoep amâ umatŋe dondâ amâ luâk lâuwâ lokowatgât dopŋe hainare mem togoep. <sup>40</sup>Akto lâuwâ arekŋe Yesugât hâkŋe mem sâŋgumân katmâ siâ siâ hambuwopgât are olop dâgâyat. Imâ Yuda luâk âmbâle areyengât pat meyat.

<sup>41</sup>Yesu lâwinân koyi aregât ginŋân amâ kalam siâ tatâp. Akto kalam are amâ kât dâpŋe irakŋe ain hâŋgeiŋe luâk siâ bo hangoyi. <sup>42</sup>Amâ agatmâ hombaŋ sopŋe tâlâguâk akto sum ewumâkgât sum are ginŋân tatmap ain kaliat.

#### Yesuŋe momoŋânba agalep.

**20** <sup>1</sup>Akto Sonda ulik gulikgât sowân ain Maria Madala gâtŋe arekŋe sumâŋen hândâktâk dondâ togoep. Akto hândâk dâgâmâk yendo kât are sum dâtŋân bo talep are egep. <sup>2</sup>Ekmâ benŋe purik katmâ

Petoro akto luâk Yesuŋe nânŋaŋmap yâk yetgâlân togom miawak yetkim hin makyetkiep, “Humogât hâkŋe sumânba mem ariâi. Mem arim âmâ yâgâten katâi nâ bo nânŋân.” dâep. <sup>3</sup>Hain dâmbo kepia hepunmâ sumângen pârigim ariyat. <sup>4</sup>Dâ amâ galaŋe Petoro ewangim yâkŋe soŋ ariep. <sup>5</sup>Sum dâpŋân gutmâ kinmâ katmâ kânŋom sâŋgumŋeâk yendo egep. Dâ kâlegen âmâ bo âgâep. <sup>6</sup>Akto Petoro âmâ hamiŋân togoep yâkŋe ewangim kât kâlegen âgâep. Âgâm sâŋgumŋandeak konok yiep are egep. <sup>7</sup>Akto sâŋgum siâ egep arekŋe amâ Yesugât kautŋe katipkoep sâŋgum are amâ sâŋgum bikŋe are olop bo talep. Sâŋgum are ligim siângen kato talep arekŋe siângen talep. <sup>8</sup>Bâin, galaŋe ulik gulik pârigim sumân togoep areâkâ hainâk kâlegen âgâep. Akto are ekmâ âmâ Yesu nânŋaŋep. <sup>9</sup>Dâ ulikŋân amâ Anutuŋe makto kulemgoyi are âmâ bo nânŋâm hengemgoyiat. Amâ Yesu amâ momoŋânba agatbiap bo nânŋâm <sup>10</sup>yâk purik katmâ kepiangen ariyat.

### Yesuŋe Maria Madala kepian gâtŋe miawagaŋep.

<sup>11</sup>Akto Mariaŋe togom sum are hâkŋângen kinmâ indem kilep. Indemâk kinmâ kânŋom kât kâlegen egep. <sup>12</sup>Egeine aŋelo lâuwâ tatbela yelegep amâ sâŋgum kau kau luguagiat arekŋe ulikŋân Yesugât hâkŋe yiep haingen taliat. Siâŋe âmâ kautŋângen dâ siâŋe amâ keiŋaet gewâkŋângen taliat. <sup>13</sup>Tatbela yelekto Maria maganŋiat, “Barat, wangât indeât?” dâmbela hin dâep, “Siânbaŋe nânŋât Humonaet hâkŋe mem lokom ariâi. Are yâgâten katâi are bo nânŋân.” dâep. <sup>14</sup>Hain dâm makmâ purik kaleine Yesu kindo egep. Dâ âmâ bo ekmâ nânŋaŋep. <sup>15</sup>Yesuŋe maganŋmâ, “Barat, wangât indeât? Gâ niŋaet kulâgâtât?” dâmbo âmâ Mariaŋe luâk ire âmâ kalam amboŋe dâm hin maganŋep, “Apo, gâŋe Yesugât hâkŋe mem arim siângen katât aregât makniŋmenâ ain arim hâkŋe are lokom ariwerân.” dâep. <sup>16</sup>Hain dâm purik katmâ kindo Yesuŋe, “Maria.” dâmbo purik katmâ ekmâ hin maganŋep, “Raboni.” dâep amâ den purikŋe amâ Tiksa. <sup>17</sup>Dâmbo maganŋep, “Gâ paŋâk bo menek. Nâ egon boâk âgân. Apogâlae boâk ariân. Gârâmâ gâ arim galalupne hin makyenŋiwen, “Yesuŋe hin makniŋdâp, Nâ egon âgâm nâ Ewene akto ye eweyenŋe yâkgâlae âgâwian. Akto yenŋât damun akto nânŋât damun yâkgâlae âgâwian.” hain dâp dâm makyenŋiwen.” dâep. <sup>18</sup>Hain dâmbo ariep. Arim Aposolo makyenŋim hin dâep, “Nâŋe emelâk Humo ektân.” dâm Yesuŋe den maganŋep are makyenŋiep.

### Aposololupŋande Yesu egi.

<sup>19</sup>Sonda ulik gulik aregât hilâm are dewutâ ge kulukberâm agep. Ain hoŋ bawalupŋe Yuda yenŋât hamep agi aregât emet kâlegenâk hânŋi tigim tali. Ainâk Yesuŋe togom hutyeŋân kilep. Kinmâ hin makyenŋiep, “Bo hamep akŋet. Kambiamyenŋe yeukŋe talâk.” dâep. <sup>20</sup>Hain dâm bânŋe

akto gasomnje hekatyengiep. Hekatyengimbo ekmâ kambiamyeje herone agep. <sup>21</sup>Akto Yesuje lâuwâje hin makyengiep, “Kambiamyeje yeukje talâk. Apone emelâk huŋgun niŋdo geân. Hain akmâ nâkâ ye hainâk huŋgunyengire ariwai.” dâm he dâmbo <sup>22</sup>heakje biwiyenân gembo hin dâm makyengiep, “Ye Anutugât Heak âlepŋande gem kautyenân mendo wâtŋân kinmâ <sup>23</sup>luâk bikje yengât dosa makmâ pulimbiâ âmâ bo akyengiwiâp. Dâ bo makmâ pulimbiâ âmâ tatyengiwiâp.” dâep. <sup>24</sup>Yesuje Aposolo yâk yengâlai togoep sop ain âmâ Aposolo siâ kotje amâ Toma kotje siâ Didimo yâkje konok bo talep. <sup>25</sup>Gârâmâ galalupje Aposolo bikŋande magarj, “Nen Humo emelâk ekten.” hain dâm magarjbiâ Tomaŋe hin makyengiep, “Bo. Nunak koyi gewâkje are bātŋân ekberân me bātŋande ire gewâkŋân howaiwerân me bātne ire ewuyiângen ain howaim âmâ nânŋanberân.” dâep.

<sup>26</sup>Hamiŋân hilâm 8 are bo akto Yesugât Aposololupje emet are kâlegen lâuwâje tali. Akto Toma âmâ olop tali. Akto hânŋi âmâ hârok tigim tatbiâ ainâk Yesuje togom hutyenân kilep. Kinmâ hin dâep, “Kambiamyeje yeukje talâk.” dâep. <sup>27</sup>Hain dâm makyengim purik katmâ Toma magarjmâ hin dâep, “Gut. Bâtge bātŋân in katmenâ gulâk. Akto bātne ek. Akto bātge are gasomne ewunegi ire kâlegen katmenâ geâk. Gembo âmâ aregât han lâuwâ gaetje bo akmâ biwige nânŋâlân katben.” dâep.

<sup>28</sup>Hain dâmbo hin magarjep, “Gâ Humone akto gâ Anutune.” dâmbo <sup>29</sup>magarjep, “Gâ nekmânâk nâ nânŋâ niŋdât me? Luâk âmbâlêje bo nekmâ yân nânŋâ niŋbai arekje amâ kambiamyeje herone humo akbai.” dâep.

<sup>30</sup>Yesuje kulem keje aŋgâ aŋgâ hârok dewun nenŋân dondâ miep. Akto are hârok iren bo kulemgoân. Bikjeâk kulemgoân. <sup>31</sup>Dâ ire âmâ emelâk kulemgoân. Imâ Yesu amâ Anutugât nanje huŋgun aŋdo giep aregât keje nânŋâŋetgât kulemgoân. Dâ yeje ire oyaŋmâ Yesugât keje nânŋâm heŋgemgom nânŋanmâ âmâ âlepje biwiyenje yâkgâlân katbiâ manman âlepje miawak yengîâkgât akto dosayeje bo agâkgât yu kulemgoân.

### Yesuje aposolo haruângen miawak yengiep.

**21** <sup>1</sup>Benje are hamiŋân Yesuje Aposolo bikje are Galilaila bātŋum ginŋân manbiâ miawak yengiep. Amâ luâk ire, <sup>2</sup>Simon akto Toma kotje siâ Didimo akto Natanae amâ Galilaila hânân talep Kana kepia ain gâtje. Akto luâk lâuwâ Sebedaiogât nanlogâtje akto Yesugât Aposolo lâuwâ siâ olop tali. <sup>3</sup>Akto Petoroŋe hin makyengiep, “Nâ gem iŋan oloŋberân.” dâmbo âkâ, “Nen olowâk arine.” dâm arim wanŋan âgâyi. Dâ amâ hândâk ain iŋangât âi humo mem âmâ iŋan bo meyi. <sup>4</sup>Akto dewutâ gawerâm akto ain Yesu haru dâtŋân togo kilep. Dâ amâ

Aposolo Yesuŋe kilep amâ bo ekmâ nânŋaŋi. <sup>5</sup>Yesuŋe hin makyenŋiep, “Galama, ye iŋan bikŋe siâ mendâi me?” dâmbô hin maganŋi, “Bo.” dâmbiâ <sup>6</sup>hin makyenŋiep, “Bâin, ŋalu ŋaluyenŋe are waŋga aregât gasomŋe bātŋe bungen hin panbiâ gembo iŋan bikŋe ain meyekŋet.” dâmbô ŋalu ŋalu panbiâ giep. Gembo ŋalu ŋalu kâlegen iŋan unduwâk pigi aregât oloŋbiâ umatŋe agep. <sup>7</sup>Akto Yesuŋe okotŋe dondâ nânŋaŋmap arekŋe Petoro maganŋmâ hin dâep, “Imâ Humo nenŋe.” dâmbô Petoroŋe nânŋâm âmâ emelâk mâronŋe âi ketuguepŋât oloŋmâ kalep are mem luguakmâ gem penianŋberâm iŋgon tu kâlegen sopalep. <sup>8</sup>Akto Aposolo bikŋande waŋga siâ mem togoyi. Togom ŋalu ŋaluân iŋan pikmâ yiep are tân yeŋgum oloŋmâ âmâ waŋga are haru ginŋânŋenâk talep aregât ŋalu ŋalu tu kâlegen talâk dâm oloŋmâ tu ginŋân âgâm kili.

<sup>9</sup>Hain âgâm kâlâp siâ om yendo egi. Akto kâlâwân are iŋan siâ akto sot siâ kindo egi. <sup>10</sup>Ekbiâ âmâ Yesuŋe hin makyenŋiep, “Iŋan uŋak mendâi are bikŋe mem gaŋet.” <sup>11</sup>Hain dâmbô Petoroŋe bam iŋan ŋalu ŋaluân are mem oloŋmâ ginŋânŋen gulep. Akto ŋalu ŋalu are kâlegen iŋan humomo yeyi are yeŋgât oyanŋyegi amâ 153 hain are egi. Dâ ŋalu ŋalu are âmâ bo hâre agep. <sup>12</sup>Ain kinbiâ Yesuŋe hin makyenŋiep, “Yekâ gutmâ sot ire mem neŋet.” dâep. Dâ amâ Humoyenŋe aregât nânŋâm bo aikoyi, “Gâ niŋe?” <sup>13</sup>bo aikombiâ gârâmâ Yesuŋe sot mem yeŋgiep. Akto iŋan gai olowâk mem yeŋgimbo neyi. <sup>14</sup>Amâ Yesuŋe sumânba agatmâ miawakyenŋimbo âlâwuŋe are akto Aposoloŋe egi.

### Yesuŋe Petoro sop âlâwu aikoeŋ.

<sup>15</sup>Sot nem metem tatmâ Petoro hin maganŋep, “Simonŋ Yohanegât nanŋe. Gâŋe âmâ luâk ire ewangiyekmâ nânŋât okot âlep akmat me gain?” dâep. Hain dâmbô hin dâep, “Âo, Humo, gâ nânŋât are nâmâ gala akŋinman.” dâep. Hain dâmbô hin dâep, “Gâ nânŋât kâmot damunyenŋe akben.” dâep. <sup>16</sup>Hain dâm lâuwâŋe aikoeŋ, “Simonŋ, Yohanegât nanŋe, gâ nânŋât okot âlep akmat me bo?” dâmbô, “Âo. Humo, gâ nânŋât. Nâ gâŋgât gala akman.” dâmbô hin dâep, “Gâ nânŋât kâmot damunyenŋe akben.” dâep. <sup>17</sup>Hain dâm âlâwuŋe hin aikoeŋ, “Simonŋ, Yohanegât nanŋe, gâmâ nânŋât gala me gain?” dâmbô âlâwuŋe aikoeŋgât nânŋâmbo umatŋe akto maganŋmâ hin dâep, “Humo, gâŋe âmâ siâ siâ hârok nânŋât. Nâmâ gâŋgât galage.” dâmbô maganŋep, “Gâ nânŋât kâmot damunyenŋe akben. <sup>18</sup>Akto wan miawak giŋbiap aregât makŋiŋbe. Ulikŋân sigan talen sop ain egâliŋgaet ariwerâm âmâ sânŋum luguakmâ ain ariminen. Dâ hâmbâi sâmbâ akbialân sop ain âmâ yân kinmenâ gasalupgande keige dâgâm mendugum meŋgekmâ ain bo ariwian dâm makbiat ain meŋgekmâ ariwai.” dâep. <sup>19</sup>Amâ Yesuŋe hin aregât maganŋep. Hâmbâi luâk siâŋe Petoro mem oloŋmâ kondo mombiap sop ain Anutugât kotŋe humo sambelem ariwiap. Haingât Yesuŋe dopkom den ire maganŋep. Hain



akmâ Petoro magañep, “Gâ gam haminângen watnek.” dâep. <sup>20</sup>Petoroñe purik dâm Yesuñe okotñe nâñgâ añmap arekñe watyelekmâ togombo egep. Akto yâk ulikñân Yesugât Aposololupñe olop konogân tatmâ sot neyi sop ain Yesugât enemñânâk tatmâ hin magañep, “Humo, niñande hâmbâi gasalupge kewugu yekberâp?” dâep. <sup>21</sup>Akto Petoroñe yâk ekmâ Yesu hin magañep, “Humo, luâk ire âmâ gain gain?” dâambo <sup>22</sup>Yesuñe magañep, “Yâk mandoân nâ purikatbian aregât yâkgât wangât maktât? Gâ yân gam watnek.” dâep. <sup>23</sup>Hain dâambo den are Kembangât kâmot yeñgâlân hanâk ariep, “Yohane âmâ bo mombiap.” dâep. Dâ Yesuñe, “Yohane bo mombiap.” bo magep. Amâ, “Yânâk tatoâk nâ purik katmâ togowian me bo amâ gâñgât pat bo aregât wangât maktât?” dâep.

<sup>24</sup>Akto yu kulemgoân ire hârok egân amâ den bunñe akto nen amâ hainâk, “Den kulemgoân ire amâ bunñeâk hârok.” dâyon. <sup>25</sup>Akto siâ siâ ire hârok Yesuñe agewâk. Dâ luâkñe Yesuñe wan ketuguep are kulemgowerâm âmâ âi humo membiâ dâp bo tatyeyñiwop. Akto nâñe hin nâñgân. Kulemgombiâ dâine hân ire hârok amâ kulem esenñe iregât dopñe bo tatbop. Hain.

# Aposolo Yengât Den Pat

---

Yesuje Aposololupŋe den makyengim himbimân âgâep.

**1** <sup>1</sup>O galane Teopilo, nâ emelâk den kulemgo giŋân are âmâ Yesuje hin dâm luâk âmbâle makyengim makmâ malep aregât den pat hârogâk makŋimâ meteân. <sup>2</sup>Aregât keiŋe âmâ hin. Anutugât Heakŋande Yesu tângombo âi keiŋe katmâ arim Aposolo luâk are mem oloŋyekmâ lauje bâiŋe makyengim himbimân âgâwerâm agep. Aregât den pat kulemgom meteân. <sup>3</sup>Akto aregât nengât akmâ hâk hilâlâm nâŋgâm mondo sumân katbiâ golâ akmâ momoŋânba agatmâ mando hilâm 40 akto ain miawak yengim Anutuŋe damunyeŋe akbiap aregât keiŋe makyengim mando ekmâ nâŋgâyi. <sup>4</sup>Akto mendugum yâk olop tatmâ manbiâ den hin dâm makyengiep, “Yerusalem kepia hinŋe dowâk bo hepunbi. Ulikŋân hin makyengiân. Ewenande ikiŋe Heakŋe are huŋgunanŋo gewiapgât manbiâ gem tân yengumbo ariwi. <sup>5</sup>Luâk kotŋe Yohane yâkŋe tu mem puliyegep. Hain akto sop kâlep bo akto Anutuŋe ikiŋe Heakŋe are huŋgun anŋo gem meme akyengiwiap.” Yesuje hain dâep.

<sup>6</sup>Akto hilâm siân Aposololupŋe mendugum mali ain hin dâm aikoyi, “Humonenŋe, ulikŋân bâgilupnenŋande kepiaŋe kepiaŋe damun akyengimini hainâk gâŋe hain akŋet dâm hinŋe maknengimenâ miawakbiap me siân dâmenâ miawakbiap?” dâyi. <sup>7</sup>Hain dâmbiâ hin makyengiep, “Are miawakbiapgât sopŋe ye bo nâŋgâi. Ewenande nâŋgâm miawagâk dâmbo ain miawakbiap. <sup>8</sup>Hin konok makyengire nâŋgâŋet. Anutugât Heakŋande gem kârikŋe akyengimbo âmâ nâŋgât den âlepŋe makyengiwaigât dop akbiap. Akto Yerusalem kepia ain manmâ keiŋe katmâ nâŋgât pat sambelem biken biken arimbo nâŋgâm metembiâ Yudaia hânângen me Samaria hânângen makmâ arimbiâ nâŋgâmbiâ hân bâiŋângen ârândân akmâ ariwiâp.” <sup>9</sup>Hain dâm makyengimbo ekmâ kinbiâ dewunyeŋân owâiŋe akmâ âgâep. Âgâmbo hamandatŋe mem tigimbo undâgâli. <sup>10</sup>Undâgât mâ himbimân tâŋâk ekmâ kinbiâ ainâk luâk lâuwâ mâronyetŋe kau golâ golâ arekŋe yâk yengâlân dowâk miawagiat. <sup>11</sup>Miawakmâ hin dâm makyengiŋiat, “Galilaia hânân gâtŋe, ye wangât

dewunyege egon panmâ tânjâk ekmâ kindâi? Yesuŋe hepunyekmâ himbimân âgâmbo ektâi ina benŋe hainâk himbimângeŋba purik katmâ gewiap.” dâyiati.

**Aposolo purik katmâ ariyi areyengât kotyeŋe.**

<sup>12</sup>Hain dâm hepunyekmâ arimbela Aposololupŋe Oliwa gimbânânba geyi. Akto Oliwa gimbânge amâ Yerusalem kepia ewumâk tatâp arewa purik katmâ ariyi. <sup>13</sup>Arim Yerusalem kepiari âgâm emet tali ain âgâyi. Akto Aposolo mali are amâ kotyeŋe hin, Petoro, Yohane, Yakobo, Anderea, Pilipo, Toma, Batolomaio, Yakobo siâ Alipaiogât nanŋe, Roma yengât hâkânŋe agi are yengâlân gâtŋe siâ kotŋe Simoŋ akto Mataio. Akto Yudasi siâ Yakobogât nanŋe.

**Ulikŋân Yudasi bâlimbo yâkgât gewâkŋân siânge kilâkgât Anutu ulilaŋi.**

<sup>14</sup>Aposololupŋe, Yesugât memene, emilupŋe akto âmbâle bikŋe menduguyekbiâ olop tatmâ biwi konok akmâ tatmâ Anutu den magaŋi. <sup>15</sup>Sop ain biwiyenŋe Yesugâlân katmini are yengât galalupyenŋe 120 arekŋe mendugum kinbiâ Petoroŋe tânâmyenŋân agatmâ kinmâ hin makyenŋiep, <sup>16-17</sup>“Galalupne, Yudasigât makyenŋegire nânŋânŋet. Yesugât hoŋ bawa kotŋe Yudasi yâkŋe nen olop manmâ âi miep ina gasa ulik gulik akmâ hekat yengimbo Yesu meyi. Amâ Anutugât Heakŋe Dawidi den magaŋdo den dâm kulemgoep are bunŋe agep. <sup>18</sup>Akto Yudasinŋe Yesu bâleŋe agaŋbiap aregât puli wanŋbiâ mem hamewakmâ palep. Hain akto kautŋande purik dâmbo tepŋe okotŋe hârogâk hindakmâ hânânŋe giep. <sup>19</sup>Hain akto Yerusalem kepia ambolupŋande puli are mem yâkgât pat are nânŋâm metem amâ hân aregât kotŋe Akedama dâm koli. Kot aregât purikŋe amâ, “Hepŋaet hân” are puligoyi. <sup>20</sup>Akto Anutugât keŋe siâ hin yendâp, “Luâk iregât emet hewukŋe akbiap. Akto luâk siânge togom yâkgât dumpŋân âi membiap.” akto Anutugât keŋe siâ hin, “Luâk siânge yâkgât dumpŋân miawakmâ welamŋân kinmâ yâkgât âi damunŋe akbiap.” <sup>21</sup>Aregât Yesu hutnenŋân olowâk malion nengâlân gâtŋe siâ mem miawakberen. <sup>22</sup>Akto ulik gulik Yohaneŋe âi keŋe katmâ tu puli yengiep are egion. Sop ainba Yesuŋe maknengim manmâ himbimân âgâep are egion. Nengât hut nenŋânba luâk siâ mem miawakberen.” dâep.

<sup>23</sup>Petoroŋe hain dâm makyenŋimbo luâk lâuwâ mem miawakyelegi. Luâk siâ kotŋe Matia, akto siâ kotŋe Yosepe. Yosepegât kotŋe irakŋe Yusito akto kotŋe siâ Basaba dâm koli. <sup>24</sup>Hain mem miawakyelekmâ hin dâm Anutu magaŋi, “O Kembu nenŋe, gâ luâk hârok yâk yengât biwiyenŋe ekmâ nen hârok keinenŋe nânŋâmat aregât luâk lâuwâ yu kindat ire siâ me siâ gugak mem miawakmâ maknengimenâ ekberen. <sup>25</sup>Yudasinŋe Yesugât Aposolo malep ina âi are hepunmâ amâ manman bâleŋân ariep aregât yâkgât welamŋân kinmâ âgâwapi yâkgât kotŋe maknengimenâ

nângâne.” dâm ulilaŋi. <sup>26</sup>Hain ulilaŋbiâ kulem esenje mem kotyetje lâuwâ lâuwâ kulemgoep. Kulem esenje lâuwâ kulemgom umbâ kâlegen kato giep. Gembo mem oloŋdo Matiagât kotje kulemgoep are miawagep. Mem miawakto benje Aposolo keiân konok yâk yengâlân dewatimbo keiân lâuwâ agi.

**Anutugât Heakŋe arekŋe gem memeyeŋe akyengiep.**

**2** <sup>1</sup>Hilâm kotje Pendekosi hombaŋ dâm koli sop are ewumâk akto luâk âmbâle biwiyene Yesugâlân kali yâk hârogâk emet siân âgâm menduguakmâ tali. <sup>2</sup>Tatbiâ himbimânba mun humo siâ seru munje panmap mun hainâk dowâk sân sânâk giep. Gembo emelan tali luâk âmbâle are hârogâk nângâyi. <sup>3</sup>Akto yâk yengâlân wan siâ kâlâp ululunje hain arekŋe miawakmâ hogoakmâ kautyenân ârândâŋ giep. <sup>4</sup>Hain akto Anutugât Heakŋande humo akmâ tânyengumbo denyene siâ siâ magi.

<sup>5</sup>Hain agi sop ain Yuda luâk Anutugât den lokom bikenba bikenba mendugum mali are togom Yerusalem kepiân âgâm mali. <sup>6</sup>Ain manbiâ siâkâ denyenân denyenân makmâ manbiâ nângâyi. Are nângâm togom mendugum sân sân mem bâtyene dâtyenân igim kili. Hain akbiâ luâk âmbâle Yesugâlân biwiyene kali arekŋe siâkâ denyenân denyenân makmâ mali. <sup>7</sup>Akto are nângâm aregât biwiyene agato bâtyene dâtyenân igim hin dâyi, “Luâk den aktâi ire Galilaia hânân manmai <sup>8</sup>arekŋe gain gain akmâ nengât den hain are makbiâ nângâen? <sup>9</sup>Nen togom yu mendugum kinden ire nengât keinenje hin. Nen Pata hânân gâtje, Mede hânân gâtje, Elam hânân gâtje, Mesopotamia hânân gâtje, Yudaia hânân gâtje, Kapadokia hânân gâtje, Ponto hânân gâtje, Asia hânân gâtje, <sup>10</sup>Prigia hânân gâtje, Pampilia hânân gâtje, Aigita hânân gâtje, Afrika hânân gâtje, Kirene hânân gâtje, akto Roma kepiân gâtje. Nen kepia ya yengonden ain gâtje. <sup>11</sup>Akto bikŋe Kreta ain gâtje akto Arabia hânân gâtje. Akto nen kepia ya yengonden are bikŋe kâlewângen akto bikŋe ewumâk nen ain gâtje. Nen âmâ bikŋe Anutugât den nanaŋ nenânbank nângâyion akto bikŋe Yuda yengâlân dewatiyion hain arekŋe manden. Akto Anutuŋe kulem siâ siâ âlepŋe akmap aregât nengât dennennân dennennân dâm maktâi are nângâen.” dâyi. <sup>12</sup>Hain dâm nângâmbiâ dâtje akto kautyene gulip akto hin maganŋi goanŋi agi, “Iregât keiŋe gain gain?” dâyi. <sup>13</sup>Hain dâmbiâ bikŋande Aposolo yekbiâ yânje akto girinyengim hin dâyi, “Luâk ire waiŋ tu are nemiâ biwiyene gulip akto hain aktâi.” dâyi.

**Petoroŋe agatmâ kulem agi aregât keiŋe makyengiep.**

<sup>14</sup>Hain dâmbiâ Petoroŋe Aposololupŋe keiân konok are hutyenânba kinmâ den humo hin dâm makyengiep, “Galalupne, akto Yerusalem kepiân togom mandâi ye kulem iregât keiŋe makyengire nângâŋet. <sup>15</sup>Yu

nenektâi nen âmâ waij tu are bo nenden akto biwi bo gulip akten. Hinje âmâ hândâktâgâk waij tu are bo nenden. <sup>16</sup>Nen yu aktenje nenektâi ire propete kotje Yoelerje kulem ire miawakbiapgât den ire kulemgoep are kârikje aktâp.

<sup>17</sup>Anutuje hin dâep, “Hâmbâi humogât sop are tâlâgumbo âmâ nâje nunaet Heakne are huŋgun aŋdere gem luâk hârok ârândân akyeŋgiwiap. Huŋgun aŋdere gembo âmâ luâk âmbâle biwiyenje nâŋgâlân katmâ manbai arekje nâŋgât den dâm makyeŋgiwai. Akto luâk wan siganlupyenje yeŋgât biwiyenje purik âgâambo giwelân siâ me siâ ekbai. Akto luâk âmbâle sâmbâne asiŋ yem âmâ giwet ekmâ nâŋgâwai. <sup>18</sup>Akto sop ain nâŋgât Heakŋande nâŋgât hoŋ akto âi âmbâle ârândân meme akyeŋgimbo nâŋgât den dâm maganŋiwai. <sup>19-20</sup>Akto Kembu togowiap aregât hamep hâwâlîje humo sopje tâlâguwiap ain maktere âuren himbimânba kulem siâ siâ miawakbiap. Dewutâ golaŋe hândâk akbiap. Akto hândâkgât dewutâ arekje gilâm miawakbiap. Akto hânân hin miawakbiap. Kâlâp dâwokŋande gilâm akmâ emet me hân hârok tigim om derewiap. <sup>21</sup>Sop ain luâk bikje Kotdâgât kotje konmai are âmâ Anutuje bo hilip yeŋguwiap.”

#### **Petoroje Yesugât den ulikŋân kulemgoyi aregât keiŋe makyeŋgiep.**

<sup>22</sup>Israe luâk, den siâ makyeŋgire nâŋgâŋet. Anutuje Yesu Nasarete kepian gâtje are ekto ârândân agepgât humo agaŋdo hut yeŋân manmâ kulem keiŋe keiŋe mendo ekmâ nâŋgâyi. Yesugât keiŋe hain agâkgât Anutuje makmâ hâriep. <sup>23</sup>Hain dâm hârembo wan me wan are agaŋi. Agaŋmâ luâk Anutu kotje bo konmai are yeŋgimbiâ mem hâk hilâlâm waŋmâ lâwinân kombiâ moep. <sup>24</sup>Hâk hilâlâm nâŋgâm mondo sumân kali. Dâ sumânâk tatbiapgât dopje bo agep aregât Anutuje nâŋgaŋdo golâ akmâ sumânba agalep. <sup>25</sup>Akto aregât keiŋe Dawidiŋe kulemgoep are kârikje aktâp amâ hin,

“Nâje kotdâ bâte bungen tatmap yâk dewunnande ekmâ tatmâ mandân aregât bo hepun nekmap. Wan me wan nâŋgâre umatje akbopgât yâkje tân nugumap. Tân nugumbo kârikje akman. <sup>26</sup>Aregât biwine âlepje akto gâŋgât heroŋe aktân. Akto kep keŋgu mendân. Akto siân agatbiangât biwine owâiâp. <sup>27</sup>Dâ mombian âmâ momoŋe yeŋgât manmanân tatbomgât bo hepun nekbiat. Akto nâmâ gâŋgât akmâ huragumangât aregât hâkne hagitne sumân tatmâ hambuwomgât menekmenâ agatbian aregât momogât bo hamep akman. <sup>28</sup>Gârâmâ gâŋe manmangât dâp katniŋen. Akto gâ olop manmâ kambiamne âlepje akto manmâ âgâman.” Den are Dawidiŋe kulemgoep. <sup>29</sup>Galalupne hakunenje kotje Dawidi miawagep yâkgât keiŋe makyeŋgire nâŋgâŋet.

Yâk mondo hangoyi yâkgât sumnje are ekmaen. Are ekmâ hin nângâmaen. Dawidi hambuep dâmaen aregât Dawidiŋe ikiŋaet bo magep. Dawidi âmâ Propete luâk siâ mando Anutuŋe den kârikŋe maganep aregât <sup>30</sup>yâkŋe âmâ hin dâep, “Anutuŋe hakulupne yâk yengâlân gâtŋe siâ mem kato luâk kotdâ akmâ manmâ nângât dumnân kinbiapgât makmâ hâreniŋep.” <sup>31</sup>Are nângâm kinmâ Anutuŋe huŋgunaŋdo gewiap are momoŋânba agatbiap aregât hin dâm magep, “Nâ mondereân otnene sumânâk tato hâkne higenje akbopgât dâm menekto agatbian.” dâep. Dawidi hain magep. <sup>32</sup>Haingât Anutuŋe Yesu are mem agatmâ kindo Aposolo nenŋe egion. <sup>33</sup>Anutuŋe Yesu mem agato ikiŋe bātŋe bungen âgâ kindo eweŋande ikiŋe Heakŋe katmâ yâkgât nângâm den kârikŋe magep are miep. Hain akmâ benŋe huŋgun aŋdo gem tân nengumap aregât kulemŋe yu ektâi. <sup>34</sup>Dawidi âmâ ikiŋe himbimân bo âgâep aregât hin dâep,

Anutu kotdâŋe nângât kotdâ hin dâm maganep, “Gâ togo bātne bungen tatmenâ <sup>35</sup>gasalupge mem ge katyektere tâliyekbiat.”

<sup>36</sup>Israe luâk âmbâle hârokŋe hain nângâmbiâ biwiyeŋe kau akbiap. Yeŋe Yesu moâk dâm lâwinân kombiâ moep are Anutuŋe nanŋe are mem agatmâ, “Kotdâ yeŋe ak.” dâm damun nenŋe kalep.” dâep.

#### **Luâk âmbâle dondâŋe biwiyeŋe Yesugât kali.**

<sup>37</sup>Petoroŋe den hain dâm makyenŋimbo den arekŋe biwiyeŋân ewumbo Aposolo bikŋe hin aiyenŋuyi, “Galalupnenŋe wan aktenŋe ârândâŋ agâkgât maknenginŋet.” dâyi. <sup>38</sup>Hain dâmbiâ Petoroŋe hin dâep, “Ye hanyeŋe purikatmâ biwiyeŋe Yesugâlân katbiâ tu puliyektenŋe bâleŋeyeŋe bo akbiap. Bo akto Anutuŋe wâtgât memeneŋe yenŋimbo manbai. <sup>39</sup>Akto Anutu Humonenŋe arekŋe ye akto nanlupyeneŋe akto hânŋe hânŋe manmâ ariâi are oloŋyekbiap areyengât den makmâ kalep.” <sup>40</sup>Petoroŋe hain makyenŋim bennŋe dewatim hin makyenŋiep, “Luâk yu mandâi imâ pâit pâitŋe aregât yengât hâu âmâ Anutuŋe makto bâleŋân manbai. Ye hain akyenŋiwopgât hepunyekmâ biwiyeŋe Yesugâlân katbiâ Anutuŋe meyekbiap.” <sup>41</sup>Hain dâambo sop ain luâk âmbâle 3,000 yâkŋe Petorogât den are nângâmbiâ humo akto are tu puli yengimbiâ Yesugât kâmot are yengâlân dewatiyi.

#### **Biwiyeŋe Yesugâlân kali arekŋe mendugum biwi konok akmâ mali.**

<sup>42</sup>Hain akbiâ aregât Aposoloŋe Yesugât keiŋe makyenŋim potatmâ yengimbiâ nângâm kârikŋe akmâ mali. Hain akmâ biwi konok manmâ Anutugât kotŋe konmâ sot mendugum katmâ Yesugât pat nelâm nengiwop dâm nem heroŋe akmini. Heroŋe akmâ Anutu ulilaŋmini.

<sup>43</sup>Hain akbiâ Aposoloŋe kulem keiŋe keiŋe kenuŋmâ mali are luâk

âmbâle hârokŋe ekmâ hamep akmâ sâŋ sâŋ meyi. <sup>44</sup>Akto biwiyenŋe Yesugâlân kaliŋe biwi konok akmâ manmâ yenŋaet puli me wan me wan hârok mem mendugum kâmot konogân katmâ mali. <sup>45</sup>Akto bikŋande wan me wan hârogâk are bo gangerâmbiâ siâŋe puligombiâ puli are potatmâ galalupyenŋe yân manmâ puligât umburuk agi are bikŋe potatmâ yenŋiyi. <sup>46</sup>Hilâm ain sumbe emetŋân âgâm biwi konogâk akmâ mendugum den maganŋi goanŋi akmâ mali. Akto sot bikŋe emetyenŋân âgâm âmâ menduguakmâ nem mali. Akto ain kambiamyenŋe heronŋe akto Anutu âlepŋe dâm kotŋe konmâ mali. <sup>47</sup>Hain akbiâ luâk hârokŋe yekmâ heronŋe agi. Akto Humonŋe hilâmŋe hilâmŋe luâk âmbâle bikŋe memenŋe akyenŋimbo biwiyenŋe Yesugâlân katmâ manmâ Yesugât kâmolân dewatiyi.

**Petoronŋe luâk keiŋe bâliep siâ ekmâ mem heŋgemgoep.**

**3** <sup>1</sup>Hilâm siân enŋaiŋe akto Anutugât kotŋe konminigât sopŋe ain Petoro akto Yohanenŋe sumbe emetŋân âgâwerâm agiat. <sup>2</sup>Hain akbela âmâ luâk siâ memenŋaet tepŋânbaŋ keiŋe bâleŋe miawagep luâk are galalupŋande sumbe emetŋaet hânŋi siâ kotŋe âlep âlepŋe dâmini ain katbiâ talep. Katbiâ tatmâ hilâmŋe hilâmŋe luâk sumbe emetŋân âgâm gemini are puli siâ siâ ekmâ egâlianmâ aregât ulityenŋim tatminep. <sup>3</sup>Hain akmâ mando Petoro akto Yohane yâkŋe sumbe emetŋân are âgâmbela yelemekmâ âmâ wan me wan siâ niŋlet dâm aregât ulityetkiep. <sup>4</sup>Ulityetkimbo ekmâ âmâ Petoronŋe hin dâep, “Gâ net nelek.” dâmbo <sup>5</sup>luâk keiŋe bâliep arekŋe puli siâ siâ niŋberâm aktat dâm biwiŋe heronŋe akto enem dewunyetŋân yelegep. <sup>6</sup>Yelekto Petoronŋe hin dâm maganŋep, “Sikum siâ siâ me puli me ito are bo tatniŋdâp gârâmâ konok tatniŋmap are giŋberâŋgât maktere nânŋâ. Yesu Anutuŋe huŋgun anŋo giep Nasarete kepian gâtŋe, yâkgât kârikŋân makŋiŋbe. Agatmâ bam ari.” dâep. <sup>7</sup>Hain dâm bânŋe bungen mem agalep. Mem agato ainâk keiŋe âlepŋe akto bin bin kinmâ agatmâ sopanmâ agatmâ sopanmâ agep. Hain akmâ Anutu nânŋanŋep. <sup>8</sup>Hain akmâ agatmâ kindo yâk olowâk sumbe emetŋân âgâyi. Âgâm luâk arekŋe heronŋe akmâ agatmâ sopanmâ agatmâ sopanmâ bam gutmâ Anutugât kotŋe mem agalep. <sup>9</sup>Hain akto luâk âmbâle hârokŋe yâk bam gutmâ Anutu mepainŋe miep are egi. <sup>10</sup>Ekmâ hin dâyi, “Sumbe emetŋân luâk keiŋe bâle bâleŋe tatmap ina bin bin kindâp. Luâk are ulikŋân bo arim togominep. Sumbe emetŋaet hânŋiân kotŋe âlep âlep dâmini ain tatmâ puli me sikumgât ulitnengim tato ekminion are ina hinŋe âlepŋe akmâ bin bin kindâp.” dâm nânŋâmbiâ bimbiâk agep. Bimbiâk akto gain gain aktâp dâm âmâ nânŋâm bâtyenŋe dâtyenŋân igiyi. <sup>11</sup>Akto luâk arekŋe Petoro akto Yohane yetgâlân dewatim meyelekto hetakŋe siâ kotŋe Salomo ain kinbiâ hârogâk ekmâ biwiyenŋe agato aregât maganŋi goanŋi akmâ kili.



**Petoroŋe Yesugât keiŋe makyenŋiep.**

<sup>12</sup>Hain akbiâ Petoroŋe yekmâ hin dâm makyenŋiep, “Israe luâk, ye wangât luâk ire ekmâ bâtyeŋe dâtyeŋân igim kindâi? Yu miawaktâp ire netŋaet kârikŋân bo mem âlepŋe ketuguet. Akto netŋaet nâŋgâ nâŋgân bo. Bo kârikŋe aregât wangât net tâŋâk nelektâi? <sup>13</sup>Keiŋe hin tatâp. Abraham, Isaka, Yakobo yâk yengât Anutu akto nengât hakulupnenŋe yengât Anutu, yâkŋe hoŋ bawaŋe Yesu ekmâ yâkgât kotŋe mem agatŋet dâm yâkgât kulem are luâk iregâlân mem miawakto kindo ektâi. Yeŋe Yesu are hâkâŋe akmâ Anutugât kotŋe bo konmai yengâlân kali. Katbiâ Pilatoŋe, “Yesu huŋgun aŋdere yânŋâŋen geâk.” dâmbô âmâ yeŋe kârikŋe akmâ, “Borâen. Luâk aregât hâkâŋ akten.” hain dâyi. <sup>14</sup>Akto Yesuŋe bâleŋe siâ bo akminep are ina hâkâŋe akmâ kuk agaŋi. Akto luâk koko kotŋe Baraba yâkgât ukenŋe nâŋgâmbiâ Pilatoŋe wato hâkŋâŋen gembo yâkgât dumŋân Yesu are koyi. <sup>15</sup>Hain akmâ luâk âmbâle yeŋe manman kârikŋe aregât amboŋe ina koyi. Kombiâ mondo hangombiâ âmâ Anutuŋe momoŋânba mem agato kinmâ mando egion. <sup>16</sup>Luâk irekŋe âlepŋe aktâp aregât keiŋe makyenŋire nâŋgâŋet. Yesu yâkgât kolân dâetŋe Yesuŋe meme agaŋdo biwiŋe yâkgâlân hikom âlepŋe aktâp. Âlepŋe akto ektâi.

<sup>17</sup>Akto galalupne nâ hin nâŋgân. Ye akto humomolupyenŋande Yesugât keiŋe pâpkom aregât hain agaŋi. <sup>18</sup>Akto emelâk Anutuŋe Yesugât den hin dâm Propetelupŋe yengât biwiyeŋân kato kulemgoyi are kârikŋe agep. Den are âmâ hin. Anutuŋe huŋgunaŋdo gewiap arekŋe hâk hilâlâm nâŋgâm mombiap. <sup>19</sup>Hain akto benŋe Anutuŋe dosayeŋe puli yengimbo bo agâkgât biwiyeŋe hulaŋ akmâ Anutugâlâŋen arimbo agak memeyeŋe bâleŋe are hepunmâ manbai. <sup>20</sup>Hain akbiâ Kembu Yesu yâk olowâk manmâ Anutugât kârikŋân kinbiâ âmâ Humoŋe memeŋe akyenŋimbo biwiyeŋân ârândâŋ akbiap. Akto hâmbâi Yesuŋe damunyeŋe akbiap aregât huŋgun aŋdo gewiap. <sup>21</sup>Uŋak âmâ Kembu Yesu yâk himbimân mandâp. Anutuŋe propetelupŋe den biwiyeŋân kato kulemgoyi are bunŋe agâk dâm wan me wan are heŋgemgom mem hulaŋ nenekbiap. Aregât sop tâlâguwiap ain Yesu purik katmâ lâuwâŋe gewiap. <sup>22</sup>Aregât Moseŋe Israegât kâmot den hin dâm makyenŋiep, “Kembu Anutuŋe galalupyenŋe yengât hutyeŋân propete luâk siâ nâ hinare mem miawakto arekŋe den makyenŋimbo are bo hepunmâ âmâ nâŋgâmâk manbi. <sup>23</sup>Gârâmâ siâŋe yâkgât denŋe are hâkâŋ akbiap are âmâ yeŋe mem siâŋen katmâ watbiâ hâkŋâŋen gem manbiap.”

<sup>24</sup>Are Mose ikinjak akbiapgât bo magep. Propete luâk hârok Samue malep sop ainba kulemgom gayi benŋe hinŋe âkâ den areâk makmâ kulemgoyi. <sup>25</sup>Akto Anutuŋe propete mali yâk yengât makmâ katyenŋiep. Are nengât pat agep. Akto Anutu yâk olop den akbiâ biwiyeŋe kepik

agep. Aregât bunje hainâk nengât agep. Haingât Anutuŋe Abraham hin maganep, “Siân gângât kâmot sambelem ariwai areyengâlân gâtŋe konok arekŋe luâk âmbâle hân biken biken manbai are hârok tân yengumbo heronje akbai.” dâep. <sup>26</sup>Den aregât bunje miawak nengimbo Anutuŋe Yesu Anutu ikinje hoŋ bawa manmâ bâleŋaet dâp are hepunŋetgât huŋgunanjo Israe luâk âmbâle nen soŋ mem oloŋnenekberâm giep.” dâep. Petoronje hain dâep.

**Petoro akto Yohane kala busi kâlegen katyelegi.**

**4** <sup>1</sup>Petoro akto Yohane yâkŋe den hain dâm makyengim kinbela sumbe kat kat luâk akto tembe loko yengât humomolupyenje akto luâk kâmot siâ kotyenje Sadukaio arekŋe yâk yetgâlân togoyi. <sup>2</sup>Togombiâ den makyengim kinmâ Yesu are momoŋânba agalep hainâk nenâkâ agatbaen dâm aregât den âlepŋe makyengimbela are nângâm hin dâyi, “Are bo agakŋe” dâm nângâmbiâ bâlimbo <sup>3</sup>aregât emet eŋgaiŋe agepgât hole aknerâm meyelekmâ arim kala busi kâlegen katyelekbîâ yeyiat. <sup>4</sup>Akto Petoronje den potatmâ yengimbo nângâyi are yengâlân gâtŋe oyanjenje 5,000 arekŋe nângâm agatmâ Kembangât kâmot yâk yengâlân dewatim mali.

**Petoronje Israe yengât humomolupyenje makyengiep.**

<sup>5</sup>Emet hauŋdo Israe yengât humomolupyenje akto sumbe emetjaet damun akto Mosegât den kârikŋe makmâ kepigi yâkŋe Yerusalem kepiân âgâm <sup>6</sup>sumbe kat kat yengât luâk kautŋe kotŋe Anasi akto laumatŋe kotŋe Kaipa akto galalogâtŋe Yohane siâ akto Alesande akto kâmotlupyenje olowâk den emetjân âgâm menduguyi. <sup>7</sup>Mendugum tatmâ Aposolo lâuwâ are yetgât dâmbiâ meyelekmâ gambiâ den âiân katyelegi. Hain akmâ aiyetkum hin dâyi, “Niŋande kârikŋe yetkimbo uran kulem are membela egion? Akto niŋaet kotŋe konmâ kinmâ hain agiat?” dâyi. <sup>8</sup>Hain dâmbiâ Anutugât Heakŋande Petoro kârikŋe waŋdo kinmâ hin dâm makyengiep, “Israe, nengât humomolupnenŋe hin dâre nângâŋet. <sup>9</sup>Netŋe luâk keiŋe bâliep are maganŋetŋe âlepŋe agep aregât yeŋe hin dâm ainetkuâi, “Niŋande kârikŋe yetkimbo mem kinmâ luâk are heŋgemgoyiat.” dâi, <sup>10</sup>aregât keiŋe hin dâm makyengire yeŋe nângâm Israe luâk hârok ari makyengiwi. Akto aregât keiŋe hin. Anutuŋe huŋgun aŋep Nasarete kepiân gâtŋe kotŋe Yesu are lâwinân kombiâ moep. Mondo Anutuŋe momoŋânba mem agalep are golâk mandâp yâkgât kârikŋân kinmâ dâetŋe luâk keiŋe bâliep arekŋe âlepŋe agep are dewunnenŋân yu kindâp ire. <sup>11</sup>Akto Dawidiŋe Yesugât nângâm den siâ hin dâm kulemgoep are kârikŋe agep,

“Emet kenuŋmai arekŋe kun kun ire bâleŋe dâm hepuli arekŋe agatmâ kun kun kârikŋe akmâ kindâp.”

dop hainâk yeŋe âmâ emet kenuŋmai hainâk akmâ Yesu ina bâleŋe dâm hepuli. <sup>12</sup>Ire nânġâŋet. Luâk siâŋe kârikŋe nengimbo himbimân âġâwaengât dopŋe bo tatâp. Bo kârikŋe. Anutuŋe Yesu nengât dâm huŋgunanġo ġiep yâkŋe ikiŋe wâtŋe nengimbo bâli bâligât pat boân manmaen.” dâep.

### **Israe yeŋġât humomolupyenġande Aposolo makmâ hâreyetkiyi.**

<sup>13</sup>Hain dâmbo ain kili arekŋe Petoro akto Yohane yâk luâk yânŋe nânġâ nânġâġât emetŋân bo maliat areġât bo hamep akmâ den kârikŋe magiat are nânġâmbiâ dâtŋe akto hin dâyi, “O luâk ire âmâ Yesu olop mali.” hain dâyi. <sup>14</sup>Akto luâk âlepŋe agep are yâk yetġât hutyetŋân kindo ekmâ hin dâyi, “Den hâuŋe ġain ġain makne?” dâm yân kili. <sup>15</sup>Hain akmâ areġât huŋgun yetkimbiâ emet kâlegenba betgen ge kinbela yâk yetġât hin dâm maganġi goanġi aġi, <sup>16</sup>“Nen luâk lâuwâ ire ġain ġain akyetkine? Yâkŋe makbela kulem humo miawakto luâk ire âlepŋe agep. Akto areġât den pat Yerusalem kepia ambolupŋande emelâk nânġâm meteâi areġât ġain ġain akne? Denŋe bo agâġġât dop bo tatnengîâp? <sup>17</sup>Akto den arekŋe sambelemba kepiaŋe kepiaŋe nânġâm metewâigât Yesuġât kotŋe lâuwânŋe bo konbiandatġât kârikŋe makyetkiweren.” dâyi. <sup>18</sup>Hain dâm kinmâ gaet dâm yetkonbiâ âġâmbela hin dâm makyetkiyi, “Yetŋe Yesuġât kotŋe bo konmâ yâġġât keiŋe lâuwânŋe bo makyenġiwiandat.” <sup>19</sup>Hain dâmbiâ Petoro akto Yohane yâkŋe hin dâm makyenġiyiat, “Yeŋeak nânġâŋet. Netŋe Anutuġât den are hepunmâ yeŋġât den lokom kindetŋe Anutuŋe nânġâmbo bo ârândânġ akbiap. Areġât yeŋġât den bo lokoweret. <sup>20</sup>Net Yesuŋe âi mem hekat netkimbo ekmâ nânġâyiot are yeŋe makmâ hâre netkiwaigât dop bo tatâp.” dâyiat. <sup>21</sup>Hain dâmbela yâkŋe wârakmâ den kârikŋe lâuwânŋe makyetkim benŋe yeŋaet hin dâm maganġiyi, “Luâk âmbâle kâmot humo arekŋe <sup>22</sup>luâk âlepŋe agep are kopa akmâ manmâ gambo hombaŋ 40 agep areġât nânġâmbiâ humo agep areġât nenŋe ġain ġain akmâ hâre yetkiweren?” dâm nânġâmbiâ umatŋe akto hepuli.

### **Biwiyeŋe Yesuġâlân kali arekŋe hamep akbâen dâm Anutu ulilaŋi.**

<sup>23</sup>Petoro akto Yohane yâkŋe arewa gam galalupyetŋe yeŋġâlân arim sumbe kat kat luâk yeŋġât humomolupyenġe akto Israe yeŋġât humomolupyenġe yâkŋe den makyetkiyi areġât den pat are hârok makyenġiyiat. <sup>24</sup>Makyenġimbela nânġâm biwiyeŋe heronŋe akto nânġâ nânġâ mendugum Anutuġât kotŋe mem agatmâ hin dâyi, “Kembu Humo, himbim hân haru akto hânġât wan me wan keiŋe keiŋe kalen areġât ambonŋe ġâ. <sup>25</sup>Ġânġât Heakġande hakunenŋe Dawidi ġânġât den lokom malep yâġġât biwiŋân kato Dawidiŋe Anutuġât hin dâep,

“Anutuġâlân biwiyeŋe bo katmaiŋe Anutu ewangim kinmâ yâk mem ge katbaigât dop bo tatâp areġât wangât gasa aġanġâi? <sup>26</sup>Akto

hânân luâk kembu akto humomolupyene yâkne menduguakmâ hin dâmai, “Anutu kembu yâkne damunye ne ak dâm hungunaŋdo giep are gasa agaŋmâ siângen katne.” hain dâmai.”

<sup>27</sup>Dawidiŋe den hain dâep aregât bunje miawakto Herote akto Pilato kotŋe siâ Ponto yâkne galalupŋe akto Israe luâk bikŋe yâk olop kepia ain mendugum magaŋgi goaŋgi agi aregât âmâ damun nenŋe akberâm aregât nange hoŋ bawage âlepŋe are hungunaŋmenâ giep yâkgât hâkân akmâ wan me wan bâleŋe agaŋberâm menduguyi. <sup>28</sup>Are âmâ yeŋe hanyeræet bo agi. Gâŋe emelâk nâŋgâm kalen are miawakbiap dâmenâ miawagep. <sup>29</sup>Kepia iregât ambolupŋande den kârikŋe maknengimbiâ hamep akbængât den are nâŋgâm nen hoŋ bawalupge kârikŋe aknengimenâ denge makberâm hamep bo akbaen. <sup>30</sup>Akto nange Yesu hoŋ bawage âlepŋe yâkgât wâtŋân kinmâ luâk kundatdâ âlepŋe akbiâ kulem keiŋe keiŋe miawagâkgât tân nenguwen.” <sup>31</sup>Hain dâm ulilaŋbiâ emet mendugum tali are duwuŋ agep. Hain akto Anutugât Heakŋe arekŋe kârikŋe akyeŋgimbo hamep hepunmâ arim Anutugât den are owâiŋeâk makyeŋgim mali.

### **Yesugâlân biwiyeŋe kali yâk han biwi konok akmâ mali.**

<sup>32</sup>Hain akmâ sop ain sikum me puli me wan me wan tatyengep aregât, “Ire nâŋgât are gâŋgât.” hain bo dâm konogâk mendugum katbiâ tânyenguep. Biwiyeŋe Yesugâlân katmini arekŋe biwiyeŋe konogâk akto nâŋgâ nâŋgâyene konok akto agak memeyene konogâk akmini. <sup>33</sup>Akto Aposolo yâkne Yesu Humo momoŋânba agalep aregât den pat âlepŋe are makyeŋgimbiâ kârikŋe akto hamep bâlâk makyeŋgim mali. Hain akmâ manbiâ Anutuŋe damunyeŋe akto luâk âmbâle hârokŋe herone akyeŋgiyi. <sup>34</sup>Akto hutyeŋân siâŋe umburuk me mop bo mali. Akto hân me kalamân gâtŋe me emet me kotŋe siâ siâ are luâk bikŋe togombiâ are yeŋgiyi. Yeŋgimbiâ aregât hâuŋe puliyenŋimbiâ puli are kâmot humo yâk yeŋgât pat Aposolo yeŋgâlân katbiâ talep. <sup>35</sup>Akto luâk bikŋe puli me kotŋe siâ siâ umburuk manbiâ arewa mem potatmâ yâk yeŋgiyi. <sup>36</sup>Hain akmâ manbiâ hutyeŋân luâk siâ kotŋe Yosepe are malep. Akto Aposolone yâkgât kotŋe irakŋe Banaba dâm koli. Kot aregât purikŋe amâ hin, “Luâk siâ wan me wanŋe hâkŋân âgâambo dowâk tângomap.” Akto yâk âmâ Lewigât kâmolân gâtŋe kepia siâ haru tânâmŋân talep kotŋe Kipiro ain gâtŋe. <sup>37</sup>Akto luâk arekŋe ikiŋe hân are luâk siâ wanŋe puligombo puli are mem aposolo yeŋgâlân togom ârândânâk katmâ metiep.

### **Anania akto Sapira yâkne Anutu hiangiat.**

**5** <sup>1</sup>Akto luâk siâ malep kotŋe Anania akto âmbenŋe kotŋe Sapira yâkne magaŋgi goaŋgi akmâ hânynetŋe are puligât yeŋgimbela hângât puli me sikum dondâ yetkimbiâ kalakbela tatyetkiep. <sup>2</sup>Akto bikŋe âmâ mem netŋe

dâtâŋe dâm katbela tato luâkŋande bikŋeâk mem arim Aposolo yengâlân katmâ, “Hârok mem togoân.” dâm heyengiep. <sup>3</sup>Hain dâmbo Petoroŋe hin maganep, “Anania gain gain akmâ Niambiŋe biwige mem gulip ketugumbo Anutugât Heakŋe hianmâ hângaet puliŋe are bikŋe mem heambuktât? <sup>4</sup>Akto hânyetŋe bo yengiyiat sop ain âmâ yetŋaet tatyetkiep. Gârâmâ yengimbela puli yetkimbiâ puli are hanyetŋaet ukenŋe waliat amâ ârândânâk yiep. Akto puli ire netŋeâk hârok dâm togombela umatŋe aktâp. Aregât gâŋe luâk henengiât are bâliâp amâ Anutu hianjât amâ dondâ bâliâp.” dâep. <sup>5-6</sup>Hain dâmbo Ananiaye den are nâŋgâm ainâk kuŋ kâruij ge yiep. Ge mom yendo luâk sigan ain mali arekŋe sâŋgumŋe katipkom lokom arim hangoyi. Akto Anania moep aregât den pat nâŋgâyi arekŋe hamep agi.

<sup>7</sup>Akto sop ainâk âmbenŋande luâkŋaet pat bo nâŋgâm pâlâmŋe togoep. <sup>8</sup>Togombo Petoroŋe hin dâm aikoep, “Hânyetŋaet puliŋe luâkge hârogâk mem togoâp me?” dâmbo hin dâep, “Âo, are hârogâk mem togoâp.” dâep. <sup>9</sup>Hain dâmbo Petoroŋe hin aikoep, “Wangât yet biwi konok akmâ Humogât Heakŋe are hianjat aregât luâkge mondo lokom arim hangoâigât togom betgen ya kindâi. Arekŋeak gâ betgen kat gekberâi.” dâep. <sup>10</sup>Hain dâmbo ainâk keiŋe pindiŋ âgâmbo ge mom yiep. Akto luâk siganŋe luâkŋe lokom arim hangoyi arekŋe emet kâlegen âgâm momoŋe are lokom arim luâkŋaet sum ginŋânâk hangoyi. <sup>11</sup>Akto luâk bikŋe Yesugâlân dewatiyi arekŋe patyetŋe are nâŋgâm hamep humo agi.

### **Aposoloŋe kulem keiŋe keiŋe ketugumbiâ egi.**

<sup>12</sup>Akto sop ain Aposoloŋe luâk âmbâle hutyeŋân manmâ kulem keiŋe keiŋe membiâ egi. Akto Yesugât kâmot yâkŋe sumbe emetŋaet sombeim humo siâ kotŋe Salomo ain âgâm biwi konok akmâ hilâmŋe hilâmŋe mendugum Anutu manŋanmâ den agi. <sup>13</sup>Menduguakbiâ luâk bikŋande nâŋgâm aregât hamep akmâ are yengâlân bo togoyi. <sup>14</sup>Dâ luâk âmbâle bikŋande biwiyeŋe Yesugâlân katmâ Yesugât kâmolân dewatiyi. <sup>15</sup>Akto Aposoloŋe kulem keiŋe keiŋe akbiâ aregât galalupyene kundatdâ are tem dâgâm katmâ lokoakmâ arim dâwân katyegi. Katyekmâ hin dâyi, “Petoroŋe togombo âmâ otneŋande galalupnenŋe yendâi ire lonŋaiyekto âlepŋe akberâi.” dâyi. <sup>16</sup>Hain dâm Yerusalem kepia ewumâk ewumâk ainba galalupyene kundat agi me sinduk baniara bâleŋande meme akyengimini are kewuguyekmâ Aposolo yengâlân togombiâ kundatdâ akto sinduk baniara bâleŋande meme akyengimini are watyekbiâ âlepŋe agi.

### **Anutugât aneloŋe kala busi kâlegenba Aposolo kewuguyekto hâkŋângen gem ariyi.**

<sup>17</sup>Akto Aposoloŋe kulem keiŋe keiŋe meyi are nâŋgâm Anutugât sumbe kat kat luâk areyengât humoyeŋe akto galalupŋe Sadukaio kâmolân gâtŋe

arekne nângâm Aposolo yengât kot agato nengât kotnenje gewop dâm aregât biwiyene bâlimbo humoyenande kinmâ hin dâep, <sup>18</sup>“Aposolo are meyekmâ kala busi kâlegen katyeknet.” dâmbo mem kala busi kâlegen katyegi. <sup>19</sup>Katyekbiâ hândâk akto âmâ yembiâ hândâgân Humogât anelo siâne hânji hindâm kâlegen âgâm kewugu yekmâ ge betgen katyekmâ hin makyengiep, <sup>20</sup>“Ye sumbe emetjân âgâm luâk hârokne manman âlepne aregât den pat makyengim kinbi.” <sup>21</sup>Hain dâmbo emet haunjo sumbe emetjân âgâm Yesugât den makyengim kili.

Akto Anutugât sumbe kat kat areyengât humo arekne galalupne olojyekto den emetjân âgâyi. Âgâmbiâ tembe loko hin makyengiep, “Kala busi kâlegen uran katyegi are oloj yekbiâ ganjet.” dâep. <sup>22</sup>Hain dâmbo sopanmâ gem kala busi kâlegen âgâm undâgât yengimbiâ bo akto purik katmâ gam hin dâyi, <sup>23</sup>“Nen arim kala busi emetne kâlegen are âgâm ektenje hânji tigiyi are hainâk hârok kârikneâk kindâp akto hânji ârândân tembe lokoje ariwâirâm kinbiâ yekten. Akto Aposolo meyekberâm arim hânji hindâm âgâm undâgât yengienje bo aktâp.” dâyi. <sup>24</sup>Den hain dâmbiâ Anutugât sumbe kat kat areyengât humomolupyene akto tembe loko yengât kautne arekne nângâm hin dâyi, “Are bo agakne, aregât wan miawakberâp.” hain dâyi. <sup>25</sup>Hain dâmbiâ ainâk luâk siâne togom hin makyengiep “Nângâi. Luâk kala busi kâlegen katyegi ina arim sumbe emetjân âgâm den makyengim kindâi.” <sup>26</sup>dâmbo sumbe emetjaet tembe loko arekne arim luâk âmbâle kâmot humo arekne nenguwâirâm aregât hamep akmâ yeukjân Aposolo are hin me hain bo akyengim yeukjân meyekmâ purik katmâ den emetjân âgâyi.

### **Aposolone luâk humomone menduguyiân âgâm hamep bâlâk kinmâ den makyengiwi.**

<sup>27</sup>Âgâm dewunyenân katyekbiâ kinbiâ âmâ sumbe kat kat luâk are yengât den emetjaet humo arekne hin makyengiep, <sup>28</sup>“Uran Yesugât keije bo makyengiwi dâm den kârikne makyengiwi ino ina yeje yâkgât den are makyengimbiâ Yerusalem kejian mandâi hârokne nângâyi. Akto yeje nengât Yesu kombiâ moep aregât dosa nengâlân katnengiwerâm aktâi.” dâyi. <sup>29</sup>Hain dâmbiâ Peto akto Aposolo bikne yâkne den kakjân hin makyengiwi, “Nenne luâkgât den lokom âmâ Anutugât den hâkân akmâ manbaengât amâ bo ârândân akbiap. <sup>30</sup>Yeje dâmbiâ Yesu lâwinân kombiâ mondo hangombiâ hakulupnenjaet damunyeje Anutu arekne momonânba mem agato mandâp. <sup>31</sup>Akto yâkne Israe luâk nenne biwinenje yâkgâlân katenje dosanenje hepun nengiwiapgât Anutune mem agato himbimân âgâm Anutugât bâte bungen mandâp. <sup>32</sup>Akto luâk âmbâleje biwiyene Yesugâlân katmâ Anutugât den lokomai yâk yengât dâm Anutune Heakne are hungunanjo nengâlân dewatim Yesugât keije maknengim tân nengumbo olowâk manmâ Yesune wan me wan

akmâ miep are ekmâ nângâyion aregât keiŋe makyenŋim manden.” dâyi. <sup>33</sup>Hain dâm makyenŋimbiâ nângâm biwiyeŋe bâlimbo Aposolo are yenŋuwerâm agi.

**Parisaio luâk siâŋe agatmâ kinmâ galalupŋe hanyeŋe mem giep.**

<sup>34</sup>Yenŋuwerân akbiâ Parisaio yenŋâlân gâtŋe luâk siâ luâk âmbâle hârokŋe ekmâ luâk âlepŋe dâmini are kotŋe Gamalie yâkŋe hutyeŋânba agatmâ kilep. Agatmâ kinmâ, “Aposolo are yogan betgen ge kinŋet.” dâep. <sup>35</sup>Hain dâmbo meyekmâ betgen gembîâ galalupŋe are hin makyenŋiep, “Israe gâtŋe, ye luâk ire gain gain yenŋiwerâi? Ye siâ me siâ akyenŋiwerâm âmâ nângâm hengemgom kinmâ akyenŋimbiâ ârândân akbiâp. <sup>36</sup>Ulikŋân luâk siâ kotŋe Teuda yâkŋe, “Nâŋe luâk kembu aktân.” dâmbo luâk 400 akmâ yâkgâlân dewatiyi. Hain akbiâ tembe lokoŋe humo akbop dâm kombîâ mondo galalupŋe are awam akmâ ariyi. Akto yâkgât âi are yân gem bo agep. <sup>37</sup>Akto aregât hamiŋân kiapŋe luâk âmbâle oyanyeŋe nângâwerâm oyaŋ yekto sop ain luâk siâ Galilaia hânân gâtŋe kotŋe Yudasi yâkŋe ikiŋe kotŋe mem agato luâk bikŋande yâkgâlân dewatiyi. Akto areâkâ hainâk kombîâ mondo luâklupŋe are hârok yenŋum watyekbiâ hanâk hanâk awam akmâ ariyi. <sup>38</sup>Aregât den hin makyenŋire nângâŋet. Yeŋe aposolo are hepunyekbiâ arim manŋet. Manmâ yeŋeak nângâm âmâ siâ me siâ akbiâ âmâ bo akbiâp. <sup>39</sup>Dâ Anutuŋe tânyenŋumbo âi are memai akto âmâ yeŋe gain gain akmâ hilip yenŋuwai? Dâ hilip yenŋuwai âmâ Anutu gasa agaŋbai.” dâep.

<sup>40</sup>Hain dâm makyenŋimbo nângâmbiâ ârândânŋ akto Aposolo gaŋet dâmbiâ meyekmâ hutyeŋân âgâmbiâ tâk dâtâ dâtâŋe oreyegi. Oreyekmâ pat âlepŋe are bo makyenŋiwi dâm makmâ hâreyenŋim watyegi. <sup>41</sup>Watyekbiâ arim Yesugât pat âlepŋe are makyenŋimbiâ aregât hâuŋe tâk dâtâ dâtâŋe arekŋe oreyegi aregât Anutuŋe ekto ârândânŋ akto nângâm biwiyeŋe âlepŋe agep. <sup>42</sup>Hain akto hilâmŋe hilâmŋe sumbe emetŋân akto luâk âmbâle yenŋât emelan âgâm Anutuŋe Yesu huŋgun aŋdo giep aregât pat âlepŋe den makyenŋim mali.

**Luâk nâmbulân lâuwâ meyekmâ Aposolo âi tânyenŋuŋet dâm yenŋiyi.**

**6** <sup>1</sup>Sop aregât kakŋân luâk âmbâle dondâŋe biwiyeŋe Yesugâlân katmâ yâkgât kâmolân dewatimbiâ dondâ agi. Dondâ akmâ yâk yenŋât sikum siâ siâyeŋe mem konogân katbiâ tatyenŋiep ainba mem potatmâ yenŋim mali. Hain akmâ manbiâ Girik den nângâmai areyenŋât hutyeŋân umatŋe siâ miawagep. Amâ hin. Puli damunŋande Yuda yâk yenŋât kambut yenŋim âmâ Girik yâk yenŋât bo yenŋimbiâ Girik luâkŋe ekbiâ ârândânŋ bo akto nângâm bâliaŋi. <sup>2</sup>Hain dâmbiâ aregât Aposolo keiân lâuwâ arekŋe Yesugât kâmolân dewatiyi are hârok mem menduguyekmâ hin makyenŋiyi, “Nenŋe sot me kotŋe siâ siâ ire mem



potatmâ yengim manmâ aregât Anutugât den ire hepundenŋe ârândân bo akbiap. <sup>3</sup>Aregât Anutugât Heakŋande tân yengumbo kâmot arewa luâk bân biken lâuwâ nânŋâ nânŋâyene olop are mem katyekbiâ nenŋe âi yengienŋe sot me kotŋe siâ siâ are yâkŋe potatmâ yengiwai. <sup>4</sup>Yâkŋe hain akbiâ benŋe nenŋeak âmâ Yesugât keiŋe makyengim Anutu olop magaŋgi goaŋgi akmâ manbaen.” dâyi. <sup>5</sup>Den hain dâmbiâ dondâ kili arekŋe nânŋâmbiâ ârândân agep. Akto luâk mem miawakyegi are yengât kotyene hin. Stepano, yâk biwiŋe hanŋe hârok Yesugâlân katmâ malep. Hain akmâ mando Anutugât Heakŋande tângombo malep. Akto Pilipo, Porokoro, Nikano, Timonŋ, Pamena, akto Nikolao. Nikolao âmâ Antiokia kepiân gâtŋe ulikŋân Yuda luâk yengâlân dewatim Anutu nânŋâ aŋmâ malep. <sup>6</sup>Luâk are mem miawakyekbiâ Aposolo olop mendugum tatbiâ kautyenân mem âmâ Anutu magaŋmâ mem kârikŋe ketuguyegi.

<sup>7</sup>Akto Yerusalem kepiân Anutugât den pat are makyengim arimbâ luâk âmbâle dondâne sambelem biwiyeŋe Yesugât katmâ yâk yengâlân dewatim ariyi. Akto sumbe kat kat luâk yengât humomo mali are yengâlân gâtŋe dondâne denyene are nânŋâm hainâk biwiyeŋe Yesugât kali.

#### Stepano meyi.

<sup>8</sup>Stepanoŋe luâk âmbâle gala akyengim mando Anutuŋe ekto ârândân akto tângombo kulem keiŋe keiŋe ketugumbo egi. <sup>9</sup>Akto ainâk Yuda gâtŋe bikŋande Stepanogât den mem ge katberâm Stepano olop den magaŋgi goaŋgi agi. Are âmâ nânŋâmbiâ âgâep yâk yengât den emetjân mendugum mali yâk yengâlân biken biken gâtŋe amâ hin, bikŋe Kirene hânân gâtŋe akto bikŋe Alesandria kepiân gâtŋe arekŋe mendugum tali, aregât bikŋande kot konmâ hin dâmini, “Wan siâŋe bo dâgâ nenekmap.” dâmini. Luâk hainare akto Yuda luâk Kilikia kepiân gâtŋe bikŋe akto bikŋe Asia hânân gâtŋe arekŋe mendugum kinmâ Stepanogât den mem ge katberâm âi humo meyi. <sup>10</sup>Hain akmâ magaŋgi goaŋgi akmâ tatbiâ Anutugât Heakŋande Stepano tângoep aregât gain gain akmâ den hâuŋe magaŋne dâm umaley. <sup>11</sup>Hain akmâ âmâ den halowân luâk bikŋe makyengimbiâ luâk arekŋe miawakmâ kinmâ hiangim hin dâyi, “Stepanoŋe Mosegât den kârikŋe akto Anutugât kot pat are makmâ hilipkombo nânŋâyion.” dâyi. <sup>12</sup>Hain dâm hanân gege akbiâ Israe yengât humomolupyene akto Mosegât den kârikŋe kepikmâ makyengiŋi are akto kepiâ ambolupŋe yengât humomolupyene yengât hanyenân gembâ biwiyeŋe kâlâp akto kuk agi. Hain akmâ gam Stepano are mem den emetjân âgâm luâk dondâ kili areyengât hutyenân katbiâ kilep. <sup>13</sup>Ain katbiâ kindo ulikŋân galalupyene hanyenân gege agi are yengonbiâ Stepanogât hiangim hin dâyi, “Luâk irekŋe nengât sumbe emetŋe aregât bâleŋe dâm Mosegât den kârikŋe are hepunmâ manmap. <sup>14</sup>Akto hin

dâmbô nângâyion, “Yesu Nasarete kepiân gâtje arekje nengât sumbe emetje are mem patakôm Moseje den kârikje makmâ nengiep are akto agak memenenne are mem bâliwiap.” dâmbô nângâyion.” dâm hianjim hain dâyi. <sup>15</sup>Den hianjim hain dâmbiâ luâk âmbâle ain mendugum kili arekje Stepanogât enem dewunjan ekbiâ anjelo yengât pagaleje hainare agep.

**Stepanoje Israe yengât bâgilupyejaet keiyeje makyengiep.**

**7** <sup>1</sup>Akto Anutugât sumbe kat kat luâk areyengât humoyeje arekje Stepano hin aikoe, “Den maktâi are bundâk me hianjiâi?” dâmbô <sup>2</sup>Stepanoje agatmâ kinmâ hin dâep, “Humomolupne akto galalupne makyengire nângâjet. Hakunenje kotje Abrahamje Harañ kepiân bo arim âmâ Mesopotamia hânân mando Anutu pagaleje olop manmapje miawaganmâ hin dâm maganej, <sup>3</sup>“Gâje hânge tâmbânje akto ginbailupge me galalupge hepunyekmâ nânje hân siâ hekat giñbian ainâk arim manben.” <sup>4</sup>Hain dâmbô den are nângâm Kairiaia hânje are hepunmâ Harañ kepiân arim malep. Ain mando eweje mondo âmâ Anutuje hin maganej, “Hân ire hepunmâ siân arim manbiat.” dâmbô hân nenje yu taten iren togo malep. <sup>5</sup>Iren togo malep amâ Anutuje sop ain bo wañdo âmâ bunewâk bo miep. Yogan mendo Anutuje siân Abrahamgât kâmot in manbai dâm makmâ hâriep. Amâ Abraham gupin mandoân Anutuje hain maganej. <sup>6</sup>Akto Anutuje den siâ hin maganej, “Kâmotlupge hân siângen arim ain manmâ hoñ bawa akmâ yân manbiâ hân aregât ambolupjande umatje keije keije akyengim manbiâ hombañ 400 hain bo akbiap. <sup>7</sup>Hoñ bawa akyengim manbiâ hâk hilâlâm yengiwai aregât dosa yengire hân ambolupjande bâgilupge watyekbiâ âmâ hân in togom manmâ nângât den lokom kotne mem agatmâ manbai.” Anutuje hain dâep. <sup>8</sup>Anutuje Abraham ikinjaet kâmotlupje hâkyeje gâi gâi akmâ mem manbaigât maganej. Akto manmâ âgâm âgâm Abraham nanje Isaka miawakto hilâm bât biken âlâwu bo akto eweñande hâkje gâiaje. Akto Isaka manmâ humo akmâ nanje kotje Yakobo miep. Akto hamiñân Yakoboje hakulupnenje keiân lâuwâ meyegep.

<sup>9</sup>Akto teulupjande Yosepe yâkgât hâkân akmâ mem siâ siâ mângim puligât yengimbiâ puli yengim emiyeje are mem Aigita hânângen ariyi. Akto Aigita hânân mando Anutuje ain tângom hengemgoep. <sup>10</sup>Tângombo wan me wan umatje miawaganjo âmâ Anutuje tângombo Yosepeje heronje kakjan malep. Hain mando Anutuje kârikje wañdo nângâ nângâje humo akto aregât Aigita yengât luâk humo kotje Parao yâkne ekmâ luâk âlepje dâm âi wañep. Âi wañmâ ikiye emetje me Aigita hân ambolupje are damunyeje agâkgât magep. Hain dâm âi wañmâ hutyeñân kato damunyeje akmâ malep. <sup>11</sup>Mando Aigita akto Kanañ hân ain mop humo miawakto sot bo agep. Hain akto sot bo akto

momberâm agi. <sup>12</sup>Hain akmâ manbiâ Aigita hânân sot yendâp dâmbiâ Yakoboŋe nângâm nanlupŋe huŋgunyeŋgimbo aregen ariyi. <sup>13</sup>Arim puligom togom nem manbiâ bo akto benŋe lâuwâŋe huŋgunyeŋgimbo arimbiâ Yosepeŋe teulupŋe yekmâ ikinâet pat makmâ miawakyenŋiep. Makyenŋimbo Paraogâlân arimbiâ keiyenŋe hârok nângâep. <sup>14</sup>Akto Yosepeŋe den kato arimbo eweŋe Yakoboŋe ginbailupŋe luâk âmbâle 75 meyekto Aigita hânân ariyi. <sup>15</sup>Arimbiâ âmâ manmâ manmâ Yakobo moep. Mondo ainba nanlupŋe âkâ hainâk manmâ mom meteyi. <sup>16</sup>Hain akbiâ hanyenŋumbiâ hakulupyeŋande hagityenŋe are mem hakuyeŋe Abrahamŋe Sikem kepien gâtŋe luâk siâ kotŋe Hemo yâkgât nanlupŋe yeŋgâlân hân puligoep ain hagityenŋe are mem arim hanyenŋuyi.

<sup>17</sup>Akto bâgilupnenŋe Aigita hânân sambelem manmâ dondâ akmâ mali. Hain akmâ manbiâ Anutuŋe Abraham den maganep are kârikŋe agâkgât sop are tâlâguep. <sup>18</sup>Akto Aigita yeŋgât luâk humo siâ miawagep arekŋe Yosepegât pat bo nângâep. <sup>19</sup>Akto luâk humo arekŋe bâgilupnenŋe mem ge katyekberâm aregât hâk hilâlâm yeŋiep. Hâk hilâlâm yeŋgim hin dâep, “Sambelewâi dâm nanlupyeŋe miawakbiâ mem ge hâkŋâŋen panyekŋet.” dâmba mem yeŋgumbiâ moyi. <sup>20</sup>Sop ain âmbâle siâŋe nanaŋ kotŋe Mose are miep. Mezdo Anutuhe Mose ekmâ nanaŋ âlepŋe dâep. Mose hain miawakto eweŋande emetŋân yoŋâk mem tato dewutâ âlâwu bo akto mem ge hâkŋâŋen kato yiep. <sup>21</sup>Akto Parao baratŋande nanaŋ are ekmâ mem nângât nanne dâm damunŋe akmâ malep. <sup>22</sup>Mando getek kaulem Paraogât luâklupŋe nângâ nângâyene olop are yeŋgât hutyeŋân kulem emetŋân âgâmba nângâ nângâ potatmâ waŋbiâ nângâ nângâŋe humo akto agak memeŋe me den makmakŋe me nângâ nângâŋe humo agep. <sup>23</sup>Hain akmâ manmâ hombaŋŋe 40 bo akto âmâ hin nângâep, “Galalupne Israe luâk are gain gain akmâ mandâi aregât arim yekbe.” dâep. Hain nângâm kambiamŋe owâiŋe akto ariep. <sup>24</sup>Arimbo Aigita gâtŋe luâk siâŋe Israe luâk siâ kondo ekmâ galaŋe are tângom Aigita luâk are kondo moep. <sup>25</sup>Kondo mondo hin nângâep, “Galalupnande iregât pat nângâm Anutuŋe tânnugumbo hâmbâi gasalupnenŋe hilip yeŋguwangât nângâwai.” dâm nângâep. Dâ galalupŋande âmâ hain bo nângâyî. <sup>26</sup>Luâk are kondo mondo emet haupdo lâuwâŋe arimbo Israe luâk lâuwâ akmâ agum tatbela mem potatyelekmâ hin makyetkiep, “Yet âmâ gala konokŋe wangât akmâ gasa kalaktat?” <sup>27</sup>Hain dâmba bugâ keiŋe katmâ galaŋe koep arekŋe Mose hâkokom âmâ hin maganep, “Gâ netgât kiap me? Niŋande damunnenŋe akben dâm kat gegep? <sup>28</sup>Uran Aigita luâk siâ koen hainâk nâ nuguwerâm aktât me?” <sup>29</sup>Hain dâmba Moseŋe den are nângâm hamep akmâ heambukmâ Midiaŋ hânâŋen arim lombo tatmâ malep. Manmâ âmbâle mendo nanaŋ luâk lâuwâ meyeleŋep.

<sup>30</sup>Manmâ gambo hombaŋ 40 siâkâ bo akto arewa hân are hepunmâ hân tuŋe boâŋen Sinai gimbaŋe aregât keiŋân arimbo Anutugât aŋelo

siâne lâwin keiŋe siân kâlâp ululunŋe om kilep ain miawakmâ kindo egep. <sup>31</sup>Ekmâ Moseŋe sân sân mem âmâ ekmâ heŋgemgowerâm ginŋân âgâ kindo Humoŋe den hin maganŋep, <sup>32</sup>“Nâ hakulupge Abraham akto Isaka akto Yakobo yâk yeŋgât Anutu.” dâep. Hain dâmbô Moseŋe den are nâŋgâm sân sân mem ongâŋe hogombo hamep akmâ ekbom dâm dewunŋe hânâŋen panmâ kâŋgom kilep. <sup>33</sup>Hain akmâ kindo Humoŋe hin dâm maganŋep, “Nâŋe yu kindân iregât hân tâliât ire amâ kâmbokŋe. Gârâmâ gâŋe kei pekege are oloŋmâ pan. <sup>34</sup>Akto ire nâŋgâ. Kâmotlupge Aigita hânân manbiâ kepia ambolupŋande bugâ yeŋgum mem siâ siâ akyeŋgim hâk hilâlâm yeŋgim manmâ gambiâ yekman. Yekmâ indem tâgâiakyeŋe nâŋgâm bâin dâm geân gârâmâ gasalupyene hilip yeŋguwian. Akto gasalupyene yeŋguwian aregât gâ Aigita hânâŋen huŋgun giŋdere ariwiat.” Anutuŋe hain maganmâ huŋgunanŋo ariep. <sup>35</sup>Arim mando Israe luâk arekŋe Mosegât hâkân akmâ hin maganŋi, “Niŋande gâ kiap dâm kârîkŋe giŋep.” dâyi. Dâ Anutuŋe âmâ Moseŋe Israe luâk damunyeŋe akmâ gasalupyene watyegâk dâm aregât aŋelo huŋgun anŋo kâlâp ululunŋe kâlegen ge kinmâ âi are wanŋep.

<sup>36</sup>Akto Anutuŋe Mose huŋgun anŋo Aigita hânâŋen arim kulem keiŋe keiŋe ketugumbo egi. Akto arewa togom haru gilâm ain hâtikom arewa hân kamitŋâŋen togom kulem keiŋe keiŋe kenuŋmâ gam manmâ kewuguyekto hombanŋ 40 agep. <sup>37</sup>Akto Moseŋe Israe luâk hin makyenŋiep, “Yeŋgât hutyeŋânba Anutuŋe propete luâk siâ nâ hinare mem miawakbiap.” <sup>38</sup>Moseŋe hain dâm bâgilupŋe olop hân kamitŋâŋen tatmâ Sinai gimbânân âgâm aŋelo arekŋe Anutuŋe manmangât den maganŋo gem makyenŋiep. Amâ yâk yeŋgâlâk bo. Gam gam yu manden nen maknengiwiapgât makyenŋiep. <sup>39</sup>Moseŋe bâgilupnenŋe makyenŋimbo denŋe are hâkân akmâ Mosegât den are hâkokom Aigita hânâŋen purik katberâm aregât ukenŋe humo agi. <sup>40</sup>Hain akmâ Aroŋ hin maganŋi, “Gâ lâpio ketugum katmenâ arekŋe ulikŋân akmâ kewugu nenekto ariwaen. Moseŋe Aigita hânâŋenba kewugu nenekmâ togoep ina yâk gulip agep me gain gain agep nen bo nâŋgâen.” dâyi. <sup>41</sup>Hain dâmbiâ bulimakao otneŋe siâ mânŋim kato tato wan me wan otneŋe aregât nâŋgâmbiâ humo akminep aregât sumbe omberâm heroŋe agi. <sup>42</sup>Hain akbiâ aregât Anutuŋe hepun yekto biwiyene gulip akto dewutâ akto diâ are ekmâ hin dâyi, “Dewutâ diâ ire âmâ nengât Humonenŋe.” dâm ulityeŋgiyi. Hain akbai aregât Anutuŋe dâmbô propeteŋe kulemgoyi aregât bikŋe hin tatâp, Anutuŋe hin dâep, Israe ambolupŋe ye hân kamitŋâŋen manmâ soŋgo bau gâim nâŋgât bo, siâgât sumbe higenŋe om manbiâ hombanŋ 40 agep. <sup>43</sup>Akto diâ aregât nâŋgâm ulikŋân lâpiologâtyeŋe kotyetŋe Molok akto Rapanŋ are yetgât emet kenuŋmâ katyelekmâ ain âgâm kot yetŋe mem agali. Hain akmâ aregât dosa akbiâ nâŋgâm hân kotŋe Babilonŋ ain katyekbian.

**Israegât bâgilupnenņande Anutugât sumbe  
emetņe mâronņe ketugum hikoyi.**

<sup>44</sup>Akto bâgilupnenņande Aigita hân are hepunmâ hân kamitņângen arim manbiâ Anutu yâkgât sumbe emetņe mâronņe ketuguyi are tatmâ ariep aregât keiņe Mose maganņep. Hain dâm maganņo ainâk mâron are mem gagaim lâuwâņe kenunņmâ kenunņmâ âgâyi. <sup>45</sup>Akto bâgilupnenņande sumbe emetņe mâronņe ketugum âgâmbiâ Yosuaņe ulik gulik akmâ kewugu yekto Anutu bo nânğâyi are yengât hânân togoyi. Togombiâ Anutuņe luâk gasalupņe are yengum watyekto âmâ bâgilupnenņande hân are mem gangerâm âmâ Anutugât sumbe emetņe mâronņe kenunņbiâ kinmâ âgâep sop ain Dawidi miawaganņep. <sup>46</sup>Miawaganņo âlepņe mando Anutuņe ekto ârândân akto âmâ Dawidiņe Anutugât sumbe emetņe humo kenunņberâm akmâ aregât Anutu ulilaņep. <sup>47</sup>Ulilaņdo ikiņe nanņe siâ kotņe Salomo yâkņe Anutugât sumbe emetņe are kenunņguel. <sup>48</sup>Hain gârâmâ Anutu Humo âlepņe dondâņe luâk nenņe emet me opmân kenunņmaen ain bo tatmâ manmap. Aregât Anutuņe dâmbo propete siâņe hin kulengoep are tatâp,

<sup>49</sup>Kembuņe hin maktâp, “Himbim amâ tat tatne dâ hânņe amâ tâli tâline. Aregât emet gain hinare siâ mânğiniņbiâ ârândân akbop? Me welam yeyene âlepņe yâten tatniņdo ârândân akbop? <sup>50</sup>Nâ bânnde siâ me siâ hârok are bo mem mânğian mon?”  
Anutuņe hain maganņo propete siâņe kulengoep are tatâp.

**Stepanoņe makyengim malep.**

<sup>51</sup>Ye hanyeņe kârikņe bâleņe. Biwi nânğâ nânğâyeņe bo kepigagep. Bâgilupnenņande Anutugât Heakņe are hâkân akmâ mem hami pali. Hainâk akmâ yekâ are yengât agak meme are bo hepunmai. <sup>52</sup>Bâgilupnenņande propete luâk hârogâk bâleņe akyengim hâk hilâlâm yengiyi. Akto Anutugât hoņ bawaņe miawakmâ luâk ârândân akyengim togom manbiap aregât propete luâkņe makmâ kulemgoyi yâk hârogâk yengum meteyi. Akto yâkgâlân Yesu miawagep ain hianğim den bâleņe makmâ kuk aganņmâ lâwinân kombiâ moep. <sup>53</sup>Akto Anutugât aņelolupņande yâkgât den kârikņe makyengimbiâ kulemgoyi are bo mem mandâi.” dâep.

<sup>54</sup>Stepanoņe den hain dâm makyengimbo Yuda luâk humomolupyenņande biwiyeņe kâlâp akto kuk humo nânğâm nekamyeņe kândiņ egep. <sup>55</sup>Hain akbiâ Anutugât Heakņande tângombo himbimân dewunņe panmâ ekto Yesu Anutugât bânņe bungen ain kindo ekmâ Anutugât pagaleņe ekmâ hin dâep, <sup>56</sup>“Nânğâi. Himbim hâreakto luâk akmâ giep are Anutugât bânņe bungen kindo ektân.” <sup>57</sup>Hain dâmbo den are nânğâm bân dâm hârokņe watmâ mem kom hâkokom ariyi. <sup>58</sup>Mem

kepia ginŋangen gem kâtje koyi. Kâtje komberâm akbiâ luâk sigan siâ kotje Saulo yâkne nânġa yeŋgimbo âlepje akto mâronyeje kâkâlep are oloŋmâ Saulogât enemġan katbiâ tato kâtje Stepano kombiâ <sup>59</sup>Yesu maganmâ hin dâep, “Kembu Yesu, otnene me.” <sup>60</sup>Hain dâm pâwutje ligim hânân ge tatmâ hin dâep, “Kembu, yu akniŋdâi iregât hâuje ġaŋje bo yeŋgiwen.” dâep. Hain dâm ainâk moep.

### Sauloŋe Yesugât kâmot gasa akyeŋgiep.

**8** <sup>1-3</sup>Akto Anutugât den lokom mali arekje Stepanogât hâkne mem lokom indem biwi bâle nânġam sumângen lokom arim hangoyi. Akto sop ain Yerusalem kepia ambolupje luâk âmbâle biwiyenje Yesugâlân katmâ mali are yeŋgât gasalupyenande keiŋe katmâ bâleŋe keiŋe keiŋe yeŋgim gasa akyeŋgiyi. Hain akyeŋgimbiâ âmâ Saulo yâkne âmâ Yesugât kâmot are hilip yeŋguwerâm undâgât yeŋgim emetje emetje âġam mem miawakye kmâ tembe loko makyeŋgimbo mem oloŋyekmâ arim kala busi emet kâlegen katyekbiâ tali. Hain akyeŋgim hâk hilâlâm yeŋgimbiâ aregât luâk âmbâle bikje hamep akmâ gem heambukmâ Yudaia akto Samaria hânângen ariyi. Arim manbiâ aposoloŋe konok Yerusalem kepian mali.

### Pilipoŋe Samaria ambolupje den pat âlepje makyeŋgiep.

<sup>4</sup>Akto biwiyenje Yesugâlân kali arekje Yerusalem kepia hepunmâ awam akmâ kepienje kepienje manmâ Yesugât keiŋe makyeŋgim ariyi. <sup>5</sup>Hain akbiâ yâk yeŋgâlân gâtje luâk siâ kotje Pilipo yâkne Samaria luâk are yeŋgât kepia humo ain arim Anutuŋe Yesu huŋgun aŋdo giep aregât keiŋe makyeŋgiep. <sup>6</sup>Makyeŋgim kulem keiŋe keiŋe kenunġo luâk âmbâle dondâ ekmâ denje nânġam mali. <sup>7</sup>Akto sinduk baniara bâleŋande kautyeŋân meyege are watyekto kamboŋmâ hepun yekmâ arim meteyi. Hain akbiâ keiyenje kârigiep are mem heŋgem yeŋguep. <sup>8</sup>Heŋgem yeŋgumbo kepia ambolupjande Pilipoŋe kulem keiŋe keiŋe miep are ekmâ biwiyenje âlepje agep.

<sup>9</sup>Akto kepia ain luâk kâmbokje siâ malep kotje Simon arekje ikiye hâkne mem agatmâ bâleŋe sait keiŋe keiŋe mendo ekmâ ongâyeŋe hogom nânġanġbiâ humo akto mali. <sup>10-11</sup>Akto luâk âmbâle gegeŋe âġâ âġâŋe hârokje yâkgât hin dâm mali, “Nânġa nânġâŋe kârikje talaŋdâpgât den nânġawerâm kârikje aktâp.” dâyi. Hain dâmbiâ sait keiŋe keiŋe mem manmâ gaep aregât bâtyenje dâtyeŋân igim kinmâ biwiyenje yâkgâlân katmâ mali. Biwiyenje yâkgâlân katmâ, “Simon konok yâkne Anutugât kârikje mem miawakmap.” dâyi. <sup>12</sup>Hain akmâ manbiâ âmâ Pilipoŋe Anutuŋe damunyeŋe akberâm agep aregât akto Yesu huŋgunanġo gem malep aregât kot pat âlepje dâm makyeŋgimbo are nânġam mem manmâ biwiyenje Yesugâlân katmâ manbiâ tu puli yeŋgiep.

<sup>13</sup>Hain akbiâ Simon yâkne hainâk biwiŋe Yesugâlân katmâ mando tu puli aŋi. Hain akbiâ Simonŋe Pilipo peniaŋdo olowâk maliat. Manmâ Pilipoŋe kulem keiŋe keiŋe ketugumbo Simonŋe sân sân mem ekto dâtŋe agep.

**Petoro akto Yohaneŋe Samaria hânân ariyat.**

<sup>14</sup>Akto Samaria kepia ambolupŋande Anutugât den are nânŋâm lokom mali. Aregât pat are magaŋgi goaŋgi akbiâ Yerusalem kepia arimbo Aposoloŋe nânŋâyi. Nânŋâm Petoro akto Yohane huŋgun yetkimbiâ ariyat. <sup>15-17</sup>Arimbela yâkne keiyeŋe hin makyetkiyi, “Emelâk biwinenŋe Yesugâlân katenŋe Pilipoŋe Yesugât kolân tu puli nengiep.” dâyi. Hain dâmbiâ Petoro akto Yohaneŋe Anutugât Heakne yâk yeŋgâlân bo giep aregât nânŋâm kautyeŋân meyekmâ Anutu ulilaŋiat. Kautyeŋân mem kinmâ ulilaŋbela gem tân yeŋguep. <sup>18</sup>Akto Petoro akto Yohaneŋe kautyeŋân meyekbela Anutugât Heakŋande gem kârikne akyeŋgimbo Simon are egep. <sup>19</sup>Ekmâ ukenŋe nânŋâm aregât puli mem togom hin dâm makyeŋgiep, “Nâŋe kautyeŋân hainâk mendere âmâ Anutugât Heakŋande gem kârikne akyeŋgiwiapgât puli ire yetkiwerân. Yetkire mem aregât hâuŋe nânŋâ nânŋâ niŋbela yetgât kârikne tatyetkimap are mendere kârikne niŋâk.” dâep. <sup>20</sup>Hain dâmbo Petoroŋe hin magaŋep, “Anutuŋe ikiye Heakne huŋgun aŋdo gemap are gâŋe puligande puligowerâm aktât are bâliâp akto arekne hememgât pat miawakŋiŋdâp. <sup>21</sup>Hain akmenâ bâlimbo Anutuŋe biwige ekto ârândâŋ bo aktâp aregât net bo penânetkiwiat. <sup>22-23</sup>Akto siâ makŋiŋdere nânŋâ. Biwigaet keiŋe hin ekmâ nânŋân. Netŋe kulem mendetŋe ulitnetkimenâ biwige bâliâp. Akto hainâk biwi bâle manmâ hain aregât ukenŋe nânŋâm manmenâ biwige hândâk akmapgât Anutuŋe dâmbo akmâ hilipkoât aregât dosa bo akŋiŋâkgât nânŋâ nânŋâ bâleŋe hepunmâ biwige Yesugâlân katmâ ulilaŋ.” <sup>24</sup>Hain dâm magaŋdo Simonŋe hin dâm makyetkiep, “Hainare miawak niŋbopgât Anutu ulilaŋlet.” dâep. <sup>25</sup>Hain dâmbo âmâ Petoro akto Yohaneŋe purik katmâ arim âmâ kepiaŋe kepiaŋe Samaria hânân tatmâ ariep ain arim Yesugât den pat âlepŋe are makyeŋgim ariyat. Arim manmâ dâp ginŋe tete kepiaŋe kepiaŋe âgâm Yesugât den pat âlepŋe are makyeŋgim makyeŋgim Yerusalem kepia purik katmâ ariyat.

**Pilipoŋe hân kamitjâŋgen ariep.**

<sup>26</sup>Petoro akto Yohane Yerusalem kepia purik katmâ arim manbela sop ain Anutugât aŋelo siâŋe miawakmâ Pilipo hin dâm magaŋep, “Gâ ire hepunmâ dâp siâ ewangim gem dâp tu tânâk bo gemawân Yerusalemba Gaya arimai dâp are watmâ ariwen.” <sup>27</sup>Hain dâm magaŋdo Pilipoŋe hân kamitjâŋgen ariep. Akto Aitiopia hânân âmbâle humo siâ malep kotŋe Kandake yâkgât puliŋaet damun akto âmbâle damun akminep



yâkŋe Yerusalem kepiã arim sumbe emetjân âgâm Anutu kotŋe mem agalep. Mem agato bo akto hân tâmbânjângen <sup>28</sup>purik katmâ ariwerâm akmâ âmâ ikinje bau luâk soko arekŋe hân waŋgaŋe siâ oloŋep ain âgâm tatmâ kepiã aregen purik katmâ ariep. Dâwân arim emelâk Anutuŋe den dâmbo propete luâk siâ kotŋe Yesaia yâkŋe kulempoep are oyaŋep. Oyaŋmâ arimbo Pilipoŋe egep. <sup>29</sup>Ekto âmâ Anutugât Heakŋande Pilipo hin magaŋep, “Woe, gâŋe hân waŋgaŋe indâgenba togoâp ain arimenâ peniginjâk.” <sup>30</sup>Hain dâmbo Pilipoŋe dowâk arimbo luâk arekŋe emelâk Yesaiaŋe Anutugât den are kulempoep are oyaŋdo nâŋgâm hin dâm aikoeŋ, “Den ya oyaŋdât aregât keiŋe nâŋgât me bo?” dâep. <sup>31</sup>Hain dâmbo âmâ bau luâk soko are siâ siâ waŋdo yeukŋe akmâ kindo hin magaŋep, “Luâk siâŋe bo makniŋdâpgât nâ nunak oyaŋmâ keiŋe nâŋgâwerângât dâp bo tatâp, aregât gâŋe hân waŋgan âgâmenâ olowâk tatmâ âmâ keiŋe makniŋ.” <sup>32-33</sup>Hain dâmbo hân waŋgan âgâmbô olowâk tatmâ ariyat. Akto emelâk Anutuŋe den makto Yesaiaŋe kulempoep are hin,

“Lama are kom gâiwerâmbiã yân tatmap. Akto lama dumutŋe hârembiã âmâ pâlâmŋe kinmap dop hainâk nâŋgât hoŋ bawa pâlâmŋe yekmâ kindo den âiân katmâ ikinjaet pat âlepŋe makyenjiwopgât dâp gisapkom kombiã moep. Akto kombiã mondo ainba kâmotlupŋe biwiyeŋe yâkgâlân katmâ manbai yâk yengât oyaŋ yekbaigât dâp bo tatâp.”

<sup>34</sup>Akto luâk kotdâŋe den are oyaŋmâ aregât Pilipo hin aikoeŋ, “Propete luâk arekŋe ikinjaet me siâgât kulempoep?” dâep. <sup>35</sup>Hain dâmbo Pilipoŋe Yesaiaŋe den kulempoep are oyaŋmâ arewa Yesugât den pat âlepŋe are magaŋdo tatmâ ariyat. <sup>36</sup>Arim tu siâ hâlânjâmâ arimbela luâk kotdâ arekŋe hin dâm magaŋep, “Indâre ek. Tu tatâp. Nâ tu puli niŋberâtgât nâŋgân aregât gain aktere ârândâŋ akberâp?” dâep. <sup>37</sup>Hain dâmbo hin dâm magaŋep, “Gâŋe biwiŋe Yesugâlân katmenâ âmâ âlepŋe mem tu puli giŋberân.” dâm magaŋdo hin dâep, “Yesu are âmâ Anutugât nanŋe aregât biwine yâkgât emelâk katân.” dâep. <sup>38</sup>Hain dâmbo âlepŋe dâmbo aregât bau luâk soko are mem yeukŋe ketugumbo kindo Pilipo akto luâk kotdâ arekŋe hân waŋganânba gem tuân geyiat. Gem âmâ Pilipoŋe tu puli aŋep. <sup>39</sup>Puli aŋdo tuânba gambela âmâ Anutugât Heakŋande Pilipo mem oloŋdo arimbo luâk kotdâŋe Pilipo undâgâto bo akto biwi heroeŋe nâŋgâm hân waŋgan âgâm mem ariep. <sup>40</sup>Akto Anutugât Heakŋande Pilipo mem Asido kepiã kato kindo egi. Ekbiã kepiãŋe kepiãŋe arim Yesugât den pat âlepŋe makyenjim arim Kaisarea kepiã ariep.

### Humoe Saulo miawagaŋep.

**9** <sup>1</sup>Akto sop ain Sauloe Kembangât kâmot gasa akyenjim hilip yenguerâm akto biwiŋe kâlâp agep. Biwiŋe kâlâp akto Sauloe

Anutugât sumbe kat kat areyengât humoyeŋaelân arim kulem esenŋe niŋŋetgât ariep. <sup>2</sup> Amâ den emetŋe Damasko ain tatâp aregât humomolupŋe hekatyengim dâp irakŋân manmai luâk me âmbâle mem miawakyekmâ bâtyeŋân hikom Yerusalem kepian meyekmâ togoâkgât kulem esenŋaet ulityengŋiep. Ulityengimbo waŋbiâ mem ariep. <sup>3</sup> Akto kulem esenŋe are mem Yerusalem kepia hepunmâ Damasko kepia ewumâk akto âmâ himbimânba dewutâ pagalenŋe humo gem belek belek akmâ miawagep. Belek belek dâm miawakto hânân ge yiep. <sup>4</sup> Ge yendo ainâk den siâ hin dâmbô nâŋgâep, “Saulo, Saulo, gâ wangât nugum watnekmâ mandât?” dâep. <sup>5</sup> Hain dâmbô Sauloŋe hin dâep, “Kembu gâ niŋe.” dâmbô hin dâep, “Nâ nugum watnekmâ manmat ire. Nâ Yesu. <sup>6</sup> Agatmâ gâŋe kepian arimenâ âmâ siâŋe gain gain akbiatgât miawâk makŋiŋbiap.” dâep. <sup>7</sup> Hain dâmbô olop mali arekŋe den are nâŋgâm kinmâ etem metem agi. <sup>8</sup> Hain akmâ kinbiâ Saulo âkâ agatmâ ekberâm akto ainâk dewunŋe hândâk agep. Hain akto aregât galalupŋande mem oloŋmâ Damasko kepian ariyi. <sup>9</sup> Mem oloŋmâ arim manbiâ dewunŋe hândâk akto sot me tu me wan me wan bo nem mando hilâm âlâwu bo agep.

### Ananiaŋe Saulo mem tu puli agep.

<sup>10</sup> Akto Damasko kepia ain gâtŋe luâk siâ Yesu kâmolân gâtŋe kotŋe Anania. Manmâ biwiŋe purik dâmbô giwelân Humoŋe miawagaŋmâ kolep. Kondo hin dâep, “Humone, wan den makniŋberâm aktât?” dâmbô <sup>11</sup> Humoŋe hin dâm magaŋep, “Agatmâ ari. Dâp siâ aregât kotŋe dâp tâŋâk dâm konmai ain Yudasi siâgât emet tatâp ain arim âgâm luâk siâ kotŋe Saulo are Taso kepian gâtŋe are mem miawakben. Nâŋgât. Yâkŋe nâ ulitniŋmâk mandâp. <sup>12</sup> Uran ulitniŋmâ âmâ giwelân hin egep. Luâk siâŋe kotŋe Anania yâkgâlân arim âmâ dewunŋe hulaŋ akbiapgât kautŋân membiap are egep.” dâep. <sup>13</sup> Humoŋe hain dâm magaŋdo Ananiaŋe hin dâep, “Humo, Saulogât hin dâmbiâ nâŋgân. Yâkŋe âmâ Yerusalem kepia ambolupŋe gâŋgât kâmolân mandâi are hilip yengum hâk hilâlâm yengim mandâp. <sup>14</sup> Akto yâkŋe kotge konmâ manmaen nen mem oloŋnenekto Yerusalem kepian purik katmâ ariŋetgât Anutugât sumbe kat kat areyengât humomolupyeŋande magangim kinmâ huŋgunanŋbiâ togoâp.” <sup>15</sup> Ananiaŋe hain dâmbô hin dâep, “Gâ hanâk yâkgâlân ari. Luâk âmbâle hârokŋe nâŋgât keiŋe nâŋgâŋetgât Saulo oloŋdere hoŋ akniŋmâ luâk âmbâle bikŋe Anutu bo nâŋgaŋmai are akto luâk humomolupyeŋe akto Yuda luâk bikŋe areyengâlân arim keine makmâ miawakmâ makyengwiap. <sup>16</sup> Makyengimbo bikŋande âmâ nâŋgâmbiâ bâlimbo aregât siâ siâ agaŋbiâ hâk hilâlâm kakŋân manbiap aregât keine magaŋbian. Aregât agatmâ ari.” <sup>17</sup> Hain dâmbô Ananiaŋe âmâ emet tirip kalaŋep ain arim âgâm Saulogât kautŋân mem hin dâep,

“Galane Saulo, makgingdere nângâ. Yesu Humoŋe dâwân miawakgingdo egen yâkŋe dewunŋe âlepŋe akberâpgât akto Anutugât Heakŋande kârikŋe akgingâkgât huŋgun niŋdo gutân.” <sup>18</sup>Hain dâm magaŋdo hainâk dewunŋe henepŋe gagai akmâ gembo emelâk hârok ektân dâmbu tu puli aŋep. <sup>19</sup>Hain akto sot om waŋbiâ nendo hagitŋe kârikŋe agep. Akto tatmâ Yesugât kâmot Damasko kepian mali yâk olowâk mali.

**Sauloŋe Damasko kepian manmâ Yesugât keiŋe makyenŋiep.**

<sup>20</sup>Manmâ âmâ ainâk keiŋe katmâ Sauloŋe Yuda yeŋgât den emetŋân âgâm Yesugât keiŋe hin makyenŋiep, “Yesu are amâ Anutugât nanŋe mandâp.” <sup>21</sup>Hain makyenŋimbo nângâmbiâ dâtŋe akto den hin dâm magaŋgi goaŋgi agi, “Amâ yâkŋe âgâlân Yerusalem kepian manmâ luâk âmbâle Yesu kotŋe konmâ manmai are hilip yeŋguwerâm akmâ hâk hilâlâm yeŋgiep. Akto Yesugât kâmot in mandâi yâk mem oloŋ yekmâ purik katmâ sumbe kat kat luâk arekŋe hilip yeŋguŋet dâm Yerusalem kepianba iren togoep.” Hain dâm magaŋgi goaŋgi agi. <sup>22</sup>Akto Sauloŋe ain manmâ nâŋgâ nâŋgâŋe kârikŋe akto Yesu amâ Anutuŋe huŋgunanŋdo giep aregât keiŋe dâm miawakmâ makyenŋimbo nângâmbiâ han lâuwâ agep.

<sup>23</sup>Yuda gâtŋande Damasko kepian manmini arekŋe nângâm manmâ biwiyenŋe kâlâp akto Saulo komberâm agi. <sup>24</sup>Den akmâ Saulo komberâm kepia ginŋânâk kinmâ hin dâyi, “Saulo in gembo âmâ kondenŋe momberâp.” dâyi. <sup>25</sup>Hain dâmbiâ Sauloŋe nângâm galaluŋe makyenŋimbo hândâgânâk haka humo kâlegen lugum tâkŋe hikom giâkom kâtŋe haot humo ketugumini are dâtŋânba panbiâ gem hânân kinmâ haka kâlegenba yoŋâk agatmâ ariep.

**Saulo Damasko kepia hepunmâ Yerusalem kepian ariep.**

<sup>26</sup>Akto Saulo Damasko kepia hepunmâ Yerusalem kepian ariep. Ain arim Yesugât kâmolân gâtŋe penâyeŋgiwerâm agep. Penâyeŋgiwerâm akto imâ Yesu gâlân gâtŋe bo dâm hamep akmâ gala bo agaŋi. <sup>27</sup>Gala bo agaŋbiâ aregât Aposolo siâ kotŋe Banaba yâkŋe Saulogât denŋe makberâm akmâ Aposolo yeŋgâlân oloŋmâ arim hin dâm makyenŋiep, “Humonenŋande Saulo dâwân mem miawakmâ âmâ den magaŋep. Magaŋdo Damasko kepian arim ain Yesugât kot den hamep bâlâk makyenŋiep.” dâep. <sup>28</sup>Banabaŋe hain dâm makyenŋimbo gala agaŋbiâ olop manmâ Yerusalem kepia are gam ândeaŋmâ arim Humogât kotŋe dâm miawakmâ makyenŋiep. <sup>29</sup>Hain dâm makyenŋim Yuda luâk ulikŋân Girik hânân ariyi arekŋe purik katmâ togoyi yâk yeŋgâlân gâtŋe bikŋe makyenŋimbo denyenŋe gembo âgâmbu akmâ kondenŋe moâk dâm magaŋgi goaŋgi agi. <sup>30</sup>Akto Yesugât kâmotluŋe yâkŋe yâkgât den pat nângâm Saulo mem oloŋmâ Yerusalem kepia are hepunmâ gem

Kaisarea kepia arim katbiâ wanġan âġâmbo mem ikinġe kepia kotġe Taso ain are kato ariep. <sup>31</sup>Akto Anutugât Heakġande Yuda ambolupġe akto Galilaia ambolupġe akto Samaria ambolupġe biwiyenġe Yesugâlân kali are memenġe akyenġimbo areġât luâk dondâ yâk yenġâlân mendugum dewatiyekbiâ dondâ aġi areġât biwiyenġe sândugieġ.

**Petoroġe Yesugât wâtġân kinmâ luâk keiġe bātġe kârġieġ siâ kotġe Ainea are mem henġemgoep.**

<sup>32</sup>Petoro hân ain arim toġom hâtikom âmâ Yesugât kâmot Lida keġian mali are yenġâlân ariep. <sup>33</sup>Arim luâk siâ kotġe Ainea eġep. Yâk âmâ kei bātġe kârġiem yieġ. Hain mando hombaġ nâmbulân âlâwu bo aġep. Are Petoroġe hin dâm maganġep, <sup>34</sup>“Ainea Yesu Kristo yâkġe henġem guguâġgât agatmâ gugak tem tâkġe loko.” dâmbo ainâk agaleġ. <sup>35</sup>Âlepġe akmâ agato Lida akto Sadoġ ambolupġande ekbiâ dâtġe akto biwiyenġe Yesugâlân kali.

**Petoroġe Tabita mem agaleġ.**

<sup>36</sup>Akto Yope keġian âmbâle siâ Yesugât kâmolân dewatieġ are kotġe Tabita den purikġe amâ hânângen. Yâkġe luâk âmbâle umburuk mali are gala akyenġim tânyenġueġ. Hain akmâ manmâ kundat miawaganġo moep. <sup>37</sup>Mondo lokom âġâm emet kâleġe siân tu pulim katbiâ yieġ. <sup>38</sup>Yope keġia are akto Lida keġia are olop kereregâk taliatġât Yesugât kâmolân mendugu ageine Petoro toġoâġ nânġâm luâk lâuwâ huġgun yetkiyi. Huġgun yetkimbiâ arim hin dâm maganġiat, “Kewugu gektetġe olowâk hinġe arine.” dâmbela âlepġe dâmbo kewugumbela ariyi. <sup>39</sup>Arimbiâ âmbâle momoġe talewân are kewugumbela âġâyi. Âġâmbiâ âmbâle kambutġe ândeanġmâ tatmâ okot nânġâ aġmâ indem tatmâ Tabitaġe ġolâ malewân ain sâġgum parutmâ yenġieġ are hârok hekalanġi. <sup>40</sup>Hekalanġbiâ Petoroġe, “Sopanġet.” dâmbo hârok sopanmâ ġe betgen kinbiâ enemġân bam kânġom Anutu ulilanġep. Ulilanġmâ âmbâle momoġe yieġ are ekmâ hin dâm maganġep, “Tabita agatmâ kin.” dâmbo ainâk dewunġe hulaġ akto Petoro eġep. <sup>41</sup>Ekto Petoroġe bātġân mendo agatmâ kileġ. Kindo Petoroġe yenġondo âmbâle kambut akto luâk âmbâle bikġe Yesugât kâmolân dewatiyi are hârok âġâm Tabita momoġânba mem agaleġ are eġi. <sup>42</sup>Ekmâ Tabita momoġânba agaleġ areġât den pat are maganġi ġoanġi akbiâ Yope keġian ġâtġe biwirânġe Yesugâlân biwiyenġe kali. <sup>43</sup>Akto Yope keġian maleġ luâk siâ kotġe Simoġ yâk makao hâkġe ġaġaim kau hekom parutmâ kato pulġomini yâkġât emelan ain Petoroġe sop kâlep tatmâ maleġ.

**Aġelo siânġe Konelio miawaganġep.**

**10** <sup>1</sup>Kaisarea keġian luâk siâ maleġ kotġe Konelio Italiagât tembe loko yenġât damun kautġe maleġ. <sup>2</sup>Yâk akto kâmotlupġe arekġe

Anutugât den lokom ulilaŋmâ mali. Hain manbiâ damunyeŋe arekŋe Yuda luâk âmbâle umburuk mali are yeŋgât okotŋe nâŋgâm kotŋe siâ siâ yeŋgim malep. Akto yâkŋe Anutu yâkgât herone nâŋgâm hilâm ârândâŋ mepaiŋe miep. <sup>3</sup>Hain akmâ manmâ hilâm siân eŋgaiŋe biwiŋe mem purik kato Anutugât aŋelo siâŋe kolep. <sup>4</sup>Kondo taŋâk ekmâ sâŋ sâŋ mem hin dâep, “Kotdâ gain gain?” dâmbô hin dâep, “Gâŋe Anutu maganmâ denŋe lokom manmâ luâk umburuk manmai are gala akyeŋgimat are Anutuŋe nâŋgâmbô âlepŋe akmap. <sup>5</sup>Gârâmâ gâ uŋak hoŋ bawalupge huŋgunyeŋgimenâ Yope kepiân arim luâk siâ kotŋe Simoŋ, Petoŋ are kewugum togowi. <sup>6</sup>Yâk nabeŋe Simoŋ makao hâkŋe gagaim kau hekom parutmâ kato puligomai aregât emelan tatâp. Akto emet are amâ haru ginŋân tatâp.” dâep. <sup>7</sup>Aŋeloŋe hain dâm arimbo Konelioŋe dâmbô hoŋ bawa lâuwâ akto tembe loko yâk yeŋgâlân gâtŋe siâŋe Anutugât denŋe lokominep yâk gambiâ <sup>8</sup>aŋeloŋe den maganep are makyenŋim huŋgun yeŋgimbo Yope kepiân ariyi.

#### **Anutuŋe Petoŋ biwiŋe mem purik katmâ wan siâ hekalapep.**

<sup>9</sup>Arim dâwân yem kinbiâ hauŋdo âgâm arimbiâ kepia are tâlâgumbo âmâ dewutâ kârikŋe akto Petoŋe Anutu den maganberâm emet kakŋân âgâep. <sup>10</sup>Âgâm Anutu maganmâ kinmâ mopŋe agumbo sot nemberâm aregât, “Sot oŋet.” dâmbô sot om tatbiâ ain biwiŋe purik âgâmbô hin egep. <sup>11</sup>Himbim hâreakto aŋeloŋe wan siâ mâron humo tunŋe biken biken hikom mem giâkom katbiâ hânân giep. <sup>12</sup>Akto aregât kâlegen soŋgo lâut toŋga keiŋe keiŋe Yuda luâkŋe bo nemini arekŋeak ain yiep. <sup>13</sup>Are gembo âmâ himbimânba den hin maganep, “O Petoŋ, are gâim om ne.” dâmbô <sup>14</sup>Petoŋe hin dâep, “Kotdâ, nâ hain bo akman. Soŋgo kâmbokŋe bo nene dâmaen hinare bo neman.” dâep. <sup>15</sup>Hain dâmbô lâuwâŋe hainâk dâep, “Are gâim ne, Anutuŋe makto âlepŋe aktâp are bo neneŋe hain bo dâm hepunbiat.” dâep. <sup>16</sup>Lâuwâŋe âlâwuŋe hainâk dâmbô mem oloŋbiâ himbimân âgâep.

<sup>17</sup>Himbimân âgâmbô Petoŋe are ekto biwiŋân kulem mendo nâŋgâmbô ârândâŋ bo akto âmâ Konelioŋe hoŋ bawalupge huŋgunyeŋgiep arekŋe togom Simoŋgât emetŋe mem miawakmâ betgen kinmâ den hin dâm koli, <sup>18</sup>“Simoŋ kotŋe siâ Petoŋ gâ ain tatât me?” dâm koli. <sup>19</sup>Hain konbiâ Petoŋe wan siâ egep aregât nâŋgâm heŋgemgom kindo Anutugât Heakŋande hin maganep, “Nâŋgât. Luâk âlâwu akmâ yâkŋe undâgât giŋdâi <sup>20</sup>aregât yâk olop gem ariwerâm âmâ nâŋgâmâk bo ak. Luâk are nâŋe makyenŋire togoâi.” dâep. <sup>21</sup>Hain dâmbô Petoŋe yâk yeŋgâlân gem hin aiyenŋuep, “Kulâgâtâi amâ nâ ire. Wangât togom nogondâi?” dâep. <sup>22</sup>Hain makyenŋimbo hin dâyi, “Tembe loko yeŋgât humoyeŋe kotŋe Konelio yâkŋe Anutugât hamep akmâ gala aganmâ yâkgât dewunŋân âlepŋe manmap yâkgât Yuda kepia

ambolupjande nângâmbiâ ârândâj akmap. Akto Anutugât aŋelo siâ huŋgunanjo Konelio miawaganjâ gâŋe arim emetjân maganjatgât magep.” dâyi. <sup>23</sup>Hain dâmbiâ gala akyeŋgimbo emetjân âgâm yeyi.

Yem kinbiâ hauŋdo agatmâ Yope kepijan bikje biwiyenje Yesugalân katmâ mali yâk olop ariyi. <sup>24</sup>Arim dâwân yeyi. Yem kinbiâ hauŋdo agatmâ Kaisarea kepijan ariyi. Arimbiâ Konelionje galalupje akto ginbailupje olojyekto mendugum lâmyeŋgum tatbiâ togoyi. <sup>25</sup>Togom Petoroŋe emetjân âgâwerâm akto Konelionje kambiamje âlepje akto gem enemjân kâŋgom kotje mem agalep. <sup>26</sup>Hain akto Petoroŋe mem agatmâ hin maganep, “Hepun. Nâmâ gâ hinare luâgâk.” dâep. <sup>27</sup>Hain dâmbiâ Konelionje kewugu yekmâ emelan âgâmbiâ Petoroŋe mendugum tali are yekmâ hin makyenjiep, <sup>28</sup>“Ye Yuda luâk nengât agak meme nângâmai. Nenje Yuda luâk bo are gala akyeŋgim yâk olop tatbaengât dâp bo tatmap. Nâmâ luâk den siân gâtje luâk ire âmâ bâlejerâm nângâre gemap. Hain akmâ gala bo akyeŋgiwerâm aktere Anutuŋe hain bo akben dâm aregât keije makniŋep. <sup>29</sup>Aregât kewugu nekberâm togombiâ âmâ den bo koyenjiân. Gârâmâ wangât nâ kewugu nekberâm undâgât niŋi aregât keije makniŋbiâ nângâwe.” dâep.

<sup>30</sup>Hain dâmbiâ Konelionje hin maganep. “Nâje kulem siâ ekmâ manmâ gare sop uŋak hilâm imbâtje bo aktâp aregât den pat makgiŋbe. Nâ emet enjaiŋe Anutu maganberâm aktere âmâ luâk siâ pagaleje olop arekje nângâlân togom nogonmâ hin makniŋep, <sup>31</sup>“Konelio, Anutu maganmenâ nângâmbiâ âlepje agep. Akto siâ siâ kalem akmenâ gekmâ nângâ giŋdo âlepje akmap. <sup>32</sup>Aregât gâŋe hoŋ bawalupje huŋgunyengimenâ Yope kepijan arim ain luâk siâ kotje Simoŋ kotje siâ Petoro are kewugum togowai. Yâk ikiŋe nabeŋe Simoŋ makao hâkje kau hekom parutmâ kato puligomai aregât emet haru ginjân tatâp ain yâk olop mandat.” dâep. <sup>33</sup>Aŋeloŋe hain makniŋdo ainâk hoŋ bawalupne gângâlân huŋgunyengire den mem togombiâ togoât aregât kambiamne âlepje aktâp. Akto togom Anutugât dewunjan yu taten imâ Humoŋe den potatmâ giŋep are maknengimenâ nângâne. Gâ aregât togoât gârâmâ maknengi.” dâep. <sup>34</sup>Hain dâmbiâ Petoroŋe hin makyenjiep, “Anutuŋe luâk nengât agak meme nenjaet nângâm hin dâmap, “Luâk hârok dopyeŋe konogâk akmai.” dâmap are hinje nângâm heŋgemgoân. <sup>35</sup>Luâk kâmotje kâmotje yâk yeŋgâlân gâtje bikjande Anutu gala aganjmâ agak meme âlepjeâk akyeŋgimai aregât meyekbiapgât dopje tatâp. <sup>36</sup>Akto Anutuŋe propete luâklupje huŋgunyengimbo Israe nengât hutnenjan togom Anutuŋe hoŋ bawaje huŋgunanjo gem damunyeŋe akbiap dâmini are Israe luâk nengâlâk bo. Luâk kâmotje kâmotje nen hârok damun nenje akbiap aregât den pat âlepje are biwiyenje sândugeâkgât makyeŋgim gayi are âmâ Yesu yâkgât keije ye nângâmai. <sup>37</sup>Akto Yohanene biwiyenje Anutugât katbiâ

tu puli yenjiwe dâmbô ain gâtjande Galilaia akto Yudaia hân tânâmjân kulem keiŋe keiŋe miawakto ekbiâ dâtŋe agep aregât patŋe nâŋgâyi. <sup>38</sup>Akto Anutuŋe ikiŋe Heakŋe huŋgunanŋo Yesu Nasarete kepiân gâtŋe are memeŋe agaŋdo aregât wâtŋân manmâ hân biken biken arim togom gala akyenŋim malep. Akto Niambi bâlenjande luâk mem hilip yenŋuep are mem henŋemyenŋum metiep. Akto Anutuŋe tângombo âi hain miep aregât ye nâŋgâi. <sup>39</sup>Akto Yerusalem kepiân akto Yuda luâk nen manmaenân ain nen olop manmâ kulem keiŋe keiŋe mendo are ekmâ meteyion. Akto lâwinân kombiâ moep. <sup>40</sup>Mondo hilâm âlâwuŋe bo akto Anutuŋe memeŋe agaŋdo momoŋânba agato egion. <sup>41</sup>Agatmâ luâk hanâk hanâk yenŋâlân bo miawagep. Nengâlânâk miawakto egion. Anutuŋe nune pat dâm menenekto malion nengâlânâk miawagâk dâmbô hainâk miawagep. Momoŋânba agato yâk olop sot nem anŋi goanŋi akmâ den maganŋi goanŋi agion. <sup>42</sup>Akto Anutuŋe golâ manden me emelâk moyi nen hârogâk Yesuŋe den dâm hârenenŋiwiap aregât luâk kautŋe kalep. Akto Anutuŋe Yesugât den pat âlepŋe ire luâk kâmotŋe kâmotŋe makyenŋinŋet dâm aregât makmâ nengiep. <sup>43</sup>Akto ulikŋân propete luâklupŋande Yesugât den hin dâyi, siâŋe biwiŋe Anutuŋe huŋgunanŋo gewiap yâkgâlân kato Anutuŋe nanŋaet kotŋaet akmâ luâk aregât dosa hepunanŋbiap.” dâep.

#### **Anutugât Heakjande Yuda luâk bo are kautyenjân mem tânyenŋuep.**

<sup>44</sup>Petoroŋe den hain dâm makyenŋimbo nâŋgâm tali are yenŋâlân Anutugât Heakŋe giep. <sup>45-46</sup>Gem kautyenjân mendo elewetyeŋe purik âgâmbo den siâ siâ makmâ Anutu maganŋmâ kotŋe mem agatbiâ aregât Yope kepiân gâtŋe Yuda luâk Petoro olop togoyi arekŋe yekbiâ dâtŋe akto han undup agi. <sup>47</sup>Hain akbiâ Petoroŋe hin dâep, “Ulikŋân Anutuŋe Heakŋe huŋgunanŋo nengât kaknenŋân giep. Akto hainâk unjak kepia ambolupŋe yenŋât kakyenjân geâp, aregât niŋande tu puli yenŋiwerengât makmâ hârewiap?” <sup>48</sup>hain dâm luâk âmbâle bikŋe tu puli yenŋim Yesu kotŋe konŋet dâm makyenŋimbo hain agi. Hain akmâ Petoro mem gangerâmbiâ âmâ yâk olowâk manbiâ hilâm amon siâ bo akto ariep.

#### **Yerusalem kepiân gâtŋe Yesugât kâmot Petoro olop maganŋi goanŋi agi.**

**11** <sup>1</sup>Aposolo akto Yuda luâk âmbâle bikŋe Yudaia hânân manmâ biwiyeŋe Yesugâlân katmâ mali arekŋe Yuda luâk bo manmai are Anutugât den nâŋgâm lokoyi are yenŋât pat nâŋgâyi. <sup>2</sup>Nâŋgâmbiâ Petoroŋe Yerusalem kepiân purik katmâ arim âgâmbo Yuda luâkŋe Petoroŋe hain agepât nâŋgâmbiâ ârândânŋ bo akto hin maganŋi, <sup>3</sup>“Gânge âgâlân hâkyeŋe bo gâi yenŋiyi are yenŋât hutyenjân arim bâtyenjânba sot mem nien are nâŋgâenŋe bâliep.” <sup>4</sup>Hain dâmbiâ aregât Petoroŋe wan me



wan miawagep aregât keinjânbak den pat makyengiep. <sup>5</sup> Makyengim hin dâep, “Nâje âgâlân Yope kepijan manmâ Anutu maganjmâ âmâ biwine purik kato humoje biwinân den kato hin egân. Mâron humo hainare himbimânba gem gem keinân giep. <sup>6</sup> Gembo âmâ are ekmâ hejgemgoân. Katip are kâlegen songo lâut tonga keije keije Yuda nen bo nemaen hain arekneak yiep. <sup>7</sup> Yendo ektere âmâ himbimânba den siâ hin dâmbonânġân, “Petoro are gâim om ne.” dâmbonânġe hin dân, <sup>8</sup> “Humo, nâ bo. Hainare kâmbokġe bo neman.” <sup>9</sup> Hain dâre himbimânba den lâuwânġe hainâk dâm makniġep, “Anutuġe imâ neneġe dâmap are amâ bâleġe bo dâwen.” hain dâm makniġep. <sup>10</sup> Hain akto lâuwânġe âlâwuġe hainâk dâmbonânġe himbimân âgâep. <sup>11</sup> Âgâmbonânġe ainâk Kaisarea kepijan gâtġe luâk âlâwu akmâ Konelioġe huġgun yeġgimbo togoyi. <sup>12</sup> Togom mem miawaknekiâ Anutuġât Heakġande hin makniġep, “Gâ yâk olop ari. Nânġâmâk bo akben.” hain dâmbonânġe arienġe Yesuġât kâmolân gâtġe luâk nâmbulân konok ire olowâk ariyion. Arim tembe loko yeġgât humoyeġe siâġât emelan âgâenġe den hin dâm maknengiep, <sup>13</sup> “Nâ emelan âgâre aġelo siâġe miawak niġmâ hoġ bawalupne huġgun yeġgire Yope kepijan arim luâk siâ kotġe Simoġ Petoro are kewugum togowi. <sup>14</sup> Togombiâ den makto âmâ nâ akto nânġât ginbailupne âlepġe akmâ manbaigât aġeloġe hain dâm makniġep.” dâep. <sup>15</sup> Konelioġe hain dâmbonânġe den hâuġe makyengim kindere sop ainâk Anutuġât Heakġande kakyenġân giep. Ulikġân nengâlân Anutuġât Heakġande kaknennġân giep hainâk sop ain kakyenġân giep. <sup>16</sup> Gembo ekmâ âmâ ulikġân Yesuġe den maknengiep are nânġâm hejgemgoân, “Yohaneġe tu puli yeġgiep gârâmâ nune Heakġe are huġgunanġere kakyenġân gewiap.” Yesuġe den hain dâep are nânġâm hejgemgoân. <sup>17</sup> Akto nenġe biwinenġe Yesu humo Anutuġe huġgunanġo giep aregâlân katmâ mandenġe âmâ Anutuġe ikiġe Heakġe nengât huġgunanġep hainâk yeġġâlân huġgunanġep. Aregât nâje Anutu hamianġiangât dopġe bo tatâp.” <sup>18</sup> Petoroġe hain dâm makyengimbo nânġâm biwiyenġe heronġe akto hin dâyi, “Anutuġe ulikġân nengât biwinenġe kârikġe agep are goanġengiep. Goanġengimbo biwinenġe Yesuġâlân katenġe hilip nenguwiapġât dop bo agep. Dâ unak âmâ Anutuġe Yuda luâk bo manmai are oloġ yekto Yesuġâlân biwiyenġe kali aregât bâlenġande hilip yeġgu yeġgugât dop bo agep.” dâyi. Dâm nânġâm Anutuġât kotġe mem agatmâ kambiamyeġe âlepġe agep.

#### **Banabaġe Antiokia kepijan arim Yesuġât keije makyengiep.**

<sup>19</sup> Akto emelâk luâk kotġe Stepano kombiâ moep ainâk Yesuġât kâmotlupġe bikġe yeġgum watyekbiâ potalakmâ bikġande Poinike hânân ariyi. Akto bikġande Antiokia akto Kipiro ariyi. Arim manmâ Yesuġât den pat âlepġe are Yuda luâk makyengiyyi. <sup>20</sup> Hain akbiâ hutyeġân gâtġe luâk bikġe Kipiro kepijan gâtġe akto Kirene hânân gâtġe luâk arekġe

Antiokia kepiam arim Yesu Humogât den âlepne are kepia ambolupne Girik gâtne are makyengiyi. <sup>21</sup>Makyengimbiâ Anutupe meme akyengiepe aregât luâk âmbâle dondâne Yesugât kâmolân dewatiyi. <sup>22</sup>Hain akbiâ aregât den pat arekne sambelem Yerusalem kepiam Yesugât kâmot mali are yengâlân arimbo nângâm Banaba hungun arbiâ Antiokia kepiam ariep. <sup>23</sup>Arim Anutupe ukenne nângâyengim damunyepe agep are ekma kambiamne âlepne agep. Akto luâk âmbâlepe biwiyene Humogâlân katmâ mali hainâk aknet dâm aregât den kârikne makyengiepe. <sup>24</sup>Banabape biwipne Yesugâlânâk katmâ mando aregât Anutugât Heaknande meme agando âlepneâk malep. Akto den pat makyengimbo nângâm luâk âmbâle dondâne Yesugâlân biwiyene katmâ mali. <sup>25</sup>Akto Banabape Saulo ekberâm Taso kepiam ariep. <sup>26</sup>Arim mem miawakmâ kewugumbo Antiokia kepiam togoyiat. Togombela Yesugât kâmot olop mali. Manmâ Yesugât den pat âlepne are makyengim manbela homba konok bo agep. Akto Antiokia kepiam Yesugât kâmot are yekmâ okot âlep akmâ kotyene Kristogât kâmot yengonli.

<sup>27</sup>Sop ain Anutugât den makmâ miawagi areyengât hutyejânba biknande Yerusalem kepiamba gem Antiokia kepiam ariyi. <sup>28</sup>Akto areyengâlân gâtne siâ kotne Agabo are Anutugât Heaknande hân ain mop humo miawakbiapgât magando aregât den kârikne siâ makyengiepe. Makyengimbo luâk koldâ siâ kotne Klaudio Roma kepiam malep sop ain mop humo are miawagep. <sup>29</sup>Akto biwiyene Yesugâlân kaliŋe den are nângâm puli me wan me wan tatyengiepe are mendugum katbiâ galalupyepe Yuda hânân mali are yengâlân ariâk dâm kali. <sup>30</sup>Hain akmâ puli mem menduguyi are Banaba akto Saulo yâk yetkimbiâ mem arim Yesugât kâmot Yuda hânân mali are yengât galalupyepe yengiyiat.

**Herotepe dâmba Yakobo kombiâ mondo Petoro  
mem lope kâlegen katbiâ talep.**

**12** <sup>1</sup>Sop ain luâk koldâ siâ kotne Herote yâkne, “Yesugât kâmotlupne yenguwe.” dâep. Dâmba Herotegât kâmotlupnande Yesugât kâmotlupne luâk âmbâle yengum hâk hilâlâm yengim mem kala busi emet kâlegen katyekbiâ tali. <sup>2</sup>Hain akbiâ Yohanegât teupe Yakobo yâkgât dâmba tâwâtne ewumbiâ moep. <sup>3</sup>Hain akto Yuda luâkne yâkgât ukenne akbiâ yekmâ tembe loko hin makyengiepe, “Petoro yâkâ hainâk agannet.” dâmba mem kala busi emet kâlegen katbiâ talep. Akto sot bo kaulemap aregât sopne miawakto sumbe omberâmbiâ âmâ ainâk kala busi kâlegen katbiâ talep. <sup>4</sup>Katbiâ tato sumbe om nemiâ bo akto Herotepe Petoro den âiân katberâm aregât hoŋ bawalupne makyengimbo lâuwâne mem kala busi kâlegen katbiâ tato tembe loko 16 tatmâ Petoro ariwop dâm damunne kârikne agi. <sup>5</sup>Ariwop dâm tembe loko humoyenande âi hârem yengimbo kâmot imbât siâkâ lâmgombiâ lâmgombiâ akmini. Akto

Yesugât kâmotlupņande den are nânġâm Petorogât hilâm ârândân Anutu ulilaņi.

**Aņelo siâņe Petoro mem oloņdo lope kâlegenba gem ariep.**

<sup>6</sup>Akto Heroteņe Petoro mem den âiân katberâm agep areġât sopņe tâlâguep. Akto emet bo hauņdo hândâkņân tembe loko damun lâuwâņe Petoro mem tâk kârikņe kotņe sein arekņe hikom katbela hutyetņân asiņ yiep. Akto tembe loko bikņande betgen kinmâ damungoyi. <sup>7</sup>Damungom kinbiâ Humogât aņelo siâņe yâkgâlân pagaleņe olowâk miawakmâ kindo âmâ pagaleņe arekņe emet kâlegen pagalemba aņeloņe Petoro goaņmâ hin dâep, “Agatmâ kin.” dâmbo tâk kârikņe are hulaņ akto Petoroņe agalep. <sup>8</sup>Agato aņeloņe hin maganeņ, “Hâk pekeņege lalakmâ kei pekeņege mem lugu akmenâ nâ olop arire.” dâep. Hain dâmbo lauņe lokoep. <sup>9</sup>Lauņe lokom âmâ lope kâlegenba gem Petoroņe han lâuwâ akmâ aņeloņe wan agep are giwelân ekmâ bunņe bo dâm nânġâep. <sup>10</sup>Hain nânġâm kindo betgen tembe loko kili are ewangi yekmâ arewa arim tembe loko kili arekâ hainâk ewangi yekmâ arim haot bânġangen arim hânġi kârikņe pali ain arimbela ikinak lewulakto arewa gem ariyat. Akto gem dâwân aņelo are ainâk heambugep. <sup>11</sup>Heambukto Petoro ainâk biwiņe hulaņ akto hin dâep, “Hinņeâk âmâ bunņe nânġâm heņgemgoân. Humoņe aņelo huņgunanņdo gem Herotegât tâk kârikņânba akto Yuda luâk bikņe yeņġâlânba mem oloņnektâp.” dâep.

<sup>12</sup>Hain dâm arim Yohane kotņe siâ Mareko memeņe kotņe Maria yâkgât emelan ariep. Arimbo âmâ luâk âmbâle dondâ mendugum tatmâ Anutu ulilaņmâ tali emet ain âġâep. <sup>13</sup>Ulilaņmâ tatbiâ Petoroņe âġâm emet dawalaunân kinmâ, “Woa” dâep. Hain dâmbo hoņ bawa âmbâle siâ kotņe Rode togom hânġiân talep. <sup>14</sup>Ain tatmâ nânġâm hin dâep, “Mâ, Petorogât den hin.” dâm mârum biwiņe heroņe akmâ hânġi bo mem katmâ âmâ emet kâlegen âġâm hin makyeņgiep, “Petoro ina togo hânġiân kindâp.” dâep. <sup>15</sup>Hain dâm makyeņgimbo nânġâm, “Biwige gulip aktâp.” dâyi. Hain dâm maganbiâ kârikņe akmâ dâep, “Bo. Bundâk togo yu hânġiân kindâp.” dâep. Hain dâmbo hin dâyi, “Otnenande mon togo kindâp?” dâyi. <sup>16</sup>Hain dâm maganġi goanġi akbiâ Petoroņe hainâk kârikņeâk, “Woe” dâmbo hânġi mem katmâ Petoro ekmâ sân sân membiâ dâtņe agep. <sup>17</sup>Dâtņe akto bânņande koratyeņgum, “Den yoņâk” dâmbo den yoņâk tatbiâ Humoņe kala busi emet kâlegenba mem hulaņep areġât den pat makyeņgiep. Hain makyeņgimbo nânġâm heroņe akbiâ hin dâm makyeņgiep, “Den pat ire Yakobo akto galalupņe makyeņġet.” dâm hepun yekmâ gem siângen ariep.

**Heroteņe bâleņe akmâ areġât hauņe miep.**

<sup>18</sup>Emet hauņdo tembe loko arekņe Petoro undâġâtâmâ gain gain aktâp dâm han lâuwâ aġi. <sup>19</sup>Hain akbiâ Heroteņe hâwât yekmâ, “Mem

miawaknet.” dâm makyengimbo undâgâtmâ arim tembe loko bikņande Petorogât makyengimbiâ pâpkom kinbiâ aregât tembe loko moņetgât dâep. Akto Herote Yuda hân hepunmâ Kaisarea kepiā ge malep.

<sup>20</sup>Akto sop ain Heroteņe Tiro akto Sidoņ kepia ambolupņe are gasa akyengiep. Gasā akyengimbo aregât kepia ambolupņande mendugum den are makmâ heņgemgowerâm akmâ luāk kotdâ siâ kotņe Bilasto Herotegât hoņ bawalupņe yeņgât humoyeņe malep yâkgât dâmbiâ tân yeņguep. Tân yeņgumbo benņe wan me wangât magañgi goañgi akmâ Herotegât hân arewa sot meygât gala agañberâm Heroteņe den are purik katyengiwiapgât den kalep, <sup>21</sup>are tâlâgumbo aregât luāk kotdâgât sâņgum mendo âgâmbō dewun yeņân kinmâ luāk kotdâ yeņgât tatalân tatmâ den makyengiep. <sup>22</sup>Makyengimbo luāk hârokņe den humo akmâ hin magi, “Den ire luāk denņe bo. Den ire âmâ Anutugât denņe hinare.” dâyi. <sup>23</sup>Hain dâmbiâ Heroteņe den are nâņgâm Anutugât nâņgâmbō giep aregât Anutueņe aņelo siâ huņgunañdo gem kondo nane bâleņande teņņe igim hârembo moep. <sup>24</sup>Gârâmâ luāk âmbâle dondâņe Anutugât den nâņgâm biwiyeņe Yesugâlân katmâ mali.

<sup>25</sup>Akto Banaba akto Saulo yâk âi yetkiyi are mem metem Yerusalem kepia hepunmâ Antiokia kepiā purik katmâ ariwerâm Yohane kotņe siâ Mareko kewugumbela olowâk ariyi.

### Banaba akto Saulo âigât ariyat.

**13** <sup>1</sup>Yesugât kâmotlupņe Antiokia kepiā gâtņe Anutugât den makmâ miawagi akto den makyengimini are yeņgât kotyeņe hin. Banaba akto hâk heleņ siâ kotņe Simeoņ akto Lukio Kirene hânân gâtņe akto Manaeņ are luāk kotdâ Herote olop nanañânbak manmâ gala konok akmâ maliat. Akto siâ kotņe Saulo. <sup>2</sup>Yâkņe Anutu magañberâm aregât sot bâlâk manmâ âmâ hilâm siân tatbiâ âmâ Anutugât Heakņande den hin makyengiep, “Banaba akto Saulo âi dâm hârem yetkiân are membiandatgât katyelekbī.” <sup>3</sup>Hain dâmbō aregât den lokom Anutu ulilaņmâ sot bâlâk manmâ âmâ kautyetņân mem âiân ariet dâm huņgun yetkimbiâ Yohane kotņe siâ Mareko are kewugumbela olop ariyat.

### Elimagât keiņe.

<sup>4</sup>Arimbiâ Anutugât Heakņande huņgun yeņgimbo Seleukia kepiā ariyi. Ain arimbiâ waņga siâņe meyekmâ Kipiro hân haru tânâmņân talep ain ariep. <sup>5</sup>Ain arim katyekto waņganba sopanmâ gem Salami kepiā ain ariyi. Ain arim Yuda yeņgât den emetņân âgâm Anutugât den pat âleņe are makyengiyiat. Makyengimbela Yohane kotņe siâ Mareko arekņe tânyetkuep. <sup>6</sup>Arewa hân biken ariwerâm akmâ kepia kotņe Papo ain tali. Ain tatmâ Yuda yeņgât luāk kâmbokņe siâ kotņe Barayesu akto kotņe siâ Elima are egiat. Yâkņe âmâ galalupņe heyeņgim

hin dêep, “Nâ Anutugât den bunje makyengiman. Akto nâ Anutugât hoj bawa mandân.” dêep. <sup>7</sup>Hain dâm âmâ kiap siâ Seregio kotje siâ Paulosi yâkgât gala malep. Seregio yâk âmâ nângâ nângâje olop malep. Akto Anutugât den are nângâwerâm akmâ Banaba akto Saulo mem olojyelepep. <sup>8</sup>Mem olojyeleko ainâk luâk kâmbokje Elima arekje, “Galane Seregioje biwiŋe Yesugâlân katbop.” dâm denyetje kakjân makmâ koyetkiep. <sup>9</sup>Den koyetkimbo aregât Saulo kotje siâ Paulo yâkje Anutugât Heakjande meme agañepgât owâiŋeâk Elima tânjâk ekmâ kinmâ hin magañep, <sup>10</sup>“Gâ Hiangi amboje yâkgât nanje aregât luâk agak meme bâleje mem manmai yâk yengât gala aktât. Akto wan me wan âlepje aregât gasa aktât. Akto hiangi luâk manmat. Aregât Humogât den bunje are bo nângânet dâm aregât heyengimat. Gâ biwige bâleje. <sup>11</sup>Aregât hânje Humoje giŋberâpgât dewunge hândâk akto yânâk man.” dêep. Hain dâmbo ainâk dewunge hândâk akto luâkje bâtnân menekbiâ ariwerâm luâk yengât undâgâtmâ gem ariep. <sup>12</sup>Gem arimbo Seregioje are ekto dâtje akto Anutugât den are nângâmbo âlepje akto biwiŋe Yesugâlân katmâ den lokom malep.

**Pauloŋe Antiokia kepia Pisidia hân tânâmŋân  
talep ain arim Yesugât keiŋe makyengiep.**

<sup>13</sup>Paulo galalogâtje olowâk Papo kepia are hepunmâ wanŋan âgâmbiâ meyekmâ arim Pampilia hân are ginŋân Perege kepia haru ginŋân talep ain arim katyegep. Katyekto arewa Yohane kotje siâ Mareko yâk hepunyelekmâ Yerusalem kepijan purik katmâ ariep. <sup>14</sup>Arimbo yâk yetjeâk âmâ Perege kepia are hepunmâ arim Pisidia hân tânâmŋân Antiokia kepia ain ariyat. Ain arim Sarereân Yuda luâk yengât den emetjân âgâm mendugum taliân ain âgâmbela olop tali. <sup>15</sup>Akto yâk yengât damun siâŋe agatmâ Mosegât den kârikje are akto Anutuje makto kulemgoyi are oyaŋdo nângâmbiâ âmâ damunjande Paulo akto Banaba hin dâm makyetkiep, “Galalogâtne, luâk âmbâle nen biwinenŋe mem kârikje ketuguâkgât den siâ âlepje maknengimbela nângâweren me bo?” dêep. <sup>16</sup>Hain dâmbo Pauloŋe agatmâ bâtnande koratyengum hin makyengiep, “Israe luâk galalupnetje akto Israe luâk bo yengâlân gâtje biwiyeŋe Anutugât hamewakmâ mandâi. Akto ye hârok makyengire nângânet. <sup>17</sup>Israe luâk nengât Anutu yâkje bâgilupnenŋe mem katyekto Aigita hânân manbiâ âmâ tânyengumbo miawakmâ dondâ agi. Akto Anutugât kârikjân kinbiâ ainba kewuguyekmâ togoyi. <sup>18</sup>Togom hân kamitjân katyekto manbiâ gala akyengimbo manbiâ âmâ hombaŋ 40 agep. <sup>19</sup>Akto Kanaŋ hânân luâk kâmot 7 are Anutuje hilipyengumbo bâgilupnenjande hân are mem amboje akmâ manmâ gayi. <sup>20</sup>Manmâ gambiâ gambiâ hombaŋ 450 bo agep. Akto sop ain damunlupyeŋe katyekto siâkâ sopjân sopjân damunyeŋe agi. Damunyeŋe akmâ gambiâ

Propete luâk siâ kotje Samue are miawagep. <sup>21</sup>Miawakto âmâ luâk humogât dâmbiâ Anutuje Bensamingât kâmolân gâtje kotje Saulo miep. Saulo âmâ Kisigât nanje yâkje damunyeje akto hombanj 40 bo agep. <sup>22</sup>Bo akto are watmâ yâkgât gewâkñân Dawidi are katmâ Anutuje hin dâep, “Nâje Yesegât nanje Dawidi yâkgât nângâre ârândâj aktâp. Wan me wangât dâre are lokom manbiap.” dâep. Hain dâm damunyeje ak dâm kalep. <sup>23</sup>Aregât bunje Dawidigât kâmolân gâtje Yesu Israe luâk nengâlân miawagep. Nengâlân miawakmâ damun nenje agâk dâm yâkgât pat maknengiep are bunje agâk dâm <sup>24</sup>Anutuje Yohane soj hungun aņdo miawagep. Miawakmâ Israe luâk hârok hanyeje purik kato Anutugâlân ariņet dâm tu puli yeņgiwerâm den kârikje makyengiep. <sup>25</sup>Akto Yohane âi miep are bo akberâm akto âmâ luâk hin dâm makyengiep, “Nângât nije dâmai? Togom damun nenje akbiap are nâ hinare bo. Ikiņak hâmbâi togowiap. Yâkgât ito goliandere bo ârândâj akbiap.” dâep.

<sup>26</sup>Galalupne Abrahamgât kâmot ye akto Yuda gâtje bo manmai yeņgâlân gâtje Anutugât hamewakmâ manmai, ye makyengire nângâņet. Anutuje nen hememgât dop akmâ hilip aguwaengât nenekmâ Yesu hungun aņdo giep. <sup>27</sup>Yerusalem kepia ambolupje akto damunlupyeņande Yesugât keiņe akto propeteņe kulemgoyi aregât keiņe bo nângâm heņgemgom bugâ neâk dâm aregât makmâ hâreaņi. Makmâ hâreaņbiâ mondo ainâk Propete luâk are yeņgât den kârikje are Sarere ârândâj oyaņmâ manmaen are bunje agep. <sup>28</sup>Akto Yesu je dosa siâ bo agepgât yâkgât dosaņaet undâgâtbiâ bo akto hanâk kârikje akmâ kautyeņe orem lâwinân moâk dâm Pilato magaņmâ hâwâtbiâ denyeņe nângâmbo kombiâ moep. <sup>29</sup>Anutuje huņgunaņdo gewiapgât den kulemgoyi are amâ miawakto lâwinân kombiâ mondo lokom arim sumân katbiâ yiep. <sup>30</sup>Yendo arewa Anutuje momoņânba mem agalep. <sup>31</sup>Mem agato emelâk Galilaia hân hepunmâ Yerusalem kepian olowâk ariyi yâk yeņgâlân hilâmņe hilâmņe miawak yeņgimbo den magangi goaņgi agi. <sup>32</sup>Miawak yeņgimbo âmâ Anutuje bâgilupnenne yeņgât makmâ hârieņe are bunje agâk dâm Yesu goaņdo momoņânba agalep, aregât pat âlepņe dâm makyengimaen. <sup>33</sup>Akto Yuda yeņgât kep keņgu lâuwâņe agi aregât den kulemgoyi are tatâp.

Anutuje nanņaet hin dâep, “Gâmâ nângât nanne gârâmâ nâņe uņak meņgektân.”

<sup>34</sup>Akto Yesu je momoņânba agalep are âmâ hâmbâi lâuwâņe bo mombiap, aregât Anutuje nanņaet den hin dâep,

“Ulirikñân nâņe Dawidi agaņân aregât nângâm heroņe akmâ agak meme ârândâj agep. Akto hainâk gâņgât dâm akgiņbian.”

<sup>35</sup>Akto Yuda yeņgât kep keņgu siâ Dawidiņe hin kulengoep are tatâp, “Anutu humo gâņe hoj bawage âlepņe nâ hepun nekmenâ mom âmâ bo hambuwian.” dâep.

<sup>36</sup>Dawidiŋe den kulemgoep amâ ikinjaet bo kulemgoep are nângâmaen are Anutuŋe âi makmâ hârem waŋep. Are luâklupŋe yeŋgâlân âi mem metem âmâ moep. Mondo bâgilupŋaet sumân hangombiâ hambuep. <sup>37</sup>Akto Anutuŋe Yesu mem agalep are âmâ bo hambuep. <sup>38</sup>Galalupne nâŋe makyenŋire nângâŋet. Dosa bâleŋe hepun yeŋgiwiap aregât âmâ Yesu miawagepgât denŋe dâm makyenŋiwerâm aktân. <sup>39</sup>Mosegât den kârikŋe arekŋe dosanenŋe hepun nengiâk dâm aregât ewum hâumgoyi. Yeŋe Yesugâlân biwiyeŋe katbiâ yâkŋe âmâ âlepŋe dosayeŋe hepunbiap. <sup>40-41</sup>Akto ulikŋân Propete siâŋe den siâ kulemgoep are tatâp. Anutuŋe den hin dâep,

“Wangât den hâkâŋ akmâ mandâi? Yeŋe ire nângâmbiâ dâtŋe akto ain mombai. Haingât yeŋgâlân wan me wan irakŋe siâ uŋak ketuguwerân aregât pat makyenŋimbiâ yeŋe hiangiâi dâmbiâ biwiyeŋe kârikŋe akbiap.” Anutuŋe hain dâep.

Ye aregât dopŋe akbâigât den are heŋgemgom nângâwi.” Pauloŋe hain dâm makyenŋiep.

<sup>42</sup>Hain dâm dewunyeŋânba gembo Banaba olop sopanberâm akbela ain kili arekŋe togom hin makyetkiyi, “Sarere siân iren âgâenŋe purik katmâ iregâlâk togom maknengimbela nângâm heŋgemgowaen.” dâyi. <sup>43</sup>Hain dâm gembiâ kâmot kili are yeŋgâlân gâtŋe bikŋe akto Yuda luâk bikŋe akto Yuda luâk bo manmai arekŋe Yuda yeŋgâlân dewatiyi yâkŋe âmâ Paulo akto Banaba hamiyetŋân arim mem watyelekbâi hin dâm makyenŋiyiat, “Anutuŋe ikiŋe hanŋaet akmâ yeŋgât okotŋe nângâep aregât pat hâkâŋe bo akŋet. Biwiyeŋe yâkgâlânâk katŋet.” dâm makyenŋiyiat.

<sup>44</sup>Akto Sarere siân Anutugât den nângâwerâm ukenŋe agi arekŋe hamepŋe olowâk togoyi. <sup>45</sup>Togombiâ Yuda luâkŋe yekmâ hin dâyi, “Hepun nenekbiâ kotnenŋe gewop.” dâm nângâm aregât Paulogât denŋe are hâkâŋ akmâ yâkgât den are mem geyi. <sup>46</sup>Hain akbiâ aregât Paulo akto Banaba yâkŋe kârikŋe akmâ hin dâm makyenŋiyiat, “Yuda luâk ye makyenŋietŋe nângâŋet. Anutugât den yeŋgâlân soŋ togoâk Anutuŋe hain dâm kalep. Den aregât hâkâŋ akmâ manman kârikŋaet den pat are hâkâŋ akberâm borâi aregât ye hepun yekmâ Yuda luâk bo manmai yâk yeŋgâlân ariweret. <sup>47</sup>Haingât Anutuŋe hin dâep,

“Nâŋe gâ pagaleŋe aregât dop hainare kat gektere Yuda luâk bo manmai yeŋgâlân arim nângât den makmâ miawakyenŋiwen. Akto luâk âmbâle hârokŋe biwiyeŋe nângâlân katbiâ meyekbiangât kat gektere hân bâiŋângen arim makben.” dâep.

Anutuŋe hain dâmbo propete siâŋe kulemgombo oyaŋmâ den ire netgât kulemgoep dâetŋe huŋgun netkimbo ariweret.” dâyiat.

<sup>48</sup>Hain dâmbela Yuda luâk âmbâle bo manmai den are nângâm hin dâyi, “Amâ Humogât den.” dâmbiâ aregât biwiyeŋe herone agep. Akto



Anutuŕe ikiŕe ukenŕaet akmâ luâk âmbâle tân yeŕgumbo biwiyenŕe Yesugâlân kali. <sup>49</sup>Akto Humogât den are makmâ maganŕi goanŕi akbiâ den arekŕe sambelem arimbo luâk âmbâle ain mali are hârokŕe nânŕgâyi.

**Paulo akto Banaba watyelekbîâ ariyiat.**

<sup>50</sup>Haingât Yuda luâk arekŕe âmâ kepia aregât luâk humo akto âmbâle humo Anutugât den lokonerâm Yuda yeŕgât kâmolân dewatim mali, are hanyenŕân gembîâ biwiyenŕe kâlâp akto Paulo akto Banaba hanâk gasa akyetkiyi. Hain akmâ watyelekbîâ ariyiat. <sup>51</sup>Ariwerâm kinmâ Yuda luâk dewunyenŕân yeŕaet agak meme bâleŕe are dop kom keiyetŕân gagap talep are paŕ paŕgom panmâ hepunyekmâ gem Ikonioŕ kepiân ariyiat. <sup>52</sup>Arimbela Antiokia kepia ambolupŕe biwiyenŕe Yesugâlân kali arekŕe heronŕe akbiâ Anutugât Heakŕande dondâ tânyenŕuep.

**Paulo akto Banaba yâkŕe Ikonioŕ kepiân  
arim Yesugât keiŕe makyenŕiyiat.**

**14** <sup>1</sup>Akto hainâk Ikonioŕ kepiân arim âmâ Yuda luâk yeŕgât den emetŕân âgâm Yesugât keiŕe makyenŕimbela nânŕgâyi. Nânŕgâm Yuda luâk âmbâle akto Yuda luâk âmbâle bo manmai dondânŕe biwiyenŕe Yesugâlân kali. <sup>2</sup>Akto Yuda luâk bikŕande Yesugât den are hâkânŕ akmâ mem ge katberâm agi arekŕe Yuda bo manmaiân gâtŕe areyeŕgât hanyenŕân gembîâ biwiyenŕe kâlâp akto aregât Paulo akto Banaba gasa akyetkiyi. <sup>3</sup>Gasa akyetkimbiâ kepia ainâk manmâ Humogât den are makyenŕim manbela sop kâlep agep. Akto Anutuŕe luâk âmbâle gala akyenŕim damunyenŕe akberâm agep aregât keiŕe makyenŕimbela are bunŕe agâk dâm Anutuŕe meme akyetkimbo kulem keiŕe keiŕe mem hamep bâlâk maliat. <sup>4</sup>Hain akbela yelemâ Yuda bo manmaiân gâtŕande potalakmâ bikŕande yâk yetgâlân dewatiyi. Akto bikŕande Yuda luâk yeŕgâlân dewatiyi. <sup>5</sup>Hain akbiâ hamiŕânŕen kepia ambolupŕe akto Yuda luâk bikŕande damunyenŕe olowâk agatmâ Paulo akto Banaba bâleŕe akyenŕim kâtŕe yetkuwerâm agi. <sup>6</sup>Aregât kepia are hepunmâ Likionia hân ain Listera akto Derebe kepia lâuwâ are talialân ain arim ândeânŕmâ âi mem maliat. <sup>7</sup>Kepia ain arim Yesugât den pat âleŕe are makyenŕim maliat.

**Listera kepia ambolupŕande Paulo akto Banaba  
yelekmâ hewukŕe luâk togoat dâyi.**

<sup>8</sup>Akto Listera kepiân luâk siâ malep aregât keiŕe bâliep. Are memeŕaet teŕŕânŕak hainâk miawakmâ yân tatmâ gaep. <sup>9</sup>Hain tatmâ gaminep are Pauloŕe ekmâ Yesugât dâmbo nânŕgâm tato âmâ Pauloŕe luâk aregât biwiŕaet keiŕe ekmâ nânŕgâep. Ekmâ hin nânŕgâep, “Luâk irekŕe biwiŕe Yesugâlân katâpŕgât Anutuŕe heŕgemgowerâp.” dâep. <sup>10</sup>Hain dâm konmâ

hin dâm magañep, “Agatmâ kin.” dâmbô ainâk luâk arekñe agatmâ sopanmâ bam gulep. <sup>11</sup>Hain akto luâk kâmot humo kili arekñe Paulonje kulem ketuguep are ekmâ yeñe denyenân hin dâyi, “Hat sinduk siânje luâk akmâ hutnenñân miawakmâ mandat.” hain dâyi. <sup>12</sup>Dâ Banabagât âmâ, “Hat sinduk humoyeñe siâ kotñe Dia aregât nabeñe.” konmâ dâyi. Dâ Paulonje âmâ den makmâ malepgât, “Hat sinduk siâ kotñe Hemesi are âmâ Paulogât nabeñe yâkñe den maknengiminep.” dâm âmâ Hemesi konmâ dâyi. <sup>13</sup>Paulo akto Banaba yâkñe âi are mem manbela yelemâ aregât hat sinduk kotñe Dia yâkgât luâk kâmbokñe siânje ikiñe sumbe emetñe kepia ginñângen talep ain makto bulunje pitim bulimakao hikom oloñmâ arim opmân kâmbokñe siân kepia ginñân talep ain arim Paulo akto Banaba yetgât sumbe omberâm ariyi. <sup>14</sup>Arimbiâ Paulo akto Banaba yâkñe den are nânğâmbela bo ârândân akto aregât pârigin arim hutyeñân kinmâ bâleñe akberâm agi aregât makyenğim hepunjet dâm sângum yetñe mem duwalagiat. <sup>15</sup>Mem duwalakmâ kamboñmâ hin dâyi, “Wei luâkma, wangât ire akberâm aktâi? Net gai luâk, yeñgât dop aregât net amâ hat sinduk bo. Net luâk bunje gârâmâ netgât sumbe bo oñet. Yeñe âmâ hat sinduk wan me wan membiâ bunje bo miawakmap aregât hepunmâ biwiyenje Anutugâlân katñet dâm den pat âlepñe are makyenğiwêrâm togoyiot. Amâ Anutu Humonje hân haru himbim akto aregât kâlegen wan me wan hârok kalep yâkgât akmâ togoyiot. <sup>16</sup>Akto ulikñân bâgilupnenñe yâk yeñgât agak meme nânğâm miawakbiâ hanâk dâm denân bo katyegep. <sup>17</sup>Akto hain dâm bo hepun yegep. Anutuñe nânğât keine nânğâñet dâm gala akyenğim makto tânâk gembo âi kalam yeñân unsambe miawakmâ yendo nem heronje akmâ mali.” dâyi. <sup>18</sup>Den hain dâm makyenğim, “Netgât sumbe are bo oñet.” dâm luâk âmbâle are mulunyekmâ âi humo meyi.

### Paulo kâtñe koyi.

<sup>19</sup>Akto sop ain Yuda luâk bikñande Antiokia akto Ikonioñ kepiamba togom kepia ambolupñe hanyenân gembiâ biwiyenje kâlâp akto Paulo mem kâtñe kom âmâ, “O kondenñe mondâp.” dâm kepia ginñângen mem oloñmâ gem panbiâ yiep. <sup>20</sup>Ain yendo Yesugât kâmotñe gem ândeañmâ kinbiâ agatmâ kepiân âgâep. Âgâm yem kindo emet haunjo Banaba olowâk kepia are hepunmâ Derebe kepiân ariyi. <sup>21</sup>Arim âmâ Yesugât den pat âlepñe are makyenğimbela luâk dondânje den are nânğâmbiâ bunje akto biwiyenje Yesugâlân katmâ mali. Akto dâp areâk purik katmâ arim Listera Ikonioñ akto Antiokia kepiân togoyiat. <sup>22</sup>Kepia ârândân togom biwiyenje Yesugâlânâk kaligât mem kârikñe ketugu yekmâ hin dâm makyenğiyiat, “Nen bugâ akto hâk hilâlâm kakñân manmâ Anutugât manman kârikñân ariwaengât dopñe tatâp.” dâyi. <sup>23</sup>Akto biwiyenje Yesugât kali kâmotñe kâmotñe yâk yeñgât damun katyekmâ

ainâk manmâ den kârikŋe are makmâ makyenŋim Anutu maganberâm aregât sot bâlâk manmâ Anutu ulilaŋiat. Akto damunlupyenande emelâk biwiyenê Humogâlân kaligât Humoŋe meme akyenŋim damunyenê agâkgât ulilaŋiat.

<sup>24</sup>Akto Pisidia hân are ewangim biken arim Pampilia hânân ariyat. <sup>25</sup>Arim Perege kepiân âgâm Yesugât keiŋe makyenŋim kepia are hepunmâ gem Atalia kepiân ariyat. <sup>26</sup>Arewa arimbela wanŋane meyelekmâ arim Antiokia kepiân arim ain katyeleŋep. Antiokia ain âmâ ulikŋân âi keiŋe katbela Yesugât kâmot arekŋe Humoŋe tânyetkuâkgât ulilaŋmâ huŋgunyetkimbiâ keiŋe katmâ mem ariyat ain purik katmâ âi bo aktâp dâm togoyiat. <sup>27</sup>Ain togom kâmot are mendugu yegiat. Mendugu yekmâ Anutuŋe Yuda luâk âmbâle bo areyengât biwiyenê mem owâimbo biwiyenê Yesugâlân kali aregât keiŋe makyenŋiyiat. <sup>28</sup>Akto Yesugât kâmot olop sop kâlep mali.

**Paulo akto Banaba Yerusalem kepiân ariyat.**

**15** <sup>1</sup>Luâk bikŋande Yudaia hânângenba togom Yesugât kâmot Antiokia kepiân mali yenŋâlân arim hin dâm makyenŋiyi, “Moseŋe den kârikŋe hin kulemgoep are tatâp, “Ye âmâ hâkyenê gâiwai.” Dâ den are bo lokom manbiâ âmâ aregât Anutuŋe bo meyekbiap.” dâyi. <sup>2</sup>Hain dâmbiâ Paulo akto Banaba yâkŋe den are koyenŋim mem ge katyenŋiwêrâm akbela âmâ papalakmâ den humo agi. Hain akbiâ humomolupyenande den aregât hin dâm makyetkiyi, “Paulo akto Banaba yetŋe irewa Yesugât kâmot luâk bikŋe olop arim Aposolo akto Yesugât kâmotŋe kâmotŋe Yerusalem kepiân mandâi are yenŋâlân arim damunlupyenê olop den iregât keiŋaet makyenŋiwai.” dâyi. <sup>3</sup>Hain dâm huŋgun yenŋimbiâ Paulo akto luâk bikŋe olop ariyi. Arim Poinike akto Samaria hân are ewangim arim Yesugât kâmot siâ mali are hin dâm makyenŋiyi, “Yuda bo manmaiân gâtŋe kugâkŋe biwiyenê Anutugât kali.” hain dâm makyenŋimbiâ yâkŋe nânŋâmbiâ biwiyenê heroŋe humo agep. <sup>4</sup>Akto Yerusalem kepiân arimbiâ Yesugât kâmot akto Aposolo akto yâk yenŋât humomolupyenê yâk olop egakmâ heroŋe agi. Heroŋe akbiâ Anutuŋe meme akyenŋimbo âmâ Yesugât keiŋe makyenŋiwêrâm hamep bâlâk kinmâ makyenŋimbiâ âmâ bunŋe agep, aregât den pat are makyenŋiyi. <sup>5</sup>Makyenŋimbiâ Parisaio luâk yâkŋe biwiyenê Yesugâlân kali yâk yenŋâlân gâtŋe bikŋande den siâ hin dâyi, “Moseŋe hin dâep, “Hâkyenê gâiyenŋim Anutugât pat kat yekŋet.” dâep, den are lokom kinmâ hâkyenê gâiyenŋiŋet dâm makten. Hain maktenŋe Yuda luâk bo manmai are âmâ Mosegât den are watbiâ ârândânŋ akbiâp.” dâyi.

<sup>6</sup>Hain dâmbiâ aregât Aposolo akto damunlupyenê yâkŋe yenêak ire nânŋâm heŋgemgone dâm menduguyi. <sup>7</sup>Mendugum den are makyenŋiwêrâm akmâ manbiâ den bambo guto akmâ âmâ Petoroŋe

agatmâ kinmâ hin dâm makyengiep, “Galalupne emelâk Anutuŋe mem kepilâ nenekmâ âi makmâ hârem niŋep. Akto Yuda luâk bo manmai are yengâlân arim Yesugât keiŋe makyengire nâŋgâm biwiyeŋe Yesugâlân katbai aregât âi Anutuŋe makmâ hârem niŋep are nâŋgâi. <sup>8</sup> Akto Anutuŋe luâk nen hârok biwinenŋân ekmap arekŋe ikiŋe Heakŋe huŋgun aŋdo Yuda luâk nengâlân giep. Hainâk Yuda luâk bo manmai are yengâlân giep aregât Anutuŋe gala akyengimbo ârândân aktâp. <sup>9</sup> Yuda luâk bo manmai arekŋe biwiyeŋe Yesugâlân katbiâ ârândân akto nen aknengiep dop hainâk yâk akyengim biwiyeŋe pulimbo salek salek agep. <sup>10</sup> Yeŋe are nâŋgâm Anutugât dop are ewangim kinmâ wan me wan umatŋe are hakulupnenŋande akto nenŋe hainâk lokowerâm ewum hâumgom gain gain akmâ malion. Aregât dop hainâk Yuda luâk bo arekŋe biwiyeŋe Yesugât katmâ mandâi are yengât kautyenŋân umatŋe siâ bo katberâm akten. <sup>11</sup> Nenŋe hin nâŋgâen. Yesu Humoŋe Yuda luâk bo manmai are yengâlân gâtŋe bikŋe ikiŋe hanŋaet akmâ okot nâŋgâ yengim oloŋyekto dosayeŋaet hâuŋe ârândân agep. Aregât dop akmâ nen hainâk oloŋnenekto dosanenŋaet hâuŋe ârândân akbiap. Nenŋe hain nâŋgâm biwinenŋe aregâlâk katmaen.” dâep.

<sup>12</sup> Hain dâambo nâŋgâmâk tali. Tatbiâ Paulo akto Banaba Anutuŋe meme akyetkimbo Yuda luâk bo manmai are yengâlân arim kulem keiŋe keiŋe meyiât aregât den pat makyengiyiat. Makyengimbela hâligâk nâŋgâm tali.

### **Yakoboŋe kâmolân kinmâ den makyengiep.**

<sup>13</sup> Makmâ metembela nâŋgâm tatbiâ Yakoboŋe agatmâ kinmâ den hin makyengiep, “Galalupne, makyengire nâŋgâet. <sup>14</sup> Anutuŋe ulikŋân Yuda luâk bo are damunyeŋe akberâm aregât nâŋgât kotne mem agatŋet dâm Yuda luâk bo manmai are bikŋe oloŋyekto biwiyeŋe ikiŋaelân kali, den pat are Petoroŋe dâambo nâŋgâen. <sup>15</sup> Akto ulikŋân Anutuŋe makto propete luâkŋe kulemgoyi arekŋe âmâ den pat are olop dopŋe konok aktâp are hin tatâp,

“Humoŋe keiŋânbak hin dâambo miawagep, <sup>16</sup> “Nâŋe hâmbâi purik katbianân Dawidigât kâmotŋe awam akmâ arimbiâ kepia kawum akbiap are heŋgemgowian dâre purik katmâ togom kinbiâ kepia kautŋe miawakbiap. <sup>17</sup> Akto aregât luâk kâmot bikŋe bo nâŋgâ niŋmai are mem potatyekmâ oloŋyektere nâŋgâlân togom kinbai.” Anutuŋe hain dâep. <sup>18</sup> Akto den ire uŋagâk bo miawaktâp. Keiŋânbak Anutuŋe hain dâm makmâ gambo bunŋe akto miawaktâp.” den hain tatâp.

<sup>19-21</sup> Aregât biwinande nen hin akbaengât nâŋgân. Bâgilupnenŋande keiŋe katmâ manmâ gayi amâ kepia ârândân Mosegât den kârikŋe ire akmâ manmâ gayi. Akto uŋak ire Sarere ârândân den emetŋe ârândân

âgâm den are oyaŋmâ nâŋgâm manmaen. Akto Yuda luâk bo manmai arekŋe hainâk âgâm are oyaŋmâ nâŋgâm manmai. Aregât Yuda luâk bo manmai are yeŋgâlân den kârikŋaet âi humo bo yeŋgiweren. Akto bikŋande biwiyeye Yesugâlân katmâ Anutugât den lokowerâm akbiâ kulem esenŋe bo katyeŋgim hainâk makmâ hâreyeŋgiwaen. Lâpio yeŋgât sumbe ombiâ ain gâtŋe sot bo nembî. Akto soŋgo mem hanŋe hâremai are akto soŋgo gilâmŋe hainâk bo nembî. Akto âmbâle mem hepun hepun bo akbi. Hainâk makmâ hâreyeŋgim kulem esenŋe kulemgom yeŋgiwaen.” dâep.

**Yuda luâk bo manmai arekŋe biwiyeye Yesugâlân kali  
are yeŋgât kulem esenŋe kulemgom katyeŋgiyi.**

<sup>22</sup>Hain dâmbô Aposolo akto tiksalupeŋande luâk kâmot humo menduguyekmâ, “Luâk nengâlân gâtŋe lâuwâ meyelekbaen.” dâm makyenŋimbiâ Yesugât kâmot bikŋande nâŋgâmbiâ ârândân agep. Akto luâk siâ kotŋe Yudasi kotŋe siâ Basaba akto luâk siâ aregât kotŋe Sila are meyelekmâ okot âlep nâŋgâ yetkiyi. Luâk lâuwâ arekŋe Paulo akto Banaba olop Antiokia kepien ariŋet dâm kulem esenŋe kulemgowerâm agi. <sup>23</sup>Akto kulem esenŋe siâ are hin dâm kulemgom yetkiyi, “O galalupnenŋe, Aposolo akto Yesugât kâmotlupŋe yâk yeŋgât tiksalupeŋande Antiokia, Siria akto Kilikia Yuda bo manmai yeŋe biwiyeye Yesugâlân katmâ mandâi aregât okot âlep akmâ kulem esenŋe ire kulemgom katyeŋgien. <sup>24</sup>Nenŋe bo nâŋgânenŋe aregât nengâlânba bikŋande yeŋgâlân togom den makyenŋimbiâ nâŋgâm hanyenŋe lâuwâ agep. Are âmâ luâk are yeŋe hanyenân agi. Nenŋe bo huŋgun yeŋgiyon. <sup>25</sup>Aregât âmâ nenŋe hannenŋe konok akmâ mendugum kinmâ galalogâtnenŋe Banaba akto Paulo yâk olop ariet dâm huŋgun yetkien. <sup>26</sup>Paulo akto Banaba yâkŋe Yesu Humo Anutueŋe huŋgun aŋdo giep yâkgât hoŋ bawa manmâ hâk hilâlâm kakŋân arimbela yetkumbiâ bâsok moyiat. <sup>27</sup>Akto luâk meyelekten ire yetgât kotyetŋe âmâ Yudasi akto Sila yâk olop togowerâm aregât yâkŋe kulem esenŋe ire keiŋe makmâ miawakbela nâŋgâwai. <sup>28</sup>Akto Anutugât Heakŋaet nâŋgâ nâŋgâŋe akto nengât nâŋgâ nâŋgânenŋe dop konogâk yendâp aregât umatŋe siâ me siâ aregât bo maktenŋe miawakbiap. Hin akbiâ ârândân akbiâp. <sup>29</sup>Lâpio yeŋgât sumbe ombêrâm sot wan katbiâ are bo nembî. Akto soŋgo hanŋe hâremai are akto soŋgo gilâmŋe hainâk bo nembî. Akto âmbâle mem hepun hepun bo akbi. Are bo akmâ âlepŋeâk manbiâ âmâ ârândân akbiâp. Âlepŋeâk manbi. Den pat areâk.” Hain dâm kulemgom yeŋgim Antiokia kepien hekat yeŋgiŋet dâm huŋgun yeŋgimbiâ ariyi.

**Yudasi akto Sila purik katmâ togoyiat.**

<sup>30</sup>Ainba huŋgun yeŋgimbiâ kulem esenŋe are mem ariyi. Arim Antiokia kepien arim Yesugât kâmot mendugu yekmâ kulem esenŋe are

yengiyi. <sup>31</sup>Yengimbiâ biwiyenê agalâk dâm den kulemgoyi are oyanmâ nângâm heronê agi. <sup>32</sup>Yudasi akto Sila yâkne Anutugât keiñe makmâ miawakminiat arekne biwiyenê Yesugâlânâk kilâk dâm den kârikne makyengimbela biwiyenê heronê akmâ owâimbo yâk olop sop kâlep mali. <sup>33</sup>Akto Yerusalem kepia arewa huñgun yetkim yâk yengâlân purik katmâ ariet dâm okot âlep kakñân kinmâ huñgun yetkiyi. <sup>34</sup>Huñgun yetkimbiâ arim Silañe âmâ lâuwânê bo manberân dâm Antiokia kepian talep akto Yudasi ikinjak ariep.

#### Paulonê Sila kewugumbo ariyat.

<sup>35</sup>Paulo akto Banaba yâkne Antiokia yengâlân âi hokboâk mem maliat. Manbela galalupyetne olowâk Humogât den are makmâ makyengim mali. <sup>36</sup>Manmâ hilâm siân Paulonê Banaba hin dâm magañep, “Net ulikñân arim kepiane kepiane manmâ Humogât den makyengietne biwiyenê Yesugâlân kali are gain gain mandâi, are keiyenê ekmâ manbaet.” dâep. <sup>37</sup>Hain dâmbo Banabañe “Mareko olop arine.” dâep. <sup>38</sup>Are âmâ ulikñân Mareko kotne siâ Yohane are emelâk yâk olowâk arim Pampilia hânân hepunyelekmâ purik kato yâk yetneâk Yesugât keiñe makyengim maliat. Aregât Paulonê Banabagât den are nângâmbo ârândân bo agep. <sup>39</sup>Ârândân bo akto Paulo akto Banaba hanyetne konogâk bo agep aregât papalakmâ hepun agiat. Hepun akmâ Banabañe Yohane kotne siâ Mareko mendo ariyat. Arimbela wañgañe meyelekmâ Kipiro gimbanê haru tânâmñân talep ain ariep. <sup>40</sup>Dâ Paulonê âmâ Sila mendo Yesugât kâmotlupñande Humo ulilañmâ damunyetne agâk dâm huñgun yetkimbiâ ariyat. <sup>41</sup>Arim Siria akto Kilikia hânân manmâ Yesugât kâmot luâk âmbâle mali are yengât biwiyenê mem kârikne ketugum han biwiyenê Yesugâlân katñet dâm makyengim maliat.

#### Paulonê Timoteo kewugumbo olowâk ariyat.

**16** <sup>1</sup>Paulo akto Sila yâkne Derebe akto Listera kepian ariyat. Arim Listera kepian luâk siâ biwiñe Yesugât katmâ malep, are mem miawagiat luâk aregât kotne Timoteo. Yâkgât memene âmâ Yuda yengâlân gâtne akto yâkâ hainâk biwiñe Yesugâlân katmâ malep. Dâ eweñe âmâ Girik luâk. <sup>2</sup>Listera akto Ikonioñ kepia ambolupne bikne biwiyenê Yesugâlân kali arekne Timoteogât keiñe Paulo magañmâ heronê maronê agi. <sup>3</sup>Paulo magañbiâ luâk are kewugumbo olop ariwerâm okot âlep agep. Akto Yuda luâk hân ain manmâ ariyi arekne Timoteogât eweñe Girik luâk are nângâm meteyi. Aregât Paulonê Timoteogât hâkne bo gâiyi aregât nângâm Yuda luâk biwiyenê bâliwopdâm Timoteogât hâkne gâiep. <sup>4</sup>Akto kepia ârândân manmâ Aposolo akto Yesugât kâmot Yerusalem kepian mali areyengât tiksalupyeñande den kârikne magi are lokoñet dâm Yesugât kâmot are makyengim ariyi. <sup>5</sup>Hain akbiâ Yesugât kâmotne

biwiyenye Yesugâlânâk kindo Anutugât den nângâmâk mali. Hain akbiâ hilâmne hilâmne Yuda luâk bo manmai are yengâlân gâtne bikne âkâ hainâk biwiyenye Yesugât katmâ yâk yengâlân dewatimbiâ sambeleyi.

**Paulo biwiñe owâiñe akto Makedonia luâk siâñe miawakto egep.**

<sup>6</sup> Akto Asia hânân Yesugât keiñe makyenjim ariwerâm akbiâ Anutugât Heakñande dâp tigiyeñgimbo Prigia akto Galatia hânân bam ariyi. <sup>7</sup> Arim Misia hân ginñânâk hâlâñmâ ariyi. Arewa Bitinia hânân ariwerâm akbiâ Yesugât Heakñande hanyenye mem pâlâmne ketugumbo hân aregen bo ariyi. <sup>8</sup> Hanyenye mem pâlâmne ketugumbo Misia hân are hepunmâ haru ginñân kepia siâ talep are kotne Troa ain ariyi. <sup>9</sup> Aregen arim manbiâ nâ Luka nâñe penâyeñgire emet dâgâmbo hândâkñân Paulo biwiñe owâimbo hin miawagañdo egep. Amâ Makedonia luâk siâñe togo kinmâ ulilañmâ hin dâep, “Gâ Makedonia hânângen togo nen tân nenguwen.” dâep. <sup>10</sup> Hain dâm makmâ metem arimbo emet haunjo Paulo luâk arekne miawagañep aregât hin dâyon, “Makedonia hânân arim Yesugât den pat âlepne are makyenjiwaen aregât Anutuñe maknengiâp.” dâyon. Hain dâm magañgim kinmâ Makedonia hânân haru hâtikom ariwerâm dâpgât hâumgom kilion.

<sup>11</sup> Kindenye wañga siâñe togom menenekmâ Troa kepia hepunmâ haru tânâmne târârâk arim Samotrake kepia haru tânâmñân talep ain kat nenekto talion. Tatmâ yem kindenye haunjo arewa menenekmâ arim Neapoli kepiân kat nenegep. <sup>12</sup> Kat nenekto arewa âgâm Pilipi kepiân ariyion. Akto kepia are âmâ Roma luâkne ulikñân hân amboñe akmâ tali. Kepia are âmâ Makedonia hân aregât kepia kautne. Ain tatmâ mandenye hilâm amon siâ bo agep. <sup>13</sup> Akto Sarereân kepia are ginñân tu siâ talep ain gewerâm hin dâyon, “Yuda luâkne Humonenye ulilañmâ manmai yâk ain togomai me bo? Gem ekne.” hain dâm gem âmbâle bikne siânba mendugum tatbiâ are mem miawakye kmâ gem enemyenân tatmâ makyenjiyion. <sup>14</sup> Makyenjiñne âmâ Tiatira kepiân gâtne âmbâle siâ Anutu humo nângañmâ manminep, kotne Lidia arekne âmâ sângum parutmâ mâñot gilâm pulim âi are mem puli meminep. Akto Humoñe âmbâle aregât biwiñe mem agato ondopne katmâ Pauloñe den magep are nângâm ukenye akmâ den are mem biwiñân katmâ heñgemgoep. <sup>15</sup> Akto âmbâle aregât lâulupne hârokne biwiyenye Yesugâlân katbiâ tu puli yengiyion. Tu puli yengienye âmbâle arekne hin magep, “Nâ mem Humogât pat kat nekbiâ nângañdân aregât nângâmbiâ ârândân akto âmâ nângât emelan âgâmbiâ nâ olop tatberen.” dâep. Hain dâmbo yâkgât emelan âgâyon.

**Paulo akto Sila mem kala busi kâlegen kat yelegi.**

<sup>16</sup> Hilâm siân gem welam siâ Anutu ulilañmini ain gem mandenye hoñ bawa âmbâle kâmbokne siâñe mem miawaknenegep. Akto sinduk



baniara bâlenjande kautjân mendo luâk yengâlân arim hâmbâi wan me wan miawakbiap aregât makyengiminep. Hain akto aregât puli wanbiâ are mem arim damunlupnje yengim malep. <sup>17</sup>Akto âmbâle kâmboknje areknje Paulo ekmâ hami nenjânâk gam hin dâm kambonep, “Luâk ireknje Anutu Humogât hoj bawa aganjmâ manmai aregât Anutunje hejgem nenguwiapgât dâp maknengiwerâm togoâi.” dâep. <sup>18</sup>Hain dâm hilâmnje hilâmnje kambonjmâ haminenjân gam mando aregât Paulonje hâkânj akmâ purik katmâ sinduk baniara are hin dâm maganep, “Nâne Yesu Humo Anutunje hunjun anjo giep aregât den makgingdere nângâ. Âmbâle are hepunmâ eke.” dâep. Hain dâmbo ainâk hepunmâ ariep.

<sup>19</sup>Hepunmâ arimbo âmbâle aregât damunlupjande hin dâyi, “Sinduk baniara bâlenjande hepunâp aregât gain gain hâmbâigât pat makmâ miawak yengiwip? Hain bo akbiap are âmâ nengât puli bo akbiap.” dâm nângâm bâliyi. Hain nângâm Paulo akto Sila meyelekmâ kepia sombeim humoân arim <sup>20</sup>Roma luâk yengât kiap taliân meyelekmâ âgâm hâkyetne tunmâ hin dâm makyengiyi, “Yuda luâk lâuwâ ireknje kepianenjân togom bo agaknje are akjet dâm maknengimbela den are nângâm biwinenje bâlimbo kepianenje kuknje agatâp. <sup>21</sup>Akto agak meme iraknje siâ Roma luâk nenje bo akmaen are akjet dâm maknengim mandat.” dâyi. <sup>22</sup>Hain dâmbiâ luâk humo kili areknje kuk akmâ nângâ yetkimbiâ kiplupyejande sângum yetnje olojmâ hoj bawalupyeje makyengimbiâ bugâje oreyelekmâ mem kala busi emet kâlegen kat yelekbiâ tatbela aregât damunje hin dâm maganji, <sup>23</sup>“Luâk lâuwâ ire ariwandatgât kei bâtyetne mem kâriknje ketugum hiko yelemâ damun kinben.” dâyi. <sup>24</sup>Hain dâm maganjiâ emet kâriknje aregât bâinjângen kat yelemâ lâwin siâ hionjmâ keiyetne kapijmâ hiko yelekto taliat.

<sup>25</sup>Akto hândâk tânâmjân Paulo akto Silaje Anutu mepaije kep kenju akmâ tatbela luâk biknje kala busi kâlegen kat yekbiâ tali areknje nângâyi. <sup>26</sup>Akto kep kenju are mem tatbela ainâk wâriņ humo mendo emet are duwuj akto emet aregât hânji hârok lewulagep. Lewulakmâ kindo luâk hârok kala busi kâlegen tali are yengât tâk kâriknje kotje sein are hulaņ akmâ kiņ pârândânj âgâm metiep. <sup>27</sup>Akto emet aregât damun kilep areknje asijânba agatmâ ekto hânji are hârok lewulakmâ kindo ekmâ hin dâep, “Wei, luâk bâlene iren kat yektenje tatâi ina hârok arim meteâi.” dâep. Hain dâm aregât hamep akmâ tinjijânba tâwât siâ mem olojmâ ikiņe hanje hâreakberâm agep. <sup>28</sup>Hain akto Paulonje hin dâm konmâ maganep, “Nen hârogâk yu kinden aregât hange bo hâreak.” dâep. <sup>29</sup>Hain dâmbo tembe loko areknje galalupnje makyengimbo kemdâ wanbiâ kala busi kâlegen mem âgâm ongâje hogombo Paulo akto Sila yelemâ hânân kângom hin dâm makyetkiep, <sup>30</sup>“Agatbela arine.” dâmbo agatbela kewugu yelemâ den hin makyetkiep, “Luâk lâuwâ nâ gain gain aktere Anutunje bo hilip nugumbo yâkgât pat akbian?” dâm

makyatkiep. <sup>31</sup>Hain dâmbô hin dâm maganjiat, “Biwige Yesu Humogâlân katmenâ Anutuŋe guge akto ginbailupge meyekbiap.” dâyiati. <sup>32</sup>Hain dâm Humogât dengât keiŋe yâk akto ginbailupŋe makyenŋimbela <sup>33</sup>ainâk damun arekŋe meyelekmâ arim bugâ gewâkŋe diwi are puliyetkiep. Akto ikiŋe akto ginbailupŋe hârogâk tu puli yenŋiyiati. Hain akbela Paulo akto Sila kewugu yelemâ ariep. <sup>34</sup>Arim ikiŋe emelan sot om yetkimbo neyiat. Ikiŋe akto ginbailupŋe hârok biwiyenŋe Yesugâlân katmâ Anutugât pat agigât biwiyenŋe âlepŋe agep.

<sup>35</sup>Yem kinbiâ hauŋdo Roma luâk yenŋât kiaplupyenŋande tembe loko hin dâm makyenŋim huŋgun yenŋiyi, “Ye arim luâk lâuwâ are tâk hulanmâ huŋgun yetkimbiâ ariet.” dâm tembe loko huŋgun yenŋiyi. <sup>36</sup>Akto damunŋe den nânŋâm Paulo hin maganŋep, “Kiaplupnenŋande den katbiâ togoâp. Aregât huŋgun yetkienŋe biwiyetŋe sândugembo ariet.” dâep. <sup>37</sup>Hain dâmbô Pauloŋe tembe loko are yekmâ hin dâm makyenŋiep, “Net âmâ Roma luâk mandetgât yeŋe gain gaingât net denân kat nelekmâ bugâŋe orenelekmâ mem kala busi kâlegen kat nelegi? Dâ uŋak âmâ yoŋak huŋgun netkiwerâm akbiâ bo ârândâŋ aktâp. Gârâmâ ye arim kiaplupyenŋe makyenŋimbiâ yâk yeŋeak togom huŋgun netkimbiâ ariweret.” dâep. <sup>38</sup>Pauloŋe den hain dâmbô tembe lokoŋe purik katmâ kiapyenŋâlân arim Pauloŋe den makyenŋiep are makyenŋim Paulo akto Sila yâk Roma luâk mandat dâm makyenŋimbiâ nânŋâm sân sân meyi. <sup>39</sup>Sân sân mem ongâyenŋe hogombo arim den yeukŋe makyatkim kala busi kâlegenba kewugu yelemâ kepia ginŋângen ge kinmâ huŋgun yetkimbiâ gem ariyiat. <sup>40</sup>Akto kepia are hepunmâ gem Tiatira kepiari arim Lidiagât emelan âgâm Yesugât kâmot ain tatbiâ yekmâ biwiyenŋe Yesugâlânâk kilâkgât den makyenŋim gem ariyiat.

### Paulo akto Sila Tesalonike kepiari ariyiat.

**17** <sup>1</sup>Paulo akto Sila kepia are hepunmâ Ampipoli akto Apolonia kepia ewangim Tesalonike kepiari ariyiat. Ain âmâ Yuda yenŋât den emetŋe siâ tatâp. <sup>2</sup>Ain arim Pauloŋe Yuda luâk yenŋât den emetŋe kepiari kepiari talep ain âgâm den makyenŋiminep aregât akmâ den emetŋân âgâm âmâ Anutugât den kulem esenŋe âlepŋe aregât keiŋe makyenŋimbo sonda âlâwu bo agep. <sup>3</sup>Yesugât keiŋe maganŋi goanŋi akbiâ aregât Pauloŋe hin dâm makyenŋiep, “Beirâ Anutuŋe huŋgun aŋdo gem hâk hilâlâm nânŋâm momoŋânba agatbiap aregât ulikŋân propete luâk mali are makyenŋimbo kulemgoyi. Kulemgombiâ talep are Yesuŋe watmâ hâk hilâlâm nânŋâep. Anutuŋe Yesu hin dâm huŋgunanŋep, “Gâ arim luâk âmbâle damunyenŋe akmâ tânyenŋuwen.” hain dâep are Yesugât.” dâep. <sup>4</sup>Pauloŋe hain dâm makyenŋimbo luâk âmbâle bikŋande den are nânŋâm tatmâ biwiyenŋe Yesugât katmâ Paulo akto Sila yâk yetgâlân dewatiyi. Akto Girik luâk Anutu ulilanmâ mali are dondâŋe

hainâk biwiyenye Yesugâlân katmâ yâk yengâlân dewatiyi. Akto luâk âmbâle kotdâ hainâk agi. <sup>5</sup>Hain akbiâ benje Yuda luâk bikñande are nângâm biwiyenye bâlimbo dâwân arim luâk konam mem mendugu yekmâ kukgât hanyenân gembîâ kuk akmâ kepia are hanâk hanâk akbiâ kepia ambolupñe âkâ hainâk kuk akbiâ kepia are kuk agalep. Kepia are kuk agato Yuda luâk akto kepia ambolupñe bikñande Yasongât emelan Paulo akto Sila talialân ain mendugum tali. Mendugum tatmâ, “Paulo akto Sila meyelekmâ hutnenñân kat yelectenñe kilet.” dâyi. <sup>6</sup>Hain dâm undâgât yetkimbiâ bo akto aregât kuk dâm Yason akto Yesugât kâmolân gâtñe bikñe meyekmâ humomolupyenye yengâlân arim denân katyekmâ hin dâyi, “Luâk lâuwâ siâ kotyetñe Paulo akto Sila yâkñe hânñe hânñe manmâ luâk âmbâle den makyenñimbela han lâuwâ akmâ gulip manbiâ ârândân bo aktâp. Akto uñak nengâlân togombela Yasonñe gala akyetkimbo olowâk mandâi. <sup>7</sup>Akto humonenñe Sisa aregât den kom luâk humo irakñe kotñe Yesu yâkgât den makbela nângâm luâk ire meyekmâ togoen.” dâyi. <sup>8</sup>Hain dâmbiâ kepia ambolupñe akto humomolupyenye arekñe nângâm sân sân mem den humo akmâ maganñi goanñi agi. <sup>9</sup>Hain akbiâ humomolupyenñande Yason akto galalupñe hin makyenñiyi, “Puli katñet. Puli katmâ uñak aktâi ire lâuwânñe hainâk bo akbiâ âmâ puli ire purik katmâ yenñiwaen. Dâ hainâk akbiâ âmâ puli ire bo yenñiwaen.” dâyi. Hain dâmbiâ puli katmâ ariyi.

**Paulo akto Silañe Berea kepia ambolupñe Yesugât keñe makyenñiyiat.**

<sup>10</sup>Akto hândâk ainâk Yesugât kâmotñe Paulo akto Sila yonâk huñgun yetkimbiâ Berea kepiân ariyiat. Ain arim Yuda luâk yengât den emetñân âgâm Yesugât keñe makyenñiyiat. <sup>11</sup>Akto kepia ain luâk âmbâle bikñande emelâk biwiyenye owâñe akto mali arekñe Tesalonike kepia ambolupñe ewangiyegi. Hain aregât Paulo akto Silañe kinmâ Yesugât keñe makyenñimbela ondopyenye dowâk katmâ den are nângâm hengemgoyi. Hain akmâ hilâmñe hilâmñe aregât maganñi goanñi akmâ Anutugât den kârikñe ulikñân kulemgoyi are oyanmâ nângâyi, “Luâk Paulo yu kindâp irekñe bunñe me hianñim maktâp.” dâm Anutugât kulem oyanmâ nângâm hengemgom mali. <sup>12</sup>Aregât yâk yengâlân gâtñe dondânñe Yesugâlân biwiyenye kali. Akto Girik âmbâle humomolupyenye bikñande hainâk agi. Akto Girik luâk bikñande hainâk agi. <sup>13</sup>Gârâmâ benje Pauloñe Berea kepiân arim Anutugât den makyenñim malep aregât den pat arimbo Yuda luâk bikñande Tesalonike kepiân mali arekñe nângâmbiâ bâliep. Nângâmbiâ bâlimbo Berea kepiân togom kinmâ kepia ambolupñe hanyenân gembîâ kepia areâkâ hainâk kuk agi. <sup>14</sup>Hain akbiâ Yesugât kâmotñe Paulo huñgun anñbiâ dowâk hepunyekmâ haru dâtñân ariep. Dâ Sila akto Timoteo yâkñe âmâ kepia ainâk maliat. <sup>15</sup>Akto Yesugât kâmotñe Paulo dâwân katberâm arim Ateñ kepiân katmâ

purik katberâm akbiâ hin dâm makyengiep, “Ye purik katmâ arim âmâ Sila akto Timoteo makyetkimbiâ dowâk Berea kepia hepunmâ togom penâniñbiandat.” dâep. Hain dâm makyengimbo hepunmâ purik katmâ ariyi.

<sup>16</sup> Akto Paulo Ateñ kepian manmâ Sila akto Timoteo yâk yetgât lâmyetkum tatmâ hambo kotdâ keiñe keiñe hâwim katbiâ talep are ekmâ biwiñe kâlâp agep. <sup>17</sup> Haingât yâk yengât den emetñân âgâm Yuda luâk bikñe akto Girik luâk bikñe Anutugât keiñe nâñgâwerâm mali yâk olop tatmâ Yesugât keiñe maganñi goanñi agi. Akto hilâmñe hilâmñe kepia sombeimân arim kinmâ luâk âmbâle gam ariyi are hainâk makyengiep. <sup>18</sup> Akto kepia ain luâk nâñgâ nâñgâyeñe siâ siâ mali kotyeñe Epikue luâk akto siâ Stoike luâk arekñe Paulone Yesu momoñânba agalep aregât den pat magep aregât kakñân maganñi goanñi agi. Akto bikñande hin dâyi, “Luâk ire nâñgâ nâñgâne guliñe akto den kotñe hanâk hanâk are gain gain dâwerâm aktâp.” dâyi. Dâ bikñande âmâ hin dâyi, “Luâk arekñe kepia bikñe bikñe yengât lâpio aregât den maktâp.” dâyi. <sup>19</sup> Hain dâm sombeim humo siâ kotñe Areo ain oloñmâ âgâm hin dâyi, “Gâne den irakñe maktât are gain gaingât maktât? <sup>20</sup> Den are uñguñân siâ bo nâñgâyion aregât keiñe maknengimenâ nâñgâne.” dâyi. <sup>21</sup> Amâ Ateñ kepia ambolupñe akto luâk bikñande kâlêwângenba togom mali yâkñe den irakñe miawagep dâm aregât maganñi goanñi akmâ nâñgâmbiâ humo akminep aregât akmâ Paulo oloñmâ hain aikoyi.

### **Paulone Areo sombeimân kinmâ Anutugât keiñe makyengiep.**

<sup>22</sup> Hain dâmbiâ Paulone Areo sombeimân dewunyeñân agatmâ kinmâ hin dâm makyengiep, “Ateñ kepia ambolupñe yengât keiyeñe hin nâñgân. Ye lâpio keiñe keiñe yengât hoñ bawa akmai. <sup>23</sup> Nâ kepia yeñân togom kepia ândeanmâ arim togom âmâ yengât lâpiolupyeñe sambe are yekmâ âmâ lâpio siâgât welamñe ekmâ âmâ den kulemgombiâ tatâp are oyañdân, “Humo yeñe siâgât nen bo nâñgâmaen yâkgât welamñe ire.” oyañdân aregât ye nâñgâm hilipkom yâkgât hoñ bawa manberâm akmai aregât keiñe makyengire nâñgâñet. <sup>24</sup> Kotñe âmâ Anutu. Anutuñe âmâ hân himbim haru are mem miawakmâ aregât kâlegen wan me wan keiñe keiñe katmâ metiep. Yâkñe âmâ hân himbim akto haru amboñe aktâp aregât den emetñe ketugumai ain bo manmap. Bo. <sup>25</sup> Akto wan me wan hârok manmanyene me heakyeñe yengimap aregât luâk siâñe âi ketugu añgimappât dop bo talañdâp. Amâ yâkñe âmâ siâ me siâgât umburuk bo manmap. <sup>26</sup> Akto keiñe katmâ ulikñân yâkñe luâk konok siâ are ketugumbo yâkgâlânba luâk keiñe keiñe miawakmâ Anutugât den lokom sambelem potalakmâ ariyion. Akto arim tatberâm aktenñe sop aregât dop katmâ aregât hân horatñe makmâ nengiep. <sup>27</sup> Akto biwinenñe kepik akto âmâ Anutuñe, “Nâñgâlân togom nâñgâ niññet.” dâm aregât

pat kat nenegep. Akto kâlewân bo mandâp. Hut nenjân ârândân akmâ mandâp. <sup>28</sup>Aregât luâk siâne hin dâep, “Anutuŋe katip nengumbo manmaen.” Akto yengâlân gâtŋe kep amboŋe siâne hin dâep, “Nen âmâ yâkgâlân gâtŋe.” <sup>29</sup>Anutuŋe keiŋe katmâ luâk ketugumbo ain gâtŋande nen hârok sambelem manden aregât hin dâmaengât dopŋe bo aktâp. Anutugât keiŋe âmâ hin. Biwinenŋânâk nânŋâm lâpio me kotŋe siâ siâ mem miawakmâ kât, goli me siliwa arekŋe mem ketuguen aregât dop. Hain bo nânŋâwaen. Nenŋe Anutugât nânŋâenŋe aregât dopŋe bo agep. <sup>30</sup>Anutugât keiŋe pâpkom mandenŋe âmâ Anutuŋe nenekmâ bo hilip nenguep. Are âkâ sop bo aktâp. Uŋak iregât âmâ luâk âmbâle hânŋe hânŋe manmâ arimaen yengât hanyenŋe purik kato yâkgâlân arinŋet dâm den dâpŋe menengiâp. <sup>31</sup>Akto sop makmâ kalep are bo akto ain luâk kâmotŋe kâmotŋe denân katnenekto keinenŋe miawakbiap aregât sopŋe kalep. Akto keinenŋe mem miawakmâ aregât purikŋe ârândânâk nengiwip. Akto luâk siâ dosa âi meâkgât makmâ huŋgun aŋbiap. Akto luâk hârok nenŋe keiŋe nânŋâm hengemgoŋet dâm huŋgun aŋep are momoŋânba mem agato mandâp.” dâep.

<sup>32</sup>Pauloŋe hain dâambo luâk bikŋande momoŋânba agatbaen are hianŋiâp dâm den hembaliik agaŋi. Dâ bikŋande âmâ hin dâm magaŋi, “Den maktât ire sop siân siâkâ maknengimenâ nânŋâwaen.” dâyi. <sup>33</sup>Hain dâmbiâ Pauloŋe hepun yekmâ ariep. <sup>34</sup>Akto luâk bikŋande biwiyeŋe Yesugâlân katmâ Paulogâlân dewatim Yesugât kâmot agi. Are yengâlân gâtŋe siâ kotŋe Dionisio yâk âmâ Areo sombeimân mendugum den keiŋe keiŋe magaŋi goaŋgi agi, are yengâlân gâtŋe. Akto âmbâle siâ kotŋe Damari yâkâ hainâk Yesugât kâmot agep.

### Paulo Korinti kepien miti âi miep.

**18** <sup>1</sup>Akto Paulo Ateŋ kepia hepunmâ Korinti kepien ariep. <sup>2</sup>Ain Yuda luâk siâ peniaŋep kotŋe Akuila yâk âmâ Ponto hânân miawagep. Akto âmbenŋe Pirisila yâk olop Italia hânân manbela luâk humo Klaudioŋe Yuda luâk Roma kepien manmini are watyegep. Watyekto ain Akuila âmbenŋâi Roma kepia are hepunmâ Korinti kepien ariyat. Ain manbela ain Pauloŋe penâyetkiep. <sup>3</sup>Akto Paulo mâron emetŋe mânŋiminep. Akto Akuila akto Pirisila âi areâk meminiatgât emetŋân tatmâ manmâ tânyetkuep. <sup>4</sup>Manmâ Pauloŋe Sarere ârândânŋe Yuda yengât den emetŋân âgâm Yesugât keiŋe Yuda luâk akto Girik luâk makyengim biwiyeŋe Yesugâlân katŋetgât makyengim malep.

<sup>5</sup>Mando Sila akto Timoteo yâk Makedonia hânângenba togombela Pauloŋe sâŋgum parutmâ uligi ketugum malep âi are hepunmâ Anutuŋe Yesugât damunyeŋe akben dâm huŋgun aŋdo giep aregât keiŋe nânŋâŋet dâm hilâm ârândânŋe Yuda luâk makyengim malep. <sup>6</sup>Makyengimbo yâkŋe den are hâkâŋ akmâ agak meme bâleŋaet den magaŋgimbiâ yekmâ

aregât sângumne kâlep are hulaŋmâ mem paŋ paŋgombo gagap giep. Akto ya agep aregât keiŋe hin dâm makyenŋiep, “Yeŋe hilip aguwai âmâ nâŋgât dosa bo. Dosa âmâ yeŋaelân aregât arim Yuda luâk bo manmai are yeŋgâlân arim Yesugât keiŋe makyenŋiwian.” dâep. <sup>7</sup>Hain dâm hepun yekmâ kepia amboŋe siâ kotŋe Titio kotŋe siâ Yusto are Girik luâk yâkŋe âmâ Anutugât den are lokoep yâkgât emet Yuda yeŋgât den emetŋe siâ are hâlâŋmâ talep. Ain Pauloŋe âgâambo olop taliat. <sup>8</sup>Akto Pauloŋe Yesugât keiŋe makyenŋiep. Makyenŋimbo den emetŋe aregât damun siâ kotŋe Kirisipe yâk akto ginbailupŋe biwiyeŋe Yesugâlân katmâ mali. Akto yâk yeŋeâk bo. Korinti luâk âmâbâle akto kepia ambolupŋe dondâŋe Yesugât den are nâŋgâm yâkâ hainâk biwiyeŋe Yesugât katbiâ tu puli yeŋgiyi. <sup>9</sup>Akto Paulo manmâ hândâk siân biwiŋe purik kato giwelân Humoŋe hin dâm magaŋep, <sup>10</sup>“Nâŋe tân gugure mandât gârâmâ nâŋgât keiŋe makberâm hamep bo akben. Akto kepia iregât luâkŋe dondâŋe nâŋgâlân biwiyeŋe katbai aregât akmâ luâk siâ me siâŋe bâleŋe bo akŋinbai.” dâep. <sup>11</sup>Hain dâm magaŋdo Pauloŋe kepia ainâk manmâ Anutugât keiŋe makyenŋim mando hombaŋ konok dewutâ nâmbulân konok bo agep.

#### **Paulo kewugum den emetŋân ariyi.**

<sup>12</sup>Sop are bo akto Roma luâk siâ kotŋe Galio are Akaia yeŋgât humoyeŋe malep. Mando ainâk Yuda luâkŋe Paulo ekmâ gasa agaŋi. Gasa agaŋmâ kiapgâlân mem arim den âiân kali. <sup>13</sup>Kiapgât metenân mem âgâm hin dâyi, “Luâk irekŋe nengât den kârikŋe tatmap are hâkâŋ akmâ konengim biwiyeŋe siâgâlân katŋetdâm maknengimap.” dâm hiaŋgiyi. <sup>14</sup>Hain dâm hiaŋgimbiâ Pauloŋe den kakŋân makberâm akto Galioŋe Yuda luâk hin dâm makyenŋiep, “O Yuda luâk. Luâk ire dosaŋe olop mandâp me wan umatŋe bâleŋe siâ aktâp dâine âi humo mem yeŋgât denyeŋe nâŋgâwom. <sup>15</sup>Gârâmâ ire yeŋgât wan me wan luâk kotŋe me yeŋgât denyeŋe me den kârikŋe hain aregât makmâ tatâi aregât âmâ yeŋeak makmâ hârewi. Den ire âmâ nâŋgât pat bo.” dâep. <sup>16</sup>Hain dâm watyekto geyi. <sup>17</sup>Gem âmâ den emetŋaet damun siâ kotŋe Sostene yâk mem miawakmâ lokom kiapgât metenân âgâm âmâ kom bâleŋe siâ siâ agaŋi. Hain agaŋbiâ kiapŋe yekmâ uken yeŋaet dâm hansumbu agep.

#### **Pauloŋe Yerusalem kepiân purik katmâ ariep.**

<sup>18</sup>Paulo Yesugât kâmot Korinti kepiân mali are olop manbiâ sop kâlep agep. Akto sop ain âmâ Keŋkerei kepiân âgâm âmâ hâmbâi wan me wan siâ akbian dâm aregât dop makyenŋiep sop are bo akto âmâ dumutŋe hâreaŋi. Hâreaŋbiâ purik katmâ Korinti kepiân arim Yesugât kâmot are hepun yekmâ Siria hânâŋgen ariwerâm akto Pirisila akto Akuila yâk olop waŋŋan âgâyi. <sup>19</sup>Âgâmbiâ meyekmâ arim Epeso kepiân katyekto yâk ain

luâk âmbâi lâuwâ are hepun yelegep. Hapun yelemâ ikinje âmâ Yuda yengât den emetjân âgâmbô Yesugât keinjaet maganji goanji agi. <sup>20</sup>Akto Yuda luâk bikje Paulo olowâk manne dâm mem gangerâwerâm akbiâ Paulone den koyengim hin dâm makyengiep, <sup>21</sup>“Anutuje nângâ ninjo yengâlân lâuwâne purik katbian.” dâep. Hain dâm hepunyekmâ ariep. Arim wanjan âgâmbô mem togo Kaisarea kepijan kalep.

<sup>22</sup>Kato âmâ Yesugât kâmotlupje Yerusalem kepijan mali yâk yengâlân arim getek manmâ hepun yekmâ arewa Antiokia kepijan purik katmâ arim ain malep. <sup>23</sup>Manmâ Antiokia kepijan are hepunmâ arim Yesugât kâmotlupje bikje Galatia akto Prigia hân tânâmjân mali are yengâlân arim biwiyenje Yesugâlânâk arim kilâkgât den makyengim malep.

### **Apolone Epeso akto Korinti kepijan manmâ Yesugât keije makyengim malep.**

<sup>24</sup>Akto Epeso kepijan Yuda luâk siâ malep kotje Apolo are Alesandria kepijan gâtje. Akto yâk nângâ nângâne humo aregât yâkne Anutugât den kulemgoyi are oyanmâ nângâm metiepgât yâkgât denjaet ukenne akmini. <sup>25</sup>Akto luâk bikje Humogât keije bâlensiâ nângâyi arekne maganbiâ are nângâm metiep. Akto ulikjân Yohaneje luâk âmbâle tu puli yengiep aregât keije nângâm biwije owâine akto Yesugât keije bâlensiâ nângâm hengemgoep aregât luâk âmbâle makyengim malep. <sup>26</sup>Hain agepgât Yuda yengât den emetjân âgâm Yesugât keije makmâ hilip milip makyengimbo Pisisila akto Akuilane den are nângâm gala aganjmâ kewugum emetyetjân âgâm Anutugât den are maganjmâ hengemgombela nângâep. <sup>27</sup>Akto aregât haminjân Apolo Akaia hânângen ariwerâm akto âmâ Yesugât kâmot Epeso kepijan gâtjande tângowerâm kulem esenje siâ kulemgom wanji. Aregât keije hin, “Luâk ire yengâlân togowerâm aktâp are gala âlepne aganjbi.” Kulem esenje hain dâm kulemgom wanjiâ meakmâ ariep. <sup>28</sup>Mem Korinti kepijan arim emelâk Anutugât den kulemgoyi are sombeimân oyanmâ Anutuje Yesu maganjmâ damunyeje akben dâm hunjun ando giep aregât keije dâm kepikmâ makyengimbo nângâmbiâ bunje akto Yuda yengât den are nângâmbiâ giep. Hain akbiâ Anutuje gala akyengimbo biwiyenje Yesugâlân katmâ mali are Apolone yâkne tânyenguep. Tânyengumbo biwiyenje Yesugâlânâk kârikne katmâ manmâ herone agi.

### **Paulone Epeso kepijan ariep.**

**19** <sup>1</sup>Apolo Korinti kepijan mando sop ain Paulone Epeso kepijan arim âmâ Yesugât kâmot siâ mem miawakyekmâ hin dâm makyengiep, <sup>2</sup>“Ye ulikjân biwiyenje Yesugâlân katbiâ Anutugât Heakjande kautyenjân meyegep me bo?” dâep. Hain dâmbô yâkne hin dâm maganji, “Nen Anutugât Heak aregât keije bo nângâmaen.” dâyi. <sup>3</sup>Hain dâmbiâ hin



makyengiep, “Ye tu puli yengiyi aregât keiŋe makniŋbiâ nâŋgâwe.” dâep. Hain dâmbô yâkŋe hin maganji, “Nen Yohaneŋe tu puli nengiep keiŋe areâk.” dâyi. <sup>4</sup>Dâmbiâ hin dâep, “Biwiyeŋe purik kato bâleŋeŋe makmâ miawakŋetgât Yohaneŋe makyengiep. Makyengim den siâ dewatim hin dâm makyengiep, “Haminâŋen luâk siâ togom mandâp, aregât nâŋgâm yâkgâlân han biwi katŋet.” Yohaneŋe hain dâm Yesugât keiŋe makyengiep.” <sup>5</sup>Paulo hain dâmbô nâŋgâmbiâ Yesu Humo yâkgât kotŋe konmâ tu puli yengiep. <sup>6</sup>Puli yengimbo Pauloŋe bâteŋe kautyeŋân kato Anutugât Heakŋande gem kautyeŋân mendo elewetyeŋe purik âgâmbô den siâ siâ agi. Hain akmâ arim Anutugât den are makyengim mali. <sup>7</sup>Luâk keiân lâuwâ me hain arekŋe hain agi.

<sup>8</sup>Akto Pauloŋe Yuda yengât den emetjân hilâmŋe hilâmŋe âgâm gem hamep bâlâk manmâ, “Anutuŋe damunyeŋe akberâm agep aregât keiŋe makyengire nâŋgâmbiâ bunŋe agâk.” dâm makyengim hanyenân giep. Hain akmâ mando dewutâ âlâwu bo agep. <sup>9</sup>Akto luâk bikŋande biwi kârik akmâ Yesugât den are nâŋgâmbiâ bâlimbo kâmot humo yâk yengâlân arim Yesugât pat sârek kom makyengim agi. Hain akbiâ aregât Pauloŋe hepun yekmâ ariep. Hepun yekmâ ariwerâm luâk âmbâle bikŋe Yesugât biwiyeŋe kali are mem menduguyekmâ hilâmŋe hilâmŋe luâk siâ kotŋe Tirano yâkŋe luâk âmbâle mendugu yekmâ den kepikmâ makyengiep, aregât emelan kewugu yekmâ âgâm Yesugât keiŋe totokom makyengiep. <sup>10</sup>Hain makyengimbo manbiâ hombaŋ lâuwâ bo agep. Akto sop ain Yuda luâk âmbâle ain mali are akto kepia ambolupŋe Asia hânân mali yâk hârokŋe Humogât den are nâŋgâm mali.

### **Yuda yengât luâk kâmbokŋe.**

<sup>11</sup>Akto Anutuŋe Paulo meme agaŋdo kulem keiŋe keiŋe ketuguep. <sup>12</sup>Hain akto aregât luâk âmbâle arekŋe Paulogât âi sâŋgum me puliak puliak sâŋgum are mem manmâ kundat agi yâk yengâlân arim mem howaiyekbiâ âlepŋe agi. Akto sinduk baniara bâleŋande kautyeŋân meyegi are hepun yekmâ ariyi. <sup>13</sup>Akto Yuda luâk liunak gonak bikŋe hân are ândeajmâ mali yâkŋe âgâ âgâŋe akmâ Kembu Yesugât kotŋe liunak gonak yeŋe agakgât nâŋgâm luâk sinduk baniara siâ hin makyengiyi, “Yesugât kot patŋe Pauloŋe makmap yâkgât laugât ariwen.” <sup>14</sup>Akto sumbe kat kat humo siâ kotŋe Sikeua yâkgât nanlupŋe 7 yâkŋe hain agi. <sup>15</sup>Hain akmâ sop siân sinduk baniara bâleŋe siâ watberâm âmâ Yesu kotŋe konbiâ sinduk baniara bâleŋe arekŋe hin dâm den hâuŋe makyengiep, “Yesu are nâŋgân. Akto Paulo are nâŋgân. Dâ ye âmâ niŋaelân gâtŋe? Keiyeŋe bo nâŋgân.” dâep. <sup>16</sup>Hain dâmbô luâk kautŋe gulip agep arekŋe kârikŋe akmâ nanaŋ are yengum watyekmâ sâŋgumyeŋe are mem duwatmâ panyengim yengum mem siâ siâ ketuguyekto gilâm kauŋmâ emelanba sopanmâ hâk peke bâlâk gem

ariyi. <sup>17</sup>Akto aregât den pat arekne sambelem arimbo Yuda luâk akto Yuda luâk bo manmai arekne nângâm hamep akmâ mali. Hain akmâ Yesugât kotne mem agali. <sup>18</sup>Akto Yesugât kâmolân gâtne dondâne Paulogâlân togom wan me wan bâlene mem mali are makmâ miawagi. <sup>19</sup>Akto emelâk kulem mem mali yâkne gulam sait kârik aregât kulem esenpe are hârogâk mem miawakmâ sombeimân katmâ mendugum oyanbiâ ten tausen kina arekne puligoyigât dop hainare agep. Hain akmâ kâlâp katmâ ombiâ om bo agep. <sup>20</sup>Om bo akto ain Humogât den are maganji goanji akbiâ den arekne kârikne akto luâk âmbâle hârokne penâyengimbiâ sambelem ariyi, aregât luâk âmbâle dondânande den pat are nângâyi.

<sup>21</sup>Hain akmâ metembiâ Paulone Makedonia akto Akaia hân are ewangim Yerusalem kepian ariwerâm hin dâep, “Nâ Yerusalem kepian âgâm âmâ arewa Roma kepian ariwian.” <sup>22</sup>Hain dâm ariwerâm akmâ luâk lâuwâ kotyetne Timoteo akto Erasto arekne tângoyiat are hungun yetkimbo Makedonia hânângen ariyat. Dâ ikiye âmâ Asia hânân bâlensiân malep.

### **Epeso kepian gâtñande kot kamboñmâk konli.**

<sup>23</sup>Akto sop ain Epeso kepian gâtñande Yesu Humo yâkgât kâmot yengâlân umatne bâlene miawak yengiep aregât keine hin. <sup>24</sup>Luâk siâ kotne Demetrio arekne anji goanji hin ketugum malep. Kât siâ kotne siliwa are mem lâpioyene kotne Atemesi yâkgât opmân kâmbokne humo aregât otnepe bâlensiâ ketuguminep. Akto Demetrio ne otnepe bâlensiâ ketugu yekto kepia ambolupne akto lombo togo togoñande are puligombiâ puli humo are mem âi luâk akto galalupne oyanmâ yengim malep. <sup>25</sup>Akto Demetrio ne âi luâk bikne mem menduguyekmâ hin dâm makyengiep, “Galalupne, Atemesigât opmân otnepe ketugum arewa puli humo mem miawakmaen are nângâi. <sup>26</sup>Akto luâk siâ togo malep kotne Paulo yâkgât keine ekmâ nângâmai. Yâk âmâ Asia hânân gâtne akto Asia hân aregât kepia kautne Epeso aregât ambolupne biwiyenân gem hin dâm makyengimap, “Luâkne hanyenân nângâm lâpio wan me wangât otnepe ketugumai are bunne bo.” <sup>27</sup>Hain dâmbo âinenne bunne bo akmap are nângâre umatne aktâp. Akto are konok bo. Asia hânân gâtne akto hân siân gâtne dondâne Atemesigât den lokom mali ne den are hepunmâ siâgâlân arimbiâ aregât yâkgât opmân are gao gao dâgâmbo kotne gembo nângâre bâliâp.” dâep.

<sup>28</sup>Demetrio ne hain dâm makyengimbo biwiyene kâlâp akto kamboñmâ hin dâyi, “Epeso luâk nengât Atemesi ire humo âlepne dondâ.” <sup>29</sup>Kot kamboñ konmâ hain dâmbiâ kepia ambolupne hârogâk biwiyene kâlâp akto mendugum olowâk arim Makedoniagât luâk lâuwâ Paulo olop gayi are kotyetne Gaio akto Aristako yâk mem oloj yelekmâ arim kepia

sombeimân menduguyelegi. <sup>30</sup> Akto Pauloŋe aregât nângâm yâk yengâlân ariwerâm akto Yesugât kâmotŋe mem guguwâi dâm gangerâyî. <sup>31</sup> Akto luâk humomo Paulogât galalupŋe ain mali arekŋe yâk yengâlân bo ariâk dâm makmâ hârem den katbiâ Paulogâlân ariep. <sup>32</sup> Akto luâk arekŋe sombeim humoân mendugumbiâ ain gâtŋe bikŋande keiŋe wangât aktâi dâm nângâwerâmbiâ bo agep. Aregât den humo akbiâ gembo âgâambo akmâ âmâ hanâk hanâk akmâ gulip milip agi. <sup>33</sup> Luâk arekŋe hain akmâ manbiâ aregât Yuda luâkŋe galayeŋe siâ kotŋe Alesande are maganbiâ kâmot humo are hutyeŋân kinmâ bâtŋande koratyengum den aregât makmâ hâre yengiwêrâm agep. <sup>34</sup> Makmâ hâre yengiwêrâm akto luâk are ekmâ nângâm, “Luâk ire âmâ Yuda yengâlân gâtŋe arekŋe agatmâ kindâp.” hain dâm âmâ emelâk magi are hainâk makmâ ge tatmâ nângâm hin dâm kamboŋi, “Epeso luâk nengât Atemesi are humo âlepŋe dondâ.” dâm kamboŋi. <sup>35</sup> Hain dâmbiâ sop kâlep akto âmâ kaunsoligât âi meme yâkŋe denyeŋe are hâkokom korat yengumbo den hepunbiâ hin dâm makyengiep, “Maktere nângâŋet. Epeso kepia ambolupŋe nenŋeak Atemesigât opmân are akto yâkgât kât kâmbokŋe humo himbimânba giep are damunŋe akmâ manmaen. Aregât keiŋe luâk âmbâle hânŋe hânŋe mandâi are hârokŋe nângâi. <sup>36</sup> Luâk siâŋe aregât den mem ge katbiapgât dopŋe bo tatâp. Aregât wan me wan bâleŋe hanâk aktâi aregât biwiyeŋe geâk. <sup>37</sup> Luâk meyelekmâ gai arekŋe lâpio yeŋaet opmânân âgâm kâmbu bo meyiat. Akto Atemesigât bâleŋe bo dâm maganŋiyiat. Hain bo akbela ina yeŋe hanâk mem oloŋyelekmâ togoâi. <sup>38</sup> Demetrio akto galalupŋande luâk siâgât nângâmbiâ bâliâp. Akto den heŋgemgoweren dâmbiâ aregât kakŋân kiap den nângâ yengimapgât sopŋe ewumâk akto arim yâkgâlân makmâ miawakbai. <sup>39</sup> Gârâmâ yengât den siâ tatâp. Akto âmâ kepia ire damunlupyeŋe yâk yengâlân mem ariwai. <sup>40</sup> Uŋak iregât den makbiâ biwiyeŋe bâliâp aregât bugâ ire miawakberâm aktâp. Aregât luâk humo tâmbâ arekŋe nângâm âmâ sân sân mendo wan me wan agaŋdenŋe nângâambo âmâ ârândânŋ akbiap aregât dop bo tatâp.” dâep. <sup>41</sup> Kaunsoligât âi meme yâkŋe hain dâmbiâ nângâmbiâ ârândânŋ akto awam akmâ ariyi.

**Paulo yâk Makedonia hânân arim arewa Akaia hânân ariep.**

**20** <sup>1</sup> Den humo miawagep are bo akto Pauloŋe Yesugât kâmot mendugu yekmâ biwiyeŋe Yesugâlânâk arim kilâk dâm makyengim hepunyekmâ Makedonia hânân togoep. <sup>2</sup> Hân ain togom Yesugât kâmotŋe manmâ ariyi yâk yengâlân togom den kârikŋe makyengim hepun yekmâ kepia siân togo hainâk hainâk akmâ manmâ ainba Girik hânân togo penâniŋep. <sup>3</sup> Mando dewutâ âlâwu bo akto Siria hânân ariwerâm haru ginŋân gem waŋgan âgâwerâm akto âmâ Yuda luâk bikŋande gasa agaŋmâ komberâm akbiâ yekmâ nângânâm purik katmâ Makedonia hânân ariwerâm agep. <sup>4</sup> Akto luâk yâk olop ariyi

kotyen̄e hin. Berea kepia amboŋe siâ kotŋe Sopate yâk Piro nanŋe, akto Tesalonike kepiān gâtŋe kotyeten̄e Aristako akto Sekundo, akto Derebe kepia amboŋe kotŋe Gaio, akto Timoteo, akto Asia hânân gâtŋe siâ kotŋe Tikiko, akto Tropimo. <sup>5</sup>Yâkŋe soŋ hepun nelekmâ arim Troa kepiān arim ain Paulo net lâmnetskuyi. <sup>6</sup>Arim lâmnetskumbiâ sot bo kaulemap aregât sopŋe bo akto net Pilipi kepia are hepunmâ waŋŋan âgâetŋe menelekmâ arim mando hilâm momerâk bo akto arim katneleko Troa kepiān âgâm penâyenŋiyiot. Penâyenŋietŋe olop mandenŋe hilâm nâmbulân lâuwâ bo agep.

**Pauloŋe Troa kepiān luâk sigan siâ moep are momoŋânba mem agalep.**

<sup>7</sup>Sot om munditmâ ligim nemberâm Sarere hândâkŋân menduguyion. Akto Pauloŋe emet hauŋdo ariwian dâm aregât Anutugât den makyenŋim kindo hândâk tânâmŋe agep. <sup>8</sup>Akto emet kâleŋe siân âgâm menduguyegion. Akto emet are dewatim kakŋân kakŋân âlâwu ketuguyi ain kemdâ sagom katbiâ om kilep. <sup>9</sup>Akto Pauloŋe den makyenŋim kindo sop kâlep akto nanaŋ siâ kotŋe Eutiko arekŋe Paulogât den are nânŋâm tatmâ seru meme lapanŋân tatmâ dewunŋe asiŋ akto bam gutmâ taleine seru meme are kakŋânba ge kinmâ miwindik ageine ge kondo mom yiep. <sup>10</sup>Hain akto Pauloŋe gem nanaŋ are mem maŋŋanmâ kinmâ hin dâm maknengiep, “Bo indenŋet. Biwiŋe golâk yendâp.” dâep. <sup>11</sup>Hain dâmbo emet kâlegen âgâm sot ligim munditmâ nem Yesugât den dâm maganŋi goanŋi akbiâ emet hauŋep. Emet hauŋdo hepunyekmâ ariep. <sup>12</sup>Arimbo nanaŋ momoŋânba agalep are kewugum emetŋân âgâmbiâ kambiamyenŋe âlepŋe agep.

**Pauloŋe Troa kipia hepunmâ Milete kipian ariep.**

<sup>13</sup>Akto Pauloŋe dâmbo nenŋe hepunakmâ bikŋande waŋŋan âgâm Aso kipian ariyion. Dâ ikiŋe âmâ kei hân haru hâlânŋmâ Aso kipian ariep. <sup>14</sup>Arim âgâmbō penianŋim olowâk Mitile kipian ariwerâm waŋŋan âgâenŋe menenekmâ ariep. <sup>15</sup>Arim âmâ yem kindenŋe hauŋdo lâuwâŋe Kio hân haru tânâmŋân talep ain gem kindenŋe hauŋdo âlâwuŋân Samo hân haru tânâmŋân talep ain arim penianŋim yogan talion. Arewa arim imbâtŋân Milete kipian ariyion. <sup>16</sup>Akto ain Anutugât Heakŋande ulik gulik kakyenŋân giep, aregât hombaŋ ain tâlâguep. Aregât Paulo Yerusalem kipian dowâk ariwerâm agep. Aregât arewa arim Epeso kipian arim mandenŋe sop kâlep akbop dâm Epeso kipia ewanŋim Milete kipian tâŋâk ariyion.

**Pauloŋe Epeso kipia ambolupŋe makyenŋiep.**

<sup>17</sup>Pauloŋe Milete kipian arim waŋŋanba sopanmâ gem luâk siâ huŋgun aŋdo Epeso kipian arim Yesugât kâmotlupŋe are yenŋât damunlupyenŋe

kewugu yekto togoyi. <sup>18</sup>Togombiâ Paulonje den hin dâm makyenjiep, “Galama, nâ Asia hân humoân iren pup pup yengâlân manmâ âmâ âi keiņe katmâ mem gan aregât keiņânbak nâņgâi. <sup>19</sup>Akto nâņe nune hâkne bo mem agalân. Yân indemâk manmâ Humogât hoņ bawa malân. Akto Yuda luâkņe gala bo akniņmâ nuguwerâm mem siâ siâ ketugunekbiâ hâk hilâlâm kakņân malân. <sup>20</sup>Hain akmâ manmâ Yesugât keiņe are bo tigire talep. Ye âlepņe manņet dâm Yesugât keiņe are makyenjiwerâm kipiaņe kipiaņe arim sombeimân me emetyeņân âgâm makyenjim malân. <sup>21</sup>Haingât Yuda luâk akto Yuda luâk bo manmai are yengâlân arim den dâtâņe hin makyenjim malân, agak memeyeņe bâleņe Anutugâlân makmâ miawakmâ biwiyeņe Humo Yesu Kristogâlân katņet. <sup>22</sup>Akto uņak ire âmâ Anutugât Heakņande hâwâtneko yâkgât denņe lokom Yerusalem kipian ariwerâm aktân. Indâņân ariwerân âmâ wan me wan gain gain hinare are miawak niņbiap are bo nâņgâm hengemgoân. <sup>23</sup>Hain akto Anutugât Heakņande damunne akmâ makniņdo kipia ârândâņ togore kala busi kâlegen kat nekberâm me bâleņe siâ siâ akniņberâm akbiâ are nâņgân. <sup>24</sup>Gârâmâ bâleņe siâ siâ akniņbiâ mombian aregât nâņgâre owâiņe aktâp. Aregât Yesuņe âi ire dâm hârem niņep ire konok mem manbaen. Akto iregât konok biwine humo yemap. Aregât dopņe hin. Anutuņe ukennaet akmâ luâk hârok damun nenņe akberâm aktâp aregât den pat âlepņe are makyenjim manbian. Âi are konok mem hengemgom kinbian, hain nâņgâm aregât konok biwine humo yemap. <sup>25</sup>Akto ire maktere nâņgâņet. Anutuņe damun nenņe akberâm aktâp aregât nâņe den pat âlepņe are makyenjim hutyeņân mandere nekmai. Gârâmâ arire kakņân lâuwâņe bo nekbai. <sup>26-27</sup>Nâ Anutuņe nekto ârândâņ akmapgât yu makbe. Nâ Anutugât den hârok hamep bâlâk makyengire nâņgâyi. Aregât uņak ondop pâronġât makyengire nâņgâņet. Siâ hilip agumbo dosaņe nâņgâlân bo tatbiap. <sup>28</sup>Ye han biwi golâ manbi. Hain manmâ Anutuņe luâk âmbâle bikņe gilâmņande puliyegep are damunyeņe akbi. Akto Anutugât Heakņande Yesugât kâmot are yengât pat dâm makyenjiep aregât damunyeņe akmâ manbi. <sup>29</sup>Nâ hin nâņgân. Nâņe hepunyekmâ arire âmâ haminân luâk bikenba pugaiya hain arekņe yengâlân togom luâk âmbâle yoņâk bâleņe akņet dâm hâwât yekbai. <sup>30</sup>Aregât dop akmâ yengâlân bikņande heyenjim biwiyeņe nengâlân katmâ Yesu hepunņet dâm oloņyekmâ hilip yenguwai. <sup>31</sup>Aregât han biwi golâ manbi. Akto den ire mem biwiyeņân katbiâ talâk. Nâņe hâk hilâlâm kakņân manmâ hândâk hilâm Anutugât keiņe dâm hârok mendugum makyengiman. Akto siâ ikiņeâk ikiņeâk dewunņe tuņe olowâk makyenjim manmâ gare hombaņ âlâwu bo aktâp. <sup>32</sup>Akto uņak Anutuņe damunyeņe aktâpgât han kalemņe denân katyekmâ ariwerân. Anutuņe ikiņe ukennaet akmâ damunyeņe akberâm aktâp aregât nâņgâmbiâ biwiyeņe bo umatņe akbiâp. Akto biwiyeņe Yesugât katmâ manbiâ yâkņe yengât nâņgâm meme akyenjimbo manman

kâriknaet pat yengiep are manbai. <sup>33</sup>Nâ puli sikumgât makmâ egâlian bo akyengiân. <sup>34</sup>Nâ nune akto luâklupne nenjaet wan me wan bâlensiâ bâte irekne mângire miawaknengiep a nângâmai aten. <sup>35</sup>Nâ wan me wan keiŋe katyengiân akmâ âi kârikneâk mem umburuk mamburuk yâk kalemgom yengiwangât aregât dâp gai tâlim hekatyengiân. Aregât yeŋe areâk tâlim Kembu Yesuŋe den hin magep are nângâwi, galalupyenande yengimbiâ âlepne aktâp gârâmâ yeŋe yâk yengimbiâ âmâ âlepne dondâ aktâp.” dâep.

<sup>36</sup>Pauloŋe den hain dâambo kângombiâ Humo konmâ ulilaŋep. <sup>37</sup>Ulilaŋdo âi girâp akmâ indem lokom maŋganli. Hain akbiâ den hin dâm makyengiep, <sup>38</sup>“Ariwian iregât kakŋân lâuwâŋe bo purik katbian.” dâambo aregât nângâm biwiyeŋe umatŋe agep. Hain akbiâ hepun yekmâ waŋgan âgâep.

### Pauloŋe Yerusalem kipian purik katmâ ariwerâm ariep.

**21** <sup>1</sup>Akto nenŋe hepunmâ hân siâ haru tânâmŋân talep kotŋe Ko ain tâŋâk ariyion. Arim yem kindenŋe hauŋdo arewa arim haru tânâmŋân hân siâ talep kotŋe Rodo ain arim waŋga hepunmâ Patara kipian ariyion. <sup>2</sup>Ain arim waŋga Poinike hân ain ariwerâm akto are mem miawakmâ âmâ âgâenŋe menenekmâ ariep. <sup>3</sup>Arimbo dewun nenŋe indâgen panmâ hân siâ haru tânâmŋân tato egion are kotŋe Kipiro. Ekmâ yânâk kanegen tato ewangim ariyion. Arim Siria hânân kipia siâ talep kotŋe Tiro are haru ginŋân talep ain ariyion. Arim waŋga are hepunmâ arienŋe kipia ambolupŋande gam waŋganba ito siâ siâ are lândem katbiâ giep. <sup>4</sup>Akto nenŋe kipian âgâm Yesugât kâmotlupŋe mem miawak yekmâ yâk olop mandenŋe hilâm nâmbulân lâuwâ bo agep. Akto hilâm are hutŋân sop siâ Anutugât Heakŋande makyengimbo aregât Paulo yâk Yerusalem kipian bo ariâk dâm maganji. <sup>5</sup>Akto waŋga are ariwerâm akto luâk âmbâle nanaŋ lepat hârogâk nen kat nenekberâm kewugu nenekbiâ olowâk haru ginŋân geyion. Gem haru ginŋân tatmâ kâŋgom Anutu ulilaŋion. <sup>6</sup>Ulilaŋmâ waŋgan bam âgâwerâm aktenŋe maŋgan aknengimbiâ hepun yegion. Akto yâk purik katmâ kipiayenân ariyi.

### Luâk siâ kotŋe Agabo yâkŋe Paulogât keiŋe makyengiep.

<sup>7</sup>Waŋgan âgâenŋe menenekmâ Tiro kipia are hepunmâ arim Tolemai kipian kat nenekto waŋga hepunmâ kipian âgâm ariyion. Arim âmâ Yesugât kâmot yektenŋe maŋgan nenekbiâ olowâk talion. <sup>8</sup>Tatmâ sot wan om nem yem kindenŋe hauŋdo hepun yekmâ arewa arim Kaisarea kipian âgâm luâk siâ kotŋe Pilipo Yesu bo nângâ aŋmai areyengâlân arim Yesugât keiŋe makyengim malep are mem miawaktenŋe olowâk malion. Pilipo are emelâk luâk nâmbulân lâuwâ meyekmâ âi dâm hârem yengiyi are yengât hutyeŋân gâtŋe. <sup>9</sup>Akto baratlupŋe imbât are âmbâi tat tatŋeâk hârok yâkŋe Anutugât den are oyaŋmâ makyengim mali.

<sup>10</sup> Akto yâk olowâk mandenŋe emelâk Yudaia gâtŋe siâŋe Anutugât den dâm miawagep kotŋe Agabo, are nengâlân togoep. <sup>11</sup> Togom Paulogât pânâmba sâŋgum tâkŋe mem hulaŋmâ ikiŋe keiŋe bâtŋe dâgâm mendugum hin dâep, “Anutugât Heakŋande hin dâp, tâk ire amboŋe Yerusalem kipian arimbo Yuda gâtŋe kipia ambolupŋande hin hikom Anutugât keiŋe bo nânŋâi are yengâlân katbai.” <sup>12</sup> Agaboŋe den hain dâmbo nen akto kipia ambolupŋe nenŋe Paulo Yerusalem kipian bo âgâwen dâm maganŋion. <sup>13</sup> Hain dâm maganŋenŋe Paulonŋe hin maknengiep, “Ye wangât indem tatbiâ biwine hiondâp? Hepunŋet. Nâŋe Yesugât akmâ nânŋâm Yerusalem kipian âgâre mem kala busi kâlegen katnekbai aregât hamep bo aktân. Akto are konok bo. Humo Yesugât nânŋâm âmâ âgâre nuguwai aregât hanâk hamep bo aktân.” <sup>14</sup> Hain dâmbo lâuwâŋe hâwâtâmâ maganŋenŋe nengât den bo nânŋâ nengimbo aregât hin dâyion, “Bâin. Humogât den are kârikŋe agâk are Humogât han.” hain dâyion.

**Paulonŋe Yerusalem kipian arim kipia bikŋe  
bikŋe den pat âlepŋe are makyenŋiep.**

<sup>15</sup> Hain dâenŋe manmâ manmâ Yerusalem kipian âgâwerâm aregât ito kârugut kom kilion. <sup>16</sup> Hain aktenŋe Kaisarea kipia ambolupŋe biwiyeŋe Yesugât kali yâk yengâlânba bikŋande kewugu nenekbiâ ariyion. Arim luâk siâ Kipiro gâtŋe kotŋe Mason yâk ulikŋânâk biwiŋe Yesugât kalepŋât yâkgât emelan katnenegi. <sup>17</sup> Akto arewa arim Yerusalem kipian arienŋe âmâ Yesugât kâmot bikŋande penânengim heronŋe aknengimbiâ ain maŋgan akmâ olowâk talion. <sup>18</sup> Tatmâ yem kindenŋe hauŋdo Paulonŋe oloŋ nenekto Yakopogât emelan âgâyion. Ain âgâenŋe Yesugât kâmot yâk yengât damunlupyenŋe hârokŋe togom penânengiŋi. <sup>19</sup> Togom penânengimbiâ Paulonŋe maŋganyekmâ Anutuŋe meme agaŋdo Yuda bo manmai are yengâlân arim wan me wan akyenŋimbo bunŋe agep aregât keiŋânbak den pat makyenŋiep.

**Paulonŋe Mosegât den kârikŋe are mem agato ekbiâ ârândân agep.**

<sup>20</sup> Paulonŋe den pat hain dâm makyenŋim metembo ain tali arekŋe Anutugât kotŋe mem agatmâ Paulo hin dâm maganŋi, “Galanenŋe nânŋât? Yuda luâk âmbâle dondâŋe biwiyeŋe Yesugâlân katmâ mandâi. Yâk hârogâkŋe Mosegât den kârikŋe are kârikŋe akmâ mem agatmai. <sup>21</sup> Akto gâŋgât den hin katbiâ togombo nânŋâmai. Yuda luâk âmbâle arekŋe hân siângen arim mandâi are makyenŋim Mosegât den kârikŋe are hepunŋet dâm makyenŋimat. Akto nananlupyenŋe yengât hâkyenŋe bo gâiyenŋiŋet dâm koyenŋimat. Akto Yuda luâk nengât agak meme are hepunŋet dâm makyenŋimat, hain dâm togo makyenŋiŋi. <sup>22</sup> Are nânŋâmbiâ bâlimbo âmâ gain gain akbaen? Gâ Yerusalem kipian togoât aregât den pat



nângâwai. <sup>23</sup>Aregât den siâ yu makgiñberen ire akben. Nengâlân gâtje luâk imbât mandâi arekje emelâk Anutugât den kârikje are akbaen dâm makmâ hâreyi. <sup>24</sup>Akto gâje yâk yengâlân dewatim katmâ gala akyengim sumbegât songoŋe puligom yengimenâ olowâk sumbe emetjân âgâmbiâ aregât bâin dâm dumutyene hârewi. Hain akbiâ nengâlân gâtje bikjande gekmâ hin dâwai, “Iregât me niŋaet den katbiâ togombo nângâyion? Dâ luâk arekje âmâ Mosegât den kârikje are mem agatmâ manmap.” dâwai. Hain dâm gângât keige bunje heŋgemgowai. <sup>25</sup>Hain gârâmâ Yuda luâk âmbâle bo manmai biwiyene Yesugâlân kali arekje lâpio yengât sot omai me songo gilâmdâk hanyene hâremai are bo nemi dâm makmâ hâreyengim den katenje ariep. Akto âmbâle mem hepun hepun bo akbi dâm makmâ hâre yengiyion.” dâyi. <sup>26</sup>Hain dâmbiâ Paulo denyene lokom luâk imbât are penâyeŋgiep. Penâyeŋgimbo yem kinbiâ emet hauŋdo, “Anutugât dewunñan salek salek manbaen.” dâm aregât purik katmâ sumbe emetjân âgâyi. Âgâmbiâ Pauloŋe luâk imbâtje den kârikje aregât pat koyengiyi are bo akbiapgât sop akto sumbe ombaigât sumbe emetgât damunlupje makyengiep.

#### **Pauloŋe sumbe emetjân âgâmbiâ mem komberâm agi.**

<sup>27</sup>Hilâm âi meme 7 siâ me siâ manmâ manjetgât magi are bo akberâm akto Pauloŋe sumbe opmânân âgâm mando Asia hânân gâtje Yuda luâkje are ekmâ luâk hârok hanyene mem gulip koyi. Akto hanân gege akyengiyi. <sup>28</sup>Hain akmâ Paulo mem konmâ magi, “Wei Israe luâkma, togo tânnengunjet. Luâk irekje hân ârândân manmâ Yuda luâk nen gasa aknengim den kârikje akto opmânnenje ire makmâ gâlikom manmap. Hain akmâ opmân nenñan Girik luâk oloŋ yekto gam opmân kâmbokje nenje ire gagap mângimai.” dâyi. <sup>29</sup>Amâ keŋe hin. Paulo Epeso kipian gâtje luâk Tropimo yâk olop kipian bawa gaga akbela yelekmâ nângâm hilipkom magi. Sumbe opmânñan oloŋmâ gaep dâm nângâm hilipkoyi. <sup>30</sup>Paulogât hain dâmbiâ kipia ambolupje dondâje pârigim togo sumbe emetjân âgâm menduguyi. Mendugumbiâ luâk bikjande sumbe emetjânba Paulo mem oloŋmâ geyi. Mem oloŋmâ gembâ sumbe emetje hânŋi are tigiyi. <sup>31</sup>Hânŋi tigimbâ Paulo mem moâkgât komberâm akbiâ hutyeñanba siâŋe den kato Roma tembe loko yengât humoyene aregât ariep. Akto den kalep are hin, “Yerusalem kipia ambolupje hârokje bugâ komberâm mendugumbiâ kuk humo miawaktâp.” <sup>32</sup>Den hain dâmbiâ tembe loko yengât humoyene arekje nângâm tembe loko gegeŋe âgâ âgâŋe hârok meyekmâ sumbe emetjân togombiâ luâk kâmot humo arekje yekmâ hamep akmâ Paulo hepunbiâ talep. <sup>33</sup>Hepunbiâ tato tembe loko humoyene arekje Paulogâlân togom tembe lokolupyeŋe hin makyengiep, “Luâk ire mem tâk kârikje lâuwâ arekje bātje bip bip hikom kala busi kâlegen katjet.” dâmbiâ are akberâm akbiâ hin dâep,

“Luâk ire wânân gâtŋe. Akto gain gain akto biwiyenŋe bâliâp?” dâep.

<sup>34</sup>Hain dâmbô yeŋeâk purik gurik akmâ maganŋimbiâ den gulip milip agep. Den hain akbiâ gulip humo akto den bo nânŋâm heŋgemgom tembe loko makyenŋimbo mem kiap yeŋgât emetyenŋân ariwerâm agi. <sup>35-36</sup>Mem oloŋmâ arim tirekŋânba âgâwerâm akbiâ luâk bikŋande gulip milip akmâ dâp tigim kârikŋeâk konmâ hin dâyi, “Luâk are moâkŋât kone.” dâyi. Hain dâmbiâ tembe lokoŋe Paulo kombâirâm mem agatmâ kambeyenŋân katmâ lokom emet kâlegen âgâwerâm agi.

<sup>37</sup>Hain akbiâ tembe lokoŋe wârakmâ Paulo lokom âgâm dawalaunŋân katbiâ Pauloŋe tembe lokoyenŋât humoyenŋe are Girik denân aikoep, “Den siâ makŋiŋberâm aktân.” dâmbô tembe lokoyenŋât humoyenŋe arekŋe hin dâep, “Ai, gâ Girik den nânŋâmat mon? <sup>38</sup>Ulikŋân Aigita gâtŋe siâ bugâ komberâm ikiye tembe lokolupŋe 4,000 meyekto hân kamitŋânŋen ariyi aregât nânŋe gâ yâk dân. Akto gâ hinŋe Girik den makniŋmenâ nânŋâm, “O luâk ire âmâ Aigita gâtŋe bo.” dân.” dâep. <sup>39</sup>Hain dâmbô Pauloŋe hin dâm maganŋep, “Nâmâ Yuda luâk, Kilikia hân Taso kipia humo aregât amboŋe. Nâ nânŋâ niŋmenâ luâk kâmot humo ire den siâ makyenŋiwe.” dâep. <sup>40</sup>Hain dâmbô âlepŋe dâmbô Pauloŋe tirek kakŋânba kinmâ bânŋe pando den nânŋâgâmbiâ Yuda yeŋgât denân makyenŋiep.

### Pauloŋe ikiye keiŋe makyenŋiep.

**22** <sup>1</sup>Pauloŋe Yuda yeŋgât denân hin dâm makyenŋiep, “Galalupne akto humomolupne nune keine makyenŋire nânŋâŋet.” <sup>2</sup>Hain dâm Yuda yeŋgât denân makto luâk tali arekŋe nânŋâm nengât den nânŋâmap dâm yân tatmâ nânŋâm ariyi.

<sup>3</sup>Hain akbiâ lâuwânŋe totokomâk hin dâm makyenŋiep, “Nâ Yuda luâk Kilikia hân Taso kipia tatâp ain miawagân. Akto nânŋâ nânŋâ emetŋe kipia in katnekbiâ malân. Akto Gamalie yâkŋe âmâ Anutugât den ligim makniŋdo yâk olop maliot. Akto bâŋinenŋe Moseŋe den kârikŋe katnengiep are hârok nânŋâm meteân. Akto uŋak ire yeŋe aktâi nânŋe hainâk agân. <sup>4</sup>Hain akmâ biwine Anutugâlân katmâ ukenŋe kakŋân manmâ âmâ kârikŋe agân. Hain akmâ Yesugât den pat ire bo agâk dâm nânŋe Yesugât kâmotlupŋe hârok moŋet dâm bâlene siâ siâ akyenŋim manmâ luâk âmbâle dondâ yeŋgum meyekmâ arim kala busi kâlegen katyektere tali. Nânŋe hain akyenŋim malân. <sup>5</sup>Akto sumbe kat kat luâk are yeŋgât humomolupyeŋe akto areyeŋgât luâk kautŋe yâkŋe nânŋâmbiâ bunŋe aktâp. Akto yâkŋe âmâ Yuda luâk galalupŋe Damasko kipian mali are yeŋgât kulem esenŋe siâ niŋmâ hin dâm makniŋmâ huŋgun niŋbiâ mem ariân, “Gânŋe luâk âmbâle biwiyenŋe Yesugâlân katmâ mandâi are meyekberâm Damasko kipian arim mem miawakyekmâ galalupyeŋe kulem esenŋe ire yeŋgimenâ ekbiâ bâtyenŋân hikom Yerusalem kipia iren meyekmâ togowen.” dâyi.

<sup>6</sup>Hain dâm kulem esenje are niñbiâ arire Damasko kipia are tâlâgumbo dewutâ kârikne pando himbimânba dewutâ pagaleje humo siliñ siliñ dâm erânegep. <sup>7</sup>Erânekto hânân ge kângom yendere himbimânba den hin dâm makniñep, “Saulo, Saulo, gâ wangât nugum watnekmâ mandât?” dâmba <sup>8</sup>hin dân, “Humo, gâ niñe?” dâre hin makniñep, “Nâ nugum wat nekmâ manmat. Nâ Yesu Nasarete kipian gâtne.” <sup>9</sup>Hain dâmba luâk nâ olop mali arekne pagaleje are egi. Dâ den makniñep are âmâ bo nâñgâyi. <sup>10</sup>Akto nâ hin dâm aikoân, “Humo wan me wan akbian aregât makniñmenâ lokowian.” dâre hin makniñep, “Agatmâ Damasko kipian arimenâ siñe nâ wan makmâ hâregiñân are akmâ manben dâm makgiñbiap.” dâep. <sup>11</sup>Hain dâmba pagaleje siliñ dâm hâknânâk erâmba agatmâ ekberâre dewunne hâwilip akto menekmâ Damasko kipian ariyi.

<sup>12</sup>Akto hilâm siân Yesugât kâmolân gâtne luâk siâ malep kotne Anania arekne Anutu mañganmâ manmâ Mosegât den kârikne are lokom mando Yuda luâk Damasko kipian mali arekne nâñgâmbiâ ârândân agep. <sup>13</sup>Akto Ananiañe nâñgâlân togom hin dâm makniñep, “Galane Saulo, dewunge pagalemba emet ek.” dâmba ainâk dewunne pagalemba luâk are egân. <sup>14</sup>Ektene hin dâm makniñep, “Nengât bâgilupnenne yâk yengât Anutuñe keñe makmâ hekatgiñmâ ârândân manman Amboñe ekmâ lauñânba den nâñgâwendâm mem kepilâ gegep. <sup>15</sup>Akto gâ siâ me siâ ekmâ nâñgâen aregât pat hân ârândân luâk makyengim ariwen. <sup>16</sup>Aregât wangât yân yem tatât? Agatmâ Yesugât kotne konmâ kinmenâ tu puli giñdere dosage bo akgiñâk.” dâm makniñep.

<sup>17</sup>Hain akto Yerusalem kipian purik katmâ arim sumbe emetñân âgâm Anutu magañmâ tatere âmâ biwine purik kato Yesu Humoñe miawak niñdo egân. <sup>18</sup>Ektene hin dâm makniñep, “Kipia ire ambolupñande nâñgât den makmat are hâkân akmaigât dowâk gem kipian inba yân gem ari.” <sup>19</sup>Hain dâmba hin magañân, “Humo maktere nâñgâ. Nâñe luâk âmbâle biwiyeñe gâñgâlânâk kali are den opmânñe opmânñe meyekmâ âgâm bugâñe yengum malân. <sup>20</sup>Akto Stepanoñe gâñgât keige makyengiwerâm akto ain konerâm sâñgum kâkâlep kâkâlep yeñe are hulañmâ mendugum katbiâ nâñe damunñe kindere âmâ kombiâ mondo nâñgâre ârândân agep, aregât patne nâñgâm meteyi.” <sup>21</sup>Hain dâre Yesu humoñe hin dâm makniñep, “Huñgun giñdere Yuda bo manmai are yengâlân ari.” dâm makniñep.” dâep.

### Paulo bugâñe komberâm agi.

<sup>22</sup>Paulo hain dâm mando luâk bikñande ondopyeñe katbiâ ainâk Pauloñe Yuda bo manmai are yengâlân ariwian dâm makyengimbo ainâk den humoâk akmâ kârikneâk kamboñmâ magañgim hin dâyi, “Luâk bâleñe arekne hain dâmba nâñgâenñe bâliâp aregât moâkgât mem

arim korjet.” dâyi. <sup>23</sup>Hain dâm den gilingonj galanjonj akbiâ gulip humo agep. Akto sânjum kâkâlep yeje are hulanjma mendugum nukum panj pangombiâ nukum humo agalep. <sup>24</sup>Hain akbiâ aregât tembe lokoyengât humoyenande makto tembe lokolupjande Paulo mem emet kâlegen âgâyi. Akto luâk humo arekne, “Gain gaingât akmâ biwiyenân tuk tuk ewuyektâp aregât keije makmâ miawakto nângâwegât handomje orejet.” dâm makyengiep. <sup>25</sup>Hain dâm makyengimbo keije bâte hikom mendugum katbiâ Pauloje tembe lokoyengât humoyeje are hin dâm maganep, “Nâ Roma luâk hinare aregât keine bo ekmâ âmâ orenekbiâ ârândân bo aktâp.” <sup>26</sup>dâmba tembe lokoyengât humoyeje arekne luâk humoyeje dondâ aregâlân arim hin dâep, “Luâk are amâ Roma luâk bunje aregât gain gain akne?” dâmba <sup>27</sup>luâk kautje arekne Paulogâlân arim hin dâm aikoe, “Bunje, gâ Roma luâk?” dâmba Pauloje, “Ao.” dâep. <sup>28</sup>Hain dâmba hin dâm maganep, “Nâ luâk yânje, Roma yengât humomolupyene puli humo yengim âmâ Roma luâk hainare agân.” dâep. Luâk kautje arekne hain dâmba Pauloje hin dâep, “Nâmâ memenande menekto âmâ Roma luâk hainare agân.” dâep. <sup>29</sup>Hain dâmba ainâk tembe loko arekne sân sân mem oloj akmâ arim kili. Akto luâk kautje arekne den are nângâm sân sân mem hin dâep, “Luâk ire Roma luâk ina nâje keije bo nângâm kala busi kâlegen mem katjet dâre katâi arekne ârândân bo aktâp.” dâep.

<sup>30</sup>Hain dâm nângâmbo umatje humo akto emet haundo tembe loko yengât kautje agep arekne Yuda luâkne wangât dâm Paulogât nângâm bâliaji dâm aregât keije nângâwerâm sumbe kat kat luâk humomolupyene akto Yuda yengât luâk kautje areyengât makto hârogâk menduguyi. Mendugumbiâ tâk hulanjma Paulo kewugumbiâ âgâm dewunyenân kato kilep.

**Pauloje Yuda yengât humomolupyene yengâlân  
arim den makyengimbo potalagi.**

**23** <sup>1</sup>Pauloje dewunyenân kinmâ Yuda humomolupyene tânjâk yekmâ hin dâm makyengiep, “Galalupne, nâje Anutugât dewunjan biwi salek manmâ gare sop yu aktâp.” <sup>2</sup>Hain dâmba sumbe kat kat luâk areyengât damun humo siâ malep kotje Anania arekne Paulogât enemjan luâk kili are hin dâm makyengiep, “Yeje ondopje hogojet.” dâmba Pauloje hin dâm maganep, <sup>3</sup>“Ai, kautge kârikne. Anutuje hâmbâi guguwiap. Gâ bia motmot hinare hâkge âlepje tato biwige hambuep. Gâje Mose akto bâgilupnenjande den kulemgoyi are lokom aregât makmâ hâre niñberâm aktât. Are âmâ gâje den kârikne kulemgoyi are hâkân akmâ den are lonjaim ondopne hogojetgât makyengiât.” dâep. <sup>4</sup>Hain dâmba luâk enemjan kili arekne hin dâyi, “Wei, Anutugât sumbe kat kat luâk are yengât damun humo are yâkgât

wangât hain dâm maktât?” dâyi. <sup>5</sup>Hain dâmbiâ Paulone hin dâep, “Galalupne, Moseŋe den kulempoep are hin. Kâmot mandâi are yengât damunlupyeŋe yengât den bâleŋe bo makbei dâm kulempoyi are nâŋgâm manman. Aregât sumbe kat kat luâk are yengât humoyeŋe yâkgât makniŋbiâ nâŋgân dâine are bo makbom.”

<sup>6</sup>Hain dâm yekto luâk bikŋe âmâ Sadukaio luâk momoŋânba bo agatbaen dâmai. Dâ bikŋe âmâ Parisaio luâk arekŋe âmâ momoŋânba agatbaen dâmai Paulo are nâŋgâm heŋgemgoepgât agatmâ hin dâm kamboŋmâ makyenŋiep, “Galalupne, nâmâ Parisaio yengât kâmolân gâtŋe. Akto ewene bâgine âkâ hainâk Parisaio luâk mali. Akto nenŋe momoŋânba agatbaen are nâŋgâmaen den pat are makyenŋim manman, keine aregât denân katnektâi.” dâep. <sup>7</sup>Paulone den hain dâmbo Parisaio akto Sadukaio mendugum yeyi arekŋe den humo akmâ hutyeŋân potat potat miawagep. Hain akmâ biwiyenŋe hiuŋep. <sup>8</sup>Akto Sadukaio luâkŋe âmâ den âlâwu hin dâmai. Nen momoŋânba agatbaengât dopŋe bo tatâp dâmai. Akto aŋelo are akto sinduk baniara bâleŋe aregât bunŋe bo mandâi dâmai. Dâ parisasio amâ a hârok nâŋgâmbiâ bunŋe akmap. <sup>9</sup>Aregât akmâ potalakmâ den kakŋân hogoanŋiyi. Hain akmâ arimbiâ Parisaio luâk yengât kâmolân gâtŋe Mosegât den kârikŋe makmâ kepigi bikŋande agatmâ kinmâ den umatŋe hin dâyi, “Nenŋe luâk iregât nâŋgâenŋe dosaŋe bo aktâp. Gârâmâ aŋelo me sinduk baniara siâŋe den are magaŋep mon? Aregât siâ bo makberen.” <sup>10</sup>Hain dâmbiâ biwiyenŋe kâlâp bâleŋe akto Sadukaio akto Parisaio kâmot lâuwâ arekŋe gasa aganŋimbiâ tembe lokoyengât humoyeŋe arekŋe Paulo mem kom hâk hilâlâm waŋbâi dâm aregât hamep akmâ hutyeŋânba gem Paulo mem kewugum emetyeŋân ariyi.

<sup>11</sup>Akto emet dâgâmbo Humoŋe Paulo miawaganmâ hin dâm magaŋep, “Biwigande nâŋgâmâk tatmâ manben. Akto nâŋgât keine makmenâ Yerusalem kipia ambolupŋande nâŋgâi hainâk Roma kipian arim nâŋgât keine makyenŋimenâ nâŋgâwai.” dâep.

### **Yuda luâk bikŋande Paulo komberâm aregât den agi.**

<sup>12-13</sup>Emet hauŋdo Yuda luâk bikŋande luâk lâuwâ yetgât kei bāt yetŋe hârok hain arekŋe biwi konok akmâ hin dâyi, “Tu sot bâlâk manmâ Paulo kondenŋe mondo aregât kakŋân âmâ tu sot nembaen.” hain dâm magaŋgi goanŋi agi. <sup>14</sup>Akto luâk arekŋe sumbe kat kat luâk yengât damunyeŋe akto are yengât damun humomo mali are yengâlân arim makmâ miawakmâ hin dâm makyenŋiyi, “Nen tu sot bâlâk manmâ âgâm Paulo kondenŋe mondo aregât kakŋân âmâ tu sot nembaen aregât den kârikŋe magaŋgien. <sup>15</sup>Den hain hikoen gârâmâ aregât yeŋe den ire hin dâm katbiâ Roma yengât tembe loko humoyeŋaelân ariâk, “Gâŋe dâmenâ Paulo are mem nengâlân katbiâ togombo yâkgât den are lâuwâŋe

hejngemgowaen.” hain dâm hianġimbiâ denyenġe nânġâm Paulo kato kewugum togombiâ nenġe dâwân tenġâ kindenġe togombo kombaen.” dâyi.

**Paulogât begâtġande bugâgât den makmâ miawagep.**

<sup>16</sup>Den hain dâm maganġimbiâ Paulogât begâtġande den are nânġâep. Nânġâm ainâk tembe loko yenġât emelan âġâm aniġe maganġep.

<sup>17</sup>Maganġo Paulonġe tembe loko yenġât damun siâ hin dâm maganġep, “Nanaġ ire mem humogaelân arimenâ yâkġe den siâ mem togoâp are maganġâk.” dâep. <sup>18</sup>Hain dâmbo humonġaelân mem arim hin dâep, “Paulo kala busi emet kâlegen tatmap arekġe nanaġ irekġe den siâ makġiġberâpġât kewugum âġâ dâmbo ġânġâlân yu kewugum togoân.”

<sup>19</sup>Hain dâmbo tembe lokoyenġât humoyenġe arekġe nanaġ are yoġâk mem ba emet kom hâre hârenġangen katmâ hin aikoep, “Wan denġe makniġberâm aktât?” dâep. <sup>20</sup>Hain dâmbo Paulogât begâtġe arekġe hin dâep, “Yuda luâk areyenġât humomolupyenġande yoġâk den katbiâ ġânġâlân togowiap. Amâ Paulo togombo konerâm areġât hejġiġberâm akmâ hin dâwai, “Paulo hutnenġân mem katbiâ kinmâ keiġe makmâ hejngemgombo ekbaen.” dâm hejġiġbai. <sup>21</sup>Makġiġbiâ âmâ denyenġe bo nânġâwen. Luâk lâuwâ yetġât kei bât yetġe hârok me gain hain arekġe tenġâ kinmâ Paulo kondenġe moâk dâm den aktâi. Akto, “Sot bo nem yân manmâ âġâm Paulo kondenġe mondo areġât kakġân âmâ sot nembraen.” hain dâm maganġi goanġi aktâi. Hain akmâ hinġe âmâ ġânġât dengât lângom mandâi.” dâep. <sup>22</sup>Paulo begâtġande hain dâmbo tembe loko humoyenġe arekġe hin dâep, “Ġânġe den yu nâ makniġdât ire luâk siâ me siâ bo makyenġiwen.” dâm huġġunaġo gem ariep.

**Paulo kombiâ mombop dâm tembe lokoġe  
kewugum Kaisarea kipian ariyi.**

<sup>23</sup>Tembe lokoyenġât kautġande tembe lokoyenġât humomo lâuwâ mem oloġyelekmâ hin dâm makyetkiep, “Makbela tembe loko tu hânderet akmâ kei hân ariwai akto luâk sewenti akmâ bau luâk soko kakġân ariwai. Akto luâk tu hânderet siânbaġe âmâ soġ soġ mem keiyenġe hân ariwai. Yâkġe Paulo kewugum damungom kinbai. Kinbiâ emet dâġâmbo hândâkġât 9 kilok akto sop ain kipia ire hepunmâ Kaisarea ain ariwai. <sup>24</sup>Akto Paulogât bau luâk soko siâ kakġân ariâk dâm are kalaġbiandat. Akto Paulo yeukġân damungom kiap humo kotġe Peliki yâkġâlân mem ariwai.” <sup>25</sup>Hain dâm makyetkim kulem esenġe siâ hin dâm kulemgoep,

<sup>26</sup>“O galane Peliki, âlepġe nanġe ġâ kiap humo den bâlensiâ hin makġiġdere nânġâ. Nâmâ Klaudio Lisia, ġânġât okot âlep nânġâm kulem ire kulemgoân. <sup>27</sup>Tembe lokolupnande luâk ire ġânġâlân mem togowerâi are Yuda luâkġe komberâm aktâi. Hain akbiâ nânġe luâk are

Roma luâk hainare are nângâm <sup>28</sup> tembe lokolupne olop arim Yuda yengât hutyejânba mem oloŋion. Akto aregât keiŋe nângâwerâm aregât maktere sumbe kat kat luâk yengât damun humo akto Yuda yengât humomolupyene hârok mendugumbiâ mem arim denân kalân. <sup>29</sup>Denân katere denyenânâk den kârikŋe akbiâ âmâ hin nângân. Hain arekŋe mombiapgât dop bo me kala busi kâlegen katbaengât dop bo egân. <sup>30</sup>Akto luâk bikŋande tenġâ kinmâ Paulo komberâm akbiâ den are warapŋe nângâm aregât huŋgunaŋdere gâŋgâlân togoâp. Akto Yuda luâkŋe yâkgât denŋe dâwerâm gâŋgât enemgân togowai. Togombiâ âmâ wan me wan akmâ hilipkombo denŋe dâwerâm aktâi aregât aiyengumenâ keiŋe makmâ heŋgemgombiâ nângâwen.” Kulem esenŋe hain dâm kulemgom yetkiep.

<sup>31</sup>Kulem esenŋe are kulemgom yetkimbo denŋe lokom tembe loko olop hândâgân Paulo mem kewugum arim hândâgânâk Antipatri ariyi. <sup>32</sup>Emet hauŋdo tembe loko kei hân ariyi are ainba hepunyekmâ purik katmâ kipiayenân ariyi. Dâ bau luâk soko kakŋân ariyi arekŋeak Paulo kewugum Kaisarea kipian ariyi. <sup>33</sup>Arim kiap kulem esenŋe are waŋmâ Paulo yâkgâlân kali. <sup>34</sup>Katbiâ kiapŋe kulem are oyaŋmâ ekmâ Paulo hin dâm maganep, “Gâ kipia wânân gâtŋe?” dâmbu Pauloŋe hin maganep, “Nâ Kilikia hânân gâtŋe.” dâep. <sup>35</sup>Hain dâmbu kiap humo arekŋe hin dâep, ‘Denân kat gektâi are togombiâ âmâ gâŋgât den ire nângâwian.’ dâep. Hain dâm tembe lokolupŋe makyengimbo Paulo mem luâk humo siâ kotŋe Herote yâkgât emelan ain katmâ damungom kili.

**Yuda luâk arekŋe Kaisarea kipian arim Paulogât hâkŋe tunli agi.**

**24** <sup>1</sup>Hilâm momerâk bo akto damun siâ kotŋe Anania are akto Yuda luâk yengât humomolupyene bikŋe akto den tânyenguwipgât luâk siâ kotŋe Teatulo yâkŋe Kaisarea kipian gem arim Paulogât hâkŋe tunmâ katmâ magi. <sup>2</sup>Maganbiâ kiapŋe makto Paulo gembo Teatuloŋe âgâm Paulogât denŋe dâm kinmâ den aŋgâ hin dâm kiap are maganep, “O luâk humonenŋe Peliki, gâ âlepŋe nanŋe. Gâŋe damun nenŋe akmenâ nen gala konok manmaen. Akto luâk kâmot nengât nângâm damun nenŋe akmenâ agak meme âlepŋeak akmâ <sup>3</sup>manmaengât nen hârokŋe nângâ giŋdenŋe âlepŋe akmap. Akto aregât kotge mem agatmaen. <sup>4</sup>Akto den maktere kâlep akbopgât gâŋe yeukŋe akmâ nângâm yeugeninmenâ den tâlâwâk siâ makbe. <sup>5</sup>Luâk iregât nângâenŋe dondâ bâlimap. Yâkŋe âmâ emet kakŋe amukŋe manmâ kipianŋe kipianŋe awam ketuguyekmâ Yuda luâk hutnenŋân arim togom nengât biwi kambiam mem bâliakŋet dâm aregât hanân gege akmâ mandâp. Akto Nasarete gâtŋe siâ yâkgât kâmot areyengât humo amâ ire. <sup>6</sup>Akto nengât den kârikŋe hin makmâ hârenengiep, “Luâk siâŋe sumbe emetŋe bâleŋe agaŋdo âmâ kombiâ mombiap.” den are watmâ Paulo mem denŋaet keiŋe nângâne dâenŋe



âmâ 7kiap humo Lisia yâkne kârikne akmâ nengât hutnennânba mem oloņep. 8 Akto gângâlân togoņet dâm aregât makyenġiep. Akto nenġe den makġinġden ire gugak maganġmenâ ikinġe keiņe makġinġdo nânġâm henġemgo.” dâep. 9 Luâk arekne den hain dâmbo Yuda luâk âkâ tângom den areâk makmâ bundâk maktâp dâm wâragi.

**Pauloņe ikinġaet keiņe makmâ kiap Piliki maganġep.**

10 Akto kiapne den hâuņe mak dâm agatmâ Paulogât hâmerġânâk ekto Pauloņe kiap are hin dâm maganġep, “Gâ kiap kot mem kipia inâk manmenâ hombaņ dondâ bo agep, aregât agak memenenġe are emelâk nânġâm henġemgomat aregât gâ den amboņe aregât heroņe aktângât nunaet makġinġdere nânġâ. 11 Nâ Yerusalem kipian âġâm Anutu maganġmâ sumbe emetġân âġâm manmâ gare hilâm keiân lâuwâ bo aktâp. Akto gâņe aregât nânġâm han lâuwâ akmâ âmâ luâk ire aiņenġumenâ makġinġbiâ nânġâ. 12 Akto sumbe emetġân âġâm malân ain me sombeimân kinmâ den magân ain, me den emetġe siân âġâm manmâ ain luâk siâġât denġe bo koanġân. Akto luâk âmbâle potalakġet dâm hanyenġân bo geân. 13 Luâk irekne hianġim den anġâ hogom togo hâknân katâi. Akto den golâ dondâ gagaiâi gârâmâ luâk irekne den bunġe siâ makġinġbaigât dopġe bo tatâp. 14 Akto den siâ nânġân ire makġinġdere nânġâ. Yesugât dâp irakne are bunġe bo dâm aregât aktâi. Dâ are nânġe nânġâre amâ bunġe aktâp. Hain gârâmâ ulikġân Mose akto Anutugât propetelupġe den kârikne kulemgoyi are nânġâre bunġe agep dâm bâġilupnenġaet Anutu hoņ bawa aġanġman. 15 Dâ yâk âmâ luâk âmbâle âlepġe bâleņe are hârogâk momoņânba agatbaen, dâmai aregât nâkâ hainâk nânġâmâk manman. Akto Anutugât lâmgom han biwi golâk hikom manman. 16 Aregât nâ Anutugât dewunġân akto luâk âmbâle yenġât dewunyenġân dosa bâlâk han biwi kau kau manberâm aregât biwine humo yemap. 17 Akto nânġe Yerusalem kipia hepunmâ biken biken arim maktere hombaņ dondâ bo akto hân aregenba togom galalupġe yenġât nânġâyenġim puli niņi are mem Yerusalem kipian âġâm galalupne umburuk mali are yenġiân. Akto âmâ sumbe emetġe humoân âġâm sumbe oân. 18 Hain akmâ Yuda nengât agak meme siâ tatâp are aktere ârândân ageġgât Anutugât sumbe omberâm âmâ sumbe emetġân âġâm ondere âmâ mem miawak negi. Mem miawak nekbiâ nunagâk kilân. Luâk kâmot humo bo, akto mun humo bo akmâ manman. 19 Hain gârâmâ Yuda luâk bikġande Asia hân hepunmâ togom mali arekne nâ denân katnektâi ireyenġât hutyenġân siâ kindâi dâine makbiâ nânġâwât. 20 Akto menekmâ Yuda nengât humomolupnenġande menduguakmâ denân katnegi âmâ nânġât bâleņe gain hinare mem miawagi. Akto âmâ luâk kindâi irekne makġinġet. 21 Akto hutyenġân kinmâ den konogâk are maktere nânġâmbiâ bo bâliep. Den humoâk konmâ hin dâm makyenġiân. Luâk nenġe

momojânba agatbaengât pat are tatâp. Biwinande are nângâm manman aregât bikjande denân katnekiâ dewunyejân yu kindân. Hain dâre den aregât denân katnektâi.” dâep.

<sup>22</sup>Pauloje hain dâambo aregât Pelikije Paulogât den are bo hârem yânâk ekmâ talep. Arekne âmâ Yesugât keijaet pat are konok nângâm hejgemgoepgât hin dâm makyengiep, “Tembe loko yengât kautje kotje Lisia are gembo âmâ denge makmâ hârewaen.” <sup>23</sup>Hain dâm tembe loko yengât humoyeje arekne tembe loko are hin dâm maganej, “Paulo gasalupjande ekmâ bâleje aganjâi gârâmâ gâje hainâk damungom kinben. Hain akmenâ galalupjande togom gala aganjberâm akbiâ âmâ den bo koyengiwien.” dâep.

### **Paulo lope kâlegen mando hombañ lâuwâ bo agep.**

<sup>24</sup>Akto aregât kakjân hilâm amon siâ bo akto Peliki akto âmbenje kotje Drusila are âmâ Yuda gâtje, yâkne togom tembe loko makyengimbela bam Paulo mem gutbiâ Pauloje âgâm luâk âmbâleje biwiyeje Anutuje Yesu huŋgunanjo giep aregâlân katjet dâm makyengiep. <sup>25</sup>Akto aregât dâm den keje keje torokatmâ makyengiep. Are hin. Nen Anutugât dewunjân han biwi kau kau mannerâm are, akto yeukjân manmâ han biwi damun akmâ manberen are, akto sop humoân Anutuje bâin dâm makmâ hârenengiwiap aregât keje makyetkiep. Are makyetkimbo aregât Pelikije hamep akmâ hin dâep, “Den iregât âmâ sop siân maktere gamenâ gekmâ tatere den ireâk makbiat gârâmâ sop bo akbopgât gem ari.” dâep. <sup>26</sup>Hain dâambo arimbo aregât kakjân Pelikije Paulo lope kâlegen kato talep, aregât puli niŋdo huŋgunandere ariwiap dâm aregât hilâm ârândâj Paulogât makto gembo den maganji goanji akminiat. <sup>27</sup>Hain akmâ manbela Yuda kipia ambolupje biwiyeje heroje agâk dâm Paulo bo hulaŋdo âmâ kala busi emet kâlegenâk tatmâ malep. Akto hombañje lâuwâ bo akto âmâ Peliki arimbo yâkgât dumjân kiap siâ kotje Porkio kotje humo Pesto katbiâ malep.

### **Pauloje Roma yengât luâk humoje den nânganâkgât magep.**

**25** <sup>1</sup>Akto Pesto are kiap katbiâ mando hilâm âlâwu bo akto âmâ Kaisarea kipia hepunmâ Yerusalem kipian âgâep. <sup>2</sup>Âgâambo sumbe kat kat luâk areyengât humomolupyene are akto Yuda yengât humomolupyene arekne mendugum maganji goanji akmâ, “Paulo arimbo dâwân tengâ kinmâ kombaen.” dâm aregât kiap hin dâm maganji, <sup>3</sup>“Âlepje den nângânengim hoj bawalupge huŋgun yengimenâ arim Paulo kewugumbiâ Yerusalem kipian togombo denje nângâ anjbiat.” hianmâ hain dâyi. <sup>4</sup>Hain dâmbiâ Pestone hin dâm makyengiep, “Paulo âmâ Kaisarea kipian kala busi kâlegen mandâp. Gârâmâ iren bâlensiâ manmâ purik katmâ gewian. <sup>5</sup>Gârâmâ ye Paulogât den akberâm âmâ nâ

gewian sop ain humomolupyenye olowâk gem âmâ yâkne wan me wan akmâ hilipkoep aregât den akbi.” dâep.

<sup>6</sup>Hain dâm tato hilâm bât bip bip hârok me gain bo akto Yerusalem kipia are hepunmâ Kaisarea kipian gem ariep. Arim yem kindo emet hauŋdo den emetnân âgâm Paulogât makto mem den emetnân âgâm katbiâ kilep. <sup>7</sup>Mem âgâm katbiâ kindo Yerusalem kipia ambolupjande gangerâm kârikne akmâ den aŋgâ aŋgâ hogom togo hâknân hâknân agi. Akto denyenye are bunye siâ bo miawagep. <sup>8</sup>Hain dâm kârikne akbiâ Pauloŋe denyenye are mem gem hin dâep, “Nâne Yuda yengât den kârikne akto sumbe emetne, akto Roma yengât luâk humo, ya maktân âlâwu areyengât bâlene siâ bo nângâyengiman.” dâep. <sup>9</sup>Hain dâmbo Pestone Yuda luâk arekne okot âlep nângâniŋet dâm aregât Paulo aikom hin dâep, “Âlepne Yerusalem kipian kewugugekmâ âgâm âmâ denge dâm hâregiŋdere ârândâŋ akbiap me bo?” dâep. <sup>10</sup>Hain dâmbo Pauloŋe hin dâm magaŋep, “Roma luâk humogât den emetne iren katnekiâ mandân. Aregât nângât den hin dâm hâreniŋet. Gugak âmâ nângât keine nângât. Nâ Yuda yengât nângâm bâli bâli me kuk heŋgân siâ bo akyenŋiân. <sup>11</sup>Hain gârâmâ den kârikne siâ koân dâine âlepne nuguwâi. Akto yeŋe âmâ hianŋim den aŋgâ hogom togo hâknân katâi. Gârâmâ luâk siâne Yuda luâk herone akŋet dâmbo âmâ menekmâ arim bâlene akniŋbai, aregât dâp bo tatâp. Bo kârikne. Haingât Roma yengât luâk humo konok Sisa arekne âmâ makmâ hâreniŋbiapgât nângâm kindân.” <sup>12</sup>Hain dâmbo Pestogât luâklupne nângâ nângâyene olowâk arekne tângombiâ Paulo hin dâm magaŋep, “Luâk humo nenye Sisa yâkgât maktât, aregât âlepne yâkgâlân arimenâ yâkne denge are dâm hâregiŋbiap.” dâep.

### **Luâk humo siâ kotne Agripa yâkne Pestogâlân arimbo Paulogât den magaŋep.**

<sup>13</sup>Akto hilâm siân luâk humo siâ kotne Agripa akto ikiye garine kotne Beanike yâkne Kaisarea kipian arim âmâ Pesto gala aganbela yâk olop mali. <sup>14</sup>Manmâ manmâ hilâm siân âmâ Pestone Paulogât den pat are luâk humo are hin dâm magaŋep, “Pelikiye luâk siâ kala busi kâlegen katmâ arimbo tatmâ manmâ gamap. <sup>15</sup>Akto nâ Yerusalem kipian âgare âmâ sumbe kat kat luâk yengât damun humo akto Yuda luâk yengât humomolupyenande mendugum kinmâ denân katmâ hin dâm makniŋi, “Luâk are komenâ moâk.” dâmbiâ nâne hin dâm makyenŋiân, <sup>16</sup>“Roma luâk nenye âmâ hin akmaen. Luâk siâgât hâknân den aŋgâ hogom togo katmai are mem bugâgât pat dâm dowâk bo katyekmaen. Nenye âmâ hin akmaen. Ulik gulik luâk are mem den amboŋe are mem arim âmâ niŋande niŋaet denye dâp are soŋ katenye ikiyeŋaet keiŋe magaŋdo âmâ den amboŋe are olop den akbiâ âmâ aregât hâuŋe waŋmaen.” Hain dâm makyenŋiân. <sup>17</sup>Akto aregât hamiŋân yâkne nângâlân togombiâ lâuwâne

makyenjiân. Akto emet haunđo âmâ hainâk âgâñet dâre den emetjân âgâm menduguyi. Mendugumbiâ âmâ âgâm tembe lokolupne makyenjiãre luâk are mem ga katbiâ kilep. <sup>18</sup>Kindo hin makyenjiân, “Luâk irekñe bâleñe agep are makmâ miawakñet.” dâre agatmâ den hâuñe makmâ hin dâyi, <sup>19</sup>“Paulo amâ miti siâ mem manmap aregât luâk siâ kotñe Yesu are emelâk moep yâkgât kotñe konmap.” dâyi. Hain dâmbiâ Pauloñe hin dâep, “Bo, luâk are golâk mandâp.” dâep. Hain akmâ papalakmâ kinbiâ nânğâre siâ me siâ agañbiangât dop bo agep. <sup>20</sup>Hain aregât nânğâwerâm pâpkom kilân. Akto hin aikoân, “Yerusalem kipian âgâmenâ âmâ ain gâñgât den are makmâ hârewian me?” hain aikoân. <sup>21</sup>Hain dâre Pauloñe hin dâep, “Roma luâk humo konok Sisa arekñe den makmâ hâreniñâk.” dâep. Hain dâmbiâ aregât tembe lokolupne makyenjiãre mem kala busi kâlegen katmâ damungombiâ luâk humogâlân ariwerâm aregât lâmgom mandân.” dâep. <sup>22</sup>Pestoñe Agripa hain magañđo Agripañe hin dâep, “Luâk arekñe den siâ makto nânğâwerâm aktân.” dâep. Hain dâmbiâ Pestoñe hin dâep, “Âlepñe agatmâ makto nânğâwen.” dâep.

#### **Pauloñe luâk humo Agripa yâkgât dewunjan kilep.**

<sup>23</sup>Yem kinbiâ haunđo Agripa akto Beanike hâk meakmâ heñgemgom den emetjân mendugum tali ain âgâmbela tembe lokoyenğât humoyeñe akto kipia aregât ambolupñe luâk humomo arekñe hamiyetjân kinbiâ âgâyi. Âgâmbiâ Pestoñe tembe loko makyenjimbo gem Paulo mem âgâyi. <sup>24</sup>Mem âgâmbiâ Pestoñe den hin dâm makyenjiep, “Luâk kotdâ Agripa akto galalupne ye makyenjiãre nânğâñet. Yuda luâk hutyenjan kindâi arekñe akto Yerusalem kipia ambolupñande nânğâm bâlim biwi koko akmâ nânğâlân togom luâk yu kindâp iregât hin dâyi, “Luâk ire kondenñe moâk.” dâyi. <sup>25</sup>Hain dâmbiâ nânğe dosañe are ekmâ nânğâre momogât dopñe bo agep. Akto aregât kakñan ikinjak âmâ Roma luâk humonenñande nânğât den makmâ hârewiap dâm magepgât yâkgâlân huñgunañdere ariwiap. <sup>26</sup>Akto Paulogât denñe bunñe siâ ekbe dâm undâgâtere bo akto aregât luâk humonenñaet kulem esenñe gain gain kulemgowe dâm ewum hâumgom aregât hepulân. O humonenñe Agripa, aregât makginđere nânğâ. Pâpkom kilân aregât gâ akto yu kindâi ye dewunyenjan luâk ire katere kindâp. Akto nenñe den keñe are mem miawakbaen ain âmâ yâkgât den pat are kulemgore ariwiap. <sup>27</sup>Gârâmâ luâk siâ kala busi kâlegen mandâp yâkgât den pat bo kulemgore Roma kipian ariâk dâm yân huñgunañbian âmâ bo ârândân akbiap.” dâep.

#### **Pauloñe Pesto akto Agripa yetgât dewunyetjan ikinjaet keñe makyetkiep.**

**26** <sup>1</sup>Akto Pestoñe den hain dâmbiâ Agripañe Paulo hin magañep, “Gâñe guge keige makmenâ nânğâne.” dâep. Hain dâmbiâ

Pauloŋe agatmâ kinmâ koratyenŋum ikiŋaet keiŋe hin makyenŋieŋ,  
 2“Yuda luâkŋe hâkne tunmâ den makmâ manmai aregât uŋak âmâ luâk  
 humo Agripa gâŋgât dewungân kinmâ den bikŋe makŋiŋberâm aregât  
 biwine âlepŋe aktâp. 3Gâŋe Yuda nengât keinenŋe nânŋâm nengât  
 den kârikŋe aregât dâm papalakmâ âmâ wan me wan owâiŋe aregât  
 dâm magaŋŋi goaŋŋi akmaen aregât keiŋe nânŋât. Aregât nune keine  
 makŋiŋdere bo hâkân akmâ âmâ nânŋâ. 4Nâ nanaŋân manmâ nune  
 kipian akto Yerusalem kipian bam gutmâ galalupne hutyenân manmâ  
 kauleân Yuda luâkŋe emelâk negi arekŋe yu akmâ manmâ gan aregât  
 keine nânŋâi. 5Akto nâmâ Parisaio luâkŋe nengât den kârikŋe aregât  
 dâm memenŋe akbiâ yâk yenŋât kâmolân malân. Hain mandere nekmâ  
 keine nânŋâmai arekŋe makberâm agi are magi dâine nânŋât keine  
 âlepŋe dâmbiâ nânŋâwât. 6-7Nâ kala busi kâlegen malân are keiŋe siâgât  
 bo malân. Anutugât den pat âlepŋe are bâgilupnenŋe makyenŋieŋ are  
 bunŋe agâk dâm Israe yenŋât kâmot keiân lâuwâ manden nen hârokŋe  
 hândâk me hilâm Anutugât kotŋe mem agatmâ manmâ den aregât  
 biwinenŋande mem heŋgemgom manden. O luâk humone den ire  
 maktere nânŋâ. Nâŋe den pat maktân ire biwinân katmâ heŋgemgom  
 manman aregât Yuda luâkŋe denân katnektâi. 8Akto Anutuŋe  
 momoŋânba mem agatnenekbiap aregât ye wangât nânŋâmbiâ bunŋe bo  
 akmap?

9Akto ulikŋân biwinande hin nânŋân. Nâŋe Yesu Nasarete kipian gâtŋe  
 aregât pat âlepŋe are gulip agâk dâm aregât âi humo meân. 10Akto hain  
 nânŋâm Yerusalem kipian manmâ âmâ keiŋe kalân. Keiŋe katmâ makmâ  
 sumbe kat kat luâk yenŋât humomolupyenŋe yenŋâlân arim maktere  
 kulem esenŋe niŋbiâ are mem manmâ Yesugât kâmolân gâtŋe kuk akmâ  
 kala busi kâlegen katyegân. Akto bugâ neŋet dâm makyenŋimbiâ nâkâ  
 denyenŋe areâk tânyenŋuân. 11Akto Yuda nengât den emetŋe tatmâ ariep  
 are ârândânŋ âgâm luâk âmbâleŋe biwiyenŋe Yesugâlân kali are Yesugât  
 kot makmâ hilipkoŋetgât hâk hilâlâm yenŋim malân. Akto aregât  
 biwine kâlâp akto kârikŋe akmâ kipia kâlewâŋen arim âmâ yenŋum  
 hâwâtyeŋkmâ manmâ gan.

### **Pauloŋe biwine Yesugâlân kalep aregât den pat makyenŋieŋ.**

12Hain akmâ sumbe kat kat luâk yenŋât damun siâŋe kulem esenŋe  
 niŋmâ huŋgun niŋdo Damasko kipian luâk bikŋe olowâk ariyion. 13O  
 luâk humone, ire makŋiŋdere nânŋâ. Dâp arienŋe hilâm kârikŋe akto  
 âmâ himbimânba pagaleŋe siâ miawakto egân. Ektere âmâ dewutâ  
 kârikŋe kom kilewân mem belek akmâ are ewanŋieŋ. 14Hain akmâ  
 arekŋeak erânekto hânân gem parâ yendere ondopnân Hebraio nengât  
 denân siâ hin dâmbi nânŋân, “Saulo, Saulo, gâ wangât nugum watnekmâ  
 mandât? Yeŋe dua yenŋuwerâm tâkŋe hanyenân hikom oloŋyekmai.

Hainâk nâje mem hiko gektere are oloŋmâ hâk hilâlâm nâŋgât.” hain dâep. <sup>15</sup>Hain dâm makniŋdo hin magañân, “Humo gâ niŋe?” dâre hin dâep, “Nâ gâje nugum watnekmâ manmat are nâ Yesu. <sup>16</sup>Nâŋgât hoŋ bawa akben dâm mengekberâm miawak giŋdân aregât gâ ire wan me wan ektât aregât hâmbâi âmâ den makgiŋdere hain akbiat aregât pat makyenŋim manben. <sup>17</sup>Makyenŋiwiatgât Yuda luâk akto Yuda luâk bo manmai areyenŋâlân huŋgun giŋdere ariwiat. Aregât kipia ambolupŋande bâleŋe akgiŋberâm akbiâ are meyektere yeukŋe akbai. <sup>18</sup>Akto nâŋgâ nâŋgâyeŋe hâre akto bâleŋe aregât keiŋe nâŋgâm hâkâŋ akmâ hepunbaigât makyenŋiwen. Akto Niambigât kârikŋe hepunmâ Anutugât kârikŋân manmâ biwiyeŋe Yesugâlân katbiâ Anutuŋe dosayeŋe hepundo Anutugât kâmolân manŋetgât huŋgun giŋdere yâk yenŋâlân arim makyenŋiwiat. Akto Anutuŋe dosayeŋe hepundo himbimân manman kârikŋe aregât pat akŋetgât makyenŋimenâ biwiyeŋe nâŋgâlân katmâ manbaigât huŋgun giŋbian. Aregât agatmâ arim makyenŋiwen.” Yesuŋe den hain dâm makniŋep.

<sup>19</sup>Akto luâk kotdâ Agripa gâje ire nâŋgâ. Yesuŋe himbimânba gem den makniŋep ire nâŋgâm lokom manmâ gan. Akto kulem aregât bo hâkâŋ aktân. <sup>20</sup>Akto Damaskogen âi keiŋe katmâ kipia are ambolupŋe agak meme bâleŋe yeŋaet makmâ miawakyenŋim are koyenŋiân. Akto Anutugât den lokom biwi irakŋeâk manŋet. Hain dâm Yesugât keiŋe makyenŋim malân. Akto kipia are hepunmâ Yerusalem arim makyenŋim malân. Akto arewa arim Yuda luâk kipiaŋe kipiaŋe makyenŋim arewa Yuda luâk bo manmai are yenŋâlân arim makyenŋim malân. <sup>21</sup>Akto hain akmâ Yuda nenŋe sumbe emetŋân âgâre nuguwerâm menegi. <sup>22</sup>Menekbiâ âmâ uŋak iregât Anutuŋe hilâmŋe hilâmŋe tân nugumap aregât den pat luâk gegeŋe âgâ âgâŋe ye hârogâk makmâ miawakyenŋim gaman. Akto den irakŋe bo are makmâ Anutuŋe hâmbâi âmâ hin miawakbiap aregât den makyenŋim gaman. Den ire propete luâklupŋe akto Moseŋe kulemgoyi aregât keiŋe hin. <sup>23</sup>Anutuŋe huŋgunanŋo gem damun nenŋe akbiap arekŋe hâk hilâlâm nâŋgâm mombiap. Mom âmâ moyi areyenŋât ulik gulik akyenŋim momoŋânba agatbiap. Agatmâ Yuda gâtŋe akto Yuda gâtŋe bo are pagalenŋân manbaigât makyenŋiwiat. Den kulemgoyi are keiŋe hain dâm manman.” dâep.

<sup>24</sup>Pauloŋe keiŋe hain dâm makyenŋim kindo Pestonŋe agatmâ den kârikŋeâk makmâ hin dâep, “Paulo gâ biwige gulip aktâp. Kulem emetŋân âgâm sop kâlep manmâ gaen aregât biwige gulip aktâp.” dâep. <sup>25</sup>Hain dâmbo Pauloŋe den hâuŋe hin dâm magañep, “O Pesto luâk humone, nâ biwine gulip bo aktâp. Nâ den bunŋe dondâ maktân. <sup>26</sup>Dâ Agripaŋe iregât keiŋe nâŋgâmap. Aregât magañdere nâŋgâwerâp. Wan me wan dâŋ are tipŋân bo miawagep. Aregât luâk kembuŋe nâŋgâm metemap. <sup>27</sup>Luâk humone Agripa, Anutuŋe ulikŋân den makyenŋimbo kulemgoyi

are nângâmenâ bunje aktâp me bo? Gâmâ nângâm hejgemgomat aten.”  
 dâep. <sup>28</sup>Hain dâmbô Agripaņe Paulo hin dâm magaņep, “Gâņe den  
 bâlensiâ makniņđât are nâņe biwine Yesugâlân katbian me bo?” dâep.  
<sup>29</sup>Hain dâmbô hin dâep, “Biwige Yesugâlân yân hain katbiat me bo me sop  
 kâlep hainâk manbiat are bo nângân. Hain gârâmâ uņak den ire maktere  
 are nângâmbiâ Anutuņe tânyengumbo kâlep bo akto nâņe emelâk biwine  
 Yesugâlân kalân hainâk yekâ yâkgâlân biwiyeņe katmâ nângât dop hainâk  
 akņet dâm aregât makmâ kindân. Aregât âmâ tâkņe hikonekmâ kala busi  
 kâlegen katnekiâ manman aregât bo maktân.” dâep.

<sup>30</sup>Hain dâmbô luâk kembu akto siâ akto Beanike akto luâk bikņe  
 agatmâ potalakmâ ariyi. <sup>31</sup>Hain akbiâ âmâ Agripa, akto Pesto, akto  
 Beanikeņe den magaņgi goaņgi akmâ hin dâyi, “Luâk ire bugâ memegât  
 akto kala busi kâlegen kat katgât dop bo aktâp.” <sup>32</sup>Hain dâm magaņgi  
 goaņgi akmâ Agripaņe Pesto hin dâm magaņep, “Luâk irekņe Roma luâk  
 humogât dewunņân kindere makmâ hâreniņâk, hain bo dâep dâine gâņe  
 âlepņe huņgun aņmenâ arim âlepņe manbop.” dâep.

### Paulo Roma kipia humo ain ariâk dâmbiâ waņga mem ariep.

**27** <sup>1</sup>Kiapņe Paulo Italia hânângen ariâk dâmbô Roma yeņgât tembe  
 loko kâmot siâ kotyene Roma luâk humogât kâmot yeņgonbiâ  
 areyeņgât humo siâ malep kotņe Yulio yâkņe Paulo akto luâk bikņe  
 siâ kala busi kâlegenba meyekto nâņe Paulo tângowerâre haru ginņân  
 ariyion. <sup>2</sup>Arim waņga siâ Adramiteņ kipia aregenba togom kilep are  
 Asia haru dâtņân kipia haru ginņe ginņe tatmâ ariep ain ariwerâm akto  
 nâ akto luâk siâ kotņe Aristako Tesalonike kipia are Makedonia hânân  
 talep ain gâtņe net olowâk âgâyion. <sup>3</sup>Âgâenņe menenekmâ arimbo emet  
 haunđo waņga are Sidonj kipian arimbo ain Yulioņe Paulo nâņgâ aņđo  
 waņga are hepunmâ gem galalupņe yeņgâlân âgâmbo sot waņbiâ niep.  
<sup>4</sup>Waņbiâ nem hepun yekto waņgan âgâenņe menenekmâ arimbo seru  
 humo waņga hâmeņe kâlewângenba togoep. Togombo seru sândugembo  
 arinerâm hân siâ haru tânâmņân talep kotņe Kipiro akto Asia hân humo  
 are hutyetņân ariyion. <sup>5</sup>Arim Kilikia akto Pampilia hân are hepunmâ  
 haru hâtikom arim Mira kipia Likia hân talewân ariyion. <sup>6</sup>Arim ain  
 katnenekto kindenņe waņga siâ Alesandria kipiangenba togom Italia  
 hânângen ariwerâm agep ain âgâenņe tembe loko humoyeņe yâkņe  
 menenekto ain âgâyion. <sup>7</sup>Âgâenņe seru humo pando âi humo mem titnan  
 titnan âgâm Kinido kipian ariep. Akto ain seruņe wirâm waņga mem  
 purikberâm akto kipia are ewangim haru tânâmņân hân siâ kotņe Kreta  
 hân humo kotņe Salimone are ewumâk tatmap ain ariyion. <sup>8</sup>Lasaia kipia  
 are okotņân haru tuņguuņangen kipia siâ talep aregen haru tuņguņe  
 âlepņe dâm hâmeņe űeņân ewum kârikņe akto âi humo mem hâk  
 hilâlâm nâņgâm wâraktenņe ariyion.



**Pauloŋe waŋga bâliwiap dâm makyenŋiep.**

<sup>9</sup>Haru tuŋguŋe ain sop kâlep tatmâ manmâ dewutâ siâgât seru humo pando ariwiapgât dop bo agep aregât sopŋe tâlâguep aregât Pauloŋe den kârikŋe makyenŋim hin dâep, <sup>10</sup>“Maktere nâŋgâŋet. Kipia ire hepunmâ ariwaengât dopŋe bo tatâp. Seruŋe waŋga ire mem kâimbo purik dâmbo âmâ ito siâ siâ ire bo akto nen hârokŋe haruân gewaen aregât nâŋgâm heŋgemgoân.” dâep. <sup>11</sup>Hain dâmbo waŋga amboŋe akto damun arekŋe den koaŋbela tembe loko damun arekŋe yâk yetgât den nâŋgâep. <sup>12</sup>Akto haru tuŋguŋân ain kindenŋe tânâk seru sopŋe akto waŋgaŋe tatbiapgât dop bo agep. Hain akto aregât Kreta nupi biken haru tuŋguŋe âlepŋe siâ talep, kotŋe Poiniki ain arim mandenŋe seru sopŋe akbiap aregât maknengiyi. Poiniki haru tuŋguŋe aregât hân hâmeŋande seru tigiep.

**Seru humo palep.**

<sup>13</sup>Akto hamiŋâŋenba seru yeukŋe pando âmâ waŋgaŋe menenekberâm akto tâk dewatim hikoyi are mem oloŋbiâ gambo Kreta ginŋe hâlânâm ariep. <sup>14</sup>Arimbo hân pumâŋen seru humo dondâ kotŋe kagu are hânânba togoep. <sup>15</sup>Arekŋe waŋga mem kâiwerâm akto âi humo mem hâk hilâlâm nâŋgâm hâkâŋ akmâ hepundenŋe âmâ waŋga are hanâk hanâk ariep. <sup>16</sup>Arim hân bâlensiâ haru tânâmŋân talep aregât kotŋe Kauda are biken arienŋe sânduk sânduk agep. Akto ain diŋgi are haruân gewop dâm âi humo mem oloŋdenŋe waŋga kakŋân âgâep. <sup>17</sup>Âgâmbo waŋga hogoakbop dâm tâkŋe dâgâm hâkŋe hârok bigeyi. Akto ŋeŋ kârikŋe siâ kotŋe Siriti ain âgâwop dâm mâron humo siâ oloŋbiâ gembo seruŋe mem huŋgun nengimbo hanâk hanâk ariyion. <sup>18</sup>Akto seru kârikŋe kom yiepgât emet haunŋo seruŋe kârikŋe dondâ panmâ kindo waŋga owâimbo arinerâm ito siâ siâ bikŋe haruân pandenŋe giep. <sup>19</sup>Akto emet haunŋo seruŋe hainâk panmâ kindo aregât bâiŋe umatŋe siâ siâ talep are hârogâk panbiâ giep. <sup>20</sup>Akto hândâk me hilâm seru arekŋe kârikŋe dondâ panmâ yendo hilâm dewutâ akto diâ siâ bo miawakto hân bo ekmâ bâliwewen dâm hamep agion.

**Pauloŋe biwiyenŋe bâliwopgât den makyenŋiep.**

<sup>21</sup>Seru humo kârikŋe are hainâk yendo sot bâlâk tatmâ manbiâ Pauloŋe hutyenŋân agatmâ kinmâ hin dâm makyenŋiep, “Nâŋe den makyenŋiân are nâŋgâm lokoyi dâine Kretagen âlepŋe tatmâ manben. Akto ain mandenŋe dâine ito me wan me wan dondâ ire bo gulip aguwop. <sup>22</sup>Uŋjak âmâ nen hârok bo hilipnenguwerâp aregât hamep bo akŋet. Waŋgaŋe konok âmâ bâliwerâp. <sup>23</sup>Are nâŋe nâŋgân iregât keiŋe âmâ hin. Hândâgân Humone Anutu kotŋe mem agatman arekŋe hoŋ bawaŋe aŋelo siâ huŋgunaŋdo gem miawakniŋmâ hin dâm makniŋdâp,

24 “Paulo gâ bo hamep ak. Roma luâk humogâlân ariwiatgât dopņe tatâp. Akto hin maktere nânġâ. Anutuņe gâ akto luâk gâ olop mandâi are hilip aguwaigât gala akyeņġiâp.” 25 Hain dâm makinġdâp areġât galalupne kambiamyeņe âlepņe agâk. Nânġe Anutugât han lâuwâ bo akman. Den makinġdâp are âmâ bunņe akbiapgât nânġân. 26 Akto den are bunņe akbiap areġât hin nânġân. Seruņe kârikņeâk panmâ waņġa lokom pando arim hân siân kinbaen hain nânġân.” dâep.

27 Pauloņe hain dâmbo seruņe waņġa mem bam purik gurik ketugumbo bam gutmâ mandenņe Kreta hepulion ainba sonda lâuwâ bo agep. Bo akto haru kotņe Adria ain hâtikoyion. Hâtikoenņe hândâk tânâmņân waņġa damunlupņande nânġâm, “Hân ewumâk aktâp.” dâyi. 28 Hain nânġâm areġât dopņe siâ panmâ ekberâm tâk geâk dâm panbiâ amukņân gembo areġât dopņe 40 mita hain agep. Akto ainba bâlensiâ bam siâkâ panbiâ gembo ain dopņe 30 mita hain agep. 29 Akto ñeņ kârikņân âġâwâen dâm hamewakmâ waņġa haminângen aņġa imbât talep are panbiâ gembo âmâ tatmâ emet hauņâk dâm lâmgom talion. 30 Tatenņe waņġa damunlupņande diņġi siân âġâm hepun nenekmâ ariwerâm akmâ waņġa bâlensiâ are panbiâ gembo den hianġim hin dâyi, “Nenņe waņġa hâmeņângen âġâm waņġagât aņġa siâ pandenņe gewerâp.” dâyi. 31 Hain dâmbiâ Pauloņe tembe loko humo are hin dâm magaņep, “Damunlupnenņe yâk hepun nenekmâ arimbâi âmâ nen haruân gem hilip aguwaen.” dâep. 32 Hain dâm magaņdo tâkņe mem diņġi dâġâyi are hârem hepunbiâ gem haru kakņe hanâk hanâk bam ariep.

33 Akto hândâk pipiņe tatoâk Pauloņe luâk hârogâk hin dâm makyeņġiep, “Ye hamep humo nânġâyigât sot bo nem manbiâ sonda lâuwâ bo aktâp. 34 Akto areġât wâtyeņe gewopġât sot nem kârikņe akņet. Hain akbai âmâ âlepņe ariwaen. Kautyeņe dumutņe siâ bo gem gulip akbiap.” dâep. 35 Hain dâm sot siâ mem dewunyeņân Anutu mepaiņe mem kinmâ ligim niep. 36 Nendo ekmâ biwiyeņe hulaņ akto yâkâ hainâk sot are mem neyi. 37 Akto waņġan nen luâk 276 hain arekņe sot are neyion. 38 Nem metem âmâ waņġa are umalaņdo gewopġât sot bânġe waņġa kâlegen yiep are lokom haruân panbiâ gembo waņġaņe owâim agalep.

### Waņġa hogoagep.

39 Akto emet hauņdo hân are ekmâ, “Hân ire wânâno.” dâm pâpkoyi. Hain akmâ haru tuņġuņe siân ñeņ boân ekmâ, “Waņġaņe ġinņân nupiân âġâk.” dâm âi meyi. 40 Hain akmâ waņġagât aņġa areġât tâk hârembiâ gembo tâk siâ waņġa purik katmap are hulaņbiâ bam guto mâron siâ waņġa hâmeņân seru oloņmap are oloņbiâ âġâmbo seruņe mem pando haru ġinņân âġâwerâm agep. 41 Haru ġinņân âġâwerâm akto ekbiâ bo ârândâņ akto waņġa are nupi bâlensiâ talep ain âġâep. Âġâm hâmeņe

neŋ kâriknân ewum tato haru humo panmâ waŋga hamiŋângen kondo hogoagep. <sup>42</sup>Kondo hogoakto tembe loko arekne kala busi kâlegen luâk mali arekne haruân gem yoloŋ akmâ arim heambukbâirâm yenjuwerâm agi. <sup>43</sup>Hain akbiâ humo yeŋande Paulo kombâi dâm den koyeŋgiep. Den koyeŋgim yoloŋ akmai arekne soŋ sopanmâ ariŋet dâmbo sopanmâ gem ginjângen âgâyi. <sup>44</sup>Dâ yoloŋ bo akmai arekne âmâ waŋga hogoagep aregât papaŋe humo siâ kaknân yem bâtyeŋande haru hâgâm maleine ginjângen âgâyi. Hain akmâ nen hârok âlepneâk ginjângen âgâyion.

### Melite gimbâŋan arim mali.

**28** <sup>1</sup>Haru ginjângen âgâeneŋe ainâk luâk siâ togombo kipia ire wânân dâeneŋe Melite dâm maknengiep. <sup>2</sup>Akto hân aregât ambolupŋande gala aknengimbiâ nâŋgâeneŋe dâtne agep. Gala aknengimbiâ tânâk togombo hâkneneŋe bâlâpneŋe akto kâlâp hâwurum ombiâ nâŋgâyion. <sup>3</sup>Kâlâp nâŋgâm tatenne Pauloŋe kâlâp pitim om hewumdâk siâ mem om tato ululunne kâlegenba hâme hewuk siâŋe onekbop dâm gam Paulogât bâtnân igim bigeim kilep. <sup>4</sup>Hain akto hân aregât ambolupŋande hâme hewuk arekne Paulogât bâtnân igim kilep are ekmâ hin dâm magaŋgi goaŋgi agi, “Luâk irekne luâk siâ kondo moep aregât hâuŋe haruŋe lauŋân bo pikto mondâpŋât haru ginjângen gambo yu keiŋe hekalanjâp mon?” dâyi. <sup>5</sup>Hain dâmbiâ Pauloŋe bâtnânba kom pando gombo kâlâpneŋe oep. Ondo Paulo hâme hewukne bo igiep hainare akmâ âlepneŋe kilep. <sup>6</sup>Hain kindo yâkne hin dâyi, “Hâme hewukne igimbo gilâm bâleŋe bo gam ariâp gârâmâ momberâp.” dâyi. Hain dâm aregât tâŋâk ekmâ kili. Ekmâ kinbiâ hain bo akto ekmâ han lâuwâ akmâ hin dâyi, “Luâk ire âmâ luâk niambi me gain?” dâyi.

### Pauloŋe luâk siâ kundatdâ are heŋgemgoep.

<sup>7</sup>Akto luâk humoyeŋe siâ kotne Popilio kipia malion are ginjân malep. Akto luâk arekne gala aknengim oloŋ nenekto emetnân âgâm olowâk mandeneŋe hilâm âlâwu bo agep. <sup>8</sup>Akto ain Popilio eweŋe kundat akmâ hâkne kâlâp akto tep patatak agep. Hain akmâ mando Pauloŋe nâŋgâm yâkgâlân arim kautnân mem Anutu ulilaŋmâ mem heŋgemgoep. <sup>9</sup>Heŋgemgombo aregât pat kipia ambolupŋande nâŋgâm luâk âmbâle kundat agi are hârogâk meyekmâ togombiâ hainâk mem heŋgemyeŋgum malep. <sup>10</sup>Heŋgem yeŋumbo aregât hâuŋe okot âlep nâŋgâm gala aknengim sikum ito me wan me wan are nengiyi. Hain akmâ mandeneŋe dewutâ âlâwu bo akto ariwerâm aktenne dâwân sot om nembraŋgât dâm lokom ba waŋga siân katnengiyi.

### Melite are hepunmâ Roma kipia humoân ariyi.

<sup>11</sup>Akto waŋga are âmâ uliknân Alesandria kipianba togombo tânâk seru sopne akto ain kilep are hâmeŋân lâpioyeŋe lâuwâ danjândâ hâwim

kepikmâ katmâ waŋga aregât kotŋe “Lâpionenŋe” dâm koli are egion. Ekmâ âmâ mandenŋe dewutâ âlâwu bo akto tânâk sopŋe tâlâgumbo âmâ <sup>12</sup>waŋga ain âgâenŋe menenekmâ Siraku kipian ariep. Ain arimbo hilâm âlâwu bo agep. <sup>13</sup>Arewa arim seru humo arekŋe mem pan nenekto Region kipian ariyion. Emet hauŋdo haminenŋangenba seru humo siâ puŋ puŋ pando arim hilâm lâuwâ bo akto Puteoli kipia Italia hân talewân ariep. <sup>14</sup>Arim waŋga hepundenŋe kipia aregât ambolupŋande biwiyenŋe Yesugâlân katmâ maliŋe togom mem kewugu nenekbiâ yâk olop mandenŋe sonda konok bo agep. Akto arewa kei hân arim Roma kipian ariwerâm agion. <sup>15</sup>Hain akmâ arim mandenŋe Yesugât kâmot Roma kipian maliŋe nengât pat nânŋâyigât bikŋande togom kipia kotŋe Apio ain lombo yengât emet siâ kotŋe “Emet Âlâwu” ain togom penânengiyi. Penânengim maŋgan nenekbiâ Pauloŋe yekmâ biwiŋe heronŋe akto Anutugât mepaiŋe miep.

### **Pauloŋe Yuda yengât bâgilupyenŋaet keiyenŋe makyengiep.**

<sup>16</sup>Roma kipian arienŋe kiapŋe dâmbu Paulo kala busi kâlegen bo katbiâ emet yânŋân âgâm gem mando aregât tembe loko siânŋe damungombo olowâk maliat. <sup>17</sup>Manmâ hilâm âlâwu bo akto Pauloŋe gutŋet dâmbu Yuda yengât humomolupyenŋe togombiâ hin dâm makyengiep, “Galalupne, keine maktere nânŋâŋet. Nânŋe âmâ bâgilupnenŋande den kârikŋe dâyi are lokom âlepŋeâk manmâ gan. Akto Yuda yengât gasa bo akyengiman. Hain bo aktere hin ina yân hâkâŋne akmâ heyengimbiâ Roma yengât tembe lokolupyenŋande menekmâ Yerusalemgen kala busi kâlegen katnekbiâ talân. <sup>18</sup>Katnekbiâ mandere Roma luâk arekŋe nânŋât keine nânŋâwerâm ainugumbiâ keine maktere nânŋâmbiâ dosane bo talep akto hulaŋ nekberâm agi. <sup>19</sup>Hain akbiâ âmâ Yerusalem yengât humomolupyenŋande kârikŋe akmâ koyengimbiâ aregen gâtŋande Roma yengât humoyenŋande den makmâ hâreniŋbiap dâm magân. Akto galalupne yengât me bâgilupne yengât den mem ge katyengiwêrâm aregât bo togoân. <sup>20</sup>Are âmâ Anutuŋe nengât damun nenŋe akbiap dâm huŋgunaŋdo giep aregât Israe luâk nen biwinenŋande konmâ manmaen are emelâk huŋgunaŋdo giep dâre aregât tâk kârikŋande hikonegi. Hikonekbiâ arewa yânŋânŋen togom ye olop tatmâ yâkŋât magaŋgi goaŋgi aknerâm aregât mem oloŋyektere togoâi.” dâep. <sup>21</sup>Hain dâmbu hin dâyi, “Indâgen Yuda hânân manmaiŋe gâŋgât den bo kulemgom nengiyi. Akto luâk siâ bo huŋgunaŋbiâ nengâlân togom gâŋe wan me wan bâleŋe akmat aregât keiŋe bo makto nânŋâyion. <sup>22</sup>Dâ Yesugât kâmot yengât mem ge katyekberâm siâ siâ akyengimai. Hain dâmbiâ âmâ nânŋâyion. Aregât âmâ gâŋgât biwige ekberâm togoen.” dâyi. <sup>23</sup>Hain dâm magaŋgiwaen dâm aregât sop kali.

Akto sop are tâlâgumbo emet hauŋdo luâk dondânŋe Paulogât emelan âgâm menduguyi. Mendugumbiâ Anutuŋe damunyenŋe akberâm agep

aregât keiŋe makyenŋim Paulone biwiyene Yesugât katŋetgât nânŋâm uliknân Anutuŋe Mose akto propetelupne den makyenŋimbo kulemgoyi are bunŋe akto Yesu miawagep aregât keiŋe oyanŋyenŋimbo nânŋâyi. Hain akmâ tatbiâ emet dâgâep. <sup>24</sup>Akto biknande denŋe are nânŋâm lokoyi. Dâ biknande âmâ hâkânŋ agi. <sup>25</sup>Hain akmâ papalakbiâ aregât Paulone hin dâm makyenŋiep, “Anutugât Heaknande propete luâk siâ kotŋe Yesaia are nengât bâgilupnenŋe yenŋgât den hin dâm magaŋdo kulemgoep are unŋak bunŋe miawaktâp,

<sup>26</sup> “Gâŋe arim luâk âmbâle kâmot humo are hin makyenŋiwen, “Ondopyene katmâ nânŋâmai. Dâ keiŋe biwiyenân bo katmai. Akto dewunyenŋande amâ ekmai. Dâ keiŋe amâ bo ekmâ nânŋâmai. <sup>27</sup>Luâk âmbâle kâmot humo are yenŋgât biwiyene boâk hâreak dâpŋgât ondopyene tigim manmai. Akto dewunyenŋe tigim manmai. Aregât wan me wan ekmâ keiŋe bo nânŋâm henŋemgoma. Akto siâ nânŋâmbiâ biwiyene umatŋe akmap. Akto keiŋânbak bo nânŋâm henŋemgoma. Aregât biwiyene nânŋâlân katbiâ kindo henŋemgowom.” Anutuŋe hain dâep.” Yesaianŋe hain kulemgoep.

<sup>28</sup> Aregât hin makyenŋire nânŋâŋet. Anutuŋe damun nenŋe akberâm aktâp aregât patŋe Yuda luâk bo manmai yâkŋe nânŋâwaigât dopŋe aktâp. Yâkŋe âmâ nânŋâmbiâ ârândânŋ akbiap.” dâep. <sup>29</sup>Hain dâm makyenŋimbo Yuda yenŋgât humomolupyenŋande magaŋgi goaŋgi akmâ lauŋgim ariyi.

### **Paulo Roma kipian mando hombaŋ lâuwâ bo agep.**

<sup>30</sup> Akto Paulo Roma kipian lombo yenŋgât emelan puli panmâ yem mando luâk âmbâle yâkgâlân togoyi are ekmâ maŋganyegep. <sup>31</sup> Togombiâ maŋganyekmâ âmâ Anutuŋe damunyenŋe akberâm Nanŋe Yesu huŋgunanep, aregât biwiyene yâkgâlân katŋet dâm aregât keiŋe makyenŋiep. Makyenŋim mando siâne den are bo koaŋbiâ âmâ Yesugât keiŋe hamep bâlâk makyenŋim mando hombaŋ lâuwâ bo agep.

# Roma

---

**Paulo âiŋaet keiŋe.**

**1** <sup>1</sup>Galalupne, nâmâ Paulo Yesu Kristogât hoŋ bawa manman. Nâ âmâ Kristoŋe menekmâ aposolo nogonmâ Anutugât pat âlep den maktere ârândâŋ akmâ ariâkgât mem kepilânegep. <sup>2</sup>Akto Anutugât den pat âlep are âmâ Anutuŋe tâmbâŋe dondâ propetelupŋe makyenŋimbo kulemgoyi. <sup>3</sup>Kulemgoyi aregât keiŋe amâ Anutugât nanŋe miawagep. Yâk âmâ hâk olop miawakmâ Dawidigât hakulupŋe yâk yenŋâlânba miawagep. <sup>4</sup>Gârâmâ Heak han kau kau akmap arekŋe kârikŋe akmâ yâk amâ Anutugât nanŋe hain miawakmâ maknengiep. Aregât keiŋe momoŋânba agalewân miawakmâ tek tekŋân miawakto âmâ Yesu Kristo amâ Humonenŋe dâm nâŋgâyion. <sup>5</sup>Yâkŋe âmâ han kalem aknengim aposologât âi nengiep. Nengim âmâ yâkgât kotŋe patŋe ariâk gât akto hânŋe hânŋe arim hârok makyenŋienŋe bikŋande nâŋgâm Yesu nâŋganŋmâ aregât lauŋe lokowaigât âi nengiep. <sup>6</sup>Akto Anutuŋe Yesu Kristogât kâmot miawagâk dâm oloŋyegep yâk yenŋâlânba ye gai hainâk oloŋyegep.

<sup>7</sup>Roma kepiân gâtŋe Anutuŋe han kalem akyenŋim nâŋgât kâmot dâm yenŋonlep. Yenŋât âmâ hin ulilaŋdân. Ewenenŋe Anutu akto Humonenŋe Yesu Kristo han kalem akmâ damun yenŋim akbela han kalem akto lumbe yenŋâlân hâtikom yendo biwiyenŋe sândugewiâp. Hain.

**Pauloŋe Roma luâk âmbâle yekberâm magep.**

<sup>8</sup>Galalupne yeŋe Yesu nâŋganŋmâ kepilâm manmai, aregât pat sambelembo nâŋgâmbiâ ârândâŋ aktâpgât Yesu Kristogât akmâ nâ Anutu mepaiŋe mem mandân. <sup>9</sup>Nâ Anutugât nanŋaet pat âlep den makmâ hannande Anutu manaŋdere keine nâŋgâp gât yâkgât metenân den ire makyenŋire nâŋgâŋet. <sup>10</sup>Nâ hokboâk hokboâk yenŋât akmâ Anutu ulilaŋman. Akto Anutuŋe nâŋgâmbiâ ârândâŋ akto dâp peneniŋdo yenŋâlân togowian a gai ulilaŋman. <sup>11</sup>Nâ togom ye yekbiangât nâŋgâm mandân. Togom yekmâ han biwiyenŋe yeuk agep aregât owâiwaigât meme akyenŋire kârikŋe kinmâ manŋetgât makyenŋim tânyenŋuwian.

12 Tanyengum âmâ nâ yengâlân manmâ tateru Yesu nânganmâ manmaengât maganji goanji akmâ tân agu agu akmâ manbaen.

13 Galama, nângât keine pâpkowâigât hin makyengiwe. Nâ luâk kâmotje kâmotje bikje bikje arim makyengim mandere bikjande nângâmbiâ âinaet bunje âlim yiepgât miawaknijep. Are hainâgâk yengâlân togom makyengire âigât bunje miawakniþbiap gât nângân. Gârâmâ togowerâm akmâ malân ain siâ siâ bikjande hikonekto bo togoân. 14 Dâ nâne luâk hârok, Girik luâk akto Anutu bonânganmai akto nângâ nângâ luâk akto kopaje hârok makyengiwan gât âi tatniþdâp aregâlâk nângân. 15 Aregât Roma luâk ye hainâgâk pat âlep makyengiwerâm hannande owâim manman. 16 Nâ den pat âlepgât akmâ anunje olop bo akman. Akmâ nângâre anunje olop bo akmap. Den pat âlepne amâ Anutugât kârikneje olowâk arekne luâk âmbâle Yesu nânganþbiâ ârândân mem menâleyekbiap, Yuda luâk a soj akto Girik luâk hârok. 17 Den pat âlep arekne âmâ Anutugât ârândân dâp mem miawakmâ tek tekjân miawakmâ katmap. Amâ hin. Yesu nânganþbiâ âmâ Anutuþe yekto ârândân akbiapgât keje. Akto nânganþbiâ Anutugât ârândân dâp yem âgâwiap. Aregât Anutuþe makto kulemgoyi bikje hin tatâp, Anutuþe yekto ârândân akmap yâkne âmâ Anutugâlâk nânganmâ manmâ âgâwai.

### Luâk hârokne Anutu hamianji.

18 Anutugât kuk miawakmap aregât keje hin. Luâk âmbâleþe âmâ Anutu hepunmâ bâleþe akmâ den bunje bo agâkgât kei dâþne gulip komai. Aregât Anutugât kukjande himbimân ba miawakyengimap. 19 Akto Anutuþe ikiþe keje bikje tektekjân mem miawakyengimapgât ekmâ nângâmai. 20 Amâ Anutuþe hân liulewânbak Anutugât keje luâkþe bo ekmai are akto keje kârikne manmâ âgâwiap are akto ikiþe keje pagaleþe are hârok miapjân tatmap. Are âmâ wan me wan Anutuþe mângim ketugueþ arekne hekatnengimap. Aregât luâk âmbâle hârokþe nen Anutugât keje bo nângâmaen dâwaigât dâp bo tatâp. 21 Luâk âmbâle hainare âmâ Anutu mandâp nângâmai. Gârâmâ imâ Anutu Humo dâm bo kângoanmai akto mepaþe bo meaþmai. Anutu hamianþmaigât nângâ nângâ yeþe gulip akmap akto biwiyeþe hândâkþe katip yeþumap. 22 Akto ainba hin dâmai, “Nen nângâ nângâ nenþe humo aktâp.” dâmai amâ nângâm hilipkomai. Nângâm hilipkom sinduk akmâ manmai. 23 Hain akmâ manmâ Anutu manman kârikne yâkgât pagaleþe hâkân akmâ âmâ aregât dumjân tukup siâ ketugum luâk momai yengât otneyeþe me lâut gât otneþe me sojgo gât otneþe me mulumgât otneþe mângim âmâ are nângâmbiâ humo akto pâwut ligiyengimai. 24 Hain akbiâ Anutuþe yekmâ hâkân akyengimbo hanyeþe egâliþ gulip bâleþe akmâ han hâkyeþe mem bâlimai. 25 Yâkþe Anutu bundâk amboþe hamianþmâ âmâ



hiangimaigât nângâmbiâ humo akmap. Hain akto Anutuŋe wan me wan yân liulep are nângâmbiâ bunŋe akto hoŋ agaŋmai gârâmâ wan me wan aregât Amboŋe amâ hâkâŋ akmâ hamiaŋmai. Amâ Anutuŋe egâlianŋ olop manmâ âgâambo nânganŋdenŋe humo akmâ âgâwiapgât ârândân akmap. A bundâk. <sup>26</sup>Gârâmâ luâk âmbâle are Anutuŋe hepunyekto egâlianŋ bâleŋe dondâ peniaŋmai. Hain akto âmbâleŋe luâkdâ âmbendâ aregât agak meme âlepŋe are hepunmâ âmbâleâk egâlianŋmai. <sup>27</sup>Akto luâk hainâk luâkdâ âmbendâ manman hâkâŋ akmâ hanyeŋe egâlianŋgât kâlâp humo ondo luâgâk yekmâ egâlianŋmâ agak meme bâleŋe agaŋgimai. Aregât han biwiyenŋe hilip komapgât hâuŋe Anutuŋe hâkyenân pando hâk hilâlâm nângâmai. <sup>28</sup>Hain akmâ manmâ amâ Anutugât keiŋe nângâmai are hâkâŋ akmâ manmaigât Anutuŋe hanyeŋe gisap kombo siâ me siâ bo agakŋe are amâ akmai. <sup>29</sup>Hain akmâ siâ me siâ bâleŋe keiŋe keiŋe membiâ âgâmap. Bâleŋe akmâ egâlianŋ bâleŋe akmâ hanyenân bâleŋeâk nângâm galagât nângâmbiâ gembo kuk heŋgân akmâ luâk bikŋe yeŋgumbiâ moyi dâ bikŋe yeŋgât kotyeŋe mem bâlimai. Akto galagât hogo hogo akmâ haminâŋen makmai. <sup>30</sup>Hain akmâ luâk siâgât agak meme âlepŋe ekbiâ gembo hianŋi den makbiâ kotŋe gemap. Hain akmâ Anutu gasa agaŋmai. Akto âgâ âgâŋe akmâ yeŋe hâk mem agatmâ bâleŋaet dâp egâlianŋmai. Hain akmâ ewe memelupyenŋaet den komai. <sup>31</sup>Hain akmâ han nângâ nângâ bâlâk manmâ Anutu bo nânganŋmâ amâ han kalem bâlâk manmai. <sup>32</sup>Hain akmâ amâ Anutugât den ârândân kârikŋe yendâp amâ luâk me âmbâle hain akbiâ amâ momogât dâp miawakyeŋgiwiap gât den are nângâm metembiâ hanâk dâm bâleŋeâk manmâ âgâmai. Akto areâk bo. Bikŋande hainâk akbiâ nângâmbiâ humo akto heronŋe akyeŋgimai.

### Bâleŋaet hâuŋe hamepŋe.

**2** <sup>1</sup>Aregât gâ yu kulengoân are oyaŋmâ nâ hain bo akman dât mon? Hain bo. Yeŋe hain are akmâ siânba hâkyeŋe tunbiâ amâ bo ârândân akmap. Akto yeŋe siânba hâkyeŋe tunmâ agak meme bâleŋe hainâk mem amâ yeŋe hâkyeŋe tunanŋiwai. <sup>2</sup>Anutuŋe luâk âmbâle bâleŋe akmai denân katyekmâ hâuŋe umatŋe yeŋgimbo amâ ârândân akmap nângâmaen. <sup>3</sup>Aregât gâ luâgâk aregât luâk bikŋe yeŋgât dosa makmâ hâkyeŋe tunmâ areâk akmat gârâmâ agak meme bâleŋe hainâk akmat. Aregât nâ Anutuŋe gâunniŋmâ amâ umatŋân bo katnekbiap dâmat mon? Hain bo. <sup>4</sup>Anutuŋe han kalem akmâ unsambe akgiŋmâ bo hâkâŋ giŋmap aregât hâkâŋ akmâ manmat mon? Anutuŋe gâ hange purik kat dâm han kalem akgiŋmap are bo nângâm kotgâmat mon? <sup>5</sup>Gârâmâ gâ han kârik akmâ hange bo purikatmenâ amâ Anutugât kuk metŋe ârândân are miawakbiawân ain om bâlidgekbiap. <sup>6</sup>Aregât sopŋân Anutuŋe luâk âmbâle agak meme nenŋaet dowân hâuŋe nengiwiap.

Hain. <sup>7</sup>Luâk âmbâle bikñande âmâ pagalenjaet pat akto Anutuñe nenekto huraguâkgât manman kârikñe egâlianmai are Anutuñe manman kârikñe yenggiwiap. <sup>8</sup>Dâ luâk âmbâle bikñe âmâ den kautñe bunñe hâkân akmâ âmâ bâleñe mem manne dâm yeñaet nângâmbiâ humo akmap yengâlân âmâ kuk metñe bâleñe miawak yenggiwiap. <sup>9</sup>Bâleñe meme luâk hârok Yuda luâk soñ akto Yuda gâtñe bo manmai gai yengâlân sik sererek metñe akto hamep humo miawakyenggiwiap. <sup>10</sup>Gârâmâ ârândân akmâ manbai hârok Yuda luâk are akto Yuda luâk bo manmai yâk Anutuñe pagaleñe yengimbo biwiyenñe sândugembo patyenñe ârândân akmâ âgâwiap. <sup>11</sup>Are amâ Anutuñe yengiep. Anutuñe amâ horat gorat bo akmâ potat yekmap.

<sup>12</sup>Akto luâk âmbâle bikñe Anutugât den kârikñe Moseñe kulemgoep den are bâlâk manmâ âmâ bâleñe memai amâ yâk hârok den kârikñe bâlâk bâlim metewai. Dâ den kârikñe olop manmâ bâleñe memai yâk hârok den kârikñeñe agak memeyenñe mem miawakyengim den âiân makmâ katyekmâ kotgâyenggiwiap. <sup>13</sup>Aregât keñe hin. Anutugât den kârikñe yân ondop yeñân nângâwai yâk âmâ Anutuñe yekto ârândân bo akmap. Gârâmâ nângâm lokomai yâk âmâ ye ârândân dâm makyenggiwiap. <sup>14</sup>Akto Yuda luâk âmbâle bo manmai yâk den kârikñe bâlâk manmai gârâmâ hanyenñe den kârikñe lokom âmâ den kârikñe bâlâk arekñe den kârikñe olop tirip hainare akmai. <sup>15</sup>Hain akbiâ âmâ den kârikñe han biwiyenñe yoñâk talep aregât keñe miawakmap. Akto hanyenñe tuk tuk koyengim âmâ nângâ nângâyenñe purik gurik akmâ siân kotgâ akmap dâ siân makmâ mulunyekmap. <sup>16</sup>Are amâ sop humoân âmâ Anutuñe Yesu Kristo agaño den nennân siâ me siâ tiwân yendâp aregât keñe mem tektekñeñe miap katbiap. Aregât keñe amâ nâ den pat makyengiman a hainâk tektekñeñe miawakbiap. Hain.

### **Yuda luâk âmbâleñe Mosegât denñe bo lokoyi.**

<sup>17</sup>Akto Yuda luâk gâ hin dâmat mon? Nâmâ Anutuñe menekmâ ikiñe den kârikñe are niñep gât nângâre humo aktâp dâmat aregât hin makñibe. <sup>18</sup>Gâ Anutugât lau den nângâmat akto bikñande den kârikñe aregât keñe makñi aregât ire agakñe ire bo agakñe nângâm potatmat. <sup>19</sup>Hain akmâ âmâ gugaet hin dâmat, “Nâ dewun yeñe bokbokñe manmai are âlepñe kewugu yekmâ dâwân kat yekman, akto hândâkñeñe manmai are âlepñe mem pagaleyekman, <sup>20</sup>akto luâk han kopañe are âlepñe manmâ miwindik yekman akto nanañ siâ me siâ âlepñe dâp hekat yengiman, akto den kârikñe aregât keñe amâ nângâ nângâ akto den bunñe aregât keñe tatmap dâmat mon?” <sup>21</sup>Gâ hain makmat aregât luâk âmbâle bikñe makyengim âmâ guge biwige bo magañmat. Gâ kâmbu bo mem dâm makyengimat guge kâmbu akmat mon? <sup>22</sup>Luâkdâ âmbendâ bo hepun akñet dâm makyengim benñe gâ âmbenge hepunmat mon?

Gâ lâpio sârekomatŋe lâpio opmânjaet siâ me siâ kâmbu memmat mon?  
 23 Gâ Anutugât den kârikŋe nânġâman dâmat amâ bo lokomat aregât bikŋande gekmâ Anutugât den nânġâmbiâ gemap. 24 Aregât Anutugât den kulemgoyi bikŋe hin tatâp, “Ye Yuda luâk âmbâleŋe bâleŋe akbiâ aregât Yuda luâk âmbâle bo manmai arekŋe yekmâ Anutugât kotŋe makmâ sârek kombiâ gemap.”

25 Gâ hâkgân Yudagât tirip tatġiŋdâp are den kârikŋe lokomenâ bunŋe aktâp. Dâ den kârikŋe loŋgaimbiâ âmâ hâkge gâiyi are yânŋe akbiap. 26 Gârâmâ aregât Yuda tirip bâlâk manmai arekŋe Anutugât den lokom âmâ tiripdâ hainare akbai. 27 Hain akmâ tirip bâlâk manmapŋe den kârikŋe lokomap yâkŋe âmâ keige gagaiwiap. Gagaim âmâ gâ Anutugât den kârikŋe nânġâmat akto Yudagât tirip olop manmat gâ den kârikŋe loŋgaimat aregât hâkge tunmâ keige gagaiwiap. 28 Aregât lâuwâŋe makbe. Luâk siâ yân hâkŋe Yuda luâk tirip akbiap amâ hâkŋeak manbiap. Hain arekŋe Yuda luâk bunŋe bo akbiap. 29 Amâ hanŋe Yuda luâk arekŋe bunŋe akbiap. Amâ Yuda luâk arekŋe hanŋân tirip bunŋe akmap yâkgât amâ Yuda luâk bunŋe dâmaen. Dâ hâkŋân den kârikŋegât tirip areâk mem manmap are bunŋe bo. Gârâmâ han biwiŋân tirip mem manmap arekŋe amâ Yuda luâk bunŋe dâmaen. Yâk hain aregât heroŋe amâ luâkgât bo. Anutuŋe nânġâmbo âlepŋe akbiapgât.

### Agak meme bâleŋande Anutugât den bo kombiap.

**3** 1 Akto yu kulemgoân are oyaŋmâ âmâ Yuda luâk âmbâleŋe âmâ Yuda gâtŋe bo are bo ewangiyekbaen dâi mon? Me Yuda tirip are yânŋe aktâp dâi mon? 2 Hain bo dâwei. Yuda luâk âmâ siâ me siâ biwirâ yeyenġiep. Yâk âmâ Anutuŋe den pat keiŋe keiŋe makyenġimbo aregât amboŋe agi. 3 Gârâmâ Yuda luâk âmbâle bikŋande Anutu hanyenŋande bo nânġanġbiâ aregât hin dâwaen mon? Bo nânġanġbiâ aregât Anutuŋe makto den kârikŋe tatmâ gaep are mem bâliâi hain dâwaen mon? 4 Are bo dondâŋe. Anutuŋe makto siâŋe hin kulemgoep,

Anutu, gâ makmenâ âmâ denge bunŋe ârândânġâk akbiâp, are nânġâenŋe huraguwiap. Akto gâ makmâ kotgâ akmâ potatmenâ âmâ siâŋe denge bo mendo gewiâp. Den are bunŋe akto luâk âmbâle hârokŋe hianġimai akto Anutuŋe konok âmâ bundâk makmap keiŋe are miawaktâp.

5 Are oyaŋmâ gain dâwaen? Bâleŋe nenŋande Anutu ârândân manmanjaet keiŋe mem miap panmapgât bâleŋe aktenŋe Anutuŋe aregât hâuŋe nengimbo ârândân bo akbiap dâwaen mon? Den are amâ luâk nânġâ nânġâgât dowân maktân. 6 Hain bo dondâ. Anutuŋe bâleŋe nenjaet hâuŋe bo nengimap dâine gain gain akmâ luâk âmbâle hârok nengât agak memenenŋe bâleŋe are mem kepilâwâi? 7 Aregât siâŋe hin dâwiap mon? Hianġi dennande Anutugât den bunŋe tângombo

kotŋe patŋe are humo akmâ sambelewiap, aregât wangât Anutuŋe nâ bâleŋe agângât hâuŋe niŋmap? Amâ bo ârândân akmâ. <sup>8</sup>Akto bâleŋân mandenŋe purik âgâm bunŋe âlepŋe miawakbiap mon? Nen âmâ hain bo dâmaen gârâmâ luâk bikŋande âmâ Paulomaŋe hain dâmai dâyi. Aregât hâuŋe miawakyeŋgimbo ârândân akbiap. <sup>9</sup>Aregât gain gain nânŋâm heŋgemgowaen? Yuda luâkŋe luâk bikŋe ewangiyekmaen mon? Bo dondâ. Emelâk maktân. Yuda luâk akto Yuda luâk bo nen hârok bâleŋaet hoŋ manmaen. <sup>10</sup>Aregât Anutugât den hin tatâp,

“Luâk âmbâle siâ ârândân siâ bo mandâp. Bo dondâŋe. <sup>11</sup>Hârokŋe agak meme âlepŋaet keiŋe bo nânŋâmai. Akto hârokŋe Anutu konmâ kulâgâtâmâ bo akmai. <sup>12</sup>Luâk hârokŋe Anutu hamianmâ bâleŋe akmâ hâkŋe hâkŋe agi. Siâŋe siâ me siâ âlepŋe bo akmap. Bo dondâŋe. <sup>13</sup>Hanyeŋe are momoŋe yeŋgât dop. Elewetyeŋe purik dâmbo hianŋi den gamap. Biwityeŋande âmâ hâme hewukgât kundat bâleŋe mem miawâk panmap. <sup>14</sup>Lauyeŋân âmâ sait akto gasagât den pikmâ lugum lokom yemap. <sup>15</sup>Luâk yeŋgueneŋe moŋet dâm aregât keiyeŋande owâiŋeâk tâlimai. <sup>16</sup>Akto itiŋ gulam meyekmâ welam yeŋeâk mem miap panmai. <sup>17</sup>Akto han biwi konok manbiâ biwiyene sândugewiapgât pat bo nânŋâmai. <sup>18</sup>Akto Anutu bo nânŋaŋmâ yâkgât hamep bo akmai.”

<sup>19</sup>Aregât keiŋe hin. Den kârikŋe arekŋe den kârikŋe nânŋâmaen nen damun nenŋe akmap. Arekŋeak keinenŋe gagaim, lau nenŋe gisapkomap. Akto luâk hârok dosanenŋe Anutugâlân miawakmâ metemap. <sup>20</sup>Aregât den kârikŋe lokone dâm âi humo mendenŋe Anutuŋe nenekto bo ârândân akmap. Hain gârâmâ benŋe den kârikŋe arekŋe dosa nenŋe mem miap panmap. Hain.

#### **Anutuŋe nenekto ârândân akmapgât den.**

<sup>21</sup>Dâ hinŋe âmâ Anutuŋe nenekmâ dosayeŋe bo dâwiapgât dâp miawagân miawaktâp. I are âmâ den kârikŋe lokowaengât dop bo. Gârâmâ den kârikŋe akto propeteŋe kulemgoyi den arekŋe makmâ miawagep. <sup>22</sup>Anutuŋe nenekto ârândân akbiapgât dâp amâ nen Yesu Kristo nânŋaŋmaen nengât hârok. Siâŋe me siâŋe Yesu Kristo nânŋaŋdo ainâk ârândânŋgât dâp miawagaŋmap. <sup>23</sup>Akto emelâk nen hârokŋe bâleŋe akmâ dosagât pat agion, aregât Anutugât egâlianŋ pagalenŋân ariwaengât dop bo tatnengiep. <sup>24</sup>Aregât hainâk nen hârok Yesu Kristoŋe bâleŋe nenŋe miepgât Anutuŋe han kalemŋaet akmâ dosa bâlâk dâm menenekmap. <sup>25</sup>Anutuŋe dâmbo Yesuŋe bâleŋe nenŋaet akmâ sumbe kato Anutuŋe kuk agaŋdo bo agep. Aregât nenŋe nânŋaŋbaenŋe sumbe are mendenŋe dosa nenŋe bo agep. Anutuŋe hain agepgât ikiŋe agak meme ârândân are miapŋân miawagep. Akto ulikŋân bâleŋe akmâ

gayiongât dosa aregât hâuŋe dowâk bo nengiep, a hainâk nâŋgâyion. <sup>26</sup>Anutuŋe hain akmap âmâ ârândâŋ amboŋe manmap dâm nâŋgâyion. Dâ Yesu hannenŋande nâŋganŋdenŋe dosayeŋe bo tatyenŋiâp dâwiapgât keiŋe hinŋeâk tek tegiâkgât hain are agep.

<sup>27</sup>Aregât nen nenŋaet akâmâ nâŋgâenŋe humo akbiapgât dop yendâp mon? Bo. Hâk nâŋgâ nâŋgânenŋe are nâŋgâenŋe bâliâp. Are amâ den kârikŋe lokoyiongât bo miawaktâp, amâ Yesu nâŋganŋdenŋe hâknenŋe akto nâŋgâ nâŋgânenŋe yânŋe aktâp. <sup>28</sup>Aregât den hin nâŋgâenŋe yemiâp. Den kârikŋe lokoenŋe dosayeŋe bo dâwiapgât dop bo tatâp. Yesu nâŋganŋmâ kepilâenŋe âmâ dosanenŋe bo dâwiâp. <sup>29</sup>Dâ Anutu Yuda luâk nengâlâgâk damun mon? Bo. Yâk amâ Yuda gâtŋe bo yâk yengât damun gai. <sup>30</sup>Anutunenŋe konok yâkŋe nen Yudagât tirip mem manmaen me tirip bâlâk manmai nen hârokŋe Yesu nâŋganŋdenŋe dosayeŋe bo dâm menenekmap. <sup>31</sup>Aregât Yesu nâŋganŋmâ âmâ den kârikŋe nâŋgâenŋe giep mon? Bo dondâŋe. Nenŋe Yesu nâŋganŋmâ âmâ den kârikŋe tângomaen.

#### Anutuŋe Abrahamgât luâk âlepŋe dâep.

**4** <sup>1</sup>Akto Yuda nengât hakunenŋe Abraham âmâ wan peniaŋep? dâwaen. <sup>2</sup>Abrahamŋe Anutugât den kârikŋe lokombo Anutuŋe ekmâ dosage bo tatŋindâp dâep dâine benŋe Abrahamŋe ikinŋaet nâŋgâambo humo akbop. Amâ Anutugât metenân âmâ bo. <sup>3</sup>Akto Anutugât denân hin yendâp aregâten, “Abrahamŋe Anutu nâŋganŋdo aregât dosage bo dâm makmâ miawaganŋep.”

<sup>4</sup>Dâ luâk siâŋe âi mendo âmâ benŋe hâuŋe waŋmaen are amâ han kalem nenŋaet pat bo. Amâ hâu kutigit aŋmaen. <sup>5</sup>Dâ luâk siâŋe âi bo mem âmâ Anutuŋe bâleŋe meme nengât dosa hepunmap yâk nâŋganŋbiap âmâ ainâk Anutuŋe luâk aregât nâŋgâm kepilâ kepilâŋaet akâmâ nâŋgâm âmâ dosa bo tatŋindâp dâm maganŋbiap. <sup>6</sup>Aregât keiŋe Dawidiŋe hainâgâk nâŋgâm âmâ luâk siâ âmâ âi bo mendo Anutuŋe gâunaŋmâ dosage bo dâwiapgât yâkgât heronŋe maronŋegât keiŋe hin kulemgœp.

<sup>7</sup>“Dosa umatŋe mem manmai yâk Anutuŋe dosayeŋe bo tatyenŋiâp dâwiapgât are nâŋgâmbiâ ukenŋe akbiap. <sup>8</sup>Akto luâk siâŋe bâleŋe akâmâ gaep yâk Humonŋe nâŋganŋdo dosage olop bo aktât dâm maganŋbiap yâk nâŋgâambo amâ ukenŋe humo akbiap.”

<sup>9</sup>Akto ukenŋe humo are âmâ Yuda tirip olop nengâlâk pat aktâp mon? Me tirip bâlâk yâk yengât olop aktâp? Aregât Abrahamgât pat nâŋgâenŋe keiŋe miawakberâp. Hin. Abrahamŋe Anutu nâŋganŋdo Anutuŋe ekto ârândâŋ agep. Hain nâŋgâmaen. <sup>10</sup>Akto wan sowân dosage bo dâm maganŋep? Tirip olop malewân me tirip bâlâk malewân? Tirip olop malewân ain bo maganŋep. Ulikŋân Abraham tirip bâlâk mandoân Anutuŋe dosage hepunanŋep. <sup>11</sup>Yâk tirip bâlâk malewân Anutu nâŋganŋdo dosage hepunanŋep aregât tirip kulem beirâ waŋep. Anutuŋe

hain aganepgât benje Abrahamne hinje tirip bâlâk manmaine Anutu nânğanmaigât dosa bâlâk hinare akmai yâk yengât Eweyene uliknân meme agep. <sup>12</sup> Abraham hain agepgât âmâ nen tirip olop manmaen nengât Ewenenje agep. Dâ tirip hâknennân miawagep aregât bo. Abrahamne hâknân tirip bo talewân âmâ Anutu nânğanminep, dâp areâk watmâ Anutu nânğanmaen âmâ benje Anutu amâ Humonenje dâenne ârândân akbiap.

<sup>13</sup> Anutuje Abrahamgât bâgilupje hân hârok yengiwian dâm hângât pat katyengiep amâ den kârikje loko lokogât akmâ bo. Abrahamne Anutu nânğanmâ kepilâmbô âmâ Anutuje nânğambo ârândân agepgât Anutuje hângât magep. <sup>14</sup> Amâ hingât. Anutuje makmâ hâriep aregât pat amâ den kârikje lokomai yâk yengât makmâ hâriep dâine benje Anutu nânğanmaen are amâ yânje akbop. Akto Anutuje makmâ hâriep akai yânje akbop. <sup>15</sup> Aregât keije hin. Den kârikje arekne amâ dosagât hâuje kaknennân katmap. Dâ den kârikje bâlâgân âmâ den koko are bo miawakmap. <sup>16</sup> Are gârâmâ Anutu nânğanmâ kepilâmaen are nengât miawagep. Amâ wangât? Hingât. Anutuje ukenjaet akmâ han kalem akmâ makmâ hârembo Abrahamgât kâmolân hârok yâk yengâlân miawagep. Dâ den kârikje lokomai gâlâk bo. Abraham amâ nengât hakunenje dâmaengât Abrahamne Anutu nânğanndo bunje agep amâ nen Anutu nânğanndenje bunje akmap aregât akmâ nengâlân miawagep. <sup>17</sup> Aregât keije Anutuje makto kulemgoep hin tatâp. “Nâje luâk kâmotje kâmotje yâk yengât Eweyene akbiat dâm makmâ hâregindân.” dâep. Abrahamne Anutu nânğanmâ hin nânğâm kârigiep, “Anutu amâ momone mem golâ katyekmap. Akto siâ me siâ bo yendâp are dâmbô miawakmai.” hain nânğâep.

#### Abrahamne Anutu nânğâm kepilâ anep.

<sup>18</sup> Akto Anutuje, “Gânğât kâlelupje biwirâ miawakbai” dâm maganep, den are nânğambo humo agep. Akto den are biwinân mem kârikje mângim malepgât hânje hânje yâkgât bâgilupje miawakbaigât nânğâep. <sup>19</sup> Hain akmâ âmâ hombanje 100 malepgât ikiye hâkne serokne akto Saragât hâkne gai hainâgâk agep are ekmâ nânğambo umatje bo agep. Akto Anutuje magep are nânğâm âmâ bo hanoko agep. <sup>20</sup> Akto Anutuje pat âlepgât magep are nânğâm âmâ han biwine bo hogo agep. Amâ bunjerâm malep. Hain akmâ nânğanmâ kârigem Anutugât nânğambo âgâ ando ikiye biwi kat katgât kârikje akmâ âgâep. <sup>21</sup> Amâ Anutuje siâ me siâ makmâ hâriep are bunje agâk dâmbô âlepje miawakbiap nânğâep. <sup>22</sup> Hain nânğâepgât akto Anutu nânğanndo bunje agepgât Anutuje yâkgât nânğâm âmâ “Dosage bo tatgindâp.” dâm makto miawaganep. <sup>23</sup> Akto Anutuje dosage bo tatgindâp den are Abraham gâlâk bo magep. <sup>24</sup> Nengât gai aktâp. Kembunenje Yesu Kristo momonân

ba mem agalep Anutu yâk nânğanmaen nengât gai magep. Akto nengât akmâ miawaknengiwiap. <sup>25</sup>Are âmâ Anutuņe makto Yesu dosa nenņaet akmâ moep. Mondo dosa bâlâk manbaengât âmâ Anutuņe momoņânba mem agalep.

**Anutuņe nengât dosanenņe bo agep aregât  
biwinenņe mem sândugemap.**

**5** <sup>1</sup>Aregât nen Yesu nânğanjiongât Anutuņe nenekto dosa nenņe bo agep. Aregât Anutuņe Humonenņe Yesu Kristogât akmâ nânğambo kuk bo akto biwinenņe sândugemap. <sup>2</sup>Yesuņeak hânġi menengiepgât Anutuņe han kalem akmâ damunnenņe akto yeukņân manmaen, akmâ maleine Anutugât kulem pagaleņe miawaknengimbo ekmâ egâlijanbaen. <sup>3</sup>Akto areâk bo. Umatņe miawaknengimbo arekņe amâ han biwinenņe kârikņe ketugunengimap aregât bo hâkân akmaen. Aregât umatņe miawaknengimboân âmâ heroņe akmaen. <sup>4</sup>Akto hâk hilâlâm nânğâm bo hâkân aktenņe âmâ wât kârikņe miawaknengimap. Akto wât kârikņande âmâ himbingât egâlijanbaengât mem miawaknengimap. <sup>5</sup>Himbingât egâlijanġât olop manbaen arekņe amâ bo pâpkom anun anmaen. Amâ hingât. Anutuņe ikiņe ukenņaet akmâ Heak owâiņeâk nengimapġât Anutugât han kalem are biwinenņân lugum totokombo gem tatmapġât bo pâpkomaen.

<sup>6</sup>Akto Yesu bo nânğanjion sop ain tân agu agugât dâp bo tatnengiep, sop ain Kristoņe bâleņe meme nengât hâu mem moep. <sup>7</sup>Aregât hin nânğâen. Luâk siâņe luâk siâ ârandânġâk manmap are tângowerâm mombiap hainare bo tatâp. Dâ luâk âlepņe han kalem akmâ manmap are tângowerâm mombiap hainare konok konok tatmai mon? <sup>8</sup>Dâ Anutuņe nen bâleņe malionân ain han kalemņaet akmâ makto Kristoņe bâleņe nenņaet akmâ moep. Mondo ainâk Anutugât han kalemņe amâ miawakto egion.

<sup>9</sup>Akto ire Kristogât hepņaet akmâ dosa bâlâk agiongât Anutugât kuk sopņe miawakbiawân âlepņe tânnengumbo yâkgât akmâ kuk are bo miawaknengiwiap. <sup>10</sup>Amâ hingât. Nen Anutu gasa aganjmâ mandenņe nanņe moepġât akmâ han kalem aknengiep amâ âi humo. Are hinņe Anutuņe han kalem aknengiewân amâ manmanņaet akmâ manman kârikņân katnenekbiapġât amâ âi owâiņe. <sup>11</sup>Akto areâk bo. Kembunenņe Yesu Kristoņe Anutu olop mendunenegepgât aregât yâkgât akmâ Anutu yâk makmâ egâlijan aganjmâ heroņe akmaen.

**Adamņe bâleņe agepgât momogât dâp miawagep.**

<sup>12</sup>Aregât hin nânğâne. Luâk Adam konokņe bâleņe agepgât bâleņe keiņe keiņe hânân miawagep. Hain akto bâleņaet momo miawaknengiep. Akto luâk hârok bâlim meteyiongât momogât patņe luâk hârok katip



nenguep. <sup>13</sup> Akto den kârikŋe bo miawaktoân bâleŋande ulikŋân miawakmâ yiep. Dâ den kârikŋe bo talep amâ yân yem gaep. <sup>14</sup> Gârâmâ momoŋe Adamgâlân keiŋe katmâ luâk manmâ gayi yâk damun yengum gam mando âmâ Mose miawagep. Amâ Adamŋe den koko agepgât hainare bo agi yâk yengâlân miawagep. Akto Adam amâ luâk siâ beirâ miawakbiapgât tirip akmâ malep.

<sup>15</sup> Dâ han kalemŋe âmâ den kokogât dop bo aktâp. Luâk konokgât den kokoŋaet biwirâŋe mom hilip aguyi. Hain akto Anutugât han kalemŋe amâ luâk konok Yesu Kristo yâkgât âleŋaet akmâ Adamgât den koko ewangim luâk biwirâ nengâlân miawagep. <sup>16</sup> Aregât lâuwâŋe makbe. Luâk konok Adam yâkŋe bâleŋe agepgât nen hârok den âiân miawaktenŋe dosanenŋe miawakbiap. Dâ bâleŋe nenŋe humo aktoân âmâ Anutuŋe han kalem nengiep arekŋe nen dosanenŋe boân manbaengât mem miawaknengiep. Aregât Anutuŋe han kalem nengiep are akto luâk konokŋe bâleŋe akto miawaknengiep are amâ dop yetŋe konok bo. <sup>17</sup> Amâ Adam luâk konokŋe den koepgât momoŋe damunnenŋe akmâ gaep. Aregât Anutuŋe han kalemŋe yem âgâwiapgât akto dosa bâlâk manman are nengiwiap. Aregât amâ nenŋe luâk konok Yesu Kristo yâkgât akmâ manman kârikŋân kembu akmâ manbaen. <sup>18</sup> Aregât hin. Luâk konokŋe den kom malepgât luâk hârokŋe hememgât pat agion. Aregât luâk konokŋe ârândân mando dosa bâlâk manbaengât pat agion. <sup>19</sup> Luâk konokgât den kokogât Anutuŋe nenekmâ dosa luâk dâm nengonlep. Hainagâk luâk konokgât den loko lokogât amâ Anutuŋe nenekmâ dosa luâk bo dâm nengonlep.

<sup>20</sup> Akto den kârikŋe amâ bâleŋande sambeleâkgât tânâmŋân miawakto ekbaengât. Dâ bâleŋande sambelem miawakmâ âgâambo ainâk Anutugât han kalem arekŋe sambelem ewangim âgâep. <sup>21</sup> Dâ aregât luâk âmbâle agak meme bâleŋe akmâ manbiâ momo dondâ arekŋe meyekto gayi. Gârâmâ luâk âmbâle bikŋande Yesu Kristo Humonenŋe yâkgât akmâ nânŋaŋmâ manmaen nen Anutugât han kalemŋe damunnenŋe akmâ dosa bâlâk menenekmâ manman kârikŋân katnenekbiap. Are âmâ Kristo Kembunenŋe yâkgât akmâ miawakbiap.

### Yesugâlân dewatiyion.

**6** <sup>1</sup> Aregât gain dâweren? Anutugât han kalemŋe miawakmâ sambelem ariwiapgât bâleŋe aktenŋe ârândân akbiap. Hain dâweren mon? <sup>2</sup> Hain bo. Bâleŋaet akmâ moyion nenŋe gain gain gaetŋe bâleŋe lâuwâŋe akmâ manmaen? <sup>3</sup> Aregât ye hin bo nânŋâi mon? Nen tu pulinengiyiân âmâ Yesu Kristogâlân dewatiyion. Dewatim âmâ yâkgât momoân dewatiyion. <sup>4</sup> Hain akmâ dewatienŋe âmâ Kristo olop han nenguep. Hain akto Eweŋe Anutu yâkgât pagaleŋande Kristo mem agato momoŋânba agalep hain agâk nen golâ akmâ manman irakŋe ain manbaen.

<sup>5</sup> Aregât lâuwâŋe makbe. Anutuŋe nanŋe moep aregât pat nengiep. Hain nengim âmâ Yâkgâlân dewatinenegep. Aregât akmâ Yesuŋe momoŋânba agalep dop hainâk mem agatnenebiap. <sup>6</sup> Aregât hin nâŋgâmaen. Han tâmbâŋe nenŋe Yesu olop lâwinân moep dop hainâk bâleŋenenŋe bo agâkgât miawagep. Hain miawakto bâleŋe nenŋande bo damunnenŋe akbiapgât dâp miawagep. <sup>7</sup> Amâ hingât luâk siâ mondo âmâ bâleŋande lâuwâŋe bo damunŋe akbiap.

<sup>8</sup> Akto nen âmâ Kristo olop moyion aregât yâk momoŋânba agatmâ manmâ âgâwiapgât nen âkâ yâk olop manmâ âgâwaen. Hain nâŋgâmaen. <sup>9</sup> Akto Kristogât hin nâŋgâmaen. Yâk momoŋân ba agalepgât lâuwâŋe bo mombiap. Akto momogât pat arekŋe lâuwâŋe bo damunŋe akbiap. Bo. <sup>10</sup> Yâk moep amâ bâleŋaet sop konok mondo bo agep are. Akto hinŋe mandâp amâ Anutugât akmâ mandâp. <sup>11</sup> Aregât ye hainâgâk bâleŋeyeŋaet pat moyigât Yesu Kristo yâk olop Anutugât akmâ manmâ âgâniâm dâwei. <sup>12</sup> Aregât bâleŋande hâkyeŋe damunŋe akbopgât nâŋgâmâk manbei. Akto hâkyeŋande egâlianŋ bâleŋaet hâwâtyekbopgât are gai nâŋgâmâk biwiyeŋe damunŋe akmâ manbei. <sup>13</sup> Hain akmâ hâkyeŋande bâleŋaet pat hoŋ bawa bo aganŋbiapgât hin akbei. Anutuŋe momoŋânba oloŋ yekmâ manman âlepŋân katyegepgât hâk biwiyeŋe Anutugât kotgâm waŋbiâ âlepŋaet hoŋ manbiâp. <sup>14</sup> Amâ hingât. Ye den kârikŋande bo damunyeŋe akmâ denân katyekmap. Bo. Anutugât han kalemŋande damunyeŋe akmapgât bâleŋande luâk kembu bo akyeŋgiwiâp.

### **Agak meme âlepŋe aregât hoŋ bawa aganŋmaen.**

<sup>15</sup> Aregât ire gain akbaen? Anutugât han kalemân manmâ arienŋe den kârikŋaet horat hulaŋ agepgât bâleŋe mendenŋe ârândânŋ akbiap mon? Amâ bo. <sup>16</sup> Luâk kembu siâ han biwiyeŋande hikom kinmâ lau lokoanŋbaŋe yâkgât hoŋ aganŋmâ âi meanŋbai. Bâleŋande damunyeŋe akto aregât hoŋ mananŋmâ ageine mom hilip aguwâi me lau loko lokoŋe damunyeŋe akto yâkgât hoŋ manmâ âgâmbiâ Anutuŋe yekto huraguwiâp. Are nâŋgâi mon? <sup>17</sup> Ye bâleŋaet hoŋ manmâ gayi are bo agep. Dâ luâk bikŋande Yesugât keiŋe makyenŋimbiâ âmâ pânŋan mem han yeŋande nâŋgâm kepilâm lokomai aregât Anutu mepaiŋe meanŋbaen. <sup>18</sup> Dosa yeŋande wârakmâ mem ge katyekto aregât hoŋ bawa akmâ mali are Anutuŋe kom mem oloŋyekmâ agak meme âlepŋân katyekto aregât hoŋ bawa aganŋi.

<sup>19</sup> Han tâmbâŋe yeŋe yeukŋe aregât luâgân siâ me siâ yendâp aregât dop katmâ makyenŋiân. Ye ulikŋân hâk biwiyeŋe egâlianŋ bâleŋe aregât hoŋ aganŋbiâ humo akto gulip mali. Aregât sop uŋak âmâ hâk biwiyeŋe ârândânŋgât hoŋ bawa aganŋbiâ humo akto han ârândânŋâk akmâ manbei. <sup>20</sup> Ulikŋân bâleŋaet hoŋ maliân ain ârândânŋ manmangât horat are bo yeyenŋiep. <sup>21</sup> Akto sop ain wan bunŋe miawakyeŋgiep? Bo. Aregât

kakjân momo miawak yengwiapgât pat. Dâ hinje are nângâm âmâ aņunje olowâk mandâi. <sup>22</sup>Bâin. Sop hinje amâ bâleņæet tâk hulaņdo Anutugât hoņ manman agi mandâi. Hain akbiâ han irakje akto agak meme ârândâņ miawak yengjep. Dâ beirâ âmâ manman kârikje mem manbai. <sup>23</sup>Bâleņæet hâunje âmâ momo membaen. Dâ Anutuņe han kalemņæet akmâ Kembu nenje Yesu Kristo yâkgât akmâ manman kârikje nengimbo mem manmaen.

### Yesu moepgât den kârikņæet tâk hâreņep.

**7** <sup>1</sup>Galama, den kârikņæet keiņe nângâmai ye hin makyengwiwe. Ye hin bo nângâmai mon? Nen mandenje den kârikņe arekņe damun nenje akmap. Dâ mombaenân âmâ den kârikņe arekņe bo damun nenje akbiap. <sup>2</sup>Aregât âmbâle siâņe luâk siâ mendoân den kârikņe hin kalaņep, luâk hepunbiapgât dop bo yendâp. Dâ luâkņe mondo den kârikņe makmâ hâreņep are hepunbiapgât dâp talaņbiap. <sup>3</sup>Aregât luâkņe golâ mandoân ain âmâ hepunmâ luâk siâ mendo âmâ âmbâle bâleņe dâm konmaen. Dâ luâkņe mondo âmâ luâkdâ âmbendâ menduyelegep tâk are hâreņep. Aregât luâk siâ membiawân ain mem hepun hepunġât dosa bo membiap.

<sup>4</sup>Galama yengât keiyeņe hainâk yendâp. Kristogât hâkņe mondo ain den kârikņe areġât tâk hârieņ. Hârembo den kârikņæet moyi. Are amâ ambo siâġât agi. Anutuņe nanje momoņânba agalep mandâp yâkgât kâmot agi. Aregât nen Anutu bunje peniaņionġât. <sup>5</sup>Dâ ulikņân manman tâmbâņe malion sop ain den kârikņe arekņe egâliāņ bâleņe kâlâpņe waito hâk biwinenņân âiņe mem malep. Hain aknengimbo momogât bunje mem peniaņion. <sup>6</sup>Dâ hinje amâ den kârikņe arekņe bo damun nenje akmap areġât tâkņe hulaņ nengiewân amâ den kulemgât dâp tâmbâņe bo watmâ âmâ Heakġât dâp irakņe tâlim arimaen.

### Bâleņande hilip nengumap.

<sup>7</sup>Aregât gain dâweren? Den kârikņe ire amâ bâleņe mon? Hain bo. Den kârikņe bo tatâp dâine nâ bâleņæet keiņe bo nângâm kotġâwom. Den kârikņe arekņe hin makmâ miawakniņdâp, “Egâliāņ bâleņe bo nângâm egâliāņben.” den are bo tatâp dâine egâliāņ bâleņe bo nângâwom. <sup>8</sup>Gârâmâ bâleņe are âmâ den kârikņe arekņe tân agaņdo hanne hâwâto egâliāņ bâleņe keiņe keiņe miawakniņep. Amâ den kârikņe arekņe bo yendâp dâine bâleņande yân limbâp agum yembop. <sup>9</sup>Nâ ulikņân den kârikņæet dâwân bo malân ain âmâ manmanne miawaknengjep. Aregât hamiņân den kârikņe arekņe penâniņdo bâleņande biwinân âi mendo momogât dâwân ariân. <sup>10</sup>Den kârikņe arekņe manmangât dâp makmâ miawakmap arekņe purik dâm momogât dâp miawakniņep. <sup>11</sup>Amâ hingât. Bâleņe are âmâ den kârikņe arekņe tângombo kârikņe akmâ heniņmâ nugumbo momo hinare agân. <sup>12</sup>Aregât hin nângân. Den kârikņe

amâ dosa bâlâk. Akto Anutuŋe wan me wan makmâ hâriep den are hainâk amâ dosa bâlâk akto Anutuŋe nânġâmbo âlepŋe akto ârândân akmap. <sup>13</sup>Aregât hin dâwe mon? Den kârikŋe amâ âlepŋe arekŋe konok nâ nugumbo momogât dâp miawakniŋep mon? Hain bo. Bâleŋenande den kârikŋe âlepŋe aregât akmâ momoŋe nuguep. Amâ hingât. Anutuŋe wan makmâ hâriep den aregât akmâ bâleŋenaet keiŋe nânġâm heŋgemgore bâleŋaet hândâkŋe dondâ bâleŋe miawakmâ kinbiapġât.

### Bâleŋande hikom katnenekmap.

<sup>14</sup>Dâ nenâmâ hin nânġâmaen. Den kârikŋe amâ Heakġât pat. Dâ nâmâ bâleŋaet hoŋ agaŋmâ hânġât pat manman. <sup>15</sup>Nâ agak memene nânġâwerâm aktere purik gurik agep. Amâ hin. Nâ siâ me siâ akberâre umatŋe akto bo akman. Dâ siâ me siâ sârekoman are amâ akman. <sup>16</sup>Akto wan me wan sârikoman are akman âmâ benŋe hin nânġân, den kârikŋe are nânġâre âlepŋe akmap dâman. <sup>17</sup>Aregât wan akmâ bâlیمان are amâ nâ nune hangât bo akman. Bâleŋande hanân yem hâwâtnekto akman aregât. <sup>18</sup>Nâ keine hin nânġân. Agak meme âlepŋaet egâlianŋman are amâ membiangât dâp bo tatniġdâp, aregât hâknân wan me wan siâ âlepŋe bo yendâp. Hain nânġân. <sup>19</sup>Amâ hin. Nâ wan me wan siâ âlepŋe akbian dâm kinmâ âmâ bo akman. Dâ siâ me siâ bâleŋe bo akbian dâm kinmâ âmâ akman. <sup>20</sup>Bâleŋe bo akbian dâm makmâ hanâk akman amâ nunak bo. Bâleŋe biwinân tatmap arekŋe huŋgunniġdo hanâk akman, hain nânġân. <sup>21</sup>Aregât nânġâlân hin miawakmap. Siâ me siâ âlepŋe akberâre âmâ bâleŋande mete katniŋmap. <sup>22</sup>Nâ han biwinande Anutuŋe den kârikŋe kalep are nânġâre ârândân akto heroŋe akman. <sup>23</sup>Dâ hâknande âmâ nânġâ nânġâne are kondo gembo bâleŋe hâknân manmap arekŋe hiko nekto umatŋân mandân. <sup>24</sup>Aregât mesak gosak akman. Gâuk niŋande hâkne momogât pat agakŋe mem kotdâ nekbiap? Amâ hin. <sup>25</sup>Nâmâ Yesu Kristo Humo nenŋe yâġġât akmâ Anutu mepaiŋe meman. Bâin. Nâ Anutuġât den kârikŋe are nânġâre ârândân akto nânġâ nânġânande hoŋ agaŋman. Dâ hâknande âmâ bâleŋaet kârikŋe hoŋ agaŋman.

### Yesuŋe dosanenŋe puliepgât yâk nânġâm kepilâ aŋbaen.

**8** <sup>1</sup>Aregât Yesu Kristo olop manmaen nen âmâ Anutuŋe bâleŋaet hâuŋe bo makmâ kotdâ nengiwiap. <sup>2</sup>Amâ hingât Anutuġât Heak arekŋe Yesu Kristogât manman are nengiep pat arekŋe bâleŋaet tâk akto momogât tâk hâriep. <sup>3</sup>Akto den kârikŋe are han tâmbânŋe nenŋande kârikŋeŋe kondo gembo nengâlân âi mem âsinenekto bo agep. Aregât Anutuŋe nanŋe luâk hainare ak dâmbo luâk akmâ gem mando bâleŋaet akmâ nanŋe kuk agaŋdo moep. <sup>4</sup>Mondo âmâ den kârikŋe loko loko âlepŋe miawaknengiep. Nen han tâmbânŋaet dâp bo watmaen. Bo. Amâ Heakġât dâp tâlimaen nengâlân den kârikŋe loko loko âlepŋe mendenŋe

huraguwiapgât dâp miawaknengiep. <sup>5</sup>Hâkyeŋaet dâp tâlimai yâkŋe âmâ hâkgât nâŋgâmbiâ humo akmap. Dâ Heakgât dâp tâlimaen nenŋe âmâ Heakgât siâ me siâ aregâlâk nâŋgâenŋe humo akmap. <sup>6</sup>Hâkgâlâk nâŋgâm manbiâ âmâ momo miawakyeŋgimbo hilip aguwai. Dâ Heakgât nâŋgâenŋe humo akbiap amâ manman âlepŋe akto biwi sânduk membaen. <sup>7</sup>Amâ hingât. Luâk siâŋe hângâlâk nâŋgâambo humo akmap yâkgât nâŋgâ nâŋgâŋande Anutu gasa agarŋmap. Nâŋgâ nâŋgâŋande Anutugât den kârikŋaet amukŋân tatbiapgât dop bo tatâpgât den kârikŋe are hâkâŋe akmâ panmap. <sup>8</sup>Amâ wangât? Hingât. Hâkgâlâk nâŋgâmai yâk Anutuŋe yekmâ hâkânŋ akmap.

<sup>9</sup>Dâ ye Romagâtŋe amâ Anutugât Heakŋe arekŋe hanyenân tatmâ manmapgât hâkgât patŋande bo damun yeŋe akmap. Amâ Heak olop menduguakmâ manmaigât. Dâ siâŋe Kristogât Heak bâlâk manbiapŋe yâkgât pat bo mem manbiap. <sup>10</sup>Dâ Kristoŋe hanyenân manmawân hâkyeŋande bâleŋaet akmâ momoŋe akyeŋgimap gârâmâ han otne yeŋande amâ dosa bâlâkgât golâ akmâ manmap. <sup>11</sup>Akto Yesu momoŋânba mem agalep Anutugât Heakŋe hanyenân tatmap arekŋe Kristo Yesu momoŋânba mem agalep dop hainâk hanyenân Heakŋe mandâp yâkgât akmâ hâkyeŋe momoŋe are hainagâk mem golâ katbiap.

### Heakŋe menenekto yâkgât agion.

<sup>12</sup>Galalupne, nengât hâu yendâp aregât hâknenŋaet bo nâŋgâmâk manbaen. Akto hâkgât agak meme bo mem manbaen. <sup>13</sup>Amâ ye hâkgât agak meme watmâ manbai âmâ hilip aguwai. Dâ Heakgât kârikŋân agak meme are kombiâ gembo âmâ manman âlepŋân manmâ âgâwai. <sup>14</sup>Aregât keiŋe hin. Anutugât Heak arekŋe sokoyekto manmai yâk âmâ Anutuŋe nan barat dâm yeŋgonmap. <sup>15</sup>Anutugât Heak yeŋgiep are âmâ hoŋ manmanlupŋe manmâ hamep akŋetgât bo. Nan barat bunŋe manŋetgât Heak yeŋgiep. Aregât akmâ Ewenenŋe âlepŋe dâm konmaen. <sup>16</sup>Amâ nen Anutugât nan barat manden den are âmâ Heakŋe biwinenŋân makmâ humolembo nâŋgâmaen. <sup>17</sup>Nanŋe baratŋe mandengât Anutuŋe bâtŋe bâiŋe nengiwiapgât dop miawaknengiep gât Kristo olop mendugum damun akbaen. Amâ in hânân yâk olop dâtŋe metŋe kakŋân manbaen âmâ âlepŋe yâk olop egâlianŋe pagaleŋe âlepŋân nen hârogâk manbaen.

### Manman âlepŋe aregât lâmgom manmaen.

<sup>18</sup>Galalupne. Nâ hin nâŋgân. Himbimân Anutuŋe egâlianŋe âlepŋe nengiwiap arekŋe hânân hâk hilâlâm umburuk yendâp are ewangiâp aregât hâk hilâlâmŋe nâŋgâenŋe yânŋe akbiâp. <sup>19</sup>Anutugât nan barat manmaen nen pagaleŋe miawaknengimbo tektekŋân manbaengât siâ me siâ liulep arekŋe aregât imbianmâ lâmgom manmai. <sup>20</sup>Amâ hingât. Anutuŋe siâ me siâ liulep are mom bâle bâlegât kâlegen katyegep. Are

amâ yengât hangât bo. Anutuŋe siân wan âlepŋe miawakbiap aregât lâmgom manbaigât lope kâlegen katyegep. <sup>21</sup> Amâ hingât. Beirâ wan me wan liulep are gai mom hilipaguwaigât tâkŋe guŋmâ panmâ kârikŋe akmâ Anutugât nanŋe baratŋe nengâlân egâliãŋ âlepŋân dewatinenekbai. Haingât.

<sup>22</sup> Nen aregât hin nãŋgâmaen. Anutuŋe kotŋe siâ siâ hârok ketuguep are hârokŋe âmbâleŋe nanãŋ memberâm hâk hilâlâm nãŋgâm kamboŋmai dop hainâk akmâ lâmgom manmâ kamboŋmai. <sup>23</sup> Akto wan me wan liulep areâk bo akmap. Nenâkai, Heakŋe biwinnenŋe bunŋe aknengimãp Anutugât nan barat manden aregât keiŋe miawaknengigât akto Anutuŋe hâk nenŋe mem hulãŋmâ heŋgemgom mem tek tekŋân katnenekbiãpãt sopŋe lâmgom manmâ han nenŋande mesak gosak akmâ umburukŋe akmaen. <sup>24</sup> Hain akmâ lâmgom manmaengât amâ Anutuŋe heŋgem nenguwiãpãt pat miawak nengiep. Dã siãŋe siâ lâmgom manbiãpŋe âmã wan me wan ekbiawân lâuwãŋe bo lâmgom âmã biwi owãi bo akmap. <sup>25</sup> Gãrãmã nenãmã hinŋe wan bo ekmaen are lâmgomaen âmã biwinnenŋe owãiŋe akto bo hãkãŋ akmaen.

### Heakŋe tânnengumãp.

<sup>26</sup> Akto dop hainâk Heakŋe gai nen yeukŋaet akmâ tân nengumãp. Nen hin me hain ulilãŋdenŋe ârãndãŋ akbiãp are âmã bonãŋgãm kotgãmaengât Heakŋe han nenŋe mem owãimbo den luãkŋe bo nãŋgãmaenŋe are maktenŋe miawakto Anutuŋe nãŋgãmap. <sup>27</sup> Akto Anutu biwinnenŋân ekmapŋe âmã Heakgât den nãŋgãmap. Amâ Heakŋe nen Anutugât kãmot nengât akmâ Anutuŋe wan me wan makmã hãriep are nãŋgãmap areãkgât ulilãŋmap. <sup>28</sup> Akto areâk bo. Nen hin nãŋgãmaen. Anutu han nenŋande nãŋgaŋmaen nengât akmã wan me wan miawaknengimãp are hârok mem tân nenguwiãpãt mãŋginenekmap. Amâ yãkŋe han kalemŋaet akmã oloŋ nenegep nengât. <sup>29</sup> Ulikŋân Anutuŋe han kalemŋaet akmã potatnenegep gât Nanŋaet tirip akbaengât makmã hãriep. Akto emiŋe gariŋe biwirã aktenŋe ikiŋe âmã teunenŋe humo ulikŋân gâtŋe akmã manbiãpãt makmã hãriep. <sup>30</sup> Anutu luãk âmbãle ulikŋân nãŋgãm heŋgemgom potat nenegepgât nengonmã oloŋnenegep. Nengonmã oloŋ nenegepgât dosa nenŋe bo aktãp dãep. Dosa nenŋe bo aktãp dãep gât egâliãŋ âlepŋe nengiep.

### Anutugât han kalemãnba siã me siãŋe bo hilipnenguwiãp.

<sup>31</sup> Den are keiŋe gain gain yendãp dãaweren? Anutuŋe gala bo aknengimãp dãine gasalupnenŋande dondã yeukŋe aknengimbiã hilip aguwãen. <sup>32</sup> Anutuŋe ikiŋe Nanŋe bo gãngerãm dumnenŋân kilãkgât huŋgun aŋdo giep are amã âi humo. Dã wan me wan yãkgât akmã nengiwãp amã owãiŋe. <sup>33</sup> Anutuŋe ikiŋak dosa nenŋe bo aktãp dãamãp

aregât yâkgât kâmotlupnje nen niñande denân katnenekbop? <sup>34</sup> Akto Kristo Yesu ikinjak moep. Akmâ moewâk bo. Yâk momoñânba agatmâ Anutugât bâtje bungen âgâ talepgât nengât akmâ Anutu ulilañmap, aregât niñande denân katnenekto dosa nenje miawakbiap? <sup>35</sup> Akto Kristogât han kalemânba wan arekñæetnje oloñ nenekto yân manbaen? Amâ hâk hilâlâmje me dâtje metñande me gasalupnenñande me mop manmanje me hanokoak manmanje me tembe bugâje arekñe? Are hârokñe Kristogât han kalemânba oloñnenekbiapgât dop bo. <sup>36</sup> Amâ Anutuñe aregât magep hin tatâp,

“Anutu gâñgât akmâ hâk hilâlâm nâñgâenje hokboâk hokboâk gasalupnenñande itiñ gulam menenekmai. Akto bau kom gâimaen aregât dop hainâk akngimaimai.”

<sup>37</sup> Hain arekñe bo mem ge katnenekbiap. Bo. Yesuñe han kalem akmapgât kârigeñ kârikñe humo peniañmâ kinmaen. <sup>38</sup> Aregât hin nâñgâm kârigeân. Momoñe me manmanje me añeloñe me luâk kembuñe me hinje miawakmapje me beirâ miawakbiapje me siâ me siâ kârikñe arekñe <sup>39</sup> me siâ siâ âgâje me siâ siâ gegeñe me wan me wan Anutuñe liulep arekñe Anutugât han kalemñande Yesu Kristoñe katip nengumap ain ba bo oloñnenekbiap.

#### Pauloñe Yuda luâk yengât yai nâñgâep.

**9** <sup>1</sup> Nâ Kristogât akmâ den bunje maktere nâñgâñet. Heakñe hanne mem pagalembo nâñgâm hengemgom makyenjiwe. <sup>2</sup> Nâje nâñgât ginbailupne Yuda gâtje yâkgât akmâ nâñgâyengire biwine umatje dondâ akmap. <sup>3</sup> Aregât hin nâñgân mon? Anutuñe Yuda luâk galalupne yâkgât akmâ hepun nekmâ âmâ meyekbiap are nâñgâm owâiân. <sup>4</sup> Yuda luâk nengât kotnenje siâ Israegât kâmotlupnje are Anutuñe nâñgât mândulupnerâm ikinjaet pagaleñe hekatyengiep. Hain akmâ âmâ Anutu olop dewatiwaigât pat akto den kârikñe makmâ miawak yengiep. Akto sumbegât emetje aregât hin akñetgât dâpñe keñe hekatyengiep. Akto siân wan me wan hârok yengiwian dâm makmâ hâre yengiep. <sup>5</sup> Dâ Yuda nengât hakulupnenje amâ luâk kautje mali. Akto Anutuñe nanje huñgunanjo giep are amâ nengât hutnenñânba miawagep. Yâk âmâ wan me wan hârok nengât kautje malep, yâk âmâ Anutu aregât nenje nâñganñenje humoñe humo kârikñe talañbiap. A bundâk. <sup>6</sup> Dâ ya makyenjiân aregât hin bo dâwaen, “Yuda luâkñe wan akmai aregât Anutugât den yeukñe agep.” bo dâwaen. Israe gâlân ba miawagion âmâ Israe luâk bunje hârokñe ârândân bo agi. <sup>7</sup> Dâ Abrahamgât uliklupnje miawagi are âmâ kâmotlupnje bunje gai bo agi. Gârâmâ aregât Anutuñe makto Moseñe hin kulengoep, “Abraham gâñgât nanje Isakagât kâlegenlupnje amâ gâñgât pat akbai.” <sup>8</sup> Den aregât keñe hin tatâp. Abrahamgât kâlegen gâtje hârok âmâ Anutuñe mândulupnerâm bo yengonmap. Anutuñe makmâ hâriewân miawagi yâkñeak Abrahamgât



kâlelupne bunje agion. <sup>9</sup>Aregât Anutugât denje hin talep a bunje agep, “Hombaŋ kakjân sop miawakto Sara nanaj mem mandoân purikatbian.”

<sup>10</sup>Akto areâk bo. Rebeka âmâ luâkne hakunenje Isaka yâk olop manmâ nanaj lâuwâ megolak tepne agep. <sup>11</sup>Tepne akto nanaj lâuwâ bo miawakmâ maliat ain bâleje me âlepne bo agialân Anutuje yâk yetgât hin magep, “Teuŋande emiŋaet hoj manbiâp.” <sup>12</sup>Amâ Anutu ikinje hanjaet den are kârikne agâk gât nâŋgâm nanaj manman yetjaet bo makmâ kârigiep. Ikiŋaet hanjaet mem potat yelemâ kinmâ hain magep. <sup>13</sup>Aregât Anutugât den bikne hin tatâp, “Nâje Yakobo âmâ han kalem agaŋmâ okot âlep nâŋgân. Dâ Esau âmâ hâkân agaŋdân.”

<sup>14</sup>Akto aregât gain dâweren? Anutuje wan me wan mendo bo ârândân akmap? A borondâje. <sup>15</sup>Ulikjân Anutuje Mose hin maganejep,

“Luâk me âmbâle siâ are okot âlep agaŋdere ârândân akmap. Akto luâk me âmbâle siâ han kalem agaŋdere ârândân akmap.” dâep.

<sup>16</sup>Aregât keiŋe hin. Anutuje luâk hanyejaet me âiyejaet bo nâŋgâyengimap. Anutu ikinje han kalemjaelâk nâŋgâm makmâ potat nenekmap. <sup>17</sup>Aregât keiŋe Anutugât denjande Parao hin maganejep, “Nâ gâŋgâlân kârikne mem miap pandere hân ârândân ariâkgât dâm kat gegân.” <sup>18</sup>Aregât Anutuje âmâ luâk siâ han kalem agaŋberâm âmâ âlepne agaŋbiap. Dâ luâk siâ han biwiŋe gisapkoanberâm âmâ âlepne gisapkoanbiap. Amâ ârândân akmap.

### Yuda luâkne Anutu hamiaŋi.

<sup>19</sup>Are oyaŋmâ yengâlân gâtje siâje hin makniŋbiap mon? “Anutuje wan me wan akberâm dâambo luâkne bo miawagâk gât horat kalaŋbiapgât dop bo tatâp aregât Anutuje luâk nengât nâŋgâmbo bâlimap are bo ârândân aktâp.” dâm makniŋbiap mon? <sup>20</sup>Wei gâmâ luâgâk. Wangât Anutu den hâuje maganbiat? Aregât den dopne hin makbe. Wangât umbâje luâk umbâ mângimap are hin maganbop, “Gâ wangât tiripne hain are mânginegen?” <sup>21</sup>Aregât umbâ mângimap luâk arekne hân numje mem umbâ bikne luâk yâk yengât pat mângiwop. Dâ bikne dua bau yâk yengât mângimbo ârândân akbiap. <sup>22</sup>Amâ Anutuje kuk akto kârikne tektekjan kato ekbaigât umbâ bikne hogom panyekbiapgât nâŋgâyengim bo hâkân akyengiep. <sup>23</sup>Hain akyengim umbâ bikne han kalamjaet pat maleine beirâ egâlian pagalenjan kâmot katnenegâk gât nâŋgâmbo yendâp. Umbâ are nengâlân egâlian unsambe nengiepgât menenekmâ manmap. <sup>24</sup>Dâ aregât amâ Yuda luâk âmbâleâk bo. Hân siâ siâ Yuda luâk bo manmai aregât nen han kalemjaet pat aknegât oloŋ nenegep. <sup>25</sup>Akto Anutuje propete Hosea hin maganjo kulengoep,

“Luâk kâmot ambo bo akyengiân yâk nâŋgât luâk âmbâlelupne yengonmâ makyengiwan. Akto âmbâle okot han kalemje bâlâk malep yâk nâŋgât dâtâne dâm konbian.”

<sup>26</sup> Akto den siâ hin,

“Nâje ye nânġât luâk âmbâlelupne bo dâm makyenġiân ain kotyeje Anutu manman ambojaet nanne baratne yeŋgonbian.” dâep.

<sup>27-28</sup> Dâ areâk bo. Yesaiaje Israegât hin magep,

Kembuġe hânân denjaet bunje dowâġâk mem miap pando kârigewiap aregât Anutuġe hin dâep, “Israegât kâlelupne haruân nupi yendâp aregât dop miawakmâ manbai nâje hutġânba konok konok mem oloġyektere manman âleġnân manbai.” dâep.

<sup>29</sup> Akto Yesaiaje beirâ miawakbiapgât hin magep,

“Humonenje kâmot kârikġe Humo Amboyeġande hutnenġânba konok konok bo oloġ nenekto dâine âmâ Sodom Gomora itinj gulam agiat hain are akbâen.”

#### Yuda luâkġe âleġġe aknegât ewum hâumgoyi.

<sup>30</sup> Aregât ire gain dâweren? Hin mon? Luâk Anutuġât kotġe bonânġâmaiġe âleġġe akġetġât bo nânġâmâk watmâ manmai yâk âleġġe manmaigât memai. Are amâ Kristo nânġaġmaigât memai. <sup>31</sup> Dâ Israe luâk den kârikġe lokom kinbiâ Anutuġe yekto huraguâkġât kârikġe agi. Kârikġe akmâ den kârikġe bo lokom âleġġe bo akmâ âmâ umale agi.

<sup>32</sup> Amâ wangât? Hingât. Yuda luâk âmbâle arekġe Kristo nânġâ aġbaigât pat bo wali. Yân agak memeyeġe aregât âleġġe aknegât hain agi. Are amâ dâwân kât yiep ain keiyeġe kondo kâwâwâġ kârâyi. <sup>33</sup> Aregât Anutuġe hin makto Yesaiaje kulemgoep,

“Nânġâi. Nâ Sioġ gimbânân kât siâ katere tatbiap. Arekġe keiyeġe erâmbo peġ panyekbiap. Akto kât humo katberân ain kom heweweġ panbai. Dâ siâġe nânġaġbiap âmâ bo pâpkom aġun aġiwiap.”

#### Yuda luâkġe Anutuġât den hâkâġe dâyi.

**10** <sup>1</sup> Galama, nânġât kâmot Yuda luâk âmbâle are Anutuġe meyekbiapgât hannande dondâ hâwât nekto Anutu aregât ulilaġman. <sup>2</sup> Amâ yâkġe Anutuġât âi mendenġe huraguâk dâm kârikġe akmâ manmai. Dâ amâ pâpkom kinmâ akmai. <sup>3</sup> Yâkġe Anutuġâlân ba dosa bâlâk aknegât dâp yendâp aregât pâpkomai ġât yeġeak âleġġe aknegât âiġe kârikġe memai. Hain akmâ Anutuġe yekto huraguâk ġât dâp hâkâġ akmai. <sup>4</sup> Aregât keiġe hin. Kristoġe den kârikġe are lokombo bo agep. Aregât luâk âmbâle siânbaġe Kristo nânġaġbiâ âmâ Anutuġe dosayeġe bo dâm yeŋgonmap.

<sup>5</sup> Aregât Moseġe hin kulemgoep, “Luâk siâ den kârikġe are hârok lokore Anutuġe nekto huraguâk ġât manbiap yâkġe den kârikġe hârok lokombo âmâ âleġġe manmanân manbiap.” <sup>6</sup> Dâ Kristo nânġaġbiâ Anutuġe yekto huragumap ġât den hin yendâp, “Niġande himbimân âġâm

Kristo mem oloŋdo gewiap? <sup>7</sup>Me niŋande hememân gem Kristo momoŋe yâk yengât hutyeŋâmba oloŋdo gawiap? Ye hain bo dâwai.” <sup>8</sup>Anutuŋe magep hin tatâp, “Anutugât denŋe kâlewângen bo tatâp. Enemân akto biwigân yendâp.” Are amâ biwi kat katgât den pat âlepŋe nâŋgâŋetgât makyengimaen. <sup>9</sup>Amâ Yesu amâ Kembune dâwiat akto biwigân Anutuŋe Yesu momoŋâmba mem agalep dâm nâŋgâm kepilâwiat benŋe Anutuŋe heŋgem gugumbo manman âlepŋân manbiat. <sup>10</sup>Aregât han nenŋande Yesu nâŋgaŋmâ amâ dosa bâlâk manmaen. Akto launenŋande makmâ miap panmâ mandenŋe Anutuŋe heŋgem nengumap. <sup>11</sup>Aregât Anutugât denŋande hin dâep, “Siâŋe nâŋgaŋbiap amâ bo pâpkom aŋun aŋgiwiap.” <sup>12</sup>Amâ Yuda me Girik luâk potat potat bo yendâp. Humo Kembu konokŋe amâ hârokgât Kembunenŋe mandâp. Yâkŋe luâk me âmbâle bikŋande yâkgât kotŋe konbiâ amâ ainâk han kalem akyengim wan me wan âlepŋe potatmâ yengwiap. <sup>13</sup>Aregât Anutugât denŋande hin dâep, “Niŋe me niŋe Kembu kondo amâ ainâk Anutuŋe mem heŋgemgo aŋbiap.” <sup>14</sup>Gârâmâ luâk âmbâleŋe amâ Kristo bo nâŋgaŋmai amâ gain gain kotŋe konbai? Akto siâŋe Kristogât keiŋe bo makyengimbo amâ gain gain nâŋgaŋbai? Akto den pat âlepŋe makmaen nengâlân gâtŋe konokŋe bo arim makyengimbo amâ gain gain den pat âlepŋe nâŋgâwai? <sup>15</sup>Akto Anutuŋe bo huŋgunaŋdo amâ gain gain arim makyengiwai? Anutuŋe makto siâŋe hin kulengoep, “Pat âlep den makmak luâk togombiâ amâ, munŋande han nâŋgâ nâŋgânenŋe mem owâimap.”

### **Anutuŋe Yuda luâk âmbâle yengondo bo nâŋgaŋi.**

<sup>16</sup>Den pat âlepŋe ire amâ luâk hârokŋe bo nâŋgaŋmâ bunŋerâm kepilâyi aregât Yesiaŋe hin magep, “Kembu, den pat âlepŋe makmâ miawaktenŋe siâŋe bo nâŋgaŋmâ kârigiep.” dâep. <sup>17</sup>Aregât hin nâŋgâweren. Siâŋe Kristogât pat makyengimbo den bunŋe nâŋgâmaen. Akto den bunŋe nâŋgâenŋe amâ biwi kat katgât miawakmap. <sup>18</sup>Gârâmâ aregât hin aiyenŋuân. Luâk âmbâle amâ den pat âlepŋe are bo nâŋgâyi mon? Hain bo. Anutuŋe makto siâŋe hin kulengoep.

Denyenŋande hânŋe hânŋe sambelem ârândâŋ agep. Akto den lauyenŋande hân tunŋuŋângen ârândâŋ agep.

<sup>19</sup>Aregât gaetŋe hin aiyenŋuân, Israe luâk bo nâŋgâm heŋgemgoyi mon? Hain bo. Ulikŋân Moseŋe hin kulengoep,

“Anutuŋe hin dâep, Nâŋe luâk yânŋe meyektere ye ewangiyekbiâ nâŋgâmbiâ bâliwiap. Akto luâk kâmot bo nâŋgâ niŋbai are oloŋyektere yekmâ biwiyenŋe kâlâp akbiap.” dâm kulengoep.

<sup>20</sup>Akto beirâ Yesiaŋe den umatŋe mem gem makmâ amâ bo aŋun aŋgim hin dâep,

“Anutuŋe hin dâep, Bo kulâgât nekmâ maliŋe penâniŋi. Nâŋgât bo makmâ mali yâk yengât mete katyengîân.” dâep.

<sup>21</sup>Hain akmâ Yesaianje Israe luâk yâk yeŋgât hin makmâ kulengoep, “Anutuŋe hin dâep, Nâ luâk kâmot nâŋgâm gulip agakŋe akto den kokoŋe sop kâlep ganjet dâm yeŋgonmâ mandere bo togoyi dâep.” dâm kulengoep.

**Anutuŋe Yuda luâk bikŋeâk ikiŋaet pat meyegep.**

**11** <sup>1</sup>Aregât nâ hin aiyenŋuân, Anutuŋe Yuda luâk hârok hepunnenegep mon? Bo. Hain bo agep. Amâ nâkai Israe gâtŋe manmâ gan. Akto hakune amâ Abraham. Akto nâmâ Bensamiŋ kâmolân gâtŋe mandân. <sup>2</sup>Anutuŋe Israe bo hepun nenegep amâ hingât. Ulikŋân luâk nâŋgâyeŋgim potatyegep amâ bo hepun yekmap. Amâ ye Anutugât denŋe are bo oyaŋmâ nâŋgâmai mon? Eliaŋe Israe luâk yâk yeŋgât akmâ Anutu hin dâm maganep, <sup>3</sup>“Kembu, Israe luâkŋe propete yeŋgum âmâ sumbe kat katgât are patakom itiŋ gulam meyi. Dâ nuneâk mandere gai nuguwerâm aktâi.” <sup>4</sup>Hain dâambo den hâuŋe gain purikalanep? Hin. “Nâ luâk 7,000 koratyenŋure lâpio kotŋe Baali yâkgât bo kâŋgoaji.” <sup>5</sup>Anutuŋe hain dâepgât hin nâŋgâne. Anutuŋe han kalem akmâ Yuda luâk bikŋe mem kepilâ yegepgât mandâi. <sup>6</sup>Aregât Anutuŋe han kalemŋaet akyenŋiep. Akyenŋiep gât âmâ agak meme yeŋaet bo akyenŋiep. Hain bo akto dâine âmâ han kalemŋe bunŋe bo akbop.

<sup>7</sup>Akto gain gain nâŋgâweren? Israe luâk yâkŋe Anutuŋe nenekto huraguâkgât kulâgâtâm âi humo meyi, are bo mem miawagi. Dâ Anutuŋe mem kepilâ yegep yâkŋe âmâ meyi. Bikŋe humo âmâ Anutuŋe makto biwiyeŋe kârik agi. <sup>8</sup>Aregât Anutugât denŋân hin tatâp,

“Anutuŋe han yeŋe mem gâlikoep. Akto dewunyeŋe gai mem limbâpkoep. Akto ondopyeŋe mem gisapkoep. Gisapkombo gam gam maleine uŋak hainâk yu mandâi.

<sup>9</sup>Akto Dawidiŋe hin dâep,

“Anutu, gâŋe makmenâ sot nem tatbiân âmâ sot akto kat katyeŋande lâlâmbâlân dowâk peŋ panmâ yeŋguâk. Akto wan me wan agigât hâuŋe hân dâpŋân gewai hainare miawakyenŋiwiapgât makmenâ miawagâk. <sup>10</sup>Gâ dewunyeŋe mem limbâp komenâ dewun bok akbai. Dâ hamiyenŋe mem goŋgoŋgomenâ pâit pâitŋe akmâ manmâ âgâwei.” kulengoep.

**Anutuŋe kâmot siân gâtŋe ikiŋaet pat meyegep.**

<sup>11</sup>Akto hin aiyenŋuân. Israe luâk yâkŋe mokmok mem peŋ panmâ mom bo akbaigât hain miawagep mon? Hain bo. Israe luâkŋe bâleŋe agigât Anutuŋe Israe gâtŋe bo manmai meyegep. Meyekto âmâ beirâ Israe gâtŋande Israe gâtŋe bo manmai manman âlepŋân manmai are yekbiâ bâliwiapgât. <sup>12</sup>Akto Israe luâk âmbâle bâleŋe agi aregât den pat âlepŋe hânŋe hânŋe ârândâŋ arim metiep. Akto Israe luâk âmbâle

yeuknje akbiâ Anutugât pat bo miawakyeŋgiep gât Yuda luâk bo manmai yâk yeŋgâlân den bunje peniyenŋiep. Yei, maleine Anutuŋe Yuda luâk hârok meyekbiawân âmâ hârok bunje miawaknengiwiap.

<sup>13-14</sup>Galalupne, hinje Yuda luâk bo manmai ye den ire makyenŋire nânŋâŋet. Nânŋât kâmot hâwât yektere bikŋande nâ watnekmâ âlepŋe akŋetgât Yuda luâk bo manmai yeŋgât Aposolo manman. Akto âine egâlian kakŋân meman. <sup>15</sup>Akto Anutuŋe Israe luâk hepunyegep gât âmâ Anutuŋe hân ârândânŋan manmai yâk meyegep. Arekŋe Israe luâk meyekbiawân amâ momoŋân ba golâ manbaengât miawakbiap. <sup>16</sup>Akto sot ulikŋe Anutu waŋdenje mendâp benje sot hârok ârândân akmap. Dâ lâwin kândârânŋande ârândân yendo gai bêt bêtŋe gai hainâgâk ârândân yembiap. <sup>17</sup>Den ginŋe siâ hin makbe. Anutuŋe bêt bêtŋe bikŋe hârem panmâ aregât welanŋân oliwa pâloŋânŋen miawagep aregât bêtŋe gâ Yuda luâk bo manmat oliwagât tuŋe membiatgât katgekmâ dewatigegep. <sup>18</sup>Aregât gâŋe lâwin bêt bêtŋe tâmbâŋe Yuda luâk yâk bo nânŋâyenŋimenâ gembo âmâ agat agat bo akben. Hain akbâtgât hin nânŋâwen. Gâ lâwin kândârânŋe are bo damunŋe akmâ heŋgemgomat. Kândârânŋe Yuda luâk arekŋe ge tân gugumai. <sup>19</sup>Gârâmâ hin dâwerât mon? Anutuŋe nânŋât akmâ katmâ dewatinegâk gât bêt bêtŋe tâmbâŋe are liŋgâtmâ palep. Panmâ nâ dâgâm dewatinegep. <sup>20</sup>Gâ Yuda luâk bo manmat amâ bundâk maktât. Anutuŋe Yuda luâk manmai arekŋe bonânŋanŋi gât hârem panyegep. Dâ gâmâ Anutu nânŋanŋmatgât kindât aregât hâkge bo mem agatmâ âmâ kânŋom manben. <sup>21</sup>Amâ Anutuŋe oliwa ikiŋe bêt bêtŋe bo yaigoepgât gâ hainâgâk bo yaiguguwiap. <sup>22</sup>Aregât gâ han kalemgât akto Anutuŋe hâmbiŋ yekmapgât bo nelâmŋiŋbiap. Hâmbiŋ yegepgât den bunje hamianŋi yâk yeŋgâlân hâuŋe miawagep. Dâ han kalemŋaet bunje are âmâ gâŋgâlân emelâk miawagep. Aregât gâ yâkgât han kalemŋaet akmâ nânŋanŋmâ manmenâ bunje âlepŋe miawakbiâp. Dâ hain bo akmenâ âmâ gâ gai hârem pan gekbiap. <sup>23</sup>Akto bêt bêtŋe tâmbâŋe yâkŋe biwi kârikyeŋaet hepunbaiân Anutuŋe lâuwânŋe dewatim katyekbiap gât kârikŋe talaŋdâpgât meyekmâ dewatim katyekto ârândânŋ akbiap. <sup>24</sup>Akto Anutuŋe oliwa kâit meŋgekmâ oliwa emesa lâwinŋân dopyeŋe bo tatâp ain katmâ dewatim katgegepgât bo pâpkomap. Aregât oliwa emesa ikiŋe bêt bêtŋe gaetŋe mem dewatiyekbiapgât âmâ âiŋe owâiŋe akbiap.

### **Anutuŋe Yuda luâk han kalem akyenŋiwiapgât keiŋe.**

<sup>25</sup>Galalupne, ye yeŋaet nânŋâ nânŋâyenŋe nânŋâmbiâ humo akbopgât den iregât keiŋe makyenŋiwe. Anutuŋe Israe luâk bikŋe han biwiyeŋe gisapkoep. Gisapkombo âmâ beirâ Yuda luâk âmbâle bo manmai dondâ Kristogâlân dewatimbiâ âmâ <sup>26</sup>âlepŋe Anutuŋe Israe luâk kâmot hârok meyekto âlepŋe akmâ metewai. Aregât den Anutuŋe makto Yesaianŋe hin kulemgoep,

“Sioŋ gimbanjanba luâk siâŋe heŋgemgom nengiwiaŋe miawakmâ Yakobo gâlânba gagap higenŋe hambuŋe uruto ariwiap. <sup>27</sup>Hain akto nâ bâleŋe yeŋe puliwianân ain nâ olop manbaigât makmâ hâreyenŋiwian.”

<sup>28</sup>Israe luâkŋe amâ Yuda gâtŋe bo manmai yâk yeŋgât akmâ pat âlep dengât gasa manmai. Dâ Anutuŋe ikiye han kalemŋaet akmâ kepilâ yekbiapgât akto hakulupnenŋe yâk yeŋgât akmâ okot âlep dondâ akyenŋimap. <sup>29</sup>Amâ Anutuŋe wan me wan nengimap are akto oloŋ nenekmap aregât pat bo hilipkombo yeukŋe akmap. <sup>30</sup>Ye ulikŋân den koko akmâ mali akto Israe luâk yâkŋe gai den koko akmâ mali aregât Anutuŋe ye han kalem akmâ meyegep. <sup>31</sup>Hainâgâk Yuda luâk yâkŋe han kârik akmâ den koko akmâ manmâ gayi Anutuŋe ye han kalem akyenŋiep gât yâk gai hain kalem akyenŋiwiap. <sup>32</sup>Anutuŋe luâk hârok den konogân manmai dâm nânŋâm heŋgemgoep aregât luâk hârok oloŋ nenekmâ han kalemŋân katnenegep.

### **Anutu humo yâk konok mepaiŋe membaen.**

<sup>33</sup>Yei Anutuŋât han kalem unsambe akto nânŋâ nânŋâŋe humo agat agatŋe talaŋmap aregât bâtgumŋe pikmâ yeŋmap. Yâkŋe makmâ kepilâ kepilâ akto makmâ kotgâ kotgâŋaet keiŋe luâkŋe bo nânŋâwâen. Dâ âi memenŋaet dâp are gai luâkŋe bo ekmâ heŋgemgomaen. <sup>34</sup>Kembugât hanŋân den yendâp, are luâk niŋande nânŋâep? Dâ Kembuŋe den makmâ kindo ain niŋande dengât tângom magep? <sup>35</sup>Dâ niŋande wan me wan Anutu waŋdo ârândânŋe agepgât hâu are kutigilaŋbiap? <sup>36</sup>Amâ siâ me siâ hârok yâkgâlânba togomap. Akto yâkŋe wan me wan ketugumbo ârândânŋe akmap. Akto yâkŋe hârok damunŋe akmap. Aregât egâlianŋe pagaleŋe yâkgâlân dewatim dewatim yem âgâwiap. A bundâk.

### **Hâknennande Anutuŋât sumbe akbiâp.**

**12** <sup>1</sup>Aregât galalupne nâ Anutuŋât han kalemŋaet akmâ den sami makyenŋire nânŋâŋet. Ye hâkyeŋe Anutuŋât sumbe golâ kotgâm waŋbiâ nânŋâmbo âlepŋe ârândânŋe akto ekto huraguwiâp. Hain akbai âmâ Anutu hoŋ manman bunŋe manaŋniâm. <sup>2</sup>Akto agak memeyeŋe hângâlâk nânŋâm manmai dop are bo akbiâp. Anutuŋe hanyeŋe nânŋâ nânŋâyeŋe mem purikatberâmbo owâi akmâ nânŋâmbiâ humo agâkgât Anutuŋât han âlepŋe ârândânŋe are miawakyekto ekmâ egâlianŋe.

<sup>3</sup>Anutuŋe han kalem niŋep gât ye hârok makyenŋire nânŋâŋet. Siâŋe ikiyeŋe nânŋâmbo âgâ âgâŋe bo akbiâp. Anutuŋe den dâtâŋe waŋdo nânŋaŋdo dop areâk akbiâp. Amâ ikiyeŋe nânŋâmbo humo bo akbiâp.

<sup>4</sup>Amâ hin nânŋâŋet. Hâk pânŋenŋe amâ konok. Dâ kei bâtnenŋe biwirâŋe âi keiŋe keiŋe memai. <sup>5</sup>Aregât dop hainâk nen amâ dondâ dewatienŋe hâk pânŋ nenŋe konok aktâp. Aregât kei bâtŋe tân agu agu

akmaen. <sup>6</sup>Anutuŋe wan me wan keiŋe keiŋe han kalemŋaet akmâ nengiep are ârândâŋ tatnengiep. Aregât dopŋân âi meniâm. Aregât Anutuŋe den lau makmâ miawakbiapgât Anutu nânŋanŋmaengât dopŋân makmâ miawakbaen. <sup>7</sup>Anutuŋe hoŋ manman âi nengiep amâ âi are kârikŋe akmâ owâiŋeâk akmâ membaen. Siâŋe Anutugât den makmâ kepikmâ makyenŋimap amâ âi are membiâp. <sup>8</sup>Biwiyeŋe gewop gât den sami makmap yâk aregât kârikŋe yeandâpgât makbiâp. Dâ luâk siâŋe âmâ galalupŋe wan me wan yeŋgiwerâm âmâ hâuŋaet bo nânŋâm yân han kalem akmâ yeŋgiwiâp. Dâ luâk siâŋe Yesugât puligât damunŋe akmâ luâk âmbâle umburuk yeŋgiwerâm âmâ biwi owâiŋeâk akmâ dowâk tânyenŋuwiâp. Bikŋe kundatdâŋe umatŋânâk manmai are siâŋe okot nânŋanŋmâ tângowerâm âmâ mâru guru kakŋân tângowiâp.

### Han kalemgât den.

<sup>9</sup>Han kalem agak are hâkŋeak bo akbei. Siâ me siâ bâleŋaet hâkân yekbiâp. Dâ siâ me siâ âlepŋaet âmâ egâlianŋei. <sup>10</sup>Ye gala agak bunŋe akmâ han aŋgi goaŋgi akŋetgât kârikŋe akbei. <sup>11</sup>Konam bâlâk kârikŋeâk manbei. Biwi yeŋande owâiâkgât damungom manbei. Kembunenŋe hoŋ bawa agaŋbei. <sup>12</sup>Anutuŋe wan me wan katyenŋiep aregât nânŋâm egâlianŋmâ manbei. Dâ hâk hilâlâm kakŋân manmâ âmâ bo hâkân akmâ manbei. Akto hokboâk hokboâk Anutu ulilaŋmâ dewatim mem manbai. <sup>13</sup>Kristogât luâklupŋe umburuk manbai âmâ dowâk wan me wan bo talaŋbiap are waŋbei. Akto lombo togombiâ âmâ dowâk owâiŋeâk gala akyenŋiwei.

<sup>14</sup>Bikŋande yeŋgum watyekbiâ âmâ yâk yeŋgât akmâ Anutu ulilaŋbei. Sait den bo makyenŋiwei. <sup>15</sup>Bikŋande heronŋe maronŋe manbiâ âmâ yâk olop heronŋe maronŋe akmâ tân yeŋguwai. Dâ bikŋande indem tâgâiak akbiâ âmâ are tânyenŋum olop indewei. <sup>16</sup>Hanyeŋe mendugum kinmâ siâ me siâ konokgât han kalem akmâ manbei. Yeŋaet nânŋâmbiâ dondâ bo âgâwiâp. Nen gegeŋe dâmai are dowâk tânyenŋum maŋganyekbei.

<sup>17</sup>Siâŋe bâleŋe akyenŋimbo âmâ bâleŋe bo agaŋbei. Dâ luâk âmbâle hârokŋe wan nânŋâmbiâ ârândâŋ akbiap âmâ areâk nânŋâmâk manbei. <sup>18</sup>Ye han kau kau akmâ luâk âmbâle hârok gala akyenŋim manbei. Amâ bikŋande hâkânŋiŋbiâ âmâ hanâk dosane bâlâk manbe dâm gala akyenŋiwei. <sup>19</sup>Galama, bikŋande kuk hengân akyenŋimbiâ âmâ dosayeŋe yeŋeak bo makmâ hâreaŋim manbei. Kembunŋe kuk are hâuŋe meâkgât lâmgom manbei. Aregât Anutugât denŋande hin dâep, “Dosa kotgâ kotgâgât âi amâ nânŋât. Aregât dosayeŋe mem hâuŋe yeŋgiwian.” dâep. <sup>20</sup>Gârâmâ ye hin akbei. Gasagande sotgât momberân dâmbo sot waŋben. Tugât nânŋâm dâmbo tu waŋben. Gâ hain akmâ âmâ kâlâp kautŋân katbiat dop hainare miawakyeŋgiwiap. <sup>21</sup>Bâleŋande gâ bo mem ge katbiâp. Aregât gâ siâ me siâ âlepŋe akmâ bâleŋe aregât kârikŋe komenâ gewiâp.



**Kiap gawaman yengât den.**

**13** <sup>1</sup>Humomolupnenne, kiap, gawaman akto kaunsoli âmâ Anutu konok arekne luâk nengât damunnenne manbeigât katyegep aregât nen hârok yâk yengât den lokoenne ârândân agâk. <sup>2</sup>Aregât luâk siâne gawaman yâk yengât den kom âmâ Anutugât den gai kombiap. Hain akbai âmâ hâune membai. <sup>3</sup>Amâ hingât. Humomolupnenjande amâ agak meme âlepne bo mem ge katmai. Dâ agak meme bâleje aregât hâune yengimbiâ hamewakmâ manmai. Aregât gâne humomolupnenne yengât akmâ hamep bâlâk manberâm kinmâ siâ me siâ ârândân akben. Siâ me siâ ârândân akmenâ gângât nângâmbiâ ârândân akbiâp. <sup>4</sup>Gawaman nenne amâ Anutugât hoj bawa manmâ tân gugumbiâ âlepne manbiatgât âi memai. Gârâmâ gâ bâleje akmâ membiat âmâ hamewakben. Yâk bugâ hanâk bo konmai. Bo. Yâk âmâ Anutugât hoj bawa manmai aregât bâleje meme luâk yâk yengâlân Anutugât kuk miawakyengiâp dâm âi mem kinmâ hâune yengiwei. <sup>5</sup>Aregât den lauyeje lokom hengemgowe. Are âmâ Anutuje hâune nengiwiapgât hamep gâlâk bo. Amâ guge hangande mokmok membopgât hangande kau kau akbiâp.

<sup>6</sup>Anutuje damun âi damunyeje agep are memaigât yeje gawaman puli dâtâne are yengimai. <sup>7</sup>Aregât yeje yâk wan makmâ hâreyi are ârândân yengiwei. Puligât dâtâne magi are dopnân puli yengiwei. Dâ hoj manmangât dâtâne makmâ hâreyi âmâ hoj manyengiwei. Kângo nenginet dâm hâreyi âmâ hainakmâ akyengiwei. Lau nenne lokowe dâm hâreyi âmâ lau yeje lokowe.

**Gala konok mannegât den.**

<sup>8</sup>Akto siâ me siâgât hâu are dowâk kotgâmbiâ bo akbiâp. Dâ hâu konok tatyengiwiâp amâ hin, han kalem akmâ okot angi goanji akjetgât membiâ bo bo akbiâp. Aregât han angi goanji olop manmapne âmâ den kârikne lokomapgât dop akmap. <sup>9</sup>Anutugât denjande hin maktâp, “Luâkdâ âmbendâgât pat bo hârewen. Gâ bugâ bo koben. Gâ kâmbu bo memben. Gala siâgât siâ me siâ are nângât bo dâwen.” Den kârikne aregât bikne hârok mendugum kautne konok katmâ hin dâep, “Gâ guge tân agumat dop hainâk luâk siâ tângowen.” <sup>10</sup>Han angi goanji olop manbiapne âmâ gala je bâleje bo agaŋbiap. Aregât han kalem akmâ okot âlep akyengiwaen âmâ den kârikne hârok lokowaengât dop miawakbiap.

**Pagalejân manbaen.**

<sup>11</sup>Akto hain akjetgât sop iregât keje nângâi. Nen ulikjân Kristo nânganjenne hengem nenguwiapgât dâp miawaktâp. Dâ hinne hengem nengum metewiapgât sop ewumâk aktâp. Aregât asiŋanba golâ akmâ agatbei. <sup>12</sup>Hândâk pipine akto emet haunberâmgât hândâkgât siâ me

siâ guŕmâ panmâ âmâ pagalenjaet tembe mâron meakmâ manbaen. <sup>13</sup> Yanep pagalenjân manmaenje ârândânjâk manniâm. Are amâ sot sonjo nem munej bo akbaen. Akto tu kârikje nem gulip bo akbaen. Akto agak meme bâleje anjun olowâk are bo mem manbaen. Me gasa akmâ bo potalakbaen. Me siâgât nângâenje bo bâliwiâp. <sup>14</sup> Gârâmâ Kembu Yesu Kristo yâk luguakmâ âmâ benje hâkyeŕande egâlianj bâleje penianjopgât nângâmâk nângâmâk manbei.

### Galagât nângâmbiâ bo gewiâp.

**14** <sup>1</sup> Galalupne, luâk âmbâle bikjande Kristo getegâk nânjanmai are dowâk gala akyeŕgiwei. Amâ galagât heyeŕgienje penânengimbiâ ain nângâ nângâyeŕe gewiapgât papalakmâ manbaengât bo. <sup>2</sup> Luâk siâ biwi kat kat kârikje talaŕmapje âmâ sot hârok hanâk nemap. Dâ siâ biwi kat kat yeukje talaŕmapje âmâ gârânjâk nemap. <sup>3</sup> Aregât luâk siâŕe sot hârok nemapje amâ galaŕe sonjo bo nemap aregât bo nânjanjo gewiâp. Akto luâk sonjo bo nemapje amâ galaŕe sot hârok nemap are den âiân bo katmâ kotgâ anjbiâp. Amâ Anutuŕe galaŕe gala agaŕepgât. <sup>4</sup> Aregât gâ wangât Anutugât lau lokomapje den âiân katbiat? Amâ bo ârândânj akbiap. Yâk amâ Anutu Humoŕjaet enemjân kinmâ kârikje akbiap me yeukje akbiap. Are âmâ Kembugât pat. Gârâmâ hin nângâne. Humoŕe âlepje tângombo kârikje akmâ kinbiapgât bo yeukje akbiap. <sup>5</sup> Hainâk luâk siâ hilâm gât âi meme siâ nângâmbo gembo siâ nângâmbo humo akmap. Dâ luâk siâ âmâ âi meme hârok nângâmbo ârândânj akmap. Aregât siâ me siâŕe hin me hain akberâm nângâm heŕgemgom kârigem kinmâ akbiâp. <sup>6</sup> Hilâm âi meme oyaŕmâ potatmapje amâ Kembugât akmap. Dâ Anutu mepaiŕe memapgât Kembugât pat akbiap. <sup>7</sup> Aregât keiŕe hin. Nengâlânba siâŕe ikiŕe kârikjân bo manbiap. Dâ ikiŕjaet akmâ bo mombiap. <sup>8</sup> Manman nenje amâ Kembugât akmâ manmaen. Dâ mombaen amâ hainâk yâkgât akmâ mombaen. Aregât manbaen me mombaen are amâ Kembugât pat. <sup>9</sup> Akto Kristoŕe momoŕe akto golâ yeŕgât kautje akmâ damun nenje akbiapgât mom âmâ golâ agep. <sup>10</sup> Akto gâ wangât gala den âiân katmâ hâkje tunmâ akmat? Me wangât galagaet nângâmenâ gewiap? Nen hârok Anutuŕe makmâ hârenengiwiapgât tat tatgât enemjân kinbaen aregât galagaet bo makmâ kotgâwiat. <sup>11</sup> Anutugât denjande hin dâep.

Kembuŕe hin dâep, “Nâ mandângât luâk âmbâle hârokje nâ pâwut liginijbai. Akto hârokje kotnaet nângâmbiâ humo akto makmâ mem owâiŕe ketugunekbai.” dâep.

<sup>12</sup> Aregât nen hârok Anutugât metejân kinmâ keinenje makmâ miawakbaen. <sup>13</sup> Aregât nen nenjeâk den âiân bo makmâ bo hâk nenje tunmâ anji goanji akbaen. Dâ hin aktenje ârândânj agâk. Galalupnenje han gulip akbâigât wan me wan bâleje dâpyeŕjân bo katenje keiyeŕe bo

perj panbei. <sup>14</sup>Nâ Kembu Yesu olop mandân aregât hin nângâm kârigeân. Sot siâ siâ nendere amâ bâleŋe bo akniŋmap. Gârâmâ siâŋe sot siâ me siâ ire nem bâleŋe miawak niŋbop dâm âmâ hanâk nemiap yâk âmâ bundâk bâleŋe miawagaŋbiap. <sup>15</sup>Aregât gâŋe galagât sotgât bo nângâm hanoko agaŋmenâ hanŋe mokmok membiâp amâ han kalemŋaet pat bo akmat. Galage âlepŋe agâkgât gai Kristoŋe yâkgât akmâ moep. Aregât nângâm galagande sotgât nângâmbo umatŋe akmapgât nângâmâk akmâ nem manben. <sup>16</sup>Ye siâ me siâ membiâ ârândâŋ akmap are luâk bikŋande nângâmbiâ gewopgât damunŋe kârikŋe akmâ manbei.

**Sot soŋgoŋe manman kârikŋaet tân bo akbiâp.**

<sup>17</sup>Akto luâk âmbâle bikŋe Anutuŋe damun nenŋe akmap sot bikŋe sapa aktenŋe ârândâŋ akbiap dâm âmâ Anutugât keiŋe bo nângâmai. Anutuŋe damun nenŋe akmap aregât keiŋe amâ hin. Anutuŋe nenekmâ dosayeŋe bo dâm ikiŋe Heak nengimbo tân nengumbo Anutuŋe denân bo katnenekbiap dâm heronŋe aktenŋe biwinenŋe sândugemap. <sup>18</sup>Siâŋe dâp are tâlim Kristo hoŋ manaŋdo are Anutuŋe ekto âlepŋe akbiap. Akto luâk bikŋande gai nâŋgaŋbiâ ârândâŋ akbiap. <sup>19</sup>Aregât nen gala tân agu agu akmâ kindenŋe biwinenŋe sândugeâkgât kârikŋe akniâm. <sup>20</sup>Gâ sotgât akmâ Anutugât âi are bo itiŋ gulam memben. Amâ sot soŋgo are âlepŋe hârok. Gârâmâ gâ hanâk hanâk nem manmenâ galagande gekto bo ârândâŋ akto hanŋe bâlimbo âmâ bâleŋe miawakŋiŋbiap. <sup>21</sup>Gâ galagaet nângâ nângâŋe gâlikowâtgât yâkgât akmâ soŋgo akto waiŋ tuŋe hâkâŋe akmenâ ârândâŋ akbiâp. <sup>22</sup>Aregât siâ me siâ hain aregât nângâm âmâ hangân yendâp are Anutugât metenân mem manmenâ gugaet biwigânâk yemiâp. Aregât siâŋe ikiŋaet nângâmbo ârândâŋ akto âmâ ikiŋe den âiân bo kalakto biwiŋe sândugembo heronŋe akmap. <sup>23</sup>Dâ siâŋe sot soŋgo hanokoagân nendo bâliwiap. Amâ hingât. Yâk Kristo nâŋgaŋdo huraguepgât bo nângâm nemap aregât. Akto siâ me siâ are biwi kat kat olop bo aktenŋe dosaŋe olop akbiap.

**Yesugât nângâ nângâ watmâ manbaen.**

**15** <sup>1</sup>Galama, kârikŋe olop manmaen nenŋe âmâ yeukŋe manmai are sokom katyektenŋe ârândâŋ akbiâp. Sokom katyekmâ âmâ nenŋaet nângâ nângâ nenŋân bo maniâm. <sup>2</sup>Nen galalupnenŋe yâk yengât nângâmâk âlepŋe akŋet akto Kristo nâŋgaŋbiâ humo agâkgât tânyenŋuniâm. <sup>3</sup>Aregât keiŋe hin. Kristoŋe âmâ hainâgâk ikiŋe ukenŋe bo walep. Dâ Anutugât denŋande hin maktâp, “Anutu, gâ hâkâŋe dâm dâyi yâk yengât den are nângât kaknân âgâep.” dâep aregât den walep. <sup>4</sup>Are tâmbâŋe dondâ den makmâ kulemgoyi are Anutugât keiŋe nângâm heŋgemgone gât kulemgoyi. Anutugât kulemŋe hârokŋe mem kârikŋe mâŋginenekmâ mem owâinenekto siâ me siâ nengât pat dâtâŋe nângâenŋe biwinenŋe owâiwiapgât kulemgoyi.

<sup>5</sup> Anutuŋe kârikŋe aknengimapgât akto mem owâinenekbiap gât ambonande akyengimbo Yesu Kristogât dopŋân han nânġâ nânġâ konok akmâ manbaigât ulilaŋdân. <sup>6</sup> Ulilaŋdere akyengimbo han biwiyene mendugumbo Kembu Yesu Kristo yâkgât Eweŋe Anutu mepaiŋe mem manbai. <sup>7</sup> Aregât Anutugât kotŋe humo agâkgât Kristoŋe meyegep dop hain âgâk ye gala agaŋgim manbei. <sup>8</sup> Aregât hin makyenġiwe. Anutuŋe hakulupnenŋe den pat âlepŋe makmâ hengemgom makyenġiep are bunŋe miawagâkgât Anutuŋe amâ den bunŋeâk makmap a hârok nânġâŋetgât Kristoŋe Yuda nengât akmâ hoŋ bawa aknengiep. <sup>9</sup> Hain aknengim amâ Yuda luâk âmbâle bo manmai yâkŋe Anutuŋe han kalemŋaet akyenġiepgât mepaiŋe mem heroŋe agaŋbiâ kotŋe agatbiâp. Aregât Anutugât denŋe bikŋe hin tatâp,

“Nâŋe Yuda luâk bo manmai yâk yeŋgât hutyeŋân kinmâ mepaiŋe mem kinmâ kep kom kotŋe patŋe makmâ egâlianġbian.”

<sup>10</sup> Akto den siâ hin tatâp,

“Yuda luâk bo manmai yeŋe Anutugât kâmotlupŋe olop makmâ heroŋe maroŋe akbei.”

<sup>11</sup> Akto siâ hin,

“Yuda luâk bo manmai ye hârokŋe Kembu makmâ mepaiŋe membei. Dâ luâkŋe luâkŋe hârokŋe yâkgât akmâ owâiŋe agaŋbei.”

<sup>12</sup> Akto Yesaiŋe hin kulemgœp,

“Lâwin penâŋe Yesegât kâmŋe siâ miawakmâ yâkŋe Yuda luâk bo manmai damunyeŋe akto nânġaŋbiâ biwiyene owâiŋe akbiap.”

<sup>13</sup> Galama, Anutuŋe biwi owâi aknengimapgât Amboŋe yeŋe nânġaŋigât akmâ wâtŋande totokoyekto heroŋe maroŋe nânġâmbiâ biwiyene sândugembo Heakgât kârikŋeŋe yeŋgimbo himbimgât nânġâm owâiŋe akmâ manmâ âgâwaigât ulilaŋdân.

### **Pauloŋe âi âlepŋaet mâruŋe agep.**

<sup>14</sup> Galalupne yeŋe han kalemyeŋe yendâp are akto Anutugât keiŋe âlepŋe nânġâm hengemgomai aregât yeŋak mem kârigeakbaigât bo pâpkowai. Are keiyene nânġâm hengemgoân. <sup>15</sup> Hain nânġân gârâmâ hanâk Anutuŋe han kalemŋaet niŋepgât den bikŋe meteâk kulemgom kinmâ Anutugât keiŋe nânġâyenġiân. <sup>16</sup> Yesu Kristoŋe Yuda luâk bo manmai yâk yeŋgât akmâ âi membiangât wâtŋe niŋep. Aregât akmâ Anutugât pat âlep denŋaet sumbegât âi mendere Heakŋe hanyenân han kâmdâk katyengimbo Kembugât sumbe akbiâ Anutuŋe ekto ârândânġ akbiap. Amâ Yuda luâk bo yâk yeŋgât. <sup>17</sup> Aregât Anutugât âi meman are Yesu Kristogât akmâ nânġare agat agat akmap. <sup>18</sup> Âi are amâ nunaet kârikŋân wanŋande membom. Bo. Yesu Kristoŋe Yuda luâk bo manmaiŋe Anutugât lau lokowaigât wâtŋe niŋep aregât âi mem makyenġiman. <sup>19</sup> Akto kulem bo egekŋe keiŋe keiŋaet kârikŋe akto Heakgât kârikŋe

aregât akmâ Yerusalem kepiamba Kristogât keiŋe makmâ hân hârok ândeanyâ makmâ sambelem arire Ilurikon hânân ârândân agep. <sup>20</sup>Hain akmâ luâk bikŋe yengât âi kalamân gaetŋe membomgât Kristogât keiŋe bonângâmai ain kârikŋe akmâ makyenŋiwêrâm aktere humo akmap.

**Pauloŋe Roma kepia ewangim Sipen ariwiapgât magep.**

<sup>21</sup>Anutugât denŋe bikŋe hin tatâp. Aregât dopŋân akman,

“Siâŋe yâkgât pat bo makyenŋimbiâ manmâ gayi yâkŋe yâk ekbai.

Dâ yâkgât patŋe bo nângâm gayi yâkŋe yâk nânganbai.”

<sup>22</sup>Den aregât akmâ yengâlân togowerâm kindere sop ârândân wan me wan siâŋe dâp tiginipep. <sup>23</sup>Dâ manmâ gan ain yengâlân togowerâm hannande nângâm malân aregât akto hân iregen âine bo tatniŋdâpgât.

<sup>24</sup>Sipen hânân ariwerâm akmâ yengâlân togowerâm nângân. Togom ye olop makmâ kârikŋeâk tân agum akmâ dâp heŋgemgom katnekiâ hepunyekmâ owâiŋeâk Sipen hânân ariwian. <sup>25</sup>Gârâmâ hinŋe âmâ Yesugât kâmot Yerusalem manmai yengât akmâ puli mem arim yengiwêrâm aktân. <sup>26</sup>Amâ hingât. Makedonia hân akto Akaia hânân gâtŋe Yesu nânganmaiŋe, Yesugât kâmot Yerusalem kepiam umburuk manmai yâk tânyenŋuwerâm owâim puli kali. <sup>27</sup>Amâ han kalem yenjaet akmâ katbiâ ârândân agep. Yuda luâk bo manmaiŋe amâ Yesugât den pat amâ Yuda luâk yâk yengâlânba nângâyigât hâuŋe potatmâ yengimbiâ ârândân akbiâp. Hain dâm heroŋe akmâ puli kali. <sup>28</sup>Puli katbiâ huraguep are mem Yerusalem kepiam arim yengire bo akto Sipen hânân ariwiangât yengâlân soŋ togowian. <sup>29</sup>Aregât hin nângân. Nâ yengâlân siâ me siâ bâlâk bo togowian. Kristoŋe meme akniŋmap are mem togom yengire nângâm âmâ heroŋe maroŋe manbai.

<sup>30</sup>Galalupne, Kembunenŋe Yesu Kristogât akmâ akto Heakgât han kalemgât akmâ ondop pâroŋ den makyenŋiwe. Ye nângât akmâ nâ olop Anutuŋe tânnuguâkgât wârakmâ Anutu ulilanbaen. <sup>31</sup>Ye nângât ulilanbiâ âmâ Yuda hânân gâtŋe Anutu bonânganmai arekŋe menekbâigât Anutuŋe bâtyenânba mem oloŋnekbiap. Akto Yesugât kâmot Yerusalem ain manmai yengât akmâ puli kali are mem yengire ukenŋe agâkgât ulilanbei. <sup>32</sup>Hain ulilanbiâ Anutuŋe nângâyengim meme akniŋdo heroŋe akmâ yengâlân togom tatere biwi owâiâk akniŋbai. <sup>33</sup>Anutu lumbe Amboŋe âmâ ye olop manbiâp. A bundâk.

**Pauloŋe Roma yengât nângâyengim malep.**

**16** <sup>1</sup>Galalupne, âmbâle siâ kotŋe Poibe yâkŋe Yesugât kâmot Keŋkereai kepiam manmai tânyengum manmap. Yâkŋe yengâlân togombo ye dowâk gala aganbai. <sup>2</sup>Gala aganmâ Kembangât akmâ âmbâle arekŋe nâ akto bikŋe dondâ hoŋ bawa nengiep aregât wan me wan bo talaŋbiap are dowâk mem waŋmâ tângowei. <sup>3</sup>Akto luâk âmbâi lâuwâ

Akuila akto Pirisila Yesu Kristogât âinjaet tân nugumandat yâk maŋgan yelekŋet. <sup>4</sup>Yâk lâuwâ âmâ nânġât akmâ âi humo mem hâk hilâlâm nânġâm bâsok moyiat. Aregât nânjeak bo, Kristogât kâmot Yuda bo manmai kâmotnenŋe yâk yetġât okot âlep nânġâyetkim manden. <sup>5</sup>Yâk yetġât emelan Kristogât kâmot mendugumai are nânġât akmâ maŋgan yekbei. Akto galane siâ kotŋe Epaineto Asia hân humo ain ulikŋân akmâ Kristo nânġanep yâk gai maŋganbei. <sup>6</sup>Akto âmbâle kotŋe Mariaŋe yeŋġât akmâ âi humo miep areġât yâk gai hainâk maŋganbei. <sup>7</sup>Akto nânġât kâmolân gâtŋe lâuwâ Androniko akto Yunia ulikŋân nâ Kristo bo nânġanânân sop ain nânġanġiat. Akto beirâ tembe lokoŋe hiko negi sop ain hainâk katyelekbiâ nâ olop talion. Hain akmâ manmâ gambela nen Aposolo manmaen nenŋe yâk yetġât heronŋe akmaen areġât nânġât makyetkiwei. <sup>8</sup>Akto nâ Humogât akmâ luâk siâ kotŋe Ampiliato yâkġât okotne nânġân areġât maŋganbei. <sup>9</sup>Akto Urbanonŋe Kristogât âi meyionân olop miep yâk akto galane Sitaki maŋganyelektân gât makyetkiŋet. <sup>10</sup>Apeleŋe Kristogât akmâ âi humo mem bo hâkân agep are nen hârok nânġâenŋe ârândân agep yâk akto Aristobulo yâkġât kâmot gai maŋgan yekbei. <sup>11</sup>Akto Yuda luâk galane Herodionġât akto Narikisogât kâmot bikŋe Humogât akmâ manmai yâk yeŋġât nânġâre âġâp areġât maŋgan yekbei. <sup>12</sup>Akto âmbâi lâuwâ Tiripaina akto Tiripose Kembuġât akmâ âi humo mem mandat, yâk akto âmbâle siâ Peasi arekŋe Humogât âi mem hâk hilâlâm nânġâep yâk hârok maŋgan yekbei. <sup>13</sup>Kembuŋe luâk siâ kotŋe Rupu oloŋep yâk akto yâkġât memeŋe dop akmâ tân naguep yâk lâuwâ lâuwâ maŋgan yelekŋet. <sup>14</sup>Akto luâk kotyene Asinŋkrito, Pilegoŋ, Hereme, Patoroba, Herema akto Anutugât kâmot bikŋe olop manmai yâk maŋganyekŋet. <sup>15</sup>Akto luâk âmbâi lâuwâ Pilorogo akto Yulia akto luâk siâ Nereo akto gariŋe akto luâk Olumpa akto Kristogât kâmot yâk olop manmai yâk hârok maŋgan yekŋet. <sup>16</sup>Yekai hainâk Kembuġât akmâ bâtyeŋe koanġiŋet. Akto hânŋe hânŋe Kristogât kâmot yâkŋe yeŋġât nânġâ yeŋgim mandâi.

#### Miti luâk hiangim yeŋġât sami magep.

<sup>17</sup>Galalupne, yeŋġât hutyeŋân gâtŋande ye umatŋân manmâ potalakbaigât ġalikoyekberâm akmai luâk are yeŋġât nânġâm heŋgemgom damun akmâ hamep akbei. Yâkŋe Kristogât keiŋe ye nânġâ meteyi are mem gulip kowerâm manmai areġât hamiyenġim yâk bonânġâ yeŋgiwei. <sup>18</sup>Luâk hain arekŋe Kembu nenŋe Kristo hoŋ bawa bo aganmai. Âmâ yeŋaet tep yeŋaet nânġâmbiâ agato areġât hoŋ aganmai. Akto luâk âmbâle biwiyenŋe bo damunŋe akmai yâk makyenġim mulun yekmâ heyenġimbiâ biwiyenŋe gulip akmap. <sup>19</sup>Dâ ye âmâ Kristogât den lokomai areġât patŋe kepia ârândân sambelem arimbo nânġâm meteyi areġât yeŋġât akmâ heronŋe akman. Heronŋe akmâ âmâ yeŋġât han

kau nânġâm hin akreġġat makyenġiwe. Siâ me siâ âlepġaet biwi owâi kakġân manbei. Dâ siâ me siâ bâleġande hâwât yekto âmâ bo nânġanġbei. <sup>20</sup>Ye hain akmâ manbiâ âmâ sop kâlep bo aktoân Anutu biwiyenġe sândugeâkġat amboġande Niambi keiyenġe amukġân hâkokombo tâliwai. Kembunenġe Yesu Kristoġat han kalemġe yenġâlân yembiâp.

#### Gala den.

<sup>21</sup>Galane Timoteo bât tângone akto Yuda kâmotlupne yenġâlân ġâtġe Lukio, Yasonġ, Sosipate yâkġe yenġât nânġâyenġiâi.

<sup>22</sup>Akto nâ Teatio, nâ kulem ire Pauloġe makniġdo kulemġoân nânġe Kembuġat akmâ nânġâ yenġiân.

<sup>23</sup>Gaioġe nâ Paulo akto kâmot hârok in tân nengumap hainâk yenġât nânġâ yenġiâp.

Akto luâk Erastoġe kepia ireġât puli damunġe akmap akto gala nenġe Koato yâkġe hainagâk aktat.

#### Anutu akto Nanġe Yesu yetġât kot humo.

<sup>24</sup>Kembu nenġe Yesu Kristo yâkġât han kalemġe yenġâlân yem âġâwiap. A bundâk. <sup>25</sup>Anutugât pat âlep makman akto Yesu Kristoġat kot makmâ sambeleman, areġât dowân Anutuġe tânyenġuwiapġât bo pâpkomap. Akto kârikġe meyekbiapġât kârikġe talaġdâp. Anutu manman kârikġaet denġe amâ yoġâk yem gam malep âmâ hinġe miapġân miawagep. <sup>26</sup>Anutugât propetelupġande Anutugât den keiġe kulemgoyi talep are hinġe Anutu manman kârikġe Amboġande makto hânġe hânġe sambelem ariep. Amâ hânġe hânġe manmaiġe Kristo nânġanġmâ Anutugât lau lokowai ġât Anutuġe makto miapġân sambelem ariep. <sup>27</sup>Areġât Anutu ikiġe han nânġâ nânġâ humo talaġdâp konok are Yesu Kristoġat akmâ egâliaġne humo makmâ agaġdenġe yem âġâwiâp kârikġe. A bundâk.



# 1 Korinti

---

## Pauloŋe kulem ire kulemgoep.

**1** <sup>1</sup>Nâmâ Paulo Yesu Kristo yâkgât Aposolo Anutuŋe emelâk Aposologât âiân makmâ katnegep. Nâ akto galanenŋe kotŋe Sostene olop <sup>2</sup>Korinti kepian gâtŋe Anutugât kâmot yengât kulem ire kulemgoet. Ulikŋân Anutuŋe ikiŋe hanŋe watmâ oloŋ yekmâ nâŋgât dâtâŋe dâm yengonlep. Yengondo Anutuŋe ye akto luâk bikŋe bikŋe yâgâten manmai amâ Yesu Kristo amâ Humonenŋe dâm manmai ye akto nen hârok Humonenŋe dâm konmaen, arekŋe nen heŋgemgo nenekmap.

<sup>3</sup>O galalupne, nâŋe Anutu Ewenenŋe akto Yesu Kristo Humonenŋe yengât hin ulityetkiman. Korinti gâtŋe yengât biwiyenŋe mem heŋgemgom damunyenŋe akmâ okot nâŋgâyengim biwiyenŋe sândugeâkgât akyengimbela hainâk tatmâ âgâwai. A bundâk.

## Pauloŋe Anutugât nâŋgâmbô ârândân agep.

<sup>4</sup>Akto Yesu Kristoŋe biwi âlep akyengim damunyenŋe akmap aregât Anutu âlepŋerâm aregât Anutu okot âlep nâŋgâ aŋmâ mepaiŋe meman. <sup>5</sup>Akto Anutuŋe Yesu Kristogât akmâ wât yengimbo den bunŋe dâmbiâ nâŋgâ nâŋgâyenŋe akto denyenŋe âlepŋeâk miawak yengiep <sup>6</sup>aregât nen Kristogât keiŋe makyengiyion ain Anutuŋe nâŋgâ nâŋgâyenŋe hulaŋ yengim meme akyengimbo dennenŋe bunŋe agep. <sup>7</sup>Hain akto sop hinŋe amâ Yesu Kristo lâuwânŋe purik katbiap dâm lâmgomai amâ Anutuŋe wan me wangât laune lokowaigât umburuk akbâirâm tânyengumap. <sup>8</sup>Akto sop kâlep manmâ hâkân akbâigât yâkŋe tân yengumap aregât Humonenŋe Yesu Kristo are lâuwânŋe purik katbiawân ainâk ye han biwiyenŋe âlepŋeâk okot âlewân kinbai. <sup>9</sup>Akto Anutuŋe emelâk nanŋe olop biwi konok manŋetgât makmâ hâriep are bunŋe bo akbopgât dop bo tatâp aregât Humonenŋe Yesu Kristo olop biwi konok manmai. Manbiâ âmâ siân Yesu togowiawân yekto dosayenŋe bo akbiap.

## Korinti gâtŋande potalagi.

<sup>10</sup>Galalupne, ye Yesu Kristogât kotŋe mem agatmâ lau lokoanŋmai aregât agak meme hin akŋet. Ye hârok agak meme konogâk akbei. Akto

bo potalakbei. Akto ye hârok nângâ nângâyene konok akto han biwiyene konok akmâ manbei. <sup>11</sup> Aregât lâuwâne makbe. Âmbâle siâ kotje Kolowe yâkgât kâmolân gâtje bikje nângâlân togom hin makniji, “Galalupge Korinti hânân manmai areyengât hutyejân kuk humo yendâp.” dâyi. <sup>12</sup> Akto yengâlân gâtje bikjande hin dâmai, “Nen amâ Paulogât kâmolân gâtje.” dâmai. Dâ bikjande amâ, “Nen amâ luâk siâ kotje Apolo yâkgât kâmolân gâtje.” dâmai. Dâ bikjande amâ, “Nen Petorogât kâmot.” dâmai. Dâ bikjande amâ, “Nen Yesu Kristogât kâmot.” dâmai. Ye hain dâmai aregât nângâre ârandân bo akmap. <sup>13</sup> Akto yengât pat nângâm amâ hin nângân. Kristo amâ potalakmâ bikje bikje bo agep. Akto nâne yengât dumyejân lâwinân bo kilân. Nângât kolân tuân bo kat yegi. <sup>14</sup> Yengât hutyejân luâk lâuwâ siâ kotje Kirisipe akto Gaio, yâk konok tu puli yelegân. Dâ luâk bikje tu bo puli yegân aregât nâ Anutugât okot âlep nângân. <sup>15</sup> Ageine yengâlân gâtje bikjande, “Nen Paulo kotje kondenne tu puli nenegi.” dâwai aregât dâp bo tatâp. Gârâmâ nâ Anutuje wan me wan agep aregât okot âlep nângâ anman. <sup>16</sup> Woe, nelâm niñdâp. Bundâk Stepana akto yâkgât kâmot amâ tu puli yengiân. Dâ yengât kâmot bikje amâ tu puli yengiân me bo amâ bo nângân. <sup>17</sup> Aregât hin makbe. Nâ Kristone luâk âmbâle tu puli yekben dâm bo huŋgun niŋep. Nâmâ Anutuje hin dâm makniŋep, “Den pat âlepne are makyengiwen.” Amâ luâk nângâ nângâgât bo makyengiman. Hain akman dâine Kristone lâwinân moepgât kârikneje yânne akbop.

### **Yesu amâ Anutugât kârikne akto Anutugât nângâ nângâne.**

<sup>18-19</sup> Akto Yesu lâwinân kombiâ moep aregât den pat âlepne aregât keje makyengiwe. Anutuje makto Yesaiane kulengoep aregât bikje hin tatâp, “Nâne nângâ nângâ luâk yengât nângâ nângâyene mem bâliwian. Akto nângâ nângâyene olop yâk yengât den kondere gewiap.” Anutuje hain dâmbo bunne akto luâk âmbâle bikje wan me wan akmâ hilipkowerâm Yesu lâwinân kilep aregât denne makmaen are amâ den yânne dâmai. Akto luâk âmbâle bikje Anutuje menenekmap nenne aregât nângâm amâ lâwingât denne heŋgem nengumap aregât den are amâ Anutugât kârikne mem miawakmap dâm nângâmaen. <sup>20</sup> Aregât nângâ nângâ luâk amâ yâgâte? Dâ luâk bikjande kulem siâ siâ oyanmâ nângâm heŋgemgomai amâ yâgâte? Dâ sop iregât keje nângâ nângâ luâk amâ yâgâte? Amâ Anutuje hângât nângâ nângâ mendo yânne akmap. <sup>21</sup> Aregât keje amâ hin. Anutu nângâ nângâne humo yendâp aregât nângâm ikiŋaet hanne watmâ hin dâep, “Luâk âmbâle nângâ nângârâ arekne nângât keine nângâwaigât dop bo tatâp. Akto nângât hoŋ bawa luâk den pat âlepne makbai aregât pat nângâ nângâ luâk are nângâm den gulip dâwai. Gârâmâ luâk âmbâle bikje den pat ire âlepne dâwai.” dâm aregât huŋgun nengimbo maktenne luâk âmbâle bikjande biwiyene

Yesugâlân katbiâ Anutuŋe heŋgem yeŋgumap. <sup>22</sup> Yuda luâk âmbâle kulem membiâ ekne dâm aregâlâk nânġâmai akto Yuda luâk âmbâle bo manmaiŋe nânġâ nânġâgât keiŋe hekat nengimbiâ nânġâne aregâlâk nânġâmai. <sup>23</sup> Gârâmâ nenŋe yeŋġât ukenŋe bo watmâ Kristo lâwinân moep areġât makmaen den are Yuda luâk âmbâle arekŋe nânġâm, “Den ire hianġimai.” dâm hâkân akbiâ nânġâ nânġâyene gulip akmap. Akto Yuda luâk âmbâle bo manmaiŋe are nânġâmbiâ yânŋe akmap. <sup>24</sup> Dâ Anutuŋe nânġât dâtâŋe dâm oloŋ neneġep nen Yuda luâk âmbâle me Yuda luâk âmbâle bo manmai nen hârok hin nânġâmaen, Kristoŋe amâ Anutuġât kârikŋe miawagâġgât lâwinân kombiâ mondo Anutuġât kârikŋe akto nânġâ nânġâne humo miawagep nânġâmaen. <sup>25</sup> Amâ hin. Anutuŋe makto nanŋe moep are bikŋande nânġâmbiâ yânŋe akmap arekŋe luâġgât nânġâ nânġâyene ewangimap. Akto Anutuġât nanŋe moepġât nânġâmbiâ ġemap arekŋe luâk yeŋġât kârikŋeyene ewangimap.

<sup>26</sup> Galama, hinŋe maktân areġât keiŋe makyenġire nânġâŋet. Yeŋe agak memeyene akmâ memini are nânġâi me? Anutuŋe yeŋġondo yâġgât kâmolân dewatiyi areġât nânġâm heŋgemġowi. Yeŋġâlân ġâtŋe bikŋande nânġâ nânġâyene areġât luâk âmbâle bikŋande nânġâ yeŋġimbiâ ġeminep. Dâ yeŋġâlân bikŋe luâk kârikŋe bo miawakyeŋġiminep. Akto bikŋe luâk kotdâ bo akmini. <sup>27</sup> Gârâmâ Anutuŋe areġât luâk nânġâ nânġârâ are hanâk dâm luâk dewunyeŋân humomo akmâ âġâ âġâne akmai are âmâ aŋun meyeŋġiwiapġât luâk âmbâle yânŋe ġeġene dâm nengomai nen âmâ oloŋ nenekto nânġâ nânġâ luâk âmbâle arekŋe nenekmâ aŋun aŋġim pâpkomai. Akto luâk âmbâle bikŋe, “Kârikŋe akmaen.” dâmai are Anutuŋe aŋun meyeŋġiwiapġât luâk âmbâle yânŋerâm nengonmai nen amâ oloŋ nenekto luâk âmbâle kârikŋe arekŋe nenekmâ aŋun aŋġim pâpkomai. <sup>28</sup> Akto Anutuŋe luâk âmbâle âġâ âġâne kotdâ yeŋġonmai are yânŋe akbaigât luâk âmbâle yânŋerâm nengonmap. Nen âmâ oloŋ nenekto luâk âmbâle kotdâ are amâ hâmbâi aŋun aŋġim yânŋe akbai. <sup>29</sup> Anutu wangât hain akmap? Hingât. Siân Anutuġât enemŋân kinbaenân siâŋe ikiŋe kotŋe mem agatbiapġât dop bo tatâp. <sup>30</sup> Areġât Anutuŋe ikiŋak konok heŋgem yeŋġuep. Akto Anutuŋe ikiŋe konok Yesu Kristo oloŋ dewati nenekto kindenŋe manman âleŋŋân kat neneġep. Akto areâk bo. “Yesu Kristoŋe nânġât kâmot wan me wan umburuk manbâi areġât bunŋe yeŋġiâk.” dâm huŋgun aŋep areġât nânġâ nânġânenŋe miawakmap. Akto Anutuŋe nenekmâ dosayeŋe bo tatyenġiâp dâmap are miawagâġgât huŋgun aŋdo ġiep. Akto aregâlâk nânġâm yâġgât lau lokomaen areġât wan me wan Yesuŋe âi mendo hain aġep. Akto Yesuŋe hin dâep, “Dosa akmai areġât Ewenande kuk bo akyenġiwiapġât nunaet kâmot yeŋġât dumyeŋân kinbian.” dâep are bunŋe miawagâk dâm ikiŋe nengât dumnenŋân kilep. <sup>31</sup> Areġât Anutuŋe makto Yeremiaŋe hin kulemġoep, “Luâk âmbâle yeŋaet kotyeŋe bo mem

agatbei. Humo nenjaet kotnje mem agatmâ heronje aganbei.” Hain yendâp aregât keiŋe miawakto kotnenje mem agatbaengât dâp bo tatâp.

**Paulonje lâwin parânjaet keiŋe makmâ miawagep.**

**2** <sup>1</sup>Galama, aregât nâŋe yengâlân togom âmâ Anutugât pat makyenjiwerân âmâ luâk koldâ are yengât pat bo makyenjiân akto nâŋgâ nâŋgâ humo olop bo makyenjiân. Bo. <sup>2</sup>Yesu Kristo lâwinân moep aregâlâk makyenjiân. <sup>3</sup>Akto yengâlân pup pup togoân sop ain âmâ kârikje bo miawak niŋep. Akto hamep akmâ ongâ hogo hogo malân. <sup>4</sup>Akto den magân are amâ luâk nâŋgâ nâŋgârâŋe makmai hain bo magân. Amâ Anutugât Heaknande meme akyenjimbo nâŋgât den nâŋgâmbiâ kârikje agep. <sup>5</sup>Akto luâk yengât nâŋgâ nâŋgâyeŋande tân yengumbo nâŋgâwâi dâm makyenjiân. Amâ Anutuŋe tânyengumbo han biwiyeŋe yâkgâlân katmâ manmâ nâŋgâ anbei dâm makyenjiân.

**Anutugât nâŋgâ nâŋgâ kârikje.**

<sup>6</sup>Gârâmâ Yesugât luâk âmbâle bikje handâ are Anutugât keiŋe nâŋgâwerâm aktâi are nâŋgâ nâŋgârâŋe den makyenjimmaen. Akto nengât den ire amâ nâŋgâ nâŋgârâ luâk kembu manmai are hâmbâi yânje akbai aregât den hainare bo mak yengimaen. <sup>7</sup>Bo. Ulikjân Anutuŋe hân himbim bo liulewân ain den keiŋe nâŋgâm hengemgom hin dâep, “Nâŋgât kâmot han kau akmâ manman âleŋjân manbai.” dâm makmâ kalep. Anutuŋe hain nâŋgâmbu luâk âmbâle miawakbiâ den nâŋgâ nâŋgâ are heambugep. <sup>8</sup>Akto hângât luâk kembu humomo mali irekje den pat iregât keiŋe bo nâŋgâyi. Bo dondâ. Dâ nâŋgâyi dâine amâ Pagaleŋe Amboŋe Humonenje are lâwinân bo kombâi. <sup>9</sup>Aregât Anutuŋe makto kulemgoyi bikje hin tatâp,

“Anutuŋe yâk han kalem aganmai yâk yengât pat mem yengwiap are amâ luâk âmbâleŋe bo ekmai akto bo nâŋgâmai. Akto han nâŋgâ nâŋgâyeŋande bo nâŋgâm hengemgomai.” hain tatâp.

<sup>10</sup>Are bunje miawakto Anutugât Heak are huŋgun aŋdo biwinenjân mendo kotnje siâ siâ are nâŋgâm hengemgoyion. Aregât keiŋe amâ Anutugât Heak kârikje are konokje ekmap. Ain tatmapgât Anutugât wan me wan are hârok ekmâ metemap. <sup>11</sup>Akto luâk siâŋe luâk siâgât biwiŋe ekbiapgât dop bo tatâp. Dâ luâk are ikiŋak biwiŋe kâlegen tatmap arekje konok ikiŋe biwiŋe kâlegen ekmap. Aregât luâk niŋande Anutugât nâŋgâ nâŋgâŋe are ekmap? Aregât dâp bo tatâp. Anutugât Heak konok arekje Anutugât wan me wan ekmâ nâŋgâmap. <sup>12</sup>Anutuŋe hângât nâŋgâ nâŋgâ bo nengiep. Borondâ. Gârâmâ Anutuŋe, “Nâŋgât kâmot wan me wan owâi akmâ yengwiwan are nâŋgâŋet.” dâm ikiŋaet Heak kârikje huŋgun aŋdo kautnenjân miep. <sup>13</sup>Akto hângât nâŋgâ nâŋgâŋe bo watmâ âmâ Anutugât Heak kâriknande kautnenjân memap arekje den pat

âlepŋe maknengimbo den keiŋe hekat yeŋgimaen. Akto nen Heakgât den bunŋe aregât makmâ den patŋe makyenŋgimaen. <sup>14</sup>Dâ luâk âmbâle bikŋe Anutugât Heak arekŋe bo meyegep arekŋe Heak âlepŋe are wan me wan nengimap are bo memai. Aregât lâuwâŋe makbe. Hângât luâk âmbâle arekŋe, “Woe, Anutugât Heak âlepŋe arekŋe luâk âmbâle wan me wangât biwiyenŋe Anutugâlân katmai are yeŋgimap are amâ yânŋe.” dâm hâkânŋe akmai. Hain dâmai aregât Anutugât Heak âlepŋe arekŋe okot âlepgât ikiŋaet wan me wan luâk âmbâle hain akmai are bo yeŋgimap. <sup>15</sup>Dâ nen biwinenŋe Yesugâlân kalion nengât keinenŋe amâ hin. Kristogât nânŋâ nânŋânŋe emelâk nengât biwinenŋân talep aregât wan me wan hâkgât siâ siâ are potat yeŋgimaen aregât luâk siânŋe hâknenŋe tunmâ denân bo kat nenekbiap. <sup>16</sup>Aregât Anutuŋe makto Yesaianŋe hin kulemgoep,  
 “Luâk âmbâleŋe Anutuŋe wan me wan nânŋâmap are nânŋâm  
 hengemgowaigât dop bo tatâp. Akto siânŋe Anutu nânŋâ nânŋâ  
 hekalanŋbiapgât dop bo tatâp.”  
 Gârâmâ nenâmâ Kristogât nânŋâ nânŋânŋaet den mem manmaen.

### Korinti gâtŋande potalakmâ bikŋe bikŋe agi.

**3** <sup>1</sup>Galalupne, nâ yeŋgâlân togo tatmâ ye hângât nânŋâ nânŋâ nânŋâmai aregât nânŋe ye nanaŋ gurukŋe yeŋgât dop akmâ Kristogâlân biwiyenŋe getek kali dâm yaiwâk den yeukŋe makyenŋgiminiân. <sup>2</sup>Akto ye sot kârikŋe nemberâigât dop bo aregât nanaŋ gurukŋe dop hainâk manmai dâm sot lâwindâk kârikŋe bo yeŋgim amâ namâk hainâk yeŋgiân. Akto hinŋe hainâk biwiyenŋe Yesugâlân kârikŋe bo kali. <sup>3</sup>Yeŋe galalupŋe gasa akyenŋimai akto potalakmai aregât hin dân, Ye amâ hân luâk yânŋe akto Heak bâlâk akmai dân. <sup>4</sup>Ye bikŋe, “Nen Paulogât kâmot.” dâmbiâ bikŋande, “Nen Apologât kâmot.” dâmbiâ papalakmâ kotyeŋe mem agatmâ galagât hogo hogo akmâ nânŋâ aŋgimbiâ gemap aregât hângât luâk âmbâle hainare akmai aten.

<sup>5</sup>Apolo amâ wan akmap? Paulo nâmâ wan akman? Net amâ hoŋ bawa Anutugât den makyenŋietŋe nânŋâyi. Aregât Kemuŋe âi makmâ hârenetkiep dop areâk meyiŋot. <sup>6</sup>Nâmâ alekŋe mem kâmelân. Dâ Apolo amâ âi hele aregât âiŋe miep. Dâ Anutuŋe amâ memeŋe waŋdo bunŋe miawagep. <sup>7</sup>Aregât mem kâmetman nânŋât bo makbaen. Akto âi hele memap yâkgât gai bo makbaen. Meme agaŋdo bunŋe miawakmap Anutu yâkgât konok makbaen. <sup>8</sup>Akto mem kâmetman akto âi hele akmap net dopnetŋe konogâk. Aregât hâu amâ âi netŋaet dopŋân mem potatmâ memaet. <sup>9</sup>Net Anutugât bât tângo, dâ ye amâ Anutugât âi akto Anutugât emet. <sup>10</sup>Aregât Anutuŋe han kalem akmâ meme akniŋep dopŋân nâ emet mânŋim bunŋande hambo tetembeŋe kârikŋe kât are katere giep. Dâ nen hârok emet mânŋi mânŋigât âi damunŋe akmâ manne. <sup>11</sup>Akto hambo gem kindâpgât Yesu Kristo mem petâm panmâ siâ katenŋe gewiap

aregât dop bo. <sup>12</sup> Akto den dopnje maktân are dewatim makbe. Luâk siânje tetembeje are kakjân âi âlepnje mem âmâ kât goli me siliwa me puli humo panmâ lâwin kâriknje âlep âlep are mem âmâ emet kâriknje ketuguwiap me dowâk metewerâm konam akmâ lâwin yânje me dakerâ mâpmâpje hanâk hanâk mem togo ketuguwiap. <sup>13</sup> Benje hilâm siân umatnje miawakmâ kâlâpje ondo âmâ luâk âi miep aregât keije miawakbiap. Âlepnje me bâleje miep aregât keije miawakbiap. Dop hainâk nen Yesugât âi mem manmaen amâ hâmbâi Anutuje sop humoân nengât âi dop kom ekberâm âmâ kâlâp kato ondo nengât âi meme gain gain hinare miawakto ekbaen. <sup>14</sup> Akto luâk siânje Yesu emelâk meyi are yengâlân arim ain âi âlepjeâk mendo kinbiâ Anutuje dop kom ekmâ âlepjerâm hâuje âlepje wanjiap. <sup>15</sup> Dâ luâk siâ âi mendo kâlâpje wan me wan oandjo âinje akto hâuje bâlâk tatmâ manbiap. Dâ ikinje âmâ kâlâp ululunjanba âlepje tatmâ âgâwiap.

#### Nen âmâ Anutugât opmân bunje.

<sup>16</sup> Galalupne ye âmâ Anutugât dengât opmân aregât Anutugât Heakje biwiyenân tatmap. Are bo nângâmai mon? <sup>17</sup> Akto Heak âlepjande emet ain tatmâ nen olop manmap. Aregât gasalupnenjande Yesugât kâmot gasa aknengiwerâmbiâ Anutuje, “Kâmot ire amâ nângât aregât nâ olop manmai.” dâm gasalupnenje yengumbo mombai. Amâ ye Anutugât sumbe emetje hinare aregât.

<sup>18-20</sup> Akto Anutuje makto siânje hin kulemgoep, “Anutuje nângâ nângâ luâk are yengât nângâ nângâyeje are mem âmâ luâk are yengumbo gulip akbai.” Akto bikje hin tatâp, “Humoje âgâ âgâje luâk yengât biwi nângâ nângâyeje amâ ekto yânje akmap.” hain tatâp. Aregât hângât nângâ nângâ amâ Anutuje ekto bunje bo akmap. Aregât ye biwiyenje bo hianjei. Akto luâk hutyejân gâtje siânje, “Nâ hân iregât agak meme watmâ manmâ nângâ nângâne humo aktâp.” dâmap âmâ yâkje nângâ nângâje are hamianjo hângât luâk âmbâle ekmâ ire âmâ luâk kopa dâmbiâ âmâ Anutuje, “Luâk ire nângâ nângâje hinje humo aktâp.” dâwiap. <sup>21</sup> Aregât yeje luâk siâgât kotje bo mem agatmâ yâkgât nângâ nângâje bo watbei. Akto siâ me siâ hârok yengât tatmap. <sup>22</sup> Nâ Paulo akto Apolo akto Petoro tânyengunerâm manden. Akto hângât wan me wan me manmaen me mombaen me wan me wan hinje tatmap me beirâ miawakbiap are hârokje tânyenguwaengât manden. <sup>23</sup> Akto ye amâ Kristogât mandâi. Akto Kristo amâ Anutugât manmap.

#### Aposolo yengât keiyenje.

**4** <sup>1</sup> Yeje âmâ nenje makyengimaengât hin nângâwei, “Pauloma Kristogât keije maknengimai. Hoj bawa aganjmâ Anutuje ulikjân yonjâk kalep are mem makmâ miawakmâ damunje akmai.” dâwei. <sup>2</sup> Akto

luâk siâŋe hoŋ bawa siâgât makto lauŋe lokom âi mendo ârândân akmap dop hainâk âi damunŋe akmâ heŋgemgom mandenŋe ârândân akmap. <sup>3</sup>Akto nunaet keine makbe. Ye me luâk mendugu menduguân yâkŋe luâk nânŋâ nânŋâyeyân nânŋât denân hâknân hâknân makbai amâ nânŋâre bunŋe bo akbiap. Akto nunak âkâ nâ nunak den âiân bo kalakbian. <sup>4</sup>Bunŋe nunak âi bikŋe mesogân me bo amâ bo nânŋân gârâmâ Humo ikiŋak âmâ nânŋât keine me agak memene ekmap. Akto denân kat nekbiap. <sup>5</sup>Aregât ye Humogât sop boâk miawaktoân luâk âmbâle hâkyeŋe tunmâ denân bo katyekbei. Akto sop are miawakto âmâ Humonenŋe ikiŋak gem âmâ ainâk ikiŋak wan me wan bo nânŋâmaen are mem miawakbiap. Akto hannenŋân me biwinenŋân wan me wan nânŋâmaen are hainâk mem miawakbiap. Akto sop ain âmâ Anutuŋe nen hârok âi nenŋaet hâu nengiwiap.

<sup>6</sup>Galama, wan me wan yu kulengoân ire amâ Apolo me nâ netŋaelân katmâ maktân. Amâ hingât maktân. Ye nânŋâm heŋgemgom Anutuŋe makto kulemgoyi are wan me wan yendâp aregât bo loŋgaiwei. Hain akmâ yeŋaet nânŋâmbiâ bo agatbiâp. Akto gala yeŋgât nânŋâmbiâ bo gewiâp. <sup>7</sup>Akto niŋande potatyekto luâk âmbâle bikŋe ewangiyektâi? Akto wan me wan memai are Anutuŋe yeŋgiep, aregât wangât hin dâmai, “Wan me wan ire siâŋe bo nengiep akto nânŋâ nânŋâ nenŋaelânba miawagep.” hain dâmai? Amâ bo ârândân akmap.

<sup>8</sup>Akto ye hin makbiâ nânŋân, “Emelâk nânŋâ nânŋânenŋe humo aktâp. Akto wan me wan emelâk ârândân agion. Paulo akto Apolo bo tân nengumbelan nânŋâ nânŋârâ agion.” dâmai, amâ netŋe bo tânyenŋuetŋe luâk kembu bo akmai. Wangât ye hain nânŋâmai? Ye agak meme yeŋe âleŋe dâine ye olop heroŋe akbâen. <sup>9</sup>Aregât hin nânŋân. Anutuŋe aposololupŋe nen âmâ luâk yânŋe yâk yeŋgât kâmolân katnenegep. Bugâgât pat agakŋe hainare, hârok dondânŋe aŋelo me luâk nenekbiâ bâleŋe hainâk hinare akmaen. <sup>10</sup>Nen Kristogât akmâ luâk nânŋâ nânŋâ bâlâk akmâ gayion. Dâ ye âmâ Kristogâlân dewatim nânŋâ nânŋârâ humo akmâ gayi. Nen âmâ yeukŋe gegeŋe akmâ gayion. Dâ ye âmâ kârikŋe olop akmâ gayi. Ye âmâ bikŋande yekbiâ humo âgâ âgâŋe akmai. Dâ nenekbiâ gegeŋe akmaen. <sup>11</sup>Aregât nen âmâ tu sotgât mom bâlim manmâ gayionŋeak manmâ gaen. Akto himbân hambuŋeâk lalakmâ Yesugât keŋe bo nânŋâmai arekŋe kuk heŋgânâk nenekbiâ emet kepia bâlâk manmâ gayionŋeak manmâ gaen. <sup>12</sup>Akto nenŋe bâtnenŋande puligât âi humo memaen. Akto hâkgât luâk âmbâleŋe den hembalik makmâ giriŋ nengimai. Hain akbiâ âmâ nen âmâ Humoŋe tân yeŋguâk dâm ulilaŋmaen. Akto yâkŋe âmâ kuk heŋgân aknengimbiâ âmâ ainâk hâuŋe bo yeŋgim âmâ nânŋâm hansumbu akmaen. <sup>13</sup>Yâkŋe den bâleŋe makmâ kotnenŋe mem gembiâ nen âmâ benŋe ainâk lumbe den makyenŋimaen. Uliŋân akto hinŋe hainâk akmai. Nen âmâ luâk âmbâle yeŋgât gagap panpanŋe hainare akmâ gayionŋeak manmâ gaen.



**Pauloŋe Korinti luâk âmbâle ewe akyeŋgiep.**

<sup>14</sup>Galalupne, nâ den kulengoân ire ye aŋun meyeğâkgât bo kulengoân. Nâ ye nananlupne dop hainâk akmaigât okot âlep nâŋgâ yeŋgiman aregât den sami akyeŋgim damun agaŋgi goaŋgi akŋetgât den ire kulengoân. <sup>15</sup>Bunŋe ye damunyeŋe akmâ Kristogât agak memeân damunyeŋe akmai are unduwâk tatyegimai gârâmâ den pat âlepŋe pup pup makyegiminiân a undup akmâ bo. Nune konok yeŋgâlân togom pup pup eweyeŋe dop hainâk akmâ den pat âlepŋe makyegire den pat are âlepŋe nâŋgâyi. <sup>16</sup>Aregât hin hâmbiŋmâ wârakyekebe. Nâŋe agak meme akman are hainâk akbei. <sup>17</sup>Are miawagâkgât nâŋgâm Timoteo biwiŋe Humogâlân kalep yâk yeŋgâlân huŋgunaŋdere togoâp yâk âmâ nanne hinare okot âlep nâŋgaŋman yâk âmâ nâŋe kepia ârândâŋ ari Yesu Kristogât mendugumai aregât emetŋe ain makyegiman aregât makyegiwien dâm huŋgun aŋdere togoâp. <sup>18</sup>Akto yeŋgâlânba bikŋande Paulo bo togowiap dâm âgâ âgâŋe agi. <sup>19</sup>Dâ Humonenŋe yâkŋe âlepŋe dâmbo âmâ yeŋgâlân dowâk togowian. Togom âmâ sop ain luâk âgâ âgâŋe yeŋgât bo nâŋgâm âmâ agak memeyeŋe areâk ekbian dâŋ. Togom yeŋgât den bo potatmâ nâŋgâwaen. Amâ agak memeyeŋe areâk ekmâ potatbian. <sup>20</sup>Akto Anutugât kâmot yeŋgât kârikŋeyeŋe amâ den makmai are bo. Bo kârikŋe. Patyeŋande amâ kârikyeŋe mem miawakmap. <sup>21</sup>Aregât togowianân gain gain nâŋgâwai? Orem miwindik yekbiangât kuk akmâ togowian me? Okot nâŋgâ yeŋgim yeukŋân togowian?

**Luâk bâleŋe miep aregât den.**

**5** <sup>1</sup>Galalupne, yeŋgât den are siânbaŋe makinŋibiâ nâŋgâre ârândâŋ bo aktâp. Agak meme bâleŋe hain arekŋe âmâ luâk âmbâle Yesu bo nâŋgaŋmai are yeŋgât hutyeŋân miawakto aŋun aŋgiwâi. Dâ ye âmâ bo aŋun aŋgiâi. Bâleŋe are amâ hin. Yeŋgâlân gâtŋe luâk siâŋe eweŋaet âmbenŋe miep. <sup>2</sup>Hain akto bâleŋe dondâ miawagep. Aregât wangât yeŋe yeŋaet nâŋgâmbiâ âgâmap? Hain bo. Bâleŋeyeŋe nâŋgâm makmâ miawakmâ okot bâle nâŋgâm mandâi dâine ârândâŋ akbop. Aregât dowâk luâk are hepunmâ watbiâ yeŋgâlânba ariwiap. <sup>3</sup>Dâ hâknande âmâ kâlewângen mandân dâ nâŋgâ nâŋgânande amâ hutyeŋân mandân aregât luâk bâleŋe miep yâkgât dosa miawagâkgât hin makmâ hâreân. <sup>4</sup>Yesu Humonenŋe yâkgât kolân konmâ luâk aregât den katmâ maktân. Ye mendugum kinmâ nâŋgât den nâŋgâm akto Humonenŋe Yesu Kristogât kârikŋe olop kinbai <sup>5</sup>âmâ ainâk Niambiŋe hâkŋe mem bâlimbo han biwiyeŋe potalagâkgât luâk are watbiâ ariwiap. Hain arim manmâ manmâ âgâmbô âmâ hâmbâi Humo are togowiwân âmâ Anutunŋe oloŋdo ikiŋaet kâmolânâk dewatiwiap. Are miawagâk dâm luâk are watbei. <sup>6</sup>Ye âgâ âgâŋe akmai are nâŋgâre bâliâp. Luâk bâleŋe agep aregât keiŋe den

dopnje hin makbe. Nen âmâ bau wiņe bâleņe siâ are bo mem panmâ are olop sot ondenņe âmâ bâlimap. Amâ kalakņe akmap. Dâ ye dop hainâk bâliwâigât luâk konok are watbiâ akņângen ariwiap. <sup>7</sup>Nengât lama dosanenņe bo agâkgât Kristo yâkņe nengât sumbe akmâ moep aregât akmâ kalakņe bâleņe are potatmâ panbiâ arimbo bunņe âlepņe areâk akbei. Gârâmâ emelâk irakņe maligât. <sup>8</sup>Hombañ irakņe tatnerâm siâ me siâ kalakņe âmâ hârok paniâm. Galalupnenņe yengât nâņgâenņe gemapgât akto bâleņe maleņegât kalakņe panmâ âmâ han kau kau akto bunņe den are mem manmâ heronje maronje manbaen.

<sup>9</sup>Galalupne, nâ ulikņân kulem esenņe siâ hin kulengoân. Luâkņe âmbenlupyeņe hepunyekmâ aņgâ olop hanâk hanâk manmai are gala bo katbei. <sup>10</sup>Are bâleņe akmâ, me sotgâlâk nâņgâmbiâ humo akmap me galagât wan me wan tatyenġiâp aregât nâņgâmbiâ humo akto muney akmâ kâmbu meyenġimai me lâpiogât nâņgâmbiâ humo akmap luâk are amâ hângât agak meme aregât egâlianġmai yâk yengât bo magân. Luâk are hepunyekbei dân dâine amâ hân ire hepunmâ himbimân manbâi. <sup>11</sup>Hain bo magân. Nâ hingât kulengoân. Luâk âmbâle biwinenņe Yesugâlân kalion dâmai amâ luâk âmbenlupyeņe egâlianġât me lâpio yengât yengonmâk me galagât hogo hogo akmai me tu kârikņe nem biwi gulip akmâ bâleņe akmai luâk âmbâle hainare amâ hepunyekmâ yâk olop sot bo nembei. <sup>12-13</sup>Akto luâk âmbâle Yesugât kâmolân bo manmai are amâ Anutuņe konok den âiân katyekbiap aregât nâņe den âiân bo katyekman. Gârâmâ ye hutyeņân Yesu nâņgâ aņmai yengât dosa denyenġe makbiâ ârândân akbiâp. Aregât luâk bâleņe akmâ eweņaet âmbenņe miep are watbiâ hutyeņân bo manbiap.

### Korinti gâtņande kiapgâlân arimbiâ Paulonje nâņgâambo bâliep.

**6** <sup>1</sup>Akto den siâ togombo hin nâņgân. Yengât hutyeņân gâtņe siâņe galaņaet dosa den mem makbiap are Yesugât kâmot yengâlân bo katmap are amâ keiņe bo ekmâ nâņgâmai. Wangât Anutugât den koko luâk are yengâlân ariyi? Hain bo akbei. <sup>2</sup>Yesugât kâmot nenņe sop humoân hângât luâk âmbâle Yesugât kâmolân bo manmai are den âiân katyekbaen aregât nâņgâi me? Wan me wan hânân yânņe are makmâ miawakmâ keiņe miawagâkgât makmâ den âiân katyekbaigât kârikņe tatyenġimap. Hain akto hângât luâk kotdâņe yengât pat mem miawagâkgât are yengâlân bo ariwei. <sup>3</sup>Akto areâk bo. Nenņe aņelo yengât den dât owâiņe potatbaen. Aregât nen âlepņe hângât wan me wan den are lâuwâņe potatbaen. <sup>4</sup>Akto den yânņaet siâ siâ miawakto âmâ luâk âmbâle nâņgâyenġienņe amâ gegeņe akmap, luâk hainare yengâlân den ire potatnerâm arimbiâ bo ârândân akmap. <sup>5</sup>Aregât yengâlân gâtņe nâņgâ nâņgâ luâk bo tatâp me? Ye den are nâņgâmbiâ aņun yeņaet akņetdâm kulengoân. Aregât yengâlân gâtņe luâk nâņgâ nâņgâyenġe olop

siâ manmap yâkgâlân mem arimbiâ makyenjiwiap. <sup>6</sup>Ye âmâ hain bo akmai. Hângât kiap me kotdâ Yesugâlân gâtje bo areyengâlai gala olop den dosayeje mem miawagâkgât arimbiâ amâ bâliâp. Dâ areâk bo. Anutu bonânganmai yâk yengâlân mem arimbiâ âmâ dondâ bâliâp.

<sup>7</sup>Galama, den dosayeje Anutu bonânganmai yâk yengât dewunyenân miawakmap arekje biwi kat katyeje mem gemap. Aregât hin akbei. Yengâlân gâtje siâne galaŋe bâleje agaŋdo galaŋande hanâk dâm yâkje âlepjeâk agaŋbiap. Akto yengâlân gâtje siâne galagât wan me wan hilip koanmâ gulip kombo galaŋande hanâk dâm hain bo agaŋbiâp. Ye hain akmai dâine âlepjeâk miawakbop. <sup>8</sup>Gârâmâ yejeâk akmâ bâlimai akto yengâlân bikŋande galalupyenjaet hiangi den makyengimai. <sup>9</sup>O galama, agak meme hain akmai aregât keije makyengire nângâjet. Luâk bâleje mem manmai are Anutuje ikinjaet kâmolân bo dewatim katyekmap, ye aregât bo nângâmai me? Ageine biwiyenje hianjbâi gârâmâ luâk âmbâle hainare yengât keiyenje hin makbe. Luâkje âmbenlupyenje hepun yekmai me dâp gulip manmai me lâpio yengât nângâmbiâ bunje akto manmai me luâk siânba yengât nângâm egâlian bâleje manmai me luâk siânba yengât dewunyenân aŋunje olowâk akmai <sup>10</sup>me kuk akmâ yengum kâmbu akmai me wan me wan hârok ekmâ egâlianmai me tu kârikje nem biwi gulip akmai me den hembalik makmai me puligâlâk nângâm luâk bikje heyengim umburuk akyengimai luâk hain arekje amâ Anutugât manman are bo ekbai. <sup>11</sup>Akto yengâlân bikŋande ulikŋân ye hain akmâ manmini. Dâ hinje ire âmâ Humonenje Yesu Kristo are akto Anutunenjaet Heakŋande meyekmâ dosayeje pulim panmâ Yesugât kâmolân katyebela biwi âlepŋân mandâi akto Yesuje dosayeje mem dumyenân kinmâ moep aregât Anutuje yekmâ dosayeje bo agep dâm yengonlep.

### Bâleje membâigât minao den.

<sup>12</sup>Galama, ye hin dâmbiâ nângân, “Wan me wan aktenje Anutuje nenekto âlepje akmap.” dâyi. Aregât makyenjiwe. Magi amâ âlepje gârâmâ kotje siâ siâ akmaen, arekje âmâ âlepje bo tân nengumap. Akto wan me wan tat nengiâp aregâlâk egâlianmâ hoŋ bawa aktenje paŋâk menenekto bâliwâen. <sup>13</sup>Aregât hin nângân. Sot amâ âlepje Anutuje sotyenje dâm nengimap. Akto nembraengât dâm tep nenje kalep aregât sot amâ âlepje gârâmâ siân Anutuje bâin dâm sot akto tepnenje lâuwâ lâuwâ meteyelekto bo akbiandat. Dâ hâknenje amâ wan me wan egâlianġât dâtâje bo. Are âmâ Humonenjaet damun akmap. <sup>14</sup>Akto Anutuje kârikje akmâ Humonenje mem momoŋânba agalep hainâk kârikje akmâ nen mem agatnenekto manmannenje irakje miawakbiap. <sup>15</sup>Akto hâkyenande âmâ Kristogât hoŋ bawa agaŋmai are bo nângâmai mon? Akto hâkyenje âmbâle dâp gulip manmai are olop tatbiâ ârândânġ

akmap mon? Bo dondâ. <sup>16</sup>Aregât lâuwâñe makbe. Anutuñe makto Moseñe hin kulengoep, “Luâkñe âmbâle mendo lâuwâñe konok akmâ manbiandat.” hain kulengoep. Aregât luâk siâñe âmbâle bâleñe mendo lâuwâñe han biwi konok akmâ manmandat, are nâñgâm hengemgoweï. <sup>17</sup>Dâ luâk siâñe Humogâlân andâambo yâk olop han biwi konok akto nâñgâ nâñgâ konok akmandat. <sup>18</sup>Aregât luâkñe âmbenlupyene hepunyekmâ hanâk hanâk âmbâle aña bo meyekbei. Akto luâk âmbâle bâleñe akmai amâ dosa memai gârâmâ hâkyene bo mem bâliakmai. Dâ âmbâle hanâk hanâk olop manmâ ikiye hâk mem bâliakmap. <sup>19</sup>Aregât den umatñe siâkâ makyengire nâñgâñet. Anutuñe ikiyeaet Heak Âlepñe huñgunanjo biwiyenân miep aregât ye amâ yâkgât emet akmai. Akto ye amâ yenaet bo. <sup>20</sup>Yesuñe Anutugât kugânba ikiyeaet gilâmñe kâimbo puligoyegep, aregât ye agak memeyenande Anutu kotñe konmâ mem agatbeigât hâkyene damunñe akbei.

### Luâkdâ âmbendâ yengât den.

**7** <sup>1</sup>Ye kulemgom katniñbiâ togombo oyañmâ meteân aregât wan me wangât ai nuguyi aregât hin makmâ miawaktere nâñgâñet. Luâk Yesugât kâmolân gâtñande âmbâle bâlâk manbian dâm amâ âlepñe hain akto arândân akbiap. <sup>2</sup>Gârâmâ egâliangât dâp dondâ yendâpgât luâk âmbâle hanâk hanâk dâp gulip manbâi dâm âmbâleñe luâk ambonân ambonân meyekbei. Akto luâk âkâ hainâk âmbenlupyene ikiyeâk ikiyeâk meyekbei. <sup>3-4</sup>Akto âmbâleñe ikiyeaet hâkñe are bo damunñe aganñimam amâ luâkñande damunñe aganñimam aregât âmbenlupyenande hâkyene luâklupyene bo gangerâ yengyiwei amâ âlepñeâk yengyiwei. Akto hainâk luâkñe ikiyeaet hâkñe bo damunñe aganñimam amâ âmbenñande damunñe aganñimam, aregât luâklupyenande hâkyene are âmbenlupyene bo gangerâyengyiwei amâ âlepñeâk yengyiwei. <sup>5</sup>Aregât ye amâ luâkdâ âmbendâ hâkyene bo gangerâ añañyiwei. Gârâmâ luâk âmbâi lâuwâ siâñe Anutu kârikñe ulilanñaet dâm âlepñe sop ainâk Anutu ulilanñbiandatgât tâlâwâk hâkyetñe gangerâ añañim Anutu ulilanñbela nâñgâambo âlepñe akbiap. Dâ ulit sopñe bo akto hamiñangen Niambiñe heyetkim bâleñe aget dâwopgât âlepñe luâkdâ âmbendâ meakbiandat. <sup>6</sup>Dâ ire makberân amâ bo makmâ hâreyengyiwerân. Bo. Maktere nâñgâmbiâ bâliwopgât makyengiân. <sup>7</sup>Nune amâ hin maktân. Luâk hârok nâñe âmbâle siâ bo meân hainâk bo akmâ manbei gârâmâ are bo akmai. Dâ Anutuñe kârikñe ikiyeâk ikiyeâk menengimam siâñe siâñaet memap. Akto siâñe siâñaet memap aregât kârikñe a areâk yengiep aregâlâk nâñgâm manbei.

### Luâk âmbâle sigan akto kambut yengât den.

<sup>8</sup>Akto luâk âmbâle sigan akto âmbâle luâklupyene moyi are yengât amâ hin makbe. Ye nâñe âmbâle bo meân, ye hain luâk âmbâle bâlâk

manbei amâ âlepŋe akbiap. <sup>9</sup>Gârâmâ luâk âmbâle biwiyenŋe kârikŋe bo damunŋe akmai arekŋe âlepŋe luâkdâ âmbendâ akmâ manbei. Akto egâliangât kâlâpŋe mem bâli yekbopgât luâkdâ âmbendâ akmâ manbiâ huraguwiâp.

#### Luâkdâ âmbendâ yengât den.

<sup>10</sup>Akto luâkdâ âmbendâ yengât den maktere nânŋânet. Akto ire nânŋât den a konok bo ire Humonenŋande tân nugumbo maktân, âmbâle luâkdâne luâklupyenŋe bo hepunyekbei. <sup>11</sup>Dâ âmbâle siâ emelâk luâk hepulep aregât luâk siâ bo membiâp. Me luâkŋe emelâk hepulep are olop maganŋimbela âlepŋe dâmba peniangiwiandat. Akto luâk âmbendâ ye âmâ âmbenlupyenŋe bo hepunyekbei.

<sup>12</sup>Dâ ye bikŋe luâkdâ âmbendâ agi yengât den ire Humonenŋande bo magep amâ yân makbe. Yengâlân gâtŋe luâk siâ hinŋe Yesu nânŋâ aŋep gârâmâ âmbenŋe âmâ Yesu bo nânŋâ aŋep yâkgât hin makyenŋiwe. Âmbenlupyenŋande âlepŋe dâmbiâ âmâ âlepŋe meyekbiâ manbei aregât bo hepunyekbei. <sup>13</sup>Akto âmbâle hinŋe Yesu meyi âmâ luâklupyenŋe Yesu bo nânŋanŋmai yengât hin makyenŋiwe. Luâklupyenŋande âlepŋe dâmbiâ âmâ hanâk bo hepunyekbei. <sup>14</sup>Aregât keiŋe hin. Nan baratlupyenŋe emelâk Anutugât pat akmâ manmai aregât nan baratlupyenŋe bâliwâi dâm Anutuŋe âmbâle ekmâ nânŋât kâmot dâmap, aregât luâkŋe bo nânŋâniŋmap are nânŋât kâmolân katbian dâmap. Akto luâk Yesu nânŋanŋmap âmbâle Yesu bo nânŋanŋmai are yekmâ nânŋât kâmolân katyebian dâmap. <sup>15</sup>Akto Anutuŋe yeukŋân gala akmâ manŋetgât nengonmap aregât luâk me âmbâle Yesu bo nânŋanŋmai arekŋe âmbenlupyenŋe me luâklupyenŋe hepunyekberâm âlepŋe hepun yekbai. <sup>16</sup>Gârâmâ âmbâle Yesugâlân gâtŋe arekŋe luâklupyenŋe olop manmâ makyenŋimbiâ luâklupyenŋe Yesugâlân biwiyenŋe âlepŋe katbai. Akto luâk yekâ hainâk âmbenlupyenŋe olop manmâ yaiwâk akyenŋimbiâ âmbenlupyenŋe Yesugâlân biwiyenŋe katbai, aregât bo nânŋâmai aregât luâkdâ âmbendâ dowâk bo hepun akbai.

#### Ulikŋân malion hainâk manniâm.

<sup>17</sup>Galalupne, ye hârok hin makyenŋiwe. Nâ mendugumai emet ain hârok âgâm hin makyenŋiman. Anutuŋe ye oloŋ yekmâ ikiŋaet kâmolân katyegep sop ain ye kin kin gain gain kili. Akto Humonenŋande kin kinyenŋe gain gain yengiep aregâlâk nânŋâm manbei. <sup>18</sup>Aregât ye Yuda gâtŋe ulikŋân hâkyenŋe gâiyi are Anutuŋe oloŋ yegep ye âmâ Anutugât pat hâkyenŋe gâiyi aregât tiripŋe bo gulip goanŋiwei. Dâ bikŋe Yudagât agak meme bo watmâ âmâ hâkyenŋe bo gâiyenŋiyi hain akbiâ ainâk Yesuŋe oloŋyegep, ye âmâ gâinenekbei hain bo nânŋâwei. <sup>19</sup>Are lâuwâne makbe. Hâkyenŋe gâi gâigât me bo gâi gâigât are Anutuŋe

bo ekmâ nângâmap. Akto yâkne âmâ nen lauŋe lokom manbaen are gâlâk nângâmap. Aregât hâkyeŋe gâi gâigât bo nângâwei. <sup>20</sup>Galama ye kin kinyeŋe ain me ain kinbiâ Yesuŋe yeŋgonlep kin kin ainâk kinbei. <sup>21</sup>Dâ hoŋ bawa âi membiâ yeŋgonlep are nângâmâk bo akbiâ âmâ kambiamyeŋe umatŋe bo akbiap. Gârâmâ damunlupyene âlepŋe ariŋet dâmbiâ âmâ ainâk hoŋ bawa agaŋmai arewa sopanmâ yengât manmanyene yeâkgât damunŋe akbei. <sup>22</sup>Dâ aregât siâkâ makbe. Ye hoŋ bawa âi manmai are Humonenŋande yeŋgonlep aregât yeŋe luâk me siâ siâ hoŋ bawa bo akyeŋgimaen dâm herone akbei. Dâ yeŋe siâ hoŋ bawa bo agaŋgimai are Humonenŋe yeŋgonlep aregât Kristo hoŋ bawa agaŋmai. <sup>23</sup>Yesuŋe Anutugât kugânba yengât dumyeŋân kinmâ puligoyegep aregât Humogâlâk nângâm luâk yeŋaet bo nângâ aŋgiwei. Amâ Kristo konok nângâ aŋbei. <sup>24</sup>Hain akmâ ulikŋân Humonenŋe oloŋ yegewân gain mali, a hainâk mem manmâ sop hinŋe âkâ kinmâ Anutugâlân dewatiwei.

### Luâk âmbâle sigan yengât den.

<sup>25</sup>Akto ye sigan yengât hin makyenŋire nângâŋet. Humonenŋande bo makniŋep âmâ nunak maktân aregât Anutu lumbe Amboŋe arekŋe nângâ niŋdo ârândân akmap aregât nângât den tângomap. <sup>26</sup>Sop hinŋe dâtŋe metŋe dondâ miawaktâpgât ye luâkdâ âmbendâ manmai me sigan manmai hainâk manmâ âgâwei. <sup>27</sup>Aregât yengâlân bikŋe luâk âmbendâ emelâk agi ye âmbenlupyene bo hepunyekbei. Dâ luâk sigan manmai yeŋe âmbâlegât bo makbei. <sup>28</sup>Dâ âmbâle memberâm akmâ membiâ bo bâliwiap. Akto âmbâle sigan hainâk luâk mendo bo bâliwiap. Akto hain arekŋe hângât umatŋe miawakyenŋiwopgât hain kulengoân. <sup>29</sup>Galalupne, umatŋe dondâ miawak yeŋgiwiapgât sop tâlâwâk aktâp aregât âmbenlupyene olop mandâiŋe âmbenlupyene aregâlânâk bo nângâm manbei. <sup>30-31</sup>Akto hânân âlepŋe manmai ire bo akbiap aregât indemaŋe inde bâlâk manmai hain are akbei. Heroŋe maroŋe akmaiŋe manmâ hero maro bâlâk manmai hainare akbei. Akto siâ siâ mem aŋgim nene manmaiŋe âmâ imâ nengât bunŋe borâm manbei. Akto hân iregât tiripŋe bo akbiapgât hângât wan me wan mem manmaiŋe âmâ ire nângâenŋe humo akbop dâm aregât nângâmbiâ gewiâp.

<sup>32</sup>O Galalupne, biwiyene umatŋe akbop dâm maktân. Akto luâk âmbâle bâlâkŋe Humonenŋaet âiŋaet nângâmâk akmai hain akmâ Humonenŋande nenekto ârândân agâk dâmai. <sup>33</sup>Dâ luâk âmbendâyeŋe âmâ hângât nângâm hanoko akmai. Akto âmbenlupyenande nângâyengimbiâ herone âlepŋe agâkgât manmai. Hain akmâ Humonenŋaet me âmbenlupnenŋe yengât ukenŋe akne dâm han lâuwâ akmâ manmai. <sup>34</sup>Akto âmbâi sigan yâkâ hainâk Humonenŋaet âiŋaet nângâmâk akmai. Akto han biwiyene Yesugât dâtâŋe agâkgât nângâmâi.

Dâ âmbâle luâkdâne âmâ hângât nânğanmai. Akto luâklupyene yengât nânğayengimbiâ herone ârândâj agâkgât nânğâmai. <sup>35</sup>Ye hârok âlepne manjetgât dâm den are makyengiân. Dâ ye hin me hain akjet dâm wârakmâ hâwâtyekbegât hain bo makyengiân. Ye hanâk hanâk bo manmâ âmâ biwi kambiamyene mendugumbiâ Humogâlân lâwindâk kilâkgât maktân.

<sup>36</sup>Akto ewe siâne baratne âmbâi sigan tat tatne akbop dâm âlepne luâk siâ wanjo mendo bo bâliwiap. <sup>37</sup>Dâ luâk ewe siâne nânğâ nânğâ kârikne tatmap yâkne baratne yân tatbiap dâm nânğambo âmâ ârândâj akbiâp. Akto owâim hain makmâ kârikne ketugumbo ârândâj akbiâp. <sup>38</sup>Haingât luâk siâ baratne luâgân kato âlepne akbiap. Dâ siâne baratne siganâk malâk dâm gangerambo âmâ ârândâj akmâ hejgemgowiap.

#### Kambut yengât den.

<sup>39</sup>Akto ye âmbâle luâkdâ hin makyengire nânğânet. Ye luâklupyene olop manmâ âgâm bo hepunakbei. Dâ luâklupyene mombiâ âmâ âlepne luâk siâ Humonennande meyegi aregâlân gâtne luâk siâ ukenne nânğâm memberâm âmâ âlepne membei. <sup>40</sup>Dâ luâk bâlâk yân manbian dâm manbai aregât agak meme bikne âlepne ewangiyekbiap. Hain akto herone akbai, hain nânğân. Ire nune den. Dâ Anutugât Heakjande tân nugumbo maktân.

#### Lâpio yengât sotgât hanokoakmâ mali aregât den.

**8** <sup>1</sup>Akto Korinti kepien manmâ Yesu bo nânğâmai yâkne sot songo lâpio yengât enemyenân katmâ om nem bikne anjim neneân katmai ye are nânğambiâ han lâuwâ agep are nânğân. Aregât hin makbe. Yengât bikjande hin dâmai, “Nen kejne nânğâ nânğârâ humo manden aregât hanâk wan me wan mendenne ârândâj akmap.” Ye hain dâmbiâ are nânğare bunne akto gârâmâ nânğâ nânğâgât kejne âmâ kotyene mem agat agat miawakmap. Dâ okot âlep akyengim manbiâ âmâ kambiamyene kârikne ketugumap. <sup>2</sup>Aregât yengâlân gâtne siâ nânğâ nânğâne emelâk humo aktâp dâmap âmâ yâkgât nânğâ nânğâne bunne bo yemap. <sup>3</sup>Dâ yengâlân gâtne siâ âmâ Anutu okot âlep aganjbiap yâk âmâ Anutuene nânğâm hejgemgoanjbiap. <sup>4</sup>Lâpiogât sot songogât âmâ hin nânğâmai. Lâpio âmâ siâ me siâ yânne bunne bo. Anutu konok amâ bunne. <sup>5</sup>Kembulupne himbimân mandâi me hânân mandâi amâ yem ariâi aktâp. <sup>6</sup>Dâ nen âmâ Anutu Ewenenne konok mannengimap. Yâkgâlânba siâ me siâ miawaknengimap. Akto nen yâkgâlân manden. Hain akmâ Kembu konok Yesu Kristo yâkgât bâtrjânba siâ me siâ hârok miawagep akto nen manmâ metien. <sup>7</sup>Gârâmâ nengâlân gâtne bikne aregât kejne hain âlepne bo nânğâm hejgemgomai, akto hain arekne ulikjân lâpio bunne dâm mali, yâk hinne Yesu nânğanmân âmâ sot hain are nem âmâ biwiene



kârikne bo aregât lâpio arekne biwiyene mem heleŋ ketugumbo umatne akmap. <sup>8</sup> Akto Anutuŋe sotgât akmâ bo nâŋgâ nengimbo âlepne akbiap. Aregât sot lâpio yengâlânba are nendenne Anutuŋe bo nâŋgâm mem agatnengiwiap. Me bo nendenne nâŋgâm bo mem ge kat nenekbiap. <sup>9</sup> Gârâmâ yengâlân gâtne, “Wei are emelâk nâŋgân hanâk hanâk nendenne ârândân akbiap.” dâmai ye âmâ hin akbei. Galalupyene biwi getegâk Yesugâlân kali areyengât biwiyene gulip akyengiwopgât nâŋgâm heŋgemgowe. Akto sot nemberâm âmâ galalupyene are yengât ukenne nâŋgâyengiwei. <sup>10</sup> Aregât bikne makbe. Ye biwiyene kârikne ya maktân hamianmâ panmâ hanâk lâpio emetjân âgâm sumbe nem tatbiâ galayene siâ biwiŋe kârikne bo arekne yekto, “Wei, nâkai âgâm nendere âlepne akberâp.” dâm âgâm nem tato hamiŋân biwiŋe bâlimbo dosa akbiap amâ hâuŋe amâ yengâlân miawakbiap. <sup>11</sup> Amâ ye hanâk nâŋgâ nâŋgânenne kârikne aktâp dâmai, aregât galayene Kristone yâkgât dumjân kinmâ moep arekne yekmâ âgâm mem nendo bâliwiap. Dosa are amâ yengâlân. <sup>12</sup> Ye hain akbiâ bâlene dondâ akbiap. Amâ ye hain akmâ galayene biwiŋe getegâk kalep are mem bâlimbiâ biwiŋe gulip akbiap. Aregât dosa amâ yengâlân. Dâ areâk bo. Ye hain akbiâ âmâ Kristogât kotne bâliwiap amâ dosa amâ yengâlân miawakbiap. <sup>13</sup> Aregât nâ sumbe nendere galanande aregât nekto biwiŋe bâliwopgât aregât nâŋgâmâk akmâ lâpioŋât sot bo nem manmâ mombian. Akto sumbe borâm yân manmâ mombian. Aregât ye hain akbei.

### Aposolo yengât keiyene.

**9** <sup>1</sup> Galalupne, yeŋe nâ hâkne tunbaigât dop bo tatâp. Aregât keiŋe hin. Nâ Aposolo Humonenne Yesu are egân aregât wan me wan ektere bunne akmap. Akto areâk bo. Niŋande pup pup den pat âlepne makyengimbo biwiyene Humonenŋaelân katmâ manmâ ya miawaktâi? Amâ nâ. <sup>2</sup> Akto siânba bikŋande, “Paulo amâ luâk yânne aposolo bo.” dâyi. Den are nâŋgâm bo hanokoakman. Akto nâŋgâm amâ nâ Aposologât âi mem mandere ye Humonenŋaelân dewatiyi are nâŋgâm heŋgemgom luâk aregât den bo nâŋgâwei. <sup>3</sup> Luâk Paulogât keiŋe ekne dâmbiâ kotne bâliwop dâm den hâuŋe amâ hin makyengire nâŋgânet. <sup>4</sup> Nâ Aposolo âi mem mandere hâuŋe niŋbiâ ârândân aktâp. Gârâmâ hain bo akman. <sup>5</sup> Akto Aposolo bikne akto Yesugât emilupne akto Petoro yâk âmbenlupyene olop âiân arimai. Akto âmbenne tatniŋdâp dâine yâk olop arire ârândân akbop. <sup>6</sup> Akto areâk bo. Aposolo bikŋande ulityengimai are ârândân akmap. Dâ nâ akto Banaba netkâ hain ulityengietne dâine ârândân akbop. Gârâmâ netne umat yengiwâet dâm bo ulityengim amâ âi mendenne net wan ketuguyiot are hâukombiâ netgât sot hâukoyiot. <sup>7</sup> Aregât den dopne hin. Tembe loko âi mem arimai damunlupyene hâuŋe yengimai. Akto kalam amboŋe âi mem mando sot âlimbo bikne

nemap. Akto makao damunje âi mem manmâ bikŋe nemap. Aregât Aposologât âi mem manman aregât hâuŋaet ulityeŋgiman dâine ârândân akbop. <sup>8</sup>Are amâ luâkgât nâŋgâ nâŋgâŋe bo tân nugumbo maktân. Anutugât den kulemgoyi arekŋe hain dâmap are nâŋgâm hain kulengoân. <sup>9</sup>Den kârikŋe hainâk miawaktâp âmâ hin. Anutuŋe makto Moseŋe kulengoep bikŋe hin tatâp, “Bulimakaŋe âi mem mando ainâk sot nembop dâm lauŋe bo dâgâm gisapkowei.” hain yendâp. Den are Anutuŋe bulimakao yeŋgât konok nâŋgâm bo magep. <sup>10</sup>Anutuŋe nengât hain magep. Luâk siâŋe âi kâmet kâmet are yân bo akmap. Sop siân sot bunŋe miawakbiap aregât ukenŋe nâŋgâm akmap. Akto luâk siâ sot pitim mendugum katmap are âkâ hainâk bunŋe membian dâm akmap. Anutuŋe aregât hain makto Moseŋe kulengoep. <sup>11</sup>Aregât nen yeŋgâlân biwigât âi siâ siâ mem heŋgemgoyegiongât hâuŋe yeŋgâlânba hângât siâ siâ menegât nâŋgâenŋe ârândân akmap. <sup>12</sup>Dâ nen âmâ hain bo nâŋgâmaen. Akto yeŋgâlân gâtŋe makyeŋgimai are yeŋgât bikŋande ulit yeŋgimai. Dâ nen âmâ ewangi yekmaen aregât ulit yeŋgienŋe âmâ ârândân dondâ akbop. Dâ amâ hain bo akmaen. Dâ bo ulit yeŋgimaen arekŋe agak meme bikŋe ewangimap. Aregât siâkâ makbe. Kristogât den pat âlepŋe bâliwop dâm yeŋgâlânba sot me puli me wan me wan menegât mak makŋe are menegât nâŋgâm dâm bo ulityeŋgimaen.

<sup>13</sup>Akto luâk sumbe opmânân âi memai yâk âmâ sumbe bikŋe memai. Akto luâk siâ alatan sumbe ogo yâk âmâ alatagât siâ siâ bikŋe memai, are emelâk nâŋgâi. Aregât nâŋgâm heŋgemgowe. <sup>14</sup>Haingât Humonenŋe nengât hin dâep, “Nâŋgât den pat âlepŋe makmai are bâlâk manbâigât âi mem manbiâ den nâŋgâwerâm mendugum kinmai arekŋe hâuŋe yeŋgiwei.” <sup>15</sup>Dâ nâmâ dâp are watman dâine ârândân akbop. Gârâmâ nâmâ dâp are bo watman. Amâ ye aregât âlepŋe akniŋetgât nâŋgâm âmâ ire bo kulengoân. Bo dondâ. Nâŋgât heronŋe bo akbopgât luâk siâŋe siâ me siâŋe mopŋe nugumbo mombian are âlepŋe dân. <sup>16-17</sup>Akto den pat âlepŋe makyeŋgiman âi are nâŋgât kakŋân kali aten. Dâ âi aregâlâk nâŋgâm manman dâine manmâ hâuŋe membom. Akto Anutuŋe âi ire niŋmâ huŋgun niŋep are nune hangât bo meân. Hain akman dâine âi are bo mendere âmâ yei, umatŋe bâleŋe miawak niŋbop. Aregât hâuŋe bo ulit yeŋgim sot wan bâlâk manman, aregât nâŋgâm heronŋe akman. Mombian are âlepŋe dân. <sup>18</sup>Akto nâ hâuŋe wan meman? Hin. Âi meman aregât hâuŋe niŋbiâ ârândân akmap gârâmâ hanâk hâuŋe are bo niŋget dâm yân hâuŋe bâlâk arim makyeŋgiman. Aregât biwine heronŋe akmap.

### **Paulo luâk keiŋe keiŋe are yeŋgât hoŋ malep.**

<sup>19</sup>Akto siânbaŋe nâŋgât maganŋi niŋbiâ nâŋgâm hanâk dâre umatŋe bo akmap. Nâ luâk hârok yeŋgât hoŋ bawa bo manman yeŋgât hanâk hoŋ bawayeŋe agân. Are luâk âmbâle dondâ den pat âlepŋe nâŋgâm

Yesugâlân dewatim manñetgât nânġâm agân. <sup>20</sup>Aregât Yuda luâk âmbâle âlepñe akñet dâm Yuda agak meme watmâ makyenġiman. Akto den kârikñaet hoñ bawa manmai yenġâlân manmâ luâk âmbâle ire âlepñe akñet dâm hainâk den kârikñaet hoñ bawa agân. Dâ nunak den kârikñe lokore Anutuñe nekto huraguâkgât bo malân. <sup>21</sup>Luâk âmbâle den kârikñe bo nânġâmai are yenġâlân arim manmâ luâk âmbâle ire âlepñe akñet dâm hainâk den kârikñe bo nânġâmai are hainâk agân. Dâ nunak âmâ Anutuñe Kristogât den kârikñe katniñdo are mem mandân. <sup>22</sup>Akto luâk âmbâle yeukñe manmai yâk yenġât bikñande Yesu nânġanñetgât dâm hainâk yeukñe agân. Akto luâk âmbâle keiñe keiñe siâ siâ Anutuñe heñgemgo yegâkgât dâp siâ siâ mem yâk hainâk akmâ âi mem manmâ yu gan. <sup>23</sup>Siâ siâ hârok are yân bo. Yesugât kot patñe miawakmâ ariâkgât akman. Akto nunak âkâ aregât hâuñe memberâm akman.

### Paulo kârikñe akmâ pârigiep.

<sup>24</sup>Akto aregât den ginñe makbe. Dop agakñân luâkñe wan me wan katbiâ tato memberâm pârigimai. Akto wan me wan amâ konokñe wârakmapñe togom memap. Akto ye dop hainâk hâuñe wan me wan memberâm âi humo membei. <sup>25</sup>Akto luâk yâkñe âmâ kârikñe akberâm ukenñaet bo nânġâm hâkyeñe heñgem agum hâuñe memberâm âi humo memai. Dâ hâuñe are amâ buluñe yânñaet dowâk dipkomap aregâlâk nânġâm pârigimai. Akto nen âmâ pârigim arimaen nânġâ nânġânenñe yeukñe akbop dâm damunñe akmaen. Akto nenñe hâuñe kârikñe membaen. <sup>26</sup>Aregât nâ nunak gai pirâman. Hain akmâ horat kat katñe a tiñ tiñâk ekmâ kinmâ pirâman. Nâ soñ soñ are dâp pânñan gulip bo panman. <sup>27</sup>Bo. Nune yânñe akbomgât hâk biwine mem geakmâ damunne akman. Amâ bikñe makyenġiân aregât hâu bâlâk manbomgât.

### Yuda yenġât den pat.

**10** <sup>1</sup>Galama, Yuda nengât hakulupnenñe siâ me siâ mem mali aregât keiñe nelâmyenġiwopgât makyenġire nânġânñet. Anutuñe yâk yeñe hârokgât damunyeñe akto aregât hamandatñe dâp hekat yenġimbo arim haru hâtikoyi. <sup>2</sup>Akto areâk bo. Anutuñe makto Moseñe damunyeñe akto siâ siâ âlepñe hamandatgât pat akto harugât pat miawakyenġiep. <sup>3</sup>Akto Anutuñe sot akto tu yenġimbo hârokñe neyi. <sup>4</sup>Akto tu aregât keiñe hin, Anutuñe bâgilupnenñe kât siâ hekat yenġimbo kât kâlegenba tu gembo neyi dop hainâk Anutuñe Kristo huñgunañdo hamiyenñan arimbo yâkgâlânba kârikñe gembo meyi. <sup>5</sup>Akto Anutuñe bâgilupnenñe bikñe agak memeyenñaet nânġâm bâlombo hân yânñan mom meteyi. <sup>6</sup>Yâk yenġâlân are miawagep kulem arekñe nengât den minao aktâp. Akto nen yâk bâleñeñe okot tuk tuk agi hainâk akbâengât den are tatâp. <sup>7</sup>Anutugât denñande hin dâmap, “Luâk âmbâle lâpio yenġât meteyenñan

sot om nem kep mem bâleŋe agi.” aregât ye nânġâm heŋgemgom hain bo akbei. <sup>8</sup>Akto yâk yeŋġâlân gâtŋe bikŋe egâliar bâleŋe akmâ luâk âmbâle hanâk hanâk mem hepun akmâ bâleŋe agi aregât Anutuŋe yeŋgumbo kâmot humo 23 tausen moyi. Nen hain akbâengât den are oyaŋmâ hamewakmâ âmâ nen hain bo akbaen. <sup>9</sup>Akto yâk yeŋġâlânba siânbaŋe Humonenŋaet dewunŋân âġâ âġâŋe keiŋe keiŋe akberâmbiâ dop yeŋguep. Aregât mulumŋe yeŋgimbiâ moyi. Nen hainâk Anutu dop kom bâlewâengât den are oyaŋmâ hamep akmâ hain bo akbaen. <sup>10</sup>Wan me wan Anutuŋe yeŋgimbo ekbiâ giep. Akto yâk yeŋġâlânba bikŋande, “Anutuŋe bo damun nenŋe akto âmâ lâpio kotŋe mem agatne.” dâmbiâ âmâ mem bâli bâli aŋeloŋe mem bâliyekmâ metiep. Aregât nen hain henengiwoŋp dâm den are oyaŋmâ hamep akmâ hain bo akbaen. <sup>11</sup>Yâk yeŋġâlânba siâ siâ miawagep arekŋe ye hain akbâi dâm dop kalep. Akto hân purik âġâwiapgât sop ewumâk manden nengât Moseŋe den minao ire kulemgoep. <sup>12</sup>Aregât yeŋġâlân gâtŋe bikŋe nen âlepŋe bâleŋe bo akbaen dâm âmâ bâleŋe akbâigât han biwiyeŋe damunŋe akmâ heŋgemgom manmâ âġâwei. <sup>13</sup>Akto yeŋġâlân dopko dopko miawakmâ togomap are luâk hârok nengâlân miawakmap. Gârâmâ Anutuŋe nengât akmâ manmap yâkŋe biwiyeŋe ekmâ biwi yeŋaet kârikŋe bo akbop dâm dopko dopko miawak yeŋgimboân ainâk biwiyeŋe kârikŋe ketugumap, âlepŋe manbaigât dâp tatyenġiâp. <sup>14</sup>Aregât akmâ lâpio kotŋe mem agat agatgât are hepunbei.

### **Kembugât sot nem gaetŋe lâpiogât sot bo nembaen.**

<sup>15</sup>Galalupne, ye nânġâ nânġâ olop mandâi aregât den ire maktere yeŋak nânġâm ekŋet. <sup>16</sup>Hâpuân waiŋ kâim yeŋgimaen are Anutuŋe ekmâ âlepŋe dâmap. Aregât Anutu okot âlepgât mepaiŋe mem maŋŋanmâ aŋġim nemaen. Aregât mendugum kinmâ Kristogât gilâmŋe nengât kâiep dâm nânġâm heŋgemgomaen. Akto okot âlepgât maŋŋanmâ aŋġim akmâ sot mem munditmâ nem Kristo olop kâmot konok akmaen aregât mindugum kinmaenân Kristo nengât dâm hâkŋe yeŋgimbo mem bâliyi are nânġâm heŋgemgomaen. <sup>17</sup>Sot koaŋe konok aŋġim akmaen aregât bunŋe nen luâk âmbâle dondâŋe gala kâmot konok akmaen. <sup>18</sup>Akto ye Yuda luâk agak meme memai are nânġâm heŋgemgoŋet. Sumbe katmâ ombiâ ondo nembâi âmâ ainâk Anutuŋe meme wâtŋe akyeŋgimbo kâmot konok akmai. <sup>19</sup>Gârâmâ den yu kulemgoân aregât keiŋe hin. Luâk âmbâle lâpiogât sumbe omai arekŋe âlepŋe bo aktâp. Akto lâpio are âkâ bunŋe bo aktâp. <sup>20</sup>Gârâmâ luâk âmbâle Anutugât bo nânġaŋmaiŋe lâpiogât sumbe omai are amâ sinduk baniara bâleŋaet nânġaŋmâ omai. Aregât nâ yeŋgât hin maktân. Ye sinduk baniara bâleŋe are yeŋgât bonânġâ yeŋgiwei. Amâ sinduk baniara olop kâmot konok akbâigât. <sup>21</sup>Ye mendugum emet siân âġâm Humoŋe nengât moep nânġâm aregât

sot tu nem metem âmâ ainba gain gain arim sinduk baniara bâleŋe olop menduguwai? Hain bo akŋet. Ye Humogât sot kat kat ainba sot nem manmâ âmâ ainba sinduk baniara yeŋgât kat kalânba sot nemiâ âmâ bâleŋe dondâ akmap. <sup>22</sup>Ye sinduk baniara areyeŋgât nânġâmbiâ humo akto âmâ Humoŋe nânġâ yeŋgimbo bâleŋe akmap. Are miawagâkgât hain meyi mon? Nengât kârikŋenenŋande âmâ Anutugât kârikŋeŋe ewangimap dâmai mon?

**Wan me wan hârokŋe amâ bo tân nengumap.**

<sup>23</sup>Akto ye hin dâmbiâ nânġân. Kotŋe siâ siâ hârok tatnengimap are mem mandenŋe ârândân akmap dâyi. Aregât makyenġiwe. Bundâk magi. Gârâmâ kotŋe siâ siâ hârok tatyenġimap arekŋe âmâ âlepŋe bo tânyenġumap. Akto biwiyeŋe bo mem kârikŋe ketugumap. <sup>24</sup>Aregât ye yeŋaet bo nânġâm âmâ galalupyenŋe yeŋgât nânġâ aŋgiwei. <sup>25</sup>Han lâuwâ akbâigât ye kâmolân soŋgo puligowerâm nânġâm hanâk puligom om nembei. Akto sot ire yânŋe me lâpio dewun yeŋânba togoâp hanâk om nembe dâm makmâ nânġâmâk bo akbei. Akto hanokoak bo akbei. <sup>26</sup>Amâ hingât. Hân ire amâ Humonenŋaet aktâp. Akto wan me wan hânân yendâp akai Humonenŋaet aktâp. <sup>27</sup>Dâ luâk âmbâle Anutu bo nânġâ aŋmaiŋe yeŋgâlân gâtŋe siâŋe yeŋgondo emetŋân âġâmbiâ sot soŋgo om yeŋgimbo nânġâmâk bo akmâ hanâk nembei. Akto ai pei bo aŋaŋbei. <sup>28</sup>Gârâmâ siâŋe soŋgo ire lâpio yeŋgât sumbe dâmbo âmâ luâk aregât nânġâmâk akmâ borâwei. Are nemiâ luâk makyenġimbo aregât biwiŋe bâliwop dâm bo nembei. <sup>29</sup>Luâk aregât biwiŋe bâlewop dâm hain akbei. Dâ biwiŋe amâ âlepŋe agâk. Aregât hin makbei. Nâ wan me wan nendere biwine ârândân akmap aregât luâk siâŋe nânġât nânġâniŋdo wangât bo bâlimap. <sup>30</sup>Akto nâ Anutuŋe han kalemŋaet niŋepgât akmâ mepai meanmâ sot nendere wangât siâŋe nânġâm bâliniŋdâp? <sup>31</sup>Gârâmâ hin akbei. Ye sot soŋgo nemberâm me wan me wan akberâm Anutu okot âlep aŋaŋmâ kotŋe mem agatmâ mepaiŋe membei. <sup>32-33</sup>Akto nâ luâk keiŋe keiŋe arekŋe nekbiâ âlepŋe agâkgât neman. Dâ nunaet siâ siâ âlepŋe akmangât bo nânġâm luâk âmbâle dondâ den pat âlepŋe nânġâmbiâ Anutuŋe heŋgemgoyekbiap dâm luâk âmbâle siâ siâgât ukenyeŋe meman. Akto ye hainâk Yuda luâk me Girik luâk bikŋe akto Anutugât luâk âmbâle yeŋgât dewunyeŋân dosa bâlâk manbiâ yekbiâ bo bâliwiapgât yâk yeŋgât nânġâyenġiwei.

**Luâk âmbâle keinenŋe.**

**11** <sup>1</sup>Galalupne, nâ Kristo wan me wan miep are hainâk meman aregât ye hainâk nânġât agak memene watbei. <sup>2</sup>Ye nâ wan me wan agân are nânġâm makmâ hâre hârenaet den are watmâ mali are nânġâre âlepŋe aktâp. <sup>3</sup>Dâ ire siâ maktere nânġâŋet. Anutu âmâ

Kristogât Kautje akto Kristo âmâ luâk nengât Kautnenje akto luâk amâ âmbâle yengât kautlupyene. <sup>4</sup>Aregât luâk siâ sângumje kautje tigim kinmâ Anutu ulilaŋbiap me Anutugât den dât makmâ miawakbiap amâ kautje aŋun meañbiap. <sup>5</sup>Me âmbâle siâ sângumje kautje bo tigim kinmâ Anutu ulilaŋbiap me Anutugât den dât makmâ miawakbiap are âkâ hainâk kautje aŋun meañbiap. Akto âmbâle gulip manmai olop are dopyeje konogâk aktâp. <sup>6</sup>Aregât keiŋe amâ hin. Âmbâle siâ Anutu ulilaŋberâm kautje bo tigim kinmâ hâkŋe mem agatmap aregât yeje âmbâle bâleje siâ kautje dumutje hârem anditmai aregât âmbâle are aŋun aŋgiâkgât kautje dumutje hârem anditbai. Dâ âmbâle hain arekŋe aŋun aŋgim âmâ benje âlepje kautje tigim manbiap. <sup>7</sup>Luâk âmâ kautje bo tigim manbiâp. Yâk Anutugât tirip akto Anutuje ikeje kârikŋe miawagâkgât mânginenep. Dâ âmbâle amâ luâkgât pagaleje ulikŋe. <sup>8</sup>Luâk amâ âmbâle gâlânba ulikŋân bo miawagep. Amâ âmbâleje luâk gâlânba miawagep. <sup>9</sup>Akto Anutuje luâk âmbâlegât akmâ manbiapgât bo mângiep. Bo. Amâ âmbâleje luâk tângom manbiapgât mângiep. <sup>10</sup>Aregât âmbâleje luâkgât amukŋân mandâpgât sângumje kautje tigiangim manbiâp. Amâ yân mando Aŋelone ekbiâ bâliwopgât. <sup>11</sup>Aregât hanâk luâk ikejeâk ikejeâk manmâ âgâwai me âmbâle ikejeâk ikejeâk manmâ âgâwai aregât Kembuŋe âmâ bo makmâ hârieŋ. <sup>12</sup>Gârâmâ Anutuje luâk mem âmbâle ketuguep. Dâ hinje âmbâle memelupnenje yengâlânba luâk miawakmaen. Akto siâ siâ are hârok Anutugâlânba miawagion. <sup>13</sup>Aregât ye yejeâk den are mem nâŋgâm hengemgom potatbei. Âmbâleje kautje bo tigiakmâ Anutu ulilaŋbiap are âmâ agak meme âlepje me gain? Bo. <sup>14</sup>Aregât keiŋe hin. Luâk âmbâle nengât agak meme âmâ hekat yengimap. Amâ benje hin luâk siâ dumutje kâlep are âmâ bo huraguâp. <sup>15</sup>Dâ Anutuje tigiakŋet dâm âmbâle dumutyene kâkâlep yengieŋ are âmbâle dumutyene kâkâlep are âmâ âlepje. <sup>16</sup>Akto luâk siâŋe iregât denje borâm hâkâŋ akmâ kuk akbiap âmâ yâk âkâ hin nâŋgâm hengemgowiap. Anutugât kâmotlupje aposolo nen amâ âmbâle kautyeŋe tigiangim manbei dâm manmaen.

### Kembugât sot hilipkoyi.

<sup>17</sup>Akto den siâ hin. Ye mendugum kinbiâ agak meme âlepje bikŋeâk miawakmap. Dâ agak meme bâleŋande dondâ miawakmap. Are nâŋgâre bâliâp. <sup>18</sup>Akto yekâ agak meme hin akbei. Yejeâk miti emetŋân âgâm hârem potalakmai. Nâ den iregât bunje me gain dâm bikŋe nâŋgân. <sup>19</sup>Akto ye hain akbiâ âmâ hâmbâi luâk âmbâle bikŋe agak meme âlepŋân manmai are tektekŋân miawakbiâ yekbai. Are miawagâk dâm hâreakmâ awam mewam akmai are yengâlân miawaktâp. <sup>20-21</sup>Akto yengât agak meme hin nâŋgân. Ye mendugum kinmâ konok konok hârogâk dowâk yejaet sot areâk nemai. Hain akbiâ bikŋe âmâ mop yeje aguep. Dâ bikŋe

âmâ tu kêrikje dondâ nem biwi gulip akmai. Aregât ye Humonenjaet sot bo nembai. Bo. <sup>22</sup>Ye sotgât nângâm âmâ benje emetyenân tatmâ ain sot tu nembai. Agak memeyenje nângâm hin dân. Yeje âmâ Yesugât kâmot yengât nângâmbiâ yânje akto galalupyenje sot bo tatyengimap are bikje bo yengimai are âmâ yengimbiâ anun meyengimai. Nâ yengât gain gain makbe? Nâne hanâk yengât kotyenje mem agatbian me bo? Bo, agak meme akmai are nângâre kambiamne bâliep.

### Kembugât sotgât den.

<sup>23</sup>Akto Humonenjande sot aregât keije hekat niŋdo emelâk makyengiân are lâuwâne makbe. Hândâknân Yudasi Yesu gasalupnjaelân katberâm agep sop ain Yesu Humonenje sot mem <sup>24</sup>Anutu âlepje dâm mepaije mem maganjmâ munditmâ hin dâep, “Nunaelân dop katmâ makyengire nângânet. Nângât pat nelâm yengiwopgât sot ire nem manbei.” <sup>25</sup>Hain dâambo nemiâ bo akto waij hâpurâ siâ mem hin makyengiep, “Waij irekne Anutugât dâp irakje miawakbiapgât nugumbiâ gilâmne gewerâp aregât dopje aktâp are nelâm yengiwopgât tu ire nem manmâ âgâwei.” dâep. <sup>26</sup>Ainba âmâ Humo moep aregât den pat makmâ âgâwei ye sot tu nem akmâ âgâm manbiâ Humonenje togowiap. <sup>27</sup>Hain gârâmâ luâk âmbâle siâne kotje hanâk hanâk akmâ tu sot are nemiap amâ Humonenjaet gilâmje kâim hâkne yengimbo kombiâ moep are hâkân akmâ mando dosa miawaganbiap. <sup>28</sup>Aregât dosa Anutuje kondo bâleje humo miawaganbiap aregât ye nem kinbaiân ainâk biwiyeje ekbei. Biwiyeje ekbiâ ârândâj akto ainâk âgâm sot tu nembai. <sup>29</sup>Luâk siâ Kembugât sot bunje bo ekmâ nânganjmâ hejgemgom nemiap yâk âmâ dosa nemiap. <sup>30</sup>Dâ yengâlân gâtje hanâk hanâk agi aregât kundat mem miawakmâ bikje mom meteyi. <sup>31</sup>Gârâmâ nen biwinenje mem potatmâ hejgemgoyion dâine Humonenjande umatje ire bo nengimbo miawakbop. <sup>32</sup>Dâ Humonenjande umatje ire nengiep aregât hin nângâmaen, “Humonenjande biwinenje orem miwindik nengiepgât hain agep.” dâmaen aregât siân hângât luâk âmbâle denân hâkyenje tunbiap ainâk nen tunbop. <sup>33</sup>Hain gârâmâ Anutugât sot nenegât mindugum bikje yengât âkâ lâmyengumbiâ togom metemiâ nembai. <sup>34</sup>Akto mindugumbiâ gulip akto Anutuje hâuje yengiwopgât hin akbei. Yengâlân gâtje bikjande sotgât mopje agumbo âmâ ulikjân yeje emelan nembai. Gârâmâ den bikje amâ nunak togomân âmâ makmâ hejgemyenguwian.

### Heakje âi memap.

**12** <sup>1</sup>O Galalupne, Anutugât Heakje yâkne âigât wan me wan nengimap, aregât pâpkowâi dâm makyengiwe. <sup>2</sup>Ye nângâi. Ulikjân bâleje ambolupjande siâ me siâ lâpio den bo makmai yengâlân



olon yekbiâ yekâ lâpio yenġât nânġâmbiâ bunġe agep. <sup>3</sup>Akto siâġe Yesu bâleġande kondo bo akbiap dâambo âmâ Anutugât Heakġande kautġân bo memap. Dâ luâk siâġe Yesu amâ Humonenġe dâambo âmâ Anutugât Heakġande kautġân mendâp are nânġâm henġemgowe.

<sup>4</sup>Akto Anutugât Heakġe konogâk tatâp gârâmâ kautnennân mem okot âlepġât nengimbo kulem kotġe hârok miawak nengimap. <sup>5</sup>Dop hainâk âi wan me wan dondâ tatnengîap gârâmâ Humonenġe konogâk tato hoġ bawa agaġmaen. <sup>6</sup>Hainâk Anutuġe konok âi kotġe hârok nengimbo âi are âlepġe kenuġmaen. <sup>7</sup>Aregât keiġe hin. Anutuġe Yesugât kâmot hârok âlepġe manbai dâm ikiġaet Heakġe huġġunânġo nen tânaguwaengât konok konok meme aknengimbo âi siâ mem kârikġe kenuġmaen. <sup>8</sup>Aregât nengâlân gâtġe siâ Anutugât Heakġande meme agaġdo den bunġe makyenġimap. Dâ nengâlân gâtġe siâ âmâ memeġe agaġdo nânġâ nânġâ âlepġe nânġâm manmap. Gârâmâ Heak konokgât. <sup>9</sup>Heak kârikġe arekġeak agaġdo han biwiyeġe Yesu nânġaġmâ kârikġeâk katmâ manbai. Dâ Heak Kârikġe arekġeak luâk siâ agaġdo diwirâ kundatdâ makto âlepġe akbai. <sup>10</sup>Dâ siâġe âmâ kulem memap. Dâ siâġe âmâ Anutu wan me wan akbiap aregât keiġe maknengimap. Dâ siâġe âmâ sinduk baniara yâġgât keiġe nânġâm potat yekmâ ire âlepġe ire bâleġe dâm aregât nânġâmap. Dâ siâġe âmâ den siâ siâ makmap. Dâ siâġe âmâ den siâ siâ are nânġâm nengât denân purikmâ keiġe maknengimap. <sup>11</sup>Akto wan me wan ya maktân ire amâ Anutugât Heakġe konok irekġeak nânġâ nânġâ dondâ mem ukenġaet akmâ kinmâ kinmâ nânġâ nânġâ are Yesugât kâmot konok konok siâ siâ ârândânġ nengimap.

#### **Hâknenġe amâ konogâk, dâ siâ me siâġe amâ dondâ.**

<sup>12</sup>Ya maktân aregât den dopġe kulemgowe. Luâk amâ hâk nenġe konogâk amâ siâ siâġe hârok âmâ dondâ. Akto siâ siâġe hârok amâ hâk konogâk are dop hainâk Kristogât kâmot dop konogâk akmaen. <sup>13</sup>Akto Kristogât kâmot nen amâ siâ siâ Yuda luâk âmbâle akto Girik luâk âmbâle akto biken amâ hoġ bawa manmai dâ siâ amâ luâk kotdâ manmai gârâmâ Anutuġe hanâk dâm ikiġaet Heakġe huġġun aġdo meme wâtġe aknengimbo hâk biwi konogân agion. <sup>14</sup>Hâk are amâ konok bo. Amâ siâ me siâġe dondâ. <sup>15</sup>Aregât keinennande hin dâwop, “Nâ bâtġe bo aregât nâ hâġgât bo tatman.” dâwop. Keinenġe amâ hâknenġaet bikġe. <sup>16</sup>Akto ondopnenġe hin dâwop, “Nâ hâġgât dewunġe bo aregât nâ yân hâġgât bo agân.” dâwop. âlepġe ondop nenġe amâ hâknenġaet bikġe tatâp. <sup>17</sup>Akto nengât hâknenġe dewunnenġe humo konok akmap dâine ondopnenġe bo tato den bo nânġâwâen. Akto hâknenġaet ondopnenġe humo konok akmap dâine hâme nenġe bo tato higenġe bo nânġâwâen. <sup>18</sup>Dâ hâknenġe hain bo. Anutuġe ekmâ nânġâm kinmâ nânġâ nânġânġân luâk dewatim konok konok hârok kalep. <sup>19</sup>Akto hâknenġe ikiġeâk bikġeâk konok dâine

hâk bunje amâ bo tatnengiwop. <sup>20</sup> Amâ hain bo. Hâkgât siâ siâne dondâ. Dâ amâ hâknenje konogân akmap. <sup>21</sup> Akto dewunnenjande bâtnenje hin maganbop, “Gâ bo tatât dâine nâ nunak âlepje tatbom.” dâwop. Me kautnenjande keinenje hin dâm bo maganbop, “Gâ bo tatât dâine nâ nunak âlepje tatbom.” dâwop. <sup>22</sup> Hain bo hâknenjaet biken amâ kârikje bo dâmai are bo tatâp dâine hâk ire âlepje bo tatbop. <sup>23</sup> Akto nengât hâknenje bikje ekbâirâm are sângumje âlepje tigimaen. Akto hâknenje bikje âlepje dâmaen are amâ bo tigimaen. <sup>24</sup> Gârâmâ Anutuje hain bo akmap yâk hâk keije hârok mem mendugum ketuguep. Aregât hâknenje bikje kotje bo dâmai are Anutuje kot dondâ yengonlep. <sup>25</sup> Yâkje hain agepgât âmâ hâknenje hogoakmâ biken biken akbop. Dâ biken biken tânagum kinbaigât Anutuje hâknenjân kotje bo are dâmaen ikiyeâk ikiyeâk yengonlep. <sup>26</sup> Aregât hâknenjân konokje hâk hilâlâmje nângâmbo hainâk hâknenje hârok hilâlâm nângâmaen. Dâ hâk bikjande âlepje kinbiâ hârok heronje akmai. <sup>27</sup> Den ginje yu kulemgoân aregât keije hin. Ye Kristogât kâmot hâkyejaet dop hainâk konogân agi. Akto ye konok konok Kristogât hâkje siâ siâne akmâ manmai. <sup>28</sup> Akto Anutuje Yesugât kâmot are hutnenjân hin katnenegep. Nengâlân ulik gulik bikje Aposolo akjet dâm katnenegep. Dâ hamiñân luâk bikje Anutuje wan me wan akbiap aregât keije makbiâ nângâmaen. Dâ hamiñân luâk bikje den kepikmâ makyengimaen. Dâ hamiñân kulem kotje siâ siâ memaen. Dâ hamiñân kundatdâ hejgem yengumaen. Dâ hamiñân kârikje bo tatyengimap are tân yengumai. Dâ hamiñân puli me emet me âigât damunnenje akmai. Dâ bâiñe âmâ den siâ siâ makmai. Luâk âmbâle ya yengondân are Anutuje âi aregât katyegep. <sup>29</sup> Aregât Yesugât kâmot nen âmâ Aposoloâk hârok bo akmaen. Akto Anutuje wan akbiap are nen hârok bo makmaen. Akto hârokje bo den kepikmâ makyengimaen. Akto kulem siâ siâ hârokje bo memaen. <sup>30</sup> Akto hârokje bo kundatdâ hejgem yengumaen. Akto hârokje den siâ siâ bo makmaen. Akto siâ siâ are nângâm bo purikmaen. <sup>31</sup> Akto Anutugât Heakje memene aknengimbo wan me wan âlepje bikje ewangiyekmai are egâlijanmâ niñben dâm Anutu ulilanbei. Dâ okot âlep nengimap aregâtje siâ siâ hârok ewangi yekmap aregât keije makyengiwe.

### Han kalemgât keije.

**13** <sup>1</sup> Galalupne, nâñe âmâ luâk yengât kepia siâ siâyengât makmâ añelo yengât den hainâk makmâ âmâ han kalem bo akyengim âmâ makmakne amâ yân munjeâk makman. Amâ guñgâñe indemap hain makman. <sup>2</sup> Me Anutugât nângâ nângâ katbiap are nângâm makyengiman me wan me wan yonâk tatmap are nângâm meteman me biwine kârikje kat katgât tatniñdo aregât gimbâñe maganjdere biken arimap gârâmâ okot âlepgât dâp bo tatniñdâp amâ yânñe akman. <sup>3</sup> Me

nângât siâ siâ hârok luâk âmbâle umburuk yengwiap me gasa togombiâ hanâk manmanje bo gangerâm âmâ hâkne hâkâne dâre kâlâwân katnekiâ ombiap. Dâ amâ han kalem bâlâk manman âmâ siân âi aregât hâuje bo miawakniḅiap.

<sup>4</sup>Akto luâk siâ han kalem akmâ okot âlep agakgât talaḅbiap arekne siâ siâ agaḅmâ dowâk bo kutigitmai. Akto luâk dondâ tân yengumap. Akto luâk siâ me siâ undup miawagaḅdo are nângâmbiâ bo bâliwiâp. Akto âgâ âgâne bo akmap. Akto yeḅaet nângâmbiâ bo âgâmap. <sup>5</sup>Akto luâk âgâ âgâne kotne hanâk hanâk bo makyengimap. Akto ikinjaet ukenje bo watmâ âmâ galalupne yengât ukenyeḅe watmap. Akto kambiamne dowâk bo bâlimap me yâkgât akmâ bâli aḅbiâ are yengât bo nângâmap. <sup>6</sup>Yâk bâleḅande sambelem arimbo nângâmbiâ âlepne bo akbiap. Dâ den pat âlepḅande sambelem arimbo nângâmbiâ ârândâḅ akbiap. <sup>7</sup>Yâkne umatne siâ siâ hârok lokomap. Akto hilâm ârândâḅ Anutugâlân biwiḅe humo katmap. Hain akmâ Anutugât mârûm lâmgomap. Akto umatne siâ siâgât kârikne akmâ kinmap. <sup>8</sup>Akto okot âlep agak meme are amâ dowâk bo boakbiap. Are amâ manmâ manmâ âgâwiap. Dâ Anutugât den âlepne makmak arekne âmâ âiḅe bo akbiap. Akto den siâ siâ keiḅe keiḅe are amâ bo akbiap. Akto nângâ nângâgât âi meme arekne âmâ âiḅe bo akbiap. Dâ okot âlep agakgât amâ bo boakbiap. <sup>9</sup>Akto hinje âmâ nângâ nângânenje amâ bikḅeâk bikḅeâk nângâmaen. Akto Anutugât den âlepne are hainâk bikḅeâk bikḅeâk makmaen. <sup>10</sup>Dâ hâmbâi âmâ wan siâ âlepne dondâ arekne miawak nengimbo âmâ sop ain siâ siâ bikḅeâk bo akbiap. <sup>11</sup>Ulikḅân nâ nanaḅnân manminiân sop ain nanaḅ yengât den hogoân. Akto nanaḅ gurukne han nângâm manminiân. Akto nanaḅyengât nângâ nângâ hain nângâminiân. Dâ hinje amâ luâk humo akmâ kinmâ nanaḅ agak meme are hepulân. <sup>12</sup>Akto nen âmâ tu bâtgumḅân enem dewunnenje egakmaen are amâ gulip milip akmap. Gârâmâ hâmbâi sop humoân ain âmâ Anutugât enem dewunḅân miawâk ekbaen. Akto hinje âmâ bikḅeâk bikḅeâk nângâmaen. Dâ hâmbâi âmâ Anutuḅe keiḅânbak nenekmâ nângâm heḅgemgo nengiep dop hainâk wan me wan hekatnengimbo hârok ekmâ nângâm heḅgemgowaen. <sup>13</sup>Aregât wan me wan amâ hilâmne hilâmne tatmâ âgâmap are amâ biwi Anutugâlân kat kat agak meme akto Anutugât lâmgô lâmgô are akto okot âlep kat kat are. Dâ ire konok amâ âlepne dondâ hârok ewangiyekmap, okot âlep agak meme are.

#### Den siâ siâ magi aregât den.

**14** <sup>1</sup>Galalupne, ye okot âlep agakgât kârikne akbei. Akto okot âlep aknengimap aregât Heak âlepne siâ siâ nengimap are Anutu ulilaḅmâ membei. Dâ âi ulik gulik are amâ hâk hilâlâm akmâ membei amâ hin. Anutugât den âlepne makmak aregât Anutu ulilaḅbei. <sup>2</sup>Aregât

keiŋe makyenŋiwe. Luâk siâŋe den siâ me siâ makberâm âmâ Anutu konok maganbiap. Dâ luâk olop kinbai arekŋe Heakŋe meme agaŋdo den siâ me siâ irakŋe tiktikŋe makto aregât yâkgât den bo nânŋgâmbiâ denŋe arekŋe bo tânyenŋumap. <sup>3</sup>Dâ luâk siâŋe Anutugât den âlepŋe makbiap arekŋe amâ luâk âmbâle tânyenŋum nânŋgâ nânŋgâyeŋe are mem kârikŋe ketugumap. Akto agak meme âlepŋe akŋetgât goanŋyekmap. Akto biwiyeŋe mem âlepŋe ketugum henŋem yeŋgumap. <sup>4</sup>Dâ luâk siâŋe den siâ siâ makbiap âmâ ikiŋe nânŋgâ nânŋgâ mem kârikŋe ketugu akmap. Siâ bo tânyenŋumap. Dâ luâk siâŋe Anutugât den âlepŋe makmap are amâ Yesugât kâmot mem kârikŋe ketugu yekmap. <sup>5</sup>Ye hârok den siâ me siâ are makŋetgât amâ ewiâk. Dâ Anutugât den pat âlepŋe makyenŋimbiâ nânŋgâmbiâ amâ ârândân dondâ akmap. Luâk siâŋe Anutugât den pat âlepŋe makmap arekŋe luâk den siâ me siâ makmap are ewanŋimap. Gârâmâ den are purikmâ yeŋaet denân makyenŋimbo ârândân âlepŋe akmap.

<sup>6</sup>Aregât siâkâ makbe. Nâŋe yeŋgâlân aregen togom den siâ me siâ makyenŋire amâ ye bo nânŋgâm henŋemgomai. Akto togom Anutuŋe den bikŋe niŋep me nânŋgâ nânŋgâyeŋe kârikŋe agâkgât den are me Anutuŋe wan membiap aregât keiŋe makyenŋire amâ ye den are dowâk nânŋgâmbiâ den arekŋe tân yeŋguwiap. <sup>7</sup>Aregât den dopŋe siâ makbe. Siâ me siâ golâ bo akmai yânŋe kamam me lâmun are amâ konbiâ munŋe âlepŋe bo akto amâ gain gain nânŋgâwaen. <sup>8</sup>Me luâk siâŋe kukgât kot pâpkom kondo bâtâŋe indembo amâ tembe loko kuk akberâm bo henŋem aguwai. <sup>9</sup>Yu maktân are bâleŋe indembo luâk bo nânŋgâwai aregât yeŋe dop hainâk luâk bikŋande den bo nânŋgâmai are makbiâ amâ denyeŋe are yânŋe akmâ luâk âmbâle siâ bo tânyenŋuwiap. Amâ yân mesok gosok makbai. <sup>10</sup>Akto hânân den siâ siâ dondâ yendâp are amâ luâk konok konok yeŋaet den are nânŋgâmai. Akto keiŋe nânŋgâmai. <sup>11</sup>Aregât luâk siâŋe ikiŋaet den nâ bo nânŋgâman are makniŋdo nânŋgâm, “Wei, luâk ire amâ denyeŋe siân gâtŋe.” dâre yâkâ hainâk nekmâ, “Woe, luâk ire amâ denyeŋe siân gâtŋe.” dâm makto nânŋgâ anŋiwaet. <sup>12</sup>Akto ye amâ hainâk ye Anutugât Heak âlepŋande memeŋe akyenŋimbo wan me wan okot âlepgât miawak nengimap. Are memberâm kârikŋe akmâ Anutu ulilaŋmai aregât Yesugât kâmot kârikŋe yeâkgât aregâlâk nânŋgâm ulilaŋbei. <sup>13</sup>Hain gârâmâ luâk siâŋe den siâ me siâ makbiap amâ ainâk Anutu hin ulilaŋbiap, “Den maktân ire mem purik katbiangât dop olowâk niŋbiat.” dâm ulilaŋbiap. <sup>14</sup>Aregât hin makbe. Nâŋe den siâ me siâ makbian amâ biwinânâk Anutu ulilaŋbian. Dâ nânŋgâ nânŋgâne are amâ yân tato bo ârândân akbiap. <sup>15</sup>Aregât hin nânŋgân, han biwine akto nânŋgâ nânŋgâne are hârok mem Anutu ulilaŋbian are amâ ârândân akbiap hain nânŋgân. Aregât ye hain nânŋgâwei. Akto biwinânâk Anutugât kotŋe mem agat agatgât kep memberâm amâ ainâk nânŋgâ nânŋgâne olop

kep membian. <sup>16-17</sup>Aregât benje ye hain bo akmâ âmâ biwiyenânâk makmâ Anutu okot âlepgât den bunje maganmâ den siâ me siâ maganbiâ denyenje arekne luâk âmbâle bikne Yesugâlân gâtne bo are bo tânyengumap. Bo tânyengumbo âmâ luâk âmbâle arekne denyenje bo nânngâm hejngemgom gain gain, “A bundâk.” dâm makbiap? Denjande bo tângombo aregât bunje bo makbiap. Aregât den âlepneâk makbiâ denyenje luâk âmbâle bikne tânyenguwiâp. <sup>18</sup>Akto nânje ye hârok den siâ me siâ makmai aregât den siâ siâ makmâ ewangiyekman aregât Anutugât mepainje meman. <sup>19</sup>Dâ luâk âmbâle hârok mendugum kinbiâ ainâk âgâm den getek den yenân maktere nânngâmbiâ nânngâ nânngâyene kârikne akbiap are nânngân. Dâ den siâ siâ bonânngâmai are âmâ dondâ makyengim manbian aregât nânngâre yânje aktâp.

**Nanaŋ gurukŋande nânngâmai han hainare bo akbaen.**

<sup>20</sup>Galama, ye nanaŋne han nânngâmai hainare bo nânngâwei. Dâ agak meme bâlene are âmâ nanaŋne bo nânngâmai ye gai hainâk bo nânngâwei. Dâ nânngâ nânngâyene nanaŋ yengât hainâk bo akmâ âmâ luâk âmbâle nânngâ nânngârâ yengât hainâk akbei. <sup>21</sup>Anutuje makto kulemgoyi biken hin tatâp,

“Humoŋe hin dâep, “Luâk bikne denyenje siâ Yuda luâk are yengâlân huŋun yengire arim denyenje siâ makyengimbiâ Yudagâtŋande hanâk dâm misik nânngât laune bo lokowai.” Humoŋe hain dâep.”

<sup>22</sup>Aregât luâk siâne kepia siâgât den makto âmâ den arekne Yesugât kâmot are Anutu mandâp aregât keŋe bo makyengiwoŋ. Dâ den arekne luâk âmbâle biwiyene Yesugâlân bo katmai are Anutu mandâp aregât keŋe hekatyengimap. Akto Anutugât den âlepne makmak are âmâ luâk âmbâle biwiyene Yesugâlân bo kali are yengât bo. Are amâ Yesugât kâmot are yengât. <sup>23</sup>Aregât ye Yesugât kâmot mendugu akmâ den siâ siâ makbiâ luâk âmbâle nânngâ nânngâyene bo me biwiyene Yesugâlân bo kali arekne âkâ âgâm âmâ yekmâ, “Woe, Yesugât kâmot sinduk akmai.” dâwai. <sup>24</sup>Gârâmâ ye hârok Anutugât den âlepne makbiâ luâk siâne nânngâ nânngâne bo me biwiŋe Yesugâlân bo kalep arekne nânngâmbo denyenje arekne biwiŋe erâmbo iŋiŋaet agak meme bâlene nânngâmbo ye are ekmâ yâkgât keŋe nânngâm hejngemgowai. <sup>25</sup>Akto yâkgât bâlene miawakto aregât hâkne mendo gembo Anutugât kotne mem agatmâ yekmâ hin dâwiap, “Bundâk, Anutu hutyeŋan tatâp.” dâwiap.

**Mitigât menduguwerâm âmâ han gâliwân bo menduguwaen.**

<sup>26</sup>Hain gârâmâ gain akbai? Menduguwaiân siâ amâ kepgât. Dâ siâne âmâ makyengiwiapgât membriâp. Dâ siâ âmâ Anutuje wan me wan akbiap aregât keŋe makyengiwiap. Dâ siâ âmâ den siâ siâ makbiap. Dâ siâ âmâ den are purikmâ den yenân makbiâp. Are amâ hârok luâk

âmbâle mem kârikŋe ketugu yekmapgât. <sup>27</sup>Akto hanâk dâm den siâ siâ makberâm akbiâ ainâk luâk konok me lâuwâ areâk den siâ siâ makbai. Akto hârokŋe olowâk den bo akbai. Siâŋe soŋ makto siâŋe hamiŋân makbiap hain akbai. Hain akbiâ âmâ siâŋe âmâ den are purikmâ makyenŋiwiâp. <sup>28</sup>Dâ den purik purik luâk bo tato âmâ luâk den siâ me siâ makmai arekŋe menduguwaiân ain yân kinmâ ikinjak Anutu olop den akbiandat. <sup>29</sup>Akto Anutugât den âlepŋe makmai arekŋe lâuwâ me âlâwu akmâ konok konok makbei. Hain akbiâ luâk âmbâle bikŋande den mem potatmâ nâŋgâm heŋgemgowai. <sup>30-31</sup>Akto Anutugât den âlepŋe are konok konok makbiâ ye hârok nâŋgâmbiâ nâŋgâ nâŋgâyeŋe kârikŋe akto biwiyeŋe owâiŋe agakgât hin akbei. Yâkgâlân gâtŋe siâ tato Anutuŋe den siâ kalaŋdo âmâ benŋe luâk emelâk kinmâ makyenŋimap are âmâ âlepŋe makyenŋim metemboân ainâk âlepŋe agatmâ makyenŋiwiap. <sup>32-33</sup>Akto Anutu amâ gulip melipgât amboŋe bo. Yâk amâ biwinenŋe sânduk gewiapgât amboŋe akto lumbegât amboŋe aregât Anutugât den makyenŋiwerâm âmâ yeŋaet biwiyeŋe damunŋe akmâ kinmâ makyenŋiwei.

#### Âmbâleŋe mitigât mendugum tatmâ den bâlâk tatbei.

<sup>34</sup>Akto Yesugât kâmot hârok mindugum kinbiâ ainâk âmbenlupyenande bo makyenŋimai. Yeŋgât âmbenlupyenê menduguwaiân yân tatbei. Yâkŋe den bo makbei. Yâkŋe âmâ amukyenân tatbai aregât keiŋe Anutuŋe makto Moseŋe kulemgoep hain tatâp aregât âmbenlupyenê menduguwaiân âgâm âmâ yân nâŋgâmâk tatbei. <sup>35</sup>Akto âmbâleŋe mete kinmâ makyenŋimbo âmâ bo ârândâŋ akmap aregât yâkŋe den siâ keiŋe nâŋgâwerâm akbai âmâ emetyenân tatmâ luâklupyenê aiyenŋuwai. <sup>36</sup>Akto yeŋgât agak meme nâŋgâre bâleŋe aktâp. Ye hin dâmai, “Anutugât keiŋe nengâlân soŋ miawagep akto nenŋeâk Anutugât keiŋe nâŋgâmaen.” ye hain nâŋgâmai aten. <sup>37</sup>Akto areâk bo. Yeŋgâlân bikŋe agatmâ hin dâmai, “Anutugât keiŋe emelâk nâŋgâm meteyion akto Anutugât Heak âlepŋande kautnenŋân mendo nâŋgâ nâŋgânenŋe humo agep.” dâmai amâ hin nâŋgâwei. Den yu nâŋe kulemgoân ire âmâ Humonenŋaet den kârikŋe oyaŋbiâ bunŋe akbiâp. <sup>38</sup>Akto hain bo nâŋgâmbiâ aregât nenŋe luâk aregât bo nâŋgâ anmâ manmaen. <sup>39</sup>Galalupne, den kâlep yu kulemgoân aregât keiŋe bâlensiâ Anutugât den makyenŋiwei aregâlâk nâŋgâm Anutu ulilaŋbai. Akto siâŋe den siâ me siâ makberâmbiâ bo kom hârewei. <sup>40</sup>Hain akmâ nâŋgâm mem heŋgemgowei akto menduguwaiân han biwi konok akmâ manbei.

#### Yesu momoŋânba agalep.

**15** <sup>1</sup>Galalupne, nâŋe emelâk Anutugât den pat âlepŋe makyenŋiân. Makyenŋire ainâk nâŋgâm mem manmâ gayi. Akto ye hinŋe

den pat âlepŋe aregât kârikŋân kinmai aregât keiŋe nelâmyeŋgiwopgât yu kulengoân aregât nânġâ nânġâyene hulaŋagâkgât ire makbe. <sup>2</sup>Akto ulikŋân bo henengiât dâm den pat makyenġiân are kârikŋe membiâ Anutuŋe heŋgemyeŋgüep. Dâ denŋe hâkâŋe akbiâ âmâ den heŋgemyeŋgüep are yânŋe akbiap. <sup>3</sup>Humonenŋande den umatŋe are soŋ makniŋep are mem makyenġiân are keiŋe amâ hin. Ulikŋân Anutuŋe makto kulemgoyi bunŋe akto Kristoŋe nengât dosanenŋe watberâm akmâ aregât mondo dosanenŋe bo agep. <sup>4</sup>Mondo sumân hangombiâ yem hilâm âlâwuŋân yem momoŋânba agalep aregât keiŋe amâ Anutuŋe makto kulemgoyi. <sup>5</sup>Akto momoŋânba agatmâ Petoro miawaganġo egep. Hamiŋân hoŋ bawalupŋe keiân konok yeŋġâlân miawakyenġimbo egi. <sup>6</sup>Benŋe hamiŋân luâk âmbâle hanyene yâġgâlân kali dondâ are yeŋġâlân miawakyenġiep. Akto Yesugât kâmolân gâtŋe 500 hain are ain kinbiâ are yeŋġâlân miawakyenġimbo egi. Akto luâk âmbâle are âmâ bikŋe hinŋe mandâi. Dâ amon siâ emelâk moyi. <sup>7</sup>Benŋe ainba Yakobo yâġgâlân miawaganep. Benŋe aregât hamiŋân Aposolo hârok yeŋġâlân miawakyenġiep. <sup>8</sup>Akto bâiŋe memenġande nanaŋ mesokmâ panmap nâ dop hain akmâ miawakmâ malân nânġâlân miawakniŋġo egân. <sup>9</sup>Aregât nânġât keiŋe hin. Yesugât Aposololupŋe bikŋande nâ ewangi nekbâi yânŋe agân. Akto nâŋe Anutugât kâmot Yesugâlân biwiyene kali are hilip yeŋġuân aregât luâkŋe Aposolo dâm bo yeŋġonmai nâ hain are agân. <sup>10</sup>Gârâmâ bâleŋe agân are hâuŋe Anutuŋe bo niŋmâ damunne akmâ han kalem akmâ meme akniŋep aregât agak meme hinŋe meman. Akto Anutuŋe okot âlep nânġâ niŋep are yân bo tatâp. Nâŋe âi kârikŋe mem Aposolo bikŋe ewangi yegân. Are âmâ nunak bo. Anutuŋe okot âlep niŋmâ memeŋe akniŋep arekŋe nânġât agak meme are mem miawagep. <sup>11</sup>Akto hanâk nâŋe me Aposolo bikŋe makyenġienŋe nânġâyî aregâlâk bo nânġân. Biwiyene Yesugâlân kali aregâlâk nânġân.

**Yesu golâ akmâ agalepgât nenâkâ golâ akbaen.**

<sup>12</sup>Akto yeŋġâlân gâtŋe bikŋe hin dâmai, “Luâk âmbâle moyi are âmâ bo agatbai.” dâmai are nânġâre dondâ bâliep. Akto nenŋe Yesu mondo Anutuŋe goanġo agalep aregât denŋe makmaen aregât wangât hutyeŋân gâtŋe bikŋande hin dâmai, “Luâk âmbâle moyi are âmâ bo agatbai.” dâmai? <sup>13</sup>Dâ luâk âmbâle momoŋânba bo agatbai den are bunŋe dâine hin dâwâen Anutuŋe benŋe Yesu gai bo goanġo agalep dâwâen. <sup>14</sup>Dâ Anutuŋe Yesu bo goanep dâine nenŋe den makmaen ire bunŋe bo akbop. Akto biwiyene Yesugâlân kali are hainâk bunŋe bo akbop. <sup>15</sup>Dâ hain dâine nen Anutuŋe Kristo goanġo agalep dâmaen nen âmâ Anutugât keiŋe makmaen den are hianġim mem bâliwâen. Amâ momoŋande bo agatbâi. <sup>16</sup>Dâ Anutuŋe luâk momoŋânba bo oloŋ yekmap dâine Yesu gai hainâk bo oloŋbop. <sup>17</sup>Dâ Anutuŋe Yesu bo oloŋep dâine ye biwiyene



Yesugâlân kali are bâliwop akto dosayenje olowâk manbâi. <sup>18</sup> Akto luâk âmbâle biwiyenje Yesugâlân katmâ kinmâ moyi arekâ hainâk yân manmâ âgâwâi. <sup>19</sup> Akto nen hân iregât manman âlepne aregât han biwinenjande Kristogâlân nângâm kepilâmaen nenâmâ manman âlepne are bo miawak nengimap are bunje bo dâine nengât umatne dondâ arekne luâk âmbâle siâgât umatne ewangimap arekne miawak nengiwo. Aregât luâk âmbâle hârokne nengât okot nângâ nengiwâi.

<sup>20</sup> Gârâmâ hain bo. Kristo emelâk mondo Anutuñe goaño agatmâ luâk momoñe yâk ulikñân akyenjim agalep. <sup>21</sup> Amâ hingât. Ulikñân Anutuñe luâk konok kotne Adam are ketugumbo malep yâk âmâ nengât keinenne aregât yâk bâleñe akto momogât pat miawakto luâk âmbâle hârok momaen. Dâ hainâk Yesu Kristo amâ luâk konok Humonenjande gem mondo goaño agalep. <sup>22</sup> Aregât Adam gâlân dewatim mom metemaen. Dâ Kristo olop dewatim akmaen nenñe âmâ mom âmâ agatbaen. <sup>23</sup> Hain akmâ âmâ Anutuñe magep dopñân agatbaen. Hin. Moyi are yengâlân Kristoñe soñ ulik gulik agalep. Akto hâmbâi purik katmâ miawakbiawân nen Yesugât kâmolân gâtne nen hamiñân âmâ agatmâ manman golâk manbaen. <sup>24</sup> Sop ain âmâ siâ siâ hârok bo akbiap. Akto Anutugât Nanñande Anutu wan me wan hârok are nengât kautne Humo akbiapgât dâm Eweñande siâ siâ amukñân kalep. Sinduk baniara bâleñe akto gawamangât âi are gai kondo bo akbiap. <sup>25</sup> Akto âi luâk kautnenñe akto luâk koldâ akto luâk kârik kârikne are Nanñet keiñet amukñân kato tâliyekbiap benñe yâk kautnenñe humo akbiap ain hârok Eweñe wañbiap. <sup>26</sup> Tatmâ âgâm âgâm gasa are erâm hambu yekbiap. Dâ bânje gasa konogâk tatbiap are âmâ momogât dop akai bâin dâm kondo bo akbiap. <sup>27</sup> Aregât Anutuñe Kristogât makto kulemgoyi bikne hin tatâp, “Anutuñe ikiñe hoñ bawagât amukñân siâ siâ katbiap hain tatâp.” Gârâmâ Anutuñe hain akbiawân ikiñe amukñân bo kalakbiap. Akto sop humoân den are bunje akto aregât Kristoñe âmâ luâk âmbâle me wan me wan kotne hârok kautnenñe tatbiap. <sup>28</sup> Hain akmâ bâin dâm Amboñande wan me wan nanñet amukñân kato talep yâkne hârok damunyenje agâkgât amukñân tatmâ manmâ âgâwâi.

<sup>29</sup> Akto yengâlân gâtne bikñande momoñe tânyenjuwerâm tu pulinenekñet dâm manmai. Dâ Yesu agalep den are bunje bo dâine momoñe siâñe bo agatbop amâ momogât akmâ bikñande wangât tu puliyekmai? <sup>30</sup> Dâ nen hainâk wangât umatñân manmâ bâsok momaen? Den makyenjimaen are bunje bo dâine emelâk den are hepundenñe bo hilip nenguwâi.

<sup>31</sup> Yesu Kristo Humonenñe nâ akto ye henjem nenguep aregât yengât ukenyenje akman aregât hin makyenpire nângâñet. Hilâm ârândâñ nâñe âi meman âmâ momogât pat meman. <sup>32</sup> Akto hângâlâk nângâmai nâ hainâk akman dâine wangât Epeso kepien soñgo metne hainare

olop aguagân. Aregât wan siâ bunje miawakniñbiap? Akto hângâlâk nânġâmai arekne hin dâmai, “Hâmbâi mombaen aregât dowâk sot tu nemâk herone akbaen.” dâmai. Akto Yesu bo agalep dâine nenje hain dâwâen. Hângâlâk nânġâwâen. <sup>33</sup>Aregât biwiyenje are bâliwopgât luâk âmbâle Yesu bo agalep dâmai are hepun yekbei. Nenje luâk bâleje olop bam gutbaen amâ yâkne agak memenenje âlepne nenje hilipko nengiwâi are nânġâm hejngemgom âmâ hanokoakbei. <sup>34</sup>Akto bikne hutyeñânba Anutugât boâk nânġâi den ire amâ ye anjun meyeñgiân. Aregât momoñânba agatbaengât nânġâm hejngemgom âmâ nânġâ nânġâ bâleje hepunbei.

### Hâknenne towatje siâ mem agatbaen.

<sup>35</sup>Akto yeñġâlân gâtje siâne hin ainuguwiap, “Luâk momoñe âmâ gain gain agatbai? Akto hâk gain hinare mem togowai?” dâwiap aregât den hâuñe hin makbe. <sup>36-37</sup>Amâ den kopane. Gâ señgo urutmenâ hân kâlegen yem ñasukne akmâ bim âġâm amâ pâtkom kâmne gamap. Aregât gâ wan siâ siâ ya kâmetmat are amâ yânne me momoñe hain are kâmetmat. Dâ are pâtkom amâ hâkne golâ koane hain are bo pâtkomap are nânġâm hejngemgo. <sup>38</sup>Anutuñe koane amâ ikinje konok konok hâkne siâñeet yeñġimap. Akto kâmetenje pâtkom amâ hainâk hâkne siâ siâ koane hinare bo pâtkomap aregât keñe Anutuñe ikinjak nânġâm hejngemgoep. <sup>39</sup>Akto areâk bo. Anutuñe luâk me soñgo me duki kâwâluki are hâknenne konok bo katnengiep. Luâk nengât hâknenne siâñeet. Akto soñgo yeñġât are siâñeet. Akto lâut yeñġât are siâñeet. Akto injan yeñġât siâñeet. <sup>40</sup>Dâ himbimân tatmai hâkyeñe siâ. Nen hânân manmaen nengât egeknene amâ siâ. Akmâ himbimân tatmâ ariâi are kulemne siâ. Akto hânân tatmâ ariâi are kulemne siâ. <sup>41</sup>Dewutâ hilâmân gâtñeet are siâ akto hândâġân gâtje are siâ akto diâ are siâ siâ hârok are. Akto diâ pagaleyene konok bo. Keñe keñe tatâp. <sup>42</sup>Aregât luâk momoñe agatbaen are akai hainâk tatâp. Amâ hâknenne hangomaen are amâ hambumap. Dâ otnenenje akto hâknenne irakne Anutuñe mem agatbiap are bo hambuwiap akto bo bâliwiap. <sup>43</sup>Akto hâknenne amâ pagaleñe olop bo aregât mombiap amâ yân kârikne bo tatbiap. Dâ agatbaenân amâ hâknenne irakne pagaleñe olop Anutuñe mem agatbiap are kârikne dondâ tatnengiwiap. <sup>44</sup>Akto hâknenne tâmbâ ire amâ hângât aregât mondenje hâknenne hangombiâ hân akbiap. Dâ hâknenne irakne hâmbâi Anutuñe mem agatmâ nengiwiap are amâ manman kârikñeet.

<sup>45</sup>Akto Anutugât luâkne kulemgoyi bikne hin tatâp, “Luâk ulik gulik Adam yâk golâ akmâ agalep.” hain kulemgoep. Dâ beirâ Adam bânje hinare Heakdâ manman nengiwiapgât amboñe agep <sup>46</sup>amâ Heakdâ yâkne ulikñân bo agep. Hânân gâtje soñ ulikñân miawagep ġârâmâ Heakdâ beirâ ġiep. <sup>47</sup>Akto hân luâk ulikne are amâ Anutuñe hân nukum

mem mângiep. Dâ beirâ luâk yâk âmâ himbimânba giep. <sup>48</sup>Aregât hânân gâtje malep hainâgâk hânân gâtje manmai. Dâ himbimân gâtje manmap dop hainâgâk himbimgât pat mem manmaen. <sup>49</sup>Akto hinje âmâ ulik gulik luâk Adamgât hâkje hainâk akmâ manden aregât hângalâk akmaen aregât hâmbâi himbimân gâtjaet dâwân manmap are amâ hainâk akmâ manbaen.

### Yesu togombo âmâ himbim hâk membaen.

<sup>50</sup>Galalupne aregât siâkâ makbe. Hâknennjande amâ Anutugât manman âlepje bo membiap. Akto siâ me siâ hambum torok akbiapje siâ me siâ tat tat kârikje are bo membiap. <sup>51</sup>Nângâjet. Imâ den tipje siâ makmâ miawakyeŋgiwe. Nen bo mom metewaen. Amâ nen hârok purik âgâm hâk siâ akmâ metewaen. <sup>52</sup>Amâ lâmun humo mun akto sân sânâk hain akbaen. Lâmun humo mun akto ainâk momoŋande agatmâ mom hambu bâlâk manbaen. Nen hârok tirip siâ akbaen. <sup>53</sup>Hâknenne ire hambuwiap arekje manman kârikje are sâŋgum hinare lugumbo gewiap. Akto momogât patjande manman kârikje lugumbo gewiap. <sup>54</sup>Haingât hambum torok akbiap arekje manman kârikje lugumbo gewiap. Akto momogât patjande manman kârikje lugumbo gewiap sop ain Anutugât den kulemgoyi bikje kârigewiap amâ hin,

<sup>55</sup>“Wei momogât pat kârikjeŋe yâgâte? Akto momogât pat agakje metje hamepje yâgâte? Amâ bo agep.”

<sup>56</sup>Amâ bâlejaet patjande âmâ momogât metje hamepje aktâp. Akto den kârikjeŋe amâ bâlejaet metje hamepje mem miawaktâp. <sup>57</sup>Dâ Anutuje Kumbu nenje Yesu Kristo agaŋdo manman gât kârikje mem miawaknengimapgât mepaije meniâm. <sup>58</sup>Aregât, galalupne, âlepje yeje kârikje akmâ tâlim kârigem kinbei. Akmâ Kembugât âi sop ârândânj kârikje agaŋmâ membei. Amâ Kembugât akmâ bunje bo akbiap hain nâŋgâm âi mem manbei.

### Yerusalem yeŋgât puli mem arim yeŋgiwerâm magep.

**16** <sup>1</sup>Akto Anutugât kâmot tânyeŋgune dâm puli katjetgât yu makbe. Nâje emelâk Galatia hânân malân sop ain kepia siâ siâ arim Yesugât kâmot puligât keje makyeŋgiân aregât hinje Yesugât kâmot yeŋgiwerâm menduguwai iregât den makyeŋgire nâŋgâm hainâk akbei. <sup>2</sup>Sonda ârândânj siâkâ ikiyeâk ikiyeâk tâwât dewunje Sonda ungunân meyi aregât dopjân nâŋgâwei. Nâŋgâm kinmâ bikje potatmâ heŋgemgom katbiâ emet yejân tatbiap. Hain gârâmâ hâmbâi nâ togowianân aregât bo undâgâtâmâ âmâ puli are dowâk mem miawakbai. <sup>3</sup>Akto hâmbâi nâ togore yejeak luâk bikje mem katyekbiâ luâk âlepje aregât kulem esenne yeŋgire Yerusalem luâk âmbâle umburuk manmai are yeŋgât okot âlepgât puli kali are yeŋgimbiâ ariwai. <sup>4</sup>Benje nâ olop arine dâre âmâ olop ariwaen.

**Pauloŋe yâk yengâlân ariwerâm sop kalep.**

<sup>5</sup>Galalupne togowian aregât keiŋe makyenŋiwe. Nâŋe Makedonia hânân arim kepiarŋe kepiarŋe âgâm bam gutmâ manmâ hân are hâtikowian aregâlâk nânŋân. Hain aktere bo akto âlepŋe yengâlân togo miawakbian. <sup>6-7</sup>Akto hinŋe sop tâlâwâk olop tatmâ ye konok bo yekberâm dowâk ariwian hain borân. Dâ Humoŋe âlepŋe makniŋbiap âmâ benŋe ye olop tatmâ manmâ âgâwian. Tatmâ mandere tânâk sopŋe bo akto benŋe are hamiŋân siângen ariwian. Ariwerâre yeŋe tân nugum maŋgan nekbiâ aregât kambiamne âlepŋe akto yâgâten me yâgâten dowâk âlepŋe ariwian. <sup>8-9</sup>Gârâmâ unjak Epeso kepiar âi humo tatniŋdâp âi ire mem âmâ makyenŋim mandere bunŋe miawakbiap aregât dop tatâp. Aregât nânŋât gasa dondâ yendâp. Are nânŋâm in tatere Heak giep aregât hilâm bo akbiap. Bo akto Makedonia ain arim manmâ manmâ hepunmâ yengâlân togowian. <sup>10</sup>Akto Timoteo âmâ hinŋe Humogât âi nunak meman yâk hainâk Humogât âi memap aregât hâmbâi âmâ yâk yengâlân togowiap. Togombo tângombiâ hutyeŋân biwi sânduk mem manbiap. <sup>11</sup>Hain gârâmâ yengâlân gâtŋe yâkgât nânŋâmbiâ yânŋe akto hamep bo agaŋbei. Dâ Paulogâlân âlepŋe ariwian dâambo âmâ yeukŋe ketugum benŋe hâmbâi dâp mem kalaŋbiâ yâk akto Yesugât kâmot bikŋe nânŋâlân togowei. Are lâmgoân aregât laune lokom tângombiâ biwiŋe sândugembo bikŋe olop nânŋâlân togowei.

<sup>12</sup>Akto galanenŋe Apolo yâkgât den pat amâ hin. Nâŋe sop kâlep goaŋmâ hin magaŋân, “Yesugât kâmot bikŋe Korinti kepiar ariwerâm aktâi aregât gâ yâk olop ariwei.” dâre borâm kârikŋe aktâp. Dâ hâmbâi yâkŋe sop ekto âlepŋe akto yengâlân togowiap.

**Den bâiŋe.**

<sup>13</sup>Galama, ye ekmâ heŋgemgom Humogâlân biwiyeŋe kârikŋe katmâ manbei. Akto gasa yengât bo hamep akmâ âi mem kârikŋe akmâ tatbei. <sup>14</sup>Wan me wan hârok memberâm âmâ are amâ galalupyenŋe akto Anutu agak meme biwi waŋ waŋân okot âlepgât membei.

<sup>15</sup>Akto yengâlân gâtŋe siâ kotŋe Stepana akto yâkgât kâmotŋe Akaia hânân yâkŋe soŋ biwiyeŋe Yesugâlân kali. Akto sop ainba ukenyeŋe akmâ Yesugât kâmot tânyenŋum âgâyi. <sup>16</sup>Nâŋe ye luâk hainare amukyeŋân tatŋet dâm goaŋyektân. Akto galalupne luâk dondâŋe kârikŋe akmâ âi memai yâk yengât amukŋân manbei.

<sup>17-18</sup>Akto ye nâ olop bo tatâi aregât kambiamne indeâp gârâmâ luâk âlâwu kotyeŋe Stepana akto Potunato akto Akaiko biwiyeŋe mem sândukŋe ketugumai aregât biwine âlepŋe akto heronŋe dondâ nânŋân. Hain gârâmâ ye hanâk luâk hainare yengât amukyeŋân manbei.

<sup>19</sup>Akto Yesugât kâmolân gâtŋe Asia in manmai arekŋe yengât nânŋâmbiâ heronŋe akmap akto luâk âmbâi lâuwâ kotyetŋe Akuila

akto Pirisila akto Yesugât kâmot emet yetɲân âgâm mindugum kinmâ Anutugât pat makmai are Kembugât akmâ egâlianj dondâ akyenɲiâi. <sup>20</sup>Akto areâk bo. Nen ire hârok biwinenɲe Yesugâlân kalion nenɲe yengât heronɲe maronɲe akmaen. Akto ye Anutugât luâk âmbâle aregât maɲgan akbei.

<sup>21</sup>Akto emelâk maktân are maktere luâk siâɲe kulengoâp. Dâ den bikɲe ire âmâ Paulo nunak okot nâɲgâyenɲiân aregât bâtnande kulengoân. <sup>22</sup>Akto luâk âmbâle siâɲe Humonenɲaet okot âlep bo waɲbiap Anutuɲe yâk hilip kowiapgât ulilaɲdân. O Humonenɲe gâ dowâk togowen. <sup>23</sup>Humonenɲe Yesu Kristonɲe damunyeɲe akmâ okot âlep akyenɲim memeɲe akyenɲiâkgât ulilaɲdân. <sup>24</sup>O Galalupne, ye Yesu Kristogât kâmot aregât yengât okot âlep dondâ nâɲgân.

# 2 Korinti

---

**Paulo Yesugât hoŋ manminep.**

**1** <sup>1</sup>O galalupne, nâ Paulo akto galanenŋe Timoteo kulem esenŋe ire Anutugât luâk âmbâle Korinti kepian mandâi yengât kulemgoet. Ye kulem esenŋe ire oyaŋmâ metem âmâ Anutugât luâk âmbâle Akaia hânân mandâi are yengimbiâ oyaŋbai. Akto nâmâ Yesu Kristogât hoŋ bawa aregât aposologât âi Anutuŋe makmâ katnegep. <sup>2</sup>Ewenenŋe Anutu akto Humonenŋe Yesu Kristo yâkŋe biwiyenŋe yâkgâlân kali are biwiyenŋe sândugeâkgât wâtŋe akyengim damunyenŋe agetgât ulilandân. <sup>3</sup>Nen Anutu Humonenŋe Yesu Kristogât Eweŋe yâkgât kotŋe mem agatbaen. Yâkŋe damunnenŋe akto biwinenŋe sândugemap. Akto okot nâŋgâ nengimap. Akto biwinenŋe mem sândukŋe ketugumap. <sup>4</sup>Hain akmâ hâk hilâlâm keiŋe keiŋe mem limbâpnengumap. Akto Anutuŋe mem limbâpnengumapgât limbâp arekŋe nen hain agâk gala bikŋe hâk hilâlâm keiŋe keiŋe kâlegen manbiâ âlepŋe mem limbâpyenŋuwaen. <sup>5</sup>Akto Kristo nengât hâk hilâlâm nâŋgâep hainâk yâkgât âi memaen aregât hâk hilâlâm dondâ nâŋgâmaen. Hain akmâ âmâ benŋe Kristogât akmâ wâtŋe miawaknengimbo biwinenŋe sândugembo umatŋe are lokomaen. <sup>6</sup>Galama, nengâlân umatŋe miawakmap arekŋe âmâ ye biwi sânduk miawagâkgât miawaknengimap. Dâ biwi sânduk miawaknengimap are gai yengât akmâ miawaknengimap. Aregât biwi sânduk nengâlân miawagep arekŋe yengâlân hâtikom tânyengumbo benŋe umatŋe nengâlân miawakmap a hainâgâk yengâlân miawakto amâ hâk hilâlâmŋe biwi sânduk nâŋgâŋetgât miawaknengimap akto ye gai miawakyengimap. <sup>7</sup>Aregât nen yengât hanoko bo akmâ hin nâŋgâmaen. Hâk hilâlâmŋe umatŋân nen manmaen ye gai manmai aregât Anutuŋe biwinenŋe mem yeugenengimbo biwinenŋe sândugemap ye gai yeugeyengimbo biwiyenŋe sândugemap a nâŋgâm kârigemaen.

**Kembuŋe Pauloma umatŋânba mem olonŋegep.**

<sup>8</sup>O galalupne, nen Asia hânân hâk hilâlâm kakŋân manmâ gayion aregât pâpkowâigât makyengire nâŋgâŋet. Nen Asia hânân mandenŋe

umatŋe dondâŋande mem ge kat nenegep. Akto arekŋe nengât kârikŋe are ewangimbo wâtneŋe gembo nen âmâ mombaen me gain o dâm nâŋgâyion. <sup>9</sup>Akto ire emelâk momogât pat akten dâm hannenŋaet kârikŋe are hulaŋep. Are âmâ yân bo miawaknengiep. Nen nenŋaet kârikŋe nâŋgâenŋe gembo Anutu momoŋe mem golâ katyekmap yâk konok nâŋgaŋmâ tânnenguwen dâm ulilaŋnegât are miawaknengiep. <sup>10</sup>Umatŋe bâleŋe miawak nengimbo momberâm aktenŋe ainâk tân nengumbo bo agep. Aregât hâmbâi gai umatŋe siâ miawakto tân nengumbo bo akbiap aregât keiŋe nâŋgâenŋe biwinenŋe sândugewiâp. <sup>11</sup>Akto yekâ hainâk nengât Anutu ulilaŋbei. Hain akbiâ âmâ Anutuŋe den nenŋe dondâ are nâŋgâm wâtŋe aknengimbo aregât ulit dondâgât den pat sambelembo Yesugât kâmot hânŋe hânŋe manmai arekŋe den are nâŋgâm Anutu mepaiŋe mem agatbai. Are bunŋe agâkgât Anutu nengât ulilaŋbei.

### Pauloŋe Korinti gâtŋe bo heyenŋiep.

<sup>12</sup>O galalupne, nen wangât nâŋgâm heroŋe akmaen? Hin. Nenŋe luâk âmbâle hânŋe hânŋe manmai akto Korinti yeŋgât dewunyeŋân agak meme âlepŋeâk mem manmaen aregât heroŋe akmaen. Dâ areâk bo. Anutuŋe okot nâŋgâ nengiepgât hâkgât nâŋgâ nâŋgâ are bo nâŋgâm âmâ agak meme âlepŋe akmâ Anutuŋe damun nenŋe akmap aregât biwinenŋân ârândâŋâk mem manmâ okot âlep akmâ tân yeŋgumaen. Aregât nâŋgâm heroŋe dondâ akmaen. <sup>13</sup>Akto den yeŋgât kulemgoyion keiŋe amâ bo heambukmâ tatâp aregât hin nâŋgâre humo aktâp. <sup>14</sup>Nengât keinenŋe bikŋeâk nâŋgâi gârâmâ Humonenŋe Yesu are lâuwâŋe purikato nen manman âlepŋân manbaengât heroŋe akmâ manbeigât nâŋgâm heŋgemgowe. Akto nenâkâ hainâk ye heroŋe akmâ manbaigât nâŋgâm heroŋe akten.

<sup>15</sup>Akto yeŋe Anutugâlân biwiyenŋe kali akto siân biwiyenŋe hainâk kinbiapgât are nâŋgâm aregât yekberâm agân. <sup>16</sup>Akto ulikŋân Makedonia hânân ariwerâm ain hin nâŋgân. Nâ Makedonia dâwân ariwerâm getek kepia Korinti ain âgâm Yesugât kâmot yekbian. Yekmâ arewa Makedonia hânân ariwian. Nâ ain âgâm Yesugâlân gâtŋe yekmâ ainba purik katbian âmâ hainâk ulikŋân nekmâ heroŋe agi hainâk nekmâ heroŋe akbaigât nâŋgâm yektere Yudaia hângât dâp ain katnekbai hain nâŋgân. <sup>17</sup>Akto hain nâŋgâm benŋe wangât bo togom yegân? Ye aregât hin dâyi, “Paulo amâ ikiŋaet nâŋgâ nâŋgâŋe watmap. Akto den han lâuwân makmap.” hain dâyi. Amâ hianŋiyi. <sup>18</sup>Dâ aregât keiŋe makyenŋire nâŋgâŋet. Anutuŋe han lâuwâ bo akmap yâk den bunŋe makmap. Aregât nen gai yeŋgât han lâuwâ bo akmâ den bunŋe makmaen aregât wan me wangât makmâ âmâ hainâk memaen. <sup>19</sup>Dâ areâk bo. Yesu Kristo Anutugât nanŋe yâkgât den ulikŋân nâ akto Sila akto Timoteo



nenje makyengiyion. Hin me hain mon? dâm bo makyengimaen. Bo. Kristogât akmâ bundâk dâmaen. <sup>20</sup>Akto hainâk Anutuŋe wan me wan nengât kârikŋe ketugu nengiwipgât dâm heronje are wan me wan Yesuŋe miepgât miawak nengiwip. Aregât nen Yesugât kâmolân gâtŋe Anutuŋe magep are kârikŋe agep aregât kotŋe mem agatmaen. <sup>21</sup>Galalupne, Anutu konokŋe ikiŋe âi nengiep ye akto nen hârok Kristogât akmâ nen Anutuŋe menenekmâ kârikŋe ketugu nenekmap. <sup>22</sup>Hain akmâ nâŋgât kâmot nâŋgâ niŋŋet dâm ikiŋaet Heakŋe hungun aŋdo tirip kat nengimbo nen hin nâŋgâmaen. Anutugât Heak âlepŋe arekŋe kautnenŋân menenekto nâŋgâen aregât wan me wan nengât dâm hâriep are siân bunewâk miawak nengiwip aregât nâŋgâen.

<sup>23</sup>Galama, nâ wangât bo togom yegân aregât lâuwâŋe makbe. Ulikŋân yekberâm akmâ hin nâŋgân. Nâ hinŋe arim âmâ Korinti gâtŋe yekmâ bâleŋe agi are den kom miwindik yekbiangât umatŋe miawak yengiwip. Are miawakbopgât hinŋe ain bo ariwiangât nâŋgân. Yu maktân are Anutuŋe nâŋgâm bunŋe dâp. <sup>24</sup>Gârâmâ nenŋe nâŋgâ nâŋgâyene kom miwindik yekbaen âmâ ainâk hâknenŋe bo mem agatbaen. Dâ yeŋe biwiyene Yesugâlân kali aregât heronje akbai dâm aregât mem kârikŋe ketugu yekmaen.

#### **Pauloŋe Korinti kepien bo purikalep aregât keiŋe magep.**

**2** <sup>1</sup>Akto biwinânâk âmâ hin nâŋgân. Ulikŋân Korinti kepien arim makyengire umatŋe miawakyengiep. Are lâuwâŋe miawakbopgât aregen hinŋe bo ariwian. <sup>2</sup>Ariwian âmâ galalupne okot âlep niŋmai are kambiamyene bâliwopgât hinŋe bo ariwian. Ye bâlimbiâ âmâ nâ gain akbian? Hain nâŋgâm aregât bo togom yegân. <sup>3</sup>Gârâmâ siân togowian dâm ain galalupne yeŋe okot âlep akmâ agak meme âlepŋe akmâ tân nugumai dâm kulem esenŋe kulemgom katere togombo emelâk oyanj. Kulemgom ain âmâ yeŋe nâŋgât akmâ heronje akbaigât nâŋgâm hengemgoân. <sup>4</sup>Akto kulem esenŋe kulemgoân sop ain âmâ hin nâŋgân. Ye biwiyene umatŋe akmâ bâliwopgât akto yengât okot nâŋgâyengiman are nâŋgâŋet dâm yengât akmâ tepne bâlimbo hâk hilâlâm owâiŋe bo nâŋgâ yengim kinmâ dewunne tuŋe gembo indem kinmâ kulemgoân.

#### **Galayene yâk yengât dosa hepunbei dâm magep.**

<sup>5</sup>Hain kulemgoân gârâmâ dondâ maktere bâliwopgât getek makbe. Yengâlân gâtŋe siâŋe bâleŋe agep aregât nâ biwinân getek umatŋe miawakniŋep. Amâ ye âmâ biwiyene umatŋe agâkgât mângiyengiep. <sup>6</sup>Ye biwirâ mem miwindikmâ wan me wan agaŋi are nâŋgâre bo aktâp. <sup>7</sup>Hinŋe yâkgât dosa hepunmâ biwiŋe mem sândukŋe ketugunet. Hain akbiâ luâk aregât biwiŋe umatŋe arekŋe mem ge katbop. <sup>8</sup>Aregât nâŋe goanyektere luâk bâleŋe agep are yâkgât okot âlep are akmâ manŋanŋet.

<sup>9</sup>Akto kulem esenŋe ulikŋân kulemgoân amâ ye dop yeŋguân. Ye âlepŋe nânŋât lau watmai me bo dâm kulemgore oyaŋmâ lokom luâk bâleŋe are heŋgemgoyi. <sup>10-11</sup>Dâ hinŋe laune lokom luâk aregât dosa hepunaŋbiâ nâkâ hainâk Niambi gulip akŋet dâm mem ge kat nenekto aŋun aŋgiwâengât dosaŋe hepunaŋdân. Niambiŋe Yesugât kâmot gulip akŋet dâmap aregât keiŋe nânŋâmaen. Aregât yeŋgât akmâ Kristoŋe nânŋâambo âlepŋe agâkgât luâk aregât dosaŋe hepundân.

**Paulo Troa kepiân biwi umat miawagaŋep.**

<sup>12</sup>Galalupne, nâ hân siân siân ariân aregât keiŋe makyenŋgire nânŋâŋet. Nâ ulikŋân Troa kepiân âgân ain Humonenŋe Kristo arekŋe meme akniŋmâ luâk âmbâle dondâ meme akyenŋimbo Kristo heŋgem nenguep aregât keiŋe nânŋâwerâm nânŋâlân togoyi. <sup>13</sup>Hain akbiâ makyenŋiwerâm âmâ galane Tito are bo mem miawaktere biwine umatŋe akto bo makyenŋim âmâ hepun yekmâ Makedonia hânân ariân. <sup>14</sup>Yoe, Anutuŋe Kristogât âi luâklupŋe nen buŋam kom mem miap pannenekmap. Hain aknengimbo pat âlep denŋaet higenŋe âlepŋe mem sambeliŋne liwalakmâ hân ârândâŋ arimap. Aregât mepai humo agaŋbaen. <sup>15</sup>Nen Kristogât higen suk suk akmaen aregât luâk Anutuŋe heŋgemgo yekbiap are makyenŋienŋe manman âlepŋe miawakyenŋimap. Dâ luâk bikŋe makyenŋienŋe hilip agu agugât miawakyenŋimap. <sup>16</sup>Hilip agu agugât ambolupŋe higenŋenŋande oloŋyekmâ momo higenŋe akmâ yeŋgimbo momai. Dâ manman âlepŋe aregât ambolupŋe oloŋyekmâ manman higenŋe akmâ ewum goaŋyekto manmai. Âi are amâ niŋande mendo ârândâŋ akbop? <sup>17</sup>Luâk dondâ arim hanâk hanâk puligât ulityenŋim Anutugât den arim makyenŋimai nen dop hainâk bo akmaen. Nen âmâ biwinenŋe irakŋe akto Kristo olop biwinenŋe konok akto Anutugât dewunŋân kinmâ Anutugât den âlepŋe are makyenŋimaen. Aregât kârikŋe Anutuŋe nengimap aregât Anutugât mepaiŋe mem nânŋâmaen.

**Anutugât hoŋ bawa yâk yeŋgât den pat.**

**3** <sup>1</sup>Akto ya kulemgoân are âmâ nânŋât nânŋâ nengimbiâ humo agâkgât kulemgoân mon? Bo. Hinŋe luâk bikŋande âiyeŋe keiŋe ekmâ nânŋâŋetgât kulem esenŋe kulemgoyi are mem hekat yeŋgiyi are nen âmâ hain bo akmaen. Nen âmâ kulem esenŋe siâŋe me yeŋe kulemgoyi are bo mem manmaen. Nengât âi siânbaŋe ekmâ nânŋâŋetgât amâ ye agak meme âlepŋe memai are yeŋgât ekmâ nânŋâmai. <sup>2-3</sup>Akto kulem esenŋe aregât keiŋe den dopŋe siâ makbe. Luâk den keiŋe hekat nengimai arekŋe âi nenŋe âlepŋe are oyaŋmâ nânŋâŋet dâm humomolupyeŋande kulem esenŋe kulemgom yeŋgimbiâ are mem arim makyenŋimai. Akto ye kulem esenŋe are oyaŋmai akto kulem esenŋân

gâwu kulemgomai amâ yân. Akto nen hain bo akmaen. Nengât kulem esenŋe amâ yeŋe dop akmai are akto gâwu bo akto kulem esenŋe bo. Nen gâwu mem kulemgomaen dop hainâk Kristogât den makyenŋimaen akto kulem esenŋe kulemgomaen dop hainâk den makyenŋienŋe biwiyenân miawakmap. Akto Anutu manman kârikŋe amboŋe arekŋe ikiŋe Heak âlepŋe huŋgun aŋdo han biwiyenŋe mendo agak meme siâ akmai aregât den pat luâk âmbâle dondâ yekmâ nengât âi keiŋe nânŋâmai. Akto ulikŋân Mose amâ den kârikŋe kâlân kulemgoep amâ nen hain bo akmaen. Biwiyenân den nenŋande gembo agak memeyenŋe âlepŋe miawagep are amâ nengât kulem esenŋe hinare.

<sup>4</sup>Akto nen nânŋâ aŋgienŋe humo aktâp amâ Kristogât akmâ Anutuŋe nenekto âlepŋe akmap. <sup>5</sup>Amâ nenŋe nengât keinenŋe maktenŋe bunŋe miawakbiapgât kârikŋe bo tatnengimap. Dâ siâ me siâ mendenŋe âlepŋe akbiap amâ Anutuŋe meme wâtnenŋe nengimap hârok. <sup>6</sup>Akto nengât âi amâ den areâk bo. Anutugât Heak âlepŋande memeŋe aknengimbo den pat âlepŋe makyenŋienŋe manman âlepŋe miawak yeŋgimap. Dâ den kârikŋe bunŋe mem arekŋe manman kârikŋe bo miawak yeŋgimap. Dâ den kârikŋe nânŋâmbiâ Anutugât Heak âlepŋande meme akyenŋimbo ain manman âlepŋân manmai.

<sup>7</sup>Akto den kârikŋe aregât keiŋe makyenŋire nânŋâŋet. Ulikŋân Anutuŋe den kârikŋe kâlân kulemgoep amâ momogât pat. Hain akto Mosenŋe ekto kulemgom metembo kât are lokom gem Israe luâk âmbâle mem oloŋ yegep. Hain akto Anutuŋe den kulemgombo egep aregât enem dewunŋe pagaleŋe akto Israe luâk âmbâleŋe Mosegât enem dewunŋe ekbiâ dewunyeŋe hilâlâm yeŋgimbo bo egi. Gârâmâ pagaleŋe are sopŋe sopŋe tatbiapgât dop bo. <sup>8</sup>Aregât Anutugât Heak âlepŋe arekŋe wan me wan nengât miawaknengiwiap aregât pagaleŋe kârikŋe amâ humo dondâ yem amâ bo boakbiap arekŋe amâ den kârikŋe ewangimap. <sup>9</sup>Are lâuwâŋe makbe. Den kârikŋe miawagep ainâk lokowaengât dop bo tatnengiâp. Aregât Anutuŋe den âiân katnenekbiapgât dâp miawagep. Dâ hinŋe Yesuŋe bâleŋe agion aregât dosanenŋe mendo Anutuŋe ye dosa luâk bo dâm nengonlep aregât pagalenŋe den kârikŋaet pagaleŋe ewangimap. <sup>10</sup>Aregât ulikŋân den kârikŋe amâ pagaleŋe kârikŋe kilep amâ Yesuŋe miawakto den kârikŋe aregât pagaleŋe bo agep. <sup>11</sup>Akto areâk bo. Mosenŋe den kârikŋe pagaleŋe yogan tatminep aregât kârikŋe bo agep. Dâ Yesuŋe nengât wan me wan miep amâ yoganŋe bo. Are pagaleŋe bunŋe akmâ yem âgâwiap aregât kârikŋe humo akmâ tatmâ âgâwiap.

### **Anutuŋe pagaleŋe nengimap.**

<sup>12</sup>Yu kulemgoân are nânŋâm biwinenŋe heronŋe humo akmaen. Hain akmâ Anutuŋe denân bo katnenekbiapgât den pat âlepŋe kepianŋe kepianŋe

hârok hamep bo akmâ makyengimaen. <sup>13</sup>Dâ ulikjân Mose ikiñe enem dewunñe pagaleñe bo akberâm agep are Israe luâk âmbâleñe ekbâirâm ikiñe enem dewunñe tigiep. Aregât dop nen hainâk bo akmaen. <sup>14</sup>Akto areâk bo. Ulikjân Yuda nengât hakulupnenñe Moseñe makyengimbo Israe luâk âmbâle ainâk biwiyenñe kârikñe akmâ katipñe katipyenguepgât den are bo nâñgâm heñgemgoi. Israe luâk âmbâle ulikjân hainâk akmâ gam gam yu miawaktâi ire amâ hainâk Mosegât den oyañmâ katipñe hainare katipyenguepgât bo nâñgâmai. Aregât katip are yân bo hulañ akbiap. Kristo konokñe mem hulañbiap. <sup>15</sup>Israe luâk âmbâle Mosegât den keiñânbak oyañmâ bo nâñgâm âmâ tatmâ gambiâ gambiâ yu miawaktâi yâk yengât hanyenñe katipñe olowâk akmaigât den bo nâñgâmai. <sup>16</sup>Hanyenñe purikatmâ kembu mete katbiâ arekñe katip are hulañyengiwiap. <sup>17</sup>Akto Humonenñe ikiñe Heak Amboñe kautnennjân mendo owâiñân mendenñe wan me wan âlepñe miawaknengimap. <sup>18</sup>Akto areâk bo. Nen âmâ dewunnennjân katip bâlâk akmâ Humonenñaet pagaleñe Heak kârikñe are ekmâ kindenñe ketugu nenekto ikiñe towat miawaknengimbo manmâ manmâ âgâenñe pagalenenñe humo akmâ sambelem âgâmap. Are âmâ Heakgât kulem.

#### **Anutugât pat âlepñe amâ geñe bâlâk.**

**4** <sup>1</sup>Akto Yesugât den pat makyengimaen nen âmâ Anutuñe okot nâñgâ nengim âi ire nengiep. Anutuñe okot nâñgâ nengim âi ire nengiep aregât biwinenñe bo bâliwiap. <sup>2</sup>Hain nâñgâm wan me wan bâleñe are hami panmâ hâkân akmaen. Akto hiangigât agak meme are hepunmâ Anutugât den are mem siâ siâ bo akmaen. Bo. Nenñe den are oyañmâ keiñe wan me wan miawakto are hanâk tek tekñân makyengimaen. Hain akmâ Anutugât dewunñân kindenñe huragumbo luâk âmbâle den pat bunñe are hanâk hanâk makyengimaen are nenekmâ biwiyengân nâñgânengimbiâ ârândân akmap. <sup>3</sup>Akto luâk âmbâle bikñe are hememgât dopñân manmai arekñe âmâ den nenñe bo nâñgâmai. <sup>4</sup>Luâk âmbâle are amâ hân iregât damunñe yogañe akmap arekñe, pagalenñân gâtñe yâkgât den pat are nâñgâwâi dâm nâñgâ nâñgâyenñe gisap kombo dennenñe bo nâñgâmai. Amâ den pat are âmâ Kristo Anutugât dopñe akmâ pagalenñân gâtñe yâkgât den nâñgâwâi dâm nâñgâ nâñgâyenñe gisapkomap. <sup>5</sup>Akto nen âmâ nennjaet keinenñe bo makyengimaen. Bo. Nen hin makmaen. Yesu Kristo amâ Humonenñe dâmaen aregât nen âmâ yengât âi luâk manmaen. <sup>6</sup>Akto Anutu ulikjân, “Hândâk kâlegen pagaleñe miawagâk.” dâmba miawagep arekñe han biwi nâñgâ nâñgânennñe hulañe akto hândâk kâlegen malion nen Kristogât enem dewunñe ekmâ âmâ Anutugât pagaleñe a egion.

#### **Paulo umatñe miawagañdo nâñgâmba tânât agep.**

<sup>7</sup>Nengât biwinennjân den âlepñe tatmap amâ umbâ hânñe mângimai dop hainâk. Haingât nenñe kâriknennjân âi are bo mem manmaen.

Anutugât kârikņeņe kârikņe siâ hârok ewangimap are mem manmaen. <sup>8</sup>Umatņe miawak nengimap aregât keiņe amâ hin. Umatņe are bikenba bikenba miawak nengimbo gain gain akmâ manbaen dâenņe âmâ umatņe arekņe nen bo hilip nengumap. Akto umatņe arekņe nâņgâ nâņgânenņe tigimbo han undup akmaen amâ nâņgâ nâņgânenņe are dondâ bo bo akbiap. <sup>9</sup>Luâkņe wan me wan bâleņe aknengimbiâ benņe Anutuņe bo hepun nenekmap. Luâk bikņande nengumbiâ ge yemaen dâ amâ bo bâlismaen. <sup>10</sup>Hilâm ârândâņ Yesuņe hâk hilâlâm nâņgâm moepgât tirip are mem manmaen gârâmâ Yesuņe ikiņe manman âlepņe nengimbo hâknenņe hutuk âgâambo âmâ bikņande nenekmâ Yesugât manmanņe hâknenņân ekmai. <sup>11</sup>Akto nen âmâ Yesugât âi memaen aregât Yesugât pat sambelem ariâk dâm aregât hâk hilâlâm nâņgâm bâsok momaen. Gârâmâ Yesuņe wâtņe aknengimbo manmaen are luâk âmbâleņe hârok ekņet dâm âi humo mem manmaen. <sup>12</sup>Aregât hin. Nengâlân âmâ momoņe âi menenekmap. Dâ yeņgâlân âmâ manman golâņe meyekmap.

<sup>13</sup>Ulikņân Anutugât Heak âlepņe arekņe luâk siâ meme agaņdo kep keņgu siâ kulengoep aregât bikņe hin, “Biwine Anutugâlân kalân arekņe hâwât nekto dowâk owâiņeâk makyeņgiwe.” hain kulengoep. Akto nen hainâk Anutugât Heak âlepņe arekņe meme aknengim arekņe hâwât nenekto nâņganmâ dowâk owâiņeâk makyeņgimaen. <sup>14</sup>Akto nen âmâ wangât âi humo mem hâk hilâlâm nâņgâm hanâk dâm makyeņgimaen? Hingât. Anutuņe Humo momoņânba mem oloņdo agalep yâkņe âmâ nen akto ye hainâk oloņ nenekto agatenņe Yesu olop manmâ âgâwaen hain nâņgâmaen. <sup>15</sup>Anutugât han kalemņe sambelembo Anutugât mepaiņe mem manmaigât kâmot arekai sambelemap. Arekņe yeņgât akmâ miawakmap.

<sup>16</sup>O galalupne, aregât siâkâ makbe. Umatņe miawak nengimap aregât keiņe yu kulengoân arekņe hâknenņe mem ge katmap. Hain akto âmâ hanâk biwinenņe âmâ hilâm ârândâņ kârikņeâk kilâkgât Anutuņe tân nengumap. <sup>17</sup>Akto nengât umatņande amâ yogan owâiņe akto arekņe egâlianġ umatņe tatmâ kârikņe akmâ âgâwiap are nengimbo ârândâņâk tatnengimap. <sup>18</sup>Aregât nen âmâ siâ me siâ hânân miawakmap are bo ekmâ manmaen. Bo. Siâ me siâ tiwâk yemap aregât eknerâm manmaen. Amâ wan me wan ekmaen are amâ yogan. Dâ bo ekmaen are âmâ kârikņe tatmâ yembiâp aregât aregâlâk ekmâ âsim kinmâ manmaen.

### Iren hân yoganġân manmaen.

**5** <sup>1</sup>Nen hin nâņgâmaen. Hâknenņe amâ hân uliginenņe hainare tâmbâņe ire torokto Anutuņe himbimân emet kârikņe siâ mem peniaņmâ nengiwiap emet are luâk bâtyeņande bo mâņgiyi aregât kinmâ kârigem kinmap. Akto kinmâ âgâwiap. <sup>2-3</sup>Akto nen hinņe hâknenņe ire mem meaņmaengât hâkâņe akmâ bâlâk kinbâengât indem manmâ

âmâ hâknenne irakne aregât ukenne nângâm Anutugât dewunjan hâknenne irakne mem kinbaen aregât nângâenne biwinenne herone akto lâmgom manmaen. <sup>4</sup>Hâknennaet uligiân manbaen ârandân tat tat urutenne ariâkgât manmaen yuyai olop manman are pandenne ariâkgât. Dâ hâk katipenne tâmbâne kotgânegât bo aknengimap. Are yendoâk irakne lugum nengimbo geâkgât aknengiwiap gât nângâenne humo akmap. Aregât momogât pat agak are manmangât patjande kawulâkgât manmaen. <sup>5</sup>Wan me wan âlepne miawaknengiâkgât mem umale aknengiep i are Anutuje hain aknengim dowâk Heak katnengim lugu nengiep.

<sup>6</sup>Hain nângâm nângâ nângânenne kârikneâk kinmâ âgâwaen. Akto nen hâknenne olop aregât hânân manmaen amâ himbimân Humonenne olop boâk manden. <sup>7</sup>Nen amâ Yesu nânganmaen dâ wan me wan dewunnenne ekmaen are amâ bo nânganmaen. <sup>8</sup>Benne nen nângâ nângânenne kârikneâk kinbaen. Akto hâk ire in hepunmâ âgâm amâ Humonenne olop manbaen dâenne biwinenne sândugemap. <sup>9-10</sup>Akto nen hârok wan me wan hânân ire mendenne aregât Kristone den makmâ kotgâ nenekbiapgât welam ginjan kinbaenan hâknenne olop hânân manmâ wan âlepne me bâleje meyiongât hâuje âlepne me bâleje nengiwiapgât manmaen amâ Kristogât kambiamne herone agâkgât ikije âi memaen. Akto mombaen sop ain amâ Yesugât kambiamne herone agâkgât kotje mem agatbaen.

### **Paulogât keije amâ hârokne nângani.**

<sup>11</sup>Akto Humonennande hâuje bâleje me âlepne nengiwiapgât aregât hamep akmâ hanâk luâk âmbâle makyengim hâwât yekmaen. Akto Anutuje wan dâep are hârok mendenne nenekmâ âlepne dâmap. Akto ye hainâk biwiyenân nângâm bunje dâi me? <sup>12</sup>Akto emelâk maktân are nângâm nengât kotnenne mem agatjetgât bo maktân. Amâ hingât maktân. Luâk bâleje bikje wan me wan ekmai aregâlâk nângâmbiâ humo akmap arekne wan me wan biwinenjan tatmap are nângâmbiâ gemap. Hain akto yengâlân togomai arekne yengumbiâ amâ nengât pat nângâm den hâuje makyengim mem ge kat yekbai aregât yu kulengoân. <sup>13</sup>Akto nenne ye herone akbaigât hain akmaen. Akto luâk âmbâle bâlejande nengât den nângâm hin dâyi, “Woe, Pauloma amâ sinduk akmai.” hain dâyi. Are amâ hanâk Anutugât âi mem malion aregât nângâm hain dâyi. Are amâ ukenyenjaet. Dâ nen amâ hanâk nângâ nângânenne hulaŋ agep aregât tân yenguwêrâm Anutugât âiâk mem agatbaen. <sup>14</sup>Nen hain aktenne Kristone okot nângâ nengim han kalemne arekne nen goanjenekto nen hin nângâm heŋgemgomaen. Yesuŋe ikiŋe hâkjaet bo nângâm amâ nengât dosa mem moep sop ainâk nenne yâkgât akmâ hainâk moyion. <sup>15</sup>Yesuŋe luâk âmbâle ukenyene watbâi dâm aregât moep. Mondo Anutuŋe Yesu momoŋanba goanjo agalep aregât nen

hâknennaet bo nângâm manbaen. Amâ Yesuŋe nengât akmâ moepgât nenŋe yâkgât akmâ manbaengât moep.

<sup>16</sup> Akto ulikŋân nen hângât pat mem manminionân ain âmâ hângât nângâ nângâ watmâ Kristo âmâ luâk yânŋe dâm nângâyion. Gârâmâ hinŋe, hain bo nângâmaen. Luâk âmbâle amâ hângât nângâ nângâgât pat bo nângâyion. <sup>17</sup> Amâ hin. Anutuŋe Kristogât akmâ âmâ irakŋe ketugunenegep. Agak meme tâmbânŋande katip nenguep ainba oloŋnenekmâ dâp irakŋân katnenegep. <sup>18</sup> Are amâ Anutu konok yâkŋe nângâm heŋgem nengiep arekŋe ulikŋân nengât bâleŋe aregât kuk nengim nanŋe huŋgun aŋdo gembo kuk are yâkgâlân kato moep aregât kuk are sândugembo nâ olop biwi konok akŋet dâm oloŋ nenegep. Dâ areâk bo. Anutu olop biwi konok akbaengât den pat makyenŋimaen aregât den pat nengiep. <sup>19</sup> Den pat aregât keiŋe hin. Anutuŋe hin nângâep, “Luâk âmbâle nâ olop biwi konok akbaen.” dâm dosayeŋe puliwiapgât Nanŋe huŋgun aŋdo gembo dosanenŋe yâkgâlân kato moep. Aregât Kristo dumnennân kilepgât den pat luâk âmbâle makyenŋiŋet dâm maknengiep. <sup>20</sup> Hain gârâmâ Kristogât akmâ lau lokom kinmâ Yesu nengât moep aregât den makyenŋimaen amâ hin. Anutu ikiŋak biwinnenŋân kinmâ luâk âmbâle yeŋgonmap aregât ye Korinti gâtŋe kulem esenŋe ire oyaŋdâi ye den ire nângâm heŋgemgom Kristo amâ nengât akmâ moepgât Anutu olop biwi konok akŋet. <sup>21</sup> Akto Anutuŋe dosanenŋe bo akto luâk âmbâle âlepŋe nengonberâm Yesuŋe agak meme bâleŋe me dosa bo akmap are mem âmâ dosanenŋe yâkgâlân kato dosa luâk hain are agep. Yâkŋe hain akto benŋe agak meme âlepŋe mem malep are nengâlân miawakto Anutuŋe nenekto huragumap.

**Aposoloŋe kembugât âi membiâ umatŋe siâ siâ miawakyenŋiep.**

**6** <sup>1-2</sup> Akto Anutuŋe makto Yesiaŋe kulemgoep bikŋe hin tatâp, “Humonenŋe hin dâep, “Nâŋe han kalemnaet sopŋe miawaktâpgât ulitniŋbiâ nângâyenŋiân. Akto heŋgemgoyenŋiân sopŋe miawaktâpgât tânyenŋuân.” dâep.”

are kulemgoep bunŋe akto Anutuŋe mem purik katnenekbiapgât sop akto nen Anutu olop den kârikŋe hin hâwâtyekne. Bâin. Uŋak amâ Anutuŋe heŋgem nenguwerâpgât sopŋe are Anutuŋe heŋgem yeŋguwerâp are hâkân akmâ bo panbai. Bo. <sup>3</sup> Nen luâkŋe âi meme nenŋe makmâ sârekowâigât akto âi mendenŋe nen ekmâ giriŋnengiwiâigât âi ârândânâk mem âmâ luâk âmbâle dop yeŋân kâwâwân kârâwâigât bo panmaen. <sup>4</sup> Bo. Nen Anutugât âi luâk manmaen nen hilâm ârândânŋ nenŋaet agak meme âlepŋe are mendenŋe luâk âmbâle hârok nenekbiâ ârândânŋ agâkgât âi bo memaen. Bo dondâ. Hin miawak nengimbo âi hanâk mendenŋe nenekbiâ ârândânŋ akmap. Umatŋe bâleŋe dondâ akto âiŋe humo akto wan me wan hâkoko olowâk are amâ bo hâkân



akmaen. <sup>5</sup>Akto gasaŋe bugâŋe nengumai akto kala busiân kat nenekmai akto ândenengim kot bâleŋe nengonmai, akto âi humo mem me sot bâlâk manmâ asiŋ bo yemaen, <sup>6</sup>arekŋe miawak nengimbo hanâk dâm âiâk mem agak meme âlepŋeâk mem âmâ nâŋgâ nâŋgâ âlepŋe are memaen. Akto kuk dowâk bo akmaen. Akto luâk âmbâle hârok agak meme âlepŋe akyeŋgim heŋgemgomaen. Akto Anutugât Heak kârikŋe arekŋe meme aknengimbo biwi konok akmâ manmaen. <sup>7</sup>Den bunŋeâk lau elek bo maktenŋe Anutugât kârikŋe miawakmap. Hain aktenŋe luâk âmbâle yânŋe nenekbiâ ârândâŋ akmap. Akto areâk bo. Tembe lokoŋe yeŋguwerâm akmâ unam tâwât mem arimai nenŋe hainâk bânneŋe biken ain agak meme âlepŋe mem Anutugât kârikŋân kinmâ makyeŋgimaen. <sup>8</sup>Akto luâk âmbâle bikŋe agak memenenŋe ekmâ ukenŋe nâŋgâm kotnenŋe mem agatmai. Dâ siânbaŋe nenekbiâ bâlimbo kotnenŋe mem ge katmâ den bâleŋe magaŋgi nengimai. Akto nengât den bunŋe are siânbaŋe nâŋgâm hiaŋgimai dâmai. <sup>9</sup>Akto hânân luâk âmbâleŋe bonâŋgâ nengimai. Dâ Anutuŋe amâ nâŋgâ nengimap. Akto umatŋe humo miawakto bâsok mondenŋe ainâk Anutuŋe meme aknengimbo âlepŋe manmaen. Akto gasalupnenŋande moŋet dâm tâk dâtâ dâtâŋe ore nenekbiâ Anutuŋe damunnenŋe akto bo moyion. <sup>10</sup>Nen okot umburuk aknengiŋande hanâk biwi kauân manmaen. Umburukŋe hanâk luâk biwirâ heŋgemyeŋgumaen. Siâ me siâ mesakmaen amâ hanâk unsambe humo olop manmaen.

<sup>11</sup>O galalupne Korinti gâtŋe, nenŋe tek tekŋân makmaen amâ ye okot dondâ akyeŋgimaen. <sup>12</sup>Akto biwinenŋe bo gangerâmaen. Dâ yeŋe amâ biwiyenŋe gangerâmai aregât nen olop agak memenenŋe konok bo aktâp. <sup>13</sup>Akto apoŋe nanlupyenŋe makyeŋgimai dop hainâk hin makyeŋgiwe. Nen agak meme wan me wan ire akyeŋgimaen aregât yekâ hainâk nen okot âlep nâŋgâ nengiwei.

### **Bâleŋe akto âlepŋe gala konok bo akbat.**

<sup>14</sup>O galalupne, ye amâ luâk âmbâle biwiyenŋe Yesugâlân bo kali are yeŋgât agak meme are amâ siânŋe ye yâk olop biwi konok bo akbei. Akto agak meme âlepŋe akto bâleŋe amâ dopyetŋe konok mon? Akto hilâm hândâk amâ dopyetŋe konok mon? <sup>15</sup>Haingât Kristogât gasa kautŋe olop gain gain han konok akbiandat? Me Anutu nâŋgaŋmapŋe Anutu bo nâŋgaŋmap are gain gain ârândâŋ akbat. Bo. <sup>16</sup>Akto nen amâ Anutugât emet âlepŋe hainare akmaen aregât nen me luâk siânŋe lâpiogât kotŋe mem agatmâ are olop biwi konok bo akmaen. Akto nen amâ Anutu manman Amboŋaet emet âlepŋe aregât keiŋe makbe. Ulikŋân Anutuŋe makto Propete bikŋande hin kulemgoyi,

“Nâŋgât kâmolân gâtŋe ye olop tatmâ hutyeŋân bam gutbaen.

Akto nâ yeŋgât damunyeŋe akbian. Akto ye nâŋgât kâmolân

manbai. <sup>17</sup>Aregât nângât den bo nângâniñmai are hepunyekmâ yeñeâk manbei. Akto siâ me siâ bâleñe are mem bo howaiwai. Bo howaimbiâ âmâ âlepñe meyektere nângâlân dewatim manbai. <sup>18</sup>Hain akbiâ nâñe yengât Eweyeñe akbian. Akto nâñe ye nan baratlupnerâm yeñgonbian.” dâep. Humoñe hain dâep.

**Pauloñe Korinti yengât pat nângâm biwiñe heroñe agep.**

**7** <sup>1</sup>Galalupne, Anutuñe makmâ kalep ire nângâm hengemgom hâknenne akto biwinenjaet helen are hepunmâ Anutugât hamep akmâ agak meme âlepñe huragumap are membaen.

<sup>2</sup>Han nângâ nângâyene bo gangerâwei. Nen ulikñânbak luâk âmbâle bo akmâ bâliyion akto biwiyeñe bo mem helen akyeñgiyion. Akto siâ me siâ bo kâmbu meyeñgiyion aregât ye nengât nângâm biwiyeñande nengât okot âlep nângâwei. <sup>3</sup>Akto nâ ye hâkyeñe tunmâ bo maktân. Bo. Nâ emelâk hin maktân. Nen yengât okot âlep nângâmaen. Aregât umatñe miawakto bâsok mombiâ âmâ âlepñe nen gai hainâk bâsok mombaen. Akto wan me wan kârikñe nângâm heroñe akbiâ nen âkâ hainâk heroñe akbaen. <sup>4</sup>Ye biwiyeñe Yesugâlân kali hainâk manmâ âgâwai aregât agak memeyenjaet luâk âmbâle makyengim âmâ bo anjun anjiman. Akto nâ umatñe hinñe miawak niñdo yengât pat nângâm mârune humo nângân aregât biwine sândugemap.

<sup>5</sup>Galalupne, umatñe âgâlân miawaknengiep aregât keiñe makyengire nângâñet. Nen Makedonia hânân ain ari malion. Ain mandenñe nengâlân umatñe wan me wan dondâ nengâlân miawakto hâknenne bo hutuk âgâep. Akto hâknennân kuk humo miawaknengimbo biwinenñe hamep agep. <sup>6</sup>Hain aktenñe Anutuñe luâk âmbâle biwiyeñe umatñe are mem yeukñe ketugumap arekñe nengât biwinenñe sândugeâk dâm Tito huñgun anjo togom nengât biwinenñe mem giep. <sup>7</sup>Akto Titone nengâlân togom yeñe gala agañi aregât den pat maknengimbo nângâenñe biwinenñe sândugiep. Akto Tito togom yengât den pat maknengiep amâ hin. Yeñe nâ nekberâm kârikñe akmâ tatâi akto bâleñe agi aregât biwiyeñe indiep, akto nângât den amâ âlepñerâm nângât den pat are nângâne dâm magi aregât den pat maknengimbo nângâenñe nune biwine sândugiep.

<sup>8</sup>O galalupne, nâ âgâlân yengât kulem esenñe kulemgom katere yengâlân togoep arekñe biwiyeñe mem bâlimbo nângâre âlepñe agep. Âgâlân kulem esenñe pup pup oyañi ainâk kulem esenñe arekñe biwi umat ketuguyegep aregât nâkai biwine umatñe agep. Dâ hinñe bâleñeyeñe makmâ miawakmâ hepunmâ han biwiyeñe purik kali aregât nângâm heroñe aktân. <sup>9</sup>Akto nâ yengât biwi umat aregât heroñe bo âgân. Bo. Nen âmâ nângâ nângâyene âlepñe agâkgât Yesugât den pat makyengiyion amâ Anutu ikinjak biwi umat ire mem agat yengimbo

bâleŋe yeŋe makmâ miawakmâ hanyeŋe purik kali are nânġâm herone akmâ mâruân. Amâ dennenġande bo mem bâliyegepgât. <sup>10</sup>Akto agak meme ireġâlâk Anutuŋe makto umatŋe miawakmap arekŋe biwi umat mem miawakto bâleŋe nenŋe makmâ miawaktenŋe Anutuŋe mem heŋgemgo nenekmap are nânġâm biwi umat amâ âlepeŋe dâm nânġâmaen. Amâ siân nânġâenŋe bo bâliwiâp. Dâ hânġât luâk biwiyeŋe umatŋe akto bâleŋeyeŋe bo makmâ miawakbiâ amâ momogât dâp miawak yeŋgimap. <sup>11</sup>Ekŋet. Biwi bâle owâiŋande yeŋġâlân bunŋe dondâŋe umalâk mem miawagep arekŋe wan akyeŋgiep? Arekŋeak hâwât yekto Anutugât hamep akbiâ biwiyeŋe indembo agatmâ, “Paulo nengâlân togom heŋgem nenguâk.” dâm den heŋgemgoyi. Akto arekŋeak goaŋ yekto luâk bâleŋe agep are kukdâ aŋi. Hain akbiâ agak memeyeŋe âmâ tekteknân hain miawakto ârândâŋ agep. <sup>12</sup>Akto kulem esenŋe kulemgore oyaŋi are nâ luâk siâ akmâ bâlimbo areġât bo kulemgoân. Akto nâ luâk bâleŋe miep areġât bo kulemgoân. Bo. Anutugât dewunġân yeŋġât hin kulemgoân, yeŋe nengât akmâ biwiyeŋe humo yemap are nânġâŋetġât kulemgoân. <sup>13</sup>Areġât miawagâk dâm kulemgore oyaŋmâ nengât biwinenġande herone dondâ akto nânġâm herone dondâ agion. Herone akmâ biwinenŋe sândugiep.

#### **Korinti ġâtŋande Tito biwi âlepe agaŋi.**

Akto areâk bo. Yeŋe Tito gala agaŋbiâ biwiŋe hutuk âġâep. Hain akto Titone hepun yekmâ nengâlân togom den are maknengimbo herone dondâ agion. <sup>14</sup>Ulikŋân nâŋe Tito magaŋmâ yeŋġât agak meme âlepeŋe areġât pat magaŋân. Hain magaŋdere hepun nekmâ yeŋġâlân arimbo yeŋġât agak memeyeŋe magaŋân are bunŋe hainâk akniŋi dâm purik katmâ togom makniŋep. Hain makto nâŋe Tito magaŋân ina bunŋe agep areġât bo aŋun aŋiân. <sup>15</sup>Akto Titone yeŋe hârok yâġġât hamep akmâ dowâk launŋe lokoyi areġât nânġâm yeŋġât herone dondâ nânġâmap. <sup>16</sup>Areġât yeŋġât keiyeŋe nânġâre bunŋe akbiapġât pat nânġâm herone aktân.

#### **Makedonia ġâtŋande puli kali areġât den.**

**8** <sup>1</sup>Galalupne, hinŋe Anutuŋe ikiye kâmot Makedonia hânân manmai are damunyeŋe akto wan me wan miawakyeŋgiep areġât den pat makyeŋgire nânġâŋet. <sup>2-3</sup>Akto âġâlân Makedonia luâk âmbâle biwiyeŋe Yesuġâlân kali are umburuk dondâ mali. Hain akmâ herone humo agi. Hain akmâ Yesuġât kâmot siâ umburuk dondâ mali are yeŋġât den pat nânġâm okotyene nânġâyeŋgim tâwât dewunŋe han owâiŋeâk kârikŋe yeŋġât dop are ewangim katmâ menduguyi. Hain akbiâ umburuk dondâ miawak yeŋgiep. <sup>4</sup>Hain akto, “Hanâk kepia hârok hain agi areġât nen âkai âi are mem Anutugât kâmot umburuk dondâ

mandâi are tân yenguenŋe ârândân akbiap.” dâm hâwât nenekbiâ yâk yengât wan me wan hârok mem arim yengiyion. <sup>5</sup>Akto nen ulikŋân hin nânŋâyion, “Makedonia gâtŋe umburuk mandâi areyengât wan me wan are getegâk katbai.” dâm nânŋâyion. Dâ yâk Anutu Humonenŋe dâmai aregât launenŋe lokom wan me wan hârok kali. <sup>6</sup>Hainare gârâmâ Tito han kalem âi ire keiŋe kalep are goanŋdenŋe ye hutyenŋân wan me wan potatmâ kali aregât âi âlepŋe are mem metewiap. <sup>7</sup>Akto ye agak meme bikŋe emelâk âlepŋe dondâ akmai amâ hin. Biwiyeŋe Anutugâlân katbiâ tato nânŋâ nânŋâ yeŋe emelâk humo akto den pat âlepŋe makyengimai. Akto Anutugât âi memberâm kârikŋe dondâ akmâ nen okot nânŋâ nengim akmai. Akto aregât hainâk agak meme âlepŋe dondâ akmâ âi ire mem âmâ tâwât dewunŋe katmâ menduguwei.

**Korinti gâtŋande puli makmâ hâreyi are mem metenŋetgât magep.**

<sup>8</sup>Akto yu maktân are den kârikŋe katmâ bo hâwâtyektân. Nâ yengât han kalem gain gain yendâp akto bikŋande Anutugât pat akmâ âi mem manmai aregât keiŋe miawagâkgât maktân. <sup>9</sup>Akto areâk bo. Humonenŋe Yesu Kristo Eweŋe olop manmâ kotŋe siâ siâŋe hârok dondâ mem malep arekŋe okot nânŋâ nengim hanâk dâm hânân gem luâk umburuk hainare akmâ malep. Hain akto âmâ ye siâ siâ dondâ membaigât dâp miawakyengiep. <sup>10</sup>Ye hin akbiâ ârândân akbiapgât hin nânŋân. Ye hombaŋ amukŋân tâwât dewunŋe nenŋe katbaen dâyi aregât hinŋe âi are mem metewei. <sup>11</sup>Ulikŋân âi iregât ukenŋe nânŋâyî aregât ye dop yeŋânâk katmâ membiâ tâwât dewunŋe huragumbo umburuk dondâ arekŋe membai ain âmâ âiyeŋe bo akbiap. <sup>12</sup>Akto ye hain akmâ wan me wan tatyengîap aregât dopyeŋânâk katbiâ Anutuŋe agak meme aregât ukenŋe nânŋâwiap. Dâ ye wan me wan bo tat yengîap aregât Anutuŋe bo hâwât yekto katbai. Dopyeŋân katbiâ Anutuŋe ekto huraguwiâp. <sup>13</sup>Akto ye wan me wan tatyengîap a hârok katmâ yengimbiâ siânbaŋe dondâ akbiâ umatŋe miawak yengîwiap aregât bo kulemgoân. Bo. Ye akto siânbaŋe hârok dop konok akbaigât kulemgoen. <sup>14</sup>Akto hinŋe ye Yesugât kâmot hârok ârândânâk tatengât nânŋâm uŋak yeŋe yâk yengimbiâ âmâ benŋe siân yâkŋe wan me wan tân yenguwai are yengimbiâ ye membai. Agak meme ain âmâ ârândânâk akbai. <sup>15</sup>Akto aregât Anutuŋe makto Moseŋe hin kulemgoep, “Luâk siâ sot dondâ miep are unsambeŋe bo akto âmâ ârândân agep. Dâ siâ getek miep are gai umburuk bo akmâ âmâ ârândân agep.” Akto den bunŋe agâkgât ye yengât bikŋe are mem yengîŋet.

**Tito akto galalogâtŋe okot âlep akyengîŋetgât magep.**

<sup>16</sup>Akto nâŋe yengât akmâ han kalem nânŋâyengîân. Anutuŋe dop hainâk okot âlepgât gala tân agu agu aregât âi Titogât biwiŋân totokombo biwiŋe agalep aregât Anutu mepaiŋe mendân. <sup>17</sup>Aregât gâ

ari Korinti gâtŋe yekben dâm maganŋenŋe âi aregât ukenŋe dondâ nânŋæp. Aregât Anutugât mepaiŋe mene. <sup>18</sup>Akto nenŋe galalogâtŋenŋe lâuwâ siâ hungun yetkire olop ariwai. Siâ amâ Yesugât kâmot hârokŋe, “Luâk ire den pat âlepŋe maknengimbo ektenŋe dâtŋe akmap.” dâmai. <sup>19</sup>Anutugât kâmotŋe luâk are yâk âmâ okot kaugât puli mem ariwaigât âi tânnenguâkgât mem kali. Âi are Kembu nânŋanŋmâ biwi owâiâk memaen. <sup>20-21</sup>Akto nen Humonenŋaet dewunŋân âlepŋe agâkgât konok âi ire bo memaen. Akto luâk âmbâle siâŋe pei nenekbâigât Anutugât pat dâm puli katmai âi are luâk âmbâle yeŋgât dewunyeŋân mem manmaen. Aregât siâŋe nenekmâ makmâ sârekowâigât puli humo are ârândânŋak yeŋgiwaen. <sup>22</sup>Haingât galanenŋe siâ yâk olop ariwai yâk âmâ hilâm dondâ âi wan me wan dop koenŋe âi miep are âlepŋe akmap. Akto hinŋe yâkŋe âmâ ye nengât launenŋe dowâk lokomai are yekberâm aktâp. <sup>23</sup>Akto galane Tito âmâ tân naguep arekŋe tân yeŋgumap. Akto luâk lâuwâ olop ariwai are Yesugât kâmot yâkŋe âi miet dâm hungun yetkimbiâ âi membela luâk âmbâle dondâ yelekmâ Kristogât kotŋe mem agatmai. <sup>24</sup>Aregât yâkŋe ye penâyengimbiân amâ okot âlepgât tân yeŋguwei. Akto yeŋe agak meme âlepŋe memai aregât keiyenŋe yâk makyenŋienŋe nânŋâyî den are bunŋe agâkgât ye tân yeŋgumbiâ Yesugât kâmot hârokŋe nânŋâmbiâ ârândânŋ akbiâp.

### Puli katmâ manŋetgât makyenŋiep.

**9** <sup>1-2</sup>Akto nânŋe Yesugât kâmot Makedonia hânân mandâi are hin makyenŋiân. Korinti Akaia hânân gâtŋe hombaŋ ulikŋân tâwât dewunŋe katberâm ukenŋe nânŋâyî. Hain dâm makyenŋire agak memeyeŋe nânŋâm hainâk tâwât dewunŋe katberâm ukenŋe nânŋâyî. Aregât yeŋgât biwiyenŋe âi iregât ukenŋe agâkgât lâuwânŋe bo kulemgowerân. <sup>3</sup>Gârâmâ nânŋe Yesugât kâmot Makedonia hânân manmai are hin makyenŋiân, Korinti gâtŋe emelâk wan me wan potatmâ katberâm agi dâm galalupne hungun yeŋgire togom agak memeyeŋe yekbai. Yekbiâ nânŋât den bunŋe akto heronŋe akbaen are miawagâkgât wan me wan nânŋâm heŋgemgoweï. <sup>4</sup>Dâ Makedonia gâtŋe siâ nâ olop togom yekbiâ bo heŋgem aguwai âmâ nâ gain gain akbaen? Nâ den magân are bunŋe bo akbai aregât aŋun aŋgiwaen. Akto yekâ hainâk aŋun aŋgiwai. <sup>5</sup>Aregât hinŋe galalupne bikŋe soŋ hungun yeŋgire yeŋgâlân togom okot âlepgât tâwât dewunŋe katbaen dâm makmâ hâreyi are bunŋe agâk dâm hâwât yekbai. Hain akmâ puliyenŋe bikŋe potatmâ katbiâ talep are hamiŋân nunak yeŋgâlân togom tâwât dewunŋe yeŋe emelâk menduguyi are katŋet dâre dowâk owâiŋeâk katbai. Hain akbiâ mem arim yeŋgiwian. Are âmâ bo hâwât yekbiangât.

<sup>6</sup>Hin nânŋâyeyewegât maktân. Luâk siâ âigât hâkânŋ akmâ siâ getegâk kâmetmâ âmâ sot bunŋe yendoân getek mem manbiap. Dâ luâk siâŋe âi

kalam umatŋe manbiapŋe bunŋe sopŋân umatŋeâk mem nembiap. <sup>7</sup>Akto ye siâkâ siâkâ ikiŋeâk ikiŋeâk biwiyenân nânŋâm heŋgemgowe. Aregât yeŋe yeŋgâlân bikŋe bo hâwât yekbai. Anutuŋe luâk âmbâle yeŋgiwaigât ukenŋe nânŋâmai are okot âlep akmâ tân yeŋgumap. Aregât bo hâwât yekbiâ siâkâ ikiŋak ikiŋak ukenŋe nânŋâm katbei. <sup>8</sup>Akto Anutuŋe han kalemŋaet akmâ wan me wan yeŋgimbo mem sambelem manbai aregât hinŋe hilâm ârândân wan me wan yeŋgâlân tatâp are potatmâ bikŋeâk âi âlepŋe siâ yeŋgiwaigât âiyeŋe âlepŋe sambelewiap. Are miawagâkgât Anutuŋe bo pâpkomap. <sup>9</sup>Aregât keiŋe Anutuŋe makto luâk siânŋe hin kulengoep,

“Luâk âmbâle bikŋande sot me wan me wan yeŋgimbiâ âmâ Anutuŋe agak meme âlepŋaet meme akyeŋgimbo agak meme âlepŋe akmâ âgâm manbai.” hain kulengoep.

<sup>10</sup>Anutuŋe han kalem akmâ kalam amboŋe alekŋe waŋmap me sot bunŋe me wan me wan aknengimap arekŋe yekai âi kalam kâmetgât alekŋe peniaŋmâ yeŋgim yeŋgât agak meme âlepŋe sambeleâk dâm meme akyeŋgimbo <sup>11</sup>hokboâk hokboâk han kalem akmâ wan me wan potatmâ katbiâ tato are nenŋe mem Anutugât kâmot umburuk are yeŋgienŋe mem âlepŋe manmâ Anutu okot âlep agaŋmâ mepai meañbai.

<sup>12</sup>Galama, yeŋe Anutugât kâmot wan me wan bo tatyenŋiâp are yeŋgimbiâ âiyeŋe ârândân aktâp. Gârâmâ areâk bo. Yeŋgiyiân ain bikŋande agak memeyeŋe ekmâ Anutu mepaiŋe mem manbiâ Anutu gâlân ârândân akmâ âgâwiap. <sup>13</sup>Hain akto ye Kristogât den pat âlep bo heambukmaigât lauŋe lokomai. Aregât keiŋe han kalem yeŋande mem miawakto Yerusalem kepia gâtŋe akto Yesugât kâmot bikŋe hârok yeŋgât han kalam agak memeyeŋe ekmâ Anutu mepaiŋe mem heronŋe agaŋbai. <sup>14</sup>Hain akmâ Anutuŋe yeŋgât han kalem ewangimapeŋe damunyeŋe akmapgât ekmâ han biwiyenande hikoyekmâ kinmâ yeŋgât akmâ Anutu ulilaŋbai. <sup>15</sup>Galama, Anutu han kalemŋe are gain gain makmâ miawakbaen? Aregât hanâk yei dâm mepaiŋe mem magaŋmâ âgâwaen.

#### Anutugât tembe saut lokom yeŋgumaen.

**10** <sup>1</sup>O galalupne, Kristoŋe amâ lumbe yeukŋe akyeŋgimbo yâkgât wâtŋân kinmâ yeukŋe akyeŋgiman. Aregât yeŋgât bikŋande hin dâyi, “Woe, Paulo amâ han lâuwâ akmâ togom benŋe yeukŋe aknengimap. Dâ kâlewângen manmâ amâ peinenekmâ kulengoep.” <sup>2</sup>Aregât siân togom peiyekbian. Dâ den are bo agâk dâm amâ dowâk agak memeyeŋe heŋgemgowe. Hain bo akbiâ amâ luâk bikŋande, “Pauloma amâ hânŋât nânŋâ nânŋâ watmai.” dâyi aregât denyeŋe kom miwindik yekbian. <sup>3</sup>Akto nenŋe hânân bam gutmaen. Dâ amâ hânŋât luâkŋe agumai hain bo agumaen. <sup>4</sup>Akto hânŋât luâk tembe saut lokom yeŋgumai. Dâ nen amâ hain bo akmaen. Nen amâ Anutugât wâtŋân

kinmâ Bâleŋe Amboŋe akto yâkgât sinduk baniara are yenguwêrâm manmaen. <sup>5</sup>Aregât arim luâk bikŋe Anutugât bo nâŋgâ aŋberâm akmai are arim makyengienŋe nâŋgâm ukenŋe bo akmai. Akto pâlâmŋe akmai. Akto luâk bikŋe Anutugât hâkân akmâ Anutugât den bo lokomai are agak meme âlepŋe akŋet dâm âi humo mem hâwât yekmâ makyengimaen. Amâ luâk âmbâle bikŋande hângâlâk nâŋgâmai are Kristoŋe damunyeŋe agâkgât makyengimaen. <sup>6</sup>Akto yengâlân gâtŋe bikŋande hinŋe launenŋe bo lokomai arekŋe kulem esenŋe ire oyaŋmâ agak meme âlepŋe akbai. Dâ bikŋande den nenŋe hâkân akmâ hângâlâk nâŋgâm manmâ âgâwai are nenŋe togom den makyengim miwindik yekbaen.

### Luâk bikŋande Paulogât nâŋgâmbiâ giep.

<sup>7</sup>Wan me wan siâ yu miawaktâp are ekŋet. Akto yengâlân gâtŋe bikŋande hin dâyi, “Kristoŋe emelâk damunnenŋe akmap.” dâyi. Luâk hain dâyi are hin makyengire nâŋgâŋet. Kristoŋe ye damunyeŋe akmap hainâk nen damun nenŋe akmap. <sup>8</sup>Akto areâk bo. Humoŋe hin maknengiep, “Korinti gâtŋe nâŋgât hârogâk nâŋgâwai.” dâm damun akŋetgât âi nengiep. Akto gulip akyengiwen dâm bo nengiep. Akto nâŋgât âi aregât âi mendere Anutuŋe ekto ârândân akmap aregât kotne bo mem ge katbei. Akto bo aŋun aŋgiân. <sup>9</sup>Gârâmâ kulemgore ekmâ hamewakŋetgât yu bo kulengoân. Bo. <sup>10</sup>Akto yengâlân gâtŋe bikŋande nâŋgâ yâkgât hin dâyi, “Woe, Pauloŋe den umatŋe kulem esenŋân kulemgom kato oyaŋdenŋe dâtŋe akmap. Dâ ikinjak togom maknengimbo âmâ den are nâŋgâenŋe âmâ yeukŋe akmâ yânŋe akmap.” nâŋgât hain dâyi. <sup>11</sup>Aregât siân yengâlân togowianân âmâ den umatŋe kulem esenŋân kulengoân are hainâk launân makyengire nâŋgâmbiâ dâtŋe akto hamep akbai. <sup>12</sup>Akto yeŋe hin akmai. Ye yeŋe dopyeŋânâk manmai. Yengâlân gâtŋe konokŋe amâ siâgât nâŋgâm agak meme are dop agumap. Hain akmâ kotyeŋe mem agatmâ yeŋaet nâŋgâ aŋgimbiâ humo akmap. Aregât ye sinduk akmai nâŋgân. Dâ nen âmâ hain bo akmaen akto nen yengât dop bo memaen.

<sup>13</sup>Akto nenŋaet dop horat aregenâk arim makyengimaen. Nen Anutuŋe âi nengiep aregâlâk nâŋgâm ari makyengimaen. Anutuŋe âi are âmâ hânŋe hânŋe hârok potatmâ nengiep. Ain horalân makyengimaen. Akto hainâk ye makyengiwaen aregât âi nengiep. Gârâmâ aregât kotnenŋe bo mem agatmaen. <sup>14</sup>Ulikŋân dowâk Anutugât launŋe lokom kâlêwângenba dowâk yengâlân togom makyengienŋe Yesugât keiŋe pup pup nâŋgâyi aregât âi memaengât hâk mem agat agatgât den bo makmâ sambelemaen. Dâ togom bo makyengiân dâine dennenŋe bunŋe bo akbop. <sup>15</sup>Gârâmâ âi are bo mem meteyion aregât luâk bikŋande âi mem meteyi yâk yengât âiân hanâk watmâ kinmâ aregât hâknenŋe bo mem agatmaen. Bo. Ye hanyenande Yesu Kristo nâŋgaŋmâ kepilâm âgâmbiâ âmâ benŋe yengât



akmâ âinenŋe mendenŋe humolem âgâkgât bundâk hannenŋe aregât kindo manmaen. <sup>16</sup>Aregât luâk âmbâle hamiyenângen manmai yâk yengâlân den pat âlep makmâ ariwaen. Dâ luâk siâgât âi bunŋe mem kinmâ mem metiep aregât âgâ âgâŋe bo akbaen. <sup>17</sup>Aregât keiŋe Anutugât kulemŋe hin maktâp, “Luâk siâ egâlian den makmâ âgâ âgâŋe akberâm âmâ benŋe Kembangât akmâ âgâ âgâgât makbiâp.” <sup>18</sup>Akto areâk bo. Luâk âmbâle yeŋaet kotyeŋe mem agatbai are amâ Anutuŋe luâk âmbâle yânŋe dâm yekto gemap. Dâ Humoŋe luâk âmbâle bikŋe meyekmap are amâ Humoŋe yekmâ luâk âmbâle âlepŋe dâm yekto huragumap.

### Pauloŋe ikiŋe keiŋe makyenŋiep.

**11** <sup>1</sup>O galalupne, luâk yengâlai togom kotyeŋe mem agatmai are yengât makyenŋiwe. Yâkŋe nânŋât kotne mem ge katmai aregât nunaet keine makyenŋire yeŋe nânŋâm yâk yengât keiyeŋe nânŋâmbiâ yânŋe akbiâp. Dâ keine maktere nânŋâ yâkgât sinduk akmap dâwai amâ hanâk makbe. <sup>2</sup>Anutuŋe yengât okot akmâ nânŋâ nânŋâŋe humo katmâ nânŋâlân togoŋet dâm yengonmap. Agak meme aregât dâm nânŋe yengât nânŋâmâk akman aregât luâk siâŋe ikiŋe âmbâle dâtâŋe âlepŋe memberâm nânŋâmap dop hainâk ye Kristogât dâtâŋe aregât meyegâk dâm âi yengât hutyeŋân âi mem hâk hilâlâm kakjân malân. <sup>3</sup>Gârâmâ ulikjân niambi mulum humo arekŋe yoŋâk togom Ewa hianŋiep dop hainâk luâk hinŋe yengâlân togoyi arekŋe agak memeyeŋe âlepŋe are akto Kristo okot âlep agaŋmâ denŋe lokom kinmai are gulip komberâm nânŋâ nânŋâyeye akto han biwiyeye heyenŋiwerâm akmai are nânŋâre biwine dondâ bâliâp. <sup>4</sup>Akto luâk arekŋe Yesugât keiŋe makyenŋimai aregât hâkâŋ akmâ Yesu siâgât den makyenŋim amâ Anutugât Heak kârikjande kautyeŋân miep aregât wâtjân bo kinmâ hianŋi den makyenŋimbiâ dowâk nânŋâyî. Den pat are nânŋâre umatŋe humo miawaktâp. <sup>5</sup>O galalupne, hianŋi luâk arekŋe hin dâmai, “Nen amâ Aposolo hârok ewangi yekmaen.” dâmai aregât nâ Aposolo ire amukyengân bo manman aten. <sup>6</sup>Nâmâ den makmakgât keiŋe siâŋe bo hekatniŋdo makman. Gârâmâ nânŋâ nânŋâne amâ âlepŋe. Aregât keiŋe hin me hain makyenŋienŋe nânŋâm meteyi.

<sup>7</sup>Dâ nânŋe yengâlân togom Anutugât keiŋe makyenŋiân ainâk ye wan me wangât bo ulit yeŋiân. Ye umatjân manbâi dâm yân togom makyenŋiân. Aregât yeŋe nânŋât nânŋâniŋbiâ geâp mon? <sup>8</sup>Bo. Nâmâ tânyenŋuwerâm amâ Yesugât kâmotŋe siângen manmai yâk ulityenŋienŋe niŋbiâ are mem manmâ ye makyenŋiyion. <sup>9</sup>Akto hutyeŋân mandere ain siâ me siâgât umburukŋe akniŋdoân amâ umatŋe bo yeŋiân. Bo. Yesugât kâmot Makedonia hânân manmai arekŋe togom wan me wan niŋi. Aregât umat bo yeŋire amâ owâiŋân mali. Nâ hain agân aregât nânŋâre âlepŋe aktâpgât hain akbian. <sup>10</sup>Aregât den pat

yengâlân sambeleâk dâm akto Akaia hânân hainâk sambeleâk dâm Kristo dewunġân kinmâ Paulo bunġe maktâp dânġetġât ya kulemgoân. <sup>11</sup>Aregât keiġe amâ nâġe okot bo nânġâyengġim kotne mem agatman me? Hain bo. Nâġe Anutugât dewunġân kinmâ hain dâm okot dondâ nânġâ yengġiman.

<sup>12</sup>Akto hianġi luâk arekġe yeġaet nânġanġimbiâ humo akto hin dâmai, “Anutuġe Pauloma wâtġe akyengġimbo âi memai hainâk nen gai wâtġe aknengġimbo âi memaen.” hain dâmai arewa den hianġi miawakto nânġânġet dâm nunaet keine kulemgom metewe. <sup>13</sup>Hianġi luâk are âmâ Aposolo nengâlân gâtġe bo. Yâkġe nen Aposolo âi memaen dâm hianġim âi hanâk hanâk mem hianġim Kristogât âi dâmai. <sup>14</sup>Akto Niambi hainâk akmâ henengiwerâm ikinġaet hâkġe mem purik katmâ aġelo pagaleġe amboġe hainare akmap. <sup>15</sup>Aregât Niambigât âi luâk hâkyeġe mem purik dâm, “Nen agak meme âlepġeâk akmaen.” dâm hianġim hainâk akmâ heyengġiwerâm akmai. Hain akmai aregât hâmbâi Anutuġe wan me wan memai aregât agak memeyeġe dopyeġân akyengġiwiap.

### Paulogât kakġân umatġe humo miawagep.

<sup>16</sup>Maktân aregât gaetġe maktere nânġât den are nânġâmbiâ nâ luâk kopa hin are bo akbian. Dâ hanâk makberâm âmâ keine mem miawaktere nânġânġimbiâ hâknaet bâlensiâ makmâ mem agatbe. <sup>17</sup>Dâ den ire makberân âmâ Kembangât lau bo makberân. Nunaet hâknaet mem agat agat gât hanâk sinduk denġe hainare makberân. <sup>18</sup>Luâk dondâġe hânġât nânġâ nânġâyeye watmâ hâk mem agat agat den makmaigât nâ hainâk yu makberân. <sup>19</sup>Yeġe nânġâ nânġâyeye nânġâmbiâ humo akmapgât hianġi luâk yengâlân togomai are dowâk nânġâ yengġim maġgan yekmai. Aregât nâ hainâk den hembalik makyengġire dowâk maġgan nekbai me? <sup>20</sup>Akto siânġe togom âi yengġim hâkânġeġe akmâ ondopyeġe hogom yengât nânġâmbiâ gembo bâleġe akyengġimbiâ âmâ yeġe âlepġe dâm maġgan yekmai. <sup>21</sup>Akto nâmâ yeukġe akmâ maġgan yekman aregât hâkânġ akmâ heniġmai. Âlepġe nâ hainâk kotne mem agatmâ makyengġire dowâk nânġâ niġbai me? Hianġi luâk are wan me wan akmâ manmai. Nâkai hainâk akbom. <sup>22</sup>Yâk, “Nen âmâ Yuda gâtġe kotnenġe siâ Hebraioâk tiġ tiġ dâm makmaen.” dâmai. Akto nâkai hainâk Hebraio yengâlân gâtġe. Akto yâk, “Nen âmâ Israegât hakulupġe.” dâmai nâkai hainâk makman. Akto yâk, “Nen amâ Abrahamgât hakulupġe manden.” dâmai nâkai hainâk manman. <sup>23</sup>Yâk, “Nen âmâ Kristogât âi luâk akmaen.” dâmai. Benġe aregât nâkai hain akmâ hin makman, “Kristogât âiân nâġe hârok yâk ewangiyekman.” hain makman amâ nune ukennaet bo maktân. Yeġe hâwât nekbiâ aregât sinduk akmai hain akmâ maktân. Akto areâk bo. Âi humo mem ewangiyekman. Akto âi iregât kala busi kâlegen katnekbiâ bo yeugeminiân aregât nâġe ewangiyekman. Luâk dondâġe bugâġe nugumbiâ momberâm

akman. <sup>24</sup>Akto Yuda luâk yengât humomolupyejande tâk dâtâ dâtâje haminân orem orem pan nekbiâ sop 39 agep a hamiñan hainâk hainâk akbiâ momerâk agep. <sup>25</sup>Akto sop âlâwu bugâ meân. Akto siân kâtje panmâ nuguyi. Akto sop âlâwu arim arim makyenggiân sop ain haruân wanğa bâlimbo haruân geân. Akto aregât hutñan hilâm konok akto hândâk konok haru kakñan bam gutmâ malân. <sup>26</sup>Akto hilâm dondâ dâp kâlêwângen manmâ togoân. Akto tu humo hâtikoân ain âmâ bo akberâm agân akto dâwân mandere luâk kâmburâ bâleñande nuguwerâm akbiâ nângâyekmâ malân. Akto nângât kâmolân Yuda luâk galalupnande mem bâli nekberâm agi. Akto Yuda luâk bo arekñe mem bâli nekberâm agi. Akto kepia humoân âgâre hainâk kepia humoñe mem bâli nekberâm agi. Akto kepia hepunmâ hân pumângen arire ainâk luâk bikñande mem bâli nekberâm agi. Akto haru hâtikore ainâk bâleñe miawakniñep. Akto luâk bikñande nen Yesugât kâmolân gâtje dâm heniñbiâ mem manğan yektere ainâk mem bâli nekberâm agi. <sup>27</sup>Akto areâk bo. Âi humo mem hâk hilâlâm dondâ nângâm hândâk âi mem asiñ âlepñe bo yem sotgât mopne agu agu tatminiân. Akto tugât momberâm agân. Akto seru niñdo hâk pekegât umburuk agân. <sup>28</sup>Akto areâk bo. Hilâm ârândân luâk âmbâle Yesugâlân biwiyeñe kali are nângâ nângâyene bâliwop dâm damunyeñe akberâm hanokoakmâ nângâmâk dondâ nângân. Akto âi humo meân. <sup>29</sup>Hain akmâ Yesugât kâmolân gâtje siâñe yeukñe akto nâkai yâkgât pat nângâre biwine gemap. Me Niambiñe siâ biwiñe oloñdo dosa akto benñe nâ biwine umatñe dondâ akto nângân.

<sup>30</sup>Akto nâ aregât wan arekñaetne makmâ humolewian? Manmanne yeukñe miawagâkgât âlepñe maktere ârândân akbiap. <sup>31</sup>Akto Anutu Humonenñe Yesu aregât Eweñe kotñe tatmâ âgâwiap yâkgât kotñe mem agatne yâk âmâ nâ bo hiangiân nângâp. <sup>32</sup>Akto wan siâñe nângât yeukñe miawakniñep aregât makbe. Ire ulikñan Damasko kepia agân. Agâm kindere luâk kotdâ siâ kotñe Areta yâkgât kiap akto tembe lokolupñe dâp kautñan kinmâ mem nuguwerâm agi. <sup>33</sup>Hain akbiâ nângâm Yesugât kâmolân gâtje bikñande hândâgân haka humoân lugunekmâ kâtje haot humo ketugumai are dâpñanba tâk ulikñan yaiwâk mem pan nekbiâ gem gem ge kinmâ haka kâlegenba agatmâ kinmâ âlepñe pârigitim arire kiapgât tembe lokolupñande bo menegi.

**Anutuñe ulikñan Paulo kulem hekalañdo  
ekto dâtñe agep aregât magep.**

**12** <sup>1</sup>O galalupne, ye wan den maganñi niñmai are nângân. Aregât ye hinñe nângât den pat bunñe nângâñetgât hin makbe. Maktere âmâ âlepñe bo tân nuguwerâp. Akto aregât ukenñe bo nângâman gârâmâ hanâk Humonenñande wan me wan heambukmâ kalep are hekat niñep are makyengire nângâñet. <sup>2</sup>Nâ uñak gemân homban 14 bo akto Anutugât

himbim kâlegen ain âgân. Akto nâ hâkne olop âgân me otnenande âgân amâ bo nânġân. Anutuġe konok nânġâp. <sup>3</sup>Nâ hâkne olop âgân me otnenande âgân amâ bo nânġân. Anutuġe konok nânġâp. <sup>4</sup>Anutuġe wan hekat niġdo me wan me wan nânġân are âmâ kâmbokġe dondâ luâkġe bo makmai are nânġân. <sup>5</sup>Ya maktân luâk are yâkgât akmâ maktere ârândân akmap. Gârâmâ nunaet bo maktere humo akmap. Bo. Yeukġene maktere sambelem ariâk dâm makman. <sup>6</sup>Dâ kotne mem agatman dâine ârândân akbop. Akto luâk koparġe bo akbom. Akmâ nânġât nânġâmbiâ âgâ âgâġe dondâ akbopgât aregât bo akbian. Wan me wan akmâ mendere ekmâ nânġâm heġgemgowai areâk yembiâp.

**Paulogât hâkġân dâtġe metġe siâ miawagep.**

<sup>7</sup>Akto Anutuġe wan me wan hekat niġep are nune kotne mem agatbomgât makto Hianġi Amboġaet hoġ bawa siâġe hâknân hâk hilâlâm niġmâ dop nugumbo nânġâre umatġe agep. <sup>8</sup>Umatġe are miawak niġdo Humone hin ulilaġân. Hâknân ire watmenâ ariâk dâm ulilaġân. <sup>9</sup>Ulilaġdere âlâwu akto hin makniġep, “Luâk âmbâle yeġgât kârikġeyeġe bo tatyengimap ainâk nânġât kârikġe âlepġe miawak yeġgimbo ârândân akbiap. Aregât hinġe han kalemġe damunge akmangât nânġâmenâ ârândân agâk.” dâm makniġep. Aregât kârikġene bo tatniġdâp aregât nânġâre âlepġe aktâp. Kristogât kârikġande tân nuguâkgât nânġân. <sup>10</sup>Kârikġene bo tatniġdâp me luâk âmbâle nânġât makmâ bâlimai me umatġe miawaktâp me gasa siâġe mem bâlinekmai me wan me wan arekġe gulip nuguwerâmbo ainâk kârikġene bo are miawakbopgât Kristoġe dowâk tân nugumap are nânġâm heroġe humo akman.

**Pauloġe Korinti luâk âmbâle yeġgât hanoko agep.**

<sup>11</sup>Den yu maktân ire âmâ sinduk akmâ hinare maktân. Amâ yeġe goaġ nekbiâ makmâ hilipkoân. Hianġi luâk yeġgâlân togoyi are amâ yânġe gârâmâ ewangiyekman. Akto nânġe yâk yeġgât amuk yeġân bo mandân aregât yeġe nânġât kotne mem agali dâine ârândân akbop. <sup>12</sup>Akto Aposologât tirip kulem dondâ hutyeġân mem manmâ bo hâkâġe agân are negi. <sup>13</sup>Aregât wangât Yesugât kâmot bikġe yekbiâ âgâmbo yeġgât nânġâmbiâ giep? Dâ ire konok bo akyeġgire nânġâmbiâ bâliâp mon? Umatyeġgiwomgât bo ulityeġgiân are nânġâmbiâ âlepġe agâk.

<sup>14</sup>O galalupne, nâ hinġe yeġgâlân âlâwuġe togowian. Togom âmâ puli me sot me wan me wan niġġet dâm âmâ bo ulityeġgiwian. Akto nanaġ lepat arekġe ewe memelupyeġe bo damunyeġe akmai. Dâ ewe memelupyeġande âmâ nanaġlupyeġe damunyeġe akmai aregât dopġe watmâ hain togom yeġgât tâwât dewunġe me sot wan me wan aregât bo ulit yeġgiwian. Bo. Nâ okotyġe nânġâ niġġetgât egâlianjian. <sup>15</sup>Akto nânġe tân yeġguwangât hanâk hanâk nânġât wan me wan bo akbiapgât

ukenje nângân. Me yengât nângâm âlepne manbaigât âi mem manmâ mombiangât aregât hamep bo akman. Hain akmâ nâne ye biwinande dondâ nângâ yengiman aregât wangât yekâ bâlensiâ nângât han kalem akmâ nângâniŋdâi? <sup>16</sup> Akto yengâlân gâtne bikne nângâ yâkgât hin dâmai, “Pauloŋe amâ bundâk bo ulit nengimap gârâmâ Anutugât pat dâm puli katbiâ mem arim yengiwian dâm henengimbo waŋdenne ikiye miep.” dâm hiangimai. <sup>17</sup> Hain dâmai aregât hin nângâm hejgemgoweï. Nâne luâk bikne huŋgun yengire yengâlân togoyi arekne amâ Paulo siâ siâ waŋjet dâm ulit yengimai me bo? Bo. <sup>18</sup> Amâ Tito yengâlân togoâkgât hâwâtâm magarân. Magarâmâ amâ galanenne siâ huŋgunaŋdere olop oloŋ akmâ togoyiat. Togom amâ Titone siâ me siâ ulityengim meyengiep mon? Net Heak konok akto dâp konok bo manmaet mon? <sup>19</sup> Me den makmaen are nângâm gambiâ amâ kotnenne gewopgât akmap mon? Aregât hain bo. Nen Kristogât akmâ Anutugât dewunŋân den makmaen. Hain makmâ amâ galama yengât akmâ tânyengunegât akmâ den makmaen.

<sup>20</sup> Galalupne, nâ yengâlân togom wan me wan memai are mem miawakbiangât hamep akmâ aŋun aŋgiwian. Akto nâne togom wan me wan akmai are bo akjet dâre nângâmbiâ umatne akbiap. Nâ togo ye wan akbai are mem miawakbian me? Den kuk akmai me galagât egâlianmai me ye yeŋaelâk nângâmbiâ humo akmap me ye siâgât hamiŋângen makmai me kotyene mem agatmai me agak meme gulip akmai. Nâ togore hain akbiâ nângâre umatne akbiap aregât yengâlân togowerâm hamep aktân. <sup>21</sup> Akto nâne yengâlân togom yengâlân gâtne biknande agak meme bâlene akmâ egâlian bâlene akmâ dâp gulip akmini arekne agak memeyene bo makmâ miawakmâ amâ hanyene bo purik katmai are nângâm Anutuŋe hâwât nekto indem manmâ âgâwian. Aregât aŋun aŋgiwom.

### Pauloŋe bâliwâigât kârikne kenunŋu yegep.

**13** <sup>1</sup> Galalupne, nâ uŋak âlâwuŋe yengâlân togowerâm aktân. Togowian ain amâ luâk siâ denân katberâm akbiâ amâ luâk lâuwâ me âlâwu arekne den are makniŋbiâ amâ den potatbian. Dâ luâk konokgât bo. <sup>2</sup> Akto yengâlân lâuwâne togoânân amâ luâk âmbâle bâlene agi akto âlepne akmai are hârok amâ den kârikne makyengîân. Akto hinne kulem esenne iren den kârikne hainâk makyengîân. Nâ togowianân amâ makmâ miwindik yektere aŋun aŋgiwai. <sup>3</sup> Akto ye amâ han lâuwâ akmâ hin dâmai, “Paulo amâ Kristogât den makmap me bo?” hain dâm nângâm hejgemgowerâm aktâi aregât makmâ miwindik yektere nângâm Kristogât kârikne nângâmbiâ dâtne akbiap. Akto aregât Kristo amâ yeukneâk bo akniŋmap. Aregât yengâlân togore ikiye kârikne miawak yengiwai. <sup>4</sup> Akto bundâk Yesuŋe ulikŋân amâ kârikne bo akto

lâwinân kombiâ moep. Amâ benje Anutugât kârikjân golâ akmâ agatmâ manmap. Aregât nen yâkne agep hainâk nenâkai yâkgât honjupne kârikne nenje bo akto yengâlân togom Anutugât kârikjân kinmâ Kristo olop manmâ tânyenguwai are makmâ miwindikyektenje dondâ anj anjiwai.

<sup>5</sup>Akto yekâ yejeak hilâm ârândân biwiyenje dopkom nângâm hejngemgowe. Akto ye Humogâlân biwiyenje kârikne katâi me bo? Yejeâk mem potalakbei. Akto siâne biwiye Yesugâlân bo kali are Yesu Kristo olop bo manmap. <sup>6</sup>Nen âmâ Anutu bo nângarjmai dopyenje konok bo nângâjnetgât egâlijanman. <sup>7</sup>Anutuje damunyeje akto bâleje bo akjnetgât ulilanjmâ manmaen. Nen nenekbiâ Anutugât kâmot bunje akbaen me bo? Aregât bo makmaen. Ye Anutugât den lokombiâ ârândân agâkgât makmaen. <sup>8</sup>Amâ nen den bunje gasa gain gain aganjbaen? Gala aganjbaengât dâp areâk tatâp. <sup>9</sup>Akto nen tân yengum yeukne aktenje kârikne akbai aregât nen herenje akmaen. Akto ye Anutugât dewunjan salek salek kinmâ âgâwaigât Anutu uliljanmaen. <sup>10</sup>Nâ yengâlân togom metje akyengiwiomgât kâlewângen manmâ sami den yu kulemgoyengiân. Kembuje kârikne nijep arekne itinj gulam yengiwiangât bo nijep. Amâ hingât. Ye mem kârikne ketugu akyengiwiangât nijep.

#### Den bâije.

<sup>11</sup>O galalupne, nâ bâije makbe. Ye âi mem agak meme âlepje dondâ are menegât egâlijanmâ kautyeje orewei. Ye nângât kulem esenje ire oyanjâ hejngemgowe. Akto ye biwi konok manbei. Akto kuk hejngân bo akbei. Hain akbai âmâ Anutu nângâ nângâ amboje akto kambiamnenje sându geâkgât meme aknengimap arekne damunyeje akmâ ye olop tatmâ âgâwiap. <sup>12</sup>Akto nâ yengât nângân aregât ye konok konok hârok maganji goanji akmâ bâtyenje koanjiwei. <sup>13</sup>Akto Yesugât kâmolân gâtje kepiane kepiane manmai arekne yengât nângâm herenje akmai aregât den pat ire ye nângâwai dâm hâwât nekbiâ yu kulengoân.

<sup>14</sup>Kembu Yesu Kristo yâkgât han kalem âlepje akto Anutugât han kalem akto Heakgât limbâp are yengâlân yem âgâwiâp.

# Galatia

---

**Anutuņeâk Paulo aposolo âigât waņdo meminep.**

**1** <sup>1-2</sup>O galalupne, hân kotņe Galatia aregât ambolupņe ye âmâ emelâk biwiyeņe Yesugâlân katmâ menduguyi aregât kulem esenņe ire katyenņire togoâp. Nâ Paulo, akto Yesugât kâmot nâ olop manmaen nenņe kulem ire katyenņienņe togoâp. Akto nâņe Yesu Kristogât âi aposolo ire âmâ luâk siâņe bo katnegep. Yesu Kristo akto Eweņe Anutuņe Yesu momoņânba goaņdo agalep yâkņe nâ âi ire niņiat. Aregâlâk lâuwâņe maktere nâņgâņet. Luâk siâņe makniņdo âi ire bo meman. Bo. Anutu akto Yesu yâkņe tân nugumbela yâk yetgât hoņ bawa manman. Aregât den ire makyenņiwerâm aktân. <sup>3</sup>Ewenenņe Anutu akto Humonenņe Yesu Kristo yâkņe han kalem akmâ damunyeņe akbela han kalem akto lumbe yenņgâlân hâtikom yendo biwiyeņe sândugewiâp. <sup>4</sup>Akto Anutu Ewenenņande han nâņgâ nâņgâņet bunņe makto Yesuņe lauņe lokom nengât akmâ hâu nenņe mem moep. Eweņet lauņe lokom gembo kombiâ mondo dosanenņe bo agep. Akto Yesuņe nengât hin magep, “Nâņgât kâmot hâmbâi miawakbai are gasalupyenņande bâleņe akyenņiwâi dâm Eweņet lau lokom menekņet.” dâm kindo mem kombiâ moep aregât wan me wan bâleņande hilip nenguwiapgât dop bo tatâp. <sup>5</sup>Aregât nenņe sop ârândâņâk kotņe mem agatmâ manmâ âgâwaen. A bundâk.

**Den pat âlepņe konogâk tatâp.**

<sup>6</sup>Galalupne, yenņgât den pat nâņgâm biwine bâliâp aregât den metņe makyenņire nâņgâņet. Anutuņe yenņgât okotņe nâņgâm makyenņimbo biwiyeņe Yesugâlân kali are dowâk hâkâņ akmâ biwiyeņe siâgâlân katberâm aktâi me? Hain akberâmbiâ nâņgâre biwine dondâ bâliâp. <sup>7</sup>Ye gain gain akmâ biwiyeņe siâgâlân katberâm aktâi? Yesugât den pat âlepņe are konok yendâp aregât siâgâlân biwiyeņe katbai aregât dâp bo tatâp. Gârâmâ siâņe Yesugât den pat gulip agâk dâm akto luâk biwiyeņe Yesugâlân kali areyenņgât biwiyeņe gulip agâk dâm den pat aņgâ makyenņimbo are bo nâņgâwei. <sup>8</sup>Akto aregât hin dân. Nengâlân gâtņe



siâne nengât den hainâk bo lokom âmâ den irakne makyengiwiap aregât Anutuje hilipkoâk dâwe. Akto Anutugât hoj bawa dâp pânân manmai kotyeje aņelo areyengâlân gâtje siâne me luâk siâne me nengâlânba luâk siâne den emelâk nângâyi hainâk bo mem âmâ den irakne makyengimbo âmâ aregât hin dâman. Anutuje hilipkombo hemem kâlâwân geâk dâman. <sup>9</sup>Den ulikjân magion areâk gaetje ire maktân. Niñande pat âlep den hekatyengiep a hilipkom aņgâ siâ makyengiwiap yâk hememgât pat akbiap. <sup>10</sup>Galama, nâmâ luâkneak nekjet hain dâman me Anutuje nekto huraguâk dâm akman mon? Akto nâne luâkne kotne mem agatjet dâman dâine Yesugât den pat âlepne makyengiman aregât âi emelâk hepunbom.

**Paulo ikiņaet akmâ miep aregât pat.**

<sup>11</sup>O galalupne, nunaet pat are makyengire nângânet. Ulikjân den pat âlepne makyengire nângâyi are âmâ luâk siâne ikiņaet nângâ nângâjân bo makniņdo makyengiân. Bo kârikne. <sup>12</sup>Amâ luâk siâne siâ bo makmâ hekatniņep. Yesu Kristoje ikiņak miawakto ektere ainâk den pat âlepne aregât keije makniņep. <sup>13-14</sup>Akto nângât pat ulikjân agân are emelâk nângâyi. Amâ hin agân. Nâne Anutugât kotje mem agatbe dâm Yuda nengât agak meme watmâ agân. Hain akmâ Yuda luâk hutyejânba luâk kâmne hârok nâne bâgilupnenne yengât agak meme are hârok memberâm kârikne dondâ akmâ ewangiyegân. Aregât luâk âmbâle biwiyeje Yesugâlân kali bikne mem hilipyenguân. Akto Anutugât kâmot Yesuje damunyeje akmap are hârok bo akjet dâm âi humo meân. <sup>15</sup>Dâ nâmâ ulikjân memenande boâk menektoân Anutuje, “Gâ nângât dâtâne.” dâm makmâ hâreniņep arekne ikiņak okot âlepgât nâ humo aktere ain hanne mem purigep. <sup>16</sup>Hain akmâ ikiņaet nanje Yesu are hekatniņmâ hin dâm makniņep, “Gâ nângât nanne iregât den pat âlepne are Yuda luâk âmbâle bo are makyengiwiat.” dâep. Hain dâmbo aregât sop ain âmâ nâne luâk bikne bo aiyenguân. <sup>17</sup>Akto Yesugât aposolone soj Yerusalem kipian mali are bo aiyenguân. Anutuje âi keije hekatniņmâ aposologât âi niņep aregât yânâk Arabia hânân arim tatmâ benje arewa purik katmâ Damasko kipian ari malân.

<sup>18</sup>Ain manmâ hombaņ âlâwu bo akto âmâ Petoro ekberâm Yerusalem kipian arim Petoro olop tatmâ den dât magaņgi goaņgi akmâ tatetje hilâm 15 bo agep. <sup>19</sup>Sop ain Petoro akto Humo nenjaet emiņe Yakobo areâk yelegân. <sup>20</sup>Amâ nâmâ bunneâk makman aregât Anutuje nângâmap. <sup>21</sup>Akto aregât siâkâ makbe. Nâ Petoro hepunmâ ainâk hân kotje Siria akto hân kotje Kilikia ain arim malân. <sup>22</sup>Akto Yesugât kâmot Yudaiagen manmai yâkne bo nângâniņmini. <sup>23</sup>Yâkne nângât den pat hin amâ nângâyi, “Nengum watnenekmâ den bunne gâlîkoâkgât magepne hinje Yesugât keije makyengim manmap.” <sup>24</sup>Hain nângâm Anutugât kotje mem agali.

**Pauloŋe Yerusalem âgâmbô Aposolo bikŋe olop biwi konok agi.**

**2** <sup>1</sup>Akto arewa nâ hân siân siân arim mandere hombanŋe 14 bo akto ainâk Anutuŋe miawakniŋmâ hin makniŋep, “Yerusalem kipian ariwen.” dâmbô Banaba akto Tito olop Yerusalem kipian ariyion. <sup>2</sup>Ain arienŋe humomoâk mendugumbiâ yân manbomgât Yuda luâk âmbâle bo manmai are makyenŋiman are bundâk me bo dâm makyenŋire nânŋâmbiâ bunŋe agep. <sup>3</sup>Nânŋâmbiâ bunŋe akto Yuda luâk bo are hâkyeŋe gâmbiâ Anutuŋe yekto ârândân akbiap aregât keiŋe bo makniŋi. Akto galane Tito yâk âmâ Girik hânân gâtŋe aregât hâkŋe gâi gâigât bo maganŋi. <sup>4</sup>Akto sop ainâk luâk bikŋe bâleŋe aknengiwerâm Yerusalem kipian yoŋâk âgâm nengâlân yaiwâk penânengiŋi arekŋe, “Yesu Kristogât kâmotŋe Mosegât den lokoŋe Anutuŋe nenekmâ luâk âlepŋe dâwiap dâm hain bo makmai are makyenŋienŋe Mosegât den lokom biwiyeŋe aregâlâk nânŋâŋet.” dâm penânengim umatŋe kaknennân katberâm agi. <sup>5</sup>Luâk bâleŋe arekŋe hain dâm hâwât nenekbiâ nenâmâ bo dâm Yuda luâk bo are den pat âlepŋe nânŋâmbiâ biwiyeŋe owâiâk dâm luâk bâleŋe yeŋgât den are bo nânŋâyion. <sup>6</sup>Akto Yesugât kâmot arekŋe Yakobo, Petoro akto Yohane yâkŋe nengât humomolupnenŋe dâm yeŋgonli yâk Anutuŋe biwiyeŋân ekmap arekŋe nânŋgât den bo koyi. Akto humomolupnenŋe dâm yekmai are yektere humo bo akmap. <sup>7-8</sup>Hain akmâ Anutuŋe den pat âlepŋe Yuda luâk bo are makyenŋiwen dâm makniŋep aregât pat makyenŋire nânŋâm, “Woe, Anutuŋe Petoro Yuda luâk âmbâle are den pat âlepŋe makyenŋiwen dâm maganŋmâ tângomap yâkŋe hainâk Paulo Yuda luâk âmbâle bo manmai are makyenŋiwen dâm aregât tângomap.” dâm nânŋâmbiâ bunŋe akto den bikŋe siâ bo dewatiŋi. <sup>9</sup>Akto Kembuŋe âi niŋep are Yakobo Petoro akto Yohane yâkŋe Yesugât kâmot yâk yeŋgât tân maliŋe nânŋâm kotgâm nâ akto Banaba gala menelekmâ bânnetŋe koyi. Akto net Anutu bonânŋanmai yâk yeŋgâlân âi mendetŋe yâk yeŋak Yuda luâk tiripdâ yâk yeŋgâlân arim makne dâm magi. <sup>10</sup>“Akto den konogâk tatâp are nânŋâet. Yuda luâk âmbâle umburuk aregât bo nelâm yetkiwiap.” dâm maknetkimbiâ Yuda luâk âmbâle umburuk mali areyeŋgât okot âlep akyenŋimaet aregât âlepŋe dâyiŋot.

**Petoroŋe âi mem hilipkoep a Pauloŋe nânŋâmbô bo huraguep.**

<sup>11</sup>Akto hilâm siân Petoroŋe Antiokia kipian togom manmâ âmâ agak meme bâleŋe akmâ hilipkombo den meteŋe maganŋân. Amâ hin. <sup>12</sup>Ulikŋân Yuda luâk âmbâle bo manmai are penâyeŋgimbo olop mali. Ainba Yakobogât galalupŋande âkâ hainâk Antiokia kipian togombiâ Petoro hâk gâi aŋŋiŋet dâmai are yeŋgât hamep akmâ Yuda luâk âmbâle bo manmai are hepunyekmâ Yakobogât galalupŋe are penâyeŋgiep.

<sup>13</sup>Petoroŋe hain akto aregât Yuda luâk âmbâle bikŋande hainâk akmâ Yuda luâk âmbâle bo manmai are hepunyegi. Akto sop ain Banabaŋe galalupŋande Yuda luâk âmbâle penâyengiŋi are yekmâ hainâk Yuda luâk âmbâle bo manmai are hepunyegep. <sup>14</sup>Akto pat âlep dengât dâp ârândân bo tâlimbiâ yekmâ luâk bikŋe yâk yeŋgât dewunyeŋân Petoro hin magañân, “Gâ Yuda luâk nenjaet agak memeân bo akminen. Anutu bo nânŋaŋmai yâk yeŋgât agak memeân akmenâ ârândân agep. Dâ hinŋe Yuda gâtŋe bo are Yuda nengât agak memeân akŋetgât makmenâ âmâ bo ârândân aktâp. <sup>15</sup>Nen Yuda hânân gâtŋe nenŋe âmâ ulikŋân Mosegât den kârikŋe lokoeneŋe Anutuŋe luâk âlepŋe dâm nengolâk aregât Yuda luâk bo are yekmâ luâk bâleŋe dâm yeŋgonminion. <sup>16</sup>Gârâmâ hinŋe nânŋâ nânŋâ irakŋe mem âmâ nen den kârikŋe lokoeneŋe Anutuŋe nenekmâ luâk âlepŋe dâm nengonbiap aregât dâp bo tatâp. Bo. Yesu Kristo nânŋaŋdenŋe amâ dosa bâlâkgât pat miawaknengiwiap, a nânŋâmaen. Aregât nen biwinenŋe Yesu Kristogâlân katenŋe Anutuŋe nenekmâ, “Nannande dumyeŋân kinlep aregât dosayeŋe bo agep.” dâep.”

**Yesuŋe moepgât Paulokâ hainâk manmanŋe  
hepunmâ momogât dâp agep.**

<sup>17</sup>Dâ Kristogâlân dewatim mandenŋe Anutuŋe nenekto huraguâkgât mannegât bâleŋe nenŋe miawakmap. Aregât gain gain dâwaen? Are Kristoŋe hâwât nenekto bâleŋe akmaen mon? Bo. Hain bo tatâp. <sup>18</sup>Wan me wan bâleŋerâm hâkân akmâ hepulân are gaetŋe lâuwâŋe mem gangerâm manbian amâ bundâk nâ den koko luâk akbian. <sup>19</sup>Dâ den kârikŋe Moseŋe kulengoep arekŋe nugumbo mondere den kârikŋande lâuwâŋe bo damunne agep. Are Anutu manañberâm agân. <sup>20</sup>Hain akmâ Anutuŋe nanŋe huŋŋunaŋdo gem nânŋgât dumnân kinmâ moep aregât nâ momogât dop agân a nunaet akmâ bo. Kristoŋe biwinân manmap hâk olop manman. Hain akmâ Anutugât nanŋe nânŋaŋmâ yâkgâlâk manman. Yâkŋe âmâ han kalem akniŋmâ manmanŋe nânŋgât akmâ hepunmâ moepgât. <sup>21</sup>Aregât hin nânŋân. Den kârikŋe lokoeneŋe luâk âlepŋe dâm nengonbiapgât dop tatâp dâine Yesu Kristo moep aregât den are yânŋe akbop are nânŋân. Akto Anutuŋe nanŋe damun nenŋe akbiap dâm huŋŋunaŋep pat are nânŋâm hilipkowom.

**Biwinenŋe Anutugâlân katenŋe Anutuŋe nenekto huragumap.**

**3** <sup>1</sup>O galalupne, Galatia hânân gâtŋe ye ulikŋân Yesu Kristo moep aregât pat makyengire nânŋâm meteyiân ainâk den pat are dowâk nânŋâmbiâ biwiyeŋân gem kârikŋe agep. Dâ hinŋe âmâ niŋande biwiyeŋe mem gulip milip mânŋiyegep? <sup>2</sup>Aregât hin aiyenŋuwe. Yeŋe den kârikŋe lokombiâ Anutuŋe ikiŋaet Heakŋe yeŋgiep me den pat âlepŋe makyengire dowâk biwiyeŋe Yesugâlân katbiâ ainâk Anutuŋe

ikiŋaet Heakŋe yeŋgiep mon? <sup>3</sup>Aregât wangât yeŋe kârikŋe yeŋe watmâ aregâlân biwiyeŋe katâi? Dâ Anutugât Heakŋe yâkgât kârikŋande ulikŋân tânyengumbo mali aregât hinŋe manman tâmbâŋaet dâwân ariwai me? <sup>4</sup>Wan me wan humo are yân hanâk miawakyengiep mon? Bo. <sup>5</sup>Are lâuwâŋe makbe. Luâk âmbâleŋe den kârikŋe lokombiâ Anutuŋe ikiŋaet Heakŋe huŋgunanŋdo meme akyengimbo kulem siâ siâ akmai me bo? Bo. Nenŋe biwinenŋe Yesugâlân katenŋe Anutuŋe ikiŋaet Heakŋe âlepŋe huŋgun anŋdo kârikŋe nengimbo kulem siâ siâ memaen.

#### **Abraham Anutu nânŋanŋdo kârikŋe agep.**

<sup>6</sup>Abrahamŋe Anutuŋe den bunŋe maktâp dâm kambiamŋe âlepŋe akto biwiŋe Humogâlân kato âmâ Anutuŋe dosage bo aktâp dâm konlep. <sup>7</sup>Aregât hainâk nen âkâ biwinenŋe Anutugâlân katenŋe Anutuŋe nenekmâ Abrahamgât kâmot dâm nengonbiap. <sup>8</sup>Akto aregât siâkâ makbe. Anutugât denŋande siân Yuda luâk âmbâle bo manmai areyengâlân gâtŋe bikŋande biwiyeŋe nannaelân katbiâ dosayeŋe bo tatyeŋgiâp dâwian dâm aregât Abraham hin maganŋep, “Siân gâŋgât kâmolân gâtŋe konok miawakbiap sop ain âmâ luâk âmbâle hân biken biken manbai are hârok tân yeŋgumbo heronŋe akbai.” <sup>9</sup>Aregât nen hin nânŋâmaen, “Biwinenŋe Anutugâlân katmaen nenŋe âmâ Abrahamŋe Anutu lau lokoanŋminep yâkgât kâmolân mandenŋe Anutuŋe tân nenguwiap.” hain nânŋâmaen.

#### **Yesu nengât akmâ sait den bâleŋe kakŋân âgâep.**

<sup>10</sup>Akto Moseŋe kulemgoep bikŋe hin tatâp, “Luâk âmbâle den kârikŋe hârok bo lokowai yâk Anutuŋe kuk akyengimbo bâliwai.” hain tatâp. Aregât den kârikŋaet âiŋande tânyengumbo manbai yâk âmâ sait membai. <sup>11</sup>Akto luâk âmbâle bikŋe biwiyeŋe Anutugâlân katbiâ tânyengumbo manman âlepŋân manbai a nânŋâmaen aregât den kârikŋe kâlegen manmâ Anutugâlân dosa bâlâk akbaengât bo tatâp. <sup>12</sup>Den kârikŋe denân amâ biwi kat katgât keiŋe bo. Amâ hin magep, “Luâk âmbâle bikŋe den kârikŋe lokowai yâk âmâ manman âlepŋân manbai.” <sup>13</sup>Anutugât denŋande hin dâep, “Luâk siâ lâwin parâŋân hokatbiâ kinbiap are Anutuŋe sait bâleŋe kakŋân katbiap.” Aregât Kristo nengât hain are akmâ sait bâleŋe miep. Mem âmâ den kârikŋaet sait are mem nengâlân togowopgât gulip koep. <sup>14</sup>Hain akmâ Anutuŋe Abrahamgât makmâ hâriep are Yuda luâk bo manmai yâk yeŋgâlân ariwiapgât moep. Akto nen Yesu nânŋanŋdenŋe Anutuŋe ikiŋe wâtgât meme Heak are makmâ hâriep are nengâlân togowiapgât moep.

#### **Den kârikŋande amâ bât samulânba bo hâkokonenekbiap.**

<sup>15</sup>Galalupne, nengât agak meme âmâ hin. Luâk siâŋe den makmâ kalep aregât siâŋe den are dewatim katbiap me bikŋe hârewiapgât dop bo tatâp.

Borondâ. <sup>16</sup>Akto Anutuŋe bāt samut are Abraham akto hakuŋe siâgât magep. Akto Anutugât den kulempŋe amâ kâlelupŋe biwirâ yâk yeŋgât bo magep. Konokgât magep amâ Kristo are. <sup>17</sup>Akto Anutuŋe den makmâ kalewânbak hombaŋ 430 bo akto ainâk Anutuŋe den kârikŋe makto Moseŋe kulempgoep. Den kârikŋe arekŋe Anutuŋe Abraham maganŋo den makmâ kalep are mem ge katbiapgât dop bo tatâp. <sup>18</sup>Aregât lâuwânŋe makbe. Anutuŋe, “Gâ den kârikŋe lokowiat âmâ gâ akto gânŋât kâmolân gâtŋe siâ wan me wan yetkiwian.” dâep dâine benŋe Anutuŋe den lumbe are bo makmâ katbop. Gârâmâ Anutuŋe Abraham yân âi bo miepgât den lumbe makmâ hâriep.

### **Anutugât den kârikŋande dosanenŋe tekteŋân kalep.**

<sup>19</sup>Wei, Mosegât den kârikŋande amâ wangât dâmap? Hingât. Anutuŋe luâk âmbâle nengât agak memenenŋe bâleŋe miawagâkgât den kârikŋe kalep. Gârâmâ den are tatmâ âgâwiapgât dop bo tatâp. Abrahamgât kâlegen den pat Amboŋe miawakto hulaŋ akmâ ariâkgât makmâ kalep. Akto den kârikŋe are amâ aŋelo lauŋe makmakgât miawagep. Akto yân bo. Luâk mendugunenekmapŋe bâtrjân mem katnenegep. <sup>20</sup>Dâ mendugunenekmap luâk yâk amâ luâk konokgât bo akmâ manmap. Biwirâ nengât akmâ manmap. Dâ Anutu amâ konok. <sup>21</sup>Akto den kârikŋe arekŋe Anutugât pat âlep den mem ge katmâ hâlânŋmâ aŋgâ miawakbiap mon? Hain bo. Den kârikŋe arekŋe luâk biwi golâ mânŋinenekmap dâine âmâ bundâk den kârikŋe lokoŋe dosa bâlâk agak meme are miawaknengiwop. <sup>22</sup>Gârâmâ Anutugât denŋande luâk hârokŋe bâleŋaet tâgân dâgâm gisap konenekmap. Amâ hingât. Anutuŋe Yesu Kristogât akmâ luâk âmbâle bikŋe Yesu nânŋanŋmai aregât makmâ hâriep den are bunŋe agâkgât. Amâ nen Yesu nânŋanŋmaengât. <sup>23</sup>Dâ Yesu bo nânŋanŋmâ kepilâyionân âmâ nen Yuda luâk are den kârikŋande hikonenekto tâgân yem mandenŋe Yesu nânŋanŋmâ manbaengât patŋande miawakmâ tek tegiep. <sup>24</sup>Akto aregât den kârikŋande damunnenŋe akmâ Kristogâlân katnenegep. Arekŋe Yesu nânŋanŋmâ dosa bâlâk manbaengât hain aknengiep. <sup>25</sup>Dâ nen biwi kat katgât dâp miawakto are tâlienŋe miwindik nenekmapgât tâk togep. <sup>26</sup>Amâ ye hârok Yesu Kristo nânŋanŋmaigât hârok Anutugât nan baratluŋe agi mandâi. <sup>27</sup>Akto tu puliyegiân âmâ Kristogâlân dewatiyi. Ye hârokŋe Kristo luguakmâ lugumbiâ giep. <sup>28</sup>Aregât Yuda luâk âmbâle me Yuda luâk âmbâle bo me luâk kotdâ, me luâk yânŋe, me luâk me âmbâle ye hârok Yesu Kristogât akmâ kâmot konok manbiâ Anutuŋe yekmâ âmâ dop konok dâm yeŋgonlep. <sup>29</sup>Anutuŋe hain dâm yeŋgondo Kristogât kâmot agigât Anutuŋe Abrahamgât den lumbe makmâ kalep den bunŋe yeŋgâlân miawaktâp.

### **Anutugât nan baratluŋe agion.**

**4** <sup>1</sup>Nengât agak meme âmâ hin tatâp. Nan baratluŋenŋe nen mombaenân nengât wan me wan are membai. Gârâmâ

nananyenânbak yân manmai. <sup>2</sup>Akto nenñe hoñ bawalupnenñe hin makyenñimaen, “Nan baratlupnenñe damun yeñe akbei.” dâmaen. Hain makyenñim nan baratlupnenñe irawot humomo akbiâ ainâk bâin dâenñe wan me wan are memai. <sup>3</sup>Nengât dop hainâk tatâp. Tâmbâñe hannenñande gurukñe manmâ hângât wan me wan yânñe hoñ malañion. <sup>4</sup>Ye akto nen hain aktenñe Anutuñe bâin dâmân Nanñe huñgun añdo âmbâle siâgât tepñân miawakto mendo Yudagât den kârikñe aregât amukñân malep. <sup>5</sup>Manmâ luâk âmbâle den kârikñande damunyeñe akmap are Anutugât kâmolân dewatiwai nengât dosa mem den kârikñe damunyeñe akmap a bo agâk dâm dumnennân kilep. <sup>6</sup>Anutugât Nanñande hain agep aregât ye âmâ Anutugât nan baratlupñe agi. Aregât Anutuñe Nanñaet Heakñe nengât huñgun añdo gem meme aknengimbo ainâk, “Ewenenñe Ewenenñe.” dâenñe kambiamnenñe owâiep. <sup>7</sup>Aregât gâ hoñ luâk bo manmat. Gâmâ Anutugât nanñe manmat. Hain akmâ nanñe manmâ Anutu biwi âlepñaet akmâ bât samut aregât amboñe gai manmat.

**Kotñe siâ bâleñe hamiañion are lâuwâñe bo membaen.**

<sup>8</sup>Akto ye ulikñân Anutu bo nâñgâmini sop ain hângei den nâñgâm siâ siâ yânñe areyengât hoñ bawa akmini. <sup>9</sup>Akto beirâ Anutuñe yekmâ nâñgâyengimbo âmâ ye gai hainâk yâk nâñgañi. Hain akmâ âmâ wangât hinñe wan me wan bunñe are hepunmâ âmâ wan me wan bunñe bo akto kârikñe bo are mete katmâ hoñ manañmai? <sup>10</sup>Hain akmâ hombañ keñe keñe aregât nâñgâmbiâ bunñe akto tatmai amâ bo ârândân akmap. <sup>11</sup>Yeñe hain agi aregât nâñe âi yengât meân are bâliwiapgât dop miawakto kambiamne bâliâp.

**Galatia gâtñande Paulo hâkâñe dâm hamiañi.**

<sup>12</sup>Galalupne, nâ ulityenñim makbe. Nâñe yengât akmâ wan akman aregât nâñgât dop hainâk akbei. Ye ire manmâ gam wan me wan bâleñe siâ bo niñi. <sup>13</sup>Akto nâñe kundat agân aregât den pat âlepñe pup pup makyenñiân are emelâk nâñgâyî. <sup>14</sup>Akto sop ain kundat nugumbo yeñe tân nugum âi humo mem nâñgât hâkâñ bo agi. Akto ye añelo me Yesu Kristo hoñ bawa akyenñimai dop hainâk hoñ bawa akniñi aregât wangât hinñe hepun negi? <sup>15</sup>Yei, sop ain makmâ egâlian agi are wangât bo aktâp? Ye dewunyeñe koañe kâwutmâ nâ niñbaigât dâp tato dâine niñbâi. Are bunñe nâñgâm heñgemgom maktân. <sup>16</sup>Akto nâñe yengât okotne nâñgâm aregât den bunñe makyenñiân, aregât wangât gasa akniñdâi? <sup>17</sup>Luâk bikñande yengât ukenñe akmai, amâ bunñe bo akyenñimai. Akto yâk ukenñe akyenñiñetgât ye yânñângen katyekmai. <sup>18</sup>Akto luâk are bunñe tân yenguwerrâm akmâ togoyi dâine nâñe tân yenguwiangât dop bo tato heronñe dondâ akbom. Gârâmâ nâ ye olop bo talân. Akto luâk are

hilip yengüwerâm togoyi. <sup>19</sup>Nan baratlupne, nâ yengât akmâ metjande nigimbo hâk hilâlâm nângân areâk totokom nângân. Aregât Kristogât towat yengâlân miawakmâ pagaleâk hâk hilâlâm are nângâm manbian. <sup>20</sup>Nâ yengât hanokoak dondâ akmangât yengâlân dowâk togom den makmâ purik gurik akmâ makyengiwerâm akniñdâp.

### Sara akto Haga yâk yetgât den ginje.

<sup>21</sup>Galalupne, den kârikje lokowerâm aktâi aregât makyengiwe nângânet. Moseje den kârikje kulempoep are hin tatâp. <sup>22</sup>Are amâ Anutugât denjande hin dâep, “Abrahamgât nanañ lâuwâ miawagiat. Siâ hoj manman âmbâle Haga arekje miep. Dâ siâ Isaka amâ âmbenje bunje Sara arekje miep. <sup>23</sup>Akto hoj manman âmbâle Haga arekje miep are amâ yânnângen miawagep. Dâ âmbenje bunje Sarañe miep Isaka amâ Anutu makmâ hâriepgât dopñân miawagep. <sup>24</sup>Akto den aregât bikje hin tatâp, Âmbâle lâuwâ amâ Anutuñe den dewatiakbiandatgât agak meme lâuwâ aregât dopñe agiat. Siâ amâ Sinai gimbanje agakje yâkgât kâmotje amâ hoj manman agi. Aregât dopñe amâ Haganje agep. <sup>25</sup>Haga are Sinai gimbanje Arabia hânân tatâp aregât dop. Dâ Yerusalem kipia are Sinai gimbanje olop dopyetje konok aktat. Yâkgât kâmotje hoj manmanâk gai akmai. <sup>26</sup>Dâ Yerusalem kipia egon himbimân tatâp arekje amâ Sara âmbenje bunje yâkgât dop kipia arekje amâ memenenje bunje aktâp. <sup>27</sup>Anutugât denjande hin dâep,

“Âmbâle gupinje nanañ bo memmat gâ biwi kau nângâwen. Akto nanañ bo memmatgât heronje maronje akben. Nanañlupgande amâ âmbâle luâkdâ yâkgât nanañlupje ewangiwei.” dâep.

<sup>28</sup>Den are bunje akto nen Anutuñe Abrahamgât nanje Isaka yâkgât den makmâ kalep are nengâlân miawagep.

<sup>29</sup>Dâ ulikñân nanañ yânnande nanañ bunje Anutugât Wâtgât meme arekje tângombo miawagep are gasa agañep. Dop hainâk hinje aknengimai. <sup>30</sup>Aregât Anutugât denjande gain gain maktâp? Hin. Hoj manman âmbâle yâk nanje olop watyelekmenâ ariet. Hoj manman âmbâlegât nanjande âmbâle bunjaet nanje olop bât samut bo membiâp. <sup>31</sup>Aregât galalupne, nen hoj manman âmbâlegât nanlupje bo. Nen amâ âmbâle bunje yâkgât nanlupje dop agion manden.

### Yesuje emelâk tâgânba olojnenegep.

**5** <sup>1</sup>Galama, tâk bâlâk mannegât Kristonje hulañ nenegep, aregât bikñande tâgân katyekberâm akbiâ amâ hâkâñ akbei. <sup>2</sup>Nâ Paulonje makyengiwe nângânet. Ye hâkgât tirip membiâ amâ Kristonje yengâlân wan me wan yâñje hainare akbop. <sup>3</sup>Gaetje totokom makyengiwe. Siâ hâkñân tirip membiapñe den kârikje hârok lokombo ârândân akbiap. <sup>4</sup>Den kârikje lokom dosa bâlâk manberâm akbiâ amâ ye Kristo olop



dewatiyi are toktâp. Akto han kalem yengâlân bunje bo akbop. <sup>5-6</sup> Akto nenje biwinenje Yesu Kristogâlân kalion nen hâknenne gâi anjiyion akto bo gâi anjiyi nen âmâ kâmot konok akmâ biwinenje Yesugâlân hokboâk hokboâk katmâ hoj bawa aganjmâ okot âlep aganjmaen. Aregât akto Anutugât Heakjande tân nengumbo Yesuje âi miep aregât hâuje âlepne membaen aregâlâk nângâm miawagâk dâm kondenne kambiamnenje sândugem âlepne akmap.

**Luâk den hanâk makmai are yengât den bo nângâniâm.**

<sup>7-8</sup> Galalupne, ye ulikjân den pat âlepne nângâm Yesu hoj bawa aganjbiâ yektere ârândâj agep. Gârâmâ hinje Yuda luâk amon siâne Humonenjande ye olojyekmâ manman âlepnaet dâwân katyegep arekne bo hungunyengiep arekne yengâlân togombiâ âmâ denyene dowâk nângâyi aregât pat nângâre bo ârândâj agep. <sup>9</sup> Amâ hin. Bau wiye bâlensiâ solân gembo hârok bâlimap. <sup>10</sup> Akto nâ biwine Humogâlân katmâ manman aregât hin nângân. Ye hinâk nângâwai. Luâk bâleje akyengimap are âgâ âgâne me gegeje bikne Anutuje hâuje waŋdo umatje membiap.

<sup>11</sup> Galalupne, nâ tiripdâ akjetgât luâk makyengiman dâine wangât dâtne metne siâ akniñbâi? Hain akman dâine lâwin parânaet nângâm bâli bâli are olop bo akbop. <sup>12</sup> Yuda luâk arekne hâkyene gâiangim hilip agum gâi anjinetgât nângân.

**Yesuje hulaŋ nenegepgât uŋak amâ kotje siâ hanâk bo akbaen.**

<sup>13-14</sup> Galalupne, yeje wan me wangât hoj bawa akmini ainba Anutuje olojyekto âlepjân manmai aregât hâkgât siâ siâ aregât bo ukenje akmâ watbei. Aregât den kâriknaet keinjande hin dâp. Ye yeje aganjimai hainâk luâk siâ aganjbei. Hain maktâp aregât den are lokom yeje hoj bawa aganjim okot âlep aganjim âmâ den kârikne hârok lokowei. <sup>15</sup> Ye âmâ dâtyenande igiakmâ agu agu dondâ akmâ bo akbâigât sami den makyengiân.

**Heakgât den akto manman tâmbânaet den.**

<sup>16-17</sup> Galalupne, hâkyenande olojyekto aregâlâk nângâm watbiâ âmâ hâkyenande Anutugât Heakne are mem ge katberâm akto ye wan me wan âlepne memberâm akbai aregât dop bo akbiâp. Aregât hâkyenae bo nângâmbiâ agato Anutugât Heakjande wan me wangât makyengimbo aregâlâk nângâmbiâ âmâ agak meme bâlenjande kambiamyenân heyengimbo are bo nângâm âlepjânâk manbai. <sup>18</sup> Anutugât Heakne olojyekmâ mem owâne akyengimbo amâ den kârikne arekne luâk kembu bo akyengiwiap.

<sup>19</sup> Galalupne, hâkgât agak meme amâ miapjân tatmap. Amâ hin. Âmbâle mem hepun hepun akto nângâ nângâ bâleje, ukenjaet kotje

siâ siâ, akto bâleŋaet kotŋe siâ siâ, <sup>20</sup>akto tukup kotŋe mem agatmai akto kâmbokŋe kârikŋe me sait memai akto galagât hogo hogo, akto galayenġât wan me wangât nânġâmbiâ âġâmap akto kuk hengân aganġimai akto yeŋaelâk nânġâmbiâ âġâmap, <sup>21</sup>ewangiak gowangiak kakŋân manmai, tu kârikŋe nem gulip akmâ akto sot soŋgo kâmdâk nene akmâ bâleŋe siâ siâ hârok akmai. Akmâ ire gaetŋe makyenġiwe. Agak meme are luâk âmbâle hârokŋe hain akmai amâ Anutuŋe bo damunyene akto Yesugât kâmolân bo dewatiwai. <sup>22</sup>Dâ luâk âmbâle bikŋe Anutugât Heakŋande meme akyenġimbo hin akmai. Anutu akto luâk bikŋe yenġât okotyene akmai, akto Anutuŋe damun nenŋe akmap dâm areġât herone dondâ akbiâ biwiyene sândugemap, akto umatŋe me gasa me wan me wan akberâmbiâ umatŋe miawakyenġimbo âmâ biwiyene kârikŋe tatyenġimbo yaiwâk yaiyenġum manmâ âġâwai. Akto agak meme âlepŋeâk akmâ manmai. Akto wan me wan makmâ katmai areġâlâk nânġâm watmâ manbai. <sup>23</sup>Akto yeŋaet nânġâmbiâ gembo galalupyene yenġât nânġâmbiâ âġâambo tân yenġum manbai. Akto biwiyenande wan me wangât egâlianġo ainâk mem ge katmâ manbai. Luâk âmbâle hain akmai arekŋe den kârikŋande mem ge katyekbiapġât dâp bo tatâp. <sup>24</sup>Akto Kristogât pat manmai amâ agak meme tâmbâŋeyene egâlianġ akto bâleŋaet egâlianġ are lâwin parâŋân kombiâ bo agep.

<sup>25</sup>Anutugât Heakŋande meme aknengimap âmâ benŋe areġât dowâk biwinenŋe yâkgâlân katmâ lauŋe lokowaen. <sup>26</sup>Akto galayenġât siâ siâ are ekmâ egâlianġmâ kotŋe gulip bo mem agatbaen. Akto hâknenŋe bo mem agatbaen akto galagât bo mem ge kalanġiwaen.

#### Gala siâŋe umatŋe lokombo tângowaen.

**6** <sup>1</sup>Galalupne, luâk siâŋe yeugem dosa penianġo ye wât meme akmaiŋe biwi sânduk akmâ hainare makmâ miwindik yekbei. Akto gâ gugak bâleŋe akbom dâm yeugewâtġât damunge akben. <sup>2</sup>Wan me wan yenġim mem umatŋe mânġi yekmap are anġi goanġi akmâ tân agu aguân membei. Hain akmâ Kristogât den kârikŋe âlepŋe lokowai. <sup>3</sup>Luâk siâ wan me wan bo akmâ ikiŋaet nânġâambo âġâwapi hain arekŋe ikiŋaet hanŋe mem agatâp dâwaen. <sup>4</sup>Areġât siâ ikiŋe agak memene ekmâ nânġânbiâp. Akto egâlianġ den are ikiŋaet akmâ mem miawakbiâp. Luâk anġâ siâġât akmâ bo. <sup>5</sup>Âiġât umatŋe kâmot kat katŋe are amboŋân amboŋân lokowaen. <sup>6</sup>Akto yenġât humomolupyenande Anutugât keiŋe makyenġiwai are wan me wan bo tatyenġimbo âmâ dowâk tânyenġum wan me wan bo tatyenġiwiap are yenġiwei.

#### Agak memenŋaet hâuŋe manmâ penianġbaen.

<sup>7</sup>Yeŋe guwuŋ anġiwâiġât ire nânġâwei. Anutuŋe siâ siâ hârok ekmâ nânġâmap areġât luâk âmbâleŋe wan me wan akbiâ âmâ yâk hainâk

akyengimap. <sup>8</sup>Dâ luâk âmbâleŋe hâkyeŋeâk mem agatbiâ âmâ siân Anutuŋe hâkyeŋe kondo hambuwiap. Dâ luâk âmbâleŋe Anutuŋat Heakŋe aregâlâk nâŋgâenŋe âmâ tân nengumbo ain manman âlepŋân manbaen. <sup>9</sup>Galalupne aregâlâk nâŋgâm âi âlepŋeâk mem luâk âmbâle tân yeŋgum umatŋe miawak nengiwiap me hâknenŋe yeukŋe miawak nengiwiap are hanâk âiâk mem âgâwaen. Nen hain aktenŋe irawot Anutuŋe hâuŋe nengiwiap. <sup>10</sup>Are nâŋgâm âmâ sop nenŋe tatoân hin akbaen. Luâk âmbâle yânŋe umatŋân manbai are tânyenŋuwaen. Akto Yesugât kâmot umatŋân manbiâ are âkâ hainâk hâk hilâlâm kakŋân tânyenŋuwaen.

**Pauloŋe Yesu lâwinân kombiâ moep aregât den makmâ heronŋe agep.**

<sup>11</sup>Galatia hânân gâtŋe, kulem esenŋe ire luâk siâ maganŋere kulemgoâp. Dâ biken ire âmâ nunak kulemgoân aregât bât tiripne humo ekmâ hin dâwei. Bunŋe kulem ire âmâ Pauloŋe kulemgoep. <sup>12</sup>Yuda luâk hâkyeŋe gâi anŋinet dâmai arekŋe luâk âmbâle hârokŋe nenekbiâ âgâk dâm hâkyeŋe gâiŋet dâmai. Akto areâk bo. Yuda siânbaŋe nenguwâirâm Yesu lâwinân moep aregât hamep akmâ Anutuŋe dosayeŋe bo akyenŋiâp dâmap aregât den bo makyenŋim hâkyeŋe gâi gâigâlâk makyenŋimai. <sup>13</sup>Akto luâk are hâkyeŋe gâiyi gârâmâ den kârikŋe bo lokomai aregât Galatia hânân gâtŋe hâkyeŋe gâienŋe galalupnenŋande nenekmâ kotnenŋe mem agatbairâm aregât ye hâwâtyekmai. <sup>14</sup>Dâ nâmâ kotne mem agatbaigât bo nâŋgân aregât nâmâ hin nâŋgân. Humonenŋe Yesu Kristo lâwinân kombiâ moep aregâlâk nâŋgare humo akmap. Yâkgât akmâ hânân gâtŋe wan me wanŋe mendere lâwin parâŋân moniŋep. Akto nâ hainagâk lâwin parâŋân hânân wan me wan are moanŋân. <sup>15</sup>Aregât lâuwânŋe makbe. Hâknenŋe gâi anŋiyion me Yuda luâk bo manmai arekŋe bo gâi anŋiyi are amâ yânŋe. Dâ Anutuŋe mem irakŋe ketugu nenekmap aregâlâk nâŋgâman. <sup>16</sup>Hewum horat ain kinmai dopŋân yeŋgâlân biwi limbâp hâtikom yembiâp. Akto Anutuŋe ikiŋe kâmot Israe bunŋe nengâlân olowâk malâk.

<sup>17</sup>Galalupne nâmâ Yesugât hoŋ bawa bunŋe aganŋmâ hâk hilâlâm humo nâŋgâm aregât hâknân panda tatâp aregât luâk siânŋe mem ge katnekbiapgât dop bo tatâp.

<sup>18</sup>Galalupne, Kembunenŋe Yesu Kristogât han kalemŋe âlepŋande hanyenŋân yem âgâwiâp. A bundâk.

# Epeso

---

## Pauloŋe Epeso gâtŋe yeŋgât Anutu ulilanep.

**1** <sup>1</sup>Galalupne, nâ Paulo Anutuŋe makto Yesu Kristoŋe Aposologât âi niŋmâ huŋgun niŋdo âi memâk manman nâŋe Epeso kepiant gâtŋe yeŋgât kulem esenŋe ire kulemgom katyeŋgiân. Ye Yesu Kristo nâŋgâ aŋmâ lauŋe lokomai ye kulem ire mem oyaŋbei.

<sup>2</sup>Ewenenŋe Anutu akto Humonenŋe Yesu Kristo yâk yetŋe damunyeŋe akmâ han kalem akmâ okot âlep akyeŋgimbela biwiyenŋe sândugeâkgât ulityekiman.

## Anutuŋe Yesugât akmâ dâp âlepnân katnenegep.

<sup>3</sup>Anutu amâ Humonenŋe Yesu Kristogât Eweŋe yâkŋe nengât kambiamnenŋe sândugeâk dâm nengât akmâ nanŋe huŋgun aŋdo giep. Gem mondo himbimân nengât agak meme âlepŋe are miawak nengiep aregât Anutugât kotŋe mem agatne. <sup>4</sup>Akto areâk bo. Anutuŋe hângeiŋe dondâ hânġât keiŋe boâk miawaktoân metenân dosa bâlâk kinbai dâm han kalem akmâ Kristo olop mem mendugu nenegep. <sup>5-6</sup>Hain akmâ Kristoŋe wan me wan akbiapgât ulikŋân nâŋgâm kinmâ okot nâŋgâ nengiwiapgât makmâ hâre aŋep. Akto nan baratlupeŋe nengonbiapgât ikiŋaet nâŋgâ nâŋgâ watmâ ikiŋe nanŋe okot dondâ nâŋgaŋmap are huŋgun aŋdo giep, yâk nâŋgaŋmâ mepaiŋe mem kotŋe mem agatmâ manmâ âgâwaen. <sup>7</sup>Yesugât hepŋe puli nenekto amâ Anutuŋe dosanenŋe kutigitnengiwiapgât dâp miawaknengiep. Amâ han kalemŋaet bâtgumŋe yendâp aregât dopŋân hain aknengiep. <sup>8</sup>Akto dopŋe hin. Anutuŋe nâŋgâ nâŋgâŋe kotgâm bunŋe umatdâk hain nengiep. <sup>9</sup>Akto aregât bikŋe hin. Anutuŋe ikiŋe biwiŋân den ulik gulik nâŋgâm tigiep are bunŋe miawakto hinŋe nen Kristogât keiŋe hekat nengiep. <sup>10</sup>Amâ hin. Anutuŋe Kristo huŋgun aŋdo giep are amâ siâ siâ hârok himbimân me hânân mendugum kautnenŋe akbiapgât huŋgun aŋdo giep. Dâ Anutuŋe wan nâŋgâm makmâ kalep are bo akbiapgât dâp bo tatâp. Kristogât akmâ akbiawâk hârok.

<sup>11</sup>Yâkgât akmâ siâ me siâ hârok hanŋân nâŋgâm kârigem nâŋgâmapŋe tâmbâŋe dondâ nenekmâ kepilâ nenegep. <sup>12</sup>Anutuŋe makmâ hârieŋgât

aregât nen Yuda manmaenne biwinnenje Kristogâlân katenje kilep nenje âmâ Anutugât kotnje mem agatmâ agak meme âlepnje mem âgâwaengât Anutuje nângâm makmâ nengiep. <sup>13</sup>Dâ hinje Yuda bo manmai yeje hainâk den bunjande hejgem nengumap den pat âlepnje are mem biwiyenân katmâ Kristo nânğanbiâ Anutuje ikinjandeân Heak kâriknje makmâ kalep arekne gem biwiyenje mem kepik yekto yâkgât tiripnje agi. <sup>14</sup>Akto areâk bo. Anutugât Heak kârikjande âmâ nengât pat himbimân yengât dâtânje aregât keiñe nângâñet dâm biwinnenje kepigep. Aregât ukenje nângâm mandenne are bunje nengiwip. Aregât kotnje mem agatne.

### **Pauloñe Heakñe kârikñe ketuyekbiapgât ulilañep.**

<sup>15</sup>Yu kulengoân iregât akto ye Humo Yesu nânğanmai akto Yesugât luâk gala akyengimai aregât gai den pat nângâm âmâ <sup>16</sup>Humonenje âlepñerâm mepaiñe mem yengât akmâ Anutu ulilañman. <sup>17</sup>Hin. Humonenje Yesu Kristogât Anutu Pagaleñe Amboñe yâkñe Heak hunjun aņdo biwi nângâ nângâyeñe mem kepikto kârikñe nânğanbiâ ârândân akbiapgât ulilañman. <sup>18</sup>Akto biwiyenje mem kepikto âmâ Humoñe yengonmâ meyekmâ himbimân manman âlepñaet pat katyengiep aregât nângâmbiâ bunje akbiap. Akto wan me wan luâk âmbâle yâkgât nanje baratñe yengonbiapgât nângâm makmâ hâriep arekai nângâmbiâ bunje akbiap. Aregât yengât ulilañman. <sup>19</sup>Akto areâk bo. Anutuñe nen nânğanmaen nen tân nenguwiapgât bo pâpkomap. Amâ yâkgât kârikñeñe humo arekne dowâk tân nengumap. Akto wan me wanje mem ge kat nenekbiapgât dop bo tatâp a hainâk nângâmbiâ bunje agâkgât Anutu ulilañman. <sup>20</sup>Akto Anutugât kârikñe are emelâk ektenje bunje agep amâ hin. Anutuñe Kristo momoñânba goaņdo golâ akto ikinje båtñe bungen ain himbimân ain kalep. Aregât kârikñe. <sup>21</sup>Gawaman me luâk kotdâ kembu me luâk âgâ âgâñe yâk yengât luâk Kembu Humo kalep. Amâ sop hinñaelâk bo. Hainâk tatmâ âgâwiapgât Anutuñe Kristo kato tatmâ âgâwiap. <sup>22</sup>Âgâm siâ siâ hârok ikinje keiñan menduguyekmâ kembuyeñe agâkgât kautñe Humonenje kato talep. Akto tatâp. <sup>23</sup>Akto nenje yâkgât hâkñe keiñe båtñe aktenje mem kârirogenekmâ bam gutmâ manmâ siâ me siâ hârok ewangim ârândân aknengim manmap.

### **Epesogâtñe ulikñan hanâk hanâk manmini.**

**2** <sup>1</sup>Galalupne, Epeso kepien gâtñe ye ulikñan wan me wan agi are nângâi. Dâ yu Anutuñe wan akyengiep aregât maktere nângâ nângâyeñe hulañagâk. Ye ulikñan bâleñeyenande katipyengumbo âmâ momogât dâp miawakyengiep. Dâ âlepñe akbiâ manman âlepñaet dâp miawak yengiwipgât dop bo tatyengiep. <sup>2</sup>Ye ulikñan hângât agak meme aregât ukenje nângâm mali. Akto hângât kembu hân hârok damunje

akmap Bâleje Amboje akto kâmotlupne arekne luâk âmbâle bâleje den koko akmai are hâwâtyekto bâleje higenje akmâ mali. <sup>3</sup>Akto nen hârok hainâk luâk âmbâle are gala kalakmâ dâp hainâk akmâ manmâ biwi tâmbâje akto hâknennaet ukenje walion. Aregât Anutuje hângât kuk bâleje akyengiwiapgât nengâlân hainâk miawaknengep.

**Anutuje mem agatmâ dâp âlepñân katnenejep.**

<sup>4</sup>Hain ina Anutuje okot âlep aknengim han kalemne bâtgumne pikmâ yemap hainare yeandâpgât biwi nângâ nângânenne hulañnengimbo Yesuje âi wan miep aregât manman âlepne katnengep. <sup>5</sup>Dâ imâ nengât nângâ nângânenne bo. Akto kâriknenenne bo tatnengiewân Anutuje goañnenekmâ hulañnenejep. Bo. Hin akmâ hulañnenejep. Nen bâlenenñande katipnengumbo momo dâwân malion ain han kalem akmâ Kristogât akmâ manman dâpñân katnenejep. <sup>6</sup>Anutuje Yesu Kristo olop goañnenekmâ ikiñae himbimgât manmanân katnenejep. <sup>7</sup>Amâ siân Anutuje okot âlepgât agak meme âlepne akto lumbe akmap akto yaiwâk aknengim dosa nenne puliwiapgât pat miawagâkgât himbimgât pat katnengep. Akto Yesu Kristone âi miep aregât nângâm Anutuje okot âlepñae ye meyekto biwiyene Yesugâlân katbiâ hengemgo hengemgogât pat miawak yengiep. <sup>8</sup>Dâ yeñae nângâ nângâyenñande bo hengemyenguep. Anutuje ikiñe okot âlepñae hain akyengiep. <sup>9</sup>Akto yeñe âi siâ siâ meyi arekne bo hengem yenguep. Âi yeñande bo tânyenguep. Bo dondâ. Anutuje ikiñe han kalemgât tân yenguep. Dâ Anutuje nengât âi oyañmâ hâu nengiep dâine kotnenne mem agatbâengât dâp tatbop. Gârâmâ nenñae nângâenne humo akbop aregât Anutuje ikiñe ukenje watmâ nângâ nengiep. <sup>10</sup>Aregât keiñe hin. Anutuje agak meme âlepne mem âgâwaengât Yesu Kristo dumnennân kilep aregât dosa pulinengim irakne ketugu nenejep. Akto dâp âlepne watbaengât Anutuje makmâ kalep are hulañ aknengep.

**Yesuje kâmot konogân katnenejep.**

<sup>11</sup>Galalupne, ye yeñae keiyene nângâi. Hângeiñe ye Anutugât kâmolân gâtne olop bo mali. Akto sop ain âmâ Yuda luâk nenne yekmâ luâk yânne Anutuje damunyeñe bo akmap dâm yengonminion. Akto ye Yuda yengât pat bo wali aregât Yuda gâtñande yekmâ hâkyene bo gâi anñimai dâm dewunnennân gemini. Dâ agak meme are âmâ umatje bo. <sup>12</sup>Dâ sop ain Kristo bâlâk mali are âmâ umatje. Aregât Israe Anutugât kâmot are yengâlân bo dewatiyi. Bo dewatimbiâ Anutuje den patje âlepne makmâ kalep are yengâlân bo miawagep. Aregât biwiyene sândugeâkgât bo miawakto umatñân manmâ Anutu damun aknengimap are bâlâk mali. <sup>13</sup>Akto ye hândâk kâlegen manbiâ Anutuje Yesu Kristo moep aregât âlepñae oloñyekto manman âlepñae dâp miawakyengiep. <sup>14</sup>Akto

Kristogât akmâ nengât biwi sândugeâkgât hin makbe. Ulikjân nen Israe kâmot akto ye siângen gâtje aregât kâmot nen konok bo mandenje umatje bâleje miawaknengiep. Akto Kristoje nen kâmot konok aknegât dâp miawagâkgât âi miep. <sup>15-16</sup>Âi humo mem Yuda nengât den kârikje lokom metem âmâ lâwinân mondo aregât Anutuje den kârikje makmâ hâriej ina are bunje bo agep. Bo agep aregât nen Israe gâtje akto ye siân gâtje nen hârok kâmot konok aktenje Anutugât kuk bo agep aregât menenekbiap. Amâ yân bo. Kristoje miawagâkgât hânân manmâ mondo ainâk gasagât me kuk agak meme are bo agep. <sup>17</sup>Are bo akto Yesuje togom makto nen Israe gâtje nengâlân akto ye kâmot anjâ mali yengâlân den pat âlepje miawaknengimbo hândâk me hamepgât pat are bo akto biwinnenje sândugiep. <sup>18</sup>Akto Anutugât Heak amâ nengât tân konok arekje miawakmâ Anutugâlân kewugunenekto yâkgâlân baenje Ewenenje aknengimap.

**Yesugât kâmot nen amâ Anutugât emet bunje.**

<sup>19</sup>Maktân are sop hinje ye ambo bâlâk bo mandâi. Akto ye lombo hinare bo mandâi. Anutugât kâmolân dewatiyi aregât Anutuje nan baratlupne dâm yengonmap. <sup>20</sup>Ye Aposolo akto propete hambo memenje hain are agion nengât den kârikjande tân yengumbo Anutugât emet kârikje akmâ kinmai. Dâ Yesu Kristo ikiñak amâ emet tetembeje kârikje kinmâ tân yengumbo Anutugât emet kârikje akmâ kinmai. <sup>21</sup>Dâ nen miawagion aregât Israe gâtje akto ye kâmot siân gâtje nen dewatiakmâ Heakgât emetje kâmbokje akmaen. <sup>22</sup>Aregât ye hain agâk Anutuje mângiyekto nen olop Anutugât emet miawakto Heakje âlepñande ain manmap.

**Pauloje Anutu bo nângaji yengât den pat âlepje makyengiep.**

**3** <sup>1</sup>Galalupne, nâmâ ye luâk âmbâle yânje manmini Paulo nâje yengât âi mem mandere bikñande hâkân akniñmâ kala busi kâlegen katnegi. Katnekbiâ yu mandân. Aregât nâ hin makyengire nângâñet. <sup>2</sup>Anutuje yengât han kalem akmâ âi niñep a nângâmai aten. <sup>3</sup>Amâ hin. Ye yânje mali are den pat âlepje yengâlân miawakbiapgât pat Anutuje ulikjân bo makmâ miawagep. Den pat are ikiñak hekatniñep. Den are emelâk getek kulemgore nângâm meteâi. <sup>4</sup>Akto hinje kulemgore Kristogât keñje tiktik yiep are nângâman are yekâ hainâk nângâwerâi. <sup>5</sup>Amâ Kristogât keñje are hângeñje luâk manmâ gayi yâk yengâlân bo makmâ miawakto nângâyi. Dâ hinje makto ikiñe Heak arekje propetelupje yâk akto aposololupje nen âlepje manmaen Kristogât keñje are hekatnengiep. <sup>6</sup>Kristogât keñje tiktikje yiep amâ hin. Anutuje Yuda luâk âmbâle nen nan baratlupje nengolep. Dâ hinje hainâk ye gai luâk âmbâle yânje den pat âlepje nângâmbiâ Anutuje mem oloñyekmâ nen



olop kâmot konok mendugunenekto kâmot konok aktenje nan baratlupne nengonmap. Aregât nen hârok Yesu Kristogât akmâ makmâ hâriep are lâmgom manmaen.

<sup>7</sup>Dâ hinje Anutuje pat âlepje are miapjân katmâ makyengiwiangât âi nijep. Akto Anutuje âi ire yân bo nijep. Anutuje okot nângâ nijmâ aregât kârikje olowâk nijmâ tân naguep. <sup>8</sup>Akto nâ luâk gegeje dondâ nâ Yesugât kâmolân âgâm manbiangât dâp bo tatnijep. Dâ amâ Anutuje hanâk dâm tân nugumbo Yuda bo manmai are yengâlân arim Kristo gâlânba sambe humo bo ekmâ hejgemgomaen yemap aregât keije makyengire nângâm metewaigât dâp bo tat nijdâp. Dâ amâ hanâk tân nugumbo makyengiman. <sup>9</sup>Akto areâk bo. Anutu hân himbim me wan me wan mem miawak yegep arekje luâk âmbâle hânje hânje manmai are hârok den pat âlepje tigimbo yonâk yem gaep are hinje nângânet dâm tân nugumbo aregât manmâ makyengiman. <sup>10</sup>Akto Anutuje hânânâk bo ketuguep. Himbimân âgâ âgâje manmai akto kârikje akmâ manmai yâk hainâk Anutugât nângâ nângâje siâ siâ akto kulemje keije keije nângânet dâm Yesugât kâmotlupje nenjaelân Kristogât keije mem miawagep. Mem miawakto nenekmâ nângâm hejgemgoyi. <sup>11</sup>Akto yu kulengoân ire âmâ Anutuje hângeije biwijân makmâ kârikje ketuguep. Are hinje miapjân katberâm Humonenje Yesu Kristo huŋgun aŋmâ mem miawagep. <sup>12</sup>Akto Kristoje dâp hekatnengimbo nânganmâ biwinenje yâkgâlân katenje kindo hamep bâlâk Anutu enemjân kinmâ ulilaŋmaen. <sup>13</sup>Aregât hin makyengire nângânet. Nâ yengât akmâ hâk hilâlâm nângâm mandere aregât nângâm biwiyenje bo umatje akbiâp. Bo. Anutuje âmâ ye âlepjân manmâ âgâwaigât dâm makto umatje miawakniŋmap.

### **Pauloŋe Epeso luâk âmbâle yengât akmâ Anutu ulilaŋep.**

<sup>14</sup>Akto Anutuje wan nângâm hejgemgoep are miawagâkgât nângâm âmâ dowâk hânân kâŋgom Ewenenje are ulilaŋman. <sup>15</sup>Ewenenje hânje hânje manmaen akto himbimân manmai are nengât Ambonenje are ulilaŋman. <sup>16</sup>Amâ yengât hin ulilaŋman. Anutuje pagaleje humo dondâjande Heak huŋgun aŋdo biwiyenje mem kepikto hanyenande kaulem kârikje akbiap dâm ulilaŋman. <sup>17</sup>Akto areâk bo. Kristo nânganbiâ biwijân tatmâ malâk. Akto ye lâwin kândârâje gem kârikje akmap ye dop hainâk okot âlep aganŋimai ye kândârâjeje Kristo yâkgâlân okot âlep nânganmâ manbei. <sup>18</sup>Hain manmâ âmâ Yesugât kâmot nen olop Kristoje okot nângâ nengimap aregât tâje parâje keije keije hârok nângâm metewaengât. <sup>19</sup>Akto Kristogât biwi tângo tângo aregât keije hârok nângâm metewaengât dop bo tatâp, are hârok nângâwaigât ulilaŋman. Akto Anutugâlân biwi sambe pikmâ yendâp arekje mem pikmâ meteyekbiap. A hainâk ulilaŋman.

<sup>20</sup>Akto Anutu kârikŋaet keiŋe nengâlân wan me wan mem miawakmap yâk siâ siâ hârok ketugumap yâkŋe nengât ulitnenŋe akto nâŋgâ nâŋgânenŋe are hârok ewangimap. Nen yâkgât dop bo. <sup>21</sup>Aregât nen Yesu Kristogât kâmot nenŋe Anutuŋe nengât akmâ huŋgunanŋo giep aregât nâŋgâenŋe humo agâk. Akto humo akmâ âgâwiâp. A bundâk.

#### Heakŋe mendugu nenekto kâmot konok agion.

**4** <sup>1</sup>Galalupne, nâ wan kulengoân are siâkâ makbe. Nâ Humogât den makman aregât kala busi kâlegen katnegi. Katnekbiâ hâk hilâlâm nâŋgâm manmâ gan aregât nâ ire hâwâtyekmâ makyenŋire nâŋgâŋet. Anutuŋe oloŋyegep are dopŋânâk nâŋgâmbiâ humo akto manbei. <sup>2</sup>Manmâ yeŋaet nâŋgâmbiâ gembo yeukŋe akmâ okot âlep aganŋim biwiyenande tânagum kârigem kinmâ dosayeŋe hepun anŋiwei. <sup>3</sup>Akmâ Anutugât Heakŋande menduguyegep are hâre akbopgât yaiwâk damungom tân agumbiâ biwiyenŋe konok akto manbei. <sup>4</sup>Akto Yesugât kâmot amâ konok akto Anutugât Heak akai konok akto Anutuŋe oloŋyegep gârâmâ hâmbâi yâk olop himbimân manbaen aregât konok nâŋgâmbiâ humo akbiâp. <sup>5</sup>Akto Humonenŋe a konok akto biwinenŋe Yesugâlân sop konok katenŋe kilep arekŋe kârikŋe akmâ âgâwiâp. Akto sop konok tu pulinenegap are. <sup>6</sup>Akto Anutu Ewenenŋe konok yâkŋe konok amâ Amboŋe akmâ wan me wan kotŋe hârok damunnenŋe akmap.

#### Kembuŋe âiŋaet akmâ luâk unduwâk kepilâyegep.

<sup>7</sup>Dâ nengât wan me wan Kristoŋe nengiep amâ dondâ. Kristoŋe okot âlep aknengimap aregât dop nenŋânâk wan me wan nengimap. <sup>8</sup>Aregât amâ Anutugât denŋande hin dâep, “Humonenŋe egon dondâ âgâep. Âgâm emelâk gasalupŋe yeŋgumbo yeukŋe akbiâ kewugu yegep. Sop ain wan me wan are ikiŋe kâmolân katyengiep.” hain kulengoep. <sup>9</sup>Aregât keiŋe amâ inŋon soŋ malep arewa egon âgâep. <sup>10</sup>Humonenŋe inŋon inŋon dondâ gem malep arekŋe purik katmâ himbim kakŋân âgâm siâ siâ hârok damun yeŋe akberâm agep are. <sup>11</sup>Humonenŋe hain akmâ wan me wan ikiŋe kâmotlupŋe nengiep amâ hin. Luâk bikŋe Aposologât âi nengimbo meyion. Bikŋe Propete âi yeŋgiep. Bikŋe Yesu bonânŋanŋmai are yeŋgâlân arim makyenŋiwaigât kârikŋe yeŋgimbo meyi. Bikŋe Yesugât kâmot damunyeŋe akbaigât âi yeŋgiep. Bikŋe Yesugât kâmot are heŋgemgom makyenŋiwaigât kârikŋe yeŋgiep. <sup>12</sup>Amâ Yesugât kâmot nen hârok ikiŋaet kârikŋânâk manbaengât akto den sambelem arimbo luâk âmbâle Yesugât keiŋe bo nâŋgâm manmai are biwinenŋe Yesugâlân katenŋe tato manmâ makyenŋienŋe dewatimbiâ hainâk manmâ âgâwaengât kârikŋe nengiep. <sup>13</sup>Hain nengiep aregât âi memâk manmâ nen biwi konok akmâ mandenŋe kârikŋe are hainâk tatmâ âgâwiap. Akto Kristoŋe âlepŋe akmap nen dop hainâk Anutugât nanŋe nâŋgâm heŋgemgom âlepŋeâk

manbaengât Anutuŋe tân nengumap. <sup>14</sup>Nen gurukŋe hain are bo akmâ kârikŋe akmâ manbaen. Hain mandenŋe hianŋi luâkŋe den bunŋe bo arekŋe henengimbiâ yâk yengât hianŋi den akto lau elekgât seruŋe mem waitnenekto bo hâkukniâm. <sup>15</sup>Bo. Yeukŋe han kalem akmâ âmâ den bunŋe paŋâk mem mandenŋe biwi tânnenŋande miawakmâ sambelembo kautnenŋe Kristo yâkgâlân dewatim kârikŋe akbaen. <sup>16</sup>Dewatim kârikŋe aktenŋe kautnenŋe Kristo arekŋe damunnenŋe akmâ mendugu nenekmâ katnenekto kâmot konok akmâ hâkŋe akmaen. Hain akmâ hârok ikiŋeâk ikiŋeâk âinenŋe mem biwinenŋe tân agum kaulem kârikŋe manbaen.

### Yesugât kâmot dâp irakŋân ariwaen.

<sup>17</sup>Galalupne, nâ Humogât metenŋân makyengire nânŋâm heŋgemgoŋet. Ye luâk âmbâle hânŋâlâk nânŋâmbiâ humo akmap are olop hero bo manbei. Luâk hanŋâlâk nânŋâmai arekŋe wan me wan âlepŋe nânŋâwerâmbiâ umatŋe akto pâpkomai. <sup>18</sup>Hain akmâ han biwiyenŋe kârikŋe akto aregât biwi nânŋâ nânŋâyene hândâk akto Anutugât manman hepunmâ akrâŋgen manmai. Are olop gala bo akbei. <sup>19</sup>Gala okot bo nânŋâ aŋgim sot songogât nânŋâmbiâ ukenŋe akto nem gulip akmâ egâlianŋ bâleŋe keiŋe keiŋe aregât ukenŋe humo nânŋâm gulip akmai.

<sup>20</sup>Dâ ye âmâ manman bâleŋe hainare manŋetgât nenŋe Kristogât keiŋe bo makyengiyion. <sup>21</sup>Ye âmâ Yesugât keiŋe bunŋe are makyengimbiâ nânŋâm metem âmâ nânŋaŋi. <sup>22</sup>Akto ye âmâ agak memeyenŋe ulikŋân meyi arekŋe oloŋ yekmâ hilip yenguwopgât wan me wan are âmâ mem petâm panbei. <sup>23</sup>Hain akbiâ nânŋâ nânŋâyene irakŋe miawakyengiyi. <sup>24</sup>Hain akmâ manmanyenŋe irakŋe luguakmâ manbei. Amâ Anutuŋe yengât katyengiep are mem manbiâ agak memeyenŋe are Anutuŋe ekto huraguwiap. Akto hainâk manmâ âgâwai. Den ire hârok emelâk makyengienŋe nânŋâyi.

### Bâleŋe keiŋe keiŋe hâkokom manbaen.

<sup>25</sup>Aregât hianŋi are hepunmâ den bunŋe konok makbei. Akto nen kâmot konok agion aregât den bunŋe konok magaŋgi goaŋgi aktenŋe ârândân akbiâp. <sup>26</sup>Akto kuk akbai ain âmâ bo bâlim metewei. Akto kuk heŋgân sop kâlep bo mem tatbei. <sup>27</sup>Hain akbiâ Bâleŋe Amboŋande yeukŋe ketugu yekbopgât biwiyenŋe damunŋe akbei. <sup>28</sup>Akto yengâlân gâtŋe yâk kâmbu agi arekŋe hinŋe kâmbu siâ bo akbei. Akto bâtyenŋande âi mem sot me wan me wan miawakyengiyi. Hain manmâ âmâ benŋe galalupyenŋe siâ wan me wan umburuk akbai are bikŋe potatmâ yengimbiâ âlepŋe manbai.

<sup>29</sup>Akto ye hârok hin maktere nânŋâŋet. Den bâleŋe lauyenâmba bo makbei. Den âlepŋeâk hârok âmâ tân aguwei. Hain akbiâ âmâ

denyenjande biwiyenje tângombo âmâ wan me wangât umburuk akmai are tân yengumbo âlepne manbiâ biwiyenje sându gewiâp. Aregât den âlepneâk maganji goanji akbei.

<sup>30</sup>Galama, Anutuŋe ye nânġât pat dâm ikiye Heak huŋgun aŋdo biwiyenân Anutuŋe meyekbiapġât nânġâŋet dâm kepik yekto nânġâ nânġâyeŋe hulanagep. Aregât Heak âlepne are bo kom watmâ hâkân akbiâ bâliwiap. <sup>31</sup>Akto gasa den me kuk bo akbei. Akto galagât hogo hogo me wan me wan bâleŋe aregât kalakŋe urutmâ panbei. <sup>32</sup>Dâ hin akbei. Anutuŋe Kristogât akmâ dosayeŋe hepulep, aregât ye hainâk Kristogât kâmot gala aganġim heŋgem agum dosa hepun aŋgiwei.

### Pagalenânâk manbaen.

**5** <sup>1</sup>Galalupne, Anutuŋe Kristogât akmâ nan baratlupne dâm yenġonmâ okot âlep akyenġiepġât Anutuŋe wan me wangât akmap are akmâ manbei. Akto Anutugât tirip towat akmâ manbei. <sup>2</sup>Akto Kristoŋe okot âlep aknengim nengât akmâ Anutugât sumbe âlepne aganep aregât nânġâmbiâ humo akto Kristoŋe han kalem aknengimap a hainâk mem âmâ han kalemġât agak meme paŋâk mem manmâ âġâwei.

<sup>3</sup>Akto areâk bo. Ye amâ Anutugât kâmolân ġâtŋe agi aregât dopŋân dâp gulip bo manbei. Akto bâleŋe keiŋe keiŋe bo membei. Akto luâk âmbâle yenġât wan me wangât bo egâlianbei. Akto hânġât siâ siâ aregât nânġâmbiâ humo bo akbiâp. <sup>4</sup>Akto den bâleŋe me metepirikġât den me girijet dâm den yânŋe makbiâ bo ârândân akmap are bo makbei. Dâ hin amâ makbei. Den âlepne makmâ Anutu akto galalupyenŋe mepaiangiwai amâ âlepne. <sup>5</sup>Ye hin nânġâm heŋgemgom kârigewei. Luâk âmbâle egâlian bâleŋe me galagât siâ me siâ ekbiâ humo akmap amâ lâpio tugupġât nânġâmbiâ humo akmap hinare yâkŋe âmâ Kristogât akto Anutugât welam kulâġâtbiâ bo miawakyenġiwiap.

<sup>6</sup>Galalupne, luâk âmbâle Anutugât lau bo lokomai are Anutuŋe kuk humo akyenġiwiap. Aregât luâk âmbâle bikŋe heyenġim den bunŋe bo makbiâ âmâ yeŋe yâk yenġât den are nânġâmbiâ biwiyenŋe bo yeukŋe akbiâp. <sup>7</sup>Akto yâk yenġât bâleŋân bo tân yengumbiâ humo akbiâp. <sup>8</sup>Aregât lâuwânŋe makbe. Ye ulikŋân hain manbiâ hândâkŋe katipyenġuep. Dâ hinŋe Humonenŋande oloŋyekto pagalenân mandâi. Aregât pagalenân arim ain kârikŋe manbei. <sup>9</sup>Amâ biwi âlepne olop manmai akto den bunŋeâk makmai akto agak meme ârândânġâk manmai amâ pagalenân manmai dop hain. <sup>10</sup>Dâ siâ siâ akberâm âmâ Humoŋe nânġâmbo huraguwiap are ulik gulik nânġâm heŋgemgom akbei. <sup>11-12</sup>Galama, luâk âmbâle den koko arekŋe nengât agak meme nânġâwâi dâm wan me wan yoŋâk akmai are amâ makmâ nânġâm âmâ aŋun aŋgimaen. Aregât bâleŋe akmai are bo tânyenġuwei. Yeŋe agak meme bunŋe bo aregât hâkân akmâ agak memeyeŋe makmâ miawakbiâ

nângâwai. <sup>13-14</sup>Nen hin dâmaen. Asij yemai amâ momogât dâp hainânba agatbiâ Kristoŋe mem pagaleŋe ketugu yekbiap. Den are bunŋe akto pagaleŋande mem miawakbiap.

<sup>15</sup>Aregât ye agak meme yeŋaet damun akmâ manbei. Akto biwi nângâ nângâyêŋe damun akmâ manbiâ âmâ bo gulip akbiâp. <sup>16</sup>Sop hutŋân ire kâlegen bâleŋande sambelemagât sop bikŋe bo hepunmâ âi kârikŋe membei. <sup>17</sup>Aregât nângâ nângâ bâlâk dop hain bo manbei. Humoŋe âi makmâ yeŋgiep are ekmâ heŋgemgowei. <sup>18</sup>Akto tu kârikŋe nem gulip bo akbei. Arekŋe biwiyeŋe hilip kombo heŋgem yeŋguwiapgât dâp bo tatbop. Aregât tu kârikŋaet ukenŋe bo nângâm âmâ Anutugât Heakŋande yeŋgâlân tatmap aregât ukenŋe nângâwai. <sup>19</sup>Hain nângâm Heakŋe tânyeuwiapgât kep mem biwi owâi owâi akbei. Akto Humoŋe ukenŋe agakgât kep keŋgu Dawidiŋe kulempoep are hainâk biwiyeŋân katbei. Katmâ nângâm magaŋgi goaŋgi akbei. <sup>20</sup>Humonenŋe Yesu Kristogât akmâ mepaiŋe mem Anutu Ewe nenŋe siâ siâ keiŋe katmap aregât âlepŋerâm makmâ heronŋe akbei.

#### **Luâkdâ âmbendâ yeŋgât den.**

<sup>21</sup>Galalupne, ye hârok hin makyenŋiwe. Ye Kristogât hamep akmâ lau lokomai aregât lau loko aŋgim tân agum âgâwei. <sup>22</sup>Âmbâlema ye Humogât hoŋ bawa mandâi ye hainâk luâklupyenŋe yeŋgât lau lokowei. <sup>23</sup>Amâ Kristoŋe ikiŋe kâmot hârok nengât kautŋe akmap hainâk luâklupyenŋande âmbenlupyenŋe yeŋgât kautyeŋe akbai. Akto areâk bo. Kristoŋe ikiŋe kâmot are heŋgem nengumap. <sup>24</sup>Heŋgem nengumbo aregât Kristogât lau lokomaen. Aregât hainâk âmbenlupyenŋande luâklupyenŋe yeŋgât lau hârok lokoyenŋiwe.

<sup>25</sup>Galalupne, yeŋgât hutyeŋân gâtŋe âmbendâ yeŋgât hin makyenŋire nângâŋet. Kristo arekŋe ikiŋe kâmot nângât âmbâle dâtâŋe dâm biwi tân agaŋgim okot âlep agaŋgim moep. Aregât dop hainâk luâklupyenŋande âmbenlupyenŋe yeŋgât okot âlep akyenŋiwe. <sup>26</sup>Aregât lâuwâŋe makbe. Kristoŋe ikiŋe âmbâle dâtâŋe are agak meme âlepŋeâk akmâ mem manmâ âgâwiap dâm Anutugât den bunŋande akto tuŋe gem agak meme heleŋ a puliep. <sup>27</sup>Aregât ikiŋjaelân dewatiakmâ ikiŋe dâtâŋe heleŋ siâ me siâ hârok bâlâk manbiapgât heŋgem agum dosaŋe a puliep. <sup>28</sup>Aregât luâk yeŋe hâkyenŋe agaŋgimai dop hainâk âmbenlupyenŋe are okot âlep akyenŋiwe. <sup>29</sup>Hain akmâ luâk siâŋe ikiŋe hâk gasa bo agaŋmâ âmâ tângomâk manmap akto Kristoŋe ikiŋe kâmot hainâk âlepŋe akyenŋimap aregât luâklupyenŋande âmbenlupyenŋe tânyeuŋuwei. <sup>30</sup>Amâ hin. Nenŋe Kristogât kâmolân manmaen amâ yâkgât hâkŋe hinare akmaen aregât âmbenlupyenŋe olop okot âlep akmâ tân aguwei. <sup>31</sup>Aregât Anutuŋe makto Moseŋe hin kulempoep, “Luâkŋe ewe memelogâtŋe hepun yelekmâ âmbenŋaelân dewatimbo biwi me hâk konok akmâ manbiandat.” <sup>32</sup>Moseŋe hain kulempoep tatâp aregât keiŋe umatŋe

amâ hin. Kristo amâ luâknenje hainâk akmap. Dâ ikiñe kâmot nenje amâ yâkgât âmbâi dop hainare akmaen hain nânġân. <sup>33</sup>Aregât hin makyenġire nânġânjet. Luâk hârok yeñe hâkyenje tângomai dop hainâk âmbenlupyenje tân yenġuwei. Dâ âmbâle yeñe âmâ luâklupyenje yenġât den nânġâmbiâ bunje akbiap.

### Nan barat akto ewe meme yenġât den.

**6** <sup>1-3</sup>Galama, yenġât nan baratlupyenje yenġât hin makyenġire nânġânjet. Anutuñe makto Moseñe den kârikñe hin kulemgoep, “Nan barat ye ewe memelupyenje yenġât lauñe lokoyenġiwei. Lokombiâ âmâ Anutuñe makto hânân ire sop kâlewâk manmâ âġâwai.” Akto den are âmâ den kârikñe makmâ âmâ bunje miawakbiapġât olowâk makmâ hâriep. Amâ den kârikñe are lokombiâ Anutuñe hâuñe âlepñe yenġimbo hânân sop kâlewâk manmâ âġâwai. Are miawagâkgât luâk âmbâi sisik ye meme ewelupyenje yenġât lau lokowei. Arekñe âmâ dâp âlepñe. <sup>4</sup>Akto ewelupyenje hin makyenġire nânġânjet. Nananlupyenje orem miwindik yekbiâ ârândânġak manmâ âġâwei. Akto Humogât den are makyenġimbiâ Humonenñande ekto ârândânġ akbiap. Dâ kuk bâleñe akbâigât hanâk hanâk âmâ bo oreyekbai. Hain bo. Bâleñe akmâ âġâwâigât yaiwâk akyenġim koratyenġum dopyenġânâk orem miwindikyekbei.

### Luâk kembu akto hoñ luâk yenġât den.

<sup>5</sup>Akto hoñ bawa yenġât hin makbe. Yeñe Kristo wan me wan aġanmai hainâk hân luâk kembulupyenje tân yenġum yâk yenġât hamep akmâ nânġâyenġiwei. Akto âi membaigât âmâ han lâuwâ bo akbai. <sup>6</sup>Akto ye Kristogât hoñ akmaiñe Anutu dâp magep are biwi owâiñeâk membiâ ârândânġ akmap aregât luâk kembulupyenje yenġât lau lokowei. Akto nenekbiâ âlepñe agâkgât hain bo akbei. <sup>7</sup>Hanâk Kristoñe nânġâmbo ârândânġ agâkgât imâ yâk yenġât bo dâm han biwiñeet âiyenje mem manbei. <sup>8</sup>Akto ye emelâk hin nânġâi. Nen hârok hoñ bawa me luâk kembu me luâk yânñe nenñe âmâ wan me wan âlepñe aktenñe âmâ Humonenñande hâuñe hainâk nengiwiap.

<sup>9</sup>Galama, ye luâk kembu akmai yenġât hin makbe. Ye hoñ bawalupyenje hainâk akyenġiwei. Akto himbimân Humonenñe mandâp arekñe ye konok bo damunyenje akmap. Bo. Hoñ bawalupyenje akto ye hainâk kembuyenje akto ye dop konogâk akmai aregât hoñlupyenje bo hâwâtyekbei. Akto Anutuñe luâkgât han watmâ bo potatnenekmap aregât hoñlupyenje makmâ bo hâwât yekbai.

### Yesugât kâmot nen Niambiñe menenekbopġât tembe loko akmâ kinbaen.

<sup>10</sup>Galama, ye hârok hin makyenġiwei. Humogâlân dewatimbiâ Humoñe kârikñe yenġâlân potatmâ yenġimbo kârikñe akmâ manbei. <sup>11-12</sup>Akto

nen hânân bugâ aguwerâm akmaen. Gârâmâ nengât gasa bunje amâ ire, hângât kembu tembe loko kârikjande hândâk damunje akmai akto sinduk baniara bâleje himbimân akto hânân manmai yâkne amâ gasa aknengimai aregât Anutugât mâron are lugu akbei. Akto Hiangi Amboje arekne bâleje akjet dâm heyengimbo kârikneâk kinbiâ hepun yekbiap. <sup>13</sup>Aregât Anutugâlânba tembe bisârâj bugâ mâron are mem manmâ bugâ koko sopjân tâlim kârigem kinbiâ gasa togom âsiyekmâ hepunmâ ariwai. <sup>14</sup>Ye amâ hin kinbei. Den bunje are tâk kârikne hinare panjâk lalakbei. Dosa bâlâk manmanje dijenyerjaet pekeje luguakbei. <sup>15</sup>Lumbegât pat âlep den mem owâim kinmâ mem manbiâ biwiyenje sândugemap den are kei pekeje dop hain luguakbei. <sup>16</sup>Dâ aregât memene humo amâ Kristo nânjanmâ kepilâm manmai aregât mâron dop hainâk mem kinbiâ amâ Bâleje Ambojande saut soj soj kâlâp mem arekne erâyekberâm pando pewewej katmâ bokbiap. <sup>17</sup>Akto kautyene gulip akbopgât Yesuje hejgemyenguep are tâmbulum irimut kârikne dop hainâk kautyenjân kaunbei. Akto Anutugât Heakjande bugâ yengumap are mem manbei. Amâ Anutugât den kulemgoyi are. <sup>18</sup>Akto areâk bo. Ye sop ârândâj Heagât kârikjân Humo hokboâk hokboâk ulilanjmâ manbei. Akto konam bo akmâ amâ hokboâk hokboâk biwiyenje damun aganjim manbei. Akto Yesugât kâmot hânje hânje mandâi are yengât ulilanjbei. <sup>19</sup>Hain akmâ nângât gai ulilanjmâ manbei. Hain ulilanjmâ manbiâ amâ Kembunenjande laune mem owâine ketugunekto pat âlep den tikjân yem gaep are miapjân hañanjân makmâ miawakbiâm. <sup>20</sup>Nâ aregât miawagâkgât maktere luâk bikjande nugum hikonekbiâ tâgân yem gam malân. Aregât hamep bâlâk Anutugât den makmâ maktere ârândâj akbiapgât nângât Anutu ulilanjbei.

### Den bâine.

<sup>21</sup>Galama, nâ gain gain manmangât nângât keinaet nângâm pâpkowâigât Tikikoje togowiap. Yâkne nângât wan me wangât makyengimbo nângâniñbai. Tikikoje amâ gala âlepne akniñmap. Akto Humogât hoj bawa akmâ den pat are tân nugumap. <sup>22</sup>Yâkne nengât pat makyengimbo biwiyenje sândugewiapgât huñgun andere togowiap.

<sup>23</sup>Galalupje nâ yengât hin ulilanjman. Anutu Apo akto Humonenje Yesu Kristo yâkne tân yengumbela biwiyenje yâk yetgâlân katbiâ sândugembo gala aganjim biwine tân agum manbei. <sup>24</sup>Akto luâk âmbâle arekne Humonenje Yesu Kristo han biwi hârok yâkgâlân nângâm kârikne akmâ han kalem akmâ âgâwai are Anutuje damunyeje agâkgât dâm ulilanjân.



# Pilipi

---

## Galagât den.

**1** <sup>1</sup>Galalupnetje, net Paulo akto Timoteo net Yesu Kristogât honj bawa manmâ gaet. Netje Pilipi kepia Yesu Kristogât kâmot ye akto yengât damunlupyene yengât kulem ire kat yengiweraâm kulemgoet. Kulemgom katetje mem oyanmâ nângâm hejngemgowe.

<sup>2</sup>Ewenenje Anutu akto Humonenje Yesu Kristo yâkne damunyeje akmâ okot âlep akyengimbela biwiyene sândugeâkgât ulilaŋmaet.

## Pauloŋe Pilipi yengât akmâ Anutu ulilaŋep.

<sup>3</sup>Nâ yengât Anutu ulilaŋberâm âmâ Anutuŋe wan me wan akyengimbo manman âlepne akmâ manmai aregât Anutu âlepnerâm mepaimne meman. <sup>4</sup>Nâje ye hârokgât hokboâk hokboâk ulilaŋman âmâ ainâk yengât pat nângâm arekneak biwinân miawakto herone akman. <sup>5</sup>Akto yeje nâ den pat âlepne makyengim manmangât hokboâk hokboâk tân nugum gambiâ huragumap aregât herone akman. Akto Anutuŋe wan akyengiep aregât mepai aŋmâ herone akmâ ulilaŋman. <sup>6</sup>Akto areâk bo. Anutuŋe yengâlân âi keje kalepgât mem metembo Yesu Kristone purik katmâ miawakbiapgât sopne miawakto ain ye huraguwaigât nângân. Amâ Anutuŋe ye huragum kinbaigât dâp nângâm.

<sup>7</sup>Galalupne, nâ ye hain nângâ yengiman aregât nângâre huragumap. Akto Anutuŋe nekto ârândân akmap. Amâ hingât. Nâ den pat âlepne makyengire siânbaŋe den aregât hâkân akmâ kala busi kâlegen katnegi. Akto den pat âlepne bunjerâm siânbaŋe makbiâ den pat âlepne are gewop dâm âi humo mem malân. Aregât Anutuŋe nâ tân nugumap yâkne ye hainâk tân yengumap aregât nâ yengât okot âlep nângân.

<sup>8</sup>Galalupne, ire maktere Anutuŋe ekto bunje aktâp. Yesu Kristone okot âlep akyengimap dop hainâk nâkai ye okot âlep akyengiman. <sup>9</sup>Are hainâk humo akmâ âgâwiapgât ulilaŋdân. Hingât ulilaŋdân. Wan me wan bâleje me âlepne are oyanmâ potatmâ âmâ okotyene dondâ nângâ aŋgiwaigât ulilaŋdân. <sup>10</sup>Ye hain akbai âmâ benje yeje wan me wan bunje dondâ potatmâ hejngemgowai âmâ Kristo miawakbiap sop ain ye

biwi salek salek dosa bâlâk manbai. <sup>11</sup> Akto Yesu Kristoŋe tân yengumbo wan me wan bunŋe ârândân unsambe olowâk mem manbai. Hain akbiâ bikŋande yekmâ Anutugât kotŋe mem agatbiâ kot akto pagalenŋe humo talaŋmâ âgâwiâp.

**Bikŋande ewangi gowangiân den pat âlepŋe makyenŋiyi.**

<sup>12</sup> Galalupne, pâpkowâigât nune keine makyenŋire nânŋâŋet. Nâ den pat âlepŋe maktere aregât kala busi kâlegen katnegi are nânŋâmbiâ biwiyeŋe bo bâliwiâp. Bo. Iren nâ siâ siâ miawakniŋep are âmâ pat âlepŋaet dâp miawakmâ hengemgowiap dâm aregât miawagep. <sup>13</sup> Amâ hin. Nâ Kristogât âi mendere aregât kala busi kâlegen katnegi. Den pat are tembe loko in mandâi arekŋe hârokŋe nânŋâyi. Haminân kepia hârok nânŋâyi. <sup>14</sup> Akto kala busi kâlegen katnegi aregât galalupne bikŋande ulikŋân hamewâk mali arekŋe Humogât nânŋâm owâi aŋmâ Anutugât den pat hamep bâlâk makyenŋim mandâi.

<sup>15</sup> Akto hinŋe kâmot lâuwâ miawaktâp amâ hin. Luâk bikŋande Kristogât pat makberâm âmâ nânŋât nânŋâmbiâ gemap akto ewangiak gowangiak kakŋân makmai. <sup>16-17</sup> Hain akmâ nâ yu kala busi kâlegen mandân ire hâk hilâlâm kakŋânâk niŋberâm hianŋim Kristogât kot makmâ sambelem yeŋaet nânŋâmbiâ humo akmap. Hain akmâ kotyeŋe mem agatberâm akto Yesugât kâmot potalakŋetgât Kristogât den makmai. Dâ bikŋande âmâ hain bo akmai. Arekŋe âmâ nâ den pat âlepŋe yaigoman aregât kala busi kâlegen katnegi are nânŋâm han okot âlep akniŋmâ den pat âlepŋe makmai. <sup>18</sup> Are nânŋâm âmâ hanâk Yesugât keiŋe biwiyeŋande bunŋe bo makyenŋimai, me biwiyeŋe kau kau akmâ makmai amâ âlepŋe nânŋân. Kristogât pat makbiâ sambelem ariâkŋât makmai aregât nânŋâm mandere biwine âlepŋe akmap.

**Paulo manmangât me momogât ukenŋe konogâk nânŋâep.**

<sup>19</sup> Akto areâk bo. Pilipi ye âkâ nânŋât akmâ Anutu ulilaŋmâ manbiâ Yesu Kristogât Heakŋande tân nugumbo siâ siâ miawakniŋep arekŋe kârikŋe niŋmap aregât bunŋe heroŋe humo miawakniŋmâ âgâwiap. <sup>20</sup> Akto aŋun bo aŋgiwian are nânŋâre kârigembo hannande nânŋaŋmâ manbian. Akmâ gan hain âgâk akbian. Manmangât akto momogât hâkne owâiŋe âgâk Kristo kotgâm waŋdere arekŋe egâliaŋ âlepŋe akbiâp. <sup>21</sup> Aregât lâuwâŋe makbe. Hânân manman amâ Kristogât akmâ manman. Dâ hinŋe mombian amâ hainâk wan me wan âlepŋe dondâŋe miawakniŋbiap. <sup>22</sup> Dâ hânân dewatim manbianân âmâ âigât bunŋe gaetŋe mem miawakbian. Dâ aregât âmâ wan arekŋaetgât owâiwe dâm makmâ han lâuwâ aktân. <sup>23</sup> Nâ siâ me siâ miawakniŋdo han lâuwâ akman aregât biwine umatŋe aktâp. Hinŋe mom âmâ Kristo olop manmâ âgâwian. Aregât nânŋâm ukenŋe aktân. <sup>24</sup> Dâ ye mându akbâi gârâmâ

yengât akmâ hânân gaetŋe dewatim mandere ârândân akbiap. <sup>25</sup>Aregât hin nânġân. Anutuŋe makto nâ ye olop manmâ tân yengure nânġâ nânġayeŋe humo akto biwiyeye Yesugâlân katbiâ kindo heronje akbai. <sup>26</sup>Akto nâŋe hinŋe togom tân yenguwian aregât Yesu Kristogât akmâ nânġâniŋmâ heronje akbai.

### Tân agu agu akmâ manbaen.

<sup>27</sup>Galalupne, den umatŋe ire makyengire nânġâŋet. Nâ togom yekbian me kâlêwângen manmâ yengât pat âlepŋe nânġâwian aregât hin akbei. Ye Kristogât pat bâliwopgât agak meme âlepŋe areâk mem manmâ âġâwei. Hain manmâ biwi konok akmâ tân agum den pat âlepŋe makmâ hâk hilâlâm olowâk hanâk manmâ âġâwei. Akto gasalupyenande mem ge katyekberâmbiâ âmâ hanâk hamep bâlâk âi mem manmâ âġâwai. <sup>28</sup>Tân agu agu akbiâ gasalupyenande hamep meyenġimbiâ kârikŋeyeye bo yeugewiâp. Hain akto Anutuŋe yâk hepunyekbiap dâ ye meyekbiapgât keiŋe mem miawaktâp. <sup>29</sup>Aregât lâuwânje makbe. Anutuŋe ye biwiyeye Kristogâlân kali areâk bo nânġâ yengimap. Amâ Anutuŋe ye biwiyeye yâġgâlân kali akto yâġgât akmâ hâk hilâlâm kakŋân manŋetgât hârok Anutuŋe nânġâ yengimap. <sup>30</sup>Nânġâ yengimbo ye hainâk akmâ nâŋe hâk hilâlâm kakŋân âi meân are egi. Dâ hinŋe mandere aregât pat nânġâi are amâ manman âi areâk yeŋe hainâk mandâi. Anutuŋe ye hain akbaigât magep gârâmâ gasalupyeye yengât hamep bo akbei.

### Yesuŋe ulikŋân aknengiepgât nenâkâ areâk akbaen.

**2** <sup>1</sup>Galalupne, Kristoŋe tân yengumbo biwiyeye sândugemap aregât akto Kristoŋe okot akyengimbo heronje akmai aregât akto Anutugât Heakŋande tân yengumbo okot âlep agangim han kalemŋe miawakyengimap <sup>2</sup>aregât nânġâ nânġâ konok katbei. Akto hanyenande konok tânaguwei. Akto gala konok manbei. Hain akbiâ âmâ okot âlep nânġâm heronje humo nânġâwian. <sup>3</sup>Akto areâk bo. Yeŋaet nânġâ anġimbiâ bo agatbiâp. Bo. Hin akbei. Yeŋaet nânġâ anġimbiâ gembo âmâ galalupyeye yengât nânġâ yengimbiâ âġâwiap. <sup>4</sup>Akto siânje ikiŋaelâk siâ siâ akmâ heŋgemgowiap akto areġâlâk bo. Galalupyeye yengât nânġâm wan me wan bâlim yendo heŋgemgowe. Ye hârok hain akbei. <sup>5</sup>Yesu Kristo hânân manmâ gain gain agep? Ye han hainâk nânġâwei. <sup>6</sup>Yâk âmâ ikiŋaet nânġâmbo bo âġâep. Yâk âmâ Anutuŋe manmap dop hainâk manmap. Akto Anutugât dop bo gangerâep. <sup>7</sup>Bo. Yâk ikiŋe manmanŋe hepunmâ âmâ Anutu olop dop konok malep are hepunmâ hoŋ luâk hainare akmâ malep. <sup>8</sup>Yâkgât gegeŋe akmâ manmâ Anutugât lau lokom âmâ moep. Akto lâwinân momberâm aregât hamep bo akmâ moep. <sup>9</sup>Akto Yesuŋe hain agepgât Anutuŋe mem agatmâ kotŋe humo kondo are nânġâenŋe humo akmâ kot patnenŋe ewangiâp. <sup>10</sup>Akto Anutuŋe hânân manden me himbimân mandâi me hân

amuknân mandâi nen hârok Yesugât kotnje mem agatbaengât kotnje konlep. Aregât nen hârok Yesugât kotnje mem agatmâ pâwut ligianbaen. <sup>11</sup>Akto nen hârok Yesu Kristo âmâ Humonenje Anutuŋe huŋgun aŋdo giep dâenne Ewenenje Anutugât kotnje âgâwiap.

### **Heŋgem agum mannegât kârikŋe akniâm.**

<sup>12</sup>Galalupne, Ye âkâ nâ uliknân ye olop malângât laune lokomini. Dâ hinje ye olop mandereânâk bo. Aknânŋen mandere patne nâŋgâm laune hârok lokowei. Aregât akmâ heŋgemgo yeŋaet bunje peneyeŋgiâkgât hanokoagâk akmâ kaut orewei. <sup>13</sup>Imâ yeŋgât dop bo. Anutuŋe yekto âlepŋe âgâkgât ukenŋaet akmâ tân yeŋgumap arekŋe yeŋe laune lokoŋetdâm kârikŋe yeŋgimbo biwiyeŋe owâiŋe akmap.

<sup>14</sup>Akto ye dosa me konam bâlâk manbiâ Anutuŋe yekto huraguwiapgât siâ siâ akberâm den kaknân bo hogoanŋim hâkân akbei. <sup>15</sup>Hain akmâ âmâ dosa bâlâk akto han kau manbiâ Anutuŋe nanne baratne yektere huraguâp dâm yeŋgondo luâk âmbâle bâleŋe gulip manbiâ bâlimap yâk yeŋgât hândâk hutnân diâ hinare akmâ pagaleyekmai. <sup>16</sup>Pagalem kinmâ manmangât den are paŋâk mem manbei. Hain akmâ makbiâ âmâ Kristoŋe lâuwâŋe miawakmâ âmâ nâŋe tân yeŋguman aregât nekto huraguwiap. Hain akto nâ heroŋe akbian. Akto hinje hâk hilâlâm nâŋgâm âmâ âi bo mem hâumgoân amâ Kristoŋe ekto huraguwiapgât heroŋe aktân. <sup>17</sup>Akto yeŋe Anutugât sumbe katberâm nâŋganmâ ulilanmai aregât ye tân yeŋguwiapgât Anutuŋe makto mombian amâ Anutugât sumbe akbian. Are amâ hanâk aregât heroŋe akmâ ye olop okot âlep nâŋgâm han biwi konok akbaen. <sup>18</sup>Akto yeŋe hainâk heroŋe akniŋbai âmâ nen hainâk heroŋe nâŋgâ aŋgiwaen.

### **Timoteogât den.**

<sup>19</sup>Galalupne, den siâ amâ hin makbe. Humo Yesuŋe nâŋgâm âlepŋe dâmbo âmâ galane siâ Timoteo are huŋgun aŋdere yeŋgâlân togowiap. Togom yeŋgât pat ekmâ nâŋgâm purik katmâ nâŋgâlân togo makniŋdo nâŋgâm biwine âlepŋe akbiap. Aregât dowâk huŋgun aŋbian. <sup>20</sup>Akto Timoteogât hin makbe. Luâk siâŋe yeŋgât nâŋgâm han kau olowâk tân yeŋgumap dop hinare siâ bo tatniŋdâp. <sup>21</sup>Amâ luâk bikŋande yeŋaelâk nâŋgâm âmâ Yesu Kristogât ukenŋe bo nâŋgâmai. <sup>22</sup>Akto Timoteogât keiŋe nâŋgâmai are. Nanŋande eweŋe tângomap dop hainâk Timoteoŋe nâ den pat âlepŋaet âi tân nugumap. <sup>23</sup>Yâk âlepŋe akmap gârâmâ aregât gain gain miawakniŋbiap âmâ are nâŋgâm heŋgemgowianân âmâ huŋgun aŋdere togowiap. <sup>24</sup>Akto areâk bo. Humoŋe nâŋgâ niŋdo nunak gai yeŋgâlân dowâk togowian. Hain nâŋgân.

### **Epapodito kundat agepgât den.**

<sup>25</sup>Akto den siâ hin. Yeŋe yeŋgâlân gâtŋe Epapodito are huŋgun aŋbiâ togo tân nuguep aregât makbe. Aregât hanâk bât tângone akto

tembe loko galane yâk dowâk huŋgun aŋdere yeŋgâlân purik katmâ togowiapgât nâŋgâre ârândâŋ aktâp. <sup>26</sup>Yâkŋe nâ umatŋân mandere tân naguep yâkŋe yekbian dâm nâŋgâmbo humo agep. Gârâmâ kundat akto aregât nâŋgâmbiâ umatŋe akto aregât Epapodito yâk okot bâle akmâ umalaŋdâp. <sup>27</sup>Amâ kundat momoŋe kondo momberâm agep. Hain akto Anutuŋe okot âlep akmâ tângom heŋgemgoep. Akto yâk konok bo. Epapodito mondo nâŋgâ yâkŋe âmâ kambiamne dondâ bâliwop dâm aregât heŋgemgoep. <sup>28</sup>Akto hanâk yeŋe ekmâ biwiyenŋe âlepŋe agâkgât akto nâ nâŋgâm hanokoakmâ manbomgât yâk bo gangerâm hinŋeâk huŋgun aŋdere yeŋgâlân togowiap. <sup>29</sup>Togombo aregât okot âlep nâŋgâ aŋmâ Humogât akmâ gala aganbei. Akto yeŋe luâk hainare tângom nâŋganbiâ humo akbiâp. <sup>30</sup>Amâ hingât. Yâkŋe yeŋgât lau lokom âmâ ye tân nuguyigât dâp bo tatyenŋiepgât akmâ tân nugum Kristogât âi hâk hilâlâm olowâk mem âmâ momberâm agep.

### Propete hianŋi luâkŋe Pilipi yeŋgâlân ariyi.

**3** <sup>1</sup>Galalupne, Bâin. Den siâ makbe. Humogât akmâ okot âlep olop heronŋe maronŋe manbei. Ulikŋân kulemoŋan are lâuwânŋe kulemgom nâŋgâre amâ bo umatŋe aktâp. Dâ lâuwânŋe kulemoŋan irekŋe âmâ ye kârikŋe ketuguyektâp.

<sup>2</sup>Amâ hin, hianŋi luâkŋe yeŋgâlân togoâi. Yâk âmâ hâkyenŋe gâi gâigât ukenŋe nâŋgâmai. Akto agak meme bâlenŋe akmai. Luâk hainare âmâ heyenŋimai. Akto pugaiyanŋe bau me wan me wan kawutyekmai amâ luâk arekŋe dop hainare akmâ kâwutyekberâm togomai. Aregât yeŋaet damun aganŋim manbei. <sup>3</sup>Dâ nen âmâ Anutugât kâmot. Nen Anutugât Heakŋande tân nengumbo âmâ Anutugât kotŋe mem agatenŋe huraguwiâp. Akto Yesu Kristonŋe heŋgem nenguep aregât nâŋgâm heronŋe akmâ manbaen. Akto hâkgât wan me wan aregâlâk biwinenŋe bo katmâ âmâ arekŋe tân nenguâkgât ukenŋe bo nâŋgâwaen. <sup>4</sup>Akto hâkgât wan me wanŋe tân nengumbo huragumap dâine nâ hâkgât siâ siâ dondâ tatniŋmap aregât nâŋgâre humo akbop. Dâ hianŋi luâk hâk gâi gâigât ukenŋe nâŋgâmai are amâ hâkgât siâ siâ tatyenŋimap are nâŋgât hâkgât hârok arekŋe ewanŋiyekbop. <sup>5</sup>Aregât nâŋgât hâkgât amâ hin maktere nâŋgâŋet. Nâ Israe gâtŋe, Bensamiŋ yâkgât kâmolân gâtŋe miawakmâ yendere hilâm 8 akto hâknân kulem gâinegi. Hebraio nengât agak meme nâŋgâre âgâminep. Akto den kârikŋaet meme akmâ parisaio malân. <sup>6</sup>Kârikŋenaet akmâ Yesugât kâmot yeŋgât gasa agân. Akto den kârikŋe are lokore siâŋe nekto huraguminep.

### Paulonŋe Kembangât akmâ kotŋe siâ siâ hârok hamianŋep.

<sup>7</sup>Akto yu kulemoŋan iregât âmâ ulikŋân nâŋgâre humo agep. Dâ hinŋe âmâ ektere yânŋe aktâp. Hinŋe amâ Kristogât akmâ nâŋgâre wan me

wan are hârok âmâ yânje akmap. Akto aregât ukenje bonângân. <sup>8</sup>Nâ Humone Yesu Kristo yâkgât keiŋe ekmâ nângâre humo akmap. Aregât hângât siâ siâgât nângâre humo akminep are hinje nângâre yânje aktâp. Akto nâ Kristogât akberâm yâkgât pat akmâ siâ siâ hârok ekmâ gagap dâm hepunmâ meteân. <sup>9</sup>Akto nâ Moseŋe kulengoep are lokom dosa bâlâk manbiandân amâ hinje hepulân. Akto nâ Kristogâlân dewatim nângâ aŋdere aregât Anutuŋe nekto ârândân akbiap aregât ukenje nângân. Akto nângâ nângâne are Anutuŋe ekto ârândân akbiapgât dop bo tatniŋdâp aregât nângâ nângânaet nângâre giep. <sup>10</sup>Gârâmâ hingât nângâre humo aktâp. Momoŋânba agatbiangât nâ Kristo biwinande nângâ aŋdere Kristo momoŋânba agalep arekŋe wâtŋe niŋdo yâk hâk hilâlâm nângâm moep <sup>11</sup>are dop hainâk akmâ nângâm yâkgâlân dewatim momoŋânba agatbiangât nângâm bo mesokbian are nângâre humo akbiap.

#### Pauloŋe kârikŋe akmâ horalân pirâm ariep.

<sup>12</sup>Galama, yu kulengoân imâ emelâk hârok mendere huraguâp dâm aregât bo maktân. Bo. Yesu Kristoŋe menegepgât agak meme âlepŋe mem miawak niŋâkdâm âi kârikŋe mem manmâ gan. <sup>13</sup>Akto agak meme âlepŋe are miawakniŋbiap are pânân boâk meaktân. Aregât hin konok akman. Nâ nunaet nângâre hain bo aktâp. Dâ siâ me siâ hepulân are hamianŋman. Akto wan me wan meân are ektere yânje aktâp. Dâ agak memene âlepŋe huragumap are hârokgât ukenje nângâm are miawakniŋâk dâm âi humo meman. <sup>14</sup>Akto Anutuŋe Yesu Kristogât akmâ himbingât pat oloŋ nekmâ hâuŋe âlepŋe katniŋep are mem miawakberâm dewunnande tâŋâk ekmâ âi humo mem pirâm kaut oreman.

<sup>15</sup>Nâ hain akman aregât kaulem humo agion nen hârokŋe aregâlâk kârigem nângâm maniâm. Dâ siâ me siâ siâgât nângâmbiâ dâpŋe siâ akbiawân âmâ âlepŋe Anutuŋe hanyeŋe mem pagalembo âlepŋe nângâm kotgâwai. <sup>16</sup>Akto nen hârok hin akteŋe huragumap. Nen keiŋân agak meme âlepŋe are hârok emelâk mendenŋe ârândân agep are hârok miawagâkgât agak meme âlepŋe hainâk mem metewaen.

<sup>17</sup>Galalupne, ulikŋân akyengire nekmâ hainâk watnekbei. Akto luâk bikŋande nen manmaen dop hainâk manmâ akyengimai are ekmâ nângâm heŋgemgowe. <sup>18</sup>Dâ luâk bikŋande Kristo lâwinân moep aregât den mem ge katberâm akmai are hain bo akbei. Yâk yeŋgât keiyeŋe emelâk makyengim mandân. Imâ indem kambiamne bâliâpgât lâuwâŋe makyengiwe. Yâk âmâ Yesu lâwinân moep aregât den pat âlepŋe gasa agaŋmai. <sup>19</sup>Akto luâk âmbâle hainare âmâ hâmbâi hâuŋe bâleŋe umatŋe miawakyengimbo itiŋ gulam akbai. Dâ hinje âmâ sotgât akmâ aregâlâk nângâmbiâ humo akmap. Akto siâ me siâ aŋunŋe olowâk aregâlâk nângâm heroŋe maroŋe manmai. Akto

hângât kotje siâ siâ han nângâ nângâ yeņande lâwindâk mem metemai. <sup>20</sup>Dâ nen âmâ hain bo akbaen. Nengât kepia bunje amâ himbimân tatâp. Ainba Humonenje Yesu Kristoje heņgem nenguwiap Humo arekje lâuwâņe gewiap yâkgât lâmgom manmaen. <sup>21</sup>Hain mandenje miawakmâ luâk siâ me siâ hârok mem ge katyekmâ ikiye amukņân hâwuruyekbiapgât kârikje yeandâp. Kârikje arekje hâknenje mem manmaen ire mem purik kato ikiye hâkne hainare pagalenje olowâk miawakbaen.

**Pauloje galalupne biwi konok kinmâ heroje akņetgât magep.**

**4** <sup>1</sup>Galalupne, biwinande yeņgât dondâ nâņgâmâk aktâp. Ye âmâ nâņgât egâlianlupne aregât wan kulengoân are watmâ âmâ benje Kemu olop manmâ kârigem heņgemgowai.

<sup>2</sup>Akto yeņgâlân gâtņe âmbâi lâuwâ kotyetņe Euodia akto Sintike yet kuk akmandat are yetgât hin makyetkire nâņgâet. Humogât akmâ biwi konok akmâ manbiandat. <sup>3</sup>Akto yeņgât damun siâ tânnugumat gâ hin makņiņdere nâņgâ. Gâņe âmbâi lâuwâ yetkondân are tân yetkumenâ biwi konok akmâ âlepņe manbiandat. Akto areâk bo. Luâk siâ kotje Kelemento akto gala bikje yâkņe pat âlepņet ai aregât tân nuguyi are yeņgât kotyene amâ manman kârikņet kulem esenņân kulengoep aregât tân nenguyiat aregât tânyetkuwen.

<sup>4</sup>Galalupne, ye hârok yeņgât hin makbe. Ye Humogât akmâ biwi kambiamyeņe heroje akmâ manbei. Aregât lâuwâņe makbe. Humonenņande wan me wan akmap aregât nâņgâm âmâ biwi kambiamyeņe heroje manbei. <sup>5</sup>Akto Humonenje ewumâk akņengiâpgât luâk hârok yeukņe lumbe akyeņgimbiâ nâņgâwai. <sup>6</sup>Akto wan me wangât nâņgâm âmâ horat gorat me hanokoak bo akbei. Bo. Hin akbei. Hokboâk hokboâk hingât me haingât akmâ Anutu mepaimņe mem ulilanmâ makmâ manbei. <sup>7</sup>Hain akbiâ aregât Anutuņe memene akyeņgimbo biwiyeņe sândugewiap are luâk nen ewanginenekmapņe han nâņgâ nâņgâyeņe Kristo Yesugâlân mendugum kondangombo yem kârigewiâp.

<sup>8</sup>Akto galama den bâiņe ire makbe. Wan me wan bunje me wan me wan siâ âlepņe agakņe olop are nâņgâmbiâ humo akto aregâlâk nâņgâm manbei. Akto wan me wan siâ luâk âmbâleņe nâņgâmbiâ âlepņe akmap me Anutuņe ekto ârândâņ akmap me wan me wan bâleņe bo aregâlâk nâņgâm manbei. Akto wan me wan ekmâ Anutu mepai aņmâ heroje akmai are hârok nâņgâm manbei. <sup>9</sup>Akto nâ wan me wan akmâ meân a hainâk akmâ manbei. Akto siâ siâ makmâ ligim yeņgire nâņgâyi a hainâk akmâ manbei âmâ Anutu lumbe amboņande ye olop mando biwiyeņe sândugewiâp.

**Pilipi gâtņande Paulo tângombiâ Pauloje Anutu mepaimņe miep.**

<sup>10</sup>Galalupne, ulikņân wan me wan akņiņberâm dâpgât kulâgâtâmâ hâumgoyi. Hâumgombiâ umatņe miawagep. Dâ hinņe dâp miawak



yengimbo kambiam owâinjân tân nugum puli katbiâ togoep. Togombo okot âlep humo nânġân. <sup>11</sup>Akto puligât me siâ siâgât umburuk akmâ bo kulâgâtmâ manman, akto niņjetgât bo makyenġiân. Akto siâ siâgât bo egâlijanman. Nâ wan me wan siâ tatniņdâp me umburuk mandân aregât kambiamne bo bâlimap. <sup>12</sup>Nâ mesak gosak umburuk mandân me wan me wan undup yeniņdâp amâ âlepne mandân. Nem tepne pikto manman me mop manman aregât keiņe hârok nânġâm meteân aregât hin me hain siâ me siâ miawakniņdo âmâ âlepne manman. <sup>13</sup>Aregât keiņe hin. Kârikne niņmapne yâkne tân nugumbo âmâ wan me wan hârok akmâ meteman.

<sup>14</sup>Dâ yeņe âmâ kambiam bâliân mandere tân nugum heņgem nuguyi aregât nânġâre huraguâp. <sup>15</sup>Akto ye emelâk nânġâi. Nâ den pat âlepne mem yeņġât hân humo kotne Makedonia ain togoân. Ain pup pup togom âmâ makyenġire nânġâm metemiâ âmâ hepunyeġân. Hepunmâ hân siângen ain mandere Yesugât kâmot siâ siâ bo tân nuguyi. Pilipi gâtne yeņe konok amâ tân nuguyi. <sup>16</sup>Akto ye hepun yekmâ Tesalonike kepian mandere hâkgât siâ siâne tân nuguâkgât katbiâ togoep. <sup>17</sup>Akto nâ ito me puligât bo egâlijanân. Bo. Yeņe tân nugumbiâ aregât Anutuņe hâuņe âlepne akyenġimbo manman âlepņân manjetgât nânġâman. <sup>18</sup>Akto wan me wangât ulikņân undâgâtmâ mandere Epapoditoņe yeņġâlânba mem togo niņdo âlepne mandân. Akto yeņe nâ wan me wan niņi aregât nânġâre benne Anutuņe âkâ nânġâmbo sumbe âlepne higenne olowâk heroņe akmâ âġâmbo nânġâmmap dop hainâk aktâp. <sup>19</sup>Akto yeņe tân nuguyi aregât hin nânġân. Anutu damunne akmap yâkne Yesu Kristogât nânġâm akyenġiwiap. Akto wan me wan akyenġiwiap amâ yânne bo. Pagalenġânba Yesu Kristogât akmâ wan me wangât yeņe umburukne akbai are ârândân akyenġiwiap. <sup>20</sup>Akto Anutu Ewenenne yâkgâlâk âmâ kotne mem agatmâ heroņe maroņe akmâ âġâwaen. A bundâk.

### Den bâiņe.

<sup>21</sup>Galalupne, nânġât den bo aktâpgât nâne Yesu Kristogât kâmot yeņġâlân manmai are yeņġât nânġân are makyenġiwei. Akto galalupne Yesugât kâmot nâ olop mandâi yâkne hainâk yeņġât nânġâ yeņġiâi. <sup>22</sup>Akto in âmâ Roma luâk Sisa yâkgât hoņ bawalupne yeņġâlân gâtne bikne biwiyeņe Yesugâlân kali yâkne gai nânġâyenġiâi.

<sup>23</sup>Akto Humonenne Yesu Kristoņe damunyeņe akto biwiyeņe sândugeâkgât ulilaņdân.

# Kolosai

---

## Pauloŋe Kolosai yengât akmâ Anutu ulilaŋep.

**1** <sup>1</sup>Nâmâ Paulo Anutuŋe ikiŋaet hanŋaet akmâ meme akniŋdo Yesu Kristogât Aposologât âi mem manman. Nâ akto galanenŋe Timoteo yengât kulem ire kulemgoet. <sup>2</sup>Netŋe Kolosai kepian gâtŋe han biwiyenande Yesu nânŋaŋmâ kepiâmâi yengât kulem ire katyengiet. Anutu Ewenenŋe yâkŋe han kalem akyengimbo biwiyenŋe sândugeâkgât nânŋân.

<sup>3</sup>Net Kembunenŋe Yesu Kristo yâkgât Eweŋe Anutu are yengât akmâ sopŋe ârândân mepai meanmâ ulilaŋmaet. <sup>4</sup>Yeŋe Yesu Kristo nânŋaŋmâ kepiâmâi akto yâkgât kâmot kepia bikŋe bikŋe manmai yâk han kalem akyengimai aregât Anutu mepaimŋe memaet. <sup>5</sup>Amâ Anutuŋe himbimân wan me wan katyengiep gât egâliamâ manmai arekŋe tânyengumbo Yesu nânŋaŋmâ luâk âmbâle okot âlep akyengimai. Aregât keiŋe âmâ den bunŋe nânŋâmbiâ miawakyengiep. <sup>6</sup>Akto den pat âlepŋe are yengâlân togombo emelâk nânŋâyi. Nânŋâm biwiyenŋe Yesugât katbiâ kinmap aregât bunŋe are yeŋe bo ewum pâpkomai. Akto Anutuŋe okot âlep akyengim damunyeŋe akberâm akto aregât den yengâlân togombo bunŋânâk nânŋâm agak meme hanâk hanâk hepunbaen dâmbiâ bunŋe yengâlân miawagep hainâk den pat âlepŋe are hânŋe hânŋe arimbo aregât nânŋâmbiâ bunŋe miawakbiâp. <sup>7</sup>Akto galanenŋe Eparapeŋe Kristogât den lokomâk manmâ âi ire biwiŋande lokom tân nengumapeŋe Kristogât keiŋe dâm makyengimbo nânŋâyi. <sup>8</sup>Hain makyengimbo nânŋâm lokombiâ purik katmâ netgâlân togom hainâk Anutugât Heak âlepŋande memenŋe akyengimbo gala konok agangimai aregât den pat dâm maknengiep.

<sup>9</sup>Yengât den pat are nânŋâm arekŋeak netŋe keiŋe katmâ yengât nânŋâm Anutugât keiŋe nânŋâŋetgât biwiyenân denŋe katbiap aregât ulilaŋjot. Akto ikiŋe Heak âlepŋe are huŋgun aŋdo yengâlân gem biwiyenŋe mem pâron pando Anutugât keiŋe nânŋâmbiâ âmâ nânŋâ nânŋâyeŋe miawakyengiwiap. <sup>10</sup>Kembunŋe hain akyengimbo manmanyenande yâkgât keiŋe makmâ miawakto yekto âlepŋe akbiâp.

Akto areâk bo. Manman âlepŋe bunŋe are miawakyenŋiâkgât âi membei. Hain akmâ Anutugât keiŋe nânŋâm heŋgemgom manbei. <sup>11</sup> Akto Kemuŋe Wâtŋe humo pagaleŋe olop are akyenŋimbo wâtŋân kinmâ bâleŋe siâ siâ akyenŋiwaiân biwi helenŋ bo nânŋâm kârikŋeâk manmâ âgâmbiâ biwiyeŋe bo umalewiâp aregât heronŋe akmâ manbeigât ulilaŋmaet. <sup>12</sup> Akmâ Ewenenŋe nen egon pagaleŋân wan me wan katnengiep are yâkgât kâmot olop membaengât amboŋân amboŋân aregât keiŋe aknengiep. Aregât okot owâiâk Ewenenŋe mepaimŋe memaet.

### Yesuŋe amâ Humonenŋe.

<sup>13</sup> Akto Anutuŋe Hândâk Amboŋaet kârikŋânba mem kotgâ nenekmâ âmâ nanŋe okot humo nânŋanŋmap yâkgât amukŋân katnenegep. <sup>14</sup> Nanŋaet keiŋe hin. Yâkŋe heŋgemgonenekmapgât dosa puli puligât mânŋinengimap. <sup>15</sup> Akto areâk bo. Nanŋande Anutu bo ekmaen yâkgât tirip towat akmâ manmap. Akto hân bo miawagewân me kalewân ain Nanŋande soŋ gem malep. <sup>16</sup> Manmâ âmâ himbimân manmai are akto hânân manmai are akto luâk gegeŋe akto âgâ âgâŋe akto aŋelo, akto luâk niambi akto hat sinduk akto sinduk baniara egekŋe akto bo egekŋe akto hutyeŋân luâk keiŋe keiŋe wan me wan egekŋe akto bo egekŋe are hârogâk kalep. Hain akto Eweŋande nanŋaet pat dâm hâreaŋep. <sup>17</sup> Yâk siâ me siâ hârok aregât ulikŋân malep. Akto wan me wan emelâk iŋgon me egon wan me wan keiŋe keiŋe bo kalewân kârikŋe manmâ gaepgât manmâ gap aregât kautŋe manmap. Aregât wan me wan keiŋe keiŋe nanŋaet wâtŋân kinmap. <sup>18</sup> Akto nen yâkgât kâmotlupŋe manden nengât kautŋe manmap aregât wâtŋânâk kinmaen. Akto yâk wan me wan keiŋe aregât kautŋe humo malâk dâm aregât Anutu Eweŋande momoŋânba yâk soŋ mem agalep. Akmâ siâ me siâ hârok aregât lâwinŋe kalep. <sup>19</sup> Aregât keiŋe hin. Anutugât wan me wan arekŋe nanŋaelân talep are Anutuŋe nânŋâmbo ârândânŋ akmap. <sup>20</sup> Akto wan me wan keiŋe keiŋe himbimân hânân haru kâlegen manmap arekŋe nen olowâk gala konok akmâ menduguakmâ Anutu ikiŋaelân dewatiwaengât nanŋe huŋgunanŋdo hânân gembo lâwinân kombiâ gilâmŋe gembo mondo arekŋe nen Anutu olop gala konok mannegât dâp miawagep.

### Yesugât momoŋande golâ menenegep.

<sup>21</sup> Akto ye emelâk Anutu gasa aŋanŋmâ hamiaŋmâ hepun nenegâk dâmini agak meme arekŋe bâleŋe keiŋe keiŋe akmâ gam biwiyeŋân lugum gaep. <sup>22</sup> Hain agep gârâmâ Kristo hâk sunum olop luâk akmâ miawakmâ mando kombiâ mondo Anutugât kuk bo akto Anutu olop gala konok manmâ gayi. Amâ Anutuŋe sop humoân biwi nânŋgâ nânŋâyeyŋe âlep salek salek dosayeyŋe bo katyeŋgiwiapgât magep. Anutuŋe hain

makto Yesuŋe moepgât Anutuŋe yekto ârândân akto gala akyengiep. <sup>23</sup>Aregât akmâ Anutuŋe Yesugât den pat âlepŋe are nâŋgâm lokomâk kinmâ âmâ den pat âlepŋe makmâ yeŋgiyi are gulip akbop dâm biwiyenande hikom manbei. Akto ulikŋân siâŋe Yesugât den pat âlepŋe are dâm makyengiep. Den arekŋe luâk kepiãŋe kepiãŋe hârok arimbo nâŋgâŋetgât den bunŋe Paulo nãŋe hoŋ bawanŋe aganŋman.

**Pauloŋe Yesugât kâmot yâk yeŋgât akmâ âi humo miep.**

<sup>24</sup>Akto Kristoŋe, ikiŋe kâmotlupŋe yeŋgât keiŋe bâtŋe aregât hâk hilâlâm manmâ gaep. Hâk hilâlâm aregât bikŋe siâ tatâp aregât âi meman. Hain akmâ yeŋgât dâm hâk hilâlâm nâŋgâm manman aregât nâŋgâre ârândân aktâp. <sup>25</sup>Akto Kristogât kâmotlupŋe ikiŋe hâkŋe hainare yeŋgât hoŋ bawa akmâ Anutugât den keiŋânbak dâm kepikmâ potatmâ yeŋgire nâŋgâŋetgât Yesuŋe âi aregât dâm hârem niŋep. <sup>26</sup>Akto den aregât keiŋe yoŋ yoŋ talep aregât ulikŋânbak luâk hârokŋe nâŋgâwerâm manmâ gambiã gambiã yâk hârokŋe aregât ewum pâpkoyi, are âmâ uŋak ire gârâmâ Anutuŋe dâm miawakmâ kâmotlupŋe maknengiep. <sup>27</sup>Den yoŋ yoŋ talep are uŋak Anutuŋe mem miawakmâ kâmotlupŋe maknengiep. Amâ hin. Kristo biwiyenân manmap aregât heroŋe akmâ Kristo nengâlân miawakbiapgât nâŋgâenŋe kârikŋe akto manden. Akto Anutuŋe makto luâk âmbâle hânŋe hânŋe manmaiŋe agak memeyeŋe bâleŋe hanâk hepunbiã Kristo biwiyenân himbimgât manman kârikŋe are Yuda luâk nengât dâm makmâ hâriep hainâk yeŋgât pat dâm hâre yeŋgiwiapgât dâpŋe tatâp. <sup>28</sup>Haingât nenŋe âmâ luâkŋe luâkŋe are yeŋgât nâŋgâ nâŋgâyeŋe gulip akto nâŋgâm hilipkowâigât akto Kristogât kâmot akŋetgât Yesugât keiŋe dâm kepikmâ biwiyenân katmaen. Aregât nâŋgâ nâŋgâyeŋe kepiak akto konogâk akto nâŋgâ nâŋgâyeŋe walakmâ humo akmâ âmâ Anutugât dewunŋân salek salek kinŋetgât akmaen. <sup>29</sup>Hain aktere Kristoŋe kârikŋe mem owâinekto âi aregâlâk mem metewiangât kaut orem meman.

**Pauloŋe Kolosaigât akmâ hanokoagep.**

**2** <sup>1</sup>Galama, nãŋe keine nâŋgâŋetgât hin makyenŋiwe. Ye akto Laodikea kepiã manmai arekŋe bo nekmai Yesugât kâmot yeŋgât nâŋgâm kinmâ aregât âi ire biwinande kepeim kinmâ hâk hilâlâm owâiŋe bo nâŋgân. <sup>2-3</sup>Akto Yesu Kristogât keiŋe yoŋâk yoŋâk talep aregât keiŋe tek tekŋân ekmaen are hin. Anutuŋe ulikŋân nâŋgâ nâŋgâ keiŋe heambugep arekŋe hinŋe nâŋgâ nâŋgâ amboŋe Kristo are huŋgun aŋdo ikiŋaet kâmot are miawakyeŋgimap. Nã aregât nâŋgâm ye akto Laodikea gâtŋe gala konok aganŋim Anutugât keiŋe Kristoŋe mem miawagep are nâŋgâm heŋgemgom bundâk dâm heroŋe maroŋe akbiã biwiyenŋe owâi akmâ manŋet dâm aregâlâk nâŋgâm nãŋe âi ire

biwinande kepeim ketugum hâk hilâlâm nângâman. <sup>4</sup>Akto luâk siâne hiangi den makto aregât ukenne nângâmbiâ biwiyene hâreakto ariwopgât aregât hain kulengoân. <sup>5</sup>Haingât ye kâlewân manbiâ biwine yengâlân arimbo yengât nângâyengim manman. Akto biwiyene Yesugât kârikne katmâ kepeim manmâ damungom kindâigât biwine âlepne aktâp.

**Luâk biknande hângât nângâ nângâgât den makbiâ bo nângâwaen.**

<sup>6</sup>Akto ulikjân ye Yesu himbimânba giep are Kotdânenne dâyi aregât hainâk yâkgât amukjân manbei. <sup>7</sup>Akto lâwin bâlensiâ tiņ tiņ dâmbo kândârâne panmâ kârikne akto miawakmâ âgâm humo akmap dop hainâk biwiyene ari kindo biwiyenande Yesu kepeim kârikne manbei. Akto ye olowâk biwinenye Yesugât katmâ Anutugât den lokom manmaen aregât denne emelâk dâm kepikmâ makyengiyion are watmâ arim kârikne akmâ Anutu âlepne dâm mepaimne humo mem manmâ âgâwai.

<sup>8</sup>Dâ hinne wan me wan kâmbokne dâmai aregât keine makyengire nângânet. Luâk biknande ye ne hanyeneâk akmâ hiangi den makyengimbiâ nângâm biwiyene bâliwop dâm aregât biwi golâ manbei. Den are âmâ emelâk humomolupyenjaet biwiyenân miawakto luâk kâmotne kâmotne dâm gambiâ den are âmâ hângât wan me wan kârikne akto lâuwâne makmâ manbai amâ Yesu Kristo yâkgât den bo. <sup>9</sup>Nângâi? Anutugât dâp are Kristo hâk biwiņân sambelem pikmâ ârândân akmâ yendâp. <sup>10</sup>Aregât ye yâkgâlân wan me wan siâ bo mesakbai. Yâkne âmâ dâtne meme akto luâk kotdâ hârok yâk yengât kautne damuneyene akmâ manmap. <sup>11</sup>Yâkgâlân ba gai tirip ye ne gai meyi. Bâtne hâknennjân tirip gâi gâigât aregât bo. Kristone meyekmâ ikinne tirip hâk biwiyenân kulemgom yengiep. <sup>12</sup>Akto Kristo hâkgât agak meme mem mondo hangoyi dop hainâk akmâ hâkgât agak meme hepunbiâ tu puli yekbiâ yâkgâlân dewatiyi. Akto Anutune wâtne âlepne talaņmapgât Yesu mem momoņânba mem agalep dop hainâk biwiyene Yesugât katbiâ tu puliyegigât Anutune mem agatyekmâ manman kârikne aregât pat dâm hâreyengiep are mendâi. <sup>13</sup>Akto ye emelâk hâkyenân tirip bâlâk manmâ Anutugât dopņân bo akmâ bâlene malene keine keine mem maligât hememgât pat akbiâ momogât dâp miawakyengiep. Amâ unjak ire gârâmâ Anutune dosayene hepunmâ Yesu Kristo momoņânba mem agato mandâp hainâk golâ katmâ meyekto himbimgât manman aregât pat emelâk aktâi. Dâ yengâlâk bo. Dosa nenne hârok hepunnengiep. <sup>14</sup>Aregât hin agep. Mosegât den kârikne den âiân katnenekto dosanenye miawagep nângâenne lokowaen dopne bo tatnengimbo umatne dondâ bâlene miawaktâp. Umatne are Anutune Yesugâlân kato aregât lâwinân kombiâ moep. Mondo ainâk den kârikne Mosene kulemgoepe arekne damunnenne agepgât âi bo agep. <sup>15</sup>Hain akto âmâ Yesune sinduk baniara hewukne akto luâk niambi akto luâk emet amboņe keine keine areyengât wâtyene

mem gem âmâ keiyenê tâñâk yânñe are tek tekñân mem miawakto añun humo yengimbo luâk âmbâle heronje nânğâyion. <sup>16</sup>Haingât luâk bikñande âmâ sot tu nem manbiâ bo ârândân akmap me hombanj keiñe keiñe tatmai me wan me wan akmâ manbai me âi bo meme sopñe me delem dewunñe aregât hilâm tatmâ nânğâmai aregât dâm mem katyekberâm akbiâ âmâ den koyenjiwai. Wangât? Hingât. <sup>17</sup>Makmâ wârakyenğimai are âmâ bunñe bo. Bunñe âmâ titnan miawakbiap. Kristonje mem miawakbiap. <sup>18</sup>Akto luâk bikñande yengâlân togom hin dâm makyenğimai “Hâkyenje mem ge katmâ añelo kotyenje mem agatbiâ ainâk Anutuñe yekto huraguwiâp.” dâm hianğimai. Luâk hain aregât keiñe hin. Biwi nânğâ nânğâyene purik âğambo kulem are ekmâ aregâlâk nânğâm bunñe dâm bâleñeâk nânğâm hanyenande nânğâm âmâ hâkyenjaet ukenñe are memai. Hain arekñe yengâlân togom hain dâmbiâ âmâ Anutuñe egâlianj olop katyenğiep are mesokbâen dâm bo nânğâ yengjiwei. <sup>19</sup>Dâ areâk bo. Yesu nengât kautnenñe manmap dâm hianğimai arekñe biwiyenje Yesugâlân bo katmai yâk yengât denyenje bo nânğâwei. Yâk âmâ ye biwiyenje âlepñe kali are nânğâenñe bo ârândân aktâp dâmai aregât ye mem ge kat yekberâm akmai aregât denyenje bo nânğâwei. Akto Yesu nengât kautnenñe manmap dâm kulengoân aregât keiñe hin. Nenñe yâkgât bânñe keiñe ongânje me hagitñe mandengât Anutuñe meme aknengimbo biwi konok akmâ Anutugât wâtñân kinmâ humo akmaen.

**Ire bo nemben, are bo nemben, are bo nânğâwei.**

<sup>20</sup>Akto Yesu Kristo moep dop hainâk akmâ luâk areyengât biwiyenân den are hamiangim Yesugâlân dewatiyigât yene luâk âmbâle dondâ arekñe Yesugât hâkânje akmâ hami añmai are yengât denyenje hanyenjaek akmâ hân luâk yengât den are dâm makyenğimbiâ are hanâk lokombiâ bâliâp. <sup>21</sup>Hân luâk arekñe hin makyenğimai, “Are bo mem neñet.” dâm koyenğimai. Akto, “Are bo mem ekñet” dâm makyenğimai. <sup>22</sup>Dâ den hainare luâkñeak hanyenande nânğâm dâmai akto sot wan are nembâi biwiyenân gem yânñân hin gem bo akmap. Aregât akmâ den hain are bo lokom manbei. <sup>23</sup>Akto yâkñe yengât nânğâm biwiyenje wan me wan aregât akto sot bâlâk manmâ aregât hâkyenje mem agatmâ yenaelâk nânğâm den hain dâm makyenğimai, “Hain aktenñe hâknenñe egâlianjmaen are bo akto Anutugât den kârikñe âlepñe lokoenñe nenekmâ âlepñe dâwiap.” Hain dâm nânğâmai amâ nânğâm gulip komai. Den hain arekñe biwi nânğâ nânğâyene bo tângomap. Akto han biwiyenje egâlianj gogâleañ are bo mem ge kato yeukñe akmap aregât bo nânğâwei.

**Anutuñe Yesu olop nen golâ katnenegep.**

**3** <sup>1</sup>Anutuñe Kristo momoñânba mem agalep hainâk momo dopñânba meyekto agali aregât âuren himbimân Anutugât bân bungen ain

Kristo tatmap aregât han biwiyenande nângâmâk manbiâ humo akbiâp. <sup>2</sup>Amâ hânân siâ me siâ yendâp aregât bo nângâwei. Egon siâ me siâ yendâp aregâlâk han nângâ nângâyene katbiâ tatbiâp. <sup>3</sup>Akto Kristone moep ye hainâk akbiâ aregât nângâ nângâyene tâmbâne are bo agep. Aregât Anutu Kristogât akmâ manmanyene damunne akmâ kindo manmanyene yem âgâwiap. Akto bo bâliwiap. <sup>4</sup>Aregât Kristo yengât manman kârikpaet ambonande lâuwâne miawakmâ gembo âmâ ye hainâk miawakmâ agatbiâ pagalene âlepne dondâ ain olowâk manbai.

**Agak meme irakpân kinmâ tâmbâne hamianbaen.**

<sup>5</sup>Hângât me hâkgât agak meme hamianmâ hâkyene damunne akmâ hejngemgowe. Amâ hin. Dâp gulip agak meme me biwi helej me nângâ nângâ bâlene me egâlian bâlene are lâpiogât nângâmbiâ humo akmap hainare are hârokne damunyene akbopgât hâkyene damun akmâ manbai. <sup>6</sup>Wan me wan are hârokgât âmâ Anutugât hâune kuk bâlene hain akmai yâk yengâlân miawakbiap. <sup>7</sup>Akto ye ulikpân hângei agak meme are nângâmbiâ humo akto watmâ manmini. <sup>8</sup>Dâ hinne bâlene ire amâ hamianmâ manbei. Akto kuk bo agaŋgiwei. Biwiyenân kuk bo akbei. Akto bo bâlene nângâ yengim dâm mem ge katyekbei. Akto galagât hogo hogo bo akmâ manbei. <sup>9</sup>Akto den bâlene bo makyengiwei. Hiangi den bo makyengiwei. Bo heyengiwei. Emelâk hângât nângâ nângâne akto agak meme are hami pali. <sup>10</sup>Panmâ Yesugâlân dewatiyi aregât Anutu manman irakne aregât amone arekne biwi nângâ nângâyene âlepne aŋgâ lugu yengim ikiŋaet dopne aknetgât meme aknengimapgât aregât bâlene keiŋe keiŋe hamep panmâ manbei. <sup>11</sup>Aregât Kristogâlân purik katmâ biwi konogâk katenne mem mendugu nenegep. Nen Yuda luâk me ye siân gâtne me Anutugât pat dâm hâk gâi nengiyi me bo gâiyengi me niŋaelân dewatim dop ketugu yengiep me haruân gâtne me halângen gâtne me luâk kâit yengâlân gâtne me hoŋ bawa me hoŋ bawa bo me mându me nanlupne okotne dâm yengim mendugu yektâp yâkne hanyeneâk akmâ âi ketugumai are Anutune nen hârok nenekto dop konogâk akten. Akto Kristo Kembu konok yâkgâlân dewatim manmaen âmâ nengât kautnenne mandâp.

<sup>12</sup>Akto Anutune han kalempaet akmâ yekmâ nângât dâtâne dosayene bo dâm han kalempaet akmâ olonyekmâ ikiŋe nanne baratne yengonlep aregât biwiyenande konogâk akmâ manmâ âmâ agak meme âlepne ire âmâ akmâ manbei. Umburuk me gegeŋe manmai are yekmâ okotyene nângâ yengim tân yenguwei. Akto nângâm bâli yengimbiâ âmâ biwi kau akmâ damun akyengiwei. Akto galalupyenaet nângâm bo makmâ mem ge katyekmâ yeŋaet hâkyene bo mem agatbai. Akto denyene kakpân dâmbiâ den hâune bo makyengiwei. Akto biwiyenân tuk tuk ewuyekbiâ âmâ bo biwi aguwai. A hârok lugu akmâ manbei. <sup>13</sup>Akto gala konok



akmâ tân aguwai. Akto den umatŋe yeŋgât hutyeŋân miawakto ain biwi kau akmâ, “Humonenŋande emelâk dosanenŋe pan nengiep.” dâm aregât nâŋgâm dosayeŋe hepunaŋgiwai. <sup>14</sup> Akto siâ me siâ aregât kakŋân han kalem are mem luguakmâ manbiâ arekŋe siâ me siâ are mem mendugum kinmâ katipkombo agak meme konok ârândâŋ akbiâp. <sup>15</sup> Aregât Kristo lumbe amboŋe yâkgâlâk nâŋgâmbiâ biwiyeye sândugewiâp. Amâ ye kâmot konok akto han hâkyeŋe konogâk manŋetgât Anutuŋe kepilâyegepgât Anutu makmâ mepaimŋe mem agatmâ manbei. <sup>16</sup> Akto biwi nâŋgâ nâŋgâyeŋe gulip akto hilip aguwâigât den dâm yeŋgiep are nâŋgâm lokomâk manmâ biwi nâŋgâ nâŋgâyeŋe umbuŋânbak Kristogât den aregât keiŋe kepikmâ maganŋi goanŋi akmâ âmâ aregât dâm kârikŋe aganŋiwei. Akto ain âmâ mitigât kep are membai. Akto emelâk Dawidi hakunenŋe are akto luâklupŋe arekŋe Anutugât kep kulemgoyi are nâŋgâm membei. Akto Anutugât Heakŋande biwiyenân tatmap aregât Anutu âlepŋe dâm mepaimŋe mem heronŋe akmâ aregât kep keŋgu membei. <sup>17</sup> Akto Yesuŋe ikiŋaelân purik katmâ manŋetgât Anutugât dâpŋe meyeŋgiep. Aregât Anutu mepaimŋe mem âlepŋe dâm biwi yeŋande nâŋgâmaiân akto bâtyeŋande mem ketugumaiân ain Yesu Kotdânenŋe yâkgât nâŋgâm biwiyenande kepeim manbei.

#### **Luâkdâ âmbendâ nanaŋdâ yeŋgât den.**

<sup>18</sup> Âmbâlema, yeâmâ luâklupyeye lau lokoyeŋgim manbei. Agak meme hainare Humonenŋande ekto huragumap. <sup>19</sup> Dâ luâk yeŋe âmâ âmbenlupyeye damunyeŋe akmâ han kalem akmâ biwiyeye yâk yeŋgâlân katbiâ ain kinbiâp. Akto den dâtŋe âmâ bo dâm makyenŋiwei. <sup>20</sup> Dâ nanaŋ lepat ye âmâ hainâk ewe memelupyenâet wâtyeŋân kinmâ lau lokoyeŋgiwai. Hain akbiâ Anutu Humonenŋande yekto ârândâŋ akbiâp. <sup>21</sup> Ewe memelupyeye yeŋe âmâ nanaŋ lepatlupyeye biwiyeye bâliwop dâm den sârek yeŋgum âmâ dewun yeŋân bo gem biwiyenân bo ewuyekbei.

#### **Hoŋ bawa yeŋgât den.**

<sup>22</sup> Hoŋ bawa yeŋe humomolupyeye yâk yeŋgât lau hârok lokom metewei. Amâ humomolupnenŋande nenekmâ kinbiâk âi mene hain bo nâŋgâwei. Hanâk âi memâk manbei. Akto Kembu Humonenŋe yâkgât hamep akmâ biwi kau kau akmâ âi memâk manbei. <sup>23</sup> Akto âi are ketugum hin dâwei, “Âi ire luâk yeŋgâlâk bo. Humogât ketugum manden.” hain dâm âi are hâk hilâlâm kakŋân ketugum manbei. <sup>24</sup> Hain akbai dâm aregât Humoŋe pat dâm hâreyeŋgiep are hâuŋe hâmbâi himbimân membiâ Humonenŋe Kristo are Kotdânenŋe humo manmapgât âi ketuguwaiân aregât nâŋgâm biwiyenande kepeim hain akbai. <sup>25</sup> Akto Anutuŋe luâk âmbâle âgâ âgâŋe me gegeŋe keiyeye konok nâŋgâmap aregât bâleŋe akmâ mandâiŋe dosa mem aregât hâuŋe hâmbâi membai.

**Luâk kotdâ yengât den.**

**4** <sup>1</sup> Luâk kotdâ yengande hoŋ bawalupyene siâ me siâ ârândânjak akyengiwei. Anutu Kotdâ yene agat agatne himbimân mandâpgât hoŋ bawalupyenjaet damunyenje akmâ tâŋ tânjâk akyengiwei.

**Kembu hokboâk hokboâk ulilaŋbaen.**

<sup>2</sup> Akto Kolosai kepia ambolupne yene kârikne manmâ Anutu manŋanmâ ulilaŋmâ âmâ biwinenŋe golâ agâkdâm manmâ mepaimne manbei. <sup>3</sup> Hain akmâ nengât ulilaŋbai. Nenŋe luâk âmbâle yânŋân manmai are Kristogât keiŋe dâm makyenŋinetgât Anutuŋe dâp menengiâkgât dâm ulilaŋbei. Den are dâm miawakmâ makyenŋireân den are hâkân akmâ aregât lope kâlegen katnekiâ tatman <sup>4</sup> aregât ulilaŋmâ tân nugumbiâ âmâ Kristogât den tikne are makmâ miawakyenŋire ârândân akto hârokne nânŋâwai.

<sup>5</sup> Anutugât den bonânŋâmai yâk olop peniaŋgim kinmâ siâ me siâ akberâm ekmâ nânŋâm heŋgemgowe. Hain akmâ âi meme sopne bo hilipkowe. <sup>6</sup> Akto denyene are kâtembe pulimbiâ ukenŋe akbiapgât hainare akbei. Aregât benŋe luâk bikŋande den ire me are purik gurik makyenŋiwêrâm akbiâ den hâuŋe ainâk owâiŋeâk makbei.

**Tikiko akto Onesimo yâk yetgât den.**

<sup>7</sup> Nunaet den pat amâ Tikikoŋe makyenŋiwiap yâk âmâ gala akniŋmap akto dengât tânnugumbo ârândân akmap akto Kembugât hoŋ bawa manmap. <sup>8</sup> Yâkne âmâ manman nenjaet den pat makyenŋiâk akto biwiyene hionakbopgât tânyenŋuâkgât huŋgunanŋdere togoâp. Akto aregâlâk nânŋâre humo aktâp dâm huŋgunanŋdân. <sup>9</sup> Akto galanenŋe Onesimo yengât kepian gâtne arekne âi wan me wan mendo ektenŋe ârândân akmap yâk olop huŋgunyektere togom iregen wan me wan miawaknengiep aregât den pat makyenŋiwiadat.

**Den bâiŋe.**

<sup>10</sup> Aristako yâk olowâk Roma yengât lope kâlegen katnelekiâ mandet yâkne yengât akmâ gala akyenŋiâp. Akto Banabagât nepânŋe Mareko yâk gai gala akyenŋiâp. Dâ ye âmâ emelâk Marekogât keiŋe makyenŋiân yâk togowiawân gala aŋanbei. <sup>11</sup> Akto luâk siâ kotne Yosua, kotne siâ Yusto yâkne yengât nânŋâ yengiâp. Akto Anutuŋe damunnenŋe akbiapgât âi tân nugumai yâk yengâlânba luâk ya yengondân are konok Yuda luâkne tân nugumai. Hain akmâ okot kauâk akniŋmai. <sup>12</sup> Akto yengâlân gâtne siâ kotne Epapara in togom mandâp. Manmâ Yesu Kristo hoŋ bawa aŋanmap. Arekne nânŋâ yengim gala den katyenŋiâp. Yâkne yengât Anutu ulilaŋdâp. Amâ Anutuŋe keiyene nânŋâmap aregât

keiŋe amukŋânbak nâŋgâm lokom manmâ amâ aregât han lâuwâ bo akŋet dâm aregât kârikŋe ulilanmâ mandâp. <sup>13</sup>Akto nâŋe Eparagât keiŋe emelâk nâŋgângât yâkgât den pat bâlensiâ makyenŋiwe. Yâk yengât akmâ Yesugât kâmot arekŋe Laodikea akto Hierapoli kepien mandâi are yengât nâŋgâm tân yengum hâk hilâlâm kakŋân mandâp. <sup>14</sup>Galanenŋe Luka yâk âmâ dokta âlepŋe akto luâk siâ kotŋe Dema yâkŋe den gala katyenŋiwerâm aktat. <sup>15</sup>Akto nâŋe Yesugât kâmot arekŋe Laodikea kepien mandâi akto âmbâle siâ kotŋe Nimpasi yâk akto yâkgât emetŋân menduguakmâ ain Yesugât akmâ mendugumai, yâk yengât nâŋgâyengim heronŋe akyenŋiman are dâm makyenŋiwai. <sup>16</sup>Luâk âmbâle menduguakmâ kinbiâ âmâ kulem esenŋe ire mem dewunyenŋân kinmâ oyanbiâ nâŋgâmbiâ aregât kakŋân Yesugât kâmotŋe Laodikea kepien mandâi are oyanmâ nâŋgâwaigât katbiâ ariwiap. Akto yâk yengât kulemgoân a hainâk are yengimbiâ oyanmâ nâŋgâwai. <sup>17</sup>Akto luâk siâ kotŋe Arikipo amâ hin dâm maganbai, “Humonenŋande âi makmâ giŋep aregât biwigande kepeim lokom manmâ âgâmenâ bo agâk.” <sup>18</sup>Bâin luâk siâŋe kulem esenŋe ire kulemgom kindâpŋât gâwu are niŋdo mem kotne kulemgowe Paulo. Akto lope kâlegen mandângât nâŋgât nâŋgâ niŋmâ Anutu ulilanbei. Anutuŋe yengât okot akmâ damunyenŋe akmâ ye olop manbiâp.

# 1 Tesalonike

---

Pauloŋe Tesalonike yeŋgât akmâ Anutu mepaimŋe miep.

**1** <sup>1</sup>Nâ Paulo akto galalogâtne Sila akto Timoteo nenŋe Tesalonike kepiān gâtŋe Anutu Ewenenŋe akto Humonenŋe Yesu Kristo yâkgât kâmotyetŋe ye oloŋyegiat aregât kulem esenŋe ire kulemgoen. Yeŋgât hin nâŋgân. Anutuŋe yeŋgât okot âlep akyeŋgimbo biwiyenŋe sândugeâkgât nâŋgân.

<sup>2</sup>O galalupne, ye hârokgât hokboâk hokboâk Anutu mepaimŋe mem ulilanmaen. <sup>3</sup>Amâ hingât. Ye biwiyenŋe Yesugâlân katmâ okot âlep aganmai aregât agak meme âlepŋe mem âgâmai. Akto Humonenŋe Yesu Kristo are lâmgom han biwi golâk manmai aregât âiâk âlepŋe memâk manbiâ biwiyenŋe bo hioŋmap. Aregât Anutu Ewenenŋe mepaimŋe memaen.

<sup>4</sup>Galama nen hin nâŋgâmaen. Anutuŋe han kalem akyeŋgim mem kepiâyegep. <sup>5</sup>Hain akyeŋgiepgât pat âlep den mem arim makyenŋienŋe den yânŋe bo agep. Are kârikŋe olop akto Heakŋe olop akto okot owâiŋe olop agep. Akto yeŋgâlân malionân yeŋgât akmâ siâ me siâ akmâ meyion are nâŋgâi. <sup>6</sup>Aregât agak memenenŋe meyi. Dâ areâk bo. Sop ain luâk siânŋe bâleŋe akyeŋgimbiâ are hanâk dâm Anutugât den membiâ umatŋe kakyenân dondâ âgâmbō Anutugât Heakŋe tân yeŋgumbo okot âlep humo nâŋgâyi, aregât Humonenŋaet agak meme akto nengât agak meme meyi. <sup>7</sup>Ye hain akmâ hâk hilâlâm dondâ nâŋgâyi aregât benŋe hanâk dâm heronŋe agi. Aregât Yesugât kâmolân gâtŋe Makedonia hânân akto Akaia hânân manmai arekŋe yeŋgât pat nâŋgâm agak meme yeŋe hainâk meyi. <sup>8</sup>Akto Makedonia akto Akaia areâk bo. Biwiyenŋe Anutugâlân katmâ manmâ âgâyi aregât pat sambelem arimbo kepia bikŋe bikŋe hârok nâŋgâyi, aregât yeŋgât dengât âi lâuwânŋe bo memberen. <sup>9</sup>Akto nen pup pup yeŋgâlân togoyion amâ den pat âlepŋe nâŋgâm heronŋe akmâ okot âlep aknengim maŋgan nenekmâ lâpio hepun yekmâ Anutu konok manman âlepŋe akto den bunŋe damunŋe are hoŋ bawa aganŋi a hârok makmâ miawakbiâ sambelem arimap. <sup>10</sup>Dâ areâk bo. Anutuŋe nanŋe momoŋânba oloŋdo agalep yâkŋe kuk bâleŋe miawakbiap aregât nengât

moep aregât nen Yesugât kâmolân gâtne kugân bo kinbaen. Aregât yeŋe himbimânba purik katbiapgât lâmgom manmai.

**Paulomaŋe Tesalonike yeŋgât akmâ âi meyi.**

**2** <sup>1</sup>Galalupne, nen yeŋgâlân togom makyenŋienne bunne miawak yeŋgiep are emelâk nânŋâyi. <sup>2</sup>Akto ulik gulik Pilipi kepia ain ariyion ain umatne metne aknengiyi pat are emelâk nânŋâyi. Ainba Anutugât den pat âlepne are ye makyenŋiwerâm togoenŋe sop ainâk Tesalonike gâtne biknande kuk bâleŋe humo aknengimbiâ hanâk dâm den pat âlepne makyenŋiyion aregât pat ye emelâk nânŋâyi. <sup>3-4</sup>Akto aregât lâuwâne makbe. Anutuŋe nengât nânŋât den pat âlepne arim makyenŋiwai dâm huŋgun nengiep aregât luâkne nenekbiâ huraguâk bo dâm âmâ Anutuŋe kambiam nenŋe ekmap yâkne nenekto huraguâk dâm aregât den pat bunne makmâ agak meme âlepneâk mem manmâ lau tu den bo makmaen. <sup>5</sup>Aregât ye lau tu den bo makyenŋiminiongât pat are nânŋâyi. Akto hângât wan me wan bo egâlianŋminion are nengât Anutuŋe nânŋâep. <sup>6</sup>Akto Kristogât âi luâk kotnenne Aposolo nenŋe âmâ Anutuŋe nânŋâmbo huraguâkgât makyenŋimaen. Dâ nen âmâ hain akmâ âmâ luâk biknande akto yeŋe kotnenne mem agatbaigât âi bo mem makyenŋiminion. <sup>7</sup>Gârâmâ nen âmâ âmbâleŋe nanaŋlupyeŋe yaiwâk damunyeŋe akmai dop hainâk akmâ yaiguâk akyenŋiyion. <sup>8</sup>Akto okot âlep akyenŋim aregât Anutugât den pat âlepne are makyenŋiyion. Dâ areâk bo. Yeŋgât okot âlep dondâ nânŋâm aregât hâk biwinenŋe yeŋgiwaengât nânŋâyion. <sup>9</sup>Akto nenŋaet hâk tângogât âi kârikne mem manmâ hândâk hilâm hârok âi mem, “Tesalonike gâtnde sot me wan me wan nengimbiâ yeŋgât wan me wan bo akbop.” dâm aregât âinennæet puliŋe nenâkâ sot wan puligoyion. Akto sop ainâk âi are hutnân den pat âlepne makyenŋim malion are nânŋâi.

<sup>10</sup>O Galalupne, nenŋe ye biwiyenŋe Yesugâlân kali yeŋgât wan me wan akyenŋienne ârândânŋe agep are ye akto Anutu nenekbiâ agak meme âlepneâk akto wan siâ bâleŋe bo agep. <sup>11</sup>Akto luâk siâne nanaŋlupne damunyeŋe akmap dop hainâk nen âmâ yeŋgâlân ikiŋeâk ikiŋeâk <sup>12</sup>nânŋâ nânŋâyene mem owâiŋe ketugum biwiyenŋe herone agak dâm makyenŋiyion. Akto Anutuŋe damunyeŋe akmâ ikiŋaet manman âlepneân katyekbiapgât yeŋgonmap are luâk yânnde nânŋâyengimbiâ bâliwopgât agak meme âlepneâk mem manmâ âgâwei hain dâm makyenŋiyion.

**Tesalonike gâtnde umatne miawak yeŋgimbo kârikne akmâ kili.**

<sup>13</sup>Akto uliknân Anutugât den makyenŋienne ainâk den ire amâ den yânne hain are bo dâyi amâ Anutugât den bunne dâm meyi den irekne ye biwiyenŋe Yesugâlân kali yeŋgât biwiyenân âi kârikne memap. Aregât Anutu hokboâk

hokboâk mepaimnje memaen. <sup>14</sup>O galama, Yuda luâk Yuda hânân manmâ Anutugât kâmolân gâtje biwiyenje Yesu Kristogâlân kali are yâk yengât kâmolân gâtjande bâleje akyengimbiâ hâk hilâlâm mendâi ye aregât pat nângâm watbiâ yengât kepien gâtjande bâleje akyengimbiâ hâk hilâlâm hainâk nângâm manmâ gayi. <sup>15-16</sup>Akto Yuda luâk biwiyenje Yesugâlân bo kali yâk yengât pat makyengiwe. Yâk yengât hakulupyenje ulikjân Anutugât Propete yengumbiâ moyi. Akto hinje Yesu Humo gai kombiâ moep. Akto areâk bo. Hinje Aposolone Yuda luâk bo manmai are makyengimbiâ biwiyenje Yesugâlân katbiâ hejgemgo yekbop dâm wat nenekmai. Hain akmai aregât luâk âmbâle hârok bâleje akyengimai. Akto Anutuje yekmâ bâin bâleje akto dosayerje humo aktâp dâm kuk bâleje akyengimbo umatjân mandâi.

### **Pauloje Tesalonike yekberâm ukenje nângâep.**

<sup>17</sup>Gârâmâ galalupnenje, umatje arekje yengâlânba watnenekto hepunyektenje sop bâlensiâ yu aktâp. Are han biwinenje bo. Hâknennjandeâk bâlâk manmâ mesak gosak agiongât yekbaengât nângâenje humo akto yengâlân togowerâm agion. <sup>18</sup>Aregât togom yekne dâm magion. Dâ nâmâ Paulo nune âmâ sop siân akto siân togowerâm dâre Niambiye dâp tiginjep. <sup>19</sup>Gârâmâ nenje yengât nângâm mâruyeje akmâ kotnenje âgâkgât akmaen aregât hâmbâi Humonenje Yesu Kristo togomboân âmâ enemjân kinmâ âmâ yengât kambiam âlep akbaen. <sup>20</sup>Ye amâ nengât egâlianj gogâleanj nenje akto yekâ nângâm âmâ herenje maroje nângâmai.

### **Pauloje Timoteo huņgunanġo ariep.**

**3** <sup>1</sup>Galalupne, nen hain manmâ enem dewunyeje ekne dâm malion aregât bâin lâuwâne bo lâmgoweren dâm nâ akto Sila netjeak Atej kepien manmâ Timoteo yengâlân huņgun anjot. <sup>2</sup>Akto galanetje Timoteo net olop Kristogât den pat makyengim Anutu hoj bawa aganjmaengât huņgun anġdetje yengâlân togoep. Net Tesalonike kepien gâtje biwiyenje kârikje kilâkgât Timoteo arim den sami makyengimenâ biwiyenje sândugeâk dâm huņgun anġdetje yengâlân togoep. <sup>3</sup>Ye dâtje metje kakjân manmâ yeugewâigât Timoteo huņgunanjot. Ye hin nângâi. Nen hârok nengâlân umatje hinare miawaknengimbo ârândânj akmap. <sup>4</sup>Aregât akmâ nen ulikjân yengâlân manmâ den hin makyengiyeje. Luâk bikjande bugâje nenguwai, dâyon den are emelâk kârigiep a nângâi. <sup>5</sup>Aregât, “Ye gain gain mandâi? Biwiyenje Yesugâlân kârikje kindâp me Hâwât Amboje Bâleje yâkje hâwâtyekto den nenje hepunbiâ yân gem bo agep me?” dâre kambiamne indembo bâin ageine umatje iregât hirik dâm indânjân bam bâliwâigât Timoteo huņgun anġdere yengâlai togoep.

### **Timoteoje purikatmâ Tesalonike yengât pat Paulo maganjep.**

<sup>6</sup>Wei galalupne, Timoteoje ye hepun yekmâ purik katmâ hinjeâk netgâlân togo hin maknetkiep, “Yesugât kâmot Tesalonike kepien

manmai arekne okot âlep aknengim biwiyene Yesugâlânâk katbiâ talep. Akto nengât nângâ nengimâk manmai. Akto nenne ye enem dewunyenê ekberâm agion yenê hainâk nen nenekberâm aktâi.” dâm maknetkimbo herone dondâ nângâyiot. <sup>7</sup>Aregât ire âmâ umatnân manden akto bugâne nengumaiân nen âmâ biwiyene kali hainâk katmâ mandâi den are nângâenne biwinenne kârikne ketugu nenekto kambiamnenne sândugeâp. <sup>8</sup>Aregât âmâ ye Humogâlân kârikne tatberâi amâ benne nen gai âlepnanâk manberen. Amâ nângâ nângânenne bo gulip akberâp. <sup>9</sup>Aregât nenne Anutunennaet enemnân kinmâ âmâ yengât dondâ mârumaen. Akto hain akmaigât gain gain Anutu okot âlep humo wanmâ mepaimne mendenne bunne akbiap? <sup>10</sup>Aregât hilâm hândâk âi humo dondâ mem hin ulilannaen, “O Anutu, Tesalonike gâtne yâkne biwiyene kat katgât bâlensiâ yeukne akto âmâ nenne âlepne ârândân ketuguwaen aregât dâp hekat nengimenâ arim tân yenguaen.” dâm ulilannaen. <sup>11</sup>Nen hain ulilannaen aregât bikne amâ hin, Anutu Ewenenne akto Yesu Humonenne yâkne dâp hekat nengimbela âlepne dowâk yengâlân togowaen. <sup>12</sup>Akto nenne okot âlep nângâ yengimaen dop hainâk Humonennde tânyengumbo okot âlep aganmâ akto luâk âmbâle yâne okot âlep akyengiwei. <sup>13</sup>Aregât miawagâkgât biwiyene mem kârikne ketugu yekbiâp. Hain akmâ benne hâmbâi Humonenne Yesu are akto ikiye kâmolân gâtne ârândân manbai are olop peniangim ye akto nen menenekbiap. Sop ain âmâ Tesalonike gâtne yengât biwiyene Anutu Ewenennaet dewunân katmai are bunne akbiapgât ulilannaen.

#### Manman nenne ârândânâk yeâkgât damunne akbaen.

**4** <sup>1</sup>Galama, den bânne ire makmâ kepikmâ Yesu Humonenne yâkgât akmâ makyengiennne nângâm heנגemgowe. Ulik gulik agak meme Anutunne egâlianmap are mem manbiâ âmâ herone akmap. Aregât keine makyengiennne nângâyi. Nângâm mem manmâ âgâmbiâ unak miawaktâp aregât dondâne mem âgâwei. <sup>2</sup>Akto uliknân Humonenne Yesunne wan me wan aknet dâmap yâkne wâtne aknengimbo keine makyengiyion are nângâi me? <sup>3</sup>Anutunne agak meme âlepne mem mannet dâm yengonlep aregât luâkdâ âmbendâ bo hepun akmâ ba anğâ hanâk hanâk bo meyekbei. Aregât Anutunne nângâmbo bo huragumap. <sup>4-5</sup>Akto kambiamyene egâlian are âlepneâk kilâk dâm luâk âmbâle Anutu bo nângâmai are biwiyene hanâk hanâk egâlian akmâ manmai nen hain akbâen dâm kambiamyene damunne akmâ manbiâ luâk yânnde akto Anutu yâkne yekbiâ huraguwiapgât âmbâle membiâ huraguwiâp. <sup>6</sup>Akto Humonennde bâlene akmai areyengât umatne kutigitbiap aregât keine makyengiyion. Aregât galalupyene bâlene akyengiwiâigât galalupyennaet âmbâle olop bo manbei. <sup>7</sup>Aregât keine hin. Anutunne agak meme âlepne mem mannet dâm nengonlep amâ agak meme are helej ketugunet



dâm bo nengolep. <sup>8</sup>Aregât luâkņe den ire hamiaņmai amâ luâk den bo hamiaņmai amâ Anutu ikinjaet Heak yengimap are hamiaņmai.

<sup>9</sup>Galama, imâ den siâ. Emelâk galalupyenņe hârok kambiam âlep yengimai aregât keiņe Anutuņe makyengimbo nâņgâyi aregât gala okot âlep aganņiņet dâm siâkâ bo makyengiweren. <sup>10</sup>Akto yenņe Yesugât kâmolân gâtņe Makedonia hânân manmai are hârok okot âlep akyengimai. Aregât nenņe ye wan akmai are wârakmâ membiâ miawakmâ yembiapgât hain kulemgoen. <sup>11</sup>Akto den siâ hin hâwâtyekmâ makyengiyion. Bam gutmâ ariwai me togowai me kepia siân siân manmâ âmâ den kot kamboņ agak bâlâk bo akbei. Akto bâtyenņande âi mem manbei dâm makyengiyion. <sup>12</sup>Hain akbiâ âmâ Anutu bo nâņganņmai yâkņe yekbiâ ârândâņ akbiâp. Akto mop miawakyengimbo bikņande tân yengumbiâ bo dâweigât makyengiyion are nâņgâm heņgemgoweï.

#### **Yesu togom mem agatnenekbiapgât den.**

<sup>13</sup>Galama, luâk âmâle Anutu bo nâņganņmai yâk âmâ momo kârikņe mombai aregât nâņgâm hamewakmâ biwiyenņe umatņe akto hanyenņe bokto indem tâgâiak akmai. Manmâ indem kambiam bâle akmâ manmai. Dâ ye âmâ hain akbâigât siâkâ makyengienņe nâņgâņet. <sup>14</sup>Nen Yesu mondo hangombiâ sumânba agalep are nâņgâmaen aregât Anutuņe Yesugât kâmot bikņe mombiâ hanyenguyi are momoņânba goanņyeko agatbiâ Yesu olop huņgun yengimbo purik katbai. Aregât okot bâle bo nâņgâyengyiwei. <sup>15-16</sup>Amâ hin. Humonenņe maknengiepgât makyengien. Anutuņe bâin dâm kot kondo aņelo yengât humo konokņe Anutuğât lâmun waito mun humo indembo âmâ sop ain amâ Humonenņe denņe kârikņande ikiņe himbim hepunmâ gewiap. Dâ nen bikņe boâk mombaenân âmâ Humonenņe togowiap ain âmâ luâk âmâle Yesugât kâmolân gâtņe emelâk moyi arekņe soņ agatbai. <sup>17</sup>Hain akbiâ âmâ hamiyenân luâk âmâle golâ bikņe manbaen amâ yâk olop hamandat kâlegen ain mendu agum Humonenņe togombo olowâk himbimân âgâm manbaen. Ain Humo olop dondâņe manmâ âgâwaen. <sup>18</sup>Are âlepņe. Bâin den irekņe galalupyenņe mem biwiyenņe manmâ kârikņe ketugu yekbei.

#### **Yesu pututugâk togowiapgât biwi owâim kinbaen.**

**5** <sup>1</sup>Galama, Humonenņe togowiap are lâuwâņe makyengienņe nâņgâņet. Humonenņe Yesu togowiapgât sopņe aregât keiņe emelâk nâņgâyi aregât den makyengim kulem esenņe kulemgowaengât âi lâuwâņe bo tatâp. <sup>2</sup>Gârâmâ yenņeak yu nâņgâi are Humogât sopņe amâ luâk kâmburâņe hândâkņân boâk nâņgâmbiân togomai dop hainâk <sup>3</sup>luâk âmâle hândâk kâlegen manmai are, “Nen âlepņe tatenņe kambiamnenņe sândugem âgâwiap.” dâmbiâ âmâ ainâk Humonenņe purik kato hilip yenņu yengugât dopņe dowâk yâk yengâlân miawakbiap.

Akto âmbâleŋe nanaŋ memberâm hâk hilâlâm akmai dop hainâk umatŋe humo miawak yeŋgimbo hepunakmâ bo ariwai. <sup>4</sup>Gârâmâ galalupne, ye hândâkŋân bo tatâi aregât luâk kâmburâŋe togomai dop hainâk Yesu purik katbiap sopŋe are yâk bo nâŋgâmbiâ miawak yeŋgimbo otneyeŋe ariwiap. Dâ ye âmâ hain bo akbai. <sup>5</sup>Ye âmâ hârok pagalenŋan akto dewutân manmai. Akto nen hârok omoŋ me hândâk kâlegen bo manmaen. <sup>6-7</sup>Haingât luâk âmbâle yânŋe asiŋ yeye amâ hândâkŋânâk yemai akto luâk âmbâle tu kârikŋe nem âmâ hândâkŋân gulip akmai. Nen hain akbâengât kambiam nenŋe damunŋe aktenŋe pâlâmŋe bo akto âmâ tu kârikŋe bo nendenŋe âmâ nâŋgâ nâŋgânenŋe hulaŋ akbiâp. <sup>8</sup>Akto nen hilâmŋât luâk âmbâle nâŋgâm heŋgemgoenŋe kambiamnenŋe âlepŋeâk talâk dâm biwinenŋe Humogâlânâk katenŋe kinbiâp. Akto Humo olop âlepŋe maniâm. Akto tembe lokoŋe, “Diŋennân erânekbâi.” dâm diŋenŋaet peke luguakmap nen dop hainâk kambiamnenŋe âlepŋeâk talâk dâm biwinenŋe Humogâlânâk katenŋe kinbiâp akto Humo okot âlep agaŋne. Akto tembe lokoŋe kautne kom hionjboŋgât dâm kautyeŋân irimut kârikŋe kauŋmai nen dop hainâk nâŋgâ nâŋgânenŋe gulip akbop dâm Anutuŋe bunewâk heŋgemgo nenekbiap are miawagâk dâm lâmgomaen. <sup>9</sup>Akto Anutuŋe nen âmâ ikiŋe kâmot dâm oloŋnenekto Yesugât biwinenŋe kalion aregât kuk bo aknengiwiap. Hingât oloŋnenegep. Humonenŋe Yesu Kristo arekŋe heŋgemgonenekbiapgât oloŋnenegep. <sup>10</sup>Akto Humonenŋe Yesu Kristo arekŋe, nen yâk olop mannegât nengât akmâ moep aregât purik katmâ gewiawân mombaen me hânân manbaen nen hârok agatmâ yâk olop golâ manmâ âgâwaen. <sup>11</sup>Haingât ye biwiyeŋe kârikŋeâk kinbiâp dâm magaŋgi goaŋgi akmai hainâk ye galalupyenŋe den âlepŋeâk makyenŋimbiâ biwiyeŋe kârikŋeâk kinmâ âgâwiâp.

#### **Damunlupnenŋe yeŋgât amukyeŋân manbaen.**

<sup>12</sup>O galama, den siâ ire wârakmâ makyenŋienŋe nâŋgâŋet. Humonenŋe arekŋe damunlupyenŋe katyekto kinmâ hutyeŋân manmâ âi mem Humogât keiŋe makyenŋim biwiyeŋe gulip akbop dâm den kârikŋe makyenŋimai yâk yeŋgât yekbiâ bo gewiâp. Gârâmâ yâk yeŋgât den nâŋgâm amukyeŋân manbei. <sup>13</sup>Akto damunlupyenŋe âi memai aregât okot âlep akyenŋim lau lokoyenŋim hanâk amukyeŋân manbei. Akto yeŋgât hutyeŋân kuk heŋgân miawakbop dâm gala agaŋgim biwi konok akmâ manbei.

#### **Konam bo akbaen.**

<sup>14</sup>O Galalupne, yeŋgât den kârikŋe hin ye makyenŋienŋe yeŋgât hutyeŋân luâk âmbâle siâ konam akbiâ makyenŋim kârikŋe ketugu yekŋet. Akto luâk âmbâle wan me wan hârok hamep akmai are tân

yengumbiâ biwiyenje kârikjeâk kinmâ âgâwiâp. Akto luâk âmbâle hâkyenje yeukje aktâp are hainâk tân yengujet. Akto luâk âmbâle hain akmai are titnan titnan yaiwâk akyenjeiwei. <sup>15</sup>Akto luâk âmbâle bâleje akyengimbiâ âmâ hainâk bâleje bo akyengim âmâ âlepjeâk akyenginet. Dâ hin akbei. Sop ârândânâk agak meme âlepje akmâ gala akyenjeiwei. Akto bikje bo potatyekmâ âmâ luâk âmbâle hârok yengâlâk akbei. <sup>16</sup>Akto hokboâk hokboâk mâru humo akbei. <sup>17</sup>Akto hokboâk hokboâk Anutu ulilañbei. <sup>18</sup>Akto Anutuje Yesu Kristogât akmâ nângât kâmot nâ mepaine membei dâm egâlijanmap aregât wan me wan âlepje me umatje miawak yengimbo ainâk Anutu okot âlep aganjmâ mepaimje membei. <sup>19</sup>Akto Anutugât Heakje kâlâp hinare are bo limbâpkowei. <sup>20</sup>Akto luâk âmbâle agatmâ Anutuje wan me wan akbiap aregât den makbiâ ye den are bo hâkân akbei. <sup>21</sup>Akto den are miawakto yeâmâ hârok dowâk bo membei. Dâ hin akbei. Den are nângâm hejgemgom ire âmâ âlepje ire âmâ bâleje hain dâm den potatbei. Hain potatmâ den akto agak meme âlepje pañâk mem manmâ <sup>22</sup>den bâleje akto agak meme bâleje hepunbei.

#### Den bâije.

<sup>23</sup>O Galalupne, nenje yengât Anutu hin ulilañden, Anutuje kambiam nenje mem âlepje ketugumbo sândugemap yâkje meyekmâ ârândân hârok ketugu yekbiâp. Hain akto benje Humonenje Yesu Kristo are purik katmâ lâuwâje togowiawân han biwiyenje âlepjeâk kindo ekto ârândân akbiapgât ulilañden. <sup>24</sup>Akto Anutuje oloñ yekmap arekje âmâ ârândânâk hârok akmap aregât wan me wan hain miawak yengijiap.

<sup>25</sup>O Galama, yeje hainâk nengât Anutu ulilañbei. <sup>26</sup>Akto ye hârok gala konok akmâ lokom manjan akbei. <sup>27</sup>Nâ Humogât kârikjân kinmâ hin maktân. Ye nâ yu kulengoân ire mem âmâ hainâk Yesugât kâmolân gâtje hârok oyanbiâ nângâwei. <sup>28</sup>Akto Humonenje Yesu Kristo arekje damunyeje akmâ okot âlep akyengiâkgât ulilañmaen.

# 2 Tesalonike

---

## Mepai den.

**1** <sup>1</sup>O galalupne, ye amâ Tesalonike kepien gâtne Anutu Ewenenjannde oloŋ yekto biwiyenŋe Humonenŋe Yesu Kristogât kali. Yengât kulem esenŋe ire kulemgoân. Nâmâ Paulo akto galalogâtne Sila akto Timoteo tân nugumbela kulem esenŋe ire kulemgoen. <sup>2</sup>Akto yengât Anutu Ewenenŋe akto nanŋe Humonenŋe are olop ye okot âlep akyengim damunyeŋe akbela biwiyenŋe sândugeâk.

<sup>3</sup>O Galalupne, nen amâ yengât nâŋgâm Anutu âlepŋe dâm hokboâk hokboâk mepaiŋe memaen. Akto nenŋe ye biwiyenŋe Yesugâlânâk katbiâ kindo manbiâ sambelemap akto okot âlep agaŋgim gambiâ dondâ miawaktâp. Aregât pat nâŋgâm Anutuŋe wan akyengiep aregât âlepŋe dâm mepaimŋe mendenŋe ârândân akmap. <sup>4</sup>Aregât luâk âmbâle bikŋe yânjannde gasa akyengimai akto umatŋe miawak yengimbo hanâk dâm Yesugât launŋe lokom âlepŋe manmai aregât den pat nâŋgâm Anutugât kâmot kepiaŋe kepiaŋe manmai are yengât pat are makyengimaen.

## Anutugât hâuŋaet den.

<sup>5</sup>Akto umatŋe ya miawak yengiep aregât keiŋe hin. Anutuŋe agak meme âlepŋaet potat nenekmap aregât agak meme are ye hekat yengiwerâm makto umatŋe miawagep. Akto Anutuŋe, “Nâŋgât kâmot Tesalonike kepien manmai are siân manman âlepŋân manbai.” dâm makto umatŋe miawakto hâk hilâlâm nâŋgâm hanâk lokom manbiâ aregât hâuŋe Anutuŋe yengim damunyeŋe akbiâp. <sup>6</sup>Aregât Anutuŋe wan me wan mendo ârândân akmap arekŋe siân luâkŋe umatŋe yengimai are hainâk umatŋe yâk yengimbo ârândân akbiâp. <sup>7</sup>Akto areâk bo. Ye umatŋe lokomai nen olop biwinenŋe sândugeâkgât Anutuŋe siân meneneko manman âlepŋân manbaen. Akto sop aregât keiŋe makyengire nâŋgâŋet. Sop bâiŋe Humonenŋe Yesu are lâuwâŋe huŋgun aŋdo himbimânba gem aŋelo kârikŋe olop kâlâp panmâ gewai. <sup>8</sup>Luâk Anutu bo nâŋgaŋmai akto Humonenŋe Yesugât den pat âlepŋe are nâŋgâm bo lokomai are amâ hâuŋe umatŋe hamepŋe olowâk

yeŋgiwiap. <sup>9</sup>Humonenŋande ikiŋe enemŋanba akto ikiŋe pagaleŋe kârikŋanba watyekto kâlâp bo bokbiap ain gem âmâ hâk hilâlâm humo nâŋgâm âgâmbiâ bâli bâli kârikŋe miawakyeŋgiwiap. <sup>10</sup>Akto sop ain Humonenŋaet kâmotlupŋe nengâlân pagaleŋe akto egâliŋ gogâlean miawak nengiwiap are bunŋe miawagâkgât Yesuŋe togowiap ain nengâlân pagaleŋe mem agat agatŋe mem agatbiap. Akto nenŋe den pat makyenŋienŋe biwiyenŋe Yesugâlân kali aregât yâk togowiawân meyekbiap. Sop ain nen akto ye olop biwinenŋe Yesugâlân kalion nenŋe Humonenŋe ektenŋe dâtŋe akto kotŋe mem agatmâ manmâ âgâwaen. <sup>11</sup>Are âlepŋe akmâ kârikŋe agâkgât Anutu hokboâk hokboâk ulilaŋmaen. Anutunenŋe damunnenŋe akmap yâkŋe yeŋgonlep are wan me wan makmâ hâreyi are bunŋe agâkgât meme akyenŋimbo wan me wan magi are bunŋe miawakto biwiyenŋe Yesugâlân kali are mem metem âmâ âi humo membai. <sup>12</sup>Hain akbiâ âmâ Anutunenŋe akto Humonenŋe Yesu Kristo yetŋe damunyeŋe akmâ okot âlep akyenŋimbela luâk âmbâle yânŋande yekmâ Yesu Humonenŋaet kotŋe mem agatmâ âmâ agak meme âlepŋe akbiâ ârandânŋ agâk hain dâm ulilaŋmaen.

#### Mitigât gasa kautŋe miawakbiapgât den.

**2** <sup>1</sup>O Galalupne, Yesu Kristo Humonenŋe Anutuŋe lâuwânŋe huŋgun aŋdo gewiap aregât akto nenŋe menduguakmâ peniaŋbaengât keiŋe makyenŋire nâŋgâŋet. <sup>2</sup>Luâk bikŋande, “Bâin. Humonenŋe togowiap aregât sopŋe tâlâguâp.” dâm yeŋgât, “Paulomaŋe kulem esenŋe ire kulemgombiâ mem togoen.” dâm heyenŋimbiâ âmâ den are dowâk bo nâŋgâm biwiyenŋân sân sân bo akto âmâ den aregât bo nâŋgâwai. <sup>3</sup>Akto luâk âmbâle hiaŋgi den makmâ hain dâmbiâ bo nâŋgâwei. Hin nâŋgâwei. Humonenŋe togowerâamboân âmâ sop ainâk âmâ ulik gulik amâ luâk âmbâle dondâ Anutugât hâkâŋ akmai hutyeŋân gâtŋe siâ miawakmâ luâk den koko den kârikŋe hamiŋmâ panbiap are wan me wan âlepŋe are gasa aganmâ hami anmâ âmâ Anutuŋe bâleŋân manbiap dâep yâkŋe soŋ miawakto sop humo tâlâguwiap. <sup>4</sup>Akto luâk âmbâle hânŋe hânŋe manmai arekŋe wan me wan kotyeŋe mem agatmai are yeŋgât dumyeŋân kinmâ âgâwiap. Hain akmâ wan me wan hârok nâŋgâmbiâ gembo nâŋgât nâŋgâmbiâ âgâk dâm wârakbiap. Dâ areâk bo. Luâk âmbâle hârok humoyeŋe akberâm nâŋgât kotne mem agatŋet dâm Anutugât sumbe emetŋân kinmâ nâ Anutu dâm tâwâim kinmâ âgâwiap. <sup>5</sup>Dâ den ire âmâ pup pup bo nâŋgâi. Nâ yeŋgâlân manmâ aregât keiŋe makyenŋiân are nelâm yeŋgiâp mon? <sup>6</sup>Dâ hinŋe âmâ wan me wan siâŋe luâk are mendo bo miawagep aregât keiŋe nâŋgâmai. Akto luâk bâleŋe meme hinŋe bo miawakto âmâ sop bâiŋe tâlâgumboân âmâ miawakbiap. <sup>7</sup>Ire âmâ emelâk den koko luâk bâleŋande tigân âiŋe memap. Akto horat kalaŋmap yâkŋe tâgân hikom mendâp. Dâ irawot

akto hulaŋ akto den koko luâk are tektekŋân miawakbiap. <sup>8</sup>Den koko luâk are tektekŋân miawakto âmâ Humo Yesuŋe lau biwiŋaet heakŋande den koko luâk are hâkokombo gewiap. Gembo ain âmâ Humo Yesu togowiapgât pagaleŋande erâm itiŋ gulam mendo bo akbiap. <sup>9</sup>Den koko luâk are yâkgât togo togogât keiŋe hin. Yâk âmâ Niambiŋe meme agaŋdo kârikŋe siâ me siâ keiŋe keiŋe olop miawaganmâ hianŋimân kulem akto siâ me siâ dewunnenŋande bo ekmaen are membiap. <sup>10</sup>Akto den koko luâk togowiawân âmâ luâk bikŋe den bunŋaet keiŋe nânŋâm heŋgemgom hâkâŋe dâm heŋgemgo nenekbiapgât dâp tâpâkom mesokmâ âmâ bâleŋaet pat akbai. Hain akbiâ âmâ den koko luâkgât togo togogât keiŋe mem miawakbiap. <sup>11</sup>Luâk bikŋe hain akmaigât Anutuŋe hianŋigât memene akto kautyene gulip agâkgât kârikŋe makto miawakto hianŋi are nânŋâm bunŋe dâm nânŋâm pâpkowai. Hain. <sup>12</sup>Akto areâk bo. Den bunŋaet kautŋe âmâ hâkâŋe dâm siâ me siâ bâleŋaet ukenŋe akmai luâk are yâk yeŋgâlân aregât hâuŋe togo yeŋgiâkgât hain are akbiap.

<sup>13</sup>Galalupne, ye amâ hain bo akbai. Anutuŋe ulikŋân dondâ okot âlep akyeŋgim kepilâm yekmâ ikiŋe Heakŋe huŋgun aŋdo kaut yeŋân mendo den pat âlepŋe nânŋâm agak meme âlepŋe akbai are nânŋâm heŋgemgoep. <sup>14</sup>Anutuŋe hain nânŋâep aregât Tesalonike gâtŋe bikŋe Humonenŋe Yesu Kristogât pagaleŋân manbai dâm huŋgun nengimbo den pat âlepŋe makyenŋienŋe dowâk nânŋâyi aregât Anutu mepaimŋe mem okot âlep nânŋâm kotŋe mem agatenŋe ârândân akbiâp. <sup>15</sup>Aregât den pat âlepŋe makyenŋiyion me kulem esenŋân kulemgoenŋe nânŋâyi are kârikŋe lokom manmâ âgâwei.

<sup>16</sup>Kembunenŋe Yesu Kristo akto Ewenenŋe Anutu yâkŋe han kalem aknengim damunnenŋe akmandat arekŋe biwinenŋe bâliwopgât wât nengimbela tatmâ âgâwaen akto himbimân wan me wan âlepŋe aknengiwiapgât keiŋe maknengimbela biwinenŋe sândugemap. <sup>17</sup>Anutu hain arekŋe hinŋe gai meme akyeŋgimbo kambiamyene humo agâk. Akto âi kârikŋe âlepŋe ketugum den âlepŋeâk makbiâ Anutuŋe yekto huraguâk.

### Pauloŋe Anutuŋe tânnenguâk dâm makyenŋiep.

**3** <sup>1</sup>O Galalupne, den bânŋe hin makyenŋire nânŋâŋet. Yeŋe Anutu nengât ulilaŋbiâ Humonenŋe tân nengumbo âmâ benŋe ulikŋân den makyenŋienŋe ye nânŋâyi are hainâk kepiaŋe kepiaŋe arim makyenŋienŋe dondâŋe nânŋâwai. Nânŋâm amâ dondâŋe biwiyene Yesugâlân katbiâ Humonenŋaet den are dowâk sambelem humo akbiâp. <sup>2</sup>Akto nen arienŋe luâk âmbâle hânŋe hânŋe manmai dondâŋe âmâ biwiyene Yesugâlân bo kali aregât luâk bikŋe han hioŋ bauŋ bâleŋe maleŋe akmai arekŋe menekberâmbiân âmâ Anutuŋe bâtyeŋânba mem kotgâ nenegâkgât Anutu ulilaŋbei. <sup>3</sup>Akto Humonenŋande âmâ wan

me wan dâm hârem are miawakmap arekŋe Bâleŋe Amboŋe arekŋe meyekbop dâm kondo gembo tânyenŋuwiapgât bo pâp komap aregât Anutu hain akbiapgât nânŋâmaen. <sup>4</sup> Akto ye den makyenŋienŋe lokom manmâ ariwai aregât Kembugât akmâ yengât han lâuwâ bo akmaen. <sup>5</sup> Aregât galama yengât hin dâm Anutu ulilanŋbe. Amâ Humonenŋande Anutu ye okot âlep akyenŋimap are akto Kristoŋe kârîkŋe kinmâ umatŋe lokom tân nengumap are hekat yenŋimenâ nânŋâwai hain dâm ulilanŋdân.

### Konam bo manbaengât magep.

<sup>6</sup> O Galalupne, Humonenŋe Yesu Kristoŋe makniŋdo den dâtŋe umatŋe ire makyenŋienŋe nânŋâŋet. Yengâlân gâtŋe siâŋe konam manmâ âi bo memai. Are den makyenŋiyion are bo lokomai luâk are olop bo manbei. <sup>7</sup> Akto nenŋe yengât hutyenân manmâ nenŋe dâp keiŋe katmâ âiâk memâk memâk malion are ekmâ nânŋâyi. <sup>8</sup> Akto nenŋe sot hâu bâlâk yân bo mem neyion wan me wan nengimbiâ hâk hilâlâm yenŋiwâen dâm hândâk hilâm âi wan me wan ketugum yenŋienŋe siâŋe puli nengimbiâ are mem sot hâuŋe aregât yengiminiyion. <sup>9</sup> Akto nen hain bo agion dâine ârândân akbop. Akto Anutuŋe sot hâuŋe bo yenŋiwei dâm bo makmâ hâre nengiep. Bo. Nen âmâ yeŋe nenekmâ hain akŋetgât sot hâuŋe yengiminiyion. <sup>10</sup> Akto yengâlai manmâ den hin dâm makyenŋiyion, “Luâk âmbâle bikŋe konam akbiâ âmâ sot are bo yenŋiwei.” dâm makyenŋiyion. <sup>11</sup> Gârâmâ hinŋe yengâlaiwa den hin togombo nânŋâyion. Luâk âmbâle bikŋande konam akmâ siâgât âi bâleŋe mânŋim âiyenŋe hepunmâ yân mandâi dâmbiâ nânŋâyion. <sup>12</sup> Luâk âmbâle hainare yengât âmâ Humonenŋe Yesu Kristogât den sami hin dâm makyenŋienŋe nânŋâm heŋgemgowai, “Ye âlepŋe heŋgemgom âiyenŋe yeŋeak âi mem sot mem nembai. Dâ yân âmâ bo tatbei.” <sup>13</sup> Akto ye hârok hin makyenŋire agak meme âlepŋe are hokboâk hokboâk akmâ manmâ âgâwei. Akto bo hâkân akbei. <sup>14</sup> Den kulem esenŋe ire kulemgoân ire luâk âmbâle siâŋe hâkân akmâ hepundo âmâ yengâlânba watbiâ anŋun anŋiâk. <sup>15</sup> Akto gasa aganŋetgât bo maktân. Dâ amâ yaiwâk aganŋiâ biwiŋe purik kato gala aganŋiâ ye olop manbeigât maktân.

### Den bâiŋe.

<sup>16</sup> O Galalupne, yengât Humonenŋe ulilanŋbe. Humonenŋe âmâ Lumbe Amboŋe wâtŋe aknengim biwinenŋe mem sândugemapŋe biwiyeŋe sândugeâkgât hokboâk hokboâk bikenba bikenba ikiŋe sândukŋe totokoyekto ârândân huragum yem âgâwiâp. Akto Humonenŋe ye olop manmâ âgâwei dâm ulilanŋdân.

<sup>17</sup> Galama, nâ Paulo, nâŋe luâk siâ maganŋdere yu kulemgoâp. Dâ den bikŋe ire nunak kulemgoân. Nânŋât bât tirip ire ekmâ nânŋâm heŋgemgowei. Ire amâ Paulogât bât tiripŋe hain nânŋâŋet. <sup>18</sup> Humonenŋe Yesu Kristoŋe ye hârok okot âlep akyenŋim damunyeŋe agâkgât ulilanŋman.



# 1 Timoteo

---

## Den hiangi aregât keiŋe.

**1** <sup>1</sup>O galane Timoteo nâmâ Paulo, Anutuŋe âi makmâ hâreniŋepgât Yesu Kristogât laugât Aposolo âi meman. Amâ Anutuŋe heŋgem nengumapŋe akto Yesu Kristoŋe dumnenŋân kilepgât nânŋaŋmâ manmaen yâk lâuwâ lâuwâ âi ire niŋiat. <sup>2</sup>Timoteo nanne gâŋgât kulem ire kulemgogiŋdân. Anutu Ewenenŋe akto Kembunenŋe Yesu Kristo yâk yetŋe han kalem âlepŋe akgiŋmâ damunge akbela biwige sândugeâk. <sup>3</sup>Nâ Makedonia hânân ariwerâm akmâ âmâ makgiŋân aregât hain akben. Amâ luâk bikŋande hutyeŋân kinmâ den aŋgâ siâ makyenŋiyi yâk makyenŋimenâ hepunbai. <sup>4</sup>Yâk bem patŋe kâmotŋe kâmotŋe makmâ gam mali yâk yengât kotyeŋe makmâ maganŋi goanŋi akbiâ âmâ den gulip milip bunŋe bo are miawakto Anutu nânŋaŋmâ hoŋ bawa manmaen are gembo bâlimap. <sup>5</sup>Gârâmâ Anutuŋe makmâ hârenenŋiep are hin akmaen. Han lâuwâ bo akmâ âmâ biwi kau kau akmâ Yesu nânŋaŋmâ manmâ pânŋân mem kepilâmaengât biwi konok akmaen. <sup>6</sup>Dâ luâk bikŋande âmâ den are hâkânŋ akmâ yeŋaet den are makmâ mem maganŋi goanŋi akbiâ bunŋe bo miawakyeŋiep. <sup>7</sup>Yâk hain akmâ hin makmai, “Nen Mosegât den kârikŋe are makyenŋienŋe nânŋâwai.” dâm âmâ wan me wan ire bunŋe dâmai den aregât keiŋe bo nânŋâm heŋgemgoyigât gulip makmâ manmai.

## Den kârikŋe arekŋe dosanenŋe mem miawakmap.

<sup>8</sup>Gârâmâ nenâmâ den kârikŋe aregât hin nânŋâmaen. Den kârikŋande agak meme âlepŋe are mem miawakmap aregât den kârikŋe nânŋâenŋe ârândânŋ akmap. <sup>9</sup>Den kârikŋe are luâk dosa bâlâk manmai yâk yengât bo. Anutuŋe âmâ den kârikŋe hingât kalep. Luâk Anutugât den hâkânŋ akmâ komai me Anutu hamiaŋmâ agak meme bâleŋe akmai me biwi heleŋ olop manmai me ewe memelupyenŋe hilip yengum bugâ yengumai. <sup>10</sup>Me luâkdâ âmbendâ yengât pat hâremai me luâkŋeak egâlianŋ bâleŋeâk akmâ bikŋe meyekmâ puligât kâmbu meyekmai me den hianŋimai me Kembugât kotŋe konmâ âmâ hianŋimân makmâ kârigemai. Me siâ me

siâ biknje den bunje gasa aganjmai yâk yengât âmâ Anutuje makto den kâriknje arekne bâleje yeje mem miawakyeŋgimap. <sup>11</sup> Akto den bunje gasa aganjmai amâ den bunje are amâ Anutu manman âlepġât amboje yâkne den pagaleje olowâk niŋep arekne hain makmâ miawaktâp.

**Yesuje Paulo dosaje hepunaŋmâ âi âlepje waŋep.**

<sup>12</sup> Kâriknje niŋmâ mem kâriknje ketugunegep Kembu nenje Kristo Yesu yâk mepaimje meman. Yâkne nâŋġâniŋdo ârândâŋ akto tân nugum âi ire niŋep. <sup>13</sup> Gârâmâ nâ ulikjân Yesugât nâŋġâre gembo yâk makmâ gasa aganjmâ luâklupje gasa akyengire hanâk dâm nâ Kembugât keiŋe pâpkom manmâ bonâŋganjâmâ malângât han kalem akniŋmâ okot nâŋġâniŋmâ yai nuguep. <sup>14</sup> Yai nugum han kalemje nâŋġâlân lugumbo pikto Kristo Yesu nâŋganjâmâ okot âlep aganjbiangât kâriknje niŋep. <sup>15</sup> Den ire bunje akmâ sambelem ariâk. Arimbo ârândâŋ akbiâp. Yesu Kristo amâ nen bâleje akmâ hâkne hâkne akmaen nen heŋgem nenguwiapġât giep. Akto hâkne hâkne akmaen nengât âġâ âġâje amâ nâ ire. <sup>16</sup> Gârâmâ Yesu Kristoje yai nugum han kalem umatje niŋep, a yân bo. Nâ bâleje meme luâk yengât kautyeje nâ han kalem niŋdo luâk beirâ are ekmâ nâŋġâm amâ Yesu Kristo nâŋganjâmâ kepilâmbiâ manman kâriknje yeŋgiwiapġât hain akniŋep. <sup>17</sup> Manman kârikjaet Kembu humo bo mombiap akto bo ekmaen Anutu konok yâkgât kot pat egâlijaŋ pagaleje are yem âġâwiâp kârikje. A bundâk.

**Timoteo âigât bugâ mem kâriknje akmâ manbiapġât magep.**

<sup>18</sup> Timoteo nanne ġâ hain akniŋmat ġâŋġât den umatje hin makmâ ġiŋân. ġâ den ire mem manmâ âmâ luâk bikjande ġâ wan akbiatġât den guguyi den arekne kâriknje ġiŋdo âigât bugâ mem kâriknje akmâ manben. <sup>19</sup> Hain akmâ manmâ Kristo nâŋganjengât hainâk nâŋganjemenâ han biwige kau kau akmâ tatġiŋmâ âġâwiâp. Dâ luâk bikjande han kau kau manman dâp are hamianjigât Yesu nâŋganjbiâ nâŋġâ nâŋġâ yeje tatyengiep are hulaŋ akto bâliyi. <sup>20</sup> Yâk yeŋġâlân ġâtje luâk siâ Himenaio akto siâ Alesande yâk lâuwâ are Hianġi Ambojande hâk hilâlâm yetkimbo Anutugât kotje hâkâŋ akmandat areġât agak meme are hepuletġât yâġġâlân katyelegân.

**Yesugât kâmotlupjande ulilaŋbaigât den.**

**2** <sup>1</sup> Galane, nâ den ire nâŋġâre umatje akmapġât makġiŋbe. Kâmotlupjande Anutu ulilaŋberâm âmâ hin akbei. Hokboâk hokboâk Anutugât nâŋganjbiâ ârândâŋ akmapġât mepaimje membei. Akto luâk âmbâle hârok yâk Anutuje tânyenġuâġġât ulilaŋbei. <sup>2</sup> Luâk kembu, kiap, gawaman hârok tânyenġuâġġât ulilaŋbei. Areġât luâk humomolupnennjande damun nenje akbiâ âmâ âlepje lumbe kakjân

manmâ Anutugât lau lokoenne biwinenne sândugembo luâk bikjande nângâ nengimbiâ âgâwiâp. <sup>3</sup>Are amâ âlepne akbiap. Akto Anutu hejgem nengumap yâkne are nângâmbo ârândân akmap. <sup>4</sup>Anutune amâ luâk hârokne den bunne nângâmbiâ hejgemgo yekbiapgât egâlianmap. <sup>5</sup>Anutu konok manmap. Akto Anutu akto luâk hut nenjân mendugu nenekbiapgât luâk konok kindâp, Yesu Kristo yâk luâk agep mannengiâp. <sup>6</sup>Yâkne manmanje bo gangerâm amâ nen hârokgât sumbe nenje agep. Aregât patje amâ sopjân miawagep. <sup>7</sup>Aregât Anutune nâ pat aregât keje makmâ miawakyejgiwiangât Aposologât âi nijep. Âi nijmâ Yuda luâk bo manmai den bunne nânganbaigât makmâ hârenjep. Den are bo hianjim amâ bundâk maktân.

<sup>8</sup>Galane, hingât nângâre humo aktâp. Kepianje kepienne hânje hânje gasa bo aganjim amâ bâtyene mem agatmâ Anutu ulilanjei.

<sup>9</sup>Dâ âmbâi yengât hin maktân. Yâkne hâk peke egâlianje olop bo luguakmâ amâ yejaet nângâmbiâ gembo kângom manbei. Dâ kautyene dumutje kulem melem dondâ me donet me hâk peke pulije âgâne are bo mem manbai. <sup>10</sup>Gârâmâ hin mem manbei. Âmbâle nen Kristogât kâmot manmaen dâmaine âi âlepne membiâ ârândân akbiâp. <sup>11</sup>Âmbâleje luâk yengât amuk yenjân manmâ kângom ondop katmâ nângâ nângâ âi membei. <sup>12</sup>Âmbâle siâne Kristogât keje hekat yengiweraam akbiap arekne luâk ewangi yekmâ kinbiâp dâm aregât nângâre bo ârândân aktâp. Aregât hain bo akbiâp. Yâk yân kângom yonâk manbiâp. <sup>13</sup>Amâ Anutune Adam amâ ulikjân mem miawagep. Dâ âmbenje Ewa amâ yâkgât haminjân mem miawagep. <sup>14</sup>Akto Adamje Hiangi Ambojaet den bo nângâep. Âmbenjande amâ Hiangi Ambojaet den nângâm Anutugât lau kondo lau koko are miawaganep. <sup>15</sup>Dâ âmbâle amâ Kristo nânganmâ han kalem olop manmâ han kau kau manmâ yejaet nângâmbiâ gembo amâ nanañ membai amâ Anutune hejgemgo yekbiap.

### Yesugât kâmot damunlupyejaet den.

**3** <sup>1</sup>Luâk siâne nâ Kristogât kâmot damunyeje akbiangât âi membe dâwiap amâ are nângâenne ârândân akmap. <sup>2</sup>Gârâmâ Kristogât kâmotgât damunnenje luâk are amâ hin akbiâp. Dosa bâlâk manmâ âmbâle konok olop manbiâp. Akto han biwine damunje akbiâp. Akto akmâ hilipko hilipko bâlâk âlepne manbiâp. Akto lombo togombiâ dowâk tânyenguwiâp. Akto luâk âmbâle Kristogât keje makyengimbo nângâmbiâ ârândân akbiâp. <sup>3</sup>Waij tujne dondâ bo nemiâp. Bugâ koko bo akmâ amâ lumbeje akto yeukne akbiâp. Akto kâmotlupje potalakjetgât bo makbiâp. Akto puli sikumgât bo makmâ tâgâi akbiâp. <sup>4</sup>Ikinje ginbailupje damunyeje akto ârândân akbiâp. Akto nan baratlupje makmâ miwindiyekto lau lokom nânganbiâ ârândân akbiâp. <sup>5</sup>Dâ yâk ginbailupje ârândân bo damunyeje akbiap amâ yâkne gain gain akmâ

Anutugât kâmot damunyeŋe akbop? <sup>6</sup>Akto siâŋe hinŋeâk Yesugâlân han biwi katmâ manbiapŋe amâ dâtŋe memegât âi bo membiâp. Gârâmâ dâtŋe meme âi membiap amâ âgâ âgâŋe akto Anutuŋe makmâ Hianŋi Amboŋe sârekoep hainâk aganbopgât. <sup>7</sup>Dâ yâkŋe wan me wan mendo luâk âmbâle Anutugât kâmolân bo dewatiyi yâkŋe nânŋâmbiâ ârândân akbiâp. Yâkŋe makmâ sârekombiâ Hianŋi Amboŋande biwiŋe mem gâlikombo yâkgât hami komân âgâmba membomgât.

#### **Biwigât âi meme luâk yeŋgât den.**

<sup>8</sup>Bât tângo yâkŋe gai hainâk giriŋ hembali kâlâk manbiâp. Ele omai olop bo manbei. Waiŋ tu humoâk bo nembei. Puli sikumgât bo makmâ tâgâiakbei. <sup>9</sup>Akto Kristogât keiŋe yoŋâk manmâ gaep are pânân mem han kau kauân makyenŋimbiâ miapŋân miawakbiâp. <sup>10</sup>Gârâmâ ulikŋân mem dop koyekbiâ agak memeyeŋe ekbiâ huragumbo amâ âlepŋe bât tângogât âi membei. <sup>11</sup>Âmbenlupyene hainâgâk kânŋom manbei. Ele omai bo akbei. Han biwiyeŋe damunŋe akbiâ ârândân akbiâp. Akto wan me wan mem manbiâ amâ bunŋe miawakbiâp.

<sup>12</sup>Dâ bât tângo luâk arekŋe amâ âmbâi konok olop manbiandat. Nan baratluŋe ginbailuŋe damunyeŋe âlepŋe akto huraguwiâp. <sup>13</sup>Amâ hingât. Bât tângo are âiŋe âlepŋe membiâ âlepŋe akto kin kin âlepŋe kin yeŋgiwiâp. Akto Yesu Kristo gâlân dewatim kinmâ âi mem heŋgemgowai.

#### **Anutugât âi memeaet keiŋe.**

<sup>14</sup>Nâ gânŋâlân dowâk togowerâm nânŋân gârâmâ hanâk den ire kulemgogindân. <sup>15</sup>Siâ me siâŋe hiko nekto mandere kâlep akto Anutugât kâmot damun yeŋe akbiatgât keiŋe pâpkowâtgât yu kulengoân. Akto Anutu manman Amboŋe yâkgât kâmot amâ den bunŋe mem manmâ den bunŋaet tân akto keiŋe mandâi. <sup>16</sup>Humogât keiŋe amâ nânŋâ nânŋâgât dop bo. Hin. Yâk luâk akmâ nengât hâk mem miawagep. Akto Heakŋande yâkgât keiŋe mem miawakto ârândân agep. Aŋeloŋe egi. Yuda luâk bo manmai yâk yeŋgâlân arim makyenŋienne nânŋâyi. Makyenŋienne hânŋe hânŋe luâk âmbâle manmaiŋe nânŋanŋi. Akto Anutuŋe yâk mendo pagaleŋân âgâm mandâp.

#### **Hianŋi dengât keiŋe.**

**4** <sup>1</sup>Anutugât Heakŋande hin kârikŋeâk makmâ miawagep. Beirâ luâk bikŋande Kristogât keiŋe hepunmâ han gulipgât den sinduk baniarane makmai are nânŋâmbiâ humo akto watmâ lokowai. <sup>2</sup>Lokom amâ hanyene hianŋim manbaigât kâlâpŋe oepgât hin dâm makyenŋimai. <sup>3</sup>Âmbâi bo mem luâk sigan manmâ sot bikŋe bo nem aregât sapa meanŋim manbai. Sot are amâ luâk âmbâleŋe Kristo nânŋanŋmâ den bunŋe nânŋâmaenŋe mepaimŋe meanŋmâ nemaengât Anutuŋe kat

nengiep. <sup>4</sup>Are amâ Anutuŋe wan me wan liulep are amâ âlepŋe dâmaen. Âlepŋe dâm mepaimŋe mearŋmâ bo hamiaŋmâ panbaen. <sup>5</sup>Amâ Anutuŋe ketuguep hârok amâ Anutugât denŋande miapŋân miawak yekto Anutu mepaimŋe mem meakmâ mandenŋe ârândân akbiâp. <sup>6</sup>Gâmâ Kristogât kâmot den are makyenŋim âmâ Yesu Kristogât hoŋ manman luâk den loko loko olop manbiat. Akto Yesu nânŋarŋmaengât den pat akto Kristogât keiŋe nânŋâm gaen. Arekŋe han biwigaet tân akŋinŋo manben. <sup>7</sup>Dâ hânŋe den yânŋe makbiâ Anutuŋe nânŋâmbo bo ârândân akmap are bo nânŋâyenŋiwen. Amâ hâkânŋe dâwen. Dâ Anutu nânŋarŋmâ manbengât hangande owâiwen. <sup>8</sup>Aregât hâk nenŋe owâiâkŋât âi meme arekŋe bunŋe bo tân nengumap. Dâ han biwi mem owâim Kambu nânŋarŋmâ egâlianŋe aŋarŋmai amâ bunŋe. Arekŋe hânân iren manmaen akto manmâ himbimân manbaengât kârikŋe nengiâk gât tân nengumap. <sup>9</sup>Den are bunŋe dondâ. Aregât luâk âmbâleŋe are nânŋâmbiâ humo agâkŋât nânŋân. <sup>10</sup>Akto aregât bunŋe memegât âi humo memaen. Amâ Anutu manmanŋe yâkŋât nânŋarŋmâ mandenŋe biwinnenŋe owâiŋe akmap. Yâkŋe âmâ luâk âmbâle hânŋe hânŋe manmai yâk yenŋât heŋgemgoyekbiapŋât mandâp. Akto nenŋe nânŋarŋmaen nen heŋgemgo nenekmap. A Bundâk. <sup>11</sup>Yu maktân ire hârok makmâ hekatyenŋiwen.

#### Timoteogât âi memenŋaet den.

<sup>12</sup>Galane, gâ luâk sigan mandât aregât luâk bikŋande gânŋât nânŋâmbiâ bo gewiâp. Gârâmâ han kalem olop Kristo nânŋarŋmâ den ârândânŋâk makmâ agak meme salek han kau olop memenâ agak meme âlepŋe nânŋâm heŋgemgowe. <sup>13</sup>Nâ togowian aregât lâmgom manmâ âmâ Anutugât den kulemŋe oyanmenâ nânŋâwei. Akto aregât keiŋe makmâ potatmâ yenŋim manben. <sup>14</sup>Ulikŋân dâtŋe meme luâkŋe bâtyeŋe gânŋâlân katmâ gâ wan akbiatgât makmâ hâreŋiŋi are gulip akbopgât damunŋe akben. <sup>15</sup>Gâ aregât nânŋâm hanoko akmâ âige mem manmenâ bunŋe miawakto ekbiâ ârândânŋe akbiâp. <sup>16</sup>Akto guge han biwige damunŋe akmâ Kristogât keiŋe makyenŋimat are ârândânŋe târârâgâk damunŋe kinben. Den are paŋâk mem manben. Hain akbialân âmâ denŋe nânŋâmai yâk akto guge hârok manman âlepŋân togowai.

#### Âmbâi kambut yenŋât den.

**5** <sup>1</sup>Galane Timoteo, luâk sâmbâ siânŋe wan me wan siâ mendo ârândânŋe bo akto âmâ yeukŋân magaŋmâ ewege aŋarŋmat hainâk aŋarŋmenâ agak meme âlepŋeâk membriâp. Luâk sigan tân yenŋuwerâm âmâ emige teuge akyenŋimat hainâk akyenŋiwen. <sup>2</sup>Akto âmbâi sâmbâ tân yenŋuwerâm memege aŋarŋmat hainâk akyenŋiwen. Akto âmbâi sigan âkâ hainâk tâulupnerâm gugaet damun kinmâ luâk âmbâle dewunyenŋân den siâ me siâ makyenŋiwen.

<sup>3</sup>Akto âmbâi kambut ginbailupyene bo manmai are nângâ yengimenâ humo akto tânyenguwen. <sup>4</sup>Dâ âmbâi kambut siâne âmâ nanje baratje bâgilupje manbai are bo tânyenguwen. Nan barat bâgilupjande âmâ Anutuje makmâ hâreyengiep den are lokom amâ luâk âmbâi sâmbâ damun yeje akbei. Hain akmâ umbuñan ewe meme yejande tânyenguyigât hâu kutigitbei. Are âmâ Anutuje nângâmbo ârandân akbiap. <sup>5</sup>Dâ âmbâle kambut ikiyeâk manmâ Anutu nângañdo biwiñe owâiñe akto hândâk hilâm Anutu tân nuguâk dâm ulilanmap. <sup>6</sup>Dâ âmbâi kambut siâ hâkñe egâlianmap âmâ hâkñe golâ mandâp dâ biwiñe emelâk moep. <sup>7</sup>Den are makmâ kârigem makyengimenâ nângâm dosa bâlâk manbei. <sup>8</sup>Gârâmâ siâne emi teu me meme ewe me ginbailupje bo tânyengumap arekñe Kristo nângañep are hâkân akmâ âmâ luâk bikñande Kristo bo nângañmai yâk yengât dosa ewangim akmap. <sup>9</sup>Âmbâi kambut siâne hombañe 60 akto âmâ luâk konok olop malep hainareâk kepilâm kotje kulemgowen. <sup>10</sup>Akto wan me wan miep aregât keñe miawagâkgât hin aikowen. Nanañ meyekmâ âlepñe damun yeje akmâ gaep me bo? Me lombo yâkgâlân togombiâ damun yeje agep me bo? Kristogât kâmot me umburuk manmai tân yeñuep me bo? Me han kalem âi keñe keñe miep me bo? Keiyeñe hain ekmâ nângâm âmâ kotyeñe kulemgowen.

<sup>11</sup>Dâ âmbâi kambut sigan amâ kotyeñe âmâ bo kulemgowen. Yâkñe makginbiâ borâwen. Hain are yâkñe manmâ âmâ Kristo nângâm hâkân agañmâ âmâ luâk memberâm akmai. <sup>12</sup>Hain akmâ âmâ ulikñan den makmâ hâreyi are gulip kombiâ dosa yeje miawakbop. <sup>13</sup>Akto areâk bo. Âmbâi kambut sigan âi bâlâk manmaigât gulip milip akmâ konam manmai. Konam akmâ emet hârok âgâm den kâmbu mem den bo makmakñe are makyengimai. <sup>14</sup>Aregât nâ hin maktân. Gasa nenñande nengât makto gewaengât âmbâi kambut sigan yâkñe luâk mem nanañ damun yeje akmâ emet yeñan lângom tatbei. <sup>15</sup>Dâ emelâk âmbâi kambut sigan bikñe âmâ Hiañgi Amboñaet dâp tâlim gulip agi.

<sup>16</sup>Akto Kristogât kâmotlupñande puli yân panbâigât kambut gupin bunje areâk tânyenguwaigât lâulupyene Yesu nângañmaiñe tâuyeñe kambut are tângowei.

### **Yesugât kâmot yengât damunlupyene yengât den.**

<sup>17-18</sup>Anutugât kâmot damunlupyene yâk yengât hin makginjere nângâ. Anutugât denñande hin dâep, “Gângât bulimakaone senjo bunje tâlim hâkñe gagaiâkgât âi mendo âmâ gâñe bulimakaone sot nembop dâm lauje bo dâgâm gisapkowen.” Akto siâ hin, “Âi meñginmap luâk arekñe âi hâuñe mendo âmâ ârandân akmap.” Aregât Kristogât kâmot yengât luâk kautlupyene âi mem manmâ Kristogât keñe makyengimbiâ âmâ hâuñe yengim nângâ yengimbiâ humo akbiâp. <sup>19</sup>Luâk konokñe damun siâ den âiân katberâmbo bo

nânğanben. Luâk lâuwâ me âlâwuŋe makbiâ âmâ nânğâm henğemgowen. <sup>20</sup>Dâ damuŋeŋe bikŋande hanâk hanâk kautyeŋe orem bâleŋaet agak meme yeŋe gangerâm mem manbiâ âmâ Kristogât kâmot yâk yeŋgât dewuŋeŋân makmâ miwindikmenâ bikŋande are ekmâ hamewakbai.

<sup>21</sup>Nâ Anutu akto Yesu Kristo yâk yetgât dewuŋyetŋân akto aŋelo bikŋe Anutuŋe potatyegep yâk yeŋgât dewuŋeŋân hin makmâ hâregiŋdân. Den makgiŋdân ire yaiwâk damun akmenâ bo gewiâp. Hain akmâ guge hangaet luâk âmbâle siâ me siâ ewangiak gowangiak bo akyeŋgiwen.

<sup>22</sup>Akto gâŋe Kristogât kâmot damunlupyene yâk yeŋgât âi yeŋe dowâk bo yeŋgim bâtge kautyeŋân bo katben. Hain akmenâ âmâ yâk yeŋgât dosaŋe gâŋgâlân âgâwopgât. Guge han biwige akto hâkge damun akmenâ kau kau yembiâp.

<sup>23</sup>Gâ tepgân gigimapgât akto hâk hilâlâm manmatgât tuâk bo nemben. Waiŋ tu are getek nemben.

<sup>24</sup>Luâk bikŋe yâk yeŋgât bâleŋe aregât keiŋe nânğâm dowâk henğemgomaen. Dâ bikŋe âmâ yâk yeŋgât bâleŋe tigâk yemapgât beirâ miawakmap. <sup>25</sup>Aregât dop hainâk agak meme âlepŋande âmâ tekteŋân miawakmap. Dâ hain bo akmapgât tiwâk yem âgâwiapgât dop bo tatâp. Beirâ miawakmâ kinbiap.

### Hoŋ manman yeŋgât den.

**6** <sup>1</sup>Hoŋ bawa hârokŋe Anutugât kotŋe akto den pat âlepŋe bâliwopgât luâk kembulupyene yekmâ kânğoyeŋgiwei. <sup>2</sup>Dâ luâk kembulupyene Kristo nânğanŋi âmâ yâk yeŋgât hoŋ bawalupyeneŋande hin bo nânğâwei, “Kembulupnenŋe Yesu nânğanŋiâ dop nenŋe konok agep aregât lauyeŋe bo lokowaen.” hain bo nânğâwei. Bo. Luâk kembulupnenŋe Kristogât nânğanŋiâ han kalem akyeŋgimaengât hoŋ bawa âi owâiâk akyeŋgiŋne ârândânŋi akbiap. Hain dâwaigât gâ den are makmâ makyeŋgim mem kârikŋe ketugu yekben. <sup>3</sup>Dâ luâk siâŋe den are makmâ hilipkom den aŋgâ makmâ Kembu nenŋe Yesu Kristo yâkgât pat âlep den hâkânŋi akmâ denŋande henğem nengumap are hamiaŋmap yâkgât hin nânğâwaen. <sup>4</sup>Yâk âmâ ikiŋe nânğâ nânğâŋe mem agatmâ han gulip akmâ kâmotnenŋe potalakŋet dâm hâre hâregât den are egâliandŋo humo akmap. Akto den yânŋe maganŋi goanŋi akŋet dâm egâliandŋo. Hain arekŋe egâliandŋo bâleŋe miawakmap. Akto luâk âmbâle bikŋande den are nânğâm potalakmâ galagât hogo hogo hâk yeŋe tunmâ nânğâ aŋgimbiâ gemap. <sup>5</sup>Akto gai luâk bikŋande han nânğâ nânğâ yeŋe bâleŋe higenŋe akto den bunŋe bâlâk manmâ nen Anutugât lau lokom mandenŋe puli sikum miawak nengiwiap dâm bembegât pat nânğâmbiâ humo akto gulip manmai.

### Hângât puli sikumgât den.

<sup>6</sup>Akto puli sikumgât hin makbe. Anutugât nânğânenŋe humo akto laueŋe lokomaen âmâ bundâk hâk tângo peninengimbo horat korat bâlâk mem



maniâm. <sup>7</sup>Amâ hingât. Memelupnenjande menenegiân âmâ hâk hololok miawagion. Akto manmâ mombaenân âmâ hainâk hâk hololok Humogâlân ariwaen. <sup>8</sup>Aregât sot akto hâk pekenenje ârândân tatnengimbo nângâenje ârândân akto maniâm. <sup>9</sup>Dâ bikjande puli sikum humo mem mannerâm manbai yâkne egâlian bâlejaet lâm kâli kâliân gembîa ewuyekbiap. Ewuyekto siâ me siâ yânjaet keije egâlian bâleje nângâmbîa arekne katipyengum mem bâliyekbiap. <sup>10</sup>Puli sikumgât egâlian gogâlian arekne bâleje hârokgât tânje miawakmap. Aregât luâk bikjande puli sikumgât egâlianbiâ humo akto Kristogât den pat hâkân akmâ hepunmâ puli memberâm akmâ manbiâ âmâ hâk hilâlâm humoje penâyengimap. <sup>11</sup>Dâ gâmâ Anutugât luâk manmat aregât siâ me siâ hainare hamianben. Manman âlepne egâlianmâ Anutugât lau lokom Kristo nânganmâ han kalem kârikne olop manman akberâm aregât kârikne akben. <sup>12</sup>Akto Kristogât keije miawagâkgât bugâgât âi kârikne mem manben. Akto ulikjân Kristogât kâmotlupjande makmâ hâreginjîa nângâm luâk âmbâle dewunyejân magen den are lokom manman kârikne pañâk memben. <sup>13</sup>Anutuje siâ me siâ manman golâ yengimap yâkgât metenân akto Yesu Kristo kiap Pilatogâlân den kârikne bunje magep yâkgât metenân makmâ kârigeginjân. <sup>14</sup>Hin. Den kârikne lokom manmenâ bikjande gekmâ gângât makbiâ gewopgât kârikneâk kinmenâ Kembunenje Yesu Kristo togowiâp. <sup>15</sup>Aregât sopne Anutu pagaleje Amboje akto Kârikne Ambojande makto miawakbiâp. Yâk âmâ luâk kembu yâk yengât Kembu humo. Akto agat agatje yâk yengât kautyeje humo. <sup>16</sup>Yâk ikinjak ulikjân bak manmâ gaep akto momo bâlâk manmap. Akto pagaleje humo nen bo arimaenân ain manmap. Yâk luâk siâje bo egep. Akto ekbaengât dâp bo tatâp. Yâk luâk hârokne kotje konmâ mem agatmâ denje lokombîa yâkgât kot pat sambelem arimbo damunnenje akmâ âgâwiâp. A bundâk.

#### **Luâk puli sikumdâ yengât den.**

<sup>17</sup>Luâk hângât puli sikum humo umalâk yeyengimap yâk makyengimenâ hâkyeje bo mem agatmâ siâ me siâ bâliwiap aregât nângâm imâ tân nengumbo manman nenje miawak nengiwiap dâm bo nângâwei. Dâ Anutuje unsambe humo nengimbo heroje maroje manmaen yâkgâlân nânganjîa biwiyenje humo akbiapgât makyengiwen. <sup>18</sup>Akto luâk sikumdâ hin makyengiwen. Han kalem akmâ agak meme âlepne mem siâ me siâ hâu bâlâkgât yengiwei. <sup>19</sup>Hain akmâ âmâ manman kârikne siân miawak yengiwiapgât keije katmâ manbei. Katmâ manmâ âmâ beirâ manman bunje membai.

#### **Pauloje Timoteo mem kârikne ketuguep.**

<sup>20</sup>O galane Timoteo, gâ Kristogât keije makgijon aregât pat damun akmâ mem manben. Akto luâk siâje Anutugât pat hâkân akmâ nângâ

nângâgât den heŋgemgone dâm magaŋgi goaŋgi akmâ hilip kombiâ bunŋe bo miawakto den are hâkâŋe dâwen. <sup>21</sup>Luâk hainare akmaiŋe âmâ Kristogât keiŋe nângâwerâm ewum hâuŋgomai. Anutugât han kalemŋe yeŋgâlân yembiâp.

# 2 Timoteo

---

## Pauloŋe Timoteogât akmâ Anutu ulilaŋep.

**1** <sup>1</sup>O galane Timoteo, Paulo nâ Yesu Kristo yâkgât Aposolo. Anutuŋe emelâk Yesu Kristogât manman âlepŋe makmâ hâriepgât nâ Aposologât âi niŋep. <sup>2</sup>Timoteo nune nanne dâm gogondân gâŋgât kulem ire kulemgogiŋdân. Anutu Ewenenŋe akto Kambu nenŋe Yesu Kristo yâkŋe damunŋe akmâ han kalem akmâ tân gugum okot nâŋgâgiŋbela biwiŋe gembo sândukŋe akbiâp.

## Pauloŋe Timoteo kârikŋe kilepgât Anutu mepaimŋe miep.

<sup>3</sup>Bâgilupnande han kau akmâ Anutugât lau lokoyi yâk yengât Anutu nâŋganmâ han kau akmâ Anutugât lau lokoman. Yâk hokboâk hokboâk gâŋgât akmâ mepaimŋe aganmâ ulilaŋman. <sup>4</sup>Amâ ulikŋân indem tâgâiak humo agen aregât nâŋgâm âmâ hilâm hândâk nâŋgâ giŋmâ gektere heronŋe maronŋe miawakniŋâk dâm mandân. <sup>5</sup>Akto nâŋgâgiŋdân ainâk gai deige Rosi akto memege Eunike Kristo nâŋganbela yetgât biwi kat kat nâŋgân are hâtikom gâŋgâlân gai yendâp hain nâŋgân. <sup>6</sup>Aregât nâ nâŋgâgiŋmâ makbe. Nâ bâte kautgân katere Anutuŋe wâtŋe giŋep are nelâmgiŋbopgât utungomenâ utunŋeâk miawakgiŋbiâp. <sup>7</sup>Amâ Anutuŋe wâtŋe nengimap amâ hamewakmâ manbaengât bo nengiep. Kârikŋe olop akto han kalem olop akto han biwi damun aknegât nengiep. <sup>8</sup>Aregât gâ Kembunenŋaet pat makmâ hulaŋdâm aŋun bo aŋgiwen. Akto nâ yâkgât akmâ tâkŋe hikonekbiâ lope kâlegen talân nâŋgât akmâ aŋun bo aŋgiwen. Gâ Anutuŋe kârikŋe giŋbiap nâ hâk hilâlâm nâŋgâman a hainâk akmâ pat âlepgât dengât akmâ hâk hilâlâm kakŋân manben. <sup>9</sup>Yâkŋe meŋâlenenekmâ den patŋe âlepŋande oloŋnenegep. Are âmâ ulikŋân tâmbâŋe dondâ Yesu Kristogât akmâ han kalem akyenŋiwian dâm makmâ hâriep. Makmâ hârem manmâ gambo nen miawakmâ mandenŋe âi nenŋe me agak meme nenŋaet bo akmâ ikiŋaet han watmâ potat nenekmâ heŋgem nenguep. <sup>10</sup>Amâ ulikŋân tâmbâŋe nâŋgâm heŋgemgombo yiep. Dâ bunŋe sop ire Yesu Kristo heŋgem nengumapŋe miawaktoân Anutugât han kalemŋe miawaknengiep. Akto Yesu Kristonŋe

momogât kârikŋe kondo mondo den pat âlep arekŋe mem manman kârikŋe akto pagaleŋân manbaengât miawaknengŋep.

**Pauloŋe pat âlepgât âiân hâk hilâlâm humo nânŋâep.**

<sup>11</sup>Akto Anutuŋe den pat aregât akmâ nânŋe makyenŋewiangât Aposolo âi membiangât akto Kristogât keiŋe hekatyenŋewiangât âi niŋep. <sup>12</sup>Âi niŋdo nâ aregât akmâ hâk hilâlâm kakŋân manman. Nâ nânŋanŋmâ heŋgemgomangât yâkgât han lâuwâ bo manman. Bo. Nâ hin nânŋâm kârigeman. Yâk kârikŋe olop manmâ gam âmâ agak memene âlepŋe damun akniŋdo sop humo are miawakbiap. <sup>13</sup>Den bunŋe aregât dâpŋe hekat giŋân areâk kendetben. Are âmâ Yesu Kristo nânŋanŋmâ hangande hikom kinmâ hain akben. <sup>14</sup>Akto Heak han biwi nenŋân manmap yâkŋe den bunŋaet keiŋe giŋep are paŋâk mem yaiwâk damun akmâ manben.

**Onesiporoŋe âmâ Paulo tângom malep.**

<sup>15</sup>Galane, galalupne hârok Asia hânân manmai yâkŋe hepun nekmâ meteyi, are nânŋâen. Yâk yengât hutyenŋân âmâ Pigero akto Hermogene hepun negiat. <sup>16</sup>Kembuŋe Onesiporogât ginbailupŋe han kalem akyenŋewiangât ulilaŋdân. Amâ hingât. Tembe lokeŋe hiko negi ain Onesiporo arekŋe bo hâkâŋ akniŋmâ kambiamne owâiâkgât tân nugum malep. <sup>17</sup>Hain akmâ âmâ Roma kepiân togom undâgât niŋmâ kârikŋe akmâ penâniŋep. <sup>18</sup>Aregât Kembuŋe sop humoân han kalem aganŋbiapgât ulilaŋdân. Onesiporo arekŋe Epeso hânân gai hoŋ bawa âi humo akniŋep are gugak ekmâ nânŋâen.

**Timoteoŋe Yesugât âiân bugât koko kârikŋe kilâkgât magep.**

**2** <sup>1</sup>O galane Timoteo, Yesu Kristoŋe han kalem akmâ okot nânŋâ giŋmâ damunge akmap aregât nânŋâm biwigân katmâ biwige kepeimbo hamep bâlâk âi memben. <sup>2</sup>Akto luâk âmbâle biwirâ yâk yengât dewunyenŋân den dâtâŋe makgiŋân are âkâ hainâk luâk bikŋe Humogât dâp tâlimai den are makyenŋewiwen. Makyenŋemenâ arim yâkâ hainâk den are potatmâ luâk bikŋe bikŋe makyenŋim kepilâwai. <sup>3-4</sup>Gâŋe tembe loko yâk yengât agak meme ya nânŋât are. Yâkŋe humoŋande wan me wangât dâmbo emetgât me kalamgât me ginbailupŋe are yengât bo nânŋâm ikiŋe ukenŋe hepunmâ hâk hilâlâm nânŋâm lauŋe lokomap. Aregât gâ dop hainâk Yesu Kristogât akmâ yâkgât tembe lokeŋe akberâm hâk hilâlâm nânŋâm bo hâkâŋ akben. <sup>5</sup>Luâk siâ hilip agu agu âi mem âmâ luâk humoŋe den makmâ hâriep den are bo lokomainŋe âmâ hauŋe bo membiap. <sup>6</sup>Âi kalamgât âi humo mem hâk hilâlâm nânŋâmapŋe sot bunŋe mem nendo ârândânŋ akbiap. <sup>7</sup>Humoŋe han biwige mem kepikto aregât den yu kulengoân ire hokboâk hokboâk aregâlâk nânŋâm potatmâ kotgâm manben.

**Yesu Kristo nângâm kârigeaŋmâ yâkgât âiân kârikŋe kinbaen.**

<sup>8</sup> Yesu Kristo nânganmâ manben. Yâk Dawidigât kâmolân gâtŋande momoŋânba golâ akmâ agalep. Aregât dop hainâk yâkgât den pat âlep hain makman. <sup>9</sup> Pat âlep den aregât akmâ hâk hilâlâm umatŋe nângâman. Hâk hilâlâm nângâm âmâ luâk bikŋande nâ bâleŋe meme luâk hainare hiko nekbîâ tatman. Dâ Anutugât den amâ bo hikombiâ kârikŋeâk miapŋan tatmap. <sup>10</sup> Aregât nâ hâk hilâlâm âi hârok are Anutŋe yeŋgonmâ makmâ katyegep yâk yeŋgât akmâ akman. Yâk âmâ Yesu Kristoŋe heŋgemgoyekto pagaleŋe manman kârikŋe manmâ âgâwaigât âi mem hâk hilâlâm nângâm âmâ bo hâkân akmâ hepunman. <sup>11</sup> Den hin yendâp amâ bundâk. Yâkgât momoân dewatiyiongât manman âlepŋan gai hainâk dewatiwaen. <sup>12</sup> Yâkgât akmâ hâk hilâlâm nângâm âgâwaengât yâk olop hânŋe hânŋe luâk âmbâle damunyeŋe akbaen. Dâ muney aganbaen âmâ yâk gai hainâgâk muney aknengwiap. <sup>13</sup> Gârâmâ yâkŋe ikiŋe den lau bo lokowiapgât dop bo yendâpŋat nenŋe nânganŋdenŋe yeukŋe akbiawân yâkŋe nengât akmâ ikiŋe denŋe watmâ kârigemap.

**Âi luâk bunŋe arekŋe amâ Kembangâlân kotŋe tatbiap.**

<sup>14</sup> Timoteo gâŋe den are nelâm yeŋgiwopgât makyenŋim heŋgemgowen. Hain akmâ Anutugât metenân den yânŋe bunŋe bo arekŋe luâk âmbâle gulip milip yeŋgumap den are bo maganŋi goanŋi akbaigât makmâ hârem kârigem kinben. <sup>15</sup> Anutŋe nângâgânŋo ârândân agâkgât hanoko akmâ manben. Hain akmâ âi luâk siânŋe luâk humoŋaet den lokombo nângâmbo ârândânŋ akto bo aŋun aŋgimap dop hainâk akmâ den bunŋe dopŋan makmâ manben. <sup>16</sup> Dâ den yânŋande luâk âmbâle kewuguyekmâ oloŋyekto Anutugât nângâmbiâ yânŋe akmap den are bo nângâm âmâ hamianmâ panben. <sup>17</sup> Hianŋi den yeŋande diwi metŋe hainare akmâ sambelewiap. Luâk hainare yâk yeŋgât hutyeŋân âmâ siâ Heminaio akto siâ Pileto manmandat. <sup>18</sup> Lâuwâ arekŋe den bunŋe hamianmâ hin dâm mandat, “Nen momoŋânba agatbaen dâyi âmâ emelâk agalion.” hain dâm makyenŋimbela denyetŋande luâk âmbâle bikŋe ulikŋan Kristo nânganŋi yâk gulip koyenŋim mandat. <sup>19</sup> Gârâmâ Anutŋe kât hambo humo kârikŋe kato giep akto kârikŋe akmâ kindâp aregât tirip kulemŋe hin yendâp, “Kembunŋe ikiŋe luâk âmbâle dâtânŋe heŋgemgomap.” Akto siâ hin, “Kembangât kot konmâ manmai hârokŋe bâleŋe hamianbei.”

<sup>20</sup> Opmân humoân amâ kondo goli akto siliwa mânŋi mânŋiŋe areâk bo lâwinŋe akto hânŋe mânŋi mânŋiŋe are hârok tatâp. Kondo bikŋan siâ me siâ âlepŋe gewiap. Dâ kondo bikŋe yânŋan siâ me siâ yânŋande gewiap. <sup>21</sup> Aregât dop hainâk siânŋe bâleŋe siâ me siâ are hâkânŋe dâmbo

biwi nângâ nângâne kau kau akto opmân ambojande makmâ imâ nângât dâtâne dâm mem mando arekne âi âlepne keine keine membiap.

<sup>22</sup> Luâk âmbâle siganpe egâlian bâlene akmai aregât hamewakben. Hamewakmâ âmâ hanyene âlepne akmaine Kembu ulilanmai yâk olop agak meme âlepne membiâ Anutupe yekto huraguâkgât akto biwi kat kat humo yeyengiâkgât akto han kalem aganpi goanpi akbiâ biwiyene sândugeâkgât kârikne akmâ manbei. <sup>23</sup> Hanân gege den kopape akto yânpe are hâkokowen. Amâ luâk âmbâle hain makmâ papalakbiâ âmâ den bunpe bo miawakmap are nângât. <sup>24</sup> Kembugât hoj manman luâkne makmâ den kaknân maganpi goanpi bo akbiâp. Yâk luâk hârok gala akyengim mitigât den owâiâk makmâ yengiwiâp. Dâ anpâne kuk aganpi âmâ dowâk kugân bo akyengiwiâp. <sup>25</sup> Hain akmâ luâk âmbâle bikjande den gulip sambeleâk dâm makmai are yeukjân makmâ miwindik yekto Anutupe ikinak biwiyene mem gembo âmâ biwiyene purik kato den bunpe are nângâwai. <sup>26</sup> Akto hanyene pâron âgâambo Hianpi Ambojande ikinpe den lokojetgât hami komân hâwâtyekto gembiâ meyegep are hârem panbai.

### Sop bo akbiapgât den.

**3** <sup>1</sup> Galane Timoteo, gâ hin nângâwen. Sop humo ewumâk akmâ tâlâguwerâmba âmâ umatpe hamepne olowâkne miawakmâ sambelewiap. <sup>2</sup> Sop ain luâk hin arekne manbai. Yâkne yengâlâk nângâmbiâ âgâambo puligât egâlianmâ agat agatne akmâ hâk mem agatmâ luâk âmbâle sâreknyengum makmâ meme ewegât den kom hâkân yekmâ han kalem bâlâk wan me wan Anutupe ekto ârândân akmap are hâkâne akmâ panbai. <sup>3</sup> Akto areâk bo. Yâkne okot bo akyengim âmâ dosa mem manmâ ele omai. Akto han munej akmâ bugâ koko, siâ me siâ âlepne hâkâne akmâ <sup>4</sup> hanân gege hanâk hanâk manmai. Akto âgâ âgâne akmâ hâkgât egâlian humo mem manmâ âmâ Anutu bo mepaimpe memai. <sup>5</sup> Akto hâkne miti luâk tirip mem manmâ miti kârikne bâlâk mem manmai yâk hamiyengiwen. <sup>6</sup> Luâk ya maktân are yengâlânba bikjande tik panmâ yonâk yonâk manmai. Hain manbiâ âmâ âmbâle nângâ nângâyene gulip arekne dosayenpet umatpe are nângâmbiâ umatpe akto egâlian bâlene akmâ horat gorat akmâ <sup>7</sup> den bunpe bo penianmai, âmbâle hain arekne luâk yonâk manmai yâk yengât den nângâmbiâ mem yeukne mângi yekmâ oloj yekmai. <sup>8</sup> Tâmbâne dondâ Yane akto Yambere yâkne Mosegât den koyiat. Luâk ya maktân hainâk den bunpe mem bâliwerâm âmâ hanyene gulip akto biwi kat katgât pat hianpim mem manmai. <sup>9</sup> Yâk hain manmaigât sambelem humo akberâm âmâ pâpkombiâ hârokne ekbai. Yane akto Yambere yâk yetgât nângâ nângâyetpe gulip hârokne egi dop hainâk luâk ya maktân yâk yengât nângâ nângâ yene gulip are hârokne ekbaen.

**Paulo umatŋe keiŋe keiŋe miawagaŋep.**

<sup>10</sup>Gala, gâ olop manmaetgât âmâ nâŋgât pat ekmâ metien. Nâŋgât den dâtn e akto manmannaet âi meman, Kristo nâŋganŋmangât han kalemnaet, kârikŋene a hârok ekmat. <sup>11</sup>Akto gasalupnande nugum hâk hilâlâm niŋmâ gasa nekmai are akto Antiokia kepijan, Ikonioŋ kepijan akto Listera kepijan gasa nekmâ hâk hilâlâm akniŋbiâ umatŋân malân akai egen. Dâ Kemuŋe hanâk dâm umatŋe hârok ainba mem kotgâ negep. <sup>12</sup>Aregât luâk bikŋe gai Yesu Kristogâlân dewatim kinmâ mandenŋe Anutuŋe nenekto huraguâk dâmbiâ âmâ gasalupyenande hâk hilâlâm yeŋgiwai. <sup>13</sup>Hâk hilâlâm yeŋgim âmâ hianŋi âi are mem maine bâlim heŋgemgowai. <sup>14</sup>Dâ gâmâ den makŋiŋmâ kepiŋageŋion are lokom manben. Akto nen makŋiŋion gai nâŋgânengim heŋgemgowen.

**Anutuŋât denŋaet keiŋe.**

<sup>15</sup>Gâmâ nanaŋgânbaŋ miti kulem are oyaŋmâ nâŋgâm heŋgemgom manmâ gaen. Arekŋe hange mem pagalembo Yesu Kristo nâŋganŋmenâ meŋâleak giŋep. <sup>16</sup>Akto miti kulem hârok amâ Anutuŋât Heakŋande makto kulemgoyi are oyaŋmâ nâŋgâenŋe mitigât keiŋe hekat nengimâp. Akto biwi nenŋân tuk tuk ewumbo dosa nenŋe miawakto makmâ miwindik nenekmap. Akto manman ârândâŋgât dâp hekat nengimâp. <sup>17</sup>Hain aknengim mem owâi nenekto nen Anutuŋât luâk bunŋe akmâ heŋgemgo heŋgemgo âi keiŋe keiŋe are âlepŋe peniaŋbaen.

**Paulo mombian dâm Timoteo den umatŋe magaŋep.**

**4** <sup>1</sup>Nâ Anutuŋât metenŋân akto Yesu Kristo miawakbiap sop ain luâk golâ me momoŋe damun nenŋe akbiapgât den âiân katnekmâ potatnenekbiap yâkgât metenŋân makŋiŋdere nâŋgâ. <sup>2</sup>Hokboâk hokboâk mitigât den makyenŋimenâ bikŋande denge hâkân akbiâ âmâ âsiyekmâ hâwâtmâ makyenŋiwen. Hokboâk hokboâk bâleŋe yeŋe miawagâk dâm makyenŋimenâ den kârikŋande biwiyeŋân ewuwiâp. Makmâ miwindik yekmâ aregât âiŋe yeukŋân hâkân bâlâk memben. <sup>3</sup>Maleine sop siâ miawakto âmâ luâk âmbâle bikŋande mitigât den are nâŋgâmbiâ yânŋe akto hâkânŋe dâwai. Hâkânŋe dâm âmâ luâk siânŋe den yânŋe makyenŋimbiâ nâŋgâmbiâ humo akbiap areâk nâŋgâmâk manmâ luâk hain areâk oloŋyekbiâ kâmot humo akbai. <sup>4</sup>Humo akmâ âmâ den pat âlep bunŋe are hamiaŋmâ bem patŋe areâk mem manmâ nâŋgâmbiâ humo akbiap. <sup>5</sup>Dâ gâmâ sopŋe ârândânŋ hange kârigembo ârândânŋâk manben. Bo duwuŋ akben. Hâk hilâlâmŋe kâgân âgâmbiâ kârikŋe akmâ bo hâkânŋ akben. Pat âlep den are makmâ sambelewen. Akto dengât âi giŋion are kârikŋe akmâ memenâ bunŋe miawakŋiŋbiâp. <sup>6</sup>Dâ nâmâ nâŋgât manmanŋe emelâk manmanne sumbe hinare dâm kâiakberâmbo



sumbegât akberâm aktân. Nâ mombiangât sopnje ewumâk aktâp. 7Akto bugâgât agak meme âlepnje mem metere âlepnje agep. Akto dâp pirâm tâlim gam malân aregât horat bâiņângen emelâk togoân. Akto Kristogât den pat bunje are paņâk mem âmâ bo mesokmâ gan. 8Aregât himbimgât egâlian nânġât pat dâtânje yendâp are maleine sop humoân Kembu makmâ kotgâ kotgâ yâkņe ârândânâk niņbiap. Amâ nâ konok bo. Kembuņe togowiap are lâmgom manmai luâk âmbâle are nen hârok nengiwiap.

### Luâk bikņande Paulo hepunbiâ ikiņeâk talep.

9Gâ hâġân kâlâwân akmâ dowâk nânġâlân togowen. 10Amâ Demaņe hânġât siâ me siâġât nânġâmbo humo akto hepun nekmâ Tesalonike kepian ariep. Dâ Kereske Galatia hânân ariep. Dâ Tito âmâ Dalimatia hânân ariep. 11Ire in net Luka olop netņeâk mandet. Togowerâm âmâ Mareko nâ âiġât âlepņe tân nugumapġât kewugumenâ olop togowiandat. 12Tikiko âmâ hungunaņdere Epeso kepian ariep. 13Akto togowerâm âmâ dâpġât hâk pekeņe Troa kepian Kapo yâġġât emelan katere talep are meniņmâ togowen. Hain akmâ kulem esenņe yânņe akto soņgo hâkņe kulem siâ tatâp are olowâk meniņmâ togowen. Dâ soņgo hâkņe areġât nelâmġiņbop.

14Umbâ akto siâ siâ kârikņe mânġimap luâk kotņe Alesande bâleņe dondâ niņep. Aregât maleine Kembuņe hâuņe waņbiap. 15Den nenņe dondâ mem ge kalep areġât ekmâk hamep akben.

16Den âiân ulik gulik katņegi sop ain galane siâņe dengât bo tânnuguep. Bo dondâ. Hârok hepun nekmâ meteyi. Yâk yeņġât dosayeņe bo tatmâ yembiapġât ulilaņdân. 17Dâ sop ain Kembuņe nâņe Yuda luâk bo manmai hârokņe makyeņgire nânġâm meteņetġât tânnugum mem kârikņe mânġineġep. Hain akmâ soņgo metņe laionġât launânba mem kotġâm neġep. 18Kembuņe bâleņe ire me are akniņi areġât tân nugum himbimgât pagalenân katnekbap. Yâġġâlân kot humo yem âġâwiap. A bundâk.

### Den bâiņe.

19Nâ Pirisila akto Akuila akto Onesiporo ġinbailupņe hârok nânġâ meteyeņġiân are makyeņġiwen. 20Erasto Korinti kepian heppure malep. Dâ Tropimo kundat akto Milete kepian hepulân. 21Gâ tânâk sopņe boâk miawaktoân dowâk togowen. Eubuloņe nânġâ ġiņdâp. Akto Pudeņ, Lino akto Klaudia akto Kristogât kâmot hârokņe hainâġâk nânġâġiņdâi. 22Kembuņe otneġe olop manbiap akto Anutugât han kalemņe ġânġâlân yem âġâwiâp. A ulilaņdân.

# Tito

---

## Anutuŋe Paulo âi âlepŋe waŋep.

**1** <sup>1</sup>Galane Tito, nâmâ Paulo, Anutuŋat hoŋ bawa âi meman. Akto Yesu Kristoŋe Aposolo âi niŋep are mem manman. Are âmâ Anutu mem kepilânenekmapŋe Kristo nânŋaŋmâ kârikŋe akmâ âgâwaengât akto den bunŋe nânŋâm kotgâm nânŋaŋbiâ agak meme ârândân miawakyenŋiwiapgât den pat are Anutu heŋgem nengumapŋe makmâ kârige niŋep. <sup>2</sup>Den are amâ Anutu bo hianŋimapŋe tâmbâŋe dondâ malep ain nânŋâm manman kârikŋaet makmâ hâriep. <sup>3</sup>Hârem âmâ manmâ sopŋânâk miawakmâ ikiye denŋande akmâ makmakgât âi niŋep. Amâ Anutu heŋgemnengumapŋe makmâ hârem âmâ makyenŋiwiangât âi niŋep. <sup>4</sup>Tito gâ nânŋâlân ba den pat âlepŋe nânŋaen aregât nanne dâm gogonman. Anutu Ewenenŋe akto Yesu Kristo heŋgemnengumandatŋe han kalem akmâ damunŋe akbela biwige sândugeâkgât ulilaŋdân.

## Dâtŋe meme yengât den.

<sup>5</sup>Âi bikŋe boâk mem meteân are mem kotgâwengât Kreta haru tânâmŋân hepun gegân. Aregât makŋiŋân hain akmâ kepia ârândân tânlupyenŋe kat yekmâ ariwen. <sup>6</sup>Luâk siâ dosa bâlâk akto âmbâle konok olop manmâ gaep akto nan baratlupŋande Kristo nânŋaŋmâ âmâ âgâ âgâŋe bâlâk akmâ eweyenŋaet lau dowâk lokomai luâk hainare katyekben. <sup>7</sup>Dâtŋe meme siâ Anutuŋat âi damun akmapŋe bâleŋe bâlâk manmap. Akto âgâ âgâŋe bâlâk akto bugâ kuk dowâk bo akmap. Akto tu kârikŋe umatŋeâk bo nemap. Akto bugâgât biwi owâi akto puli sikumgât egâlianŋ bâlâk hain manmap. <sup>8</sup>Akto lombo togombiâ dowâk han kalem akmâ tân yengumap. Akto siâ me siâ âlepŋe hârok egâlianŋmap. Akto han biwi damunŋe akmâ âlepŋe mando Anutuŋe ekto ârândân akto siâ me siâgât sapaŋe olop manmap. Hainare damungât âi waŋben. <sup>9</sup>Akto Kristogât keiŋe maganŋi are paŋâk mem luâk âmbâle nânŋâ nânŋâyenŋe yeukŋe are makyenŋim âmâ bikŋande denŋe mem ge katberâmbiâ makyenŋimbo yeukŋe akbiapgât bo pâpkomap. <sup>10</sup>Amâ luâk bikŋande den bunŋe koko akmâ den yânŋe makmâ hianŋim muney olop manmai. Aregât hutyenŋân

âmâ Yuda luâkne dondâne Yuda hâkgât tirip are nângâmbiâ humo aktâp yâk owâine manmai. <sup>11</sup>Luâk hain arekne puli sikum aregât akmâ den makmakne are dop bo are kâmot siâ siâ makyengim hilip yengumai. Aregât luâk hainare yâk yengât den lauye ne bupkowen. <sup>12</sup>Kreta gâtne yâk yengâlân gâtne propete siâne hin dâep, “Kreta luâkne âmâ sopne sopne hârok hiangimai. Songo metne hinare siâ me siâ umatâk nemai.” <sup>13</sup>Nâ den are nângâre bunne aktâp. Aregât gâne makmâ miwindik yekmenâ Kristogât keine bundâk nângâ nângâ yejande nângâmbiâ mem golâ katyekto golâ manbei. <sup>14</sup>Hain akmâ Yuda luâk yâk yengât hânge den are akto luâkne den bunne hamianmâ hiangigât makmai den are bo nângâwei. <sup>15</sup>Han kau kau olop manmai ne âmâ siâ me siâ hârokgât nângâmbiâ kau kau akmap. Dâ luâk bikne bâlenejande biwiyene bigeimbo Kristogât hâkân akmai ne âmâ nângâ nângâ yeje akto han biwi yeje hârok helen agepgât siâ me siâ nângâmbiâ kau kau bo akmap. <sup>16</sup>Yâkne Anutugât keine nângâmaen dâm lauyejande hain dâmai. Dâ agak meme yejande Anutugât kot mem bâliwerâm manmai. Luâk bâlene are amâ den koko akmaigât nângâ yengienne gembo âi âlepne membiâ ârandân akbiâpgât dop bo tatâp.

#### Luâk âmbâi sâmbâ yengât den.

**2** <sup>1</sup>Gâmâ Kristogât keine den bunne tatâp aregât dopnân makmâ hekatyengim kepikben. <sup>2</sup>Hain akmâ luâk sâmbâ yâk hin makyengiwen. Tu kârikne me siâ me siâ dondâ bo nembei. Metepirik bo akmâ âmâ han biwi yejaet damunne akbei. Kristogât pat âlepne are nângâm hejengemgowe. Han kalem akmâ anji goanji akmâ bo hâkân akbei.

<sup>3</sup>Dâ âmbâi sâmbâ hin makyengiwen. Anutune yekmâ mandâp are nângâm hamewakbei. Galagât den hogo hogo akto den kaknân bo makbei. Akto tu kârikne nângâmbiâ humo bo akbiâp. Akto manman dâp âlepne aregât keine âmbâi sigan makyengiwei. <sup>4</sup>Makyengimbiâ luâklupyene nanaŋlupyene han kalem âlepne akyengiwei. <sup>5</sup>Hain akmâ yejaet anjun anjim egâlian bâlene bâlâk manmâ emetgât siâ me siâ yeje damunne akmâ mem hejenggom kinmâ luâklupyene tânyenguwei. Amâ bikjande Anutugât den hâkâne dâwâigât hain akbei.

#### Luâk sigan yengât den.

<sup>6</sup>Dâ luâk sigan hin makmâ hâwât yekben. Han biwiyene damunne akmâ egâlian bâlene bâlâk manbei. <sup>7</sup>Akto gâmâ siâ me siâ âlepneâk hârok mem manmenâ luâk âmbâle bikjande gekmâ hainâk akbai. Akto den miti are umatâk mem kâmot katmâ makyengiwen. <sup>8</sup>Hain akmâ dâp kârikne yendâp aregât dopnân makmâ hejenggomenâ gasalupnenjande henengiwerâm kulâgâtbiâ bo akto anjun anjim hepunbai.

### Hoŋ bawa yeŋgât den.

<sup>9</sup>Dâ hoŋ bawa hin makyenŋiwen. Luâk kembulupyene yâk yeŋgât den lokom kinmâ hoŋ akyenŋiwei. Hain akmâ yâk yeŋgât den kakŋan bo makbei. <sup>10</sup>Hain akmâ kâmbu bâlâk manmâ siâ me siâ damunŋe akmâ heŋgemgombiâ humomolupyenande yekbiâ ârândân akbiâp. Hain akmâ âmâ heŋgem nengumap Anutu yâkgât den bunŋe are loko loko akmâ tângombiâ bikŋande ekbiâ ârândân akbiâp.

### Yesuŋe pulim heŋgemnenguepgât ikiŋaet lâmgom manbaen.

<sup>11</sup>Amâ hânŋe hânŋe luâk hârok âlepŋe akbaengât Anutugât han kalemŋande miawagep. <sup>12</sup>Hain arekŋe mem hulaŋ nenekmâ heŋgem nengumbo Anutugât den bo nânŋâmai akto hânŋât siâ me siâ egâliŋ are hepunmâ hân iren ârândân mandenŋe Anutuŋe nenekto huraguâkgât hanoko akmâ maniâm. <sup>13</sup>Hain manmâ Anutu Humo heŋgem nengumapŋe Yesu Kristo yâkgât pagaleŋe miawakmâ tektekŋân manman kârikŋe togoâkgât owâim akmâ maniâm. <sup>14</sup>Anutu humo heŋgem nengumap yâkŋe Yesu Kristoŋe nengât hâu mem bâleŋânba hulaŋ nenegepgât akto kâmotlupŋe bunŋe manmâ agak meme âlepŋe kârikŋe akmâ mannegât ikiŋaet manmanŋe bo gangerâm moep. <sup>15</sup>Gâ kârikŋeâk akmâ den are makyenŋim sami den makmâ orem miwindik yekmâ makmâ heŋgemyeŋguwen. Luâk bikŋande gâ gekbiâ gewopgât damunŋe manben.

### Yesugât kâmot yeŋgât agak meme âlepŋe.

**3** <sup>1</sup>Galane, Yesugât kâmot Kreta kepiŋ manmai are hin makmâ totokom makyenŋiwen. Kiap gawaman akto luâk kotdâ den yeŋe lokowei. Akto âi keiŋe keiŋe âlepŋe yendâp aregât owâiŋeâk membei. <sup>2</sup>Hain akmâ makmâ hilip balit akto den kuk heŋgân bo akbei. Yeukŋe manmâ luâk hârok yeuge yeŋgim metewei. Akto yeŋaet nânŋâmbiâ gewiâp. <sup>3</sup>Dâ nen ulikŋân hainâgâk han gulip manminion. Sop ain den koko akmâ han biwi bo damunŋe aktenŋe siâ me siâŋe dowâk oloŋnenekto awam akmâ manminion. Akto egâliŋ bâleŋande hikonenekto manmâ ukennenŋaet akmâ sop ârândân kuk aknengimbiâ kuk bugâ humo miawaknengiminep. <sup>4</sup>Dâ heŋgem nengumap Anutu han kalemŋaet akto okot âlepŋe miawak nengim tek tegembo <sup>5</sup>yâkŋe nen ârândân manmâ âi siâ meyiongât bo han kalemŋaet akmâ meyion. Bo. Yâkŋe ikiŋe han kalemŋaet akmâ manman irakŋaet tuŋe akto Heakŋânba miawak miawak irakŋande mem heŋgem nenguep. <sup>6</sup>Amâ Yesu Kristo heŋgem nengumap yâkgât akmâ konam bo akmâ heŋgem nenguep. <sup>7</sup>Are amâ nen Kembangât han kalemŋande dosanenŋe kutigito manman kârikŋaet lâmgom mandenŋe biwinenŋe owâi akbiapgât

aknengiep. <sup>8</sup>Den are amâ bunje dondâ aregât kârikje akmâ makmâ kepikmenâ Anutu nânjarmaiŋe âi âlepje memâk manbei. Den hain arekje amâ luâk tânyengumbo agak meme âlepje miawakyengimap. <sup>9</sup>Dâ luâk bikjande den bambo guto aknerâm bâgilupyenâet kotyeŋe konmai are me kuk heŋgân den me Mosegât den nânġâm hilipkom maganġi goanġi akmai den arekje bo tân yengumap. Aregât hepunben.

<sup>10</sup>Akto luâkje kâmotje potalakŋet dâm makyengimap yâk den memenje konok me lâuwâ magarjmenâ denge bo nânġambo amâ hepunmenâ ikiŋeâk manbiâp. <sup>11</sup>Luâk hainare amâ nânġâ nânġaŋe pâit pâitje aregât hanjande hâwâlajdo bâleŋân manmâ âġâwiap aregât hamiaŋmâ hepunben.

### Den bâiŋe.

<sup>12</sup>Akto hâmbâi galane Ateama me galane Tikiko are huŋgunyetkire ġânġâlân togombela tânâk sopjân Nikopoli kepian manbiangât ain nânġâlân dowâk togom penâniŋben. <sup>13</sup>Akto hinje luâk den dâtje tângo tângo siâ kotje Sena akto siâ Apolo wan me wan dâpgât yetkim huŋgun yetkimenâ âi yetjân dowâk ariwiandat. <sup>14</sup>Akto luâk âmbâle kâmotlupnenje yâkje gai yân tatbâigât heŋgemgo heŋgemgogât âi mem âmâ luâk umburuk manmai are tânyenguwei, aregât keiŋe makyengiwen.

<sup>15</sup>Akto galalupne luâk nâ olop mandâi hârokje ġâ nânġâ ġiŋdâi. Akto ġaŋe luâk âmbâleŋe han kalemje aknengimai yâk ain manmai nenje nânġâ yengimaengât makyengiwen. Kembangât han kalemje yengâlân yem âġâwiâp.

# Pilemon

---

## Pauloŋe Pilemonŋ makmâ manŋanlep.

<sup>1</sup>Galane, Pilemonŋ, nâmâ Paulo den ire yu kulengoân. Nâ Yesu Kristogât âi mendere bikŋande den aregât hâkâŋ akmâ kala busiân katnegi. Nâ akto Timoteo netŋe nânŋâ giŋmaet. Gâŋe âigât tân netkumat aregât hin makŋiŋdetŋe nânŋâ. <sup>2</sup>Gâŋe âmbâle kotŋe Apia Yesugât kâmolân gâtŋe akto luâk kotŋe Akipo tembe loko dop hainare gala netŋe yâk akto niŋema gâŋgât emelan Mitigât mendugumai are yengât netŋe okot âlep nânŋâmaet aregât makyengiwen. <sup>3</sup>Ewenenŋe Anutu akto Humonenŋe Yesu Kristo yâkŋe damunyeŋe akmâ okot âlep akbela biwiyeŋe sândukŋe akmâ âlepŋe akbiâp.

## Pauloŋe Pilemonŋgât akmâ Anutu ulilaŋep.

<sup>4</sup>Galane nâ Anutuŋe gâ tân guguâk dâm nânŋâm âmâ ain dowâk Anutu mepaiŋe mem ulilaŋman. <sup>5</sup>Pilemonŋ gâŋe Humo Yesu hangande nânŋanŋmâ kotgâm manmat akto Yesugât kâmotlupŋe yâk yengât okot nânŋâ yengimat aregât pat nânŋâm Anutu âlepŋerâm mepaimŋe mem maganŋman. <sup>6</sup>Nâŋe âmâ gâŋe luâk âmbâle Yesu nânŋanŋmatgât keiŋe makyengimenâ nânŋâwaigât Anutu ulilaŋdân. Hain akmâ Kristoŋe wan me wan âlepŋe aknengiep are nânŋâm metewengât Anutu ulilaŋdân. <sup>7</sup>Akto areâk bo. Gâŋe Yesugât kâmotlupŋe tânyengumenâ biwiyeŋande okot âlep dondâ nânŋâi aregât pat nânŋân akto okot nânŋâ niŋmatgât nânŋân aregât nânŋâm heroŋe aktere biwine sândugeâp.

## Pilemonŋe Onesimo hoŋ bawa luâk are mem manŋanlepŋât den.

<sup>8</sup>Galane, nâ Kristogât akmâ gâ hin me hain akben dâm makmâ hâwâtgekteŋe ârândânŋ akmap. <sup>9</sup>Gârâmâ nâ hin me hain akbomgât hin makŋiŋbe. Nâ emelâk sâmbâ akmâ Yesu Kristogât âigât akmâ kala busi kâlegen katnekiâ mandân aregât akto han kalem agaŋgimaetgât yân makmâ ewum hin den yeukŋân ulitŋiŋbe. <sup>10</sup>Ulikŋân gâŋgât hoŋ bawa luâk yânŋe kotŋe Onesimo are nânŋgât? Yâkŋe bâleŋe akŋiŋmâ âigât hâkâŋ akmâ hepun gekmâ yân yoŋâk ariep. Yâkŋe manmâ gambo nâ

kala busiân malân ain Yesugât keiŋe maganċdere biwiŋe Yesugâlân kalep. Aregât nânċgât nanne hainare agep. Yâkċgât makċiŋdere nânċgâ. <sup>11</sup>Yâkċe hânċgeiŋe âi meŋċiŋdo bâliiep. Dâ hinċe âmâ tân nugumap. Akto ċgâ tân guguwiapċgât dâp miawaktâp. <sup>12</sup>Aregât nânċe yâk biwine koaŋe ina hanâk huŋgun aŋdere ċânċċâlân togowiap. Akto yâkċe ċânċċâlân togowiap are âmâ nânċgât ukenâet bo. Ġârâmâ hanâk huŋgun aŋdere togombo maŋganben. <sup>13</sup>Yâkċe okot nânċgâ niŋmâ tân nugumap, areċgât yâk arimbo âmâ ċain ċain akbian? Kambiamne bâlimbo âmâ okot nânċgâ aŋbian. Akto nâ pat âlepŋaet akmâ kala busi emetŋân tatmâ âmâ ċânċċgât dumċân hoŋ akniŋâċċgât ċanċerâwerâm nânċċân.

<sup>14</sup>Hain akmâ âmâ ċa bo nânċċâmenân hâwâtċektere nânċċgât nânċċâmenâ bâliwopċgât Onesimo bo ċanċerân. Amâ biwiċânâk nânċgâ niŋmâ tân nuguwen areċgât yu huŋgun aŋdere ċânċċâlân togowiap. <sup>15</sup>Galane hoŋ bawa Onesimo yâk hepun ċekto olop bo maliat amâ keiŋe hingât me ċain? Purik katmâ togombo ċa olop sop kâlep manmâ âċâwiandâtgât mon? <sup>16</sup>Dâ ċânċċâlân purik katbiap âmâ hoŋ bawa konok bo akċiŋmâ manbiap. Onesimo âmâ Humoċâlân ċâtċe areċgât ċala aċanċben. Nâ hainâk Humoċât akmâ ċala akniŋepċgât nânċċare humo aktâp. Aregât ċânċe Humoċât akmâ akto hoŋ bawa akċiŋepċgât maŋganmâ nânċċanċmenâ humo akbiâp.

<sup>17</sup>Ġâ nânċċgât nânċċâmenâ ċalage aktân areċgât hin makċiŋbe. Dâ dâp tat ċiŋdo dâine togo maŋgan nekbât. Aregât yâk ċânċċâlân togombo âmâ, “Imâ Paulo hinare.” dâm maŋganben. <sup>18</sup>Akto hoŋ bawa âi mem hilip koċiŋep me wan me wan siâ waŋmenâ areċgât hâuŋe purikċe bo ċiŋep areċgât makniŋmenâ hâuŋe âmâ nânċe ċiŋbian. <sup>19</sup>Aregât lâuwâŋe makċiŋdere nânċgâ. Nâ Paulo. Nâ ċâwu mem yu kulemoċân. Nânċe hâuŋe kutigit ċiŋbian. Akto wan me wan siâ areċgât nânċċâmenâ bo hâumċowiâp. Nânċe ulikŋân den pat âlepŋe makċiŋdere Yesugât kâmolân dewatien areċgât ċânċċgât nânċgâ nânċċâċe akto biwi kat katċgât amâ nânċċâlânba miawak ċiŋep, areċgât maŋganbiatċgât. <sup>20</sup>Nâ Kristoċgât akmâ yu makċiŋbe. Dosage tatċiŋdâp areċgât akto Humoċât akmâ nânċgâ niŋmâ laune lokomenâ biwine heroŋe akto manbian. <sup>21</sup>Akto ċa laune lokomat are bunċerâm nânċċâm den ire kulemċoċiŋdân. Akmâ nânċċâm makċiŋdân are konok bo akmâ biwiċaet siânba dewatiwiat. <sup>22</sup>Akto Yesugât kâmot ċânċċgât emelan mendugumai areċċe Anutu ulilanċbiâ nânċċâm âmâ nâ kala busi emetċe kâlegenba nâ mem purik katneċto ċânċċâlân togowian. Aregât ċa nânċċgât emet kom hâre hâreŋe siâ heŋċemċoniŋben.

### Den bâiŋe.

<sup>23</sup>Akto Epara Yesu Kristoċgât âi mendo kala busi kâlegen katbiâ tatâp yâkċe nânċgâ ċiŋdâp. <sup>24</sup>Hain akto ċalalupne tân nugumai koċyene Mareko, Aristako, Dema akto Luka, yâkċe hainâk nânċgâ ċiŋdâi. <sup>25</sup>Humo Yesu Kristoŋe damunge akmâ okot âlep akċiŋdo biwiċe sânduċeâċċgât ulilanċdân.



# Hebraio

---

## Anutugât Nanņande den pat âlepņe makņengiep.

**1** <sup>1</sup>Ulikņân tâmbâņe dondâ Anutuņe hakulupnenņe makyenģiwerâm âmâ propetelupņe den tiripņe keiņe keiņe makyenģim huņgun yenģimbo sop siân siân makyenģiyi. <sup>2</sup>Hain makyenģim gambiâ gambiâ beirâ bânângen hinņe sop miawakto makņengiwiapgât Nanņe huņgun aņdo miawakmâ makņengiep. Akto ulikņân Anutuņe Nanņe are âmâ wan me wan hârok damunyeņe akbiap dâm hin dâm magaņep, “Hâmbâi hân himbim miawakbiap are gâņe damunņe akmâ amboņe akbiat.” dâm magaņep. Magaņdo âmâ Nanņande hân himbim ketuguep.

## Anutugât Nanņande aņelo ewanģiyektâp.

<sup>3</sup>Akto Nanņe arekņe Anutugât pagaleņân manmap, akto Eweņe olop dopyetņe konok manmandat. Akto Nanņande makto den kârikņe arekņe hân himbim me wan me wan hârok tângombo manmaen. Akto Anutugât Nanņande hânân gem manmâ dosanenņe bo akbiapgât mondo dosanenņe bo akto sumânba agato ekbiâ agatmâ himbimân âgâm himbimģât Amboņe Humo yâkgât bātņe bungen tatmap. <sup>4</sup>Âgâ tato Eweņande kot irakņe waņep. Kot arekņe aņelo yenģât kotyene ewanģiâp. Dop hainâk Anutugât Nanņande aņelo are ewanģiyekmap. <sup>5</sup>Aregât Anutuņe aņelo siâ hin magaņep me? “Gâmâ nâņģât Nanne gârâmâ nâņe uņak menģektân.” me hin magaņep mon? “Sop ain, nâ Nannaet nunak Eweņe bunņe akbian akto ekmâ Nanne dâwian.” <sup>6</sup>Akto Anutuņe Nanņe okotņe akmap are huņgun aņdo miawagep sop ain Anutuņe hin magep, “Anutugât aņelolupņande luâk iregât kotņe mem agatņet.” <sup>7</sup>Akto areâk bo. Anutuņe aņelolupņe yenģât keiyeņe hin magep, “Aņelolupņe huņgun yenģim hâkyeņe mem purikato seru hinare akmai. Dâ hoņ bawalupņe hâkyeņe mem purikato kâlâp ululunņe akmai.” <sup>8</sup>Gârâmâ Nanņaet keiņe hin dâep, “Anutu gâņģât luâk Kembu tat tat are kârigem âgâm tatbiâp ain âgâ tatbiât. Akto gâņe luâk âmbâle damunyeņe manbiatģât huwangande amâ miwindik yekmenâ ârândâņ akbiapgât tirip towat hinare. <sup>9</sup>Akto agak meme âlepņeâk are egâlianģmâ âmâ

agak meme bâleŋe are kuk heŋgân aganmat. Aregât Anutu amâ gâŋgât Anutu yâkŋe heroŋe maroŋe akbiatgât keluŋande puligimâ towatŋe giŋdo gâŋgât kâmotlupge hârok ewangi yekmat.”

<sup>10</sup>Akto den siâ hin,

“Humo, ulikŋân hân korânŋe hârok ketuguen. Akto himbim amâ bângande liulien. <sup>11</sup>Gârâmâ hân himbim ketuguyelegen are hâmbâi bo akbiandat. Dâ gâmâ tatmâ manmâ âgâwiat. Hâmbâi sâŋgum tâmbâŋe akmâ tokmap dop hainâk hân himbim tâmbâŋe akmâ bo akbiandat. <sup>12</sup>Akto gâŋe hân himbim mem ligim katmâ sâŋgum ligimaen hainâk ligim katbiat. Me sâŋgum siâ siâ lugum panmâ panmâ akmaen gâ hainâk panyelekbiat. Dâ gâmâ tatmâ manmâ hainâk hainâk âgâwiat. Akto sopge hombaŋge bo boakbiap.”

den are âmâ Anutuŋe ikiŋe nanŋaet magep.

<sup>13</sup>Dâ Anutuŋe aŋelo siâ hin dâm maganep me? “Gâ bâte bunŋe ain togom tatmenâ gasalupge keigaet amukŋân kâmot katere tâliyekbiat.” Den ya kulengoân are amâ aŋelo yeŋgât bo. <sup>14</sup>Dâ Anutuŋe aŋelolupŋe huŋgunyeŋgiep kâmot potat yegep are heŋgem yeŋguwaigât huŋgun yeŋgimbo gem hoŋ bawa aknengiwai aregât aŋelolupŋe makyenŋim huŋgunyeŋgiep.

**Anutugât Nanŋande mem purikatnenegep are amâ bo hâkâŋŋe akbaen.**

**2** <sup>1-2</sup>Dâ ulikŋân Anutuŋe hakulupnenŋe makyenŋiwerâm aŋelo huŋgun yeŋgimbo gem den bunŋe makyenŋiyi. Makyenŋimbiâ luâk âmbâleŋe den are hâkâŋ akmâ hamiaŋi are Anutuŋe dowâk kuk akyenŋiep aregât bikŋande maknengiyi den are mesokmâ mandenŋe kuk humo metŋe miawak nengiwop dâm launŋe lokom manmâ âgâwaen. <sup>3</sup>Aregât heŋgemnengumap are hâkâŋ akmâ pandenŋe amâ kuk humo arekŋe miawak nengimbo gain gain akmâ âlepŋe arim manbaen? Akto den pat âlepŋe aregât keiŋe Humonenŋe yâkŋe soŋ makmâ miawagep. A hamiŋân den are nâŋgâyeŋe imâ bunŋe dâm maknengiyi. <sup>4</sup>Hain maknengimbiâ âmâ Anutuŋe, “Nannaet den amâ bunŋe.” dâm aregât kulem keiŋe keiŋe mem mâŋgim ikiŋe Heakŋe yâkgât kâmolângen huŋgun aŋdo hanŋaet akmâ meme akyenŋimbo wan me wan owâiŋe akmâ meyi, are yekmâ Anutugât Nanŋaet den bunŋe dâm nâŋgâm heŋgemgoyion.

**Yesuŋe amâ sop tâlâwâk siâ aŋelo yeŋgât amukŋân malep.**

<sup>5</sup>Kepia beirâ miawakbiapgât denŋe makmaen are âmâ Anutuŋe aŋelolupŋande âiŋe meŋetgât bo magep. <sup>6</sup>Aregât siâŋe hin kulemgoep, “O Anutu, gâ luâk are wan akmapgât nâŋganmat? Akto luâkgât nanaŋ wanŋaet ekmâ nâŋganmat? <sup>7</sup>Gâ sop pâŋ konok dondâŋe

aŋelo yâk yengât amukyenân manbiapgât maganjen. Gâ pagaleŋe kot patŋande akmâ heŋgemgoanjen. Akto wan me wan bâtnande mângiep are damunŋe ak dâm kalaŋen. <sup>8</sup>Hain dâm magarŋmenâ hân himbim hârok damunyeŋe akmâ manmap.”

dâm kulempoep. Aregât Anutuŋe wan me wan hârok amukŋân kato tâliwiap amâ siâ siâ are akŋânŋen bo tatmap. Gârâmâ den are boâk miawakto ekten. Irawot bunŋe akbiap, aregât hinŋe wan me wan siâ nanŋaet amukŋân boâk manden. <sup>9</sup>Dâ Yesu yâk âmâ ekmaen. Yâk sop pân konok dondâŋe aŋelo yengât amukŋân manmâ momogât hâk hilâlâm nâŋgâm metembo âmâ Anutuŋe makto pagaleŋe akto kot pat humo lokom mem mandâp. Yâk Anutuŋe han kalem aknengiâkgât dâmbo momogât hâk hilâlâm kalakŋe luâk hârok nengât akmâ nâŋgâep.

### Yesu amâ nengât teu mamananenŋe.

<sup>10</sup>O Galalupne, Yesu Anutuġât nanŋe yâkgât siâkâ makbe. Wan me wan ketugum damun nenŋe akmap are Anutuŋe, “Nâŋgât kâmot pagaleŋân katyekbian.” dâm nanŋe heŋgem nenguwiapgât keiŋe kalep, are huŋgun aŋdo hâk hilâlâm nâŋgâmbo heŋgem nengu nengugât dâp miawagep, are âmâ ârândâŋe agep. <sup>11</sup>Akto Anutuġât nanŋande heŋgem nengumap are akto nen heŋgem nengumap nen amâ Ewenenŋe konok tatâp aregât dopnenŋe konok akten. Aregât Yesuŋe nen emi garilupne dâm nengonmâ âmâ nengât bo aŋun aŋgiep. <sup>12</sup>Aregât hin dâep, “O Anutu nâŋgât emi garilupne gâŋgât kotge makyenġiwian. Akto kâmot are yengât hutyeŋân kinmâ kotge mem agatbaen.” <sup>13</sup>Akto siâ hin dâep, “Nâŋe biwine Anutuġâlânâk katmâ manbian.” dâep. Akto siâ hin dâep, “Anutuŋe yâkgât kâmot niŋdo yâk olop yu kinmâ miawakten.” dâep.

<sup>14</sup>Akto den arekŋe keinenŋe maknengimap. Nenâmâ Yesuġât kâmot akmaen nen hâknenŋe yu mem manmaen aregât Anutuġât Nanŋande Niambi momogât dop damunŋe are kondere bo agâk dâm aregât luâk hainare akmâ moep. <sup>15</sup>Hain akmâ âmâ nen momogât dâp hain aregât hamewakmâ manmâ hâk hilâlâm nâŋgâm gayion nen oloŋ nenekto hamep bo akto biwinenŋe owâiŋe agep. Are miawagâk dâm moep. <sup>16</sup>Aregât keiŋe hin. Anutuġât Nanŋe arekŋe aŋelo yengât âi bo miep. Nen Abrahamġât kâmot nen heŋgem nenguwerâm giep. <sup>17</sup>Aregât kâmotlupŋe nen manmaen are wan me wan hârok akmâ manmâ giep. Gem âmâ Anutuġât sumbe kat kat luâk areyengât humo arekŋe luâk âmbâle yengât dosayeŋe bo agâk dâm soŋgo sumbe katminep, dop hainâk Anutuġât nanŋe luâk akmâ okot nâŋgâ nengim Anutuġât launŋe hârok lokom Anutuŋe kuk bo agâkgât sumbe aknengiep. <sup>18</sup>Hain akmâ âmâ Niambi dop nengumap ain nen tân nenguwerâm âmâ luâk akmâ mando Niambi yâkŋe dop kombo hâk hilâlâm nâŋgâep. Hâk hilâlâm nâŋgâepġât nen Niambiŋe oloŋ nenekberâm akto sop ainâk tân nengumap.

**Yesuŋe Mose ewangimap.**

**3** <sup>1</sup>O Galalupne Anutuŋe yekto huragumap ye olop Anutuŋe oloŋ nenekto kâmot konok agion ye Yesugât keiŋe are Yesu nengât sumbe kat kat luâk humo akto hoŋ bawanŋe yâkgât den pat âlepŋe makmaen are ekmâ nânŋâm heŋgemgom âmâ hanyenande bigeimbîâ kârigiep. <sup>2</sup>Moseŋe Anutugât emetgât âi mem lauŋe lokom malep aregât Yesuŋe hainâk âi amboŋande makto lauŋe lokom malep. <sup>3</sup>Emet mânŋimap yâkgât kot patŋe agatmap aregât emetgât kot pat ewangimap dop hainâgâk Yesu agak memenande Mosegât agak meme ewangimap. <sup>4</sup>Akto aregât den dopŋe makbe. Nen âmâ emet ketugumaen. Dâ Anutuŋe âmâ wan me wan hârok ketugu nenekmap. <sup>5</sup>Dop hainâk Mose Anutugât emelan damun akmâ siân den miawakbiap are hârok makyenŋimbo Anutuŋe ekto huraguminep.

**Yuda gâtŋande biwi kârik agi.**

<sup>6</sup>Dâ Kristo âmâ Anutugât Nanŋande emet amboŋe akmap. Emet amâ nen ire. Akto are yân bo. Nenŋe Anutugât meterŋân kârikŋe kinbaengât akto pagaleŋe miawaknengiwiapgât biwi owâi akmâ manmaengât paŋâk mem manmâ bo hâkâŋ akbaen âmâ Anutugât emetŋe akbaen. <sup>7</sup>Aregât keiŋe Anutugât Heakŋande hin dâep,

“Anutuŋe emelâk makto nânŋâyi aregât <sup>8</sup>uŋak biwiyenŋe kârikŋe bo agaŋŋim denŋe hâkâŋ bo akbei. Akto hakulupyenŋe ulikŋân hân kamitŋânŋen mali ainâk dop yenŋure hâkâŋŋe akmâ lauŋe bo lokoyi. <sup>9</sup>Akto kulem keiŋe keiŋe hekat yenŋim tân yenŋure hombaŋ 40 akto hanâk dâm dop nugum manmini. <sup>10</sup>Aregât nânŋâre bâlimbo kuk akyenŋim hin magân, Yâkŋe hanyenande sopŋe sopŋe gulip akmai akto nânŋât dâp bo ekmâ nânŋâm heŋgemgoyi. <sup>11</sup>Haingât kuk akyenŋim den kârikŋe hin magân, Yâkŋe nânŋât manmâ nânŋâmbîâ biwiyenŋe sândugeâkgât kepia hân ain bo ariwai. Bo kârikŋe.”

**Yudaŋe agi are nânŋâm hamewakbaen.**

<sup>12</sup>Galalupne aregât hin akbei. Yenŋâlân gâtŋe bikŋande hanyenande den pat âlepŋe are bunŋe borâm hâkâŋe dâm Anutu Manman Amboŋe hamianbâigât damun agaŋŋim manbei. <sup>13</sup>Hain akmâ âmâ bâleŋe hianŋiŋe yenŋâlân gâtŋe siâ hianŋo han biwi kârikŋe akbopgât hokboâk hokboâk uŋak hole miawakmawân ârândâŋ mem kârikŋe mânŋim akmâ magaŋgi goaŋgi akmâ makbei. <sup>14</sup>Akto nen Kristo olop manmâ gayiongât han biwinenŋe owâimap. Are kilâkgât paŋân tiŋâk mem manmâ aregât horatŋân togonegât akmâ âgâwaen. <sup>15</sup>Akto Heakŋe magep yu kulemgoân,

“Anutuŋe emelâk makto nângâyi aregât uŋak biwiyenande kârikŋe bo aganŋim denŋe hâkân bo akbei. Akto hakulupyenŋe ulikŋân hân kamitŋân mali ainâk dop yenŋure hâkânŋe akmâ lauŋe bo lokoyi.”

<sup>16</sup> Akto niŋema yenŋât magep? Akto niŋande Anutuŋe den makyenŋimbo hâkân agi? Amâ Israe luâk âmbâle Moseŋe oloŋ yekto Aigita hân hepunmâ hân kamitŋânŋen ariyi are. <sup>17</sup> Akto niŋema hombaŋ 40 bo akto tân yenŋumbo hamianŋbiâ nângâmbo bâliep? Are âmâ hainâk bâleŋe agi aregât hâuŋe hân kamitŋânŋen mombiâ hâkyenŋe ain hambuep. <sup>18</sup> Akto Anutuŋe niŋema hin makyenŋiep, “Kuk akyenŋire biwiyenŋe sândugeâkgât kepia hân ain bo ariwai.” dâep? Amâ hin. Anutugât lau bo lokoyi are. <sup>19</sup> Aregât hin nângâen. Luâk âmbâleŋe biwiyenŋe Anutugâlân bo katmâ mali aregât Anutuŋe kuk akyenŋiep. Hain akto biwiyenŋe bo sândugiep. Aregât ye hainâk akbâen dâm biwiyenŋe damunŋe akbei.

#### **Biwinenŋe sândugewiapgât kepia.**

**4** <sup>1</sup> Akto Anutuŋe biwinenŋe sândugembo tatmâ hutuk âgâwaengât makmâ kalep aregât nelâm nengiwop dâm âi mem manne. Dâ hain bo akbaen amâ Anutuŋe nenekto ârândân bo akto hâuŋe nengimbo biwinenŋe umatŋeâk tatmâ âgâwiap, are akbop dâm hamewakne. <sup>2</sup> Akto aregât keŋe lâuwâŋe makbe. Ulikŋân luâk âmbâle hân kamitŋânŋen manminiân Anutuŋe ikiŋe keŋe makyenŋiep. Hain makyenŋimbo biwiyenŋe yâkgâlân bo kali aregât Anutugât denŋande bo tânyenŋuep are nângâm hengemgone. Akto nenâkai ulikŋân hainâk Anutugât keŋe bo nângâyion. Gârâmâ hamiŋân maknengimbiâ nângâyion aregât âi humoâk mem manne. <sup>3</sup> Akto nen biwinenŋe yâkgâlân kalion nen âmâ emelâk biwinenŋe sândugembo tatmâ hutuk âgâen. Gârâmâ Yuda kâmot hân kamitŋânŋen manmini arekŋe hain bo agi. Aregât Anutuŋe magep, “Haingât kuk akyenŋim den kârikŋe hin magân, Yâkŋe nângât manmâ nângâniŋbiâ biwiyenŋe sândugeâkgât kepia hân ain bo ariwai. Bo kârikŋe.” Anutuŋe hain dâep.

Dâ Anutuŋe hân himbim katyelekmâ âi mem metem ain âmâ hâk sânduk geâk dâm makmâ kalep. <sup>4</sup> Aregât keŋe Anutuŋe siân hin magep, “Anutuŋe hilâm bât biken lâuwâ akto ain yân tatmâ hutuk âgâep.” <sup>5</sup> Gârâmâ emelâk kulemgoân ain hin dâep, “Han biwiyenŋe sândugeâkgât kepia hân ain bo ariwai. Bo kârikŋe.” Anutuŋe hain dâm makmâ kalep. <sup>6</sup> Akto âmâ hân kamitŋânŋen manmini yâkŋe den pat âlepŋe are hâkân akmâ bo lokoyi aregât bo tatmâ hutuk âgâyi. Hain akbiâ benŋe luâk âmbâle bikŋe yâk yenŋât dumyenŋân âgâm Anutu olop tatmâ hutuk âgâwaigât dâp miawaktâp. <sup>7</sup> Aregât beirâ Anutuŋe bâindâm Dawidi magaŋmâ emelâk kulemgoân are hin dâep, “Anutuŋe emelâk makto

nângâyi aregât unjak biwiyenje kâriknje bo agangim denje nângâm hâkân bo akbei.” dâep a emelâk kulemgoân. <sup>8</sup>Dâ ulikjân Yosuarje malep sop ain manman sândukgât Anutuje makmâ kalep are miawagep dâine aregât kakjân Anutuje manman sânduk siâkâ bo makmâ katbop. <sup>9</sup>Aregât hin nângâmaen. Anutugât luâk âmbâlelupnje yâk yengât nângâgâm manbiâ biwiyenje sânduge akmâ âgâwipgât kepia hân tatnengiep. <sup>10</sup>Anutuje âi mem mando hilâm bât biken lâuwâ akto ainâk tatmâ hutuk âgâep aregât nen hainâk âi memâk tatmâ mandenje Anutuje bâin dâmbô manman sânduk âlepne miawak nengiwip. <sup>11</sup>Aregât Anutuje manman sânduknje nengiwipgât makmâ kalep are bunje miawaknengiâk dâm âi humo mem hakulupnenjande lauje bo lokoyi aregât Anutuje makto biwiyenje bo sândugiep, are nen hainâk akbâen dâm Anutugât lau lokom manbaen. <sup>12</sup>Amâ wangât? Hingât. Hângât tembe loko âmâ tâwât metje mem arimai. Dop hainâk Anutugât den amâ golâ manmanje akto metje dondâ. Tembe lokoyengât tâwât âmâ metje arekne luâk siâgât okot kambiamnje ewum hionjap dop hainâk den metje dondâ arekne nângâ nângânenjaet biwinenje akto hannenje are potatmâ mem miawakmap. Mem miawakto agak memenenje miawakto den âiân katnenekmap. <sup>13</sup>Akto siâ me siâ Anutugât dewunjan tigâk bo yemap. Akto Anutu enemjan kinmâ keinenje makmâ miawakbaen yâkne amâ hârok ekto amâ miapjan akto katip bâlâk miawaktenje ekmap.

#### **Yesuje sumbe kat kat yâk yengât luâk kautje malep.**

<sup>14</sup>Galalupne, nengât sumbe kat kat luâk humo amâ Yesu Anutugât Nanje yâk âmâ himbimân âgâep. Aregât Yesugât akmâ magion are kâriknje mem manmâ âgâne. <sup>15</sup>Nengât sumbe kat kat luâk amâ yânje bo. Yesu sumbe kat kat Humonenje yâkne amâ Anutugât Nanje yâk hânân malewân sop ain Hiangi Ambojande oloj nenekto bâleje akberâm akmâ malion ain Yesuje nângâ nengimapgât dâp bo pâp komap gârâmâ bâleje bo agep. <sup>16</sup>aregât Anutu ulilanberâm âmâ bo hamewakmâ dowâk yâk ulilanbaen. Akto lumbe tat tatjan tatmap yâkne dowâk okot âlep aknengim damun nenje akmap aregât umatje miawaknengimboân ain dowâk ulilanbaen.

#### **Yesuje nengât akmâ sumbe âi miep aregât Anutuje kot humo wanjep.**

**5** <sup>1</sup>Galalupne, sumbe kat kat luâk areyengât kautlupyeje yâk yengât keiyenje makyengire nângânet. Anutuje luâk areyengât hutyenâba mem miawakyekto Anutugât kambiamnje sândugeâkgât luâk âmbâle yengât akmâ Anutugât enemjan kinmai. Kinmâ dosayenje aregât sumbe omai. <sup>2</sup>Hain akmai gârâmâ yeukneyenjaet yengumbo aregât luâk âmbâle bikje Anutugât den lokowerâm pâpkomai yâk yengât okot nângâ yengim yeukne akyengimai. <sup>3</sup>Aregât luâk âmbâle yâk yengât dosayenjaet sumbe

akmai. Akto areâk bo. Yeŋaet dosayeŋaet sumbe akmai. <sup>4</sup> Akto yâk ikinŋaet hanŋe watmâ âi are bo miep. Bo. Ulikŋân Anutuŋe sumbe kat kat luâk Aroŋ yâk soŋ oloŋmâ âi waŋdo miep hainâk gam gam sumbe kat kat luâk hârok ikinŋak oloŋ yekmâ âi yeŋgimap. <sup>5</sup> Hainâk Kristoŋe ikinŋaet ukenŋe bo walep. Anutuŋe âi iregât waŋberâm den hin dâep,  
 “Gâmâ nânŋât Nanne gârâmâ nânŋe uŋak meŋgektân.” dâep,  
 yâkŋe âi are waŋmâ huŋgun aŋep. <sup>6</sup> Akto Anutuŋe Nanŋaet den siâ hin dâep,  
 “Ulikŋân sumbe kat kat luâk siâ kotŋe Melkisede are âi are waŋdere  
 mem âgâep hainâk sumbe kat katgât kat giŋdere sumbegât âi  
 mem âgâwiat.” dâep.

<sup>7</sup> Akto Yesuŋe luâk akmâ hânân manmâ indem konmâ momogât dâwânba oloŋnekben dâm yâk ulilaŋdo biwiŋe yâkgâlân kalep aregât Eweŋande nânŋaŋep. Amâ Yesuŋe Anutugât akmâ hamewakmâ malepgât Eweŋande nânŋaŋep. <sup>8</sup> Yesu âmâ Anutugât Nanŋe gârâmâ hâk hilâlâm nânŋâep. Dâ Eweŋaet lau lokomap aregât agak memenŋe miawagep. <sup>9</sup> Hain akmâ agak meme ârândânŋâk akmâ nen biwinenŋe yâkgâlân katmâ lauŋe lokomaen nen âmâ Yesuŋe heŋgem nenguwiapgât dâp miawagep. Amâ yogan bo. Heŋgem nengumbo manman kârikŋân manmâ âgâwaengât. <sup>10</sup> Akto areâk bo. Anutuŋe sumbegât âi Melkisede waŋdo mem âgâep. Hainâk Nanŋe waŋdo mem âgâmap. Aregât heŋgem nenguwiapgât bo pâpkom manmap.

### Nen nanaŋ gurukŋe yeŋgât dop bo manbaen.

<sup>11</sup> O Galalupnenŋe, nenŋe Yesugât keiŋe hârok makyenŋiwaengât ukenŋe nânŋâmaen. Gârâmâ ondopyeŋe kârikŋe aktâi âmâ gain gain makyenŋiweren?  
<sup>12</sup> Akto ye dennenŋe emelâk makyenŋiyion are nânŋâm heŋgemgoyi dâine bâin hinŋe yeŋe luâk âmbâle bikŋe den kepikmâ makyenŋiwâi. Yeŋgât hin nânŋâm hilipkoân luâk âmbâle siâ emelâk makyenŋiwerâigât sop aktâp dâm makmâ hilipkoân. Gârâmâ hain bo aktâi. Aregât ye nanaŋ gurukŋe dop hainâk manmai. Namâk nemai. Dâ sot bunŋe yeŋgienŋe gain gain nembai? <sup>13</sup> Yeŋgât agak memeyeŋe aregât den dopŋe makyenŋire nânŋâŋet. Nanaŋ gurukŋande namâk nem manmai akto gam gam sot bunŋe nemai. Ye dop hainâk hinŋe nanaŋ gurukŋe akmai den keiŋeâk getek getek makyenŋienŋe nânŋâm heŋgemgomei. Dâ Yesugât den patŋe hârok heŋgem nengumbo agak meme âlepŋeâk miawakmap are makyenŋienŋe bo nânŋâmai. <sup>14</sup> Akto nen sot bunŋe nanaŋ gurukŋe bo waŋmaen. Nanaŋ emelâk nam hepunmâ handâ akto are sot bunŋe waŋmaen. Dop hainâk luâk âmbâle agak meme âlepŋe me bâleŋe potatmâ heŋgemgom mali aregât nânŋâ nânŋâyeŋe humo agep are âmâ den pat âlepŋe hârok makyenŋimaen.

### Anutu hamianmâ âmâ biwi purik kat katgât dopŋe bo tatâp.

**6** <sup>1</sup> Akto Kristogât den keiŋânbak lâuwânŋe bo makyenŋiwerân. Dâ hin akne. Han biwi nânŋâ nânŋânenŋe kârikŋe kilâkgât agak meme



âlepņe mem mandenņe Anutuņe nenekto huraguwiap. Akto den keiņe keiņe dondâ agak meme momoņe aregât ye hanyeņe purik kato biwiyeņe Anutugâlân katbei aregât lâuwâņe bo makyeņgiwerân. <sup>2</sup>Akto hâk biwi puli puli aregât keiņe lâuwâņe bo makyeņgiwerân. Akto bânneņe kautyeņân kalion akto momoņânba agatbaen akto Anutuņe denân katyekto âgâwaigât keiņe lâuwâņe bo makyeņgiwerân. <sup>3</sup>Gârâmâ Anutuņe âlepņe dâmbô âlepņe agak memenenņe huraguâkgât mene. <sup>4</sup>Amâ luâk âmbâle bikņande den pat âlepņe nâņgâm himbimgât wan me wan ukenņe nâņgâmbiâ Heakņande kautyeņân miep are makyeņgienņe han biwiyeņe lâuwâņe purikatbaigât dop bo tatâp. <sup>5</sup>Akto Anutugât den aregât ukenņe nâņgâm manman kârikņe aregât ukenņe nâņgâyi. <sup>6</sup>Hain nâņgâyi gârâmâ aregât hamiņân Anutugât hâkâņ akmai akto Anutu Nanņande moep aregât hainâk hâkâņ akmâ yâkgât âi amâ yânņe dâm nâņgâmbiâ gembo aregât makyeņgienņe han biwiyeņe purikatbaigât dop bo tatâp. Amâ Anutugât nanņe lâuwâņe lâwinân moâkgât akbiâ bikņande ekbiâ gemap. <sup>7</sup>Aregât den dopņe makbe. Hân siân âmâ tânâk âlepņe gembo hân ambolupņande sot alekņe kâmet yekbiâ hân arekņe tânyeņgumbo sot âlepņe pâtkowiap. Pâtkombo Anutuņe meme agaņdo hân amboņande âlepņe manbai. <sup>8</sup>Akto hân siâ sot âlepņe bo pâtkomap ain hewukņe bâleņe arekņeak pâtkomap aregât Anutuņe sait den makto kâlâņe om metewiap.

#### **Yuda gâtņande âi humo membriâ Anutuņe nâņgâmbô huragumap.**

<sup>9</sup>Galalupne, ya kulengoân amâ yeņe agak meme are ewangimaigât kulengoân. Amâ wan me wan heņgemgo heņgemgo keiņe are nâņgâenņe humo akmâ tân nengumap. Amâ hin. <sup>10</sup>Ye âi humo mem Yesugât kâmolân gâtņe okot nâņgâ yeņgim tân yeņguyi are Anutuņe nâņgâmap. Aregât hinņe akmai. <sup>11</sup>Akto ye agak meme âlepņe keiņe keiņe mem mali aregât hainâk Anutuņe wan me wan egâliap aregâlâk ukenņe ikiņeâk ikiņeâk nâņgâm manmâ âgâwei. Are miawagâk dâm manden. <sup>12</sup>Aregât Anutuņe makmâ katmâ hâriep are mem manmâ konam bo akmâ âmâ Anutuņe hinņe wan me wan boâk yeņgiâp aregât bo hâkâņ akbei. Akto ulikņân Anutugât kâmolân gâtņe bikņe Anutuņe makmâ kato aregâlâk nâņgâm bo hâkâņ akmâ âmâ kili. Hain kinmâ siâ me siâ miawak yeņgiep aregât nâņgâmbiâ biwiyeņe humo agâk. Akto mesokbiâ gewopgât hainâk den are paņâk mem manmâ âgâwei.

#### **Manman nenņaet kândârâ kârikņe tatâp.**

<sup>13</sup>Akto Anutuņe Abraham aregâlân den dâm makmâ kalep aregât luâk âmbâle siânbaņe Anutu bo ewangimai aregât ikiņe kotņe konmâ wâtņân kinmâ Abrahamgât hindâm makmâ kalep, <sup>14</sup>“Hâmbâi âmâ nunak memeņe akgiņdere âmâ hakulupge dondâ sambelem ariwai.”

dâep. <sup>15</sup>Hain dâambo Abrahamne den are nângâm bo hâkân agep. Aregât Anutuje den pat âlepne are yâkgât makmâ kalep.

<sup>16</sup>Akto agak memenenne hin. Nen mendugum maganji goanji aktenne kâmot lâuwâ akto den bunne kârikne makberâm âmâ ainâk Anutu ewanginenekmap yâkgât dewunân kinden dâm makmâ katmaen. Hain makmâ katenne den bunne dâm nângâmbiâ den bo akmap.

<sup>17</sup>Aregât Anutuje ikiye kâmolân gâtne nengât den makmâ kalep are Anutuje den bunne maktâp are bo bâliwiap dânet dâm ainâk den pat kat katne are ikiye kotne konmâ agonakmâ magep. <sup>18</sup>Are dâp lâuwâgât Anutuje henengiwiapgât dop bo tatâp aregât nen gulip nenguwop dâm Anutugâlân togom manmâ wan me wan hârok miawak nengiwiap aregât nângâenne biwinnenne humo akbiâp. Are nângâm pañâk mene. <sup>19</sup>Anutuje den pat kalep aregât nângâm biwinnenne gulip akto aregât han lâuwâ bo akmaen. Amâ wangât anga hinare. Akto biwinnenne sândukne amâ sumbe emetnaet sângum hamiñân ain ariep. <sup>20</sup>Ain âmâ nengât sumbe kat kat kautne Yesu arekne nengât Sumbe kat kat luâk humo bo mombiap yâkne nengât dumnennân kinmâ himbimân Eweñaelân nengât sumbe kato huraguep. Hain akmâ âmâ Melkisede ulikñân sumbe kat kat luâk areyngât kautne malep yâkgât dopñân miawagep. Hainâk miawakmâ manmâ âgâwiapgât. Yesu ne hain agepgât nengât biwi sânduk âmâ himbimân tatmâ âgâwiap.

### Melkisedegât keiye.

**7** <sup>1</sup>Galalupne, luâk kotne Melkisede yâkgât keiye makyengire nângânet. Melkisede âmâ kepiane kotne Salem aregât luâk kembu akminep. Akto Anutu Humonenne kârikne yâkgât sumbe kat kat luâk akminep. Akto Abraham ikiye tembe lokolupne olop hilâm siân arim kepia siâ siâ are yengât luâk kembulupyene yengum metem purik katbiâ Melkisede arekne Abraham are dâwân ekmâ peniañmâ mañganmâ gulam den maganep. <sup>2</sup>Hain dâm mañgando Abrahamne wan me wan talañep are bikne potatmâ Anutugât pat wañep. Akto Melkisede are âmâ kotne purikne amâ hin, “Agak meme âlepne aregât amboñe.” Akto yâkgât kepia kotne Salem kot aregât purikne amâ, “Biwi sânduk aregât amboñe.” <sup>3</sup>Akto Melkisedegât eweñe memeñe me ginbailupne bo miawagi akto ikiye miawagepgât sopne me moepgât sopne bo miawaknengiep. Aregât Anutugât nanne sumbe kat kat hinare ulikñânbak manmâ gaep, hainâk manmâ âgâwiap. Dop hainâk Melkisede amâ sumbe kat kat luâk ulikñânbak manmâ gaep hainâk manmâ âgâwiap dâmaen.

<sup>4</sup>Akto Melkisede amâ luâk yânne bo. Abraham amâ Israe nengât hakunenne yâkne wan me wan luâk kembu siânba yengât miep are potatmâ Anutugât pat wañep. Aregât Melkisedeñe Abraham ewangiminep. <sup>5</sup>Akto aregât kakñân Abrahamgât hakuñe siâ kotne Lewi

yâkgât kâmolân gâtjande sumbe kat kat luâk akmini. Akto Mosegât den kârikje are Lewi kâmot gâtje yengât galalupyene Israe luâk âmbâle bikjande wan me wan tat yengiep are potatmâ Lewigât kâmot are yengiyi aregât magep. <sup>6</sup>Dâ Melkisede amâ Lewigât kâmolân gâtje bo are Abrahamje Anutugât pat waŋdo Anutuŋe Abraham makmâ kalep aregât gulam den maganeŋep. <sup>7</sup>Akto aregât niŋande ewangimineŋep? Luâk arekje âmâ luâk geŋeŋe den dâtâŋe makyengimap. Aregât Melkisedeŋe Abraham ewangimineŋep. <sup>8</sup>Akto uŋak nengât sumbe kat kat luâk wan me wan tatnengiep, are potatmâ bikje yengimaen are âmâ luâgâk aregât momogât dop miawak yengimbo momai. Dâ ulikjân Melkisede amâ wan me wan biken memineŋep are momogât dop bo miawagep aregât amâ Melkisedeŋe sumbe luâk bikje ewangi yekmineŋep. <sup>9-10</sup>Akto areâk bo. Lewigât kâmot are boâk miawagi ainâk Abraham Lewigât hakuŋe arekje Melkisede wan me wan waŋep. Aregât Lewi hainâk Abrahamgât kâlegen gâtje malep arekje dop hainâk waŋep dâmaen.

**Sumbe kat kat luâk tâmbâŋe mali amâ âiyeŋe âlepje bo.**

<sup>11</sup>Galalupne, Lewigât kâmolân gâtje sumbe kat kat luâk akmini arekje den kârikje luâk âmbâle bikje makyengimini. Hain akmâ sumbe katbiâ Anutuŋe nenekto huragumap dâine sumbe kat kat luâk siâ Melkisede hinare bo miawakbop. Akto Lewigât kâmot âi are membiâ ain agak meme âlepneâk membaen aregât dâp miawak nengiep dâine Aroŋgât kâmot âi hainâk mem âgâwâi. <sup>12</sup>Aregât sumbe kat katgât âi tâmbâŋe are dâp tato irakje siâ miawakto âmâ tâmbâŋaet den kârikje hainâgâk dâp kalaŋdo irakje siâ miawakbiap. <sup>13</sup>Hain akbiapgât bunje âmâ Yesu Lewigât kâmolân gâtje bo. Yâk âmâ Yudagât kâmolân gâtje gârâmâ Yudagât hakulupje amâ sumbe kat katgât âi bo meyi. <sup>14</sup>Akto Kembunenje Yudagât hakulupje yâk yengâlânba miawagep. Aregât hin nâŋgâmaen. Yudagât kâmotlupjande sumbe kat katgât âi aregât Moseŋe bo magep. <sup>15</sup>Aregât keŋe siâ gai miawakmâ hengemgoâp. Hingât. Sumbe kat kat aŋgâ siâ Melkisede yâkgât dopjân miawagep aregât Yesuŋe Sumbe kat katgât âi mendo ârândâŋ agep. <sup>16</sup>Yâk âmâ hakuŋaet kotje aregât dopjân bo miawakmâ sumbe âi miep. Bo dondâ. Yâk âmâ manman kârikjaet bo boakbiapgât kârikjeŋe akmâ manmâ sumbegât âi miep akto mem manmâ âgâwiap. <sup>17</sup>Aregât Anutuŋe hin dâep,  
 “Ulikjân sumbe kat kat luâk siâ kotje Melkisede are âi waŋdere  
 mem âgâep hainâk sumbe kat katgât kat giŋdere âi mem  
 âgâwiat.” dâep.

**Yesuŋe Melkisedegât dop hainâk akmâ sumbe âi mem mandâp.**

<sup>18-19</sup>Akto Mosegât den kârikjande agak meme âlepje mem manmaengât kârikje bo nengiep. Akto bo tân nenguep, aregât Anutugât

den irakņande Anutugâlân ariwaengât dâp miawak nengiep, are nâņgâenņe biwinenņe humo akmap. Amâ ulikņangât ewangimap. <sup>20</sup>Are amâ yân bo. Amâ Anutuņe ikiņe kotņe konmâ makmâ kalepgât. Ulikņân Lewigât kâmolân gâtņe yâkņe sumbegât âi membaigât amâ Anutuņe den yânņe makmâ kalep. <sup>21</sup>Dâ hinņe amâ Anutuņe Nanņe sumbegât âi waņberâm âmâ ikiņaet wâtņân kinmâ makmâ kalep aregât hin magep, “Humoņe wâtņân kinmâ han lâuwâ bo akbiapgât hin makmap. Sumbegât âi mem âgâwiat.”

<sup>22</sup>Aregât Yesuņe âi âlepņe mendo den pat irakņande miawak nengimbo tatmâ âgâwiap arekņe Mosegât den kârikņe are ewangimap.

<sup>23</sup>Akto areâk bo. Lewigât kâmolân gâtņe sumbegât âi meyi are amâ luâk dondâ. Amâ moyi ainâk nanaņlupyenņe dumpyenņân kinmâ âi memân moyi hain akmâ gambiâ gambiâ yu miawagi. <sup>24</sup>Dâ Yesu âmâ bo mombiap aregât sumbegât âi memâk memâk manmâ âgâwiap. <sup>25</sup>Aregât hokboâk hokboâk nenņe Yesu nengât dumnenņân kilep dâm Anutugâlân arienņe âmâ Yesuņe nengât Anutu ulilaņdo Anutuņe Yesugât âlepņaet akmâ aregât dowâk heņgem nengum âgâwiap.

#### **Yesuņe sumbenenņe katmâ heņgemgoep.**

<sup>26</sup>Sumbe kat kat Humonenņe yâk âmâ ârândâņ akto dosa bâlâk akto wan me wan mendo Anutuņe ekto ârândâņ akmap akto luâk âmbâle bâlēņe akmai yâk yeņgât tiriwân bo manmap akto himbimân âgâm ewangim âgâepgât mandâp. Hain mannengimbo ârândâņ aktâp. <sup>27</sup>Dâ sumbe kat kat luâk âmâ hânân manmai arekņe hokboâk hokboâk yeņaet dosa are bo agâkgât sumbe ombiâ bo akto hamiņân luâk âmbâle yeņgât sumbe omai are âmâ Yesuņe hain bo akmap. Yâkgât dosa bo talaņmap aregât ikiņaet sumbe bo omap. Akto nengât dosa bo agâkgât hilâm konok nengât sumbe akmâ moep aregât hokboâk hokboâk bo akmap. Lâuwâņe âi bo talaņdâp. <sup>28</sup>Akto Mosegât den kârikņe arekņe luâk yeukņe mem sumbegât âi yeņgiep. Gârâmâ Anutuņe den kârikņe makmâ kato bo bo agepgât Nanņe sumbegât âi waņdo bo mom âmâ âiâk memâk memâk âlepņeâk manmâ âgâwiap.

#### **Yesuņe egon sumbe opmân bunņe ain âiņe memap.**

**8** <sup>1</sup>Akto yu kulengoân aregât keiņe amâ hin. Nengât sumbe kat kat luâk amâ Humogât tat tatņe himbimân manmap aregât bungen manmap <sup>2</sup>Yesu arekņe Sumbe kat kat uligi luâkņe ketuguyi ain âi bo mem manmap. Yâk âmâ himbimân Anutuņe ketuguep ain âi mem manmap. <sup>3</sup>Akto sumbe kat kat luâk hârok Anutuņe meme akyeņgimbo wâtņân kinmâ okot âlepgât akmâ sumbe kat katgât âi memai aregât Anutugât Nanņande hainâk wan me wan Anutu waņmapgât bâlâk bo manmap. <sup>4</sup>Dâ Yesu hânân mandâp dâine sumbe kat kat bo manbop.

Hânân den kârikjegât dopnân sumbe ogegât luâkne âlepne manmâ sumbegât âi mendâi. <sup>5</sup>Âiyeŋe âmâ sumbe opmân yânje ain âi memai. Dâ sumbe opmân bunje amâ himbimân tatâp. Moseŋe sumbe kat kat uligi mângiwêrâm akto Kembuŋe hin maganjep, “Nânġât. Gimbânân sumbe opmân himbimân tatmap aregât towatŋe hekatgijân aregât dopnân siâ me siâ hârok are hânân mângiwen.” <sup>6</sup>Dâ Yesuŋe âmâ dewatiak dewatiak âġâ âġâŋaet sumbegât âi humoâk memap. Amâ hingât. Anutuŋe Yesugât akmâ den pat âlepne makmâ hâriep arekŋe Moseŋe makmâ kalep are ewangimap.

### Dewatiak dewatiak irakŋaet den.

<sup>7</sup>Akto Moseġât den kârikŋe arekŋe wan me wan hârok âlepneâk mem miawagep dâine Anutuŋe den pat irakŋe bo makmâ katbop. <sup>8</sup>Gârâmâ Anutuŋe Mose maganġo den kârikŋe kulemoep are ekmâ hârok âlepne bo mem miawagep den pat are nânġâm irakŋe âlepne makmâ kalep aregât keiŋe Anutuŋe hin magep,

“Humoŋe hin dâep, “Siân Israe kâmot akto Yuda kâmot are yengâlân den pat âlepne irakŋe makyengiwian. <sup>9</sup>Uliknân Israe luâk Aigitawa oloŋ yegân are den pat âlepne makyengire den pat aregât hâkân akmâ loŋgaiyi aregât nâkai yengât hâkân agân. Den kârikŋe ain kalân amâ hainare bo. <sup>10</sup>Imâ den âlepne irakŋe sop are bo aktoân Israe kâmot yengâlân makmâ hârewian. Siân den pat irakŋe âlepne ire han biwiyenân totokom katere kepikmâ bigeim kinbiap. Hain akmâ damunyeŋe akmâ tân yeŋuwian. Akto nâŋe amâ yengât Kembu akto ye amâ nânġât kâmot akbai. <sup>11</sup>Akto sop ain siânje siâ bo hâwâtbiâp, “Humo nânġanben.” dâm maganbiâp. Hain bo. Sop ain âmâ luâk âmbâle hârok âġâ âġâŋe gegeŋe nânġâ niŋbai. <sup>12</sup>Hârok nânġâ niŋbiâ bâleneyeŋe aregât yaiwâk akyengim dosayeŋe bo oyanmâ nânġâm manmâ âġâwian.” Humoŋe hain dâep.”

<sup>13</sup>Aregât keiŋe amâ hin. Anutuŋe den pat irakŋe dâm magep aregât den pat tâmbânje are bo agâk dâm makmâ kalep. Aregât den pat tâmbânje amâ emelâk bâliep akto siâ me siâ torokmâ bâlimap hainâk arekŋe bo akberâm aktâp.

### Sumbe kat kat uligi aregât keiŋe.

**9** <sup>1</sup>Akto den kârikŋe tâmbânje amâ siâ siâġât hârok Anutuŋe keiŋe makyengiep. Akto uligi kâlegen âġâm âmâ ikiŋe kotŋe mem agatŋetġât hekatyengiep. Akto hânġât emetġât makmâ hâriep. <sup>2</sup>Akto sumbe kat kat uligi aregât keiŋe hin. Ulik gulik amâ mâron humo panmâ emet mângiyi. Aregât kâlegen amâ pagaleŋe kat kat siâ akto sot Anutuġât enemnân katmai are me wan me wan Anutu kotŋe mem agatbaen dâm

kali. <sup>3</sup>Akto emet kom hâre hâreŋe siâ talep amâ sâŋgum kâkâlep aregât hamiŋân Anutuŋe ekto ârândân agâkgât welamŋe. <sup>4</sup>Ain sumbe ogoġât kat katŋe goliŋe mânġiyi are talep. Akto dewatiak dewatiak gât emetŋe goliŋe mânġiyi are akto Aroŋġât huwan momoŋe kâmŋe gam golâ agep are akto kât papaŋe Anutuŋe ain den kârikŋe kulemgoep are hârok talep. <sup>5</sup>Akto Anutugât pagaleŋe miawakbiapgât aŋelo dopŋe lâuwâ kotŋe Kerubim ain kiliat. Arekŋe Anutuŋe gem maŋgan nenekmap welam areġât damunŋe agiat. Akto wan me wan yu kulemgoân amâ hinŋe keiŋe hârok makyenġiwerenġât dop bo tatâp.

**Sumbe kat kat luâk ulikŋân mali yenġât âi amâ bunŋe bo.**

<sup>6</sup>Dâ kom hâre hâreŋe siâ ain Lewigât kâmolân gâtŋe wan me wan are katbiâ kindo amâ hokboâk hokboâk sumbe kat kat luâk poŋ kâlegen âġâm bam gutmâ Anutu okot âlepġât wan me wan ulilaŋmini. <sup>7</sup>Gârâmâ uligi kâlegen are âmâ sumbe kat kat luâk areyenġât kautŋeyeŋe konok arekŋe hombaŋ konok kâlegen amâ hilâm konok ain âġâm ikiŋe dosaŋe bo agâkgât akto Israe luâk âmbâle dosayeŋe bo agâkgât soŋgo gilâmŋe mem âġâm Anutugâlân waŋminep. <sup>8-9</sup>Aregât keiŋe amâ Anutugât Heakŋande maknengimbo hin nânġâen. Uligi kilewân amâ luâk âmbâle Anutugâlân hanâk bo âġâmini nânġâen. Akto sumbe kat kat luâk arekŋe sumbe me wan me wan Anutugât okot âlep agaŋmini are ekmâ luâk âmbâle hârokŋe hin dâyi, “Wei, ire âmâ hânġât me hâk puli puligât me sotġât areġâlâk tângomap. Dâ han biwinenŋe amâ bo tângomap.” dâm nânġâmbiâ biwiyeŋe bo sândugiep. <sup>10</sup>Amâ yoganŋaet pat. Yoganŋe areġât benŋe sotġât me tugât me hâkŋe puli puligât. Akto agak meme irakŋe miawakbiapgât miawagep.

**Yesuŋe ikiŋe gilâmŋande hâukoneneġep arekŋe bunŋe aktâp.**

<sup>11</sup>Hainâk hainâk manmâ gambiâ Anutuŋe bâin dâm Nanŋe Kristo are huŋgunanġo sumbe kat katġât âi luâk bunŋe miawagep. Hain akmâ manmâ hânġât sumbe kat kat emetŋe ketuguyi ain bo âġâm sumbe kalep. Bo. Wan me wan âlepŋe miawakbiap areġât sumbe akmâ opmân bunŋe tiripŋe siâ ain âġaep. <sup>12</sup>Ain âġâm âmâ hilâm konogân Anutugât enemŋân bam âmâ nâniŋ akto makao nanŋe soŋgogât gilâmŋe bo miep. Amâ ikiŋaet gilâmŋe waŋdo nen heŋgem nenguwiapgât dâp miawak nengiep. Are manmâ âġâwiap akto bo bo akbiap. Bo dondâ. <sup>13</sup>Dâ makao âmbengen kâmŋe areġât hâkŋe om derembiâ kau akto soŋgo makao nâniŋġât gilâmŋe olop hâk yeŋe puliâkgât sumbe luâkŋe lapyuŋguminep. Lapyuŋgumbo sumbegât emetŋân âġâmini. <sup>14</sup>Gârâmâ Kristoŋe gembo Anutugât Heak âġâm yembiap arekŋe memeŋe agaŋdo ikiŋaet gilâmŋe are sumbe dâm kato Anutuŋe ekto huraguep. Arekŋe han biwinenŋe pulimbo nen wan me wan mendenŋe bâlimap areġât umatŋe bo akto âmâ Anutu amâ manmangât amboŋe yâkgât âi mem manmâ âġâwaen.

<sup>15</sup> Aregât Kristoŋe dewatiak dewatiak irakŋaet miawagepgât Anutu akto nen hutnennân kilep. Kinmâ dewatiak dewatiak tâmbâŋe hârienŋe dosanenŋe miawaknengiep are bo agâkgât moep. Aregât akmâ Anutuŋe kepilânenekto manden nen manman kârikŋaet bât samut menegât welamnennân kinmâ moep.

<sup>16</sup> Bât samutgât amâ hin yendâp. Amboŋande mondoâk âmâ memaen. <sup>17</sup> Dâ amboŋande golâ manmawân âmâ bât samutŋaet magep aregât den yân yembiap. Dâ mondoân âmâ den are bunŋe miawakmap. <sup>18</sup> Dop hainâk Mosegât den kârikŋe are Anutuŋe makto miawakto ainâk soŋgo gilâmŋe gembo mondo den kârikŋe are hamepŋe olowâk miawagep. <sup>19</sup> Akto Moseŋe den kârikŋe are luâk âmbâle makyenŋimbo nâŋgâmbiâ kârikŋe agâk dâm akto aŋe hewukŋe esenŋe siâ akto yo hâkŋe siâ arekŋe mem tu akto soŋgo gilâmŋe lapyuŋgum luâk âmbâle hârok akto den kârikŋe kulemgœp are lapkombo gilâm agi. <sup>20</sup> Hain akto hin dâm makyenŋiep, “Anutuŋe makmâ kalep are kârikŋe agâkgât gilâm yu lapkoân ire ekmâ nâŋgâm heŋgemgoweï.” <sup>21</sup> Akto Moseŋe hainâk lapkombo uligi are akto wan me wan kâlegen Anutugât akmâ katbiâ talep are gilâmâk hârok akmâ metiep. <sup>22</sup> Akto aregât den kârikŋe tâmbâŋe arekŋe talewân ainâk yo kombiâ mondo gilâmŋe lapkombiâ dosayenŋe bo agep. Dâ gilâmŋe bo lapkombiâ dâine âmâ dosayenŋe tatmâ gawop.

### Yesuŋe dosanenŋe bo agâkgât hâukonenegep.

<sup>23</sup> Akto yu kulemgoân amâ himbimân tatmai aregât towat otneyenŋe bunŋe bo are yengât bâleŋe ariâk dâm Moseŋe gilâm lapkombo ârândân agep. Dâ himbimân wan me wan bunŋe dondâ are ârândân agâkgât gilâm yânŋe amâ lapkombiâ dâine ârândân bo akbop. <sup>24</sup> Aregât Kristoŋe uligigât otneŋe are akmâ âi luâkŋe uligi ketuguyi ain bo âgâep. Akto himbimân uligi bunŋe ain âgâm nengât dumnennân kindo Anutuŋe ekto âlepŋe dondâ akmap. <sup>25</sup> Akto ain hokboâk hokboâk gilâmŋe bo waŋmap. Hilâm konok kâlegen gilâmŋe kâimbo ârândân agep. Dâ sumbe kat kat luâk are yengât kautŋeyenŋe arekŋe soŋgo gilâmŋe kârikŋe bo aregât hombaŋ ârândânâk ikiŋe gilâmŋe bo mem âgâ kâiminek. <sup>26</sup> Dâ Kristo âmâ hain bo agep. Hain akmâ dâine ulikŋânbak hâk hilâlâm hokboâk hokboâk nâŋgâm gawop. Dâ yâk âmâ hain bo agep. Yâkŋe âmâ hinŋe sop bâiŋe tâlâgumbo ain miawakto dosa bunewâk bo agâk dâm ikiŋe hâkŋe arekŋe sumbe agâk dâm hilâm konogân kâinengiep. <sup>27</sup> Akto Anutuŋe hilâm konogân bâin dâmbo mondenŋe sop ain denân kat nenekbiap <sup>28</sup> dop hainâk Anutuŋe hilâm konogân luâk âmbâle dondâ are yengât dosa bo agâk dâm Kristo wâtŋe agaŋdo moep aregât Kristoŋe lâuwânŋe miawakmâ dosanenŋe lokombo bo akbiapgât bo gewiap. Bo dondâ. Aregât nenŋe togowen togowen dâm aregât ukenŋe nâŋgâm etemgom konmâ oloŋmâ mandenŋe nen bunewâk heŋgem nenguwiapgât gewiap.



**Den kârikŋaet amukŋân sumbe kali amâ bunŋe bo.**

**10** <sup>1</sup>Den kârikŋe amâ yân beirâ bunŋe miawakbiapgât patŋe yânŋe aktâp. Dâ bunŋe dondâ bo. Aregât sumbe kat kat luâk yânŋe den kârikŋe lokom hombaŋŋe hombaŋŋe sumbe katmai arekŋe Anutugât mepaiŋe agañmai yâk âlepŋe biwi kau bo meyekmap. <sup>2</sup>Akto dosayeŋe bunewâk bo agep dâine sumbe kat kat luâk arekŋe âi are hepunmâ sumbe siâ bo katmâ amâ yân manbâi. Akto dosayeŋaet nelâm yeŋgimbo biwiyeŋe sândugewop. <sup>3</sup>Gârâmâ hombaŋ ârândânŋ sumbe kat kat luâk kautŋande sumbe memberâm <sup>4</sup>nâniŋ me bulimakaogât gilâmŋe are mem uligi kâlegen âgâm kato dosayeŋe bo agepgât dâp bo talep aregât dosayeŋaet nâŋgambiâ biwiyeŋe umatŋe tatoâk mali.

<sup>5</sup>Akto Kristo hânân miawagep ain hin dâep, “Gâ Anutu, gâ soŋgogât gilâmŋe aregât ukenŋe bo nâŋgâmat. Dâ hâkne heŋgemgoniŋen. <sup>6</sup>Akto soŋgo hâkŋe ombiâ aregât bunŋe bo dâmat. Akto sumbe katmâ ombiâ ukenŋe bo nâŋgâmat. <sup>7</sup>Ain amâ hin dân. O Anutu, wan me wan makmenâ kulemgoyi aregât denge lokom ukenge akmâ mem metewiangât togoân.” dâep. <sup>8</sup>Den aregât keiŋe hin. Kristoŋe amâ hânân miawakmâ Eweŋaelân magañep, “Gâ soŋgogât gilâmŋe kâimai me hâkŋe omai aregât ukenŋe bo nâŋgâmat. Soŋgo hâkŋe ombiâ aregât bunŋe bo dâmat. Akto sumbe katmâ ombiâ ukenŋe bo nâŋgâmat.” dâm magep. Amâ den pat kârikŋe tâmbâŋe makto kali. <sup>9</sup>Kristoŋe den siâ hin dâm dewatiep, “Denge lokom ukenŋe akmâ mem metewiangât togoân.” dâep. Hain dâm amâ den tâmbâŋe are urulep. Dâ den pat irakŋe are mem kârigiep. <sup>10</sup>Areâk bo. Yesu Kristoŋe ikiŋe hâkŋe mem Anutugât sumbe dâm sop konogân waŋdo ârândânŋ agep aregât agak meme âlepŋe mem manmâ âgâwaengât dâp miawak nengiep.

**Dâ Yesu amâ sumbe bunŋe dondâ kalep.**

<sup>11</sup>Galalupne, aregât lâuwâŋe makbe. Sumbe kat kat luâkŋe hokboâk hokboâk âiyeŋe mem sumbe omâk akmâ manmai arekŋe dosanenŋe bo boagep. <sup>12</sup>Hain agi aregât amâ Kristo hilâm konogân sumbe konok kato Anutuŋe ekto ârândânŋ agep. Hain akto âiŋe bo akto Anutugât bātŋe bungen tatmâ mandâp. <sup>13</sup>Mandâp aregât siân Anutuŋe nanŋaet gasalupŋe yeŋgumbo yeukŋe akbiâ Yesuŋe damunyeŋe akmâ tâliyekbiapgât lâmgom tatmap. <sup>14</sup>Akto ikiŋe kâmot nengât huragunetgât ikiŋe hâkŋe mem Anutugât sumbe dâm waŋep. Waŋdo Anutuŋe nenekto huraguep. Huragumbo amâ Kristoŋe tân nengumbo agak meme âlepŋe mem mandenŋe sumbe kat katgât âi bo agep. <sup>15</sup>Akto aregât keiŋe Anutugât Heak arekŋe bunŋe agâkgât hekat nengiwerâm hin magep, <sup>16</sup>“Humoŋe hin dâep, Siân den pat irakŋe âlepŋe ire han biwiyeŋân totokom katere kepikmâ bigeim kinbiap.”

<sup>17</sup>Akto siâ hin,

“Dosayerje bo oyanmâ nângâm manmâ âgâwian.”

<sup>18</sup>Den aregât keiŋe amâ dosanenŋe bo oyanbiapgât dâp miawaknengimbo âmâ benŋe sumbe kat katgât luâk âiyeŋe bo agep. Lâuwâŋe bo membiap.

**Yesuŋe sumbe âi miepgât nen Anutugât  
enemŋân owâi akmâ bam ulilanbaen.**

<sup>19</sup>Galalupne, Yesugât hepnande hânŋi menengiepgât yâkgât opmân kâmbokŋân âgânegât owâiâp. <sup>20</sup>Aregât dâp irakŋe manmanŋe mem owâinenegep. Aregât dâp miawagâk dâm hâkŋande âgâwâigât pekeŋe hârembo dâpŋe miawaknengiep. <sup>21</sup>Aregât akmâ sumbe kat kat humo Anutugât opmân bunŋe kautŋe akmâ mannengimap. <sup>22</sup>Aregât hamep bo akmâ dosanenŋe bo agep dâm Anutugâlân arim biwinenŋe Yesugâlân katenŋe kindo nângâenŋe biwinenŋe sândugemapgât Anutugâlân arine. Hain manmaen aregât wan me wan umatŋaet memenŋe biwinenŋân katberâm miawakto ain nen Yesugât kâmolân manmâ âgâwaen dâyion are nângâenŋe biwinenŋe humo agep. Akto sumbe kat kat luâk kautyeŋe are galalupyenande tu puli agaŋmini nen dop hainâk tu bunŋe puli nengiep. Aregât Anutugâlân arim den nângâenŋe bunŋe akbiap. <sup>23</sup>Humo Anutuŋe wan makmâ hâriep arekŋe den are bâliwiapgât dop bo tatâp aregât den maktenŋe biwinenŋe sândugiep are mem hâk hilâlâm nângâm âgâm manbaen. <sup>24</sup>Hain akmâ manmâ mendugum kinmâ gain gain biwinenŋe kârikŋe ketuguenŋe kilâkgât akto agak meme âlepŋe mem okot âlep agaŋbaengât are nângâm henggom tân aguwaen. <sup>25</sup>Dâ luâk âmbâle bikŋe bo mendugum kinmai. Dâ nen âmâ hain bo akbaen. Mendugum kinmâ sop humo tâlâguwerâp dâm biwinenŋe tân aguwaen.

**Den pat âlepŋe nângâm âmâ bâleŋe aktenŋe dosanenŋe  
lâuwâŋe miawakbopgât hamep akbaen.**

<sup>26</sup>Gârâmâ den pat âlepŋe nângâm hengemgoyion amâ beirâ agak meme bâleŋe aregât ukenŋe nângâm agak meme bâleŋe membaen aregât dosanenŋe bo agâkgât sumbe bo tatbiap. Bo dondâ. <sup>27</sup>Hain aktenŋe âmâ Anutuŋe denân katnenekto kâlâwân manmâ âgâwaengât dop miawakbiap. Akto Anutugât gasa are kâlâpŋe oyekbiap. <sup>28</sup>Aregât hin makbe. Luâk âmbâle siâŋe Mosegât den kârikŋe loŋgaimbo luâk âmbâle siânba lându me âlâwu arekŋe ekmâ keiŋe makmâ miawakbiâ humomolupyenande luâk âmbâle bâleŋe agep are okot bo nânganmâ kombiâ moep. <sup>29</sup>Dâ hinŋe luâk âmbâle siâŋe Anutugât Nanŋe yâkgât hâkân akmâ den pat âlepŋe aregât keiŋe amâ Yesu yâkgât gilâmŋande hengem nenguep aregât hâkân akmâ Anutugât Heakŋe damun nenŋe akmâ okot âlep aknengimap are hepulep luâk âmbâleŋe hain akto âmâ Humonenŋande kondo hâk hilâlâm humo

dondâ nângâm âgâwîap. <sup>30</sup>Luâk âmbâle hain akbai aregât Anutuŋe hin dâep, “Nâŋe bâleŋe yeŋaet dosa aregât hâuŋe yeŋgire umatŋân manmâ âgâmbiâ ârândâŋ akbiap.” dâep. Akto den siâ hin dâep, “Humoŋe ikiye luâk âmbâle den âiân katyekbiap.” dâep. <sup>31</sup>Akto areâk bo. Anutu Manman Amboŋande den âiân katyekto hâk hilâlâm hamepŋe olowâk nângâm manmâ âgâwai aregât yâkgâlâk hamewakmâ manbei.

**Âi humo mem hâk hilâlâm nângâm manbaengât bo hâkân akbaen.**

<sup>32</sup>O Galalupne, nângâi? Ye ulikŋân den pat âlepŋe nângâmbiâ biwiyene âgâambo âi humo mem hâk hilâlâm nângâyi. Amâ bo hâkân agi. <sup>33</sup>Akto gasalupyeŋe togom luâk âmbâle dewunyeŋân kat yekbiâ kinbiâ bugâŋe yeŋgum giriŋyeŋgiyi. <sup>34</sup>Akto miti gasaŋande galalupyeŋe bâleŋe mângiyekmâ kala busi kâlegen kat yekbiâ kili are yeŋe okot nângâ yeŋgim tânyeŋguyi. Akto areâk bo. Miti gasa arekŋe puli me wan me wan tatyengiep are kâmbu meyi sop ain nen hâmbâi iregât hâuŋe âlepŋe kârikŋe himbimân tatnengiâp dâm heroŋe agi.

<sup>35</sup>Aregât Anutu nânganbiâ biwiyene sândugiep aregât bo hâkân akmâ panmâ âmâ hâuŋe âlepŋe humo membai. <sup>36</sup>Amâ siân hâuŋe bâlâk manbâen dâm biwiyene Yesugâlânâk kilâkgât âi humo mem hâk hilâlâm nângâm hanâk Anutugât lau lokom manbei. <sup>37</sup>Aregât lâuwâŋe makbe. Anutuŋe hin magep,

“Hâmbâi sop getek manmâ nângât hoŋ bawa huŋgun aŋdere dowâk miawakbiap. <sup>38</sup>Akto hinŋe nângât luâk ârândâŋâk manmapŋe amâ nângâniŋdo manmanŋe miawaganbiap. Hain. Gârâmâ yâk âigât hâkân akmâ hepun nekto âmâ ekmâ bo heroŋe aganbian.”

<sup>39</sup>Akto nen âmâ aregât kâmolân gâtŋe bo. Yâk âmâ hâk hilâlâm aregât hamep akmâ Anutugât âi hepunbiâ Anutuŋe makto gulip akbai. Dâ nen âmâ hain bo akbaen. Nen âmâ biwinenŋe Anutugâlân kilâk dâm nângâm mandenŋe Anutuŋe otnenenŋe membiap.

**Biwi kat katgât keiŋe.**

**11** <sup>1</sup>O Galalupne, nen biwinenŋe Anutugâlân kilâk dâm nângâm manbaen aregât keiŋe makyengire nângâŋet. Biwi kat kat keiŋe amâ hin. Wan me wan bo egekŋe are bunŋe miawak nengiwiap aregât nângâm han konogâk manbaen. <sup>2-3</sup>Akto nenŋe biwinenŋe Anutugâlân kalion aregât Anutu bo egekŋe arekŋe wan me wan mendo hân himbim egekŋe miawagep are bunŋe dâm nângâmaen. Akto Anutugât kâmot ulikŋân biwiyene Anutugâlân kali are Anutuŋe yekmâ âlepŋe dâep.

**Abe, Enoko akto Noa yeŋgât den.**

<sup>4</sup>Aregât yâk yeŋgâlân gâtŋe siâ Abe yâkŋe biwiŋe Anutugâlân kalep aregât sumbe ondo Anutuŋe âlepŋe dâm nânganep. Nânganŋo Abegât

teuŋe Kaiŋ arekŋe biwi kat katgât keiŋe hâkân akmâ sumbe yân ondo Anutuŋe ekto âlepŋe bo agep. Aregât teuŋande emiŋe kondo moep. Amâ emiŋande biwiŋe Anutuŋâlân kalep aregât. Aregât pat nânŋâm nen hin dâmaen. Abe moep gârâmâ yâkgât biwi kat katgât keiŋe arekŋe maknengimap.

<sup>5</sup>Akto hamiŋân luâk siâ kotŋe Enoko yâkŋe biwiŋe kalep are Anutuŋe ekto huragumbo aregât bo mombiap dâm oloŋdo hâkdâk tiŋ tiŋâk âgâep. Aregât galalupŋande Enoko yâtendâm undâgâtbiâ bo agep. <sup>6</sup>Akto luâk âmbâle bikŋande hanyeŋande Anutu bo nânŋaŋmai âmâ Anutuŋe yekmâ heroeŋe bo akmap. Dâ Anutu mandâp bundâk nânŋâm heŋgemgomaen akto hannenŋande kulâgâlaŋmaen nen hâuŋe âlepŋe nengiwiap dâm nenŋeak yâkgâlân togone.

<sup>7</sup>Akto hamiŋân Noa hainâk biwiŋe Anutuŋâlân kalep aregât Anutuŋe wan me wan miawakbiap aregât magaŋdo dowâk sân sân mem kâmotlupne bâliwâen dâm waŋga ketuguep. Yâkŋe hain akmâ luâk dosayeŋaet keiŋe mem miap palepgât akmâ Anutu nânŋaŋmâ dosa bâlâk agak aregât bunŋe amboŋe agep.

#### Abrahamgât den.

<sup>8</sup>Akto hamiŋân Anutuŋe Abrahamgât makmâ kalepgât magaŋdo bunŋerâm biwiŋe katmâ âlepŋe hân niŋbiat dâm hân siângen bo ekminewângen ain ariep. <sup>9</sup>Akto hân are mem miawakmâ biwi kat katgât Anutuŋe hakulupge in manbei dêep are bunŋe dâm hân ain yogan manmâ emet bunŋe bo mâron uligiâk panmâ yem malep. Akto nanŋe Isaka akto bâŋiŋe Yakobo yâkŋe hainâk uligi mâron uligiâk are panmâ maliat. Akto Abraham akto Isaka akto Yakobo Anutuŋe makmâ kalep den konok are amâ nengâlân miawakbiap dâm nânŋâm mali. <sup>10</sup>Akto Abrahamŋe Anutu bunŋeâk makmap dâm nânŋâep aregât Anutuŋe kepia âlepŋe himbimân kalep ain amâ bunŋe dondâ ain manbaen dâm nânŋâep. <sup>11</sup>Akto Abrahamgât âmbenŋe kotŋe Sara yâkai hainâk biwiŋe Anutuŋâlân kalep. Aregât Anutuŋe gâŋe nanaŋ membiat dâm magaŋep are nânŋâmbo bunŋe akto sâmbâ akmâ ain nanaŋ miep. Amâ makmâ kalep yâkŋe amâ bunŋe dêepgât. <sup>12</sup>Akto luâk konok kâmotlupŋe manmâ sambelem gam gam yu miawakten. Amâ diâ himbimân tatai dop hainâk me nupi harugât ginŋân tatâp dop hainâk. Gârâmâ Abrahamŋe sâmbâ akmâ ain nanŋe Isaka miep. Yâk âmâ emelâk momaen sopŋe ewangiep ain Isaka miep.

<sup>13</sup>Luâk yu yeŋondân arekŋe Anutu nânŋaŋmâ manmâ âmâ mom meteyi. Amâ siâ me siâ Anutuŋe makmâ hâreyeŋgiep are bunŋerâm indâgen aŋgângen yendo ekmâ mepaiŋe mem heroeŋe mali. Dâ bo meyi. Hain akmâ aregât keiŋe hin nânŋâyi, nen hânân lombo akto yogan manden dâyi. <sup>14-15</sup>Luâk âmbâle arekŋe hân iregâlânâk nânŋâyi

dâine purik katmâ hân ulikñân gâtñe ain arim manbâi. Hain bo akmâ âmâ hângât kepia hain are bo amâ kepia bunje himbimân tatmap are Anutuñe maknengim kalep ain manbaen dâm aregât lâmgom mali. <sup>16</sup>Lâmgom manbiâ Anutuñe kepia are yengât kalep are âlepñe ire amâ nânğât kâmot dâm damunyene akto hân are membiâ ârândân agep. Hân arekñe hân ire ewangimap are miawaknengiwiap dâm lâmgom mali. Aregât Anutuñe yâk yengât akmâ Anutuyene dâm agonakmapgât bo añun akmap.

### Isaka akto Yakobo yetgât den.

<sup>17</sup>Akto Abraham den makmâ hâriepgât yâk Anutuñe dop koep. Hin. Nanñe Isaka Anutuñe wañep are sumbe omberâm akmâ mem ariep. Aregât yâkgât biwi kat kat âlepñe miawagep are nânğâmaen. Akto nanñe Isaka are amâ luâk yânñe bo. <sup>18</sup>Anutuñe Abraham hin dâm magañep, “Nânñe Isaka giñân are amâ gângât kâmot are yengât hakuyene akbiap.” dâep. <sup>19</sup>Akto Abraham Anutuñe luâk momoñe momoñânba mem agat yekto golâ manmai are nânğâm Isaka mem sumbe omberâm ariep. Aregât luâk momoñânba agatmai Isaka dop hainâk alatanba sopanmâ agalep dâmaen.

<sup>20</sup>Akto hamiñân Abrahamgât nanñe Isaka arekñe biwiñe Anutugâlân kalep aregât nanlogâtñe Yakobo akto Esau wan me wan beirâ miawakbiapgât den gulam makyetkiep. <sup>21</sup>Akto hamiñân Yakoboñe hainâk biwiñe Anutugâlân kalep, aregât momberâm akmâ huwanñe tânagum Anutugât kotñe mem agatmâ nanñe kotñe Yosepe yâkgât nanlogâtñe den gulam makyetkiep. <sup>22</sup>Akto hamiñân Yosepe hainâk momberâm akmâ Anutuñe Israe kâmot are Aigitawa oloñ yekbiap den are bunje dâm ginbailupñe mombian dâm ikiñe hagitñaet makyengiep.

### Mosegât den.

<sup>23</sup>Akto hamiñân Mosegât eweñe memene biwiyetñe Anutugâlân kaliat aregât Aigita luâk humoñe Israe nanlupyene gurukñe yengumbiâ moñet dâep den are lonğaim nanyetñe Mose are ekbela huragumbo heambukbela yendo dewutâ âlâwu bo agep. <sup>24</sup>Akto Mose amâ nanañân Aigita luâk humogât baratñande Mose amâ nânğât nanne dâep. Dâ Moseñe humo akmâ are nânğâm âmâ bo dâep. <sup>25</sup>Bo dâm, “Anutugât kâmot Israe nengât bikñe umatñân manmai are olop manbaen.” dâep. Akto Aigita yengât agak meme bâleñe aregât ukenñe bo nânğâm ginbailupñe penâyengiep. <sup>26</sup>Akto Moseñe Kristogât akmâ ukenñe akto Israe gasalupyenande Mosegât keñe nânğâm hâkânje akmâ umatñe wañi. Hain akbiâ Moseñe hanâk dâm siân Anutuñe wan me wan wañbiapgât are amâ âlepñe dondâ, dâ Aigitagât sikum amâ yânñe dâminep. <sup>27</sup>Hain dâm Aigitagât humoyene yâkgât kugât bo hamep akmâ âmâ Aigita

hepulep. Akto Anutu bo egekŋe are nāngā aŋminep aregāt Aigita hān akto sikum are hepun yekmā ariep. <sup>28</sup> Anutuŋe ikiŋe aŋelo huŋgun aŋdo gem Aigita yengāt nanlupyene ulik gulik are yengumbo moyi aregāt nenguwop dām emetyene lamagāt gilām lapkoyi. Akto Moseŋe biwiŋe Anutugālānāk kalep akto Anutuŋe wan magep are bunŋe dām nāngām malep aregāt hain agep. <sup>29</sup> Akto sop ain Israe luāk Anutu bunŋe dām nāngāyi aregāt Aigita hepunmā haru Gilām are hutŋānba hātikom ālepŋe arimbīā āmā Aigita gātŋe arekŋe haināk hātikowerām haru hutŋān bam arimbīā haruŋe kawut yekto moyi.

### Yeriko ikiŋak hogoakmā agum awam agep.

<sup>30</sup> Akto hamiŋān Israe luāk āmbāle biwiyeŋe Anutugālān kali aregāt kepia kotŋe Yeriko haot kārīkŋe kātŋe ketuguyi are gam āndeānbiā hilām bāt biken lāuwā bo agep. Bo akto aināk biwiyeŋe kali aregāt bunŋe haot humo tāmā are ikiŋak patak agum awam agep. <sup>31</sup> Akto āmbāle dāp gulip malep kotŋe Rahaba arekŋe biwiŋe Anutugālān kalep aregāt Israe luāk lāuwā togoyiat are gasaŋe meyelekbāi dām mem heambuk yelegep. Rahaba hain agep aregāt Israe luāk kepia āgām Anutu hākāŋ aganmini are yengum āmā Rahaba bo koyi.

### Anutugāt luāk bikŋe yengāt den.

<sup>32</sup> Wei, galama hakulupnenŋe dondā biwiyeŋe Anutugālān kali areyengālān gātŋe bikŋe hin Gideon akto Barak akto Simson akto Yepita akto Dawidi akto Samue akto Anutugāt Propetelupŋe are amā gain gain keiyeŋe kulemgowian sop bo aktāp. <sup>33</sup> Luāk ya yengondān are amā hān siā siān āgām ambolupŋe yengum meteyi. Akto luāk āmbāle bāleŋe denān katyekbiā dosayeŋe miawak yengimbo aregāt hāuŋe yengiyi. Akto Anutuŋe makto bunŋe dām lāmgom kinbiā yengimbo mem mali. Akto Anutugāt gasalupŋande Anutugāt luāk siā bau metŋe kotŋe laion are hutyeŋān panbiā āmā Anutuŋe maknengiep are bunŋe dām kinbiā bo neyegi. <sup>34</sup> Akto Anutugāt gasalupŋande Anutugāt kāmot luāk kālāwān panyekbiā gembīā Anutuŋe maknengiep are bunŋe dāmbīā bo oyegep. Akto gasalupyeŋande oreyekberām agi ina ālepŋe yān ariyi. Akto luāk bikŋe yeukŋe akbiā Anutuŋe makto kārīkŋe agi. Akto Gasalupyeŋe togombīā Anutuŋe makto kārīkŋe akmā gasalupyeŋe yengum meteyi. <sup>35</sup> Akto Anutugāt kāmolan gātŋe āmbāle bikŋe are yengāt ginbailupyeŋe biken mombīā Anutuŋe makto momoŋānba agali. Akto Anutugāt kāmolan gātŋe bikŋe, “Siān Anutuŋe momoŋānba goaŋnenekto manman ālepŋe dondā miawak nengiwiap.” dām aregāt gasalupyeŋande togom Anutugāt pat hepunŋet dām hāk hilālām yengimbīā borām āmā kārīkŋe akmā manmā āgāyi. <sup>36</sup> Are yengālān gātŋe bikŋe gasalupyeŋande giriŋ yengim bugāŋe yenguyi. Akto tāk kārīkŋe kotŋe sein arekŋe hiko yekbiā kala busi

kâlegen tali. <sup>37</sup>Akto bikŋe âmâ gasalupyenŋande kât panmâ yenguyi. Bikŋe gasalupyenŋande segeŋe tepyeŋe hâreyekbiâ pânŋeŋe lâuwâ akto moyi. Me tâwâtŋe yengumbiâ moyi. Dâ bikŋande âmâ gasalupnenŋande menenekbâi dâm bau hâkŋe luguakmâ halângen heambukmâ bam gutmini. Akto bikŋande mop mali akto sot me sâŋgum me kotŋe siâ siâ hârok bâlâk mop mali. Akto umatŋe humo miawak yengiep. Akto luâk âmbâle yânŋande yekmâ bâleŋe akyengimini. <sup>38</sup>Akto Anutugât kâmolân gâtŋe ain mali arekŋe hângât luâk âmbâle ewangi yegi. Akto areâk bo. Bikŋande âmâ hân kamitŋângen manmâ gimbânân manmâ kât akto hân kâlegen mali.

<sup>39</sup>Luâk âmbâle arekŋe âmâ yân hain bo agi. Biwiyeŋe Anutugâlân kali aregât kârikŋân kinmâ hain agi. Anutuŋe biwi kat katyeŋe are ekto ârandânâk agep. Aregât bunŋe hâmbâi membai. Dâ mali sopŋân Anutuŋe makmâ kalep are bo egi. <sup>40</sup>Gârâmâ Anutuŋe yâk yengât okot nâŋgâm hin dâep, “Hâmbâi nâŋgât kâmot biwiyeŋe nannaelân katbiâ tato are olop luâk âmbâle umatŋân mali are olop manman âleŋân manbai.” dâep. Aregât hakulupnenŋe luâk âmbâle umatŋân mali arekŋe wan me wan aregât Anutuŋe makmâ kalep are hânân bo mem manmâ moyi. Amâ hâmbâi tat tatnenŋe miawakbiapgât dâm agi.

**Yesuŋe âi miep are nâŋgâm henggom hainâk akbaen.**

**12** <sup>1</sup>Galalupne, nengât hakulupnenŋe biwiyeŋe Anutugâlân kali aregât keŋe yu kulengoân. Yâk âmâ hâk hilâlâm nâŋgâm Anutugât âi memâk mali. Aregât nenâkai yâk yengât pat nâŋgâm hainâk aknerâm wan me wanŋe biwinenŋe mendo gemap are akto agak meme bâleŋe hikom andânenekmap a hârok hepunmâ Anutugât âi kârikŋeâk mem hâk hilâlâm nâŋgâm âmâ bo hâkân akbaen. <sup>2</sup>Hain akmâ Yesu yâkŋe nengât biwi kat katgât agat meme mem miawakmâ hekat nengim ikinâk mem metiep are ekmâ hainâk akbaen dâm nâŋgâm henggomowaen. Akto Yesuŋe hâmbâi, “Ewene olop himbimân tatetŋe biwine heronŋe akbiap.” dâm nâŋgâep aregât lâwinân kombiâ hâk hilâlâm nâŋgâm aregât hâkân bo agep. Akto giriŋ anj aregât bo hâkân agep. Are hârok lokom manmâ mondo Anutuŋe mem oloŋdo Anutugât tat tat bunŋângen tatmâ manmap.

<sup>3</sup>Galalupne, luâk bâleŋande Yesu hain aganigât pat nâŋgâm hain akmâ umatŋe siâ siâ aregât bo hâkân akbei. Akto hinŋe umatŋe miawak yengimbo aregât Yesugât pat nâŋgâm henggom âmâ benŋe biwiyeŋe bo bâlimbo manmâ âgâwei. <sup>4</sup>Ye bâleŋande kawutyekberâm akto âmâ kârikŋe akmâ hâkyeŋe membiâ kepilâ akto gilâmyeŋe gembo moyi ye hainare boâk miawakyeŋiep.

**Anutuŋe orem miwindiknenekmap.**

<sup>5</sup>Galalupne, Anutugât den bikŋe nanaŋlupne dâm makyengimap aregât nelâmyengiep mon?



“Nanne Humoŋe gugum miwindik gekberâmbô âmâ aregât hâkâŋ bo akben. Akto Anutuŋe hain bo akben dâm makgiŋmâ guguwiap âmâ hanâk âlepŋe dâmenâ biwige bo bâliwiâp. <sup>6</sup> Akto Humoŋe okot nânŋaŋmap yâkgât ikiŋe kâmolân dewatiwiapgât hain akmâ heŋgemgombo miwindik akmâ ikiŋaet nanŋe konbiap.”

Hain tatâp are oyaŋmâ umatŋe miawak yeŋgiwiawân hanâk dâm âi membriâ biwiyeŋe bo bâliwiâp.

<sup>7</sup> Akto nengât agak meme hin. Nanaŋlupnenŋe bâleŋe akbâirâm bugâŋe yeŋgum miwindik yekmaen. Dop hainâk Anutuŋe makto umatŋe miawak yeŋgimbo hin nânŋâwei, “Wei, ire âmâ âlepŋe, Anutuŋe nan baratlupne dâm nengonmap aregât nengum miwindik nenektâp.” hain nânŋâm heronŋe akbei. <sup>8</sup> Akto makmâ miwindik miwindik dop are luâk âmbâle hârok aknengimap aregât Anutuŋe bo yeŋgum miwindik yekmap âmâ benŋe nanaŋ kâit hainare akbai. <sup>9</sup> Akto areâk bo. Ewelupnenŋe hânân manmai arekŋe nengum miwindik nenekbiâ are âlepŋe bo dâm hâkâŋ agion aregât Ewenenŋe otnenenŋe damunŋe akmâ manmap arekŋe hain aknengimbo dowâk âlepŋerâm bo hâkâŋ akmâ âmâ mandenŋe tân nengumbo heronŋe akbaen. <sup>10</sup> Akto ewelupnenŋe âmâ ukenyenjaet akmâ yogan aknengiyi gârâmâ Anutuŋe âmâ nâ olop manmâ âgâwaigât âlepŋe akŋet dâm hain aknengimap. <sup>11</sup> Akto Anutuŋe nengum miwindik nenekmap aregât hâk hilâlâm nânŋâmaen gârâmâ Anutuŋe nengum miwindik nenekmap dâm nânŋânenŋe benŋe siân nengât agak memenenŋe âlepŋe miawakto biwinenŋe sândugewiap.

### Nen kârikŋe tiŋtiŋâk kinmâ tân aguwaen.

<sup>12</sup> Aregât bâtyeŋe keiyenŋe momoŋe are heŋgemgom kârikŋeâk tâlim kinmâ ariwai. <sup>13</sup> Akto dâp bâleŋe watbâigât keiyenŋe damunŋe akbei. Akto bam gutbai ain keiyenŋe bâlimbo amâ dondâ bâliwopgât akmâ damun akbei.

<sup>14</sup> Yeŋe luâk âmbâle hârok gala akyeŋgiwaigât akto agak memeyenŋe Anutuŋe ekto ârândân akmap aregât tân yeŋgum hâwât agaŋgiwei. Dâ agak meme âlepŋe ârândân a bâlâk manmaiŋe amâ Anutu bo ekbai. <sup>15</sup> Akto yeŋgâlân gâtŋe siâ Anutuŋe damunŋe akmap aregât kâmolân gâtŋe Anutuŋe okot akyeŋgimap are mesokmâ tâpâkowopgât ikiŋe tân aguwiâp. Akto kuk heŋgân miawak yeŋgimbo kalakŋe kândârâŋe pâtkombo potalakbiâ kuk heŋgân sambelewopgât yeŋe tân aguwei. <sup>16</sup> Akto yeŋgâlân gâtŋe siâŋe bâleŋe maleŋe akbopgât damun agaŋgiwei. Me Anutu bâlâk manbai amâ Esaugât dop hainâk akbâi. Yâkŋe âmâ ewenjaet bât samut bâiŋe aregât hâkâŋ agep. Hain akmâ sotgât nânŋâm emiŋe ulilaŋdo sot waŋdo ewenjande wan me wan niŋbiap are âmâ giŋbian dâm emiŋaet makmâ kalep. <sup>17</sup> Esaugât keiŋe nânŋâi. Yâk beirâ bât samut bâiŋe memberâmbô bo miawagep. Yâk han siâ akmâ ewum hâumgom indem umaliakmâ bo akto hepulep.

### Nen Sioŋ gimbâŋân mete kalion.

<sup>18</sup>Galama, ye âmâ gimbâŋe mambâŋe me kâlâpŋe omap ain bo togoyi. Me hândâk hamandat me tânâk kauŋmâ kindâp ain bo togoyi. <sup>19</sup>Yudagât hakulupyenŋe Aigita hânânba togom gimbâŋe siâ ain togom kili. Ain togom kinbiâ munŋe humo akto den siâ nânŋâwâen dâm ulit hanokoak agi. <sup>20</sup>Hain agi aregât Anutuŋe hin dâep, “Luâk me âmbâle me bau me yo me wan me wan gimbâŋe iren tâlimbo kât mem panmâ kombiâ moâk.” dâep. Den kârikŋe are nânŋâmbiâ umatŋe agep. <sup>21</sup>Hain akto hamepŋe olowâk miawakmâ gambo Moseŋe hin magep, “Nâ hamewakmâ sân sân mendân.” dâep. <sup>22</sup>Gârâmâ ye Anutuŋe hain bo akyenŋiep. Ye âmâ irakŋaet pat gimbâŋe kotŋe Sioŋ ain togoyi. Ain âmâ Yerusalem kepia Anutu manman kârikŋaet Amboŋe yâkgât kepia ain togoyi. Akto aŋelo dondâ himbimân manmâ heronŋe akmâ manmai ye hârok yâk yenŋâlân togoyi. <sup>23</sup>Akto ulikŋân manmâ gaep yâkgât kâmot âmâ kotyeŋe himbimân kilep yâk yenŋâlân togoyi. Are akto luâk âmbâle Anutuŋe mem kepilâyekto huraguyi yâk yenŋât otneyeŋe yâk yenŋâlân togoyi. Are akto Anutu hân himbim Amboŋande denân katnenekbiap yâkgâlân gai togoyi. <sup>24</sup>Akto areâk bo. Yeŋe Yesugât den pat âlepŋe kârikŋe agâkgât moep yâkgâlân togoyi. Dâ ulikŋân Abe teuŋande kondo mondo yâkgât gilâmŋande magep. Dâ Yesuŋe mondo yâkgât gilâmŋe âlepŋe arekŋe Abegât gilâmŋe ewanŋiep. <sup>25</sup>Aregât Anutuŋe makyenŋimbo bo hâkâŋ akbei. Akto Anutuŋe Mose maganŋo hânân mali are den makyenŋimbo are hâkâŋ akmâ hepuli aregât hâuŋe umatŋe miawak yenŋiep. Dâ Anutu himbimân gâtŋande nen maknengimbo hâkâŋ aktenŋe âmâ hâuŋe hamepŋe bâleŋe olowâk miawak nengiwiap.

### Anutuŋe nengât wan me wan kârikŋeâk nengiwiap aregât kotŋe mem hamep akbaen.

<sup>26</sup>Akto Anutuŋe Sinai gimbâŋân Mose maganŋep ain âmâ hân duwuŋ agep. Akto aregât kakŋân hin dâep, “Magân a hâmbâi hainâk bâin dâre hân akto himbim duwuŋ akmâ bo akbiandat.” dâep. <sup>27</sup>Anutuŋe hain magep aregât keiŋe hin. Yâkŋe, “Ulikŋân magân a hainâk bâin dâwian.” dâm makto hân himbim bo akbela benŋe wan me wan kârikŋeâk bo duwuŋ akbiap are miawakmâ tatmâ âgâwiap. <sup>28</sup>Are âmâ nengât Anutuŋe makmâ katnengiepgât magep. Galalupne, Anutuŋe nengât wan me wan kârikŋeâk nengiwiap aregât kotŋe mem hamep akbaen. <sup>29</sup>Akto kâlâpŋe siâ siâ hârok om metemap dop hainâk Anutunenŋande hârok gulip nenguwiap aregât Anutugât hamep akbaen.

### Sami den.

**13** <sup>1</sup>Galalupne, ye ulikŋân gala kalakmini are hainâk kalakmâ manmâ âgâwei. <sup>2</sup>Akto ulikŋân lombo togombiâ luâk siâŋe imâ

luâk yânŋe dâm tânyengum âmâ aŋelo tânyenguep aregât nângâm lombo yengâlân togombiâ âmâ hanâk dowâk tân yenguweï. <sup>3</sup> Akto bikŋe kala busi kêlegen manmai areyengât nelâm yengiwopgât nen yâk olop kala busi kêlegen taten dâm nângâm tân yenguweï. Akto yengâlân gâtŋe bikŋe gasalupyenande bâleŋe akyengimbiâ hâk hilâlâm nângâmai nen olop hâk hilâlâm nângâmaen dâm dowâk tân aguwei.

<sup>4</sup> Akto luâk âmbâle meakbaigât Anutuŋe magep aregât âlepŋe luâkŋe âmbâi meyekbiâ ârândân akbiâp. Akto âmbâleŋe luâk meyekbiâ ârândân akbiâp. Gârâmâ Anutuŋe luâk âmbâle hanâk hanâk mem hepun hepun akmai are den âiân katyekto dosayeŋe miawakto aregât hâuŋe umatŋe yengwiap aregât luâk âmâ âmbenlupyen areâk meyekmâ manbai.

<sup>5</sup> Akto Anutuŋe hin dâep,

“Nâ bo hepunyekbian akto bo hami yengire yân manbai. Bo dondâ.”  
dâep.

Aregât puligât nângâmbiâ humo bo akbiâp. Akto wan me wan tatyenggiâp are amâ ârândân dâm siâ me siâ bo egâliŋbei. <sup>6</sup> Akto Anutuŋe yu magep aregât Anutuŋe kep keŋu siâ hin magep are memberen,

“Humonande tân nugumap aregât luâk bâleŋande menekberâm pâpkomai are yengât bo hamep akbian.”

kep keŋu are kulemgoep nen hain dâm mendenŋe biwinenŋe bo hioŋakmap.

**Ulikŋân aknengim miti maknengiyi areâk mem Yesu watmâ manbaen.**

<sup>7</sup> Akto yengât humomolupyen Anutugât den makyengimini areyengât biwi kat kat akto agak memeyenŋe nângâm hain akbei. Akto manmanyenŋe nângâm heŋgemgoweï. <sup>8</sup> Akto Yesu Kristo are wan me wan ulikŋân akminep are hinŋe hainâk akmap akto hilâmŋe hilâmŋe hainâk akmâ manmâ âgâwiap. <sup>9</sup> Aregât luâk siânbaŋe yengâlân togom hin makyengiyi, “Sot are bo nemiâ âmâ Anutuŋe meyekbiap me sot ire nemiâ ârândân akbiâp.” dâmbiâ âmâ bo nângâyengyiwei. Aregât hin makyengire nângâŋet. Sot siâ me siâŋe biwinenŋe bo tângomap aregât den bâleŋe are hepunmâ Anutuŋe okot âlep nângâm damun nenŋe akmap are nângâmbiâ biwiyenŋe kârikŋe agâk. Togoyi are amâ sotŋe biwiyenŋe bo tânyenguep aregât denyenande nen oloŋ nenekbop dâm bo nângâyï. <sup>10</sup> Nengât sumbe âmâ bunŋe. Dâ mâron uligi ain âi mem maliŋe âmâ nengât sumbe kat katŋânba wan me wan siâ membaigât dâp bo tatyenggiâp. <sup>11</sup> Aregât keiŋe hin. Sumbe kat kat luâk soŋgo gilâmŋe katmai. Hain akbiâ âmâ soŋgo hâkŋe luâk me âmbâle dosayeŋe bo agâk dâm âmâ kepia hâkŋângen ombiâ bo akminep. <sup>12</sup> Dop hainâk luâk bikŋande Yesu mem kepia hâkŋângen lâwinân kombiâ moep. Akto Yesuŋe are âlepŋe dâm nunaet kâmot gilâmŋande heŋgem

yenguiwiap dâm kepia hâkñângen arimbo kombiâ hâk hilâlâm nângâm moep. <sup>13</sup>Aregât Yesu kepia hâkñângen kilep ain giriñajmâ sârek koyi nenâkai hainâgâk kepia hâkñângen kinmâ añun kakñân manbaengât bo hâkân akne. <sup>14</sup>Hain akmâ kinmâ kepiannenñe kârikñe in bo tatnengiâp dâm kepia âlepñe siân miawaknengiwiap aregât lâmgom manmâ hannenñande owâim manbaen.

<sup>15</sup>Akto Yesuñe tân nengumbo Anutugât sumbegât akmâ kotñe mem agatbaen. Hain akbaen âmâ benñe nen Yesu humonenñe nen yâkgâlân gâtñe dâmaen den are bunñe akto ârândân akbiap. <sup>16</sup>Luâk me âmbâle siâ âlepñe agañmâ wan me wan tân yengumap are potatmâ bikñe wañbai aregât ukenñe nângâwei. Hain akbai aregât agak meme are Anutuñe imâ sumbegât dopñe dâm ekmâ âlepñe dâwiap.

<sup>17</sup>Kâmotlupyene damunyeñe akmai yâk yengât lau lokom amukyengân manbei. Yâkñe âmâ âi mesokmâ membiâ yengât biwiyene bâlimbo âmâ aregât keñe Anutu enemñân makmâ miawakbai. Aregât yengât akmâ âigât ukenñe nângâwai. Dâ âigât hâkân akbai amâ bo tânyenguwai.

<sup>18</sup>Akto biwinnenñe owâiñe akmap aregât hokboâk hokboâk nenñe agak meme âlepñeâk mem manne dâmaen are akbaengât yeñe nengât ulilañbei. <sup>19</sup>Ulityeñande tân nugumbiâ Kembuñe mem purikatneкто yengâlân togowiangât kârikñân makmâ kârigeân.

### Anutu ulilañep.

<sup>20</sup>Akto galalupne, yengât Anutu ulilañdere Anutugât kuk bo akto damunnenñe akto biwinnenñe sândukñe akmap, yâkñe damun akto Humonenñe Yesu are den pat âlepñe kârikñe akmâ âgâwiapgât gilâmñe gembo moep are momoñânba mem agalep. Mem agatmâ, “Nângât kâmot damunyeñe akben.” dâm makmâ kalep. Aregât ye meme akyengim tânyengumbo lauñe lokom <sup>21</sup>wan me wan egâliañmap are mem manbiâ ârândân agâk. Akto wan me wan yeñe akñet dâm egâliañmap are Yesu Kristogât akmâ meme akyengimbo membai. Aregât kotge sopñe sopñe mem agatbaen. A bundâk.

### Den bâiñe.

<sup>22</sup>Galalupne, okotyene akmâ biwiyene kârikñe agâkgât kulem esenñe ire kulengoân imâ bo ekmâ hâkân akbei. Amâ kâlep bo. Ire oyañmâ nângâm hengemgoweï.

<sup>23</sup>Akto tembe lokoñe makto Timoteo kala busi kâlegenba sopanmâ âlepñe mandâp. Akto yâkñe togom penâniñbiap âmâ âlepñe netñe togom yekbaet. <sup>24</sup>Akto humomolupyene akto luâk âmbâle hârok lokom mañgan yekbei. Akto ire âmâ luâk âmbâle Italia hânânba togoyi arekñe yengât okotyene nângâmai are nângâñet dâm yu kulengoân. <sup>25</sup>Akto Anutuñe okotñe akyengim damunyeñe agâk dâm ulilañdân. A bundâk.

# Yakobo

---

## Yakoboŋe den keiŋe kulemgoep.

**1** <sup>1</sup>Nâ Yakobo, nâ Anutu akto Humonenŋe Yesu Kristo yâk yetgât âi luâk. Nâŋe Yuda luâk kâmot 12 kepiayeŋe tiŋ tiŋ hepunmâ arim hân aŋgân aŋgân manmai yeŋgât ire kulemgom katere yeŋgâlân togoâp.

## Umatŋande biwi kat katgât kârikŋe kenuŋguep.

<sup>2</sup>Galalupne yeŋgâlân umatŋe keiŋe keiŋe siâ siâ miawak yeŋgimâp aregât heroŋe maroŋe akbei. <sup>3</sup>Wan me wan umatŋe miawak yeŋgimâp arekŋe âmâ biwiyeŋe Yesugâlân kali aregât dop yeŋgumâp. Aregât âmâ yeŋe kârikŋeâk kinmâ umatŋe lokowaigât wan me wan miawakmap aregât umatŋe miawak yeŋgimâp sop ain heroŋe maroŋe akbei. <sup>4</sup>Hain dâm heroŋe maroŋe akmâ kârikŋeâk kinmâ umatŋe lokoweï. Umatŋe are bo hâkân akbai âmâ benŋe agak meme arekŋe âmâ yeŋgâlân han biwiyeŋe kârikŋe ketugumbo âlepŋe manmâ Anutugât agak meme siâgât umburuk bo dondâ akbai. Hain akbiâ yeŋgâlân ârândâŋâk yembiap.

## Nâŋgâ nâŋgâgât kulâgâtmâ Kembu ulilaŋbaen.

<sup>5</sup>Akto luâk âmbâle wan me wangât umburuk akbiâ Anutuŋe yeŋgiwerâm kuk bo akyeŋgim âmâ owâiŋeâk nengimâp aregât yeŋgât hutyeŋân gâtŋe luâk siâŋe nâŋgâ nâŋgâ âlepŋaet umburuk akmâ âmâ yâk hanâk niŋâkdâm Anutu ulilaŋdo dowâk waŋbiap. <sup>6</sup>Akto luâk are Anutu ulilaŋberâm âmâ yâkgâlân biwiŋe kârikŋe katmâ hanŋande nâŋganmâ ulilaŋbiap aregât den ginŋe makyengire nâŋgâŋet. Seruŋe haru waito gulip agatmâ gem panmap. <sup>7</sup>Dop hainâk luâk siâŋe Anutugâlân biwiŋe bo katmâ heŋgemgom nâŋgâ nâŋgâŋe gulip akto kinmâ aregât Anutu ulilaŋmâ ire niŋberâp me bo dâm han lâuwâ akmâ ulilaŋdo Anutuŋe bo waŋbiap. Amâ hingât. <sup>8</sup>Luâk siâ hainare âmâ nâŋgâ nâŋgâŋe lâuwâ akto han lâuwâ manmap.

## Puli sikumŋe amâ bunŋe bo akmap.

<sup>9</sup>Galalupne, yeŋgâlân gâtŋe siâ umburuk manmâ âmâ Anutuŋe mem agatbiap aregât heroŋe akbiâp. <sup>10</sup>Dâ yeŋgâlân gâtŋe siâ kotŋe siâ siâ

dondâ talaŋmap are âmâ hin nâŋgâwiâp. Lâwin buluŋande gagai akmâ dowâk bererek âgâm gemap nâ dop hainâk akbian dâm ikiye puli me wan me wan are nâŋgâambo gembo ârândâŋ akmap. <sup>11</sup>Dewutâ kârikŋe pando emet kâlâp akto lâwin buluŋe pekmâ gem kulemŋe âlepŋe are bo akmap dop hainâk luâk siâ kotŋe siâ siâ dondâ talaŋmap arekŋe âi aregâlân nâŋgâambo humo akto âmâ ainâk Anutuŋe aganŋdo bo akbiap hain nâŋgâwiâp.

### Umatŋande dop nengumap.

<sup>12</sup>Galalupne, Anutuŋe okot âlep niŋmai are âlepŋeâk manmâ âgâwaigât yeŋgiwian dâm magep aregât dop keiŋe keiŋe togombo niŋande kârikŋe kinmâ umatŋe are hârok lokomap âmâ heronŋe akmap. Hârok lokom siân umatŋe ire bo aktoân nâŋe hanâk lokowerâm aktere âmâ Anutuŋe âlepŋeâk manmâ âgâwiapgât waŋbian dâm magep are bunŋe niŋbiap dâm heronŋe akbiap. <sup>13</sup>Akto wan me wan bâleŋande luâk siâgât biwiŋe dop kombo âmâ yâk hin bo dâwiâp, “Anutuŋe dosa kakŋân âgâk dâm heniŋdâp.” hain bo dâwiâp. Bo kârikŋe. Dosagât agak meme arekŋe Anutugât kârikŋe bo oloŋmâ ge katbiap. Akto Anutuŋe dosagât luâk heyenŋiwiapgât dop bo tatâp. <sup>14</sup>Luâk konok konok hârok ikinenŋaet ikinenŋaet biwinenŋande oloŋnenekmap. Akto yâkŋe egâliang bâleŋe arekŋe hianŋim biwiŋe mem agato dosa akmap. <sup>15</sup>Akto biwi agat agatgât agak meme bâleŋe arekŋe dosa keiŋe keiŋe miawaganŋmap. Akto dosa arekŋe sambelem humo akto momai.

<sup>16</sup>Galalupne, den nâŋgâm âmâ bo gulip akbei. <sup>17</sup>Apo pagaleŋe Amboŋe han lâuwâ bo akmap akto purik gurik bo akmap yâkŋe âlepŋe akmâ kotŋe siâ siâ egonba nengiwerâm okot âlepgât tân nengumap. <sup>18</sup>Akto ikiye nâŋgâ nâŋgâ watmâ kinmâ, “Siân nâŋgât kâmot humo akbai.” dâm nenŋe soŋ wan me wan liuleyegep are ewangiyekbaengât den pat âlepŋande oloŋ nenekmâ miap pan nenekto yâkgât kâmot agion.

### Dowâk ondopnenŋande nâŋgâwaen. Dâ launenŋande dowâk bo makbaen.

<sup>19-20</sup>O galalupne, luâk siâŋe kuk heŋgân akmap kuk arekŋe agak meme Anutuŋe egâliangdo ârândâŋ akmap are bo mem miawakmap. Aregât ye den nâŋgâwerâm âmâ dowâk owâiwei. Hain akmâ den dowâk bo makberâm âmâ nâŋgâmâk manbei. Akto kuk heŋgân akmâ âmâ sop kâlep bo mem manbei. <sup>21</sup>Hain akmâ âmâ yeŋaet nâŋgâmbiâ gembo Anutu den pat âlepŋande luâk heŋgemgoyekmap aregât nâŋgâm agak meme bâleŋe turuŋnenekmap are akto han bâleŋe are hepunbei. <sup>22</sup>Gârâmâ ye Anutugât den pat are yânâk bo nâŋgâwei. Dâ nâŋgâ nâŋgâyeŋe bâliwopgât den are nâŋgâm lokombiâ agak meme âlepŋe miawak yeŋgiwiap. <sup>23-24</sup>Aregât den ginŋe lâuwâŋe makbe. Luâk siâŋe

dunġuân enem dewunġe egakmâ benġe hâkñanġen sopanmâ gem arim ikinġe enem dewunġe gain gain hinare egakmâ ariâp areġât dowâk nelâm aġmap dop hainâk yeġġâlân ġâtġe siânġe den pat âlepġe nânġâm areġât ikinġaet agak meme ekmâ heġġemgom âmâ den pat are bo lokombiâ âmâ agak meme are nelâm yeġġiwiap. <sup>25</sup>Gârâmâ yeġġâlân ġâtġe bikġe Anutuġât den pat âlepġe are nânġâwei, “Den irekġe biwinenġe tângombo kambiamnenġe âlepġe akmap.” dâmbiâ areġât bo nelâm yeġġimbo lokom manmâ âġâwai yâk âmâ Anutuġe damunġe akmâ tânyenġumbo heronġe akmâ âġâwai.

<sup>26</sup>Akto yeġġâlân ġâtġe siânġe, “Nâmâ hokboâk hokboâk Anutuġât kotġe mem agatman.” dâmap âmâ den hanâk hanâk dâm makmâ âmâ ikinġe han biwiġe hianġanmap. Hain akmâ Anutuġât den pat lokoman dâm yân hianġimap. <sup>27</sup>Dâ yeġe âmâ Anutuġât kotġe mem agatbiâ Ewenenġande yekmâ dosa bo tatyenġiâp dâwiapġât hin akbei. Nanaġ mându manmai are tânyenġuwerâm yânâk yâk yeġġât umatġe are lokowei. Akto âmbâle kambut umburuk yekmâ hanâk tânyenġum yâk yeġġât umatġe are lokowei. Akto bâleġe akmâ hânġât pat akbâiġât biwiyeġe damunġe akbei.

#### Umburuk akto siâ siârâ are han kalem akyenġiwaen.

**2** <sup>1</sup>O galalupne, ye Humonenġe Yesu Kristo himbim damunġe akmâ Eweġaet agak meme hekat nengimap areġâlân biwiyeġe kali areġât akmâ luâk siâ me siâ yeġġâlân togombo hanâk maġan akbei. <sup>2-3</sup>Areġât siâkâ makbe. Luâk siâ sikumdâ me himbân mâron âlepġe me donet âlep âlepġe are mendugumaiân ain âġâmbo âmâ ye luâk kotdâ dâm maġanmâ, “Nâ olop tate.” dâmenâ hamiġân luâk umburuk mâronġe hambuġe are hainâk den emetġân âġâmbo hamianġmâ, “ġâ yânġanġen tat.” dâm âmâ biwigânâk ġalaġe ġalaġe mem potat yelekmenâ bo ârândânġ akmap. <sup>4</sup>Ye hain akmâ nânġâ nânġâyġe bâleġe watmâ luâk nânġâ aġbiâ humo agep amâ bo ârândânġ akmap. <sup>5</sup>Galalupne, areġât keiġe makyenġire nânġânġet. Anutuġe luâk nan baratlupġe yâk yeġġât dâm hin magep, “Okot nânġâ niġmai are manman âlepġân katyekbian.” dâm magep, areġât luâk âmbâle umburuk manmai are tânyenġumbo yâġġâlân biwiyeġe kat katġât âlepġe miawakto manman âlepġeâk manbai. <sup>6</sup>Gârâmâ ye âmâ umburuk manmai yâk dewun ġingin yekmai. Akto niġemaġe kâlâp mânġiyekmâ kiapġâlân katyekmai? Amâ sikumdânġe akmai. <sup>7</sup>Hain akmai âmâ menenekmap yâġġât kot humo nânġâenġe humo akmap kot are makmâ pilâkomai.

<sup>8</sup>Akto den umatġe kautġe Anutuġe makto Moseġe kulemgoep are keiġe hin. Yeġaet agaġġimai hainâk luâk âmbâle aġġâ are hainâk akyenġiwei. Hain akbiâ arekġe ârândânġ akbiap. <sup>9</sup>Dâ den are bo watmâ siâ âġâ âġânġerâm luâk siâ geġeġe dâmbiâ âmâ den kârikġe



Moseŋe kulemgoep arekŋe dosa luâk dâm yeŋgonmap. <sup>10</sup> Aregât lâuwâŋe makbe. Luâk âmbâle den umatŋe lokowerâm akmâ bikŋe lokom konok bo lokombiâ âmâ den kârikŋe arekŋe, “Ye luâk âmbâle den kârikŋe hamiaŋmai are hainâk akmâ den kârikŋe are loŋgaimai.” dâm makyenŋimap. <sup>11</sup> Amâ aregât Anutuŋe hin dâep, “Luâkŋe âmbâle hepunmâ siâ bo membei.” dâep yâkŋe hainâk hin dâep, “Luâk siâ bo kombiâ mombiap.” dâep. Aregât gâŋe âmbenge bo hepunmâ manbiat gârâmâ luâk siâ konmenâ moep arekŋe amâ den koko luâk akbiat. <sup>12</sup> Akto Anutuŋe magep are Yesuŋe lokombo aregât Anutuŋe dosa luâk bo dâm yeŋgonmap den arekŋe den âiân katyekbiap gât nâŋgâm heŋgemgowaenân âmâ den makmâ wan me wan akberâm akbiâ ârândâŋ akbiâp. <sup>13</sup> Aregât keiŋe hin. Luâk siâŋe luâk âmbâle yeŋgât okotyŋe bo nâŋgâm âmâ hanâk hanâk akyenŋimbo âmâ Anutuŋe hainâk agaŋbiap. Gârâmâ Anutuŋe han kalem aknengimap arekŋe den âiân katnenegâkgât pat are ewanŋimap.

**Biwi kat kat akto âi membaen are dopyetŋe konogâk.**

<sup>14</sup> Galalupne, luâk siâŋe hin makbiap, “Nâ Yesugâlân nâŋgâ nâŋgâne katman.” dâwiap. Dâ yâk agak meme âlepŋe dondâ are bo akmap aregât yâkŋe, “Humogâlân nâŋgâ nâŋgâne katman.” dâmap are âmâ yânŋe akmap. Akto nâŋgâ nâŋgâne hain katmâ agak meme âlepŋe bo mem manmap yâkgât agak meme are dop âlepŋân katmâ heŋgemgowiap me bo? Bo kârikŋe. <sup>15</sup> Aregât siâkâ makyenŋire nâŋgâŋet. Luâk me âmbâle Yesugâlân biwiŋe kalep yâkgâlân gâtŋe siâ mâron bo lalakmâ sot bâlâk mando <sup>16</sup> amâ yeŋgâlân gâtŋe siâŋe ekmâ hin magaŋbiap, “Gâ mâron luguakmâ sot nem tepge pikto aregât âlepŋeak tatmâ arimenâ kambiamge sândugeâk.” dâm âmâ benŋe mâron me sot bo waŋbiap âmâ denŋe arekŋe bo tângowiap. Akto ye hain akbiâ âmâ bo ârândâŋ akbiap. <sup>17</sup> Dop hainâk Humogâlân nâŋgâ nâŋgâyene akai dop hainâk yendâp yekâ yân tatmâ agak meme âlepŋe siâ bo mem miawakbai âmâ momo bâlâpŋe agakŋe dâmaen.

**Anutuŋe Abraham akto Rahaba yelektio ârândâŋ agepgât keiŋe.**

<sup>18</sup> Akto luâk siâŋe are nâŋgâm hin makniŋbiap, “Gâmâ biwi kat katgât nâŋgâmenâ humo akmap dâ nâmâ agak meme âlepŋe nâŋgâre humo akmap.” dâambo nâŋe hin magaŋbian, “Nâŋgâ nâŋgâ kat katgât akto agak meme âlepŋe are lâuwâ lâuwâ hekatniŋmenâ benŋe nâkâ nâŋgâ nâŋgâ kat katgât akto agak meme âlepŋe akman aregât lâuwâ lâuwâ hekatniŋbian.” dâm magaŋbian. <sup>19</sup> Aregât lâuwâŋe makbe. Gâŋe, “Nâ hin nâŋgâman, Anutu amâ Humonenŋe konok.” dâmat are âlepŋe gârâmâ sinduk baniara bâleŋe hain dâmai Anutu humo konok manmap dâm yâkgât hamewakmai aregât gâŋgât nâŋgâ nâŋgâge yânŋe aktâp.

20 Gâ sinduk akmat. Biwi katman dâmat amâ bunje bo aregât keiŋe hin makŋiŋbe. 21 Abrahamŋe Isaka are alata kakŋân katmâ Anutugât sumbe omberâm agep aregât sop ain Anutuŋe agak meme âlepŋe ekmâ aregât luâk âlepŋe dâm kolep. 22 Aregât keiŋe hin. Agak meme âlepŋe arekŋe biwi kat katgât keiŋe mem miawagep akto Abraham humogâlân biwiŋe katmâ mando Anutuŋe memenje aganjo agak meme âlepŋeâk mendo biwi kat katgât kârikŋe humo waŋep. 23 Anutugât kulem bikŋe hin dâp, “Abrahamŋe biwiŋe humogâlân kato ain Humoŋe, “Dosage bo aktâp.” dâm kolep.” aregât âmâ hin dâmaen, Abraham âmâ Anutugât galaŋe. 24 Aregât keiŋe nâŋgâm heŋgemgomai me? Biwi kat kat yânŋe aregât âmâ Anutuŋe dosayeŋe bo aktâp dâm bo nengonmap. Bo. Dâ âi âlepŋe membaen aregât akmâ Anutuŋe nâŋgâ nengimbo dosanenŋe bo aknengiwiap. 25 Akto hainâk ulikŋân Yosuaŋe luâk lâuwâ hungun yetkimbo kepia kârikŋe are ekberâm yoŋâk ariyiat. Hain arimbela kepia aregât âmbâle dâp gulip malep kotŋe Rahaba yâkŋe damunyetŋe akmâ heambukyeleŋep. Akto gasalupyetŋande luâk lâuwâ are gembela yelekâmâ âmâ mem yetkuwâi dâm dâp siâ yoŋâgângenba hekat yetkimbo ariyiat. Rahaba hain agep aregât Anutuŋe ekmâ hin maganep, “Gâ dosage bo tatŋiŋdâp.” dâm kolep. 26 Aregât amâ nen hin nâŋgâmaen. Hâknennje iregât kâlegen otnenenŋe bo tatâp dâine emelâk mom bo akbâen. Akto dop hainâk luâk siâŋe yân biwi kat kat akmâ âmâ agak meme âlep bo miawakmap amâ luâk aregât biwi kat katŋe amâ emelâk moep.

### Nen elewetnenŋe damunŋe akbaen.

**3** 1 Galalupne, hâmbâi Anutuŋe Yesugât kâmot are yengâlân âmâ âi titnan mem potat yekbiap. Dâ Yesugât kâmot are yengât makmakyenŋe nen are nengâlân âi kârikŋe mem potat nenekbiap. Aregât yengât hutyenânba luâk dondâŋe bo makyenŋiwai. Amâ konok konok arekŋe agatmâ bikŋeâk makyenŋiwai. 2 Aregât keiŋe hin. Hokboâk hokboâk nen hârokŋe wan me wangât gisik bâsok akmaen akto luâk âmbâle denŋande dosa bo akmap amâ luâk âlepŋe dondâ haingât yâk hâkŋe hârok âkâ âlepŋe damunŋe akbiap. 3 Akto nenŋe nengât nâŋgâ nâŋgâ watŋet dâm âmâ tâk kârikŋande bau luâk soko yengât lauyenân hikom mem tatenŋe dâp siâ siâ watmap aregât dop hainâk launenŋe are âmâ hâknennje humo agak meme wan me wan damunŋe akto siâ me siâ watmaen. 4 Akto nen waŋgagât âkâ hainâk nâŋgâne. Waŋga amâ humo dondâ. Dâ âmâ seru kârikŋe panmâ waitmâ pando haru tânâmŋânŋen suguguk dâm arimap. Akto waŋga aregât bât meme are âmâ bâlensiâ dondâ gârâmâ waŋga amboŋande yâgâten me yâgâten ariwerâm âmâ bâtŋe are mem puririk dâmbo âmâ waŋga aregen arimap aregât 5 dop hainâk launenŋe bâlensiâ arekŋe âi humo âlepŋe me bâleŋe hanâk akmap. Akto kâlâp ululunŋe bâleŋ siâŋe hewukŋe kâlegen gem humo akmâ agatmâ siâ siâ hârok om metemap. 6 Akto elewetnenŋe âmâ kâlâp ululunŋe hainare

arekŋe âmâ hâknenŋe akto kei bâtnenŋe bikŋe ewangiyekmâ hâknenŋe hârok bâleŋe aknengimap. Hain aknengim manmannenŋaet tân ondo om bo akmap. Akto ikiŋe âmâ hememgât kâlâpŋe utunaŋdo omap. <sup>7</sup>Akto aregât siâkâ makbe. Luâk nenŋe lâut me niambi sâmbâ me kotŋe siâ siâ haru kâlegen yemap me soŋgo kâit me yânŋe soŋgo keiŋe keiŋe metŋe are mem yeukŋe ketuguenŋe ukenyeŋe hepunmâ âi nenŋe mem âlepŋeak manmai. <sup>8</sup>Dâ nenŋe launenŋe âmâ damunŋe bo akmaen. Bo dondâ. Launenŋande hokboâk hokboâk purik gurik akmâ agatmâ den bâleŋe makmâ hâme hewukgât launŋe tunŋe bâleŋe hainare akmap. <sup>9</sup>Akto dennenŋande âmâ Humonenŋe akto Ewenenŋe yâkgât kotŋe mem agatbaen akto Anutuŋe luâk nen ketugu nenegep ire âmâ ikiŋe hain are manbaengât ketugu nenegep ina launenŋande âmâ den bâleŋe makmâ luâk bikŋe mem bâliyekmaen are bo ârândân akmap. <sup>10</sup>Hain akto Anutugât kotŋe mem agatmaen akto galalupnenŋe yengât den hogo hogo akmâ mem ge katyekmaen aregât galalupne nâŋgare bo ârândân akmap. Borondâ. <sup>11</sup>Galalupne aregât aiyenŋuwe. Tu dewunŋe konogân ainba tu limbâpŋe akto tu kalakŋe mendugu akmâ gem mandat mon? <sup>12</sup>Akto lowolân puka miawakbiap mon? Me hamân lowot miawakbiap mon? Bo. Aregât harunŋe amâ tu ukenŋe bo mem miap panmap.

#### Nâŋgâ nâŋgâ bunŋe Kembangâlânba gemap.

<sup>13</sup>Akto yengât hutyeŋân gâtŋe, “Nâ nâŋgâ nâŋgâ luâk akman.” dâmap amâ benŋe agak meme âlepŋe mendo ekbiâ huraguâk. Akto ikiŋaet nâŋgâmbô gewiap. Hain akto âmâ nâŋgâ nâŋgâ bunŋe miawaganŋap. <sup>14</sup>Dâ ye luâk siâgât nâŋgâmbiâ bâlimbo âmâ bâleŋe akyenŋimai aregât den âlepŋe hamianŋmâ kotyeŋe mem agatbiâ bâlimap. <sup>15</sup>Ye hain akbiâ âmâ nâŋgâ nâŋgâ hainare âmâ Anutuŋe bo hekat yengŋimap akto âmâ hânânba ire miawak yengŋimap akto hâkyenŋânba ukenŋe miawakmap. Akto sinduk baniara bâleŋande hekat yengŋimbiâ hain akmai. <sup>16</sup>Aregât keiŋe amâ hin. Luâk bikŋande luâk siânba yengât nâŋgâm bâliyengim agak meme keiŋe keiŋe akmâ yeŋe kotyeŋe mem agatmai amâ agak meme âlepŋe bo akmai akto kâmotyeŋe gulip akbiâ bâleŋe dondâ miawak yengŋimap. <sup>17</sup>Dâ Anutuŋe luâk bikŋe nâŋgâ nâŋgâ âlepŋe totokom yengŋimbo âmâ luâk are agak meme âlepŋeak dowâk akmâ luâk bikŋe olop han biwi konok akmâ luâk bikŋe yengât lau lokom okot nâŋgâ yengŋim agak meme âlepŋe akyenŋimai. Akto areâk bo. Luâk arekŋe hain akmâ manmâ wan me wan akmâ biwiyeŋân nâŋgâmbiâ ârândân akto bo hianŋimai. <sup>18</sup>Akto lumbegât âiŋe memai yâkŋe lumbegât alekŋe mem kâmet gomet akbiâ aregât bunŋe ârândân manman miawakyeŋŋimap.

#### Hângât egâlianŋ arekŋe amâ Anutu gasa agaŋmap.

**4** <sup>10</sup>Galalupne, yengât pat nâŋgare bo ârândân agep. Keiŋe wanŋe âmâ yengât hutyeŋân gem kuk heŋgân mem miawakmap? Nâŋgâm

bâli bâligât agak meme are amâ yengât biwiyenân yendâp arekne âmâ yengât hâkyeŋe hutjân gem kuk akmap. <sup>2</sup>Yeŋe wan me wangât egâlianġ humo akmai amâ bo memai hainġât yeŋe luâk yeŋguenġe moŋet gâlâk nânġâmai. Akto wan me wan ekmâ egâlianġ akbiâ areġât yeŋe kuk bâleŋe akmâ yeŋgumai. Akto wangât wan me wan membaigât dâp bo tatyengimap? Hingât. Yeŋe wan me wan menegât Anutu bo ulilaŋmai. <sup>3</sup>Dâ bikŋe, “Nen ulilaŋdenġe bo miawak nengimap.” dâmai. Amâ wangât Anutuŋe bo yeŋgimap? Hingât. Hânġât akto hâkġât ukenġe nânġâm ulilaŋmai. <sup>4</sup>Yei, ye dâp gulip manmai hainare. Hânân wan me wan egâlianġmai arekne Anutu hamiaŋmai. Are bo nânġâmai mon? Areġât luâk siâŋe hânân siâ me siâ hanâk gala agaŋbiapġe âmâ Anutu gasa agaŋbiap. <sup>5</sup>Akto Anutugât den makmap areġât keiŋe siâ amâ hin, “Anutuŋe Heakŋe han biwinenġân kalep arekne nen yâkġât pat mannegât kârikŋe humo akmap.” <sup>6</sup>Akto Anutugât han kalem arekne dondâ miawaknengîâkġât Anutugât denġande hin magep,

“Luâk âġâ âġâŋe akmai amâ Anutuŋe hâkoko yekmap. Dâ luâk bikŋe yeŋaet nânġâmbiâ gemap are âmâ Anutuŋe okot nânġâyengimap.”

<sup>7</sup>Areġât yeŋaet nânġâmbiâ gembo Anutu hoŋ bawa agaŋbei. Hain akmâ âmâ hanâk Hianġi Amboŋe are hâkokombiâ ainâk hepun yekmâ gem ariwiap. <sup>8</sup>Ye hain akmâ Anutugâlâk nânġâm âġâmbiâ yâkâ hainâk yeŋġât nânġâm okot nânġâyengiwîâp. Dâ dosa luâkŋe bâtyeŋe pulimbiâ salek salek akmap dop hainâk agak meme bâleŋe hepunmâ Anutu hoŋ bawa agaŋbei. Akto ye han biwiyenânba nânġâ nânġâ lâuwâ bâleŋe are makmâ miawakmâ panbiâ gem ariâk. <sup>9</sup>Bâleŋe yeŋe are biwiyenġe umatŋe akto giringât agak meme are hepunmâ indewei. <sup>10</sup>Hain akmâ Anutugât dewunġân yeŋaet nânġâmbiâ gembo Humoŋe mem agat yekbiâp.

#### **Kembu ewangim gala hâkyeŋe bo tunbaen.**

<sup>11</sup>Galalupne, ye galalupyenġe den bâleŋe bo makyenġiwei. Are lâuwânġe makbe. Luâk siâŋe galaŋe peim den aŋġâ hogom togo hâkġân katâp areġât Anutu den kârikŋe areġât dâm kalep ina peiâp akto den aŋġâ hogom togo hâkġân katâp. Akto den kârikŋe kat katŋe areġât hâkġân den aŋġâ hogom togo hâkġân katâi are âmâ ye den kârikŋe are bo watmai. Hain akmâ humomo yeŋġât gewâk mem tatmâ den mem potatmai hain are akmai. <sup>12</sup>Dâ Humoŋe den kârikŋe kalep akto nen hâk tunnengim denân katnenekbiap, are konok tatmap yâkŋe âmâ dâp âlepġân katnenekmâ benġe luâk bikŋe mem bâliyekbiap. Areġât ġâŋe âmâ wangât galage den hâuŋân katbiat? Amâ bo ârândânġ aktâp.

#### **Anutugât dewunġân agat agatŋe bo akbaen.**

<sup>13</sup>Akto ye hutyenânba bikŋande hin makmai, “Uŋak me agatmâ kepia humo ain arim puligât âi mem mandenġe hombaŋ konok bo akto puli

dondâ membaen.” hain dâmai aregât nâje ye hin makyengire nângânet. <sup>14</sup>Yei, ye hole siâ me siâ hin me hain miawakbiap are bo nângâmai. Dâ manmanyenje âmâ gain gain? Amâ dâwokne agatmâ sop getek bo akto bokmap, dop hainâk manmanyenje âmâ getek tatmâ bo akbiap. <sup>15</sup>Amâ hin makbiâ ârândân agâk, “Anutuje ikiije ukenjaet akmâ âlepne dâmbô âmâ nen âlepneâk manmâ âi ire membaen.” dâwei. <sup>16</sup>Gârâmâ ye hain bo akmai. Yeje âmâ kotyenje mem agatmai. Hain akmai amâ bâleje akmai. <sup>17</sup>Aregât luâk siâje agak meme âlepne are nângâm hengemgom âmâ hanâk dâm bo akmap are dosa memap.

### Luâk puli sikumgât egâlianmai yengât den.

**5** <sup>1</sup>Bâin. Sikum luâk âmbâle ye umatje akto hâk hilâlâm miawakyengiwiap aregât keije makyengire indem tâgâiakmâ manbei. <sup>2</sup>Sikum unsambe yeje are torokmâ metiep. Akto hâk pekeyeje dukije nem hârembo togep. <sup>3</sup>Akto tâwât dewunje puliyenje are âmâ motmot akmâ yânje akbiap. Gârâmâ motmot arekne yejaet keiyenje mem miap panmâ hâkyenje are kâlâp pat kom om nem kirij panyekbiap. Amâ yeje âmâ sop humo ewumâk aktoân sikum siâ me siâ mem emetyenân katbiâ humo aktâp aregât. <sup>4</sup>Akto luâk sikumdâ yeje hoj bawayenje yengât âi membiâ are heyengim bo oyanmâ getegâk puli yengiyi. Yengât umatje Anutuje hânân siâ siâ akto himbimân siâ siâ mandâi are damunyenje arekne nângâmbo bo ârândân akmap. <sup>5</sup>Akto nen songonenje kom ombaen dâm sot yengimaen dop hainâk luâk sikumdâ sot unsambe mem manmai benje siân Anutuje kâlâwân katyekbiap. <sup>6</sup>Akto yeje luâk agak meme âlepne memai are hiangim mem ge katbiâ ainâk luâk âlepne are yân kinmâ hâuje bo yengim bikje umatjân manmai dâm bikje umatjân manmâ moyi.

### Yesu Humonenje purikatbiapgât lâmgom manbaen.

<sup>7</sup>Galalupne, ye biwiyenje Yesugâlân kali yengât hin makyengire nângânet. Wan me wan umatje miawak yengimbo ainâk hanâk dâm Yesu Humonenje lâuwânje togowiap aregât umatje yân lokone dâm lokom kinmâ âgâwei. Aregât den ginje makbe. Âi kalam amboje yâkne âmâ hânânba sot âlepne miawakbiap aregâlâk nângâmbiâ kambiamyenje owâinje akto siân tânâk gemboân sot âlepne miawakbiap dâm manmâ âgâmap. <sup>8</sup>Ye dop hainâk sop tâlâguâp aingât Yesu Humonenje lâuwânje togowiap aregât biwinenje bâliwop dâm hokboâk hokboâk biwiyenje damunje akbei.

### Galalupnenje hâkyenje bo tunbaen.

<sup>9</sup>Galalupne Anutuje hâknenje tunbop dâm galalupyenje hâkyenje bo tunbei. Akto Anutu luâk âmbâle hâkyenje tunbiap yâkne gewerâm akto

aregât galalupnenje bâleŋe akmai dâm bo makbei. <sup>10</sup>Akto ulikŋân Anutuŋe makto propetelupŋe kulemgoyi areyengât den pat nâŋgâm heŋgemgowe. Anutugât propetelupŋe luâk are luâk bikŋande moŋet dâm yengumbiâ hanâk dâm Anutugât den makmâ manmâ hâuŋe bo mem yânâk manmâ âgâyi, aregât ye hain akbei. <sup>11</sup>Nen âmâ hin dâmaen. Luâk siâŋe umatŋe hanâk lokom yânâk lokom manmâ âgâmap are âmâ heronje maronje akmap dâmaen. Aregât ye hain akbei. Amâ umatŋe lokom yânâk kinbei. Akto ulikŋân Anutugât luâk kotŋe Hiobe yâk hâk hilâlâm kakŋân manmâ kârikŋe akmâ malep are nâŋgâmai. Akto hamiŋân Kembuŋe wan aganjo âlepŋe agep are gai nâŋgâmai. Amâ Kembu lumbe akto han kalem akmâ manmap.

**Kembugât dewunŋân makmâ âmâ hanâk hanâk bo makbaen.**

<sup>12</sup>Galalupne, den umatŋe siâkâ makyenŋiwe. Ye hin akbei. Den makmâ katberâi are siân bo lokombiâ Anutuŋe den âiân katyekto bâliwâigât bo makmâ katbai. Hain akmâ himbimângât me hângât siâ siâ are bo konmâ makbe. Hain biwiyenŋân den kinbiap areâk makbiâ ârândân akbiap.

**Kundat akmâ ulit âlepŋeâk makmâ tatbaen.**

<sup>13</sup>Galalupne, yengâlân gâtŋe bikŋe hâk hilâlâm nâŋgâm âmâ ainâk aregât Anutu ulilaŋbei. Akto yengâlân gâtŋe bikŋe heronje akmâ ainâk Anutugât kep kom kotŋe mem agatbei. <sup>14</sup>Akto yengâlân gâtŋe siâ kundat kondo yem âmâ ainâk Yesugât kâmot are yengât humomolupyeŋe yengondo nâŋgâm yâkgâlân togom gamândianŋmâ tatmâ Yesu kotŋe konmâ lâwin keluŋe howaim âmâ Anutu ulilaŋbai. <sup>15</sup>Hain ulilaŋbiâ biwiyenŋe Anutugâlânâk kârikŋeâk kindo âmâ Humonje tângombo kundat are âlepŋe akto wan me wan bâleŋe miep are Anutuŋe dosa are puliaŋbiap. <sup>16</sup>Aregât bâleŋeyeŋe maganŋi goanŋi akmâ miawakmâ galagât Anutu ulilaŋbei. Akto galalupyeŋe yâkŋe hainâk akmâ Anutu ulilaŋbei. Ye hain akbiâ umatŋeyeŋe bo akbiap. Akto Anutu ulilaŋmaen aregât siâkâ makbe. Luâk âmbâle bikŋe dosayeŋe bo akyenŋiep arekŋe Anutu ulilaŋbiâ ainâk siâ siâ âlepŋe miawakbiap. <sup>17</sup>Akto ye Anutugât propete siâ kotŋe Elia yâkgât keŋe emelâk nâŋgâi. Yâk âmâ ulikŋân nen yeukŋe akmaen hainâk akminep gârâmâ kârikŋeâk tânâk bo togowiap dâm Anutu ulilaŋdo bo togom kindo hombaŋ âlâwu akto dewutâ nâmbulân konok kindo sot hârok bo agep. <sup>18</sup>Sop ain bo akto Eliaŋe Anutu ulilaŋdo tânâk gembo sot pâtkom sambeliep.

**Galanenŋe siâ dâp mesokto mem purikatbaen.**

<sup>19</sup>Galalupŋe yengâlân gâtŋe siâ den pat âlepŋe are hamianŋmâ arimbo âmâ ye dowâk arim maganŋmâ kewugumbiâ lâuwâŋe penâyenŋiwiap. <sup>20</sup>Aregât hin nâŋgâwei. Yeŋe Yesugât kâmolân gâtŋe siâ hepunyegep are maganŋbiâ bâleŋeŋe makmâ miawakmâ hanŋe purik kato luâk aregât dosa dondâ bo akto manman âlepŋân manbiap.

# 1 Petoro

---

**Petoroŋe kepia siân siân manmini yâk yengât akmâ kulemgoep.**

**1** <sup>1</sup>Galalupne, nâmâ Petoro, Yesu Kristogât hoŋ bawa akto Aposolo nâŋe kulem esenŋe ire Anutuŋe mem kepilâyegep yengât kulemgoân. Ye amâ hânân ire yogan mandâi, akto hânyeŋaet kotyeŋe hin, Ponto, Galatia, Kapadokia, Asia akto Bitinia ain yogan tatmâ mandâi. <sup>2</sup>Anutu Ewenenŋe nen bo miawagionânbak ekmâ nâŋgâepgât yendâp. Imâ nâŋgât kâmotlupne dâm magep. Makto miawaktenŋe Anutugât Heakŋande Yesu Kristo ire yengât akmâ mondo dosayeŋe bo akto Yesu Kristogât lau lokom agak memeyeŋe huraguâk dâm biwiyeŋân âi miep. Âi mem owâiŋe ketuguyenŋiep yengât kulem ire kulemgoân. Anutuŋe han kalem akmâ damun yengum akto biwiyeŋe sândugem âgâwiâp.

**Manman kârikŋande lâm nengimap.**

<sup>3</sup>Nen Yesu Kristo Humonenŋe yâkgât Eweŋe akto Anutuŋe kotŋe mem agatne. Amâ hingât. Anutuŋe nengât okotŋe dondâ nâŋgâmap arekŋe Yesu Kristo momoŋânba mem agalep. Mem agatmâ âmâ wâtŋe aknengim mem miawak nenekto nâŋgâ nâŋgânenŋe irakŋe miawagep. Are nâŋgâm heroeŋe akmâ lâmgom manbaen. <sup>4</sup>Akto Anutuŋe nen himbimân manmâ pagaleŋe membaengât ikiŋaet pat kat nenegep. Are irakŋe dondâ akto bo bâliwiap. Are Anutuŋe himbimân yengât kato talep are tatmâ âgâwiap. Anutuŋe kalep are bâliwiapgât dop bo tatâp. <sup>5</sup>Yeŋe hanyenŋande Anutu nâŋgâm kepilaŋmai aregât Anutugât kârikŋenŋande han biwiyeŋe bâliwopgât manmâ maleine sop humoân miawakbiawân ain Anutuŋe bunewâk heŋgemyenŋuwiap. <sup>6</sup>Yeŋe aregât nâŋgâm heroeŋe dondâ akmai. Dâ uŋak âmâ umatŋe siâ siâ arekŋe miawakyengim agak memeyeŋe dop yengumbo sop getek bo akbiap. <sup>7</sup>Are âmâ yeŋe biwiyeŋe Anutugâlân katbiâ talep aregât agak memeyeŋe dop komap. Den ginŋe hin. Âi luâk goligât dop komberâm âmâ kâlâwân kato aregât keiŋe miawakmap. Dop hainâk Anutuŋe nâŋgâmbo wan me wanŋe biwi kat katyeŋe dop yenguiap. Akto biwi kat katyeŋe arekŋe goli ewangiâp aregât biwi kat



katyeŋe dop komap are âmâ biwi kat katyeŋe kârikŋe ketuguwerâm aregât dop yeŋgumap. Kârikŋe ketugumbo âmâ hâmbâi Yesu Kristo togowiap sop ain âmâ biwi kat katgât agak meme aregât kot humo membiap. <sup>8</sup>Dâ ulikŋân âmâ Yesu Kristo âmâ bo egi. Dâ amâ okot âlep agaŋmai. Akto hinŋe amâ boâk ektâi gârâmâ biwiyeye yâkgâlân katbiâ talep aregât biwiyeye owâimbo herone dondâ akmai. Herone ire siâŋe bo mem gewiap. Akto herone ire âmâ wanân dop katmâ makbe? <sup>9</sup>Akto yeŋe biwiyeye yâkgâlân katbiâ kilep arekŋe kârikŋe akto ain âmâ Anuteŋe meyekmâ bunewâk heŋgem yeŋguwiap. Aregât lâmgom manmai herone are hârok ewangim meteâp.

**Propeteŋe âi miawakbiapgât magi a bunŋe miawagep.**

<sup>10</sup>Galalupne, Anuteŋe bunewâk meyekmâ heŋgem yeŋguep aregât lâuwâŋe makbe. Ulikŋân propetelupŋe Anutugât okot âlep iregât magi are uŋak yeŋgâlân miawaktâp aregât keŋe propetelupŋande nâŋgâm heŋgemgowerâm âi umatŋe meyi. <sup>11</sup>Hain akbiâ Kristogât Heakŋande biwiyenân tatmâ Kristone hâmbâi hâk hilâlâm keŋe keŋe nâŋgâmba bo akto kot humo membiapgât makyenŋimbo kulemgoyi. Anutugât propetelupŋe Anuteŋe huŋgun aŋdo gewiap a sop amuten âmâ togowiap aregât keŋe nâŋgâm heŋgemgone dâm ulilaŋi. <sup>12</sup>Aregât Yesugât keŋe uŋak yu yeŋgâlân miawaktâp aregât yâk hekatyeŋimbo kulemgoyi amâ uŋak yu miawaktâp. Amâ yâk yeŋgât bo, ye hinŋe mandâi yeŋgât den are bunŋe akto Anuteŋe Heakŋe himbimânba huŋgun aŋdo gem luâk bikŋe huŋgun yeŋgimbo yeŋgâlân togom Yesugât keŋe makyenŋiyi. Makyenŋimbiâ ye nâŋgâm meteyi. Akto aŋelo gai den ire nâŋgâwerâm egâlianŋmai.

**Anuteŋe âlepŋe manmagât nen âkai salek salek manbaen.**

<sup>13</sup>Hain gârâmâ ye nâŋgâ nâŋgâyeŋe mem kârikŋe ketugum heŋgemgowe. Yesu Kristone miawakmâ ambo akyenŋiwiapgât lâmgombiâ biwi kambiamyeŋe owâiwiapgât agak memeyeŋe damunŋe akbei. Akto damunŋe akmâ kârikŋe akbei. <sup>14</sup>Akto nanaŋ bikŋande ewelupyeŋe yeŋgât lauyeŋe lokomai ye dop hainâk Anutugât lau lokowei. Akto hânŋeŋe yeŋaet hâkyeŋaet nâŋgâmbiâ âgâminep aregât nâŋgâ nâŋgâ gulip aregât bo egâlianŋbei. <sup>15-16</sup>Anutugât denŋe hin dâmap, “Anuteŋe hin dâp, Nâ âlepŋe tatmâ wan me wan hârok mendere huragumap aregât ye hainâk akbei.” hain dâep. Aregât Anuteŋe emelâk yeŋgonlep yâk âmâ âlepŋe dondâ gârâmâ yekâ hainâk manbei. <sup>17</sup>Akto yeŋe Anutu konmâ Apo dâmai. Amâ yâkgât keŋe hin. Yâk âmâ kot nenŋaet akmâ bo potat nenekmap. Bo. Yâkŋe âmâ agak meme konok akmaen aregât dopnenŋânâk potat nenekmap. Aregât ye hânân ire amâ amboŋe borâm manbiâ Anuteŋe yekto bâliwopgât agat meme âlepŋeâk

akmâ mem hamewakmâ manbei. <sup>18</sup> Akto ye ulikñân agak meme bunje bo aregât nânġambiâ kârikje akminep are bâgilupyeñande hekatyengimbiâ meyi. Amâ bo tânyenguminep. Dâ amâ Anutuñe emelâk puligoyegep. Yâk âmâ hânġât siâ siâ puli siliwa me goli bo akmap arekje bo puligoyegep. <sup>19</sup> Bo. Yuda gâtñe âmâ dosanenñe bo agâk gât lama kombiâ gilâmñe geminep. Gârâmâ Anutuñe dosanenñe hârok pulinengiwerâm nanñe lama âlepñe hainare kondo gilâmñe gembo agak meme meyi arekje bunje bo agep ainba oloñyegep. <sup>20</sup> Akto Anutu yâkġât nanñe aregât keiñe hin bâlensiâ makbe. Anutuñe hân boâk liunlewân Kristoñe âi ire membriapgât bunewâk magep. Magep amâ emelâk sop humoân yeñġât akmâ miawagep. <sup>21</sup> Miawakmâ mando Anutuñe momoñânba oloñdo agato kot humo wañep. Are nânġâm Anutuñe kârikje ketugu nenekbiapgât dâp tatâp dâm biwiyeñe yâkġâlân katmai.

#### Pat âlep denñande mem hulañnenegep.

<sup>22</sup> Galalupne, ye den bunje are nânġâm aregât kambiamyeñe biwiyeñe nânġâ nânġâyeñe heñgemgoyi. Are heñgemgombiâ galalupyene okot âlep akyeñgimaigât dâp miawaktâp aregât galalupyene kambiam âlep dondâ akyeñgiwei. <sup>23</sup> Akto ye emelâk Anutuñe nan baratluñe dâm yeñgondo irakñe lâuwâñe miawagi. Anutugât den pat arekje amâ kârikje akmâ âġâwiapgât. Akto ye den ire nânġâm âmâ irakñe lâuwâñe pâtkom miawaktâi. <sup>24</sup> Amâ Anutugât denñe hin dâmap,

“Luâk âmbâle hârok âmâ dakerâ akto buluñe dop hainare akmai.

Sopñân huragum kinmâ benje pekmâ gemap. Umiliñ buluñande kuñkuñ kârâmap akto bererek âġâm gemap. <sup>25</sup> Dâ Humogât den âmâ dondâñe kârikje tatmâ âġâwiap.”

Den are amâ hinñe luâk bikñande den pat âlepñe mem togom makyeñgimbiâ nânġâm irakñe miawakbiâ biwi nânġâ nânġâyeñe heñgemgoep.

#### Yesuñe amâ nengât hambo kârikje manman olop kindâp.

**2** <sup>1</sup> Galalupne, den kulengoân are oyañmâ âmâ hin akbei. Agak meme bâleñe hepunmâ den bâleñe are bo makbei. Akto galagât hogo hogo are bo akbei. Akto kândâlângen den bo magañgiwei. Akto nânġâ nânġâyeñân siâ tato laueñak den bo hogañgiwei. Akto galagât kotñe siâ siâ talañdo aregât nânġambiâ bo bâliwiap aregât bo nânġâm egâlianbei. <sup>2</sup> Akto nanañ gurukñande namġâlâk dondâ akmai ye âkâ dop hainâk den âlepñe Anutuñe makto kulemgoyi areâk egâlianmâ nânġâm âġâwei. Den arekje âmâ tânyengum nânġâ nânġâyeñe heñgemgombo humo akmâ Anutu olop âlepñe tatmâ âġâwaigât. <sup>3</sup> Akto ye emelâk Anutugât heroñe akmâ okot nânġañmâ ukenñe dondâ nânġâmai areâk dewatim Anutugât den aregât ukenñe hainâk nânġâm manbei.

<sup>4</sup>Kristo kunkun manmanje are luâkŋe ekmâ sârekombiâ âmâ Anutuŋe nânŋaŋdo agat agatŋe akto mem kepilâep aregât yeŋe yâkgâlân togom kârigeŋwei. <sup>5</sup>Hain akbiâ Anutuŋe ye kât manmanje hainare meyekmâ mânŋiyekto Heakgât opmân akbai. Hain akmâ Anutugât sumbe kat kat kâmot akmâ hanyeŋande Anutugât sumbe bunje aganbiâ Anutuŋe Yesu Kristogât akmâ nânŋâmbo âlepŋe akbiap. <sup>6</sup>Aregât Anutugât den bikŋande hin maktâp,

“Nâ Sioŋ gimbânân ain kât siâ katân. Kât kunkun are emelâk ekmâ kepilâm âmâ nânŋâre humo dondâ akmap. Aregât luâk siâŋe han biwiŋe yâkgâlân bigeiwiap âmâ âlepŋe bo hilip aguwiap.

<sup>7</sup>Akto yeŋe yâk nânŋaŋmai âmâ siâ me siâ hârok nânŋâmbiâ gemap. Akto yâk nânŋaŋbiâ humo akmap. Dâ bo nânŋaŋmai âmâ yâk yeŋgât keiyeŋe âmâ Anutugât kulemŋe hin makmâ miawagep,

“Emet mânŋimaiŋe kât kunkun are sârekŋe dâm pali. Arekŋe âmâ kât kunkun kârîkŋe kindâp. <sup>8</sup>Akto kât kunkun ain keiyeŋe erâwai. Akto kât ain kâwâwân âgâwai.”

Den are bunje akto Anutugât den hâkân akmâ âmâ tâlim kâwâwân âgâwai. Are âmâ Anutuŋe hain nânŋâm heŋgemgombo miawagepât.

#### **Anutuŋe potatnenekto nen Anutugât kâmot agion.**

<sup>9</sup>Galalupne, ye hain bo akmai. Anutuŋe emelâk ikiŋe pat katyeko yâkgât luâk âmbâle akmâ tatmai. Ye amâ kembu akmâ sumbe kat kat luâk hain are akmai. Ye amâ luâk âmbâle kâmot âlepŋe akbiâ Anutuŋe yekto huragumap. Akto Anutuŋe emelâk yeŋgondo hândâk hepunmâ âmâ pagaleŋân mandâi aregât kotŋe mem agatmâ agak meme âlepŋe akyeŋgimap are makŋetgât oloŋyegep. <sup>10</sup>Akto hânŋeiŋe ye amâ luâk âmbâle yânŋe mali. Dâ hinŋe âmâ Anutugât luâk âmbâle bunje akmâ mandâi. Akto ulikŋân âmâ Anutugât okot âlep are âmâ bo nânŋâmini. Dâ hinŋe âmâ okot âlep akyeŋgimbo nânŋâm meteai.

#### **Egâliãŋ bâleŋe hâkokom manbaen.**

<sup>11</sup>Galalupne, ye amâ kepia siâŋen gâtŋe akto hânân ire amâ yogan manmai aregât hin makyeŋgiwe. Ye âmâ egâliãŋ bâleŋe are hârok mem hami panbei. Egâliãŋ bâleŋe are amâ nengât gasa arekŋe nengât biwinenŋe hilipkomap aregât mem hami panbei. <sup>12</sup>Akto ye âmâ luâk âmbâle Anutu bo nânŋaŋmai are yeŋgât hutyeŋân manmai. Aregât yâkŋe hinŋe yeŋgât den bâleŋe makbai âmâ are bo nânŋâm agak meme âlepŋe membriâ yekmâ sop humoân Anutuŋe menenekberâm miawakbiap sop ain âmâ kotŋe mem agatbai.

#### **Humomolupnenŋe yeŋgât lau lokom heŋgemgowaen.**

<sup>13</sup>Galalupne, ye gain gain akbai aregât hin makbe. Ye Humogât lau lokomai aregât hainâk luâk nengât kembu akto kotdâlupnenŋe

yâk yengât lau lokowei. Akto luâk kembu humo yâk âmâ luâk kembu bikņe damunyeņe akmap yâkgât amukyeņân manbei. <sup>14</sup>Akto yâkgât hoņ bawalupņe amâ nengât humomolupnenņande luâk bâleņe akbiâ are yengât hâuņe kutigit yengimai akto luâk âlepņe akmai are yengât kotyeņe mem agatmai are âmâ luâk kembu konok arekņe huņgun yengimbo togom damunnenņe akmai. Aregât yâk yengât amukyeņân manbei. <sup>15</sup>Aregât hin nâņgâwei. Anutuņe yeņe hain akņetgât egâlianņap. Ye agak meme âlepņe akbiâ luâk nâņgâ nâņgâyeņe gulip yâkņe yekmâ yengât makmai denyeņe are gewiap. <sup>16</sup>Akto yengât damunyeņe amâ Anutu konok yâkņe ye owâiņeâk manbei dâm makto biwiyeņe owâimbo manmai. Dâ aregât nâņgâm hin bo dâwei, “Mandenņe huragumap aregât hanâk hanâk bâleņe mem mandenņe ârândân akbiap.” hain bo dâwei. Bo. Ye âmâ Anutugât âi luâk tatbei. Aregât Anutu hoņ bawa agañbei. <sup>17</sup>Ye luâk hârok yengât kambiamyeņe bâliwopgât yaiwâk akyeņgiwei. Akto Yesugât kâmot are okot âlep akyeņgiwei. Akto Anutugât hamep akbai. Akto luâk kembuneneņe yâkgât laue lokowei.

### Hoņ bawa yengât den.

<sup>18</sup>Akto ire âmâ hoņ bawa yengât hin maktere nâņgâņet. Ye hanâk damunlupyeņe are yengât hamep akmâ amukyeņân tatbei. Damun âlepņe yengâlâk bo me yeukņe akyeņgimai are yengâlâk bo. Metņe hârok gai laueņe lokowei. <sup>19</sup>Yeņe Anutugât nâņgâm manbiâ yâkņe hâk hilâlâm keiņe bâlâk akyeņgimbiâ hâk hilâlâm are hanâk lokowei. Are amâ âlepņe Anutuņe agak meme hainare akmai are yengât egâlianņap. Aregât humomolupyeņe âlepņe me bâleņe are yengât lau hanâk lokowei. <sup>20</sup>Akto humomolupyeņande âi yengimbiâ lau bo lokom bâleņe akbai âmâ orem miwindikyekbiâ âmâ niņande nâņgâmbo ârândân akbiap? Amâ bo. Dâ âi âlepņe akyeņgimbiâ dosa boân kuk akyeņgimbiâ bo nâņgâm bâlim âgâm manbiâ âmâ Anutuņe nâņgâmbo ârândân akbiâp. <sup>21</sup>Agak meme hainare akņet dâm Anutuņe ye oloņyegep. Aregât keiņe hin. Kristoņe yengât hâk hilâlâm nâņgâep. Yeņe hainâk akmâ watbei dâm agak meme ikiņandeân are hekatyeņgim âmâ hâk hilâlâm kakņân malep. <sup>22</sup>Hain manmâ bâleņe siâ bo agep. Akto den bâleņe bo magep. <sup>23</sup>Akto luâk âmbâle bikņande den bâleņe akto den hembalik magañbiâ aregât hâuņe siâ bo makyeņgiep. Akto hâk hilâlâm agañbiâ âmâ aregât kuk me den hâuņe siâ bo makyeņgiep. Bo. Humoņe den potatmâ makmap yâkgâlâk nâņgaņep. <sup>24</sup>Nen dosagât agak meme are hârok hepunmâ agak meme âlepņe akbaengât Yesuņe ikiņe hâkņe arekņe nengât dosa are lokom lâwinân âgâmbo dosa nenņe bo agep. Akto yâkgât diwi pandaje humo arekņe heņgem yeņguep. <sup>25</sup>Akto ye amâ ulikņân âmâ lamaņe akmini. Dop hain akmâ dâp hepuli. Dâ hinņe purik katmâ damunyeņe aregâlân dewatimbiâ biwi nâņgâ nâņgâyeņe damunņe akyeņgimap.

### Âmbâle yengât den.

**3** <sup>1</sup>Hinje amâ âmbâle luâkdâ yengât hin makyengire nângânet. Ye hanâk luâklupyene yengât amukyengân manbei. Akto luâk bikje Anutugât den bo lokomai gârâmâ âmbâilupyene yekbiâ den undup bo akmâ amâ yân ârândâj <sup>2</sup>manmâ hamep akmâ yaiwâk akyengim manbiâ Yesugât kâmolân dewatiwai. <sup>3</sup>Tâulupne, kulemyene amâ wan me wan buluje me sângum kulemje donet bata butu golinje ketugumai are me sângum âlepje are luguakbiâ kulemyene bo miawakmap. Borondâ. <sup>4</sup>Kulemyene amâ dop hin. Biwiyeje hengemgowe. Akto okot âlepje me lumbe are akbei. Are amâ Anutuje ekto dondâ huragumap. Huragumbo kulemyene miawakmâ yem âgâwiâp. <sup>5</sup>Aregât hin makbe. Ulikjân Anutugât nângâm tali arekje biwi nângâ nângâyenaet kulem agangimini âmbâle arekje luâklupyene yâk yengât amukyengân tatbiâ hâkyene âlepje hainare miawakminep. <sup>6</sup>Are yengâlân gâtje Sara arekje agak meme hainare agep. Hain akmâ Abrahamgât den lokoanminep. Akto luâk humo dâm konminep. Dâ yeje agak meme hainare akmâ amâ wan me wangât hamep bo akbai amâ Saragât kâmolân gâtje hainare akbai.

### Luâk yengât den.

<sup>7</sup>Galalupne, luâk âmbendâ ye hainâk âmbenlupyenaet nângâyengimbiâ âlepjeâk akbiâp. Akto âmbâle yengât hâkyene amâ kârikje bo, gârâmâ hengem yenguwei. Akto Anutuje ye me âmbenlupyene dop konok manbiâ manman âlepje yengjiwiâp, aregât Anutu ulilanjenje bâliwop dâm âmbenlupyene yaiyenguwei.

### Gala konok akmâ manbaen.

<sup>8</sup>Bâin. Hinje amâ ye hârok yengât hin makmâ metewerân. Ye hârok nângâ nângâ konok tatbei. Ye galalupyene yâk yengât nângâmbiâ âgâambo amâ yenaet nângâmbiâ gewiâp. Akto gala konok akmâ mangan akmâk manbei. <sup>9</sup>Akto luâk âmbâle bikjande nângâm bâliyengimbiâ me den bâleje peiyekbiâ amâ hâuje bo akyengim amâ Anutuje tân yengum hengem yenguâkgât ulilanbei. Are amâ Anutuje ye hain akjet dâm yengondo âlepjeâk mem manbiâ Anutuje tân yengum hengemyenguwiap. <sup>10</sup>Luâk siâje manmangât egâlianmap me sop âlep are penianberâm nângâmap amâ yâkje lau biwiyeje damun akto bâleje bo membiâp. Akto lau biwitje tigimbo hiangi dengât bo akbiâp. <sup>11</sup>Akto bâleje hârok hamianmâ siâ me siâ âlepje akbiâp. Akto lumbe akmâ aregât ânje kaut orem membiâp. <sup>12</sup>Haingât Kemuje luâk âmbâle ârândâj manmai yâk yengâlân dewunje katmâ amâ indem tâgâiakmaiân ainâk ondopje katmap. Dâ bâleje meme luâk âmbâle amâ Kemuje yekmâ hâkânyeje dâmap.

**Umatŋe siâ siâ miawaknengiwiap aregât den.**

<sup>13</sup>Akto ye siâ me siâ âlepŋaet han owâim katmâ manbiâ âmâ niŋande bâleŋe akyeŋgiwiap? <sup>14</sup>Dâ yeŋe agak meme ârândân akbiâ âmâ bikŋande hâk hilâlâm yeŋgimbiâ are Anutuŋe yekmâ damuŋeŋe akmâ okot âlep nâŋgâyeŋgiwiap. Gârâmâ luâk bikŋande bâleŋe akyeŋgimai are yeŋgât hamep bo akbei. Akto aregât kambiamyeŋe bo bâliwiâp. <sup>15</sup>Bo. Biwiyeŋân amâ Kristo konok Humonenŋe dâm nâŋgâwei. Aregât luâk âmbâle bikŋande yekmâ hanyeŋande wan me wan nâŋgâm mem manbiâ biwiyeŋe sândugemap aregât keiŋe aiyeŋgumbiâ âmâ owâiŋeâk keiŋe makmâ miawakbei. <sup>16</sup>Dâ Anutuŋe nenekto huraguâkgât den yeukŋân makyeŋgiwei. Den hâuŋe makyeŋgiwerâm âmâ biwiyeŋe salek salek agâkgât agak memeyeŋe damuŋe akbei. Damuŋe akmâ ye den âlepŋe makbiâ âmâ bikŋande gain gain akmâ heyenŋienŋe geŋet dâm hâkyeŋe tunmâ sârikyeŋgumbiâ âmâ ye Kristogât akmâ agak meme âlepŋe memai arekŋe yâk yeŋgât hianŋiyenŋaet keiŋe mem miawakto aŋun aŋgim hepunyekbai. <sup>17</sup>Nenŋe agak meme âlepŋe aktenŋe Anutuŋe makto umatŋe bâleŋe miawak nengimbo hâk hilâlâm nâŋgâm âmâ hanâk dâm âi mendenŋe Anutuŋe ekto ârândân akmap. Dâ bâleŋe aktenŋe umatŋe miawakyeŋgimbo âmâ bo ârândân akmap. <sup>18</sup>Akto Kristoŋe gai umatŋân malep. Yâk âlepŋân malep yâkŋe luâk bâleŋe nengât agep, amâ Anutuŋe nenekto ârândân akto menenekbiapgât nâŋgâmbo kombiâ moep. Dâ lâuwâŋe mombiapgât dop bo tatâp. Akto nengât hâk miep are âmâ kombiâ moep. Dâ biwiŋe me otneŋe are âmâ bo moep. Anutugât Heakŋe biwiŋe tângoep. <sup>19</sup>Aregât kârikŋân arim ulikŋân luâk âmbâle tuŋe kawutyekto mom meteyi are yeŋgât otneyeŋe kala busi kâlegen tali are Yesugât otneŋande makyeŋgiep. <sup>20</sup>Akto luâk âmbâle ire hângeiŋe Noagât sowân Anutugât den koyi. Dâ amâ Anutuŋe aregât hâuŋe dowâk bo yeŋgimbo mali. Bo. Yânâk lâmyeŋguep. Lâmyeŋgum tato Noaŋe waŋga ketugum metembo bâin dâmbo tânâk humo giep. Tânâk humo gem âmâ luâk âmbâle kawutyegep. Dâ luâk âmbâle bāt biken âlâwu areâk waŋgan âgâyi. Akto waŋga kâlegen tali are âmâ tuŋe gâunyeŋgiep. <sup>21</sup>Akto tu arekŋe Noama hikâyekto âlepŋe agi dop hainâk ye biwiyeŋe Yesugâlân katbiâ tato tu puli yeŋgiyi aregât ye âlepŋe aktâi. Akto tu puli yeŋgiyi are âmâ hâk yeŋeâk gagap puliâkgât bo puli yegi. Amâ Yesu Kristo momoŋânba agato dosanenŋe bo akto biwinenŋe irakŋe agep dâm nâŋgâmbiâ Anutugât dewunŋân ârândân akmapgât tu puli yegi. <sup>22</sup>Akto Yesu Kristo momoŋânba agalep are amâ emelâk himbimân âgâep. Âgâm Anutugât bātŋe bungen tatmâ aŋelo hârok yeŋgât kot keiŋe keiŋe akto kârikŋe hârok tatyenŋimap are hârok yâkgât amukŋân mandâi.

**Yesuŋe hâk hilâlâm nâŋgâepgât bâleŋe hâkokowaen.**

**4** <sup>1</sup>Galalupne, Kristoŋe emelâk nengât akmâ hâk hilâlâm nâŋgâep. Aregât nâŋgâm nenâkâ hainâk hâk hilâlâm nâŋgâm manbaen.

Amâ hâk hilâlâm nângâm mandenŋe dosagât agak meme arekŋe bo menenekmap. <sup>2</sup>Hain akmâ hinŋe âmâ hânân manmâ Anutuŋe wan egâliarŋmap are konok nângâm hâkgât are âmâ bo egâliarŋbei. <sup>3</sup>Akto hângeiŋe âmâ Yesugât keiŋe bo nângâminiân amâ galalupyenŋe bâleŋe akmini. Bâleŋe âmâ luâkŋe âmbâle hanâk mem hepunmâ dâp gulip manmini. Akto wan me wan hanâk egâliarŋmini. Akto tu kârikŋe nem bâleŋe hanâk akmini. Akto Anutugât den kom bâleŋaet hoŋ agarŋmâ tukup lâpio aregât ukenŋe nângâmini. Dâ aregât sop emelâk bo aktâp dâm hepuli. <sup>4</sup>Akto uŋak âmâ agak meme bâleŋe are luâk âmbâle bâleŋe memai are olop bo akmâ hepunyekbei. Hepunyekbiâ yâkŋe, “Ulikŋân nen olop bâleŋe agion. Dâ hinŋe wangât hepun nenektâi?” dâm nângâmbiâ bâlimbo yâkŋe yengât den bâleŋe makyengimai. <sup>5</sup>Aregât hâmbâi Humonenŋe yâkgâlân luâk emelâk moyi me golâ taten me hâmbâi manbai nengât agak memenenŋe potatberâm aktâp yâkgâlân siâkâ ikiŋaet ikiŋaet keinenŋe maktenŋe hâuŋe aknengiwiap. <sup>6</sup>Momone yengât keiŋe hin makbe. Luâk âmbâleŋe âmâ hâkdâk manmini ain hâkgât hâugât âi memai. Dâ Anutuŋe amâ otneyenŋe ekmâ nângâ yengimbo manmai aregât hinŋe moyi are bikŋande den pat âlepŋe makyengimbiâ nângâyi.

#### **Sop ewumâk aktâpgât gala tân aguwaen.**

<sup>7</sup>Galalupne, kotŋe siâ siâ bo akbiapgât sop tâlâguâp. Hain gârâmâ ye han biwiŋe damunŋe akmâ hengemgom manmâ hokboâk hokboâk ulilarŋbei. <sup>8</sup>Hain akmâ âmâ yeŋe luâk âmbâle okot âlep are nângâm bâliyenŋimbiâ âmâ dosayenŋe hepunŋengimai aregât ye gala tân agum okot âlep agarŋim manmâ âgâwei. <sup>9</sup>Akto areâk bo. Ye hanâk galalupyenŋe togo ye olop tatbai are damunŋe akmâ hengemyenŋuwei. Gala tân yenguerâm âmâ biwiŋenân hengân bo nângâwei. <sup>10</sup>Galalupne, ye Anutuŋe emelâk konok konok memeŋe akyenŋieŋep aregât gala tân yenguerâm âi âlepŋe membei. Hain akbiâ âmâ Anutuŋe aregât wan me wan unduwâk akyenŋimbo yeŋe hainâk luâk âmbâle dop yeŋân potatmâ yenguiwei. <sup>11</sup>Aregât lâuwâŋe makbe. Anutuŋe dengât kârikŋe luâk siâ waŋdo âmâ âlepŋe Anutugât den aregât hanokoagân makyenŋiwiap. Dâ Anutuŋe tânyenŋuâkgât meme agarŋdo âmâ âlepŋe Anutuŋe kârikŋe agarŋmap aregât wâtŋân kinmâ âi mem tân yenguiwiap. Nen hârok âlepŋe aktenŋe luâk âmbâle bikŋande nenekmâ Yesu Kristogât akmâ Anutugât kotŋe mem agatbai. Akto Anutugât kot humo akto kârikŋe dondâ akto pagaleŋe humo hokboâk talarŋmâ âgâmap. A bundâk.

#### **Yesu olop kinmâ umatŋe lokowaen.**

<sup>12</sup>Galalupne, hinŋe yengâlân dâp siâ togowiap amâ yengât nângâ nângâ yeŋe dop yenguerâm hâk hilâlâm umatŋe siâ yengâlân togombo



biwiyen̄e bo hion̄biap. Akto yen̄e hin bo n̄anḡawei. Im̄a sīn̄jaet pup pup ekten̄e âr̄and̄an̄ bo akt̄ap. Hain bo n̄anḡam̄ s̄an s̄an membei. <sup>13</sup>Bo. D̄ap are âm̄a h̄ak hil̄âlâm̄ Kriston̄e lokoep are hain̄ak lokom heron̄e n̄anḡam̄ manbai. Hain akm̄a âm̄a miawakm̄a pagalen̄an̄ kinbiaw̄an nen h̄ârok damun nen̄e akbiapd̄am̄ heron̄e humo akbei. <sup>14</sup>Akto yen̄e Kristoḡat kot̄e mem agatbīa areḡat d̄am den bâlen̄e peiyekbīa âm̄a ye Anutuḡat Heak̄ne pagalen̄aet tirip towat yen̄ḡâlân̄ yem manbiap areḡat n̄anḡambīa âr̄and̄an̄ akto heron̄e akbei. <sup>15</sup>Hain akm̄a Yesuḡat akm̄a h̄ak hil̄âlâm̄ n̄anḡawei. D̄a bâlen̄e sīa sīa mem manbīa h̄ak hil̄âlâm̄ miawak̄yen̄giwopḡat are bo akbei. Am̄a hin. Sīa konbīa mombiap me kâmbu akbai me agak meme bâlen̄e akbai me sīaḡat wan me wan menden̄e âlep̄ne aḡak d̄am hilipkom akbai am̄a bo âr̄and̄an̄ akbiap. <sup>16</sup>D̄a ye Kristoḡat k̄amot akm̄a manbīa areḡat bâlen̄e akyen̄gimbīa areḡat h̄ak hil̄âlâm̄ n̄anḡambīa biwiyen̄e yeuk̄ne bo akto âm̄a bo an̄un an̄giwei. Bo. Ye âm̄a kot̄yen̄e Kristoḡat k̄amot areḡat Anutuḡat kot̄e mem agatbei. <sup>17</sup>Akto hin̄e Anutun̄e ikīne k̄amotlup̄ne nen sōj den âīan̄ katnenekm̄a mand̄ap. Akto sop emel̄ak miawakto h̄ak hil̄âlâm̄ n̄anḡam̄ manden. Areḡat lūak âmbâle bik̄ne ȳâkḡat den pat âlep̄ne lâmgomai are am̄a gain gain Anutun̄e den âīan̄ kat yekto ȳâk̄ne âm̄a h̄ak hil̄âlâm̄ dond̄a n̄anḡam̄ âḡawai? <sup>18</sup>Areḡat lūak âmbâle bik̄ne âm̄a Anutun̄e meneneḡak d̄am manm̄a âm̄a h̄ak hil̄âlâm̄ olop manmai âīa humo membīa âr̄and̄an̄ akmap. Areḡat lūak âmbâle bik̄nande âm̄a Anutu hamian̄m̄a agak meme bâlen̄e akbīa Anutun̄e h̄aun̄e bâlen̄e akyen̄gimbo âm̄a gain gain akbai? <sup>19</sup>Hain ḡârâm̄a ben̄e Anutun̄e makto h̄ak hil̄âlâm̄ kak̄n̄an̄ manmaen nen hin akne. Anutun̄e nen liunnenegep akto hokboâk hokboâk damun nen̄e akmap areḡâlâk n̄anḡam̄ âīa âlep̄neâk mem manm̄a âḡawaen. H̄ak hil̄âlâm̄ areḡat hamep bo akbaen.

### D̄at̄ne meme yen̄ḡat den.

**5** <sup>1</sup>Galalupne, hin̄e damunlup̄yen̄e yen̄ḡat hin makbe. N̄a gai âm̄a ȳâk olop Yesuḡat k̄amot damunyen̄e akmaen. D̄a nune Yesu Kristo h̄ak hil̄âlâm̄ n̄anḡam̄ moep are ekm̄a malân. Areḡat sowân Anutun̄e miawakm̄a meme akyen̄gimbo pagalen̄an̄ manm̄a âḡawai am̄a n̄a hain̄ak yen̄ḡat akm̄a hut̄yen̄an̄ tatm̄a pagalen̄an̄ manm̄a âḡawian. N̄a hain akbianḡat hin makyen̄giwe. <sup>2</sup>Anutun̄e ikīne k̄amot potat̄yegepḡat damunyen̄e ak̄netd̄am̄ âīa yen̄giep areḡat ye damunḡat âīa mējet. Ye am̄a han̄ak dowâk Anutuḡat lūak âmbâle damunyen̄e akm̄a h̄engem yen̄guwei. D̄a im̄a lūak̄neak âīa ire mējet d̄am k̄arik̄ne me h̄ak̄n̄a akm̄a yân akbai am̄a bo. D̄a âīa ire puli memberâm̄ areḡâlâk bo membei. Bo. Anutun̄e ye âiḡat owâin̄an̄ mējet d̄ambo are biwiyen̄an̄ n̄anḡam̄ k̄arik̄neâk membei. <sup>3</sup>Akto ye am̄a lūak kembu akm̄a Anutu ikīne k̄amot damunyen̄e akbaiḡat bo makyen̄giep. Ḡârâm̄a lūak âmbâle bo mem ge kat̄yekbei. Bo. Hin

akbei. Ye, “Nen wan akmaen are ye hain akmâ wat nenekbei.” dâm agak meme âlepneâk dewunyeñan mem manbei. <sup>4</sup>Hain akmâ kâmotlupyene damunyeñe akmai aregât damun nenje Humo konok are miawakbiap sop ain amâ hâuñe pagaleñe olowâk bo bâlimap are yeñgimbo mem manmâ âgâwai.

<sup>5</sup>Galalupne, luâk sigan yekâ luâk damunlupyene yeñgât amuk yeñan manbei. Dâ yeñe hârok yeñe nâñgâmbiâ gewiâp. Dâ galalupyene nâñgâmbiâ âgâwiâp. Aregât Anutuñe hin makto siâñe kulengoep, “Luâk âmbâle bikñande kotyeñe mem agatmâ yeñe nâñgâmbiâ âgâwiap amâ Anutuñe mem ge katyeñe. Dâ bikñande yeñe nâñgâmbiâ gemap âmâ Anutuñe okot âlep akyeñim damunyeñe akmap.” hain kulengoep. <sup>6</sup>Aregât hâmbâi Anutuñe ikinje sowân âmâ mem agat nenekbiapgât Anutu ikinje amukñan tatmâ manbei. <sup>7</sup>Akto ikinjak okot âlep akyeñim damunyeñe akmap aregât umatyeñe are hârok magañbiâ mendo biwiyeñe sândugewiâp.

#### **Biwinenñe damunñe akbaen.**

<sup>8</sup>Akto ye han biwiyeñe damunñe akbei. Akto gasanenñe Niambi are amâ dop hin akmap. Soñgo metje kotje laion mopje agumbo âmâ luâk âmbâle neyekberâm are yeñgât kulâgâtmâ kamboñmâ munje humo akmâ bam gutmap. Dop hainâk Niambi menenekberâm manmap aregât <sup>9</sup>ye Yesu hanyenñe nâñganmâ bigeim kârikñe manbei. Akto bo hanoko akbei. Akto galalupyene hân hârok tatâi yâk gai hâk hilâlâm hainâk nâñgâmai are nâñgâm heñgemgom âmâ biwiyeñe Anutugâlân katbiâ talâk. Aregât Niambi hâkokom panbei. <sup>10</sup>Akto ye hain akbiâ âmâ Anutuñe damun akmâ bo hâkâñ nenekmap arekñe Kristogât akmâ yâkgât pagaleñe meñetgât yeñgonlep. Arekñe hâmbâi ye hâk hilâlâm sop tâlâwâgân manmâ gambiâ ainâk meyekto âlepñe kârikñe lâuwâñe akbiâ hâk sândugembo manbaigât tân yeñguwiap. <sup>11</sup>Aregât yâkgâlân kârikñe dondâñe tato damunñe akmap. Akto tatmâ âgâwiap. A bundâk.

#### **Den bâiñe.**

<sup>12</sup>Galalupne, imâ den bâiñe. Silañe tânnugumbo kulem esenñe ire kulemgom tânyeñuân. Anutuñe bundâk damun nenje akmâ bo hâkâñ akmap aregât kulem esenñe pân konok kulengoân. Ye aregât kulem ire oyañmâ kârikñe kinbei. <sup>13</sup>Akto Yesugât kâmot iren kepia Babilon konmaen ain tatmai amâ emelâk Anutuñe ye olop yeñgonlep yâkñe yeñgât okot nâñgâ yeñgiâi. Akto galane Marekoñe gai yeñgât nâñgâm maktâp. <sup>14</sup>Akto ye hârok nengât akmâ galalupyene yeñgât okot âlep akmâ bâtyeñe koañim mañan añgiwei. Akto Kristogât kâmot yeñgât ulilañdere biwiyeñe sândugeâk.

## 2 Petoro

---

**Petoroŋe kepia siân siân manmâ ariyi yâk yeŋgât akmâ kulengoep.**

**1** <sup>1</sup>Galalupne, nâ Petoro kotne siâ Simoŋ. Nâmâ Yesu Kristogât Aposolo akto hoŋ bawa luâk manman. Nâŋe kulem ire yeŋgât katere oyaŋmâ nâŋgâm heŋgemgoewei. Yesu Kristo Anutunenŋe damunnenŋe akmap akto heŋgem nengumap arekŋe nâŋgâ nâŋgâ kepilâ kepilâ egâlianŋe olowâk are nengiep biwinenŋe yâkgâlân katmâ hannenŋande nâŋganŋion hain âgâk yeŋgiep.

<sup>2</sup>Galalupne, yeŋe Anutu akto Yesu Humonenŋe nâŋgâ yetkimbiâ damunyeŋe akmâ okot âlep nâŋgâyeŋgimbela biwiyenŋe sândugeâk aregât han kalem amâ yeŋgâlân yem âgâwiâp. Hain.

**Anutuŋe ikiŋaet pat katnenegep.**

<sup>3</sup>Galalupne, nen wan me wan mem mandenŋe Anutuŋe ekto huraguwiapgât amâ emelâk Anutu kârikŋe arekŋe nengiep. Wan me wan manmangât umburuk akbâengât Anutuŋe ikiŋe pagaleŋaet dâp hekat nengimbo ekmâ nâŋgâenŋe manman âlepŋaet dâp miawaknengiep.

<sup>4</sup>Hain akmâ Anutuŋe nâŋgât kâmot hilip aguwâi dâm den pat humo agat agatŋe makmâ hâriep. Hârembo den pat âlepŋe arekŋe tân nengumbo Anutu Humonenŋe olowâk manman âlepŋân manbaengât nâŋgâm heŋgemgoenŋe are bunŋe miawaktâp. Miawakto âmâ hânân bâleŋe hilip agu agugât egâlianŋ gogâleanŋ arekŋe ye bo hilip yeŋguwiapgât akto Anutugât manman âlepŋaet pat akbaigât makmâ den dâtâŋe katnengiep.

<sup>5</sup>Aregât ye biwi kat katgât pat are olop mandâigât kârikŋe akmâ manbaigât dâp miawakyeŋgiâp. Are kârikŋe agâkgât nâŋgâ nâŋgâyeŋe totokom wârakbei. <sup>6</sup>Akto nâŋgâ nâŋgâyeŋe aregât meteyenân katbiâ bunŋe biwiyenân miawakbiapgât biwiyenŋe damunŋe akmâ kârikŋe kin kingât totokom wârakbei. Akto biwiyenŋe damunŋe akmâ kârikŋe kin kingât agak meme mem kinmâ umatŋe lokoweigât totokom wârakbei. Akto hain akmâ kinbaigât Anutuŋe yekto huraguwiapgât pat are totokom wârakbei. <sup>7</sup>Aregât hamiŋân kârikŋe akbiâ âmâ âlepŋe gala agakgât totokom wârakbei. Akto hamiŋân gala okot âlep aganŋim manbai. <sup>8</sup>Siâ

siâ hârok yem miawakmâ âmâ humo akmâ manmâ âgâwiap âmâ âlepne Yesu Kristo Humo nânjarbiâ bunne akbiap. Akto manman âlepne aregât wan me wan bâlâk manbâigât tânyenguwiâp. <sup>9</sup>Dâ bikñande wan me wan yu kulengoân are bâlâk manmâ âmâ biwiyene gulip akto hângeine dâp bâlenân mali dewunene bokbokne dop hainâk akto Anutune dosayene puliep a nelâm yenjiâp.

<sup>10</sup>Galama, ye âmâ emelâk Anutune ulikñân, “Nânghât pat akbei.” dâm kepilâyegep. Akto haminân yenjonlep. Are kârikne agâk dâm mem gange dâwei. Ye hain akmâ âmâ biwiyene bo gewiâp. <sup>11</sup>Hain manmâ Humonenne Yesu Kristone heñgem nenguep yâkne hâmbâi bunewâk hârok damunene akbiâp are miawagâkgât Anutune manjanyekto herone humo kakñân manmâ âgâwai.

### **Petoroñe mombiapgât sopne nânghâep.**

<sup>12</sup>Galalupne, Yesugât keñe emelâk makyenjiyion are nânghâm kârikne akmâ heñgemgoyi are nânghân. Dâ hanâk nelâm yenjiwopgât lâuwâne dewatim makyenjiwe. <sup>13</sup>Akto hâkne ire mem manman âmâ den ire makyenjim goanyektere ârândân akbiap. <sup>14</sup>Aregât âmâ Humonenne Yesu Kristo hâkne tâmbâne ire hepunbian gât makniñepgât ewumâk aktâp <sup>15</sup>aregât akmâ âmâ nâ mondere nânghâ nânghâyene hulañ agâkgât yu kulengoân ire hokboâk hokboâk oyanmâ nânghâm manmâ âgâwai.

### **Petoroma Yesu pagaleñe akto egigât magep.**

<sup>16</sup>Nenne nenjaet nânghâ nânghâ humo watmâ bo makyenjiyion. Akto luâk bikñande den yânne nânghâm heñgemgombiâ yekbiâ humo akmap den are hainâk bo makyenjiyion. Bo. Humonenne Yesu Kristo Kârikne Ambone yâk miawakbiapgât pat makyenjiyion. Amâ dewunnenñande nânghâk egion. <sup>17</sup>Dewunnenñande nânghâk ektenne Anutu Eweñande ikeñe pagaleñe kulem egâlianj âlepne olop wañmâ himbim pagalenânba hin magep, “Imâ nanne âlepne ekmâ egâlianman.” dâmba yâkgât keñe humo nânghâm heñgemgoyion. <sup>18</sup>Amâ nen Yesu olowâk borânân mandenne den are himbimânba gembo nânghâyion. Akto borâne are amâ kâmbokne are nânghâmaen. Aregât nenne Kristogât pat are bo hianjimaen. Bo. Dewunnenñande are egiongât are makyenjiyion.

<sup>19</sup>Akto areâk bo. Anutune makto propetelupñande kulemgoyi den are bunne wan egion are tângombo bunne dondâ akmap areâk nânghâwei. Arekne kemdâ pagaleñe hainare akmâ hândâkñân dâp hekatyenjimbo pagaleñe âlepne biwiyenân emet hañbiap akto hanyenân diâ kâmne humo gawiap. Den are pañâk mem biwiyenân katbei. <sup>20</sup>Akto ulik gulik siâ hin nânghâm heñgemgoyi. Anutune makto propeteñe kulemgoyi aregât keñe yâk yene nânghâ nânghâyenân bo kulemgoyi. <sup>21</sup>Amâ Anutugât den are luâk bikñande yene nânghâ nânghâyene watmâ bo makmini.

Bo. Luâk amâ Anutugât Heakŋe biwiyenŋe mem owâiŋe ketugumbo Anutugâlânba den ire makmâ kulemgom mali.

**Propete hianŋi yengât keiŋe.**

**2** <sup>1</sup>Galalupne, imâ hianŋi luâk areyengât keiyenŋe makbe. Ulikŋân Israe yengâlân propete hianŋi miawakmâ hutyenân mali. Akto yengâlân gai hainâk hianŋi luâk miawakmâ den bunŋe bo are makyenŋiwerâm manbai. Yâkŋe hilipko hilipkogât den mem miawakbiâ yengâlân galagât gasa miawakbiap. Akto Humoŋe dosanenŋe miep aregât hâkân akmâ hâkŋe tunbai. Hain akbiâ hilip agu agu are sân sânak miawakyenŋiwiap. <sup>2</sup>Luâk arekŋe bâleŋaet âiŋe membiâ luâk âmbâle dondânŋe are yekmâ hainâk akbai. Bâleŋe hainâk membiâ âmâ bikŋande yekmâ den bunŋe aregât dâp nânŋâmbiâ gewiap. <sup>3</sup>Akto luâk den makyenŋiwerâm togowai arekŋe puli siâ siâ aregâlâk ukenŋe nânŋâwai. Aregât heyenŋim âmâ siâ siâ yeŋaet ukenŋe humo akmâ âi bâleŋe mem âmâ yengât wan me wan kâmbu membai. Luâk hainare âmâ Anutuŋe dowâk den âiân katyekto bâliwai. Akto hilip yenguiwipgât makmâ kalep are âmâ pâlâmŋe bo akbiap. Bo. Amâ lâmyengum tatâp.

<sup>4</sup>Akto aregât keiŋe hin. Anutuŋe aŋelo bâleŋe akbiâ bo yayienŋuep. Bo. Are âmâ hemem kâlâwân hikom menduguyekmâ hândâk kâlegen panyekto geyi. Aregen hâuŋe yeŋaet sop miawakbiapgât lâmgom tatmai. <sup>5</sup>Akto hânŋeŋe hainâk Anutuŋe luâk âmbâle me wan me wan bo yayienŋuep. Bo. Anutuŋe makto tu ugurupŋe kawutyegep. Akto Noa âmâ manman âlepŋaet pat makyenŋiminep are akto yâkgât kâmot bât biken lâuwâ yâk yayienŋumbo golâ mali. Dâ bâleŋe mem mali are âmâ tu ugurupŋe kawutyegep. Aregât hin nânŋâen. Anutuŋe ikiŋe kâmot umatŋân manmaen nen tân nengumap. Dâ luâk âmbâle bo nânŋâ aŋmai are âmâ hâk hilâlâmân kat yekbiapgât nânŋâ yengimbo mandâi. <sup>6</sup>Akto hainâk Sodom akto Gomora kepia hainâk bâliep. Amâ luâk âmbâle bâleŋe akmai me hâmbâi akmâ âgâwai are hârok hainâk oyekbiapgât nânŋâŋetgât oyegep. <sup>7-8</sup>Akto sop ain Loti âmâ Sodom kepia are ambolupŋe are yengât hutyenân malep. Ain manmâ âmâ hanŋe ârândânŋ akmâ manminepgât bâleŋe higenŋe hokboâk hokboâk akmini are ekmâ nânŋâmbo gembo hâkânŋe aŋep. Ain mando Anutuŋe kâlâp pando âmâ Loti are siâ me siâ âlepŋe akminep are kepia ainba are oloŋdo arimbo bâleŋe agi are âmâ kâlâpŋe om meteyegep. <sup>9</sup>Aregât hin nânŋâŋet. Anutuŋe luâk âmbâle agak meme âlepŋe akbiâ ekto ârândânŋ akmap are âmâ umatŋân manbiâ tân yenguiwipgât bo pâpkomap. Dâ luâk âmbâle bâleŋe akmai are âmâ hâuŋaet sowân hâk hilâlâm makmâ yenguiwipgât kala busi kâlegen katyekto hâk hilâlâm nânŋâm tatbaigât hainâk bo pâpkomap. <sup>10</sup>Akto luâk âmbâle bâleŋe akberâm kambiamyeŋe agato egâlianŋmâ bâleŋe akmâ kembu akto humomolupyeŋaet nânŋâmbiâ gembo hâkânŋe akmai.

Are âmâ Anutuŋe kala busi kâlegen dowâk katyekto ain dondâŋe yem âgâwai. Luâk agat agatŋe arekŋe hamep bâlâk galagât hogo hogo akmâ himbimân pagaleŋe olop manmai are yeŋgât hogoyeŋgim pilâyeŋgumai. <sup>11</sup>Dâ hain akbiâ benŋe aŋeloŋe âmâ hain bo akmai. Aŋelo âmâ luâk nengât kârikŋe ewangimai. Gârâmâ Humogât enemjân hâkyeŋe tunmâ bo makmai. <sup>12</sup>Luâk are âmâ nâŋgâ nâŋgâyeŋe bo. Soŋgo wan om neyekmaen yâk âmâ hainare. Yâk siâ me siâ aregât keiŋe pâpkomaigât are hanâk makmâ pilân konmai. Aregât soŋgo hilip yeŋgumai hainâk hilip aguwai. <sup>13</sup>Akto luâk âmbâle ire siâ bâleŋe akyeŋgimbiâ âmâ Anutuŋe bâleŋe yeŋaet hâuŋe yeŋgimbo membai. Yâk âmâ dewutâ kârikŋân tu kârikŋe nem akto sot nene arekŋe heronŋe yeŋe akmap. Akto aregâlâk nâŋgâmai are yeŋgât hutyeŋân manbiâ âmâ areyeŋgât helenŋe bâleŋe arekŋe yeŋgâlân dewatimap. <sup>14</sup>Akto hokboâk hokboâk luâk âmbâleŋe bâleŋe meme areyeŋgâlân ŋâŋâk ekmâ dâp gulip agak meme bâleŋe are bo hepunmai. Akto luâk âmbâle bikŋe han lâuwâ akmai are hâwât yekbiâ bâleŋe hainâk dowâk akmai. Akto yâk âmâ puli me wan me wan siâ siâgât egâlianŋbiâ hanyeŋe agep. Luâk hainare amâ kâlâpŋât pat manmai. <sup>15</sup>Yâkŋe dâp ŋâŋâk are hepunmâ gulip akmâ Bileam Beoro nanŋe yâkgât dop hainâk akmai. Bileamŋe âmâ hângeiŋe bâleŋe akmâ aregât hâuŋe puli mem aregât egâlianŋ humo nâŋgâminep. <sup>16</sup>Hain akto ikiŋe doŋgi denŋe bo arekŋe kuk akmâ luâk den akmâ maganep. Kuk aganepŋât Bileam sinduk akberâm agep aregât agak meme ain dâp tiganep. Bileam puligâlâk nâŋgâminep dop hainâk luâk âmbâle ire hain akmâ puligâlâk nâŋgâmai.

<sup>17</sup>Luâk hain arekŋe tu dewunŋe hainare akmâ seruŋe haru waitmâ pando geko gako akmap hainare. I are âmâ yâkŋe hândâk paŋ paŋ dâgâm yemap are watbaigât dâtâŋe. <sup>18</sup>Luâk hain arekŋe âmâ den bunŋe bo are makmai. Akto luâk âmbâle bikŋe dâp âlepŋaet den pat âlepŋe nâŋgâm dâp âlepŋaet keiŋe katberâm âmâ galalupyenŋaet agak meme bâleŋe akto nâŋgâ nâŋgâ gulip mali are âi humo mem hepuli. Are lâuwâŋe dâp bâleŋân manŋet dâm hâkgât agak meme bâleŋe egâlianŋmai aregât keiŋe makyeŋgimbiâ are akberâm dâp âlepŋe hepunmâ dâp gulip akmai. <sup>19</sup>Akto areâk bo. Luâk âmbâle biken han lâuwâ akmai are hin makyeŋgimai, “Nen watnenekmâ âmâ hanâk hanâk ukenyeŋaet akmâ manbiâ ârândâŋ akbiâp.” dâm hianŋimai. Dâ agak meme wan me wangât egâlianŋmai arekŋe hâwâtyekto aregât hoŋ bawa aganŋmai. <sup>20</sup>Akto luâk areyeŋgât keiyeŋe lâuwâŋe makbe. Hain akmini are amâ ulikŋân Humonenŋe Yesu Kristo heŋgem nenguep are nâŋgaŋi. Hain akbiâ hânŋât bâleŋe arekŋe biwiyeŋân bo giep. Dâ aregât hamiŋân âmâ hânŋât bâleŋe lâuwâŋe nâŋgâm ukenŋe nâŋgâ aŋbiâ âmâ bâleŋe humo miawak yeŋgiep. <sup>21</sup>Luâk hainare dâp âlepŋaet pat bo nâŋgâyi dâine bâleŋe owâiŋe nâŋgâwâi. Dâ agak meme âlepŋe aregât pat nâŋgâm heŋgemgom

âmâ benje hamiñan den pat âlepne aregât hâkân agi. Aregât âmâ hâuje bâleje dondâ miawak yengiwiap. <sup>22</sup>Luâk hainare yengât den ginje hin makmaen. Duanje sot nem mugatmâ areâk lâuwâje nemap. Akto bauje tu puli akmâ âmâ benje ainâk hamañan lânakmai. Dop hainâk luâk irekne agak meme bâleje ulikjan hepuli are lâuwâje ukenje nângâm memai.

### Kembuje magep are yem bo boakbiap.

**3** <sup>1</sup>Galalupne, yengât den kulem esenje lâuwâje yu kulemgore sop lâuwâ aktâp. Nâje biwiyenje are goandere den âlepne are nângâm hejgemgojtgât kulemgoyengiân amâ ulikjan kulemgore oyanmâ meteyi. Akto lâuwâje ire. <sup>2</sup>Akto Anutugât propete âlepñande hângeje den makmâ kulemgoyi are akto Aposololupyenje nenje Humonenje hejgem nengumap yâkgât den makyengiion are hârok nângâm manbei. <sup>3</sup>Akto ulik gulik hin nângâm kârikne akbei. Sop tâlâguwerâm akto hianji luâk miawakmâ den hembalik makmâ yepak egâlian bâlejejeje areâk watbai. <sup>4</sup>Akto yâk hin makbai, “Humo purik katbiapgât mak makne are amuten miawakbiap? Bâgilupnenje moyi akto siâ siâ hân miawagewânbak yem gaep. Are hainâk yem âgâwiap.” hain dâwai. <sup>5</sup>Hain dâm makmâ munej akbai. Dâ hângeje Anutugât denñande himbim mem liulep. Akto hân tuâk yiep ain makto tu potalakto hân miawagep. Are nângâm den bunje are kombiâ bo akto hami panbai. <sup>6</sup>Akto areâk bo. Hamiñan tujeak luâk akto kotje siâ siâ are hilip yengumbo mom meteyi. <sup>7</sup>Amâ Anutuje, “Hân himbim ire sop humo luâk âmbâle bâleje den âiân katyektere gulip akbai.” dâep ain bâin makto hân himbim kâlâwân yem âgâwiandat. Anutuje den magep arekne hân himbim tân yetkumbo yem gayiat.

<sup>8</sup>Galalupne, aregât hin maktere nângâmbiâ bo nelâm yengiwiâp. Humoje âmâ âi meme sopne konokgât nângâmbo âmâ kâlep akto bo boakmap. Dâ sop kâlep aregât nângâmbo pânj konok akmap. <sup>9</sup>Aregât Humoje den makmâ hâriep are bunje mem miawakbiapgât luâk bikñande nângâmbiâ kâlep akto nângâm hilipkomai. Hainare bo akmap. Borondâ. Anutuje nângâmbo den kârikne magep are dowâk miawakyengiwiap. Titnan bo. Gârâmâ Anutuje luâk âmbâle hârok bâliwâigât hanyenje purikatjtgât dâm lâm yengumbo den magep are bunje akbiap.

### Hân himbim lâuwâk bo akbiandat.

<sup>10</sup>Akto Humogât sop âmâ sâñ sâñak miawakbiap. Miawakto hân akto himbim akto wan me wan kârikne are hârok âmâ mun humo akmâ bâliwiap. Akto kâlâp humoje wan me wan hârok om metewiap. <sup>11</sup>Wan me wan hârok bâlim metewiap aregât ye gain gain akmâ manbai? Hin.



Anutuŋe agak meme ekto ârândâŋ akmap are mem manbei. <sup>12</sup>Hain akmâ Anutuŋe soggât magep are dowâk miawagâk dâm aregât lâmgom manbei. Manbiâ sop miawaktoân âmâ himbim âure âmâ kâlâpŋe om derewiap. Akto kotŋe siâ siâ ire kâlâp ululunŋande olalaŋdo tu akmâ kiriŋ âgâm bo akbiap. <sup>13</sup>Dâ nen âmâ Anutuŋe hân himbim irakŋe mem miawaknengiwiapgât magep aregât etemŋe manden. Akto kepia ain âlepŋe manmâ âgâwaen.

**Humonenŋande sop makmâ kalep are titnan lâmgomap.**

<sup>14</sup>Galalupne, den yu maktân iregât etemŋe mandâi aregât biwiyenŋande bâleŋe bâlâk manmâ Yesu olop han biwi konok manbaigât âi kârikŋe membei. <sup>15</sup>Akto Humonenŋande sop makmâ kalep aregât titnan lâmgomap. Amâ mem meŋâlenenekbiapgât dâm lâmnengumap. Aregât bo nelâmyenŋiwiâp. Akto luâk âmbâle lâmnengumap aregât galanenŋe Paulo yâk Anutuŋe nâŋgâ nâŋgâ âlepŋe waŋdo yâkŋe den ire hainâk kulemgomap. <sup>16</sup>Yâk kulem esenŋe are kulemgom den ire dopŋânâk makmâ miawakmâ ariep. Akto den kulemân are bikŋe bo miawakmâ hulaŋ agep. Are nâŋgâwerâm âi humo memaen. Akto den hainare âmâ luâk âmbâle bikŋande Anutu bo nâŋgâ aŋmâ han undup akmai. Hain akmâ Anutuŋe makto Paulonŋe kulemgoep are hârok mem hilipkomai. Akto yâkgât kulem are konok bo. Anutugât den kulemŋe hârokŋe are hainâk hilipkomai. Nâŋgâ nâŋgâyene arekŋe hilip yenŋuwiap.

<sup>17</sup>Galalupne, den yu maktân are emelâk nâŋgâyigât biwi nâŋgâ nâŋgâyene emelâk kârikŋe akmap. Are gulip akbopgât hin akbei. Luâk gulip manmaiŋe hianŋi den makyenŋimbiâ âmâ bo nâŋgâyenŋiwei. Hain akbai aregât ye hamep akmâ manbei. Akto han biwiyene damunŋe akmâ manbei. <sup>18</sup>Hain akmâ Humonenŋe Yesu Kristo heŋgem nengumap arekŋe damunnenŋe akmâ kambiam âlep nâŋgâ nengimap yâkgât keiŋe nâŋgâmbiâ humo akto kârikŋe akmâ manbei. Yâkgât kulem pagaleŋe are akto kârikŋe are hainâk dondâŋe yem âgâwiap. A bundâk.

# 1 Yohane

---

## Manmangât den.

**1** <sup>1</sup>Manmangât den amâ keiñânbak manmâ gam malep. Akto ondopenenñandeak nâñgâyion. Dewun nenñande egion. Ekmâ nâñgâm amâ bâtnenñande mem howaiyion. <sup>2</sup>Are amâ manman bunje miawagep. Miawakto yâkgât manman kârikñe aregât keiñe makyenñimaen. Yâk Apo olop malep ainba nengâlân togombo egion. <sup>3</sup>Aregât akmâ siâ me siâ ekmâ nâñgâyion areâk makyenñimaen. Makyenñienñe nâñgâm amâ nen olop mendugumai. Akto nenâk bo. Ye nen akto Apo akto Nanñe Yesu Kristo olop mendugum mañganaññim heronje maronje akmaen. <sup>4</sup>Hain akmâ amâ heronje maronje humo aktenñe ârândâñ akbiapgât yu kulemgoen.

## Anutu amâ pagaleñe bunje.

<sup>5</sup>Akto den pat Yesugâlânba hin nâñgâyiongât makyenñien. Anutu amâ pagaleñe dondâ akto yâkgâlân hândâk pipiñe wan siâ bo tatâp. <sup>6</sup>Aregât nenñe amâ hândâkñân manmâ Anutugâlân dewatimaen dâm maktenñe bunje bo akmap. Akto den bunje bo mem manbaen. <sup>7</sup>Gârâmâ Anutu pagalenñe keiñe aregât nâñgâm lokom manmap nen âkai pagalenñan manbaen amâ âlepñe nenâkâ gala olop biwi konok katmâ âlepñe tatbaen. Akto nen bâleñe aktenñe aregât dosa Anutugât nanñe Yesu Kristo nengât akmâ gilâmñe gembo mondo dosanenñe bo akto salek salek agion. <sup>8</sup>Dâ nen bâleñe bo akmaen dâweren amâ hianñiweren. Akto den bunje biwinenñân bo yemberâp. <sup>9</sup>Dâ bâleñe nenñe makmâ miawakbaen amâ Anutu âlepñe ambonje akto den bunje ambonje arekñe bâleñe nenñe pulim dosanenñe mem metembo bo akbiap. <sup>10</sup>Aregât lâuwânje makbe. Nen bâleñe bo akmaen dâmaen amâ benñe Anutu hianñi hinare aktâp dâm hianñimaen. Akto Anutugât den biwinenñân bo yembiap.

## Yesuñe dumnennân kilep.

**2** <sup>1</sup>Nan baratlupne, yeñe ageine bâleñe mem manbâi aregât hanokoak akmâ den ire kulemgoenñiân. Dâ siâ bâleñe membiap amâ âlepñe

Yesu dosaje bâlâk manmap amâ nen tân nengum manmap Yesu Kristo agak meme ârândâñâk memap <sup>2</sup> arekne nengât dumnenñân kindo Anutuñe nengât kuk agaño mondo dosanenñe bo agep aregât Yesuñe Eweñe ulilaño dosa nenñe pulinengimap. Akto areâk bo. Yesuñe âmâ luâk âmbâle hânñe hânñe manmai areyengât dumyenñan kilep. <sup>3</sup> Akto nenñe Anutugât den lokomaen amâ âlepñe Anutu nânğanñdenñe bunñe akmap. <sup>4</sup> Dâ luâk âmbâle siânñe nâ Anutu nânğanñman dâm âmâ denñe bo lokomap âmâ hianñgimap akto den bunñaet keiñe bo nânğâmmap. <sup>5</sup> Dâ siânñe Anutugât den lokomap amâ Anutuñe okot âlep nânğâ añmap are miawagañmâ sambelem humo akmâ kârikne akmap. <sup>6</sup> Akto yâk âmâ Anutugâlân dewatiwerâm amâ Yesu malep a hainâk manbian âmâ âlepñe Anutugâlân emelâk dewatiep dâwaen.

#### Han kalem akmâ tân aguwaen.

<sup>7</sup> Galalupne, nâ den dopñe aña siâ bo kulemgôân. Amâ tâmbânñe miawagewân bak nânğâm gam manmai are lâuwânñe yu kulemgoyeñgiân. <sup>8</sup> Dâ den kulemgôân ire amâ irakne aktâp hainare. Amâ Yesuñe den are lokombo emelâk hândâk hulañ akto pagaleñe bunñande miawagep akto yekai hainâk lokombiâ miawakmap aregât.

<sup>9</sup> Akto luâk siâ amâ galañe siâ mem ge katmâ, “Nâ pagaleñan tatân.” dâmap âmâ hândâkñan malep hainâk manmap. <sup>10</sup> Dâ siânñe galañe biwiñande tângowiap amâ pagaleñan âlepñe manmâ âgâwiap. Akto pagaleñan mando wan me wanñe bo mem ge katbiap. <sup>11</sup> Dâ siânñe galañe mem ge katbiap amâ yâk hândâkñan manbiap. Akto hândâkgât dâwân ariwiap. Arim dewunñe pando hâumgombo gain gain dâp are ekmâ watbiap? <sup>12</sup> Nanañ lepat ye Anutuñe Yesugât kotgât akmâ bâleñe yeñe puliyengiepgât akmâ kulem ire kulemgoyeñgiân. <sup>13</sup> Dâ ewelupyeñe ye amâ Yesuñe keiñânbak manmâ gaep are nânğanñmai aregât ire kulemgoyeñgiân. Dâ ye luâk sigan mandâi ye âmâ Bâleñe Amboñe are hâkokoyi aregât ire kulemgoyeñgiân. Dâ nanañlupyeñe Eweyeñe bunñe yâk nânğanñmai aregât ire kulemgoyeñgiân. <sup>14</sup> Dâ ewelupyeñe ye amâ yâkne keiñânbak manmâ gaep are nânğanñmai aregât ire kulemgoyeñgiân. Dâ ye luâk sigan mandâi âmâ kârikne akmâ âmâ Anutugât den biwiyeñan tato Bâleñe Amboñe are hâkokoyi aregât ire kulemgoyeñgiân.

#### Nen hângât kot siâ siâgât bo egâliahbaen.

<sup>15</sup> Akto ye hârok hin makyengire nânğâñet. Ye hângât me hângât siâ siâ aregât ukenñe bo nânğâñet. Amâ siânbañe biwiyeñe hângâlâk katbiâ yemap, yâk âmâ Anutugâlân biwi âlep bo agañmai. <sup>16</sup> Akto luâk âmbâle bikñande hângât egâliahmâ me dewunyeñande wan me wan ekmâ ainâk egâliahmai me kotyeñe mem agatmai me wan me wan tatyengiap

aregâlâk nângâmbiâ humo akmap amâ yâk âmâ hânân gâtŋe, Anutugâlân gâtŋe bo. Haingât ye hângât wan me wan biwiyenân bo katbiâ yemiâp. <sup>17</sup>Aregât siâkâ makbe. Hângât wan me wan hânân egâlianŋe olop amâ bâliwiap. Dâ siâŋe Anutugât den lau lokowiap âmâ manman kârikŋân manmâ âgâwiap. Aregât hângât wan me wan bo egâlianŋebei.

**Yesugât gasa miawakbiapgât den.**

<sup>18</sup>Nananlupne, sop bâiŋe tâlâguwiap. Akto ye Kristogât gasa kautŋe miawakbiap gât makmakŋe are nâŋgâi. Are luâk âmbâle dondâ Kristogât gasa akmâ manmai dop hainâk emelâk miawagi aregât emelâk sop humo are tâlâwâk dondâ aktâp. Are nâŋgâen. <sup>19</sup>Akto ulikŋân nengâlân gâtŋe bikŋande keiyenŋe bo nâŋgâyengiyionân âmâ nen olop mali. Haminân âmâ hepun nenekmâ Kristogât gasa akmâ mandâi. Dâ yâkŋe nen olop gala bunŋe akmai dâine bo hepun nenekbâi. Akto hepun nenegi amâ keiyenŋe ekmâ nen olop bo manmai dâm nâŋgâyion.

<sup>20</sup>Galalupne, ye amâ Âlepŋe Amboŋe arekŋe biwiyenân giep aregât nâŋgâ nâŋgârâ olowâk hârok manmâ den bunŋe keiŋe nâŋgâmai. <sup>21</sup>Aregât ye den bunŋe bo nâŋgâmai dâm kulem ire bo kulemgoyenŋiân. Bo. Den bunŋe nâŋgâmbiâ âmâ hianŋi hârok biwiyenân bo miawakmap aregât kulemgoyenŋiân. <sup>22</sup>Akto hianŋi luâk are niŋaet dâwaen? Luâk siâŋe, “Yesu amâ Anutuŋe bo huŋgunanŋo giep.” dâmap yâk âmâ hianŋi luâk dâwaen. Yâk âmâ Apo akto Nanŋe munenŋ akmâ keiyetŋe tigimap. Yâk âmâ Kristogât gasa kautŋe akmap. <sup>23</sup>Yâk amâ Anutu Yesugât Eweŋe bo dâmap aregât Anutuŋe bo membiap. Dâ nenâmâ Anutugât Nanŋe nâŋganŋmâ makmâ miawakmaen amâ Anutu Ewenenŋe yâkŋe nanŋe olowâk tân nengumandat.

<sup>24</sup>Akto ye ulikŋânbak den pat âlepŋe nâŋgâm gam mali are nâŋgâm biwiyenân katmâ nâŋgâm manmâ âgâwei. Hain akmâ manbiâ âmâ Anutu akto Nanŋe yâkâ hainâk nâŋgâyengim manmâ âgâwiandat. <sup>25</sup>Siâ me siâ ire Yesuŋe makmâ hârenengiep amâ manman kârik are.

<sup>26</sup>Galalupne, yu kulemgoân imâ biwi gulip akyengimai yâk yengât keiyenŋe makyenŋiwerâm yu kulemgoyenŋiân. <sup>27</sup>Dâ yengât amâ hin maktân. Heakŋe puli yegep are yengâlân tatbiâp. Aregât luâk siâŋe makmâ hekatyenŋiwiapgât dâpŋe bo. Heakŋe meyi yâkŋe den hârok makmâ hekatyenŋim akmap. Dâ bo heyengimap. Yâkgât den keiŋe âmâ bundâk. Emelâk Heak arekŋe dâp hekatyenŋiep aregât kâlegen kulukmâ manbei. <sup>28</sup>Nan baratlupne yeŋe Kristogât nâŋgâ nâŋgân manbei. Akto maleine nen olop yâk miawaktoân kârikŋe akmâ hulan akmâ anŋun anŋim bo kinmâ âmâ kârigewaen. <sup>29</sup>Akto yâk wan me wan mendo ârândânŋ akmap aregât nâŋgâmbiâ âmâ benŋe siâŋe wan me wan mendo ârândânŋ akmap yâk ekmâ hin nâŋgâmai, Imâ memelupnenŋande menenegi dop hainâk Anutuŋe mendo miawagep.

**Anutugât nan baratņe mandengât keiņe.**

**3** <sup>1</sup>Galama, nânġâi. Anutu Ewenenņe âmâ biwi kalem humo aknengimap are siâ siâ hârok ewangimap. Anutuņe nan baratlupne dâm nengolep arekņe hârok ewangimap. Nen yu manden ire nan baratlupne dâm nengolep amâ bunņe makto miawagion. Dâ luâk âmbâle Anutu bo nânġaņmai arekņe nengât keinenņe bo nânġâmai. Amâ Anutu ikiņe bo nânġaņmai areġât. <sup>2</sup>Galama, nen hinņe Anutugât nan baratlupņe manden are nânġâen. Dâ siân manbaen areġât dopņe gain hin are manbaen amâ hinņe bo nânġâen. Hin âmâ nânġâmaen. Humonenņe miawakto egekņe bunņe ekmâ nânġâm heņgemgom âmâ dop hainâk akbaen. <sup>3</sup>Areġât niņande Anutu nânġaņdo humo akto yâkgât mârur lâmgomap âmâ Humonenņe kau kau manmap hainare manbiapġât biwiņe heņgemgoakbiap.

<sup>4</sup>Galalupne, dosagât pat hin makbe. Siâ bâleņe memap amâ den kârikņe komap. Den kârikņe koko arekņe amâ bâleņe dondâ. <sup>5</sup>Akto Yesugât âmâ nânġâmai. Yâk âmâ dosa puliwerâm miawagep. Dâ ikiņe âmâ bâleņe bo akmâ yân malep. <sup>6</sup>Akto siâņe han biwiņe Yesugâlân katmâ manmap amâ bâleņe bo akmap. Areġât luâk âmbâle bikņande bâleņe akmai amâ Yesu bo ekmâ nânġaņi.

<sup>7</sup>Nanaņlupne luâk bikņande ye biwi gulip akberâm makyenġimbiâ biwiyeņe gulip akbopġât hin makbe. Kristo are amâ wan me wan mendo ârândânġ akmap areġât siâ âmâ Kristogât dâp wato ârândânġ akmap. <sup>8</sup>Dâ luâk bikņande bâleņe akmâ manmai are amâ Bâleņe Amboņaet kâmolân gâtņe. Amâ Bâleņe Amboņande miawagewânbak bâleņe akmâ manmâ gaep areġât. Akto Anutugât Nanņande âmâ Bâleņe Amboņaet âi koaņberâm miawagep. <sup>9</sup>Areġât siâkâ makbe. Memelupnenņande menenegi dop hainâk Anutuņe menenekto gurukņe manmaen nenņe bâleņe maleņe bo mem manmâ âġâwaen. Anutu ġâlânba manmangât kârikņe yenengimbo areġât bâleņe maleņe bo mem âġâwaen. Anutuņe menenekto dâp irakņân manbaenņe bâleņe gain gain mem âġâwaen? Amâ bo. <sup>10</sup>Akto Anutugât nan baratlupņe nengât akto Niambigât nan baratlupņe are yeņġât keiyeņe âmâ hin miawakto ekbaen. Siâ âmâ manman âlepņe bo memap akto galaņe bo tângomap areġât âmâ Anutugâlân gâtņe bo dâwei.

**Han kalem akmâ tân aguwaen.**

<sup>11</sup>Galalupne, ye Yesugât keiņe pup pup nânġâyânbak hin makyenġimbiâ nânġâm gamai. Nen biwinenņe tân aguwaen. <sup>12</sup>Dâ Kaiņġât dâp bo watbaen. Yâk âmâ Bâleņe Amboņaet nanņe ikiņe agak meme bâleņe akmâ emiņaet agak meme âlepņe are ekto gembo emiņe kondo moep. <sup>13</sup>Areġât hinņe luâk âmbâle bikņande hânġât agak meme

aregâlâk nângâmai, arekŋe hainâk yekbiâ gembo peiyekmai aregât sân sân bo membei. <sup>14</sup>Nenŋe amâ Yesugât kâmot areyengât biwiyeŋe tângomaen aregât hin nângâm heŋgemgone. Emelâk momogât dâp hepunmâ manman âlepŋân manmâ gaen. Akto siâ bikŋe biwi tângo tângo bâlâk manmai amâ momoŋeâk manbiap. <sup>15</sup>Akto siâŋe galaŋe peim kuk agaŋdo amâ bugâ koko luâk dâwei. Akto ye bugâ koko luâk yâk yeŋgât nângâi. Yâk yeŋgât biwiyeŋân manman kârikŋe bo miawakmâ yembiap.

<sup>16</sup>Akto Yesuŋe nengât akmâ manmanŋe hepunmâ moep aregât biwi tângo tângogât keiŋe egion. Aregât nenŋe hainâk galalupnenŋe yeŋgât akmâ manmannenŋe hepunmâ mombaen âmâ ârândân akbiap. <sup>17</sup>Aregât hin makbe. Luâk siâ sot soŋgo me sikum siâ siâ dondâ yeŋdo galaŋe wan me wangât umburuk mando ekmâ biwiŋe hâkân akto aregât biwiŋân Anutugât pat âlepŋe yendâp me? Bo. <sup>18</sup>Nananlupne, gala tânyenŋuwerâm âmâ lau biwittenŋandeâk bo tânyenŋuwaen. Bo. Nen âmâ han biwi nângâ nângânennande tânyenŋuwerâm wan me wan yeŋgim gala akyenŋiwaen.

#### **Anutu nângâmaenŋe yâkgât hamep bâlâk manbaen.**

<sup>19</sup>Hain akbaen âmâ benŋe den bunŋaet kâmot manmaen are nângâenŋe bunŋe akbiap. Akto agak meme âlepŋe are nângâenŋe âmâ Anutuŋe nenekto biwinenŋe owâiŋe akmap. <sup>20</sup>Dâ sopŋe sopŋe biwinenŋande den âiân kat nenekberâmbo âmâ hin nângâwaen. Anutu âmâ biwinenŋaet dopŋe bo. Yâk dop siâ manmâ siâ me siâ nângâm metemap aregât biwinenŋande umatŋe akbiapgât dâp bo. <sup>21</sup>Galama, okot akyenŋimangât hin makbe. Biwinenŋande denân bo kat nenekto amâ Anutugât enemŋân âlepŋe kindenŋe biwinenŋe bo gemap. <sup>22</sup>Akto den lauŋe lokoanmâ kinmâ wan me wan akmâ mandenŋe Anutuŋe nenekto huragumapgât wan me wangât ulilaŋdenŋe nengimap. <sup>23</sup>Akto Anutuŋe den kârikŋe hin kato talep. Nanŋe Yesu Kristogâlân biwinenŋe katmâ hannenŋande nânganmâ âmâ benŋe galalupnenŋe han kalem agaŋgi goaŋgi akmâ tân agu agu akbaen. Hain akbaengât maknengiep. <sup>24</sup>Akto luâk bikŋande Anutugât den kârikŋe lokowerâm akmai âmâ Anutu olop biwi konok akmai. Aregât ikiŋe Heak nengimbo âmâ Anutu ikiŋe biwinenŋân manmap dâm nângâmaen.

#### **Heak bâleŋe akto âlepŋe yetgât den.**

**4** <sup>1</sup>Galalupne, luâk âmbâle propete hiaŋgi dondâŋe heyenŋiwerâm akmâ Anutugât Heakŋe tân nengumbo makyenŋgimaen dâm hiaŋgimai aregât imâ Anutugâlân gâtŋe me borâm âmâ nângâm heŋgemgowerâm damun akbei. <sup>2</sup>Akto nângâm heŋgemgowaigât hin makbe. Luâk siâ Yesu amâ Anutuŋe huŋgun aŋdo luâk akmâ miawagep

dâmap amâ Anutugât Heakŋe tângomap. <sup>3</sup>Dâ hianŋi heak arekŋe Anutuŋe Yesu bo huŋgunaŋdo miawagep dâmap amâ Anutugâlân gâtŋe bo. Amâ Kristogât gasa kautŋe yâkgât sinduk baniara arekŋe hain dâmap. Yâk miawakbiapgât dâtâŋe are ye nâŋgâi amâ emelâk hânân miawaktâp. <sup>4</sup>Nanaŋlupne, Anutuŋe amâ hânân gâtŋe are ewangimap aregât Anutuŋe ye olop manmap arekŋe propete hianŋi yâk yengât amboŋe ewangimap. <sup>5</sup>Akto propete hianŋi yâk âmâ hânân gâtŋe aregât hânŋât nâŋgâ nâŋgâ are makmai. Makbiâ hânân gâtŋande ondop katmai. <sup>6</sup>Dâ nenâmâ Anutugâlân gâtŋe. Gârâmâ siâŋe Anutu nâŋgaŋmâ âmâ den nenŋe nâŋgâmap. Dâ Anutugâlân gâtŋe bo arekŋe âmâ bo nâŋgâ nengimai. Amâ dennenŋe komai. Aregât den bunŋaet Heak akto den hilipkomapgât sinduk baniara yâk yetgât keiyetŋe hainâŋgen ekmâ potatmâ nâŋgâm heŋgemgomaen.

### **Anutuŋe han kalem aknengimap.**

<sup>7</sup>Galalupne okotne nâŋgâ aŋgimaen, biwi tângo tângo aregât keiŋe makbe. Biwi tângo tângo bunŋe amâ Anutugâlânba miawakmap. Miawakto Anutuŋe menenekto Anutu nâŋgaŋmâ manmaen aregât biwinenŋande tân agum manne. <sup>8</sup>Akto areâk bo. Anutu amâ biwi tângo tângo aregât Amboŋe aregât luâk siâ biwi okot âlep bo akmâ manmapŋe amâ Anutugât keiŋe bo nâŋgâmap. <sup>9</sup>Akto Anutuŋe nanŋaet manman âlepŋe nengâlân miawagâkgât Nanŋe konok huŋgunaŋdo hânân giep aregât Anutugât okot âlep are nengâlân miawagep. <sup>10</sup>Akto biwi okot tângo tângo aregât keiŋe hin yendâp. Nenŋe Anutugât biwi bo tângoyion. Bo. Ikiŋak soŋ okot nâŋgânengim Nanŋe huŋgunaŋdo gem bâleŋe nenŋaet akmâ kindo Eweŋande nengât kuk aŋdo hâk hilâlâm nâŋgâm mondo dosanenŋe bo agep. <sup>11</sup>Anutuŋe biwi okot âlep hainare humo aknengiepgât nenâkâ hainâk biwinenŋande tân agu agu akmâ manbaen. <sup>12</sup>Akto luâk siâŋe Anutu bo ekmap. Gârâmâ nenŋe biwi okot âlep aganŋiwaenân âmâ Anutuŋe biwinenŋe tângombo Anutugât okot âlep are biwinenŋân sambelem humo akmâ kârikŋe akmap.

<sup>13</sup>Akto Anutuŋe ikiŋe Heakŋe nengiep aregât hin nâŋgâne. Yâk âmâ nen nâŋgâ nengimap akto nenŋe yâk nâŋgaŋmâ yâk olop manmaen. Akto hainâk manmâ âgâwaen. <sup>14</sup>Akto Eweŋande Nanŋe hân ârândâŋ luâk âmbâle heŋgem nenguâkgât huŋgunaŋdo giep. Akto nenŋe dewun nenŋande ekmâ bunŋerâm den ire makmâ miawakmaen. <sup>15</sup>Akto luâk siâŋe Yesu âmâ Anutugât Nanŋe bunŋe dondâ dâm den are makmâ miawakmap âmâ Anutuŋe biwiŋân manmap. Akto yâkŋe Anutu nâŋgaŋbiap. <sup>16</sup>Aregât Anutugât biwi tângo nengâlân miawagep are nâŋgâm heŋgemgoyion. Anutu âmâ biwi tângogât kautŋe akto siâŋe biwi tângo olowâk manbiap yâk âmâ Anutuŋe nâŋgaŋmap. Akto yâkŋe gai Anutu nâŋgaŋmap. Akto hainâk manmâ âgâwiap. <sup>17</sup>Hainŋât nengâlân



biwi tângo tângo miawakmâ sambelem arekne tân nengumbo Yesu manmap hainâk nenâkâ hânân manmaen aregât siân hâuŋaet sowân kambiamnenne umatne bo akto hamep bâlâk kinbaen. <sup>18</sup>Aregât lâuwâne makbe. Nenne okot âlepne akmâ manmaen aregât siâ siâgât hamep bo akmaen. Akto biwi tângo tângo bunŋande hamep are wato bo akmap. Akto siâne kârikne akmâ siâ denân katberâambo âmâ hamep akmap aregât okot âlepgât pat bo akmap. Hain akto âmâ luâk âmbâle hamep akmai arekne âmâ okot âlepgât pat bo akmâ manmai. <sup>19</sup>Dâ nen âmâ hain bo akmaen. Anutuŋe soŋ okot âlep aknengiepgât biwi tângo tângo olop manmaen. <sup>20</sup>Akto luâk siâne Anutugât okot âlep agaŋman dâm âmâ galaŋe mem ge katbiap yâk hiaŋgi luâk hain are dâwei. Nâŋgâi. Siâne galaŋe ekmap are mem ge katmâ âmâ gain gain akmâ Anutu bo ekmap are biwiŋe tângowiap? Âmâ bo. Dâp bo tatâp. <sup>21</sup>Akto Yesugât den hin yenengiâp. Anutu biwi okot âlep agaŋberâm âmâ âlepne galalupnenne hainâk okot âlep akyengiwaen.

**Anutugâlân dewatಿಯಂಗât hângât kotne siâ  
siâne bo mem ge katnenekbiap.**

**5** <sup>1</sup>Akto siâne âmâ Yesu âmâ Anutuŋe huŋgunanŋo luâk akmâ giep dâwiap aregât keiŋe amâ Anutuŋe ulikŋân meaŋepgât gurukne miawakmâ gaep. Hain akmâ Ewenenne Anutu are okot âlep agaŋmapgât Anutugât nan baratluŋne hârok hainâk okot âlep akyengimbo ârândân akbiap. <sup>2</sup>Hain akto Anutu okot âlep agaŋmâ denne kârikne laŋe lokom âmâ benne âlepne Anutugât nan baratluŋne bikne okot âlep akmâ tânyenŋuwaen. <sup>3</sup>Aregât keiŋe hin. Anutugât biwi tângo tângo amâ yân bo akmâ den kârikne lokom âmâ biwi tângo agaŋbaen. Akto Anutugât den kârikne amâ den umatne bo. <sup>4</sup>Amâ Anutuŋe menenekmâ tân nenguepgât hângât siâ siâ are hârok kondenne gemap. Akto aregât kârikne amâ biwinenne Anutugâlân katenne talep aregât hângât siâ siâ kondenne gemap. <sup>5</sup>Aregât lâuwâne makbe. Niŋande hânân kârikne akmâ siâ siâ hârok ewangiyekbiap? Luâk siâne Yesu amâ Anutugât Nanne hain dâm nâŋgâm heŋgemgowiap arekne âmâ hain akbiap. <sup>6</sup>Yesu Kristo amâ tu akto gilâm akmâ togoep. Tu areâk bo. Aregât tu olop akto gilâmne olop hârok togoep. <sup>7</sup>Akto Anutugât Heakne den bunne kautne are amâ Yesugât keiŋe makmâ miawakmap. <sup>8</sup>Aregât âlâwu akmâ arekne tân agum âi memai Heak akto tu akto ikiŋe gilâmne. Akto âlâwu are âmâ keiyeŋe konok miawakmap. <sup>9</sup>Luâk bikne den tân agum makbiâ nâŋgâenne bunne akmap. Dâ Anutuŋe den siâ tângombo den arekne amâ bunne dondâ akmap. Hain akto Anutuŋe Yesu amâ nâŋgât Nanne dâmbo imâ bunne dâm nâŋgâyion. <sup>10</sup>Akto areâk bo. Siâne Anutu Nanŋaet nâŋgâ aŋbiap yâk Anutugât den bunne biwiŋân kinbiap. Dâ siâ Anutugât den bo nâŋgâm heŋgemgowiap amâ Anutu hiaŋgiep dâm nâŋgâm hilipkowiap.

Luâk hain arekñande Anutuñe Nanñaet den magep aregât nângâmbo bunje bo akbiap aregât Anutu amâ hiangiep dâm nângâm hilipkowiap. <sup>11</sup>Akto den bunje amâ hin yendâp. Anutuñe manman kârikñe nengiwerâm Nanñe huñgun aņdo giep. Aregât manman kârikñe amâ Nanñaelânba miawaknengiep. <sup>12</sup>Aregât biwinenñe Nanñaelân katenñe manman kârik miawaknengiep. Dâ luâk âmbâle bikñande Anutugât Nanñe bo nângarñbiâ amâ manman kârik bo miawak yengimap.

#### **Anutu ulilañbaengât keñe.**

<sup>13</sup>Galalupne, nâ den ire hin nângâñetgât kulemgoyenñiân. Anutu Nanñe nângarñmai ye amâ manman kârikñe miawak yengimap. <sup>14</sup>Akto nen wan me wan Anutu ikinak nângâmbo yendâp aregât biwinenñe humo katmâ ulit aktenñe nângâ nengiwiap aregât akmâ Anutugâlân hamep bâlâk ulilañmaen. <sup>15</sup>Aregât lâuwâñe makbe. Wan me wan ulilañdenñe ainâk dowâk nângânengimap dâm nângâmaen amâ âlepñe emelâk ulitnenñe aregât nengiep dâm nângâwaen. <sup>16</sup>Aregât luâk siâñe galañe siâ bâleñe siâ momo bâleñe bo are mendo ekmâ ainâk aregât akmâ yâkgât ulilañdo Anutuñe galañe manman dâwân katbiap. Amâ momo bâleñe aregât bo maktân. Akto bâleñe siâ amâ hemengât bâleñe yendâp. Hain aregât ulit âñe meâkgât bo maktân. <sup>17</sup>Bâleñe siâ siâ amâ dosagât pat. Dâ bâleñe konok amâ momogât dosa mem miawakmap.

#### **Anutu Bunje Amboñe amâ biwinenñân tatmap.**

<sup>18</sup>Akto nen hin nângâmaen. Anutuñe ikinje luâk me âmbâle siâ mendo bâleñe hâkñe hâkñe bo akmâ manmap. Amâ Anutugât Nanñande memapgât horat korat agaņdo aregât Bâleñe Amboñande bo memap. <sup>19</sup>Aregât nen Anutuñe menenekmâ korat nengumap dâmaen. Dâ luâk âmbâle dondâ Yesu bâlâk hârokñe amâ Bâleñe Amboñe yâkgât amukñân yemai. Hain nângâmaen. <sup>20</sup>Akto hin gai nângâmaen. Anutugât Nanñe yâkñe gem nângâ nângâ mem miawaknengimbo Anutu Bunje Amboñe are nângâm biwinenñân katmaen. Akto Bunje Amboñe amâ Anutugât Nanñe Yesu Kristo yâk biwinenñân yendâp yâkgât akmâ Anutu Bunje akto Manman Kârik Amboñe. <sup>21</sup>Galalupne, den bâñe ire. Lâpio me hiangi humo arekñe heyenñiwâigât damun agaņgim hepunmâ manbei.

# 2 Yohane

---

## Yohaneŋe yu kulemgoep.

<sup>1-2</sup>Tâune, nâmâ sop kâlep Yesugât kâmot damunyeŋe akmâ gan. Kulem ire Anutuŋe mengekma potatmâ giŋep gâ akto nanaŋlupge yeŋgât kulemgoân. Akto nen Yesugât den bunŋe lokoŋne biwinenŋe tângomap, akto tângom âgâwiap, aregât gâ okotne dondâ nâŋgâgiŋdân. Nâ konok bo. Nen den bunŋe aregât ukenŋe nâŋgâmaen nen hârokŋe gâ okotnenŋe dondâ nâŋgâgiŋden. <sup>3</sup>Anutu Ewenenŋe are akto Nanŋe Yesu Kristo are yâkŋe damun nenŋe akmandat. Akto okotyeteŋe nâŋgâ nengimandat. Akto tânnengum mandat aregât biwinenŋe sândugembo heronŋe humo nâŋgâmaen.

## Han kalemŋaet keiŋe.

<sup>4</sup>Wei, tâune, nanaŋlupge bikŋe Ewenenŋe Anutu arekŋe den kârikŋe ikiŋandeân makyenŋieŋep are lokom den ire bunŋe dâm lokom manmai areyeŋgât keiyeŋe hain nâŋgâm biwine dondâ âlepŋe agep. <sup>5</sup>Akto den kârikŋe siâ makgiŋdere nâŋgâ. Den aŋgâ bo. Miawagewânbak nâŋgâm gam manmaen areâk makgiŋbe. Biwiŋe tân agum manbaen aregât miawagâkgât yu kulemgoân. <sup>6</sup>Dâ den ire amâ nâŋgâlâk bo. Gâmâ keiŋânbak nâŋgâm gaen amâ hin. Anutuŋe hin dâm makmâ hârenenŋieŋep, “Nâŋgât den kârikŋe hârok lokowei. Dâ den konok amâ umatŋe dondâ amâ biwi tân agu agu akmâ okot âlep aganŋiwei.” dâm maknengieŋep, den are keiŋânbak nâŋgâen. <sup>7</sup>Akto hinŋe hianŋi luâk âmbâle dondâ miawagi. Akto kepianŋe kepianŋe arim hin makyenŋimai, “Anutuŋe Nanŋe huŋgunaŋdo gewiap amâ Yesu bo. Yesu amâ Anutugâlânba bo gem luâk agep.” dâm hianŋimai. Are yeŋgât damun amâ Yesugât gasa kautŋe are. <sup>8</sup>Aregât biwiyeŋe damunŋe akbei. Akto âi humo meyi aregât hâu yânŋe akbopgât biwiyeŋe damunŋe akmâ yâk yeŋgât den bo nâŋgâwei. <sup>9</sup>Akto luâk âmbâle bikŋe yeŋe nâŋgâ nâŋgâyeŋe watmâ Yesu amâ Anutugât Nanŋe bo dâmai amâ Anutugât kâmolân gâtŋe bo. Dâ luâk âmbâle bikŋe Yesu amâ Anutuŋe Nanŋe huŋgunaŋdo gem luâk akmâ malep dâmai amâ Anutu akto Nanŋe yâk lâuwâ arekŋe damunyeŋe akbela

manmai. <sup>10</sup>Aregât luâk bikñande Yesu amâ Anutugât Nanñe den are bo dâmai arekñe gâñgâlân togombiâ emetgân bo oloñyekmâ katyekmâ tânyenñuwen. <sup>11</sup>Amâ niñande gala akyenñimap amâ agak memeyenñe bâleñe tânyenñumap bâleñe arekñe makmâ miawaganñiap.

#### Den bâiñe.

<sup>12</sup>Tâune, nâñe den bikñe dondâ makñiñberâm aktân. Aregât gâwuñe kulem esenñe kulemgom katere gâñgâlân togowiap are bo nâñgân. Amâ hin nâñgân. Nâ gâñgâlân dowâk togore egakmâ denân maganñi goanñi akbaet. Hain akmâ okot âlep humo mem miawakbaet aregât ukenñe nâñgân. <sup>13</sup>Akto gâñgât garige Anutuñe nâñgâm kepilâ añep are in manmap yâkgât nanañlupñe gâñgât okotyenñe dondâ nâñgâ giñmai hain nâñgâwen.

# 3 Yohane

---

## Yohanenye Gaiogât den kulengoep.

<sup>1</sup>Galane Gaio, nâmâ luâk sâmbâ sop kâlep manmâ gan. Nâne kulem esenye ire gânġât kulengoân. Gala gâmâ Yesugât kâmolân gâtne aregât den bunye aregât akmâ gânġât okotne dondâ nânġân.

<sup>2</sup>O Gala, nâ gânġât akmâ Anutu ulilanġdere wan me wan hârokgât gai umburuk akmenâ are hârok âlepne miawak ginġbiap aregât ulilanġman. Akto Anutunye tân gugumbo biwige âlepne akmap aregât nânġâm âmâ hinne hâkgaet ulilanġman. <sup>3</sup>Akto ulikġân Yesugâlân gâtne bikġande gânġâlânba nânġâlân togoyi akto togom gânġât makniġi. Amâ den bunye nânġâm watmenâ agak memege âlepneâk miawakmap. Are amâ bundâk. Gâmâ den bunye watmat. <sup>4</sup>Galane, nâne ulikġân luâk me âmbâle makyenġire biwiyeŋe Yesugâlân kali are yenġâlân gâtġande den bunye lokom manmâ gayi a nânġâm herone humo nânġâman. Akto herone irekne herone siâ ewangiâp.

## Gaio amâ âi âlepne miep.

<sup>5</sup>Galane, gâne Yesugâlân gâtne tân yenġuen âi are amâ âlepne. Akto Yesugât kâmolân gâtne tirip bo nânġâmat amâ hanâk dâm tânyenġuen are âi âlepne dondâ mien. <sup>6</sup>Akto are yenġâlân gâtne bikġande hepun gekmâ nânġâlân togom gânġât keige âlepne are Yesugât kâmot hutyenġân kinmâ maknengiyi. Gala, gâne okot âlep akyenġim dâpġât siâ siâ tân yenġumat den are nânġâm herone humo nânġân. Gâ wan akmat amâ Anutugât âi dâm nânġâm âmâ hainâk akmâ âgâwen. <sup>7</sup>Akto Yesugâlân gâtne yu maktân arekne Yesugât keiŋe makyenġiwerâm kepiaŋe kepiaŋe arim Yesugât kâmolân gâtne bo manmai are yenġâlân puli me wan me wan bo ulit yenġimai. <sup>8</sup>Hain akmâ nengâlân togombiâ âmâ âiyeŋe amâ nengât âi hainâk dâm dowâk tân yenġuenne ârândânġ akmap.

## Diotrepegât den.

<sup>9</sup>Nâne âġâlân Yesugât kâmot yenġât kulem siâ kulemgom katere ariep. Dâ luâk siâ kotne Diotrepe yâkne ikiŋaet nânġâmbo âġâmap are

nângât den bo nângâm âmâ kondo gemap. <sup>10</sup> Akto areâk bo. Yesugât kâmot siânbaŋe togombiâ bo tân yeŋgumap. Dâ luâk âmbâle bikŋande tân yeŋguwerâm akbiâ Diotrepeŋe tân yeŋguwâigât nengât kâmolân bo togoŋet dâm wat yekto yânŋângen manmai. Hain gârâmâ nâŋe hâmbâi yeŋgâlân togowianân âmâ yâkgât den kom âmâ dennenŋe kom agak meme bâleŋe akmap are mem miawaktere ekbai.

#### Demetriogât den.

<sup>11</sup> O Galane, gâ agak meme bâleŋe bo watben. Gâ agak meme âlepŋe watben. Akto luâk âmbâle agak meme âlepŋe akmai amâ Anutuŋe memeŋe akyeŋgimbo hain akmai. Dâ luâk âmbâle bikŋe agak meme bâleŋe akmai amâ Anutugât keiŋe bo nângâmai. <sup>12</sup> Akto luâk agak memeŋe âlepŋe Demetrio are luâk âmbâle dondâŋe yâkgât agak meme nângâmbiâ ârândâŋ akmap. Akto bunŋande hainâk keiŋe miawakto ârândâŋ akmap. Akto nenâkai yâkgât nângâenŋe ârândâŋ akmap. Akto gâ nengât den amâ bundâk dâm nângâmat.

#### Den bâiŋe.

<sup>13</sup> Nâŋe den bikŋe dondâ makŋiŋberâm aktân. Aregât gâwuŋe kulem esenŋân kulemgom katere gâŋgâlân togowiap are bo nângân. <sup>14</sup> Gârâmâ nâ dowâk togom gâ gektere egakmâ magaŋgi goaŋgi akbaetgât ukenŋe nângân.

<sup>15</sup> Galane, Anutuŋe damunge akto kambiamge yeukŋe talâkgât ulilaŋdân. Akto Yesugât kâmolân gâtŋe nâ olop tatâi amâ gâŋgât nângâm heronŋe aktâi. Akto gâŋgâlân Yesugât kâmolân gâtŋe tatâi are konok konok nengât makyenŋimenâ heronŋe akbei. Areâk.

# Yuda

---

## Yudaŋe yu kulemgoep.

<sup>1</sup>Galalupne, nâ Yuda Yesu Kristogât hoŋ bawa akto Yakobogât emiŋe nâ yengât kulem esenŋe ire kulemgoân. Ye âmâ Ewenenŋe Anutuŋe okot âlep akyengim potatmâ oloŋyekmâ Yesu Kristogât akmâ damunyeŋe akmâ âgâmbô âlepŋân manmai. <sup>2</sup>Yengât ulilaŋdere Anutuŋe okot âlep dondâ akyengim damunyeŋe akto biwiyeŋe sândugem âgâwiâp.

## Mitigât gasa yâk yengât keiŋe.

<sup>3</sup>Galalupŋe, Yesuŋe heŋgem nenguepgât keiŋe kulemgowerângât nâŋgare humo aktâp. Gârâmâ umatŋe siâ hinŋe miawakyengimbo aregât Yesu Kristogât keiŋe nâŋgâm biwinenŋe yâkgâlân katenŋe kilep aregât pat amâ emelâk miawaknengiep are nâŋganmâ âmâ nâŋgâ nâŋgâyeŋe yeukŋe akbopgât yu kulemgoân. <sup>4</sup>Luâk bikŋande nâŋgâ nâŋgâyeŋe yeukŋe agâkgât yoŋâk yengâlân togom mali. Luâk are amâ Anutuŋe ulikŋân makto hâuŋe bâleŋe miawakyengiwiapgât siâŋe kulemgoep yengât hâuyeŋe amâ yâk yengâlân miawakbiap. Akto yâk hin akmai. Anutugât bo hamep akmai. Akto Anutuŋe hanâk tân nengumap aregât nâŋgâm gulip akmâ hanâk hanâk mandenŋe âlepŋe Anutuŋe dosanenŋe kutigitnengiwiap dâm bâleŋe olowâk manmai. Akto areâk bo. Humo kautnenŋe konok Yesu Kristo yâk are hâkokomai. Akto Yesu âmâ hânân gâtŋerâm luâk yânŋe dâm nâŋgâmbiâ gemap. Luâk hain akmai are âmâ hâuŋe bâleŋe miawakyengiwiap.

<sup>5</sup>Galalupŋe, hâuŋe aregât keiŋe makbe. Den imâ emelâk nâŋgâm meteyi areâk makyengim nâŋgâyeŋgiwe. Ulikŋân Humo Anutuŋe amâ Israe luâk âmbâle kâmot humo Aigita hânânba kewuguyekto umatŋe hepunmâ ariyi. Akto are hamiŋân are yengâlân gâtŋe bikŋande Anutugât nâŋgâmbiâ giep are Anutuŋe hâuŋe bâleŋe kakyeŋân kato hilip aguyi. <sup>6</sup>Akto areâk bo. Aŋelo bâleŋe arekŋe damun âiyeŋe gagaim panmâ welamyenŋe hepuli yâk âmâ Anutuŋe hâmbâi sop humoân hâuŋe bâleŋe akyengiwiapgât lope kârikŋe aregât kâlegen katyekto hândâkŋe katip yenguep. <sup>7</sup>Akto siâ hin. Kepia lâuwâ Sodom akto Gomora akto kepia



ginje ginje tatmâ ariep aregât ambolupņande hanâk hanâk manmini. Hain akmâ luâk âmbâle egâlianġât dâp gulip bâleņe dondâ akmâ keiņe aņġâ dondâ mem miawakbiâ Anutugât luâk âmbâle nenņe ire ekmâ hamep akbaen dâm kâlâp pando om meteyegep. Amâ siân bikņande kâlâp kârikņân manmâ âġâwai yâkņe nâņġâm heņġemgowaiġât.

<sup>8</sup>Akto hâuņe bâleņe yu maktân imâ hainâk luâk hinņe yonġâk yengâlân togom hutyeņân miawagi areyengâlân miawakbiap. Luâk ire yâkņe gai hainâk hianġi den areġât ukenņe nâņġâm dâp gulip manmâ Anutu akto damunlupyene yeņæet hâkân akmâ aņelogât nâņġâmbiâ gemap. <sup>9</sup>Dâ aņelo yengât humoyeņe kotņe Mikae yâkņe Mose moep areġât hâkņæet Niambi olop makmâ papalakmâ mendo gembo âġâmbo akmâ are kuk den bo maganep. Bo. Yâk ikinæet nâņġâmbo bo âġæpegât den yân hinâk maganep, “Humoņe hâuņe bâleņe ġiņbiâp.” dâmbo areġât nâņġâmbo hâungoep. <sup>10</sup>Dâ luâk irekņe âmâ wan me wan pâpkomai areġât makbiâ gemap. Akto nâņġâ nâņġâyeņe bo watmâ âmâ hâġġâlâk nâņġâm bau dua hinare akmâ egâlianġiâ ain âmâ hâuņe bâleņe miawakto hilip agumai.

<sup>11</sup>Woe, yâk arekņe âmâ manmâ wan akmai? Amâ Kaiņe emiņe kondo moep yâġġât dâp watmai. Akto puli me sikumġât ukenņe akmâ luâk kotņe Bileamņe puli egâlianepġât Anutu hepulep hain akmai. Akto luâk kotņe Kora yâkņe Moseņe damunyeņe akminep yâġġât hâkân akmâ âġâ âġâņæet hilip aguep hainâk âġâ âġâņe yeņæet hilip agumai. <sup>12</sup>Galama, luâk are âmâ yeņæet okot nâņġâ aņġim mendugum kinmâ sot om nemiân âmâ hutyeņân kinmâ aņun bâlâk sot soņġo areġâlâk nâņġâmai. Amâ areġât dop wanân katmâ maktere nâņġâwerâi? Hin. Damunlupyene âmâ yeņæet tepyeņaelâk nâņġâmai. Tânâk bo togombo hamandatņe yân dâġâm yemap. Akto seruņe togom âmâ waitmâ pando bo akto tânâk bo gemap. ġârâmâ luâk ire âmâ dop hain yâkņe bo tân nengumai. Akto dop siâ hin. Lâwin yânņe tuņe bo kândârâņe momoņe akto pâit pâitņe bunņe sopņân âmâ bo yemap dop hainâk luâk irekņe akmai. <sup>13</sup>Akto seruņe haru waitmâ pando bam guto barak barak akmap, dop hainâk luâk irekņe bam gutmâ den dondâ makbiâ agak meme bâleņe miawakto ektenņe gemap. Yâkņe bâleņe aņunņe olowâk pagaleņe bo diâ bokmâ gulip agu agu akmai dop hainâk akmai. Akto Anutuņe hândâk welamņe humo yengât makmâ hârembo yem âġâwiap are âmâ luâk hainare yengât pat.

### Enokoņe hâuņe membaigât keiņe magep.

<sup>14</sup>Akto luâk ire Enokoņe ulikņân yâk yengât keiyeņe makmâ miawagep. Enoko âmâ Adamġât hamiņân miawakmâ gambiâ gambiâ kâmot 7 akto Enoko miawakmâ hin dâep, “Siân Humo akto aņelo âlepņe kâmot hamepņe olowâk miawakbai. <sup>15</sup>Arekņe gem âmâ luâk bâleņe yâk bâleņe yeņæet keiņe mem miawakbiap. Akto Anutu bâlâk manmâ agak meme bâleņe akto den bâleņe Anutu mem ge katberâm makmai are

hainâk mem miawakyekbiap, aregât hâuŋe yeŋgiwiap.” dâep. Enokone hain dâep ina luâk hainare miawaktâi. <sup>16</sup> Miawakmâ galagât hogo hogo luâk akto siâ siâ hârokgât kambiam bâle akmai. Akto ukenyeŋe bâleŋe watmâ den agat agatŋe makmai me luâk puli me sikungât makmâ lau keluâk ulit agak hain are manmai. Luâk hainare manbiâ Anutuŋe makto hâuŋe bâleŋe emelâk kulemgôan are yeŋgâlân miawakbiap. Hain.

#### **Tân agum kârikŋe manbaengât den.**

<sup>17</sup>Galalupne, Humonenŋe Yesu Kristo yâkgât Aposololupŋande makyenŋiyi aregât nânŋâmâk manbei. <sup>18</sup>Hin magi, “Sop tâlâgumbo luâk bâleŋe miawakmâ ukenyeŋe bâleŋe watmâ Anutu mem ge katberâm makbai.” dâyi. Aregât nânŋâmâk manbei. <sup>19</sup>Luâk hain arekŋe Anutugât Heakŋe bâlâk manmâ hângâlâk nânŋâm âmâ Yesugât kâmot potatyekberâm âi humo membiâ potatmai. <sup>20</sup>Galalupne, yeŋe âmâ den pat âlepŋe kulemgoyi are oyaŋbiâ âmâ nânŋâ nânŋâyene bunŋe kârikŋe akto biwiyene Yesugâlân kârikŋeâk kinbiapgât tân agum kârigem manbei. Akto Anutu ulilaŋberâm âmâ Heak kârikŋande tân nenguâk dâm ulilaŋmâ manbei. <sup>21</sup>Hain akmâ Anutuŋe okot âlep yeŋgimâp aregât nânŋâm manbei. Akto Humonenŋe Yesu Kristone okot dondâ nânŋâ nengimâp aregâlâk nânŋâm lâmgom manbei. Hain akbiâ manman kârikŋe yeŋgiwiâp.

<sup>22</sup>Akto yeŋaelâk bo nânŋâwei. Luâk âmbâle Anutugât akmâ han lâuwâ akmai are nânŋâ nânŋâyene kârikŋe agâkgât olop den maganŋi goanŋi akmâ yaiwâk yaiyenguwei. <sup>23</sup>Akto bikŋe kâlâpŋe oyekbopgât bâleŋânba oloŋ yekbei. Dâ bikŋe âmâ hain akbâen dâm aregât yeŋeak okot nânŋâ aŋgim biwiyene damunŋe akmâ manbei. Hain akmâ âmâ biwinenŋe bâleŋande ewum gulipkowop dâm hamep akmâ hanokoakbei.

#### **Anutugât kot yem âgâwiâp.**

<sup>24</sup>Galalupne, den bâiŋe hin makbe. Anutu kotŋe mem agatmâ makbe. Anutuŋe damunyeŋe akmâ tân yeŋguwiâp gârâmâ aregât yeukŋe bo manmâ yâkgât pagaleŋân dosa bâlâk akto herone olop katyekto aŋun bâlâk manmâ âgâwaigât kârikŋe yeandâp. <sup>25</sup>Anutu yâkŋe konok âmâ heŋgem nengumâp aregât nenŋe Humonenŋe Yesu Kristogât akmâ kotŋe mem agatne. Yâk âmâ pagaleŋe damun akmap. Kotdâ Humo tâmbâ konok manmap. Akto kârikŋe wâtŋe hânŋeiŋe sop boân yeaneŋ hainâk yu yeandâp akto yeaneŋmâ âgâwiâp kârikŋe. A bundâk.

# Yesuŋe Yohane wan me wan miawakbiapgât makmâ hulaŋ aŋep.

**Yohanene egep aregât den.**

**1** <sup>1</sup>Nâmâ Yohane ire kulengoân. Anutuŋe den ire heambukmâ kalep arekŋe Yesu Kristo hin magaŋep, “Nâŋgât kâmot ulikŋân den heambukmâ kalân hinŋe makyenŋimenâ nâŋgâŋet.” dâm magaŋdo Yesuŋe ikiŋe aŋeloŋe siâ huŋgun aŋdo den ire makniŋep. <sup>2</sup>Makniŋdo Anutugât den akto Yesu Kristogât den pat hârok egân are yu kulemgowerân. <sup>3</sup>Sop humo are tâlâguâp aregât luâk siâŋe wan me wan miawakbiapgât den ire oyaŋmâ Yesugât kâmot makyenŋiwai are akto luâk âmbâle bikŋe den ire nâŋgâm lokom manbai are âmâ Anutuŋe memene akyenŋimbo heroge akmâ manbai.

**Yohanene kepia 7 yengât yu kulemgoep.**

<sup>4</sup>Agon aktere nâŋgâŋet. Nâmâ Yohane nâ Asia hânân Yesugât kâmot kepiaŋe kepiaŋe bât biken lâuwâ mandâi areyengât kulem yu kulemgowerân. Ire oyaŋmâ nâŋgâŋet.

O Galalupne, yengât akmâ Anutu ulilaŋman, Anutu manmâ gaep akto manmâ âgâwiap, yâk akto yâkgât Heakŋe âlepŋe nâmbulân lâuwâ akmâ Anutugât tat tat enemŋân manmai arekŋe ye biwiyene Yesugâlân kali are damunyeŋe akbiâ biwiyene sândugeâk. <sup>5</sup>Akto Anutuŋe Nanŋe huŋgun aŋdo gem Anutugât pat miawagâk dâm hânân mando kombiâ moep arekŋe hâmbâi momoŋânba agatbai dâm aregât dâp hekatnengim momoŋânba agalep. Akto Yesu arekŋe hângât luâk kembu akto kotdâ akto humomolupnenŋe hârok damunyeŋe akto amukŋân manmai. Akto nâŋe Yesu are hainâk ulilaŋdere damunyeŋe akto biwiyene sândugeâk.

Akto Yesugât keiŋe amâ hin. Yâkŋe âmâ okot nâŋgâ nengimap. Akto dosanenŋande damunnenŋe akbopgât akto Anutuŋe dosa nenŋaet kuk aknengimbo bo akbâengât nengât dumnenŋân kindo Anutuŋe

makto kombiâ gilâmŋe gembo moep. <sup>6</sup> Aregât hinŋe han kalemŋaet mânginenekmâ âmâ damunnenŋe akto yâkgât kâmolân manmâ âgâwaen. Hain aktenŋe Yesuŋe memeŋe aknengimbo Eweŋe Anutu aregât sumbe kat kat hainare akmâ manmâ Anutu okot âlepgât waŋmaen. Aregât Yesu kotŋe mem agatne. Akto hain akmâ âgâne. A bundâk.

<sup>7</sup> O Galalupne, makyenŋire nânŋâŋet. Yesu hamandat kakŋân togowiap. Hain togombo âmâ luâk bugâŋe kom lâwinân koyi arekŋe ekmâ indemiâ kambiamyeŋe bâliwiap. Akto luâk âmbâle hânŋe hânŋe manmai arekŋe ekmâ hainâk indem bâliwai. Are miawagâkgât ukenŋe nânŋâmaen. A bundâk.

<sup>8</sup> Anutuŋe hin dâp, “Nâ Anutu Humoŋe manmâ gan. Akto mandân. Akto manmâ âgâwian akto kârikŋe hârok tatniŋdâp. Nunak ulikŋânbak manmâ gan. Akto manmâ âgâm bo boakbian.” dâp.

### **Yohanenŋe Patimo gimbânân mando biwiŋe hulaŋ akto Yesu egep.**

<sup>9</sup> O Galalupne, ye Asia hânân manmâ Yesugât kâmolân dewatiyi ye amâ den iregât keiŋe makyenŋire nânŋâŋet. Nâ Yohane, nâ ye olop Yesugât âi mendenŋe Yesugât gasalupŋande nen bâleŋe aknengimai. Hain aknengimbiâ âi humo mem hâk hilâlâm nânŋâm hanâk dâm Yesugât lau lokoenŋe Yesuŋe damunnenŋe akto manmaen. Akto nânŋe Anutugât den pat makyenŋiman aregât akto Yesugât keiŋe makyenŋiman aregât Yesugât gasalupŋande menekmâ haru tânâmŋân gimbânŋe bâlensiâ kotŋe Patimo in katnekiâ talân. <sup>10</sup> Tatmâ Anutugât hilâm tat talân ain tateri Anutugât Heakŋe âleŋande hutgombo biwine purik kato den humo tâmbâ lâmun hinare haminân miawakto <sup>11</sup> hin nânŋân, “Yohane, gâŋe wan me wan ekberât ire kulemgom nânŋât kâmot bât biken lâuwâ ireyengâlai katmenâ arimbo oyaŋbei. Epeso kepien akto Simirna kepien akto Peagamoŋ kepien akto Tiatira kepien akto Sarde kepien akto Piladepia kepien akto Laodikea kepien Asia hânân manmai ain ire kulemgom katmenâ arimbo oyaŋbei.” dâep.

<sup>12</sup> Akto nâ niŋande makniŋdâp dâm purik katmâ egeine pagaleŋe emetŋe 7 goliŋe ketugu ketuguŋe egân. <sup>13</sup> Akto areyengât hutŋân âmâ luâk hinare egân. Luâk hinare are âmâ sâŋgum kâlep luguagep. Dâ imbenân âmâ tâk goliŋe ketugu ketuguŋe kilep. <sup>14</sup> Akto kautŋe akto kautŋe dumutŋe kau kau dondâ hamandat kauŋe hinare. Akto dewunŋe kâlâp ululunŋe hinare. <sup>15</sup> Dâ keiŋe amâ melu kâlâp ombiâ om yemap dop hainare. Akto denŋe amâ tu panpan munŋe hainare. <sup>16</sup> Akto diâ 7 bâtŋe bungen mem kilep. Akto tâwât okotŋe hamiŋe dâtŋeâk hain arekŋe lauŋânba ge kilep. Dâ enem dewunŋe amâ dewutâ erâmap dop hainâk pagalem kilep.

<sup>17</sup> Hain miawakmâ kindo ekmâ hamewakmâ keiŋân momoŋe hainare kânŋgom yeân. Dâ amâ bâtŋe bungen menekmâ hin makniŋep, “Gâ

hamep bo ak. Nâ ulik gulik dondâ ain malân akto hinŋe manman akto hâmbâi manmâ âgâwian aregât gâ hamep bo ak. <sup>18</sup>Dâ nâmâ Manman Amboŋe aregât nâ moân, dâ benŋe momoŋânba agatmâ manmâ gan akto manmâ âgâwian. Akto momogât dâp akto hememgât dâp are nâŋe konok damunyetŋe akmâ manman. <sup>19</sup>Nâŋe siâ siâ hekat giŋdere ektât akto hinŋeâk miawaktâp akto hâmbâi miawakbiap are hârok kulemgom metewen. <sup>20</sup>Gâ bâte bungen diâ 7 yektât ire akto pagaleŋe emetŋe goliŋe ketugu ketuguŋe hârok yu yektât iregât keiŋe makgiŋdere nâŋgâ. Diâ 7 amâ kepiaŋe kepiaŋe kâmot yengondân areyengât nâŋgât kâmot kepiaŋe kepiaŋe manmai areyengât aŋelolupyenŋe. Akto pagaleŋe emetŋe 7 ire âmâ kâmot 7 are yengât tirip hainare.” dâep. Yesuŋe hain dâm makniŋep.

### Epeso yengât den.

**2** <sup>1</sup>Yesuŋe âmâ hin dâm makniŋep, “Yohane, gâŋe Epeso kepian gâtŋe yengât hoŋ bawayeŋe hin kulemgomenâ oyaŋdo nâŋgâwai. Nâ Yesu. Nâŋe bâte bungen diâ 7 meyekmâ pagaleŋe emetŋe 7 goliŋe ketugu ketuguŋe are hutyenân bam gutman.

<sup>2</sup>Nâ agak memeyeŋe hârok nâŋgare âlepŋe aktâp. Akto âi humo mem hâk hilâlâm nâŋgâm hanâk dâm âiâk memâk kârikŋe kinmâ bo hâkân akmai aregât den pat nâŋgân. Akto areâk bo. Ye luâk bâleŋe yengât hâkân dondâ aktâi. Luâk are hin makyenŋiyi, “Nen âkai Aposolo.” dâyi. Hain dâmbiâ ye yâk yengât denŋe dop yengumbiâ bo ârândân agep aregât watyegi. Den pat are nâŋgare âlepŋe aktâp. <sup>3</sup>Akto luâk bâleŋande ye kotnaet akmâ nâŋgât kâmolân gâtŋe bâleŋe akyengimbiâ hanâk dâm nâŋgât laune lokom âmâ âi humo iregât bo hâkân agi, are nâŋgare âlepŋe aktâp. <sup>4</sup>Dâ agak memeyeŋe konok ire nâŋgare bo ârândân aktâp. Amâ hin. Ulikŋân Anutugât den pat âlepŋe pup pup yengâlân togombo ain okot nâŋgâ niŋmâ heronŋe agi. Dâ hinŋe amâ okot âlepgât agak meme are hepuli. <sup>5</sup>Aregât ulikŋân agak meme âlepŋe agi are nâŋgâm hengemgom hainâk mem manbiâ sambelewiâp. Akto han biwiyenŋe purik katmâ bâleŋeyeŋe makmâ miawakbei. Ye hain bo akbiâ âmâ benŋe yengât pagaleŋe gewâkŋe goliŋe ketugu ketuguŋe yu kindâp ire pandere gulip aguwiap. <sup>6</sup>Dâ agak memeyeŋe ire nâŋgare âlepŋe aktâp. Kâmot siâ kotyene Nikolao hâwât yekbiâ borâm kuk akyengim watyegi. Nâŋe hainâk kâmot ire kuk akyengiman. Yeŋe Nikolaogât kâmot are hâkân akmâ watyekbiâ nâŋgare ârândân aktâp. <sup>7</sup>Nâŋgât kâmot ye Anutugât Heakŋe yu makyenŋiâp ire nâŋgâm hengemgowe. Akto yengâlân gâtŋe kuk humo miawak yengiwawân âi humo mem hâk hilâlâm nâŋgâm nâŋgât âi bo hâkân akmâ mombai âmâ benŋe nâŋe âlepŋe dâre lâwin manman âlepŋe mem miawakmap aregât koaŋe nembâi arekŋe tânyengumbo manman kârikŋân manmâ âgâwai. Akto lâwin are Anutugât kalamân kindâp.

### Simirna yengât den.

<sup>8</sup> Gâ luâk âmbâle Simirna kepian manmâ biwiyenye nânġâlân kali areyengât den hin dâm kulemgom katmenâ yâk yengât hoġ bawayenġande oyandō nânġâwai. Nâmâ Yesu ulikġânbak manmâ gan akto hainâk manmâ âġâwian. Akto mondere kât kâlegen katnekbîâ agatmâ golâ manman. Nânġe hin dâm makyenġire nânġâġet.

<sup>9</sup> Gasalupyenġande mem miawakyekbiâ hâk hilâlâm nânġâm umburuk dondâ manmai are nânġân. Gârâmâ memeġe akyenġire biwiyenye hutuk âġâmap. Akto areġât hâu yenġiwianġât emelâk heġgemgoyenġiân. Akto Yuda luâk bikġande den bâleġe makyenġiyi arekai nânġân. Akto luâk ire Yuda yengât kâmolân ġâtġe bunġe ġârâmâ Anutugât kotġe bo mem agatmai areġât amâ Niambigât kâmolân ġâtġe yenġonman. <sup>10</sup> Akto siâ me siâ bâleġe lâuwânġe miawakyenġiwip areġât bo hamep akbei. Areġât hin makyenġire nânġâġet. Niambigâlân ġâtġande dop yenġune dâm yengâlân bikġe kala busi emetġân katyekbai. Hain katyekbiâ hâk hilâlâm nânġâmbiâ hilâm âi meme 10 dop hainare manbiâ bo akbiap. Akto ye hâk hilâlâm areġât bo hâkâġ akmâ âmâ kotne mem agatmâ manbai areġât gasalupyenġande yenġumbiâ momberâm akbai âmâ areġât âlepġe manman kârikġaet kulem yenġiwian. <sup>11</sup> Akto nânġât kâmotne ye Anutugât Heak âlepġande makyenġimbo nânġâm heġgemgowe. Akto yengâlân ġâtġe âi mem metembiâ âmâ momogât kârikġande bo yenġum ge katyekbiap.

### Peagamōġ yengât den.

<sup>12</sup> Gâ luâk âmbâle Peagamōġ kepian manmâ biwiyenye nânġâlân kali are yengât hin dâm kulemgom katmenâ yâk yengât hoġ bawayenġande oyandō nânġâwai. Nâmâ Yesu tâwât dâtġe metġe okotġe hamiġe dâtġe metġe meman nâ yengât hin maktere nânġâġet.

<sup>13</sup> Kepia mandâi areġât keġe nânġân. Kepia ain âmâ Hianġi Amboġe yâġġât tat tatġe tatmap. Hain akmâ nânġât kâmolân ġâtġe kotġe Antipasi laune lokom nânġât den makyenġiminep are mem Hianġi Amboġe manmawân ain bâleġe agaġbiâ moep. Hain akbiâ mondo ye are ekmâ bo hamep akmâ nânġât laune lokom manmai are nânġâre ârândân akmap. <sup>14</sup> Gârâmâ yengât agak meme hin konok nânġâre bâliâp. Yengâlân ġâtġe bikġande luâk kotġe Bileam yâġġât agak memeġe watmai. Bileamġe âmâ ulikġân luâk siâ kotġe Balak hekalandō Israe ġâtġe lâpio kotġe mem agatġet akto agak meme bâleġe meġetġât hâwât yegep, areġât Bileam dosa agep. Akto yengâlân ġâtġe bikġande hainâk dâm bikġe hâwât yekmai. <sup>15</sup> Akto areâk bo. Yengâlân ġâtġe bikġande Nikolaogât kâmot are yengât agak meme memai. Are nânġâre bo ârândân aktâp. <sup>16</sup> Haingât han biwiyenye purik katmâ bâleġeyenġe makmâ miawakbei. Akto yu

maktân ire hâkânj akmâ biwiyenje bo purik katbai âmâ nânje sop bâlensiâ manmâ yengâlân togowian. Ain ye Nikolaogât kâmot hainare akmai akto Bileamgât agak meme hain akmai yâk kuk akyengim tâwât launân tatâp irekne orem yenguwian. <sup>17</sup>Akto are Anutugât Heak âlepñande kâmotlupne makyengimbo nângâm hejngemgowei. Dâ luâk âmbâle bikñande kârikne akmâ manbai âmâ nânje sot kâmbokne heambugân are yengire nembai. Akto kât kau yengiwian ain kotyene irakne yejeak nângâwai are kulemgowian.

### Tiatira yengât den.

<sup>18</sup>Yohane, gâ Tiatiragât kâmot yengât hoj bawa manmai are yengât hin kulengo. Nâ Anutugât Nanje. Dâ dewunne âmâ kâlâp ululunje hainare akto keine melu kâlâp omai hainare aregât den ire nângâm hejngemgowei.

<sup>19</sup>Agak memeyenje emelâk hârok nângâm meteân. Âi humo mem manmai. Akto okot nângâ niñmâ biwiyenje nângâlân kali hainâk katmâ manmai. Akto luâk âmbâle okot nângâ yengim âi humo mem tânyengumai. Akto hinje miti gasane bâleje akyengimbiâ hanâk dâm nângât kotne bo hepunmai. Akto areâk bo. Ulikñân agak meme âlepñe meyi amâ âlepñe. Gârâmâ hinje âi humo memai arekne agak meme tâmbâje are ewangimap are amâ âlepñe dondâ miawaktâp are nângâre biwine herone aktâp. <sup>20</sup>Gârâmâ yengât agak meme konok ire bâleje akmai. Hiangi âmbâle siânje yengâlân miawakmâ, “Nâmâ Anutugât Propete âmbâle.” dâmap. Gârâmâ yâk âmâ hiangimap. Ulikñân âmbâle siâ kotne Isebe bâleje akminep akto nângât kâmot Israe luâk âmbâle bâleje akñet dâm hâwât yekminep. Akto âmbâle hinje miawaktâp yâkne Isebe hainare akmâ hoj bawalupne ye bâleje akmâ manmâ sot lâpio yengât enemyenân katmai are nejet dâm hâwât yekmap. Akto hanyenân gemap. <sup>21</sup>Galama âmbâle arekne han biwi purik kalâkgât lâmgom talân. Hain tatere borâm kârikne akmâ gaep. Kârikne akmâ gam âmâ bâleje agep are bo makmâ miawakmâ hepulep. <sup>22</sup>Aregât hâmbâi kundat humo hâk hilâlâmne olop wanjere hâk hilâlâm bâleje humo nângâm manmâ âgâwiap. Akto luâk âmbâle yâkgât lau lokoyi are bâleneyenje bo makmâ miawakmâ han biwiyenje bo purik katbai âmâ âlepñe nânje umatne humo yengiwian. <sup>23</sup>Dâ nan baratlupne yâk yengure mom metewai. Hain aktere nângât kâmot hânje hânje manmai arekne are nângâm hin dâwei, “Wei, Humonenje amâ nângâ nângânenje akto biwinenje potatmâ hejngemgomap. Akto yâkne wan me wan akmaen aregât hânje nengiwaiap.” dâm hamep akbai. <sup>24</sup>Dâ Tiatira manmai yengât bikñande âmbâle bâleje iregât bo nângâ anjai akto den pat bâleje ire Hiangi Amboñet yonâk katmap dâmai ire bo memai ye âmâ hin konok makyengire nângâñet. <sup>25</sup>Laune âlepñe lokom ulikñân mem mali



hainâk mem manmâ âgâwei. Âgâmbiâ gem meyekbian. Aregât konok hâwât yektân. <sup>26</sup>Akto yengâlân gâtŋe kârikŋe akmâ manmâ laune lokom âgâwîap âmâ nâŋe memeŋe aganŋdere âlepŋe luâk âmbâle hânŋe hânŋe manmai are damunyeŋe akbiap. <sup>27</sup>Aregât yâk ain huwan mem manmâ damunyeŋe akbiap. Hain akmâ umbâ hânân pandenŋe hogoakmap hain akyenŋiwiap. Dâ Ewenande memeŋe akniŋep nâ hainâk meme aganŋbian. <sup>28</sup>Akto diâ kâmŋe humo waŋbian. <sup>29</sup>Akto Anutugât Heak âlepŋande nânŋât kâmot akmâ manmai ye wan me wan makyenŋimbo ainâk nânŋâm henŋemgoweï.

### Sarde yengât den.

**3** <sup>1</sup>Yohane gâ hin kulemgom katmenâ Sarde gâtŋe yengât hoŋ bawa yâkŋe oyanŋo nânŋâm henŋemgoweï. Nâ Yesu, nâŋe Anutugât Heak nâmbulân lâuwâ akto diâ bât biken lâuwâ meyekmâ kinman.

Nâ yeŋe agak meme akmai are hârok nânŋâre bo ârândân akmap. Yeŋe wan me wan akmai aregât luâk âmbâle dondâŋe yekmâ yengât hin dâmai, “Woe, luâk âmbâle ire âmâ han biwiyenŋet damunŋe akbiâ pâlamŋe bo tatmap.” dâmai. Hain dâmai amâ makmâ hilipkomai. Dâ nâŋe âmâ biwiyenŋe ekmâ emelâk moep nânŋân. <sup>2</sup>Aregât goanŋakmâ agatŋet. Nânŋât Anutu arekŋe yengât agak memeyeŋe ekto bo huraguâp akto nâkai hainâk agak memeyeŋe ektere bo huraguâp. Aregât agak meme yeŋe ulikŋân meyi arekŋe emelâk bo akberâm aktâp are ye kârikŋe ketugumbiâ huraguwiâp. <sup>3</sup>Ye ulikŋân nânŋât den âlepŋe are nânŋâm emelâk meyi are âlepŋe lâuwânŋe nânŋâm mem bâleŋeyeŋe makmâ miawakmâ han biwiyenŋe purik katŋet. Dâ bo goanŋakbiâ âmâ benŋe luâk kâmburâ yoŋâk togomap dop hainâk nâŋe yengâlân togowian. Aregât sop are bo nânŋâwai. <sup>4</sup>Dâ Sarde kepia yengâlân gâtŋe siânbaŋe sâŋgumyeŋe hamaŋân bo pali are yektere huragumap aregât hâmbâi nâ olop manmâ sâŋgum kau kau luguakmâ âgâwaen. <sup>5</sup>Akto yengâlân gâtŋe bikŋande âi kârikŋe mem manbiâ âmâ nâŋe siân sâŋgum kau kau dondâ yengire luguakbai. Akto manman âlepŋe aregât kulem esenŋe ain luâk âmbâle kotyeŋe kulemgoân tatâp are ainba bo hârem watyekbian. Bo. Nâŋe âmâ Ewene akto aŋelolupŋe yâk yengât dewunyeŋân yengât kotyeŋe yengondere âlepŋân manbai. <sup>6</sup>Akto Anutugât Heak âlepŋande nânŋât kâmot ye wan me wan yu makyenŋiep ire nânŋâm henŋemgoweï.

### Piladepia yengât den.

<sup>7</sup>Nânŋât kâmot Piladepia manmai yengât hoŋ bawa yâkgât hin kulemgo. Nâmâ Yesu agak meme âlepŋeâk akmâ mem manman akto den bunŋeâk makman. Akto Anutuŋe ulikŋân hin dâm makmâ kalep, “Siân Dawidigât kâmolân gâtŋe yâkŋe manman âlepŋe aregât hânŋiŋe mem

katbiap amâ luâk siâŋe bo mem tigiwiap. Akto hânŋi are mem tigiwiap amâ siâŋe bo mem katbiap.” hain dâm makniŋep. Akto den are hinŋe bunŋe miawaktâp are Dawidigât kâmolân gâtŋe nâ. Hânŋi are damunŋe akman.

<sup>8</sup>Agak memeyeŋe nânŋâre âlepŋe akmap. Nâ emelâk hânŋi mem katere egi. Akto siâŋe tigiwiapgât dopŋe bo. Akto ye kârikneyeŋe amâ bâlensiâ tatyenŋiâp. Gârâmâ nânŋât kotne bo muneŋ akmâ denne bo hâkânŋi agi are nânŋâre âlepŋe aktâp. <sup>9</sup>Akto Yuda luâk bikŋande yengâlân togom hin dâmai, “Nen âmâ Yuda luâk are yengâlân gâtŋe tiŋ tiŋâk.” dâmai arekŋe Anutugât kotŋe bo mem agatmai aregât luâk hianŋi akto Niambigât kâmolân gâtŋe dâman. Akto luâk ire nânŋe oloŋ yekmâ kewugu yektere yengât keiyeŋân hâwuruwai amâ tâliyekiâ hianŋi luâk arekŋe hin dâwai, “Woe, Yesuŋe yâkgât kâmot in manmai are okot âlep akyenŋimap.” dâwai. <sup>10</sup>Akto hinŋe umatŋe miawak yengimbo kârikŋe akmâ manbaigât magân are lokom mali. Aregât nânŋe damunyeŋe akbian, aregât hâmbâi umatŋe bâlenŋande hânŋe hânŋe luâk âmbâle dop yengwiap are hameŋŋe olowâkŋe hân hârogân miawakbiap are âmâ yengâlân bo togowiap. <sup>11</sup>Gârâmâ nânŋe sân sânâk pirâm togowian. Siâŋe yengât hâu membâigât aregât hamep akmâ kârikŋeâk manbei. <sup>12</sup>Akto yengâlân gâtŋe bikŋe gasalupyenŋande bikŋe mem ge katyekiâ kârikŋe akmâ manbai are âmâ nânŋe kun kun hinare nânŋât Anutugât emetŋaet ain anuyektere Anutugât emet hinare kinbai. Aregât luâk âmbâle are âmâ Anutugât kâmolânâk manmâ âgâwai. Akto Anutugât kotŋe yâk yengâlân kulemgowian akto yâkgât kepia humo aregât kotŋe hainâk kulemgowian amâ Yerusalem irakŋe Anutu gâlânba akto himbimânba gewiap aregât kotŋe hainâk kulemgowian. Akto nunaet kotne irakŋe akai hainâk yâkgâlân kulemgore kulem wan me wan are hâkyenŋân miawakbiap. <sup>13</sup>Akto are Anutugât Heak âlepŋe arekŋe nânŋât kâmot ye makyenŋimbo nânŋâm hengemgowe.

#### Laodikea yengât den.

<sup>14</sup>Yohane nânŋât kâmot Laodikea manmai are yengât hoŋ bawa aregât hin kulemgo. Nâ Anutuŋe wan me wan makmâ kalep are bunŋe miawakto nâ bunŋe miawagewânbak nâ miawagân. Akto nânŋe Anutugât den bunŋe dondâ ârândânŋâk makman. Akto Anutugât keiŋe bunŋe hekat yengiman. Akto Anutuŋe wan me wan boâk ketugu yegep ain âmâ nâ ulikŋânâk miawakmâ manmâ gan.

<sup>15</sup>Nânŋe yengât agak meme akmai are nânŋâre pâlâmŋe aktâp. Akto ye kâlâp bo aktâi me bâlâpŋe bo aktâi. Akto ye kâlâp aktâi me bâlâpŋe aktâi dâine nânŋâre humo akbop. <sup>16</sup>Gârâmâ ye kâlâp bo aktâi me bâlâpŋe bo aktâi aregât nem lâliyebian. <sup>17</sup>Areâk lâuwânŋe makbe. Ye amâ yeŋaet hin dâmai, “Nen âmâ sikum amboŋe akto siâ siâ dondâ

tatnengimap. Akto siâ siâgât umburuk bo akmaen. Nen wan me wan owâinje meyion aregât wan me wangât bo kulâgâtbaen.” dâmai. Hain dâm âmâ pâpkom kinmâ mesak gosak akto umburuk akto dewunyeje bokbokje hain are mulân sângum bâlâk manmai. Are bo nângâm ekmâ hejngemgoma. <sup>18</sup>Haingât nâne ire akjet dâm makyengire membiâ huraguwiap. Nângâlân gutmâ goli kâlâpne ondo âlepne dondâ akmap aregât ulitniñbei. Ulitniñmâ hâukombiâ yeñgiwian. Akto sângum kau kau nen hâk bâlâk manmaen are anjun angiwâen dâm ulitniñmâ hâukowai. Akto dewunyeje âlepne akbiapgât tunje ulitniñmâ hâukowai. Akto wan me wan hârok ulitniñbiâ yeñgiwian. <sup>19</sup>Dâ nâ luâk âmbâle yeñgât okot âlep akyengim egâlianj yekman are nâne yeñgum miwindik yekmâ agak memeyeje hejngemgo yeñgiwian. Yeñgâlân togom oreyekbomgât ye bâleneyeje makmâ miawakmâ hepunmâ agak meme âlepnaet nângâm hejngemgowe. <sup>20</sup>Akto nâne yeñgât hânghiân kinmâ yeñgonman. Akto luâk âmbâle denne nângâm hânghi mem katbiâ kindo âmâ âlepne nâ ye olop tatmâ sot nembraen. <sup>21</sup>Akto nâne ulikjân âi humo mem manmâ kotgâm gan aregât Ewene olop tatmâ hârok damunyeje akmaet aregât yeñgâlân gâtje laune lokom âi humo aregât bo hâkân akmâ âmâ memâk âgâwai âmâ nâ olop wan me wan damunyeje akbaen. <sup>22</sup>Akto Anutugât Heak âlepñande nângât kâmot ye hain makyengiâp are nângâm hejngemgowai.” Yesune hain dâep.

#### Yohaneje himbimân kep keñgu membiâ yegep.

**4** <sup>1</sup>Akto are bo aktoân himbimân hânghi siâ lewulakmâ kindo egân. Akto den humo tâmbâ uruwaku hinare emelâk nângân ina lâuwânje makniñdo hin nângân, “Wan me wan hâmbâi miawakbiap aregât pat in gamenâ hekat giñbe.” dâep. <sup>2</sup>Hain dâmbo ainâk dowâk Anutugât Heak âlepne arekne kautnân mendo biwine purik kato hin egân. Himbimân wansiâ humo ikiñe tat talân tato egân. <sup>3</sup>Dâ egâlianj tatalân talep yâk tiripne âmâ golâ golâ akto gilâm gilâm. Arekne ârândân agakne. Akto tat tat aregât ulikjân âmâ kulem egâlianje âlepne arekne katipkom kilep tiripne amâ mulumugat hinare. <sup>4</sup>Akto yâkgât tat tat humo ain tat tatje siâ siâ 24 ândeanmâ tali. Akto luâk kautje 24 are âmâ sângum kau kau akto luâk kotdâ yeñgât irimut goliñe ketuguyi are kautyeñân kauñmâ tali. Akto luâk kautje 24 arekne tat tatyenân tatmâ tat tatyene humo are ândeanmâ tali. <sup>5</sup>Akto tat tatje humo hutyeñân talep ainba belek dâm gutmâ erâm kilep. Akto denje himbim munje kundunduj dâmap mun humo hainare agep. Akto tat tatje humo aregât enemñân amâ kâlâp ululunje 7 om kilep. Pagaleje are amâ Anutugât Heak bât biken lâuwâ âlepne dop hainâk agep. <sup>6</sup>Akto tat tatje humo aregât enemñân âmâ wansiâ areknaet talep amâ haru humo hainare akto duñgu hainare akmâ miawakmâ yiep.

Akto tat tatŋe humo imbât aregât ginŋe baiŋe amâ soŋgo humomo manmanŋe imbât are amâ dewunyeŋe dondâ arekŋe enemyeŋe akto hamiyeŋe tigiep. <sup>7</sup>Ulik gulik amâ dopŋe Laion hinare. Dâ lâuwâŋe amâ bulimakao luâkgen hinare. Dâ âlâwuŋe amâ enem dewunŋe luâk dop hainare. Dâ imbâtŋe amâ puŋdâk hinare. <sup>8</sup>Hârogâk konok konok amâ pikyeŋe bât biken konok. Akto dewun yeŋeâk biwirâ hârogâk arekŋe hâkyeŋe kakŋe amukŋe tigim yiep. Are hâkŋâŋen akto kâlegen gai. Akto hândâk hilâm yâkŋe hin makmai, “Anutu Humo nenŋe gâ kârikŋe amboŋe, gâmâ wan me wan akmat amâ ârândânŋ akmâ manmat. Wan me wan akmenâ ârândânŋ akmap. Gâmâ siâ me siâ ârândânŋâk akmat. Gâ ulikŋânbak tatmâ gaen akto hinŋe tatmâ gat akto hainâk tatmâ âgâwiat.” dâmai. <sup>9</sup>Akto soŋgo manmanŋe humo tâmbâ imbât arekŋe Anutu tat tat humo ain kakŋân tatmâ manmâ âgâmap aregât okot âlepgât kotŋe mem agatbiâ âmâ ainâk <sup>10</sup>luâk kautŋe 24 arekŋe âmâ hainâk kotŋe mem agatmâ manman Amboŋe enemŋân kâŋgom kotdâgât irimut goliyeŋe are panbiâ humo tat tatgât enemŋân gembo hin dâmai, <sup>11</sup>“Kembunenŋe Anutu egâliŋ gogâleŋ kot pat akto kârikŋe are gâŋe Ambo akmenâ ârândânŋ akmâ hurugumap. Gâŋe âmâ siâ me siâ hârok mem miawagen akto gâŋgât laugât wan me wan are miawakmâ gam tatâp.” dâmai.

#### Yohanene kulem esenŋe tigim kat katŋe egep.

**5** <sup>1</sup>Akto Anutu Humo tat tatŋân talep aregât bâtŋe bungen are kulem esenŋe humo siâ tato egân. Are kulemŋe talep hâkŋe akto kâlegen gai kulemŋe hârok. Akto kulem esenŋe are tâkŋe 7 dâgâm gisap koyi arekŋe ekbâirâm dâgâm korat koyi. <sup>2</sup>Akto nâŋe aŋelo kârikŋe siâ egân arekŋe kârikŋeâk hin dâep, “Niŋe luâk ewiâk arekŋe esenŋe ire âlepŋe melalakombo ârândânŋ akbop? Akto tâk are hârewop?” dâep. <sup>3</sup>Dâ himbimân tatmai akto hânân gai tatmaen akto hân amukŋân tatmai are nengâlân gâtŋe siâŋe esenŋe are melalakombo âmâ bo ârândânŋ akmap. Akto siâŋe esenŋe are melalakom ekbiapgât dâp bo talaŋep. <sup>4</sup>Nâ ektân yâkŋe luâk siâ bo mem miawakbâi arekŋe âlepŋe esenŋe ire melalakowop. Akto luâk bikŋe kârikŋe bo tatyenŋiep aregât nâ dondâ indeân. <sup>5</sup>Hain indere luâk kautŋe 24 are yeŋgâlân gâtŋe konokŋe hin dâm makniŋep, “Âlepŋe, Yuda kâmolân gâtŋe soŋgo metŋe siâ kotŋe Laion hainare akmap akto Dawidigât hakuŋe arekŋe gasalupŋe hârok gulip yeŋguep aregât tâkŋe hârem mem miawakberâp gât kârikŋe talaŋdâp aregât bo inde. Hepun.” dâm makniŋep.

#### Yohanene Anutugât Nanŋe Lama hinare egep.

<sup>6</sup>Akto Anutugât tat tatŋe hutŋân akto soŋgo humomo manmanŋe imbât are yeŋgât hutyeŋân akto luâk kautŋe 24 hutyeŋân ain âmâ lama nanŋe siâ kindo egân. Lama are emelâk kombiâ mom âmâ golâ akmâ

agalep hainare arekne kilep. Akto lama are amâ sâlije 7, akto dewunje 7 are amâ Anutugât Heak bāt biken lāuwā âlepne dop haināk agi are amâ Anutuje emelāk huŋgun yeŋgimbo hânje hânje bam guli. <sup>7</sup>Lama nanje arekne bam tat talân talep yâkgâlân âgâm bātne bungen ainba kulem esenje are mem oloŋep. <sup>8</sup>Emelāk kulem esenje are mendo bāin soŋgo humomo manmanje imbāt tali akto luāk kautne 24 are lama nanje ginŋân tali yâk hârogâk yâk bātâ konok konok meyi akto kondo goli akto kau higenje âlepne hârogâk kondo are pikmâ yiep. Are amâ Anutugât luāk âmbāle are yeŋgât ulit aregât dopne a hârok mem Lama enemŋân kâŋgom yeyi. <sup>9</sup>Hain akmâ kep irakne siâ hin meyi, “Gâne kulem ire mem andâmap are mem hâremenâ ârândâŋ akberâp. Gâ gem hânân manmenâ Anutu ikinje kâmolân yeŋgât dosagât gugumbiâ momenâ gilâmgande giep aregât Anutugât kâmot yâk dosa bâlāk manmâ âgâwai. Akto gâne luāk âmbāle kâmotne kâmotne akto denje denje akto hâk kulem keiŋe hârok ainba bikne hâukoyekmenâ Anutugât kâmot agi. <sup>10</sup>Anutugât kâmot akbiâ meme akyeŋgimenâ Anutugât sumbe kat kat hainare akmâ ulit giŋmai. Hain akmâ hânje hânje damunyeŋe akmai aregât gâ âlepne kulem esenje mem tâk are hârewerât aregât kârikne tatŋidâp.” hain dâm kep meyi.

### Himbimân Anutugât Nanŋaet kot mem agatbiâ yegep.

<sup>11</sup>Hain mem metembiâ aŋelo dondâ oyaŋ oyaŋgât dop bo are Humogât tat tatne are akto soŋgo humomo imbāt manmanje tali are akto luāk kautne 24 are ândeanyekmâ kinmâ konbiâ nânŋân. <sup>12</sup>Arekne kârikneāk konmâ hin dâyi, “Lama kombiâ moep aregât kotne mem agatne. Akto wan me wan kârikne humo akto siâ siâ hârok akto nânŋâ nânŋâ hârok akto pagaleŋe humo akto kot humo talaŋdo ârândâŋ agepgât kotne mem agatne.” dâyi. <sup>13</sup>Aŋelo dondâŋe hain dâmbiâ nâŋe siâ siâ himbimân akto hânân manmai akto hân amukŋân manmai akto haruân manmai a hârok hin makbiâ nânŋân, “Kembugât tat talân tatâp akto lama nanje lāuwâ lāuwâ arekne âlepne okot âlep akto kot humo akto pagaleŋe humo akto kârikne âlepne tatyetkimbo manmâ akmâ âgâwiandat aregât kotyetne mem agatne.” dâyi. <sup>14</sup>Wan me wan hârok hain dâmbiâ soŋgo humomo imbāt manmanje tali arekne hin dâyi, “A bundâk.” dâmbiâ luāk kotdâ 24 yâkne pâwut ligim kâŋgom Anutugât kotne akto Lamagât kotyetne konmâ meyelekmâ agali.

### Lama arekne tâk hâriep.

**6** <sup>1</sup>Nâŋe egân amâ Lama arekne kulem esenje are mem kindo egân. Tâk 7 are yeŋgât hutyeŋân gâtne yâkne tâk konok hâriep. Akto soŋgo humomo manmanje are yeŋgât ulik gulikyene arekne den agep. Dâ hanje munje nânŋân amâ himbim kundunduŋ dâmap dop haināk

yâkŋe, “Gam auŋ.” dâep. <sup>2</sup>Akto nâ lâuwâŋe ekmâ hin egân. Bau luâk soko kau kau are kakŋân luâk hinare arekŋe tembe meakmâ tato egân. Bau luâk soko are kakŋân tato luâk kotdâ yengât irimut bau dâtŋe imbenŋân siâ waŋbiâ kautŋân kauŋmâ bâin dâm kuk humo akyengim gasalupŋe hârok watyekberâm agep. <sup>3</sup>Arimbo âmâ Lama arekŋe tâk lâuwâŋe are hârembo ainâk soŋgo humomo manmanŋe areyengâlân gâtŋe lâuwâŋe arekŋe hin dâmbo nânŋân, “Gam auŋ.” dâep. <sup>4</sup>Hain dâmbo ainâk bau luâk soko lâuwâŋe gilâm gilâm miawagep. Are miawakto luâk hinare siâŋe ain tato tâwât humo tâmbâ waŋbiâ miep. Waŋbiâ mendo Anutuŋe memenŋe agaŋdo, “Bâin. Luâk âmbâle hânân âlepŋe tatbiâ kambiamyene huraguâkgât sop bo agâk.” dâm kuk agaŋgim agunjetgât tâwât are mem ariep.

<sup>5</sup>Hain arimbo âmâ lama arekŋe tâk âlâwuyene hârembo soŋgo humo manmanŋe are yengât âlâwuyene arekŋe hin dâep, “Gam auŋ.” dâmbo nânŋân. Hain dâmbo nânŋâm hin egân. Bau luâk soko heleŋ miawakto luâk hinare siâŋe kakŋân tatmâ âmâ siâ siâ potat potatgât bânŋân miep. <sup>6</sup>Den lauŋe wan siâ hinare arekŋe soŋgo humomo manmanŋe imbât tali areyengât hutyeŋânba arekŋe den hin magep, “Gâ umbâ bâlensiâ potatmenâ hâmbâi siâ siâ hâuŋe âgâwiâp. Akto sot ito itik matik âlâwu potatmenâ puli âgâwiâp. Dâ tu akto keluŋe amâ bo magaŋmenâ âmâ âlepŋeâk puli gegeŋeâk talâk.” dâep.

<sup>7</sup>Akto lama arekŋe tâk imbâtŋe hâriep. Hârembo soŋgo humomo manmanŋe areyengât imbâtŋe arekŋe hin magep, “Gam auŋ.” dâmbo nânŋân. <sup>8</sup>Hain dâmbo ainâk bau luâk soko gimbaŋ miawakto luâk hinare siâŋe kakŋân talep aregât kotŋe amâ momogât dâp. Akto momogât dâp aregât hamiŋân amâ hememgât pat arekŋe watmâ togoep. Lâuwâ arekŋe amâ luâk âmbâle potat yekbela kâmot imbât akbai. Hain akto lâuwâ arekŋe amâ kâmot konok yengumbela mombaigât kârikŋe tatyetkiep. Akto makbela mop humo miawakto bikŋe mombaigât akto kundat humo miawakto bikŋe mombaigât. Akto soŋgo metŋe miawakmâ bikŋe yengumbiâ mombaigât kârikŋe tatyetkiep. Akto are miawaknetgât ariyat.

### Tâk 5 hârembo luâk otneyene yegep.

<sup>9</sup>Arimbela Lama arekŋe tâk 5 are hâriep. Hârembo hin miawakto egân. Alata siâ miawakto aregât amukŋân luâk âmbâle golâ manmai are yengât otneyene golâ tatbiâ yegân. Yâk yengât keiyene amâ hin. Ulikŋân hânân maliân miti gasaŋande Anutugât den akto luâk âmbâle Yesugât kotŋe konmini are moŋet dâm yengumbiâ moyi areyengât otneyene yegân. <sup>10</sup>Akto otneyene arekŋe Anutu hin dâm konmâ ulilaŋi, “O Humonenŋe, siâ siâ hârokgât damun nenŋe gâ âlepŋe agak meme âlepŋeâk hârok akmat aregât hin ulit giŋdenŋe nânŋâ. Sop amuten makmenâ wan me

wan hârok ârândânj akbiap? Akto sop amuten luâk âmbâle hânân mandâi arekne nengumbiâ moyion aregât hâuŋe humo gâŋe yeŋgimenâ umatŋân kinbiâ ârândânj akbiap?” dâyi. <sup>11</sup>Hain dâmbiâ siâŋe sâŋgum kau kau siâ konok konok yeŋgimbo membiâ hin makyenŋiep, “Hâlik, ye getek tatmâ nâŋgâwei. Akto ye yeŋgumbiâ moyi hainâk galalupyenŋe hain yeŋgumbiâ mom metembiâ âmâ hâmbâi Anutuŋe oyaŋyekto ârândânj akto âlepŋe Anutuŋe gilâm yeŋaet hâuŋeŋe membiap.” dâep.

#### **Tâk 6 hârembo hân himbim akto wan me wan hârok duwuŋ agep.**

<sup>12</sup>Akto lama arekne tâk 6, are hâriep. Hârembo hin miawakto egân. Hânân wâriŋ humo miep. Akto hilâmgât dewutâŋe arekne helenj agep. Akto hândâkgât dewutâŋe bim âgâm gilâm gilâm agep. <sup>13</sup>Akto himbimân diâ hârok hânân geyi. Lâwin esenŋe momoŋe yendo seruŋe waito bererek dâm gemap dop hainâk akmâ diâ hârok dowâk hânân geyi. <sup>14</sup>Akto nen sâŋgum bigeimaen dop hainâk himbim biken ba biken bigei agep. Akto gimbâŋe hârok akto haru tânâmŋân gimbâŋe arekne gewâkyenŋe hepunmâ duwuŋ akmâ indânŋan purik âgâm geyi. <sup>15</sup>Akto hângât luâk kembu akto kotdâ akto bugâ luâk akto luâk sikumdâ akto luâk kârikne akto luâk âmbâle hoŋ bawa akto yâk yeŋgât ambolupyenŋe are hârogâk hamep akmâ hân dâpŋâŋen akto kât dâpŋâŋen akto gimbâŋân gem heambukmâ mali. <sup>16</sup>Heambukmâ manmâ hin dâyi, “Wâuk, sop humo miawaktâp aregât nen hârok bo akberen. Haingât kât me gimbâŋe hârokne Lamagât kuk akto Anutu Humogât tat talân tatmap aregât enem dewunŋande kârikne nenekbopgât tigi nenekŋet. <sup>17</sup>Anutu akto Lamagât kuk bâleŋe miawaknengiwerâpŋât sop miawaktâp aregât niŋande kinmâ âlepŋe akbiapgât.” hain dâyi.

#### **Luâk metenŋân kulem siâ miawakto egep.**

**7** <sup>1</sup>Akto are bo akto aregât hamiŋân Aŋelo imbât kinbiâ yegân. Aŋelo imbât arekne hân biken biken kinmâ seruŋe hân akto haru akto lâwin waityekbop dâm seru pekeŋe akmâ kinbiâ yegân. <sup>2</sup>Akto aŋelo siâ miawakto egân. Yâkne dewutâ gamap ain miawakmâ Anutu Manman Amboŋe yâkgât tirip miep. Hain akmâ den kârikne aŋelo imbât seru hepunbiâ haru akto hân bâliwiap aregât hin makyenŋiep, <sup>3</sup>“Ye hinŋe seru are bo panbiâ hân haru lâwin wailâk. Nenŋe soŋ Anutugât hoŋ bawa yeŋgât meteyenŋân Anutugât tirip ire ketuguenŋe kindo âlepŋe seru are panbei.” dâep. <sup>4</sup>Akto luâk âmbâle oyaŋyeŋe nâŋgân arekne Anutugât pat agi yâk 144,000. Israe luâk âmbâle yeŋgât kâmolân gâtŋe hârok. <sup>5</sup>Yudagât kâmolân luâk âmbâle 12,000 arekne dop meyi. Akto Rubenŋât kâmolânba 12,000. Akto Gadagât kâmolân 12,000. <sup>6</sup>Akto Asagât kâmolân 12,000. Akto Naptaligât kâmolân 12,000. Akto Manasegât kâmolân 12,000. <sup>7</sup>Akto Simeonŋât kâmolân 12,000. Akto Lewigât



kâmolân 12,000. Akto Isasagât kâmolân 12,000 <sup>8</sup> Akto Sebulongât kâmolân 12,000. Akto Yosepegât kâmolân 12,000. Akto Bensamingât kâmolân 12,000.

**Luâk âmbâle dondâŋe Anutugât kotŋe mem agatmâ kinbiâ yegep.**

<sup>9</sup> Are hârok bo akto âmbâle dondâ mendugum kinbiâ yegân. Akto luâk âmbâle are luâkŋe bo oyanjekbai. Dâ luâk kâmot humo âmâ kâmotŋe kâmotŋe denŋe denŋe hâk kulem keiŋe hârok ainba Kembu tat tatŋaet ginŋân kili. Akto Lama yâkgât enemŋân kili are hârok sâŋgum kau kau kâkâlêwâk hârok luguakmâ matuk esenŋe mem <sup>10</sup> kârikŋeâk konmâ hin dâyi, “Anutu damunnenŋe, gâ amâ tat tat humo ain tatmat. Gâ bâleŋânba menenegen. Akto nange Lama are nengât dosa mem âmâ mondo aregât uŋak âlepŋe manmâ taten.” dâyi. <sup>11</sup> Akto aŋelo hârok kinmâ humogât tat tat ândeŋi. Akto luâk kotdâ are akto soŋgo humomo manmanŋe imbât tali ain ândeŋyekmâ kâŋgom tatmâ Anutugât kotŋe mem agatmâ hin dâyi, <sup>12</sup> “A bundâk. Akto nen Anutunenŋe okot âlep dondâ nâŋgaŋden. Akto pagaleŋe kârikŋe talaŋmap. Akto lumbe aknengimap. Aregât kotŋe mem agatne. Yâk nâŋgâ nâŋgâŋe âlepŋeâk hârok. Haingât mepaimŋe mem maŋganmâ heronŋe kalaŋmâ kotŋe mem agatne. Yâk kârikŋe bundâk. Kârikŋe hârok yâkgâlânâk hârok tatâp. Siâ siâ imâ hârok yâkgâlânâk hârok hilâmŋe hilâmŋe tatmâ gamap. A bundâk.” dâyi.

<sup>13</sup> Hain dâmbiâ luâk kotdâ yengâlân gâtŋe siâŋe hin ai nugep, “Luâk âmbâle ire emelâk sâŋgum kau kau kali amâ niŋe hinare? Akto wânân gâtŋande togoâi? Nâŋgât me bo?” dâmbi <sup>14</sup> nâŋe hin magaŋân, “Apo, gâ gugagâk nâŋgât.” dâre hin makniŋep, “Luâk âmbâle ire âmâ emelâk umatŋe humo mem nâŋgâm hâk hilâlâm nâŋgâm gasalupyenŋe bâlêŋe akyeŋgimbiâ momogât dâwân mali. Akto emelâk Lama gilâmŋe sâŋgumyêŋe pulimbiâ kau kau agep. <sup>15</sup> Haingât Anutugât enemŋân kinmâ hilâmŋe hândâkŋe ârândâŋâk yâkgât sumbe emetŋân hoŋ bawa agaŋmai. Akto Kembu tat talân tatmap arekŋe korat yengum damunyeŋe akmap. <sup>16-17</sup> Akto Lama are tat tatŋe kâlegen tatmap arekŋe hainâk damunyeŋe akmâ kewugu yekmâ manmangât tu dewunŋe aregen ariwiap. Akto Anutuŋe dewunyeŋe tuŋe are puliwiap. Aregât lâuwâŋe mopyeŋe bo aguwiap. Akto tugât lâuwâŋe bo mombai. Akto dewutâŋe lâuwâŋe bo kâuŋgo yekbiap. Akto kâlâpŋe lâuwâŋe bo oyekbiap.” dâep.

**Tâk bâiŋe hâriep.**

**8** <sup>1</sup> Akto Lama arekŋe tâk 7 bâiŋe are hâriep. Hârembo ainâk himbimân nâŋ nâŋ dâm ariep. Nâŋ nâŋ dâm arimbo sop getek bo agep. <sup>2</sup> Sop getek bo akto Aŋelo 7 Anutugât enemŋân kili are yegân. Akto siâŋe lâmun 7 yengimbo meyi. <sup>3</sup> Akto Aŋelo siâŋe kondo goliŋe mâŋgi mâŋgiŋe are mem togom sumbe kat katgât ginŋân mem kindo siâŋe siâ me siâ higenŋe âlepŋe

dondâ katbiâ giep. Gembo egâlianj tat tat metenân sumbe kat katgât goliņe mânġi mânġiņe talep aregât kakņân katmâ Anutugât kâmotņe ulilanjmai ulit are olop dewatim oep. <sup>4</sup>Wajdo ondo higen suk suk akto dâwokņe akto Anutugât luâk âmbâle yengât ulit are olop Anutugât enemņân âgâep. <sup>5</sup>Âgâambo bo akto aņelo arekņe kâlâp alatanba mem kondo kâlegen lugumbo om kilep. Om kindo aņelo arekņe kâlâp pando hânân giep. Hânân gembo hamandat hogoakto mun humo miawagep. Hain akto denņe denņe humo akto hamandat pagaleņe arekņe belek belek dâm erâm arimbo wârinj humo miep.

### **Aņelo 7 arekņe lâmunyeņe waitberâm kili.**

<sup>6</sup>Akto aņelo bāt biken lâuwâ arekņe lâmunyeņe mem waitberâm akbiâ yegân.

<sup>7</sup>Akto bân aņelo ulik gulik arekņe lâmunņe kolep. Lâmunņe kondo bân tânâk kât akmâ giep akto kâlâp akto gilâm miawakmâ mendugu akmâ hânân giep. Hânân gembo lâwin dop koyi akto hân koyi are âmâ dopņe âlâwu ârândâņ akto kâlâpņe bikņe oep. Akto hewukņe golâ golâ hârok ondo bo agep.

<sup>8</sup>Hain akto aņelo lâuwâņe arekņe lâmun kolep. Kondo bân wan siâ panbiâ giep amâ borâņe hinare kâlâp humo arekņe sopanmâ haruân giep. Haruân gembo haru dopkoyi amâ bikņe âlâwu ârândâņ agep. Dâ bikņe amâ purik âgâm gilâm agep. <sup>9</sup>Akto wan me wan haruân manmai hârembiâ hewum âlâwu miawagep. Âlâwu miawakto bikņe moyi. Akto haru waņġaņet oyaņyeņe gai hainâk dopkoyi are dopņe âmâ kâmot âlâwu akto haru waņġaņe kâmot siâ amâ bikņeâk bâliyi.

<sup>10-11</sup>Akto aņelo âlâwuyeņe arekâ lâmunņe kolep. Kondo bân diâ humo siâ kotņe Kalak kâlâp ululunņe hinare oep. Arekņe himbimânba gem tu hâgâm neyi are amâ hewum dopņe âlâwu hainare akto tu kâmot siâņe purik âgâm tu kalakņe miawagep. Hain miawakto luâk bikņande tu are nemiâ kalak yengumbo mom meteyi.

<sup>12</sup>Akto aņelo imbâtņe arekņe lâmunņe konlep. Akto bân dewutâ akto diâ akto dewutâ golaņe are hârok pâņe âlâwu ârândâņ agep. Akto dewutâgât bikņe konok hilip koyi. Akto dewutâ golaņe aregât bikņe akto diâ bikņe hârok. Dâ pagaleņet sowân amâ hogoakmâ hewum âlâwu bo agep. Dâ pagaleņe bikņande âmâ hândâk miawagep. Hândâkgât dewutâ pagaleņe bikņe amâ bâliep. Akto hândâk bikņe gai hainâk bâliep. <sup>13</sup>Akto puņġdâk humo siâ pukukuk katmâ lapaņângen himbim tânâmņângen arimbo egân. Ektere kârikņeâk konmâ magep, “Wâuk, wâuk, luâk âmbâle hânân tatâi. Aņelo âlâwu lâmun konberâm aktâi umatņe humo luâk yengâlai miawakbiap aregât kambiamne bâliâp.” dâep.

### **Aņelo momerâkņande lâmun kondo dikon keiņe ondop miawagi.**

**9** <sup>1</sup>Akto aņelo momerâk arekņe lâmunņe wailep. Waito bân diâ siâ himbimânba gembo egân. Akto siâņe lâm iņgon kâlep timopņe bo

aregât ki wanjo diâ arekŋe ki are miep. <sup>2</sup>Mem lâm timopŋe bo aregât hânŋiŋe mem kato arewa dâwok humo gaep. Akto arekŋe gam himbimân âgâm dewutâ akto himbim tigiep. <sup>3</sup>Akto dâwok hutŋânba kendemuŋ dondâ hân hârok ârândân miawagi. Arekŋe dâwok hepunmâ hânân geyi. Gembîa Amboŋande hundumdâ kândârânân kârikŋe yeŋgimbo meyi. <sup>4</sup>Aregât kârikŋe membiâ Amboyeŋande hin dâm makyenŋiep, “Ye âmâ sot me hewukŋe me lâwin bo hilipkowi. Akto luâk âmbâle Anutugât tirip yeŋgât mete yeŋân bo yekmâ âmâ are âlepŋe hâk hilâlâm yeŋgiwei. <sup>5</sup>Hâk hilâlâm yeŋgim âmâ momogât dopŋe bo yeŋgiwai. Hain akbiâ dewutâ momerâk bo akbiap.” dâm makyenŋiep. Akto duki arekŋe luâk âmbâle bâleŋe yeŋgiwai. Haingât hâme hewuk yâkŋe âmâ luâk hâk hilâlâmŋe yeŋgiwiapgât wanbai. <sup>6</sup>Sop ain âmâ luâk âmbâle yeŋgimbiâ momogât dâp kulâgâtbai. Kulâgâtbiâ âmâ bo mem miawakyekbiap. Hain akmâ gain gain mondenŋe hâk hilâlâm ire bo agâk dâm aregât dâp âsim kinbiâ bo miawak yeŋgiwiap.

#### Kendemuŋ towat yeŋgât den.

<sup>7</sup>Akto kendemuŋ arekŋe kuk akberâm bau luâk soko arekŋe tâlâgum kinmai dop hainâk kinbiâ yegân. Dâ kautyeŋe amâ kotdâ yeŋgât irimut goli hainare aligit akmâ kinbiâ yegân. Dâ enem dewunyeŋe âmâ luâk nengât enem dewunnenŋe hainare. <sup>8</sup>Dâ dumutyenŋe amâ kâkâlep dondâ. Dâ dâtyenŋe amâ kâkâlep metŋe dondâ pugaiyagât dâtŋe hainare. <sup>9</sup>Akto diŋenyeŋaet pekeyenŋe amâ kapa hainare. Dâ pikyeŋe munŋe amâ bugâgât wanŋa munŋe bau luâk soko oloŋmâ pirâm arimai munŋe hainare. <sup>10</sup>Akto dâtyenŋe amâ hâme hewukgât dâtŋe hainare. Akto luâk âmbâle hâk hilâlâm yeŋgiwaigât kârikŋeyenŋe amâ dakeyeŋân are tato luâk âmbâle yeŋgumbiâ hâk hilâlâm nânŋâm manmâ âgâmbiâ dewutâ momerâk bo akbiap. <sup>11</sup>Akto kembuyeŋe siâ talep. Kembu are âmâ aŋelo siâ dâp timopŋe bo aregât damunŋe. Dâ aŋelo aregât kotŋe amâ Yuda yeŋgât denân amâ Ambondoŋ. Dâ Girik yeŋgât denân âmâ Apolioŋ. Dâ den purikŋe amâ hilipko hilipko amboŋe.

<sup>12</sup>Bâin, umatŋe ulik gulik amâ bo aktâp. Akto umatŋe lâuwâŋe akto âlâwuŋe tâlâguwerâp ire.

#### Aŋelo bât biken konok arekŋe kondo bugâ humo miawagep.

<sup>13</sup>Akto aŋelo bât biken konok arekŋe lâmunŋe kolep. Kondo den siâ alata goli Anutugât enemŋân talep tunŋuŋe imbât arewa kune ain hin miawagep. <sup>14</sup>Miawakmâ Aŋelo bât biken konok are hin makmâ miawaganep, “Gâŋe aŋelo imbât yâk tu humo yiep kotŋe Euparat ain kala busi kâlegen katyekbiâ tali are hepun yekmenâ ariŋet.” dâep. <sup>15</sup>Hain dâmbo aŋelo bât biken konok arekŋe aŋelo imbât tu humo kotŋe Euparat ain tali are hepun yekto luâk âmbâle hârok potatmâ hewum âlâwu kali

aregât hewum konok yenguenje moŋet dâm ariyi. Akto aŋelo imbât are yengât keiyeŋe are hin. Emelâk Anutuŋe sop makmâ kalep are tâlâgumbo owâiŋe akmâ arim yenguiwaigât sop lâmgom wan me wan emelâk heŋgemgoyi.

<sup>16</sup> Akto are yengât tembe lokolupyene bau luâk soko kakŋân tali are yengât oyanjeŋe amâ oyan oyangât dopŋe bo arekŋe makbiâ nânŋân. <sup>17</sup> Akto biwine purik kato giwelân hin egân. Luâk bau luâk soko kakŋân aregât bugâgât hâk peke kapa luguakbiâ kapa kulemyeŋe amâ gilâm gimbanj gâme akto kau gâwu agep. Akto bau luâk soko areyengât towatyene amâ hin. Kautyene amâ Laion hainare akto lauyeŋânba amâ kâlâp ululunje akto bugâgât dâwok higenje bâleŋe puŋgum puŋgum erâep. <sup>18</sup> Akto yâkŋe luâk âmbâle potalakmâ hewum âlâwu akto hewum konok are kâlâp lauyeŋânba arekŋe oyekmâ yengum om meteyegep. <sup>19</sup> Akto bau luâk soko areyengât kârikŋe amâ lauyeŋân akto dakeyeŋân talep. Akto dakeyeŋe amâ niambi sâmbâ hinare akto niambi sâmbâ arekŋe luâk âmbâle hilip yengumbiâ hâk hilâlâm nânŋâmai.

<sup>20</sup> Akto luâk âmbâle bikŋe wan siâ me siâ bâleŋe iregât boâk moyi areyengât bâleŋeyeŋe bo makmâ miawakmâ hanyene purik kali. Are yengât bâleŋe hin. Hat sinduk me sinduk baniara yâk yengât nânŋâmbiâ humo akmap. Lâpio me wan me wangât nânŋâmbiâ humo agâkgât goli me siliwa me kapa me kât me lâwin arekŋe mem ketuguyi. Ketugumbiâ bo ekmai. Akto bo nânŋâmai akto bo bam gutmai areyengât kotyene mem agatmâ ulilanjâ mali. <sup>21</sup> Hain akmâ amâ luâk âmbâle yengumbiâ moyi akto sait bâleŋe mânŋi yegi. Akto dâp gulip mali. Akto kâmbu konda akmini. Agak meme bâleŋe aregât bo makmâ miawakmâ hanyene bo purik kali.

### Aŋelo siâŋe kulem esenje siâ Yohane waŋdo niep.

**10** <sup>1</sup> Akto Aŋelo humo kârik siâ himbimânba gembo egân. Himbimânba gem amâ hâkŋe hamandatŋe tigimbo kautŋân mulumugat gam talep. Akto aŋelo aregât enem dewunje amâ dewutâgât pagaleŋe hainare. Akto kei pâwutŋe amâ kâlâpŋe ululunje om kinmap hainare. <sup>2</sup> Akto bâtŋân kulem esenje melalakom yendo miep. Akto keiŋe bungen amâ haru kakŋân tâlim kilep. Dâ keiŋe kanegen amâ hân kakŋân tâlim kilep. <sup>3</sup> Hain akmâ bâin kot kârikŋeâk kolep amâ laionje kamboŋmap hinare. Hain kondo bâin hamandat bât biken lâuwâ ainâk hogoakto den humo tâmbâ miawagep. <sup>4</sup> Den humo tâmbâ miawakmâ makmâ metembo amâ nâŋe den are kulemgowerâm aktere den siâ himbimânba hin miawakto nânŋân, “Yohane, hamandat bât biken lâuwâ mun aktâi are yengât den amâ biwigânâk kat. Bo kulemgo.” dâmba nânŋân. <sup>5</sup> Akto aŋelo humo haruân akto hânân kilep arekŋe bâtŋe bungenje melalakom himbimâŋen panmâ kinmâ <sup>6</sup> Anutu Manman

Kârikŋe Amboŋe himbim akto hân akto haru akto wan me wan ain tatmai are ketuguyegep aregât kotŋe konmâ hin dâep, “Bâin, sop tâlâguâp aregât Anutuŋe lâuwâŋe bo lâmgowerâp. 7Dâ titnan aŋelo bât biken lâuwâ yeŋgâlânba bâiŋe arekŋe lâmunŋe konberâm akto ainâk Anutuŋe den yoŋâk are hoŋ bawa propetelupŋe makyenŋiep are bunŋe miawakbiap.” dâep.

<sup>8</sup>Akto kot humo himbimânba miawakto emelâk nânŋân are lâuwâŋe makniŋdo hin nânŋân, “Gâ ari aŋelo haru akto hânân kindâp aregât bâtŋân âmâ kulem esenŋe melalakom tatâp are me.” dâep. <sup>9</sup>Hain dâmbo arim Aŋelo are hin maganân, “Gâŋe kulem esenŋe bâlensiâ are niŋ.” dâre hin makniŋep, “Âlepŋe mem ne. Arekŋe âmâ laugân âmâ hâlâmŋât ukenŋe hainare akberâp. Dâ gem tepgân âmâ tatmâ kalak giŋberâp.” dâep. <sup>10</sup>Hain dâm niŋdo bâtŋânba mem neân. Mem nendere launân âmâ ukenŋe agep. Dâ nem metere gem âmâ tepnân tatmâ kalak niŋep. <sup>11</sup>Hain akto hin makniŋep, “Gâ hanâk luâk âmbâle âgâ âgâŋe gegeŋe denŋe denŋe kepia kepiaŋe manmai are yeŋgâlân wan me wan miawak yeŋgiwiap are makmâ miawakyeŋgiwen.” dâm makniŋep.

#### Luâk lâuwâ Anutugât den dâtâŋe yetgât den.

**11** <sup>1</sup>Akto lau himbimânba konlep yâkŋe huwan siâ dopko dopkogât niŋep. Huwan niŋmâ hin dâm makniŋep, “Gâ agatmâ Anutugât Sumbe kat katgât emetŋe alata dopŋe me. Akto luâk âmbâle âgâm Anutugât kotŋe mem agatmai areyeŋgât oyanŋeŋe oyanŋek. <sup>2</sup>Dâ lope hâkŋânŋen are amâ dop bo me. Hepun. Lope ire luâk âmbâle Anutu bo nânŋâ aŋmai arekŋe tâlim bâleŋe aŋaŋbiâ dewutâ 42 ain bo akbiap. Aregât lope are dop bo me. <sup>3</sup>Akto nâŋe hoŋ bawalogâtne lâuwâ siâ hainare me kemdâ lâuwâ siâ meme akyetkire sâŋgum tok tokŋe luguagiat. Hain akmâ nânŋât den makmâ miawakbela hilâm 1,260 bo akbiap.” hain dâep. <sup>4</sup>Hoŋ bawa logâtŋe areyetgât keiyetŋe hin. Yâk amâ lâwin lâuwâ kotŋe oliwa hainare me kemdâ lâuwâ hainare hân hârok aregât Damunŋe Anutu yâkgât enemŋân kinmandat hainare. <sup>5</sup>Dâ luâk bikŋande bâleŋe akyetkiwerâmbiâ âmâ kâlâp lauyetŋânba waitbela kâlâp arekŋe punduŋ katmâ oyekto mombai. Moŋetgât dâp are Anutuŋe makmâ kalep. <sup>6</sup>Akto Anutuŋe wâtyetŋe akyetkimbo tânâk bo gewiapgât nânŋâm makbela ainâk âlepŋe tânâk bo gewiap. Akto tu hârok mem purik katbela gilâm akbiap aregât nânŋâm makbela âlepŋe hainâk akbiap. Akto kundat humo miawagâk dâm makbela ainâk kundat humo miawakbiap. Aregât ukenyetŋe miawagâkgât kârikŋe tatyetkiwiap. <sup>7</sup>Akto lâuwâ arekŋe Anutugât âi den mak mak are makmâ metewiandat amâ soŋgo humo tâmbâ metŋe lâm timopŋe boâŋenba arekŋe gam gasa yetkimbo mombiandat. <sup>8</sup>Yetkumbo mombela âmâ hâkyetŋe amâ kepia siâ kotŋe den dopŋân Sodom akto kotŋe siâ Aigita ain Humoyetŋe

lâwinân kom hikombiâ moep kepia aregât sombeimân ain yembiandat. <sup>9</sup>Ain yembela luâk âmbâle mitigât gasarje hârok hânje hânje akto denje denje togom hâkyetje yelemâ mem han yetkuwâi dâm damunyetje kinbiâ bo han yetkuwai. Amâ hilâm âlâwu akto bikjeâk bo akbiapgât. <sup>10</sup>Hain akmâ hânân manbai hârokje, “Wei, hoj bawa lâuwâ arekje nen hâk hilâlâm nengiwerâm togoyiat ina emelâk moyiat.” dâm aregât heroje humo akbai. Akto okot âlepgât wan me wan galalupyene yenjgiwei. <sup>11</sup>Hain akbiâ hilâm âlâwu akto bikjeâk bo akto Anutugât Heak âlepñande mom yembiandat areyetgât kautyetjân mendo golâ akmâ kinbela luâk âmbâle kinbai arekje yelemâ hamep humo agi. <sup>12</sup>Hain akbiâ ainâk lau siâ himbimânba kot kârikje siâ hin kondo nânjgâyat, “Yet iren gaet.” dâmbo hamandat kakñân âgâmbela gasalupyetñande yelegi. <sup>13</sup>Âgâmbela yelekbiâ ainâk wâriñ humo miep. Mendo kepia humo are bikje bâliep. Wâriñ humo mendo kepia bikje hogoakto luâk âmbâle 7,000 yenjgumbo mom meteyi. Akto luâk âmbâle bikje bo moyi arekje aregât hamep dondâ akmâ Anutuje himbimân mandâp are nânjgâm kotje mem agali.

<sup>14</sup>Bâin umatje humo lâuwâje aregât keije hain. Dâ wâuk sop bâlensiâ tatâp umatje âlâwuje miawakbiap.

### **Añelo 7 bâije arekje lâmunje wailep.**

<sup>15</sup>Akto añelo 7 galayeje bâije arekje lâmunje wailep. Waito bâin himbimânba kot kârikje siânbañe konmâ hin dâyi, “Humonnenje akto huñgun aņdo giep arekje hân hârok damunje akbiandatgât dâp miawaktâp. Akto himbimân damunnenje akmâ manmâ âgâwîap.” dâyi. <sup>16</sup>Akto luâk kembu 24 tat tatyenñân Anutugât dewunñân tatmai arekje kânjom yem âmâ Anutugât nânjgâmbiâ humo agep. Humo akto Anutu hin magaņi, <sup>17</sup>“O Anutu gâ Kârikje Amboñe manmâ gat akto manmâ âgâwîat. Gâñe âmâ kârikjene miawagâk dâm hânje hânje damunyeje akbiatgât keije katât aregât mepaige mem heroje katgekâm mem agatgekne. <sup>18</sup>Akto luâk âmbâle bo nânjgâ giñmai arekje kuk akgiñbiâ ainâk kuk akyenjen aregât bâin dâm luâk âmbâle momoñe den âiân katyekberâtgât sop miawakto aregât kotge mem agatne. Akto uñak hoj bawage Propete akto luâk âmbâlelupge kotgaet kânjomgiñmai are hâñje âlepñe yenjiwerâtgât sopñe miawaktâp. Akto luâk âmbâle âgâ âgâñe gegene gânjgât hamep akmai are hâñje âlepñe yenjiwerâtgât sopñe miawaktâp aregât kotge mem agatne. Akto luâk âmbâle bikñande wan me wan hânân âlepñe tatmap are bâleñe akyenjiep are hilip yenjuwerâtgât sop miawaktâp aregât kotge mem agatne.” dâyi.

<sup>19</sup>Akto luâk kembu 24 arekje hain dâm magaņbiâ ainâk Anutugât Sumbe kat kat emetje bunje himbimân tatmap aregât hânji humo lewulakto den kârikje kâlân kulemgoep aregât emetje miawakmâ kilep.

Ain kindo belek belek akto himbim kundunduy dâmba denŋe denŋe humo miawakto wârîŋ humo mendo hân hârok ârik tânâk kârikŋe giep. Are hârok miawakto egân.

**Âmbâle siâ akto pugaiya yetgât den.**

**12** <sup>1</sup>Akto kulem siâ himbimân miawakto egân amâ hin. Âmbâle siâ talep are hâk pekeŋe amâ dewutâ hâwâ liliŋe hainare luguagep. Akto dewutâ golaŋe keiŋe amukŋân talep. Dâ kautŋân amâ kotdâgât irimut diâ 12 kilep. <sup>2</sup>Akto âmbâle amâ tepdâk akto nanaŋ miawakberâmba hâkŋe hilâlâm agaŋdo kamboŋ kârikŋe kamboŋep. <sup>3</sup>Hain akto kulem siâ himbimân miawakto egân amâ hin. Pugaiya hinare gilâm siâ miawakto egân yâk amâ kautŋe bât biken lâuwâ. Akto kautŋe siâ siâ ain kembu yeŋgât irimut konok konok kauŋep. Akto sâliŋe bât biken lâuwâ. <sup>4</sup>Akto pugaiya hinare arekŋe dakeŋande diâ kâmot siâ ŋârâŋ orem urutmâ pan yekto hânân gembiâ yegân. Akto diâ kâmot lâuwâŋeak himbimân âlepŋe tali. Akto Pugaiya arekŋe âmbâle are nanaŋ memberâm akto aregât enemŋân kilep. Kinmâ nanaŋ miawakto ainâk nemberâm akmâ lâmgom kilep. <sup>5</sup>Hain kindo âmbâle arekŋe nanaŋ luâk miep. Nanaŋ irekŋe hâmbâi luâk âmbâle hârok huwan kârikŋeŋe damunyeŋe kârikŋe akbiap. Akto nanaŋ are mendo Pugaiyaŋe nanaŋ are nemberâm akto ainâk siâŋe nanaŋ are mem oloŋdo himbimân âgâmba Anutu ikiŋaet tat talân katbiâ talep. <sup>6</sup>Akto âmbâle are hamep akmâ pârigim arim hân kamitŋâŋen luâk âmbâle bo manmai aregen ariep. Ain arimbo Anutuŋe emet emelâk heŋgemgom hin dâep, “Âmbâle ire in mando tângowian amâ hilâm 1,260 bo akbiap.” dâep. Emet ain ari malep.

**Himbimân kuk humo miawakto Niambi hâkokombiâ hânân giep.**

<sup>7</sup>Akto ainâk kuk humo himbimân miawagep. Aŋelo humoyeŋe kotŋe Mikae akto aŋelolupŋande Pugaiya are akto aŋelolupŋe kuk akyeŋgiyi. Akto Pugaiya akto yâkgât aŋelolupŋe yâkâ hainâk kuk humo akyeŋgiyi. <sup>8</sup>Kuk humo agaŋgim Mikae yâkgât kâmotlupŋande Pugaiyagât kâmot are ewangi yekbiâ yeukŋe akmâ himbimân welamyeŋe bo talep. <sup>9</sup>Yeukŋe akmâ himbimân welamyeŋe bo tato aregât Anutugât kâmotlupŋande Pugaiya are hâkokom panaŋbiâ iŋgon ge yiep. Akto Pugaiya aregât kotŋe hin, Niambi yâkgât agak meme amâ hin akmap. Luâk âmbâle hârok heyeŋgim den âiân katyekmap. Niambi are akto aŋelolupŋe olop yâkŋe hânân geyi. <sup>10</sup>Akto himbimânba kot kârikŋe siâ kondo hin nâŋgân, “Hâkyeŋe tunmap Amboŋe arekŋe Anutu dewunŋân kinmâ Anutugât kâmotlupŋe are hokboâk hokboâk hilâm hândâk hâkyeŋe tunmap gârâmâ uŋak Anutuŋe makto aŋelolupŋande Niambi hâkokom watmâ panbiâ geâp aregât Anutu nengât Humonenŋe yâkgât kârikŋe akto luâk âmbâle heŋgem yeŋguwiapgât dâp kârikŋe miawaktâp. Are miawakto



yâkgât kâmot ikiñjak damunyañe akto manman âlepñân manbai. Akto areâk bo. Niambi geâp aregât unjak Anutugât Kristo yâkgât memene akto wâtñe miapñân miawakto ekten. <sup>11</sup>Akto Anutugât kâmotlupñe areyengât manman aregât ukenñe bo nâñgâm âmâ Anutugât gasalupñe togombiâ hanâk dâm Anutugât kotñe bo heambukbiâ âmâ yengumbiâ moyi aregât Anutugât nanñe Lama moep aregât gilâmñande akto denyenande Niambi are mem hâkokom ge kali. <sup>12</sup>Haingât ye hârok himbimân mandâi ye okot âlep nâñgâm heronñe akbei. Dâ hânân mandâi amâ yengâlân umatñe humo miawakberâp aregât okotne bâliâp. Amâ Niambi hin nâñgâp, “Nâñgât sop tâlâgu akniñberâp.” dâm nâñgâp aregât kuk humo akmâ yenguwêrâm aktâp akto umatñe humo miawakberâp aregât okotne bâliâp.” kot kârikñe hain dâm kolep.

### Pugaiyañe âmbâle gasa agañep.

<sup>13</sup>Akto pugaiya hânân panbiâ giep amâ ainâk âmbâle nanañ miep are gasa agañep. <sup>14</sup>Hain dâm wato âmâ Anutuñe makto puñdâkgât pikñe lâuwâ âmbâle are wañbiâ mem âlepñe pukukuk katmâ agatmâ hân kamitñangen ikiñe emetñe ain ariep. Akto emet ain âmâ Anutuñe emelâk heñgemgom, “Âmbâle are pugaiyañe membopgât in mando tângore sop siâ siâ akto sop bikñeâk bo akbiap.” dâm ketuguep. <sup>15</sup>Âmbâle arekñe lalakmâ arimbo Pugaiya humo gilâm arekñe tuñe âmbâle are hilip koâk dâm aregât launñanba tu humo mugalep. <sup>16</sup>Tu mugato tu arekñe âmbâle are wato ainâk hânñe âmbâle are tângom hogoakmâ dâp humo miawakto tu ainâk pugaiya arekñe mugalep are hân kâlegen yân gembo âmbâle are âlepñe kilep. <sup>17-18</sup>Âlepñe kindo Pugaiya humo arekñe âmbâle are âlepñe kilep are ekmâ nâñgâmbo bâliep. Akto kuk humo agañep. Kuk humo agañmâ âmbâle aregât nan baratlupñe bikñe yenguwêrâm agep. Akto âmbâle aregât nan baratlupñande Anutugât den kârikñe lokomai. Akto Yesugât keñe makyengimai aregât pugaiyañe kuk humo nâñgâm yenguwêrâm ariep. Arim haru dâtñân teñgâ kilep.

### Sonjo dâtñe metñe miawakbela yelegep.

**13** <sup>1</sup>Arim haru dâtñân teñgâ kindo sonjo metñe siâ haruânba gambo egân. Sonjo metñe are amâ sâliñe bât bip bip hârok. Akto sâliñân amâ kembu yengât irimut konok konok aligilakmâ talep. Akto kautñe amâ bât biken lâuwâ ain den bâleñe Anutugât kotñe mem ge kat katgât den ain talep. <sup>2</sup>Akto sonjo metñe amâ dowâk keñe kârikñe hainare miep. Akto kei bâtñe pikñe amâ kâkâlep. Akto dâtñe amâ Pugaiyagât dâtñe hainare. Akto Pugaiya emelâk egân arekñe ikiñe kârikñe akto wâtñe tat tatñe amâ sonjo metñe wañep. <sup>3</sup>Akto sonjo metñe âmâ aregât kautñe amâ siâñe emelâk koep. Kondo diwi agep amâ emelâk pandagep. Akto luâk âmbâle hânñe hânñe mali arekñe sonjo metñe are olop

manberâm ekbiâ dâtŋe akto kotŋe mem agali. <sup>4</sup>Akmâ pugaiyaŋe soŋgo kârikŋeŋe waŋepgât makmâ egâlianŋ agañi. Hain akmâ soŋgogât hain âgâk konmâ mem agatmâ hin dâyi, “Soŋgo hainare niŋande mandâwo? Akto niŋande bugâŋe kondo gewiawo?” dâyi.

<sup>5</sup>Akto âmâ soŋgo metŋe arekŋe Anutugât kotŋe mem ge katbiapgât kârikŋe miawagaŋep. Mem ge katmâ kot humo kamboŋmâ indiep. Hain akmâ manmâ kârikŋe akmâ âgâambo dewutâ 42 bo akbiap. <sup>6</sup>Akto soŋgo metŋe arekŋe Anutugât kotŋe patŋe akto manmanŋaet welamŋe mem bâleŋe ketugum âmâ himbimân manmai are hainâk bâleŋe akyeŋgiep. <sup>7</sup>Akto Anutugât kâmot are kuk kârikŋe akyeŋgiâkgât kârikŋe miawagaŋep arekŋe yeŋgumbo yeukŋe agi. Akto areâk bo. Soŋgo metŋe arekŋe Pugaiyagât kârikŋe miep aregât luâk âmbâle kâmotŋe kâmotŋe akto denŋe denŋe akto hâk kulem keiŋe hârok yeŋgât kembu agep. <sup>8</sup>Akto luâk âmbâle hârok kotyeŋe manmangât kulem esenŋân bo tatâp arekŋe soŋgo metŋe aregât kotŋe mem agali. Akto manman kârikŋaet kulem esenŋe aregât keiŋe hin. Lama moep arekŋe hân bo miawagewân ikiŋe kâmot areyeŋgât kotyeŋe kulemgoep. Aregât luâk âmbâle bikŋe kotyeŋe ain bo kulemgoep. Arekŋe soŋgo metŋe aregât kotŋe mem agali. <sup>9</sup>Akto ye den ire oyaŋbai yeŋe den ire oyaŋmâ nânŋâm heŋgemgoweï. <sup>10</sup>“Âlepŋe, luâk âmbâle bikŋe kala busi emetŋân katyekbiâ aregât agak meme miawak yeŋgimbo âmâ ainâk ain arim kala busi kâlegen manbai. Akto luâk siâŋe siâ tâwâtŋe kondo mombiapgât pat miawakbiap amâ âlepŋe luâk siâŋe luâk are kondo mombiap.” den hain tatâp aregât Anutugât luâk âmbâle âmâ kârikŋe tatmâ manmâ âgâmbiâ biwiyenŋe Anutugâlânâk kinmâ âgâwiâp. Akto umatŋe bâleŋe aregât hamep bo akbei.

### Hân kâlegenba soŋgo dâtŋe metŋe siâ gambo egep.

<sup>11</sup>Akto soŋgo metŋe siâ egân amâ hân amukŋânba petakmâ hân kakŋân gaep. Soŋgo metŋe ire amâ sâliŋe lâuwâ lama luâkgen hainare. Dâ denŋe amâ Pugaiya hainare. <sup>12</sup>Dâ soŋgo metŋe lâuwâŋe amâ soŋgo metŋe siâ ulik gulik egân aregât kârikŋe miep. Akto yâkgât enemŋân âi miep. Akto soŋgo metŋe lâuwâŋe arekŋe kârikŋe akmâ hân akto luâk âmbâle hânân manmai are hâwât yekmâ soŋgo metŋe ulik gulik egân are kautŋe hârembo pandakto malep aregât kotŋe mem agatŋetgât hâwât yekto hain agi. <sup>13</sup>Akto soŋgo metŋe lâuwâŋe arekŋe kulem keiŋe keiŋe hârok humo mendo ekmini. Akto luâk âmbâle dewunyeŋân kâlâp humogât makto himbim hepunmâ hânân gembo egi. <sup>14</sup>Akto soŋgo ulik gulik aregât enemŋân kinmâ kulem siâ membiapgât kârikŋe miawagaŋepgât luâk âmbâle hârok heyenŋiep. Heyenŋim hin makyenŋiep, “Ye soŋgo metŋe tâwâtŋe kautŋe hârembo pandagep aregât otnenŋe lâwin wan hâwim ketugunŋet.” dâep. <sup>15</sup>Hain dâm hâwâtyekto

ketugumbiâ sonjo metnje lâuwânje arekne heakne are otnejan are waito otneje arekne den makmâ kilep. Hain ageine luâk âmbâle bikjande otneje aregât kotne bo mem agali are yengumbo moyi. <sup>16</sup>Akto areâk bo. Otneje arekne hoj bawalupne makyengimbo luâk âmbâle hârok âgâ âgâje gegeje me kotdâ me kotyeje bo me sikumdâ me umburuk me luâk kembu me hoj bawa hârok are yengât bâtyeje bungen akto enem yengan tirip kali. <sup>17</sup>Amâ luâk âmbâle bikne are borâm amâ tirip are bo miawakto are sot me wan me wan hâukowaigât dâp bo miawagep. Akto puli memegât ai bo miawagep. Akto tirip amâ sonjo metnje aregât kotne. <sup>18</sup>Imâ tirip towat in yendâp luâk siâ nângâ nângâ humo yeandâwân amâ sonjogât kot kulem aregât keje mem miawakbiap. Kot kulem are luâk siâgât kot amâ 666.

### Yesu akto kâmotlupne Sioj gimbanjan kinbiâ yegep.

**14** <sup>1</sup>Nâ Yohane nâ giwelân hin egân. Lama moep arekne gimbanje kotne Sioj aregât kautjan kilep. Ain kindo luâk âmbâle 144,000 areyengât enem dewunyenjan amâ Lamagât kotne akto Ewejaet kotne kulemgombo miawakto olop kili. <sup>2</sup>Akto ainâk mun âlepne humo tu humogât munje hinare me hamandat kundunduj dâmap hinare me luâk dondâje bâtâ kombiâ miawakmap hinare himbimânba gembo nângân. <sup>3</sup>Akto luâk âmbâle arekne kep kenju irakne siâ kembu tat tat akto sonjo humomo manmanje imbât are akto luâk kembu 24 are yengât enemyengân meyi. Dâ luâk âmbâle 144,000 are Anutu ikiye pat oloj yegep arekneâk kep kenju irakne are meyi. Dâ luâk âmbâle bikne amâ kep kenju are bo nângâmai. <sup>4</sup>Akto luâk âmbâle âlepne ire amâ hânân maliân dâp gulip bo mali. Akto agak meme âlepneâk memâk mali akto lama arekne luâk âmbâle ireson Anutugât kâmolân dewatiwai dâm dumyenjan kinmâ moep. Aregât bâlejaet dâwânba olojyegep. Lama arekne hain agep aregât Lama je wan me wan makto lauje dowâk lokom manmai. <sup>5</sup>Akto den hianji siâ bo magi. Akto den âlepneâk makmâ han kau kau akmâ mali.

### Ajelo âlâwuje den akbiâ yegep.

<sup>6</sup>Akto ajelo siâ miawakto egân. Are amâ den pat âlepne tatmâ âgâwip are luâk âmbâle denje denje hânje hânje manmai are hârok makyengiwan dâm lapanjan pâp pâp katmâ dâp pânjan tânâmjan ariep. <sup>7</sup>Hain arim kârikneâk konmâ hin dâep, “Anutuje den aiân katyekbiapgât emelâk sop tâlâguâp. Haingât ye hamep akmâ kotne mem agatjet. Akto Anutu hân himbim haru akto tu dewunje ketuguyegep aregât kotne mem agatmâ âgâwei. Hain akmâ âgâmbiâ ârândâj akbiâp.” dâep.

<sup>8</sup>Akto aregât haminjan ajelo lâuwânje siâje miawakmâ hin dâep, “Kepia humo kotne Babilonj aregât ambolupjande luâk âmbâle hânje

hânŋe manmai are hâwât yekmâ nenŋe bâleŋe akmaen yekâ hainâk akŋet dâm makyenŋimbiâ hainâk akmâ meyi. Aregât kepia Babilonŋ are emelâk gulip agep.” dâep.

<sup>9</sup>Akto aregât hamiŋân aŋelo âlâwuyenŋe siânŋe miawakmâ kârikŋeâk konmâ hin dâep, “Luâk âmbâle bikŋande soŋgo metŋe akto otneŋe kotyetŋe mem agatbiâ kotyetŋe enem meteyenân me bâtyenân kulemgombo memai are <sup>10</sup>Anutuŋe kukŋaet waiŋ tu dâtŋe metŋe dondâ are kondoânba waŋdo Aŋeloŋe kâmbokŋe akto Lama yâk yenŋât meteyenân bugâ kâlâp ululunŋân gem hâk hilâlâm metŋe manmâ âgâwip. <sup>11</sup>Oyekmâ âgâmbô hâk hilâlâm dondâ nânŋâmbiâ dâwokyeŋe hokboâk hokboâk egon âgâm yembiap. Akto luâk âmbâle soŋgo metŋe aregât kotŋe mem agatmai akto otneŋe hainâk mem agatmai are soŋgo metŋe yâkgât kotŋe enemyenân me bâtyenân kulemgombo memai are Anutuŋe kuk bâleŋe akyenŋimbo hâk hilâlâm hândâk akto hilâm nânŋâm manmâ âgâwai akto hâkyenŋe mem bo tatmâ hutuk âgâwai.” dâep.

<sup>12</sup>Akto ye biwiyenŋe Yesugâlân kali arekŋe biwiyenŋe hainâk kilâkgât akto Anutuŋâlân den lokom âgâwaigât ire oyaŋmâ nânŋâm heŋgemgowe. Akto biwiyenŋe damunŋe akbei.

#### **Luâk akmâ giep arekŋe âi bunŋe orem mem menduguep.**

<sup>13</sup>Akto nânŋe himbimânba kot siâ gembo nânŋân. Arekŋe hin dâep, “Yohane gâ den ire kulemgo. Humogât kâmot are gasalupyenŋande yenŋumbiâ mombai arekŋe siân heroŋe humo akmâ manmâ âgâwai.” dâep. Hain dâmbô Anutuŋât Heakŋe âlepŋande gai hin magep, “Bundâk. Yâk âi âlepŋe meyi aregât hânŋe Anutuŋe mombaiân ain manman âlepŋe yenŋimbo biwiyenŋe sândugembo tatmâ hutuk âgâwai.” dâep.

<sup>14</sup>Akto ainâk dewunne panmâ hin egân. Luâk akmâ gem manmap hainare miawakmâ hamandat kau kau kakŋân tatmâ irimut goli kauŋmâ tâwât metŋe bâtŋân miep. <sup>15</sup>Akto aŋelo siâ âmâ himbimân sumbe kat kat emetŋe talep ainba giep. Arekŋe hamandalân talep are hin dâm konmâ magaŋep, “Bâin. Gâ tâwâtgande âi bunŋe orem mem menduguak. Hânân âi bunŋe akmâ metiepgât orem mem mendugu mendugu agâkgât sopŋe miawaktâp.” dâmbô <sup>16</sup>hamandalân talep arekŋe tâwâtŋe are mem hânân oriep.

<sup>17</sup>Orem mando aŋelo siâ sumbe emetŋânba miawagep arekŋe tâwâtŋe metŋe miep. <sup>18</sup>Aregât hamiŋân aŋelo siâ alata hepunmâ giep. Aŋelo are amâ kâlâp damunŋe akmap. Arekŋe kârikŋeâk aŋelo tâwât metŋe miep are konmâ hin magaŋep, “Woe, hânân tâk kotŋe waiŋ aregât koaŋe âlim yendâp aregât tâwât mendât arekŋe hânân arim sot waiŋ are orem me.” dâep. <sup>19</sup>Hain dâmbô aŋelo arekŋe tâwât mem arim orem waiŋ koaŋe hârem meyegep. Meyekmâ waiŋ tâli tâligât kondo humo Anutuŋât kuk miawakbiapgât ain panyekto geyi. <sup>20</sup>Ain gembâ kukgât kepia betgen ain

waiŋ tâli tâligât kondo humo aregât kâlegen tâlimbiâ kondo kâlegenba hep humo gem yiep. Gem yiep amâ bâtgum miawakmâ âmâ bau luâk soko bâtyeŋe titiwutŋe hainare agep. Dâ kâlepŋaet dopŋe âmâ 300 kilomita hainare agep.

**Luâk âmbâleŋe kep membiâ yegep.**

**15** <sup>1</sup>Akto kulem siâ miawakto ektere dâtŋe agep. Amâ hin. Aŋelo 7 arekŋe siâ siâ bâleŋe 7 meyi. Akto bâleŋe are amâ bo akbiawân ain Anutugât kambiam bâle amâ bo akbiap.

<sup>2</sup>Akto ain âmâ nâŋe hin egân. Haru humo hinare duŋgu akto kâlâp mendugum kinmâ haru humo hinare akto egân. Akto luâk âmbâleŋe wârakmâ soŋgo metŋe akto otneŋe akto kotŋe hainâk ewangiyegi arekŋe Anutuŋe bâtâ yeŋgimbo mem haru duŋgu hinâk aregât ginŋân kili.

<sup>3-4</sup>Akto Mose Anutugât hoŋ bawa yâkgât kep meyi akto Lamagât kep meyi. Kep amâ hin, “O Anutu Humonenŋe, gâ kârikŋe hârok tatŋiŋdâp. Akto âi agatŋe akto ekmâ huliliŋe olop memenâ ektenŋe dâtŋe akmap. Akto agak meme ârândâŋâk memat. Akto luâk âmbâle yeŋgât Humoyeŋe akmâ manmâ gaen akto hainâk akmâ manmâ âgâwiat. Aregât niŋande gekmâ âmâ bo hamep akbiap? Dâ niŋande kotge bo makmâ egâlianŋbiap? Akto gâ konok âlepŋe akmat aregât kotge mem agatne. Akto gâŋe luâk âmbâle den âiân katyegen are luâk âmbâle hânŋe hânŋe manmai arekŋe ekmâ gâŋgâlân togom kotge mem agatbiâ ârândâŋ akbiap.” dâyi.

**Aŋeloŋe 7 arekŋe kundat siâ siâ 7 mem kâimbiâ yegep.**

<sup>5</sup>Hain dâmbiâ dewunne pandere hin miawakto egân. Sumbe kat kat emet are mâron emet kâlegen himbimân talep aregât hânŋi lewulakmâ kindo <sup>6</sup>arewa aŋelo 7 kundat bâleŋe siâ siâ mem kili are sopali. Aŋelo are amâ sâŋgum pagaleŋe lalagi. Akto himbân diŋenyenŋân tâkŋe goli. Akto bâleŋe 7 meyi are amâ kundat keiŋe bum bum miawakmap dop hainare. <sup>7</sup>Akto soŋgo humomo imbât manmanŋe areyeŋgâlân gâtŋe konokŋe aŋelo 7 goli kondo 7 konok konok yeŋgiep. Akto kondo are amâ Anutuŋe manmâ âgâm manbiap yâkgât kuk akmâ peimai aregât kâlegen pikmâ yemap. <sup>8</sup>Akto Anutugât pagaleŋe humo aregât akto kârikŋaet dâwok âgâambo dâp gisap kombo siâŋe sumbe kat kat emetŋân âgâwipgât dopŋe bo. Hain akto Aŋelo 7 arekŋe kondo siâ siâ bâleŋe kâimbiâ miawakmâ metembiân âmâ âlepŋe âgâwaigât dopŋe miawakbiap.

**Aŋelo 7 arekŋe Anutugât kuk are lokom kâimbiâ gembo egep.**

**16** <sup>1</sup>Akto sumbe kat kat emetŋânba den kârikŋe humo siâ gembo nânŋân. Amâ aŋelo 7 areyeŋgât kârikŋeâk yeŋgonmâ magep,

“Ye arim kondo 7 are kâimbiâ Anutugât kuk akto heŋgân hânân miawakberâp.” dâep.

<sup>2</sup>Hain dâambo aŋelo ulik gulik arekŋe arim kondoŋe are hânân kâimbo kâlegen Anutugât kuk arekŋe giep. Gembo diwi kârikŋe keiŋe hârok hârok arekŋe luâk âmbâle soŋgo metŋe yâkgât tiripŋe hâkyeŋân miawagep akto ikiŋe otneŋe kotyeŋe mem agatmai areyengât hâkyeŋân miawagep.

<sup>3</sup>Akto aŋelo lâuwâŋe arekŋe amâ kondoŋe are haruân kâiep. Akto haru arekŋe purik âgâm gilâmâk hârok miawakmâ pungum âgâm luâk momoŋe yengât gilâm hainare agep. Akto haruân siâ siâ tali are hârok mom meteyi.

<sup>4</sup>Dâ aŋelo âlâwuŋe arekŋe amâ tu humoân kondoŋe kâiep. Kâimbo tu dewunŋangen kâiep. Akto tu are hârokŋe purik âgâm gilâm agep. <sup>5-6</sup>Hain akto tugât aŋelo arekŋe Anutu hin maganep, “Luâk âmbâle bikŋande gâŋgât kâmotlupge akto propetelupge bikŋe yengumbiâ gilâmyeŋe gembo moyi. Aregât gâŋe gilâm siâ luâk bâleŋe ire yengimenâ nemiâ ârândân aktâp. Aregât gâ ulikŋân tatmâ gaen akto manmâ âgâwiat gâ âlepŋe den âige bundâk âlepŋe miawakbiap. Den âige bundâk miawakto luâk âmbâle potatyekmâ den âiân katyekmenâ ârândân akbiap.” dâep. <sup>7</sup>Dâm metembo amâ ainâk sumbe kat kat welamŋe arekŋe Anutu hin kondo nânŋân, “Bundâk Anutu Humogât kârikŋe hârok tatŋiŋdâp luâk den âiân katyekmat are bundâk akto ârândânâk hârok.” dâep.

<sup>8</sup>Dâ aŋelo imbâtŋe arekŋe amâ kondoŋe dewutân kâiep. Kâimbo Anutuŋe dewutâ hepundo kâlâpŋe luâk âmbâle kâungoyeŋep.

<sup>9</sup>Dewutâgât kâlâp humo are utunŋe dondâ arekŋe luâk âmbâle are dondâ om kâungoyeŋep kârikŋe humo talaŋdâp siâ siâ bâleŋe mem agatbiapgât Anutugât kotŋe are mem bâliyi. Dâ han biwi bo purik katmâ kotŋe bo makmâ egâliani.

<sup>10</sup>Dâ aŋelo 5 yeŋe arekŋe amâ soŋgo metŋe yâkgât humo tat talân kondoŋe are kâiep. Kâimbo hândâk humo soŋgo metŋe yâkgât luâk âmbâle kâmot humo tatmai areyengâlân hândâk humo dâgâep. Hândâk humo dâgâambo yâk hâk hilâlâm humo meyi hain akmâ elewetyeŋe neyi. <sup>11</sup>Yâk diwigât hâk hilâlâmyeŋe are nânŋâyi aregât Anutu himbimân gâtŋe aregât sait den makmâ den bâleŋe magani. Dâ yâk han biwi bo purik katmâ bâleŋe agi aregât hain akmâ bâleŋeyeŋe bo makmâ miawakmâ amâ mem hami bo pali.

<sup>12</sup>Akto aŋelo 6 yeŋe arekŋe kondo are tu humo kotŋe Euparat ain kâiep. Kâimbo tu are hârok bo agep. Amâ luâk kembu dewutâ gaganŋangenba togowai areyengât dâp heŋgemgo yengiep.

<sup>13</sup>Akto nâ ain ekmâ kinmâ sinduk baniara metŋe sâkok tiripŋe hinare âlâwu yegân. Pugaiya launânba akto soŋgo metŋaet launânba akto

propete hianjiŋe yâkgât launânba gambiâ yegân. Akto Pugaiya aregât launânba sinduk baniara bâleŋe siâ sâkok hinare sopando egân. Akto siâ âmâ sonjo kâit launânba sopando egân. Dâ siâ âmâ Propete hianji luâk yâkgât launânba sopando egân. <sup>14</sup>Sinduk baniara bâleŋe sâkok hinare âlâwuŋe amâ bâleŋe dondâ arekŋe kulem keiŋe hârok hârok memai. Arekŋe âmâ hângât luâk kembu are yeŋgâlân hârok arimai, amâ kuk akjetgât mendugu yekberâm arimai. Amâ Anutugât kârikŋe hârok talaŋdâp aregât sopŋân kuk humo miawakbiapgât kembu hârok areyeŋgâlân arim menduguyekberâm ariwai. <sup>15</sup>Akto sop aregât Yesuŋe hin dâep, “Nâmâ hâmbâi yeŋgâlân luâk kâmburâŋe togomai dop hainâk yoŋâk togowian. Haingât luâk âmbâle bikŋe bo yembai akto himbânyeŋe latmâk yembiâ dowâk togore mulân bo ariwai. Akto luâk âmbâle yekmâ aŋunyeŋaet bo akbai. Aregât biwiyeye damunŋe akbei. Hain akmâ luâk âmâ okot âlep humo akmâ heroŋe akbai.” dâep. <sup>16</sup>Akto sinduk baniara bâleŋe âlâwu arekŋe kembu luâk dondâ are iregen menduguyegi. Dâ kepia aregât kotŋe amâ Hebraio yeŋgât denân âmâ Hemageroŋ.

<sup>17</sup>Dâ Aŋelo 7 yeŋe arekŋe âmâ kondoŋe are lapaŋânba kâiep. Kâimbo sumbe kat kat aregât emetŋe kâlegen Anutugât tat tat arewa kot kârikŋeâk kolep. Kot arekŋe gam hâkŋânŋen giep arekŋe hin magep, “Bâin, emelâk bo aktâp.” dâep. <sup>18</sup>Dâmbo hamandat pagaleŋe iŋgon belek belek erâmbo mun humo miawagep. Mun humo miawakto hamandat hogoagep akto wâriŋ humo miep. Wâriŋ hinare amâ luâk manmâ gayi ainbak siâ bo miawagep. <sup>19</sup>Wâriŋ mendo kepia humo Babiloŋ are bâleŋe humo miep aregât Anutuŋe kuk heŋgân bâleŋe nâŋgâm Babiloŋ nâŋgâ aŋdo hogoakmâ hewum âlâwu agep. Kepiaŋe kepiaŋe hânŋe hogoakmâ gulip agi. <sup>20</sup>Akto haru tânâmŋân gimbâŋe tali are hârok purik kali. Akto gimbâŋe hârok hogoakmâ bo agi. <sup>21</sup>Akto tânâk kârikŋe bâleŋe humo giep. Tânâk kârikŋe humo aregât koaŋe kât humo hinare arekŋe gem luâk âmbâle yeŋgum meteyegep. Himbimânba gembo luâk âmbâle hâk hilâlâm bâleŋe nâŋgâm aregât Anutugât den bâleŋe magaŋi.

### Âmbâle bâleŋe dondâ mem dâp gulip malep are egep.

**17** <sup>1</sup>Akto aŋelo 7 kondo 7 meyi are yeŋgâlân gâtŋe siâŋe hin dâm makniŋep, “Gawot. Gamenâ hin hekat giŋbe. Âmbâle bâleŋe meme dâp gulip malep are tu humo kakŋân tatâp. Akto hinŋe âmbâle ire Anutuŋe den âiân kato dosaŋe miawakto hâk hilâlâm humo miawak aŋberâm aktâp are hekatgiŋdere ek. <sup>2</sup>Amâ hingât. Hângât luâk kembu humo irekŋe âmbâle ire olop bâleŋe sop dondâ akmâ gayi. Hain agi aregât luâk âmbâle hânân mali arekai hainâk bâleŋe sop dondâ agi. Hain akbiâ bâleŋeyeŋe arekŋe mem biwiyeye gulip ketugumbo sinduk agi. Aregât gamenâ hekat giŋdere ek.” dâep. <sup>3</sup>Akto Aŋelo are hekatniŋep arekŋe menekto Anutugât Heak âlepŋande kautnân mendo biwine purik



kato hân pumângen ain miawagân. Ain kinmâ hin egân. Âmbâle siâ songo metŋe gilâm siâ kakŋân talep. Songo metŋe are amâ kautŋe 7 akto sâliŋe 10. Akto hâkŋân den bâleŋe Anutugât kotŋe mem ge katmap den are yiep. <sup>4</sup>Akto âmbâle are amâ sâŋgum gâwu akto gilâm hutbit luguagep. Akto wan me wan humo goli akto kât puliŋe humo akto donet luguagep. Akto bâtŋân amâ tu hâpuŋe goliŋe ketugu ketuguŋe miép. Hâpu ain âmâ kâmbu konda bâleŋe arekŋe ain pikmâ yiep. <sup>5</sup>Akto âmbâle aregât metenân ikiŋe kotŋe talep kot are âmâ mem heambugi. Dâ kotŋeâk âmâ hin, “Babilonŋ kepia humo aregât hân ârândân egâliang bâleŋe aregât memenŋe akto dâp gulip akto agak meme bâleŋe. Akto lâpio kotŋe mem agat agat gât amboŋe.” den are metenân hain talep. <sup>6</sup>Akto âmbâle irekŋe emelâk Anutugât luâk âmbâle hârok Yesugât pat makmâ miawakmâ âmâ bo heambugi are yengumbiâ moyi. Akto âmbâle are gilâmyeŋe nem sinduk dondâ agep. Hain akto ekmâ sân sân mem hamewakmâ nâŋgâ nâŋgâne undup nâŋgâm âmâ dâtne igim kilân.

<sup>7</sup>Hain akmâ kindere aŋelo arekŋe hin makniŋep, “Wangât dâtge igim kindât? Âmbâle iregât akto songo metŋe iregât kautŋe 7 akto sâliŋe 10 akto songo metŋe sokoân tatmap areyetgât keiyetŋe makgiŋbe. <sup>8</sup>Songo metŋe ektât aregât keiŋe hin. Hângeiŋe âmâ tatmâ manmâ gaep. Dâ hinŋe âmâ bo tatâp. Dâ hâmbâi âmâ hân dâpŋe timopŋe bo are hepunmâ gawiap. Gam tatmâ manmâ âmâ kâlâwân ariwiap. Akto luâk âmbâle kotyeŋe hân miawagewânbak manman âlepŋe aregât kulem esenŋân bo talep arekŋe songo metŋe ekmâ hin dâwai, “Woe, ire âmâ ulikŋân malep. Hinŋe bo mandâp. Dâ hâmbâi lâuwâŋe miawakbiap.” hain dâm nâŋgâ nâŋgâ undup nâŋgâm dâtyeŋe bâtyeŋân igim kinbai. <sup>9</sup>Akto luâk âmbâle bikŋe nâŋgâ nâŋgâyeŋe âlepŋe arekŋe âmâ siâ siâ iregât nâŋgâm heŋgemgowai. Kautŋe 7 amâ gimbâŋe 7 akto âmbâle aregât dopŋe amâ kepia gimbâŋe 7 aregât hutŋân talep are. Akto areâk bo. <sup>10</sup>Kautŋe 7 areyengât dop amâ luâk kembu 7. Akto kembu 5 moyi. Akto siâ hinŋe damunyeŋe aktâp. Dâ baiŋe amâ hâmbâi miawakbiap. Miawakmâ sop bâlensiâ damunyeŋe akmâ bo akbiap. <sup>11</sup>Akto songo metŋe ire ulikŋân talep keiŋe hin. Uŋak amâ bo tatâp. Dâ hâmbâi kembu 7 are miawakmâ metemiâ âmâ 8 arekŋe hainâk miawakbiap. Hainâk miawakmâ luâk kembu sop getek manmâ kâlâwân ariwiap. Keiŋe hain. <sup>12</sup>Akto sâliŋe 10 ektât are âmâ luâk kembu 10 boâk miawaktâi yâk yengât dop. Dâ songo metŋe are olop kârikŋe membai. Amâ hinŋe Anutuŋe boâk makto mendâi. Gârâmâ makbiap âmâ mem damunyeŋe akmâ sop tâlâwâk manmâ bo akbai. <sup>13</sup>Akto luâk kembu are nâŋgâ nâŋgâyeŋe akto hanyeŋe konok manbai. Akto kârikŋeŋe songo metŋe waŋbai. <sup>14</sup>Kârikŋeŋe waŋmâ Lama olop aguwerâm akbai. Aguwerâm akbiâ Lama arekŋe kârikŋe akmâ ewangiyekbiap. Akto Lama arekŋe humomo yengât humoyeŋe akto kotdâ hârok yengât kotdâyeŋe akmap aregât kârikŋe

akmâ gasalupnje ewangiyekbiap. Akto luâk âmbâle Lama olop manbai âmâ hin. Anutuje ukenjaet akmâ potatyekmâ wejgonmâ olojyekto Anutugât den pat bo hepunmai.”

<sup>15</sup> Akto aņelo arekņe den dewatim hin dâm makniņep, “Âmbâle kondarâ arekņe tu humo are kakņân tatâp. Tu are amâ luâk âmbâle kâmotņe kâmotņe akto denņe denņe hânņe hânņe manmai dop hainâk aktâp. <sup>16</sup> Gâ sâliņe 10 ektât are âmâ luâk kembu siâ soņgo metņe olop âmbâle kondarâ aregât gasa akbai. Akto âmbâle aregât kina tâkņe mem hârembiâ bâlâk kindo sunumņe hârok nembai. Akto kâlâwân ombai. <sup>17</sup> Akto Anutuje ikiņe nâņgâ nâņgâņe biwiyenân katmâ totokombo han biwiyenē konok akmâ kârikņeyenē soņgo metņe waņmâ âmbâle are bâlēņe ağanbai. Hain ağanmâ manmâ âgâmbiâ âgâmbiâ sop Anutuje siâ siâ akbiapgât sop ulikņân magep are bâiņe miawakto bo akbai. <sup>18</sup> Akto âmbâle kondarâ are âmâ kepia humogât dop kepia humo hângât kembu are hârok weņgât kautyeņe tatâp.

### Babilonj itij gulam agep.

**18** <sup>1</sup> Akto aregât hamiņân aņelo siâ himbim hepunmâ gembo egân. Are kârikņe humo talaņep. Akto pagaleņe humo arekņe hân ire kulemgombo hânân pagaleņe humo miawagep. Pagaleņande hân ire katipkom yendo egân. <sup>2</sup> Yâk kârikņeâk konmâ hin dâep, “Kepia kotņe Babilonj humo are emelâk hilip agum meteâp. Uņak amâ sinduk baniara bâlēņe ain manmai akto niambi kotņe hârok akto lâut bâlēņe maleņe are hârok ain tatmai. <sup>3</sup> Amâ hingât. Kom metiepgât. Akto luâk âmbâle kâmot hârok yâk emelâk yâk olop bâlēņe akbiâ bâlēņe arekņe biwiyenē mem oloņdo gulip milip mali. Akto hângât kembu yâk gai hainâk emelâk yâk âmbâle are olop bâlēņe agi. Akto hângât luâk âmbâle yâk gai hângât bâlēņe aregât âi mem puli dondâ memai aregât kautyeņe gulip akto kagawu akbai.” dâep.

<sup>4</sup> Akto himbimân kot humo siâ kondo hin nâņgân, “Nâņgât luâk âmbâle ye hârok kepia bâlēņe are hepunmâ gam hâkņângen manņet. Ageine bâlēņe arekņe howaiyekto bâlēņe akmâ amâ kundat bum bum humo membâi. <sup>5</sup> Kepia iregât ambolupņande bâlēņe humo akmai yâk weņgât bâlēņande kakņân kakņân âgâm himbim ewangiâp dop hainâk manmai aregât Anutuje bâlēņe iregât gewâkņe nâņgâp aregât hâuņe yu weņgiâp. <sup>6</sup> Anutuje âmbâle iregât agak meme âmbâi konda akmap aregât den âiân katmâ hâuņe bâlēņe waņbiap. Âmbâle are emelâk agak meme bâlēņe mendugumbo unduwâk miawaktâp aregât hainâk kuk kârikņe yâkgât are mendugum waņbiâ neâk. <sup>7</sup> Akto âmbâle irekņe emelâk ikiņe kotņe mem agalep. Akto âgâ âgâņe keiņe hârok aktâp haingât hâk hilâlâm dondâ ağanņet. Âgâ âgâņe aregât dopņânâk ağanņet. Akto hain akbiâ amâ inde dondâ indewiâp. Dâ kambiamņân hinņe amâ hin nâņgâmap, “Woe, nâ

kârikneâk mandân. Akto luâk âmbâle damunyeŋe akman. Akto âmbâle kambut hainare mandân aregât umatŋande nâŋgâlân togowiap aregât dopŋe bo. Akto nâ inde dondâ bo indewian.” dâmap. <sup>8</sup>Hain dâmap aregât siâ siâ bâleŋe keiŋe hârok are yâkgâlân togowiap. Amâ hilâm konok kâlegen kundat dondâ mem miawakbai aregât indewiap. Akto mop humo miawakbiap. Akto kâlâpŋe ombiap Humo Anutuŋe hâuŋe humo potatmâ yeŋgim umatŋe kutigit yeŋguwiap aregât umatŋe dondâ yeŋgiwiap.

**Hângât kembu arekŋe Babiloŋ ondo dâwok gambo  
ekmâ indem kamboŋbiâ biwiyeŋe bâliiep.**

<sup>9</sup>Akto hângât kembu are ulik gulik agak meme bâleŋe Babiloŋ olop agi. Akto yâk olop âgâ âgâŋe keiŋe hârok agi. Haingât hângât kembu arekai ekbiâ kepia aregât dâwok gambo kâlâpŋe ombiap. Hain akto yâk âmâ indem kamboŋbiâ biwiyeŋe bâliwiap. <sup>10</sup>Hain akmâ hâuŋe hâk hilâlâm bâleŋe nâŋgâwiap aregât hamep humo akbai aregât Babiloŋ ginŋân bo tatbai. Amâ akŋâŋen kinmâ hin dâwai, “Yei, Babiloŋ kepia amboŋe gâ kepia kârikŋe ain malen. Dâ sop konok kâlegen bâleŋeŋe aregât hâuŋe hâk hilâlâmŋe are emelâk gâŋgâlân togoâp.” dâwai. <sup>11</sup>Akto aŋgim nene amboŋe Babiloŋ âgâm âi mem gem gem akmai arekŋe âi nenŋe bo aktâp dâm nâŋgâm aregât indewai. <sup>12</sup>Sikum are amâ hin aganŋi goanŋi agi. Goli akto siliwa donet puli humo kât âlepŋe aregât kulemŋe âlepŋe dondâ akto sâŋgum gilâm gâwu keiŋe hârok hârok akto sâŋgum bawalap akto sâŋgum gilâm akto lâwin kotŋe hârok higenŋe ukenŋe akto bau sâliŋande hâwi hâwiŋe kotŋe siâ siâ hârok amâ lâwin puliŋe humomoŋe ketugumini. Akto siâ siâ mâŋgimini ain akto kapaŋe kât kulem melem ketuguyi. <sup>13</sup>Akto himi lâwin hâkŋe akto kârik metâ akto pâwu tuŋe higenŋe akto kau higenŋe akto kelu keiŋe keiŋe higenŋe âlepŋe akto kau higenŋe âlepŋe akto keiŋe keiŋe are higenŋe âlepŋe akto waiŋ akto kelu kau akto bulimakao kâmŋe akto nâniŋ akto bau luâk soko akto hân waŋga bau luâk soko hikombiâ bau luâk soko arekŋe oloŋmiŋep akto âi luâk puligoyekmini are hârokŋe hin dâwai, <sup>14</sup>“Woe, wan me wan egâliŋminen are hârok hepun gekmâ ariâp. Akto luâklupŋande wan me wan egâliŋmai are hârok bo agep. Akto lâuwâŋe bo miawakbiap.” <sup>15</sup>Akto sikum amboŋe akto aŋgim nene amboŋe luâkŋe hâkgât âi ain manmâ puli dondâ meyi arekŋe, kâlâp arekŋe ondo hamewakmâ kâlêwâŋen kinmâ indem tâgâiak akmâ kinbai. <sup>16</sup>Hain kinmâ hin dâwai, “Wâuk, wâuk. Kepia ire bâliâp aregât kambiamnenŋe bâliâp. Ulikŋân sâŋgum âlep âlep gâwu akto gilâm luguakminen. Akto hâkŋe âlepŋe agâkgât goli akto kât âlep âlepŋe akto donet akto delem puliŋe humo are itik matik lugu akminen. <sup>17</sup>Dâ hinŋe amâ sop getek kâlegen puli me keiŋe hârok are ŋârâŋ bâliâp.” dâwai. Akto waŋga amboŋe akto luâkŋe waŋga puligom kepia siâŋen âigât ariyi akto haruân hâkgât âi memini

are hârok Babilongât kâlepñangen kinbai. <sup>18</sup>Hain kinbiâ Babilonj oep aregât dâwok âgâambo ekmâ konmâ hin dâwai, “Woe, kepia ire kepia siâ siâ hârok ewangiyekminep ina, wâuk hinñe âmâ bo aktâp.” dâwai. <sup>19</sup>Hain dâm kinmâ biwiyenñe bâliwiap aregât nukum kendâm kautyenñan panakbai. Panakmâ indem indem kambiamyenñe umatñe akto hin dâwai, “Wâuk, kepia humo indâre sop getek kâlegen njarñ baliâp. Akto wanja ambolupñe yenñe ain arim âi mendenñe sikum dondâ miawak yenñiep. Dâ hinñe amâ baliâp aregât umburuk aktâi. <sup>20</sup>Dâ himbim are akto ye Anutugât luâk âmbâle akto Aposolo akto propete ye hinñe okot âlep humo nânğâwei. Anutugât kepia iregât ambolupñande ye bâleñe agi aregât hâuñe yenñimbo umatñan mandâi aregât nânğâm okot âlep humo nânğâwei.” dâwai.” dâep.

**Añelo siâ kârikñe arekñe Babilonj pum akbiapgât makmâ hâriep.**

<sup>21</sup>Hain dâambo añelo siâ kârikñe arekñe kât humo siâ mem agatmâ inñon haruân pando gembo hin magep, “Nâ yu kât pandere geâp dop hainâk Anutuñe kepia humo Babilonj ire âmâ mem kârikñeâk hâkokom pando inñon gembo lâuwânñe bo miawakbiap. <sup>22</sup>Ulikñan luâk uruwaku waitmini a hainâk Babilonj kâlegen bo waitbai. Akto lâmun me bêtâ me wan me wan lâuwânñe munñe bo nânğâwai. Akto luâkñe nânğâ nânğâyenñe âgâambo âi keñe keñe hârok akmini arekñe amâ hain bo akbai. Akto lâuwânñe bo miawakbiâ ekbai. Akto âi membiâ mun miawakminep are bâlâk hâlik nân nânğâm yembiap. Akto lâuwânñe bo miawakto nânğâwai. <sup>23</sup>Akto ulikñan kemdâ pagalenñande âmâ dâpyenñe mem pagalenñe akminep are bo akbiap. Akto lâuwânñe bo miawakto ekbai. Dâ Babilongât ambolupñande âmbenlupyenñe meyegi âmâ heronñe maronñe aregât munñe humo akmini mun are bo akbiap. Lâuwânñe bo miawakbiap. Akto ulikñan Babilongâtñe luâk hâkgât âi meyi arekñe hângât luâk âmbâle tali. Hain tatmâ târâ sait keñe keñe membiâ luâk âmbâle dondânñe are ekmâ nânğâ nânğâyenñe gulip akto denyenñe hiangi are bunñe dâm nânğâm hilip koyi. <sup>24</sup>Aregât ambolupñande propetelupñe akto luâk âmbâle Anutuñe yekto huragumap are akto hânñe hânñe mali are yenğumbiâ moyi aregât hâuñe miawakbiap.” dâep.

**Yohaneñe himbimân heronñe humo akbiâ yegep.**

**19** <sup>1</sup>Akto aregât hamiñan mun siâ hin nânğân. Kot humo dondâ konmâ himbimân luâk âmbâle humo tatmai arekñe hin dâyi, “Anutunenñe heñgemgo heñgemgo ambonñe, pagalenñe akto kârikñe talañdâp aregât kotñe nânğænñe humo agâk. <sup>2</sup>Akto âmbâle kondarâ irekñe agak meme bâleñe mem luâk âmbâle hânân manmai are hainâk akñet dâm hâwât yegep. Aregât hâuñe Anutuñe wanjo gulip agep. Haingât Anutugât kotñe mem agatne. Akto âmbâle ire Anutugât kâmot

bikŋe hilip yeŋgumbo mom meteyi aregât Anutuŋe agak meme bâleŋe are kutigit aŋep. Aregât kotŋe mem agatne.” dâyi. <sup>3</sup>Hain dâm kinmâ lâuwâŋe hin dâyi, “Kepia are ondo dâwokŋe yem manmâ âgâwiap aregât Anutugât kotŋe mem agatne.” dâyi.

<sup>4</sup>Akto luâk kembu 24 akto soŋgo humomo imbât manmanŋe arekŋe kâŋgom Anutu ulilaŋi yâk kembu tat talân talep yâkgât makmâ hin dâyi, “A bundâk. Âlepŋe dondâ nen Anutugât kotŋe mem agatbaen.” dâyi.

<sup>5</sup>Anutuŋe Humo tat talânba kot siâ hin kondo gembo nâŋgân, “Ye amâ Anutugât hoŋ bawalupŋe yeŋe amâ Anutunenŋaet hamep akmai ye luâk gegeŋe akto âgâ âgâŋe ye hârok Anutugât kotŋe mem agatŋet.” dâep.

<sup>6</sup>Akto ainâk nâ mun siâ hin nâŋgân. Den hinare luâk âmbâle dondâ mendugum tatmai hainare me tu dondâŋe mun humo akmap hainare me hamandat hogoakmap dop hainagâk konmâ hin dâyi, “Nen Anutugât kotŋe mem agatne. Humonenŋe Anutu arekŋe kârikŋe akmâ hârok damun nenŋe akmap. <sup>7</sup>Aregât okot âlep akmâ ukenŋe humo dondâ akne. Akto makmâ egâliŋaŋ agaŋne. Amâ Lamaŋe âmbenŋe dâtâŋe membiapgât sop aktâp sâŋgum kau âlepŋe bata butu luguaktâp. <sup>8</sup>Anutuŋe sâŋgum kau egâliŋaŋ olop waŋep amâ Anutugât kâmot agak memeyeŋe membiâ Anutuŋe ekto ârândâŋ akmap.” Arekŋe hâk pekeyeŋe aktâp.

<sup>9</sup>Akto aŋeloŋe arekŋe hin dâm makniŋep, “Gâ den ire kulengo. Lama ikiŋe âmbâi dâtâŋe membiapgât sop tâlâguâp. Akto Anutuŋe heroŋe akŋet dâm luâk âmbâle yeŋgonlep are Lama olop heroŋe akbai aregât okot âlep nâŋgâwai.” dâep. Benŋe den dewatim hin makniŋep, “Den imâ Anutugât den laŋe bunŋe.” dâep. <sup>10</sup>Hain dâm makniŋdo nâ kâŋgom kotŋe mem agatberâm agân. Hain akberâre hin dâm makniŋep, “Woe, hepun. Nâmâ gâ akto galalupge Yesugât kot hamep bâlâk makmâ miawakmai ye olop dop konok akmâ Anutu hoŋ bawa agaŋmaen. Aregât Anutu ikiŋeâk mepaiŋe mem ulilaŋ. Yesugât kot hamep bâlâk makmâ miawakbai amâ propeteyengât kârikŋe hainâk.” dâep.

### **Yohaneŋe Yesugât tembe lokolupŋe yegep.**

<sup>11</sup>Nâŋe himbim dâpŋe pâroŋ âgâambo egân. Akto bau luâk soko kau kau siâ tato egân. Luâkŋe kakŋân talep aregât kotŋe hin, “Luâk siâŋe âiŋe heŋgemgom damunŋe akmap. Akto luâkŋe agak meme bundâk akmap. Gârâmâ yâkŋe luâk âmbâle den âiân katyekmâ potat yekmap. Akto yâkŋe kuk keiŋe katmap. Âlepŋe yâkŋe amâ agak meme âlepŋeâk watmâ are akmap.” kotŋe amâ hain. <sup>12</sup>Dewunŋe amâ kâlâp ululunŋe hainare. Akto yâk amâ kembu yeŋgât irimut kautŋân dondâ tatbiâ yegân. Akto kakŋân kulem siâ talep amâ kotŋe yâkŋe konok amâ kot aregât keiŋe nâŋgâmap. Dâ luâk siânba amâ bo nâŋgâmai. <sup>13</sup>Sâŋgum kâlep kâlep arekŋe gilâmân puliep. Akto yâkgât kotŋe hin konmai, Anutugât den dâm konmai. <sup>14</sup>Akto himbimgât tembe loko arekŋe bau luâk

sokolupyene are yengât kakyeñân tali amâ kau kauâk hârok. Hain tatmâ sângum kau kau dondâ lalakmâ bau luâk sokoyene kau kau areyengât kakyeñân tatmâ damuneyene are watmâ ariyi. <sup>15</sup> Akto damuneyene luâk aregât kotne Anutugât den are bau luâk soko kakñân tato tâwât metne launjan talep. Akto tâwât arekne amâ luâk âmbâle kâmot hârok yenguwia. Akto luâk arekne luâk âmbâle hârok huwan kârikne akmâ damuneyene akbiap. Akto Anutu humo dondâ arekne kuk akyengiwan dâm wainj tâli tâligât kondo hinare ketuguep. <sup>16</sup> Akto yâkgât sângumân akto keiñân kot amâ hin tatâp, “Kembu hârok yâk yengât Kembu. Akto kotdâ hârogâk yengât Luâk Kotdâ.”

### Yesune gasalupne yengum metembo egep.

<sup>17</sup> Akto anjelo siâ dewutâ dewunjan kindo egân. Arekne lâut hârokne pâp pâp katmâ dâpjan arimai are hin yengonlep, “Ye hârok togo mendugunet. Anutune sop humo kalep aregât okot âlep sot humo omberâp aregât gejet. <sup>18</sup> Gem luâk kembu hârok hânân manmai areyengât sunumeyene nejet. Akto kembu yengât tembe lokolupyene are yengât sunumeyene akto luâk kârikne areyengât akto bau luâk soko areyengât sunumeyene akto luâk âmbâle hârok âgâ âgane gegene kotdâ me hoj bawa are hârok yengât sunumeyene nejet.” dâm makyengiep. <sup>19</sup> Akto songo metne akto hângât luâk kembu akto bugâ luâklupyene olop yâk emelâk menduguyi. Arekne amâ luâk bau luâk sokoân talep kotne Anutugât den are akto yâk yengât bugâ luâk olop aguerâm agi. <sup>20</sup> Dâ amâ songo metne akto Propete hianji are kala busiân katyelegep. Propete arekne ulikjan kulem keine hârok dondâ songo metne yâkgât kârikjan miep. Hain akmâ luâk âmbâle bikne songo metnaet kot kulem mem mali akto otnepe pâwut ligianji are han gulip akyengiep. Aregât luâk kembu akto bugâ luâk olop arekne songo metne akto Propete hianji lâuwâ are golâk meyekmâ pan yelekbiâ lâm humo ain kâlâp humo om pan pan dâm yemap ain geyiat. <sup>21</sup> Akto luâk bau luâk soko kakñân talep arekne launjanba tâwât kâlep kâlep ge kilep arekne luâk bikne yengumbo moyi. Akto lâut hârokne luâk aregât hâk sunumeyene nemiâ tepyene pigep.

### Niambi kala busi emetjan katbiâ egep.

**20** <sup>1</sup> Akto ainâk anjelo siâne himbim hepunmâ gembo egân. Anjelo arekne bânjan amâ lâm timopne bo aregât hânji tâkne akto tâk kârikne meyelegep. <sup>2</sup> Akto yâkne niambi pugaiya hinare hângeine gâtne are kotne Hâk tun Amone are mem tâk kâriknande hikom bigeim hombanj 1,000 tâk are olop yeâkgât magep. <sup>3</sup> Makmâ amâ lâm timopne bo ain hâkokombo giep. Gembo luâk âmbâle heyengiwopegât lâm dâpne hombanj 1,000 gât mem tigimbo sop are bo akto amâ âlepne lâmânba gam sop tâlâwâk heyengim manbiap.

<sup>4</sup> Akto kembu tat tat bikņân tatbiâ yegân. Akto Anutuņe âi makmâ hâreyengimbo memai luâk arekņe tat tat ain âgâ tatbiâ yegân. Akto aregât hamiņân luâk âmbâle otneyeņe dondâ momoņânba agatbiâ yegân. Yâkņe ulikņân hânân maliân Anutugât den paņjâk mem mali. Akto Yesugât kot patņe makmâ miawakmâ âmâ bo heambugi. Akto soņgo metņe akto ikinje otneņe yetgât kotyetņe bo mem agali. Akto enemyeņân me bâtyeņân soņgo metņe aregât tirip bo talep. Aregât gasalupyenande hanyeņe hârem panbiâ moyi. Akto areyeņgât otneyeņe momoņânba agatmâ Kristo olop luâk kembu tatmâ âgâmbiâ hombaņ dopņe 1,000 akbiap. <sup>5</sup> Hain akto âmâ luâk âmbâle ulik gulik sumânba agatbai. <sup>6</sup> Luâk âmbâle sop ire ulik gulik agatbai yâkņe âmâ okot âlep akmâ hâlik hâlik tatbai. Akto momo dâp lâuwâņe arekņe luâk âmbâle ire lâuwâņe damunyeņe bo akbiap. Bo. Yâk âmâ Anutugât akto Kristogât Sumbe kat kat luâk akbai. Akto Kristo olop hombaņ 1,000 luâk kembu tatbai.

#### Niambiņe lâuwâņe agatmâ luâk mem bâliyekbiap.

<sup>7</sup> Akto hombaņ 1,000 bo akto âmâ bâin siâņe lâm timopņe bo aregât gisapņe mem kato âmâ Hâk Tun Amboņe gam manbiap. <sup>8</sup> Gam manmâ luâk âmbâle hânņe ginņe ginņe manmai are heyeņgiwiapgât arim manbiap. Hain akmâ hân kotņe Gogo akto hân siâ kotņe Magago areyetgât ambolupyeneņe âmâ Anutugât gasaņe akmâ manmai are mem miawak yekmâ kukgât bugâgât huņgun yeņgiwiap. Akto Anutugât gasa areyeņgât oyaņeņe amâ haru ginņân nupi ekmaen dop hainare. <sup>9</sup> Akto arekņe Anutugât kâmot bo akņetgât hân hârok manmâ togowai. Togom togom bâin Anutugât luâk âmbâle akto kepia Anutuņe egâlianmap are ândeaņbai. Hain ândeaņbiâ Anutuņe makto kâlâp bâleņe himbimânba gem gasa are om mete yekbiap. <sup>10</sup> Om mete yekto Hiangi Amboņe han gulip akyeņgim malep aregât kâlâp bâtgumņe om yemap ain panmâ hâkokombiâ giep. Amâ soņgo metņe akto propete hiangimņe ain manmandat ain hâkokoyekbiâ gem olop manmâ âgâwai. Manmâ hândâk hilâm hâk hilâlâm nâņgâm manmâ âgâwai.

#### Luâk âmbâle momoņe hârok momoņânba agatmâ kinbiâ yegep.

<sup>11</sup> Akto nâ Yohane kembu tat tat kau kau humo siâ miawakto egân. Akto tat tat ain siâņe âgâ talep yâkņe ain tato hân himbim yâkgât hamep akmâ potalakmâ lâuwâ lâuwâ agiat. Hain akmâ gewâkyetņe lâuwâņe bo miawakbiap. <sup>12</sup> Ain luâk âmbâle moyi are hârok âgâ âgâņe me gegeņe hârok momoņânba agatmâ tat tat enemņân kinbiâ yegân. Akto tat talân talep arekņe kulem esenņe siâ siâ melalakoyegep. Akto manman kârikņet kulem esenņe arekai melalakoep. Akto luâk âmbâle momoņe hârok hânân mali sop ain wan me wan meyi aregât kulem esenņe ain kulemgombo talep. Aregât tat tat kau kau ain talepņe kulem esenņe are



oyanjmâ luâk âmbâle hârok den âiân katyegep. <sup>13</sup> Akto are miawagâkgât haruņe purik katmâ luâk momoņe tali ain hârok miapņân panyekto miawagi. Akto momogât dâp akto hememgât dâp hainâk purik katmâ luâk âmbâle momoņe tali are hârok mem miapņân panyekto miawagi. Hain akto miawakmâ Humo enemņân kinbiâ tat tatņân talep arekņe den âiân katyekmâ agak memeyeņe agi aregât hâuņe yengiep. <sup>14</sup> Hain akmâ momo akto hememgât dâp pan yelegep. Pan yelektu iņgon kâlâp bâtgum ain geyiat. Akto kâlâp ire âmâ momogât dâp lâuwâņe. <sup>15</sup> Dâ Humoņe luâk âmbâle bikņe kotyeņe manmangât kulemņân ain bo tatbiap âmâ benņe pan yekto hemem kâlâp om yemap ain gewai.

### Hân himbim irakņe miawakbiandat.

**21** <sup>1</sup> Akto aregât hamiņân hân himbim ulikņân gâtņe bo agiat akto haru hainâk bo agep aregât hân irakņe akto himbim irakņe tatbela yelegân. <sup>2</sup> Akto kepia kâmbokņe Yerusalem irakņe Anutuņe ketugum kato himbimânba gembo egân. Amâ âmbâle luâk patņe dâtâņe hâkņe heņgemgombiâ egâlianmâ membiapgât owâim tatmap dop hainâk Anutuņe kepia are heņgemgoep. <sup>3</sup> Akto kot siâ kembu tat talânba gembo nâņgân arekņe kârikņeâk konmâ hin dâep, “Nâņgâņet. Anutu âmâ luâk âmbâle olop manmap. Amâ hutyeņân tatbiap. Akto damunyeņe akbiap. Akto luâk âmbâle Anutugât kâmot akmâ manbai. <sup>4</sup> Akto tâmbâņe bo agep aregât dewunyeņe tuņe ikinjak pulimbo kamilembo biwiyeņe sândugewiap. Momogât dâp amâ bo akbiap. Akto kambiamyeņe lâuwâņe bo umatņe akbiap. Anutuņe maņganyekto biwiyeņe sândugembo girâpgât âi lâuwâņe indem hâk hilâlâmân bo manbai.” dâep.

<sup>5</sup> Akto tat tat humoân talep arekņe hin magep, “Nâņgâņet. Nâņe kotņe siâ siâ ire ketugure irakņe aktâp.” hain dâep. Hain dâm hin makniņep, “Yohane den ire kulemgo. Den ire âmâ bunņeâk hârok âlepņe luâk hârok den ire âlepņe nâņgâwaigât dâp tatâp. <sup>6</sup> Bâin. Nâņe kotņe siâ siâ hârok ketugum meteân. Nâņeak ulikņân nâņeak hami. Nâ kotņe siâ siâ hârokgât keiņe akto nâ âi keiņe keiņe ketuguân are hârok meteân. Dâ luâk âmbâle bikņe tugât nâņgâwai âmâ âlepņe nâņe okot âlepgât manman âlepņe aregât tu yengire nembîâ han biwiyeņe âlepņe akbiap. Amâ hâu bâlâk. <sup>7</sup> Akto nâņgât kâmot kârikņe akmâ biwiyeņe damunņe akbai âmâ âlepņe kotņe siâ siâ irakņe membai. Akto nâņe yâk yengât damunyeņe akto amboyeņe akmâ nan baratlupne dâm yengonbian. <sup>8</sup> Dâ luâk âmbâle bikņe mitigât gasa hamep akmâ kotne mem heambukmai are akto biwiyeņe nâņgâlân bo katmai are akto dâp gulip manmai are akto kuk akmâ yengumbiâ momai are akto sim sait memai are akto lâpiogât kotņe mem agatmai are akto den hiaņgim makmai are hârok âmâ kâlâp humo om yemap ain gem hâk hilâlâm nâņgâm manmâ âgâwai. Ire amâ momo dâp lâuwâņe.” dâep.

### Yerusalem irakŋe.

<sup>9</sup>Akto aŋelo siãŋe nãŋgãlãn togoep. Amã aŋelo 7 kundat bãliŋande luãk ãmbãle hãmbãi hilip yeŋguwai aregãt kondo 7 are meyi are yeŋgãlãn gãtŋe konok arekŋe hin dãm makniŋep, “Gamenã Lamagãt dãtãŋe Lamaŋe memberãp are hekat giŋdere ek.” dãep. <sup>10</sup>Hain dãmbo Heak ãlepŋande kautnãn mendo aŋelo arekŋe lokonekmã borãŋe humo kãkãlep ain kat negep. Ain kat nekto kindere Yerusalem kepia himbim hepunmã giep are hekat niŋdo egãn. Kepia ire amã Anutuŋe ketugum kato ãlepŋe akmã giep. <sup>11</sup>Akto Anutugãt pagaleŋe amã kepia ain pagalemap. Pagaleŋe amã goli puliŋe humo hainare akto duŋgu pagaleŋe hainare. <sup>12</sup>Kepia aregãt pekeŋe amã kãlep ain ãmã hãŋgi 12 talep akto aŋelo 12 arekŋe hãŋgi damunŋe kinmai. Akto Israe luãk ãmbãle kãmot 12 are yeŋgãt kotyeŋe amã hãŋgi ãrãndãŋ tatmap. <sup>13</sup>Akto hãŋgi amã hin kinmai. Dewutã gaganãŋgen ãmã hãŋgi ãlãwu. Akto dewutã gemawãŋgen hãŋgi ãlãwu akto biken siã ãlãwu akto biken bãiŋe ãlãwu. <sup>14</sup>Dã kepia aregãt pekeŋe ãmã kãt 12 amukŋe are mem kãrikŋe ketuguãkgãt tatmai. Akto kãt ain Lamagãt Aposololuŋe are yeŋgãt kotyeŋe amã ain tatmap.

### Yerusalem irakŋe aregãt towatŋe egep.

<sup>15</sup>Aŋeloŋe wan me wan are makniŋdo ektere arekŋe kãli siã goli are amã kepia are dop memegãt akto hãŋgi akto pekeŋaet dop memegãt miep. <sup>16</sup>Aŋelo arekŋe ikiŋe kãli arekŋe Yerusalem irakŋe are dop koep. Dop kondo tuŋguŋe akto parãŋe akto bin binŋe ãmã dopŋe konokgãt amã 12,000. <sup>17</sup>Akto pekeŋe aregãt dopŋe amã 144 dopŋe amã luãkŋe dop siã siã memai hainare aŋelo arekŋe peke are dop miep. <sup>18</sup>Akto peke amã kãt kotŋe Yasipa golã golã dondãŋe arekŋe ketuguep. Akto kepia dãpŋe amã goliŋe ketuguep. Akto are amã duŋguŋe hin pagalem yemap. <sup>19</sup>Kepia aregãt kãt hambu ãmã Anutuŋe kãt puliŋe humo arekŋe ketuguep. Hambu ulik gulik ãlepŋe kepia aregãt amukŋe pekeŋe amã kãt kau kau. Dã lãuwãŋe amã kãt gãme gãme. Dã ãlãwuŋe amã golã golã. Dã imbãtŋe amã golã kãtok metok. <sup>20</sup>Dã momerãkŋe amã gilãm akto kau kau hutbit. Akto aregãt hamiŋãn ãmã gilãm gilãm. Akto hamiŋãn amã gilãm hãmokŋande. Akto hamiŋãn gãwu hain arekŋe, hamiŋãn bãik bãikŋe, hamiŋãn gilãm akto golã hutbit, hamiŋãn hep hinare. Dã bãiŋe amã hãmokŋe. <sup>21</sup>Akto hãŋgi 12 amã kau kau amã donet kotdã humo delem hinare pagaleŋe ãlepŋe arekŋe kulemgoep. Dã hãŋgi siã ãmã delem humo konok arekŋe kulemgoep. Akto kepia aregãt dãp amã goliãk hãrok irakŋeãk ãlep ãlepŋe duŋgu hinare. <sup>22</sup>Akto aregãt kepia ain Anutu humo kãrikŋe talaŋmap are akto Lama arekŋe sumbe kat kat emet akyeŋgimap aregãt Sumbe emet bo tatmap akto bo egãn. <sup>23</sup>Akto Anutugãt pagaleŋeandek pagalem

yemap. Akto dâpgât kemdâ amâ lama arekne pagaleŋe akmap. Aregât kepia ain amâ dewutâ hilâmgât akto hândâkgât lâuwâ are pagaleŋaet âi bo memandat. <sup>24</sup>Akto kepia are pagalembo aregât pagaleŋân luâk âmbâle hânŋe hânŋe manmai are ekbai. Akto hângât kembunje âmâ puliyenje mem ain tatbai. <sup>25</sup>Dâ hânŋi âmâ bo tigiwai. Akto hândâkne âmâ kepia are bo tigiwiap. <sup>26</sup>Akto luâk âmbâle hânŋe hânŋe manmai arekne puliyenje me kotŋe siâ siâyene are mem miawakmâ kâlegen âgâm katbai. <sup>27</sup>Dâ kotŋe siâ siâ bâleŋe me luâk âmbâle bâleŋe akmai me den hianŋi makmai are âmâ ain bo âgâwai. Ulikŋân lama arekne manman âlepŋaet kulem esenŋân luâk âmbâle bikŋe kotyene kulemgoep arekneâk amâ âlepŋe kepia are kâlegen âgâm manmâ âgâwai.

### Manmangât tu akto manmangât lâwin yetgât den.

**22** <sup>1</sup>Akto aŋelo arekne manman âlepŋaet tu humo hekat niŋdo egân. Tu amâ duŋgu pagaleŋe hinare. Amâ Anutugât tat tatŋânba akto Lamagât tat tatŋânba togom yemap. <sup>2</sup>Ainba togom kepia humo aregât tânâmŋânba togom gem yemap. Akto tu aregât ginŋânŋen bikŋe bikŋe amâ manman âlepŋaet lâwin kinmâ arimap. Arekne bunŋe yemap amâ dewutâ 12 hârogâkgât, dewutâ siâgât bunŋe siâ akto dewutâ siâgât bunŋe siâ hainare yemap. Dâ lâwin esenŋe amâ luâk âmbâle kâmotŋe kâmotŋe hânŋe hânŋe manmai are heŋgem yeŋguwiapgât yemap. <sup>3</sup>Dâ kotŋe siâ siâ Anutuŋe hâkân akmap are amâ hârok bo akbiap. Akto lâuwânŋe bo miawakbiap. Akto Anutugât tat tatŋân akto Lamagât tat tatŋân tatbiandat ain amâ hoŋ bawalupŋande hoŋ aganbai. <sup>4</sup>Akto luâk âmbâle ain kinbai amâ Humoyeŋaet enem dewunŋe ekbai. Akto aregât yâkne amâ ikiŋe kotŋe meteyenŋan kulemgowiap. <sup>5</sup>Akto kepia ain amâ hândâk lâuwânŋe bo miawakbiap. Akto Anutu Humoyeŋe yâkne ikiŋaet pagaleŋe yeŋgiwiap aregât dewutâ pagaleŋe are lâuwânŋe bo miawakbiap. Akto kemdânŋe sagombiâ bo ombiap. Akto luâk âmbâle arekne amâ bikŋe damunŋe akmâ mem tatmâ âgâwai.

### Yesu togowiapgât den.

<sup>6</sup>Akto Aŋelo arekne hin dâm makniŋep, “Den ire amâ bunŋeâk hârok. Akto imâ âlepŋe Anutu humoŋe Propetelupŋe tân yeŋgumap arekne hoŋ bawane Yohane are nânŋgât dâm huŋgun niŋdo wan me wan miawakbiap are hekat giŋdere ektât.” dâep.

<sup>7</sup>Akto Yesu arekne hin dâep, “Nânŋgât. Nâmâ dowâk togowian. Akto ye kulem ire oyaŋmâ nânŋgâm lokom manbai amâ âlepŋe Anutuŋe tân yeŋgumbo heronŋe akmâ manbai.” dâep.

<sup>8</sup>Akto nâmâ Yohane. Nâmâ den ire nânŋgâm amâ kotŋe siâ siâ ire ekmâ meteân. Ekmâ nânŋgâm metere aŋeloŋe wan me wan hekat niŋep aregât kotŋe mem agatberâm pâwutne ligim keiŋân kânŋoân. <sup>9</sup>Hain aktere hin

dâm makniņep, “Woe, hepun. Nâmâ gâ hinare. Net Anutu hoņ bawa agaņmaet. Gâ akto galalupge âi yeņe amâ Propete akto kulem esenņe iregât den lokomai nen hârok amâ dop konok akmâ Anutu hoņ bawa agaņmaen. Aregât Anutu ikinęeâk mepai mem ulilanj.”

<sup>10</sup>Akto sop humo tâlâguâp aregât gâ Anutugât den ire âmâ kulemân iren tato bo heambukbiat akto bo gangerâwiat. <sup>11</sup>Aregât bâleņe meme siâ bâleņe memberâm âmâ âlepņe meâk. Dâ heleņ heņgân olop manberâm âmâ âlepņe malâk. Dâ agak meme âlepņe mendo Anutuņe ekto ârândâņ akmapņe âlepņe agak meme âlepņeâk meâk. Dâ han kau manmapņe âlepņe hainâgâk membiâp.

<sup>12</sup>Akto hain dâm makniņdo Yesuņe hin dâm makniņep, “Nâmâ dowâk togowian. Nâņe wan me wan luâk âmbâle hânân meyi aregât hâuņe yeņgiwian. <sup>13</sup>Nâ nunagâk ulikņân akto nâ nunagâk hami. Akto nâ ulikņânbak manmâ gan. Akto manmâ âgâwian. Nâmâ siâ siâgât keiņe akto kautņe. Akto wan me wan ketugu yegân are hârok mem metewian. <sup>14</sup>Akto luâk âmbâle sâņgumyeņe pulim manmâ âgâmbiâ âmâ âlepņe meme akyeņgire kepia humogât hâņgiân âlepņe âgâm manman âlepņeâk lâwin koaņe nem ârândâņ manmâ heroņe akmâ âgâwai. <sup>15</sup>Dâ kepia hâkņâņgen manbai âmâ luâk âmbâle dua hainare akbai, yâkņe sait me wan me wan membai akto dâp gulip akmâ manmai, akto lâpio yeņgât nâņgâmbiâ âgâ âgâņe akmap akto agak meme bâleņe aregât egâlianņmâ watmai are hârok âmâ Anutugât kepia are hâkņâņgen tatmâ manbai. <sup>16</sup>Nâ Yesu, nâņe Aņelone huņgun aņdere togom den ire hekat yeņgiâp. Amâ nâņgât kâmot are yeņgiwengât. Nâmâ Dawidigât hakuņe. Akto nâ diâ kâmņe gamap hainare.” dâep.

<sup>17</sup>Yesuņe hain dâm makniņdo Anutugât Heakņe akto Lamagât dâtâņe arekņe hokboâk hokboâk hin dâmandat, “Yesu dowâk miawakmâ geâk.” Aregât luâk âmbâle bikņe den ire nâņgâwai âmâ hainâk makbai, “Yesu miawakmâ geâk.” Akto siânbaņe tugât nâņgâm âmâ âlepņe arim âmâ manman âlepņeâk tu egâlianņmap aregât âlepņe hâu bâlâk yân mem nem manmâ âgâwai.

### Yohanene minao den magep.

<sup>18</sup>Akto nâņe hin dâwe, Luâk siâņe den iregât dewatim den siâ makbiap âmâ wâuk, Anutuņe siâ siâ bâleņe akto kundat Anutuņe magep kulem esenņe iren yu kulemgoân are amâ Anutuņe luâk me âmbâle aregâlân mendugum waņdo mem bâliwiâp. <sup>19</sup>Dâ luâk siâ kulem esenņe ire potatmâ hârewiap amâ bâin Anutuņe makto manman âlepņeâk lâwinânba sot bikņe bo mem nemiap. Akto yâk âmâ kepia âlepņân ire bo tatbiap. Kulem esenņe irekņe aregât maktâp. <sup>20</sup>Akto den ire ekmâ, Amâ bunņe dâmap yâkņe hin dâmap, “Nâ makyeņgire nâņgâņet. Nâ dowâk togowian.” dâmap. A bundâk. Aregât âlepņe Yesu Humo gâ togo. <sup>21</sup>Akto Yesu Humo aregât kambiam âlep arekņe nen okot âlep nâņgâ nengim damunnenņe agâk. Bâin.